




sc. 19. Pl. 6.



1602 1662







CONTINUATIO
TRACTATUUM
THEOLOGICORUM
D. CAROLI WITASSE
*Doct̃oris Sacræ Facultatis Parisiensis, Socii Sor-
bonici, Regiique Theologiæ Professoris.*
TOMUS SEPTIMUS.
DE SACRAMENTO
CONFIRMATIONIS.



VENETIIS, MDCCXXXVIII.

APUD JOANNEM BAPTISTAM RECURTI.

SUPERIORUM PERMISSU, ac PRIVILEGIO.

The first part of the document discusses the importance of maintaining accurate records of all transactions. It emphasizes that every entry, no matter how small, should be carefully documented to ensure the integrity of the financial data. This includes recording dates, amounts, and the nature of the transactions.

The second part of the document outlines the procedures for reconciling the accounts. It states that a thorough reconciliation should be performed at the end of each month to identify any discrepancies between the recorded transactions and the actual bank statements. Any differences should be investigated and corrected promptly.

The third part of the document provides a detailed breakdown of the expenses incurred during the period. It lists various categories such as salaries, rent, utilities, and supplies, and provides a clear summary of the total costs for each category.

The final part of the document concludes with a statement of the overall financial performance. It notes that the organization has maintained a strong financial position throughout the period, with all expenses being properly accounted for and the accounts being in balance.

Prepared by: [Signature]
 Date: 12/20/2020

I N D E X.

PARS I. D <i>E diversis nominibus hujus sacramenti.</i>	pag. 1
<i>De natura sacramenti Confirmationis.</i>	3
QUÆST. I. <i>Utrum ritus Confirmationis sit novæ legis sacramentum.</i>	ibid.
ART. I. <i>De hæreticis, qui negaverunt ritum Confirmationis esse novæ legis sacramentum.</i>	ibid.
SECT. I. <i>De Novatianis.</i>	ibid.
SECT. II. <i>De Albigenſibus & Waldenſibus.</i>	5
SECT. III. <i>De Wicleſſo.</i>	8
SECT. IV. <i>De Huſſuis.</i>	9
SECT. V. <i>De Luſſeranis.</i>	ibid.
SECT. VI. <i>De Calviniſtis.</i>	10
SECT. VII. <i>De Antonio de Dominis & Dalleo Calviniſtis.</i>	12
ART. II. <i>Quid doceat fides catholica.</i>	ibid.
SECT. I. <i>Utrum probari poſſit ex ſcripturis Confirmationem eſſe ſacramentum novæ legis.</i>	13
<i>Solvuntur leviores quædam Calvini objectiones.</i>	19
<i>Solvuntur objectiones Dallei.</i>	20
SECT. II. <i>Utrum poſſit ex traditione probari Confirmationem eſſe ſacramentum novæ legis.</i>	26
CAP. I. <i>Patres primi & ſecundi ſæculi.</i>	28
§. 1. <i>Clemens Romanus.</i>	29
§. 2. <i>Juſtinus Martyr.</i>	31
§. 3. <i>Aſſenagoras.</i>	35
§. 4. <i>Theophilus.</i>	ibid.
§. 5. <i>Tatianus.</i>	36
§. 6. <i>Irenæus.</i>	37
§. 7. <i>Tertullianus.</i>	42
§. 8. <i>Clemens Alexandrinus.</i>	58
CAP. II. <i>Auctores ſæculi tertii.</i>	59
§. 1. <i>Origenes.</i>	ibid.
§. 2. <i>Cornelius papa.</i>	61
§. 3. <i>Cyprianus aliique epiſcopi cum ipſo Carthagine congregati.</i>	64
<i>Plures alii textus ex Cypriano, Firmiliano & Africanis epiſcopis excerpti.</i>	72
<i>Solvuntur objectiones Aurelii, & theologorum Parisienſium circa diſſidium Siephani pape cum Cypriano.</i>	80
§. 4. <i>Firmilianus.</i>	85
§. 5. <i>Auctor anonymus, qui ſcripſit adverſus Cyprianum.</i>	ibid.
§. 6. <i>Concilium Eliberitanum.</i>	91
Canon 38.	ibid.
Canon 39.	92

1. The first part of the paper is devoted to a general discussion of the problem of the existence of solutions of the system of equations (1) for arbitrary values of the parameters α and β . It is shown that the system has solutions for arbitrary values of the parameters α and β if and only if the condition $\alpha + \beta = 1$ is satisfied.

2. In the second part of the paper the problem of the existence of solutions of the system of equations (1) for arbitrary values of the parameters α and β is solved. It is shown that the system has solutions for arbitrary values of the parameters α and β if and only if the condition $\alpha + \beta = 1$ is satisfied.

3. In the third part of the paper the problem of the existence of solutions of the system of equations (1) for arbitrary values of the parameters α and β is solved. It is shown that the system has solutions for arbitrary values of the parameters α and β if and only if the condition $\alpha + \beta = 1$ is satisfied.

4. In the fourth part of the paper the problem of the existence of solutions of the system of equations (1) for arbitrary values of the parameters α and β is solved. It is shown that the system has solutions for arbitrary values of the parameters α and β if and only if the condition $\alpha + \beta = 1$ is satisfied.

5. In the fifth part of the paper the problem of the existence of solutions of the system of equations (1) for arbitrary values of the parameters α and β is solved. It is shown that the system has solutions for arbitrary values of the parameters α and β if and only if the condition $\alpha + \beta = 1$ is satisfied.

6. In the sixth part of the paper the problem of the existence of solutions of the system of equations (1) for arbitrary values of the parameters α and β is solved. It is shown that the system has solutions for arbitrary values of the parameters α and β if and only if the condition $\alpha + \beta = 1$ is satisfied.

7. In the seventh part of the paper the problem of the existence of solutions of the system of equations (1) for arbitrary values of the parameters α and β is solved. It is shown that the system has solutions for arbitrary values of the parameters α and β if and only if the condition $\alpha + \beta = 1$ is satisfied.

I N D E X.

PARS I. D E diversis nominibus hujus sacramenti.	pag. 1
De natura sacramenti Confirmationis.	3
QUÆST. I. Utrum ritus Confirmationis sit novæ legis sacramentum.	! ibid.
ART. I. De hæreticis, qui negaverunt ritum Confirmationis esse novæ legis sacramentum.	ibid.
SECT. I. De Novatianis.	ibid.
SECT. II. De Albigenſibus & Waldenſibus.	5
SECT. III. De Wicleſſo.	8
SECT. IV. De Huſſiis.	9
SECT. V. De Lutheranis.	ibid.
SECT. VI. De Calvinistis.	10
SECT. VII. De Antonio de Dominis & Dalles Calvinistis.	12
ART. II. Quid doceat fides catholica.	ibid.
SECT. I. Utrum probari poſſit ex ſcripturis Confirmationem eſſe ſacramentum novæ legis.	13
Solvuntur leviores quædam Calvini objectiones.	19
Solvuntur objectiones Dalles.	20
SECT. II. Utrum poſſit ex traditione probari Confirmationem eſſe ſacramentum novæ legis.	26
CAP. I. Patres primi & ſecundi ſeculi.	28
§. 1. Clemens Romanus.	29
§. 2. Juſtinus Martyr.	31
§. 3. Athenagoras.	35
§. 4. Theophilus.	ibid.
§. 5. Tatianus.	36
§. 6. Irenæus.	37
§. 7. Tertullianus.	42
§. 8. Clemens Alexandrinus.	58
CAP. II. Auſtores ſeculi tertii.	59
§. 1. Origenes.	ibid.
§. 2. Cornelius papa.	61
§. 3. Cyprianus aliique epiſcopi cum ipſo Carthagine congregati.	64
Plures alii textus ex Cypriano, Firmiliano & Africanis epiſcopis excerpti.	72
Solvuntur objectiones Aurelii, & theologorum Pariſienſium circa diſſidium Stephani pape cum Cypriano.	80
§. 4. Firmilianus.	85
§. 5. Auſtor anonymus, qui ſcripſit adverſus Cyprianum.	ibid.
§. 6. Concilium Eliberitanum.	91
Canon 38.	ibid.
Canon 39.	92

Refertur explicatio duorum canonum a Ferdinando Mendoza, & a Gabriele Al-	
baspinogastia.	ibid.
Canon 77. ejusdem concilii.	96
Referuntur Dallæi responsa, eaque refelluntur.	98
Solvuntur objectiones Dallæi.	101
CAP. III. Auctores seculi quarti.	104
§. 1. Concilium Arelatense primum.	ibid.
§. 2. Concilium Laodicænum.	108
§. 3. Concilium Nicænum primum.	110
§. 4. Optatus Milevitanus.	113
§. 5. Concilium II. Oecumenicum, id est, Constantinopolitanum primum.	120
§. 6. Pacianus Barcinonensis episcopus.	123
Solvuntur objectiones Dallæi.	125
§. 7. Cyrillus Hierosolymitanus.	129
Expenduntur Kemniti & Dallæi responsiones.	130
Solvuntur objectiones Dallæi.	132
§. 8. Basilius magnus, Gregorius Nazianzenus, & Prudentius.	135
§. 9. Siricius.	ibid.
§. 10. Ambrosius.	136
§. 11. Chrysostomus.	138
CAP. IV. Auctores seculi quinti.	139
§. 1. Hieronymus.	ibid.
§. 2. Innocentius I.	148
§. 3. Augustinus.	155
§. 4. Paulinus Nolanus.	170
§. 5. Cyrillus Alexandrinus.	ibid.
§. 6. Concilium III. Arelatense.	171
§. 7. Leo magnus.	ibid.
§. 8. Theodoretus.	ibid.
§. 9. Gennadius Constantinopolitanus.	172
§. 10. Remigius Rhemensis.	ibid.
§. 11. Avitus Viennensis.	173
CAP. V. Auctores seculi sexti.	ibid.
§. 1. Primasius.	ibid.
§. 2. Gregorius Turonensis.	174
§. 3. Gregorius magnus.	ibid.
§. 4. Eulogius Alexandrinus.	175
§. 5. Job Monachus.	176
CAP. VI. Auctores seculi septimi.	ibid.
§. 1. Concilium Hispalense II.	ibid.
§. 2. Concilium Toletanum IV.	ibid.
§. 3. Isidorus Hispalensis.	177
§. 4. Maximus Martyr.	180
§. 5. Concilium Toletanum XI.	181

I N D E X.

CAP.VII. Auctores seculi octavi.	v
§.1. Beda.	ibid.
§.2. Gregorius II. pontifex.	ibid.
§.3. Gregorius III.	185
§.4. Concilium Germanicum I.	ibid.
§.5. Zacharias pontifex.	ibid.
§.6. Stephanus III. & concilium Romanum.	186
§.7. Ordo Romanus.	ibid.
§.8. Alcuinus.	187
§.9. Theodulpbus Aurelianensis.	188
§.10. Magnus Senonensis.	189
CAP.VIII. Auctores seculi noni.	ibid.
§.1. Capitula ecclesiastica Caroli magni.	ibid.
§.2. Concilium Cabilonense II.	190
§.3. Aponius.	ibid.
§.4. Lucas abbas Montis sancti Cornelii.	ibid.
§.5. Jesse Ambianensis.	ibid.
§.6. Paschasius Ratbertus abbas Corbeiensis.	191
§.7. Rabanus Maurus archiepiscopus Moguntinus.	ibid.
§.8. Jonas Aurelianensis.	195
§.9. Concilium Parisiense VI.	ibid.
§.10. Amalarius Fortunatus.	196
§.11. Walafrius Strabo.	200
§.12. Liber de divinis officiis.	ibid.
§.13. Hincmarus Rbemensis.	ibid.
§.14. Herardus Turonensis.	201
§.15. Isaac Lingonensis.	ibid.
§.16. Photius Constantinopolitanus.	202
§.17. Concilium Vormatiense.	ibid.
§.18. Joannes VIII.	ibid.
§.19. Refutantur Dallai responstones, qui proponit quatuor discrimina quibus unionem nono seculo usitatam ab odierna distinguit.	203
CAP.IX. Auctores seculi decimi.	209
Oecumenius scriptor græcus.	ibid.
CAP.X. Auctores seculi undecimi.	210
§.1. Petrus Damianus.	ibid.
§.2. Lanfrancus Cantuariensis.	211
§.3. Concilium Rotbomagens.	ibid.
§.4. Theopbilactus.	212
§.5. Ivo Carnutenfis.	ibid.
§.6. Goffridus Vindocinensis.	213
§.7. Simeon Thessalonicensis.	215
CAP.XI. Auctores seculi duodecimi.	216
§.1. Malchus & Bernardus.	ibid.
Witasse de Confirmatione.	§.2.

§.2. <i>Rupertus.</i>	ibid.
§.3. <i>Stephanus Eduensis.</i>	217
§.4. <i>Algerus.</i>	218
§.5. <i>Honorius Augustodunensis.</i>	ibid.
§.6. <i>Hugo Victorinus.</i>	220
§.7. <i>Petrus Lombardus.</i>	221
§.8. <i>Expenduntur generales Calvini, Melancthonis &c. responsiones.</i>	ibid.
§.9. <i>Expenduntur generales Kemnitii solutiones.</i>	223
§.10. <i>Solvuntur generales Dallai objectiones.</i>	227
QUÆST. II. <i>De materia sacramenti Confirmationis.</i>	238
ART. I. <i>De erroribus circa materiam.</i>	ibid.
SECT. I. <i>Quid senserint Lutherani.</i>	ibid.
SECT. II. <i>Calvinistæ.</i>	239
SECT. III. <i>Antonius de Dominis & Dallæus.</i>	240
SECT. IV. <i>Armeni.</i>	ibid.
ART. II. <i>Quid doceat fides catholica.</i>	241
<i>Utrum sit de fide, chrisma esse materiam Confirmationis.</i>	244
ART. III. <i>De controversiis orthodoxorum circa materiam Confirmationis.</i>	246
SECT. I. <i>Explicatur prima opinio.</i>	ibid.
SECT. II. <i>Explicatur secunda opinio.</i>	ibid.
SECT. III. <i>Explicatur tertia opinio.</i>	253
SECT. IV. <i>Sententia B. Thomæ.</i>	255
SECT. V. <i>De manuum impositione.</i>	256
§.1. <i>Utrum manuum impositio ab apostolis ad nos usque in ecclesia, præsertim in occidentali, inter confirmandum adhibita fuerit.</i>	ibid.
§.2. <i>Utrum apostoli Spiritum sanctum per manuum impositionem neophytis conferendo, non modo rem sacramenti, sed & ipsam Confirmationis sacramentum contulerint.</i>	258
§.3. <i>Utrum manuum impositio, cujus veteres & recentiores mentionem faciunt essentialis sit Confirmationi.</i>	260
§.4. <i>Solvuntur objectiones adversus tres paragraphos præcedentes.</i>	263
§.5. <i>Utrum antiqui præter manuum impositionem a chrismatione diversam aliam agnoverint quæ in ipsa chrismatione includatur.</i>	268
§.6. <i>Utrum manuum impositio, quæ chrismationem præcedit, desierit essentialis esse seculis sexto, septimo, & octavo ac retro sequentibus.</i>	269
§.7. <i>Utrum hodie in occidente, utraq; manuum impositio in Confirmatione adhibeatur, & utraq; essentialis sit.</i>	273
§.8. <i>Utrum græci veteres in hoc sacramento manuum impositionem admiserint, & recentiores admittant.</i>	276
§.9. <i>Solvuntur leviores quædam difficultates.</i>	281
SECT. VI. <i>De unctione.</i>	284
§.1. <i>Utrum unctio ad Confirmationis essentialiam pertineat.</i>	ibid.
§.2. <i>Solvuntur objectiones.</i>	288

§. 3. <i>A quo hæc unctio instituta fuerit, & quando asperis in hoc sacramento adhiberi.</i>	291
§. 4. <i>Utrum hæc unctio primis ecclesiæ seculis fuerit in fronte.</i>	298
§. 5. <i>Qua fuerit origo unctionis verticalis, quis progressus.</i>	303
§. 6. <i>Refertur opinio Sirmundi circa duas unctiones, quarum una sit in vertice, altera in fronte: & circa unionem unctionis frontalis, & impositionis manuum.</i>	307
§. 7. <i>Expenditur relata Sirmundi opinio.</i>	309
§. 8. <i>De canone II. concilii primi Arausiaci, ubi de origine disputationis Aurelii & Sirmundi.</i>	314
§. 9. <i>De textu canonis II. Arausiaci.</i>	315
<i>Argumenta Sirmundi adversus Aurelium.</i>	ibid.
<i>Aurelii argumenta contra Sirmundum.</i>	316
<i>Aurelii responsiones Sirmundo.</i>	318
<i>Sirmundi responsiones Aurelio.</i>	320
<i>Argumenta Blondelli, Dallei, & Calvinistarum adversus Aurelium, & Sirmundum.</i>	322
§. 10. <i>De sensu canonis II. Arausiaci.</i>	326
<i>Bellarmini opinio.</i>	327
<i>Sirmundi opinio.</i>	328
<i>Aurelii opinio.</i>	331
<i>Petri de Marca opinio.</i>	332
<i>Opinio Cabassutii.</i>	334
<i>Verior canonis explicatio.</i>	ibid.
§. 11. <i>De chrismate ejusque consecratione.</i>	336
§. 12. <i>Utrum balsamum ad Confirmationis essentiam pertineat.</i>	340
§. 13. <i>De chrismatis benedictione, seu consecratione.</i>	346
§. 14. <i>Utrum hæc benedictio propria sit episcopo.</i>	347
§. 15. <i>Quo jure hæc benedictio episcopis propria presbyteris interdicta sit.</i>	350
§. 16. <i>Utrum sacerdotes, ecclesia minime repugnante, potestatem habeant consecrandi chrisma, eamque potestatem valide quibusdam in locis exercuerint, eadem ecclesia suis canonibus non contradicente.</i>	351
§. 17. <i>Utrum hæc potestas presbyteris, tanquam ministris extraordinariis, ab ecclesia committi possit.</i>	355
§. 18. <i>Utrum ad hanc potestatem sacerdotibus tanquam ministris extraordinariis, committendam, requiratur auctoritas summi pontificis, vel sufficiat cujuslibet episcopi in sua diocesi, vel synodi provincialis in metropoli.</i>	360
§. 19. <i>Utrum hæc chrismatis consecratio necessaria sit necessitate præcepti, & ad Confirmationis essentiam pertineat.</i>	362
§. 20. <i>De variis usibus chrismatis benedicti.</i>	367
QUÆST. III. <i>De forma sacramenti Confirmationis.</i>	368
ART. I. <i>De erroribus circa formam hujus sacramenti.</i>	ibid.
ART. II. <i>Quid fides catholica doceat de forma hujus sacramenti.</i>	369
ART. III. <i>De controversiis theologorum circa formam Confirmationis.</i>	371

§.2. Rupertus.	ibid.
§.3. Stephanus Eduensis.	217
§.4. Algerus.	218
§.5. Honorius Augustodunensis.	ibid.
§.6. Hugo Victorinus.	220
§.7. Petrus Lombardus.	221
§.8. Expenduntur generales Calvini, Melancthonis &c. responsiones.	ibid.
§.9. Expenduntur generales Kemnitii solutiones.	223
§.10. Solvuntur generales Dallai objectiones.	227
QUÆST. II. De materia sacramenti Confirmationis.	228
ART. I. De erroribus circa materiam.	ibid.
SECT. I. Quid senserint Lutherani.	ibid.
SECT. II. Calvinista.	239
SECT. III. Antonius de Dominis & Dallæus.	240
SECT. IV. Armeni.	ibid.
ART. II. Quid doceat fides catholica.	241
Utrum sit de fide, cbrisma esse materiam Confirmationis.	244
ART. III. De controversiis orthodoxorum circa materiam Confirmationis.	245
SECT. I. Explicatur prima opinio.	ibid.
SECT. II. Explicatur secunda opinio.	ibid.
SECT. III. Explicatur tertia opinio.	253
SECT. IV. Sententia B.T. bomæ.	255
SECT. V. De manuum impositione.	256
§.1. Utrum manuum impositio ab apostolis ad nos usque in ecclesia, præsertim in occidentali, inter confirmandum adhibita fuerit.	ibid.
§.2. Utrum apostoli Spiritum sanctum per manuum impositionem neophytis conferendo, non modo rem sacramenti, sed & ipsum Confirmationis sacramentum contulerint.	258
§.3. Utrum manuum impositio, cuius veteres & recentiores mentionem faciunt essentialis sit Confirmationi.	260
§.4. Solvuntur objectiones adversus tres paragraphos præcedentes.	263
§.5. Utrum antiqui præter manuum impositionem a cbrismatione diversam aliam agnoverint quæ in ipsa cbrismatione includatur.	268
§.6. Utrum manuum impositio, quæ cbrismationem præcedit, desierit essentialis esse seculis sexto, septimo, & octavo ac retro sequentibus.	269
§.7. Utrum hodie in occidente, utraq; manuum impositio in Confirmatione adhibeatur, & utraq; essentialis sit.	273
§.8. Utrum greci veteres in hoc sacramento manuum impositionem admiserint, & recentiores admittant.	276
§.9. Solvuntur leviores quædam difficultates.	281
SECT. VI. De unctione.	284
§.1. Utrum unctio ad Confirmationis essentiam pertineat.	ibid.
§.2. Solvuntur objectiones.	288
§.3.	ibid.

§. 3. <i>A quo hæc unctio instituta fuerit, & quando ceperit in hoc sacramento adhiberi.</i>	291
§. 4. <i>Utrum hæc unctio primis ecclesie seculis fuerit in fronte.</i>	298
§. 5. <i>Quæ fuerit origo unctionis verticalis, quis progressus.</i>	303
§. 6. <i>Refertur opinio Sirmundi circa duas unctiones, quarum una sit in vertice, altera in fronte: & circa unionem unctionis frontalis, & impositionis manuum.</i>	307
§. 7. <i>Expenditur relata Sirmundi opinio.</i>	309
§. 8. <i>De canone II. concilii primi Arausiaci, ubi de origine disceptationis Aurelii & Sirmundi.</i>	314
§. 9. <i>De textu canonis II. Arausiaci.</i>	315
<i>Argumenta Sirmundi adversus Aurelium.</i>	ibid.
<i>Aurelii argumenta contra Sirmundum.</i>	316
<i>Aurelii responsiones Sirmundo.</i>	318
<i>Sirmundi responsiones Aurelio.</i>	320
<i>Argumenta Blondelli, Dallai, & Calvinistarum adversus Aurelium, & Sirmundum.</i>	323
§. 10. <i>De sensu canonis II. Arausiaci.</i>	326
<i>Bellarmini opinio.</i>	327
<i>Sirmundi opinio.</i>	328
<i>Aurelii opinio.</i>	331
<i>Petri de Marca opinio.</i>	332
<i>Opinio Cabassutii.</i>	334
<i>Verior canonis explicatio.</i>	ibid.
§. 11. <i>De chrismate ejusque consecratione.</i>	336
§. 12. <i>Utrum balsamum ad Confirmationis essentiam pertineat.</i>	340
§. 13. <i>De chrismatis benedictione, seu consecratione.</i>	346
§. 14. <i>Utrum hæc benedictio propria sit episcopo.</i>	347
§. 15. <i>Quo jure hæc benedictio episcopis propria presbyteris interdicta sit.</i>	350
§. 16. <i>Utrum sacerdotes, ecclesia minime repugnante, potestatem habeant consecrandi chrisma, eamque potestatem valide quibusdam in locis exercuerint, eadem ecclesia suis canonibus non contradicente.</i>	351
§. 17. <i>Utrum hæc potestas presbyteris, tanquam ministris extraordinariis, ab ecclesia committi possit.</i>	355
§. 18. <i>Utrum ad hanc potestatem sacerdotibus tanquam ministris extraordinariis, committendam, requiratur auctoritas summi pontificis, vel sufficiat ejuslibet episcopi in sua diocesi, vel synodi provincialis in metropoli.</i>	360
§. 19. <i>Utrum hæc chrismatis consecratio necessaria sit necessitate præcepti, & ad Confirmationis essentiam pertineat.</i>	362
§. 20. <i>De variis usibus chrismatis benedicti.</i>	367
QUÆST. III. <i>De forma sacramenti Confirmationis.</i>	368
ART. I. <i>De erroribus circa formam hujus sacramenti.</i>	ibid.
ART. II. <i>Quid fides catholica doceat de forma hujus sacramenti.</i>	369
ART. III. <i>De controversiis theologorum circa formam Confirmationis.</i>	371

SECT. I. De controuersiis circa formam latinorum.	ibid.
§. 1. <i>Quæ & qualis apud latinos esset forma Confirmationis novem primis ecclesiæ seculis.</i>	373
§. 2. <i>De antiquitate hujusce formulæ, Signo te signo crucis &c. quomodo inuicta fuerit.</i>	377
§. 3. <i>Utrum hæc forma, Signo te &c. ad Confirmationis essentiam pertineat, vel etiam sufficiat.</i>	379
ART. II. <i>De controuersiis circa formam græcorum.</i>	384
§. 1. <i>Exponitur & expenditur prima opinio.</i>	ibid.
§. 2. <i>Exponitur & expenditur secunda opinio.</i>	387
§. 3. <i>Exponitur & expenditur tertia opinio.</i>	390
§. 4. <i>Exponitur & expenditur quarta opinio.</i>	391
§. 5. <i>Exponitur & expenditur quinta opinio.</i>	396
§. 6. <i>Quæ prefatarum opinionum probabilissima sit.</i>	397
PARS II. <i>De causis Confirmationis.</i>	
QUEST. I. <i>De institutione hujus sacramenti.</i>	399
ART. I. <i>De variis theologorum placitis circa institutionem hujus sacramenti.</i>	ibid.
ART. II. <i>Quid sentiendum sit de duabus postremis opinionibus.</i>	402
ART. III. <i>Quo tempore sacramentum illud a Christo institutum fuerit.</i>	406
QUEST. II. <i>De ministro hujus sacramenti.</i>	407
ART. I. <i>Referuntur errores hæreticorum circa ministrum Confirmationis.</i>	ibid.
ART. II. <i>Refertur opinio Photii & quorundam Græcorum schismaticorum.</i>	411
ART. III. <i>Refertur opinio Armachani, Sirmundi, & Rigaltii.</i>	412
ART. IV. <i>Quid fides catholica doceat de ministro Confirmationis.</i>	415
<i>Solvuntur objectiones Photii & Calvini.</i>	420
<i>Solvuntur objectiones Dallæi.</i>	422
ART. V. <i>De variis theologorum placitis circa ministrum Confirmationis extraordinarium.</i>	457
SECT. I. <i>Utrum sis de fide presbyterum ab apostolica sede committi posse, ut baptizatos confirmet.</i>	459
ART. II. <i>Utrum presbyter ad neophytos confirmandos committi possit.</i>	464
§. 1. <i>Momenta, quibus affirmans opinio innititur.</i>	ibid.
§. 2. <i>Momenta, quibus negativa opinio innititur.</i>	472
SECT. III. <i>Utrum Confirmationes a Græcis presbyteris factæ validæ sint.</i>	487
SECT. IV. <i>Utrum factæ a chorepiscopis Confirmationes validæ sint.</i>	492
§. 1. <i>Nomen, institutio, progressus & finis chorepiscoporum in oriente, & occidente.</i>	493
§. 2. <i>Causa institutionis, electio, ordinatio & dignitas chorepiscoporum.</i>	499
§. 3. <i>Munia chorepiscoporum.</i>	502
§. 4. <i>De variis opinionibus circa episcopatum, & ordinationes ac Confirmationes chorepiscoporum.</i>	504
§. 5. <i>Utrum chorepiscopi essent veri episcopi.</i>	505
§. 6. <i>Utrum chorepiscopi, licet veri non essent episcopi, diaconos & presbyteros valide ordinarent, proprio consentiente episcopo.</i>	516
	§. 7.

§.7. <i>Utrum chorepiscopi, licet veri non essent episcopi, valide confirmarent consentiente, vel iubente civitatis episcopo.</i>	524
SECT.V. <i>Utrum diaconi, subdiaconi alique inferiores clerici, imo & laici confirmati, possint a summo pontifice committi ad sacramentum Confirmationis administrandum.</i>	526
ART. VI. <i>De variis theologorum placitis circa ministrum Confirmationis ordinarium.</i>	527
SECT.I. <i>Utrum Confirmationes ab hereticis & in heresi factæ valeant.</i>	ibid.
§.1. <i>Quomodo heretici extra heresim baptizati in ecclesiam aliam admitterentur.</i>	528
§.2. <i>Quomodo heretici in ipsa heresi invalide baptizati in ecclesiam admitterentur.</i>	532.
§.3. <i>Quomodo heretici, valide quidem baptizati, sed nondum confirmati admitterentur.</i>	534
§.4. <i>Quomodo heretici foris valide baptizati, & confirmati in ecclesiam occidentalem admitterentur.</i>	536
§.5. <i>Quomodo heretici foris valide baptizati, & confirmati admitterentur in oriente.</i>	543
§.6. <i>De ritibus & orationibus, quibus hæc unctio, vel manus impositio in occidente & oriente fieret.</i>	550
§.7. <i>Utrum manuum impositio, seu chrismatis unctio, per quam heretici in ipsa heresi invalide quidem baptizati, imo & confirmati, in ecclesiam admitterentur, Confirmationis esset sacramentum.</i>	552
§.8. <i>Referuntur momenta quibus affirmans opinio statui potest.</i>	554
§.9. <i>Referuntur momenta quibus negans opinio statui potest.</i>	559
§.10. <i>Expenditur utraque sententia.</i>	563
SECT.II. <i>Utrum Confirmationes factæ ab episcopis schismaticis, depositis & excommunicatis excommunicatione majori: vel ab episcopis orthodoxis in aliena diœcesi, vel a diœcesanis episcopis in propria diœcesi, prohibente summo pontifice, valeant.</i>	ibid.
QUÆST.III. <i>De causa exemplari sacramenti Confirmationis.</i>	570
QUÆST.IV. <i>De suscipiente seu causa subjektivâ Confirmationis.</i>	572
ART. I. <i>De connexionione utriusque sacramenti baptismi & Confirmationis, & de ætate in suscipientibus requisita.</i>	573
ART. II. <i>De dispositionibus ad illud sacramentum requisitis.</i>	577
PARS III. <i>De effectu Confirmationis.</i>	582
QUÆST. I. <i>De primo Confirmationis effectu, seu gratia sanctificante.</i>	ibid.
ART. I. <i>De erroribus circa primum Confirmationis effectum,</i>	ibid.
ART. II. <i>De doctrina catholicorum.</i>	585
ART. III. <i>De variis theologorum placitis circa primum Confirmationis effectum.</i>	590
QUÆST. II. <i>De secundo Confirmationis effectu.</i>	593
ART. I. <i>De controversia cum hereticis.</i>	594
ART. II. <i>De controversia ad annum 1630. inter catholicos exorta circa duos</i>	prio-

<i>priores effectus Confirmationis.</i>	600
SECT. I. <i>Regularium quorundam Anglorum doctrina cum suis fundamentis proponitur.</i>	603
SECT. II. <i>Utrum prior Confirmationis effectus de quo præfati regulares per baptismalem unctionem suppleri possit.</i>	605
SECT. III. <i>Solvuntur objectiones.</i>	610
SECT. IV. <i>Utrum posterior Confirmationis effectus, de quo præfati regulares, per verticis unctionem suppleri possit.</i>	619
QUÆST. III. <i>De tertio Confirmationis effectu.</i>	625
ART. I. <i>Quid doceat fides.</i>	ibid.
ART. II. <i>De variis theologorum placitis circa characterem Confirmationis.</i>	626
PARS IV. <i>De proprietatibus Confirmationis.</i>	628
ART. I. <i>De dignitate Confirmationis.</i>	ibid.
ART. II. <i>De necessitate Confirmationis.</i>	629
SECT. I. <i>Utrum Confirmatio necessaria sit necessitate medii.</i>	ibid.
SECT. II. <i>Utrum Confirmatio necessaria sit necessitate præcepti.</i>	630
SECT. III. <i>Utrum Confirmatio præmitti debeat ad virginum velamen, & susceptionem ordinum.</i>	632
SECT. IV. <i>Utrum Confirmatio præmitti debeat eucharistia.</i>	633
ART. III. <i>De iteratione Confirmationis.</i>	ibid.
PARS V. <i>De caeremoniis Confirmationis.</i>	640
ART. I. <i>De caeremoniis chrisma respicientibus.</i>	ibid.
ART. II. <i>De caeremoniis ad unctionem pertinentibus.</i>	643
SECT. I. <i>De caeremoniis unctionem præcedentibus.</i>	644
SECT. II. <i>De caeremoniis unctionem seu Confirmationem concomitantibus.</i>	646
SECT. III. <i>De caeremoniis Confirmationem subsequenibus.</i>	647

A P P E N D I X.

De existentia Confirmationis in qua referuntur testimonia auctorum de quibus viri eruditi inter se dissident.

§. 1. <i>Clemens Romanus.</i>	649
<i>De antiquitate & auctoritate constitutionum apostolicarum, quæ Clementis tribuuntur.</i>	650
<i>Sententia Caroli Bovii episcopi Ostunensis.</i>	ibid.
<i>Sententia Francisci Turriani Jesuitæ.</i>	654
<i>Sententia Petavii.</i>	656
<i>Sententia Halloixii, Albaspinæ, Petri de Marca &c.</i>	657
<i>Veræ sententia proponitur.</i>	ibid.
<i>Quo tempore constitutiones apostolicæ interpolatæ fuerint.</i>	658
<i>Auctoritasodiernarum constitutionum.</i>	659
§. 2. <i>Dionysius Areopagita.</i>	663

De

<i>De antiquitate & auctoritate operum Dionysii Areopagite .</i>	661
<i>Quæ certa sunt proponuntur .</i>	663
<i>Referuntur opiniones diversæ circa opera Dionysii Areopagite .</i>	664
<i>Momenta partis affirmantis .</i>	ibid.
<i>Momenta partis negantis .</i>	667
<i>§.3. Liber questionum & responsionum ad orthodoxos .</i>	678
<i>§.4. Libri sex de sacramentis , qui extant inter Ambrosii opera .</i>	677
<i>Utrum libri sex de sacramentis sint Ambrosii .</i>	678
<i>Utrum stylus , ordo &c. librorum sex de sacramentis ab Ambrosiano differat .</i>	ibid.
<i>Utrum editio S.S. , quæ in sex libris de sacramentis citatur , alia fuerit ab ea , quæ usitur Ambrosius in aliis operibus .</i>	681
<i>Solvuntur objectiones & diversitate textuum petite .</i>	685
<i>Utrum in sex libris sacramentorum quædam reperiantur , quæ Ambrosii seculo seu ætati minime conveniant .</i>	687
<i>Solvuntur due objectiones & caremoniis petite .</i>	692
<i>Quid scriptores antiqui senserint de his sex libris .</i>	694
<i>§.5. Commentarii in epistolas Pauli , qui extant inter Ambrosii opera .</i>	695
<i>Quo tempore vixit auctor hujus operis .</i>	ibid.
<i>Quis fuerit auctor hujus operis .</i>	697
<i>Quo tempore opus illud laudari cæperit sub Ambrosii nomine .</i>	698
<i>Cujus auctoritatis sit illud opus .</i>	ibid.
<i>§.6. Auctor quinquaginta homiliarum , quæ extant inter opera Eusebii Emiseni .</i>	698
<i>§.7. Vita Basilii magni .</i>	701
<i>§.8. Liber de ecclesiasticis dogmatibus .</i>	ibid.
<i>§.9. Rituale Severi Patriarchæ .</i>	702
<i>§.10. Auctor operum cardinalium .</i>	703
<i>§.11. Epistola Urbani , Fabiani , Eusebii , Melchisedæ , Damasci & Joannis III .</i>	704
<i>§.12. Epistola Damasci I. Leonis I. & Joannis III .</i>	706
<i>§.13. Epistola Gregorii magni ad Felicem Siciliæ episcopum .</i>	707
<i>§.14. Liber de divinis officiis , Alcuino adscriptus .</i>	709
<i>Quis fuerit hujus operis auctor controversitur .</i>	710
<i>§.15. Commentarii in epistolas Paulinas , qui extant inter opera Anselmi Cantuariensis .</i>	711

LECTORI MONITUM

Editionis Parisiensis.

Editi jamdiu in lucem sunt, quos dictavit in Scholis Sorbonicis clarissimus doctor Carolus Witasse, Theologiæ tractatus sex, scilicet de attributis divinis, de sancta Trinitate, de Incarnatione, de sacramentis Eucharistiæ, Pœnitentiæ, & Ordinis.

Sed cum multa alia sint opera ad theologiam absolvendam necessaria, quæ non composuit laudatus professor, magnopere postulant viri boni & docti, ut reliqui theologiæ tractatus ab aliis hominibus eruditis scripti conquirantur, & illis sex multum probatis adjungantur.

Quamobrem rogantur etiam atque etiam, qui eos tractatus aut habent accurate elaboratos, aut elucubrandi facultatem a Deo acceperunt, ut publicæ consulant utilitati, & studiis faveant benevolorum theologiæ candidatorum: quod quidem cœpere jam nonnulli & animum ad scribendum diligenter appellunt, spesque affulget eorum laborem bonorum ac doctorum votis responditurum.

Interim vero prodit in lucem hoc de Confirmatione opus, ejus scriptor jam pridem vita functus summa, & pietatis, & doctrinæ laude floruit: utinam & ipse theologiam esset omnem elucubratus. Hunc certe de Confirmatione tractatum multi homines eruditi collaudarunt, inter quos ipse judicii doctor excellentis Carolus Witasse, qui eum legerat, & testimonio suo comprobabat.

TRA-



TRACTATUS

D E

CONFIRMATIONE

DE DIVERSIS NOMINIBUS.



IN confirmatione attendi possunt natura, causæ, effectus, proprietates, & ceremoniæ : de quibus singulis agemus , postquam varia ejus nomina relata fuerint,

Præcipua repetuntur , vel a materia , vel ab effectu ; quæ quidem materia , quique effectus , cum sit multiplex , hinc oriuntur diversæ appellationes.

In materia tria possunt observari , manuum impositio , chrisma , & signum crucis . Primum igitur nomen a materia petitum , est MANUS IMPOSITIO , de qua Lucas Actor. 8. *Tunc imponebam manus super illos , & accipiebant Spiritum sanctum .* Ita vocatur ab Augustino *lib. 3. de Baptismo , cap. 16.* ubi ait , “ Per manus , impositionem dari Spiritum sanctum : ” ab Isidoro , qui *caput 26. lib. 2. de Ecclesiasticis officiis* inscribit , *de manus impositione vel Confirmatione* : & ab Hugone Victorino , qui *lib. 2. de sacramentis , par. 7. cap. 2.* asserit “ quod ; manus impositio usitato nomine CONFIRMATIONIS vocatur , qua Christianus unctione chrismatis per impositionem manus in fronte signatur . ” Deinde , quia confirmatus unctione , UNGUENTI MYSTERIUM appellatur a Dionysio *lib. de Ecclesiast. hierarch. cap. 4.* SACRAMENTUM CHRISMATIS ab Augustino *lib. 2. contra litteras Petilianæ , cap. 104.* CHRISMA SANCTUM a Patribus

It'it'isse de Confirmatione.

A

Con-

2 DE VARIIS NOMINIBUS SACRAM. CONFIRM.

Concilli Laodicensi, *can.* 7. CHRISMA SUPERCOELESTE, ab iisdem Patribus, *can.* 48. CHRISMA SALUTIS a Leone Magno, *serm.* 4. de *Nativit. Domini*, *cap.* 5. CHRISMA SPIRITUALIS UNGUENTI a Theodoro in *cap.* 1. *Cantici Canticor.* denique, quia Confirmatus, cum inungitur, signatur signo crucis, nuncupatur SIGILLUM QUO ACCIPITUR SPIRITUS SANCTUS, a Cornelio Papa in *epist. ad Fabium Antiochenum*, relata apud Eusebium: SIGNACULUM DOMINICUM a Cypriano in *epist.* 63. ad *Jubaianum*: SIGNACULUM SPIRITUALE ab Ambrosio, *lib. de iis, qui mysteriis initiantur*, *cap.* 7. SIGNACULUM VITÆ ÆTERNÆ a Leone magno in *citato sermone*.

Effectus hujus sacramenti multiplex est. Primus est baptizatum efficere perfecte & plene christianum. Illud enim, inquit catechismus Tridentinus, *par.* 2. de *Confirmat.* *cap.* 19. "proprie Confirmationi tri-
" buitur, quod baptismi gratiam perficit: qui enim per Baptismum
" christiani effecti sunt, quasi infantes modo geniti, teneritatem ad-
" huc & molliem quamdam habent." Secundus est conferre plenitu-
" dinem gratiæ. "Distinguitur enim, inquit Guillelmus Altfiodo-
" rensis *lib.* 4. *tract.* 4. *cap.* 1. de *sacramento Confirmationis*, duplex ple-
" nitudo, scilicet plenitudo sufficientiæ, & hæc datur in baptismo:
" & plenitudo copię, & hæc datur in Confirmatione." Et Sanctus
Thomas in 4. *dist.* 7. *qu.* 1. *ar.* 1. *qu.* 2. *ad.* 1. "Est plenitudo gra-
" tiæ christianæ sufficiens ad salutem, & hæc datur in baptismo; &
" plenitudo gratiæ ad fortiter resistendum, & hæc datur in Confirma-
" tione." Tertius est robur ac virtutem conferre ad superandas pas-
siones, ad fidem confirmandam, & Christi nomen glorificandum. A pri-
mo effectū vocatur simpliciter PERFECTIO a Dionysio Arcopagita lo-
eo *cit.* a Patribus Eliberitanis *can.* 38. & 77. & ab Ambrosio *lib.* 7.
de *sacramentis*, *cap.* 2. "Post fontem superest ut perfectio fiat: hoc
est post baptismum superest, ut Confirmatio conferatur. Ab altero
effectū vocatur SACRAMENTUM PLENITUDINIS GRATIÆ a S. Tho-
ma 3. *par.* *qu.* 27. *ar.* 1. *ad.* 2. & 4. Denique a tertio effectū dicitur
CONFIRMATIO, quæ quidem nuncupatio, & antiquissima, & modo
trita est: eam enim usurparunt Patres concilii primi Arausiacani, an-
no 441. *can.* 1. vel 2. concilii tertii Arelatensis ad annum 455. Leo
Magnus in *epist.* 79. quam ille anno 458. scripsit ad Nicetam episco-
pum Aquilejensem; auctor 30. *familiarum*, quæ sub Eusebii Emisleni
nomine circumferuntur, quæque Eucherii Lugdunensis esse mihi viden-
tur; & Gennadius *cap.* 52. *lib.* 1. de *Ecclesiasticis dogmatibus*. Ad quæstio-
nes controversas modo veniamus.

PARS PRIMA.

De natura sacramenti Confirmationis.

Circa naturam Confirmationis controvertitur : 1. utrum illa sit sacramentum novæ legis : 2. quæ sit ejus materia : 3. quæ sit ejus forma.

QUÆSTIO PRIMA.

Utrum ritus Confirmationis sit novæ legis sacramentum.

Negant hæretici, affirmant Catholici : eorum sententias referemus ex disputatione celeberrimi viri D. de Sainte Beuve de Confirmatione, cui adjiciemus non pauca ad hujus argumenti elucidationem necessaria.

ARTICULUS PRIMUS.

De hæreticis, qui negaverunt ritum Confirmationis esse novæ legis sacramentum,

Inter hæreticos, qui negaverunt ritum Confirmationis esse novæ legis sacramentum, vulgo recensentur Novatiani, Vvaldenses, Albigenes, Vviclefus, Hussitæ, Lutherani, Calvinistæ, &c. de quibus singulis ordine agendum est.

SECTIO PRIMA.

De Novatianis.

Novatianus, a quo Novatiani, referente Cornelio Papa in epistola ad Fabium Antiochenum, baptizatus est in lecto decumbens ex morbo : ubi vero convaleuit, " neque reliqua percepit, quæ juxta ec-

A 2

" cte-

, ecclesiasticam regulam percipi debent, neque ab episcopo consignatus est. " Magistri exemplum secuti discipuli, baptizatos minime confirmabant: quo fit, ut concilia Novatianos ad Ecclesie gremium redeuntes confirmari iusserint; & Bellarminus, *cap. 1. de Confirmatione*, alique plures theologi, occasionem inde arripuerint hanc illis hæresim impingendi, quasi illud sacramentum negaverint; innixi potissimum auctoritate Theodreti, qui *lib. 3. hæreticarum fabularum, cap. de Novato*, seu potius de Novatiano, hunc eis errorem attribuit. " Novatiani, inquit, poenitentiam a suo conversu arceat penitus, & iis, qui ab ipsis tinguntur, sacrum chrisma non præbent: quocirca eos etiam, qui ex hac hæresi corpori Ecclesie conjunguntur, benedicti Patres ungi iusserunt.

Pacianus tamen Barcinonensis, qui dogmata Novatianorum acerrime impugnavit; Patres concilii primi Nicæni, qui *can. 8.* referunt dogmata, quæ Novatiani episcopi ad fidem catholicam revertentes profiteri debent; Philastrius etiam, Epiphanius, Augustinus, & Joannes Damascenus, qui in libris suis *de hæresibus*, Novatianorum dogmata referunt, nullam ipsis hæresim attribuunt circa Confirmationem. Quamobrem nonnulli existimant Novatianos non negasse Confirmationem, sed eos duntaxat non curasse illud sacramentum suscipere; quemadmodum plures e Catholicis hodie non curant illud ipsum Confirmationis sacramentum suscipere, qui tamen non negant Confirmationem esse sacramentum. Patres igitur concilii Laodiceni *can. 7.* & Constantinopolitani *I. can. 7.* alique rite instituerunt eos, qui ex Novatianorum hæresi ad Ecclesiam redirent, confirmandos esse, non quod Novatiani de Confirmatione male sentirent (quemadmodum Theodoretus credidit); sed quod non curarent Confirmationem, exemplo magistri sui, quem, licet Confirmationem neglexerit, nihilominus circa illam non errasse agnoscit *ibid.* Theodoretus, qui hunc errorem, ait, non quidem a Novatiano, sed ab ejus discipulis adinventum, & Novatiani, ni dogmatibus additum esse. " Cum Theodoretus hæc scribebat, Novatiani quidam Confirmationem forte negabant.

QUÆRES utrum Novatiani statim ab initio sui schismatis, sacramentum illud negligere cœperint.

RESPONDEO id esse verisimile, quia Patres Nicæni *can. 8.* Laodiceni, *can. 7.* Constantinopolitani *can. 7.* & Pacianus in *suis epistolis ad Sympronianum*, aperte indicant, Novatianos per duplicem manus impositionem confirmatoriam scilicet, & reconciliatoriam suscipiendos esse: de quibus suo loco.

S E C T I O II.

De Albigenſibus & Vvaldenſibus.

Calviniſtæ, ſui erroris patrocinium quærentes; affirmant Albigenſes & Vvaldenſes, qui duodecimo ſæculo exorti ſunt, rejeciſſe Confirmationis ſacramentum. De Albigenſibus id omnino certum eſt, quamvis hac de re tacuerint Guido Carmelita in *ſumma de hæreſibus*, Bernardus Lutemburgenſis in *Catalogo hæreſicorum*, Antoninus quarta parte iii. 11. Alphoſus a Caſtro libro 4. *adverſus hæreſes*, & Sande-
rus in *monarchia viſibili*: de Vvaldenſibus ambi-
gi poteſt.

Jannes Dallæus, celebriſ Calviniſta, *diſp. de ſacram. Confirm. lib. 3. cap. 17.* aſſerit ex Reynero conſtare, "Waldenſes ſacramentum Confirmationis nominatim inter cætera, in quibus putabatur a Romanis peccari, reprobaſſe, mirantes etiam, cur ſolis Episcopis confirmare liceat. Philchordophium pariter tradere, Waldenſes expoſuiſſe chriſmatis & olei unctiones, dicentes illas res taliter conſecratas nihil omnino ſingularis ſanctitatis ex illis verbis percipere; atque hæc clariuſ ex quibuſdam eorum libris, quos Paulus Perri-
nus excerptiſ, & ex parte publicavit, intelligi poſſe ac comprobari.

Id tamen non adeo certum eſt, quin in dubium revocari poſſit. Petrus enim de Valle Cernaii, monachus Cisterciensis, eum quidem errorem Albigenſibus adſcribit, *hiſtoriæ ſuæ Albigenſium, cap. 2.* non autem Waldenſibus de quibus ſic habet: "Erant præterea alii hæretici, qui Waldenſes dicebantur a quodam, Vvaldio nomine, Lugdunenſi. Hi quidem mali erant, ſed comparatione aliorum hæreticorum longe minus perverſi; in multis enim nobiſcum conveniebant, in aliquibus diſſentiebant. "Alanus etiam ſcriptor coætaneus *lib. 1.* meminit quorundam ſuæ ætatis hæreticorum, ſcilicet Albigenſium, qui dicebant "nullam eſſe virtutem ſacramenti Confirmationis, cum non legatur in libris Novi Teſtamenti eſſe inſtituta vel a Chriſto, vel ab ejus diſcipulis. "At *lib. 2.* ubi loquitur ex profeſſo de Waldenſium erroribus, non obſervat illos negaſſe Confirmationis ſacramentum. Quinimo contrarium apparet tum ex oratione excuſatoria Waldenſium ad Uladiſlaum Hungariæ regem miſſa, in qua verbis conceptis profitentur, ſe nihil illarum conſcios eſſe criminatorem, quibus culpantur etiam circa Sacramenta Eccleſiæ; cum ex fidei confeſſione Waldenſium, quam eidem Uladiſlao miſerunt. In ea enim conſtituntur Confirmationem eſſe ſacramentum. "Sacramenta, inquit, ſeptenario incluſa numero, Eccleſiæ Chriſti utilia eſſe pandimus. "Poſtea de ſingulis agentes ſacramentis, imprimis baptiſmum conſtituntur, deinde Confirmationis ſacramentum, de quo in hunc modum loquuntur. "Fide ex divinis Scripturis

Wiſſe de Confirmatione.

A 3

" ſum-

„sumpta, profiteamur temporibus Apostolorum istud observatum fuisse,“ se, “&c. Waldenses igitur negasse non videntur Confirmationem esse sacramentum.

OBJICIT 1. Dallæus, Reynerum asserere, quod Waldenses “Confirmationis sacramentum reprobant: mirantes etiam cur solis Episcopis confirmare liceat.”

RESPONDEO 1. duplicem Reyneri editionem esse, Freheri alteram, alteram Gretseri: prior ad vetustum codicem facta est, neque videtur Gretserianæ postponenda. Atqui in priori desunt hæc verba: *Sacramentum Confirmationis reprobant: & leguntur duntaxat ea quæ sequuntur: mirantur etiam, quare Episcopis solis liceat confirmare.* Ex quibus verbis postremis duntaxat eruitur Waldenses ægre pati, quod confirmandi potestas solis Episcopis reservaretur: quod certe non est rejicere, sed retinere potius Confirmationem. Nihil tamen nos cogit Gretseri editionem rejicere. Admissa igitur editione Gretseriana,

RESPONDEO 2. in ea non haberi, Waldenses *sacramentum Confirmationis reprobant*, sed *Confirmationem non curant*. Aliud enim est non curare Confirmationem, aliud illam rejicere; plures siquidem ex ipsis Catholicis non curant suscipere Confirmationem, qui tamen minime negant illam esse sacramentum.

RESPONDEO 3. retorquendo verba Reyneri adversus Calvinistas; scribit enim paulo ante: Waldenses *Sacramenta Ecclesie contemnuunt: & iterum, omnia Ecclesie Sacramenta damnant*. Igitur ex Reynero, Waldenses nec Baptismum, nec Eucharistiam esse sacramentum profitebantur: quod tamen Dallæus nobiscum agnoscit falsum esse. Quemadmodum igitur ex Reynero dicente Waldenses *omnia Ecclesie sacramenta damnare*, non sequitur illos negasse Baptismum & Eucharistiam esse vera sacramenta; ita ex Reynero dicente, Waldenses *Sacramentum Confirmationis reprobare*, non recte concluditur illos negasse Confirmationem esse verum sacramentum.

QUID igitur sibi vult Reynerus, cum ait, Waldenses *omnia Ecclesie Sacramenta damnant*: item, *Sacramentum Confirmationis reprobant*?

RESPONDEO genuinum Reyneri sensum ex ipso Reynero repetendum esse. Nempe refert ille, Waldenses in singulis Ecclesiæ sacramentis damnasse nonnulla ex his, quæ Ecclesia in administratione Sacramentorum adhibet: videlicet in Baptismo rejecisse catechismum, improbasse usum susceptorum, & docuisse ablutionem, quæ datur infantibus, nihil prodesse. Aiebant etiam Eucharistiam non posse confici a ministris, qui rei essent peccati mortalis: & ut ad illud, de quo nunc agitur, sacramentum veniamus, in Confirmatione reprobabant chrismatis usum, ejusque consecrationem: ægreque ferebant sacramentum illud a solis Episcopis conferri. Quemadmodum igitur, dum Reynerus ait, Waldenses *omnia Ecclesie Sacramenta damnant*, sensus non est, eos nullum admisisse sacramentum, siquidem ex omnium consensu sacramenta Baptismi

tismi & Eucharistiæ agnoscebant; sed sensus est, eos damnasse aliqua ex his, quæ in singulis sacramentis Ecclesia usurpat; ita cum ait, Waldenses *sacramentum Confirmationis reprobant*, sensus non est, eos nullum Confirmationis Sacramentum admisisse, illud enim in suis fidei confessionibus agnoscunt; sed sensus est, eos reprobasse in Sacramento Confirmationis aliqua ex iis, quæ Ecclesia Romana in eodem sacramento amplectitur.

OBJICIT 2. Dallæus Philchdorpium.

RESPONDEO ab hoc auctore id unum asseri, scilicet quod Vvaldenses chrismatis, aliarumque id genus rerum consecrationem improbarent, "Explorent etiam, inquit, consecrationes Episcoporum, Sacerdotum, Ecclesiarum, altarium, cæmeteriorum, aquæ baptismalis, chrismatis & olei Unctionis, palmarum, frondium, & herbarum: dicentes illas res taliter consecratas, nihil omnino singularis sanctitatis ex illis verbis percipere, licet verba in se sancta sint & bona." Ex iis igitur verbis nihil concluditur, aut ex his pariter sequitur Vvaldenses negasse Baptismum esse sacramentum; cum verbis illis pariter asseratur, Vvaldenses explosisse *aquæ baptismalis & chrismatis consecrationes*.

OBJICIT 3. Dallæus antiquos Vvaldensium libros, quos Paulus Perrinus partim edidit.

RESPONDEO me libros hujusmodi non legisse, illos tamen dubitè esse fidei, si quid referant fidei professionibus contrarium, in quibus Vvaldenses confitentur Confirmationem esse sacramentum.

OBJICI posset 4. loco Æneas Sylvius, apud quem *cap. 35. historie Bohem.* hæc propositio inter errores Vvaldensium refertur "Confirmationem, quam chrismate Pontifices inducunt, & Extremam-Unionem inter Ecclesiæ Sacramenta minime contineri."

RESPONDEO solutionem repetendam esse ex ipsis verbis: Vvaldenses enim Confirmationem esse sacramentum non negabant absolute & simpliciter, sed negabant duntaxat, illam relative ad chrisma & ratione chrismatis unum esse ex sacramentis Ecclesiæ. Æneas enim in ea forte opinione erat, sicut oleum Extremæ-Unionis, ita & chrisma Confirmationis esse materiam: quo fit ut rejecta a Waldensibus chrismatione, existimaverit ab ipsis rejici Confirmationem: quemadmodum, ex eo quod Vvaldenses oleum rejicerent, existimavit ab ipsis Extremam-Unionem rejici.

OBJICI 5. posset confessio fidei nonnullorum Vvaldensium relata apud Innocentium III. *lib. 13. edit. Baluz. pag. 459. tom. 2.* quæ est Archiepiscopi & suffraganeorum Ecclesiæ Tarraconensis: in illa enim fidei confessione Vvaldenses de Confirmatione hæc habent: "Confirmationem ab Episcopo factam, id est, impositionem manuum, sanctam & venerandam, de accipiendam esse censemus." Quid enim causæ fuit, cur Archiepiscopus & comprovinciales Episcopi a Vvaldensibus requisierint, ut

illi confiterentur Confirmationem, seu impositionem manuum esse *sanctam & venerande accipiendam*, nisi quia cum Albigenſibus exiſtimabant Confirmationem absolute & ſimpliciter inanem & nullam eſſe, utpote quæ non legeretur inſtituta vel a Chriſto, vel ab ejus diſcipulis.

PLURA reſponderi poſſunt, ſed quæ vix ſatisfaciunt. Forte priores Vvaldenſes illum amplexi ſunt errorem Albigenſium, quem poſteriores, in eo ſenſui Eccleſiæ adhærentes, rejecerunt. Forte nomine Vvaldenſium cognominabantur omnes iſti decimi tertii ſeculi hæretici. Forte aliqui ex poſterioribus Vvaldenſibus, ita docuerunt. Forte comprovinciales Epifcopi Tarraconenſes, cum viderint chriſmatis uſum & benedictionem a Vvaldenſibus rejci, inde ſibi perſuaſerunt ab illis quoque absolute improbari Confirmationem. Forte Vvaldenſes cum Albigenſibus ſocietatem inierant, eaque nimia ſocietas catholicis nonnullis præbuit occaſionem ſuſpicandi, Vvaldenſes idem omnino ſentire quod Albigenſes. Forte hæc fidei profeſſio exigebatur a Vvaldenſibus, quia ægre patiebantur Confirmationem reſervari ſolis Epifcopis. Conſule epiſtolam ſuperius citatam, eaſque omnes mox allatas reſponſiones ad examen iterum revocabis, ut quæ vera, quæque probabilior ſit, intelligas.

S E C T I O III.

De Wicleſa.

WICLEFUM ejusque diſcipulos, qui Lollardi vulgo dicebantur, quique circa annum 1370 exorti ſunt, negaſſe Confirmationem eſſe ſacramentum, aſſerunt Calviniſtæ, apud Dallæum loco *ſupra* laudato, & ex Catholicis Eſtius *in* 4. *diſt.* 7. §. 3. nixus authoritate Thomæ Valdenſis, *doctrinalis parte* 2. *cap.* 112. & 113.

Sed contra eſt: 1. quia ſynodus Conſtantenſis, quæ *ſeſſione* 8. Wicleſi errores damnavit, nihil in eo reprehendit circa veritatem, ſed duntaxat circa miniſtrum hujus ſacramenti; hunc unum, quod ad Confirmationem attinet, articulum damnans. "Confirmatio juvenum, Clericorum ordinatio, locorum conſecratio reſervantur Papæ & Epifcopis propter cupiditatem lucri temporalis & honoris." Patres igitur Conſtantenſes non exiſtimabant Wicleſium ejusque diſcipulos errare circa veritatem hujus ſacramenti. Videſis articulum 28. 2. Guillelmus Vvilefordus, in eo opere quod adverſus errores Vvicleſi conſcripſit, id unum in eo culpât & reſellit, quod negaret "collationem ſacramenti Confirmationis Epifcopis reſervatam eſſe. Quintus, inquit, articulus condemnatus ut erroneus, eſt, quod collatio ſacramenti Confirmationis non eſt Epifcopis reſervata." 3. Univerſa Wvicleſi doctrina, quæ Conſtantiæ damnata eſt, Vvicleſi trialogo continebatur. Sed in eo libro nihil legitur, quod veritatem hujus ſacramenti condemnet. 4. Vvicleſius, referente Ænea Sylvio loco *ſuperius* citato, nihil omnino diſſe-

CIRCA SACRAM. CONFIRMAT.

9

diffidebat a Vvaldensibus circa doctrinam Confirmationis. Atqui Vvaldenfes agnoscebant Confirmationem unum ex Sacramentis novæ legis.

S E C T I O I V.

De Hussitis.

HUSSITAS seu Thaboritas, qui duce Joanne Huss, seculo XV. exorti sunt, Vviclefi doctrinam secutos esse, id est negasse Confirmationem esse sacramentum, docent Calvinistæ, apud Dallæum loco *supra* citato.

Thaboritæ, seu Hussitæ, fateor, Vviclefi doctrinam secuti sunt: quod quidem apparet tum ex *Ænea Sylvio* loco laudato, ubi ait, quod Johannes Huss assererat in libris Vviclefi omnem veritatem contineri, tum ex articulis in concilio Constantiensi *sess.* 15. damnatis, quorum 25. erat iste, "Condemnatio 45. articulorum Joannis Vviclefi per doctores, res facta, est irrationabilis, & iniqua, & malefacta." Sed Vviclefus ex dictis non negavit Confirmationem esse sacramentum. Ergo neque Hussitæ seu Thaboritæ.

Æneas quidem *Sylvius* in *epist. ad Cardinalem Carvial* scribit, Thaboritas de Confirmatione & Extrema-Untione nihil sentire. Sed quo sensu *Æneas* intelligi debeat exposuimus *supra*, *sect. 2. de Waldensibus*, pag. 5. & seq.

S E C T I O V.

De Lutheranis.

LUTHERUS negavit Confirmationem esse sacramentum: putavitque satis esse, illam pro quodam ritu ecclesiastico, seu cæremonia sacramentali habere. "Mirum est, inquit *lib. de captivitate Babylonica*, quod in mentem illis (videlicet Catholicis) venerit, ut sacramentum Confirmationis facerent ex impositione manuum, qua legimus Christum parvulos tetigisse, Apostolos dedisse Spiritum sanctum. Cur non ex sacramento panis etiam Confirmationem fecerunt; quando scriptum est *Aët. 9.* "Et cum accepisset cibum, confortatus est; & *Psal. 104.* Panis cor hominis confirmet: ut sic Confirmatio tria compleatur sacramenta, panem, ordinem & ipsam Confirmationem. Si autem Sacramentum est quicquid Apostoli fecerunt, cur non magis prædicationem fecerunt sacramentum?" Et *infra*, "Nos autem pro hac vice sacramenta divinitus instituta quærimus, inter quæ ut Confirmationem numeremus, nullam invenimus causam. Ad sacramenti enim constitutionem, ante omnia requiritur verbum divinæ promissionis, quo fides exerceatur. At nihil legimus Christum usquam de
,, Con-

Confirmatione promississe. Quare satis est pro quodam ritu ecclesiastico, seu cæremonia sacramentali Confirmationem habere, similem cæteris cæremoniis consecrandæ aquæ, aliarumque rerum.

Philippus Melancthon opinatus est Confirmationem apud veteres nihil aliud fuisse quam catechesim, seu fidei professionem, qua fideles ab infidelibus, & catholici ab hæreticis discernebantur; ritum illum olim utilem, nunc vero cæremoniam prorsus otiosam esse. "Confirmatio", inquit *in locis communibus*, olim fuit exploratio doctrinæ in qua singuli recitabant summam doctrinæ, & ostendebant se dissentire ab ethnicis & hæreticis: & erat mos ad erudiendos homines, item ad discernendos profanos & pios admodum utilis. Postea fiebat publica precatio, & Apostoli imponebant eis manus, & ita donabantur manifestis donis Spiritus sancti; sed nunc ritus Confirmationis, quem retinent Episcopi, est prorsus otiosa cæremonia. "Eadem est opinio Kemnitii *in examine Concilii Tridentini*, omniumque Lutheranorum post colloquium Ratisbonense anno 1541.

Lutherani igitur, quia negare non possunt fuisse in veteri Ecclesia ritum aliquem, qui diceretur CONFIRMATIO, sinxerunt ipsi ritum illum non fuisse verum sacramentum, sed meram cæremoniam; utiliter tamen ab Ecclesia institutam, quam & ipsi hodie retinent, & in sex capita Kemnitius *in 2. parte examinis concilii Tridentini* pag. 320. distinguit. Is enim omnium accuratissime describit ordinem Lutheranæ Confirmationis. Dicit 1. parvulos in infantia baptizatos, cum perveniunt ad annos discretionis, debere institui in doctrina catechismi, & ubi saltem principia didicerint, offerri debere Episcopo, qui coram Ecclesia puerum admoneat, quid in baptismo acceperit, quid promiserit, &c. 2. Debere parvulos publice recitare confessionem fidei, quam didicerint. 3. Debere interrogari de præcipuis doctrinæ christianæ capitibus. 4. Debere moneri, ut hac fidei professione ostendant se dissentire ab omnibus ethnicis, hæreticis, fanaticis, & profanis opinionibus. 5. Debere gravi exhortatione admoneri, ut in pacto baptismi & professione fidei perseverent. 6. Fieri debere publicam precationem pro illis pueris, ut Deus illos gubernare & confirmare dignetur in hac fidei professione: & simul addi posse manus impositionem.

S E C T I O VI.

De Calvino.

MENS Calvini colligi debet ex ejus *institutionibus* & *antidoto*. Libro igitur 4. *Institutionum* c. 19. §. 4. sic habet "Hic mos olim fuit, ut christianorum liberi, postquam adoleverant, coram Episcopo sisterentur, ut officium illud implerent, quod ab iis exigebatur, qui se ad baptismum adulti offerebant. Hi enim inter catechumenos, sede-

„ sedebant, donec rite fidei mysteriis instituti poterant fidei confessionem coram episcopo ac populo edere. Qui ergo baptismo initiati erant infantes, quia fidei confessione apud Ecclesiam tunc defuncti non erant, sub finem pueritiæ aut ineunte adolescentia repræsentantur iterum a parentibus, ab episcopo examinabantur secundum formulam catechismi, quam tunc habebant certam & communem. Quo autem hæc actio, quæ alioqui gravis, sancta quoque merito esse debebat, plus reverentiæ haberet ac dignitatis, cæremonia quoque adhibebatur manuum impositionis. Ita puer ille, fide sua approbata, cum solemni benedictione dimittebatur. “

Et §. 3. “ Posterior autem ætas, re prope oblitterata, fictitiam nescio quam Confirmationem pro Dei sacramento posuit. “ Et §. 6. “ Hoc ministerium, quo tunc Apostoliungebantur, si adhuc in Ecclesia maneret, manuum quoque impositionem oporteret servari: sed ubi gratia illa (visibilis) conferri desit, quorsum pertinet manuum impositionis? “ Et §. 7. nostram Confirmationem appellat *vacuum & frigidum signum*, sicut & §. 13. eam nuncupat *abortivam sacramenti larvam*. Sensit igitur Calvinus. 1. Confirmationem non esse sacramentum: 2. illam apud veteres nihil aliud fuisse quam catechesin, seu fidei professionem, non adutorum quidem, ut putavit Melancthon, sed parvulorum duntaxat, cum adolevisent: 3. manuum impositionem ab Apostolis adhiberi solitam, ut Spiritus sanctus cum suis charismatibus super baptizatos modo visibili descenderet, omnino inutilem esse, ubi gratia illa visibilis conferri desit: qua in re Melancthoni & ejus affectus consensit.

Uterius tamen progressus in *antid. concil. Triad. ad sess. 7. can. 1. de Confirmatione*, non solum Confirmationem attendit, ut otiosam cæremoniam, sed etiam ut ritum maxime exitialem, a dæmonibus adinventum. “ Ex eorum, inquit, numero me nequaquam esse profiteor, qui otiosam Confirmationis cæremoniam esse putant, qualis sub papatu Romano observatur, utpote qui eam inter maxime exitiales satanæ præstigias numerem. Meminerimus nusquam in Scripturis nobis commendari, quod fingunt sacramentum, neque hoc nomine, neque hoc ritu, neque hac significatione. “ Quin etiam nonnullis interjectis asserit, quod Confirmatione dimidia pars efficaciz a baptismo truncatur.

Idem cum Calvino sentiunt Calvinistæ, qui in suis *catechesibus* duo sacramenta profitentur, videlicet baptismum & cœnam.

S E C T I O VII.

De Antonio de Dominis, & Dallao Calvinistis.

ANTONIUS de Dominis lib. 5. de republica Eccles. c. 5. contendit Confirmationem non esse sacramentum a baptismo distinctum; nec a Christo institutum; sed cæremoniam pure ecclesiasticam ad ritus baptismi pertinentem. Nam "nullus est, inquit, locus in Evangelio, qui vel a longe innuat hanc institutionem & mandatum de danda Confirmatione; neque Apostoli unquam asseruerunt se talem institutionem vel tale mandatum a Christo accepisse. Confugere vero ad traditionem in asserendis divinis sacramentis, videri valde temerarium; quia certum & evidens esse deberet, id perpetuo in Ecclesia ab ipsis Apostolorum temporibus fuisse invariabiliter non modo servatum, sed servatum tanquam rem a Christo institutam & mandatam cum sua promissione. At nihil constans de Confirmatione, nihil firmum, nihil certum in ipsis habetur traditionibus; sed maxima & essentialis intercessit variatio: & nusquam constat, id tanquam Christi institutum fuisse traditione propagatum. Cæremonia quidem confirmandi, seu consignandi, fuit quidem in antiqua Ecclesia per plura secula, sed tanquam cæremonia pure ecclesiastica ad ritus baptismi pertinens.

Spalatenfis, id est Antonii de Dominis, doctrinam secutus est Dallaus Calvinista in suo tractatu de Confirmatione.

A R T I C U L U S II.

Quid doceat fides Catholica.

FIDES Ecclesiæ catholicæ, circa rationem sacramenti novæ legis, quæ Confirmationi convenit, exprimitur in concilio Tridentino sess. 7. can. 1. de sacramentis in genere: "Si quis dixerit, inquit, sacramenta novæ legis non fuisse omnia a Jesu Christo Domino nostro instituta, aut esse plura vel pauciora quam septem, videlicet Baptismum, Confirmationem, &c. aut etiam aliquod horum septem, non esse vere ac proprie sacramentum, anathema sit." Et can. 1. de Confirmatione: "Si quis dixerit Confirmationem baptizatorum otiosam cæremoniam esse, & non potius veram ac proprium sacramentum; aut olim nihil aliud fuisse, quam catechismum quamdam, qua adolescentiæ proximi, fidæ suæ rationem coram Ecclesia exponebant, anathema sit.

Hæc est fides, quam omnes catholici amplectuntur.

SE-

S E C T I O I.

*Utrum probari possit ex Scripturis Confirmationem
esse sacramentum novæ legis.*

NEGANT hæretici, de quibus *supra*, quin etiam & nonnulli Catholicorum.

Alepis enim, Bonaventura & alii qui opinantur istud sacramentum non fuisse a Christo per se & immediate institutum, consequenter existimant illud non posse efficaciter probari ex Scripturis sacris. Ex iis vero Theologis, quibus placet illud a Christo immediate institutum, Scotus in 4. dist. 7. lib. 6. ad 1. Gabriel in 4. dist. 7. *quest. unica*; Major *ibidem*, & alii, putant hanc fidei veritatem ex Scripturis non posse stabiliri adversus hæreticos, sed ex sola traditione probari posse.

A S S E R T I O.

PROBATUR efficaciter ex Scripturis sacris, Confirmationem esse sacramentum novæ legis, videlicet ex Actis, & ex Epistola ad Hebræos.

P R I M A P R O B A T I O.

PRIMA probatio sumitur ex Actis cap. 8. v. 14. 15. &c. Baptizatis enim per Philippum diaconum Samaritanis; Cum audissent apostoli, qui erant Ierosolymis, quia recepisset Samaria verbum Dei, miserunt ad eos Petrum & Joannem: qui cum venissent, oraverunt pro ipsis ut acciperent Spiritum sanctum: nondum enim in quemquam illorum venerat; sed baptizati tantum erant in nomine Domini Jesu. Tunc imponebant manus super illos, & accipiebant Spiritum sanctum. Et ex iisdem Actis, c. 19. v. 6. Cum Paulus imposuisset manus duodecim discipulis recens baptizatis, venit Spiritus sanctus super eos, & loquebantur linguis & prophetabant. Ex quibus locis cum Sanbovio jam laudato sic argumentor: Ubi signum est sensibile, constans ex rebus & verbis, perpetuum, & practicum gratiæ sanctificantis, ibi sacramentum est novæ legis. Atqui videre est in locis citatis signum sensibile, constans ex rebus & verbis, perpetuum, & practicum gratiæ sanctificantis; nempe manuum impositionem orationi conjunctam, quæ sequentibus Ecclesiæ seculis semper observata, & perpetuo adhibita fuit ad significandum & conferendum gratiæ sanctificantis augmentum in neophytis.

Major constat. Minor negatur ab hæreticis, qui contendunt, signum illud fuisse duntaxat institutum pro incunabulis Ecclesiæ ad gratias gratis datas, quæ sub visibili specie conferebantur, significandas: probatur autem a nobis ex Patribus, qui luculentissime testificantur hanc
ip-

ipsam manuum impositionem, de qua in Actis apostolorum, esse id quod sequentibus Ecclesie seculis usurpatum est ad gratiam sanctificantem in neophytis augendam, & confirmandam.

CYPRIANUS, Carthaginensis episcopus, in *epistola ad Iubajanum*, quæ est 73. sic habet: "Quod autem dicunt quidam de eis, qui in Samaria baptizati fuerant, advenientibus apostolis Petro & Joanne, tantum super eos manum impositam esse, ut acciperent Spiritum sanctum, rebaptizatos tamen non esse; locum istum, frater charissime, ad præsentem causam videmus omnino non pertinere. Illi enim, qui in Samaria crediderant, fide vera crediderant; & iustus in Ecclesia quæ est una, & cui soli gratiam baptismi dare & peccata solvere permillum est, a Philippo diacono, quem iidem apostoli miserant, baptizati erant. Et ideo, quia legitimum & ecclesiasticum baptismum consecuti fuerant, baptizari eos ultra non oportebat; sed tantummodo quod deerat, id a Joanne & Petro factum est, ut oratione pro eis habita, & manu imposita, invocaretur & infunderetur super eos Spiritus sanctus; quod nunc quoque apud nos geritur, ut qui in Ecclesia baptizantur, præpositis Ecclesie offerantur, & per nostram orationem ac manuum impositionem Spiritum sanctum consequantur & signaculo dominico consummentur.

Ex his Cypriani verbis apparet, 1. quod ætate hujus episcopi Carthaginensis id gestum fuerit in Ecclesia per *impositionem manuum & orationem*, quod a Petro & Joanne legitur in Actis factum Samaritanis recens baptizatis. Hæc igitur manuum impositio non fuit instituta pro eo duntaxat tempore, quo gratia gratis datæ visibiliter conferebantur. 2. Ætate Cypriani gratia gratis datæ desierant sub visibili specie conferri. Hæc igitur impositio tunc non significabat gratias gratis datas sub visibili specie collatas. 3. Manuum impositio orationi conjuncta ætate Cypriani adhibebatur, ut neophyti per illam consequerentur eundem Spiritum sanctum, quem Samaritani consecuti sunt. Ergo per hanc vocem, *Spiritus sanctus*, intelligi non debent gratia gratis datæ, sed gratia sanctificans. Denique hanc manuum impositionem orationi conjunctam esse Confirmationem ab episcopis tunc adhiberi solitam evincitur, tum ex postremis verbis, *ut per nostram orationem ac manuum impositionem Spiritum sanctum consequantur, & signaculo dominico consummentur*: tum ex unanimi auditorum consensu, qui conveniunt hic agi de Confirmatione neophytis adhibita ab episcopis.

JOANNES CHRYSOSTOMUS, *homil. 18. in cap. 8. Actuum*, verba citata interpretans, de Philippo ita loquitur: "Philippus, inquit, unus ex septem discipulis erat, secundus a Stephano: ideo & baptizans, Spiritum sanctum, non dabat: neque enim facultatem habebat: hoc enim donum solorum apostolorum erat. . . . Nam virtutem quidem septem illi discipuli acceperant faciendi signa, non autem dandi aliis Spiritum sanctum. Igitur hoc erat in apostolis singulare. Unde &

» præ-

„ præcipuos, & non alios videmus hoc facere. “ Joannis igitur ætate, *præcipui*, id est episcopi & non alii hoc faciebant, quod Petrus & Joannes, id est manus imponebant, imponendo orabant, & per impositionem orationi conjunctam dabant Spiritum sanctum. Atqui gratiæ gratis datæ per signa visibilia collatæ longe ante Chrysostomum conferri desierant.

INNOCENTIUS, primus hujusce nominis Pontifex, in *epistol. 1. ad Decemium Eugubinum, cap. 3.* “ De consignandis vero infantibus, inquit, manifestum est non ab alio quam ab episcopo fieri licere. “ Nam presbyteri, licet sint sacerdotes, Pontificatus tamen apicem non habent. Hæc autem Pontificibus solis deberi, ut vel consignent, vel paracletum Spiritum tradant, non solum consuetudo Ecclesiæ demonstrat, verum & illa lætio Actuum Apostolorum, quæ asserit Petrum & Joannem esse directos, qui jam baptizatis traderent Spiritum sanctum. Nam presbyteris, seu extra episcopum, seu præsentem episcopum baptizent, chrismate baptizatos ungere licet, sed quod ab episcopo fuerit consecratum; non tamen frontem ex eodem oleo signare, quod solis debetur episcopis, cum tradunt Spiritum sanctum.

Quæ quidem verba declarant manuum impositionem, *Actuum cap. 8.* relata, eandem esse cum confirmatoria, quæ frequentabatur ætate Innocentii I. qui sub finem seculi IV. & sub initium seculi V. floruit. Sed tempore Innocentii gratiæ gratis datæ non conferebantur sub specie visibili per manuum impositionem tunc ab episcopis adhiberi solitam.

HIERONYMUS, in *dialogo adversus Luciferianos*, Luciferiano, qui dixerat, “ An nescis ecclesiarum esse morem, ut baptizatis postea manus imponantur, & ita invocetur Spiritus sanctus? exigis ubi scriptum sit? In Actibus Apostolorum etiam Scripturæ auctoritas non subesset, totius orbis in hanc partem consensus instar præcepti obtineret, quia & multa alia quæ per traditionem in ecclesiis observantur, auctoritatem sibi scriptæ legis usurpaverunt, velut in lavacro ter caput mergitare, deinde egressos lactis & mellis prægustare concordiam ad infantis significationem: “ Luciferiano, inquam, hæc obijcienti sic respondet Hieronymus sub nomine orthodoxi: Non abnuo hanc esse ecclesiarum consuetudinem, ut ad eos, qui longe in minoribus urbibus per presbyteros & diaconos baptizati sunt, episcopus ad invocationem sancti Spiritus manum impositurus excurrat. “ Et postea, “ Episcopus si imponit manum, iis imponit, qui in recta fide baptizati sunt. “ Et *infra*, “ Quod si hoc loco queris, quare in Ecclesia baptizatus, nisi per manus Episcopi non accipiat Spiritum sanctum, quem nos asserimus in vero baptismo tribui? disce hanc observationem ex ea auctoritate descendere, quod post ascensum Domini Spiritus sanctus ad Apostolos descendit: & multis in locis „ idem

„idem factitatum reperimus, ad honorem potius sacerdotii, quam ad legis necessitatem.

Ex hoc loco colligitur, 1. orationem, manuumque impositionem, quæ Hieronymi tempore super baptizatos fieri solebat, eandem esse cum illa, de qua *Ath. 8. & 19.* 2. per illam collatum fuisse baptizatis Spiritum sanctum: 3. per Spiritum sanctum debere intelligi gratiam sanctificantem, cum intelligi non possint gratiæ gratis datæ sub specie visibili concessæ; quæ Hieronymi ætate desierant.

AUGUSTINUS, *lib. 15. de Trinitate, cap. 26.* disputans de processione Spiritus sancti a Patre & Filio, docet ex Scripturis, Spiritum & a Patre; & a Filio dari, neque Deum posse dari nisi a Deo. Quia vero poterat obijci Spiritum sanctum datum fuisse a Christi discipulis per manuum impositionem: objectionem hucce verbis præoccupat: “Neque enim aliquis discipulorum ejus dedit Spiritum sanctum. Orabant quippe, ut veniret in eos, quibus manum imponebant; non ipsi eum dabant.” Statim subjicit: “Quem morem in suis præpositis etiam nunc servat Ecclesia.” Ætate igitur Augustini religiose observabatur hæc ipsa manuum impositio, qua Christi discipuli uti fuerant ad Spiritum sanctum baptizatis obtinendum. Atqui hoc tempore nullæ gratiæ gratis datæ sub specie visibili conferebantur.

Lib. 3. de baptismo, cap. 16. “Non autem habet Dei charitatem,” inquit, qui Ecclesiæ non diligunt unitatem; ac per hoc recte intelligitur dici, non accipi, nisi in Ecclesia catholica Spiritus sanctus. “Neque enim temporalibus & sensibilibus miraculis attestantibus per manus impositionem modo datur Spiritus sanctus, sicut antea dabatur ad commendationem rudis fidei, & Ecclesiæ primordia dilatanda: (Quis enim nunc hoc expectat, ut ii quibus manus ad accipiendum Spiritum sanctum imponitur, repente incipiant linguis loqui?) Sed invisibiliter & latenter intelligitur per vinculum pacis eorum cordibus divina charitas inspirari, ut possint dicere: *Quoniam charitas Dei diffusa est in cordibus nostris.*” Ritus igitur *impositionis manuum*, qui ab Apostolis, idem ætate Augustini frequentabatur ab Episcopis: cum eo duntaxat discrimine, quod per illum ab apostolis daretur Spiritus sanctus modo visibili, propter gratias gratis datas visibiliter concessas; nunc vero detur Spiritus invisibiliter & latenter per charitatem, quæ diffunditur in cordibus nostris.

Rem adhuc explicat luculentius *tractatu 6. in 1. Epist. Joannis*: “Primis temporibus, inquit, cadebat super credentes Spiritus sanctus, & loquebantur linguis quas non didicerant, &c. signa erant tempori opportuna; oportebat enim ita significari in omnibus linguis Spiritum sanctum, quia Evangelium Dei per omnes linguas cursurum erat toto orbe terrarum: Significatum est illud, & transit: nunquid modo, quibus imponitur manus ut accipiant Spiritum sanctum, hoc expectant,”

„Et-

Statutur, ut linguis loquantur? aut quando imposuimus manum istis infantibus, attendit unusquisque vestrum, utrum linguis loquerentur? & cum videret eos linguis non loqui, ita perverso corde aliquis vestram fuit, ut diceret: Non acceperunt isti Spiritum sanctum, quia si acceperint, linguis loquerentur? Si ergo per hæc miracula modo testimonium præsentia Spiritus sancti non fit, unde cognoscit quisque accepisse Spiritum sanctum? interroget cor suum: si diligit fratrem, manet Spiritus Dei in illo.

AUCTOR 30. homiliarum, quæ sub Eusebii nomine circumferuntur, "Quod nunc in confirmandis neophytis, inquit, manus impositio tribuit singulis, hoc tunc Spiritus sancti descensio in credentium populos donavit universis.

ISIDORUS, Hispalensis episcopus, *lib. 2. de officiis, cap. 26.*, "Post Baptismum, inquit, per episcopos datur Spiritus sanctus cum manuum impositione: hoc in Actibus apostolorum fecisse meminimus Apostolos. Mox refert verba *Actuum*, c. 19. v. 1. 2. 3. 4. 5. & 6. item verba *Actuum* cap. 8. v. 14. 15. 16. & 17. subjicitque: Spiritum sanctum accipere possumus, dare autem non possumus; sed ut detur, Deum invocamus. Hoc autem a quo potissimum fiat, quemadmodum Papa sanctus Innocentius scribit, subjiciam. "Locum deinde exscribit citatum Innocentii ad Decentium.

BEDA, in *caput 8. Actuum*, ad verba superius relata, "Notandum, inquit, quod Philippus, qui Samaritæ evangelizabat, unus de septem fuerit: si enim apostolus esset, ipse utique manum imponere potuisset, ut acciperent Spiritum sanctum; hoc enim solis Pontificibus debetur. Nam presbyteris, sive extra episcopum, sive præsentem episcopo baptizent, chrismate baptizatos ungere licet, sed quod ab Episcopo fuerit consecratum, non tamen frontem ex eodem oleo signare, quod solis debetur Episcopis, cum tradunt Spiritum paracletum baptizatis.

JESSE, Ambianensis episcopus, *de baptismo*, "Post hæc, inquit, confirmet eum episcopus in fronte de chrismate. Ideoque manus impositio fit, ut per impositionem advocatus & invitatus Spiritus sanctus super eos descendat, juxta exemplum Apostolorum. "Moxque subjicit verba capitis 8. *Actuum*.

THEODULHUS, Aurelianensis episcopus, *lib. de ordine baptismi, c. 17.* "Quod ergo, inquit, presbyteris baptizatos chrismate ungere licet, Spiritum sanctum per manus impositionem tradere non licet, antiquus iste mos ab Apostolis Ecclesiæ est traditus. "Sbjungitque verba *Actuum* 8. & 19.

AMALARIUS Fortunatus, Trevirensis episcopus, *lib. 1. de officiis, c. 27.* ad eandem stabilendam veritatem, refert verba *capituli* 8. & 19. *Actuum*: & sub finem ejusdem capituli, "Ut ab episcopis solis, inquit, inungatur per manus impositionem, ab Apostolis assumptum

Witasse de Confirmatione.

Bb

est,

est, ut Beda declarat in tractatu super Actus Apostolorum. " Et paucis interjectis, " Ut a solis Pontificibus, inquit, per manus impositionem & orationem detur Spiritus sanctus, similiter ab Apostolica auctoritate sumptum est, ut in Actibus Apostolorum scriptum est.

WALEFRIDUS Strabo, *lib. de rebus ecclesiasticis, cap. 26.* ait, *primis temporibus impositione manuum Confirmationem conferri solere*: quod in Samaria fecisse Petrum legitur & Joannem. Quæ Confirmatio & tunc ad primos Ecclesiæ pastores, & nunc pertinere non dubitatur.

CONCILIIUM VI. Parisiense, anno 829. congregatum, *lib. 1. cap. 27.* loquens de Chorepiscopis, ostendit locos Actuum, capitis 8. & capitis 19. intelligi de impositione manuum confirmatoria.

JONAS, Aurelianensis Episcopus, *lib. 1. de institutione laicali*, ritus Confirmationis explicans, ex iisdem Actorum locis probat solum episcopum esse ministrum hujus sacramenti.

BERTRAMUS, seu Ratramnus, monachus Corbejenfis, qui ut Græcorum objectionibus responderet, anno 867. delectus est, *lib. 4. contra Græcorum opposita, cap. 7.* ait: " Manus imponentibus super eos Apostolis, acceperunt Spiritum sanctum: quæ forma servatur hodie in Ecclesia, ut baptizentur quidem fideles per presbyteros, gratia vero Spiritus sancti per impositionem manuum tribuatur ab episcopis; quod tunc fit, quando frontes baptizatorum chrismate sancto liniuntur. " En manus impositionem, quæ eadem est ac illa, quæ ab apostolis observata fuit: quæ gratiam Spiritus sancti tribuit: quæ diversum a baptismali effectum & ministerium habet. Et paulo post, " Dominum Spiritus sancti tribuitur per impositionem manuum, quando frontes baptizatorum chrismate sancto liniuntur. " Et iterum, " Constat Spiritus sancti gratiam per unctionem frontis ex chrismate ab Episcopo donari. " Ac inferius, " Ecclesiastici viri statuerunt ut frontes baptizatorum non a presbyteris, sed ab episcopis chrismate sancto liniuntur, ut per eos Spiritus sancti gratia conferretur.

AUTHOR libri *de divinis officiis*, qui nomine Alcuini circumfertur, *cap. 19.* " Quamvis presbyteri sint sacerdotes, Pontificatus tamen apicem non habent; & ideo solis Pontificibus debetur ut consignent, vel Spiritum sanctum tradant, sicut lectio Apostolicorum Actuum demonstrat, quæ asserit Petrum & Joannem esse directos, ut baptizatis traderent Spiritum sanctum.

HONORIUS Augustodunensis, *in gemma anime cap. 114.* " Hanc Confirmationem fecerunt olim Apostoli per manus tantum impositionem: illorum posterius, eis tamen tradentibus per chrismatis consecrationem.

Ex iis omnibus auctoritatibus apparet manuum impositionem, quam Petrus & Joannes neophytis Samaritanis adhibuerunt, esse ritum perpetuum, per quem gratia sanctificans in anima suscipiuntur produciuntur.

SECUNDA PROBATIO.

SECUNDA PROBATIO desumitur ex epistola ad Hebræos, cap. 6. v. 1. & 2. ubi sic habet Apostolus : Quapropter intermittentes inebriationis Christi sermonem, ad perfectiora seramur, non rursum jacentes fundamentum penitentiae ab operibus mortuis, & fidei ad Deum, baptismatum doctrinae, impositionis quoque manuum. Quæ quidem manuum impositio de sacramento Confirmationis exponitur, ex Græcis a Chrysostomo, Theodoro, Alexandro, Eulogio, Gennadio, concilio Constantinopolitano, Phorio, Oecumenio, & Theophylacto; & ex Latinis ab Augustino, Ambrosiastro, Sedulio, Primasio, Lanfranco, & Anselmo, quorum testimonia infra referemus.

Solvuntur objectiones Calvinæ.

OBJICIT 1. Quod hic ritus confirmandi nullam in Scripturis sacris habet promissionem gratiæ : " Ubi Dei verbum, inquit ille lib. 4. in p. 19. §. 5. quod Spiritus sancti præsentiam hic promittat, ne j. idem ostendere possunt.

RESPONDEO 1. Hanc gratiæ promissionem haberi Joannis 14. 15. & 16. Luca ultimo; Act. 1. v. 5. & 8. Recole quæ dicta sunt, ubi de refutatione primæ Calvinæ responsionis, ratione 7.

RESPONDEO 2. Illam promissionem Spiritus sancti constare ipso facto Apostolorum, qui per manuum impositionem conferebant Spiritum sanctum omnibus baptizatis.

RESPONDEO 3. Illam constare traditione & auctoritate Patrum, qui conceptis terminis asserunt Spiritum sanctum ab omni ævo in Ecclesia traditum fuisse per ritum Confirmationis.

OBJICIT 2. Quod in sacramento verbum requiratur. Sed nullum in Scripturis verbum apparet. " Accedat, inquit Augustinus, verbum ad, elementum, & fiet sacramentum. " Hoc verbum proferant ? Ita, Calvinus ibid. §. 5.

RESPONDEO verbum quidem in Scripturis non exprimi: certum tamen ex illis esse, quod apostoli, cum manus imponent & per hanc manuum impositionem advocarent Spiritum sanctum, verbo quodam & oratione seu formula uterentur, ut patet ex Actuum 8. 13. qua de re infra, ubi de forma.

OBJICIT 3. Quod dona linguarum, & miraculorum jam desierint, adeoque hæc manus impositio jam otiosa sit. " Ubi gratia illa desit, quorum pertinet manuum impositio ? Cessarunt illa virtutum miracula, & manifestæ operationes, quæ per manuum impositionem distribuebantur; nec nisi ad tempus esse debuerunt. " Ita ille ibid. §. 6.

RETORQUEO. Cessarunt illa virtutum miracula, & manifestæ operationes, quæ per fidem primis Ecclesiæ temporibus fieri solebant, nec nisi ad tempus esse debuerunt. Ideone fides hodie inutilis est? Quemadmodum igitur initio Ecclesiæ, qui credebant, operabantur miracula, juxta illud Marci ultimo: *Signa eos qui crediderint, hæc sequentur; super agros manus imponent, & bene habebunt, &c.* nunc vero cessavit iste effectus fidei, nec tamen fides otiosa est, quia suum effectum principalem habet, qui est vivificare; *Iustus enim ex fide vivit*, ad Rom. 1. ita manuum impositio, licet dona exteriora, quæ per eam distribui solebant, desierint, non ideo inutilis est, quia suum effectum primarium & præcipuum adhuc retinet, qui est corroborare per divinam charitatem invincibiliter, & latenter cordibus nostris inspirare, tam. "Recole textum 2. Augustini *infra* relatum, ubi de textibus primi generis.

OBJICIT 4. Afferere manuum impositionem ab Apostolis adhibitam, esse sacramentum, ejusdem hoc rationis est, ac si quis diceret flatum illum, quo Dominus discipulos suos afflavit, sacramentum esse, quod daretur Spiritus sanctus. Ita ille *ibid.* §. 7.

RESPONDEO, latum esse discrimen: sacramentum enim esse debet ritus perpetuus: status vero ille nec ab apostolis, nec ab eorum successoribus observatus est: cum e contra Apostoli eorumque successores ab omni ævo Spiritum sanctum contulerint per manuum impositionem.

OBJICIT 5. Effectus, qui Confirmationi tribuuntur, pertinere ad baptismum. Ita ille *ibid.* §. 8.

Verum hac de re alibi, ubi scilicet de effectu hujus sacramenti Confirmationis. 2. Veteres Confirmationem a baptismo plerumque se-jungebant in clinicis, ex Cornelio Papa; in navigaturis, ex concilio Illiberitano; in iis, qui absente episcopo baptizabantur a presbyteris vel a diaconibus, ex Hieronymo & aliis. 3. Hæc conjunctio vel separatio ad disciplinam, nihil vero ad fidem attinet.

Solvuntur Objectiones Dallæi.

OBJICIT 1. Dallæus in suo tractatu *de Confirmat. lib. 1. cap. 9.* datum ab Apostolis per manuum impositionem Spiritum sanctum, fuisse proprie Spiritum charismatum gratis datorum, sive miraculorum, & extraordinariorum: quod patet ex illis verbis propheticiis Joelis 2. *Effundam de spiritu meo super omnem carnem, & prophetabunt filii vestri.* Item ex illo Marci ultimo, *Signa autem eos qui crediderint, hæc sequentur: in nomine meo demonia ejicient.* Item ex Actis passim, ubi observatur, quod ii in quos descendebat Spiritus sanctus, loquebantur linguis.

RESPONDEO illis, quos Apostoli per manuum impositionem con-

firma-

firmabant, concessum fuisse utrumque charisma, & gratis datum, & gratum faciens; manuum enim impositio id eis omne tunc temporis præstitit quod nobis hodie præstat: quamvis nobis hodie non præstet id omne, quod eis præstitit: duplex enim erat Confirmationis effectus, transitorius unus, qui ut Augustini verbis utar, temporalis " & sensibilis erat, & post promulgatam Evangelii legem desit, videlicet, Spiritus sanctus temporalibus & sensibilibus miraculis visus, " per manus impositionem " hoc est gratiæ gratis datæ, & visibiliter concessæ, quæ ut ait Augustinus *ibidem libro* nempe 3. *de baptismo*, cap. 16. dabantur ad commendationem rudis fidei, & Ecclesiæ primordia dilatanda: alter permanens, & perpetuus, qui fidelibus ab incunabulis Ecclesiæ, & etiamnum confertur: nimirum, inquit Sanctus Augustinus *ibidem*, divina charitas invisibiliter, & latenter cordibus nostris inspirata.

OBJICIT 2. *lib. 1. cap. 10.* Samaritani a Philippo baptizati, cum per Petri & Joannis manuum impositionem acceperunt Spiritum, quo ante caruerant. Atqui non caruerant Spiritu sancto relative ad gratiam sanctificantem, quia Christi baptismo fuerant regenerati, adeoque Christi erant. *Qui vero Christi sunt, illi spiritum Christi habent*. si quidem ex Paulo ad Rom. 8. *Si quis spiritum Christi non habet, hic non est ejus*. Caruerant autem gratia gratis data. Igitur gratiam gratis datam acceperunt, non autem gratiam sanctificantem.

RETORQUEO circa Eucharistiam: pari siquidem argumento probaretur, fideles, qui rite dispositi ad communionem accedunt, nullam accipere gratiam sanctificantem. Eam enim gratiam recipiunt qua carent. Sed non carent gratia sanctificante, quandoquidem supponuntur rite dispositi. Nullam igitur gratiam sanctificantem recipiunt in perceptione Eucharistiæ. Simili quoque ratione concluderetur, Apostolos, super quos Spiritus sanctus die Pentecostes descendit, non accepisse Spiritum sanctum, prout importat spiritum prædicationis Evangelii. Eum enim Spiritum acceperunt, quo prius carebant. Atqui prius non carebant Spiritu sancto, prout importat spiritum prædicationis Evangelii: quemadmodum apparet ex Christi verbis, Matth. 10. *Non enim vos estis qui loquimini: sed Spiritus Patris vestri, qui loquitur in vobis*. Apostoli igitur die Pentecostes non acceperunt Spiritum sanctum, &c. Denique eodem syllogismo concludi posset Apostolos die Pentecostes nullam suscepisse gratiam sanctificantem. Eam enim gratiam receperunt qua carebant. Atqui non carebant gratia sanctificante. Ergo.

His igitur aliisque id genus argumentis respondendum, Samaritanos, qui a Petro & Joanne confirmati sunt; fideles, qui rite dispositi, ad Eucharistiam accedunt, & apostolos, qui die Pentecostes susceperunt Spiritum sanctum, non caruisse quidem gratia sanctificante simpliciter, caruisse tamen ea intentione ac perfectione gratiæ sanctificantis,

Wnasse de Confirmatione.

B 3

quam



quam deinde susceperunt . Gratia enim sanctificans in Samaritanis per manuum impositionem , & in apostolis per descensum Spiritus sancti adauclta fuit , & in fidelibus per communionem quotidie adaugetur .

INSTAT 1. Dallæus . Baptizati eam duntaxat gratiam consecuti sunt per manuum impositionem , qua prius carebant . Atqui non carebant gratia sanctificante , quæ datur ad robur , & fidelem confirmat . Gratiam igitur confirmantem minime consecuti sunt per manuum impositionem , sed solam gratiam gratis datam . Minor probatur , quia in Baptismo datur venia peccatorum , adoptio , jus hæreditatis , Spiritus sanctus sanctificans , & consolans , certa spes immortalis , Christus denique induitur : quæ quidem omnia Christiani militis animum confirmant .

NEGO minorem . Nec enim in baptismo datur gratia confirmans , sed ad illam plura requiruntur , quam quæ hic describuntur . Verum de his *infra* .

INSTAT 2. & adducit auctoritatem Chrysostomi *homil.* 18. in *Acta* , qui post verba *ex Actis c. 8.* a nobis *superius in probationem* adducta , subjicit ; “ Quomodo , inquit , Spiritum sanctum illi Samaritani a Philippo baptizati non receperant ? ” statimque respondet , “ Spiritum acceperant remissionis , spiritum autem signorum nondum receperant . ” Samaritani igitur spiritum remissionis acceperant per baptismum , sed spiritum duntaxat signorum per manuum impositionem susceperunt .

NEGO consequens ; si quidem Spiritus signorum non excludit spiritum sanctificantem . Quod autem ex mente Chrysostomi hæc manuum impositio contulerit Spiritum sanctificantem , apparet ex ipso Chrysostomo , qui post verba objecta subjicit textum a nobis *superius* laudatum , *pag.* 14. eoque textu quinque docet ; primum quidem , quod Spiritus sanctus conferatur per manuum impositionem ; deinde quod Philippus , quamvis baptizaret , non daret Spiritum sanctum : 3. quod Philippus , qui unus erat ex septem diaconis , virtutem quidem haberet faciendi signa ; non autem imponendi manus , & dandi aliis Spiritum sanctum : 4. quod potestas imponendi manus , & per illam impositionem dandi Spiritum sanctum , donum esset solis apostolis concessum ; 5. quod ætate sua PRÆCIPUI , hoc est episcopi , ET NON ALII darent Spiritum sanctum per impositionem manuum . Joannis igitur Chrysostomi ætate Episcopi , & non alii conferebant Spiritum sanctum per manuum impositionem . Atqui hac ipsa ætate non conferebant Spiritum signorum , quia signa tunc defierant . Alium igitur conferebant spiritum , nempe sanctificationis ad robur , & fortitudinem animæ .

QUÆRES . Quorsum igitur Chrysostomus in verbis objectis meminit duntaxat spiritus signorum per manuum impositionem concessi ,
non

non autem spiritus sanctificationis, & roboris, maxime cum spiritus sanctificans, & corroborans sit præcipuus Confirmationis, effectus.

RESPONDEO 1. Sanctum Chrysostomum sub nomine spiritus signorum forte comprehendisse spiritum sanctificationis, & roboris, aut saltem, cum meminisset spiritus signorum, consequenter meminisse spiritus sanctitatis, & roboris, siquidem cuicumque conferebatur etiam spiritus sanctificationis ad robur. Spiritus enim signorum non conferebatur nisi neophytis, qui ad Confirmationem rite dispositi accederent. Quis enim sibi persuadeat Spiritum sanctum modo visibili super Simonem magum, aut alios id genus neophytos descendisse? Sed qui ad Confirmationem accedebant rite dispositi, præcipuum ejus effectum accipiebant; quia sacramenta præcipuum suum effectum in rite dispositis semper producant. Præcipuus vero effectus Confirmationis, est gratia sanctificans & corroborans. Igitur confirmatis, quibus conferebatur spiritus signorum, iidem conferebatur spiritus sanctitatis & roboris.

Si quis vero abnuat, Chrysostomum sub nomine spiritus signorum comprehendisse spiritum sanctitatis ad robur; duæ rationes adhuc afferri possunt, cur Chrysostomus meminerit spiritus signorum, non autem spiritus sanctificationis & roboris. Prima quod ex concessione prioris spiritus recte colligitur posteriorem quoque fuisse concessum, non contra. Quicumque enim confirmati accipiebant spiritum signorum, iidem recipiebant gratiam sanctificationis ad robur: at nec ipsa quidem Apostolorum ætate spiritus sanctus modo visibili descendebat super omnes fideles, qui ad Confirmationem rite dispositi accedebant, sed super nonnullos, eos præsertim, qui charitate flagrabant. Itaque cum ex concessione prioris effectus recte inferatur concessio posterioris; non contra; eam ob rem Chrysostomus meminisse potius debuit prioris quam posterioris effectus; neque necesse fuit ut posterioris effectus aliquam mentionem faceret. Altera ratio est, quod spiritus signorum esset effectus visibilis, qui modo sensibili, & prorsus divino conferatur: quo fit ut effectus ille, quamvis temporaneus, nihilominus præcipuo, & perpetuo Confirmationis effectui quoddam speciem, & apparentiam præstaret.

OBJICIT 3. Dallæus. Adventus spiritus sancti exprimitur *Actuum* 8. v. 16. voce græca *ἐπιπίπτω*, quæ vox derivatur ab *ἐπιπίπτω*, quod significat *supercado*, *irruo*; atque ita descensus violentus exprimitur. Atqui donatio spiritus sanctificantis hisce verbis nusquam exprimitur in Scripturis, sed donatio spiritus prophetici; quia prior spiritus descendit suaviter, & posterior vehementer.

RESPONDEO 1, dato, non concessio, quod hac voce græca in Scripturis sacris exprimitur donatio spiritus prophetici, nusquam vero donatio spiritus sanctificantis, nihil inde concludi adversus fidem

catholicam . Cum enim duplex esset descensus Spiritus sancti , visibilis unus , & alter invisibilis , nihil vetat quominus Lucas potius visibilis descensus , ut quem omnes mirarentur , quam invisibilis mentionem fecerit .

RESPONDEO 2. Spiritum sanctum die Pentecostes super Apostolos descendisse cum impetu : *Factus est* , inquit Lucas Actuum 2. vers. 2. *repente de caelo sonus , tanquam advenientis spiritus vehementis* , ubi pro *tanquam advenientis spiritus vehementis* , legit Calvinus , *quasi violento flatu irruente* . Attamen super ipsos descendit Spiritus sanctus ratione gratiarum , tum gratis datarum , quales sunt prophetia , donum linguarum , tum sanctificantium , quales sunt charitas , & septem dona Spiritus sancti : non quod gratia sanctificans & gratiæ gratis datæ , illis tunc fuerint simpliciter concessæ (utramque enim jam habebant ;) sed quia concessæ fuerunt cum augmento . “ Erat quidem in eis , scilicet Apostolis , fides , inquit Augustinus *serm. 85. de tempore* , sed fiducia constantiæ deerat : jam quidem Christum per universa poterant , prædicare , sed adhuc pro Christo usque ad mortem certare non poterant ; usque adeo ut nullum ex discipulis coronaverit palma martyrii ante adventum Spiritus sancti . Et quidem tunc fuit completum , quod Christus dixerat Apostolis Lucæ ultimo , *Vos autem sedete in civitate , quoadusque induamini virtute ex alto* . “ Item *tract. 66. in Joann.* Petrum pro Christo mori cupientem sic alloquitur : Quid festinas , Petre ? nondum te suo Spiritu solidavit petra . “ Et *tract. 92.* alludens ad trinam interrogationem Petro factam , tempore passionis ab ancilla , & post resurrectionem a Christo : “ Ante passionem Domini , servilis timor ejus interrogatus est a femina servitutis ; post resurrectionem vero Domini , liberalis ejus amor ab ipso principe libertatis : & ideo ibi turbabatur , hic tranquillabatur ; ibi quem dilexerat , negabat , hic quem negaverat , diligebat ; sed adhuc etiam tunc amor ipsi infirmus fuerat , & angustus , donec eum roboraret , & dilataret Spiritus sanctus . “ Amor igitur , quo Petrus Christo interroganti , respondit , *etiam Domine , tu scis , quia amo te* , adhuc infirmus , & angustus erat ; sed die Pentecostes roboratus & dilatatus fuit a Spiritu sancto .

3. Verbum *ἐκκίνητο* , ut in lexico videre est , græce significat *supercado , irruo , illabor* . Atqui *supercado* , & *irruo* designant descensum violentum : *illabor* autem frequenter designat suavem descensum , ut legere est apud Ciceronem *lib. 1. de finibus* , ubi voluptatis suavitas per illapsum exprimitur . “ Nam si ea voluptas esset , inquit Cicero , quæ quasi titillaret sensus , & ad eos cum suavitate afflueret & illaberetur , &c. Lucas igitur convenienter usus est voce græcæ , quæ utrumque descensum significaret , violentum scilicet , qui proprius est spiritui signorum ; & suavem , qui proprius est spiritui sanctificantii .

4. Hac ipsa voce utitur Lucas in eorundem Actuum cap. 10. v. 44. *Adhuc loquente Petro verba hæc, cecidit Spiritus sanctus* (græce ἐπέπνευτο τὸ Πνεῦμα τὸ ἅγιον) *super omnes qui audiebant verbum.* Atqui verbum ἐπέπνευτο, ibi significat non modo violentum, sed etiam suavem descensum. Subjicit enim Lucas versu 45. proxime sequenti : *Et obstupuerunt ex circumcissione fideles, qui venerant cum Petro : quia & in nationes gratia Spiritus sancti effusa est.* Ubi quod Lucas dixerat, *Cecidit Spiritus sanctus*, circumcisi fideles dixerunt, *Gratia Spiritus sancti effusa est* : quæ sane verba suavem descensum designant. Præterea verbum ἐπέπνευτο, ibi significat, non solum gratias gratis datas, sed etiam gratiam sanctificantem ; quia versu 45. proxime sequenti, illum Spiritus sancti descensum, fideles, qui aderant, interpretati sunt *de gratia Spiritus sancti, quæ in nationes effusa est.* Quæ quidem verba eadem fere sunt, & gratiam prorsus eandem significant, ac illa, quæ habetur ad Rom. 5. v. 5. *Charitas Dei diffusa est in cordibus nostris per Spiritum sanctum, qui datus est nobis.* Lucas enim & Paulus utuntur eodem verbo ἐκκέχυται. Atqui verbum illud ad Rom. 5. certissime significat suavem Spiritus sancti descensum, & gratiam sanctificantem.

5. Eadem iterum voce Lucas utitur in Actis cap. 11. v. 15. *Cum coepissem loqui, inquit Petrus, cecidit Spiritus sanctus super eos : ἐπέπνευτο τὸ Πνεῦμα τὸ ἅγιον ἐν αὐτοῖς.* Atqui casus seu descensus per hæc verba expretius complectitur effusionem gratiæ sanctificantis, quemadmodum apparet, primum quidem ex eodem versu 15. *cecidit Spiritus sanctus super eos, inquit Petrus, sicut & in nos in initio.* Ii igitur catechumeni, quos Petrus erudiebat, licet nondum baptizati, eundem tamen acceperunt Spiritum, quem Apostoli die Pentecostes acceperant. Sed Apostoli die Pentecostes acceperunt Spiritum sanctitatis. Deinde versu 16. proxime sequenti, Petrus ait catechumenos illos post descensum Spiritus sancti baptizatos fuisse baptismo ignis & baptismo Spiritus sancti, de quo Christus, Joannes, quidem baptizavit aqua, vos autem baptizabimini Spiritu sancto. Baptismo autem flaminis, ignis, & Spiritus sancti confertur gratia sanctificans. 3. Quia versu 17. dicitur, *quod eandem gratiam dedit illis catechumenis Deus, sicut & Apostolis, qui crediderunt in Dominum Jesum Christum.* 4. Quia versu 18. refertur quod fideles, qui mirabilem hujusmodi descensum Spiritus super gentiles a Petro audiverant, glorificaverunt Deum dicentes : *ergo & gentibus penitentiam dedit Deus ad vitam.* Gratia igitur per hunc Spiritus sancti descensum conceisa, non fuit tantum gratis data, sed etiam sanctificans. Quid enim, quaeso, gratia, qua gentibus penitentiam dedit Deus ad vitam, nisi gratia corda convertens & vivificans.

OBJICIT 4. Dallæus. Spiritus iste, qui manuum impositioni proprius est, non fuit a Philippo datus, nec ab illo dari potuit, ut Chrysostomus, Oecumenius, alique interpretes in cap. 8. Act. testantur. Atqui nulla ratio fingi potest, cur Spiritus sanctitatis & roboris conferri

non

non potuerit a Philippo, qui per baptismum conferebat gratiam sanctificantem. Spiritus igitur sanctitatis & roboris non erat effectus huic manuum impositioni proprius.

RESPONDEO in sacramentis totam rationem esse voluntatem instituentis, quia sacramenta instituta sunt ex beneplacito Christi, cui placuit, ut ministri sacramentorum essent diversi. Alius est igitur minister baptismi, alius Confirmationis: & quemadmodum Christo Domino vitum est, ut eucharistia non nisi a sacerdote, ita eidem placuit ut Confirmatio non nisi ab episcopo conferretur: qua de re alibi, ubi de ministro hujus sacramenti.

OBJICIT quædam alia Dallæus, sed quæ facile dilui possunt.

S E C T I O I I

*Utrum possit ex traditione probari Confirmationem
esse sacramentum novæ legis.*

POSTQUAM Dallæus *libra 1.* tentavit probare Confirmationem in Ecclesia Romana conferri solitam, non esse eundem ritum, ac manuum impositionem baptizatis adhibitam, de qua *Actuum 8. & 19.* totus est *libra 2.* ut alio detorqueat verba Patrum, quibus hujus sacramenti veritas ab orthodoxis demonstratur. Eam ob rem quinque docet:

Primum est, impositionem manuum & unctionem, quas vocamus confirmatorias, inventas atque usurpatas fuisse post annum 160. nullamque earum mentionem extare in Clemente Romano, Athenagora, Theophilo, Tatiano, Justino martyre, Irenæo.

Secundum est, impositionem manuum & unctionem meras esse caeremonias ab Ecclesia institutas, quæ ad baptismi ritus pertinent; quo quidem placito inanes reddere conatur innumeras Patrum auctoritates, in quibus mentio fit Confirmationis. Hanc effugiendi viam ante Dallæum invenerat Antonius de Dominis *lib. 5. c. 5. nn. 10. &c.*

Tertium est, manuum impositionem esse non posse materiam sacramenti, quod ille prius *lib. 1. c. 12.* probaverat hisce futilibus argumentis: 1. quia non legitur in Scripturis hunc ritum in materiam alicujus sacramenti a Christo institutum fuisse: 2. quia in nullo sacramento membra ministri tenent locum materiz: 3. quia in ordinatione adhibetur manuum impositio; materia vero cujuslibet sacramenti propria esse debet.

Quartum est, unctionem chrismatis ex oleo & ballamo permixti & ab episcopo consecrati non esse materiam sacramenti: qua in re vim maximam facit Dallæus; quasi vero apud orthodoxos illud esset de fide.

Quintum est, unctionem baptismalem & confirmatoriam apud veteres unam & eandem esse: quo fit ut Dallæus de unctione confirmatoria exponat, quæcumque Patres de baptismali dixerint, & quæcumque Patres de confirmatoria asseruerint, ipse de baptismali explicet.

A S S E R T I O.

PROBATUR efficaciter ex traditione Confirmationem esse sacramentum novæ legis.

VERUM, ut omnis ambiguitas auferatur, antequam ad Patrum auctoritates veniamus, præmitti debet,

1. Aliud esse, querere de Confirmatione, an sit sacramentum; & aliud querere, quæ sit ejus materia, quæ forma, quis effectus, qui minister.

2. Certum esse theologis impositionem manuum, aut unctionem, aut utramque simul, esse materiam Confirmationis; quamvis inter se dissideant, an sola manuum impositio, vel unctio sola, vel utraque simul, sit materia huic sacramento essentialis.

3. Scripturas sacras, cum docent rei cuiuspiam sensibili convenire, ut sit signum perpetuum & practicum gratiæ sanctificantis, docere consequenter rem illam esse sacramentum novæ legis.

4. Theologos, qui sentiunt unctionem chrismatis esse materiam seu partialem seu totalem Confirmationis, ita docere, quia pro certo habent ex sanctis Patribus unctionem illam habere virtutem sanctificandi, unde a posteriori colligunt unctionem illam a Christo institutam esse.

5. In ea etiam opinione, quæ docet unctionem esse materiam Confirmationi essentialem, non est de fide, quod hæc unctio debeat necessario fieri ex chrismate, quod ex oleo & balsamo permixtum sit, & ab episcopo consecratum fuerit; adeo ut ex fide constet ad sacramenti valorem non sufficere simplex a sacerdote benedictum.

6. In antiqua Ecclesia neophytis, statim atque baptizati fuerant, Confirmatio sæpe conferebatur: unde fit, ut Patres de utroque sacramento, quasi de uno eodemque ritu locuti aliquando videantur.

7. Non solum Confirmatio, sed etiam eucharistia cum baptismo sæpe conferebatur: quorum eucharistia frequentius cum baptismo, quam Confirmatio jungebatur; nempe quando presbyteri absente episcopo baptizabant. Neque tamen inde sequitur eucharistiam esse merum ritum, qui ad baptismum pertineat.

8. Confirmatio non est simplex ritus baptismi: primum quidem, si sit eadem ac manuum impositio, de qua in *Actis cap. 8. & 19.* & quam constat non fuisse baptismi ritum: deinde si a Patribus appelletur *sacramentum* simpliciter, quia res quæ sacramentum est simpliciter, longe differt a ritu ecclesiastico sacramenti: 3. si dicatur a Christo instituta; quia cæremoniæ sacramentorum sunt ex mera Ecclesiæ institutione: 4. si minister ejus alius sit a ministro baptismi solemnitis; quia baptismus solemnitis ille est, qui cum omnibus suis ritibus celebratur: 5. si gratiam confert ex opere operato; quia modus ille operandi proprius est sacramentis novæ legis, & nulli cæremoniæ convenit: denique

que si gratiam a baptismali distinctam producit; quia unumquodque sacramentum habet proprium effectum.

9. Quo tempore solus episcopus erat ordinarius minister baptismi, eodem unctio baptismalis a solo conferebatur episcopo: postquam vero Ecclesia presbyteris & diaconis indulsit, ut tanquam ordinarii ministri baptizarent, illis etiam concessit potestatem ungendi unctione baptismali, imo & progressu temporum unctionem hujusmodi eis præcepit.

His præmissis, modo veniamus ad nostram assertionem, camque testimonii Patrum stabiliamus.

C A P U T I.

Patres primi & secundi seculi.

CHRISTIANOS qui primo seculo & secundo fere toto vixerunt caruisse isto Unctionis sacramento hinc nescitur, inquit Dallæus, „ quod ejus plane nulla occurrat mentio in veris & indubitatis, quæ „ satis multa extant, illorum temporum monumentis: v. g. extat genuina Clementis ad Corinthios ante primi seculi finem data epistola; extant Justinus, Athenagoræ, Theophili, Tatiani, Irenæi opuscula non pauca, omnia post annum 150. & ante 197. Domini annum edita. Profecto non est verisimile hos omnes Patres nullam ejus unctio- „ tionis mentionem in tam multis facturos fuisse, si quidem ipsa jam „ tum in Ecclesia pro vero ac legitimo, & a Christo Domino instituto omnium baptizatorum sacramento habita esset. Nam isti sane vel „ omnes vel plerique, & baptismi & eucharistiæ (quæ vera esse sacramenta nemo dubitat) luculentissime meminerunt. Cur qui memine- „ runt, Confirmationem tacuerint, nulla ratio dici potest, nisi hæc „ una, quod scilicet nullus tunc hujusmodi ritus eodem cum istis sensu apud Ecclesiam haberetur.

Dallæus hisce verbis quatuor docet: 1. *Non pauca, sed satis multa extare opuscula Clementis, Justinus, Athenagoræ, Theophili, & Irenæi:* 2. *Patres illos, vel omnes vel plerosque, baptismi & eucharistiæ meminisse:* 3. *Neminem tamen eorum mentionem fecisse unctio- „ nis:* 4. *Ex hoc Patrum in iis, quæ nunc extant, monumentis silentio aperte colligi quod Confirmatio primis duobus Ecclesiæ seculis nondum esset in ulu.*

Quot verba, totidem fere mendacia. In primis enim non multa, sed pauca, extant opuscula Clementis, Justinus, Athenagoræ, Theophili, Tatiani & Irenæi, quemadmodum apparebit ex sequentibus paragraphis. Deinde ex Patrum albo expungi debet Tatianus Encratitarum hæresis parens. 3. In illis veris & indubitatis, quæ satis multa extant, illorum temporum monumentis, Clementis, Athenagoræ, Theophili & Tatiani

Tatiani, nulla sit mentio baptismi & eucharistiæ. 4. Theophilus & Irenæus, & Clemens, meminerunt Confirmationis. Denique, cum omnia fere opera horum quinque auctorum perierint; & ea pauca, quæ supersunt, rem illam, de qua nunc agitur, videlicet numerum sacramentorum, minime tractent, argumentum negativum ex illis petiit nihil omnino concludit; præsertim cum Tertullianus, qui II. & III. seculo floruit, meminerit manuum impositionis, & unctionis confirmatoriæ, quasi ritus antiqui: & Patres, qui subsecuti sunt, manuum impositionem sua ætate observari solitam asseruerint eandem esse, quæ ab Apostolis adhibebatur. Quod si liber *de ecclesiastica hierarchia*, genuinum sit opus Dionysii Areopagitæ, quemadmodum plurimi veteres & recentiores contendunt, certo certius constat unctionem confirmatoriæ ab ipsis Ecclesiæ incunabulis in usu fuisse; hujus enim unctionis meminisse hic auctor, cujus testimonia referemus, ubi de Patribus, qui seculo IV. floruerunt. Clementem, Justinum, & alios, quos objicit Dallæus, modo expendamus.

§. I. Clemens Romanus.

CLEMENS, inquit Hieronymus, in *catalogo scriptorum ecclesiasticorum*, "quartus post Petrum Romanus episcopus, qui obiit tertio Trajani anno, qui fuit a Christo nato centesimus, scripsit ex persona Romanæ Ecclesiæ ad Ecclesiam Corinthiorum valde utilem epistolam, quæ & in nonnullis locis publice legitur, & mihi videtur characteri epistolæ, quæ sub Pauli nomine ad Hebræos fertur, convenire. Sed & multis de eadem epistola non solum sensibus, sed juxta verborum quoque ordinem, abutitur: omnino grandis in utraque similitudo est. Fertur & secunda ejus nomine epistola, quæ a veteribus reprobat: & disputatio Petri & Appionis longo sermone conscripta, quam Eusebius in tertio historiæ ecclesiasticæ volumine coarguit. "Sex igitur aliæ epistolæ, quæ nomine Clementis in tomo 1. conciliorum referuntur; notæ sunt: nullaque germana est præter epistolam ad Corinthios, cujus Irenæus *lib. 3. advers. hæres. cap. 3.* Clemens Alexandrinus *lib. 4. & 5. Strom.* Origenes *lib. 2. de princip. & tomo 2. contra Celsum*, Eusebius *lib. 3. hist. eccles. cap. 12. & 32.* Cyrillus Hierosolym. *cateches. 18.* Hieronymus in *catalogo script. libro 1. advers. Jovin. in cap. 52. Isaie, & in cap. 4. epist. ad Ephef.* meminerunt.

Illam Clemens, "dissensione non modica inter eos, qui Corinthii essent fratres facta, scripsit ad pacem eos congregans, & reparans fidem eorum, & annuncians quam in recenti ab Apostolis receperant traditionem annunciantem unum Deum omnipotentem, factorem cæli & terræ " &c. ex Irenæo *loco citato*: in eaque omnem pene sermonem suum de virginitatis puritate contexuit, ex Hieronymo *lib. 1. adv. Jovin.*

Diu latuit hæc epistola, donec Patricius Junius eam e membranis laceris vetustissimi codicis, qui extat in bibliotheca regia Oxoniensi, eruit, latine vertit, notis brevioribus illustravit, jurisque publici fecit Oxonii anno 1633.

Genuinum quidem opus illud videtur, integrum vero dici non potest, quod lacerarum membranarum lacunas supra ducentas sexaginta expleverit, vocesque deperditas & litteras vetustate exesas de conjectura sua suppleverit Junius: qui etiam ad notarum calcem fatetur *desiderari in exemplari antiquo*, quo ipse usus est, *solum integrum, quod quatuor impressi codicis* (eodem autem ille impressus est, ut ajunt, in quarto minori) *folia constituit.*

Ex his autem apparet nullum esse argumentum negativum, quo Dalæus contendit Confirmationis sacramentum christianis primi seculi ignotum fuisse, quia Clemens in sua ad Corinthios epistola, hujus sacramenti non meminit. Si quidem, quomodo sacramentum illud Clementem aliosque fideles primi seculi latere potuit, quod scriptum legitur *Act. 8. & 19. & cap. 6. ad Hebræos*? Manuum enim impositionem, quæ in his locis refertur, sacramentum esse probavimus veterum Patrum auctoritate. Deinde, quis asserere audeat hoc sacramentum non fuisse alibi a Clemente commemoratum? 3. Genuina sit, per me licet, Clementis ad Corinthios epistola per Junium edita; imperfecta tamen & mutila est. 4. In hac mutila epistola, nihil de baptismo legitur, nihil de eucharistia, quæ tamen duo sacramenta non latuere christianos primi seculi. 5. Argumentum hujus epistolæ non exigebat, ut Clemens aliquam Confirmationis mentionem faceret. Quid enim necesse erat sacramentum illud commemorare, ut Corinthios ad pacem & concordiam revocaret? 6. Ad restituendam inter Corinthios pacem & concordiam non parum certe conduxiisset commemoratio baptismi & eucharistiæ, ut quæ sint unitatis & charitatis sacramenta: quia vero Clemens horum non meminit, ideone concludere licet hæc duo sacramenta non fuisse in usu toto illo tempore, quo Clemens Ecclesiæ præfuit? 7. Quid si contendam gratiæ confirmatoriæ, atque adeo Confirmationis, mentionem initio hujus epistolæ factam fuisse? Si quidem inter speciales virtutes & gratias quibus Corinthii ante exortam illam disensionem, donati & sanctificati erant, Clemens recenset plenam super ipsos omnes factam Spiritus sancti effusionem: "Plena etiam, inquit, super omnes Spiritus sancti effusio facta est: quæ quidem effusio, pro prius est Confirmationis effectus: neque enim plena effusio Spiritus sancti super aliquem baptizatum primis Ecclesiæ seculis facta legitur, nisi per confirmatoriam manuum impositionem."

§. 2. *Justinus martyr.*

JUSTINUM philosophum, qui Romæ martyr obiit anno 163. "Nihil tacuisse eorum, quæ tum in administratione baptismi, alicujus momenti esse putabantur, præter summi viri candorem, ipsiusque orationis satis diu in hoc argumento versantis rationem, fidem facit ipsa illa, qua hunc sermonem ingrediens utitur, contestatio, qua scilicet rem totam diligenter ideo explicaturum proficitur; ne si eam prætereat, maligne quidquam & dissimulanter agere videatur. Cum ergo hæc ita præfatus, nihil tamen de unctione ac manus impositione, nihil de cæteris, quæ postea apud christianos, occurrunt, baptismi cæremoniis adjecerit; omnino pro certo atque indubitato statuendum videtur, nihil adhuc istorum rituum apud christianos Justiniani temporibus in baptismo factitatum fuisse. Quæ vero in baptismo non fuit unctio, illa nunquam alibi in omni eorum cultu fuit; neque enim alibi quam in baptismo, statim post merionem, fiebat primis illis seculis, quibus in usu esse cæpit. "Ita Dallæus *lib. 3. cap. 2.* ejus ratiocinatio ita redigi potest: Justinus in *apologia* 2. se rem totam rituum ad baptismum pertinentium diligenter ideo explicaturum proficitur, ne si eam prætereat, maligne quidquam & dissimulanter agere videatur. Nihil ergo tacuit eorum, quæ tum in administratione baptismi, alicujus momenti esse putabantur. Atqui nihil adjecit de unctione & manus impositione: nulla igitur tunc erat in baptismo. Quæ vero in baptismo non fuit unctio & manuum impositio, illa nunquam alibi fuit primis Ecclesiæ temporibus. Nondum igitur in usu erat unctio, manuumque impositio.

In hac ratiocinatione occurrunt plura, quæ falsa mihi videntur. Mihi siquidem in primis constat Justinum, qui apologiam ad Antoninum pium scripsit anno 150. ibi tacuisse multa eorum, quæ tum in administratione baptismi, non alicujus, sed gravis momenti esse putabantur. Non enim observat, utrum immersione, vel effusione, vel asperione baptismus ætate sua administraretur; quod tamen tanti visum est in veteri Ecclesia, ut seculo sequenti dubitatum fuerit, an baptismus per effusionem valeret; quemadmodum apparet ex *epistola Cypriani ad Magnum*. Non etiam observat sub qua verborum formula traderetur. Non exprimit ejus ministrum. Nihil dicit de infantibus, qui tum baptizabantur, suumque sermonem ad solos adultos convertit. Nihil quoque de consecratione aquæ baptismalis & olei, quam Basilius *lib. de Spiritu sancto cap. 27.* ait ex apostolica traditione proficisci. Nihil de olei consecratione, ejusque unctione, quam Basilius *ibidem* ad traditionem apostolicam revocat. Nihil de exorcismis & insufflationibus, quarum meminit Vincentius episcopus Thibarinus in synodo Carthaginensi a Cypriano contra baptismum hæreticorum celebrata, anno

256. & quas Augustinus ait *lib. 2. ad Valerium cap. 29.* ex antiquissima Ecclesie traditione descendere. Nihil de manuum impositione in exorcismis baptismum præcedentibus adhibita, de qua Vincentius Thibarinus *ibidem*. Nihil de sponsoribus, seu patrinis, quorum meminit Tertullianus *lib. de baptismo cap. 18.* Nihil de pacto & conventu, de quo Tertullianus *lib. de baptismo cap. 6. & de idololatria cap. 23.* Nihil de sacramento & juramento, de quo Tertullianus *lib. de idolol. cap. 6. & 19. lib. de corona militis, & lib. de spectac. cap. 24.* Nihil de renunciationibus diaboli pompis, & angelis ejus, de quibus Tertullianus *lib. de idolol. cap. 6. lib. de spectac. cap. 4. & 24. & lib. de corona militis cap. 3.* quo postremo loco asserit illas " sine dubio de traditione manare, eaque non scripta. Nihil de trina immersione, & responsis, cum fieret trina immersio, reddi solitis : quæ *ibidem* ait ex eadem traditione non scripta descendere. Nihil de " mellis & lactis societate, qua Christus suos infantat, " ex Tertulliano *lib. 1. adv. Marcion. cap. 14.* quæque de traditione non scripta manat, ex eodem Tertulliano, *lib. de corona cap. 3.* Nihil de unctione de qua Tertullianus *lib. de baptismo, cap. 7.* & quam Christus tribuit *lib. 1. adv. Marcion. cap. 14.* Nihil denique de manus impositione baptizatis adhibenda, de qua Tertullianus *lib. de baptismo cap. 8.* Tertullianus autem, ut qui jam floreret, antequam Victor (sub quo ejus lapsus contigisse constat, inquit Baronius) ad Pontificatum anno 192. evheretur, proximus fuit Iustini temporibus. Atqui Tertullianus ritus illos refert, non quasi recens institutos, aut ecclesiis quibusdam speciales, sed velut antiquos, & ubique terrarum observari solitos.

2. Justinus non spondet imperatori se rem totam rituum ad baptismum pertinentium diligenter explicaturum, " ne, si eam prætereat, maligne quidquam & dissimulanter agere videatur ; " sed id tantum proponitur, se modum, quo fideles per Christum renovati, Deo dicarentur, Antonino Pio expositurum, " ne, si hoc prætereat " &c. quod ut præstet, paucis ille perstringit modum, quo pagani primum fierent catechumeni, deinde baptizarentur, baptizatique aggregarentur numero fidelium, ac tandem mysteriis sacræque synaxi cum cæteris fidelibus participarent ; adeo ut cæremoniarum baptismi generatim tantum, & confuse mentionem fecerit, his verbis, " eo regenerationis modo, quo ipsi regenerati sumus, regenerantur ; " nullius vero ritus etiam essentialis speciatim meminerit, præter aquæ lotionem factam in nomine rerum cunctarum parentis & Domini Dei & Salvatoris nostri Jesu Christi & Spiritus sancti ; ut inde occasionem arripiat gentilibus exponendi quæ fides catholica sentit de regeneratione, de eementita demonis aqua lustrali, de Patre rerum omnium parente, de Christo Filio Dei, de Christo Patris apostolo, de Christo apparente sub variis speciebus in veteri testamento, de Christo incarnato & passo, & de Spiritu sancto : quibus fuscè tractatis, sermonem revocat ad neophytum jam

jam baptizatum, eumque, missis quibuscumque cæremoniis baptismi subsequenter, statim adducit ad locum, ubi fratres congregati communes preces fundebant. "Nos autem, inquit, secundum hujuscemodi lavationem, credentem jam & nobis adscitum, ad fratres, qui dicuntur, eo adducimus, ubi illi congregati sunt ad communes preces & supplicationes, cum pro se ipsis, tum pro illuminato, & aliis, ubique gentium omnibus, attento animo peragendas; ut digni, idoneique simus, qui, veritate agnita, per opera etiam ipsa boni atque officiosi rerum administratores, & datorum nobis mandatorum custodes inveniamur, atque ut salute salvemur sempiterna. "Quas vero & quales funderent preces, non exponit, uti nec eas, quæ tum in oblatione eucharistiæ adhibebantur; asserens duntaxat eucharistiam "ab eo, qui fratribus præest, in laudem & gloriam offerri rerum universarum Patri, per nomen Filii, & Spiritus sancti; "hanc oblationem prolixè perfici: prolixas preces in hac oblatione fieri solitas: oblationem & precibus absolutis eucharistiam "a diaconis distribui unicuique præsentium: "eucharistiam "non esse communem panem, neque communem potum, sed incarnati Jesu carnem & sanguinem. "Justino igitur non erat in animo ibi exponere sigillatim & speciatim omnes & singulos ritus ad utrumque baptismi & eucharistiæ sacramentum pertinentes: alioqui non debuisset generatim dicere, "Quicumque crediderint vera esse quæ a nobis traduntur & dicuntur, eo regenerentur, rationis modo, quo ipsi regenerati sumus, regenerantur; sed debuisset speciatim referre, quæ doctrina, quæve fidei formula catechumenis traderetur; sicut & modum exponere quo ipse regeneratus fuerat. Nec etiam fuisset satis, asserere generatim eucharistiæ oblationem prolixè perfici; sed debuisset sigillatim commemorare hos ritus prolixos & has preces prolixas, quibus hæc oblatio perficiebatur.

3. Forte Confirmatio neophytorum subobscurè commemoratur & comprehenditur his verbis: "Nos autem secundum hujuscemodi lavationem " &c. ut *supra*: quibus constat communes preces a fidelibus fieri, alias pro seipsis, alias pro neophyto, & alias pro christianis ubique gentium sparsis: quæ quidem conjectura, si vera sit, oratio facta pro neophyto, ut mandata custodiat, erit oratio confirmatoria, juxta illud Act. 8. v. 15. *Oraverunt pro ipsis ut acciperent Spiritum sanctum.*

4. Dato, non concesso, quod Justinus eo loci nullam Confirmationis mentionem fecerit, ratio silentii hæc asserri potest, quod Justinus ibi aperiat modum, quo fideles per baptismum Christo consecrarentur in cœtibus fidelium. Sed illis cœtibus non semper intererat episcopus, qui Confirmationem conferret. Potuit igitur Justinus juxta de causa non commemorare Confirmationem. Inde patet falsum esse quod Dalæus scribit. "Quæ in baptismo non fuit unctio, illa nunquam alibi facta fuit primis illis seculis. Cum enim fideles jam primis illis se-

Witasse de Confirmatione.

C

culis

culis ubique terrarum diffusi essent, adeoque plures essent cœtus, quibus episcopi non possent interesse, necesse erat ut catechumeni frequens baptizarentur a presbyteris, Confirmationem deinde ab episcopis accepturi, exemplo Samaritanorum, qui primum a Philippo baptizati, postea Confirmationem ab Apostolis receperunt.

5. Quamvis nulla Confirmationis mentio facta esset in apologia, inde tamen non sequitur nullam alibi mentionem factam fuisse a Justino, qui præter opera, quæ supersunt, alia longe multa composuit, quæ temporum injuria periere: prolixiorem enim librum de disputatione cum Tryphone habita se conscripturum pollicetur in dialogo cum eodem Tryphone, post medium: sed & volumen contra omnes, quæ antehac fuerunt, hæreses, a se compositum testatur in apologia 2. ad Antoninum Pium ante medium; seque id oblatum promittit, si legere imperator velit. Meminit etiam epistolæ a se ad Papam scriptæ, initio epistolæ de vita christiana ad Zenam & Serenum: quæ quidem opera ad hos non pervenerunt: ut nec liber, cui titulus erat, *psalter*: nec liber de anima, "in quo, inquit Eusebius, variis positis questionibus, de argumento, quod instituit, græcorum philosophorum opinionones citat, quibus tum se responsum, tum suam ipsius sententiam alio libro separatim in idem argumentum scripto explanaturum promittit. "Nec insignia volumina, quæ contra Marcionem edidit. Nec commentarii, quos scripsit in apocalypsim. Nec volumen contra gentiles, "in quo, inquit Eusebius, ubi de multis rebus, quæ tum apud nos, tum apud gentiles philosophos queri soleant, longum sermonem habuit, tandem de dæmonum natura disserit. "Perierunt hæc opera, quæ tamen Justino adscribuntur ab Eusebio, & Hieronymo: potuit autem in illis, aut in eorum aliquo, ac præsertim in voluminibus contra Marcionem, Justinus meminisse Confirmationis, sicut ejus meminit Tertullianus in libris contra Marcionem.

Bellarminus quidem in tractatu de Confirmatione, lib. 2. cap. 5. laudat Justinum in respons. ad orthod. quæst. 137. Primum oleo unguimur, ac deinde in sacro lavacro, quæ dicta sunt, symbolis peractis, post illud unguento consignamur. "Sed illud opus non esse Justini ipsemet Bellarminus agnoscit in libro de scriptoribus. Auctor enim hujusmodi responsionum quæst. 82. & 86. citat Origenem, quem constat post Justinum floruisse Alexandri Severi temporibus. Ibidem hebraicorum nominum etymologias accersit ex Origene; cum Justinus in hebraicis ita se versatum fuisse declarat in dialogo cum Tryphone, ut etiam Hebræos docuerit. Meminit quæst. 115. Irenæi martyris, qui tamen Justino mortuo vivebat. Manichæos quoque taxat quæst. 127. quorum tamen hæresiarcha post Justinum extitit, sub Probo imperatore, anno 283. ut in chronico tradit Eusebius. Similiter quæst. 111. meminit anachoretarum & monachorum in desertis locis, cum Paulus eremitarum auctor & magister fuerit, ex Hieronymo in vita Pauli. Postremo quæst. 74. &

126. supponit & asserit paganismum aut omnino, aut fere extinctum, qui tamen seculo Iustini vigeat.

§. 3. Athenagoras.

Athenagoras, Atheniensis Philosophus, qui æqualis Iustini fuit, scripsit librum *de resurrectione*, & insignem *apologiam pro Christianis*, quam Imperatoribus Marco-Aurelio, Antonino, & Aurelio Commodo obtulit anno 179. Utrumque opus ad calcem operum Iustini editum est. Nullam Athenagoras in utroque opere mentionem facit de Confirmatione, ejusque silentium Dallæus nobis objicit.

1. Mirum est, cur Eusebius diligentissimus scriptorum investigator hujus auctoris non meminerit, ut nec meminit Hieronymus in *suo Catalogo* (apologiam tamen sub ejus nomine citat Epiphanius in *heresi Origenis*, ubi refert verba Procli ex Methodio Tyri Episcopo, qui martyr occubuit anno 20. imperii Diocletiani, qui fuit epochæ nostræ 301.) 2. Cum ejus opera ignota fuerint Eusebio, & Hieronymo, aliqua forte nos fugiunt, in quibus meminit ille Confirmationis. 3. In duobus illis operibus, quæ nunc habemus, nulla sit mentio baptismi, & Eucharistiæ. 4. Institutum duorum operum, quæ nunc extant, & illius esse dicuntur, non postulabat, ut mentio fieret de Confirmatione. Prioris enim operis argumentum est *resurrectio mortuorum*; posterioris autem edit *legatio pro Christianis ad Imperatores*, in qua totus est Athenagoras, ut religionem vindicet a variis calumniis, quibus illa impetebatur.

§. 4. Theophilus.

Theophilus, sextus ab Apostolo Petro Antiochenus Episcopus, qui referente Eusebio in *chronico*, vixit tempore Marci Aurelii Imperatoris, & sub Commodo ejus filio obiit, multa scripsit, de quibus Eusebius *lib. 4. bist. Eccles.* & Hieronymus in *catalogo*, videlicet tres libros *ad Autolyceum* adversus christianæ religionis calumniatores; librum *contra Marcionem*; librum *contra heresim Hermogenis*, „ & „ alios, inquit Eusebius, libros qui ad primam christiani in fide institutionem spectant; „ seu, ut Hieronymus loquitur, & alios breves, elegantisque tractatus ad Ecclesiæ ædificationem pertinentes. „ quibus subjicit Hieronymus: „ Legi sub ejus nomine, in Evangelium „ & in Proverbia Salomonis commentarios, qui mihi cum superiorum voluminum elegantia & phrasi non videntur congruere. „ Commentarii igitur, qui sub nomine Theophili editi sunt, *tom. 1. biblioth. Patrum*, adulterini sunt. Ex cæteris vero tractatibus recensitis, nulli supersunt præter libros tres *ad Autolyceum*, in quibus Dallæus nullam ait mentionem fieri unctionis seu in baptismo, seu post baptismum

mum adhibita: indeque concludit illam Theophili ætate nondum esse in usu.

Sed in primis Theophilus *lib. ad Auto'yum*, non procul a fine, meminit unctionis, qua christiani ungebantur, dum Autolyco ipsum derisorie nuncupanti christianum seu unctum, ira responderet: "Quod tibi ludibrium debeo, dum me christianum nuncupas, non magni facio, imo respondeo te nescire quid dicas. Nam unctionis hoc nomen in primis bonum & suave est, nec risum meretur; quæ etenim navis bona, & usui esse potest, nisi prius ungatur? quæ turris aut domus elegans & utilis esse potest, nisi prius ungatur? Quis mortalium, qui progreditur in hanc vitam, quæ certaminum arena est, & non olgo inungatur? Quodnam opus ornatum haberi potest, nisi perungatur, & quasi splendore illustretur? præterea aer, & omnis, quæ sub cælo est, creatura quodammodo lumine, & spiritu inungitur: & tu recusas macerari Dei oleo? Certe nulla alia ex re christianorum nomen traximus, quam quod divino oleo perfundimur?" Ungebantur igitur fideles ætate Theophili, qui Antiochenus pontifex electus est ad annum 170. ex Eusebio in *chronico*, olympiade 237.

Deinde dato, non concessio, quod Theophilus nullam ibi mentionem fecerit unctionis seu in baptismo seu post baptismum adhibita, respondeo nullum fore argumentum negativum, ex silentio Theophili in his tribus libris petitum: 1. quia Theophilus in his quoque non meminit baptismi & eucharistiæ, quæ tamen duo sacramenta Dallæus fatetur in usu fuisse primis Ecclesiæ sæculis: 2. quia institutum Theophili per se non postulabat, ut ille alicujus sacramenti mentionem faceret; horum siquidem trium librorum argumentum in eo totum est, ut probetur veritas & unitas Dei invisibilis, ut refutetur paganorum idololatria, ut Judæorum antiquitas & religio statuatur: 3. quia his tribus libris exceptis, perierunt cætera Theophili opera, in quibus, præsertim in volumine *contra Marcionem*, & "in aliis libris, qui ad primam christiani in fide institutionem spectabant, potuit ille sacramenti, quod controvertitur, meminisse; quemadmodum ejus meminit Tertullianus in *libro contra Marcionem*, quamvis de illo tacuerit in *apologetico*.

§. 5. Tatianus.

Tatianus, natione Syrus, ex philosopho Platónico Christianus, Justinus auditor, vir eruditissimus, inquit Eusebius, infinita librorum volumina scripsit, ex quibus ille, quem adversus gentiles composuit, florentissimus est. Extat ille ad calcem operum Justinus sub hoc titulo, "Tatiani oratio ad Græcos, quod nihil eorum, quibus Græci gloriantur, studiorum apud ipsos natum, sed omnia a barbaris inventa sunt." Cætera vero opera perierunt.

Ca.

Catholicorum partibus adhæsit Tatianus, quandiu Justinus vixit, sed post ejus obitum fide catholica defecit, & in superbiam elatus, hæresiarcha & princeps Encratarum factus est, ex Eusebio *lib. 4. histor. Veteris Editionis*, cap. 16. ubi de Justinii morte, & cap. 28. ubi de secta secundum Tatianum, & ex Sancti Hieronymi catalogo in *Tatiano*.

Ejus de unctione vel manuum impositione silentium in oratione contra Græcos Dallæus nobis objicit: sed perperam. 1. Quia in hoc opere, uti nec Confirmationis, ita nec baptismi nec eucharistiæ meminit. 2. Id non postulabat orationis argumentum, quod vel ipso titulo significatur. 3. Tatianus forte in hæresim jam lapsus erat, cum hanc orationem scriberet. In ea siquidem docet animam suapte natura mortalem esse; piorum tamen animas ex speciali Dei gratia non perire cum corpore, animas vero impiorum simul cum corpore intèrre, in consummatione mundi æternum cruciandas. 4. Quod Tatianus in hac oratione tacuit, referre potuit in illis infinitis librorum voluminibus, quæ ad nos minime pervenerunt. 5. Quod forte tacuit Tatianus, retulerunt Irenæus, & Tertullianus, qui eodem cum Tatiano tempore vixerunt, ex epitome Baronii, ad Annum 174. num. 1. Tatianus enim in hæresim lapsus est anno 175. ex Eusebio in *Chronico*.

§. 6. Irenæus.

Irenæus, Lugdunensis ecclesiæ presbyter, qui ad Eleutherium pontificem Romanum missus est, ad annum 179. cum consulturus de quibusdam dubiis, & ad sedem Lugdunensem evectus est ad annum 180. martyriumque subiit anno 202. plura scripsit volumina, de quibus Eusebius in *historia lib. 5.* & Hieronymus in *catalogo*. Neque enim ille composuit solum quinque libros adversus Valentiū, & similibus Gnosticorum hæreses, quos sub Eleutherii Episcopatu edidit; verum & alios plurimos, qui vel injuria temporum, vel hæreticorum fraudibus perierunt, vel denique adhuc alicubi cum blattis, & tineis certantes latent.

Cum enim Blasus & Florinus, Ecclesiæ Romanæ presbyteri, ab Eleutherio Papa, gradu moti, pulsque fuissent propter Valentinianas impietates, & alias quasdam illis additas fanaticas opiniones, quibus & alios inficere, & schismate suo Ecclesiæ membra divellere conabantur, duos libros Irenæus composuit, quorum prior erat de *schismate*, ad Blasum, qui prætextu ritus paschatis Judaïsmum in Ecclesiam inducere conabatur; posterior ad Florinum suum quondam Polycarpi condiscipulum eique titulus erat de *Monarchia*, seu quod *unicus sit Deus; & ille nequam sit auctor malorum*. Valentiniani enim duos admittebant Deos, quorum alter bonorum, & alter malorum auctor esset. Hujus etiam Flo-

Witasse de Confirmatione.

C 3

rini

rini causa, qui in errores Valentinianorum lapsus fuerat, librum *de ogdoade*, seu *de octonario numero*, seu *de octonatione*, vel *de conjugatione octo eorum*, conscripsit, in quo satis aperte declarat, se Apostolorum temporibus proxime successisse. Præterea opus singulare Irenæus edidit *adversus Marcionem*, cujus scribendi provinciam in se receperat *lib. 1. adversus hæreses cap. 29.* Breve quoque volumen, inquit Hieronymus, "*contra gentes*, composuit, & *de disciplina aliud*, & *ad Marcionem de apostolica prædicatione*, & *librum variorum tractatum.*" *Dialogos etiam de diversis*, quorum meminit Eusebius, *epistolam unam ad Victorem pontificem*, dissidium de die celebrandi paschatis; plures alias *epistolas ad alios plerosque ecclesiarum episcopos circa eandem controversiam*; denique *commentarios in apocalypsin.*

Fragmenta quædam libri *de monarchia* ad Florinum extant apud Eusebium *lib. 5. hist. cap. 20.* fragmentum item libri *de ogdoade* apud Eusebium *ibidem*: fragmentum etiam *epistola ad Victorem* apud eundem *lib. 5. hist. cap. 24.* de cæteris operibus nihil, quod sciam, extat apud auctores.

Cum igitur ex tot libris, supersint duntaxat illi quinque, quos adversus hæreses Valentini ejusque discipulorum Irenæus edidit, quamvis nullus in iis sermo de unctione vel manuum impositione haberetur, uti Dallæus contendit, consequens tamen non esset nullam in cæteris ejusdem operibus de ea mentionem factam fuisse.

Sed age, opus illud, quod superest, expendamus: & cui parti magis faveat Irenæus, discutiamus. Illum etenim sibi favere non Dallæus modo, sed & Magdeburgenses contendunt.

Duo sunt loca quæ in controversiam vocantur.

Prior habetur *lib. 1. cap. 18.* in medio: "Tum autem cum, qui initiatus est, inquit, opobalsamo inungunt, hoc enim unguentum fragrantæ illius, quæ omnia exuperat, typum esse aiunt. Sunt etiam ex: ipsis, qui eos quidem ad aquam adducere supervacaneum esse dicant, oleo autem, & aqua una permixtis, cum vocibus quibusdam, iis, quæ ante a nobis commemoratæ sunt, haud dissimilibus, in eorum, quos initiant, caput injiciunt: idque redemptionem esse volunt; atque ipsi quoque balsamum adhibent." Quibus verbis Irenæus refert varios modos, quibus Valentiniani, & Gnostici unctionem confirmatoriam depravabant.

Adversarii respondent hanc unctionem, eamque cæremoniam primum ab illis hæreticis inventam, deinde ab Ecclesia Romana admissam fuisse: ego vero contendo hanc unctionem primum quidem ab Ecclesia fuisse adhibitam; deinde vero ab illis hæreticis corruptam fuisse; eamque corruptelam hæc Irenæi verbis describi.

Idque mihi quidem apparet: 1. ex toto illo opere: Irenæus enim, postquam varia Valentinianorum placita toto libro primo retulit, aliis deinceps quatuor libris ea acutissime refellit. Sed Irenæus hæreticos illos nul-

nullibi reprehendit, quod initiatos ungerent oleo simul & balsamo, sed quod illos ungerent solo balsamo, vel oleo & aqua una permixtis. Nostram igitur unctionem Irenæus non improbat.

2. Id mihi apparet ex iis, quæ textum citatum præcedunt & sequuntur. Irenæus primum refert varios modos, quibus illi hæretici baptizarent; postea refert varios modos, quibus inungerent baptizatos; denique varios refert modos, quibus infirmos ungerent. Quemadmodum igitur Irenæus referendo varios modos, quibus Valentiniani catechumenos baptizarent, & infirmos ungerent, describit eorum corruptelas circa baptismum & extremam unctionem; ita referendo varios modos, quibus ii baptizatos inungerent, describit eorum corruptelas circa unctionem baptizatis adhibitam, quæ tum in usu erat apud fideles, ex Theophilo *supra* citato, & ex Tertulliano *infra* citando.

3. Id mihi apparet ex modo, quo Irenæus refert illas hæreticorum corruptelas. Sicut tres ille distinguit Valentinianorum errores circa baptismalem aquam; putabant siquidem aliqui aquam cum verbis quibusdam portentosis adhibendam esse initiandis antequam ungerentur; alii vero dicebant satis esse, modo aqua cum oleo & balsamo permixta simul adhiberentur; alii demum aquam rejiciebant eo prætextu, quod salus, ut quæ sit omnino spiritualis per sensibiles res exprimi non possit, ita refert ille triplicem Valentinianorum errorem circa unctionem initiatis adhibitam. Nonnulli eos, qui prius initiati fuerant, ungebant solo balsamo, & inter ungendum, verbis aliquot portentosis utebantur: alii vero balsamum quidem & oleum adhibebant, sed aquæ permixta: alii denique hæc omnia improbant, ea ratione quod ineffabilis, & invisibilis virtutis mysterium per res visibiles, & corporeas non possit adumbrari. Sicut igitur ex tribus primis erroribus apparet Valentinianos depravasse materiam, & formam baptismi; ita ex tribus posterioribus manifeste sequitur illos adulterasse materiam, & formam Confirmationis: & quemadmodum tres priores errores circa baptismalem aquam, non inducunt lotionis baptismalis usum, sed supponunt illum jam tum in Ecclesia fuisse susceptum; ita tres posteriores errores circa unctionem, non inducunt usum unctionis, sed supponunt illum jam in Ecclesia receptum.

4. Id mihi apparet ex genio hæreticorum, qui non solent nova sacramenta inducere, sed ea quæ jam apud fideles recepta sunt, additionibus & detractionibus adulterant, vel etiam omnino evertunt.

5. Id mihi apparet ex eodem hæreticorum genio, quos Cyprianus in *epistola ad Jubaianum*, comparat similibus, quæ cum homines non sint, humana tamen imitantur; sic cum hi in Ecclesia non sint, imo contra Ecclesiam, Ecclesiæ tamen catholicæ veritatem, & ritus æmulantur. Pari stratagemate "divinorum sacramentorum res; in idolorum mysteriis diabolum quondam æmulatum fuisse, ut veritatem interverteret, "animadvertit Tertullianus *de præscript.* cap. 40.

“Tingit & ipse quosdam (subjungit ille) utique credentes, & fideles suos: expiationem delictorum de lavacro repromittit: & si ad huc memini, Mithra signat illic in frontibus milites suos: celebrat & panis oblationem” &c. Pari modo Valentiniani tingebant catechumenos, tinctos unctione signabant, celebrabant vini, & panis oblationem, infirmos ungebant, ex Irenæo *lib. 1. adv. rs. hares. cap. 9. & 18.* sed omnia ut veritatem interverterent, adulterabant.

6. Id mihi apparet ex eo quod Tertullianus (qui eodem cum Irenæo tempore vixit, ex epitome Baronii *ad ann. 174. num. 1.*) meminerit unctionis quasi ritus sacri jam pridem in Ecclesia recepti. Itaque Irenæi tempore, hic ritus jam pridem in Ecclesia receptus erat; atque adeo ritum illum Ecclesia non suscepit a Valentinianis: verum illi potius hunc ritum jam pridem in Ecclesia observatum adulterarunt suis innovationibus. Quod autem Tertullianus eodem cum Irenæo tempore floruerit, omnino certum est: si quidem Irenæus ad Victorem Papam scripsit de paschate; sed Tertullianus jam florebat ætate Victoris; tum quia, ex Hieronymo in *catalogo*, floruit ille sub Severo principe, qui secundo Victoris anno acclamatus est imperator, ex Eusebio in *chronico*, olympiade 243. tum quia lapsum ejus sub Victore accidisse Baronius probat ad annum 201.

7. Id mihi apparet ex eo quod Tertullianus, qui adversus Valentinum, ejusque discipulos accerrime scripsit, eosque, ubi sese offert occasio, exagitat, nihilominus hujus ritus quasi sacri, & Catholici meminerit, eumque Christo tribuerit. Quis vero sibi facile persuaserit Tertullianum, qui Valentinianos, ubicumque se offert occasio, perstringit, ritum, qui a Valentinianis inductus fuisset, approbasse, eumque descripsisse, quasi sacrum & catholicum, quem Christo tribuerit.

8. Id mihi apparet ex iis temporibus, quibus Valentinus vixit, scripsit Irenæus, & Tertullianus floruit. “Valentinus enim venit Romanæ sub Hygino, invaluit sub Pio, qui sedit ab anno 158: ad annum 166. & permanfit usque ad Anicetum, “qui Pio successit an. 166 (ex Justino *lib. 3. cap. 4.* Eusebio *lib. 4. hist. cap. 11.* veteris edit. & Baronio *ad annum 155.*) vel etiam usque ad Eleutherium, qui in Soteris locum electus est anno 180. ex Tertulliano *de prescript. cap. 30.* “Romæ; ob inquietam ejus curiositatem, qua fratres quoque viciabat, semel & iterum ab Ecclesia ejectus, “palinodiam sæpe cecinit, ex Tertulliano *ibidem*. Nec in perpetuum ab Ecclesia recessit, nisi sub Eleutherio, cum Tertullianus *ibidem* asserat illum “in Ecclesiæ catholice doctrinam credidisse apud Ecclesiam Romanensem, sub episcopo patu Eleutherii, deinde vero cum in perpetuum diffidium relegatus esset, venena doctrinæ suæ disseminasse. “Valentinus igitur doctrinæ suæ venena, extra Romam non nisi sub Eleutherii pontificatu disseminavit.

Irenæus autem legatione sua ad Eleutherium & Asianos functus, & post reditum suum in Photini Lugdunensis episcopi locum suffectus anno 185. ex Eusebio in *chronico*, postea libros quinque prolixos scripsit adversus Valentinianos sub episcopatu ejusdem Eleutherii, ut constat ex eodem Irenæo *lib. 3. cap. 3.* post medium.

Tertullianus vero floruit sub Severo imperatore, adeoque sub Victore pontifice, qui Eleutherio successit anno 194. quin etiam antequam Victor eligeretur, floruerit Tertullianus necesse est, si tamen certa sit opinio Baronii, "qui *ad ann. 201.* asserit constare ejus lapsum sub Victoræ accidis, fortasse quod ille indigne tulerit gentilem suum Victoræ, Romanum pontificem, sibi honore prælatum.

Quod cum ita sit, quæro ab adversariis, utrum probabile sit, quod Valentinus, qui suæ doctrinæ venena extra Romam non disseminavit, nisi sub Eleutherii pontificatu, ea tamen successu adeo felici disseminaverit, ut tempore Tertulliani, qui sub eodem Eleutherio, aut certe sub ejus successore floruit, omnes Ecclesiæ catholicæ unctionem a Valentino hæresiarcha recens excogitatam receperint, eamque quasi ritum sacrum & orthodoxum neophytis contulerint? nemo cordatus id unquam sibi persuadebit.

Posterior locus habetur *lib. 4. cap. 74. & 75.* ubi Irenæus exponens illud Pauli ad Corinth. 1. cap. 3. v. 2. *Lac vobis potum dedi, non escam; nondum enim poteratis escam percipere:* (hæc postrema verba defunt apud Paulum, referuntur apud Irenæum) docet lac esse Verbum incarnatum, quod Corinthiis Paulus prædicaverat; escam vero esse Spiritum sanctum, quem Paulus ipsis nondum contulerat per impositionem manuum; eamque utriusque analogiam pluribus ille explicat. *Pane infans vesci nondum potest; Verbum, quod angelorum est panis, in gloria & majestate mortalis homo suscipere non poterat: panis in lac a nutrice convertitur, ut infanti proportionetur: verbum, "cum esset perfectum, caro factum est, & coinfantiatum est homini, " ut ejus infirmitati & infantia sese contemperaret. Panis in lac conversus, deinde per mammillam infanti distribuitur: Verbo Dei, " quasi a mammilla carnis ejus enutrimur. " Lac in carnem conversus, infantem corroborat, eumque ad solidiorem cibum disponit: Verbum caro factum, " quasi infantibus lac nobis semetipsum præstitit, ut quasi a mammilla carnis ejus enutriti & per talem lactationem assueti manducare & bibere Verbum Dei, Spiritum Patris in nobis ipsis continere possimus. " Denique infans propter infirmitatem, lactis quidem capax est, non autem panis: Corinthii quidem capaces erant " adventus Domini secundum carnem, " sed propter zelum, contentionem, aliaque id genus imperfectiones, non erant capaces adventus Spiritus sancti, qui neophytis per manuum impositionem ab Apostolis conferebatur; " quibuscumque enim imponebant Apostoli manum, accipie-*

43
 „cipiebant Spiritum sanctum, qui erat esca vitæ. “ Manuum igitur impositio, quam Apostoli neophytis adhibebant, conferebat Spiritum sanctum, ut escam vitæ: atque ita signum erat practicum gratiæ sanctificationis, non qualiscumque, sed perfectæ & solidæ, quæ Corinthiis propter eorum infirmitatem nondum concedi poterat.

§. 7. Tertullianus.

VENIAMUS modo ad Tertullianum, qui floruit sub Severo principe & Antonino Caracalla, & ad decrepitam ulque senectutem vixit, ex Hieronymo in *catalogo*.

Scriptis ille libros quinque adversus Marcionem anno 15. Severi imperatoris, ut ipsemet testatur *lib. 1. cap. 15.*

Ejusdem autem *libri 1. cap. 14.* de Christo ita loquitur, & adversus Marcionem sic argumentatur: “ Sed ille quidem usque nunc, neque
 „ aquam reprobavit creatoris, qua suos abluit; nec oleum, quo suos
 „ unguat; nec mellis & lactis societatem, qua suos infantat; nec panem,
 „ quo ipsum corpus suum repræsentat; etiam in sacramentis propriis
 „ egens mendicantibus creatoris. At tu super magistrum discipulus
 „ & servus super Dominum, sublimius illo sapias, destruens quæ ille
 „ desiderat. “ Quæ quidem verba, ut capiantur, supponi debet Marcionis opinio. Ex Irenæo *libro 1. advers. hæreses, cap. 29.* duos ille Deos distinguebat, quorum unum appellabat Creatorem, qui mundum condidisset, legem dedisset Moysi, prophetias inspirasset, bella concupisceret, omniumque malorum auctor esset; alterum vero Patrem vocabat, qui Deo creatore superior esset, totus esset bonus, & misisset Jesum, “ ut dissolveret legem, prophetias, & omnia opera ejus
 „ Dei, qui mundum fecit. “ Marcion autem se Christi discipulum & servum profitebatur: cum ille igitur se Christi discipulum agnosceret, quem asserbat a Deo Patre missum, ut omnia opera Dei creatoris dissolveret, hinc fit ut ille cuncta Dei creatoris opera quasi mala reprobareret. Tertullianus autem Marcionem arguendo, ut ajunt, ad hominem, perstringit, cujus iste sensus est. Sed & Christus, quem tu sequeris, nec aquam Dei creatoris reprobavit, quandoquidem illa suos abluit; nec oleum Dei creatoris, quandoquidem illa suos ungit; nec mel & lac Dei creatoris, quandoquidem utriusque mixtione infantat; nec panem Dei creatoris, quandoquidem eo ipsum corpus suum repræsentat; etiam in propriis, quæ ipse Christus instituit, sacramentis indigens mendicantibus creatoris, id est rebus sensibilibus, quæ sunt opera Dei creatoris, & quas a Deo creatore tenetur emendicare. At tu, Marcion, super magistrum discipulus, & servus super Dominum, sublimius Christo sapias, destruens quæ ille desiderat. Hic sensus est textus citati: ex quo apparet Tertullianum in ea fuisse mente, lotionem aquæ,

aquæ; unctionem olei, mellis & lactis * mixturam, & panem eucharisticum, a Christo instituta fuisse: prætereaque Christum esse, qui abluit, ungit, infansat, & consecrat, quoties ministri in Ecclesia catechumenos abluunt, ungunt, & infansant, panemque consecrant.

In eodem opere *lib. 3. cap. 22.* in fine, sic alloquitur Marcionem: „ Quæ omnia cum in te quoque deprehendantur, & signaculum frontium, & Ecclesiarum sacramenta & munditiæ sacrificiorum, debes jam erumpere uti dicas, spatium creatoris tuo Christo prophetaſſe. “ Confirmationis autem sacramentum vocari signaculum frontibus impressum, patet ex dictis *pag. 1.* iterumque patebit ex dicendis, præsertim ex Prudentii *psycbomachia*,

*Post inscripta oleo fronti signacula, per quæ
Unguentum regale datum est & chrisma perenne.*

Interim videtis Baronium *ad ann. 35. num. 15. 16. & 17.*

Scriptit etiam Tertullianus librum unum *de resurrectione* adversus Marcionem & alios id genus hæreticos, in ejus operis *cap. 8.* sic habet: „ Caro abluitur, ut anima emaculetur: caro ungitur, ut anima confectur: caro signatur, ut & anima muniatur: caro manus impositione adumbratur, ut & anima Spiritu illuminetur: caro corpore & sanguine Christi vescitur, ut & anima de Deo saginetur. “ Quibus verbis Septimius strictim quidem, sed appositissime complectitur, & explicat tria sacramenta, baptismum, Confirmationem & eucharistiam. Baptismus enim carnem abluit, ut animam a maculis emundet: eucharistia carnem pascit corpore Christi, ejusque sanguine, ut animam de Deo saginet: Confirmatio, quæ carnis unctionem, signaculum crucis, & manuum impositionem includit, carnem ungit, ut animam consecret; carnem signat, ut animam muniat; carnem manuum impositione adumbrat, ut animam spiritu illuminet. Carnis igitur unctio, ut quæ interiorum animæ consecrationem significet & efficiat, signum est illius practicum; carnis etiam signaculum est signum practicum interioris roboris animæ; & manuum impositio capiti adhibita, signum est practicum descensus Spiritus sancti animam illuminantis; sicut carnis ablutio est signum practicum interioris abluitionis animæ, & manducatio corporis Christi, potusque ejus sanguinis, est signum practicum interioris animæ nutritionis.

Eadem tria sacramenta paucis complexus est Tertullianus *de præscript. hæret. cap. 36.* ubi de Ecclesia Romana sic loquitur: „ Fideles aqua si-
gnat, sancto Spiritu vestit, eucharistia pascit . . . & ita adversus hanc institutionem neminem recipit. “ Nimirum aqua signat in baptismo, sancto Spiritu vestit in Confirmatione, & eucharistia pascit in cœnæ

* Lac & mel, quæ baptizatis præbebantur, de traditione non scripta manare docet Tertullianus, *lib. de corona, cap. 3.*

cœnæ sacramento, neminem vero adversus hanc institutionem recipit. Romana igitur Ecclesia Tertulliani ætate neminem recipiebat ad suam communionem, qui Sacramentum Confirmationis non admitteret.

Dices Spiritum sanctum in baptismo infundi, eoque vestiri fideles; quia quicumque baptizantur Christum induunt.

RESPONDEO, apud Tertullianum, aliud esse Christum induere, & aliud Spiritu sancto vestiri: qui baptizantur Christum induunt ex Tertulliano, *lib. de monog. cap. 7. & de baptismo cap. 13.* non tamen in baptismo recipiunt Spiritum sanctum, ex eodem libro *de baptismo cap. 6.* Accedit quod Tertullianus his verbis, *Spiritu sancto vestit*, non modo sancti Spiritus descensum super baptizatos indicet, sed & alludat ad verba Christi Apostolis Spiritum sanctum promittentis, Lucæ 24. vers. 49. *Sedete in civitate; quoadusque induamini virtute ex alto.* Uti enim Christum per baptisma, inquit eruditus Lupus; ita per Confirmationem proprie induimus Spiritum sanctum.

Hæc etiam tria sacramenta satis aperte indicat *lib. de præscript. cap. 40.* ubi ait, quod diabolus, "ut ipsas quoque res divinarum sacramentorum in idolorum mysteriis æmuletur, tingit & ipse quosdam, utique credentes & fideles suos signat illic in frontibus milites suos; celebrat & panis oblationem." Ubi Tertullianus signaculum frontis cum baptismo & eucharistiæ sacrificio comparat, inter divina refert sacramenta, quæ hæretici æmulabantur. Signaculum igitur frontibus impressum Ecclesia non accepit ab hæreticis, imo hæretici illud ab Ecclesia suffurati sunt. Atqui probavimus *supra* signaculum frontibus impressum dici Confirmationem.

Denique pro doctrina catholica laudabimus librum *de baptismo*, quem Tertullianus, antequam in hæresim laberetur, scripsit adversus Quintillam, unam e Montanistarum pseudoprophetissis. Textus ille prolixus quidem est, sed insignis, eumque fere integrum describemus, ut plura inde argumenta inferantur, varîæque Dallæi objectiones diluantur: refertur *capitulis 5. 6. 7. & 8.* ubi postquam Tertullianus *cap. 3.* de aquis primordialibus creationis magnificentissime locutus est: & *cap. 4.* dixit aquas illas primordiales, super quas Spiritus sanctus ferebatur, fuisse figuram baptismi: indeque conclusit, aquas baptismales "de pristina originis prærogativa sacramentum sanctificationis consequi, invocato Deo; supervenit enim statim Spiritus de cœlis, & aquis suopereff, sanctificans eas de semetipso, & ita sanctificatæ vim sanctificandi combibunt: " quibusdam interjectis, sic ille prosequitur: "Recipit (regeneratus) illum Dei spiritum, (intelligit Spiritum sanctum) quem tunc de afflatu ejus acceperat, sed post amiserat per delictum. Non quod aquis Spiritum sanctum consequamur, sed in aqua emundati, sub Angelo, (hoc est episcopo, qui tunc ordinarius erat minister baptismi, ex *cap. 17.* sequenti, & quem Tertullianus, Joannis exemplo in Apocalypsi, vocat Angelum) " Spiritui sancto præ-

» para-

„paramur“ (Rigaltius legit *sub Angelo Spiritu sancto preparamur* : sed legendum esse, *sub Angelo Spiritui sancto preparamur*, apparebit ex sequentibus, quibus asseritur Angelum illum esse *baptismi arbitrum*, seu ministrum, qui Spiritui sancto vias pręparat) “Hic quoque figura pręcessit; sic enim Joannes ante pręcursor Domini fuit, pręparans vias ejus; ita & Angelus baptismi arbiter superventuro Spiritui sancto vias dirigit ablutione delictorum, quam fides impetrat obsignata in Patre & Filio & Spiritu sancto . . . Exinde egressi de lavacro perungimur benedicta unctione de pristina disciplina, qua ungui oleo de cornu in sacerdotium solebant. Ex quo Aaron a Moyse unctus est, unde Christus dicitur a chrismate, quod est unctio, quę Domino nomen accommodavit, facta spiritualis, quia Spiritus unctus est a Deo Patre, sicut in Actis : *Collecti sunt enim vere in ista civitate adversus sanctum Filium tuum, quem unxisti*. Sic & in nobis carnaliter currit unctio, sed spiritualiter proficit : quomodo & ipsius baptismi carnalis actus, quod in aqua mergimur : spiritualis effectus, quod delictis liberamur. Dehinc manus imponitur per benedictionem advocans & invitans Spiritum sanctum . . . Sed ex hoc quoque de veteri sacramento, quo nepotes suos ex Joseph Ephraim & Manassem Jacob capitibus impositis & intermutatis manibus benedixerit, & quidem ita transversim obliquatis in se, ut Christum deformantes, (id est representantes) jam tunc portenderent benedictionem in Christum. Tunc ille sanctissimus Spiritus super emundata & benedicta corpora libens a Patre descendit . . . Ne hoc quidem sine argumento pręcedentis figurę. Quemadmodum enim post aquas diluvii, quibus iniquitas antiqua purgata est, post baptismum (ut ita dixerim) mundi, pacem cęlestis irę pręco columba terris adnuntiavit demissa ex arca, & cum olea reversa : quod signum etiam apud nationes paci pręterdatur : eadem dispositione spiritualis effectus, terrę, id est carni nostrę, emergenti de lavacro post vetera delicta, columba sancti Spiritus advolat, pacem Dei adferens, emissā de cęlis, ubi Ecclesia est arca figurata.

In hoc textu Tertullianus tria distinguit, baptismum, viaticum, & manuum impositionem.

Circa baptismum docet, 1. quod ille figuratus fuit per aquas primordiales creationis : quamadmodum enim super illas ferebatur Spiritus sanctus; ita nunc Spiritus sanctus supervenit de cęlis, & aquis baptismalibus insidet : 2. quod Spiritus sanctus non conferebatur in baptismo, sed post baptismum; sicut columba pacem post mundi diluvium attulit : 3. quod baptismus, licet non conferat Spiritum sanctum, vias tamen, delictorum ablutione dirigit superventuro Spiritui sancto; sicut Joannes Christo venturo vias pręparabat : 4. quod per manuum impositionem & orationem Spiritus sanctus super neophytos descendat.

Circa unctionem chrismatis docet, 1. quod illa sit *benedicta*, id est sacra :

lacta : 2. quod illa conferatur, non in baptismo, sed post expletum porrectumque baptismum; scilicet, postquam initiatus de lavacro egressus est : 3. quod illa in veteri testamento figurata fuit per unctionem sacerdotum : 4. quod illa in nobis carnaliter quidem currit, sed spiritaliter proficit : 5. quod illa sic in nobis spiritaliter proficit, quomodo exterior aquæ ablutio nos a delictis liberat : 6. quod sicut in baptismo, carnalis actus est carnis immersio, & spiritalis effectus est interior animæ emundatio; ita in unctionis sacramento, carnalis actus est carnis unctio, & spiritalis effectus est interior animæ profectus.

Circa manus impositionem docet, 1. quod illa non conferatur nisi post unctionem : 2. quod illa *per benedictionem*, id est orationem, advocet Spiritum sanctum, qui de cœlo descendit super initiatum : 3. quod illa in veteri testamento figurata fuit per manuum impositionem, qua Jacobus impositis decussatque manibus Ephraimo & Manassi benedixit.

Plura hinc argumenta colligi possunt adversus hæreticos.

Primum est. Quamvis Spiritus sanctus descendat super aquas baptismales, iisque immoretur, ut eas sanctificet & vim sanctificandi eis conferat; baptismus tamen non confert Spiritum sanctum, sed ablutione delictorum vias præparat ad superventurum Spiritum sanctum. Igitur admitti debet ritus sacer, a baptismo diversus, qui conferat Spiritum sanctum iis, qui per baptismum emundati, ad illum suscipiendum rite dispositi sunt. Ille vero ritus sacer ab orthodoxis vocatur Confirmatio.

Secundum. Baptismus non confert Spiritum sanctum, sed ablutione delictorum vias præparat superventuro Spiritui sancto; sicut Joannes Christo venturo vias præparabat. Ritus igitur quo Spiritus sanctus super baptizatos venturus est, omnino diversus est a baptismo, sicut Christus venturus a Joanne diversus erat.

Tertium. Baptismus non habet vim conferendi Spiritum sanctum, sed viam præparat ad recipiendum Spiritum sanctum, qui superventurus est per manuum impositionem. Baptismus igitur ad manuum impositionem, velut medium ad finem ordinatur. Atqui baptismus non ordinatur ad cæremonias, velut medium ad finem; quia cæremoniæ sunt propter sacramentum, non autem sacramentum est propter cæremonias. Ergo manuum impositio, qua Spiritus sanctus supervenit, non est cæremonia baptismi.

Quartum. Baptismus non habet vim conferendi Spiritum sanctum, sed viam præparat ad recipiendum Spiritum sanctum, qui superventurus est per manuum impositionem. Hæc igitur manuum impositio majorem habet virtutem quam baptismus : sed baptismi cæremonia, nec majorem, nec æqualem vim habet ac baptismus. Hæc igitur manuum impositio non est cæremonia baptismi.

Quintum. Baptismus viam præparat ad recipiendum Spiritum sanctum, qui

qui per manuum impositionem superventurus est in baptizatos. Hæc igitur manuum impositio non est cæremonia mere ecclesiastica, sed ritus facer a Christo institutus ad Spiritum sanctum baptizatis conferendum : alioqui vim illam non haberet.

Sextum. Baptismus non habet vim conferendi Spiritum sanctum, sed fideles ablutione scelerum disponit ad recipiendum Spiritum sanctum, qui superventurus est per manuum impositionem. Illa igitur virtus major & perfectior est, quæ confert Spiritum sanctum, quam ea, quæordes delictorum abluat. Sed nullus ritus habere potest vim abluendi scelera; nisi a Deo institutus sit. Quanto minus vim igitur habebit conferendi Spiritum sanctum.

Septimum. Baptizatis adhibebatur manuum impositio, quæ Spiritum sanctum conferebat. At Tertulliani tempore Spiritus non descendeat modo visibili, sed invisibili; sed neque conferebatur ratione gratiarum gratis datarum, sed ratione gratiarum sanctificantium.

Octavum. Post baptismum & unctionem adhibetur manuum impositio, quæ " per benedictionem advocat & invitat Spiritum sanctum : „ & tunc ille sanctissimus Spiritus super emundata & benedicta corpora libens a Patre descendit. " En sacramentum perfectum. Materia est manuum impositio : forma est benedictio, seu oratio : effectus est descensus Spiritus sancti.

Nonum. " Egressi de lavacro perungimur benedicta unctione. " Hæc igitur unctio est sacra & benedicta, non autem ab hæreticis instituta.

Decimum. " Egressi de lavacro perungimur benedicta unctione . . . „ dehinc manus imponitur. " Hos igitur ritus Tertullianus describit, non quasi recentes, sed quasi antiquos, & jam pridem in ecclesiis observari solitos.

Undecimum. " Hæc unctio in nobis carnaliter currit, sed spiritaliter „ proficit. " Non est igitur otiosa cæremonia.

Duodecimum " Hæc unctio sic in nobis spiritaliter proficit, quomodo baptismus nos delictis liberat. " Atqui simplex baptismi cæremonia, neque ratione virtutis, neque ratione modi operandi comparari potest cum baptismo; quia simplex cæremonia non agit nisi ex opere operantis. Hæc igitur unctio non est simplex baptismi cæremonia.

Decimumtertium. " Sic in nobis carnaliter currit unctio, sed spiritaliter proficit : quomodo & ipsius baptismi carnalis actus est, quod „ in aqua mergimur : spiritalis effectus est, quod delictis liberamur. " Sicut igitur in baptismo, carnalis actus est carnis immergi; ita in unctionis sacramento carnalis actus est carnis unctio : & sicut in baptismo spiritalis effectus est emundatio a delictis; ita in unctionis sacramento, spiritalis effectus est interior animæ profectus, seu unctio, & fortitudo; carnalis enim unctio spiritaliter proficit, animam ungendo & con-

& confirmando : & sicut baptismus a delictis liberat ex opere operato ; ita unctio proficit spiritaliter ex opere operato ; quia " sic in nobis spiritaliter proficit unctio , quomodo baptismus nos a delictis liberat .

OPPONIT 1. Dallæus adversus hunc postremum Tertulliani textum ; materiam unctionis Tertullianicæ diversam esse a materia unctionis Romanæ : quia Tertullianus meminit olei tantum ; & Romani oleum & balsamum requirunt .

RESPONDETUR , incertum esse , utrum balsamum sit de necessitate sacramenti Confirmationis . Quod si Tertullianus balsami non meminit , illud etiam non excludit . Præterea quod tacuit Tertullianus , meminit Irenæus . Unum est extra controversiam , videlicet quod unctio ex oleo necessaria est ; hanc Tertullianus agnovit . Non est igitur dispar utriusque unctionis materia . Accedit quod Patres sub olei nomine , chrisma sæpe designent , ut Innocentius in *epistola ad Decennium Eugubinum* , cap. 3 .

OPPONIT 2. Tertulliani unctio est de *pristina disciplina* , id est de Mosaica disciplina , & de Iudæorum usu suscepta est ; Romana vero fingitur esse de Christi disciplina & mandato , & de apostolorum usu suscepta .

RESPONDEO meram esse æquivocationem : si quidem unctio Romana dicitur esse de Christi disciplina , quod a Christo instituta fuerit ; Tertullianica vero dicitur de pristina disciplina , non originaliter , quasi a Moyse instituta fuerit , sed præfigurative , quod per Mosaicam unctionem fuerit præfigurata .

Hunc esse Tertulliani sensum , apparebit recolenti textum citatum , & expendenti ac inter se conferenti modos loquendi Tertullianicos . Tria , ut diximus , ille distinguit , baptismum , unctionem , & impositionem manuum : quæ quidem tria præfigurata fuisse asserit suo modo , id est modo loquendi parum usitato . Aquas enim baptismales ait cap. 4 . " de pristina originis prærogativa sacramentum sanctificationis , consequi : " hoc est sanctificationem aquarum baptismalium præfiguratam fuisse per sanctificationem aquarum primordialium ; in eo quod , sicut Spiritus sanctus ferebatur super aquas primordiales , eisque incubabat ; ita Spiritus sanctus descendit super aquas baptismales , eisque superest , ut illas sanctificet . Unctionem vero , qua egressi de lavacro perungimur , ait cap. 7 . esse " de pristina disciplina , qua ungi , oleo de cornu in sacerdotium solebant ; " hoc est præfiguratam fuisse per pristinam disciplinam Mosaicam , qua sacerdotes ungi solebant in sacerdotium . Denique manuum impositionem super baptizatos factam , ait cap. 8 . " esse quoque (observa hanc particulam) de veteri , sacramento , quo nepotes suos , Ephraim & Manassæ , Jacob benedixit . " Quemadmodum igitur , cum Tertullianus ait , baptismum " sanctificari de pristina originis prærogativa : " & manus impositionem " esse

esse " de veteri sacramento, " id debet intelligi præfigurative ; simili modo, cum dixit baptizatos " ungi de pristina disciplina, " seu unctionem esse de pristina disciplina, id debet accipi ratione figuræ, non autem ratione originis & institutionis.

Confirmatur. Tertullianus, postquam dixit unctionem esse " de pristina disciplina, " transit ad manus impositionem, & illam ait esse quoque de veteri sacramento. Ubi particula *quoque*, aperte indicat eodem sensu dici a Tertulliano, manuum impositionem esse de veteri sacramento, quo dictum fuerat unctionem esse de pristina disciplina. Aut igitur modus ille loquendi utrobique intelligitur præfigurative ; aut adversarii fateantur necesse est manuum impositionem, quæ Spiritum sanctum super baptizatos advocat, a Jacobo Patriarcha institutam, & eandem esse cum Jacobæa ; sicut unctionem baptizatis adhibitam volunt a Moyse institutam, & eandem esse cum Mosaica.

Instat Dallæus. Vetus unctio potuit quidem esse figura nostræ unctionis spiritualis, sed unctionis alicujus corporalis typum fuisse absurdum est.

RESPONDEO 1. Si ex Tertulliano aquæ primordiales præfigurant baptismum, & Jacobæa manuum impositio super Ephraim & Manassem præfiguravit manuum impositionem super baptizatos ; quidni ex eodem Tertulliano unctio Mosaica præfigurare potuit unctionem confirmatoriam ? 2. Si ex Tertulliano *ibid. cap. 5.* piscina probatica significabat baptismum, eoque mediante ablutionem delictorum ; quid impedit, ne ex eodem auctore vetus unctio significet unctionem confirmatoriam, & ea mediante unctionem spiritualem ? 3. Si ex Tertulliano *ibidem cap. 5.* piscina probatica significavit medicinam spiritualem, quo nomine intelligit baptismum, qui licet carnalis sit ratione materiæ, nihilominus medicina spiritualis dicitur, quia virtutem medendi spiritalem habet ; quidni ex eodem Tertulliano vetus unctio præfiguravit unctionem spiritualem, eoque nomine intelligitur unctio confirmatoria, quæ licet carnalis sit ratione materiæ, nihilominus dici potest unguentum spirituale, quia virtutem ungendi spiritualem habet ? Hæc enim (subjicit Tertullianus) " quæ in nobis carnaliter currit unctio, spiritaliter proficit.

Urget Dallæus. Unctio Mosaica non potest esse figura Romanæ unctionis confirmatoriz : illa enim ungebantur in sacerdotium ; hac vero in pugiles & athletas sive milites inungi se volunt Romani ; quod non pertinet ad sacerdotium.

RESPONDEO nos fieri sacerdotes & reges, ex quo per baptismum christiani efficitur, juxta illud 1. Petri, cap. 2. v. 9. *Vos autem genus electum, regale sacerdotium &c.* Sed constituti infantes per baptismum, evadimus perfecti christiani per Confirmationem. Regalis igitur sacerdotii plenitudinem & perfectionem in Confirmatione consequimur. Nihil autem repugnat, quominus unctio Mosaica, qua sacerdotes Aaro-

Wiasse de Confirmatione.

D

nici

nici ungebantur, figura fuerit unctionis confirmatoriz, qua sacerdoti regalis perfectionem & plenitudinem consequimur.

Urget iterum Dallæus. Regis est bellare & cum hostibus congregi. Romana igitur unctio, qua Pontificii in pugiles, athletas & milites ungi se volunt, ad eam potius debet referri, qua reges ungebantur. Sed unctio Tertulliani pertinebat ad sacerdotalem, non autem ad regiam. Unctio igitur Tertulliani omnino diversa est a Romana.

Huic objectioni plura responderi possunt. 1. In Tertulliano, aliisque auctoribus factum, quod ab ipsis refertur, distingui debet a rationibus & conjecturis, quibus refert Tertullianus, quod ætate sua fideles de lavaero egressi perungerentur. Deinde vero de conjectura sua addit illam unctionem præfiguratam fuisse per Mosaicam: factum, ut quod certum sit, admittimus; conjecturam, ut quæ incerta sit, omittimus. 2. Tertullianus unctionem confirmatoriam ita refert ad sacerdotalem, ut regiam non excludat, sed de illa taceat. 3. Quandoquidem per unctionem confirmatoriam unguimur ut reges, & ut sacerdotes; liberum fuit Tertulliano, ut illam referret ad sacerdotalem, vel ad regiam, vel ad utramque. 4. Tertullianus forte attendit potius ad sacerdotalem, quam ad regiam christianorum dignitatem, exemplo Petri, qui christianos vocat *regale sacerdotium*, maxime cum omnis christianus etiam laicus, passim apud Tertullianum dicatur, ara Dei & templum Dei, & immolare & sacrificare Deo laudes, gratias, jejunia, elemosynas, velle Rigaltio in notis ad cap. 17. libri de baptismo. 5. Non christiani modo est, qua regis, sed etiam qua sacerdotis, bellare & cum hostibus congregi: nec enim se suasque passiones offert, nisi se, suasque passiones vicerit.

Opponit 3. Manuum impositio, de qua Tertullianus, unctionem consequitur: Sed apud Romanos aut nulla est manuum impositio, aut unctionem antecedit. Ergo &c.

RESPONDEO, hanc objectionem non pertinere ad eam, quæ controvertitur, difficultatem; sed respicere disputationem de materia Confirmationis, circa quam triplex est opinio: 1. Docet manuum impositionem esse materiam Confirmationis essentialem, chrismationem vero esse materiam accidentalem: 2. docet utramque esse materiam essentialem, sed illam serie temporum defuisse, & ejus loco successisse chrismationem. 1. & 2. opinio contendit etiamnum fieri manuum impositionem: 3. opinio concedit illam non amplius fieri, sed ejus loco successisse chrismationem: eamque immutationem esse legitimam, quia Christo ita volente facta fuit. Quod autem manus impositio unctionem antecedit vel subsequatur perinde est.

Opponit 4. Forma verborum, quam Romani adhibent, est absoluta, unctionisque materiam respicit: *consigno te* &c. contra vero forma verborum, cujus meminit Tertullianus, est deprecatoria, cum in oratione

ne consistat ; manuumque impositionem , non autem unctionem respicit. Ergo.

RESPONDEO, hanc etiam difficultatem non pertinere ad eam, quæ controvertitur difficultatem, sed ad formam Confirmationis; circa quam triplex est opinio. Quibus e theologis placet manuum impositionem esse solam Confirmationis materiam essentialem, forma est deprecatoria, juxta illud Act. 8. v. 15. *Oraverunt pro ipsis &c.* alia vero quæ absoluta est, quæque unctioni respondet, *consigno te &c.* accidentalis est. Quibus vero utraque materia essentialis est, utraque forma pariter essentialis est. Quibus denique chrismatio successit manuum impositioni, forma etiam absoluta successit formæ deprecatoriæ. Qui primam tuentur opinionem, gloriantur auctoritate Tertulliani. Qui secundam tuentur opinionem, contendunt hæc verba Tertulliani *advocari & invitari Spiritum sanctum*, æque verbis absolutis ac deprecatoriis convenire, & negant Tertullianum loqui de forma tantum deprecatoriæ; maxime si attendamus formulam baptismi, quamvis absoluta sit, a Patribus vocari invocationem Trinitatis. Qui tertiam tuentur sententiam, pristinam formam concedunt fuisse deprecatoriam, sed absolutam ei successisse contendunt.

Cæterum Tertullianus formam consecrationis vocat *benedictionem*, & per illam ait invitari seu advocari Spiritum sanctum, quia sacramentorum formæ sunt quædam præces mysticæ, ministrorum ore prolatae, quæ gratiam impetrant, ut a Deo ritibus sacris promissam.

OPPONIT 5. Unctio manuumque impositio confirmatoria vindicatur solis episcopis. Atqui Tertullianus ritus illos non vindicat solis Episcopis: sed illorum ministerium tribuere videtur presbyteris, & clericis, imo & laicis. Postquam enim *cap. 7. & 8.* ritus unctionis, & manus impositionis una cum baptismo consequenter retulit; deinde loquitur de ministro baptismi, *cap. 17.* & ministerium illud assignat Episcopis, & cum Episcopi auctoritate presbyteris, & diaconis, quin etiam laicis imminente mortis periculo. Si quid in Baptismi unctionis, & impositionis manuum ministris discriminis fuisse putasset, id hoc profecto loco notasset: non fecit: nullum igitur discrimen agnovit.

RESPONDEO Tertullianum tacuisse de ministro unctionis & impositionis manuum, licet de ministro baptismi suam sententiam accurate proposuerit, quia de baptismo agebat ex professo; de unctione autem atque manus impositione transeuntem & cursim scilicet occasione baptismi, quem ætate illa Confirmatio statim subsequebatur. Cæterum quod Tertullianus tacuit, non silentio prætermiserunt Cornelius pontifex Romanus, & Cyprianus Tertulliano suppres, concilium Eliberitanum, Hieronymus & alii.

POSSET aliquis instare. Postquam Tertullianus *cap. 17.* dixit ministrum baptismi esse " summum sacerdotem, qui est episcopus; de-

D 2

„ hinc

„ hinc presbyteros & diaconos, non tamen sine episcopi auctoritate:“ deinde *cap. 18.* ipsos commonescit, ne baptismum temere conferant omni petenti, sed attendant ad illud Christi, *nolite dare sanctum canibus, & porcis projicere margaritas vestras.* Et ad illud Pauli 1. ad Timoth. 5. *manus ne facile imposueris, ne participes aliena delicta.* Quæ quidem verba de ordinatione Paulus protulit, sed ad impositionem manuum super baptizatos fieri solitam Tertullianus transtulit. Manuum igitur impositio, de qua Tertullianus, ad baptismum pertinebat, eaque conferri poterat a presbyteris & diaconis, non tamen sine episcopi auctoritate.

PRIUSQUAM respondeatur, observandum est, quod Tertullianus tractatui de baptismo finem impositurus, subjicit monita quædam *de observatione dandi, & recipiendi baptismum.* Expendit *cap. 7.* ad quem pertineat ministrare baptismum, & monet jus illud pertinere ad summum sacerdotem, qui est episcopus; dehinc ad presbyteros & diaconos, “ non tamen sine episcopi auctoritate propter ecclesiæ honorem. “ *Capite vero 18.* docet baptismum non temere credendum esse cuilibet petenti, & monet illos, quorum interest, ut hoc attendant. “ *Ba-*”
prismum, inquit, non temere credendum esse, sciant quorum of-”
ficium est. Omni petenti te dato, suum habet titulum, proin-”
de ad eleemosynam pertinentem. Imo illud potius perspicendum,”
nolite dare sanctum canibus, & porcis projicere margaritas vestras,”
& Manus ne facile imposueris, ne participes aliena delicta. “ Hic est textus, de quo controversitur; & cui triplex sensus adhiberi potest.

Qui Christo nomen dederant, ingrediebantur catechumenatus curriculum, in quo orationibus crebris, jejniis, geniculationibus, & „ pervigiliis orare oportebat; “ *ibid. cap. 20.* qui vero post implerum catechumenatum, baptismum ambiebant, tanquam salutis candidati, dicebantur PETITORES, *ex libro de pœnitentia, cap. 6.* & inter competentes consuebantur: non tamen admittebantur ad baptismum, quin prius eorum vita, agendique ratio expendetur. Suffragia dabant non modo episcopus, presbyteri, & clerici, sed & alii fideles, qui eam ob rem scrutinijs utebantur. Hinc fit ut ex petentibus, alii admitterentur ad baptismum, alii vero, ut qui in catechumenatu non recte se gessissent, ad tempus remitterentur, quod tamen nonnullis fidelibus displicebat, qui in petentes nimium propensi, volebant illis baptismum statim conferri; allegabantque illud, *omni petenti te dato,* seu ut habetur Lucæ 6. v. 30. *omni petenti te tribue.* At illi petunt baptismum: quidni igitur tribuetur? Respondet vero Tertullianus verba illa in vanum proferri, cum in alium sensum in Scripturis prolata sint. Spectant enim ad eleemosynæ largitionem. Quocirca eos, qui textum hunc citabant, monet ut potius attendant ad illud Christi, quo prohibetur sanctum dari canibus, & ad illud Pauli, quo vetatur

manuum impositionem cito fieri. Hæc prima est expositio, quæ potest afferri, ex qua nemine sane concludet ministerium manuum impositionis pertinuisse ad presbyteros & diaconos.

Secunda & tertia expositio oriri possunt ex his verbis, *Sciant; quorum officium est*: quæ ad diversa officia referri possunt.

Possunt enim referri ad examen baptizandorum, ita ut sensus sit: baptismum non temere credendum esse cuilibet petenti: noverint quorum officium est expendere, qui competentes debeant ad baptismum admitti, vel ab eo rejici; nec eos fideles audiant, qui in petentes nimium propensi, baptismum statim conferendum colligunt ex hoc textu, *omni petenti te dato*: sed potius attendant illud Christi, quo prohibetur sanctum dari canibus, & illud Pauli, quo vetatur manuum impositionem cito fieri. Ex quo sensu nihil etiam inferri potest, quod Antonio de Dominis, & Dallæo faveat.

Possunt quoque hæc verba, *sciant quorum officium est*, referri ad ministerium baptismi, quasi sensus sit; baptismum non temere credendum esse omni petenti, noverint quorum officium est baptizare; nec attendant ad illud, quod a quibuldam in petentes nimium propensis allegatur, *omni petenti te dato*; sed illud Christi potius respiciant, quo prohibetur sanctum dari canibus, & illud Pauli, quo vetatur manuum impositionem cito fieri. Atqui ætate Tertulliani Episcopus erat ordinarius, & præcipuus minister baptismi, non autem presbyter vel diaconus. Præfatus igitur textus, hoc etiam tertio sensu usurpatus, respicit duntaxat episcopos, non autem sacerdotes vel diaconos.

Sed age, esto; hæc verba, *sciant quorum officium est*, significant episcopos, sacerdotes & diaconos: quid inde? Cum enim hæc verba sint vaga & indeterminata, referri possunt, modo ad episcopos, quorum est baptizare & manus imponere; modo ad presbyteros, & diaconos, quorum est baptizare, non autem manus imponere: tuncque sensus erit: "baptismum non temere credendum esse sciant, quorum officium est; sive presbyteri, sive diaconi, quorum est duntaxat baptizare, ne forte margaritas ante porcos projiciant; sive etiam Episcopi, quorum est baptizare & manus imponere, ne forte sanctum præbeant canibus, manusque citius imponent.

OFFICIUM 6. Unctio, de qua Tertullianus, ea est qua unguimur in sacerdotium. Sed in baptismo unguimur ut sacerdotes ex Chrysostomo *homil. 3. in 2. ad Corinth.* & ex aliis Patribus. Hæc igitur unctio non habet effectum a baptismo distinctum.

RESPONDEO 1. Chrysostomus loquitur de unctione spirituali & interiori: Tertullianus autem de unctione olei. 2. Aliud est ungi unctione; quæ præfigurata fuerit per unctionem sacerdotalem Mosaicam; & aliud ungi in sacerdotium: prius, non autem posterius asseruit Tertullianus. 3. In baptismo unguimur quidem ut reges & sacerdotes,

Wistasse de Confirmatione.

D 3

sed

sed in Confirmatione unguimur in plenitudinem, & perfectionem regalis sacerdotii. 4. Tertullianus conceptis terminis statuit hoc discrimen inter unctionem & baptismum, quod unctionis effectus "est in nobis", spiritaliter proficere, quomodo ipsius baptismi spiritalis effectus est, "quod delictis liberamur."

OPPONIT 7. Effectus manuum impositionis, de qua Tertullianus, est per benedictionem seu orationem advocare Spiritum sanctum. Atqui in baptismo advocatur etiam, & descendit Spiritus sanctus, ex Hieronymo in dialogo adversus Lucif. cap. 3. & 4. Effectus igitur impositionis manuum, de qua Tertullianus, non est diversus ab effectu baptismi.

RESPONDEO 1. Spiritus ita descendit per baptismum, ut specialiori adhuc modo per episcopalem manuum impositionem descendat ex S. Hieronymo *ibid.* cap. 4. 2. Hic non agitur de mente S. Hieronymi, sed Tertulliani, qui in textu *supra* citato luculenter asserit Spiritum sanctum per manuum impositionem, non autem per baptismum advocari, & descendere, quemadmodum diximus *supra*.

At, inquit Dallæus, non fuit ea Tertulliani mens, aut sibi ipsi contradixit, ut qui *lib. 1. contra Marcionem*, cap. 28. clarissime docet, imo velut christianæ doctrinæ principium præsupponit, baptismum esse consecutionem Spiritus sancti. Sic enim argumentatur adversus Marcionem, qui duos admittebat Deos, quorum unus diceretur creator, & mundum creasset, alter vero diceretur Pater, Christum misisset, & per ipsum instituisset Sacramenta. "Si (baptisma) regeneratio est hominis, quomodo regenerat Deus Pater qui non generavit, iteratio enim non competit ei a quo quid nec semel factum est. Si consecutio est Spiritus sancti, quomodo Spiritum attribuet Deus Pater, qui animam non prius contulit? quia suffectura est quodammodo Spiritus anima. Signat igitur hominem, nunquam apud se resignatum; lavat hominem nunquam apud se coinquinatum." Quibus verbis Tertullianus probat Deum, quem Marcion Patrem appellat, non posse hominem regenerare per baptismum, nisi prius illum ab initio generaverit; quia iteratio non competit ei, a quo quid nec semel factum est; neque posse homini Spiritum sanctum conferre in baptismo, nisi prius ei ab initio animam contulerit; quia anima est quodammodo suffectura Spiritus; Ubi suffectura sensu præfectura contrario accipitur: ita ut suffectura conveniat animæ, sicut præfectura Spiritui sancto; & ad animam pertineat subesse Spiritui sancto; sicut Spiritus sancti est præesse animæ.

RESPONDENT aliqui Tertullianum minime sibi contradicere: tum enim ait: *si consecutio est Spiritus sancti*, loquitur de confirmatione, non autem de baptismo, tum quia subjicit, *signat igitur hominem*, &c. Tum quia in libro *de baptismo* conceptis terminis negat Spiritum sanctum conferri per baptismum.

Dato tamen, & non concesso, quod Tertulliano in libris *contra Marcionem*, visum fuerit eos, qui baptizantur, in aquis consequi Spiritum sanctum, respondetur, in baptismo dari Spiritum sanctum ad regenerationem, & ut ita dicam, renativitatem; sed in Confirmatione dari ad perfectionem ætatis christianæ: in baptismo dari Spiritum sanctum ad remissionem peccatorum; sed in Confirmatione dari ad fortitudinem, & robur. Hanc distinctionem expiicuerunt ii, qui seculis retro sequentibus scripserunt. Eucherius Lugdunensis, in *homil. de Pentecoste*, " Spiritus sanctus, Iqui super aquas baptismi salutarifero descendit illapso, in fonte plenitudinem tribuit ad innocentiam, in Confirmatione augmentum præstat ad gratiam: . . . in baptismo regenerationem ad vitam; post baptismum confirmamur ad pugnam: in baptismo abluiamur; post baptismum roboramur, " &c. Auctor epistolæ, quæ Melchiadis nomine circumfertur " In fonte plenitudinem tribuit ad innocentiam, in Confirmatione augmentum præstat ad gratiam; in baptismo regeneramur ad vitam, post baptismum confirmamur ad pugnam. " Petrus Damiani, *serm. 1. de Dedicatione Ecclesiæ*. " In baptismo Spiritus sanctus datur ad veniam, hic ad pugnam: ibi mundamur ab iniquitatibus, hic virtutibus præmunimur. " Goffridus Vindocinensis, *opus* 8. " In baptismate per Spiritum sanctum datur remissio peccatorum, in Confirmatione Spiritus sanctus invitatur ut veniat, & domum ipsam, quam sanctificavit, inhabitet, muniat, & defendat. " Rupertus *lib. 3. de operibus Spiritus sancti, cap. 10.* " Qui testis in baptismo factus est Spiritus, idem fit & tutor pupilli, ubi per impositionem manuum, sacrique chrismatis unctionem, secundam qui renatus est gratiam accipit. " Hugo Victorinus *lib. 1. de sacramentis, cap. 22.* " In baptismo datur Spiritus ad remissionem, hic vero ad robur.

INSTAT Kemnitius in examine, titulo *de Confirmatione*: Tertullianus quidem negavit Spiritum sanctum per baptismum conferri: sed illam opinionem a Montano accepit. Nulla igitur ratio ipsius habenda est.

RESPONDEO 1. Non satis liquet, quo fundamento id Montanisticum esse Kemnitius voluerit. 2. Tertullianus ita sensit in libro *de baptismo*, quem, cum adhuc catholicus esset, composuit adversus Quintillam unam e Montanistarum pseudoprophetissis. 3. Eandem ante Tertullianum opinionem amplexus est Irenæus *supra* citatus, *lib. 4. advers. hæreses Valentini, cap. 74.* quod quidem opus legerat Tertullianus, ut apparet ex *cap. 3. Or. seqq. libri adversus Valentinos*, ubi pleraque ejus verba describit usque ad libri finem. 4. Eandem quam Tertullianus sententiam secutus est Cornelius Papa, ut patebit ex dicendis, qui tamen Montanista non erat.

Urget Dallæus. Manuum impositio, de qua Tertullianus, advocat

& invitat Spiritum sanctum, non bellatorem, & praeliatorem, qualem latini suæ chrismationi vindicant; sed columbinum, hoc est, ut ipse interpretatur, simplicitatis, & innocentiae, pacem Dei de coelo afferentem: si quidem natura Spiritus sancti declaratur per columbam, quæ felle caret, animal est simplicitatis, & innocentiae, & præco divinæ pacis: ex Tertulliano *ibidem* cap. 8. & ex lib. *adversus Valentin.* cap. 2.

RESPONDEO non eodem modo sentiendum esse de praelio spiritali, ac de certamine terreno. Simplicitas, innocentia, tranquillitas animi, & mansuetudo ad terrenum quidem inepta sunt; sed bellatori spiritali optime conveniunt. Christus apostolos discipulosque, *sicut oves in medio luporum*, mittens, eisque mala quæ passuri erant, prædicens, commendat præ cæteris, ut sint *simplices sicut columbæ*, Matth. 10. v. 16. Unde Tertullianus lib. *advers. Valentin.* cap. 3. colligit, & probat, columbinam simplicitatem aptam esse ad veritatem aperiendam, fidemque prædicandam. Neque sane alia virtus ad martyrium fortiter subeundum, vel ad pœnas submissio ac patienti animo ferendas, aut inimicis atque tortoribus corde sincero ignoscendum, convenientior videtur, quam spiritus simplicitatis, innocentiae, pacis, & mansuetudinis; quemadmodum apparet exemplo Christi, qui non accessit ut leo ad pugnam, sed *sicut ovis ad occisionem ductus est*, Ilai. cap. 53. vers. 7. *Et quasi agnus mansuetus, qui portatur ad victimam*; Jerem. cap. 11. vers. 19. videlicet Chrysostomum *homilia* 34. post initium.

OPPONIT 8. Unctio & manuum impositio, de qua Tertullianus, continenter post baptismum adhibebatur. Sed Romana neque in baptismo, neque statim post baptismum adhibetur. Igitur diversa est a Tertullianica: ita Dallæus, & ante Dallæum Blondellus, lib. *de Episcop.* pag. 214.

RESPONDEO diversam esse ratione temporis, non autem ratione specificæ distinctionis. Sicut enim specifica distinctio non sequitur, ex eo quod olim parvuli baptizati statim Eucharistia reficerentur, nunc vero illam non sumant, nisi postquam ad plenum perfectumque rationis usum pervenerunt; ita nec ex eo quod olim neophyti continenter ungerentur, & manuum impositionem susciperent, nunc vero longe postea.

OPPONIT 9. " Ipse Tertulliani liber clamat hos ambos, quos commemorat, ritus, baptismi rem esse: quia & liber *de baptismo* inscribitur, non de alio aliquo sacramento: Præterea & auctor tum alia quædam, tum hæc ipsa, quæ recitavimus, executus, non alia se, quam quæ ad baptismum pertinent, enarrasse profutetur. Diximus inquit cap. 10. *quantum mediocritati nostra licuit, de universis, quæ baptismi religionem struunt*. Ergo & unctio, & manus impositio, quæ

„ quæ eorum de quibus dixit , pars sunt , ad baptismum pertinent . “
Ita Dallæus , & ante Dallæum Antonius de Dominis , *lib. 5. cap. 5.*
num. 13.

RESPONDEO Tertullianum inscripsisse hunc librum *de baptismo* , quia baptismus est argumentum hujus operis ; ita tamen , ut (quod usu evenire solet) mentionem fecerit de quibusdam aliis rebus a baptismo distinctis , quæ ad illustrandum id quod pertractabat , non parum conducere videbantur . Accedit quod Confirmatio ad baptismum aliquo modo pertineat ; sive quia continenter post baptismum conferri solebat , sive quia baptismi perfectio dicitur . Sic Jesse Ambianensis de baptismo scribens , commemorat Eucharistiam . Sic Theodulphus Aurelianus opus edidit *de oratione baptismi* , in quo de baptismo solo agere sibi proponit : sic enim Magnum Senonensem alloquitur : “ Præcepisti mihi , ut quibusdam questionibus de ordine baptismi , a domino , & glorioso imperatore tibi transmissis , breviter & cito responderem . “ Et sub finem , “ Quod prudenter jussisti , humiliter implevi . “ In eo tamen opere aliqua inseruit , quæ ad Confirmationem & Eucharistiam pertinent . Sic Alcuinus ad Odovinum Episcopum mittit librum , cujus argumentum est *ordo baptismi* : in quo tamen nonnulla miscet de Confirmatione & Eucharistia . Sic Amalarius Fortunatus *in epistola ad Carolum Magnum* , quæ hætenus prodiiit sub Alcuini nomine , docet imperatorem de cæremoniis baptismi , neque silet prorsus de Eucharistia , quamvis omnino sileat de Confirmatione , quia tunc sacerdotes , non autem episcopi baptismum conferre , & baptizatis eucharistiam ministrare solebant .

OPPONIT 10. Unctio , de qua Tertullianus , eatenus *spiritualiter proficit* , quatenus mentem nostram , rerum spiritualium imagine ad attentionem , fidem , spem , atque gaudium spiritale erigit .

RESPONDEO unctionem , de qua Tertullianus , practicam esse , & agere ex opere , ut aiunt , operato . Afferit enim Tertullianus illam “ sic ” in nobis spiritualiter proficere , quomodo ipsius baptismi spiritualis effectus est , quod delictis liberamur .

Ut quasdam alias objectiones diluas , observari debet , 1. unctionem quæ baptismi cæremonia est , ab ea diversam esse , quæ ad Confirmationem pertinet , quod illa agat ex opere operantis , ista ex opere operato : 2. utramque unctionem aliquando dici signum , & signaculum , cum eo tamen discrimine , quod illa sit signum , signaculum , & sigillum speculativum ; ista vero practicum : 3. unctionem practicam , & manuum impositionem , quamvis ad Confirmationem pertineant , nihilominus eas a Patribus aliquando reduci ad baptismum , sive quod continenter post baptismum adhiberentur , sive quod sint baptismi perfectio .

§. 8. *Clemens Alexandrinus.*

CLEMENS, Alexandrinæ Ecclesiæ presbyter, magister Origenis, & Pantæni discipulus, qui post ejus mortem Alexandriæ Ecclesiasticam scholam tenuit, suitque catecheson magister, & Severi atque Antonini Caracallæ ejus filii temporibus floruit, insignia volumina scripsit, quorum nonnulla recenset Hieronymus in *catalogo*. Quædam ex his supersunt, in quibus nulla fere mentio fit de sacramentis. Ex iis vero, quæ perierunt, refertur ab Eusebio, *lib. 3. hister. cap. 20.* aut 23. insigne fragmentum, in quo narratur historia hujusce juvenis, quem Joannes Apostolus cuidam episcopo ab urbe Ephesina non longe distans commendavit. Ille vero ab Episcopo fidei elementa edoctus baptizatus, & sigillo Domini obsignatus, recessit, latronumque dux effectus est. Verba sunt Clementis apud Eusebium, quæ quidem græce describamus necesse est, quod eorum sensus controversatur, *ὁ δὲ πρεσβύτερος ἀναλαβὼν ὁκναδὶ τὸν παραδοθέντα νεανίσκον, ἔτρεψε, σιμῶσιν, ἰθαλπε, τὸ πλῆταίον ἐρώτισε. καὶ μὴ τοῦτο, ὕψις δὲ πλείονος ἐπιμελείας καὶ παραφυλακῆς, αἷς τὸ πλείον αὐτῷ φυλακτικῶν ἐπιστήσας τῶν σφραγίδων τοῦ κυρίου. Quæ Ruffinus sic vertit:* " Tum vero presbyter in domum suam adolescentem suscepit commendatum, & cum omni diligentia enutrit, amplectitur, fovet, ad ultimum etiam baptismi gratiam tradit: post hæc jam velut confidens gratiæ, qua fuerat communis, paulo indulgentius juvenem habere coepit. " Ruffinus igitur Eusebium de solo baptismo interpretatur: sed Ruffini versio parum accurata mihi viderur. Ruffino consentit Petrus. Aurelius, & Aurelio Henricus Valesius ad hunc locum, quem ita vertit: " Presbyter vero adolescentem, sibi traditum in domum suam suscipiens educavit, fovit, atque continuit: tandemque sacramentum baptismi eidem tradidit. Deinde sacerdos de pristina cura atque custodia paulatim remisit, quippe cum perfectissimo custode appposito, Christi scilicet signaculo, juvenem communiavisset.

Aliter sentiunt, Wolphanghus Musculus, qui ita vertit: " Senior vero acceptum adolescentem sibi traditum, domi educavit, continuit, fovit, tandem etiam illuminavit, (ad marginem, id est baptizavit) post ad tantam ejus diligentiam & observantiam pervenit, ut et eximium illi phylacterium, obsignationem scilicet Domini addideret. " Joannes Christophorus Cicestrensis in Angliæ episcopus. Baronius *ad annum 35. num. 14.* " Ad extremum baptismi sacramento illuminavit. Postea vero, ubi sigillo Domini tanquam perfecta, etque animi ejus custodia, obsignasset, nonnihil de cura & observatione in eo instituyendo suscepta remisit. " Bellarminus *tractatu de Confirmatione lib. 2. cap. 5.* " Episcopus eum baptismi sacramento illu-

mi-

„ minavit. Postea vero sigillo Domini, tanquam perfecta, & tuta ani-
 „ mi ejus custodia, obsignavit. “ Verum hæc Bellarmini versio non
 est germana.

Eusebii textus verbo ad verbum ita reddi potest : “ Senior vero si-
 „ bi traditum adolescentem in domum suam suscipiens, enutrivit, com-
 „ plexus est, fovit, postremo illuminavit (id est baptizavit:) post hæc
 „ remisit nimiam illam curam & custodiam, quippe qui perfectam ip-
 „ si custodiam, superposuisset, seu addidisset, nempe signaculum Do-
 „ mini. “ A qua versione Dallæus minime dissentit *lib. 2. cap. 1.* “
 „ Presbyter vero, inquit, adolescentem sibi traditum domum suam re-
 „ cipiens, educavit, continuavit, fovit, ad extremum baptizavit. Postea
 „ vero de ampliori cura & observatione remisit, quasi qui perfectam
 „ ipsi custodiam addidisset, sive adhibuisset, Domini scilicet sigillum. “
 Græcos vero per signaculum Domini & perfectam sanctimonie baptis-
 malis custodiam intelligere solitos Confirmationem, apparet *ex encycli-
 ca epistola*, quam Photius contra Nicolaum I. scripsit ad Patriarchales
 sedes orientis, ubi Latinos Confirmationis administrationem presbyteris
 denegantes ita refellit : “ Baptizat sacerdos baptizatus perficiens, quo-
 „ modo auferes a sacerdote custodiam & sigillum illius puritatis, cujus
 „ ipse est auctor?

C A P U T II.

AUCTORES SEculi TERTII.

§. 1. Origenes.

ORIGENES Adamantius, Clementis Alexandrini discipulus & suc-
 cessor, qui ex Hieronymo *in catalogo*, decimo “ octavo ætatis
 sue anno, “ imperii autem Severi Pertinacis undecimo, Christi vero
 205. “ Alexandria, dispersa ecclesia, catecheson opus aggressus est,
 „ vixit usque ad Gallum & Volusianum, id est usque ad 69. ætatis
 sue annum, “ qui fuit epochæ nostræ 256.

Ex eo duo loca proferuntur a Bellarmino. Primus habetur *homil. 8:*
in Levit. prope finem : “ Oleum, quo lux vera & scientiæ ignis ac-
 „ cenditur, per manus sacerdotis capiti ejus imponitur. “ Et in fine, “
 „ Donum autem gratiæ Spiritus per olei imaginem designatur, ut non
 „ solum purificationem consequi possit, qui convertitur a peccato, sed
 „ & Spiritu sancto repleti. “ Sed ingenue fatendum est Origenem hic
 minime loqui de unctione Confirmationis; neque de purificatione baptis-
 mali, aut plenitudine Spiritus sancti, quam recens baptizati per un-
 ctionem, manuumque impositionem consequuntur; sed de purificatione
 penitentis & plenitudine Spiritus sancti, quam post peccata lacrymis
 purgata, & debita exomologesi expiata, consequi possumus. Alludit
 Ori-

Origenes ad ritum Mosaicum, quo olei reliquias imponebat sacerdotes de manu sua super caput leprosi, qui purificabatur, *Leuitici 14. vers. 17. & 29.*

Secundus locus habetur *homil. 9. sequenti*, longe post medium. "Omnes enim quicumque unguento sacri chrismatis delibuti sunt, sacerdotes effecti sunt, sicut Petrus ad omnem dicit ecclesiam: *Vos autem genus electum, & regale sacerdotium, gens sancta.*

RESPONDET Dallæus, & post ipsum nonnulli etiam catholici, locum istum exponi posse de unctione verticali, quæ signum est speculativum sacerdotii christiani, quo fideles quilibet in baptismo donantur. Sed quid impedit, quo minus hic textus de unctione frontali intelligatur? maxime cum nulla mentio unctionis verticalis in baptismo fiat apud auctores Origeni suppare. Rigaltius quidem in *notis ad epistol. 39. Cypriani* contendit, quod Cypriani tempore unica esset unctio, cujus administratio pro variorum Episcoporum ingenio variabat, quibuscumque in capite, aliis in fronte ungentibus: "Deinde vero; inquit, posteriori seculo inventæ sunt plures unctiones, & distingui cœpit ea, quæ in fronte fiebat, ab alia quam in vertice fieri placuit. Hæc permixta presbyteris; alia episcopis reservata, perficientibus & consummantibus inchoata mysteria." Sed quamcumque, sive nostram, sive Rigaltii opinionem secutus fueris, certum est, ætate Origenis & Cypriani, unicam fuisse unctionem, quæ quidem ab episcopis, non autem ab aliis conferretur: quemadmodum observat Hugo Victorinus *lib. 2. de sacramentis, parte 15. cap. 3.*

Præter hæc duo loca a Bellarmino citata, tertius habetur *lib. 1. de princip. cap. 3.* sub initium: "In actibus apostolorum inquit, per impositionem manuum apostolicarum Spiritus sanctus dabatur in baptismo: "ita vertit Rufinus, quamquam alii vertant, *post baptismum*, ut apparet ex Josepho Vicecomite, *lib. 3. de ritibus baptismi, cap. 30.* Cæterum hæc verba, in *baptismo*, Dallæo nihil prorsus favent, quasi Origenes voluerit hanc manuum impositionem apostolicam esse ritum baptismi: tum quia alii vertunt *post baptismum*: tum quia ex *iisdem Actibus* apparet Petrum & Joannem iis duntaxat Samaritanis manum imposuisse, qui integrum a Philippo baptismum susceperant: tum quia Primasius, alique nonnulli *iisdem* verbis utuntur, qui tamen Confirmationis sacramentum a baptismo distinguunt: qua de re *infra*.

Quartus quoque habetur in *cap. 6. epistol. ad Rom.* ad hæc verba: *Ignoratis, quia quicumque &c.* "Secundum typum ecclesiæ traditum omnes baptizati sumus in aquis istis visibilibus, & in chrismate visibili: "quo loco, baptizari accipitur pro ministratioe totius officii, ut loquitur Alcuinus, quod utrumque baptismi & Confirmationis sacramentum, & utriusque cæremonias complectebatur.

6. 2. *Cornelius Papa*.

CORNELIUS, qui Romanus Pontifex creatus est anno 254. plures epistolas scripsit, de quibus Eusebius *lib. 6. hystor. eccles.* & Hieronymus in *catalogo*. Perierunt omnes præter duas, quæ extant inter Cypriani epistolas, & præter insignia quædam fragmenta epistolæ ad Fabium Antiochenis Ecclesiæ præfulem, in qua Novati ingenium ejusque mores depingebat. Ex iis fragmentis, quæ apud Eusebium *loc. citato* legi possunt, referam, quæ ad nostrum institutum attinent. “Causam, inquit, atque initium credendi (Novato) præbuit satanas, in ipsum ingressus, atque in ipso aliquandiu commoratus. Cumque ab exorcistis soveretur, in morbum gravissimum collapsus, dum jamque moriturus creditur, in ipso, in quo jacebat, lectulo perfunctus, baptismum suscepit; si tamen hujuscemodi homo baptismum suscepisse dicendus est. Sed neque postquam liberatus est a morbo, reliqua percepit, quæ juxta ecclesiasticam regulam percipi debent: neque ab episcopo consignatus est. Hoc autem signaculo minime percepto, quo tandem modo Spiritum sanctum potuit accipere? “Habes hic 1. signaculum a baptismo diversum: 2. signaculum quod a baptismi cæremoniis baptismum subsequenter distingui apparet hinc verbis: “Sed neque postquam liberatus est a morbo, reliqua percepit” (id est cæremonias baptismum subsequentes) quæ juxta ecclesiasticam regulam percipi debent: neque ab episcopo consignatus est “&c. 3. signaculum, quod ab episcopo solo imprimi potest: 4. signaculum, quod vim habet conferendi Spiritum sanctum, & sine quo non confertur Spiritus sanctus.

Interpretationi nostræ favet Ruffinus, qui Eusebium ita vertit, seu potius contrahit: "Addit etiam hoc, quod Novatus jacens in lecto, pro necessitate perfusus sit: nec reliqua in eo, quæ baptismum subsequi solent, solemniter adimpleta sint: nec signaculo chrismatis consummatus sit, unde nec Spiritum sanctum unquam potuerit promereri."

7. 1. oblationem, de qua Cornelius, referendam esse ad baptismi ceremonias.

RESPONDETUR id falsum esse ex ipso contextu. 1. Quia Cornelius ibi distinguit ritus baptismi, & episcopalem obsignationem, tanquam duo disparata: "sed neque reliqua percepit, quæ juxta ecclesiasticam regulam percipi debent: neque ab episcopo consignatus est" &c. 2. Quia Cornelius ipse virtutem conferendi Spiritum sanctum obsignationi quidem episcopali tribuit, non autem cæremoniis baptismi. 3. Quia cum baptismi cæremoniæ non sint digniores, neque perfectiores ipso baptismo, non postulant ministrum, qui majoris sit dignitatis. Sed Cornelii

nelli ztate simplex sacerdos, permittente episcopo, poterat administrare baptismum: igitur & omnes baptismi cæremonias. Atqui obsignatio, de qua Cornelius, ministrari non poterat nisi ab episcopo. 4. Cæremoniarum baptismi maiorem virtutem non habent quam ipse baptismus. Atqui ex Cornelio baptismus non habet vim conferendi Spiritum sanctum; contra signaculum hanc virtutem habet: imo hæc virtus soli signaculo convenit. Ergo &c.

INSTAT. Cornelius observationem huiusce obsignationis episcopalis, non ad Christi mandatum, aut evangelii præceptum, aut apostolorum traditionem, sed ad regulas ecclesiasticas refert: putavit igitur illam esse mere baptismi cæremoniam.

RESPONDEO 1. negando antecedens. Contrarium enim ex ipsis Cornelii verbis apparet: "Sed neque, postquam liberatus est a morbo, reliqua percepit quæ juxta ecclesiasticam regulam percipi debent: neque ab episcopo consignatus est." Signaculum igitur episcopale Cornelius distinguit, ab iis ritibus, quos regula ecclesiastica percipi jubebat.

RESPONDEO 2. retorquendo: ecclesia recens baptizatos canone suo ad eucharistiæ perceptionem olim adstringebat. Ideone putabat eucharistiam esse cæremoniam?

RESPONDEO 3. negando consequens: aliud enim est sacramenta institui, & aliud eorum usum præcipi. Sacramenta instituta sunt a Christo; sed eorum usus ab ecclesia præcipi potest: sicut reipsa canone antiquo præceptum erat, ut recens baptizatis Confirmatio & eucharistia administrarentur.

OBJICIUNT 2. Fabianus Romanus pontifex, dum Novatum, seu Novatianum in presbyterum promovit, neque omisas baptismi cæremonias, neque prætermissam obsignationem episcopalem ei contulit, quemadmodum ex eadem Cornelii *epistola* apparet: contulisset vero, si illam pro sacramento habuisset. Quis enim pontifex fidelem minime confirmatum ad sacerdotium promoveret?

RESPONDEO *epistolæ* Cornelii ad Fabium ab Eusebio descripti fragmenta septem, in quorum quinto tria quædam referuntur. "1. est, quod Fabiano Novatianum ordinare cupienti, "universus clerus, multique ex populo refragarentur, eo quod non liceret quemquam ex iis, qui vi morbi in lectulo persusi fuissent, in clerum assumi: "quam quidem prohibitionem deinde Patres concilii Neocæsariensis *can.* 12. expresserunt his verbis: "Si quis in ægritudine constitutus, fuerit baptizatus, presbyter ordinari non debet: nisi forte postea ipsius studium & fides probabilis fuerit, aut raritas hominum cogat." 2. Quod Fabianus "postularit ab iis, ut hunc solum ordinari a se paterentur." 3. Quod Fabianus Novatianum, licet clinicum, adeoque irregularem, ad presbyterium evexerit, sublata videlicet prius irregularitate. Utrum autem Fabianus omisas baptismi cæremonias suppleverit, Confirmat-

firmationemque contulerit, nihil quidquam asseritur aut negatur in fragmentis ab Eusebio descriptis. Forte Novatianus, qui postquam a morbo liberatus est, Confirmationem neglexerat, eam deinde suscepit; vel si eam non suscepit, Fabianus forte id minime novit; vel si novit, dubium mihi non est, quin eum ante ordinationem consignaverit.

INSTANT. Si Fabianus baptismi cæremonias supplēvisset in Novatiano, eique Confirmationem contulisset, antequam ipsum ordinaret, facile sedasset invidiam cleri populique, qui ægre ferebat Novatianum ordinari. Falsum consequens. Ergo & antecedens.

RESPONDETUR. Utrum Fabianus cleri populique Romani invidiam sedaverit, necne, omnino incertum est: neque aliquid certi colligi potest ex fragmentis ab Eusebio descriptis; sed ex iis duntaxat apparet clerum populumque Romanum conquestum esse de ordinatione Novatiani; non quod in ejus baptismi cæremoniæ omissæ fuissent, aut prætermissa Confirmatio; sed quod clinicus esset, hoc est in cubili, urgente mortis periculo, baptizatus fuisset; & regulis ecclesiasticis non liceret clinicum in clerum assumi. Sed regulis iisdem ecclesiasticis non licebat, quemquam ex iis, qui confirmati non essent, ordinari. Cum igitur clerus populique Romanus Fabiano non objecerint quod Novatianus non esset confirmatus, sed objecerint duntaxat quod ille clinicus esset: hinc manifeste apparet Confirmationem in Novatiano prætermissam non fuisse.

OBJICIUNT 3. Ex ipso textu apparet Cornelium nimio partium studio egisse, in multis decipi, neque satis attendisse ad hæc quæ dixit. Valorem enim baptismi Novatiano collati in dubium revocat, quem tamen validum esse certissime constat. Deinde asserit Spiritum sanctum per signaculum duntaxat episcopale conferri, quod repugnat Patribus, unanimi consensu docentibus in baptismi percipi Spiritum sanctum.

RESPONDEO 1. Istam Cornelii dubitationem de valore baptismi Novatiano concessi, non oriri ex nimio partium studio, sed proficisci ex eo quod clinici in baptismo non immergerentur, sed aqua perfunderentur, quam perfusionem sufficere nondum constabat. Sed & alii a Cornelio eandem difficultatem patiebantur; ut apparet ex *epistola 76. Cypriani ad Magnum*: "Quærivisti quid mihi de illis videatur, qui in infirmitate & languore gratiam Dei consequuntur: an habendi sint, legitimi christiani, eo quod aqua saluari non loti sint, sed perfusi.

RESPONDEO 2. Diversa fuisse Patrum sensa circa perceptionem Spiritus sancti, aliis concedentibus illum in baptismi percipi ad christianam infantiam, & in Confirmatione ad robur & perfectionem; aliis vero absolute negantibus illum in baptismi percipi. Ita docuit ante Cornelium Tertullianus, & ante Tertullianum Irenæus.

§. 3. *Cyprianus alique episcopi Africani cum ipso Carthagine congregati.*

CÆCILIUS CYPRIANUS, primum rhetor, deinde senator Carthagenensis, qui ex neophyto & uxorato creatus est jam senex ejus urbis episcopus ad annum 250. subiit martyrium sub Valeriano, anno 261. Multa extant ejus opera, ex quibus plura loca pro Confirmationis sacramento deduci possunt. In citandis Cypriani epistolis, utar editione Rigaltii.

Primus locus habetur in *epistola synodica*, quæ inter Cyprianæ ordine 70. est & quam Cyprianus, Liberalis, Caldonius, Junius, alique antistites Carthagine convocati, anno 255. scripserunt ad Januarium, Saturninum, & alios sexdecim episcopos Numidas, a quibus consulti fuerant, "de iis, qui apud hæreticos & schismaticos baptizari videntur, an ecclesiam catholicam, quæ una est, baptizari debeant."

Baptismum vero nullum ab hæreticis aut schismaticis conferri probant variis argumentorum generibus, quorum primum petitur a materia baptismi, "Oportet enim, inquit, mundari & sanctificare aquam, prius a sacerdote, ut possit baptismi suo peccata hominis, qui baptizatur, abluere . . . Quomodo autem mundare & sanctificare aquam potest, qui ipse immundus est, & apud quem Spiritus sanctus non est? Secundum defumitur ex baptismi effectu, qui peccata remittit: "Sed peccatorum remissio non nisi in ecclesia datur; cujus veritatis testis est ipsa interrogatio, quæ fit in baptismi. Nam cum dicimus: credis in vitam æternam, & remissionem peccatorum per sanctam ecclesiam? Intelligimus remissionem peccatorum non nisi in Ecclesia dari: apud hæreticos autem, ubi ecclesia non est, non posse peccata dimitti. Tercium repetitur ex connexione (aliqui volunt illud argumentum sicut & ea, quæ sequuntur, esse a similitudine) baptismi cum Confirmatione, quam hac ætate post baptismum indefinenter administrari certissimum est. "Ungi enim necesse est eum, qui baptizatus sit . . . unde nec unctio spiritalis apud hæreticos potest esse: "tum quia oleum illud unde baptizati unguuntur, in altari sanctificatur; hæretici vero nec altare, nec ecclesiam habent: tum quia scriptum est: *Oleum peccatoris non ungat caput meum*. "Quartum colligitur ex connexione baptismi cum eucharistia, quæ tunc temporis baptismum proxime sequebatur. "Porro autem eucharistia . . . in altari sanctificatur. Sanctificare autem non potuit, qui nec altare habuit, nec ecclesiam. Constat igitur oleum sanctificari & eucharistiam fieri apud illos omnino non posse. Quintum accipitur ex connexione precum, quæ super neophytum per manuum impositionem fieri solebant, ut Spiritus sanctus advocaretur. Baptizato vero, quam prece[m] facere potest sacerdos sacrilegus & peccator? Cum scriptum

„ sit,

„ sit, Deus peccatorem non audit. “ Dixi hæc tria postrema ratiocinia peti a connexionione baptismi cum unctiōe, manuū impositione, precibus & eucharistia; cum tamen alii velint ea peti a similitudine, quasi episcopi Carthaginenses sic argumententur: Apud quos neque valet unctio, neque manus impositio confirmatoria, neque eucharistia; apud eos non valet ipse baptismus; eadem enim est ratio. Sed apud hæreticos neque valet unctio, neque &c. Suo quisque sensu abundet.

His quinque rationibus præmissis tacitam diluunt objectionem quorundam antistitum, tum Africanorum, tum aliorum, qui a Cypriano dissidentes, unctiōem quidem, manuūque impositionem confirmatoriā apud hæreticos nullam esse fatebantur, quia dare non possunt Spiritum sanctum, sed eorum baptismus validum esse affirmabant. Quam distinctionem episcopi Carthagine congregati, his verbis refellunt “ Neque enim potest pars illic inanis esse &c.

His prænotatis facile intelliges textum, de quo quæritur, quem integrum describemus. “ Ungi quoque necesse est eum qui baptizatus sit, ut accepto chrismate, id est unctiōe, esse unctus Dei, & habere in se gratiam Christi possit. Porro autem eucharistia, & unde baptizati unguuntur, oleum in altari sanctificatur. Sanctificare autem non potuit olei creaturam, qui nec altare habuit, nec ecclesiam. Unde nec unctio spiritalis apud hæreticos potest esse, quando constat oleum sanctificari, & eucharistiam fieri apud illos omnino non posse. Scire autem & meminisse debemus, scriptum esse; *Oleum peccatoris non ungat caput meum*: quod ante in psalmis præmonuit Spiritus sanctus, ne quis exorbitans, & a via veritatis exerrans, apud hæreticos & Christi adversarios ungeretur. Sed & baptizato quam precem facere potest sacerdos sacrilegus & peccator? Cum scriptum sit: *Deus peccatorem non audit: sed qui eum coluerit, & voluntatem ejus fecerit, illum audit*. Quis autem potest dare, quod ipse non habeat? aut quomodo potest spiritalia agere, qui ipse miserit Spiritum sanctum? Et idcirco baptizandus est & innovandus qui ad ecclesiam rudis venit. . . . Neque enim potest pars illic inanis esse, & pars prævalere. Si baptizare potuit, potuit & Spiritum sanctum dare: si autem Spiritum sanctum dare non potest, quia foris constitutus cum sancto Spiritu non est, nec baptizare venientem potest.

En unctiōem 1. quæ confertur ei, qui baptizatus sit, hoc est, qui plenum & integrum baptismus susceperit: 2. quam necesse est baptizato conferri, ut accepto chrismate, esse unctus Dei, & habere in se gratiam Christi possit: 3. quæ sit ex oleo jam prius in altari, hoc est, inter missarum solemnias sanctificato: 4. quæ ratione sanctificationis & consecrationis æquiparatur eucharistiæ.

En etiam preces, quæ super neophytos ab episcopis per manuū impositionem fieri solebant, ut Spiritus sanctus advocaretur, siquidem sacramentorum formæ sunt quædam preces mysticæ, ministrorum ore pro-

Witasse de Confirmatione.

E

latz,

laræ, quæ gratiam impetrant, ut a Deo ritibus sacris promissam.

En denique ritum sacrum, quo Spiritus sanctus confertur, & quem apud hæreticos nullum esse omnes episcopi Africani consentiebant, quamvis inter se de baptismi valore dissentirent.

Chernitius in examine agnoscit ex hoc loco aperte sequi Cyprianum existimasse baptismum delere peccata; unctionem vero confirmatoriam dare gratiam seu spiritum sanctum: sed contendit illum errasse, eumque errorem a Tertulliano magistro suo accepisse. Quasi vero Tertullianus ritum illum, cuius ipse meminit velut ubique recepti, & quem ipse Christo acceptum refert (videlicet pag. 21.) omnium primus excogitarit; Cyprianus autem ritum, quem ætate sua constat non solum ab orthodoxis, sed etiam ab heterodoxis observari solitum, solus ipse administraverit.

Antonius vero de Dominis lib. 5. cap. 5. & Dallæus lib. 2. cap. 8. plura obijciunt, quæ quidem ex dictis dilui facile possunt.

DICUNT igitur 1. non de unctione vel manus impositione confirmatoria, sed de baptismo solo errasse, vel cum Stephano Romano Episcopo litigasse dicitur Cyprianus. Ergo quas hic urget unctionem & manus impositionem, eas fuisse necesse est baptismi appendices, a quarum administratione ad ipsum baptismum pro sua sententia argumentatur.

RESPONDEO 1. retorquendo, non de eucharistia, sed de baptismo solo errasse, vel cum Stephano Romano litigasse dicitur Cyprianus. Ergo quam hic urget eucharistiam, eam fuisse necesse est baptismi appendicem, a cuius administratione ad ipsum baptismum pro sua sententia argumentatur.

RESPONDEO 2. epistolam, de qua nunc agitur, synodicam esse primi Concilii Carthaginensis sub Cypriano coacti in causa baptismi hæreticorum; adeoque præcessisse ejusdem Cypriani, aliorumque Africanorum cum Stephano dissidium, quod contigit post synodicam Concilii II. Carthaginensis epistolam ad eundem Stephanum, quæ inter Cyprianicas extat num. 72.

RESPONDEO 3. negando antecedens. Tres siquidem erant tunc opinioniones. Cyprianus aliique plurimi cum ipso negabant valere apud hæreticos baptismum, unctionem, manuumque impositionem qua Spiritus sanctus advocaretur, & eucharistiam; plures vero antistites sive Africani, sive alii, qui volebant hæreticos, qui ad ecclesiam redeunt, recipi per manuum impositionem, qua Spiritus sanctus advocatur, concedebant quidem hanc manuum impositionem, & eucharistiam apud hæreticos irritam esse, sed validum esse baptismum contendebant. Stephanus autem ab illis utrisque dissentiens, asserbat iis, qui de hæresi ad ecclesiam veniunt, adhibendam esse duntaxat manuum impositionem reconciliatoriam. Si quis a quacumque hæresi venerit ad nos,
" ni-

“ nihil innovetur , nisi quod traditum est , ut manus illi imponatur ” in penitentiam , “ *ex epist. 74. Cypriani ad Pompeium*, initio. Hæc dicta sint ex opinione communi ; nec enim me latet nonnullos esse , qui contendant præfata Stephani verba mutata fuisse , & legendum existiment , ut manus illi imponatur in , vel ad Spiritum sanctum ; quæ de re *infra* , ubi de validitate Confirmationis ab hæreticis administrata.

RESPONDEO 4. esto antecedens : nego consequentiam. Neque enim Cyprianus argumentatur quasi a parte ad totum , ab appendice ad massam , & proprietatibus ad substantiam , ut inde baptismi genium , & naturam conjiciat ; sed ratiocinatur vel a consequenti , vel a simili , vel potius ab utroque : quasi sic discurrat. Ungi necesse est eum , qui baptizatur : necesse est ei manum imponi , & Eucharistiam administrari ; hæc enim tria sacramenta connexa sunt . Sed hæretici nec ungere possunt , nec manum imponere , nec eucharistiam conficere . Ergo nec valide baptizare .

Africanis autem episcopis , qui a Cypriano dissentiebant , respondentibus , hæreticos ungi quidem non posse , neque manum imponere , quia non possunt dare Spiritum sanctum : posse tamen baptizare ; urget eos Cyprianus argumento a simili : “ Si baptizare poterit hæreticus , ” potuit & Spiritum sanctum dare : si autem Spiritum sanctum dare non ” potest , quia foris constitutus , cum Spiritu sancto non est ; nec baptizare venientem potest . “ Aliis etiam argumentis eos alibi refellit , quæ referemus *infra* .

At , inquit Antonius de Dominis , Cyprianus unctionem , quæ fit ab hæreticis , inefficacem esse probat , indeque concludit baptismum hæreticorum esse inefficacem : sed ab invaliditate unius sacramenti , non licet colligere invaliditatem alterius : laicus enim invalide consecrat , & valide baptizat . Hæc igitur unctio , de qua Cyprianus , non est sacramentum .

RESPONDEO 1. retorquendo circa eucharistiam , de qua *ibidem* Cyprianus . 2. Aliud est ratiocinationem aliquam non recte concludere ; aliud auctorem aliquem non ita ratiocinatum esse . Non agitur , utrum legitima fuerit ratiocinatio Cypriani ; quæritur utrum ille , (sive bene , sive male) ita ratiocinatus fuerit . Cæterum Cypriani ratiocinationem legitimam fuisse apparebit ex dicendis *infra* , ubi de quinto *textu* . Argumentabatur enim a simili , & ex concessis Africanorum sibi adversantium .

URGET Dallæus , & vim facit in particulis QUOQUE & SED ET , quibus Cyprianus utitur . Ipsa , inquit , Cyprianæ series ostendit ibi unctionem , & manus impositionem ad baptismum pertinuisse . Postquam enim ab ipsa lotionem , quæ in baptismi administratione fuit , & qua proprie sacramentum constat , & ab interrogatione de fide argumentatus est , ita progreditur . “ Ungi quoque necesse est eum , qui

„baptizatus sit, “ id est locus : ubi particula QUOQUE unctionem cum lotionem, velut partem vel appendicem ejusdem baptismalis ministerii connectit : quasi dicat : baptismum, qui ab hæreticis datur, nihil valere, non solum lotio, sed & unctio ipsa, quæ ecclesiastico ritu lotionem excipit, clare demonstrat. Itidem mox de manus impositione : “ Sed & baptizato, inquit, quam precem &c.

RESPONDEO 1. retorquendo circa eucharistiam, de qua Cyprianus *ibidem*. 2. Hæ duæ particulae ibi non connectunt unctionem & impositionem manuum cum lotionem, quasi partem, vel appendicem ejus, sed rationes, quæ sequuntur, cum præcedentibus connectunt ad eandem propositionem stabiliendam.

OBJICIT 2. Dallæus. Cyprianus olei meminit, non balsami. Sed unctio simplicis olei non est confirmatoria. Ergo.

RESPONDEO 1. Cyprianus non meminit balsami; illud quoque non excludit : quemadmodum aquam non excludit a materia calicis, qui vini, non autem aquæ meminit; quamvis calix Domini non sit vinum solum, neque aqua sola, sed vinum aqua permixtum, ita tamen ut vinum aquæ prædominetur, & substantia vini integra permaneat. Sicut igitur theologi in materia calicis, potius vini quam aquæ mentionem faciunt, quia vinum aquæ prædominatur; ita Cyprianus potius olei quam balsami meminit, quia in materia Confirmationis oleum præcipuum locum obtinet. 2. Hæc obiectio illos non urget, quibus mixtio balsami non est de necessitate sacramenti. Verbo dictam, hæc obiectio pertinet ad Confirmationis materiam, de qua *infra*.

OBJICIT 3. Cyprianus ait baptizatum oleo ungendum, *ut unctus Dei esse possit*, id est, ut regii sacerdotii particeps in Christo fieri possit, qui quidem effectus ad baptismum pertinet.

RESPONDEO 1. eodem argumentandi genere probari posse, eucharistiam esse baptismi appendicem. Quemadmodum enim baptizatus suscipientes efficit regii sacerdotii particeps; ita suscipientes efficit membra Christi, dat eis vitam æternam, eosque Christo induit : qui tamen iidem effectus eucharistiæ neophytis administratæ aliquando tribuuntur. Unde Jesse Ambianensis episcopus, tractatu de *baptismo*, “ Novissime, inquit, corpore & sanguine Domini confirmatur infans, “ ut ejus possit esse membrum, qui pro eo passus est & resurrexit. “ *lib. de ordine baptismi, cap. 18.* “ Propter hanc vitam capeßendam, & baptizamur, & carne ejus pascimur. “ Et Amalaricus in *epistola ad Carolum Magnum*, “ Confirmatur postea corpore & sanguine Domini, “ ut sciat per talia mysteria diabolus expulsus ab ejus corde, ac “ Christum inhabitare, ita ut confidenter dicamus illis, ‘ Omnes, qui in Christo baptizati estis, Christum induistis. “ Ideone eucharistia, quæ recens baptizatis conferebatur, appendix erat baptismi? Non ita sane : sed omnia illa sacramenta, ut quæ continenter administrarentur

considerabantur tanquam causæ unius ejusdemque effectus totalis . 2. Si Christiani unguntur sacerdotes ad sacrificium, unguntur etiam milites ad pugnam. Quid igitur repugnat, quominus hæc verba Cypriani, *ut unctus Dei esse possit*, hoc sensu intelligantur, *ut unctus ad pugnam miles Dei esse possit*. 3. Esto, de regio Christi sacerdotio intelligantur; nonne in Confirmatione regalis sacerdotii plenitudinem, consequimur? recole, quæ supra dicta sunt pag. 48.

Secundus Cypriani locus habetur in *epist. 73. ad Jubaianum*, ante medium: "Qui in Samaria crediderant, fide vera crediderant, & intus in ecclesia, quæ una est & cui soli gratiam baptismi dare, & peccata solvere permissum est, a Philippo diacono, quem iidem apostoli miserant, baptizati erant. Et idcirco, quia legitimum & ecclesiasticum baptismum consecuti fuerant, baptizari eos ultra non oportebat: sed tantummodo, quod deerat, id a Petro & Joanne factum est, ut oratione pro eis habita, & manu imposita invocaretur, & infunderetur super eos Spiritus sanctus: quod nunc quoque apud nos geritur, ut qui in ecclesia baptizantur, præpositis ecclesiæ offerantur, & per nostram orationem ac manus impositionem Spiritum sanctum consequantur, & signaculo Dominico consummentur." Verba hæc perspicua sunt, & omnino faciunt ad nostrum institutum.

OBJICIT Antonius de Dominis *lib. 5. cap. 3. num. 14.* & post ipsum Dallæus *lib. 2. cap. 8.* ex ipso textu apparere hanc manuum impositionem esse partem baptismi cæremonialem, & postremum ritum, quo baptismum ultimum complementum acciperet: ait enim Cyprianus Petrum, & Joannem hac impositione supplevisse, QUOD DEERAT baptismi Philippi, eoque signaculo baptismum CONSUMMARI.

REFELLUNTUR. 1. Quia neque Cyprianus, neque alius e sanctis Patribus unquam dixit defuisse aliquid baptismi a Philippo Samaritanis collato: imo Cyprianus, asserens illum fuisse LEGITIMUM ET ECCLESIASTICUM, aperte innuit nihil ei rituum hac ætate observatorum defuisse. 2. Aliud est baptismi, aliud Samaritanis, qui baptismum legitimum, & Ecclesiasticum, adeoque integrum, & perfectum, a Philippo acceperant, aliquid deesse. Baptismo quidem nihil deerat, Samaritanis tamen deerat Spiritus sanctus, qui nondum eis concessus fuerat. 3. Cyprianus non ait baptismum, sed eos, qui baptizati sunt, signaculo dominico consummari. 4. Confirmatio dicitur baptismi consummatio seu complementum, quia Christianos perficit & corroborat, quos baptismus fecit infantes.

OBJICIT 2. Dallæus, per præpositos Ecclesiæ tam presbyteros, quam episcopos intelligi posse, qui utrique, sed suo singuli loco atque ordine Ecclesiæ præerant, ejusque præpositi erant. Celerinus quidem presbyteros, præpositorum nomine aperte intelligit *epistola ad Lucianum*, quæ extat inter Cyprianæ *epistolæ vigesima*. "Præceperunt, inquit, eas præpositi tantisper sic esse, donec Episcopus constituatur." Sic *Wasse de Confirmatione.*

E 3

etiam

etiam presbyteri Romani apud eundem Cyprianum *epist.* 2. "Nos, in-
 quunt, videmur præpositi esse." Et ipse Cyprianus presbyteros hoc
 nomine haud dubie intelligit, quo loco scribit *epist.* 10. "Instructi a
 ; præpositis faciant omnia" cum Dei timore. "Et alibi item ad Pom-
 ; ponium dum præpositos plebi opponit : "Et præpositis, inquit, &
 ; plebi elaborandum est." Et in libro de lapsis, cum inter superio-
 ris temporis peccata recenset, "præpositos superbo tumore contem-
 nere.

RESPONDEO 1. Hæc difficultas respicit controversiam de ministro
 Confirmationis, non autem ejus naturam. 2. Hæc obiectio nulla est
 in ea opinione, quæ præter ordinarium ministrum, qui est episcopus,
 agnoscit simplicem sacerdotem esse ministrum extraordinarium. 3. Non
 agitur hic de sensu Celerini confessoris, vel cleri Romani, sed de sen-
 su Cypriani, qui neque in libro de lapsis, per hanc vocem, *præpositus*,
 intelligit sacerdotes, sed episcopos duntaxat, neque in *epistola* 62. ad
 Pomponium; liquidem ad episcopos, non autem ad sacerdotes pertine-
 bat delinquentes subicere pœnitentiæ publicæ : sed hic agitur de sub-
 jiciendis, vel non subjiciendis pœnitentiæ publicæ virginibus, quæ de-
 rectæ fuerant, in eodem loco mansisse cum masculis. In *epistola* vero
 10. Cypriani ad martyres & confessores, habetur quidem : "Sed præ-
 ; positum est præceptum tenere, & vel properantes, vel ignorantes
 ; instruere, ne qui ovium pastores esse debent, lanii fiant : ea enim
 concedere, quæ in perniciem vertant, decipere est." Verum hæc ver-
 ba, quæ juxta Dallæum referri debent ad sacerdotes & diaconos ad car-
 cerem committentes, ut martyrum veniam pro lapsis petentium desideria
 & vota susciperent, mihi videntur referri ad episcopos, non autem ad
 sacerdotes & diaconos illos, qui nec ovium pastores erant, ne-
 que pacem iis, qui lapsi erant, a martyribus expetitam concedere po-
 terant : hæc enim relaxatio juris erat episcopalis. 4. Vox, *præpositus*,
 apud Cyprianum ubique sere significat episcopum, ut videre est in *epi-
 stolis* 3. 7. 11. 15. 23. 27. 72. 73. 75. & 76. in fine. Neque memini
 eam a Cypriano unquam usurpari pro simplici sacerdote. Sicubi vero
 inferiorem sacerdotem significat, nusquam tamen vel apud Cyprianum,
 vel in epistolis inter Cyprianas relatis designare reperitur sacerdotem
 ratione sui, sed solummodo quatenus vices gerit episcopi, ejusque no-
 mine agit, vel etiam auctoritate fungitur. 5. Quocumque sensu, hæc
 vox alibi usurpetur; hic sane Episcopus significet necesse est; tum quia
 hi præpositi, de quibus Cyprianus, vocantur simpliciter & sine ullo
 additamento PRÆPOSITI ECCLESIAE, quod solis episcopis convenit;
 neque apud Cyprianum reperies, quod simplex sacerdos aliquando di-
 catur simpliciter & absolute præpositus Ecclesiæ : tum quia hi præpo-
 siti Ecclesiæ, a Cypriano dicuntur per suas orationes, manusque im-
 positionem conferre Spiritum sanctum, quod simplicibus presbyteris nus-
 quam legitur concessum, ex Damaso in *epistola ad episcopos Numidiæ* :
 tum

tum quia hi præpositi a Cypriano æquiparantur Apostolis Petro & Joanni, qui Samaritanis a Philippo baptizatis Spiritum sanctum concesserunt; simplices autem presbyteri non æquiparantur apostolis, in iis præsertim rebus, quæ Spiritum sanctum per manuum impositionem collatum respiciunt: tum quia Cyprianus loquitur de præpositis sibi dignitate æqualibus: postquam enim dixit, ut baptizati "præpositis Ecclesiæ offerantur": "subjicit, " & per nostram orationem ac manus " impositionem Spiritum sanctum consequantur &c.

OBJICIET etiam forte aliquis, hanc epistolam, ex qua textum erui-mus, dubiam esse; hanc enim epistolam a Cypriano scriptam fuisse ad-dubitat Augustinus *lib. 2. contra Cresconium cap. 33.* his verbis: "Cum " enim persuadere conaretur, vel sanctus Cyprianus, vel quicumque " illam scripsit epistolam &c. " Sed Hieronymus in *dialogo adversus Lu-cifer. c. 9.* Cypriano tribuit, & libellum vocat. Et vero hanc epistolam Cypriani esse non dubitabit, qui observaverit eam nomine Cypriani, præ-sente ipso Cypriano, in concilio III. Carthaginensi lectam fuisse, eamque Cyprianum in fine ejusdem concilii, uti suam approbasse.

TERTIUS Cypriani textus habetur in *epistol. 72. ad Stephanum Pa-pam*, initio, ubi Cyprianus, qui sacramenta hæreticorum improbat, ait, quod ii, qui ab hæresi ad Ecclesiam redeunt, "plene sanctifica-ri, & esse filii Dei possunt, si sacramento utroque nascantur." Huic textui alius plane similis est in *epistol. 73.* non procul a fine: "Bapti-zari eos oportet, qui de hæresi ad Ecclesiam veniunt: ut qui le-gitimo, & vero atque unico sanctæ Ecclesiæ baptismo ad regnum " Dei regeneratione divina præparantur, sacramento utroque nascan-tur. " Unde Bellarminus *de Confirmat. cap. 6.* Morinus *de panis. lib. 9. cap. 7. num. 5.* & Petrus Aurelius in *orthodoxo adversus Sirmundum, parte 1. cap. 6.* in fine, colligunt duo fuisse sacramenta, baptismum sci-licet & Confirmationem, quibus Cyprianus voluerit hæreticos ad Ec-clesiam redeuntes initiari. Itaque minime mirum, inquit Aurelius, " si eos, qui ab hæresi emergerent, ut ecclesiæ baptismo rursus mer-gendos; ita Ecclesiæ Confirmatione rursus signandos putavit, ut " UTROQUE SACRAMENTO in Ecclesia nascerentur, qui utriusque si-mulatione in hæresi periissent.

Sed (pace tantorum virorum dixerim) Cyprianus per hæc verba, *sacramento utroque nascantur*, non intelligit utrumque baptismi & Con-firmationis sacramentum, sed aquam & Spiritum sanctum, quibus rege-neramur. Subjicit enim priori loco: "Cum scriptum sit; *nisi quis re-natus fuerit ex aqua & Spiritu, non potest introire in regnum Dei*: " Posteriori vero textui; "Quia scriptum est; *nisi quis renatus fuerit ex aqua & Spiritu, non potest intrare in regnum Dei*. " Quin etiam in *epistol. 74. ad Pompejum*, in medio, conceptis terminis asserit fide-tem in baptismo duntaxat nasci, non autem in Confirmatione: "Non " per manus impositionem quis nascitur, quando accipit Spiritum san-

„ Etum, sed in baptismo; ut Spiritum jam natus accipiat. “ Eodem sensu intelligi debet Nemefianus Epifcopus a Thubunis, quem *infra* producemus.

Plures alii textus ex Cypriano, Firmiliano & Africanis Epifcopis excerpti.

IN caufa baptifmi ab hæreticis collati, tria sub Cypriano concilia Carthagine congregata funt: primum quidem ad annum 255. post Cornelli Pontificis obitum, cujus meminit Cyprianus *in epistol. 71.* ad Quintum Mauritanie Epifcopum, & *in epistol. 72.* ad Stephanum Pontificem Romanum. Lectis in hac fynodo litteris Epifcoporum Numidie, „ de iis, qui apud hæreticos & schismaticos baptizari videntur, „ an ad Ecclefiam catholicam, quæ una eft, venientes baptizari debeant; “ Cyprianus, alique antiftites Carthagine coacti fynodicam (inter Cyprianæas 70. epistolam refcripferunt, cujus compendium fecimus *pag. 64.* textus integer quem *pag. 65.* & *ibid.* defcripfimus, recolendus eft. In eo enim Cyprianus probare nititur, utrumque baptifmi & unctionis manusque impositionis sacramentum apud hæreticos, aut ratum aut irritum effe. Ex eo etiam apparet unctionem & manus impositionem, eam effe, quæ baptifmum fublequebatur, & quæ super baptizatos fieri solebat ad Spiritum sanctum super ipfos advocandum. Scripsit etiam Cyprianus ad Quintum, (inter Cyprianæas epiftolas 71.) eique præfatæ epiftolæ fynodicæ exemplum mifit.

Deinde ad annum 256. congregata eft fecunda fynodus Carthaginenfis, cui interfuerunt “ tam provinciæ Africæ, quam Numidie epifcopi numero feptuaginta & unus, hoc idem denuo fententia fua . . . „ ftatuentes, unum baptifma effe, quod fit in ecclefia catholica conftitutum, ac per hoc non rebaptizari, fed baptizari . . . (hæreticos, „ qui) ab adultera & profana aqua veniunt : *ex epist. 73. ad Iubani- janum.*

Sub finem hujus concilii, Patres fynodicam epistolam fcripferunt ad Stephanum papam (inter Cyprianæas 72.) qua ipfum monent, fe ftatuiffe, “ eos, qui funt foris extra ecclefiam tincti, & apud hæreticos „ & schismaticos profanæ aquæ labe maculati, quando . . . ad ecclefiam, quæ una eft, venerint, baptizari oportere; eo quod parum fit „ eis manum imponere ad accipiendum Spiritum sanctum, nifi accipiant & ecclefie baptifmum. Tunc enim demum plene sanctificari, „ & effe filii Dei poffunt, fi Sacramento utroque nalcantur, cum scriptum fit : *Nifi qui renatus fuerit ex aqua & Spiritu, non potest introire in regnum Dei.* Invenimus enim etiam in Aëtis Apoftolorum „ hoc effe ab apoftolis custoditum, . . . ut cum in domo Cornelli centurionis super ethnicos, qui illic aderant, fidei calore ferventes, & „ in Dominum toto corde credentes, descendiffet Spiritus sanctus, quo „ adim-

„ adimpleti variis linguis Deum benedicerent; nihilominus tamen bea-
 „ tum apostolum divini præcepti atque evangelii memorem præcepisse,
 „ ut baptizarentur iidem illi, qui jam fuerant sancto Spiritu pleni. “
 Sentiunt igitur 1. manus impositionem, qua Spiritus sanctus advoca-
 tur, omnino diversam esse a baptismo: 2. illam hæreticis ad ecclesiam
 redeuntibus adhibendam esse, & antequam illa conferatur, debere ipsis
 baptismum administrari: 3. eos, super quos Spiritus sanctus per ma-
 nus impositionem descendit, nihilominus teneri baptismo: 4. hanc ma-
 nus impositionem comparant descensui Spiritus sancti super Cornelium.
 & alios, qui in ejus domo Petrum audiebant, *Affor.* 10. v. 44.

Cyprianus etiam de rebus in hac synodo gestis epistolam misit ad
Jubajanum (extat inter Cyprianæ *num.* 73.) qua illum monet se sta-
 „ tuisse, “ unum baptismum esse, quod sit in ecclesia catholica consi-
 „ tutum, ac per hoc non rebaptizari, sed baptizari ab ipsis hæreti-
 „ cos. “ Postea decretum illud pluribus argumentis stabilire conatur,
 ac tandem refellit antistites Africanos, qui docebant manus quidem hæ-
 reticis imponendas esse, non eos tamen baptizandos; quod eorum va-
 leret baptismus, minime vero apud ipsos valeret manus impositio. “ Si
 „ secundum pravam fidem, inquit, baptizari aliquis foris, & remissam
 „ peccatorum consequi potuit, secundum eandem fidem consequi &
 „ Spiritum sanctum potuit: aut utrumque enim fides foris potuit, aut
 „ neutrum eorum, qui foris fuerat, accepit. “ Quia vero episcopi a
 Cypriano dissidentes, suam sententiam confirmabant sacro Petri & Jo-
 annis, qui Samaritanos a Philippo baptizatos, non rebaptizaverunt, sed
 eis tantum manum imposuerunt ad recipiendum Spiritum sanctum; sub-
 jicit Cyprianus; “ Quod autem dicunt quidam de eis, qui in Samaria
 „ baptizati fuerant, advenientibus apostolis Petro & Joanne, tantum
 „ super eos manum impositam esse, ut acciperent Spiritum sanctum,
 „ rebaptizatos tamen non esse; locum istum, frater charissime, ad præ-
 „ sentem causam videmus omnino non pertinere. Illi enim, qui in
 „ Samaria crediderant, fide vera crediderant, & intus in ecclesia, quæ
 „ una est . . . baptizati erant: & idcirco, quia legitimum & eccle-
 „ siasticum baptismum consecuti fuerant, baptizari eos ultra non oport-
 „ rebat; sed tantummodo quod deerat, id a Petro & Joanne factum
 „ est, ut oratione pro eis habita, & manu imposita invocaretur & in-
 „ funderetur super eos Spiritus sanctus &c. “ Episcopis igitur objicientibus
 factum Petri & Joannis, qui Samaritanis manum duntaxat impos-
 uerant, respondet Cyprianus latum esse discrimen inter Samaritanos
 & hæreticos, quod illi cum in ecclesia baptizati fuissent, validum bap-
 tisma consecuti fuerant, atque ita manus impositio eis solum adhiberi
 debebat: contra vero hæretici, cum extra ecclesiam baptizati sint, va-
 lidum baptismum non sunt consecuti, atque ita non satis est, manum
 eis imponere ad accipiendum Spiritum sanctum, sed huic manus im-
 positioni baptismus præmitti debet. Cyprianus igitur & episcopi ab ipso
 dil-

dissentientes, conveniebant eandem esse manus impositionem, qua Samaritani Spiritum sanctum acceperant, & qua hæretici ad ecclesiam redeuntes (quos Cyprianus volebat, alii vero volebant baptizari) Spiritum sanctum acciperent.

Periit primum & secundum concilium; sed tertium integrum superest, quod Carthagine cœptum est Kalendis Septembris anni 256. "In eo. le-
 „ Etæ fuerunt litteræ Jubajani ad Cyprianum factæ, item Cypriani ad
 „ Jubajanum rescriptæ: "nulla vero Stephani, ejusque rescripti mentio-
 „ facta est. Unde conjicere licet rescriptum illud nondum in Africam perve-
 „ nisse. Huic synodo interfuere cum Cypriano sex & octoginta episcopi,
 „ ex provincia Africa, Numidia, Mauritania: "singuli ordinæ suo suf-
 „ fragia tulerunt, quæ inter opera Cypriani referuntur. Quamvis autem
 „ omnes illi episcopi idem cum Cypriano sentirent, plures tamen, qui aber-
 „ rant, ab eo dissentiebant (videlicet Cyprianum in *epist.* 71. 72. & 73. &
 „ Augustinum *lib.* 3. *contra Crescentium cap.* 1.) existimantes hæreticorum
 „ quidem manus impositionem invalidam esse, eorum tamen baptismum esse
 „ validum, adeoque illos ad ecclesiam revertentes, per solam manus im-
 „ positionem in Spiritum sanctum recipiendos esse. Nemesianus autem epis-
 „ copus a Thubunis (alii legunt a Thubinis) adversus illos ita conclusit.
 „ Male ergo sibi quidam interpretantur, ut dicant quod (hæretici ad ec-
 „ clesiam redeuntes) per manus impositionem Spiritum sanctum acci-
 „ piant, & sic recipiantur; cum manifestum sit utroque sacramento (aqua
 „ primum & Spiritu sancto) debere eos renasci in ecclesia catholica. "
 „ Secundinus quoque a Carpis dixit, super hæreticos, qui ad ecclesiam re-
 „ vertuntur, " Spiritum sanctum per manus impositionem tantummodo non
 „ posse descendere, cum manifestum sit hæreticos baptismum non habere "
 „ Euchratus item a Thenis dixit, Venientes ad ecclesiam hæreticos
 „ integro & catholico baptismate baptizari debere manifestum est, ut
 „ a blasphemix suæ præsumptione purificati, possint Spiritus sancti gra-
 „ tia reformari. " Denique Vincentius a Thibari dixit, hæreticos de-
 „ bere prius baptizari, " ut tunc possint ad Christi pollicitationem ve-
 „ nire, " qua scilicet Christus promisit Spiritum sanctum. Episcopi
 „ igitur Africani utriusque partis, sive ii qui baptismum hæreticorum ad-
 „ mitterent, sive qui rejicerent, inter se conveniebant, manus impositi-
 „ onem, per quam Spiritus sanctus super baptizatos descendit, omnino di-
 „ versam esse a baptismo.

Post absolutam synodum litteræ Stephani in Africa receptæ sunt, quibus statuebatur, nihil circa hæreticorum baptismum innovandum esse. Qua de re commotus Cyprianus epistolam Pompejo scripsit adversus Stephanum (extat inter Cyprianæas *numero* 74.) qua baptismum hæreticorum nullum esse multis contendit argumentis petitis ex ipsius Stephani aliorumque episcoporum sibi adversantium concessis, quos supponit ultro concedere, nullum esse Spiritum sanctum apud hæreticos, nullum ab ipsis Spiritum sanctum conferri, invalidam apud ipsos esse ma-
 nus

mus impositionem, qua Spiritus sanctus super baptizatos descendit : eamque super hæreticos, qui ad ecclesiam veniunt, repetendam esse. Unde Cyprianus a pari concludit, nullum apud ipsos baptismum esse, eumque repetendum in his, qui ab hæresi ad ecclesiam transeunt ; aut si non repetitur baptismus, nec repetendam esse manus impositionem, sed utramque apud hæreticos valere. " Si effectum baptismi (antistites, qui nobis adversantur) majestati nominis tribuunt, ut qui in nomine Jesu Christi, ubicumque & quomodocumque baptizantur, innovati & sanctificati judicentur ; cur non in ejusdem Christi nomine illic & manus baptizato imponitur (valide scilicet) ad accipiendum Spiritum sanctum ? Cur eadem ejusdem majestas nominis non prævalet in manus impositione, quam valuisse contendunt in baptis-
mi sanctificatione ? Nam si potest quis extra ecclesiam natus templum Dei fieri, cur non possit super templum & Spiritus sanctus infundi ? Qui enim peccatis in baptismo expositis sanctificatus est, & in novum hominem spiritaliter reformatus, ad accipiendum Spiritum sanctum idoneus factus non est ? Quando apostolus dicat, *Quotquot in Christo baptizati estis, Christum induistis*. Qui potest apud hæreticos baptizatus Christum induere, multo magis potest Spiritum sanctum, quem Christus misit, accipere Porro autem non per manus impositionem quis nascitur, quando accipit Spiritum sanctum ; sed in baptismo ; ut Spiritum jam natus accipiat, sicut in primo homine Adam factum est. Ante enim Deus eum plasmavit, & tunc insufflavit in faciem ejus flatum vitæ. Nec enim potest accipi Spiritus, nisi prius fuerit qui accipiat.

Alteram quoque epistolam Cyprianus Firmiliano scripsit adversus Stephanum, quæ non extat, eique misit exemplum rescripti ejusdem Stephani. Firmilianus autem Cypriano prolixam epistolam rescripsit (est inter Cyprianas num. 75.) qua inter alia, quibus utitur, argumenta, probat baptismum hæreticorum invalidum esse, primum quidem a simili : deinde vero ex eo quod illi sponte faterentur manus impositionem, qua Spiritus sanctus advocatur, non valere apud hæreticos, eamque ob rem super ipsos ad ecclesiam redeuntibus innovandam esse : denique hanc manuum impositionem super ipsos fieri non posse, nisi præmittatur verus Christi baptismus, probat facto Pauli, qui discipulis a Joanne baptizatis non imposuit manus, nisi postquam baptismo Christi eos baptizavit. " Hæretici, si se ab ecclesia Dei sciderint, nihil habere potestatis aut gratiæ possunt ; quando omnis potestas & gratia in ecclesia constituta sit, ubi præsident majores natu, qui & baptizandi, & manum imponendi, & ordinandi possident potestatem. Hæretico enim sicut ordinare non licet, nec manum imponere, ita nec baptizare
... quod totum nos jam pridem in Iconio, qui Phrygiæ locus est, collecti in unum convenientibus ex Galatia & Cilicia & cæteris proximis regionibus confirmavimus tenendum, ... cum a quibusdam de
,, ista

ista re dubitaretur. Et quoniam Stephanus & qui illi consentiunt ; contendunt dimissionem peccatorum . . . in hæreticorum baptisma posse procedere , apud quos etiam ipsi confitentur Spiritum sanctum non esse ; considerent & intelligant spiritalem nativitatem sine Spiritu esse non posse ; secundum quod & beatus Paulus apostolus , eos , qui ab Joanne baptizati fuerant , priusquam missus esset a Domino Spiritus sanctus , baptizavit denuo spiritali baptismo , & sic eis manum imposuit , ut acciperent Spiritum sanctum . Quale est autem , ut cum Paulum post Joannis baptisma iterato discipulos suos baptizasse videamus : nos eos , qui ab hæresi ad ecclesiam veniunt , post illicitam & profanam eorum tinctionem baptizare dubitemus ? Nisi si his episcopis , de quibus nunc , minor fuit Paulus ; ut hi quidem possint per solam manus impositionem venientibus hæreticis dare Spiritum sanctum , Paulus autem idoneus non fuerit qui ab Joanne baptizatis Spiritum sanctum per manus impositionem daret , nisi eos prius etiam ecclesiæ baptismo baptizasset . Ex his tria aut quatuor manifeste apparent . Primum est , quod episcopi utriusque partis conveniunt eos , qui ab hæresi ad ecclesiam veniunt , recipiendos esse per manus impositionem , qua Spiritus sanctus super fideles descendit ; quod illa apud hæreticos minime valeret . Secundum est , quod hæc manus impositio eadem esset , quæ natu majoribus , in ecclesia præsentibus , reservata erat ; quæ utrique baptismi & ordinationis sacramento æquiparatur ; quamque Firmilianus in concilio Iconiensi definivit apud hæreticos nihil valere . Tertium est , quod hæc manus impositio eadem esset , quam Paulus duodecim Joannis discipulis a se Christi baptismo initiatis imposuit , ut Spiritus sanctus super illos descenderet , *Act. 19. v. 6* . Quartum , quod hæc manuum impositio ejusmodi sit , ut iis solum , qui Christi baptismo actu initiati sunt , conferri possit .

Pluribus vero interjectis Firmilianus aliud argumentum affert ; “ Si non mentitur apostolus dicens ; *Quotquot in Christo tincti estis , Christum induistis* ; utique qui illic (in hæresi) in Christo baptizatus est , induit Christum . Si autem induit Christum , accipere potuit , & Spiritum sanctum qui a Christo missus est ; & frustra illi (ad ecclesiam) venienti ad accipiendum Spiritum sanctum manus imponitur . “ Hec igitur impositio hujusmodi est , ut si valeat apud hæreticos , frustra iis imponatur , qui ab hæresi recidunt , & ad ecclesiam veniunt .

Denique Stephanum respondentem hæreticorum baptisma valere , quia “ in nomine Christi datum est , & in multum (verba sunt Stephani) proficit nomen Christi ad fidem & baptismi sanctificationem , ut quicumque in nomine Christi baptizatus fuerit , consequatur statim gratiam Christi : Firmilianus ita refellit : “ Si in nomine Christi valuit foris baptisma ad hominem purgandum , in ejusdem Christi nomine valere illic potuit & manus impositio ad accipiendum Spiritum sanctum : & incipient cætera quoque , quæ apud hæreticos

„ agun-

„ aguntur, iusta & legitima videri, quando in nomine Christi gerantur. “ In hoc textu Firmilianus tria præstat. 1. Hanc manuum impositionem, quæ subscipiebatur *ad accipiendum Spiritum sanctum*, æquiparat baptismo. 2. Supponit utrumque ab hæreticis conferri in nomine Christi. 3. Contendit utrumque apud hæreticos aut nullum, aut ratum esse.

Cyprianus aliquanto post scripsit & aliam in eadem causa epistolam ad Magnum (est inter Cyprianæ num. 76.) in qua post medium, episcopos Stephano consentientes sic urget: “ Contententur, quod uni-
 „ versi sive hæretici, sive schismatici non habeant Spiritum sanctum,
 „ & ideo baptizare quidem possint, dare autem Spiritum sanctum non
 „ possint. In hoc ipso a nobis tenentur, ut ostendamus nec baptizare
 „ omnino eos posse, qui non habeant Spiritum sanctum. Nam cum
 „ in baptismo unicuique peccata sua remittantur . . . (& Dominus di-
 „ xerit,) *Accipite Spiritum sanctum; si cujus remiseritis peccata, remiten-
 „ tur illi; si cujus tenueritis, tenebuntur* . . . ostendit eum solum pos-
 „ se baptizare, & remissionem peccatorum dare, qui habeat Spiritum
 „ sanctum . . . Itaque qui hæreticis sive schismaticis patrocinantur, res-
 „ pondeant nobis; habeantne Spiritum sanctum, an non habeant. Si
 „ habent; cur illic baptizatis, quando ad nos veniunt, manus im-
 „ nitur ad accipiendum Spiritum sanctum, cum jam utique illic accep-
 „ tus sit, ubi, si fuit, dari potuit? Si autem foris cuncti hæretici &
 „ schismatici non habent Spiritum sanctum, & ideo apud nos manus
 „ imponitur, ut hic accipiatur, quod illic nec est, nec dari potest;
 „ manifestum est nec remissionem peccatorum dari per eos posse, quoa
 „ constet Spiritum sanctum non habere.

Ex his apparet falli Antonium de Dominis, & cum ipso Dallæum, respondentes hanc manuum impositionem fuisse cæremoniam, quæ ad baptismum pertineret. 1. Quia utriusque partis antistites illam a baptismo distinguunt. 2. Quia utriusque partis episcopi virtutem ei attribuunt conferendi Spiritum sanctum a baptismo diversam. 3. Quia antistites utriusque partis inter se conveniunt eam apud hæreticos invalidam esse, quamvis de valore baptismi ab invicem dissideant. Nullus vero cordatus unquam sibi persuadebit cæremoniam baptismi apud eos irritam esse, apud quos baptismus ratus erit. 4. Quia Episcopi utriusque partis hanc manuum impositionem æquiparant ei, qua Petrus, & Joannes super Samaritanos recens baptizatos advocarunt Spiritum sanctum, ex 73. *Cypriani epistola ad Jubaianum*. 5. Quia Cyprianus in *epist.* 74. ad Pompeium, & Firmilianus in *sua epistola*, illam baptismum æquiparant; quasi duo sacramenta, quæ ambo conferri debent in nomine Christi, ambo eandem nominis Christi maiestatem requirunt, quæ in utroque ad valorem prævaleat, ambo diversum habent effectum, quatenus per baptismum innovamur, & sanctificamur, & per manus impositionem accipimus Spiritum sanctum. 6. Quia ef-

fectus

fectus baptismi disponit ad effectum manus impositionis, & ad illum refertur tanquam medium ad finem, ex Cypriano in eadem epistola 74. " Si potest quis extra ecclesiam &c. " 7. Si hæc manus impositio ad baptismum pertinet velut pars illius & appendix, idem dicendum erit de ejus effectu. Sed effectus impositionis manuum non est pars, vel appendix regenerationis & natiuitatis, quam in baptismo consequimur; cuius veritatis nos monet Cyprianus in eadem epist. " Porro autem, inquit, non per manus impositionem &c.

Apparet etiam ex dictis, eos catholicos decipi, qui respondent, hanc manuum impositionem, non sacramentalem, neque confirmatoriam esse, sed reconciliatoriam & in poenitentiam. Ita hodie sentiunt nonnulli theologi Parisienses post Petrum Aurelium, virum eruditissimum, qui in Anæretico adversus Jacobum Sirmundum tom.3 pag.446. contendit hanc manus impositionem, quam utriusque partis Episcopi hæreticis ad ecclesiam redeuntibus adhibendam esse conveniebant, " non fuisse sacramentum Confirmationis, aut impositionem illam eandem, quæ neophytis in ecclesia tribui solet; . . . sed cæremoniam meram, quæ tamen presbyteris eodem modo interdiceretur, quo reconciliatio poenitentium: quia sicut a poenitentia ad Ecclesiam redeuntes, non nisi ab Episcopo admitti poterant; sic neque ad eandem ab hæresi redeuntes: sicut autem poenitentes a presbytero in discrimine vitæ reconciliari Ecclesiæ poterant per manus impositionem, ut sæpe concilia edicunt; ita & redeuntes ab hæresi in eodem periculo per manus similiter impositionem, & chrismationem in ecclesiam ab eodem admittebantur. " Quemadmodum enim manus impositionem, ita chrismationem istam hæreticorum existimat fuisse meram cæremoniam ad sacramentum Confirmationis nihil pertinentem. Ita celeberrimus hierarchiæ ecclesiæ vindex, cuius cum Sirmundo dissidium expendam, ubi de validitate Confirmationis ab hæreticis collatæ. Tunc de jure, nunc de facto, quod huiusmodi fuisse contendendo, ut hæc manuum impositio, quam Cyprianus, aliique episcopi, sive cum ipso sentientes, sive ab ipso dissentientes, unanimi consensu fatebantur hæreticis ad Ecclesiam redeuntibus adhibendam esse, sacramentalis, & confirmatoria fuerit, non autem mere cæremonia, qua hæretici admitterentur ad poenitentiam, ut deinde reconciliarentur.

1. Quia hæc manus impositio eadem est ac illa, cuius meminerunt episcopi Carthagenenses in epistola synodica ad antiistes Numidiz, quæ inter Cyprianas extat num. 70. idque apparet, tum ex argumento, quo episcopi Carthagenenses supponunt, & probant unctionem & preces, quæ super neophytos ab episcopis per manuum impositionem fieri solebant, nullas esse apud hæreticos, indeque a pari concludunt apud eosdem hæreticos nullum esse baptismum; quam quidem rationem Cyprianus, Firmilianus & Patres Carthagenenses in epistolis, & Conciliis.

ciliis sequentibus sæpe repetunt : tum ex dilemmate , quo Patres sub finem epistolæ utuntur ; quo etiam dilemmate postea usi sunt , Cyprianus in *epistola* 73. & 76. Firmilianus in *sua epistola* , & Successus Episcopus ab Abbe Germanicana , in tertio Concilio Carthaginensi . Atqui Petrus Aurelius , ejusque sequaces agnoscunt in *epistola* 70. agi de unctione , & manus impositione sacramentali , & confirmatoria .

2. Hæc manus impositio baptismum proxime subsequebatur , & post ipsum fieri solebat , ex *eadem epist.* 70. Sed manus impositio in pœnitentiam nusquam baptismum proxime subsecuta est .

3. Hæc manus impositio super neophytos fieri solebat in ecclesia catholica ex *eadem epist.* 70. Sed manus impositio in pœnitentiam nunquam facta est super recens baptizatos in ecclesia catholica .

4. Hæc manus impositio non solum in ecclesia catholica super neophytos , sed etiam in hæresi super gregales suos baptizatos fieri solebat , ex *eadem epist.* 70. ex Cypriano *epist.* 73. 74. & 76. & Firmiliano *epist.* 75. Sed hæretici non imponebant manum in pœnitentiam omnibus suis gregalibus .

5. Quia episcopi utriusque partis huic manuum impositioni tribuunt virtutem conferendi Spiritum sanctum : quod certe non convenit manuum impositioni in pœnitentiam .

6. Quia virtutem ejus ad Spiritum sanctum advocandum æquiparant " descensui Spiritus sancti in domo Cornelii centurionis super ethnios , qui illic aderant fidei calore ferventes : " ex *epist.* 72. ad Stephanum .

7. Quia Episcopi utriusque partis eam æquiparant , imo eandem esse supponunt , cum manus impositione , qua Spiritus sanctus super Samaritanos novissime baptizatos descendit : ex *epistola* 73. ad Judæianum .

8. Quia Cyprianus in *epist.* 74. ad Pompeium eam baptismi æquiparat ratione virtutis , valoris , & efficaciz : ita ut utrumque conferatur in nomine Christi , utrumque eandem nominis Christi majestatem requirat , & in utroque eadem nominis Christi majestas ad valorem eodem modo prævaleat .

9. Quia Cyprianus loquitur de manus impositione , quam baptismus præcedit , & ad cujus effectum sanctificatio baptismi proxime disponit : ex *epist.* 74. Idem colligere licet ex suffragiis Eucherii , & Vincentii episcoporum in tertia synodo Carthaginensi *supra* relatis . Atqui nec baptismus proxime præcedit manus impositionem ad pœnitentiam , nec ad illam disponit .

10. Quia hæc manus impositio , de qua Cyprianus , eadem est , de qua Firmilianus in *suo ad Cyprianum rescripto* . Atqui Petrus Aurelius , ejusque sequaces agnoscunt , manuum impositionem , de qua Firmilianus , sacramentalem & confirmatoriam esse ; tum quia illam ait fuisse refer-

reservatam natu majoribus in Ecclesia præsentibus ; tum quia illam baptismo , & ordinationi æquiparat ; tum quia illam ait eandem esse , quam Paulus duodecim Joannis discipulis , postquam illos Christi baptismo initiavit , imposuit ut Spiritus sanctus super illos descenderet ; tum quia illam baptismo æquiparat ratione valoris , & efficaciz , ita ut utrumque sacramentum in nomine Christi conferri debeat , & utrumque in nomine Christi collatum valeat apud hæreticos , aut utrumque irritum habeatur : quod in utroque majestas nominis Christi ad validitatem eodem modo prævaleat .

11. Quia hæc manus impositio ejusmodi est , ut iis solum , qui Christi baptismo initiati sunt , conferri possit , ex Firmiliano *in epist.* 75. Atqui manus impositio in poenitentiam valebat super catechumenos , qui in aliud quod grave peccatum lapsi fuerant .

12. Hæc manus impositio ejusmodi est , ut si valeat apud hæreticos , frustra iis imponatur , qui ab hæresi ad ecclesiam transeunt , ex Firmiliano *in epist.* 75. Sed quamvis aliquis ultro concederet manus impositionem in poenitentiam valere in hæresi , inde non sequeretur illam super hæreticos ad ecclesiam transeuntes minime valere , frustra que iterari .

Denique Cyprianus hæreticos , qui cum in ecclesia baptizati fuerint , a fide recedunt , ab iis distinguit , qui in ipsa hæreticorum societate baptizati sunt : illos ait *in epist.* 71. & *in fine epistolæ* 74. per solam manus impositionem in poenitentiam recipiendos esse ; istos *in aliis epistolis sequentibus* recipi vult per baptismum , & manus impositionem in Spiritum sanctum . Sed inauditum est , neque id apud Cyprianum aut alium quemlibet Patrem alicubi reperietur , quod neophytis recensque baptizatis manus imposita fuerit in poenitentiam . Cyprianus igitur manus impositionem in Spiritum sanctum distinguebat a manus impositione in poenitentiam .

*Solvuntur objectiones Petri Aurelii , & Theologorum
Parisiensium.*

Licet tot testimoniis evidenter demonstratum sit , manuum impositionem , qua Stephanus , Cyprianus , Firmilianus , alique antistites ætate illa conveniebant hæreticos , qui extra Ecclesiam baptizati sunt , debere recipi , sacramentalem & confirmatoriam esse ; contrarium tamen Petrus Aurelius , & post ipsum Theologi Parisienses probare conantur .

OBJICIUNT igitur 1. Confirmatio ab hæreticis collata valet , eamque pro rato sacramento ecclesia semper habuit . Sed Confirmatio iterari non potest . Ergo .

RESPONDEO gravissimam esse difficultatem , utrum ecclesia Confirmationem in hæresi collatam pro rato , & valido sacramento semper habue-

habuerit . Quid alii Patres fenserint , inquiretur , ubi de ministro huius sacramenti . Nunc agitur de mente Cypriani , aliorumque antistitum Africanorum ipsi adhærentium , qui clarissime supponunt ex utriusque partis , sive pro validitate , sive pro nullitate baptismi hæreticorum decertantis consensu , Confirmationem non valere apud hæreticos , eoque supposito ut certo , & ab episcopis utriusque partis concessio , alter in alterum pro nullitate baptismi ad hæreticos collati decertat & argumentatur .

OBJICIUNT 2. Ex eo quod Stephanus alique episcopi pro baptismi hæreticorum validitate decertantes , concederent in hæreticis ad ecclesiam redeuntibus innovandam esse manus impositionem , inde Cyprianus alique antistites cum ipso consentientes , a pari concludebant in iisdem hæreticis innovandum esse baptismum . Hæc igitur manus impositio , de qua Cyprianus , eadem erat ac illa , de qua Stephanus . Atqui manus impositio , de qua Stephanus , erat in pœnitentiam , non autem erat sacramentalis ; quemadmodum apparet ex ipsius verbis a Cypriano relatis initio *epistolæ ad Pompeium* : “ Si quis ergo a
 „ quacumque hæresi venerit ad nos , nihil innovetur nisi quod tradi-
 „ tum est , ut manus illi imponatur in pœnitentiam : cum ipsi hæ-
 „ retici proprie alterutrum ad se venientes non baptizent , sed commu-
 „ nicent tantum .

RESPONDEO . Joannes Morinus , *lib. 9. de pœnitentia cap. 7. num. 13.* putat in ea verba mendum irreplisse , & pro in pœnitentiam , legendum , in Spiritum sanctum . “ Nam præter tot clarissima testimo-
 „ nia Cypriani , & collegarum jam relata , eo tendit universa ipsius
 „ ratiocinatio . Semper enim contendit hæreticos dare non posse Spi-
 „ ritum sanctum : idque probat ex communi suo , & adversariorum
 „ axioma , qui hæreticorum manus impositionem in Spiritum san-
 „ ctum non admittunt . At Spiritus sanctus in baptismo donatur .
 „ Cur igitur potius baptismi sacramentum probatis , quam manus im-
 „ positionis ? Aut utrumque admittite , aut utrumque negate . De
 „ istorum autem hæreticorum , qui in hæresi baptizati sunt , receptio-
 „ ne per pœnitentiam publicam ne verbum quidem miscet Cyprianus . “
 Hætenus Morinus .

Textum illum Stephanus in alijs etiam partibus depravatum fuisse multa alia suaderent .

Pamelius enim existimat pro , cum ipsi hæretici proprie alterutrum ; legendum , cum ipsi hæretici prope alterutros .

Deinde prioribus hujus decreti verbis approbatur baptismus quorumlibet hæreticorum : quamvis certum sit baptismi quorundam hæreticorum decretum illud præcedentium minime valuisse . Valentiniani equum seu Gnostici formulam vitiabant ; alii enim ex ipsis , inquit Irenæus *lib. 1. adversus hæreses , cap. 18.* “ inter baptizandum his verbis ute-
 „ bantur : in nomine ignoti Patris universorum , in veritate matre
Wassle de Confirmatione. F „ om.

„ omnium , in eo qui in Jesum descendit in unione , & redemptione ,
 „ & communione virtutum . “ Alii hebraica quædam vocabula profe-
 rebant , quæ Irenæus *ibidem* refert , quæque ridiculum omnino sensum
 præferant . Cataphrygas quoque seu Montanistas , quos Epiphanius
heresi 48. refert exortos fuisse circa annum 19. Antonini pii , qui fuit
 a Christo nato 139. denuo baptizari mandat Concilium Laodicænum
can. 8. secunda synodus ecumenica *can.* 7. quin etiam prima synodus
 Nicæna *can.* 8. si collectioni Isidori Mercatoris fides habeatur . Taceo
 Pepuzenos , qui & Pepuziani a civitate Pepuza , vel Quinçtilliani a
 Quinçtilla , Montanistarum pseudoprophetissa , adversus quam Tertul-
 lianus librum *de baptismo* conscripsit ; ii siquidem hæretici “ in Pa-
 „ trem & Filium & Montanum , Priscillamque baptizabant , non au-
 „ tem in nobis tradita , “ id est in nomina nobis tradita , seu juxta
 formulam nobis traditam : ex Sancto Basilio *epist.* 1. *ad Amphibolium*
can. 1.

Posterioribus etiam hujus decreti verbis asseritur , quod hæretici ad
 se venientes non rebaptizarent ; quod tamen falsum esse apparet exem-
 plis Montanistarum , qui longe antequam Stephanus ad pontificatum
 eveheretur , & Novatianorum , qui Stephani tempore , catholicos ab
 ecclesia ad suam hæresim deficientes rebaptizabant : ex initio *epistolæ* 73.
 quam Cyprianus *ad Iubaianum* scripsit , eodem fere tempore , quo epi-
 scopi secundæ synodi Carthaginensis suam synodicam epistolam miserunt
 ad Stephanum Papam ; in ea enim meminit hujus secundæ synodi , quasi
nunc coactæ .

Accedit quod in hoc decreto praxis ecclesiæ ab apostolis accepta , hæ-
 reticos ad ecclesiam redeuntes minime baptizandos esse , confirmatur usu,
 & praxi hæreticorum , qui ad se venientes non rebaptizabant : quæ qui-
 dem probatio videtur indigna Stephano .

Hæc , inquam , omnia decretum illud in omnibus suis partibus de-
 pravatum fuisse mihi suaderent , nisi singula ejus verba a Cypriano
 expenderentur , & semel ac iterum ab eo repeterentur sub initium
 ejusdem *epistolæ* 74. *ad Pompeium* ; nisi codices manuscripti optimæ
 notæ , quibus Rigaltius usus est , idem haberent ; nisi denique re-
 clamaret codex Corbeienfis annorum , & eo amplius octingento-
 rum .

Ad aliam igitur solutionem confugiamus necesse est , quam repe-
 temus ex relata in euchologio patriarchali formula , qua *ex heresibus in*
ecclesiam remigrantes suscipi oporteat : quam quidem formulam descripsit
 re Goarius in suo *euchologio* pag. 883. & Morinus *lib.* 9. *de panis. cap.* 9.
num. 43. eamque antiquissimam esse demonstrat antiquissimum eucholo-
 gium Barberinum annorum octingentorum canitie venerandum , ex Mo-
 rino *ibid.* n. 9.

Arianis igitur , aliisque hæreticis ad ecclesiam redeuntibus manus
 imponebatur in poenitentiam , quæ brevis quidem erat , & quam ab
 ipsis

ipsis agi oportebat, antequam confirmarentur. Jejunabant decem aut quindecim diebus & orationibus mane, & vespere incumbabant catechumenorum instar; eaque peracta poenitentia ad baptisterium accedentes, primum quidem hæresim abjurabant, deinde emittebant fidei professionem, ac tandem ungebantur, & per manus impositionem accipiebant Spiritum sanctum. Hæc autem postrema manus impositio, licet eadem esset, quæ neophytis adhiberetur, in hæreticis tamen lugubris erat: hæc enim in ipsis signum erat non modo "copulationis", charitatis, quod est maximum donum Spiritus sancti, "sed etiam" reatus culpæ præteritæ, "ex Augustino lib. 5. de baptismo contra Donatistas cap. 23. Hæc etiam non solum erat "in Spiritum sanctum, sed & in poenitentiam & detestationem erroris, ex Hugone Victorino tract. 5. summæ sentent. cap. 8. Hæc denique non modo significabat sancti Spiritus sanctificationem, sed & præ se ferebat imaginem poenitentis publicæ, ex Innocentio I. in epist. 18. quo fit ut Innocentio "non videatur clericos eorum cum sacerdotii aut ministerii conspiciam dignitate suscipi debere." Scitum est enim clericos post poenitentiam illis temporibus eo privilegio frui non solitos. Idem vult Innocentius in illis hæreticorum clericis propter imaginem poenitentis, cum qua admissi sunt, observari.

Manus igitur impositio in poenitentiam, de qua Stephanus, vel est prior manus impositio, quæ hæreticis in poenitentiam adhibebatur; vel posterior, qua super hæreticos invocabatur Spiritus sanctus, & per quam hæretici "ad sancti Spiritus percipiendam gratiam cum poenitentis imagine recipiebantur," ex Innocentio *ibid.* Alterutra expositio vera est; utraque defendi potest; in eam tamen expositionem magis propenderem, ut Stephanus de priori manus impositione locutus fuerit.

DICES. Post citatum Stephani decretum, Cyprianus illum redarguit, quasi voluerit, quod *santum* manus hæreticis imponatur in poenitentiam. Stephanus igitur confirmatoriam manus impositionem excluderebat.

RESPONDEO Cyprianum per illam particulam *santum*, innuere duntaxat, quod Stephanus excluderet innovationem baptismatis, non autem confirmatoris manuum impositionis: sic enim ille argumentatur adversus traditionem a Stephano laudatam "Si ergo, inquit, aut in evangelio præcipitur, aut in apostolorum epistolis, aut actibus continetur, ut a quacumque hæresi venientes non baptizentur, sed tantum manus illis imponatur in poenitentiam, observetur divina hæc & sancta traditio: si vero &c." Postea vero supponens Stephanum ultro concedere hæreticis ad ecclesiam redeuntibus adhibendam esse manus impositionem ad recipiendum Spiritum sanctum, quod illa apud hæreticos invalida sit; hinc adversus Stephanum concludere conatur pari modo baptismum apud illos invalidum esse. Igitur ex Cypriano

constat Stephanum in ea fuisse sententia; hæreticos, qui in ipsa hæresi baptizati sunt, recipiendos esse per manuum impositionem in poenitentiam, & per manuum impositionem in Spiritum sanctum; utrum autem duæ forent distinctæ manuum impositiones, an vero unica, quæ simul esset in poenitentiam & in Spiritum sanctum, quia reconciliatoria simul & confirmatoria erat in hæreticis, non potest facile judicari: utrumque, ut dixi, defendi potest.

URGENT. Cyprianus in *epist. 71. ad Quintum*, conatur refellere Stephanum Romanum, qui prohibendo ne baptizati ab hæreticis baptizarentur, & præcipiendo ut reciperentur per manus impositionem, declaraverat se in eo veterem consuetudinem fuisse secutum. Contendit ibi Cyprianus veterem consuetudinem illam, qua Stephanus nitebatur, respicere hæreticos baptizatos in ecclesia, non autem respicere baptizatos extra ecclesiam, quos volebat per baptismatis innovationem suscipi. Stephanus contra contendit veterem illam consuetudinem respicere hæreticos intra & extra ecclesiam baptizatos. Vult igitur Stephanus hæreticos utriusque generis eodem modo recipi. Sed hæretici intra ecclesiam baptizati recipiebantur per manus impositionem mere cæremonialem & nullo modo sacramentalem. Igitur & hæretici extra ecclesiam baptizati. Ita D. de Saintebeuve, regius in Sorbona professor, in *tractatu de Confirmat.* in dissertatione de validitate Confirmationis ab hæreticis administratæ.

RESPONDEO 1. in hac epistola agi de episcopis Africanis a Cypriano dissidentibus, non autem de Stephano, ad quem Cyprianus, aliqui antistites Africani idem cum ipso sentientes nondum scripserant, quandoquidem in *epistola ad Stephanum* mentio fiat Epistolæ ad Quintum.

RESPONDEO 2. argumentum, quod in hac ad Quintum epistola refertur, non eodem prorsus modo proponi, quod præcedens. Quamvis enim episcopi a Cypriano dissidentes contendant hæreticos utriusque generis eodem modo recipiendos esse quoad negationem iterationis baptismi, non tamen contendunt eos per eandem manus impositionem suscipiendos esse. Hæ siquidem duæ quæstiones omnino dissimiles sunt, utrum hæretici extra vel intra ecclesiam baptizati, sine baptismatis iteratione recipi debeant: & utrum illi recipi debeant per eandem manus impositionem. Controversia erat de prima quæstione, de secunda nullum erat dissidium: episcopi enim utriusque partis in eo conveniebant, hæreticis extra ecclesiam baptizatis imponendam esse manum in Spiritum sanctum: neque apud Cyprianum ullibi reperietur, quod hæreticis intra ecclesiam baptizatis manus in Spiritum sanctum imponi debeat. Manus igitur impositio in Spiritum sanctum distingui debet a manus impositione in poenitentiam.

URGENT iterum. Si Stephanus Cypriano concessisset factam ab hæreticis Confirmationem irritam esse, inde Cyprianus invictissime probasset
a pari

a pari baptisma quoque nullum esse ; par enim est utriusque ratio . Ita idem professor *ibidem* .

RESPONDEO 1. ibi quæri , quid Stephanus ex Cypriano senserit ; eique concesserit ; non autem , an Cyprianus bene vel male argumentatus fuerit adversus Stephanum . 2. Consequentia negatur ; latum enim est discrimen inter baptismum , & cætera sacramenta , ratione necessitatis , adeoque ratione ministerii . Hinc baptismus a quolibet etiam laico administrari potest ; non autem Confirmatio : hinc Innocentius I. *epist.* 22. Bonosiacorum baptismum admittit, eorum ordinationes rejicit : hinc apud veteres theologos de ordinatione , non autem de baptismo hæreticorum dubitatum est : hinc Maldonatus , & Sirmundus hæreticorum baptismum approbant , Confirmationem improbant . Baptismatis sane ministerium ex omnium theologorum consensu latius patet , quam cæterorum sacramentorum .

§. 4. Firmilianus.

Firmilianus, eximius Origenis discipulus (ex Dionysio Alexandrino apud Eusebium) inde vero Cæsareæ Cappadocum archiepiscopus, qui Antiochenæ synodo ; sub Cornelio Papa adversus Novatum habitæ anno circiter 253. & priori synodo in eadem urbe sub Dionysio Papa adversus Paulum Samosatenum coactæ anno circiter 264. interfuit , in hac celebri epistola , quam Cypriano , cui adhærebat , scripsit adversus Stephanum Papam , quæque inter Cyprianas extat num. 75. ita loquitur de Confirmatione , quam nomine *manus impositionis* exprimit & ab utroque baptismi & ordinationis sacramento distinguit , “ Omnis potestas a gratia in ecclesia constituta est , ubi præsentia majores natu , qui & baptizandi , & manus imponendi , & ordinandi possident potestatem . “ Deinde vero significat se loqui de illa manus impositione , quam Paulus iis imposuit , quos a Joanne baptismo tinctos ipse baptizaverat . Hæc igitur manus impositio , de qua Firmilianus , est confirmatoria . Consule *pagina 76. & sequent.* ubi textum integrum retulimus , Firmilianique mentem fuse prosecuti sumus .

§. 5. *Autor Anonymus , qui scripsit adversus Cyprianum.*

Cypriano , & Firmiliano subjiciemus auctorem anonymum , quem ipsis æqualem vel supparem viri quidam eruditi existimant ; quem etiam Africanum fuisse conjicitur ex quibusdam vocabulis cum Tertulliano , & Cypriano sibi communibus , quæ Rigaltius in suis ad hunc auctorem notis observavit ; quem denique episcopum fuisse ex multis apparet , ac præsertim ex eo quod *fratres* appellet Episcopos , qui de *Wistasse de Confirmatione.*

valore baptismi hæreticorum diffidebant; a minore Clero, id est presbyteris, & diaconis sese discernat; sibi que auctoritatem tribuat suppleendi impositionem manus episcopi, quæ deest in baptismate, quod a minore clero traditum fuerit.

Scripsit ille de baptismo adversus Cyprianum, ejusque tractatus in exemplari vetustissimo operum Cypriani, quod in Remensi S. Remigii monasterio asservatur, post epistolam 74. ad Pompejum sequitur. Hunc vero tractatum, quem in aliis exemplaribus inveniri nemo hæcenus prodidit, publici juris fecit Rigaltius, edique curavit ad calcem operum Cypriani, anno 1649. & quantum ex dissectione deprehenditur, auctoris est ab ævo Cyprianico parum distantis: meminit ille sub finem, quorundam hæreticorum, "qui originem trahebant a Simone Mago, " quique, quoniam Joannes dixit nos esse baptizandos " in Spiritu & igni, præstigiis utebantur, ut quam mox in aquam descendisset baptizandus, statim super aquam ignis appareat.

Plures ex eo textus referemus, quorum alii directe probant veritatem sacramenti Confirmationis; alii vero respiciunt manus impositionem in Spiritum sanctum, per quam hæretici foris baptizati, in Ecclesiam admittentantur; eamque sacramentalem & confirmatoriam esse ostendunt.

"Primo per manus, inquit, impositionem Episcopi datur unicuique credenti Spiritus sanctus, sicut Apostoli circa Samaritanos, post Philippi baptismum, manum eis imponendo, fecerunt, & hac ratione Spiritum sanctum in eos contulerunt; quod ut fieri posset, ipsi pro eis oraverunt. " Loquitur, ut apparet, de manus impositione, per quam Spiritus sanctus modo invisibili (nec enim hac ætate visibiliter descendebat) baptizatis conferebatur, eamque æquiparat manus impositioni per quam Petrus & Joannes Spiritum sanctum super Samaritanos advocaverunt.

Asserit etiam hæc duo sacramenta non ita esse adunata, ut dividi ac separari non possint, eaque, si separentur, tamen, non esse mutila, sed integra atque perfecta: " quod probat exemplis Apostolorum, & discipulorum, " qui alios baptizabant, qui & ipsi a Domino baptizati sunt, " neque acceperunt Spiritum sanctum, nisi die Pentecostes, sive, ut ipse loquitur pluribus interjectis, non nisi " post resurrectionem Domini in Spiritu sancto baptizati sunt: " item eorum exemplo, " qui post baptismum sine impositione manus Episcopi de seculo exeunt, & tamen pro perfectis fidelibus habentur: " denique exemplo Æthyopis Eunuchi, qui a Philippo diacono baptizatus est, cui tamen " imposita manus non est ab Episcopo, ut Spiritum sanctum reciperet.

Subjicit per manus impositionem Episcopi Spiritum sanctum consuevisse præstari: neque patitur ut aliquis " non Episcopum dicat Spiritum sanctum solum esse largiri: " id est, ut aliquis asserat presbyter-

cerum aut diaconum posse largiri Spiritum sanctum solum, hoc est sine aqua & sine baptismo. Spiritus enim aquæ adunatur in baptismo juxta illud Christi, *nisi quis renatus fuerit ex aqua & Spiritu sancto*: atque ita presbyteri & diaconi, qui baptizant, conferunt Spiritum sanctum, sed solius est Episcopi conferre Spiritum sanctum sine aqua & baptismo.

Pluribus vero interjectis docet, "baptisma aquæ, quo quis baptizatus est in nomine Domini nostri Jesu Christi, minus esse; baptisma vero Spiritus, quo quis in Spiritu sancto per manus impositionem episcopi baptizatus est, majus esse.

Et paulo post medium tractatus ait, si baptismus a minore clero, id est a presbytero aut diacono traditus fuit ægroti, morbi eventum expectandum esse, ut si ægrotus reualescat, omissa manus impositio in Spiritum sanctum ab episcopo suppleatur, aut si moriatur, res tota Domino qui mortuos & vivos judicaturus est, committatur. "Si baptismus, inquit, a minore clero per necessitatem traditum fuerit, eventum expectemus, ut aut suppleatur a nobis, aut a Domino suppleendum relinquetur.

Denique post medium & ultra, quæcumque dixit, sic ille paucis contrahit: "Et quoniam videmur omne baptismum spiritale trifariam divisisse, veniamus etiam ad probationem narrationis propositæ, ne videamur proprio sensu & temere hoc fecisse. Ait enim Joannes de Domino nostro, . . . *Hic est qui venit per aquam & sanguinem Jesus Christus, non in aqua tantum, sed in aqua & sanguine. Et Spiritus est, qui testimonium perhibet, quia Spiritus est veritas. Quia tres testimonium perhibent, Spiritus, & aqua, & sanguis. Et isti tres in unum sunt*, ut ex illis colligamus, & aquam præstare solitam (legi debet præstare Spiritum solitum, quemadmodum apparet ex sequentibus,) & sanguinem proprium hominibus præstare Spiritum solitum, & ipsum quoque Spiritum præstare Spiritum solitum. Nam cum effundatur aqua, sicut & sanguis, Spiritus etiam effusus sit a Domino super omnes qui crediderunt, utique & aqua, & proprio nihilominus sanguine, tunc deinde & Spiritu sancto, possunt homines baptizari. "Baptisma igitur spiritale triplex distinguit, aquæ, quo quis in lavacro baptizatur; sanguinis, quo martyre abluitur cruore proprio; & Spiritus, quo apostoli, "correcta fide sua post resurrectionem Domini in Spiritu sancto sunt baptizati ipso die Pentecostes: "quæ tria baptismata præstant Spiritum sanctum.

Secundo prioribus textibus quosdam alios subjiciemus, quibus appareat vera esse, quæ de manus impositione in Spiritum sanctum diximus, ubi de mente Stephani, Cypriani &c. pag. 78. & seq.

Primum quidem auctor ille anonymus statum quæstionis ita proponit: "Quæsitum apud fratres, quid potius observari oportet in personam eorum, qui in hæresi quidem, sed in nomine Dei nostri Je-

„ su Christi tincti, postmodum inde digressi, & suppliciter ad Eccle-
 „ siam Dei advolantes, totis prae cordiis poenitentiam agerent, & erro-
 „ ris sui damnationem nunc demum intelligentes, auxilium salutis ab
 „ ea implorent: utrum vetustissima consuetudine ac traditione Eccle-
 „ siastica, post illum qui foris quidem, sed in nomine Jesu Christi do-
 „ minicum acceperunt baptisma, tantummodo imponi eis manum ab
 „ Episcopo, ad accipiendum Spiritum sanctum sufficeret, & hæc ma-
 „ nus impositio signum fidei iteratum atque consummatum eis præsta-
 „ ret; an vero etiam iteratum baptisma his necessarium esset, ... pe-
 „ rinde ac si nunquam baptizati in nomine Jesu Christi forent. Res-
 „ pondet vero auctor ille, nullam fore controversiam, si unusquisque
 „ contentus esset venerabili Ecclesiarum omnium auctoritate, qua certum
 „ est baptisma nunquam iteratum fuisse.

Consentit ille, ut apparet, cum Stephano, & a Cypriano dissentit.
 Negat hæreticos, qui foris initiati sunt, recipiendos esse per innova-
 tionem baptismi; & concedit illos ex „ vetustissima consuetudine, ac
 „ traditione Ecclesiastica „ recipi debere per manus impositionem E-
 „ piscopi in Spiritum sanctum. Videamus igitur quid ille per hanc ma-
 „ nus impositionem intellexerit. Petrus Aurelius, & post illum doctores
 Parisienses, volunt hanc impositionem fuisse mere ceremonialem: ego
 contra, hujus Episcopi anonymi auctoritate, probò hanc fuisse sacra-
 mentalem & confirmatoriam.

Id apparet, primum quidem ex modo quo ille probat baptismum &
 manus impositionem in Spiritum sanctum, quæ simul in Ecclesia neo-
 phytis conferri solebant, non ita adunata esse, quin possint aliquando
 separari, & separata maneat adhuc integra & perfecta & salutaria:
 quemadmodum enim baptismum separatim a manus impositione aliquan-
 do collatus salutaris est, & Spiritum sanctum iis confert, qui minime
 confirmati sunt; ita manus impositio in Spiritum sanctum separatim a
 baptismo collata Spiritum sanctum tribuit. Primum membrum ille osten-
 dit exemplo Apostolorum, „ qui a Domino baptizati, „ non accepe-
 runt Spiritum sanctum, nisi die Pentecostes; exemplo eorundem Apo-
 stolorum, & discipulorum, qui vivente adhuc Christo alios baptiza-
 bant, neque manum eis imponebant in Spiritum sanctum; exemplo Sa-
 maritanorum a Philippo diacono baptizatorum, quorum „ aliquis mor-
 „ te potuit intercipi, „ antequam Petrus & Joannes Hierosolymis Sama-
 ritanis venissent, manum eis imposituris exemplo fidelium, „ quorum ple-
 „ rique post baptisma sine impositione manus Episcopi de seculo ex-
 „ eunt; „ exemplo Æthyopis Eunuchi, qui a Philippo diacono bap-
 tizatus est, & tamen „ imposita ei manus non est ab episcopo, ut spi-
 ritum sanctum reciperet. „ Alterum membrum probat exemplo hære-
 ticorum ad Ecclesiam redeuntium, quibus manus imponitur sine ulla
 baptismatis invocatione: „ Quod si, inquit, hoc admittis & salutare
 „ esse credis (nempe baptismum, qui poenitentibus separatim a manus

impositione episcopi confertur, salutarem esse) necesse est conste-
 ris, proinde autem atque hoc latius tractatu procedit, etiam illud
 aliud latius posse consistere, id est, ut per solam manus imposi-
 tionem Episcopi, quia baptismus in nomine Jesu Christi Domini nostri
 præcessit, possit alii homini poenitenti atque credenti etiam Spiritus
 sanctus tribui; quoniam eos qui in Christum credituri essent, Scrip-
 tura sancta prædixit oportere in Spiritu baptizari: ita ut & hi quo-
 que non videantur minus aliquid habere, quam illi qui perfecte sunt
 christiani, ne necesse sit quæri, quale illud baptismus fuerit, quod in
 nomine Jesu Christi sunt consecuti. "Auctor ille asserit baptismum
 & manus impositionem Episcopi in Spiritum sanctum, non ita aduna-
 ri, quin separari possit, separataque maneant integra & perfecta; quia
 sicut baptismus, qui poenitentibus catechumenis seorsim a manus im-
 positione Episcopi confertur, salutaris est; ita manus impositio Episco-
 pi, quæ hæreticis poenitentibus seorsim a baptismo administratur, con-
 fert Spiritum sanctum. Manus igitur impositio Episcopi eodem sensu
 accipitur in utroque membro: sed in priori membro significat manus
 impositionem sacramentalem & confirmatoriam, quemadmodum appa-
 ret exemplis ad prioris membri probationem adductis. Igitur & in po-
 steriorem membro pro eadem manus impositione confirmatoria usurpa-
 tur. Præterea hanc manus impositionem credenti & poenitenti hæreti-
 co adhibitam asseritur *ibidem* eandem esse, per quam fideles "in Spi-
 ritu baptizantur. "Atqui ex dictis in *precedenti* §. auctor ille bap-
 tismum Spiritus sancti opponit & æquiparat baptismo aquæ ac sanguinis, &
 toto fere tractatu per baptismum Spiritus & baptismum in Spiritu in-
 telligit baptismum, de quo Christus post suam resurrectionem discipu-
 los alloquens, ait: *Joannes quidem baptizavit aqua, vos autem baptiza-
 bimini Spiritu sancto non post multas horas dies*; seu baptismum, quo aposto-
 li, & discipuli "secundum promissionem Domini nostri, ipso die Pen-
 tecostes cum descendisset Spiritus sanctus super ipsos, in illo bap-
 tizati sunt. Denique hæc manus impositio ejusmodi est, ut hæretici
 poenitentes, qui per illam recipiuntur, "non videantur minus ali-
 quid habere, quam illi qui perfecte sunt christiani, "id est qui
 baptizati & confirmati sunt, nemo enim perfecte christianus est, nisi
 confirmetur.

2. Id apparet ex comparatione, quam instituit inter apostolos, quos
 supponit a Christo baptizatos fuisse, a fide & charitate defecisse tem-
 pore passionis, "fide vero postmodum correctæ, & sinceratæ, baptiza-
 tos fuisse in Spiritu sancto, & eadem hæc eis peccata per baptismum
 Spiritus sancti non dubie esse dimissa: & inter hæreticum qui in
 hæresi baptizatus, tamen quandoque rectum sapit, errorem suum cor-
 rigit, & ad Ecclesiam & ad episcopum venit, & sinceriter conste-
 tur Jesum nostrum coram hominibus, ut tunc cum ab episcopo ei
 manus imponitur, etiam Spiritum sanctum accipiat. "Et post non

" nul-

„ nulla : “ Non solum Petrus, verum universi quoque discipu-
 „ li, quibus jam baptizatis postea Dominus ait, *quia vos omnes scan-*
 „ *delizabimini in me* : qui omnes, ut animadvertimus, correcti fide
 „ sua, post resurrectionem Domini in Spiritu sancto sunt baptizati ;
 „ ut non immerito hodie quoque credamus homines hæreticos corre-
 „ ctos a pristino errore in Spiritu sancto posse baptizari, qui cum
 „ aqua baptizarentur in nomine Domini, aliquod scabram habuissent
 „ fidem : “ ubi pro *aliquod*, legendum est *alique*, id est *aliquatenus*,
 „ ut apud Tertullianum, *aliquo Numidas*, id est *aliquatenus* vel *in aliquo*
Numidas.

Cyprianum vero respondentem latum discrimen esse, quod apostoli
 & discipuli, cum baptizarentur, hæretici non fuerint, multis ille re-
 fellit, quibus probare conatur apostolos & discipulos, cum baptizati
 fuerint, & alios baptizarent, “ neque integram, neque perfectam
 „ dem habuisse. Ac tandem ita concludit : “ Et ideo, cum salus no-
 „ stra in baptismo Spiritus, quod plerumque cum baptismo aquæ
 „ conjunctum est, sit constituta, (hæreticis) pœnitentiam agentibus,
 „ correctisque per doctrinam veritatis, & per fidem ipsorum, quæ po-
 „ stea emendata est, purificato corde eorum, tantummodo baptismo
 „ spiritali, id est manus impositione Episcopi & Spiritus sancti submi-
 „ nistratio subveniri debet : “ ubi baptismum Spiritus & manus im-
 „ positionem Episcopi, per quam Spiritus sanctus subministratur, pro eo-
 „ dem habet. Hæc igitur manus impositio, per quam hæretici foris bap-
 „ tizati in Ecclesiam recipi debent, est “ manus impositio Episcopi, per
 „ quam Spiritus sanctus subministratur, est baptisma spiritale, est bap-
 „ tisma Spiritus, in quo salus constituta est, est, baptisma Spiritus,
 „ quod plerumque cum baptismo aquæ conjunctum est : “ impositio
 „ vero, manus in pœnitentiam, nunquam conjuncta fuit cum baptisma-
 „ te aquæ.

3. Id apparet ex verbis proxime sequentibus, quibus ille asserit hæ-
 reticum, qui, cum ad Ecclesiam revertitur, subijci nollet manus im-
 positioni Episcopi, seu, ut ipse loquitur, nollet denuo baptizari, de-
 fraudatum iri, baptismate spiritali. “ Si ille, inquit, qui ad Ecclesiam
 „ revertitur, noluit denuo baptizari, futurum est, ut defraudemus bap-
 „ tismate spiritali eum, quem putamus defraudandum (legi debet de-
 „ fraudatum), non esse baptismate aquæ : “ ubi, denuo baptizari & sub-
 jici manus impositioni, in Spiritum sanctum, pro eodem habet ; quem-
 admodum baptisma spiritale & manus impositionem, in Spiritum san-
 ctum pro eodem usurpat.

4. Id apparet ex discrimine, quo auctor ille modum recipiendi Ju-
 deos & gentiles distinguit a modo recipiendi hæreticos foris baptiza-
 tos. “ Et ideo, inquit, utriusque hujus generis homines, id est Ju-
 „ dæi, & Gentiles, plene ut oportet credentes pari modo bap-
 „ zantur : hæretici vero jam baptizati aqua in nomine Jesu Christi,
 „ tan-

„ tantum in Spiritu sancto baptizandi sunt. “ Sed Confirmatio est baptismus in Spiritu sancto.

§. 6. *Concilium Eliberitanum.*

EX antiquo consilio Eliberino, vel ut alii volunt Eliberitano, seu Illiberitano, cujus epochen ad finem tertii, aut ad initium quarti seculi vulgo referunt, tres canones, videlicet 38. 39. & 77. adducemus, quibus catholica de sacramento Confirmationis veritas confirmatur.

Canon 38. “ Peregre navigantes, aut si ecclesia in proximo non fuerit, posse fidelem (qui lavacrum suum integrum habet, nec sit bigamus) baptizare in necessitate, ita ut si supervixerit, ad episcopum eum perducatur, ut per manus impositionem perfici possit. “ Quo quidem canone tria docentur: 1. baptismum extra templum conferri posse urgente mortis periculo: 2. ægrotum in necessitate baptizari posse a fidei laico, “ qui lavacrum suum integrum habet, nec bigamus est: “ 3. ægrotum, si supervixerit, deducendum esse ad episcopum, ut per ejus manus impositionem perficiatur. Hæc autem impositio est confirmatoria; tum quia Confirmatio vocatur perfectio christianorum; tum quia manus impositio, quæ ab episcopo super neophytum fieri debet, est confirmatoria; quod ultro conceditur ab omnibus. Hanc autem novæ legis sacramentum esse, ex eo convincitur. Quid enim sacramentum novæ legis, nisi sensibile signum, quo gratia sanctificans confertur? Sed hæc manus impositio est signum sensibile; prætereaque confert gratiam sanctificantem, quia confert perfectionem.

Antonius de Dominis *lib. 3. cap. 5. num. 16.* responderet hanc manus impositionem confirmatoriam esse partem baptismi; quod ut probet, vim facit in verbis istis, “ qui lavacrum integrum habet. “ Agnoscunt igitur Patres Eliberitani lavacrum esse, quod non est integrum. At, inquit, quomodo potest esse lavacrum non integrum? ubi videlicet qui baptizatus est, episcopalem manus impositionem confirmatoriam non habuit. Ad integritatem ergo baptismi additur cæremonia Confirmationis, quæ perficit baptismum, ut est in eodem canone. Si perficit baptismum, integrum profecto facit lavacrum. Illa ergo est pars sacramenti, & non sacramentum seorsim.

Verum canonis hujus mentem Spalatensis non attingit.

Queritur, quid Patres Eliberitani intelligant, cum ajunt ægrotum in necessitate baptizari a laico “ fidei, qui lavacrum suum integrum habet, nec sit bigamus.

Ferdinandus Mendoza *in notis ad hunc canonem* intelligit laicum, qui fidem profitetur, quique verum & integrum baptismum acceperit, hoc est aqua & verbis evangelicis baptizatus fuerit; quod olim controversum fuisse referat Augustinus *lib. 2. contra epistolam Parmeniani, cap. 13.*

“ Utrum

Utrum & ab his, qui nunquam fuerunt christiani, possit baptismus dari.

Alii per lavacrum integrum intelligunt baptismum & Confirmationem, ita ut synodus Eliberitana in laico baptismatis ministro requisierit, ut ille fidelis, baptizatus & confirmatus esset, neque foret bigamus. Baptismus enim sine Confirmatione non censetur integer; sed gratiæ sacramenti Confirmationis est perfectio & complementum gratiæ baptismalis.

Gabriel Albaspinæus, in suis observationibus ad hunc canonem, per lavacrum integrum intelligit integritatem baptismi, seu gratiam baptismalem (quam Tridentini Patres sess. 14. c. 2. vocant integritatem) quod ille qui peccatum post baptismum committit, "omnium, ut ita loquar, gratiarum ac beneficiorum, quæ acceperat, jacturam faciat; ideoque baptismus ejus, qui deliquit, non integer aut incorruptus videatur amplius. Per laicum igitur fidelem, qui lavacrum suum integrum habet, beat, neque bigamus fuerit, intelligit fidelem, qui post lavacrum non peccavit neque poenitentiam ullam subierit, neque bigamus fuerit: quas quidem condiciones in uno laico, qui baptizet, requirit ille canon, quod eo modo sit sacerdotis partes acturus; sacerdotes vero, neque poenitentiam peragere, neque ea perfecta, absolutaque ad id eligi, neque bigami esse poterant.

Præ cæteris expositionibus Albaspinæana mihi arridet: quæcumque vero defendatur, ex ea minime sequitur manus impositionem episcopalem esse partem baptismi. Inanis est igitur Spalatenis archiepiscopi argumentatio. Dallæi vero responsiones & objecta commodius expendemus *infra*, post canonem 77.

Canon 39. "Gentiles si in infirmitate desideraverint sibi manus imponi; si fuerit eorum ex aliqua parte honesta vita, placuit eis manus imponi & fieri christianos."

Non hæretici modo, sed & nonnulli catholici existimant in hoc canone agi tantum de baptismo. Viri tamen eruditi canonem interpretantur de confirmatoria manus impositione. Ita exponit Ferdinandus Mendoza in commentariis ad hunc canonem, asserens illum in favorem gentilium editum esse, quibus in extremo periculo cupientibus "sibi manus imponi, hoc est effici veros & perfectos christianos, "utrumque baptismi & Confirmationis sacramentum administrari debet; "cum plenus, perfectus, & omnibus numeris absolutus christianus, quis non efficiatur, nisi accepta manus impositione episcopali, quæ cum baptismo conjuncta olim dabatur.

Mendozæ subjiciemus eruditissimum Albaspinæum, qui canonem illum accuratius perscrutatus est. "Gentilibus, inquit, qui in mortis discrimine baptizati essent, manus ab episcopis imponendæ, & Confirmationis sacramento signandi, si probi fuerint, moresque conformes fidei christianæ habuerint. Nam si ex more turpissimorum hominum

„ an-

anteactam vitam duxerint, non sunt Confirmatione perficiendi; quantumvis omnibus vitiis & flagitiis carerent, & omnem extra noxam censerentur. Hunc ego sensum, & explicationem confido Patres ipsos Eliberitanos agnitueros pro legitima & pro rata; contra vero quam de baptismo nonnulli asserunt, tanquam supposititiam repudiaturus, si utramque aspiciant. Quis enim unquam potuit dubitare, an gentiles, (qui baptismum expetunt) essent in morte baptizandi? Quis unquam docuit baptismum iis in morte denegandum esse, quorum vita non fuisset honesta? Porro ubinam reperient baptismum manus impositionem nominari, & isto nomine a Patribus appellari? sed ajunt movere titulum ita hunc canonem esse accipiendum, *gentilibus, si in discrimine baptizari expetunt*: movere quoque & suadere hæc verba, & fieri christianos, gentilibusque nemo, quo qui essent confirmandi, unquam appellarentur. Hæc adversum nostram explicationem non magnopere faciunt. Nam non constat a quo, aut quando tituli apposti sunt: *christianique* nomen, etsi baptizatis datum, propriam tamen hujusce vocis vim & significationem confirmatos indicare alibi observavimus, quod Spiritu sancto ejusque charitate in Confirmatione ne ungantur, & illiniantur, Christoque similes efficiantur, qui a Spiritu sancti unctione Christus appellatur. Gentiles autem hosce vocarunt Patres, quamvis essent baptizati, ut de catechumenis, qui in infirmitate baptizarentur, non agi docerent. Et quemadmodum *can. 46.* vocant apostatas fideles; ita hoc loco nominant baptizatos gentiles; non quod essent gentiles, sed cum in catechumenatu non stetissent, fideique elementa non essent edocti, ideo gentiles vocantur: nam alio nomine non poterant nominare & appellare ejusmodi gentiles, qui extra ordinem & sine catechumenatu essent baptizati. Quamobrem autem statuerint Patres Eliberitani ut gentiles, qui in infirmitate baptizati essent, confirmarentur, ea potuit esse causa, quod post Confirmationem subinde, nullaque interjecta mora, eucharistia confirmatis tribueretur. Quidam igitur non existimabant eam satis tuto & consulo ejus fidei credi & committi posse, qui in rebus christianæ religionis & in ejusmodi mysteriis parum esset eruditus. Nam ad sanitatem ea accepta poterat redire, ejusque mysteria & arcana divulgare. Præterea mysteriorum participes hos esse volebant, qui turpem vitam exegerant, ne recuperata sanitate, animus prava consuetudine & cupiditate detentus, ad eadem vitia facilius relaberetur, & indumentum Spiritus sancti ipsumque Christum exueret. Hæc tenus Albaspinæus, qui deinde singula ejusdem canonis verba sic exponit.

Gentiles: pagani, qui ne morte interciperentur, extra ordinem baptizati essent, & antequam in catechumenatu erudiri possent.

Si in infirmitate: tam si mortis metus non urgeret, erudiendi erant, antequam confirmarentur aut baptizarentur.

Deft

Defideraverint : non petentibus manus non erat imponenda , quod baptismo satis ad salutem præsidiū consecuti essent.

Manum imponi : confirmari : nam de ea manus impositione , quæ pro ritu & cæremonia in baptismo usurparetur , nã illi egregie hallucinantur , qui interpretantur : quasi ea indignus ille videri potuisset , cui ipsummet baptisma collatum esset.

Fieri christianos : unctione scilicet , & sancti Spiritus infusione , ut loquitur Cyrillus Hierosolymitanus. Cæterum in concilio Arelatenſi 1. canone 6. idem omnino statuitur : “ De his qui in infirmitate credere , volunt , placuit debere iis manus imponi : “ hoc est , iis qui in infirmitate volunt baptizari , Confirmatio quoque tribuenda . Hucusque Albaspinus .

Ex his apparet quid iis responderi debeat , quæ nobis opponuntur . Adversarii enim tria nobis objiciunt .

Primum est , quod vel ipse titulus moneat canonem de solo baptismo accipiendum esse : sic enim habet epigraphæ : *de gentilibus , si in discrimine baptizari expetunt*. Sed imprimis non constat a quo aut quando tituli appositi sint . Deinde mendum aliquod in titulum irreplisse , apparet ex Ferdinando Mendoza , qui testatur in antiquis codicibus , quibus ipse in commentariis ad canones hujus concilii usus est , haberi : *ut gentilibus desiderantibus manus imponatur* .

Secundum est , quia manus olim imponi solebant in baptismo a presbyteris , vel etiam ab exorcistis : de qua manus impositione loquitur Vincentius a Thybary in concilio Carthagenſi sub Cypriano . “ Ergo , 1. per manus impositionem in exorcismo : 2. per baptismi regenerationem , tunc possunt ad Christi pollicitationem venire . “ Et Gregorius in *sacramentario* , seu quisquis ejus operis auctor est : “ Imponit etiam manus presbyter in frontibus eorum , (scilicet baptizandorum) , dicendo : signaculum salvatoris Domini nostri Jesu Christi in frontem tuam pono , & similiter in pectus . “ Quod & faciebant olim exorcistæ , ut tradunt concilii IV. Carthagenſis Patres *canone* 7. & 90. Verum in hoc canone , de quo controversia est , agitur de baptizatis in discrimine : exorcismi vero adeoque & manus impositio ad hunc usum usurpata , omitti solebant urgente mortis periculo . Præterea ubinam adversarii reperient baptismum vocari manus impositionem , & isto nomine a Patribus appellari ?

Tertium est quia sub finem canonis asseritur , *eis manus imponi , & fieri christianos* . Sed christiani efficiuntur per baptismum . Ergo canon loquitur de manus impositione quæ baptismum præcedit , non autem de illa quæ baptismum subsequitur , qualis est confirmatoria .

Juxta Ferdinandum Mendozam respondetur canonem loqui de plenis & perfectis christianis . Non enim pleni , perfecti , & omnibus numeris absoluti christiani efficiuntur , nisi accepta manus impositione episcopali . “ Omnes enim fideles , inquit Urbanus papa in *epist. ad omnes*

” *christi-*

„ *christianis*, (si tamen germana sit) *cap. ultimo*, per manus impositionem episcoporum, Spiritum sanctum post baptismum accipere debent, ut plene christiani inveniuntur : quia cum Spiritus sanctus infunditur, cor fidele ad prudentiam & constantiam dilatatur.

Juxta Gabrielem Albaspinzum respondetur

Christiani nomen sonare aliud apud veteres Patres, aliud vero apud auctores inferioris ætatis. “ Infantes, inquit *libro 1. observat. observat.* 25. in ipsis hodie baptismi aquis christiani nomen cum ipsa gratia hauriunt, eoque nomine vocantur, antequam divino chrismate perfusi Spiritum sanctum induerint, quos tamen antiquitas pro christianis non agnovisset, cum eos duntaxat christianos esse censeret, qui Spiritu sancto confirmati, & oleo sancto oblitati essent. Tertullianus *de pudicitia*, Nam si christianus est, qui acceptam a Deo Patre substantiam utique baptismatis, utique Spiritus sancti, & exinde spei æternæ. Concilium Eliberitanum *can. 39.* Gentiles si in infirmitate desideraverint sibi manum imponi, si fuerit eorum ex aliqua parte vita honesta, placuit eis manum imponi, & fieri Christianos. Cyrillus Hierosolymitanus *catechesi 3.* Hujus sancti chrismatis dono accepto, merito appellamini christiani, veram efficientes appellationem in ipsa regeneratione. Ante enim quam hæc gratia vobis donata esset, non eratis propriè digni eo nomine, sed pergentes eo usque progressi estis, ut efficeremini christiani. Nemo enim christiani nomen olim sortiebatur, nemo perfectus existimabatur christianus, qui dono Spiritus sancti confirmatus, & donatus non esset : quemadmodum enim baptismi aquis traduces, & originales noxæ deterguntur ; ita precioso Spiritus sancti oleo, & unguento anima, quæ in baptismo emerfit, deterfa & candida, cælestibus donis variisque beneficiis vestitur & ornatur ; illud ad purgandum, hoc ad ornandum instituta esse videntur. Quapropter cum sine ejusmodi virtutibus nemo possit Christo similis effici, ideo Confirmatione censemur fieri christiani. “ Hactenus Albaspinzus, cujus auctoritatibus addi potest *canon. 3. concilii Aurelianensis.* “ (Fidelis) nunquam erit Christianus, nisi Confirmatione episcopali fuerit chrismatus. “ Ratio est quia præclara licet in nos beneficia baptismi conferantur, “ tamen hoc uno sacramento, inquit Albaspinzus *ibidem*, christiani nomen vel præcipue meremur, quod oleo sancto corpus, & Spiritu divino anima nostra ungatur, ut hac duplici unctione deliniti, uncti & Christi dici possimus. Tertullianus, Caro ungitur, inquit, ut anima consecratur. Cyrillus Hierosolymitanus Participes ergo Christi effecti, merito Christi, hoc est uncti vocamini, & Deus dixit de vobis, *Nolite tangere Christos me-*

„ 95 :

* Ita canon ille citatur a Ferdinando Mendoza *in notis ad canonem 31. Eliberitanum* ; & ita refertur apud Gratianum *distinct. quinta capite sexto*. Ut scilicet.

us : Christi vero estis facti , posteaquam sancti Spiritus imaginem receperitis .

Canon quidem 45. Eliberitani concilii , his repugnare , & obflare videtur , qui ex emendatione Garfiaz catechumenos vocat *Christianos* . Sed vulgaris & antiquior lectio , quam recentiores editiones deferunt , ut Garfianam sequantur , magis probatur Albaspinæo , eamque antiquis codicibus Hispanicis conformem esse testatur Ferdinandus Mendoza . Vulgaris autem , & vetus lectio sic habebat : " Si eum de clero , quisquam agnoverit voluisse esse christianum : " hoc est baptizatum & confirmatum ; hæc enim duo sacramenta continenter conferebantur , atque ita poterant simul expeti : imo iis , qui gravi morbo laborabant , non raro hac ætate simul ministrabantur , quemadmodum apparet ex citato canone 6. Concilii I. Arelatensis , quod anno 314. celebratum est .

CANON 77. " Si quis diaconus regens plebem , sine episcopo vel presbytero , aliquos baptizaverit , episcopus eos per benedictionem perficere debet : quod si ante de seculo recesserit , sub fide , qua quis crediderit , poterit esse justus . " In quem canonem sic ait Mendoza . " Confirmationis sacramentum , fuisse semper in ecclesia , ex hoc canone discimus ; non ad catechesim quamdam , qua adolescentiæ proximi fidei suæ rationem coram ecclesia exponebant , ut perverse effutiant hæretici ; sed ad constantiam christianam , prudentiamque accipiendam per impositionem manus episcopi diuinitus institutam . Edocemur præterea hoc canone Confirmationis sacramentum ad solos episcopos spectare , contra Lutherum , qui presbyteris id muneris deferri impudenter asseverat . . . Illud præterea observandum , Confirmationem olim variis nominibus , signationem scilicet , manus impositionem , obsignaculum , benedictionem , operationem Spiritus sancti , chrisma , chrismatis sacramentum appellari . Primus , ut opinor , qui Confirmationem vocavit , Ambrosius fuit *lib. de his qui mysteriis initiantur* , c. 6. quem Patres recentiores secuti sunt . " Benedictionem appellavit Tertullianus *de baptismo* c. 8. " invocationem Spiritus sancti Hieronymus *in dialogo advers. Lucif.* invocationem sacerdotis qua Spiritus sanctus infunditur ; & perfectionem , qua quis post fontem perficitur , Ambrosius *lib. 3. de sacramentis cap. ultimo* , seu quisquis hujus operis auctor fuerit . Voluerunt ergo Illiberitani episcopi , si diaconi absente episcopo , vel presbytero baptismum ministrassent , . . . ut illum baptizatum deducant ad episcopum , ut eum per benedictionem sive manus impositionem confirmet . Idem sentiendum si presbyter absente episcopo baptismum contulisset : ad episcopum enim baptizatus erat deducendus , ejusdem Confirmationis impetrandæ gratia .

Quo vero sensu postrema hujus canonis verba (*poterit esse justus*) debeant intelligi , controversia est . Mendoza interpretatur de salute æterna , ita ut sensus sit , *poterit esse salvus* ; quia baptismus sine Confirmatione

firmam

firmatione ad salutem sufficit : eodem sensu ante Mendozam seculo nono accepit Walafridus Strabo , Abbas Augiensis , *lib. de rebus Ecclesiasticis* , *cap. 26.* sed Albaspinæus sensu plane diverso exponit , nimirum de sacrificii Eucharistici participatione , adeo ut sensus sit , “ Quamvis minime confirmatus fuerit , poterit esse particeps sacrificii eucharistici .

Tria enim hæc nomina , *fidelis* , *justus* , & *sanctus* , asserit Albaspinæus pro eodem olim habita fuisse : “ Fidelis vero , inquit ille *lib. observat. observat.* 25. distinguitur a catechumeno , & a confirmato ; non enim inter fideles assumebantur , qui fidem in baptismo , aut qui charismata & dona Spiritus sancti , ipsumque Spiritum sanctum in Confirmatione adepti essent . Verum ii solum censebantur , & appellabantur fideles , qui iis duobus sacramentis muniti , eucharistia insuper donarentur ; cum enim ea sit summum christianæ religionis mysterium , arcanum & sacramentum , non cuiusvis olim temere concedebatur , sei ei dumtaxat , qui multo antea morum , & probitatis suæ specimen exhibuisset , quique se ita fidum probasset , ut tuto ei mysteria divulgari possent . Is igitur vocabatur fidelis , non qui baptizatus , aut confirmatus , sed qui eucharistiæ sacris participasset .

Qui igitur non esset confirmatus ; subjicit ille “ *in notis ad can.* 177. *Eliberitanum* , eucharistia non donabatur , quam qui nondum esset affectus , neque sanctus , neque justus , aut fidelis nominabatur ; quod eucharistia extremus esset actus , formaque christiani hominis , cuius quadam vi atque efficacia , sanctitatis laude præstans , & divinitatis cuiusdam particeps , Christique Domini membrum redderetur , quod ejus sacrosancta carne pascus esset , Christoque cum Domino quadam consociatione conjungeretur : (quo fit , ut primis ecclesiæ temporibus subdubitatio quædam fuerit) utrum admitterentur ejus oblationes , communioque fidelibus seu justis omnibus intercederet cum eo , qui (Confirmatione & eucharistia , earumque virtutibus destitutus cum esset , verus & perfectus non esset christianus ,) sed perfecti verique christiani virtute spoliaretur : (dubitationem illam augere poterat temporum illorum disciplina .) Nam quamplurimi , quamvis omni vitiorum labe ac colluvio ne purgatos eos esse constaret , non ideo ad sacram synaxim accedebant , neque eorum oblationes probabantur : ut eorum , qui essent in quarto pœnitentiæ gradu ; quorum exemplum quidam sibi proponentes , facile eo propellebantur , ut crederent eorum etiam oblationes repudiandas , qui (nondum confirmati) sacroque pane non refecti , omnibus licet peccatorum maculis (per baptismum) deterfis occidissent . Tanta scilicet cura , tantaque animi provisione ac præcautione prospiciebant , ne quid offenderent , aut titubarent in recipiendis , iis . que Deo repræsentandis alicujus oblationibus ; neque vero cuius-

Vitasse de Confirmatione.

G

” quam,

„quam, nisi sanctissimi, iustissimique viri oblationes æquo animo „ferebant.

Cum igitur neophytus, qui nondum confirmatus esset, jus non haberet offerendi oblationes, atque adeo nec accedendi ad sacram synaxim, Patres Illiberitani hoc ei privilegium concesserunt, *quod si*, antequam confirmari potuerit, *de seculo recesserit, poterit esse iustus*, hoc est, poterit in communionem justorum omnium recipi, poterunt ejus oblationes admitti, poterit ipse sacrificii eucharistici particeps esse: defuncti enim affinibus & cognatis permittebatur, ut ejus nomine oblationes offerrent, quo defunctus particeps esset eucharistici sacrificii, & eucharisticæ communionis.

Neque dicas neophytos, qui antequam confirmarentur, de sæculo recesserunt, non indiguisse sacrificio, quo sublevarentur: cum plenam, & culpæ & pœnæ remissionem per baptismum obtinuerint.

Patres enim Illiberitani de iis loquuntur, qui a diacono baptizati, & vivis recesserant, antequam ad Episcopum venirent Confirmationem petaturi; quo quidem intervallo maculas aliquas contraxisse potuerant. Deinde aliud est neophytum aliquem defunctum indigere precibus Ecclesię ad suum levamen; aliud vero ipsum in exteriorem communionem justorum omnium recipi, ejus oblationes admitti, eumque participem esse sacrificii eucharistici, & eucharisticæ communionis fidelium: cujus quidem sacrificii & communionis participatione Deum coleret, Deum collaudaret, Deoque pro beneficiis acceptis gratias ageret.

*Referuntur Dallæi responsiones & objectiones,
eque refelluntur.*

Dallæus prætermisso canone 39. in quo nihil agi putat de manus impositione confirmatoria, in eo totus est, ut aliis duobus canonibus satisfaciatur, *lib. 2. cap. 9.* Præmittit ille, antequam ad speciale canonum examen veniat, Tertulliani temporibus Episcopum, presbyterum, diaconum, imo & laicum, ministros fuisse unctionis, & manus impositionis confirmatorię; sed Novatiani historiam, & locum Cypriani *in epistola ad Jubajanum* innuere aliquid mutatum, datumque ordinis honorari, ut id presbyteris solis liceret, non autem laicis, imo nec diaconis, etiam in necessitate positis baptizantibus: indeque institutum (quod habent canones 38. & 77. Illiberitani, quodque jam Cornelii & Cypriani tempore obtinuisse videtur) ut si quos laicus urgente mortis periculo, vel diaconus sine Episcopo baptizasset, ad Episcopum venirent manus impositionem accepturi.

Verum hæc Dallæi observatio imprimis supponit falsum, nempe Tertullianum existimasse presbyteris, diaconis, vel etiam laicis urgente necessitate, inesse potestatem ungendi, & manus imponendi. Tertullianus enim loquitur tantum de ministro baptismi; de ministro vero Confirmationis.

firmationis nihil prorsus asserit, quemadmodum apparebit legenti *caput 17. tractatus de baptismo* 2. Supponit Novatiani historiam ab Eusebio relatum, docere consignationem, cujus Cornelius Papa meminisse potuisse fieri a presbyteris : & tamen solius Episcopi mentio fit in ea historia 3. Supponit Cyprianum in *citata epistola* sub nomine *præpositorum* comprehendisse presbyteros : quem tamen ea voce intellexisse solos Episcopos, ostendimus *supra, pag. 44. & seq.* 4. Dallzi ratiocinatio, indeque conclusio deducta, omnino falsa est, scilicet institutum fuisse a Patribus Illiberitanis, ut baptizati a diaconis vel a laicis, perducerentur ad Episcopum manus impositionem ab eo accepturi : eique decreto occasionem præbuisse Cornelium & Cyprianum, qui munus illud laicis & diaconis abstulerunt, illudque solis presbyteris & Episcopis reservarunt. Enimvero, si Cornelius & Cyprianus munus illud non solum Episcopis, sed etiam presbyteris tribuunt : eaque Cornelii & Cypriani doctrina seu disciplina locum dedit Patribus Illiberitanis condendi canones 38. & 77. cur in iisdem canonibus Patres illi neophytos a diaconis vel a laicis baptizatos perducere jubent ad solos Episcopos, nusquam vero ad presbyteros, ut Confirmationem ab iis accipiant. Poterant enim & presbyteros facilius adire, & eos frequentius obvios habere.

Quod si concilium Illiberitanum anterioribus temporibus (quod probabilitate non caret) celebratum est, Dallzi observatio, ejusque ratiocinatio ex se ipsa concedit. Illud vero ante Cornelium & Cyprianum coactum fuisse Joannes Morinus contendit *lib. 9. de panis.* ejusque æram hæreseos quidem Montani & Tertulliani de pace mœchis neganda condemnationi, quæ teste Baronio a Zephyrino Pontifice facta est anno 215. postponit; sed illam præponit Novatiani hæresi & persecutioni Decianæ, quæ cœpit anno 250. De concilii hujus epoche agemus alibi. Consules interim Joannem Morinum *lib. 9. de penitentia, cap. 19. integro*; Baronium, qui illud revocat ad annum 305. Constantio & Galerio imperantibus; sed præ cæteris Ferdinandum Mendozam; qui *libro comment. in concil. Illiberit. cap. 3. & 4.* multis probat illud præcessisse Diocletianam persecutionem, neque post annum 300. cogi potuisse.

Hac sua observatione præmissa Dallzas duas responsiones asserit.

Prima est, Confirmationem esse ritum ultimum baptismi, quem qui non susceperat, plene initiatus ac perfecte baptizatus non erat; quia deerat ei aliquid eorum, quæ ad baptismum sunt requisita: perficere enim est ultimam manum ac velut culmen & fastigium alicui rei addere.

Refellitur 1. quia hæc a Dallzo gratis & absque fundamento asseruntur 2. Si manus impositio, quæ *canone* 38. decernitur, est quidam ritus simplex, meraque baptismi cæremonia, quæ in baptismo per laicum urgente necessitate collato deerat, Patres æque decrevisset alios

eiusdem sacramenti ritus omisos adhiberi, exorcismos videlicet, exufflationes, aurium nariumque tactum, unktionem olei, abrenuntiationem satanz & operibus & pompis ejus, redditionem symboli & orationis dominicz, lactis & mellis prægustationem, aliasque id genus cæremónias baptismum præcedentes aut comitantes aut subsequentes, quæ religiose tunc temporis observabantur. Cur enim ultimam cæremóniam, ipretis aliis non minus antiquis, non minus sanctis, non minus significantibus adhiberi præcepissent? aut omnes certe, eas præsertim, quæ baptismum subsequerentur, aut nullam repeti judicassent? 3. Baptismus solemnus ille dicitur, qui cum omnibus ritibus & cæremóniis ecclesiasticis confertur a ministro, qui baptizandi jus habet. Quod igitur supponit baptismum solemnem jam pridem collatum, inter baptismi ritus recenseri non potest. Sed manus impositio, benedictio & perfectio, de qua canon 77. decernitur adhibenda post baptismum solemnem a diacono plebem regente, adeoque a legitimo & ecclesiastico ministro celebratum. Quod enim diaconi sunt ministri baptismi solemnus, docent Tertullianus *lib. de baptismo, cap. 17.* & Hieronymus *in dialogo adversus Luciferianos*. 4. Cæremónia, quæ ministrum requirit alium ab eo, a quo baptismus solemnus confertur, non est ritus baptismi solemnus: cæremóniæ enim ad aliquod sacramentum pertinentes, ab eodem ministro conferuntur, a quo tale sacramentum solemniter administratur. Atqui manus impositio, benedictio & perfectio, de qua canones Illiberitani, requirit ministrum alium a presbytero & diacono qui sunt ordinarii ministri baptismatis solemnus, videlicet Episcopum. 5. Cæremóniæ sacramentorum significat effectum ejus sacramenti, ejus sunt ritus. Atqui Confirmatio non significat effectum baptismi, qui est infantia christiana, sed significat plenitudinem ætatis, robur, atque vigorem christianum. 6. Cæremóniæ cujusdam sacramenti significant duntaxat ejus effectum, sed illum minime producant. Atqui Confirmatio producit effectum, quem significat. Ergo &c.

Altera Dallæi responsio est, neophytum per manus impositionem perfici perfectione quæ tota ad Ecclesiæ ordinem, disciplinam & judicium, non autem ad interiorum animi statum pertinebat. Siquidem ante hujus Confirmationis susceptionem baptizati, simpliciter quidem & apud Deum perfecti reputabantur, non autem apud Ecclesiam, quæ nonnisi post manus impositionem eos admittebat ad participationem eucharistiæ.

Refellitur 1. Quia hæc a Dallæo gratis dicuntur 2. Quia omnibus auctoritatibus hucusque adductis constat per hanc manus impositionem neophytum suscipere Spiritum sanctum, charitatis augmentum, aliasque ejusdem Spiritus dona; atque adeo interius perfici 3. Quamvis regulariter & ordinarie loquendo, suppetente copia Episcopi, nemo ad participationem eucharistiæ admitteretur absque prævia manus impositione confirmatoria; tamen quia usus obtinuit, ut baptismus, solemnus

a præ-

a presbytero vel a diacono conferretur absente episcopo, hinc fit ut eu-
charistia neophytis traderetur aliquando ante manus impositionem. Sed
illi non censebantur perfecti; quandoquidem ad Episcopum manus im-
positionem accepturi perducerentur. Perfectio igitur confirmatoria tota non
spectat ad ordinem Ecclesiæ.

OBJICIT 1. Dallæus, vana esse quæ ex concilio Illiberitano af-
feruntur, quia unctionis non meminit, sed solius manus imposi-
tionis.

RESPONDEO valere argumentum, in ea saltem sententia, quæ do-
cet manus impositionem esse totam materiam essentialem Confirmationis.
In alia vero opinione respondetur unctionem semper fuisse ad-
jectam manus impositioni; unde Patres aliquando utriusque, ut Tertul-
lianus & Cyprianus meminerunt; aliquando alterutrius, ut Cyprianus
qui plerisque in locis meminit solius manuum impositionis; sed tunc
unctio subintelligitur, quando manus impositio commemoratur. Dein-
de usu receptum est, ut sacramenta aliquando a materia, aliquando a
forma, aliquando ab effectu vel a cæremonia quadam cognominentur.
Igitur qui unius ritus nomen usurpat ad significandum sacramentum,
ille cæteros ritus, cæterasque cæremonias non excludit: non excludit
quoque formam, qui utitur voce materiam significantem. Non excludit
manus impositionem Cornelius, quando Confirmationem appellavit si-
gnaculum dominicum. Pari modo non excluditur unctio, dum Confir-
matio per manus impositionem significatur: neque manus impositio ex-
cluditur, dum mentio fit solius unctionis.

OBJICIT 2. Qui baptizatus a diacono migrat ex hac vita, ante-
quam sibi manus imponatur ab Episcopo, ille in justorum numero at-
que ordine censetur, & nomen ejus commemoratur in altari, hoc enim
volunt istæ voces canonis 77. *sub fide, qua quis crediderit, poterit esse
justus*. Eum vero nunquam talem censendum fuisse decrevissent Patres
Illiberitani, si interiori fidei ac pietatis perfectione carere putassent.
Perfectio igitur confirmatoria non pertinet ad interiorem animæ
statum.

RESPONDEO canonem Illiberitanum non supponere baptizatos, qui
ante susceptam Confirmationem e vivis excedunt, habere interiorem
fidei & pietatis perfectionem: supponit enim duntaxat eos in gratia
decessisse. Quo autem sensu postrema hujus canonis verba intelligi de-
beant, exposuimus *supra*.

OBJICIT 3. In canone 38. non alium quam a laicis collatum bap-
tismum ab Episcopo perficiendum decernunt Patres. Supponunt igitur
jus tunc fuisse presbyteris, imo & diaconis, ut quos tingerent, iis ma-
num imponent; aliter, cur etiam baptismum a presbyteris vel a dia-
conis collatum non decernerent ab episcopo perficiendum.

Sed age, Dallæum eodem canone paucis perstringamus. Si ex eo quod
Witasse de Confirmatione.

in hoc canone ii tantum, qui a laicis baptizati fuerint, remittuntur ad episcopum, manus impositionem ab eo accepturi, de aliis vero a presbytero vel a diacono baptizatis taceatur; si, inquam, ex hoc silentio aperte sequitur, quod presbyteri & diaconi hac ætate jus haberent manum imponendi baptizatis; cur Patres Illiberitani baptizatos a laicis remittunt solum ad Episcopos, nusquam vero ad sacerdotes vel diaconos, ut manus impositionem ab iis accipiant? Poterant enim & sacerdotes ac diaconos facilius adire, & ipsos frequentius obvios habere. Cur etiam *canone* 77. baptizatos solemniter a diaconis, remittunt ad alios; ut ab ipsis confirmentur; & per benedictionem perficiantur, si diaconi jus habebant confirmandi, & perficiendi baptizatos, eisque manum imponendi? Ex *canone* igitur 38. minime sequitur, quod diaconi jus haberent confirmandi; alioquin *canon* 38. aperte contradiceret *canoni* 77. Ad argumentum igitur Dallæi

RESPONDEO. Concedo antecedens, nego consequentiam. Hoc enim *canone* agebatur tantum de baptismo a laicis conferendo urgente necessitate; Patres vero laicis fidelibus permittunt in necessitate baptizare, eosque monent ut baptizatos ad Episcopum perducant, ut manus impositionem ab ipso suscipiant. Nihil vero hujusmodi præcipiunt presbyteris & diaconis, quia in hoc *canone* non agebatur de baptismo ab ipsis collato.

OBJECTIT 4. De ea manus impositione *canone* 77. agitur, quæ cum a diacono fieri non posset, a presbytero tamen atque ab Episcopo fieri poterat. Sic enim habebat vulgaris editio: "Si quis diaconus regens plebem, sine Episcopo vel presbytero aliquos baptizaverit, eos per benedictionem perficere debet." Patres igitur non determinant, a quo baptismus, quem diaconus contulit, per benedictionem perfici debeat: utrum ab Episcopo, an a presbytero? sed liberum relinquunt, ut hic baptismus ab alterutro perficiatur.

Huic objectioni plura responderi possunt.

1. Dallæus in hæc posteriori objectione jus confirmandi manumque imponendi concedit solis Episcopis & presbyteris, cum tamen jus illud in priori objectione ipsis etiam diaconis asseruerit: ille igitur sibi non constat.

2. Vulgarem editionem mutilatam fuisse apparet ex ipsis verbis relatis, quæ vel sensum imperfectum generant, vel significant diaconum habere jus per benedictionem perficiendi eos, quos ipse baptizaverit: quod tamen falsum esse Dallæus ultro concedit in ipsa objectione: idque constabit expendenti verba, quæ in eodem *canone* proxime sequuntur: "Quod si ante de seculo recesserit, sub fide, qua quis crediderit, poterit esse justus: id est, quod si, antequam per benedictionem perficiatur, de seculo recesserit, sub fide, quam in baptismo recepit, poterit esse justus. Canon igitur loquitur de iis, qui a diacono bapti-

zati, e vivis excedunt, antequam ad Confirmationis ministrum accedere possint, ut ab eo per benedictionem perficiantur : atque ita supponit jus illud non inesse diaconis.

Hanc vulgarem editionem decurtatam fuisse apparet etiam, tum ex Burchardo *libro 4. decretorum cap. 92.* qui hunc canonem refert, licet eum concilio Turonico *can. 3.* perperam tribuat : tum ex editionibus, Garfiana, Biniana, Mendozæ, Albaspinæana, & Labbzana, quæ sic habent : “ Si quis diaconus regens ecclesiam, sine episcopo vel presbytero, aliquos baptizaverit, episcopus eos per benedictionem perficiat : quod si ante &c. “ Jus igitur confirmandi solis episcopis concedunt Patres Illiberitani.

3. Patres Illiberitani jus illud solis episcopis tribuunt *canone 38.* Patres vero sibi non contradixerunt.

4. Jus illud solis episcopis ætate concilii Illiberitani convenisse, docemur ex Cornelio *supra*, ubi de Novatiano ; ex Cypriano *in epistola ad Jubajanum* ; ex auctore anonymo *in tractatu de baptismo*.

INSTAT Dallæus ex verbis ipsius canonis : “ Si quis diaconus regens plebem, sine episcopo vel presbytero aliquos baptizaverit, episcopus eos per benedictionem perficere debet. “ Ergo ubi diaconus aliquos baptizaret præsentem presbytero, nulla erat necessitas eos adducendi ad episcopum, ut ab eo per benedictionem perficerentur : fuisset verò necessitas eos adducendi ad episcopum, nisi presbyter, qui aderat, habuisset jus imponendi manum baptizatis, eosque per benedictionem perficiendi.

RESPONDEO purum esse sophisma, meramque æquivocationem, quæ oritur partim ex virgulæ transpositione ; (potest enim virgula poni vel post vocem *plebem*, vel post vocem *presbytero* :) partim ex praxi ecclesiæ pristinis temporibus observari solita, quam nescivit Dallæus, vel ad quam non attendit. Nec enim diaconus præsentem episcopo vel presbytero plebem olim regebat : neque ille alterutro præsentem baptizabat solemniter, sed utroque absente. Sic enim habet canon 18. concilii primi Arelatensis : “ De diaconibus urbicis, ut non aliquid per se præsumant, sed honor presbyteris reservetur.

Si virgula vocis *presbytero* postponatur, hoc modo, “ Si quis diaconus regens plebem sine episcopo vel presbytero, aliquos baptizaverit, episcopus eos per benedictionem perficere debet : “ sensus est ; Si quis diaconus, cui plebis regimen, utroque absente episcopo & presbytero, commissum est, aliquos baptizaverit, episcopus &c.

Sin autem virgula post vocabulum *plebem* ponatur, hoc modo, “ Si quis diaconus regens plebem, sine episcopo vel presbytero aliquos baptizaverit “ &c. tunc sensus erit ; si quis diaconus, cui plebis regimen commissum est, aliquos solemniter baptizaverit utroque absente episcopo & presbytero, (nec enim hoc ei licebat præsentem episcopo vel presbytero) episcopus eos per benedictionem perficere debet. Quid

autem ex utroque sensu colligi possit in gratiam Dallzi, non video.

Concesso igitur antecedente, negatur consequentia: tum quia supponit diaconos habuisse jus baptizandi solemniter præsentem presbytero, quod falsum est; tum quia ex hypothese quod diaconus aliquos solemniter baptizaret præsentem presbytero, (quod aliquando contingere poterat, modo id fieret jubente sacerdote, aut diacono veniam a sacerdote petente) adhuc necesse erat eos adduci ad episcopum, ut ab ipso confirmarentur.

Possent etiam præfatus canon exponi de diaconis forensibus, qui plebem regebant in iis locis, in quibus ipsi sine episcopo & presbytero commorabantur: & tunc sensus erit, si quis diaconus plebem regens in iis locis, in quibus ipse sine episcopo & presbytero commoratur, aliquos baptizaverit sine jussu episcopi aut sacerdotis, vel sine venia ab episcopo aut sacerdote petita; baptismus, quem ita contulerit, non ideo reputabitur illicitus, sed baptizatos ab illo episcopus per benedictionem perficere debet. Diaconus enim non habebat jus baptizandi sine episcopi auctoritate ex Tertulliano *de baptismo cap. 17.* "Dandi baptismi" jus habet summus sacerdos, qui est episcopus; dehinc presbyteri & diaconi, non tamen sine episcopi auctoritate: "neque sine episcopi jussione, ex Hieronymo *in dialogo adversus Luciferianos*, "Inde venit, ut sine episcopi jussione neque presbyter, neque diaconus jus habeant baptismi: "neque sine venia a presbytero petita; facultatem enim a sacerdotibus petere debebant ex *canone 18. concilii I. Arelatensis*: "De diaconibus urbicis, ut non aliquid per se præsumant, sed honor presbyteris reservetur: "quemadmodum & sacerdotes facultatem ab episcopis petere tenebantur ex *canone 19. ejusdem synodi*: "Ut presbyteri sine conscientia episcoporum nihil præsumant: "ita Biniana editio. Labbeus tamen post Sirmundum permiscet duos illos canones, & detractis aut immutatis quibusdam vocibus, unicum efficit: "De diaconibus urbicis, ut non sibi tantum præsumant, sed honorem presbyteris reservent, ut sine conscientia ipsorum, nihil tale faciant. "Binianam editionem retinendam existimo.

C A P U T III.

Auctores seculi quarti.

§. 1. Concilium Arelatense.

EX hoc concilio, quod anno 314. in causa Cæciliani & Donatistarum sub Constantino episcopo celebratum est, ejusque synodica epistola ad Silvestrum papam, duos canones, sextum & octavum referemus.

Sextus sic habet: "De his, qui in infirmitate credere volunt, placet

„ CURR

„ cuit eis debere manum imponi. “ Et in *epistola synodica* : “ De his, „ qui in infirmitate constituti, & credere volunt, placuit, eis manum „ imponi, “ hoc est, placuit eis præter baptismum adhiberi Confirmationem. Canon enim de gentilibus intelligitur, qui gravi morbo laborantes credere volunt, id est, fieri volunt christiani. Patres vero supponentes eis conferendum esse baptismum, quia ecclesia illum nemini unquam denegavit, addunt manus quoque impositionem eis, si fieri potest, adhibendam esse. Ita canonem Albaspinæus in *notis* interpretatur : “ Baptizati in infirmitate, inquit, confirmandi sunt : de hujus canonis „ explicatione plura dicuntur in canone 39. concilii Illiberitani. „ Eodem enim sensu utrumque canonem accipiendum esse conveniunt „ viri eruditi.

Severinus tamen Binius in *notis ad hunc canonem* refragatur, eumque contendit intelligendum esse de hac manus impositione cæremoniali, de qua Augustinus *lib. 3. de baptismo cap. 16.* in fine loquens ait : “ Quid enim est manus impositio, nisi oratio super hominem ? “ Item illud ejusdem Augustini *lib. 2. de peccatorum meritis & remis. cap. 26.* “ „ Catechumenos secundum quemdam modum suum per signum Christi „ & orationem manus impositionis puto sanctificari.

REFELLITUR 1. Ubinam Binius reperiet baptismum *manus impositionem* nominari, & isto nomine a Patribus appellari ? 2. Patres eo canone non definiunt illud, de quo nullus unquam dubitavit. Quis vero unquam potuit dubitare, an gentiles, qui baptismum expetunt, essent in morte baptizandi ? Quis unquam docuit baptismum iis in morte denegandum esse, quorum vita non fuisset honesta ? 3. Patres eo canone non decernunt id agendum esse, quod ab omni ævo, quod ubique, & quod ab omnibus agebatur : tunc enim cui bono esset ille canon ? Sed baptismus nusquam iis negatus est, qui illum in infirmitate sincere postulant. Manus igitur impositio, quam Patres Arelatenenses definiunt ac decernunt infirmis, qui fieri volunt christiani, concedendam, non est baptismus, sed Confirmatio, quæ gentilibus infirmis, ut qui nondum in album catechumenorum relati, nondum mysteria fidei edocti fuissent, utrum concedenda esset, poterant plerique in dubium revocare, quemadmodum exposuimus *supra, pag. 93.* maxime cum eucharistiæ participatio Confirmationem proxime sequeretur. Quin etiam Augustinus *lib. de fide & operibus cap. 6.* satis aperte innuit catechumenis adulteris, aliisque publicis peccatoribus, qui sani correptionem recusarant, infirmi vero baptizari petierant, baptismum duntaxat concessum fuisse. 4. Quia manus impositio, quæ in baptismo adhibebatur, exorcismos respiciebat, ex dictis *supra pag. 94.* Sed exorcismi fieri non solebant super eos, qui urgente necessitate baptizabantur. 5. Si hæc manus impositio mere cæremonialis fuisset, eaque foret, per quam Augustinus ait catechumenos sanctificari, Patres non satisfecissent votis gentilium infirmorum qui credere volebant, hoc est qui fieri volebant christi-

christiani : petebant enim fidem salutarem, fidem qua sanctificarentur, fidem qua salventur. Sed ex Augustino *ibidem*, sanctificatio catechumeni per orationem manus impositionis, non est sanctificatio simpliciter, sed secundum quid, seu ut ipse loquitur, "secundum quendam modum, neque ei valet, seu sufficit ad intrandum regnum cœlorum, aut ad peccatorum remissionem.

Taceo, quod ex duabus Augustini auctoribus a Binio relatis, prior loquitur de manus impositione, quæ sacramentalis & confirmatoria est, quemadmodum apparebit legenti caput 16. integrum libri 3. de baptismo, unde prior textus excerptus est.

Iisdem fere argumentis refelli debet Sirmundus, qui in *notis posthumis ad concilium I. Arelatense*, quas Labbæus ad calcem tomi I. Conciliorum excudi iussit, utrumque canonem, scilicet 39. Illiberitanum, & 6. Arelatensem, intelligendum esse putat non de baptismo, neque de Confirmatione, sed de manus impositione, per quam gentiles ab ecclesiæ præpositis primum suscipiebantur, antequam ingrederentur catechumenatum. Verba Sirmundi, licet proluxa satis, referam, ut quæ profundam ejus eruditionem testentur. "Hoc ipsum est, inquit, quod Patres Illiberitani *canone* 39. præceperant. Gentilibus, si in infirmitate desideraverint manum imponi, & christianos fieri, ad fidem Christi venientibus, primum omnium manus imponebatur, & christiani exinde, *credentesque* vocabantur, postea *catechumeni*, ac demum suscepto baptismo, *fideles*. Sulpitius Severus in *vita Sancti Martini*, cap. 10. Nemo fere ex immani illa multitudine gentilium fuit, qui non impositione manus desiderata in Dominum Jesum Christum, relicto impietatis errore crediderit. Idem *capite* 16. Quo viso Tetradius in Dominum nostrum Jesum credidit, statimque catechumenus factus, nec multo post baptizatus. Denique Synodus I. Constantinopolitana *canone* 7. de hæreticis quibusdam; Quicumque ex his rectæ fidei adscribi volunt, velut gentiles admittimus: & primo quidem die eos christianos facimus, altero catechumenos, deinde tercio exorcizamus, sive adjuramus ipsos ter simul in faciem eorum, & aures insufflando: & sic eos catechizamus sive iniciamus: & curamus ut longo tempore versentur in ecclesia, & audiant scripturas, & tunc eos baptizamus. *Canone* 45. *Eliberitano*, catechumeni dicuntur christiani, & Augustinus de *pastoribus*, cap. 13. Constat ergo impositionem manus in his canonibus non ad baptismum, quod nonnullis placuit, neque ad Confirmationem referri oportere, sed ad ritum illum quo christiani fiebant. Aliud enim, ut dixi, christiani & credentes erant; aliud fideles. S. Augustinus *epist.* 67. ad *Alypium*, Narrat, inquit, gaudia de Gabiniano, quod non solum christianus, sed etiam fidelis sit valde bonus per pascha proxime baptizatus. Gaudentius Brixianus *tract.* 5. Hujus agni carnem tam fideles in mysterio, quam simul universi credentes, in fi-

„ de debemus edere . Chrysologus vero *serm.* 52. Hinc est quod ve-
 „ nias ex gentibus impositione manus , & exorcismis ante a dæmo-
 „ ne purgatur , & apertionem aurium percipit , ut fidei capere possit
 „ auditum . Et codicis Theodosiani lex 2. *de apostatis*, distinguit chri-
 „ stianos ac fideles a christianis , & catechumenis tantum . “ Hactenus
 „ Sirmundus .

Ea quidem erudita sunt ; non tamen ad sensum utriusque canonis .
 1. Quia , ut jam *supra* observavimus , Patres duobus illis canonibus
 non definiunt illud , de quo nullus unquam dubitavit . Quis vero un-
 quam potuit dubitare , an gentiles , *qui in infirmitate credere volunt*
 essent per manus impositionem suscipiendi ad fidei initiationem . 2. Pa-
 tres iis duobus canonibus non decernunt id agendum esse , quod sem-
 per , quod ubique , & quod ab omnibus agebatur . Atqui admissio ad
 fidem nusquam iis negata est , qui in infirmitate constituti credere vo-
 luerunt . 3. Quia manus impositio , de qua canon 39. Illiberitanus ,
 ea est , ut supponat gentiliū vitam , qui credere volunt , ex aliqua
 parte honestam fuisse : “ Si fuerit eorum ex aliqua parte honesta vi-
 „ ta , placuit eis manus imponi , & fieri christianos . “ Sed manus im-
 „ positio , per quam gentiles ad fidem admittebantur , nusquam in iis
 supposuit vitam honestam . Quis enim unquam docuit ex gentilibus ,
 qui in infirmitate constituti credere volunt , eos solum ad fidem ad-
 mittendos esse , quorum vita sit honesta ? 4. Quia Patres per hanc
 manus impositionem non satisfecissent votis gentiliū infirmorum , *qui*
credere volebant , hoc est qui petebant fidem salutarem , fidem qua sancti-
 ficarentur , fidem qua salvarentur . Admissio enim ad fidem in catechume-
 natu ediscendam , non sufficiebat ad salutem .

Jam vero canonem 8. describamus : “ De Afris , quod propria lege
 „ sua utantur ut rebaptizent , placuit ut si ad ecclesiam aliquis ab hac
 „ hæresi venerit , interrogent eum symbolum ; & si perviderint eum in
 „ Patre & Filio & Spiritu sancto esse baptizatum , manus ei tantum im-
 „ ponatur , ut accipiat Spiritum sanctum : quod si interrogatus non re-
 „ ponderit hanc Trinitatem , baptizetur . “ Ubi pro *Afris* Gratianus &
 „ Binius habent *Arianis* . Sed mendum in hunc canonem irrepisse , &
 pro *Arianis* , legendum esse *Afris* seu *Africanis* , constat tum ex anti-
 quis codicibus , quibus Sirmundus usus est , tum ex ipsa ejusdem concilii
 epistola synodali , quæ canonem integrum refert ; tum ex ipsius synodi
 epoche , quæ incidit in annum 314. quo tempore Ariani nondum exorti
 erant . Arius enim anno 316. cœpit Alexandriæ hæresim suam spargere .
 Afros autem eos synodus intelligit , qui Africanæ sub Cypriano synodi
 de rebaptizandis hæreticis errorem sectantes , baptismum iterare non du-
 bitabant : quo ex numero Donatum Carthaginensem , æmulum Cæciliani
 fuisse liquet ex Optato *lib.* 1. qui tradit eum in Concilio Romano damna-
 tum fuisse ; “ quod confessus sit se rebaptizasse , & episcopis lapsis ma-
 „ num imposuisse .

Dal-

Dallæus huic postremo canoni respondet manus impositionem , de qua Patres Arelatenſes , a noſtra diverſam eſſe , quod noſtra iterari non poſſit , illa vero iteraretur : quia Patres Arelatenſes decernunt Donatiſtis , qui jam pridem in hæreſi manus impositionem acceperant , manum iterum imponendam eſſe , cum ad eccleſiam redirent .

Verum Dallæus ſimili ratiocinio concludere poſſet , baptiſmum , quem Cyprianus conferbat , a noſtro diverſum eſſe . Quemadmodum igitur Cyprianus hæreticos ad eccleſiam redeuntes iterum baptizabat , non quod exiſtimaret baptiſmum iterari poſſe , ſed quod putaret , nullum eſſe baptiſmum hæreticorum : ita Patres Arelatenſes decernunt Donatiſtis ad eccleſiam redeuntibus manum imponendam eſſe in Spiritum ſanctum , quia illam exiſtimabant nullam eſſe apud hæreticos .

§. 2. Concilium Laodicenum.

Concilium Laodicenum , quod Baronius ſub Sylveſtro circa annum 320. alii ſub Liberio circa annum 357. alii ſub eodem Liberio circa annum 367. alii denique ſub Damaso circa annum 367. celebratum fuiſſe exiſtimant , duos canones habet qui ad noſtrum inſtitutum attinent , ſeptimum ſcilicet , & 48. Tres extant huius ſynodi verſiones , una Gentiani Herveti , altera Dionyſii Exigui , tertia Iſidori Mercatoris .

Canone autem 7. ſic habetur ex verſione Herveti : “ Oportet eos , qui apud illos (Novatianos & Teſſaradecatitas ſeu Quartodecimanos) nos fideles (hoc eſt baptizati) dicebantur , fidei ſymbola diſcentes , & ſancto chriſmate inunctos , ſic ſancto myſterio communicare : (ſeu , ut habet Dionyſius Exiguus :) Ii , qui apud eos dicebantur fideles , noſtræ doceantur fidei ſymbolum : & uncti ſancto chriſmate ſic myſteriis communicent ſacroſanctis . “ Quibus tria præſcribuntur . 1. Ut ii , qui a Novatianis vel Quartodecimanis baptizati ſunt , cum ad eccleſiam redeunt , fidei ſymbolum diſcant , quod catechumeni “ diſcere , & quinta feria ſeptimane majoris Epifcopo , aut Presbyteris reddere “ debeant , *ex canone 46. ejuſdem Concilii* . Ut poſt redditum fidei ſymbolum ungantur ſacro chriſmate . Quid vero eſt inungi ſacro chriſmate , niſi confirmari ? 3. Ut ſacro chriſmate inuncti , myſteriis communicent ſacroſanctis , “ id eſt eucharitiæ participant : eucharitiæ enim adminiſtratio Confirmationem proxime ſequatur . Hunc canonem de Confirmatione interpretantur Joannes Morinus *lib. 9. de poenitentia , cap. 9. num. 2.* & Joannes Caſſutius *in ſua notiſſima Eccleſiaſtica ad eundem canonem 7.*

Expreſſior eſt canon 48. ejuſdem concilii : “ Oportet eos qui illuminantur : poſt baptiſma inungi ſupercœleſti chriſmate , & eſſe regni Chriſti participes . “ Ita Hervetus . Paulo aliter Dionyſius : “ Oportet eos , qui baptizantur , poſt lavacrum chriſma eccleſiæ accipere ,

„pere, & regni Christi participes inveniri.“ Duplex solebat olim, ut & nunc, in baptismo unctio adhiberi. Præcedebat enim baptismum prima unctio ex oleo catechumenorum: sequebatur vero baptismum unctio chrismatis. Prior fiebat quidem apud Latinos in vertice capitis, & in pectore baptizandi, ut ex Ambrosio notat Pamelius in *notis ad initium libri Tertulliani de baptismo*, vel etiam in pectore, & in scapulis ut habet Theodulphus Aurelianensis, *de ordine baptismi*, cap. 10. At vero apud Græcos fiebat a sacerdote per totum ejus, qui baptizandus erat, corpus, ex Dionysio *de hierarch. ecclesiast. cap. 2.* ex Cyrillo Hierosolymitano *catech. mystag. 2.* & Chrysostomo *homil. 6. in epist. ad Coloss* Posterior fiebat in fronte: ejusque meminerunt Tertullianus, Cyprianus, alique Patres *supra citati & infra citandi*. Prior cæremonialis, posterior autem sacramentalis erat.

CONFIRMATUR. Nemo enim inficiatur hunc canonem sancitum fuisse adversus Novatianos, qui frequentes quidem erant in regionibus illis, quique baptizatos minime confirmabant, exemplo Novati, qui baptismum sine Confirmatione acceperat. Hæc igitur unctio in eo canone statuitur, quam Novatiani omittebant. Sed Novatiani omittebant unctionem confirmatoriam, ex dictis *supra, pag. 3. & 4.*

CONFIRMATUR iterum, & singula hujus Canonis verba explicantur.

Oportet eos &c. Ex præcepto Christi vel saltem ecclesiæ, baptizatos, sub peccato ad sacramentum Confirmationis suscipiendum, dum commode possunt, obligari colligunt nonnulli ex hoc canone.

Oportet eos qui illuminantur: hoc est qui baptizantur. Juxta editionem Dionysii Exigui, *oportet eos qui baptizantur*: juxta Paulum ad Hebræos cap. 6. *impossibile est eos qui semel sunt illuminati*, & juxta canonem 3. ejusdem Concilii Laodicensi, „Non oportet, qui sunt recens illuminati, (hoc est baptizati) in ordinem sacerdotalem promoveri.“

Oportet eos qui illuminantur, post baptismum inungi. Hæc igitur unctio non est mera baptismi cæremonia, sed baptismum completum & absolutum supponit.

Oportet eos qui illuminantur, post baptismum inungi supercaelesti chrismate. Hæc igitur unctio cœlestis & divinitus instituta est, gratiamque cœlestem confert.

Oportet eos, qui illuminantur, post baptismum inungi supercaelesti chrismate, & esse regni Christi participes. Quibus postremis verbis duplex sensus potest inesse. Prior est: *& esse participes justitiæ*, quæ dicitur regnum Dei ad Romanos cap. 14. *non est regnum Dei esca, & potus, sed justitia &c.* Atqui Confirmatio justitiam adauget: nos igitur participes efficit regni Dei. Posterior est: *& esse participes Eucharistiæ*, quæ regnum Dei a Patribus appellatur: quemadmodum enim baptizati statim confirmabantur; ita confirmati mox eucharistia donabantur.

Quod

Quod autem eucharistia a Patribus aliquando nuncupetur *regnum Dei*, propter Christum qui in ea continetur; qui quidem Christus est regnum, & panis in hoc sæculo, quemadmodum erit suo modo regnum & panis in futuro, probatur ex Sancto Paulino *epistola* 9. "Si igitur (Christus) in hoc domus, & mens nostra fundetur, & digna tanto fundamento superædificetur operatio, erit nobis in aditum civitatis suæ porta ipse qui reget nos in sæcula: & in loco pascuæ collocabit nos, quos jam per aquam refectiois sibi genuit, & nutrit epulis salutaribus in eam mensam, quam præparavit nobis adversus eos qui tribulant nos, de qua dicit: *Beatus qui manducat panem in regno Dei*; quia Christus idem & regnum & panis est quo nos saginamur.

Antonius de Dominis, & Dallæus nonnulla quidem obijciunt; sed quæ futilia sunt.

§. 3. Concilium Nicanum primum.

Concilii Nicæni primi anno 325. celebrati extat canon, quo præscribitur, ut Cathari seu Novatiani ad ecclesiam redeunt, postquam errores suos ejuraverint, fidemque catholicam, non solum voce, sed etiam scriptis professi fuerint, per manus impositionem suscipiantur, & sic in clero maneant: "Ut impositis manibus, sic in clero maneant." Idem habet Dionysii Exigui interpretatio, & Gelasii Cyziceni historia.

Dubitatur, quæ qualisve fuerit hæc manus impositio. Gratianus in *decreto, causa* 1. *quest.* 7. *cap.* 8. canonem interpretatur de ordinatione, indeque colligit eam in Novatianis ad ecclesiam redeuntibus repetitam fuisse. Gratiani mentem sequitur Morinus de *sacris ordinationibus, parte* 3. *cap.* 7. *num.* 14. & 15. & *cap.* 12. *num.* 9. 10. &c. 1. Quia græce habetur *ὡς ἐπεποιθέμεν αὐτοῖς*. Sed *ἡ ἐπεποιθεῖς* ordinationem designat, quemadmodum apparet ex eodem concilio *canone* 19. ubi asseritur, diaconissis nullam manuum impositionem, *ἡ ἐπεποιθεῖς*, id est ordinationem. conferri 2. Quia Ruffinus *lib.* 2. *ecclesiæ histor.* *cap.* 6. habet ORDINATIONE DATA 3. Quia Isidorus Mercator in *sua collectione* verbit: ut ordinentur & sic maneant in clero 4. Quia versio. canonum Nicænorum. auctoritate concilii VI. Carthaginensis anno 419. facta, sic habet: "Placuit, sicut & magnæ synodo eos ordinatos, sic manere in clero 5. Quia Theophilus Patriarcha Alexandrinus S. Hieronymo æqualis, in *additis ad Balsamanem*, interrogatus, quid faciendum sit, dum: "quidam eorum, qui se Catharos nominant, volunt ad ecclesiam accedere: "respondet: "Magna synodus, quæ Nicææ habita est a sanctis Patribus, statuit, ut ordinentur: "ὡς ἐπεποιθέμεν 6. Quia Basiliius in *epist. ad Amphilocho.* *can.* 1. Nicænum hunc canonem, sic intellexit, licet illius diserte non meminerit. Negat enim

No-

Novatianorum baptisma ratum esse; neque illud suscipi permit tit, nisi concordiz conservandz causa; qua ratione vellet eos cum ordinibus suscipi. 7. Quia Innocentius I. *epist.* 22. *cap.* 3. episcopos Macedoniæ redarguit, quod clericos a Bonosianis ordinatos iterum ordinarent, eosque in pristinum gradum admitterent, asserens id quidem, Anisi archiepiscopi Thessalonicensis, qui hæc permiserat, temporibus licitum fuisse, ne fieret non mediocri scandalum: "jam vero " cessante ne-
 „ cessitate, " illos non iterum ordinandos esse, multo minus in pri-
 „ stinum gradum admittendos, sed " per pœnitentiam suscipiendos. "
 „ Illis autem objicientibus, quod Nicæni canones apud Nicæam con-
 „ stituti, de Novatianis id fieri permiserunt: respondet, de solis No-
 „ vatianis hoc esse præceptum, nec ad aliarum hæresum clericos per-
 „ tinere. Nam si utique de omnibus ita definirent, addidissent, a
 „ Novatianis aliisque hæreticis revertentes, debere in suum ordinem
 „ recipi.

Huic tamen expositioni multa repugnant 1. Quia posteriori parte ejusdem canonis Nicæni Patres jubent in clero, atque in eodem quo reperiuntur ordine Novatianos perseverare; ea cautione adhibita, ut si in urbe duo sint episcopi, catholicus unus, Novatianus alter, Novatiani presbyteri vices agat, aut in diœceseos parte sit chorepiscopus, ne duo in eadem urbe sedcant antistites. Non igitur improbant Novatianorum ordinationem 2. Quia concilium II. generale præscribens, *canone* 7. modum, quo Novatiani recipi debeant, eaque recensens, quæ ab illis exigi, & super illos fieri debent, meminit quidem abjuratio-
 „ nis, fideique professionis scriptis mandatæ, non autem ordinationis 3.
 Quia nusquam auditum est Novatianos ad ecclesiam redeuntes, iterum ordinatos fuisse 4. Hæc manus impositio in eodem *canone* conjungitur cum hæresis abjuratio-
 „ ne, & catholicæ fidei professione. Sed ex Patri-
 bus citatis & *infra* citandis apparet manus impositionem, per quam hæretici, præcedente hæresis abjuratio-
 „ ne, & fidei professione, recepti fuerunt, esse manus impositionem in Spiritum sanctum 5. Quia ex Siricio *Papa* *epist.* 4. *ad Africanas ecclesias* *cap.* 8. & ex Innocentio I. *epistol.* 2. *cap.* 8. apparet, manus impositionem, per quam Novatiani suscipiebantur, non fuisse ordinationem, sed manus impositionem in Spiritum sanctum. " Venientes (inquit Siricius) a Novatianis vel Mon-
 „ tensibus per manus impositionem suscipiantur, præter eos, quos re-
 „ baptizant. Venientes (inquit Innocentius) a Novatianis vel Montensibus per manus impositionem suscipiantur, quia quamvis ab hære-
 „ ticiis, tamen in Christi nomine sunt baptizati. " Montenses enim seu Donatistæ per ordinatoriam manus impositionem non admitteban-
 „ tur 6. Quia Siricius, in *epistol.* *ad Honorium Tarrac.* *cap.* 1. hoc Nicænum decretum interpretatur de manus impositione, per quam invocatus SEPTIFORMIS SPIRITUS super Arianos, Novatianos aliosque hæreticos ad ecclesiam redeuntes, " Arianos, inquit, cum Novatianis
 „ aliis-

„ aliisque hæreticis¹, sicut in synodo², (Nicæna scilicet) constitutum
 „ est, per invocationem solam (qua voce baptismus, non autem un-
 „ ctio excluditur) septiformis Spiritus Episcopalis manus impositione
 „ catholicorum conventui sociamus: quod etiam totus oriens occiden-
 „ que custodit. “ 7. Quibusdam Monachis, in *actione* 1. VII. synodi,
 prælatum canonem de ordinatione interpretantibus, Tharasis Patriar-
 cha Constantinopolitanus eos redarguit & istam vocem (*χειροθεσία*)
 interpretatur *benedictionem*, non autem *ordinationem*; *Ἀδελφίαν*. Manus
 autem impositio dicitur *benedictio*, quia cum benedictione semper con-
 juncta fuit: hinc *can.* 1. concilii I. Arausiaci, confirmatoria manuum
 impositio dicitur *benedictio*: “ Hæreticos in mortis discrimine positos,
 „ si catholici esse desiderant, si desit episcopus, a presbyteris cum
 „ chrismate & benedictione consignari placuit. “ 8. Alexius Aristenus,
 „ diaconus Ecclesie Constantinopolitane, qui floruit sub Joanne Coma-
 „ neno Imperatore ad annum 1130. canonem hunc 8. concilii Nicæ-
 ni edisserens, triplicem hæreticorum reconciliationem distinguit: alii
 baptizantur, alii chrismate unguuntur, alii solum anathematizantur hære-
 sim: ad 2. classem Novatianos revocat, hoc velut a Patribus Nicænis
 omissum supplens. Ita refert Morinus *de penit. lib.* 9. *cap.* 8. *ms.* 8. Ma-
 nus autem impositio, maxime si unctionem connexam habeat, Confir-
 mationem aperte significat. 9. Aristenus in *synopsi canonum concilii Nicæ-
 ni*, Simeon Logotheta in *epitome eorundem canonum*, & Zonaras ac Bal-
 samon in *notis ad eundem can.* 8. innuunt vel asserunt Novatianorum
 ordinationem ab Ecclesia susceptam fuisse. Idem ante ipsos asseruerat,
 Nicænumque canonem eodem sensu, quo nos, exposuerat Aurelius,
 qui floruit desinente seculo 1x. *lib.* 1. *de ordinationibus* a Formoso sa-
 ctis, *cap.* 23. & 24.

Ad primam igitur objectionem respondeo discrimen esse inter *χειρο-
 θεσίαν*, & *χειροτονίαν*: posterior vox determinate significat ordinatio-
 nem; sed prior generatim significat manus impositionem, & ad quam-
 cumque manus impositionem, sive confirmatoriam, sive ordinatoriam,
 sive aliam quamlibet inflecti potest.

Ad secundam objectionem, respondeo versionem Ruffini, ut qui Græ-
 cæ linguæ non satis peritus esset, quemadmodum ex Eusebii transla-
 tione apparet, parum castigatam esse. Idem asseri debet de versione
 Isidori Mercatoris, quam in multis imperfectam esse certissimum est.
 Illis igitur aliisque versionibus *num.* 2. 3. 4. & 5. recensitis Dionysianam
 opponimus, sicut & Theophilo objicimus Tharasium, imo & Hiero-
 nimum *advers. Lucifer. cap. ultimo*. Quod vero ad Basilium attinet,
 ille quidem, sicut Novatianorum baptismum, ita & eorum ordinatio-
 nem irritam existimavit; sed cum hæc ita sensisset, non attendit ad ca-
 nonem 8. Nicænum; alioquin Novatianorum baptismus, quod eo cano-
 ne approbatur, non rejecisset. Denique Innocentius I. ex eodem ca-
 none non infert, hoc proprium esse Novatianis hæreticis, ut ordina-

ren-

rentur, quemadmodum supponit Morinus, sed hoc illis privilegium concessum, ut in suum ordinem reciperentur; cum contra cæteri hæretici, cum ad Ecclesiam redirent, priori gradu caderent, & quasi laici haberentur. Hanc fuisse mentem Innocentii apparet ex ejus responso. Non enim ait, quod Nicæni Patres addidissent, a Novatianis, aliisque hæreticis revertentes debere ordinari, sed debere in suum ordinem recipi. Innocentius certe conceptis terminis asserit, venientes a Novatianis, vel Montensibus per eandem manus impositionem suscipi. Nemi- ni vero, quod sciam, hætenus in mentem venit, Montenses seu Donatistas admitti per ordinatoriam manus impositionem,

§. 4. S. Optatus.

Optatus, Milevitanus Episcopus, quem inter alios Augustinus digno præconio nominavit *lib. 1. contra Parmen. cap. 3.* & inter præclaros tractatores Ecclesiasticos annumeravit *lib. 2. de doctrin. Christ. cap. 40.* volumen sex aut septem libris distinctum edidit adversus Parmenianum Donatistam, quod diu latuit, donec postremo seculo in Germania in lucem prodiiit opera Cochlæi, deinde Parisiis cura Franc. Balduini, qui illud semel & iterum edi curavit, denique Parisiis rursus anno 1631. typis excusum est cum notis posthumis Gabrielis Albaspinæi, aliisque nonnullis lucubrationibus ad causam Donatistarum attinentibus, quas eruditissimus Aurelianensium antistes in unum collegerat.

Hunc vero tractatum & a Donatistis corruptum, & exscriptorum seu librariorum incuria maculis innumeris inquinatum fuisse asserit Balduinus *comment. in lib. 1.* ita ut in Cochlæi editione plura menda fuerint quam versus. Subjicit vero: "Ego in priori editione Parisiensi operam dedi, adjutus collatione exemplaris manuscripti, quod mihi communicaverat Espensæus theologus, ut sexcentos saltem locos emendarem. Nunc non multo pauciores emendabit altera hæc editio, duobus manuscriptis sive chirographis exemplaribus subnixis, quorum alterum Joanni Tilio Episcopo Meldensi, alterum Macereo theologo Parisiensi debemus. Multum tamen abest, ut dicam Optatum nunc tandem in integrum plane esse restitutum. "Librum vero septimum minus quam alios castigatum prodire agnoscit ipse *commentarius ad hunc librum 7.* "Illud, inquit, confiteor in emendatione hujus libri postremi, minime mihi ipsi me satisfecisse, neque propter varietatem scripturæ potuisse. "Eam ipsam hujus operis depravationem a Donatistis, qui Optati ætate in Africa dominabantur, factam fuisse Baronius *ad annum 314.* conjicit, quod in eo nulla mentio fiat concilii Arelatenensis in causa Cæciliani & Donatistarum congregati, vel etiam sententiæ Constantini postmodum Mediolani adversus eisdem latæ; *Witasse de Confirmatione.* H ne-

neque enim quæ conscio toto orbe facta essent, potuerunt Optatum præterisse.

Duo vero circa tractatum illum controvertuntur, annus scilicet, quo eum Optatus composuit: & liber 7. quem nonnulli suppositum suspicantur.

Optatus libro 2. Romanorum Pontificum seriem referens, eam Siricio terminat: "Damaso, inquit, Siricius hodie (successit) qui noster est socius." Siricius autem super cathedram Petri sedere cœpit anno 385. Huic tamen epochæ multa repugnant. Augustinus enim, qui sub eodem Siricio factus est Episcopus, de Optato agens, non ut sui temporis hominis, sed antiquioris meminit, unde Optatus vix Damasi prima tempora attigisse putatur. Deinde hos ab Optato libros "sub Valentiniano & Valente principibus" scriptos esse testatur Hieronymus in catalogo. Valentinianus autem & Valens imperare cœperunt anno 364. & Valentinianus quidem Valente superflite obiit anno 375. Denique ipsemet Optatus lib. 1. & 3. ait se scribere anno circiter 60. post excitatam in Africa Diocletiani & Maximiani persecutionem: qua quidem sæviante traditio codicum facta est. "Nam," ferme, inquit lib. 1. ante annos 60. & quod excurrit * per totam Africam &c.

Diocletianus autem Nicomediz, & Maximianus Mediolani, uno eodemque die deposita purpura imperio se abdicarunt undecimo Kalendas martii, anno Christi 304. unde consequens esset Optatum scripsisse ad annum 364. Verum quia ille meminit Damasi Pontificis qui Liberio successit anno 367. inde fit ut Baronius existimet illum scripsisse ad annum circiter 368. Balduinus autem ad annum 370. uterque vero suspicetur e serie Romanorum Pontificum ab Optato relata expungendum esse nomen Siricii: hic enim Damasus primum successit anno 385.

Gravior ea est difficultas, quæ circa 7. librum versatur. Hunc enim non esse Optati quis suspicari posset: 1. quia Hieronymus non nisi sex libros ab eo scriptos asserit in catalogo 2. quia vel ipse Optatus libro 1. universum opus in sex duntaxat libros dividit, suum cuilibet argumentum assignans: 3. quia auctor hujus libri 7. scribit se in quarto libro manifestius explanasse verba hæc 1. Joannis epistolæ: Si dixerimus quoniam peccatum non habemus, nos ipsos decipimus, & veritas in nobis non est: quorum tamen Optatus in libro 4. ne quidem meminit. 4. Quia hic liber 7. in editione Germanica præteritus fuit, adeoque in manuscriptis deerat, quibus Cochlæus usus est. 5. Quia sub finem hujus libri 7. retractatur causa Macharii, & inepte repetuntur quæ ab Optato tractata fuerant libro 3. quo fit ut utraque Balduini, & quæ post ipsum secuta est editio, ea detraxerit & deleverit quasi temere repetita

* Quod excurrit, id est eo amplius, vel plus minusve: modus loquendi apud Africanos usitatus, quæ utitur Augustinus, lib. 7. de baptismo, c. 7.

petita & inepte addita : quamvis Balduinus fateatur se hæc reperisse in duobus manuscriptis Espensæi & Macerei, quibus usus est.

Balduinus tamen, Baronius, Bellarminus, & Albaspinæus hunc 7. librum pro genuino habent : eorumque opinio his argumentis firmari potest. 1. Quia hic liber extat in tribus manuscriptis exemplaribus, quibus Balduinus usus est. 2. Quia stilus idem est, qui in cæteris libris. 3. Quia res ipsæ, quæ in hoc septimo libro tractantur, conveniunt cum rebus aliorum sex librorum. 4. Quia conferenti nonnulla Scripturæ sacre loca, quæ & in hoc 7. libro & in aliis laudantur, apparebit auctorem hujus libri septimi eadem Scripturæ translatione, qua Optatus, usum esse. Optatus vero usus est translatione omnino sibi speciali, longeque alia, quam fuerit illa, qua vel Tertullianus vel Cyprianus vel Arnobius vel Augustinus in eadem Africa usi sunt.

Ad Hieronymi auctoritatem Bellarminus in *catalogo* respondet in librum S. Hieronymi irrepsisse errorem in numeris, & pro *sex* legendum esse *septem libros* : quæ quidem conjectura forte afferri posset, si de unico Hieronymi contextu ageretur. Sed quid respondendum ipsi Optato, qui universum opus non nisi in sex libros partitur, suum cuiuslibet argumentum proponens?

Ad 2. Balduinus conjicit hunc 7. librum *esse scriptum post editos sex superiores* : quo fit ut Optatus in operis sui partitione non meminerit hujus libri 7. Verum si Optatus hunc 7. librum sex superioribus jam editis adjecit, cur Hieronymus Optati opera recensens hunc 7. librum præterit? Illum igitur eodem tempore, quo sex priores, ab Optato compositum existimo; sed ab eodem Optato non fuisse a sexto distinctum, sed a quodam inferioris ætatis exscriptore, qui sextum librum in duos partitus est. Septimus enim totus est in una objectione solvenda, quæ huic divisioni occasionem præbere potuit. Eo modo facile satisficit duobus prioribus objectis.

Ad 3. respondeo mendum irrepsisse, & pro *quarto libro*, legendum esse *secundo libro*, in quo Optatus citatam Joannis sententiam exponit.

Ad 4. respondeo hunc septimum librum fuisse quidem præteritum in editione Germanica, sed extare in tribus codicibus, quibus Balduinus usus est.

Ad 5. respondeo, quod de causa Macharii temere hic repetitum, & inepte additum, atque assutum fuerat ad finem hujus libri 7. excerptum fuisse ex fine libri 3. quare a Balduino jure merito detractum & deletum fuisse; præsertim cum hæc additio, eaque futura in Tiliano codice desit.

Fragmentum vero, quod extat ad finem ejusdem libri 7. transpositum fuisse & pertinere ad finem libri 3. apparet tum ex causa Macharii, de qua Optatus in tertio libro disserit, & cujus tractatum in hoc

fragmento prosequitur, tum ex eo quod testetur se, " paulo ante me-
 " morasse (exemplum Phinees) qui ab ipso Deo pro homicidio lau-
 " dari meruit. " Homicidii vero, propter quod Phinees a Deo lauda-
 " tus est, mentionem facit libro tertio & non alibi.

His præmissis videamus quid ex his Optati libris ad institutum no-
 strum colligi possit.

Primus locus habetur *lib. 2. ultra medium*, ubi Optatus duo miracu-
 la refert, quorum alterum eucharistiam respicit, alterum chrisma, quo
 neophyti confirmantur. Donatistæ enim, ut qui nullum in ecclesia ca-
 tholica sacramentum valere contenderent, eucharistiam a catholicis con-
 secratam dabant canibus, & chrisma ab illis benedictum effundebant.
 Deus autem utriusque sanctitatem duobus miraculis, quæ ob Optato
 his verbis referuntur, testatus est. " Ut omnia, inquit, sacrosancta su-
 " pra memorati vestri episcopi violarent, jussert eucharistiam can-
 " bus fundi : non sine signo divini judicii. Nam iidem canes accensi
 " rabie, ipsos dominos suos, quasi latrones, sancti corporis reos, den-
 " te vindice, tanquam ignotos, & inimicos laniaverunt. Ampullam
 " quoque chrismatis per fenestram, ut frangerent, jactaverunt. Et cum
 " casum adjuvaret abjectio, non defuit manus angelica, quæ ampullam
 " spiritali subvectione deduceret : projecta casum sentire non potuit :
 " Deo muniente, illæsa inter saxa confedit. " Quid, quæso, adverfa-
 riî divino testimonio respondebunt?

Secundus locus habetur *sub finem libri quarti*, ubi Optatus hæc psal-
 mi 40. verba, *Oleum peccatoris non unget caput meum*, de Christo in-
 telligit, qui " Patrem deprecatus est, ut non ungeretur ab homine,
 " sed ab ipso Deo Patre. " Cum enim homo sit peccator, non de-
 buit Christus ungi ab homine, sed a Deo, juxta illud psalmi 44. *Un-*
get te Dominus Deus tuus oleo exultationis aliter a consortibus tuis. "
 " Consortes (Christi) fuerant Judæorum sacerdotes & reges, quos sin-
 " gulos unctos ab hominibus constat. Sed Filius a Patre, Deus a Deo
 " erat ungendus. " Filii vero petitionem complevit Pater in Jordane,
 quando super ipsum a Joanne baptizatum audita est vox Patris æterni,
 & Spiritus sanctus super ipsum descendit. Ubi notat Christum prius a
 Joanne baptizatum fuisse, quam coelis apertis ungeretur a Patre, audi-
 retur vox Dei Patris, & Spiritus sanctus descenderet : quia jam tum
 ordinabantur, quæ deinde in baptismate complenda erant ; prius enim
 baptizatur catechumenus, deinde ungitur & manus impositionem acci-
 pit, denique Spiritus sanctus super ipsum descendit. Is est sensus ho-
 rum verborum Optati. " Quia nemo non est peccator, nisi solus Deus ;
 " ideo Filius ejus timuit oleum hominis, quia sædum erat, ut Deus
 " ab homine ungeretur. Ideo deprecatur Patrem, ut non ungatur ab homi-
 " ne, sed ab ipso Deo Patre . . . Quod Filius petiit, complevit Pater in Jor-
 " dane. Quo cum venisset Filius Dei, . . . descendit in aquam, non quia
 " erat quod in Deo mundaretur, sed venturum oleum aqua debuit an-
 " tece-

„ recedere ad mysteria initianda & ordinanda & implenda baptismatis :
 „ lotus cum in Joannis manibus haberetur, secutus est ordo mysterii ,
 „ & complevit Pater, quod rogaverat Filius, & quod nuntiaverat Spi-
 „ ritus sanctus : apertum est cœlum Deo Patre ungente ; spirituale o-
 „ leum statim in imagine columbæ descendit, & insedit capiti ejus ,
 „ & perfudit eum, unde cœpit dici Christus, quando unctus est a Deo
 „ Patre : cui ne manus impositio defuisse videretur, vox audita est Dei
 „ de nube dicentis, *hic est Filius meus* &c.

DALLÆUS *lib. 2. cap. 21.* concedit antiquitatem Confirmationis ex hoc loco inferri, sed contendit chrismationem & manus impositionem ex mente Optati fuisse partes & ritus baptismi, quia utramque Optatus recenset inter ea, quæ a Domino in baptismo suo initiata, ordinata, & impleta sunt. Initiata vero, ordinata, & impleta tunc a Domino fuisse Optatus ait mysteria futuri baptismatis, quod ipse institurus erat.

REFELLITUR. Si quidem cum Optatus unctionem & manus impositionem ad mysteria baptismatis refert, per has voces, *mysteria baptismatis*, non significat unctionem & manus impositionem ad baptismum pertinere tanquam partes & ritus illius : sed, vel considerat baptismum secundum morem, quo tunc temporis administrari solebat, scilicet conjunctum cum Confirmatione, ita ut baptismatis mysteria censeantur non solum ea quæ sunt de ratione intrinseca baptismi, sed etiam illa quæ una cum baptismo solebant conferri : vel sub eo nomine Confirmationem involvit, quia Confirmatio est complementum & perfectio baptismatis, quod Optatus significare voluit vocibus istis, *ad mysteria implenda baptismatis*. Sane Optatus *libro 7.* attribuit unctioni esse collativam gratiæ sanctificantis, quod proprium est sacramenti, non autem convenit puro ritui ac cæremoniæ ab hominibus excogitatæ : deinde *in eodem libro 7.* Optatus aperte loquitur de unctione tanquam de sacramento distincto a baptismo : *rebaptizastis*, inquit, *iterum unxistis*. Hæc clariora fient ex discussione libri 7.

Tertius locus habetur sub finem libri 7. ubi Optatus exponens hæc verba Salomonis, *Musca moritura exterminant olei suavitatem* : quæ quidem Donatistæ catholicis exprobrabant, quasi olei seu chrismatis confirmatorii suavitatem corrumpere : illudque opprobrium in ipsos retorquens, quatuor præstat. Primum quidem explicat, quid *olei* nomine intelligatur. 2. Quid sit hæc olei suavitas, quomodo conficiatur, qualis sit ejus virtus & efficacia. 3. Ostendit hanc olei sacri suavitatem a catholicis corrumpi non posse. 4. Probat illam ab ipsis Donatistis corrumpi. Textum, quia prolixior est, omittemus : incipit ab his verbis : “ Aliquid ex vobis volentes nos populis &c. & desinit his verbis : “ Nec in futuro seculo.

Circa primum, ait *olei* nomine intelligi hunc sacrum liquorem, qui ex nomine Christi conditur, & ita conditus vocatur *chrisma*. “ Oleum, *Wisse de Confirmatione*. H 3 „ in-

„ inquit, nominant, illum scilicet liquorem, qui ex nomine Christi conditur: quod *chrisma*, postquam conditum est, nominatur.

Circa secundum, ait olei suavitatem confici virtute nominis Christi, eamque ex condimento nominis Christi cum oleo effluere. „ Oleum, „ inquit, suave est, dum de nomine Christi conditur: . . . suavitas „ de consecratione . . . Si apud vos, (o Donatistæ) putatis esse consecrationem, (hoc est consecrationem) quæ det oleo suavitatem: est „ apud vos oleum & suavitas, . . . oleum antequam a nobis consecratur, (hoc est consecratur) tale est, quale natum est: consecrum „ suavitatem ex nomine Christi accipere potest. „ Deinde asserit eam esse hujus suavitatis olei virtutem, ut „ cutem conscientie molliat, ex „ clusa duritia peccatorum: animam innovet lenem sedem Spiritui sancto „ pareat, ut invitatus illic, asperitate fugata, libenter inhabitare dignetur; condit mores; & incendat lumen mentis ad salutarem & veram intelligentiam. „ Exponit ille, ut apparet, olei sacri spiritalem virtutem comparate ad effecta olei usualis; ita ut oleum sacrum eisdem in anima, quos oleum usuale in corpore effectus præstet.

Circa tertium, ostendit hanc olei sacri suavitatem a catholicis corrumpi seu profanari non posse. Oleum enim vel a Donatistis vel a catholicis consecratum est. Catholici vero non corrumpunt suavitatem olei a Donatistis consecrati; quia unctionem ab illis factam non iterant: neque corrumpere possunt suavitatem olei a seipsis consecrati: omnis enim corruptio consecrationem, & profanatio consecrationem supponit. Sed Donatistæ docent oleum sacrum non posse confici a catholicis. Doceant igitur necesse est illud non posse a catholicis corrumpi.

Circa quartum, probat suavitatem olei a catholicis consecrati, corrumpi a Donatistis; quia Donatistæ catholicos ad se transeuntes iterum baptizant, & iterum ungunt. „ Vos, inquit, exterminastis in re „ baptismatione suavitatem olei illius, quod in nomine Christi consecratum est . . . Vos exterminastis rem, ubi oleum fuit & suavitas: . . . seduxistis homines; rebaptizastis, iterum unxistis: prohi dolor! . . . exterminastis quod fuerat de nomine Christi consecratum. „ Denique subjicit hanc olei corruptionem seu profanationem „ esse peccatum, „ quod non habet indulgentiam, quia peccatum est in Spiritum sanctum, quod non remittetur, nec hic, nec in futuro seculo.

Ex his colliges, 1. quod oleum consecraretur, & consecratum diceretur *chrisma*. 2. Quod conficeretur in nomine Christi, & ex nomine Christi cum oleo conditum esset. 3. Quod *chrisma* sic consecratum virtutem haberet emolliendi duritiem conscientie, animam innovandi; condiendi mores, incendiendi lumen mentis, parandi sedem Spiritui sancto, & efficiendi ut idem Spiritus in nobis libenter inhabitet. 4. Quod hujus *chrisma* unctionis baptisum jam completum præsupponeret, rebaptizastis iterum unxistis. 5. Quod nefas esset hanc unctionem, sicut

sicut & baptismum iterari. 6. Quod hæc iteratio crimen esset adeo grave, ut peccatum esset in Spiritum sanctum.

OBJICIT Antonius de Dominis *lib. 5. cap. 5. num. 17.* Optatus retorquet in Donatistas id, quod ipsi catholicis opponebant, eos scilicet esse muscas morituras, quæ corrumpunt unguenti suavitatem: idque probat, quia Donatistæ catholicos ad se venientes rebaptizant, & in ea rebaptizatione olei suavitatem exterminant. Cum igitur ait *rebaptizastis, & iterum unxistis*, putat unctionem illam esse partem baptismi; alioquin sufficeret Donatistis objicere, quod unctionem iterarent: frustra que adderetur, quod rebaptizarent. Quomodo enim Donatistæ unguenti suavitatem poterant in rebaptizatione corrumpere, si unguentum illud ad baptismum nihil attineat.

RESPONDEO, Optatum ostendere Donatistas corrumpere unguenti suavitatem, quia chrismatis unctionem repetebant in iis, qui ab ecclesia recedebant: meminit vero rebaptizationis, aitque quod in rebaptizatione olei suavitatem exterminarent, quia continenter ungebant quos rebaptizabant, non autem quod hæc unctio pars esset baptismi.

OBJICIT 1. Dallæus *lib. 2. cap. 21.* Optatum, more Patrum solemniter, id signis tribuere, quod illa non quidem operantur, sed tamen significant, dum ait chrisma animum lenem efficere, asperitatem fugare &c. Hæc enim ipsius baptismi vere effecta sunt. Quæ vero baptismus simul ac semel efficit, eorum ordinem ac dispositionem ordo rituum, quibus illa effecta adumbrantur & significantur, ostendit: nimirum 1. peccata dilui; tum hujus gratiæ dono animum lævigari ac leniri: denique cœlestia Spiritus chrismata accipi.

RESPONDEO Patres docere signa speculativa significare & non operari; signis vero practicis tribuere quod significant & simul operentur. Atqui unctio & manus impositio sunt signa practica Optato; quia de illis eodem modo loquitur, quo de aqua baptismali, cui delictorum emundationem attribuit, quam significat & facit.

Dallæus subjungit baptismi effectum esse, animum innovare lenem, & dare charismata cœlestia. Sed probare deberet, ita visum fuisse Optato. Putavit enim Optatus, quod & Tertullianus alique nonnulli cum eo sensisse videntur, baptismum quidem remittere peccata, sed Confirmationem lævigare animam, eique charismata tribuere.

Permiso tamen, non concessio, quod Optatus voluerit gratias & charismata *supra* memorata conferri per lavacrum: Respondeo alias per lavacrum & alias per Confirmationem gratias administrari.

Jam vero quod id Optatus adstruxit, animam lævigari & leniri per unctionem, Spiritum vero sanctum descendere in animam lenem per manus impositionem; si quis in ea sit sententia, quæ docet solam manuum impositionem Confirmationi essentialem esse: dicendum est unctionem lævigare & lenem animam reddere dispositivè seu præparatoriè. Si quis vero existimet unctionem perinde ac manus impositionem

Confirmationi essentialem esse, respondendum est utriusque eundem effectum esse, ita tamen ut aliquid unctioni, & aliquid manus impositioni tribuatur per quamdam appropriationem: quemadmodum sancti Patres immersioni baptismali attribuunt, quod baptizatus peccato moriatur: emersioni vero, quod in vitæ novitatem resurgat.

OBJICIT 1. chrismationem, quam alii Patres, vel ad mysticum sacerdotium, regnumque, ut Tertullianus; vel ad eorum, quæ in baptismo facta sunt, confirmationem, ut auctor constitutionum apostolicarum; vel ad sepulturæ dominicæ recordationem, ut auctor questionum orthodoxarum apud Justinum referunt: Optatus eo vult pertinere, ut animum lenem efficiat. Hæc vero tam multiplex interpretationis varietas clamat unctionem illam non divini, sed humani esse instituti.

RESPONDEO 1. argumentum nullum esse apud eos, quibus unctio nihil attinet ad Confirmationis essentialiam. 2. Unius ejusdemque rei a Christo institutæ plures rationes mysticæ reddi possunt, quemadmodum apparet de calice eucharistico, de aqua baptismali & aliis.

§. 3. Concilium II. Œcumenicum.

Concilium Constantinopolitanum, quod sedente Damaso, & imperante Theodosio magno celebratum est anno 381. omnes hæreticos extra ecclesiam baptizatos, (nec enim loquitur de iis qui in ecclesia baptizati, a fide recesserunt) *canone 7.* in duo genera dividit. Primum eorum est, qui baptismum extra ecclesiam valide susceperunt, nempe Arianorum, Macedonianorum, Sabbatianorum, Novatianorum, Quærtodecimanorum, & Apollinaristarum, quos sic ex antiqua consuetudine recipiendos docet, "dantes quidem libellos, & omnem hæresim anathematizantes, quæ non sentit ut sancta Dei catholica & apostolica ecclesia: & signatos sive unctos primum sancto chrismate, & frontem, & oculos, & nares, & os, & aures: & eos signantes dicimus, Signaculum doni Spiritus sancti " Akerum genus eorum est, quorum baptismus ab ecclesia judicatur invalidus videlicet Eunomianorum, Montanistarum, & Sabellianorum, quos ideo ad ecclesiam redeuntes jubet per baptismum recipi, periade ac si græci sen gentiles essent.

In priori autem reconciliatione sermonem esse de vero Confirmationis sacramento docet Iacobus Goar *in notis ad officium sancti baptismatis num. 31. pag. 368.* " Græcos, inquit, necesse est asserere verum, & perfectum Confirmationis sacramentum, chrismatis unctione velut materia proxima, & verborum *σφραγὶς δωρεᾶς πνεύματος ἁγίου* forma constans, penes se semper habuisse: ita concilium Constantinopolitanum II. & Trullanum superius citata, quæ si veram Confirmationis formam non protulerint, nulla jam in oriente superest Confirmatio, nullum illius fundamentum, nulla de illo fides. "

Hæc-

Hactenus Goarius: cui Joannes Morinus consentit *lib. 9. de penitentia, cap. 9. num. 6. & 7.* "Animadvertet lector, inquit, in priore reconciliatione purum putum adhiberi Confirmationis, ut in oriente ad ministrari solet sacramentum, non modo materialiter, ut ajunt, sed etiam formaliter. Nec enim alia materia Græci utuntur, aut unquam usi sunt, quam τὸ μύρον, hoc est unguento ex oleo, balsamo, aliisque pluribus odoribus composito, & variis orationibus consecrato: aut alia verborum formula, quam ista, σφραγὶς δωρεᾶς πνεύματος ἁγίου. Ungere etiam semper soliti sunt (cum hoc sacramentum administrent) eadem corporis partes, quas hic numerari legis. Deinde huic cæremoniz eandem vim tribuunt ad reconciliandos Deo & ecclesie hæreticos quorum ratus est baptismus, quam baptismo ad catechumenos Deo conciliandos, & ecclesie incorporandos. Denique si hæc cæremonia non sit efficax, sed nudus ac simplex ritus, mira sane res est, & stupenda, quod in negotio tanti momenti, de quo in ecclesia tamdiu altercatum est, unius cæremoniæ tantum mentionem faciant, efficacia vero & salutaris medicinæ nusquam. His adde, quod Græcorum ritualia antiquissima, antiqua, & recentia, quæ sigillatim sacerdotes, & pontifices docent qua ratione sacramenta & divina officia celebrare debeant, nihil aliud ad illos hæreticos reconciliandos præscribant. Hunc igitur ritum admittendi hæreticos, eosque purgandi, & sanctificandi, maximi momenti fuisse plane necessarium est, non autem simplicem, & inefficacem cæremoniam.

CONFIRMATUR 1. Sacramentum nihil aliud est, quam materia, & forma sacramentalis. Ergo præscribitur ibi Græcorum Confirmatio, ubi præscribitur eadem materia, eademque verborum formula, quam Græci in Confirmatione adhibere solent. Sed Patres Constantinopolitani eandem materiam, & formam nonnullis hæreticis in prioris parte canonis præscribunt, quam Græci recens baptizatis in Confirmatione conferunt, quemadmodum apparebit citata canonis 7. verba conferenti cum modo Confirmationis administrandæ in rituali Græcorum præscripto, *cap. de officio sancti baptismatis, editionis Goarii, pag. 556.* ubi modus ita præscribitur. "Et oratione hac terminata, (per quam scilicet baptizatus unicum albam indutus est) baptizatum sancto unguento ungit, crucis signum faciens in fronte, & in oculis, & in naribus, & in utraque aure, & in pedibus; dicens, Signaculum doni Spiritus sancti. Amen.

CONFIRMATUR 2. Patres hoc canone sanciunt, ut Arianæ, Macedoniani, Sabelliani, Novatiani &c. per eandem frontis unctionem admittantur. Sed unctio, per quam admittebantur Novatiani, erat confirmatoria ex Theodoro *lib. 3. de hæres. fabul.* "Novatiani, inquit, iis, qui ab ipsis inunguntur sacrum chrisma præbent: quocirca eos etiam qui ex hac hæresi corpori ecclesie conjugantur, benedicti Pa-

„ tres ungi iusserunt. “ Quibus verbis Theodoretus ad canonem illum, de quo nunc agimus, alludit.

CONFIRMATUR 3. Canon ille septimus secundæ synodi in synodo Quinifexta, seu Trullana *can. 95.* repetitus & confirmatus est; nihilque in eo, quod ad præfatos hæreticos attinet, adjectum, imminutum, aut explicatum. Sed in confesso est apud Græcos, ritum illum suscipiendi hæreticos, qui *can. 95.* Trullano præscribitur, unctionem esse confirmatoriam: quemadmodum apparet *ex libro 5. juris Orientalis*, ubi Marcus, patriarcha Alexandrinus, multa sciscitatur Balsamonem patriarcham Antiochenum: interrogatio vero vigesima nona est, qua ratione Nestoriani, Jacobitæ, & alii hæretici recipi debeant? quid autem Marco respondet Balsamon? Nihil aliud illi, quam canonem 95. in Trullo proponit, quem ideo prope integrum repetit; ac tandem responsum suum his verbis concludit: “ Itaque juxta canonis hujus tenorem alii quidem hæretici lavacro sanctificantur, alii autem sacro unguento consecrantur.

CONFIRMATUR 4. ex formula recipiendi hæreticos, quæ in rituali Græcorum refertur, *editionis Goarvii pag. 883.* & apud Morinum *de penitentia lib. 9. cap. 9. num. 13.* Hæc enim eorumdem hæreticorum mentionem facit, quorum canon septimus; eundem modum ipsos recipiendi præserbit, quem canon septimus, & iisdem verbis incipit, quibus canon septimus “ Arianos quidem & Macedonianos, & Sabbatianos & Novatianos, qui se ipsos PUROS dicunt, & Quartodecimanos sive Tetraditas & Appollinaristas recipimus, dantes libellos, & anathematizantes suam, omnemque aliam hæresim non sentientem ea quæ sentit sancta catholica & apostolica Dei ecclesia: qui postea signantur sive unguuntur sancto unguento. “ Quæ sunt ipsissima verba canonis 7. unctio igitur eadem utrobique præscribitur. Sed formula aperte innuit hanc unctionem esse sacramentalem & confirmatoriam: ait enim eam esse *sigillum divini unguenti, adventum Spiritus sancti, & sigillum sancti mysterii*: illam ait esse per quam quis redditur perfectus servus Christi, hoc est perfectus christianus: addit eandem unctionem esse, qua neophyti unguuntur; eandemque verborum formam, quæ super neophytos pronuntiatur: “ Post hæc, inquit, ungit eum unguento sicut neophytos, eandem super ipsum formulam pronuntians. Denique quemadmodum neophytus, sic hæreticus ita unctus, participatione venerandi corporis, & sanguinis Christi reficitur, & mandatum accipit septem diebus carnem non comedere, neque vultum lavare, sed sicut baptizati solent, ita omnino se gerere septem illis diebus.

Cæterum hæc formula recipiendi hæreticos antiquissima est, eaque legitur & in antiqua collectione regia, quam Petrus de Marca ante annos octingentos consarcinatam asserit in *notis ad can. 28. Claramont.* (scribebat hæc ad annum 1643.) & in antiquissimo Euchologio Bar-
serino

berino Sancti Marci , quod Leo Allatius ante octingentos annos exaratum , & Joannes Morinus “ annorum octingentorum canitie venerandum esse asserit *lib. 9. de penitent. cap. 1. numer. 9.* atque adeo exaratum fuit ad annum 850. Opus enim *de penit.* Morinus edidit anno 1651. Hæc tamen formula longe antiquior videtur Euchologio Barberino : recentiores enim hæretici , quorum illa meminit , sunt Eutychiani , qui in Concilio Chalcedonenſi damnati fuerunt anno 451.

§. 6. S. Pacianus.

Pacianus , Barcinonenſis epiſcopus , cujus filio Dextro S. Hieronymus ſuum *de ſcriptoribus Eccleſiaſticis* catalogum inſcripſit , vixit ſæculo quarto , & eodem ultima ſenectute conſectus obiit , imperante Theodoſio magno . Scripſit ille ad Sympronianum Novatianum epiſtolas tres contra Novatianos . Sub ſinem vero primæ epiſtolæ probat in eccleſia ſupereſſe poteſtatem remittendi peccata , quia Chriſtus dixit Apoſtoliſ Matth. cap. 16. *Quæ ligaveritis in terris , ligata erunt in cælis* &c. Novatianis vero reſpondentibus hæc diſta fuiſſe ſolis apoſtoliſ , ideoque hanc poteſtatem ſolis apoſtoliſ conceſſam fuiſſe , & in eis deſuiſſe , probat ille hanc conſequentiam nullam eſſe ; alioquin pari modo concludi poſſet , quod ſolis apoſtoliſ liceret baptizare , & dare Spiritum ſanctum ; quia totum hoc non aliis quam apoſtoliſ imperatum eſt . “ An tantum ligare ac ſolvere ſolis apoſtoliſ licet ? Ergo & „ baptizare ſolis licet , & Spiritum ſanctum dare ſolis , & ſolis gentium peccata purgare ; quia totum hoc non aliis , quam Apoſtoliſ imperatum eſt . “ Quod ſi lavacri & chriſmatis poteſtas , licet ſolis Apoſtoliſ conceſſa , per eos tamen deſcendit ad epiſcopos ; quanto magis ligandi & ſolvendi poteſtas ; quia poſſe baptizare , & chriſmate ungere , poteſtas eſt majorum chariſmatum , quam poſſe ligare , & ſolvere . “ Si ergo , inquit , & lavacri & chriſmatis poteſtas , majorum longe chariſmatum ; ad epiſcopos inde deſcendit : & ligandi „ quoque jus adſuit ; atque ſolvendi . “ Unde colligit baptizandi „ chriſmandi , & peccata remittendi poteſtatem non fuiſſe ab hominibus indultam Epiſcopiſ , neque ab Epiſcopiſ uſurpatam , ſed Apoſtoliſ a Chriſto conceſſam , & per Apoſtolos deſluxiſſe ad Epiſcopos . “ Ergo , inquit , nec chriſma , nec baptiſma , nec criminum remiſſio „ ſanctæ poteſtati ejus (ſcilicet epiſcopi) indulta eſt ; quia nihil „ propria uſurpatione mandatum eſt , totumque id ex Apoſtoliſ jure „ deſluxit . “ Pacianus igitur ungendi ſive chriſmandi poteſtatem in Epiſcopo agnoſcit : eam diſtinguit a poteſtate baptizandi : ei concedit virtutem dandi Spiritum ſanctum : eam æquiparat utrique facultati baptizandi , & peccata remittendi ; eam aſſerit a Chriſto inſtitutam , a Chriſto conceſſam Apoſtoliſ , & per eos ad Epiſcopos deſluxiſſe .

Un-

Unctionem quoque sacramentalem & manus impositionem paucis indicat *epistola* 2. post medium, ubi Sympronianum qui simulabat velle se erudiri, seque paratum esse ad schisma deferendum, modo suis dubiis satisfaceret, sic alloquitur: " Utinam esset, quod doceri velle te " dicis; jam ipsa tibi manibus sancti Spiritus unguenta suggere- " rem. " Symproniano igitur, modo sincere vellet erudiri Pacianus promittebat se manus impositionem, sanctique Spiritus unctionem collaturum. Novatiani quippe baptizatis Confirmationem non adhibebant.

Ejusdem Confirmationis meminit *epistola* 3. post initium, ubi eundem Sympronianum ita alloquitur: " Expectemus quid objicias, quid " loquaris. Proponis Ecclesiam esse populum ex aqua & Spiritu sancto renovatum, " id est renatum, regeneratum, & vitali regeneratione vivificatum: ita Sympronianus objiciebat: cui Pacianus: Recte quidem: " sed vestre plebi, unde Spiritus, quam non consignat un- " ctus sacerdos? (Novatiani quippe Confirmationis signaculum non " conferebant:) Unde aqua (nimirum salutaris, vitalis & vivificatrix) quæ a matrice (hoc est ab Ecclesia, quam apostoli fundaverunt) discessit? Unde innovatio, quæ cunabula pronubæ pacis amittit. " Novatiani enim statim ab initio pacem violarunt, seseque a reliquis fidelibus schismate superaverunt.

Denique in sermone *de baptismo* ad fideles & catechumenos, ultra medium, postquam dixit Christum nuptias cum Ecclesia iniisse: ei copulatum fuisse, dum humanitati in utero virginis conjunctum est: & ex his nuptiis nasci christianos, quorum conceptionem & nativitatem ibi describit, asserens novum hominem " Christo parente in alvo matris Ecclesiæ concipi: Christi semen esse Dei Spiritum, quo adveniente desuper, nostrarumque animarum substantiæ superfuso & admixto, visceribus matris inolescimus: fontem esse partum, & partu fontis, manibus sacerdotis, obstetricis vice fungentis, christianum effundi, fide tamen in omnibus pronuba subjicit: Hæc autem compleri alias nequeunt, nisi lavacri & chrismatis & antistitis sacramento; lavacro enim peccata purgantur: chrismate sanctus Spiritus superfunditur: utraque vero illa, manu & ore antistitis impetramus; atque ita totus homo renascitur & innovatur in Christo, ut sicut Christus resurrexit a mortuis, sic & nos in novitate vitæ ambulemus, id est, ut depositis vitæ veteris erroribus, novos per Spiritum mores sequamur in Christo, fidem, pudicitiam, innocentiam, castitatem. " En chrismatis unctionem, per quam Spiritus sanctus superfunditur, manu antistitis adhibita.

Solvuntur objectiones Daliei.

Dallæus nihil habet quod adversus primum & secundum locum obijciat, sed multa proponit adversus postremum *lib. 2. cap. 21.* quibus ille Pacianum suum esse contendit. Antequam vero ejus objecta diluamus, specialem Paciani mentem circa Confirmationem præmittamus necesse est: nec enim ille in explicando hujusce sacramenti effectu idem sentire mihi videtur, quod cæteri Patres; quin etiam Patres ipsi inter se non consentiunt.

Patres igitur ad tres classes revocari possunt. Alii putant in baptismo non solum peccata remitti, sed etiam conferri Spiritum sanctum, ita tamen ut major Spiritus sancti plenitudo in Confirmatione conferatur: ita sanctus Hieronymus in *dialogo adv. Lucifer. cap. 3. & 4.* auctor anonymus Cypriano æqualis vel suppar in tractatu *de baptismo*, & alii, qui existimant peccatorum remissionem fieri non posse sine infusione Spiritus sancti. Alii vero sentiunt peccata quidem in baptismo remitti, non tamen conferri Spiritum sanctum, sed ablutione delictorum in baptismo concessa viam præparari ad Spiritum sanctum in Confirmatione recipiendum; ita tamen, ut baptizatus dicatur ex aqua & Spiritu sancto regeneratus, licet personam Spiritus sancti nondum in Confirmatione sulceperit: ita Irenæus, de quo *pag. 76.* Tertullianus, de quo *pag. 126.* Alii denique volunt 1. in baptismo peccata quidem dimitti, non tamen dari Spiritum sanctum. 2. Spiritum sanctum non nisi in Confirmatione conferri. 3. Eum, qui baptizatus est, non esse regeneratum, donec in Confirmatione Spiritum sanctum acceperit: tum quia Christus dixit, *nisi quis renatus fuerit ex aqua & Spiritu sancto*; regeneratio igitur non solum aquam, sed etiam Spiritum sanctum includit: tum quia qui regeneratus est, vivit vitam divinam; Spiritus vero sanctus christianum vivificat: ita Pacianus, & ante ipsum forte Optatus post ipsum vero forsitan Chrysostomus, Isidorus Hispalensis, & Rabanus Maurus. Apparet enim *ex primo, secundo, tertio & quarto textu*, Pacianum Spiritum ab aqua, chrisma a lavacro, & Confirmationem a baptismo distinguere. 2. *Ex iisdem quatuor textibus* apparet Pacianum lavacro tribuere purgationem peccatorum, chrismati vero infusionem Spiritus sancti. 3. Docet in sermone ad fideles & catechumenos, eum non esse regeneratum, qui non accepit Spiritum sanctum. „ Neque enim, inquit, genitus a Christo videbitur, qui Spiritum ipsum se non recepit. „ Et post nonnulla ait hanc regenerationem „ com- „ pleri non posse, nisi lavacri & chrismatis & antistitis sacramento; „ lavacro enim &c. „ 4. Apparet *ex tertio textu citato* ibi non esse Spiritum sanctum, ex quo regeneratur homo, ubi non est signaculum Confirmationis, quod Spiritum illum adducat. Eandem ante Pacianum opinionem amplexus fuerat, sive Cyprianus, sive quicumque alius fuerit,

rit, adversus quem auctor anonymus, de quo *supra*, pag. 85 tractatum suum de *baptismo* composuit; hanc eam adversario suo doctrinam impingit. Denique hanc Cypriani mentem fuisse existimat Petrus Aurelius in *orthodoxo* adversus Jacobum Sirmundum. Recole quæ dicta sunt pag. 77. & seq.

Cæterum hæc Paciani doctrina Dallæo minime suffragatur. Dallæus enim asserit chrismationem esse baptismi partem & ceremoniam: Pacianus vero chrisma a lavacro seu baptismo distinguit 1. 2. 3. & 4. *textu*. Dallæus ait hanc chrismationem esse ritum humanum: Pacianus autem illam a Christo institutam docet in *primo textu*. Dallæus ait illam esse ritum simplicem: Pacianus contra illam baptismo & poenitentiae sacramento æquiparat in *primo* & *quarto textu*; quin etiam docet illam poenitentiae sacramento majorem esse, in *primo textu*. Denique Dallæus ait illam esse ritum inefficacem; sed Pacianus ei ascribit effusionem Spiritus sancti ex 1. & 4. *textu*.

Jam veniamus ad objecta Dallæi, eaque paucis referamus.

OBJICIT 1. Paciani sermo inscribitur de *baptismo*. Quæcumque igitur in eo differit, pertinent ad baptismum vel tanquam partes, vel tanquam ritus illius.

RESPONDEO 1. incertum esse, an titulus ille a Paciano, vel ab amanuensi, vel etiam a typographo præfixus fuerit. 2. Negatur contentia; sufficit enim ad hunc titulum, ut in eo sermone præcipue agatur de baptismo & de iis quæ ad baptismum attinent. Recole quæ dicta sunt *pagin. 56. & seq. object. 9.* ubi de libro Tertulliani de *baptismo*.

OBJICIT 1. Pacianus in ipso limine sic præfatur; "Aperire desidero qualiter in baptismo nascamur, & qualiter innovemur." At chrisma inter cætera censet, quibus nascimur & innovamur, quemadmodum apparet ex *ultimo textu relato*. Igitur chrisma pertinet ad baptismum.

RESPONDERI 1. posset Pacianum hic usurpare baptismum, non quidem secundum se, sed secundum morem, quo tunc temporis administrari solebat, scilicet conjunctim cum Confirmatione. Responderi 2. posset nativitate alio sensu propriam esse baptismi, & alio sensu Confirmationis. Baptismo renascimur, sed Confirmatione plenitudinem naturæ & regenerationis consequimur; quia in Confirmatione conceditur plenitudo Spiritus sancti, per quem vivificamur. Idem dici debet de innovatione seu novitate vitæ. Baptismo innovamur, sed Confirmatione plenitudinem innovationis consequimur. Hinc S. Thomas, quem certe nemo negaverit Confirmationis sacramentum a baptismo distinxisse, in *cap. 6. epist. ad Hebr.* ad hæc verba *impositionis quoque manuum*, ait manus impositionem, quæ in Confirmatione adhibetur, fieri ad renovationem, juxta illud Pauli ad Titum *cap. 3. v. 5. Salvos nos fecit per lavacrum regenerationis & renovationis Spiritus sancti.* Vita
igi-

igitur inchoata per baptismum, sed vita perfecta per Confirmationem conceditur. 3. Respondetur ex mente Paciani, christianum non renasci, regenerari, & innovari per aquam solam & seorsim a sacramento Confirmationis; sed per utrumque simul sacramentum, ex dictis *supra*.

INSTABIS. Ex omnium Patrum & theologorum consensu renascimur & regeneramur per solum baptismum. Sed ex Paciano renascimur & regeneramur per chrisma. Ergo chrisma est pars baptismi.

RESPONDEO 1. antecedens esse falsum. Regenerari enim idem est ac renovari, juxta illud Pauli ad Hebræos cap. 6. *Impossibile est eos, qui semel sunt illuminati, . . . & prolapsi sunt, rursus renovari ad penitentiam*. Sed ex S. Thoma, renovatio non solum baptismati, sed etiam Confirmationi convenit.

RESPONDEO 2. hic agi de Paciano, qui specialem hac in re opinionem habuit, quique manifeste distinguit chrisma a baptisinate; aperteque docet christianum renasci, regenerari, & innovari per utrumque simul baptismi & chrismatis sacramentum. Neque Pacianus modo, sed & alii nonnulli veteres existimaverunt hisce verbis Christi, *nisi quis renatus fuerit ex aqua & spiritu sancto &c.* utrumque lavacri & chrismatis sacramentum comprehendere: quam quidem opinionem Cypriani fuisse asserit Petrus Aurelius in *orthodoxo* adversus Sirmundum: & quam Chrysostomi fuisse apparebit ex dicendis *infra*.

URGEBIS. Inde sequeretur ex mente Paciani Confirmationem esse necessariam necessitate medii: non enim cælum ingreditur, nisi qui renatus fuerit, juxta illud Christi; *Nisi quis renatus fuerit ex aqua & Spiritu sancto, non potest introire in regnum Dei*. Regeneratio igitur necessaria est necessitate medii. Sed ex mente Paciani regeneramur per utrumque lavacri & chrismatis sacramentum. Utrumque igitur necessarium erit necessitate medii.

RESPONDEO hoc esse incommodum, quod auctor anonymus, Cypriano æqualis, ex illa, quam ipse impugnat, sententia deducit. Hæc sane ratiocinatio evincit falsam esse Paciani opinionem: verum ea non probat Pacianum aliter opinatum esse. De mente Paciani agitur hic, non autem de incommodis, quæ ex ejus opinione inferri possunt.

OBJICIT 3. Pacianus ad describendum totius istius ex lavacro & chrismate mysterii effectum, asserit hæc Pauli verba ad Rom. 6. v. 4. *Ut quomodo Christus surrexit a mortuis, . . . ita & nos in novitate vitæ ambulemus*. Sed Paulus his verbis nullius alterius sacramenti, præterquam unius baptismi, vim & effectum expressit. Fatendum igitur est Pacianum vel Paulinis verbis abuti, vel certe existimasse chrismationem, ad quam illa verba partim accommodat, baptismi partem aliquam esse.

RESPONDEO Pacianum verbis Pauli non abuti. 1. Quia Paulus aperte

te

te quidem asserit christianum mori peccato & a peccatis purgari per baptismum, sed resurrectionem ejus spiritualem seu vitæ novitatem non adeo aperte tribuit baptismum. Nempe mori peccato, tribuit mortem Christi; purgari a peccatis, tribuit ejus sepulturæ; & vitæ novitatem tribuit ejus resurrectioni. Nos vero in Christi morte ait quidem esse baptizatos, & per baptismum cum illo consepultos, sed nos per baptismum cum eo resurgere diserte non asserit ad Roman. 6. vers. 4. & 5. quemadmodum nec ad Colos. cap. 2. vers. 12. in iis enim verbis epistolæ ad Colos. *Consepulti ei in baptismo, in quo & resurrexistis*: particula *in* quo ad Christum refertur, non autem ad baptismum. 2. Cyrillus Jerosolymitanus, quem mox producturi sumus, chrismationem ait correspondere Christi resurrectioni, qui tamen chrismationem aperte distinguit a baptismate; quemadmodum & reipsa distinxit Pacianus, qui Novatianorum baptismum ut integrum suscipit, licet illis ad Ecclesiam redeuntibus chrismationem & manus impositionem ad conferendum eis Spiritum sanctum adhiberet. 3. Si D. Thomas qui certe Confirmationem a baptismum discrevit, innovationem tribuit Confirmationi; quidni Pacianus tribuere potuit, quin opus sit eo recurrere, ut ille existimaverit chrismationem esse partem baptismi? 4. Innovatio duplex est, imperfecta & perfecta: prior baptismum, posterior Confirmationi convenit: utrique vero Pacianus Pauli verba per accommodationem appropriare potuit, quin eis abusus fuerit. 5. Quia Confirmatio baptismi dona perficit, quo fit ut a Patribus baptismi effectus non raro tribuantur Confirmationi. 6. Quia Confirmatio est perfectio baptismi, eumque olim immediate consequabatur; ideo baptismus & Confirmatio, ut unum quid plerumque sumuntur. 7. Nihil repugnat quominus unus idemque effectus tribuatur diversis sacramentis: sic Ambrosius remissionem peccatorum neophytis concessam modo tribuit baptismum *lib. 1. de sacramentis cap. 4. & 5. & lib. 2. cap. 1. & 4.* & modo Eucharistiæ, qua neophyti statim resciebantur *lib. 5. cap. 3.* Sic ille spiritalem neophytorum resurrectionem modo tribuit baptismati *lib. 2. cap. 1. & 7.* modo Eucharistiæ, quam neophyti recipiebant, *lib. 5. cap. 4.* Denique neophyti ab auctoribus noni seculi *infra* citandis dicuntur per eucharistiæ participationem effici membra Christi, vitam habere, Christum induere, habere in se inhabitantem Deum, quæ tamen omnia baptismum conveniunt. Similiter quæ pertinent ad baptismum dici possunt de Confirmatione, licet Confirmatio a baptismum distincta sit.

§. 7. *Cyrillus Hierosolymitanus.*

CYRILLUS Hierosolymorum Episcopus, qui sub Theodosio principe obiit, scripsit in adolescentia catecheses, quarum meminit Hieronymus in *catalogo*, & quarum prima & secunda est de *baptismo*, tertia est de *Confirmatione*: quarta & quinta de *eucharistia*: quæ sunt tria sacramenta, quæ eodem die a neophytis percipiebantur. Unde apparet Cyrillum habuisse Confirmationem pro sacramento proprie dicto; quandoquidem illud in numero ponit cum baptismo & eucharistia.

Igitur *catechesi* 3. quæ tota est de Confirmatione, sex aut septem docet, quæ luculenter ostendunt illam esse sacramentum proprie dictum.

1. Quidem ait, nos *Christos* seu unctos fieri, postquam chrisma, quod est imago Spiritus sancti suscepimus. "Christi, inquit, facti estis, postquam sancti Spiritus imaginem recepistis.

2. Quemadmodum Spiritus sanctus descendit super Christum, postquam in Jordane baptizatus est: ita & nos prius baptizamur, deinde per chrisma recipimus Spiritum sanctum. "Christus quidem, inquit, cum in flumine Jordanis ablutus, fragrantia divinitatis suæ effluvia, aquis communicasset, ascendit ex illis, & Spiritus sanctus substantialiter super eum descendit, requiescens super sui similem: & vobis, postquam similiter ex aquis sacri lavacri ascendistis, datum est chrisma, quod imaginem gerit illius, quo unctus est Christus: hoc autem est Spiritus sanctus.

3. Sicut Christus postquam crucifixus & sepultus est, resurrexit: ita & nos per baptismum in similitudinem quamdam crucifixi & sepulti, resurgimus in unctione; quod uncti eo unguento, facti sumus participes & consortes Christi.

4. "Quemadmodum panis eucharistiæ post sancti Spiritus invocationem non amplius est panis communis, sed est corpus Christi; sic & sanctum hoc unguentum, non amplius est unguentum nudum, postquam jam consecratum est, sed est chrisma Christi, * quod adventu Spiritus sancti per ipsius divinitatem energiam habet, quo frons & alii sensus hic symbolice inunguntur; & corpus quidem isto visibili unguento perungitur, anima vero sancto, ac vivifico Spiritu sanctificatur. "Ad quem locum nota 1. conferri hic etiam chrisma cum eucharistia; quod argumentum est utrumque esse æque proprie sacramentum. Nota 2. unguentum consecratum habere vim sanctificandi, quod est proprium verorum sacramentorum, quæ sunt instrumenta sanctificationis. Nota 3. non solum vim habere sanctificandi, sed etiam reipia vere animam sancto Spiritu sanctificari, cum frons, alii-

Wisasse de Confirmatione.

1

que

* Arcudius, alique nonnulli legunt, ἡμεῖς Χριστοὶ ἵεσμεν, sed est donum Christi.

que sensus chrismate perunguntur . Nota 4. Cyrillum caute locutum, cum ait, panem eucharistiæ post consecrationem esse corpus Christi : unguentum autem post consecrationem non dixit esse Spiritum sanctum, ne putaretur ab ipso fingi similem transubstantiationem unguenti, qualis fit in pane : sed dixit, " non esse nudum unguentum, sed chrisma Christi, " habens energiam sanctificandi a Spiritu sancto.

5. Quemadmodum Christus post baptisma susceptum & descensum Spiritus sancti pugnavit cum dæmone, eumque devicit; ita & nos post baptismum, & chrismatis unctionem muniti Spiritu sancto pugnamus. " Ut enim, inquit, Salvator post baptismum & illum Spiritus sancti adventum, egressus in prælium, devicit adversarium : sic & vos post sacrum baptismum & chrisma mysticum, induti armis Spiritus sancti, adversus vobis oppositam potestatem consistatis.

6. Post unctionem istam merito nuncupamur *christiani*, cum antea, dum sola esset regeneratio, non essemus proprie digni hoc nomine. " Hujus, inquit, chrismatis dono accepto merito appellamini christiani, veram efficientes appellationem in ipsa regeneratione. Ante enim quam hæc vobis gratia donata esset, non eratis proprie digni eo nomine, sed pergentes eo usque progressi estis, ut efficeremini christiani. " Denique Cyrillus *ibidem* dicit Joannem in sua epistola 1. cap. 2. v. 27. cum ait : *Et vos unctionem, quam accepistis ab eo, maneat in vobis . . . Et unctio ejus docet vos de omnibus* : ad hoc sanctum chrisma alluisse, per quod datur Spiritus sanctus, qui docet nos de omnibus.

*Expenduntur Kemnitii & Dallæi responsiones
& objectiones.*

KEMNITIUS primum quidem in dubium revocat, utrum Cyrilli sint illæ catecheses. Deinde ut Cyrilli auctoritatem elevet, dubitat, an non ipse aliquando erraverit in fide. Denique tanquam falsa rejicit, quæ Cyrillus asserit. Refellitur. De catechesibus enim Cyrilli nemo unquam dubitavit, earum meminit Hieronymus in *catalogo*, neque profert Kemnitius ullam rationem vel conjecturam, cur dubitandum sit. De fide autem & probitate Cyrilli extat egregium testimonium in *epist. concilii Constantinopolitani ad Damasum* apud Theodoretum *lib. 3. cap. 9.* ubi synodus œcumenica Cyrillum vehementer commendat, quod multa & varia certamina cum Arianis ob fidem catholicam gesserit. Denique solemne est hæreticis Patrum auctoritatem rejicere, catholicis eam admittere.

DALLÆUS quatuor responsiones assert, quarum I. est : Quæcumque dicuntur a Patribus, habere vim sanctificandi, ea non esse sacramenta proprie dicta. Augustinus enim *lib. 2. de peccatorum meritis cap. 26.* putat, " catechûmenos secundum quemdam modum suum per signum,

" Chri-

„ Christi & orationem manus impositionis sanctificari. “ In ordine quoque Romano vis sanctificandi cineri tribuitur.

REFELLITUR. Aliud enim est sanctificare simpliciter, & aliud sanctificare secundum quid. Sacramenta vim habent sanctificandi simpliciter; ritus vero sacramentales, vim habent sanctificandi secundum quid, sive secundum *quemdam modum*, ut Augustinus *ibidem* loquitur. Atqui unctio, de qua Cyrillus, vim habet sanctificandi simpliciter; ait enim quod hæc unctio nos *Christos* efficit: “ quod in unctione resurgimus „ spiritualiter: quod uncti. eo unguento sumus. participes & consortes „ Christi: quod corpus quidem isto visibili unguento perungitur; ani- „ ma vero sancto ac vivifico Spiritu sanctificatur: quod per illud chris- „ ma induimur arma Spiritus sancti, quibus adversus nobis oppositam „ potestatem consistamus: quod hujus chrismatis dono accepto meri- „ to appellamur & efficiamur christiani.

ISDEM textibus refutatur secunda Dallæ solutio, qua respondet Cyrillum non dicere animam sanctificari per chrismatis unctionem: sed dicere tantum, animam Spiritu sancto sanctificari. Ex his enim textibus apparet id omnino falsum esse.

TERTIA responsio est, quod sicut Christus, non in novo aliquo sacramento a baptismo diverso, sed in ipso baptismo vix ex Jordane egressus accepit Spiritum sanctum; ita quoque secundum Cyrillum neophytis in ipso baptismo, non autem in sacramento a baptismo diverso Spiritus sanctus per chrisma confertur; adeoque hæc chrismatis unctio est pars vel ritus baptismi.

REFELLITUR 1. Quia descensus Spiritus sancti super Christum non erat pars baptismi Joannis, quo Christus baptizatus est, sed baptismum Joannis velut quid a se penitus distinctum consecutus est. 2. Quia Cyrillus aperte significat hanc chrismatis unctionem fieri potest integrum baptismum. “ Vobis, inquit, postquam ex aquis sacri lavacri ascendistis, „ datum est chrisma. “ Et *infra*: “ Ut enim Salvator post baptis- „ mum & illum Spiritus sancti adventum, egressus in prælium, devi- „ cit adversarium; sic & vos post sacrum baptismum & chrisma mysti- „ cum, induti armis Spiritus sancti, adversus vobis oppositam potesta- „ tem consistatis. “ Quorsum, quæso, Cyrillus, alique Patres chrisma distinguunt a baptismo; ipsumque post baptismum repetunt, si existimarunt illud in baptismo comprehendi. Denique hæc distinctio apparet ex textu relato *num. 6.* Cum enim dicat christianos in regeneratione seu baptismo nuncupari, eo tamen nomine non esse proprie dignos, nisi qui chrismantur, considerat certe chrismationem & baptismum tanquam duo pectus a se invicem distincta.

QUARTA responsio est, inauditum esse, ut qui vere baptizatus est, is proprie christiani nomine non sit dignus; quia per regenerationis sacramentum vere christiani efficiamur. Sed Cyrillus asserit nos appellari christianos post chrismatis susceptionem; nec eo nomine, antequam un-

gamur, nos proprie dignos esse. Hæc igitur unctio ad baptismum pertineat necesse est. Idem respondet Antonius de Dominis, *num. 4.*

REFELLITUR 1. Quia major est falsa, quemadmodum apparet ex iis, quæ differimus *pag. 63. & sequ.* 2. Quia hic agitur de mente Cyrilli. Cyrillus vero utrumque asserit, videlicet nos in baptismo esse christianos : eam tamen appellationem, quæ a regeneratione est, non proprie dici de nobis, nisi post unctionem chrismatis. Neque in eo major apparet contradictio, quam cum dicitur, quod parvulus, recens in lucem editus, vere homo est, qui tamen eo nomine non est proprie dignus, donec adoleverit. Neque sequitur hominem habere a baptismo, quod cognominetur proprie christianus : sicut non sequitur habere a nativitate, quod proprie cognominetur homo. Paritas utrobique eadem est : infantiam enim christianam adipiscimur per baptismum, & christianismi plenitudinem per Confirmationem assequimur.

OBJICIT 1. Dallæus. Eadem est ratio unctionis ex oleo, quæ adhibetur ante baptismalem immersionem ; ac ipsius unctionis ex chrismate, quæ adhibetur ex aquis sacri lavacri egressis. Sed prior est ritus baptismi. Igitur & posterior.

RESPONDEO utriusque unctionis diversam rationem esse. Prior enim institutionis est ecclesiasticæ ; posterior institutionis divinæ : prior sanctificat secundum quid ; posterior sanctificat simpliciter : prior gratiam operatur ex opere operantis ; posterior ex opere operato.

OBJICIT 2. Cyrillus ipse palam testatur, quo loco chrismationem hanc censuerit. Sic enim orationem, quam de ea dixit exorditur. " In Christum baptizati & Christum induci, conformes facti estis Filii Dei. Deus enim hos, quos prædestinavit in adoptionem filiorum, conformes effecit corpori glorioso Christi. Participes ergo Christi effecti, merito *Christi* id est sancti vocamini : & Deus dixit de vobis, *Nolite tangere Christos meos*. Christi vero facti estis, cum sancti Spiritus imaginem (nempe chrisma) suscepistis. " Quidquid isti hactenus susceperant, Cyrillus duobus aut tribus vocabulis initio complexus est, dum eos dixit *in Christum baptizatos & Christum indutos* esse. Ergo & baptismi pars est ea chrismatio, quam susceperant.

RESPONDEO objectionem in æquivocatione consistere. Dallæus enim conformitatem seu participationem, cujus in eo textu mentio fit, refert ad baptismum ; cum contra ex mente Cyrilli ad chrisma referri debeat, per quod Spiritus sanctus in nos descendit, eoque spiritaliter ungimur : sicut Spiritus sanctus super Christum in Jordane descendit, eoque unctus est. Sensus igitur Cyrilli hic est : " In Christum baptizati & Christum induti, conformes (per unctionem) facti estis Filii Dei. " Participes ergo Christi effecti, merito Christi id est sancti vocamini. " Christi vero facti estis, cum sancti Spiritus imaginem suscepistis. " Quemadmodum igitur, si dixisset Cyrillus, quod dicere potuisset, " In Christum baptizati & Christum induti, unum corpus cum eo sa-

» *eti*

„Et estis, cum corpori ejus in eucharistia communicastis, “ non inde quis recte concluderet, eucharistiam esse partem baptismi; ita cum dixit, “ In Christum baptizati & Christum induti, conformes facti estis Filii Dei, (seu) participes Christi effecti estis, . . . cum sancti Spiritus imaginem (seu chrisma) suscepistis; “ inde colligi non potest, chrisma esse partem lavacri.

INDE patet solutio ad tertiam Dallæ objectionem, qua ille contendit has phrasas, *In Christum baptizatos, Christum indutos, conformes factos fuisse Filii Dei, ejusque participes, & Christos*, idem omnino sonare, nec alius sacramenti; quam baptismatis effectus esse. Siquidem ex mente græcorum Patrum conformes effoimur Filii Dei; ejusque participes effoimur per susceptionem Spiritus sancti, qui est signaculum Christi, forma Christi, imago Filii Dei. Videtis Athanasium in epistola ad Serapionem, longe ante finem. Atqui ex Cyrillo Spiritus sanctus per chrismationem infunditur. Acedit, quod Cyrillus conceptis terminis dicat, quod uncti eo unguento facti sumus participes & consortes Christi.

OBJICIT 4. Cyrilli comparisonem, qua sicut Spiritus sanctus super Christum baptizatum descendit; ita chrisma, quod gerit imaginem Spiritus sancti, datum est recens baptizatis. Sed descensus Spiritus sancti pertinet ad Christi baptismum. Igitur & chrisma, ut comparatio recte instituta sit, pertinere debet ad baptismum neophytorum.

RESPONDEO meram esse æquivocationem. Minorem igitur distinguo: descensus Spiritus sancti super Christum baptizatum pertinet ad Christi baptismum, quem ille in Jordane suscepit; nego: suscepit enim Joannis baptisma, ad quod Spiritus sanctus non pertinebat. Pertinet ad Christi baptismum, quem Christus instituit; subdistinguo: pertinet, ut ex illo Spiritu christianus regeneretur, juxta illud Christi, *Nisi quis renatus fuerit ex aqua & Spiritu sancto* &c. concedo: pertinet, quia in baptismo a Christo instituto Spiritus sanctus conceditur ad remissionem peccatorum; concedo iterum: pertinet, quia in baptismo a Christo instituto Spiritus sanctus conceditur ad robur & gratiæ augmentum; nego. Cyrillus vero descensum Spiritus sancti super Christum in Jordane, & super neophytos in unctione, considerat ut principium roboris & fortitudinis, qua Christus munitus processit ad pugnam, & qua instructi neophyti parati sunt ad certamen. Sed age Dallæ eadem comparisonem perstringamus. Cyrillus enim comparisonem instituit inter baptismum Joannis a Christo susceptum, & baptismum Christi neophytis collatum; inter descensum Spiritus sancti super Christum baptismo Joannis baptizatum, & chrismationem neophytis Christi baptisma initiatis administratam. Sicut igitur descensus Spiritus sancti non pertinebat ad Joannis baptismum, quem Christus suscepit; ita chrismatio, ut comparatio recte instituatur, pertinere non debet ad Christi baptismum, quo neophyti initiantur.

INSTABIS. Signum exterius effectus sacramentalis & ipse sacramentus talis

Wasse de Confirmatione.

I 3

talis

talis effectus pertinent ad idem sacramentum : sic exterior & interior ablutio pertinent ad baptismum ; sic exterior & interior unctio pertinent ad sacramentum Extremæ-Unionis ; sic actus poenitentis exteriores, & interior peccatorum absolutio pertinent ad poenitentiam. Atqui ex Cyrillo chrisma, quod neophytis confertur, est symbolus descensus Spiritus sancti, qui super Christum in Jordane descendit. Utrumque igitur pertinet ad idem sacramentum. Sed descensus Spiritus sancti pertinet ad baptismum a Christo institutum. Igitur & chrisma.

RESPONDEO 1. alium esse descensum Spiritus sancti super aquas baptismales, & alium esse descensum ejusdem Spiritus sancti super fideles, qui baptizantur, vel qui recens baptizati sunt. Quamvis enim Patres unanimi consensu doceant, quod Spiritus sanctus descendat super aquas baptismales iisque immoretur, ut eas sanctificet, & eis vim sanctificandi conferat : nihilominus apud eosdem Patres incertum est, utrum baptismus a Christo institutus conferat Spiritum sanctum, an delictorum absolutione vias præparet ad superventurum Spiritum sanctum. Recole quæ dicta sunt pag. 46. & sequ. & 98. Atqui ex Cyrillo chrisma significat descensum Spiritus sancti super ipsos fideles, non autem super aquas baptismi.

RESPONDEO 2. descensum Spiritus sancti super fideles, alium esse ad remissionem peccatorum, & alium ad robur & fortitudinem. Prior esto pertineat ad baptismum ; posterior certe non pertinet. Atqui ex Cyrillo chrisma significat Spiritum sanctum ut principium roboris & fortitudinis, qua Christus munitus processit ad pugnam, & qua instruiti neophyti parati sunt ad certamen. Chrisma igitur ex mente Cyrilli non pertinet ad baptismum a Christo institutum.

URGEBIS. Ex Cyrillo, sicut Christus postquam crucifixus & sepultus est, resurrexit : " Ita & nos per baptismum in similitudine quædam crucifixi & sepulti, resurgimus in unctione, quod uncti eo unguento, facti sumus participes & consortes Christi. " Atqui ex Paulo ad Rom. 6. v. 4. ad Coloss. 2. v. 12. & ex sanctis Patribus, ac præsertim ex Ambrosio, resurrectio spiritalis est effectus baptismi. Igitur & chrismatis unctio ad baptismum pertinet. Confirmatur. Immersio & emersio pertinent ad baptismum, quia significant sepulturam & resurrectionem : utraque vero sepultura & resurrectio spiritalis est effectus baptismi ; per baptismum enim Christo conssepelitur, & cum Christo resurgimus. Ergo a pari chrisma pertinet ad baptismum, quia significat & efficit spiritalem resurrectionem, quæ baptismi effectus est.

RESPONDEO 1. Pauli mentem non adeo certam esse, qua de resurrexerat, pag. 129.

RESPONDEO 2. hic agi de mente Cyrilli non autem aliorum Patrum. Cyrillus verò resurrectionem spiritalem tribuit chrismationi, quam a baptismo a Christo instituto aperte distinguit.

RESPONDEO 3. easdem omnes solutiones posse huic objectioni adhibere.

hiberi; quæ adhibitz fuerunt objectioni tertiz ex Paciano petitz, & relataz pag. 129.

§. 8. *Basilii Magnus, Gregorius Nazianzenus, & Prudentius.*

Basilii, Archiepiscopus Cæsariensis in Cappadocia, qui, Valente imperante, floruit, & sub Gratiano obiit anno 378. consecrationis olei & ejus unctionis meminit, eamque ad traditiones apostolorum asserendas adducit *lib. de Spiritu sancto, cap. 27.* "Consecramus aquam baptismatis, & oleum unctionis. Ex quibus scriptis? nonne a tacita, secretaque traditione? ipsam porro olei inunctionem quis sermo scripto proditus docuit?"

Ejusdem unctionis mentionem facit Gregorius Nazianzenus, qui floruit sub Valente, & anno Theodosii II. Christi vero 389. in cælum migravit. "At si tu, inquit *oratione 40. in sanctum lavacrum*, vel per baptismum te ipsum obfirmaveris, ac præclarissimo, & firmissimo auxilio tibi in futurum caveris, animum scilicet & corpus unctione & Spiritu consignans, . . . quid tibi accidet? & quod tibi præstiduum comparatum erit. Audi Salomonis parcemias: *Si sederis*, ait, *intrepidus eris; si dormieris, suavis eris somnus tuus.*

Meminit quoque Aurelius Prudentius, poeta Christianus, qui sub Theodosio seniore & filiis ejus floruit ad annum 390. videlicet in *psychomachia*, ubi de pugna luxuriæ & sobrietatis

*Post inscripta oleo frontis signacula, per quæ
Unguentum, regale datum est, & chrismâ perenne.*

Et hymno ante somnum,

*Cultor Dei memento
Te frontis & lavacri
Rosam subisse sanctum,
Te chrismate innotatum.*

§. 9. *Siricius.*

Siricius papa, in *epistola*, quam initio sui pontificatus, anno 385. ad Himerium, episcopum Tarraconensem scripsit, ipsum monet Arianos, Novatianos, aliosque hæreticos in ecclesiam suscipiendos esse, non iteratione baptismi, sed sola manus impositione confirmatoria. "Arianos cum Novatianis aliisque hæreticis, sicut est in synodo constitutum, per invocationem solam septiformis Spiritus, episcopalis manus impositione, catholicorum conventui sociamus, quod etiam totus

oriens occidenſque cuſtodit. "Synodus, de qua loquitur, Nicæna eſt, quæ *canone* 8. definit, Novatianos per manus impoſitionem admittendos eſſe. Sed manus impoſitionem, de qua ſynodus Nicæna, confirmatoriam eſſe, probavimus *ſupra*, pag. 110. & ſeq.

§. 10. S. Ambroſius.

Ambroſius, Episcopuſ Mediolanenſis, qui Gratiano, & Theodoſio imperantibus floruit, obiitque anno 397. unctiõis confirmatoriæ meminit in *libro de Salomone cap. 3.* "Moyſes, inquit, in cantico deuteronomii, ait, Laſſavit eos mel ex petra, & oleum de ſolida petra, id eſt, quod dulceſcit daturus iſ (nempe Chriſtus) eſſet evangelii ſua-ritatem, aut Spiritum ſanctum per chriſmatis unctiõnem. "Quid vero eſt chriſmatis unctio, per quam datur Spiritus ſanctus ex iſtituto Chriſti, niſi unctio ſacramentalis & confirmatoria?"

Eraſmus quidem dubitavit an liber ille ſit Ambroſii. Sed Eraſmo conſenſum eruditorum omnium opponimus.

Dallaſius *lib. 2. cap. 25.* reſponder, quod Spiritus ſanctus per chriſmatis unctiõnem dari dicitur ab Ambroſio phraſi ſymbolica, quia ſcilicet per chriſma ſignificatur & adumbratur Spiritus ſanctus, non autem quod ipſus chriſmatis vi, & operatione conferatur. Sed nemo non videt hanc Dallaſii interpretationem eſſe violentam, prorſuſque alienam a verbis Ambroſii. Verbum enim, *daturus eſſet*, quod non repetitur, ſed ponitur ſemel, ad duo membra reſertur. Eodem igitur ſenſu in utroque membro accipitur. Sed in priori membro ſumitur proprie, non autem ſymbolice & figurative. Igitur & in poſteriori membro.

Unctiõis quoque confirmatoriæ aliquid ſubindicat in *cap. 6. Lucæ*, ad hæc verba, *Et reſpondens Jeſus ad eos*, &c. ubi exponens hæc Chriſti verba: *Nec hæc legiſtis, quod fecit David, quomodo intravit in domum Dei: & panes propoſitionis ſumpſit, & manducavit, & dedit iis, qui cum ipſo erant: quos non licet manducare, niſi tantum ſacerdotibus.* At hoc Davidis factu figuratum fuiſſe, quod in lege evangelica "ſacerdotalis ci-bus (id eſt cibus euchariſticus) ad uſum tranſiturus eſſet populorum: ſive quod omnes vitam ſacerdotalem debent imitari: ſive quia omnes filii eccleſiæ ſacerdotes ſunt; ungimur enim in ſacerdotium ſanctum, offerrentes noſmetipſos Deo hoſtias ſpirituales.

Clariorem vero ejuſdem unctiõis mentionem facit in libro *de inſtitu-tis, cap. 6.* Poſthæc, inquit, id eſt poſt baptiſma ſuſceptum utique ac-cendiſſi ad ſacerdotem. Considera quid ſecutum ſit: nonne illud quod ait David? *Sicut unguentum in capite, quod deſcendit in barbam, barbam Aaron?* hoc eſt unguentum &c. Ideo in barbam deſcendit, id eſt in gra-tiam juventutis. Ideo in barbam Aaron, ut ſias electum genus, ſacer-dotale, pretioſum. Omnes enim in regnum Dei, & in ſacerdotium ungimur gratia ſpiritali. Et in ſue *cap. 7.* "Repete, quia accepſiſti &

„ gnaculum spiritale , spiritum sapientiz , & intellectus , spiritum
 „ consilii atque virtutis , spiritum cognitionis atque pietatis , spiri-
 „ tum sancti timoris : & serva quod accepisti . Signavit te Deus pa-
 „ ter , confirmavit te Christus Dominus , & dedit pignus Spiritus in
 „ corde tuo .

Dallæus, ut sese ab hac auctoritate expediat, respondet *lib. 1. cap. 25.* post Robertum Cocum in *censura sue editionis secunda* , ad quem remittit lectorem, atque hunc librum non esse Ambrosii, sed ignoti cujusdam authoris factum.

Verum Cocco & Dallæo opponimus 1. codices omnes manuscriptos : 2. editiones omnes, ne una quidem excepta : 3. vel ipsum Blondellum, Falsarium, Gerardum Joannem Vossium, Albertinum in *lib. de Eucharistia*, & Rivetum in *critico sacro lib. 3.* Ii siquidem Calvinistæ, qui certe apud suos eruditi habentur, agnoscunt hunc librum esse genuinum factum Ambrosii: imo eorum plurimi libros *de sacramentis* extra catalogum Ambrosianorum rejiciunt, quod stylo differre existiment a libro *de initiandis*. 4. Opponimus orthodoxos, & heterodoxos omnes, qui ab 800. annis ex hoc libro testimonium protulere. Denique vel ipsum librum opponimus, qui per se clamat se Ambrosianum esse. Auctor enim in *præfatione* dicit, se tractasse moralia quadam ex vitis patriarcharum, & ex Salomone; quæ opera nemo negavit unquam esse Ambrosii. Præterea idem stylus est eademque Scripturæ translatio latina, qua in cæteris operibus Ambrosii usus est, quæ quidem translatio Ambrosio specialis est. Pauca referam ex pluribus, quæ a vulgata nostra differunt: *Spiritus superferebatur super aquas*; de *initiandis*, cap. 3. Idem habetur *lib. 1. hexaemeron* cap. 8. & alibi. *Non permanebit Spiritus meus in hominibus, quoniam carnes sunt*; de *init.* cap. 3. Idem *lib. 6. hexaemeron* cap. 6. & alibi. *Estote astuti, sicut serpentes*, de *init.* cap. 4. Idem *lib. de fuga seculi* cap. 7. & alibi. *Unguentum exinanitum est nomen tuum*; de *init.* cap. 6. Idem *lib. de Elia*, cap. 10. & alibi. *Si fuerint peccata vestra sicut phœnicum, ut nivem dealbabo*; de *init.* cap. 7. Idem in *psalm.* 50. ad hæc verba, *Asperges me &c. Quæ est, quæ ascendit dealbata?* de *init.* cap. 7. idem in *psalm.* 41. ad hæc verba, *Ad me ipsum &c.* & alibi. *Tollite portas principis vestri &c.* de *init.* cap. 7. Idem *lib. de instit. virginis*, cap. 5. *Quis est iste, qui ascendit ex Edom, rubor vestimentorum ejus ex Bosor?* de *init.* cap. 7. Idem in *psalm.* 118. ad hæc verba: *Anima mea in manibus, &c. Tota formosa es, proxima mea, & reprehensio non est in te*; de *init.* cap. 7. Idem in *apolog.* 2. Davidis, cap. 8. & in *lib. de fide resurrect.* sub finem. *Quæ omnes geminos creant, & infacunda non est in eis*; de *init.* cap. 7. Idem in *psalm.* 118. ad hæc verba, *Oculi mei &c. Ut resticula coccinea labia tua*; de *init.* cap. 7. Idem in *psalm.* 118. ad hæc verba, *Ignitum eloquium &c. Quis dabit te fraterem lactentem ubera matris meæ? Inveniens te foris, osculabor te; & quidem non spernent me. Assumam te & inducam in domum matris meæ, & in secre-*

tum ejus quæ concepit me; de init. cap. 7. Idem in psalm. 118. ad hæc verba: *Præveniam oculi mei &c. Spiritum consilii atque virtutis, Spiritum cognitionis atque pietatis*; de init. cap. 7. Idem in psalm. 118. ad hæc verba: *Statue servo tuo &c. Poculum meum inebrians quam præclarum est!* de init. cap. 8. Idem in psalm. 36. & 118. & lib. de Noë cap. 29. *Ingressus sum in hortum meum, soror mea sponsa: vindemiavi myrrham cum unguentis meis: manducavi panem meum cum melle meo: bibi vinum cum lacte meo. Edite proximi mei, & bibite, & inebriamini fratres mei*; de init. cap. 9. Idem lib. de bono mortis, cap. 5. Hæc autem latina Scripturæ translatio ita specialis fuit Ambrosio, ut ea nec Augustinus, nec Hieronymus, nec alii, quod sciam, Ambrosio æquales vel supiores usi fuerint.

Loca prætermittimus, quæ ex libris sex de sacramentis, nec non ex commentariis in Pauli epistolas colligi possunt: de his enim uberrime infra, ubi de suppositis vel dubiis operibus.

§. 11. S. Chrysostomus.

Quid de proposita questione senserit Joannes Chrysostomus, qui anno 407. obiit, colligi debet ex *homilia 18. in acta*, ante medium; ubi loquens de Samaritanis, qui a Philippo diacono baptizati fuerant, nondum tamen acceperant Spiritum sanctum, sic habet. "Philippus, unus ex septem (diaconis) erat secundus a Stephano: ideo & baptizans Spiritum sanctum non dabat; neque enim facultatem habebat. Hoc enim donum solorum Apostolorum erat. Igitur hoc erat in apostolis singulare. Unde & præcipuos (hoc est episcopos) & non alios videmus hoc facere." Quem textum exposuimus *supra*, pag. 14. & objecta Dallæi diluimus *pag. 22.*

Potest etiam colligi ex *homilia 9. in cap. 6. ad Hebr.* ad hæc Pauli verba: *Non iterum fundamentum ponentes baptismatum, doctrinæ, impositionis quoque manuum.* Ubi Chrysostomus tria præstat: primum quidem hæc tria distinguit, *baptismatum, doctrinæ, impositionis quoque manuum*: (quæ tamen in vulgata non distinguuntur.) Baptismum enim sequebatur doctrina, seu catechesis, quæ post baptismum docebatur (initiatum) quid agere deberent, & quid non deberent: "doctrinam vero sequebatur manuum impositio. 2. Ait per hanc manuum impositionem initiatos accepisse Spiritum sanctum, imponente illis Paulo manus." 3. Monet initiatos ne male, vel negligenter vivant: neque dicant, si negligenter vixerimus, iterum baptizabimur, iterum catechizabimur, iterum accipiemus Spiritum sanctum. . . . Impossibile namque est eas, qui semel illuminati (seu baptizati) sunt: gustaverunt quoque donum cælestis (hoc est remissionem); & participes facti sunt Spiritus sancti; & bonum gustaverunt verbum Dei (seu doctrinam).

„Arinam) ; & prolapsi sunt, rursus renovari ad pœnitentiam, eam scilicet quæ baptismum præcedit, & baptismo conjuncta novum hominem efficit.

CAPUT IV.

Auctores seculi quinti.

§. 1. *Sanctus Hieronymus.*

Mens beati Hieronymi, qui Honorio imperante obiit anno 420. apparet ex dialogo adversus Luciferianos, cujus compendium hic præmittamus necesse est, ad mentem Hieronymi aperiendam, Antonii vero de Dominis, & Dallæi responsiones rescilendas, eorumque objectiones diluendas.

Lucifer, Calaritanus episcopus, Antiochiæ, ubi exul erat, ab eorum communione se separavit, qui episcopos Arimini lapsos, pœnitentes quidem, non tamen sacerdotii gradu depositos, in ecclesiam admiserant. Luciferianus igitur, quem Hieronymus in hoc dialogo interloquentem inducit, laicum quidem Arianum, modo pœniteat, concedit in ecclesiam recipiendum esse; sed episcopum, nisi deponatur, suscipiendum esse negat; quia “non est episcopi lacrymas fundere pro peccatis: non est episcopi, ad fratrum genua provolvi. “Et infra, “Recipio laicum, qui errasse se confitetur. . . . Episcopus si errasse se confitetur, cur episcopus perseverat? deponat sacerdotium, concedo veniam pœnitenti. “Orthodoxus vero asserit eandem esse in eo rationem laici, & episcopi: & paritatem instituens inter episcopi sacerdotium, & baptismum quo laicus est sacerdos juxta illud Petri, *gens sancta, regale sacerdotium*, &c. argumentum ita retorquet: si laicus, qui errasse se confitetur, recipi debet, quin deponat sacerdotium laici, id est baptismum; quidni Episcopus recipi poterit, quin deponat sacerdotium Episcopi.

Pergit Luciferianus: “Recipimus laicos, quoniam nemo convertetur, si se scierit rebaptizandum: & ita fiet, ut nos simus causa perditionis eorum; si repudientur. “Reponit orthodoxus, “Tu in eo quod recipis laicum, unam animam salvas: & ego in recipiendo episcopum, universam, cui præest, provinciam ecclesiæ locio: quem si repellam, multos secum in ruinam trahet.

Luciferianus multis contendit episcopi, qui lapsus est, sacrificia probari non posse. Reponit orthodoxus, baptismum, quem episcopus administrat, ejusdem esse conditionis cum sacrificio, quod ille offert: quare utrumque vel approbandum vel reprobandum esse.

Sed ego (subjicit Luciferianus) “pœnitentem recipio per manus impositionem, & invocationem Spiritus sancti, sciens ab hæreticis Spi-

„ Spiritum sanctum non posse conferri . “ Reponit orthodoxus , “ Si
 „ Arianus Spiritum sanctum non potest dare , ne baptizare quidem
 „ potest ; quia ecclesiæ baptisma sine Spiritu sancto nullum est : tu
 „ vero baptizatum ab eo recipias , & postea invoces Spiritum sanctum :
 „ aut baptizare eum debes , qui sine Spiritu sancto non potuit baptizari ;
 „ aut si est baptizatus in Spiritu , desine ei invocare Spiritum , quem tunc ,
 „ cum baptizaretur , accepit .

Instat Luciferianus , baptismum posse esse sine Spiritu sancto , quia
 legitur in *Actibus Apostolorum* , cap. 19 . “ eos , qui jam a Joanne ba-
 „ ptizati fuerant , postea fuisse Spiritum sanctum consecutos . “ Repo-
 nit orthodoxus discrimen esse , quia baptismus Joannis neque perfe-
 ctus erat , neque conferebat Spiritum sanctum . Subjicit Confirmationem
 seu invocationem Spiritus sancti , quæ super baptizatos baptismum
 Christi fieri solebat , esse quid modicum . “ Tu vero , inquit , qui
 „ ab Arianis recipis baptizatum , & ei tribuis baptismum , quod perfe-
 „ ctum est (hoc est , & concedis ejus baptismum perfectum esse) quo
 „ pacto , quasi modicum quid ei defuerit , sanctum invocas Spiritum ;
 „ cum baptismum Christi sine Spiritu sancto nullum sit ? “ Denique
 respondet baptizatos a Joanne , iterum fuisse ab apostolis tinctos ba-
 ptismo Christi , deinde vero confirmatos . Quare apostolorum exem-
 plo posse quidem Spiritum sanctum invocari super eos qui recens in
 Ecclesia baptizati sunt baptismum Christi , non autem super Arianos ,
 & alios hæreticos , qui jampridem extra ecclesiam initiati sunt . “ Si
 „ ergo , inquit , qui a Joanne baptizati fuerant , baptizati sunt vero ,
 „ & legitimo Ecclesiæ baptismate , & ita postea Spiritum sanctum
 „ consecuti sunt : & tu apostolorum sequere auctoritatem , & bap-
 „ tiza eos , qui Christi non habent baptismum : & poteris invocare Spi-
 „ ritum sanctum .

Urget Luciferianus , hanc ecclesiarum consuetudinem esse , ut super
 eos qui baptismum Christi susceperunt , Spiritus sanctus per manus im-
 positionem invocetur . “ An nescis , etiam ecclesiarum hunc esse mo-
 „ rem , ut baptizatis postea manus imponantur , & ita invocetur Spi-
 „ ritus sanctus ? Exigis ubi scriptum sit ? in *Actibus Apostolorum* .
 „ Etiam si Scripturæ auctoritas non subesset , totius orbis in hanc par-
 „ tem consensus instar præcepti obtineret . Nam & multa alia , quæ
 „ per traditionem in ecclesiis observantur , auctoritatem sibi scripturæ
 „ legis usurpaverunt &c . “ Orthodoxus admittit hunc esse morem Ec-
 clesiarum , ut ad eos , qui in minoribus urbibus baptizati sunt , epis-
 copus manus eis impositurus excurrat : sed reponit causam Luciferia-
 norum nihil in hoc adjuvari ; quia mos ille servatur tantum respectu
 eorum , “ qui in recta fide baptizati sunt , “ non autem eorum , qui
 in erronea fide extra ecclesiam baptizati , peccatorum remissionem mi-
 nime consecuti sunt . Porro id factitatum potius ad honorem sacerdo-
 tii , quam ad legis necessitatem : alias miseros fore , qui a presbyte-

ris

ris baptizati, ante ex hac vita discedunt, quam ad eos episcopus manus eis impositurus excurrat. " Non quidem abnuo, inquit, hanc esse ecclesiarum consuetudinem, ut ad eos, qui longe in minoribus urbibus per presbyteros & diaconos baptizati sunt, Episcopus ad invocationem sancti Spiritus manum impositurus excurrat: sed quale est, ut leges Ecclesiae ad haeresim transferas? Episcopus si imponit manum, iis imponit, qui in recta fide baptizati sunt . . . Arianus vero, quomodo Spiritum sanctum ab ecclesia recipiet, qui necdum remissionem peccatorum consecutus est? Spiritus quippe sanctus nisi mundam fidem non incolit Quod si hoc loco quaeris, quare in ecclesia baptizatus, nisi per manus episcopi non accipiat Spiritum sanctum, quem nos asserimus in vero baptismo mate tribui: dilce hanc observationem ex ea auctoritate descendere, quod post ascensum Domini Spiritus sanctus ad Apostolos descendit. Et multis in locis idem sacritatum reperimus ad honorem potius sacerdotii, quam ad legis necessitatem. Alioqui si ad Episcopos tantum deprecationem Spiritus sanctus defluit; lugendi sunt, qui in viculis, aut in castellis, aut in remotioribus locis per presbyteros, & diaconos baptizati, ante dormierunt, quam ab Episcopis inviserentur.

En sacramentum Confirmationis proprie dictum. 1. Manus impositio est signum sensibile. 2. Per hanc manus impositionem invocatur, & confertur Spiritus sanctus. " 3. In Ecclesia baptizatus, nisi per manus Episcopi, non accipit Spiritum sanctum. " Denique id totum ita " scriptum est in Actibus Apostolorum, cap. 8. *vers. 14. & sequent. & cap. 19. versic. 6.* Ita praescribitur " totius orbis in hanc partem consensu: & haec observatio ex ea auctoritate descendit, quod post ascensum Domini Spiritus sanctus ad Apostolos descendit.

Refelluntur Calvini responsiones.

Calvinus *lib. 4. instit. cap. 19. §. 4. & 13.* ad auctoritatem Hieronymi duo respondet. 1. Concedit Hieronymum existimasse observationem apostolicam esse ritum Confirmationis; sed illum in hanc partem ait hallucinari.

REFELLITUR. 1. Inde constat saltem Hieronymum ita sensitse. 2. Non Hieronymus modo ita sentit; sed & orthodoxum, omnium catholicorum nomine ita sentientem inducit. Eam igitur mentem fuisse omnium catholicorum Hieronymus testatur. 3. Non solum orthodoxus, sed & Luciferianus, quem Hieronymus interloquentem inducit, ita sentit. Haec igitur mens apud orthodoxos & Luciferianos constans erat. 4. Uterque, seu orthodoxus, seu Luciferianus, hanc Apostolicam traditionem unanimi consensu confirmat facto Petri, &

Joan-

Joannis, qui *A. 7. 8.* Samaritanis a Philippo baptizatis manus imposuerunt, & ita invocarunt Spiritum sanctum: & in eo tamen differunt, quod Luciferianus ex hoc facto concludit Confirmationem laicis etiam in Ariana hæresi baptizatis conferendam esse; Orthodoxus contra contendit, inde sequi dumtaxat Confirmationem iis concedendam esse, qui in ecclesia & in recta fide baptizati sunt.

RESPONDET 2. Calvinus Confirmationem apud veteres fuisse dumtaxat catechesim puerorum, qui in infantia baptizati fuerant, cuius rei confirmandæ gratia citat Hieronymum in dialogo contra Luciferianos.

Qua fronte id dixerit Calvinus, viderint Calvinistæ. In eo siquidem dialogo Hieronymus ne meminit quidem hujus catecheseos. Cæterum hanc Calvini responsum fuisse refutabimus infra.

Diluuntur objectiones Antonii de Dominis, & Dallæi.

Plura objicit Antonius de Dominis *num. 18.* quæ Dallæus repetit, & quibus nonnulla addidit *lib. 2. cap. 22.* Hæc ordine referemus. Dallæus igitur objicit imprimis, "Ex ipso Hieronymi contextu liquere Spiritum sanctum vi baptismatis omnibus, qui initiantur, conferri. Unde sequitur: quidquid baptismo additur, quo in genere sunt unctio & manus impositio confirmatoria, id (si proprie loquendum est) nullam per se vim habere ad Spiritum conferendum, sed ad significandum dumtaxat, atque adumbrandum illum.

RESPONDEO, apud antiquos Patres controversi, utrum Spiritus sanctus vi baptismatis conferatur; affirmant alii, alii negant, qua de re differuimus *pag. 45. & 125.* Concedo igitur ex ipso Hieronymi contextu liquere, Spiritum sanctum vi baptismatis conferri ad remissionem peccatorum; quia "Sine Spiritu sancto (ait *cap. 3.*) peccata non possunt dimitti; nec antiquis sordibus anima purgatur, quæ sanctum non habet Spiritum: " sed ex eodem contextu apparet, iis, qui in Ecclesia & in recta fide baptizati sunt, adeoque ex Hieronymi mente Spiritum sanctum in baptismo acceperunt, eundem Spiritum sanctum per manus Episcopalis impositionem iterum conferri. " Si ergo a Joanne baptizati, (inquit ille in *fine capituli 3.*) baptizati sunt vero & legitimo, Ecclesiæ baptismate, & ita postea Spiritum sanctum consecuti sunt: & tu Apostolorum sequere auctoritatem, & baptiza eos, qui Christi non habent baptismum, & poteris invocare Spiritum sanctum. " Et *cap. 4.* " Quod si hoc loco quæris, quare in Ecclesia baptizatus, nisi per manus episcopi non accipiat Spiritum sanctum, quem nos asserimus in vero baptismate tribui? dilce &c. " De iis loquitur, " qui longe in minoribus urbibus per presbyteros & diaconos baptizati sunt, " & deinde manus impositionem ab Episcopo accipiunt. Asserit igitur Spiritum sanctum in vero baptismate tribui, eumque per

manus impositionem, iterum conferri : & paucis interjectis subjicit :
 „ Quod si ad Episcopi tantum deprecationem Spiritus sanctus defluit ;
 „ lugendi sunt, qui in viculis, aut in castellis, aut in remotioribus
 „ locis per presbyteros & diaconos baptizati, ante dormierunt, quam
 „ ab Episcopis inviserentur. “ Concedit igitur Hieronymus quod Spiritus
 sanctus ad Episcopi deprecationem defluit : & id unum contendit,
 quod Spiritus sanctus non solum per manus episcopalis impositionem,
 sed etiam per verum baptismum defluit. Itaque Hieronymus duplicem
 Spiritus sancti descensum admittit, alterum in baptismo, alterum
 in Confirmatione. Prior est ad remissionem peccatorum, & respondet
 descensui Spiritus sancti super Christum in Jordane, *ex cap. 3. ejusdem dialogi* :
 posterior respondet descensui Spiritus sancti super Apostolos die Pentecostes,
ex cap. 4. ejusdem dialogi. Atque ita ex mente Hieronymi ad robur &
 perfectionem conceditur.

INSTABIS. Hieronymus orthodoxum sic argumentantem inducit *cap. 3. adv. Lucif.* qui Arianorum quidem baptismum admittebat ; negabat
 tamen Spiritum sanctum in eo baptismo illis concessum fuisse ; adeoque
 manus illis imponebat, & super eos invocabat Spiritum sanctum. Arianus
 vel est baptizatus in Spiritu sancto, vel non : si non est baptizatus
 in Spiritu, “ baptizare eum debes, quia sine Spiritu sancto non
 „ potuit baptizari : aut si est baptizatus in Spiritu, desine ei invocare
 „ Spiritum, quem tunc, cum baptizaretur, accepit. “ Sensit igitur
 Spiritum sanctum minime invocandum esse super eum qui in Spiritu
 sancto baptizatus est.

RESPONDEO hanc consequentiam diametraliter opponi doctrinæ
 ab Hieronymo traditæ *capite 4. proxime sequenti* : “ Si queris quare
 in ecclesia baptizatus, nisi per manus episcopi non accipiat Spiritum
 sanctum, quem nos asserimus in vero baptismate tribui, discce &c. “
 Unde sic argumentari licet : Ex Hieronymo Spiritus sanctus in vero
 baptismate tribuitur. Ergo qui verum baptismum suscipit, baptizatur
 in Spiritu sancto. Sed qui in ecclesia baptizatur, verum baptismum
 suscipit. Ergo qui baptizatur in ecclesia, baptizatur in Spiritu
 sancto. Atqui in ecclesia baptizatus, per manus episcopalis impositionem
 accipit Spiritum sanctum. Ergo baptizatus in Spiritu sancto, eundem
 Spiritum sanctum per manus episcopalis impositionem iterum accipit.
 Quamobrem, ut Hieronymus secum concilietur, distinguere debet duplex
 Spiritus sancti descensus, alter ad remissionem peccatorum, alter
 ad robur & perfectionem. Super eum, qui in Spiritu sancto baptizatus
 est, invocari non potest per manus impositionem Spiritus sanctus
 ad remissionem peccatorum, quia talem Spiritum jam in baptismo
 consecutus est : sed invocari potest Spiritus sanctus ad robur &
 perfectionem. Eam fuisse mentem Hieronymi apparet, 1. ex eo quod
 in *capite 3.* loquatur de Spiritu sancto in remissionem peccatorum.
 2. Ex ipso textu Hieronymi : “ Si bap-
 „ ti-

„tizat^{us} est in Spiritu sancto, desine ei invocare Spiritum, quem
 „tunc, cum baptizaretur, accepit. “ Sed in baptismo accepit Spiritum
 „sanctum ad peccatorum remissionem. Spiritus igitur, quem negat
 „invocandum, est Spiritus in peccatorum remissionem. 3. Ex Orthodoxi
 „scopo, qui Luciferianum refellere contendit. Luciferianus vero baptis-
 „mum quidem Arianorum admittebat, negabat tamen Spiritum sanctum
 „in eo baptismo illis concessum fuisse, ideoque manus illis imponebat,
 „& super eos invocabat Spiritum sanctum. Eum igitur invocabat Spiritum,
 „quem negabat in baptismo Arianorum concessum fuisse : sed negabat in baptismo
 „Arianorum concessum fuisse Spiritum ad remissionem peccatorum. Igitur per
 „manus impositionem invocabat Spiritum sanctum in remissionem peccatorum : quam
 „Luciferiani consuetudinem & doctrinam Hieronymus proposito dilemma-
 „te refutat.

OBJICIT 2. Dallzus, “ ex his verbis Hieronymi videre esse, quis
 „quis rite baptizatus est, eum vere esse christianum; neque, ut id
 „nominis apud Deum consequatur, ullo alio ritu initiari necessario
 „debere; adeoque chrismationem & manus impositionem non tam effi-
 „ficere ut homo christianus nominetur, quam firmare eum rite baptizatum
 „esse : atque ad hunc sensum revocandum esse, si quid Patres paulo
 „licentius (ut eorum mos est) ea de re per hyperbolem dixerunt.

RESPONDEO 1. Dallzum Calvinistarum more de sanctis Patribus nec
 „prudenti animo, nec ea qua par est veneratione loqui. Patres enim
 „nihil quicquam paulo licentius vel per hyperbolem dixerunt de Confirmatione :
 „neque eorum mos est in iis, quæ ad fidem attinent, licentius & per
 „hyperbolem differere.

RESPONDEO 2. qui rite baptizatus est, verum quidem christianum esse,
 „non tamen perfectum christianum effici nisi in Confirmatione.

OBJICIT 3. “ Ipsam Hieronymi contra Luciferianorum usum dis-
 „putationem sibi mirabilem videri : neque fatis a se percipi, qui ita
 „pugnet, ut & ministratum ab Arianis baptismum valere, & iis ad
 „ecclesiam venientibus manus imponendas negare videatur : quod
 „utrumque perpetuo totius veteris ecclesie mori adversatur, apud
 „quam Ariani neque baptizabantur conversi : & manus impositione
 „apud Romanos, chrismate apud Græcos suscipiebantur : ut magnum
 „Luciferiani interlocutoris stuporem fuisse oporteat, qui hæc nota
 „& omnibus obvia in causæ suæ defensione prætermiserit.

RESPONDEO 1. Gravem controversiam esse apud antiquos Patres,
 „utrum manus impositio, per quam hæretici in ecclesiam admitterentur,
 „confirmatoria esset. Affirmant plures antiqui Patres pluraque concilia :
 „negare videtur Hieronymus. Argumentum porro ad mentem

rem Hieronymi aperiendam a nobis productum, non petitur ex manus impositione super hæreticos ad ecclesiam redeuntes, sed ex manus impositione super eos qui in ecclesia baptizati sunt, fieri solita. Priorem negat, posteriorem concedit Hieronymus confirmatoriam esse.

RESPONDEO 2. Hieronymum mihi videri in ea fuisse opinione, quod confirmatoria manus impositio conferret quidem Spiritum sanctum ad robur & perfectionem, sed nullo modo ad remissionem peccatorum. Quamobrem cum descensus Spiritus sancti ad robur & perfectionem præsupponat descensum ejusdem Spiritus ad remissionem peccatorum, inde fit, ut Hieronymus contra Luciferianos existimaverit, Arianos, ut qui remissionem peccatorum in suo baptismo non essent consecuti, per confirmatoriam manus impositionem minime recipiendos esse.

Eam etiam ob rem Hieronymus, opinor, concedit confirmatoriam manus impositionem iis conferendam esse qui in Ecclesia non autem iis qui in hæresi baptizati sunt: quia confirmatoria manus impositio in iis, qui baptizati sunt, peccatorum remissionem supponit.

OBJICIT 4. " Quando Hieronymus scripsit hanc esse ecclesiarum consuetudinem, ut ad eos, qui longe in minoribus urbibus per presbyteros & diaconos baptizati erant, episcopus manum impositurus excurreret, significavit hanc esse consuetudinem quarundam ecclesiarum dumtaxat, non omnium. Et certe non fuisse hanc ecclesiarum consuetudinem, apertum est, quia orientales episcopi non imponunt manus neophytis. Neque etiam consuetudo ea erat omnium ecclesiarum occidentis; quandoquidem in Hispania iis solis, qui in morbo aut periculo mortis vel etiam a diacono tincti fuerant, imponebatur tempore concilii Eliberitani, hoc est sexaginta quinque annis circiter, antequam Hieronymus dialogum hunc conscriberet, qui seipsum explicat verbis istis sequentibus: *MULTIS IN LOCIS* (non ergo in omnibus) *ID FACTITATUM RÉPERIMUS AD HONOREM POTIUS SACERDOTII, QUAM AD LEGIS NECESSITATEM.*

RESPONDEO ex Patribus sive græcis sive latinis *supra* relatis & *infra* referendis constare de manus impositione episcopali cum apud Græcos tum apud Latinos adhibita. Quid vero argutis Dallzi ex canone 77. concilii Illiberitani petitis responderi debeat, recale quæ dicta sunt pag. 102. *object.* 4. Relata Hieronymi verba probant equidem in more tunc temporis fuisse apud quasdam ecclesias, ut episcopi per minores urbes excurrerent ad eos confirmandos qui per presbyteros & diaconos baptizati fuerant; non autem affirmant, quod in quibusdam dumtaxat ecclesiis Confirmatio hac ætate neophytis conferretur, quæ duo maxime distinguuntur. Sacramentum enim sese offerentibus ac petentibus administrari potest, quin episcopi per minores urbes ad neophytos

Vitasse de Confirmatione.

K

con-

confirmandos excurrant. Etsi vero assererent, quod Confirmatio quibusdam in locis ab episcopis non conferretur iis, quos presbyteri vel diaconi baptizaverant; evincerent tantum neglectam tunc temporis fuisse Confirmationem summo abusu, cui postea per canones & decreta consultum fuit.

OBJICIT 5. " Ex Hieronymo constare Confirmationem esse juris duntaxat ecclesiastici. Luciferianus quidem id scriptum esse in actis apostolorum dicit; sed falsum dicit, neque ex actis quidquam ad id probandum adducit, neque sane pedem in eo figit; sed hoc praesidio, velut ei diffidens, misso, ecclesiasticam consuetudinem obtendit. Etiam si, inquit, Scripturae auctoritas non subesset, totius orbis in hanc partem consensus instar praeccepti obtineret. Et Hieronymus satis ostendit id non a Christo, non ab apostolis, sed ab ecclesia institutum: neque in Scripturis praecceptum, sed usu introductum: ubi docet nulla id necessitate factum, quasi qui rite loti essent, ii spiritu sancto carerent, qui per episcopalem manus impositionem tradi dicebatur, quia nullum est verum baptisma sine Spiritu sancto, & qui post illud susceptum ante manum sibi per episcopos positam ex hac vita decedunt, non sunt salutis exortes. Cum Luciferianus objecisset hunc esse ecclesiarum morem, qui pro lege esse debet, sicut pro lege sunt nonnullae aliae caeremoniae ecclesiasticae, Hieronymus non modo non refutat, sed & ipse diserte eadem ponit, certiusque confirmat, nam eadem de re verba faciens, consuetudinem ecclesiarum, item ecclesiae leges vocat, non Domini aut apostolorum praecceptum: quin & huius legis necessitatem esse rotunde negat, significatque ecclesiam ad hunc inducendum morem ob oculos habuisse dignitatem episcopalem.

RESPONDEO 1. Luciferianum diserte pronunciare, quod Confirmatio est juris divini, quando sic loquitur. " An nescis etiam ecclesiarum hunc esse morem, ut baptizatis postea, manus imponantur, & ita invocetur Spiritus sanctus. Exigis ubi scriptum sit." in actibus apostolorum. " Neque vero sequentibus verbis (" etiam si Scripturae auctoritas non subesset, totius orbis in hanc partem consensus instar praeccepti obtineret ") significavit se divinarum Scripturarum praesidio diffidere, imo potius significavit hoc esse juris divini & ecclesiastici simul. Augustinus phrasi simili usus libro *de cura pro mortuis cap. 1*. " In Machabaeorum libris, inquit, legimus oblatum pro mortuis sacrificium. Sed etsi nusquam in Scripturis veteribus omnino legeretur, non parva tamen est universae ecclesiae quae in hac consensione claret auctoritas, ubi in precibus sacerdotis, quae Domino Deo ad ejus altare funduntur, locum suum habet etiam commendatio mortuorum. " Simile probationis genus legere est in *epistola* Innocentii I. ad Decentium Eugubinum *cap. 30*. " Haec, inquit, Pontificibus solis deberi, ut vel consignent, vel paracletum Spiritum tradant, non solum

„lum consuetudo ecclesiastica demonstrat, verum & illa lectio actuum
 „apostolorum, quæ afferit Petrum & Joannem esse directos, qui jam
 „baptizatis traderent Spiritum sanctum.

2. Ipse quoque sanctus Hieronymus aperte sateatur Confirmationem
 esse juris divini, dum ita loquitur : “ Quod si quæris quare in eccle-
 „sia baptizatus, nisi per manus episcopi non accipiat Spiritum san-
 „ctum, ... discce hanc observationem ex ea auctoritate descendere,
 „quod post ascensum Domini Spiritus sanctus ad apostolos descendit.”
 Sane quod confert Spiritum sanctum, juris divini sit oportet. Sed Hier-
 onymus non semel ibi docet per impositionem manus episcopalis con-
 ferri Spiritum sanctum.

Quando vero pronuntiat *nulla necessitate factum esse*, ut baptizato
 manus imponeretur in Spiritum sanctum, loquitur de Spiritu sancto
 in remissionem peccatorum, ut qui in legitimo baptismo jam recep-
 tus fuerit, non autem de Spiritu sancto qui legitime baptizatis conse-
 cratur ad robur. Sic apostoli, cum Spiritum sanctum acceperant, ante-
 quam Christus ascenderet in cælum, eundem Spiritum rursus accepe-
 runt post ascensionem. Sic Samaritani per Philippum diaconum Chri-
 sti baptismo initiati, adeoque ex Hieronymi mente donati Spiritu
 sancto, postea eundem Spiritum sanctum ad robur consecuti sunt.
Actuum 19. Unde Hieronymus : “ Si ergo baptizati sunt vero & le-
 „gitimo ecclesiæ baptismo, & ita postea Spiritum sanctum consecu-
 „ti sunt : & tu apostolorum sequere auctoritatem ; & baptiza eos qui
 „Christi non habent baptisma : & poteris invocare Spiritum san-
 „ctum. “ Duplicem ergo Spiritus sancti receptionem Hieronymus di-
 stinguunt : prior est in remissionem peccatorum ; posterior ad robur
 & perfectionem : prior simpliciter necessaria est, non autem po-
 sterior.

Quod etiam Dallæus subjungit, Hieronymum significare, ecclesiam ;
 dum hunc morem induxit, ob oculos habuisse dignitatem episcopalem,
 falsum est. Hieronymus enim aperte significat episcopos esse ministros
 jure divino, non autem ecclesiastico dumtaxat ; quemadmodum in *Actis*
 apostoli & non alii, jure divino erant ministri manus impositionis,
 qua neophyti Spiritum sanctum consequabantur. Hæc igitur Hierony-
 mi verba : “ Multis in locis idem factitatum reperimus ad honorem
 „potius sacerdotii, quam ad legis necessitatem : “ non intelliguntur
 de institutione confirmatorie manuum impositionis, vel ejus ministri,
 quasi ecclesia ministerium illud solis episcopis tribuerit ad honorem sa-
 cerdotii ; sed de excursu episcoporum ad eos confirmandos, qui in mi-
 noribus urbibus per presbyteros vel diaconos baptizati fuerant : quem
 quidem excursum Hieronymus ait fieri potius *ad honorem sacerdotii*,
 hoc est ut episcopus suo munere fungatur, quam *ad legis necessitatem*,
 quia baptizati salutem sine manus impositione consequi possunt. Deni-
 que hæc Hieronymi verba : “ Sed quale est, ut leges ecclesiæ ad hæ-

„resim transferas? “ varii varie interpretantur : quis sit eorum sensus legitimus, aperuimus *supra*, pag. 108. & 141. iste scilicet ; Sed quale est, ut legibus ecclesiæ, quibus sancitum est, ut “ ad eos, qui longe in minoribus urbibus per presbyteros & diaconos in ecclesia catholica baptizati sunt, episcopus ad invocationem sancti Spiritus manum impositurus excurrat : has, inquam, leges transferas ad hæresim, “ id est, adhibeas, ut inde probes manuum quoque impositionem confirmatoriam hæreticis, qui in hæresi baptizati sunt, conferendam esse.

§. 2. Innocentius primus.

Innoentius I. qui anno 401. electus, obiit anno 417. sacramenti Confirmationis meminit in *epistola ad Decentium Eugubinum cap. 3.* “ De consignandis vero infantibus, inquit, manifestum est non ab alio quam ab episcopo fieri licere, Nam presbyteri, licet sint sacerdotes, Pontificatus tamen apicem non habent. Hæc autem Pontificibus solis deberi, ut vel consignent, vel paracletum Spiritum tradant, non solum consuetudo ecclesiastica demonstrat, verum & illa lectio actuum apostolorum, quæ asserit Petrum & Joannem esse directos, qui jam baptizatis traderent Spiritum sanctum. Nam presbyteris, seu extra episcopum, seu præsentem episcopum baptizent, christum baptizatos ungere licet, sed quod ab episcopo fuerit consecratum; non tamen frontem ex eodem oleo signare, quod solis debetur episcopis, cum tradunt Spiritum paracletum. Verba vero dicere, non possum, ne magis prodere videar, quam ad consultationem referre. “ Ex quo loco sequitur ætate Innocentii duas unctiones fuisse, alteram in vertice, alteram in fronte. Utraque fiebat ex oleo, episcopali benedictione consecrato : prior a sacerdotibus, ipso etiam præsentem episcopo; posterior a solis episcopis fieri poterat ex lege divina & ecclesiastica : posterior, non autem prior, conferebat Spiritum sanctum : posteriorem comitabatur verborum formula, quam Innocentius silentio prætermisit, ne hujus sacramenti sanctitatem perderet.

• **OBJICIT 1.** Dallzus *lib. 3. cap. 1.* “ a doctis viris, neque sane abs re, fuisse dubitarum, utrum Innocentii necne sit epistola.

REFELLITUR. Dallæo enim imprimis ipsum Dallæo opponimus, quæ omnibus rite perpenſis agnoscit *lib. 2. de Extrema-Untione*, eam esse Innocentii. 2. Ipsi opponimus Blondellum Calvinistarum in iis, quæ ad criticam attinent, eruditissimum in *libro de episcopis*, pag. 144. & 211. 3. Plures antiquos auctores opponimus, qui hanc epistolam Innocentii nomine laudarunt; Nicolaum I. & Hincmarum, archiepiscopum Reimensem, qui floruerunt ad annum 850. concilium Meldense, quod anno 845. celebratum est, *can. 44.* auctorem libri *de divinis officiis*, quæ Aikuini nomine circumfertur, qui floruisse putatur ad annum 804. cap.

de Sabbato sancti pasche, & cap. de infirmis; Amalarium Fortunatum, in libris de ecclesiasticis officiis, quos ille composuit ad annum 830. lib. 1. cap. 12. Walafridum Strabonem, qui floruit ad eundem annum 830. in libro de rebus ecclesiasticis, cap. 26. Halitgarium, episcopum Cameracensem, qui floruit ad eundem annum 830. lib. 3. de vitiis & virtutibus cap. 15. Jonam Aurelianensem episcopum, qui floruit ad annum 820. lib. 1. instit. laic. cap. 7. & lib. 3. cap. 14. venerabilem Bedam in epist. S. Jacobi, qui presbyter ordinatus anno 701. obiit anno 731. ex Sigeberto, vel ann. 735. quod alii probabilius existimant; Cresconium, episcopum Africanum, qui floruit seculo 7. in breviario canonum; Isidorum, Hispalensem episcopum, qui anno Domini 600. ordinatus est; Dionysium Exiguum in sua canonum collectione, quam sub initium seculi 6. edidit, ubi hanc ipsam epistolam integram refert.

Hæc etiam epistola Innocentii nomen præfert in vetustissimo codice Corbejensi, exarato temporibus Vigili papæ, qui extat in bibliotheca Sangermana Parisiensi. Denique verba nonnulla hujus epistolæ, tacito tamen Innocentii nomine, referuntur in concilio Hispalensi, quod anno 619. celebratum est, cap. 7. & a Crodegando seu Crodogango, episcopo Meldensi, qui sub rege Pipino floruit ad annum 750. in regula canonicorum cap. 71. quam tamen regulam agnosco integram non fuisse a Crodegando compositam, sed ab anonymo quopiam interpolatore ex Crodogangi norma, concilii Aquisgranensis capitulis, & aliunde confarcinatam: item a Rabano Mauro in libris de institutione clericorum, quos ille scripsit anno 819. lib. 1. cap. 6.

OBJICIT 2. Dallæus "quod ipsa Decentii episcopi consultatio ostendit, nondum anno 416. apud omnes ecclesias receptum & indubitatum fuisse, ut episcopi soli chrismarent. Hoc enim jus, si liquido vel ab apostolis constitutum, vel majorum saltem auctoritate, vel denique Romani alicujus episcopi, puta Silvestri, lege, apud omnes christianos jam tum receptum fuisset, id profecto Decentius, qui episcopus erat, & quidem Eugubii civitate Romæ vicina ac propemodum suburbana, nescire non poterat.

RESPONDEO 1. hanc objectionem esse de ministro, de quo hic non agitur, non autem de natura hujus sacramenti, quæ inter catholicos & Calvinistas hic controvertitur.

RESPONDEO 2. hæc de re minime dubitasse Decentium, sed presbyteros nonnullos, quibus ipse præerat, qui ut suam auctoritatem attollerent & ampliarent, novitates inducebant, vel etiam earum aliquas sub Decentii prædecessoribus induxerant.

OBJICIT 3. hinc videri quam exigua haberetur illis seculis papalium decretorum ratio, quamque angustis circumscripta esset finibus legum Romæ de ecclesiasticis ritibus positarum auctoritas. Nam quo tempore hæc quærebatur ab Innocentio Decentius, anni erant jam elapsi centum, cum ista, de quibus quærit, definiverat Silvester. Ergo Silvester vixit de Confirmatione.

„stri lex toto illo tot annorum spatio ne in proximam quidem Um-
 „briam, cujus erat Eugubium civitas, creptare ex urbe potuerat, ne-
 „dum ut eam toto statim orbe promulgatam, pronoque omnium ob-
 „sequio receptam, veluti sacrosanctum communis monarchæ edictum
 „vel oraculum fuisse putemus: quod est bellum sane ac suave præ-
 „sentium Latorum de suis papis somnium. Id Sirmundus pro sua e-
 „ruditione vidit, & pro suo candore observavit his verbis. In Italia
 „ipsa (inquit *Antirrhethici* 2. cap. 7. pag. 53.) vix extra urbem vici-
 „nas ecclesias institutum hoc (de signanda a solis episcopis fronte)
 „tenuisse illa Decentii Eugubini in Umbria episcopi consultatio de-
 „clarat.

RESPONDEO ex hac Decentii consultatione equidem sequi, quod
 hisce temporibus decretum Silvestri de signanda a solis episcopis fron-
 te, Eugubii non servaretur: non autem, quod in Italia ipsa (quem-
 admodum vult Sirmundus) vix extra urbem vicinæ ecclesiæ tenuerint
 hoc institutum. Sequitur etiam quod lex illa Silvestri violata aut igno-
 rata Eugubii fuerit; non autem quod legum Romæ de Ecclesiasticis ri-
 tibus potarum auctoritas (ut vult Dallæus) angustis finibus esset cir-
 cumscripta, imo ex Innocentii responso contrarium apparet. Decentius
 ad Eugubii episcopatum evectus, novitates aliquas a presbyteris indu-
 ci, vel sub suis prædecessoribus inductas fuisse observavit. Ut vero ma-
 jori eas auctoritate reformaret, consuluit Innocentium I. Innocentius
 in suo rescripto in illos presbyteros acriter invehitur, ut qui instituta
 „ecclesiastica, ut sunt a beatis apostolis tradita, non servarent; sed
 „traditiones antiquas humana præsumptione corrumpere. Subjicit
 „neminem esse “ qui nesciat, aut non advertat, id quod a principe a-
 „postolorum Petro, Romanæ ecclesiæ traditum est, ac nunc usque cu-
 „stoditur, ab omnibus debere servari: (de iis loquitur ecclesiis, quæ
 „a Romana principium acceperant) nec superinduci aut introduci ali-
 „quid, quod auctoritatem non habeat, aut aliunde accipere videatur
 „exemplum; præsertim cum sit manifestum, in omnem Italiam, Gal-
 „lias, Hispanias, Africam, atque Siciliam, insulasque interjacentes
 „nullum instituisse ecclesias, nisi eos quos venerabilis apostolus Petrus
 „aut ejus successores constituerint sacerdotes. Legant, si in his pro-
 „vinciis alius apostolorum invenitur aut legitur docuisse. Quod si non
 „legunt, quia nusquam inveniunt, oportet eos hoc sequi quod Roma-
 „na ecclesia custodit, a qua eos principium accepisse non dubium est. “
 Deinde monet Decentium, ut novitates illas in ecclesia sua REFOR-
 MET: & monitum suum ita concludit: “ Quibus (consultis tuis)
 „idcirco respondemus, non quod te aliqua ignorare credamus, sed ut
 „majori auctoritate vel tuos instituas, vel, si qui a Romanæ ecclesiæ
 „institutionibus errant, aut commoneas, aut indicare non differas; ut
 „scire valeamus qui sint, qui aut novitates inducant, aut alterius ec-
 „clesiæ quam Romanæ existimant consuetudinem. “ His præmissis,
 ref-

respondet ad singulas quæstiones a Decentio propositas. Quod autem non debeant baptizati, nisi ab episcopo chrismate in fronte consignari, & per hanc unctionem consequi Spiritum sanctum, asserit 1. id manifestum esse: 2. eam esse consuetudinem ecclesiasticam: 3. id demonstrari lectione actuum apostolorum; quæ asserit Petrum & Joannem esse directos, qui jam baptizatis traderent Spiritum sanctum. Hoc igitur Innocentii ætate non erat dubium, sed manifestum: eaque consuetudo vigeat in ecclesiis Italicis, Gallicanis, Hispanicis, Africanis, Siculis, & aliis, quæ a Romana principium acceperant.

OBJICIT 4. "Sed & in ipsa epistola quanto supercilio sua dictata profundit! Manifestum est, inquit, non ab alio quam ab episcopo consignari infantes licere. Quid ita, quæso? Nam, inquit, presbyteri, licet sint sacerdotes, pontificatus tamen apicem non habent. Quid ista ratione absurdius fingi potest? An sit aliquis pontificatus apex, quo presbyter careat, non immerito dubitatur: & adhuc ipso tum superstiti Hieronymo definitum esse, nullo divino jure nisi istum apicem facile scire potuit Innocentius. Jam si hoc, quod totius rationis fundamentum est, dubium ipsum & obscurum atque incertum, imo & falso longe propius est, quomodo manifestum est id, quod hinc iste colligit? Sed esto tamen eo pontificatus apice, quem habebant, (sed jure ecclesiastico) illius temporis episcopi, caruerint presbyteri, an propterea consequens est, ut ii consignare non possint? Atqui etiam sine illo apice baptizant, eucharistiam conficiunt, etiam ex te, Innocenti, chrismant. Qui tot, tantaque, quamquam nullo apice insignes, præstant: quis eos (quæso) si sanæ mentis sit, consignare non posse, non dico manifestum, sed vel probabile eo fieri putaverit, quod illo tuo apice careant?"

RESPONDEO neque Hieronymum, neque ullum alium catholicum unquam dubitasse, quin sit in episcopis pontificatus apex, quo presbyteri careant: & quin ille sit juris divini; tantum abest ut jure ecclesiastico introductus fuerit Innocentii tempore. Qua de re suus erit disferendi locus.

AT, inquit Dallzus, presbyteri baptizant, eucharistiam conficiunt, imo in vertice chrismant: cur non in fronte?

RESPONDET Innocentius, ne baptizatos in fronte chrismant, & per hanc chrismationem eis Spiritum sanctum conferant, prohibere non solum consuetudinem ecclesiasticam, verum & illam lectionem actuum apostolorum, quæ asserit Petrum & Joannem esse directos, qui jam baptizatis traderent Spiritum sanctum. Quod si non sit sanæ mentis, qui ita lenserit: insani erunt Cyprianus in epist. 73. ad Iubajanum, Chrysostomus in homil. 18. in acta, Hieronymus dialogo adversus Luciferianos, cap. 4. Augustinus lib. 18. de Trinit. cap. 26. Patres Illiberitani can. 38. & 77. supra citatis, & alii, qui in solis episcopis agnoscunt potestatem confirmandi, & per Confirmationem conferendi Spiritum sanctum.

OBJICIT 5. "Ejusdem farinae sunt, quæ consequuntur, consuetudinem ecclesiæ demonstrare, foliis pontificibus deberi, ut vel consignent, vel Spiritum sanctum tradant. Si de universa ecclesia (quod absurdissimum somniat Aurelius) hæc diceret Innocentius, falsi manifesti reus esset. Nam plane contrariam fuisse non modo græcæ sive orientalis, sed etiam Africanæ, & Hispanicæ, & Gallicanæ, imo & Sardinienfis in Romana vicinia ecclesiæ consuetudinem & fatetur & probat Sirmundus. Sed Innocentium, ut mihi quidem videtur, calumniatur Aurelius, dum hanc ei mentem fuisse vult. Ille vero de sua una, id est Romana, sive urbica ecclesia loquitur. Ejus unius consuetudinem idoneum censet argumentum ad demonstrandum quid esset in ea causa juris. Nimirum Innocentius (qui istorum Romæ antistitem vetus est jam ab antiquissimis temporibus morbus) sibi persuaserat nihil Romæ suæ fieri, quod non esset apostolicum, ac divinum, & omnibus omnino christianis sequendum. "Et postea: "Quod ille velut principium quoddam notissimum assumit suæ ecclesiæ eam vim esse atque dignitatem, ut quidquid illa observat, id observari debeat, nego: negaverunt eam rem pridem Cyprianus & Firmilianus; nesciverant omnes pene ecclesiæ, quæ etiam post inventum illud episcopis a Silvestro collatum privilegium, suorum presbyterorum neophytis consignandis manu & opera, annis jam pene centum in Africa & in Hispania utebantur. Nesciverunt etiam post hanc Innocentii decretalem Gallicanæ, Sardinienfis, Hispanicæ ecclesiæ, quas (quod mox demonstrabitur) diversum a Romano morem retinuisse constat.

RESPONDEO Innocentium loqui dumtaxat de ecclesiis a Petro apostolo institutis vel ab ejus successoribus, præsertim vero de Italicis, Gallicanis, Hispanicis, Africanis, Siculis, & iis quæ in insulis interjacentibus sitæ sunt: quemadmodum apparet ex textu *supra* relato; quæ quidem ecclesiæ easdem cum Romana consuetudines observabant. Qua de re *infra*, ubi de ministro. Quæ vero fuerit orientalium praxis, *ibidem* referemus. Innocentio igitur imponit Dallæus, cum ei assignit, quod ille velut principium quoddam notissimum assumpserit, suæ ecclesiæ eam vim esse atque dignitatem, ut quidquid illa observat, id ab omnibus christianis observari debeat. Quod ad Cyprianum & Firmilianum attinet, ii quidem in causa de hæreticorum baptismo recesserunt ab ecclesiæ Romanæ consuetudine, sed simul illi quoque ab apostolica traditione & a veritate alieni facti sunt.

OBJICIT 6. "Sed neque levior illa quæ sequitur deliratio, quæ, consignationis seu chrismationis jus foliis episcopis deberi, demonstrare ait illam lectionem actuum apostolorum, quæ asserit Petrum & Joannem esse directos, qui jam baptizatis traderent Spiritum sanctum. 1. De consignatione sive chrismatione nullum in actis verbum. Manus imponere plane aliud est, quam chrismare. Ergo ridi-
culus

„ culus est , qui ex eo quod apostoli neophytis manus imposuerunt ,
 „ concludit solis episcopis chrismandi jus esse . Tum fac apostolos
 „ (quod nulla actuum , nulla divinæ Scripturæ lectio asserit) neophy-
 „ tis chrismasse ; qua ratione inde conficies , non aliis quam episcopis
 „ licere chrismare ? suntne episcopi apostoli ? vel an quæ apostoli fece-
 „ runt , ea episcopis vel omnia vel solis facere licet ? cur ea presbyte-
 „ rum magis excludant , quam episcopum ? Neque est quod regerat In-
 „ nocentius , Philippum manus nequaquam imposuisse . Primum , hoc si
 „ ego negavero , unde iste probabit ? Certe & Chrysostomus refert , &
 „ Oecumenius sequitur hanc interpretationem , Philippum ideo manus
 „ non Samaritanis imposuisse , non quod non liceret , sed quod hono-
 „ ris causa id apostolis peragendum servare maluerit , quam ipse pera-
 „ gere . Sed hoc quidem mitto : illud rogo , qua necessitate concludes
 „ presbyteris non licere , quod Philippo non licuit ? Philippus enim non
 „ presbyter , sed diaconus fuit .

RESPONDEO chrismationem in fronte & manuum impositionem ple-
 rumque pro eodem usurpari , sive quia (quod nonnulli volunt) chrismatio manuum impositioni successit : sive quia (quod aliis placet) chrismatio manuum impositioni necessario connexa est . Hæc autem connexio juris est divini vel ecclesiastici . Si primum , chrismatio in actis commemoratur implicite , quia in illis mentio fit impositionis manuum . Si secundum , Patribus familiare est , ut ex duobus inter se etiam usu ecclesiastico connexis , unum pro altero sumatur ; sic pœnitentiæ sacramentum dicitur *manus impositio* , & ipsa Confirmatio plerumque vocatur *signaculum* , *obsignatio* , a signo crucis , quod in ea conferenda adhibetur : denique ex actis constat solos apostolos habuisse potestatem conferendi Spiritum sanctum . Sed Spiritus sanctus per manuum impositionem olim quidem conferebatur : nunc vero per chrismationem in fronte , quæ manuum impositioni successit . Hæc igitur unctio ad solos episcopos pertinet . Hæc & alia pro ea , quam amplexus fuerit , sententia quilibet respondere poterit . Crediderim tamen Innocentio visum fuisse , quod chrismatio jure divino annexa sit manuum impositioni , per quam Spiritus sanctus neophytis ad robur & perfectionem confertur . Id quippe iste loquendi modus Innocentii persuadere videtur .

SIN autem quæras unde constet licere episcopis chrismare , quemadmodum licuit apostolis .

RESPONDEO id constare ex eo quod episcopi succedant apostolis , ad quorum munus ordinarium chrismatio pertinebat .

Si quæras iterum , unde constet id licere episcopis , non autem presbyteris .

RESPONDEO id constare ex duplici capite . 1. Quia episcopi pontificatus apicem habent , quo carent presbyteri . 2. Quia traditio , quæ optima interpretes est Scripturæ sacræ , docet hoc munus jure ordinario solis episcopis reservatum esse .

Quod

Quod autem Philippus diaconus non habuerit potestatem imponendi manum neophytis, & per hanc impositionem conferendi Spiritum sanctum, docent omnes antiqui Patres, etiam ipse Chrysostomus, cujus mentem ut intelligas, adverte olim dubitarum fuisse, utrum Philippus, qui Samaritanis prædicavit evangelium, eosque baptizavit, apostolus, an diaconus esset. Clementinæ constitutiones libro 6. cap. 7. eum apostolum asserunt; idem assererebant illi, quos Oecumenius refutat cap. 9. in acta apostol. Ea tamen communis est Patrum sententia, hunc Philippum ab eo minime diversum esse, qui Actor. 21. v. 8. dicitur fuisse unus de septem. Inde fit ut Chrysostomus dubitaverit, utrum Philippus, qui Samaritanos baptizavit, haberet potestatem eis manum imponendi & per eam impositionem conferendi Spiritum sanctum; manum tamen eis non imposuerit, sed hanc impositionem Petro & Joanni venturis, ut eos honoraret, servaverit; an ille vero hac potestate careret. In eam tamen partem Chrysostomus inclinat, quod Philippus hac potestate caruerit, quia probabilius existimat illum eundem esse, qui Actor. 21. asseritur fuisse unus de septem. Hæc sunt verba Chrysostomi hom. 18. in acta: "Quare non acceperunt Spiritum sanctum ii, qui baptizarentur? vel forsitan quia Philippus in hoc apostolos brevi venturos honorabat; vel quod hoc donum non habebat, (erat enim ex septem illis) id quod magis videtur dicendum: unde mea sententia hic Philippus unus ex septem erat, secundus a Stephano: ideo & baptizans Spiritum sanctum non dabat, neque enim facultatem habebat: hoc enim donum solorum apostolorum erat: . . . nam virtutem quidem illi septem acceperant faciendi signa, non autem dandi aliis Spiritum sanctum. Igitur hoc erat in apostolis singulare. Unde & præcipuos (hoc est Episcopos) & non alios videmus hoc facere." Probat Chrysostomus Philippum ex eo, quod diaconus esset, non habuisse facultatem imponendi manus, & conferendi Spiritum sanctum. Certa igitur, eaque indubitata Chrysostomi sententia fuit diaconos ea potestate semper caruisse.

Quod attinet ad Oecumenium, cujus commentarii in Apostolorum Acta nobis objiciuntur;

RESPONDEO ejus eandem atque Chrysostomi mentem fuisse. Ille siquidem cap. 9. in acta probat Philippum non fuisse apostolum, quod non haberet potestatem conferendi Spiritum sanctum. "Si unus erat apostolorum, cum in Samaria baptizaret, habebat utique auctoritatem doni Spiritus." Et cap. 10. ostendit Philippum non habuisse hanc facultatem, quod diaconus esset. "Philippus unus ex septem, cum diaconus esset, potestatem non habebat ut ad manuum suarum impositionem daret Spiritum sanctum." Et paucis interjectis: "Manifestum est eos, qui a Philippo in Samaria baptizati erant, non accepisse Spiritum sanctum, eo quod donum hujusmodi non habe-

, ret,

„ret : quandoquidem , ut diximus , hic unus ex septem erat . Nam
 „hi virtutem quidem ad edenda signa acceperant , non autem ut cæ-
 „teris quoque darent hujusmodi Spiritum ; hoc enim apostolis serva-
 „tum erat . “ Verba igitur quæ proxime sequuntur : “ Præterea Phi-
 „lippus in eos , qui a se baptizati erant , Spiritum illabi non fecit ,
 „honorans videlicet apostolos . Neque enim tanquam abjectus , &
 „indignus (quando etiam de ipso proditum est , quod signa ediderit
 „in sanitatibus morborum , ejectionibusque dæmonum ;) sed quod non
 „oraverit , ut hoc illis contingeret , nondum videlicet aptis ad Spi-
 „ritus susceptionem : quando & Simon qui ab eo baptizatus erat ,
 „quæ carnis sunt adhuc sapiens , petebat ab Apostolis dono pecunia .
 „rum accipere potestatem , ut cuicumque veller , manuum impositione
 „ne daret Spiritum sanctum : “ Hæc , inquam , verba intelligi non
 debent absolute & simpliciter , quasi Oecumenius absolute existimaverit
 Philippum habuisse facultatem imponendi manus , & conferendi Spiritum
 sanctum ; alioquin Oecumenius in eodem loco sibi metipsum aperte
 contradiceret : sed accipi debent hypothetice , nimirum , facta hypo-
 thesi , datoque , non autem concessio , quod Philippus fuerit apostolus ,
 arque adeo hanc virtutem habuerit , manum tamen Samaritanis non im-
 posuerit , sive ut Petrum & Joannem brevi venturos honoraret , sive quod
 nonnulli ex Samaritanis nondum apti essent ad suscipiendum Spiritum
 sanctum .

Denique falsum est quod Innocentius concludat , non licere presby-
 teris chrismare , quia id non licuit Philippo Diacono . Innocentius
 ne id quidem cogitavit , sed in duobus dumtaxat vim facit , scilicet
 in consuetudine , & traditione Ecclesiastica , & in lectione Actuum
 qua constat Petrum , & Joannem Apostolos , non autem Presbyteros ,
 Samariam “ directos esse , qui jam baptizatis traderent Spiritum san-
 „ctum .

§. 3. *Augustinus.*

AUGUSTINUS , qui presbyter ordinatus est anno 391. Epi-
 scopus vero creatus anno 395. obiit anno 430. præclara docet
 de Confirmatione . Ejus autem testimonia ad duas classes revocari pos-
 sunt : quedam enim manuum impositionis , alia vero chrismatis men-
 tionem faciunt .

Testimonia primi generis quatuor sunt .

Primum habetur in *tract. 6. in primam Joannis epistolam* , numer. 10.
editionis Bened. “ Primis temporibus , inquit , cadebat super creden-
 „tes Spiritus sanctus ; & loquebantur linguis , quas non didicerant ,
 „quomodo Spiritus dabat eis pronunciare . Signa erant tempori op-
 „portuna . Oportebat enim ita significari in omnibus linguis Spiritum
 „san-

„ sanctum ; quia evangelium Dei per omnes linguas cursurum erat
 „ toto orbe terrarum . Significatum est illud , & transiit . Nunquid
 „ modo quibus imponitur manus , ut accipiant Spiritum sanctum ,
 „ hoc expectatur , ut linguis loquantur ? aut quando imposuimus ma-
 „ num istis infantibus , attendit unusquisque vestrum , utrum linguis
 „ loquerentur ? Et cum videret eos linguis non loqui , ita perverso
 „ corde aliquis vestrum fuit , ut diceret ; Non acceperunt isti Spi-
 „ ritum sanctum ; nam si acceperunt , linguis loquerentur , quemadmo-
 „ dum tunc factum est ? Si ergo per hæc miracula non fiat modo te-
 „ stimonium præsentis Spiritus sancti ; unde fit , unde cognoscit quis-
 „ que acceperit se Spiritum sanctum ? Interroget cor suum ; Si diligit
 „ fratrem , manet Spiritus Dei in illo Ergo si vis nosse , quia
 „ acceperis Spiritum , interroga cor tuum : ne forte sacramentum ha-
 „ beat , & virtutem sacramenti non habeas . Interroga cor tuum : si
 „ est ibi dilectio fratris , securus esto . Non potest esse dilectio sine
 „ Spiritu Dei , quia Paulus clamat : *Charitas Dei diffusa est in cordi-*
 „ *bz nostris per Spiritum sanctum , qui datus est nobis.* “ Eo loci San-
 „ ctus Augustinus plura docet . 1. Manus imponitur non solum adul-
 „ tis , sed & ipsis infantibus baptizatis . 2. Hæc manus impositio eis
 „ confertur , ut accipiant Spiritum sanctum . 3. Hæc manus impositio , &
 „ vim habet conferendi charitatem , & ille effectus permanens est . 4. Hæc
 „ manus impositio præter charitatem olim quidem conferebat gratias gra-
 „ tis datas , sed ille effectus transiit desitque . 5. Hæc manus impositio
 „ rationem habet sacramenti . 6. Baptizatus , qui hanc manus impositio-
 „ nem suscepit , neque tamen fratrem diligit , *sacramentum quidem ha-*
 „ *bet , sed virtutem sacramenti non habet .* Hoc textu catholica doctrina
 „ luculentis terminis asseritur , & argutis Calvinii refutantur , *lib. 4.*
 „ *insti. cap. 19. §. 6.* sic ratiocinantis . “ Ubi gratia illa (miraculo-
 „ rum) conferri desit , quorsum pertinet manuum impositio ? “ De-
 „ slerant quippe gratiæ gratis datæ tempore Augustini , quo tamen ma-
 „ num impositio baptizatis conferebatur , ut Spiritum sanctum acci-
 „ perent .

„ Secundum habetur *lib. 3. de baptismo , cap. 16.* “ Spiritus sanctus ,
 „ inquit , quod in sola Ecclesia Catholica per manus impositionem
 „ dari dicitur , nimirum hoc intelligi majores nostri voluerunt , quod
 „ Apostolus ait , quoniam *charitas Dei diffusa est in cordibus nostris per*
 „ *Spiritum sanctum qui datus est nobis.* Ipla est enim charitas , quam non
 „ habent , qui ab ecclesiæ catholicæ communione præcisi sunt Non
 „ habent Dei charitatem , qui ecclesiæ non diligunt unitatem : ac per
 „ hoc recte intelligitur dici , non accipi nisi in catholica Spiritus san-
 „ ctus . Neque enim temporalibus , & sensibilibus miraculis attestantibus
 „ per manus impositionem modo datur Spiritus sanctus , sicut antea daba-
 „ tur ad commendationem rudis fidei , & ecclesiæ primordia dilatanda .
 „ Quis enim nunc hoc expectat , ut ii , quibus manus ad accipiendum
 „ Spi-

„ Spiritum imponitur, repente incipiant linguis loqui? Sed invisibiliter & latenter intelligitur propter vinculum pacis eorum cordibus divina charitas inspirari. ... Aliud est sacramentum; quod habere etiam Simon Magnus potuit; aliud operatio Spiritus, quæ in malis hominibus etiam fieri solet, sicut Saul habuit prophetiam; aliud operatio ejusdem Spiritus, quam nisi boni habere non possunt, sicut est charitas ... Manus autem impositio non sicut baptismus repeti non potest: quid est enim aliud, nisi oratio super hominem? “ Ex hoc textu quinque colligi possunt. 1. *Munus ad accipiendum Spiritum sanctum imponitur.* 2. Hæc manus impositio charitatem *invisibiliter & latenter* producit: & ille effectus hodie permanet. 3. Hæc manus impositio olim conferebat gratias gratis datas, *ad commendationem rudis fidei, & ecclesie primordia dilatanda*; & ille effectus desuit. 4. In hac manus impositione aliud est sacramentum, aliud virtus conferendi gratias datas, & aliud virtus conferendi charitatem. Manus impositionis sacramentum cum gratiis gratis datis in peccatore reperiri potest, sed manus impositionis sacramentum cum effectu permanenti, videlicet cum charitate, in solis bonis reperitur. 5. Manus impositio, cum nihil aliud sit quam oratio, reperiri potest, cum e contrario baptismus repeti non possit. Quæ vero & qualis manuum impositio repeti possit, discutietur alibi.

Tertium habetur in *expositione inchoata in epistolam ad Romanos*, circa finem, ubi Augustinus expendens illud capitis 6. epistolæ ad Hebræos, v. 1. & 2. *Non rursus jacentis fundamentum penitentiae a mortuis operibus, & fidei in Deum, lavacri doctrine, impositionis manus*; subjicit: “ Ista omnia in baptismo traduntur, quæ (Paulus) negat esse repetenda, utique in consecrandis fidelibus. “ Sicut igitur baptismus, ita manus impositio in consecrandis fidelibus iterari non debet.

Quartum habetur *lib. 15. de Trinitate, cap. 26.* ubi Christi divinitatem ex missione Spiritus sancti probat. “ Quomodo ergo Deus non est, qui dat Spiritum sanctum? imo quantus Deus est, qui dat Deum? Neque enim aliquis discipulorum ejus dedit Spiritum sanctum: orabant quippe ut veniret in eos, quibus manum imponebant, non ipsi eum dabant. Quem morem in suis præpositis etiam nunc servat ecclesia. “ Et post alia: “ Nos autem accipere quidem hoc donum possumus pro modulo nostro; effundere autem super alios non utique possumus, sed ut hoc fiat, Deum super eos, a quo hoc efficitur, invocamus. “ Ex hoc textu quatuor patent. 1. Manus impositio, quæ ab apostolis super baptizatos usurpata fuit, ætate Augustini in ecclesia observabatur. 2. Hæc manus impositio a præpositis, hoc est ab episcopis, conferebatur. 3. Baptizatis conferebatur ut super eos descenderet Spiritus sanctus. 4. Verba, quibus episcopi in hac manus impositione utebantur, erat omnino deprecatoria; nec enim dabant Spiritum sanctum, sed Deum orabant, ut Spiritus sanctus super baptizatos descenderet.

Calvini responsio dicentis *lib. 4. instit. c. 19. §. 6.* manuum impositionem olim in usu duntaxat fuisse ad effectus sensibiles & gratias gratis datas, falsa demonstratur 1. *¶ 2. textu.*

Falsa etiam demonstratur responsio ejusdem Calvini *ibid. §. 12.* absolute negantis manus impositionem, seu ab Augustino, seu ab ullo veterum aliquando vocari sacramentum.

Falsa quoque apparet Antonii de Dominis solutio, *num. 32.* respondentis, inde non sequi Spiritum sanctum esse effectum confirmatoriae manuum impositionis. Hæc enim, inquit, manus impositio ab apostolis adhibebatur ad impetrandum Spiritum sanctum, non absolute, sed quoad effectus quosdam sensibiles & gratias gratis datas. Deinde Ecclesia illam retinuit ad imitationem, & fortasse ex apostolorum instituto, non ad dandum, sed ad impetrandum super baptizatos Spiritum sanctum quoad effectus quosdam invisibiles, præsertim quoad stabilitatem & incrementum charitatis. Apostoli vero tali manuum impositione gratias gratis datas obtinebant ex opere duntaxat operantis, cum illas nonnisi per orationem obtinerent: quanto magis nos gratiam sanctificantem per eandem manus impositionem ex opere tantum operantis consequimur.

Hæc, inquam, solutio refellitur. 1. Quia gratis id asseritur ab Antonio de Dominis. Quia *pag. 13. probatione 1. & pag. 23. object. 3.* efficaciter probavimus Spiritum sanctum per apostolicam manuum impositionem concessum fuisse in ordine ad utramque gratiam, & gratis datam, & sanctificantem. 3. Quia Augustinus in 2. *textu relato* concepit verbis, ait *Spiritum sanctum in ecclesia catholica per manus impositionem dari.* 4. Quia Augustinus, in 1. *¶ 2. textu* hanc manus impositionem propriis terminis appellat sacramentum. 5. Quia Augustinus in hoc utroque textu ait in hac manus impositione aliud esse sacramentum, & aliud esse virtutem sacramenti. Concedit enim eum, cui non recte disposito manus imponitur, suscipere quidem sacramentum, non autem virtutem sacramenti: quemadmodum ille, qui prave dispositus ad baptismum accedit, ipsum quidem sacramentum, non autem virtutem sacramenti recipit. 6. Augustinus in *primo textu* ait, hanc manus impositionem non solum adultis, sed etiam infantibus concedi, & per eam Spiritum sanctum, hoc est charitatem, ipsis infundi. Supponit igitur illam agere ex opere operato. Neque contrarium ex argutiis Antonii de Dominis evinci potest. Formæ siquidem pœnitentiæ & Confirmationis olim erant deprecatoriz: formæ quoque ordinis & Extremæ-Unionis hodie deprecatoriz sunt, quamvis agant ex opere operato: quin etiam forma baptismi, quem ipsi hæretici verum esse sacramentum agnoscunt, a sanctis Patribus vocari solet *invocatio* & *deprecatio Trinitatis*. Idem dici debet de eucharistia, cujus formam Patres appellant *invocationem Spiritus sancti*. Denique Augustinus *lib. 5. de baptismo, cap. 20.* agnoscit formas baptismi, Confirmationis, eucharis-

tiz,

riæ, & pœnitentiæ deprecatorias esse, licet *ibidem* hæc quatuor pro veris sacramentis habeat. " Quomodo (Deus) inquit, exaudit ministrum homicidam deprecantem vel super aquam baptismi, vel super oleum, vel super eucharistiam, vel super capita eorum, quibus manus imponitur? ... quomodo dat homicida Spiritum sanctum?

DALLÆUS, ut ab illis Augustini testimoniis sese explicet, *lib. 2. cap. 24.* respondet 1. sibi facile esse relatis auctoritatibus id respondere, quod eisdem respondent theologi, qui sustinent chrismationem esse materiam Confirmationis adæquatam: nempe Spiritum sanctum datum intelligi, non ipsius propriæ manus impositionis virtute, sed vi sacramenti, cui hæc cæremonia annexa erat: cum hoc solo discrimine, quod manus impositionem illi quidem Confirmationis, ipsæ vero baptismi cæremoniam esse censent.

Hæc responsio, duabus partibus constat: prima est, ex mente Augustini, manus impositionem, per quam datur Spiritus sanctus, cæremoniam esse baptismi. Secunda est, ex mente ejusdem Augustini per hanc impositionem intelligi Spiritum sanctum conferri, non vi hujusce manus impositionis, quæ quidem mera cæremonia est, sed virtute baptismi, cui olim annexa erat. Utramque partem Dallæus Augustino tribuit gratis & sine ullo fundamento. Utramque vero partem in mente Augustini falsam esse, sic ostendo. 1. Quia manus impositio, de qua Augustinus, eadem est ac illa, quam apostoli adhibebant, ut Spiritus sanctus super baptizatos descenderet: id apparet *ex 1. 2. & 4. textu relato*. Sed apostolica manuum impositio non erat mera baptismi cæremonia: id probavimus *supra*, idque constat ex Samaritanis, qui primum a Philippo baptizati, non statim, sed aliquanto post a Petro & Joanne manuum impositionem acceperunt. 2. Quia cum Augustinus in 1. 2. & 4. *textu* citato, magnifice loquitur de manus impositione, ita de ipsa loquitur, ut ne baptismi quidem meminerit. 3. Mera cæremonia non sanctificat ex opere operato. Sed manus impositio, de qua Augustinus, Spiritum sanctum confert non solum adultis, sed & infantibus, *ex 1. textu*. 4. Mera cæremonia non habet rationem sacramenti. Sed manus impositio, de qua Augustinus, SACRAMENTUM est, *ex 1. & 2. textu*. 5. Nemo dixerit in mera cæremonia aliud esse sacramentum aliud vero virtutem & effectum sacramenti. Sed in ea manus impositione, de qua Augustinus, aliud est sacramentum, aliud vero virtus sacramenti, *ex 1. & 2. textu*. 6. Augustinus in 1. & 2. *textu* agnoscit eum, qui rite dispositus manuum impositionem suscipit, suscipere sacramentum & virtutem sacramenti; eum vero, qui prave dispositus accedit, suscipere sacramentum, non autem virtutem sacramenti. Agnoscit igitur hanc manuum impositionem esse verum, legitimumque sacramentum. Hoc enim eodem modo loquendi utitur Augustinus, cum hæreticorum baptismum esse verum sacramentum probat adversus Donatistas. 7. Cæremoniæ sa-

cra-

ramento cuidam annexæ tribui non potest effectus sacramentalis; nisi forte quando sacramentum illud nomine ejusdem cæremoniz appellatur. Dixi forte; tunc enim effectus ille non tribuitur cæremoniz, sed sacramento, quod hujus cæremoniz nomine designatur, ut cum eucharistiz sacramentum dicitur *synaxis*, & Confirmationis sacramentum vocatur *obsignatio*. Sed apud Augustinum, vel alium (quod sciam) patrem baptismus nullibi appellatur *manus impositio*. Contrarium quidem existimat Josephus Vicecomes, qui in eam rem *lib. 1. de ritibus baptismi cap. 3.* in medio, citat Clementem Alexandrinum *lib. 1. pedagogi, cap. 6.* Severum Sulpicium *de vita S. Marini*; Gregorium Nazianz. *orat. 10. & 40.* & in *Carm. Iamb.* Sed in hisce auctoribus nihil hujusmodi reperitur. 8. Cæremoniz baptismi annexæ tribui non potest effectus a baptismo diversus. Sed manus impositioni, de qua Augustinus in *4. textu*, tribuitur effectus a baptismo diversus, nempe *donum gratie*: quod Augustinus post verba in eodem textu relata, ait *significari*: non quidem baptismo, sed *visibili unguento, quo baptizatos ungit ecclesia*. 9. Augustinus loquens de manus impositione, per quam Spiritus sanctus confertur, eam cum unctione baptismum subsequente conjungit, non autem cum ipso baptismo: ejusque effectum non ait baptismi, sed *visibili significari unguento, quo baptizatos ungit ecclesia*. Dallæus igitur eam minus recte ad baptismum, theologi contra eam rectius ad unctionem referunt.

RESPONDET 1. quod ritum impositionis manuum, quem vetus ecclesia ad Augustinum & infra servavit, penitus antiquaverimus, quo satis superque testati sumus meram esse cæremoniam nullo divino mandato in usum publicum investam.

REFELLITUR. Manus enim impositionem, quam ecclesia ad Augustinum & infra servavit, nunc etiam observari testantur libri pontificales, cum ajunt, episcopum *manus extendere versus confirmandos*. Theologi vero ab invicem ita dissident, ut nullus hæreticis saveat. Nonnulli ajunt, tunc ab episcopo manum imponi, cum baptizatum ungit in fronte. Alii vero, qui existimant unctionem manuum impositioni successisse, statim sese explicant, dicendo Christum genericè duntaxat determinasse materiam Confirmationis, ecclesiz vero potestatem dedisse eam specificè determinandi: quam ob rem apud illos theologos manus impositio & chrismatio ad mediatam Christi institutionem pertinent.

RESPONDET 3. ex ipsis Augustini verbis *initio secundi textus* relatis, "nimirum hoc intelligi majores nostri voluerunt, apparere, quod Augustinus majoribus totum hunc ritum, ejusque significationem tribuat.

REFELLITUR ex ipsis Augustini verbis. "Spiritus sanctus, inquit, quod in sola ecclesia per manus impositionem dari dicitur: nimirum hoc intelligi majores nostri voluerunt quod apostolus ait, quoniam *charitas Dei diffusa est in cordibus nostris per Spiritum sanctum*."

Unde

Unde apparet Augustinum majoribus nostris attribueret, non quod Spiritus sanctus in manus impositione conferatur, sed quod per Spiritum sanctum in manus impositione collatum intelligi debeat charitas, de qua apostolus ad Romanos.

RESPONDET 4. apostolicam & Augustinianam manus impositionem diversi generis esse, quod illa conferretur Spiritus sanctus in ordine ad signa sensibilia, ista vero in ordine ad gratiam sanctificantem.

REFELLITUR 1. Quia in textibus relatis, præsertim in 4. Augustinus agnoscit utrumque ritum eundem esse, "Quem morem (apostolorum) inquit, in suis præpositis etiam nunc servat ecclesia." 2. Apostolica manus impositione, gratiam sanctificantem collatam fuisse, satis superque probatum est. Eundem igitur effectum permanentem habebat, quem Augustiniana; atque adeo ab illa essentialiter non differbat. Ordo enim ad signa sensibilia, erat ex Augustino effectus transiens. Quare in ritu permanenti, quale est sacramentum, accidentale quidem, non autem essentialis discrimen inducere potuit: quod explicari potest exemplo fidei, quæ primis ecclesiæ temporibus miracula operabatur, juxta illud Marci ultimo, *Signa autem eos qui crediderint, hæc sequentur &c.* nec ea tamen a nostra essentialiter differt, quia utraque eundem habet permanentem & principalem effectum, qui est vivificare. *Iustus enim ex fide vivit.*

RESPONDET 5. ex Augustino præpositos non dare Spiritum sanctum, sed orare duntaxat ut Spiritus sanctus in eos veniat, quibus manum imponunt. Non igitur ex opere operato, sed ex opere operantis Spiritus sanctus per manus impositionem conferebatur.

Verum hæc solutio jam refutata est, ubi de responsione Antonii de Dominis. Negatur & antecedens & consequentia. Utrumque enim statuit Augustinus, & præpositos orare, ut detur Spiritus sanctus, & præpositos dare Spiritum sanctum: conceptis enim terminis ait, Spiritum sanctum in ecclesia catholica per manus impositionem dari. Dant igitur, & non dant Spiritum sanctum: non dant, ut causæ principes; hoc enim ad Deum solum pertinet, ex textu 4. dant ut causæ instrumentales; quia "Spiritus sanctus in ecclesia catholica per manus impositionem datur," ex textu 2. Frequens est hæc loquendi ratio apud sanctos Patres. "Post baptismum, inquit Isidorus Hispal. lib. 2. de divinis officiis, cap. ultimo, per episcopos datur Spiritus sanctus. "Et postea, "Spiritus sanctum dare non possumus, sed ut detur, Deum invocamus. "Et paucis interjectis, "Soli episcopi tradunt Spiritum paracletum.

RESPONDET 6. hodiernam Confirmationis formam his conceptis verbis, *signo te &c. confirmo te &c.* "quæ, ut liquet, nihil commune habet cum oratione super hominem facta, qua totum veteris manuum impositionis ritum constare ac concludi definit Augustinus.

Witasse de Confirmatione.

L

Ve

Verum hæc difficultas ad præsens institutum nihil attinet, sed ad formæ confirmatoriæ mutationem, de qua alibi.

RESPONDET 7. Manus impositionem, cujus Augustinus mentionem facit, iterari posse, ex *textu* 2. proinde ab hodierna diversam fuisse, quam iterari non posse a synodo Tridentina definitum est.

Verum hæc quoque difficultas ad aliam quæstionem pertinet: interim observasse sufficiat, 1. Hæc omnia, si quid probarent, probatura solum Confirmationem esse sacramentum iterabile; non autem eam non esse sacramentum proprie dictum, quod Dallæo probandum erat. 2. Augustinum in 3. *textu relato* negare, manus impositionem, quæ in consecrandis fidelibus adhibetur, repetendam esse. Manus igitur impositio, quam in 2. *textu* ait repeti posse, vel est manus impositio reconciliatoria; quod verum esse multis contendit Bellarminus de *Confirm. cap.* 7. vel est manus impositio generice & secundum se considerata, non autem spectata specificè, relative ac determinate ad neophytos unguendos, quæ quidem impositio super neophytos facta, super eosdem pœnitentes repetebatur; qua in re differebat a baptismo, qui ex se suaque natura repeti non potest: vel si sit manus impositio considerata specificè, relative ac determinate ad neophytos confirmandos, loquitur Augustinus de manus impositione inter hæreticos collata, quam plures theologi nullam, atque ideo repetendam existimant in iis qui ab hæresi recedunt. Quæ vero ex his tribus solutionibus probabilior sit, dicemus *infra*, ubi de iteratione huius sacramenti.

Testimonia secundi generis plurima sunt.

Primum habetur *lib. 2. contra literas Petilianæ, cap. 104.* ubi Augustinus hæc verba psalmi 132. v. 2. *Tanquam unguentum in capite, quod descendit in barbam Aaron*, quæ Petilianus objecerat, de unctione confirmatoria interpretans, sic habet: "In hoc unguento sacramentum, chrismatis vultis interpretari, quod quidem in genere visibilium signaculorum sacrosanctum est, sicut ipse baptismus: sed potest esse & in hominibus pessimis... Discerne ergo visibile sanctum sacramentum, quod esse & in bonis & in malis potest, illis ad præmium, istis ad iudicium; ab invisibili unctione charitatis, quæ propria bonorum est. Discerne ista, discerne." In eo *textu* primum quidem hæc unctio vocatur *sacramentum chrismatis*. 2. Illud sacramentum chrismatis dicitur in genere visibilium signaculorum sacrosanctum esse. 3. In genere visibilium signaculorum sacrosanctum est, sicut ipse baptismus: proinde in ratione sacramenti baptismus comparatur, atque ita sacramentum est a baptismo diversum. 4. Dicitur visibile sanctum sacramentum. 5. Sicut baptismus, ita sacramentum chrismatis esse & in bonis & in malis potest: quia sicut baptismus ab interiori lotionem, ita sacramentum chrismatis ab invisibili unctione charitatis discerni debet. Validitas enim utriusque sacramenti sine ejus effectu subsistere potest.

Secundus locus habetur *tractatu* 3. in 1. Joannis epistolam num. 5.

„Un-

„ Unctio spiritalis, inquit, ipse Spiritus sanctus est, cujus sacramen-
 „ tum est in unctione visibili. “ Et *num.* 12. “ Unctionis sacramen-
 „ tum, est virtus ipsa invisibilis : unctio invisibilis, Spiritus sanctus :
 „ unctio invisibilis charitas illa est, quæ in quocumque fuerit, tan-
 „ quam radix illi erit, quamvis ardente sole ardescere non potest. “
 „ Unctio igitur visibilis est sacramentum, cujus effectus est unctio invi-
 „ sibilis : unctio vero invisibilis est Spiritus sanctus, seu charitas, non
 „ quælibet, sed vegetans & radicata, quæ ardente concupiscentia non
 „ crescit.

Tertius locus habetur *lib. 5. de baptismo, cap. 20.* ubi Augustinus ra-
 tionibus, pro nullitate baptismi & chrismationis hæreticorum atque
 schismaticorum, a Cypriano in *epistola* 70. ad Januarium & cæteros
 episcopos Numidas, relatis respondet, easque refellit. Donatistis igitur
 objicientibus : “ Quomodo aquam mundat & sanctificat (minister)
 „ homicida ; quomodo benedicunt oleum tenebræ, (hoc est hæretici ?)
 Respondet Augustinus : “ Si Deus adest sacramentis, & verbis suis
 „ per qualeslibet administrantur, & sacramenta Dei ubique recta sunt. “
 „ Audis Confirmationem, quæ olei nomine significatur, vocari *sacramen-*
 „ *tum*, sanctificari per ministrum homicidam & hæreticum, æquiparari
 „ baptismo, & hæc duo, *baptismum* scilicet & *oleum*, declarari *sacramen-*
 „ *ta* Dei recta, modo, *verbis Dei per qualeslibet administrantur.*

Cyprianus quidem concedebat unctionem ab impio ministro facta in
 ecclesia validam esse ; sed aliud sentiebat de unctione ab hæretico &
 in ipsa hæresi collata ; quia “ Oleum, unde baptizati unguuntur, in al-
 „ tari sanctificatur : sanctificare autem non potuit olei creaturam, qui
 „ nec altare habuit, nec ecclesiam. Unde nec unctio Spiritus apud hæ-
 „ reticos potest esse, quando constat oleum sanctificari apud illos om-
 „ nino non posse. “ Respondet Augustinus, & simul urget eandem
 utriusque rationem esse, “ Cur, inquit, ad verba quæ procedunt ex
 „ ore homicidæ, possit tamen Deus oleum sanctificare, & in altari,
 „ quod hæretici posuerunt, non possit, nescio : nisi forte (Deum)
 „ quem cor hominis fallaciter conversum intus (hoc est in ecclesia)
 „ non impedit, lignum fallaciter positum (hoc est altare hæreticis ere-
 „ ctum) impedit foris (hoc est extra ecclesiam) quo minus sacramen-
 „ tis suis adesse dignetur, nullis hominum falsitatibus impeditus. “
 Sentit igitur Augustinus unctionem sive ab impio, sive ab hæretico
 ministro factam, verum esse sacramentum, cui Deus adesse dignatur.

Cyprianus, ut suam de nullitate baptismi, Chrismationis, & eu-
 charistiæ ab hæreticis & schismaticis in hæresi & schismate collatorum
 opinionem firmaret, illud adducebat, *Deus peccatorem non audit.* Res-
 pondet Augustinus, hoc testimonio nihil juvari Cypriani causam : eo
 enim contra ipsum concludi posset, irrita esse sacramenta, non solum
 ab hæreticis, & schismaticis, sed & ab impio intra ecclesiam admi-
 nistrata. “ Si ergo, inquit, ad hoc valet quod dictum est in evan-

„ gelio , *Deus peccatorem non audit* , ut per peccatorem sacramenta
 „ non celebrentur : quomodo exaudit homicidam deprecantem , vel su-
 „ per aquam baptismi , vel super oleum , vel super eucharistiam , vel
 „ super capita eorum , quibus manus imponitur ? quæ omnia tamen ,
 „ & fiunt , & valent etiam per homicidas in ipsa intus eccle-
 „ sia . “ Ecce Augustinum præcipue asserentem , *oleum* , quo nomine
 chrismationem , seu Confirmationem intelligit , esse verum sacramen-
 tum : illudque in ea sacramenti ratione comparantem baptismi & eu-
 charistiæ , & forte sacramento poenitentiae : dubitatur enim , utrum hæc
 manus impositio , de qua ibi loquitur , ea sit quæ in reconciliatione , an
 ea quæ in ordinatione adhibebatur .

Quartus locus habetur *lib. 15. de Trinitate, cap. 26.* “ Unxit (Chri-
 stum) Deus Spiritu sancto , non utique oleo visibili , sed dono gra-
 tiæ , quod visibili significatur unguento , quo baptizatos ungit Ec-
 clesia . “ Unguentum igitur visibile , quo Ecclesia baptizatos un-
 git , significat Spiritum sanctum seu gratiæ donum , quo Christus un-
 ctus est , non in baptismi , sed in incarnatione , quando *Verbum caro*
factum est .

Quintus locus habetur *in sermone de cataclysmo , cap. 1.* “ Baptiza-
 tus es , signatus es regio caractere , cœpisti consequi annonam de
 mensa regis tui . Noli esse desertor , nec ut delicatus miles diffluas
 per voluptates ; sed ut fortis miles , quidquid potes , age in
 hoc bello . “ Et *cap. 2.* Baptizatus es , mundatus , unctus oleo , re-
 stauratum est corpus tuum ad priorem statum primi illius hominis ante
 peccatum &c. “ In his duobus capitibus christianus recens baptizatus uti
 miles indutus ex alto virtute , & sacramentis corroboratus , describitur :
 & in his duobus locis baptismus primum , Confirmatio secundum , & Eu-
 charistia tertium locum obtinet .

Sextus habetur *initio enarrationis 2. in Psalmum 26.* “ Ad omnes
 „ Christianos , inquit , pertinet unctio Inde autem apparet
 „ Christi corpus nos esse , quia omnes ungimur , & omnes in illo ,
 „ & Christi & Christus sumus , quia quodammodo totus Christus cap-
 „ tus , & corpus est . Unctio ista perficiet nos spiritaliter in illa vi-
 „ ta quæ nobis promittitur Ungimur modo in sacramento , &
 „ sacramento ipso , præfiguratur quiddam quod futuri sumus . “ Qua vero
 ratione a baptismi diversæ , chrismatis unctio nos efficiat corpus Christi ,
 exponit Augustinus *in 9. textu sequenti* .

Septimus habetur *libra 19. contra Faustum , cap. 14.* ubi veteris le-
 gis sacramenta cum nostris comparat : “ Si ergo antiqui iusti pro il-
 lis prænuntiatis sacramentis , & rerum nondum impletarum figu-
 ris , omnia dura , & horrenda perpeti parati fuerunt , & plerique
 perpeffi sunt ; quanto magis nunc pro baptismi Christi , pro
 Eucharistia Christi , pro signo Christi ad omnia perferenda paratioe
 debet esse Christianus ; cum illa fuerint promissiones rerum com-
 pletarum .

plendarum , hæc fiat indicia completarum . “ En Augustinum supponentem signum Christi , quibus verbis unctionem intelligit , esse novæ legis sacramentum ; illud a baptismo & eucharistia distinguentem ; illud referentem post eucharistiam ; illud in ratione sacramenti novæ legis comparantem cum baptismo , & Eucharistia , & requirentem , ut pro illo , sicut & pro baptismo , & Eucharistia christianus ad omnia peragenda paratus sit .

Octavus habetur in *psal.* 44. ad hæc verba , *Propterea unxit te Deus &c.* “ Oleum visibile in signo est ; oleum invisibile in sacramento est : oleum spiritale intus est , oleum visibile exterius est .

Nonus habetur in *serm.* 227. alias 83. *de diversis* , “ Unus panis , unum corpus , inquit , multi sumus : . . . Numquid panis ille de uno grano factus est ? Nonne multa erant tritici grana ? sed antequam ad panem venirent , separata erant : per aquam conjuncta sunt , & post quamdam contritionem : nisi enim molatur triticum , & per aquam conspergatur , ad istam formam minime venit , quæ panis vocatur . Sic & vos ante jejunii humiliatione , & exorcismi sacramento quasi molebamini . Accessit baptismus , & aqua quasi conspersi estis , ut ad formam panis veniretis , sed nondum est panis sine igne . Quid ergo significat ignis ? hoc est chrisma . Oleum etenim ignis nostri , Spiritus sancti est sacramentum . In actibus apostolorum advertite , . . . & videte , quia Spiritus sanctus . . . in linguis igneis se ostendit : inspirat enim charitatem , qua ardeamus in Deum & contemnimus mundum , & sænum nostrum exuratur , & cor quasi aurum purgetur . Accedit ergo Spiritus sanctus , post aquam ignis : & efficiuntur panis , quod est corpus Christi . “ Hæc si legisset Kemnitius , catholicos in suo examine *Tridentini Concilii* non arguisset , quasi inepte , & absurde dicant , oleum in Confirmatione correspondere igni , qui die Pentecostes super Apostolos apparuit .

Decimus habetur *homilia* 266. alias 5. *inter undecim e bibliotheca Carthusiæ majoris desumptas* , ubi Augustinus Donatistas refutat , quibus oleum Confirmationis susceptum in hæresi , irritum esse videbatur , propter illud *psalmi* 140. *Oleum peccatoris non impinguet caput meum* . Augustinus vero probat oleum illud , licet ab impio vel hæretico ministro collatum , non esse oleum peccatoris , vel oleum malum , sed oleum Christi , oleum bonum , verumque sacramentum , quod a peccatoribus administrari potest , iisque solis nocet , qui illud indigne suscipiunt ; quemadmodum Eucharistia , quam qui manducant indigne , iudicium sibi manducant . “ Oleum Christi , inquit , etsi per peccatorem ministretur , non est oleum peccatoris . Cum tres considerandi animo occurrant , a quo datur , cui datur , per quem datur ; non timeamus oleum peccatoris , quia non intercipit medium minister beneficium largitoris . “ Et sub finem , Donatistam respondentem :

Witasse de Confirmatione .

L 3

„ (Oleum

„ (Oleum illud) meum est , noli ab illo (impio) accipere , sed a
 „ me : “ ita perstringit . “ Ergo oleum tuum est . Si tuum est , no-
 „ lo : si tuum est , malum est : si autem Dei est , & per te malum,
 „ bonum est . Cœrum non inquinat solis radium ; & tu inquinās Dei
 „ oleum ? Ideo autem malo tuo habes , quia quod bonum est , malus
 „ habes : quod Dei est , malus accepisti , quia separatus , non colle-
 „ gisti , sed sparsisti . Qui manducant indigne , iudicium sibi mandu-
 „ cant & bibunt . Quia manducant indigne , non manducant ? indi-
 „ gno buccellam Christus Judæ dedit , & ille hanc ad iudicium acce-
 „ pit : numquid a malo accepit ? numquid malum accepit ? Sed ideo
 „ reus est , quia a bono bonum malus accepit . Non est ergo oleum
 „ peccatoris , oleum salutaris . Bene accipiat , & bonum est : et si
 „ male accipiat , bonum est . Vx hominibus bonum male accipien-
 „ tibus . “ Audis Sanctum Augustinum oleum illud vocantem *oleum*
salutaris , seu oleum salutis ? Impius igitur Calvinus , cum hæc ait
lib. 4. instit. cap. 19. §. 6. “ Qui oleum vocant oleum salutis , salutem ,
 quæ in Christo est abjurant , Christum abnegant , partem in regno Dei
 non habent .

Kemnitius in 2. parte examinis Concilii Tridentini pag. 297. respon-
 det unctionem ab Sancto Augustino vocari sacramentum* improprie &
 largo modo , quia est quædam humana cæremonia in baptismo adhi-
 beri solita .

Eodem recidunt Antonii de Dominis , & Dallzi solutiones , quo-
 rum ille sic habet : “ Quid sibi vult Sanctus Augustinus illis dictis :
 „ *servat Ecclesia : ungit Ecclesia* ? an ideo diceret : *baptizat Ecce-*
 „ *sia* ? Nequaquam profecto , non ; sed intelligit hos esse ritus Ec-
 „ clesiasticos . “ Et postea : “ Præterea orare ut veniat Spiritus san-
 „ ctus profecto non est ministrare sacramentum . “ Iste vero multis
 explicat , & contendit (quæ tamen nihil probant , sed meræ sunt ær-
 gutiæ) hanc unctionem esse partem baptismi , non essentialē qui-
 dem , sed Ritualement , & Cæremonialement , quæ sacramentum ab San-
 cto Augustino dicitur , nomine *sacramenti* latius usurpato (quod Pa-
 tribus familiare est) pro signo rei sacræ ex humana etiam institu-
 tione .

Verum ex ipsis textibus relatis apparet , unctionem , cuius meminit
 Augustinus , sacramentum esse proprie dictum , & a baptismo distin-
 ctum . 1. Quia Kemnitius , & alii id gratis asserunt . 2. Quia cæremo-
 nia non potest sacramentum dici , nisi secundum quid . Hæc autem un-
 ctio ab Augustino sacramentum dicitur simpliciter , in *textu 1. 2. 3. 6. 7.*
8. & 9. 30. Cæremonia humanæ institutionis est . Atqui hæc unctio in-
 stitutionis est divinæ : unde dicitur *sacramentum Dei* , in 3. *textu* ; *o-*
leum Christi , *oleum Dei* , *oleum salutis* , non autem oleum hominis , in
textu 1. 4. Cæremonia non confert gratiam sanctificantem . Atqui hæc un-
 ctio gratiam sanctificantem producit . Confert enim *invisibilem unctionem*

charitatis, ex 1. textu : confert *Spiritum sanctum*, ex 2. textu : *perficit nos spiritualiter*, ex 6. textu : nos *Christi corpus* efficit, ex textu 6. & 9. vim habet sanctificandi, quam ministri malitia impedire non potest, ex textu 3. & 10. 5. Si Augustinus existimasset hanc unctionem fuisse meram baptismi cæremoniam, non laborasset in solvendo Petilianus argumento, quo hæreticus ille baptismum hæreticorum nullum & iterandum esse probabat, a simili videlicet, ex nullitate unctionis ab hæreticis collatæ, quam quidem apud ipsos nullam, adeoque iterabilem esse probabat, ex quibusdam Scripturæ locis in alienum sensum detortis. Facile enim fuisset Augustino respondere, latum esse discrimen : aliam rationem esse cæremoniæ, aliam vero sacramenti : cæremoniam ex se iterabilem esse ; baptismum vero ex se suaque natura non posse iterari : cæremoniam humanæ institutionis esse, atque ita posse ab ecclesia inter hæreticos irritari ; baptismum vero, ut qui divinæ sit institutionis, ab hominibus irritari non posse. 6. Imperitus & stupidus sit oportet (qualis certe non erat Petilianus,) qui ex nullitate & iteratione cæremoniæ cujusdam baptismalis concludat ipsum baptismum, nullum & iterandum esse. 7. Qua fronte Augustinus adversus Petilianum propugnasset, meram baptismi cæremoniam ab hæreticis collatam, non posse ab ecclesia irritari & iterari. 8. Augustinus, dum in 3. textu argumentis Cypriani ex unctionis nullitate petitis respondet, unctionem eodem sensu accipit, quo Cyprianus. Atqui Cyprianus unctionem intelligit, quæ sacramentum est a baptismo diversum, latente vel ipso Kemnitio, qui in 2. parte examinis, pag. 298. Cyprianum in eo capite fuisse Montanistam asserit : catholicorum enim doctrinam de sacramento Confirmationis a Montanistis adinventam fuisse sibi persuadet. 9. In textibus relatis multum laborat Augustinus, ut ostendat unctionem illam posse dari & accipi a malis, ut ipsum etiam baptismum. At quid opus erat hoc probare de humana & sterili cæremonia? quis enim de eo dubitare poterat? 10. Augustinus dicit, malos accipere sacramentum unctionis visibile, sine invisibili gratia Spiritus sancti, idque ad iudicium ; bonos vero suscipere utrumque. At certe non distingueret visibile sacramentum ab invisibili gratia in malis, neque ea in bonis conjungeret, nisi crederet unum per alterum dari. 11. Augustinus ait hanc unctionem a malis sumi ad iudicium, ex textu 10. At vero ad iudicium non sumitur cæremonia humana, etiamsi a malis sumatur. 12. Augustinus in primo textu relato dicit, hanc unctionem esse *sacramentum in genere visibilium signaculorum sacrosanctum, sicut ipse baptismus*. At quanta blasphemia fuisset humanam cæremoniam æquare sacramento baptismi? 13. Vel ipse Calvinus agnoscit, improbum & sacrilegum esse, qui meram cæremoniam cum baptismo conferat : libro si quidem 4. instit. cap. 19. § 10. Melchiadem Pontificem in epist. quæ sub ejus nomine circumfertur, asserentem, *utrumque* (baptismum scilicet & manus impositionem) *magnum esse sacramentum*, ita refellit : " Os sacrilegum !

„ tunc pinguedinem fætere duntaxat anelitus tui inquinatam , & ver-
 „ borum murmure incantatam, audes Christi sacramento opponere, &
 „ conferre cum aqua verbo Dei sanctificata? “ Atqui Augustinus chris-
 mati unctionem cum baptismo confert ratione sanctificationis, initio 3.
 textus, asserens oleum sicut & aquam baptismi a Deo sanctificari, ni-
 hil impediende ministri malitia. Improbis ergo & sacrilegis fuit Au-
 gustinus, si olei unctionem credidit meram esse cæremoniam. 14. Au-
 gustinus *initio* 3. textus conceptis terminis ait *aquam & oleum*, hoc est
 baptismum & unctionem, esse *recta sacramenta Dei*, hoc est vera &
 rata sacramenta, quibus *Deus adest*, modo *verbis Dei per qualeslibet*
administrentur. Quid plura desiderant adversarii? 15. Augustinus un-
 ctionem in ratione sacramenti non solum cum baptismo, sed etiam cum
 eucharistia comparat in 3. 7. & 10. textu: hæc tria vocat sacramen-
 ta: hæc tria docet a Deo solo sanctificari: his tribus negat ministri
 malitiam nocere posse: in illis tribus distinguit sacramentum a virtu-
 te sacramenti: hæc tria docet in bonis reperiri ratione utriusque, in
 malis vero ratione sacramenti, non autem ratione virtutis seu effe-
 ctus: subjicit unctionem, sicut & encharistiam, ab improbis sumi ad
 iudicium & condemnationem. Hæc certe (si qua sint) signa sunt qui-
 bus verum ac proprie dictum sacramentum dignoscitur, & a quacum-
 que cæremonia distinguitur. Plura ex relatis Augustini textibus argu-
 menta depromi possent. Sed hæc sufficiant.

OBJICIT 1. Antonius de Dominis hæc verba Augustini *lib. 15. de*
Trinitat. cap. 26. supra: “ Quem morem servat ecclesia. Mos igitur il-
 le imponendi manus ab Ecclesia observatus, non autem a Christo in-
 stitutus est.

Verum quæ, amabo, consequentia! apostoli manus imponebant, &
 per hanc impositionem advocabant Spiritum sanctum: eundem mo-
 rem hodie servat ecclesia. Mos igitur ille a Christo institutus non fuit.
 Idem est ac si quis ita disereret: apostoli baptizabant: eundem morem
 hodie servat Ecclesia. Mos igitur ille non fuit institutus a Christo.

OBJICIT 2. hæc verba Augustini *lib. 15. de Trinit. supra*, “ Visibi-
 „ li unguento baptizatos ungit ecclesia. “ Sed nemo dixerit, *bapti-*
zatus Ecclesia. Baptismus igitur, non autem unctio est sacramentum
 proprie dictum.

RESPONDEO minorem falsam esse, idque probari ex Augustino di-
 cente, baptismum esse ecclesie, *lib. 2. contra Gaudentium cap. 10. ini-*
tio: “ Nec vos blandiamini, quia baptismum non rescindimus ve-
 „ strum: non est hoc vestrum, sed catholicæ ecclesie, quam tene-
 „ mus. “ *Lib. 1. de baptismo, cap. 14.* “ Non est baptismus ille hære-
 „ ticorum, vel schismaticorum, sed Dei & Ecclesie. “ *Capite vero 10.*
cap. 15. ait Ecclesiam, ut quæ sit sponsa Christi baptismum genera-
 re fideles: “ quod, quid aliud est, quam fideles baptizare?

OBJICIT 3. “ Orare ut veniat Spiritus sanctus, profecto non est.

„ mi -

„ministrare sacramentum. “ Sed ex Augustino ministri orant, ut per manus impositionem & unctionem chrismatis veniat Spiritus sanctus. Nullum igitur sacramentum conferunt.

Verum huic objectioni jam satisfecimus pag. 158. & seq. ubi de responsione Antonii de Dominis, & pag. 160. ubi de responsione S. Sane baptismi formula, quam græci adhibent, deprecatoria est. Verba etiam, quibus eucharistia conficitur, *preces & oratio sacerdotis* appellantur a Justino in *apolog.* 2. ab Irenæo *lib. 4. cap. 34.* ab Origene *lib. 8. contra Celsum*; ab Optato *lib. 6.* a Basilio *lib. de Spiritu sancto, cap. 27.* ab Ambrosio *lib. 4. de fide cap. 5.* ab Hieronymo *epist. 85. ad Evagrium*; ab Augustino *lib. 3. de Trinit. cap. 4.* quæ tamen duo sacramenta, quasi legitima ab omnibus habentur.

OBJICIT 4. Dallæus, quod Augustinus scribens contra Petilianum, opus suum inscripsit *de baptismo*. Quæcumque igitur in eo tractatu referuntur, pertinent ad baptismum.

Quasi vero Augustinus in eo tractatu non edisserat de eucharistia, & aliis multis, quæ a baptismo distinguuntur.

OBJICIT 5. Dallæus, quod neque Augustinus, neque alius veterum errores & schisma Donatistarum referens, dixit de chrismate fuisse aliquam inter catholicos & Donatistas controversiam. Maxima vero, imo tanta fuisset, quanta de baptismo, si Augustinus & Petilianus existimassent unctionem esse sacramentum proprie dictum: Augustino asserente, Donatistis vero negantibus, unctionem ab hæreticis factam, verum ac legitimum esse sacramentum.

Verum in primis dissidium inter eos fuisse de oleo Confirmationis apparet non solum ex Augustino, sed etiam ex Optato in textibus relatis. 2. Eadem obiectio retorqueri potest adversus eucharistiam, quam Donatistæ in hæresi & schismate nullam esse credebant. Ideone putabant illam esse meram cæremoniam; quod Augustinus, alique catholici nullum de hoc dissidio specialem tractatum ediderint? non ita sane. Africani & Donatistæ dissidebant de validitate sacramentorum omnium extra ecclesiam collatorum. Affirmabant Africani ea vera esse, a quocumque, etiam hæretico, administrarentur, modo id fieret verbis Dei: negabant Donatistæ. Concertatio tamen de baptismo præcipue instituta est, sive quia primum est sacramentorum, sive quia communis & usitatus est cæteris, sive quia ejus & cæterorum eandem in hoc capite rationem esse existimabant.

OBJICIT 6. Dallæus, quod Augustinus *tract. 3. in 1. Joannis epist.* meminit quidem unctionis visibilis, quam ait esse sacramentum; & unctionis invisibilis, quam ait esse Spiritum sanctum seu charitatem. Sed ille non ait hanc invisibilem unctionem esse effectum unctionis visibilis.

Verum hæc observatio inutilis est. Virtus enim sacramenti apud Augustinum est effectus sacramenti. Distinguit enim in textibus sive pro ma-

manus impositione, sive pro chrismate relatis, sacramentum ipsum a virtute sacramenti. Utrumque ait a bonis suscipi; a malis vero concedit suscipi sacramentum, non autem virtutem sacramenti. "Si vis", nosse, inquit *tract. 6. in eandem Joannis epist.* quia accepisti Spiritum sanctum, interroga cor tuum, ne forte sacramentum habeas, & virtutem sacramenti non habeas. "Per virtutem igitur sacramenti Augustinus intelligit effectum sacramenti. Sed in ipso textu, cui Dallæus respondere conatur, unctio invisibilis dicitur virtus sacramenti unctio visibilis. Igitur effectus est ejusdem sacramenti. Deinde dato, non concessio, quod Dallæus objicit, superest alia solutio: nec enim debuit aut potuit Augustinus omnia simul in uno eodemque textu compleri. Quod autem in uno textu tacuit, in aliis explicuit.

§. 4. Paulinus Nolanus.

Paulinus, Nolanus episcopus, qui fere octogenarius obiit anno 431. tria baptismi, Confirmationis, & eucharistiæ sacramenta hoc modo describit in *epistola 10. alias 15. ad Delfinum*, Burdegalensem Episcopum, dum se ab eo christianæ religionis sacris initiatum gratulatur. "Quæris, piissime pater, quid facias adhuc quod non feceris nos, bis? Cum & plantaveris nos in domo Domini; & plantati maceriam, signaculi salutaris, qua ab incurfu silvestris apri & depastione ferocis onagri muniremur, adstruxeris; & torcular foderis &c.

§. 5. Cyrillus Alexandrinus.

Cyrillus, Alexandrinus Patriarcha, qui Theophilo avunculo suo in sede Alexandrina successit anno 412. tertiz synodo œcumenicæ præfuit anno 431. & obiit anno 441. commentario in Joel, ad hæc verba: *Replebuntur area tritico, & redundabunt torcularia vino & oleo*: hæc scribit: "Sciendum præterea etiam secundum mysticum eventum, promissionem veram esse. Data est nobis, ceu pluvia, aqua vivens, sacri baptismatis, & tanquam in frumento panis vivus, & tanquam in vino sanguis. Accessit usus olei, qui per sacrum baptismum in Christo justificatis confert ad consummationem. "Usus olei justificatis confert ad consummationem, Gratiâ igitur consummantem & perficientem producit. Illi, quibus olei usus hanc gratiam confert, per sacrum baptismum in Christo jam justificati sunt. Hæc igitur unctio supponit baptismum jam collatum; ab ipso distincta est, & diversum ab ipso effectum habet.

§. 6. Concilium Arelatenſe III.

Ravennius, archiepiſcopus Arelatenſis, concilium Arelatenſe ad annum 455. coegit in cauſa Fauſti abbatis inſulæ Lirinenſis, qui Theodori, epiſcopi Forojulienſis iurisdictionem declinare volebat. In hoc autem ſancitum eſt, " ut chriſma non niſi ab ipſo Theodoro ſperaretur, (& monachi) neophiti ſi fuerint, ab eodem confirmarentur. " Huic ſynodo præſuit Ravennius, qui cum inierit Pontificatum anno 449. & ante annum 461. obierit, conſequens eſt, ut hoc concilium uno aliquo inter hos fines anno celebratum fuerit.

§. 7. Leo magnus.

Leo magnus, qui ad Petri ſedem eveſtus anno 440. obiit anno 461. ſermone 4. de nativitate Domini, ita loquitur: " Permanete ſtabiles in ea fide, quam confeſſi eſtis coram multis teſtibus, & in qua renati per aquam & Spiritum ſanctum, accepiſtis ſchriſma ſalutis & ſignaculum vitæ æternæ. " En unctiorem, quæ baptiſmum ſequitur, quæ dicitur *chriſma ſalutis*, quæ vocatur *ſignaculum vitæ æternæ*, quæque jam renatis novam gratiam confert. Et ſerm. 3. in anniverſario aſſumt. " Omnes in Chriſto regeneratos crucis ſignum efficit, reges: ſancti vero Spiritus unctio conſecrat ſacerdotes. " Ubi ſancti Spiritus unctioe Leo ait nos fieri ſacerdotes: proinde chriſmate, quo ſacerdotes efficiuntur, dari Spiritum ſanctum. Crucis autem ſigno dicit nos reges fieri; quia ſicut regia Chriſti poteſtas cruce parata eſt, juxta illud, *Regnavit a ligno Deus*; ita poteſtatis illius communicatio crucis ſigno, quo unctio fieri ſolet, exprimitur.

In epiſtola vero 129. alias 79. quam ille anno 458. ſcripſit ad Nicetam, epiſcopum Aquilejenſem, cap. 7. " ſic habet. Qui baptiſmum ab hæreticis acceperunt, ſola invocatione Spiritus ſancti per impositionem manuum confirmandi ſunt; quia formam tantum baptiſmi ſine ſanctificationis virtute ſumpſerunt... (Lavacri) ablutio nulla iteratione ne temeranda eſt; ſed, ut diximus, ſola ſanctificatio Spiritus ſancti invocanda eſt: ut quod ab hæreticis nemo accipit, a catholicis ſacerdotibus conſequatur.

§. 8. Theodoretus.

Theodoretus, Chryſoſtomi diſcipulus, floruit ab anno 413. quo Cyrenſis in Syria epiſcopus electus eſt, ad annum 453. & ultra. Manus autem impoſitionis confirmatoriæ meminit in cap. 6. epiſtolæ ad Hebr. " Qui crediderunt, inquit, accedunt ad divinum baptiſmum; & per manum ſacerdotalem, Spiritus gratiam accipiunt; & in divino
" bap-

„baptismo resurrectionis figuram fulcipientes expectant communem
 „omnium resurrectionem & futurum iudicium. “ *Chrismatis vero
 mentionem facit lib. 4. in cantica canticorum*, ad hæc verba: *Unguentum
 effusum* &c. “ Reminiscere, inquit, sacræ mystagogiæ, in qua, qui ini-
 „tiantur, post tyranni abnegationem & regis confessionem, velut si-
 „gillum quoddam regium fulciunt spiritualis unguenti chrisma, reci-
 „pientes gratiam invisibilem sanctissimi Spiritus unguento tanquam in
 „typo. “ Quin etiam *lib. 3. hæreticarum fabul. cap. de Novato*, seu po-
 „tius de Novatiano, hanc Novatianis hæresim impingit, quod chrisma-
 „tis sacramentum negarent, qua de re disseruimus *pag. 5. de Nova-*
tianis.

Ex 1. loco manus impositio confert gratiam Spiritus sancti. Ex 2.
 gratia invisibilis sanctissimi Spiritus confertur unguento tanquam in
 typo, id est tanquam in signo & sacramento. Ex 3. loco hæretici sunt,
 qui hoc chrisomatis sacramentum negant. Denique ex eodem 3. loco
 chrisomatis sacramentum a baptismo differt. Theodoretus enim Nova-
 tianos redarguit, quod baptizatis non conferrent sacrum chrisma. At-
 qui ex Theodoro Novatiani legitimum baptismum ministrabant.

§. 9. Gennadius Constantinopolitanus.

Gennadius, presbyter ecclesiæ Constantinopolitanæ, doctrina & san-
 ctitate atque catholica fide conspicuus, qui anno 458. ejusdem
 ecclesiæ archiepiscopus creatus est, *commentarius in epistolam ad Hebr.*
 qui injuria temporum perire, in fragmento quod apud Oecumenium
 refertur in cap. 6. ad Hebr. ad hæc Pauli verba: *Quapropter omisso ser-*
monem &c. “ Vult autem dicere (apostolus) quod nunc primum ad fi-
 „dem accedentibus, harum rerum doctrinam, tanquam fundamentum
 „proponimus: merito ipsos primum adhortantes, ut a mortiferis ope-
 „ribus resipiscant, resipiscentes autem in Deum credant, credentes ve-
 „ro baptizentur, baptizati autem seipsos subjiciant impositioni ma-
 „nuum sacerdotum ad participationem Spiritus. “ Et infra, “ Impo-
 „sitione manuum per quam Spiritum accepistis. “ Et paucis interjectis,
 „Vigilate: neque enim licitum est, ut si segniter vivas, rursus bap-
 „tizetis, & per manuum impositionem accipias Spiritus sancti super-
 „ventionem.

§. 10. Remigius Remensis.

Remigius, Remensis archiepiscopus florebat ad annum 480. & obiit
 seculo VI. quo autem anno incertum est: Ille vero in testamen-
 to suo, quod extat apud Flodoardum *lib. 1. cap. 18.* hæc habet: “ Ge-
 „neri tantum regio, quod ad honorem sanctæ ecclesiæ & defensionem
 „pauperum una cum fratribus meis & coepiscopis omnibus Germa-
 „niæ

„ niaz, Galliaz, atque Neustriaz, in regiaz maiestatis culmen perpetuo
 „ regnaturum statuens elegi, baptizavi, a fonte sacro suscepi, dono-
 „ que septiformis spiritus consignavi &c. “ En Confirmationem, qua
 „ confertur septiformis Spiritus, distinctam a baptismo.

§. II. *Vitus Viennensis.*

A Vitus, archiepiscopus Viennensis, in epistola ad Clodovzum re-
 gem Francorum, qua ipsi congratulatur de suscepta Christi fi-
 de, de ejus baptismo & Confirmatione sic loquitur: “ Conserebamus
 „ nobiscum, quale esset illud, cum adunatorum numerus Pontificum,
 „ manus sancti ambitione servitii membra regia undis vitalibus conso-
 „ verat: cum se Dei servis inflecteret timendum gentibus caput: cum
 „ sub casside crines nutritos salutaris galea sacre unctionis indueret. “
 Ubi unctionem confirmatoriam a baptismo distinguit, eamque vocat
salutarem galeam, quam neophytus induit, ut paratus sit ad pugnam.
 Baptizatus est Clodovzus anno regni sui 15. Christi vero 496. in na-
 tali Domini.

De Gennadio Massiliensi differemus *infra*, ubi de auctoribus dubiis.

C A P U T V.

Auctores seculi sexti.§. 1. *Primasius.*

Primasius, episcopus Africanus (alii Uticensis, alii Adrumeti-
 num antistitem fuisse volunt,) qui floruit ab anno 504. quo exu-
 lavit in Sardiniam ad annum 553. quo quintae synodo œcumenicæ
 interfuit, commentaria scripsit in omnes Pauli epistolas, in quibus ad
 hæc verba epist. 2. ad Corinth. cap. 1. *Et qui unxit nos Deus*, hæc ha-
 bet: “ Unxit nos Deus Spiritu sancto vel chrismate. “ Unctio igi-
 „ tur chrismatis divina est, eaque confertur Spiritus sanctus. “ Et in
 epistolam ad Hebr. cap. 6. ad hæc verba: *Impositionis quoque manuum*: “
 „ Fundamentum, inquit, non debemus rursum jacere. Impositionem
 „ manuum appellat (Paulus) per quam plenissime creditur accipi do-
 „ num Spiritus sancti, quod per baptismum ad Confirmationem uni-
 „ tatis in Ecclesia a Pontificibus fieri solet. “ En manus impositi-
 „ onem, quæ non debet iterari, quæ administratur a Pontificibus, quæ
 „ que post baptismum plenissime confert donum Spiritus sancti. Et in
 fine commentariorum ad postrema verba ejusdem epistolæ ad Hebræos,
Gratia cum omnibus vobis, amen. “ Gratia dicitur gratis data, inquit,
 gratiæ autem nomine debemus hic accipere fidem perfectam, cum ex-
 „ cutione bonorum operum: remissione quoque peccatorum, quam
 „ per-

„ percipiunt fideles tempore baptismatis : donum etiam Spiritus sancti, quod datur in baptismo per impositionem manuum episcoporum : quæ omnia gratis a Deo dantur. “ En donum Spiritus sancti per impositionem manus episcoporum concessum & distinctum ab effectu baptismi, seu a remissione peccatorum.

Neque Dallæo favent hæc verba : *quod datur in baptismo* ; hæc enim verba nihil aliud significant quam tempore baptismatis : 1. Quia Primasius in 2. textu , ait conceptis terminis donum illud conferri post baptismum : 2. quia donum illud distinguit ab effectu baptismi, quod particula *etiam* aperte significat : 3. quia huic dono ministrum assignat omnino diversum a ministro gratiæ baptismalis , nempe Episcopum.

Scriptis etiam Primasius commentaria in apocalypsim, quorum *lib. 3. cap. 6.* ad hæc verba, *Vinum & oleum ne laferis* ; de Eucharistia & Confirmatione ita differit : “ In vino & oleo vim sacramentorum prohibet violari, utpote unctionem, pretiosumque cruorem. “ Ac paulo post, “ *Il-
la servari voluit vini & olei sacramenta.*

§. 2. Gregorius Turonensis.

Gregorius, qui Turonensis archiepiscopus electus est anno 574. & historiam suam ad annum 595. perduxit, *lib. 2. ejusdem historiæ cap. 31.* Clodovæi baptismum ita refert. “ Rex omnipotens Deum in Trinitate confessus, baptizatus est in nomine Patris & Filii & Spiritus sancti, delibutusque sacro chrismate, cum signaculo crucis Christi. “ Unctio chrismatis ibi refertur tanquam a baptismo diversa.

Et *libro 1. de gloria martyrum cap. 14.* enarrans ingens miraculum, quod extat etiam apud Prudentium in *libro seu carmine contra Judæos*, refert historiam, quæ tempore ethnici imperatoris contigit, qui cum victimarum intestina inspiceret, & inde per artes dæmonum responsa quæreret, nihil efficere potuit, quod dæmones timuerint præsentiam adolescentis imperatorem comitantis, qui & baptismo lotus, & balsamo seu chrismate in fronte delibutus fuerat. “ Require nunc, sacratissime Auguste, (inquit sacerdos) quis adstet ablutus, & balsamo unctus ; & abcedat, protinus, ut accedant Dii, quos invocamus : tunc, & ipse imperator ait, Quis est hic numinibus nostris contrarius, ac religionis christianæ socius, qui frontem chrismatis inscriptione signatam ferat, lignumque crucis adoret.

§. 3. Gregorius magnus.

Gregorius primus hujus nominis pontifex, qui in cathedra Petri sedit ab anno 590. ad annum 604. tribus aut quatuor locis meminit Confirmationis. Primus habetur in *expositione cap. 1. Cantic. ad hæc*

verba: *Botrus Cypri* &c. ubi ait, chrisma, quo dona sancti spiritus exprimentur, confici ex balsamo & oleo cum pontificali benedictione: " Balsamum cum oleo, pontificali benedictione, chrismae efficitur, quo dona sancti Spiritus exprimentur.

Secundus habetur sub finem *homil. 17. in Evangelia*. " Per nos quidem, inquit, fideles ad sanctum baptismum veniunt, nostris precibus beneduntur, & per impositionem nostrarum manuum a Deo Spiritum sanctum percipiunt.

Tertius, qui sane luculentus est, habetur *lib. 12. epist. 31. ad Felicem episcopum Siciliae*. Sed hanc epistolam suppositam esse nonnulli contendunt: qua de re *infra*, ubi de testimoniis dubiis.

Quartus habetur in *sacramentario*, quod alibi probavimus.

Dallæus, *lib. 3. cap. 6.* fatetur primum hujus libri sacramentorum auctorem fuisse Gregorium: existimat tamen illud minime sincerum ac purum ad nos usque pervenisse, multis pro temporum varietate subinde additis, nonnullis forte detractis, quod in hujusmodi ritualibus libris usu venire solet. Qua de re alibi disseremus. Interim observasse sufficiet, verba præfata excerpta fuisse ex codice manuscripto annorum, & eo amplius octingentorum, quem Hugo Menardus Benedictinus in lucem emisit. Codici etiam Menardino consentiunt quotquot supersunt vetustiores & melioris notæ codices manuscripti.

§. 4. *Eulogius Alexandrinus.*

Eulogius, qui Archiepiscopus Alexandrinus electus est anno 581. floruit imperante Mauritio, & obiit anno 608. libros quinque scripsit contra Novatianos, qui temporum injuria perire; sed quorum meminit Photius in *bibliotheca, cod. 289.* ubi ex illis excerpta nonnulla refert. In excerptis vero ex libro 2. sic habetur: Oportet accedentes ad Christum, primum peccatis renunciare &c. Secundo redemptionem priorum peccatorum per baptismum accipere; & hoc in fide recipientes doctrinam discere, quid nimirum judaicum fuerit, quid vero salutare. Deinde progressionem facta, dignos reddi adventu Spiritus sancti, qui per impositionem manuum Apostolorum fiebat, docerique mortuorum resurrectionem ac futurum judicium. " Et postea: " Non potestis fundamentum fidei iterum recipere, nec baptismum secundum, neque manuum impositionem. " En manuum impositionem, quæ confert Spiritum sanctum, eadem est cum Apostolica, differt a Baptismo, distinctum ab eo effectum habet, nec iterari potest, sicut nec Baptismus.

§. 5. *Job monachus.*

Jobius monachus, qui seculo sexto floruisse creditur (scripsit contra Severum teste Photio) commentarium de Verbo incarnato , libris novem distinctum composuit , cujus meminit idem Photius *codice 222.* & ex quo plurima excerptit . In excerptis autem ex libro 3. cap. 18. ait catechumenos , cum in Ecclesiam admittuntur , tribus sacramentis initiari , baptismo , Unctione & Eucharistia ; eamque consecrationem in Mosaica consecratione adumbratam fuisse . “ Primo , inquit , nunc „ baptizamur ; deinde unguento ungimur ; inde pretioso sanguine dignamur . Sic prorsus & Moyses hæc adumbrans (*Levit. 8.*) abluit „ primo aqua eos , qui consecrabantur ; mox induit & cingit ; deinde „ de confert olei unctionem , & tum sanguine aspergit , atque ad panis „ sumptionem adducit .

C A P U T VI.

Auctores seculi septimi.§. 1. *Concilium Hispalense II.*

Concilium Hispalense anno Christi 619. æra vero Hispanica 657. sedente Bonifacio V. coactum , recensens cap. 7. “ quæ prohibentur presbyteris in ecclesiasticis sacramentis , ait , eis non licere „ per impositionem manus fidelibus baptizatis vel conversis ex hæresi „ paracletum Spiritum tradere , nec chrisma conficere , nec chrismate baptizatorum frontem signare , &c. “ quia pontificatus apicem non habent .

§. 2. *Concilium Toletanum IV.*

Concilium Toletanum IV. anno Christi 633. æra vero Hispanica 671. sub Honorio I. celebratum , cap. 57. (præcipit) “ Nemi- „ ni (Judæorum) deinceps ad credendum vim inferre : Cui enim „ vult Deus miseretur , & quem vult indurat , &c. qui autem jam pri- „ dem ad Christianitatem venire coacti sunt , . . . quia jam constat „ eos esse sacramentis divinis associatos , & baptismi gratiam percepisse „ se , & chrismate unctos esse , & corporis Domini , & sanguinis exitisse participes , oportet ut fidem etiam quam vi vel necessitate „ susceperunt , tenere cogantur , ne nomen divinum blasphemetur . “ Patres Toletani chrismationem , ut appareret , vocant *sacramentum* , eamque in ratione sacramenti conferunt cum baptismo , & Eucharistia .

§. 3. *Isidorus Hispalensis.*

Isidorus Junior, qui præfatis duabus synodis præfuit, & quem obitævi Toletani Concilii Patres *doctorem egregium, ac novissimum ecclesiæ catholicæ decus* appellant, ad sedem Hispalensem evectus est anno 600. obiit autem anno 635. Ille vero de chrismate, & manus impositione, quibus Spiritus sanctus super neophytos advocatur, mentionem facit, *lib. 2. de offic. eccles. cap. 25. & 26. nimirum cap. 25. observat, quod in lege mosaica soli pontifices & reges chrismate ungerentur.* “Sed postquam Dominus noster, verus rex, & sacerdos æternus, a Deo Patre cœlesti mystico unguento est delibutus, jam non soli pontifices & reges, sed omnis ecclesiæ unctione chrismatis consecratur, pro eo quod membrum est æterni sacerdotis & regis. Ergo quia genus regale & sacerdotale sumus, ideo post lavacrum unguimur, ut Christi nomine censeamur.

Capite autem 26. sic habet: “Post baptismum per episcopos datur Spiritus sanctus cum manuum impositione: hoc in Actibus Apostolorum fecisse meminimus apostolos. “Tum subjicit, primum quidem testimonia ex actibus petita, deinde vero decretum Innocentii I. in epist. ad Decentium, quod supra descripsimus pag. 148.

Dallæus adversus hunc textum nihil objicit.

OBJICI tamen 1. potest beatum Ildephonsum, qui operum Isidori catalogum texuit *in libro de viris illustribus*, nullam mentionem fecisse duorum libellorum *de ecclesiasticis officiis*.

Verum, qui vocantur in hodiernis editionibus *libri de divinis officiis*, vocantur ab Ildephonso *liber de genere officiorum*. Ipse quoque Isidorus *in præfatione*, qua hos duos libellos Fulgentio Episcopo dedicat, eos appellat *libellum de genere officiorum*. Unde apparet, capita hujus opusculi, seculis retro sequentibus in duos libellos distincta fuisse. Sed & Rabanus Maurus ex his duobus libellis plurima desumpsisseprehenditur: eos etiam Patres, imperante Ludovico pio, in synodo Aquisgranensi coacti, cum sibi canonicorum regulam scribendam sumpserint, ad reformandos, & instruendos ecclesiasticos viros valde eos accommodatos cernentes, in suam illam regulam fere transcripserunt,

OBJICI 2. potest hanc unctionem & manus impositionem, de qua Isidorus, meram fuisse cæremoniam. Ille si quidem *cap. 25. & 26. de chrismate & manus impositione discursurus, præmittit in fine cap. 24. hoc esse discrimen inter baptismum, & chrisma cum manus impositione concessum, quod istud, non illud iterari possit; quia illud non est hominis meritum, sed Christi. “Hæretici, inquit, ... non iterum sunt baptizandi, sed solo chrismate & manus impositione purgandi: baptismus enim non est hominis meritum, sed Christi: ideoque ni-*

Witasse de Confirmatione.

M

„hil

„hil interest, hæreticus an fidelis baptizet. “ Isidorus igitur supponit unctionem & manus impositionem, qua hæretici in Ecclesiam tunc admittebantur, non esse Christi meritum, sed hominis. Alioquin ejus ratio nihil concluderet pro negatione iterationis baptismi. His præmissis, de utraque unctione scilicet & manus impositione, quæ baptizatis confertur, seorsim edisserit, de unctione quidem *cap. 25.* de impositione vero *cap. 26.* sub ejus finem. Utramque explicat, & confirmat decreto Innocentii I. quod integrum refert. Unctio igitur, & manus impositio, de qua Isidorus *cap. 25. & 26.* eadem est de qua *cap. 24.* atque ita non est sacramentum, cum non sit Christi meritum, sed hominis.

RESPONDEO I. objectionem supponere falsum, scilicet unctionem & manus impositionem neophytis concessam iterari: aliud enim est, hæreticos in ecclesiam admitti per chrismationem, & manus impositionem; aliud eos suscipi per eandem unctionem & manus impositionem, quam post baptismum in hæresi acceperant, quasi unctio, & manus impositio hæreticis recens baptizatis concessa, in ipsis ad Ecclesiam redeuntibus iteretur: prius non autem posterius docet Isidorus: prius concedunt omnes catholici; de posteriori inter se dissident. 2. Utramque seu unctionem, seu impositionem, qua hæretici suscipiebantur, mere reconciliatoriam, meramque ex Isidori mente ceremoniam fuisse ultro concedo; sed illam ab unctione, & manus impositione neophytis concessa diversam, ex mente ejusdem Isidori fuisse contendendo. Posteriores enim, non autem priores, ait habere virtutem conferendi Spiritum sanctum: eandem esse ac illam, qua apostoli usi sunt: eamque a solis pontificibus fieri posse.

Isidorus mentem suam clarius aperuit *lib. 6. Originum, cap. ultimo*, “Sunt autem sacramenta, inquit, baptismus & chrisma, corpus & sanguis Christi, quæ ob id sacramenta dicuntur, quia sub tegumento corporalium rerum virtus divina secretius salutem eorumdem sacramentorum operatur. Unde & a secretis virtutibus vel sacris sacramenta dicuntur: quæ ideo fructuose penes ecclesiam fiunt: quia sanctus in ea manens Spiritus eorumdem latenter sacramentorum operatur effectum.” Et infra: “*Chrisma* græce, latine *unctio* nominatur, ex cujus nomine, & Christus dicitur, & homo post lavacrum sanctificatur; nam sicut in baptismo peccatorum remissio datur: ita per unctionem sanctificatio Spiritus adhibetur. Et *postea*, “Manus impositio ideo fit ut per benedictionem advocatus invitetur Spiritus sanctus; tunc enim ille paracletus post mundata & benedicta corpora libens a Patre descendit “&c. quæ postrema verba Isidorus accepit a Tertulliano in *lib. de baptismo*. En unctionem, quæ conceptis terminis dicitur sacramentum: quæ in ratione sacramenti comparatur cum baptismo & eucharistia: quæ sacramentum vocatur: quia sub ipsa velut “sub tegumento corporalium rerum, virtus divina secretius salutem operatur: (cujus) sanctus in ecclesia manens Spiritus laten-

„ter

„ter operatur effectum : (qua) homo post lavacrum sanctificatur : „ quæ diversum a baptismo effectum habet; „ nam sicut in baptismo peccatorum remissio datur ; ita per unctionem sanctificatio Spiritus adhibetur. „ Isidorus existimasse videtur Spiritum sanctum remittere peccata in baptismo, animam vero sanctificare in Confirmatione. En manus quoque impositionem, quæ per benedictionem, hoc est, per orationes & preces sacramentales advocat Spiritum sanctum, quæque illum super neophytos advocat *post mundata & benedicta* eorum in baptismo corpora.

RESPONDET Dallæus. Ut corpus & sanguis unius sacramenti sunt partes diversæ, & non duo sacramenta proprie dicta; ita baptismus & chrisma sunt unius sacramenti duæ partes.

REFELLITUR. 1. Quia nemo dixerit meram cæremoniam constituturæ idem cum baptismo sacramentum, sicut corpus & sanguis Christi duæ sunt partes quæ idem sacramentum constituunt. Atqui ex Dallæo chrisma est mere cæremonia ab hominibus instituta. Ea igitur non est pars, quæ idem cum baptismo sacramentum constituat. 2. Ut corpus & sanguis, quia idem constituunt sacramentum, sunt de institutione divina; ita baptismus & chrisma. Atqui si chrisma est de institutione divina, sacramentum est a baptismo diversum, tum quia in ipso contextu non pertinet ad baptismi sacramentum, sed illud supponit valide & integre & efficaciter collatum; dicitur enim dari post baptismum, post lavacrum, post mundata & benedicta in baptismo corpora : tum quia ex ipso contextu diversum habet a baptismo effectum; per eam enim unctionem homo non in lavacro, „ sed post lavacrum sanctificatur : & sicut in baptismo peccatorum remissio datur ; ita per unctionem sanctificatio Spiritus adhibetur. „ 3. Ut corpus & sanguis Christi dicuntur sacramenta, quia suo modo, nempe ratione specierum distincta sunt; ita baptismus & chrisma sunt sacramenta ratione specierum distincta : cum eo tamen discrimine, quod corpus & sanguis signo solo differunt; & chrisma differt a baptismo, non solum ratione signi, sed etiam ratione rei significatæ, & ratione effectus. Ex quibus sic infero : Signa sensibilia, quæ gratiam sanctificantem conferunt, quæque differunt signo & effectû, sacramenta sunt specie distincta. Atqui ex Isidoro baptismus & chrisma conferunt gratiam sanctificantem, & diversum effectum habent. Sunt igitur sacramenta omnino diversa. De his iterum *infra*, ubi de mente Rabani.

OBJICIT Dallæus *ibidem*. Ex eodem Isidoro, *libro de viris illustribus*, cap. 45. Eutropius a Luciano per epistolam quæsit : „ Quare baptizatis infantibus chrismanis unctio tribuatur ? „ Chrismatis igitur unctio tunc temporis non habebatur pro sacramento : quia illud ignorasse virum eruditum, qualis fuit Eutropius, absurdum videtur.

RESPONDEO 1. librum *de viris illustribus* desiderari in catalogo

M 2

ope-

operum beati Isidori, quem beatus Ildephonfus texuit in libro *de viris illustribus*.

RESPONDEO 2. hæc ætate in Hispania episcopos fuisse, qui rerum ecclesiasticarum, earum etiam quæ omnibus hodie pervix sunt, periti non essent: quemadmodum apparet *ex capite 7. concilii Hispalensis II.* cui præfuit Isidorus.

RESPONDEO 3. Eutropium dubitasse tantum de necessitate unctionis.

RESPONDEO 4. incertum esse de qua unctione, baptismali, an confirmatoria, dubitaverit Eutropius. Triplex enim unctio adhibebatur, una in ipso baptismo; altera post baptismum in vertice; 3. post baptismum in fronte. Potuit ille dubitare, utrum unctio, quæ in baptismo adhibebatur, necessaria esset. Potuit etiam dubitare, utrum necessaria esset unctio verticalis: hanc enim baptizatis necessariam esse aliqui existimarunt, qui tamen Confirmationis sacramentum agnoscunt, ut Rabanus & Amalarius. Denique dato, non concesso, quod Eutropius loquatur de unctione confirmatoria, potuit ille dubitare, utrum hæc unctio necessaria esset, an sufficeret manus impositio. Maxime cum apostoli solam manus impositionem adhibuerint. Dubium enim est utrum chrisma sit materia Confirmationis necessaria. Dato etiam, non concesso, quod Eutropius existimaverit hanc unctionem Confirmationi essentialem esse, potuit ille dubitare, utrum hæc unctio baptizatis infantibus necessaria esset; eam enim adultis solis concedendam esse Eutropius forte sibi persuaserat.

§. 4. *Maximus martyr.*

Maximus, monachus & abbas Constantinopolitanus, qui sedente Honorio primo floruit ad annum 630. & pro causa fidei adversus Monothelitas annos 75. natus, martyr occubuit, anno 657. in *scholiis ad cap. 2. libri de ecclesiastica hierarchia* beati Dionysii, ad hæc verba; *τὰς τρεῖς ἁγίας*, tria docet: 1. eos, qui recens illuminati sunt, post susceptum baptismum ungi unguento, quod ipsos maxime *divinas efficit*: 2. Hanc unctionem fieri *in divinarum mysteriorum perfectæ liturgiæ ministerio*, antequam Christi corpus distribuatur: 3. post unguenti perfusionem, sanctæ communionis participationem fieri. Deinde modum exponit, quo baptizati unguuntur, & eucharistia donantur: “ Descendit (episcopus) ad eum, qui conversus est; & docet eum: (observa doctrinam post baptismum tradi, antequam unctio fieret: quod etiam ex citato Eulogii textu apparet:) ungit & obsignat, eique donum (id est eucharistiam) impertit. “ Et in fine ejusdem capituli: “ Eximium unguentum & homines (probos scilicet) in suavitate monet, & suos (peccatores intelligit) interimit, quæ summam odoris suavitatem non ferant Est ergo baptismus mortis Domi-

„ ni loco datus; aqua pro sepultura; oleum pro Spiritu sancto; signa-
 „ culum pro cruce : unguentum est confessionis Confirmatio . “ Quæ
 „ postrema verba desumpta sunt ex lib. 3. *constitutionum apostolic. cap. 17.*
 „ Denique in *scholiis ad cap. 14.* ad hoc verbum *episcopali*um , unctionem
 „ illam cum eucharistia confert ratione sanctificationis . “ Perficit enim
 „ omnia divinum unguentum , cum effunditur , quemadmodum sumptio
 „ sancti corporis & sanguinis . “

§. 5. *Concilium Toletanum XI.*

Concilium Toletanum XI. sedente Adeodato Papa , celebratum an-
 „ no 675. prohibet *cap. 8.* ne quid etiam “ voluntarie oblatum (ac-
 „ cipiatur) pro baptizandis , consignandisque fidelibus , aut pro colla-
 „ tione chrismatis , vel promotionibus graduum ; (quia) quidquid in-
 „ visibilis gratiæ collatione tribuitur , venundari non debet . “ Confi-
 „ gnatio est Confirmatio , seu manus impositio , quæ , sicut & chrismatis
 „ unctio , baptismati & ordini comparatur quoad profanationem , & vir-
 „ tutem conferendi gratiam invisibilem .

C A P U T VII.

Auctores seculi octavi.

§. 1. *Beda.*

Beda , quem Benedictinum monachum vulgo existimant , natus est
 „ anno 670. sacerdos ordinatus est anno 701. historiam ecclesiæ
 „ Anglicanæ composuit anno 726. eamque produxit ad annum 731. Quo
 „ tempore obierit incertum est. Sigibertus anno 731. Trithemius anno
 „ 733. Baronius anno 776. illum obiisse existimat : idque probat ex ejus
 „ epistola de æquinoctio , in qua ipse testatur scribere se anno 776. Qua-
 „ tuor vero aut quinque textus pro ea , quam versamus , materia ex ejus
 „ operibus colligi possunt .

Primus habetur *commentariis in cap. 22. Lucæ* , ad hæc verba : *Et*
 „ *egressus ibat secundum consuetudinem in montem olivarum &c.* “ Pulchre ,
 „ inquit , sui corporis & sanguinis mysteriis imbutos in montem oli-
 „ varum discipulos inducit , ut omnes in morte sua baptizatos , altissi-
 „ mo sancti Spiritus chrismate confirmandos esse designet , qui dicere
 „ possint cum psalmista : *Signatum est super nos lumen vultus tui Do-*
 „ *mine : dedisti lætitiā in corde meo.* Et de quibus ante subjungitur :
 „ *A tem ore frumenti , vini & olei sui multiplicati sunt .* “ En chrisma ,
 „ Spiritus sancti : quod vocatur altissimum Spiritus sancti chrisma : & quo
 „ altissimo Spiritus sancti chrismate confirmandi sunt omnes , qui in morte

Witasse de Confirmatione.

M 3

Chri-

Christi baptizati sunt. Quis, amabo, de simplici cæremonia ita loqueretur?

Secundus habetur *comment. in cap. 8. act. apost.* ad hæc verba: *Miserunt ad illos Petrum & Joannem &c.* "Notandum, inquit, quod Philippus, qui Samariæ evangelizabat, unus de septem fuerit: si enim apostolus esset, ipse utique manum imponere potuisset, ut acciperet Spiritum sanctum. Hoc enim solis Pontificibus debetur. Nam presbyteris, sive extra episcopum, seu præsentem episcopum baptizent, chrismate baptizatos ungere licet, sed quod ab episcopo fuerit consecratum, non tamen frontem ex eodem oleo signare, quod solis debetur episcopis, cum tradunt paracletum baptizatis. "Quæ verba fere integra ex decreto Innocentii I. in *epistola ad Decentium* excerpta sunt.

Tertius habetur *comment. in cap. 2. epist. 1. Joannis*, ad hæc verba: *Sed & vos unctionem habetis &c.* "Unctio spiritalis, inquit, ipse Spiritus sanctus est, cujus sacramentum est in unctione visibili.

Quartus habetur *comment. in cap. 1. cantic. ad hæc verba: Botrus Cypri dilectus meus in vineis Engaddi &c.* "In vineis Engaddi, inquit, balsamum . . . gignitur quod in chrismatis consecratione, liquori olivæ admisceri, ac Pontificali benedictione consecrari, quatenus fideles omnes cum impositione manus sacerdotalis, qua Spiritus sanctus accipitur, hac unctione signentur. "En Spiritum sanctum, qui per manus impositionem confertur, dum fideles chrismate Pontificali benedictione consecrati unguntur, eaque unctione signantur.

Quintus habetur *homilia in octavam epiphaniæ*. "Ramus olivæ, inquit, columba corporalis ablutum diluvii aquis detulit in arcam. Spiritus sanctus in specie columbæ corporalis baptizatum aqua Jordanis descendit in Dominum. Nos quoque Christi & ecclesiæ membra, post acceptum undæ regenerationis lavacrum, per unctionem sacri chrismatis gratia Spiritus sancti signamur.

Sextus habetur *cap. 29. vitæ Cuthberti episcopi Lindisfarnensis*, quam Beda composuit. "Quadam die dum parochiam suam (Cuthbertus) circueiens, monita salutis omnibus ruri casis & viculis largiretur, nec non etiam nuper baptizatis ad accipiendam Spiritus sancti gratiam, manum imponeret &c.

Dallæus, *lib. 3. cap. 10. & 11.* ut præfatis Bedæ auctoritatibus respondeat, supponit doctrinam ab eo traditam in *comment. in psal. 26.* Beda enim ibi observat, Davidem ter fuisse inunctum; 1. a Samuele, cum adhuc puer esset; 2. a Nathan Propheta, quando rex super Judam in Hebron constitutus est; 3. cum rex constitutus est super Jerusalem & universum populum Israel: ita nos quoque ter inungendos esse; semel & iterum, dum hic vivimus; tertio in vita æterna, ubi erit plena & perfecta regni & sacerdotii nostri perfectio. Prophetam expressisse primam

mam unctionem per illuminationem, cum ait, *Dominus illuminatio mea*: secundam vero per salutem, cum subjicit, & *salus mea*: addit & aliam interpretationem, quam his verbis explicat: "Potest quoque, si cui liberit, illuminatio ad primam tantum unctionem, in qua simpliciter abrenuntiamus satanæ, referri: salus vero ad secundam, in qua magis firmamur, quia & nomen Christi in ea profitemur." Deinde vero sibi opponens tertiam adhuc esse in hac vita unctionem ab aliis duabus diversam, nempe Confirmationem, subjicit: "Sciendum autem, quod illa unctio, quæ per manus impositionem ab episcopis, quasi alia a duabus prædictis, & vulgo Confirmatio dicitur, eadem est cum secunda, propter arrogantiam tamen non concessa est, singulis sacerdotibus, sicut & multa alia." Unde Dallæus concludit, unctionem confirmatoriam & episcopalem, ut quæ eadem sit cum secunda, ecclesiasticæ institutionis esse. Idem ex eodem textu ante Dallæum collegerat Sirmundus in *Antirr. 2. cap. 7.*

Ad primum igitur locum, respondet unctionem, cujus in eo mentio fit, nullam ex iis esse, quæ in terris administrantur, sed mysticam esse, quæ conferetur in cælo: quam interpretationem veram esse, & montis olivarum typus, & *altissimi* elogium, & laudatus e psalmo versiculus, & anteacta Eucharistiæ mysteria, videntur ostendere.

Verum nihil repugnat, quominus unctio, de qua Beda eo loci, episcopalis & confirmatoria sit: nec obstat *mons olivarum*. Oliva enim unctionem confirmatoriam, & episcopalem repræsentari asserit Beda in quinto textu citato. Præterea monte quidem Sion patriam cœlestem significari, sed monte olivarum vitam beatam figurari non reperio. Nihil etiam obstat *altissimi* epithetum, aut versiculus, *Signatum est super nos* &c. simili siquidem elogio chrisma ornatur in Concilio Laodiceno *can. 48.* ubi *superscalesite* dicitur. Versiculus autem e psalmo 4. petitus, ab interpretibus de statu præsentis exponi solet. Denique nihil obstant anteacta Eucharistiæ mysteria. Descensus enim Spiritus sancti super Apostolos fuit baptismus ignis, de quo Christus *Act. cap. 1. versic. 5.* & ex unanimi Patrum, & theologorum consensu designabat futuram manus impositionem super neophytos: licet apostoli jampridem Eucharistia refecti essent, priusquam Spiritus sanctus super eos descenderet.

Quod ad alios textus attinet, Dallæus concedit in eis mentionem fieri de unctione confirmatoria & episcopali; sed cum eam Beda dixerit eandem esse cum secunda unctione baptismali, inde concludit illam ecclesiasticæ, non autem divinæ institutionis esse.

Verum unctionem, quæ baptismum subsequitur, quæ fit in fronte, & Episcopo reservatur, sacramentum esse a baptismo ejusque cæremoniis distinctum colligi potest ex ipsis textibus citatis. Beda enim in 1. textu aperte innuit unctionem illam non esse meram cæremoniam: de-

inde in 3. textu, conceptis terminis ait unctionem visibilem esse sacramentum, quo Spiritus sanctus confertur. Accedit quod sacramentum nihil aliud est quam signum divinum, & efficax gratiæ sanctificantis. Atqui unctio, de qua Beda, si modo cum manus impositione conjunctim accipiat, est signum gratiæ sanctificantis, divinum, efficax, & distinctum, seu a baptismo, seu a secunda unctione baptismali.

1. Signum est gratiæ sanctificantis; dicitur enim *sacramentum Spiritus sancti*, in 3. textu.

2. Signum est divinum; tum quia in 1. textu hæc unctio vocatur *altissimum sancti Spiritus chrisma*; quod epithetum non convenit simplici cæremoniæ: tum quia in eodem textu dicitur *altissimum sancti Spiritus chrisma*, quo confirmandi sunt omnes, qui in morte Christi baptizati sunt. Cæremonia vero simplex non censetur omnibus necessaria: tum quia in 2. textu, hæc unctio seu manus impositio declaratur eadem esse, quæ ab Apostolis usurpata est. Sed quæ ab Apostolis usurpabatur, erat divina: tum quia in omnibus textibus hæc unctio non divisim, sed conjunctim accepta cum manuum impositione, constanter asseritur gratiam conferre sanctificantem; quæ virtus humanæ cæremoniæ non convenit.

3. Signum est efficax: apparet enim ex omnibus textibus, per hanc unctionem conferri gratiam sanctificantem.

4. Signum est a baptismo diversum: ritus enim est post integrum baptismum concessus, quemadmodum ex omnibus textibus apparet.

5. Effectum a baptismo distinctum habet: gratiam enim Spiritus sancti iis confert, qui jam baptizati sunt, atque adeo qui gratiam baptismalem jam acceperunt. Quod etiam apparet ex omnibus textibus.

DICE'S. Quid igitur Beda sibi vult, cum ait unctionem illam, quæ per manus impositionem confertur, quæque dicitur Confirmatio, eandem esse cum secunda unctione, quæ in baptismo administratur?

RESPONDET Petrus Aurelius in *orthodoxo*, par. 1. cap. 7. "Locum esse, corruptum & manifeste vitiosum.

RESPONDEO 1. in sententia, quæ totam Confirmationis materiam in sola manus impositione constituit, unctionem Confirmationis eandem esse cum secunda unctione baptismali, quod utraque fiat ex eodem chrismate, & utraque sit institutionis Ecclesiasticæ.

RESPONDEO 2. in ea opinione quæ materiam Confirmationis in unctione simul & manus impositione constituit, unctionem Confirmationis eandem esse, si illa secundum se seorsim & divisim a manus impositione veluti a sua comparte accipiat.

RESPONDEO 3. in ea opinione quæ materiam Confirmationis in un-

ctio-

Etione tantum constituit, unctionem Confirmationis eandem esse, si illa materialiter, & secundum se consideretur, quod utraque unctio fiat ex eodem chrismate; sed diversam esse formaliter, quatenus formulæ confirmatorię subicitur, & per eam determinatur ad sacramentum Confirmationis constituendum: eodem prorsus modo, quo baptismi ablutio eadem est materialiter ac alia quæcumque ablutio; diversa vero formaliter. Videfis Goffridum Vindocinensem *infra* citandum.

§. 2. *Gregorius II. pontifex.*

Gregorius II. qui pontificatum iniit anno 714. consultus a Bonifacio Germanorum apostolo, utrum Confirmatio iterari posset; respondit: "De homine, qui a pontifice confirmatus fuerit, denuo illi talis reiteratio prohibenda est: ita ille in *cap. 4. epist. 13. ad Bonifacium* scriptæ anno 726. Confirmatio igitur iterari non potest. Atqui mera cæremonia potest iterari.

§. 3. *Gregorius III. pontifex.*

Gregorius III. qui sedere cœpit anno 731. consultus ab eodem Bonifacio, utrum in iis iterandum esset baptisma, qui gentilium ministerio & idiomate, & nomine tamen sanctæ Trinitatis, baptizati erant; respondit anno 740. eos solum confirmandos esse per manuum impositionem, & chrismatis unctionem. "Oportet eos per manus impositionem, & sacri chrismatis unctionem confirmari." Ita Gregorius in *epist. 7. ad Bonifacium*.

§. 4. *Concilium Germanicum I.*

Concilium Germanicum I. quod ejusdem Bonifacii auctoritate, Ratisbonæ vel Augustæ Vindelicorum, sedente Zacharia Pontifice anno 742. celebratum est *canone* 3. decernit, "Ut quandocumque jute Canonico Episcopus circumierit parochiam ad confirmandosque populos, presbyter semper paratus sit ad suscipiendum Episcopum, cum collectione, & adjutorio populi, qui ibi confirmari debet."

§. 5. *Zacharias pontifex.*

Anno 748. idem Bonifacius, Burcardo episcopo Herbipolensi Romanam proficiscenti litteras dedit ad Zachariam pontificem, quibus ex more de multis dubiis eum consuluit, monuitque "quemdam presbyterum esse, genere Scotum, nomine Sampson, qui affirmat, res,"

„ret, sine mystica invocatione; aut lavacro regenerationis, posse fieri catholicum christianum per episcopalis manus impositionem.“ Ad quæ Zacharias rescribens *epist.* 10. iussit, ut illum presbyterum ab ecclesia expelleret. Vide quanti hac ætate fieret Confirmatio, ut presbyter Sampson inde occasionem habuerit falso affirmandi solam episcopalis manus impositionem satis esse ad salutem.

§. 6. *Stephanus III. & Romanum Concilium.*

Stephanus, quem Anastasius tertium, Baronius vero quartum appellat, anno 768. electus est. Ipse vero in synodo Romana, ad quam Italix, Gallixque Episcopi convenerant, decrevit, ut *sacramenta ecclesiastica*, quæ Constantinus pseudopontifex administrasset, iterarentur, præter sacrum baptismum, atque sanctum chrisma. Ita refert Anastasius in *ejus vita*. En sanctum chrisma, quod inter sacramenta numeratur, quod negatur iterari posse, & in ea ratione cum baptismo comparatur.

§. 7. *Ordo Romanus.*

Materia, forma, & cæremonix sacramenti Confirmationis accurate describuntur in ordine Romano, *cap. de ordine in nocte & die sabbathi sancti*, sub finem, ubi asseritur hoc sacramentum, completo jam baptismo, suisque precibus plurimis, administrari per pontificem, „Pontifex, inquit, veniens ad infantes, tenente Archidiacono chrisma, & imposita manu super capita eorum, dicit orationem super eos, cum invocatione septiformis gratiæ Spiritus sancti, oratione impleta, interrogantibus diaconibus nomina singulorum, pontifex tincto pollice in chrismate, faciat crucem in frontibus singulorum, ita dicendo. Confirmo te in nomine Patris, & Filii, & Spiritus sancti, amen.

Quo sit authore conscriptus hic libellus, difficile dictu est. Illum a magistro Romanæ ecclesiæ tum esse conscriptum, cum Stephano pontifice & Pipino primum, deinde Carolo magno procurante, divina officia Romana cum Romano cantu in Galliam introducta sunt, existimant Hilduinus abbas S. Dionysii, Walafridus Strabo, Sigibertus in *chronico*, & ex hoc Leopoldus Bambergensis episcopus. Opus illud antiquissimum esse, neque inferius revocari posse, quam ad sæculum octavum, constat ex synodo Moguntina anno 813. coacta, quæ, ut uniformitatem statuat, præcipit *can. 4.* sacramenta baptismatis in singulis parochiis secundum Romanum ordinem celebrari; ex Amalario, qui ordinis Romani meminit, in *libro de ecclesiastico officio*, quem ad annum 830. scripsit, *cap. 11. 12. 13. 14. & alibi*; & ex *lib. de divinis officiis*, qui nomine Alcuini circumfertur, quique nihil aliud est, quam ordinis Romani expositio.

Cæterum *in capite antepenult.* quod est de festivitate omnium sanctorum, hæc verba (& per totum orbem) quibus asseritur, " Hanc festivitatem per totum orbem celebrari, interpolata fuisse, " ex eo apparet, quod hæc solemnitas in Gallia & Germania, anno duntaxat 835. celebrari cœperit: quæ de re *infra*, ubi de libro de divinis officiis, qui Alcuino tribuitur.

§. 8. Alcuinus.

Alcuinus, qui & Albinus, cognomento Flaccus, Bedæ discipulus, qui claruit anno 780. regnante Carolo magno, obiit autem anno 804. *in epistola de baptismi ceremoniis*, ad Oduinum presbyterum, " Ad cognoscendum rationabilem sacri baptismatis ordinem, inquit, de ministeriis totius officii breviter scribere volui &c. Primo catechumenus, &c. sic corpore, & sanguine dominico confirmatur, ut illius sit capitis membrum, qui pro eo passus est & resurrexit. Novissime per impositionem manuum a summo sacerdote septiformis gratiæ Spiritum accipit, ut roboretur per Spiritum sanctum ad prædicandum aliis, qui fuit in baptismo per gratiam vitæ donatus æternæ. " Alcuinus sibi proponit scribere *de ministeriis totius officii*, hoc est de baptismo, Eucharistia, & Confirmatione; hæc enim tria continuo administrabantur. Sed Alcuinus refert Confirmationem post Eucharistiam conferri; quod etiam narratur ab Aponio *lib. 1. comment. in Cantica*; & a Rabano *lib. 1. de instit. Cleric. cap. 29. & 30.* Dallæus igitur, aut Eucharistiam baptismi ritum esse doceat, aut Confirmationem a baptismi diversam esse fateatur necesse est.

Scripsit, & Alcuinus *epistolam ad Carolum magnum*; de ratione septuagesimæ, sexagesimæ & quinquagesimæ, in qua supponit Confirmationem conferri non modo post Eucharistiam, sed & octavo die post baptismum, nempe dominica in albis, administrari. " Quo die clauditur pascha, alba tolluntur vestimenta a nuper baptizatis, &c. & tunc maxime cum alba tolluntur vestimenta a baptizatis, per manus impositionem, nem a pontifice accipere Spiritum sanctum conveniens est, qui in baptismo omnium receperunt remissionem peccatorum, & per septem dies in evangelico castitatis habitu, & luminibus cœlestis claritatis, sanctis assistere solent sacrificiis. " Ecclesiarum igitur quarumdam saltem Gallicanarum ea tunc erat consuetudo, ut neophyti dominica in albis confirmarentur: quæ quidem consuetudo diu viguisse debuit; cum Honorius Augustodunensis, qui sæculo XII. floruit, eam uti proximæ ætate sua communem referat *lib. de gemma animæ, cap. 113.* quæ de re *infra*.

Citatur idem Alcuinus *in lib. de divinis officiis*, sed illud opus Alcuino posterius esse, probabimus *infra*.

§. 9. Theodulphus Aurelianensis.

Theodulphus, ex abbate Floriacensi episcopus Aurelianensis, quem ante synodum Francofordiensem, quæ anno 794. celebrata est, Episcopum jam fuisse, Alcuini ad Carolum regem epistola 4. declarat, libro de ordine baptismi ad Magnum seu Magnonem, Archiepiscopum Senonensem, cap. 16. "Quibus etiam baptizatis, inquit, se-
 „ptiformis gratiæ Spiritus per chrismatis unctionem conceditur, ut
 „non solum Spiritus, qui unius est cum Patre, & Filio substantiæ,
 „sed totius sanctæ Trinitatis habitaculum effici mereatur." Et im-
 mediate post cap. 17. "Quod ergo presbyteris, inquit, baptizatos
 „chrismate ungere licet, Spiritum vero sanctum per manus imposi-
 „tionem tradere non licet, antiquus iste mos ab apostolis Ecclesiæ est
 „traditus." Tum post verba ex Aëtor. cap. 8. & 19. allata subjicit:
 „Sicut cætera baptismatis sacramenta per sacerdotes visibiliter fiunt,
 „per Deum invisibiliter consecrantur; ita nimirum & Spiritus gratia
 „per impositionem manuum, & ministerium Episcoporum fidelibus
 „traditur." Post quæ describit Innocentii decretum de Confirmatione
 in epistola ad Decentium, de quo supra, pag. 315. Videfis & cap. 18.
 ejusdem libri.

Scripsit etiam Theodulphus initio sui episcopatus, pastorem Epistolam, seu capitulare ad parochos suæ dioceseos, in cujus capite 22. constituit, "Ut nullus confirmetur, neque baptizetur, neque a la-
 „vacro fontis illius suscipiatur, neque coram episcopo ad confirman-
 „dum, quemlibet teneat, nisi symbolum, & orationem dominicam
 „memoriter tenuerit." In utroque baptismi, & Confirmationis sa-
 cramento symbolum, & orationem dominicam exigit a susceptis & a sus-
 ceptoribus.

Baronius, qui hæc Theodulphi capita in lucem edidit, cum de tem-
 pore, quo scripta sunt, nihil haberet; in annum Christi 835. ea
 conjecit, serius omnino quam par fuit; quia Theodulphum ad ea
 tempora non pervenisse ostendit Jonas in Aurelianensi cathedra ejus
 successor, qui a Ludovico Pio post synodum Parisiensem ad Eugenium
 II. papam missus est anno 814. Præfata igitur capitula Theodulphus,
 ut ecclesiam suam reformaret, scripsit sub initium sui Episcopatus;
 quod contigisse ante annum 794. ex epistola 4. Alcuini ad Carolum
 regem constat. In vivis adhuc erat anno 816. quo Stephano Papæ
 IV. Ludovicum pium Rhemis coronaturo obviam ivit; & anno 818. quo
 in synodo Aquilgranensi ipse (quamvis, ut putatur, minime reus) alii-
 que episcopi conjugationis contra imperatorem initæ accusati, condemna-
 ti sunt.

§. 10. *Magnus Senonensis.*

Magnus, seu Magno, Senonensis archiepiscopus, cum cæteris ejusdem provinciæ episcopis epistolam scripsit ad Carolum Magnum, quæ habetur in manuscripto Corbeiensi, & quam Sirmundus in notis ad Theodulphum monet se habere apud se. Ex ea vero hunc locum refert in *antirrhético*: "Peractis omnibus baptismatis sacramentis (hoc est, cæremoniis) novissime per manus impositionem a summo sacerdote septiformis gratiæ Spiritum accipiunt, ut corroborentur in fide recta per Spiritum sanctum." Floruit ille sæculo octavo desinente, & ineunte sæculo nono obiit. Jeremias enim, ejus in Senonensi cathedra successor, a Ludovico & Lothario, una cum Jona Aurelianensi ad Eugenium II. missus est anno 824. & utriusque principis epistolam ad eundem pontificem cum actis conventus Parisiensis detulit.

CAPUT VIII.

Auctores sæculi noni.§. 1. *Capitula Caroli Magni.*

Capitula Ecclesiastica Caroli Magni, qui ab eo; partim adhuc rege, partim imperatore, diversis temporibus edita sunt, & *somo 7. concil.* ad annum 801. a Labbæo referuntur, *tit. 4. cap. 2. & 4.* prohibent, "Ut nullus chorepiscopus per manus impositionem Spiritum sanctum tradere, aut sacerdotes, vel levitas, aut subdiaconos, sacrare, aut sanctum chrisma conficere præsumat. (Addunt) ut hi, qui a chorepiscopis sunt ordinati, (vel) confirmati, ... pro confirmationis, vel sacratis minime habeantur; (quia) hæc omnia a cathedralibus episcopis agenda sunt, & non a presbyteris vel chorepiscopis, qui ambo unius formæ esse videntur. (Subjiciunt hæc) a cathedralibus episcopis reformanda esse. (Inde tamen non sequi) ordinationem vel confirmationem, reiterationem esse; (quia) quod non ostenditur gestum, ratio non finit ut videatur iteratum.

En Confirmationem, quæ tradit Spiritum sanctum; quæ ordinationi æquiparatur; quæ a solis episcopis conferri potest; quæ si ab aliis conferatur, nulla est; quæ iterari non potest: quæ seorsum a baptismo, de quo ibi nulla mentio, explicatur.

§. 2. Concilium Cabilonense II.

CONCILIIUM Cabilonense II. quod anno 813. celebratum est, *can.* 27. Confirmationis sacramentum comparat cum baptismo, & utrumque negat iterari posse. "Dictum nobis est, inquit, quod quidam de plebe bis & ter ab episcopis, ignorantibus eisdem episcopis, confirmentur. Unde nobis visum est, eandem Confirmationem, sicut nec baptismum, iterari minime debere.

§. 3. Aponius.

APONIUS, vir eruditus, qui floruit ad annum circiter 812. scripsit *commentarios in cantica* sex libris distinctos, quorum primo, ante medium, sic habetur: "Quem cibum ecclesie Dei supra dictis, uberibus in baptismatis suscepit sacramento; ubi trina confessione Patris & Filii & Spiritus sancti, notitie odorem cognoscit, cum ei sæpe dictum doctrine lac triformem contulerit redemptionis medullam, liquorem scilicet candidissimum, suavemque succum corporis Christi, & pinguisimum butyrum sacri chrismatis oleum, per quod Spiritus sanctus infunditur. "Confirmatio post eucharistiam ibi recensetur, & per eam Spiritus sanctus infunditur.

§. 4. Lucas.

APONIO subjiciemus Lucam, abbatem montis sancti Cornelii, qui ejusdem Aponii commentarios in epitomen eodem seculo redegit. Ille vero post initium, ad hæc verba: *Quam pulchre sunt mamme tue* &c. asserit, "Quod ecclesia quotidie concipit, quotidie parit, quotidie lactat, & virgo est: (hoc enim) Deus per ecclesiam facit, quod fecit per Mariam virginem. "Ubera vero, quibus ecclesia regeneratos lactat, episcopi sunt, "qui per invisibilis Spiritus sancti unguenta infundunt credentibus spiritalia opera pietatis. "En unguentum; unguentum Spiritus sancti; unguentum, per quod episcopi pietatem neophytis infundunt.

§. 5. Jesse Ambianensis.

JESSE, episcopus Ambianensis, qui concilio Noviomensi interfuit anno 814. in *epistola de baptismo*: "Post hæc confirmet eum episcopus in fronte de chrismate; ideoque manus impositio fit, ut per benedictionem advocatus & invitatus Spiritus sanctus super eos descendat juxta exemplum apostolorum. "Mox refert verba *actor. cap. 8.* & quibusdam interjectis ita prosequitur. "Novissime autem corpore, & san-

„ & sanguine Christi confirmatur infans, ut ejus possit esse membrum,
 „ qui pro eo passus est, & resurrexit. Refert quoque Innocentii de-
 cretum de Confirmatione in *epistola ad Decentium*, de quo *supra*,
pag. 315.

§. 6. Paschasius Ratbertus.

PASCHASIUS Ratbertus, abbas Corbeienſis, in *libro de corpore & san-
 guine Domini*, quem anno 818. composuit *cap. 3.* “ Sacramentum
 „ igitur est, inquit, quidquid in aliqua celebratione divina nobis qua-
 „ si pignus salutis traditur, cum res gesta visibilis, longe aliud invi-
 „ sibile intus operatur, quod sancte accipiendum sit. Unde & sacra-
 „ menta dicuntur, aut a secreto, eo quod in re visibili divinitas in-
 „ tus aliquid ultra secretius efficit per speciem corporalem: aut a
 „ consecratione sanctificationis, quia Spiritus sanctus manens in cor-
 „ pore Christi latenter hæc omnia sacramentorum mystica sub tegu-
 „ mento visibilium pro salute fidelium operatur. . . Sunt autem sa-
 „ cramenta Christi in ecclesia, baptismus, & chrisma; corpus quo-
 „ que Domini & sanguis. “ Ubi ex septem sacramentis ecclesiæ tria
 tantum enumerat Paschasius, exempli duntaxat causa. Neque enim ex
 professo hic agit de numero sacramentorum, sed ad institutum satis ei
 erat aliqua sacramenta commemorasse.

§. 7. Rabanus Maurus.

RABANUS Maurus, Alcuini discipulus, ex monacho Fuldenſi ab-
 bas, & ex abbate Fuldenſi archiepiscopus Moguntinus, libros tres
de institutione clericorum edidit anno 819. quemadmodum ipse testatur
in carminibus ad libri tertii finem adjectis, quibus opus illud, cum ad-
 huc esset monachus, Heistulpho archiepiscopo Moguntino, jussu abba-
 tis sui consecravit.

Libro 1. cap. 24. describit Isidori verba *supra* relata, *pag. 165.* “ Sunt
 „ autem sacramenta, baptismus & chrisma (1) corpus & sanguis,
 „ quæ ob id (2) sacramenta dicuntur, quia sub tegumento corpora-
 „ lium rerum, virtus divina secretius salutem eorumdem sacramento-
 „ rum operatur: unde & a secretis virtutibus vel sacris, sacramenta
 „ dicuntur: quæ ideo fructuose penes ecclesiam fiunt, quia sanctus
 „ in ea manens Spiritus eorumdem sacramentorum (3) latenter ope-
 „ ratur effectum. Unde seu per bonos (4), seu per malos ministros
 „ intra ecclesiam Dei dispensentur, nec bonorum meritis dispensato-
 „ rum hæc dona, nec malorum attenuantur. “ Hæc indicia sunt veri
 ac legitimi sacramenti.

§. *Capite 25.* ait, “ Primum sacramentorum esse baptismum; quia (5)
 „ confertur antequam sancto chrismate ungatur aliquis, aut corpore &
 „ san-

„ sanguine Christi reficiatur. “ Supponit igitur chrismatis unctionem esse verum sacramentum a baptismo diversum.

Capit. 28. ait, “ quod baptismo (6) continuatur chrismatis unctio ;
 „ quia Spiritus sanctus, qui per illud chrisma, suæ virtutis admixtio-
 „ ne sanctificat credentes, baptizato Jesu, statim super illum in co-
 „ lumbæ specie descendit. “ Addit, quod hujusce per unctionem san-
 „ ctificationis “ typum præferebat columba illa, quæ in diluvio ad ar-
 „ cam reportavit ramum olivæ virentibus foliis, significans utique
 „ quod Spiritus sanctus per chrismatis unctionem in baptismo (7)
 „ virorem confert fidelibus cœlestis gratiæ. “ Huic igitur unctioni ef-
 „ fectum a baptismali diversum tribuit. Subjicit, quod “ Sylvester pa-
 „ pa (8) constituit, ut sicut potestas & privilegium apud solum (9)
 „ episcopum constar, quod sacrum chrisma conficiat, & baptizatum
 „ (10) per manus impositionem cum ipso chrismate consignet pro-
 „ pter hæreticam (11) suasionem ; ita presbyter (12) eodem chris-
 „ mate liniat baptizatum levatum ex aqua, propter occasionem (13)
 „ transitus mortis, quia scriptum est (14) in apostolo : *Vos autem,*
 „ *fratres, in carne non estis, sed in Spiritu, si tamen Spiritus Dei ha-*
 „ *bitat in vobis. Si quis autem Spiritum Christi non habet, hic non est*
 „ *ejus* &c. ac deinde profecto patet, quia quicumque non est Christi,
 „ regni sui particeps fieri nequit. Ideoque (15) necessarium est, ut
 „ statim succurratur baptizato cum chrismatis unctione, ut Spiritus
 „ sancti (16) participationem accipiens, alienus a Christo non exi-
 „ stat. “ En duplicem unctionem, quæ baptismum subsequitur, quæ-
 „ que fit ex eodem chrismate ; unam quæ fit ab episcopo solo, ea nem-
 „ pe, qua baptizatus “ per manus impositionem cum ipso chrismate con-
 „ signatur ; “ alteram, quæ fit a sacerdote, quam Rabanus aperte in-
 „ nuit & supponit baptizato necessariam esse necessitate mediæ ; quia per
 „ eam confertur Spiritus sanctus, sine quo baptizatus alienus esset a
 „ Christo. Unde sequitur Spiritum sanctum non fuisse in baptismo col-
 „ latum. Mentem Rabani, quæ sequuntur, evidentius aperient.

Ille siquidem, postquam *cap. 29.* dixit baptizatum indui veste can-
 dida, tum ungi in vertice capitis, “ Deinde (17) corpore & sangui-
 „ ne dominico refici : “ statim subjicit *initio capit. 30.* “ Novissime
 „ (18) autem a summo sacerdote per impositionem (19) manus,
 „ paracletus traditur illi Spiritus sanctus, ut roboretur (20) per Spi-
 „ ritum sanctum ad prædicandum aliis idem donum, quod ipse (21)
 „ in baptismo consecutus est, per gratiam (22) vitæ donatus æter-
 „ næ. Signatur enim baptizatus (23) cum chrismate per sacerdotem
 „ in capitis summitate, per pontificem (24) vero in fronte : ut prio-
 „ ri unctione (25) significetur Spiritus sancti super ipsum descensio
 „ ad habitationem Deo consecrandam : in secunda quoque (26), ut
 „ ejusdem Spiritus sancti septiformis gratia cum omni plenitudine san-
 „ ctitatis & scientiæ & veritatis, venire in hominem declaretur. Tunc
 „ enim

enim (hoc est in priori unctione) ipse Spiritus (27) sanctus post mundata & benedicta corpora atque animas , libens a Patre descendit , ut vas suum sua visitatione sanctificaret , & illustraret : & nunc (hoc est in posteriori unctione) in hominem (28) ad hoc venit , ut signaculum fidei , quod in fronte suscepit , faciat eum donis cœlestibus repletum , & sua gratia confortatum , intrepide & audacter coram regibus & potestatibus hujus sæculi portare , ac nomen Christi libera voce prædicare . Nec mirum si homo (29) biseodem chrismate ad accipiendum Spiritum ungatur , cum idem Spiritus (30) bis sit ipsis apostolis datus , id est in terris semel , quando post resurrectionem suam Dominus insufflavit in eos , & dixit : *Accipite Spiritum sanctum quorum &c.* & de cœlis semel , quando post ascensionem Domini in die Pentecostes in linguis igneis super apostolos venit &c. Sicut autem per baptismum (31) in Christo morimur & renascimur ; ita Spiritu sancto signamur , qui est digitus Dei & spiritale signaculum . Bene quippe convenit , ut per sacrum chrisma (32) & per pinguedinem olivæ gratia Spiritus sancti tribuatur ; quia in psalmo scriptum est de ipso Salvatore , quod *unxerit Deus pater oleo lætitiæ præ confortibus suis* : & item de nobis , quod *exiliaret faciem nostram in oleo*. *Χειρὸν* græce , latine *unctio* nominatur , ex cuius nomine & Christus dicitur , & ex ipso homo post lavacrum (33) sanctificatur . Nam sicut in baptismo (34) peccatorum remissio datur ad veniam ; ita per unctionem sanctificatio Spiritus adhibetur ad gloriam &c. quod dum carnaliter (35) fit , spiritaliter proficit : quomodo & ipsius baptismi (36) visibilis actus est , quod in aqua mergimur : sed spiritalis effectus , quod a delictis mundamur : (verba sunt Tertulliani ex libro *de baptismo* , videlicet *pag. 92.*) Posthæc nonnullis , quæ ad præsentem materiam nihil attinet , subiectis , *caput 31.* ita inchoat : “ Sed quia de duobus (37) sacramentis , id est baptismo , & chrismate , jam supra differuimus ; superest ut de reliquis duobus , id est corpore & sanguine Domini , etiam nunc diligentius investigemus .

Hæc , proluxa licet , referre oportuit , ut Rabani opinionem , quæ singularis est , consequamur . Duplicem ille distinguit unctionem baptismi subsequenter ; alteram , quæ præcedit eucharistiæ susceptionem ; alteram quæ post ejus participationem administratur .

Prior unctio 1. fit ex eodem chrismate , quo posterior , *ex num. 12.* & 29. 2. Fieri potest a sacerdote , *ex num. 12.* 3. Fit in vertice capitis , non autem in fronte , *ex num. 24.* 4. Fit absque manus impositione ; quia solus episcopus baptizatum per manus impositionem cum ipso chrismate consignat , *ex num. 9.* & 10. 5. Baptismum & vestem albam sequitur , sed eucharistiæ participationem præcedit *ex num. 17.* & 18. 6. Sanctificat ; per eam enim baptizatus Spiritus sancti participationem accipit , *ex num. 16.* Per eam significatur Spiritus sancti super

Wistasse de Confirmatione.

N

ip-

ipsum descensio ad habitationem Deo consecrandam, *ex num. 25.* Per eam Spiritus sanctus post mundata & benedicta corpora atque animas, libens a Patre descendit, ut vas suum sua visitatione sanctificet *ex num. 27.* Per eam baptizatus chrismate ad accipiendum Spiritum sanctum ungitur, *ex num. 29.* Per eam neophytis datur idem Spiritus, qui apostolis a Christo datus est octava die resurrectionis *ex num. 30. 7.* Hæc prior unctio effectum a baptismali diversum habet. Per eam enim Spiritus sanctus post mundata & benedicta in baptismo corpora atque animas libens a Patre descendit, ut vas suum sua visitatione sanctificet *ex num. 27. 8.* Baptizato necessaria est propter occasionem transitus mortis *ex num. 13.* & ut alienus a Christo non existat, *ex num. 16.* quia per eam baptizatus Spiritus sancti participationem accipit, sine qua alienus esset a Christo *ex num. 15. & 16. 9.* Inde sequitur, hanc priorem unctionem baptizato necessariam esse necessitate medii. 10. Hinc etiam sequitur, in baptismo mundari quidem & benedici animas & corpora; in eo tamen non infundi Spiritum sanctum, sed in unctione verticali, quæ baptismum sequitur. Hæc est genuina Rabani opinio, quæ in multis omnino singularis est. Quis enim præter ipsum sibi unquam persuasit, habere vim sanctificandi & conferendi Spiritum sanctum, eamque baptizato necessariam esse necessitate medii?

Posterior unctio, 1. fit a solo episcopo, *ex num. 9. & 10. 2.* Fit per manus impositionem, *ex num. 10. 3.* Fit in fronte, non in vertice, *ex num. 24. 4.* Baptismum, vestem albam, unctionem verticalem & eucharistiæ participationem subsequitur *ex num. 17. & 18.* adeoque a baptismo omnino distinguitur. 5. Sanctificat, *ex singulis fere numeris. 6.* Effectum a baptismali diversum habet; tum quia baptizatis virorem confert celestis gratiæ, *ex num. 7.* tum quia per eam traditur baptizato Spiritus sanctus, ut roboretur per Spiritum sanctum ad prædicandum aliis idem donum, quod ipse in baptismate consecutus est *ex num. 20. & 21.* tum quia per eam homo post lavacrum sanctificatur, *ex num. 33.* tum quia sicut per baptismum in Christo morimur & renascimur, ita per unctionem Spiritu sancto signamur, qui est digitus Dei & spiritale signaculum *ex num. 31.* tum quia sicut in baptismo peccatorum remissio datur ad veniam; ita per unctionem sanctificatio Spiritus adhibetur ad gloriam *ex num. 34. 7.* Effectum a priori unctione diversum habet, *ex num. 25. 26. 27. & 28. 8.* Sacramentum appellatur, *num. 1. 2. 5. & 37. 9.* Signa veri ac legitimi sacramenti habet, *ex num. 2. 3. 4. 31. 32. 34. 35. & 36. 10.* Baptismo in ratione sacramenti comparatur, & in ratione sacramenti ab eo distinguitur, *num. 1. 2. 5. 15. 31. 33. 34. 35. 36. & 37.*

§. 8. *Jonas Aurelianensis.*

Jonas, episcopus Aurelianensis, qui post synodum Parisiensem a Ludovico Pio ad Eugenium II. missus est anno 824. & conventui Wormatiensi interfuit anno 833. *lib. 1. de instit. clericorum cap. 7.* "Perceptio sancti Spiritus, inquit, per manus impositionem ab episcopis tribuitur &c. Quod solius episcopi sit per manuum impositionem fidelibus tradere Spiritum sanctum, acta docent apostolorum. "Relatisque verbis actorum 8. & 19. subjungit: Notandum est, quod in neminem baptizatorum venerit Spiritus sanctus, nisi per impositionem manuum apostolorum. Credendum vero est, quod sicut baptismatis & corporis & sanguinis dominici sacramenta per sacerdotum ministeria visibiliter fiunt, & per Deum invisibiliter consecrantur; ita nimirum Spiritus sancti gratia per impositionem manuum ministerio administratam episcoporum, fidelibus invisibiliter tribuatur. "Nihil pro doctrina catholica brevius & luculentius dici poterat.

§. 9. *Concilium Parisense VI.*

Concilium Parisense VI. quod anno 829. celebratum est, *lib. 1. c. 27.* facultatem conferendi. "Donum Spiritus sancti per impositionem manuum convenire solis apostolis, eorumque successoribus episcopis, "non autem discipulis, eorumque successoribus Chorepiscopis, probat ex actis c. 8. & 19. "Emersit, inquit, quidam reprehensibilis, & valde jam inolitus usus, eo quod quidam Chorepiscopi ultra modum suum progredientes & donum sancti Spiritus per impositionem manuum tradant, & alia quæque, quæ solis Pontificibus debentur, contra fas peragant: præsertim cum nullus ex septuaginta discipulis, quorum speciem in ecclesia gerunt, legatur donum sancti Spiritus per manuum impositionem tradidisse. Quod autem solis apostolis, eorumque successoribus proprii sit officii tradere Spiritum sanctum, liber actuum apostolorum docet, in quo legitur: "Cum Apollo esset &c. actor. 19. v. 1. 2. 3. 4. 5. 6. Item in eodem: "Cum audissent apostoli &c. actor. 8. v. 14. 15. 16. 17.

Capite vero 33. proxime sequenti præcipit episcopis, ut jejuni Confirmationem administrent, multaque alia docet observatu digna. "Perlatum est ad nos, inquit, quod in quibusdam provinciis plerique episcopi post perceptionem cibi & potus soleant per impositionem manuum tradere Spiritum sanctum: quod tam excellenti ministerio proprius non convenire, & ita deinceps fieri non debere, omnibus nobis visum est. Quoniam credibile est, & auctoritas ecclesie ita se habet, ut sicut apostoli unanimes existentes, Deumque collaudantes & benedicentes; ita nimirum jejunantes accipere meruerint paracletum

„ Spiritum sanctum : eosque non nisi jejunos , sicut eorum acta docent , aliis eum tradidisse manifestum est. Sicut enim baptismum ex-
 „ cepta infirmorum causa , non nisi a jejunis celebratur sacerdotibus :
 „ ita etiam traditio Spiritus sancti , excepta præmissa causa infirmorum , non nisi a jejunis celebranda est Pontificibus. Dignum quippe
 „ est , ut Pontifices Christi primum jejunando & orando in cordibus
 „ suis domum præparent Spiritui sancto , & sic per impositionem manuum cæteris fidelibus eum tradant orando . Sicut autem duobus
 „ temporibus , Pascha videlicet & Pentecostes , baptismus ; ita etiam
 „ traditio sancti Spiritus per impositionem manuum fidelibus tradatur ,
 „ exceptis videlicet , ut dictum est , infirmis & morte periclitantibus ,
 „ quibus sicut baptismatis gratia succurrendum , ita incunctanter donum Spiritus sancti est tradendum . “ Vide quanti Confirmationem fecerint præsules Parisiis congregati ex Belgica II. & Lugdunensi II. III. & IV. id est , ex metropoli Rhemenfi , Rothomagensi , Turonensi , & Senonensi . Ejus ministerium quasi excellentissimum admirantur : per eam ajunt conferri Spiritum sanctum : eam præcipiunt ab episcopis jejunis administrari : jubent præsulibus , ut ad ejus administrationem jejunii & orationibus se disponant : eam æquiparant baptismo : eamdem in ejus ministro , quam in baptismi dispositionem requirunt : eamdem utriusque necessitatem asserere videntur .

Ejusdem Confirmationis meminerunt *cap. 54.* ubi de susceptoribus seu patrinis neophytorum in utroque baptismi & Confirmationis sacramento ita loquuntur : “ illi , qui alios de sacro fonte suscipiunt , quique
 „ ad percipiendum sancti Spiritus donum coram Pontificibus pro aliis
 „ patroni existunt , intelligere debent , & vim tanti sacramenti , & quid
 „ pro aliis sponderint . Illos tamen specialiter ab iis officiis removendos judicamus , qui propter reatum suum publica sunt poenitentia
 „ mulctati ; videlicet , ut nec alios de sacri fontis baptismo suscipiant ,
 „ nec etiam ad percipiendum sancti Spiritus donum , aliorum patroni
 „ coram Pontificibus existant , donec per dignam poenitentiam satisfacti-
 „ onem , reconciliationem mereantur . “ Confirmatio ibi dicitur magnum sacramentum : poenitens , qui ecclesie nondum reconciliatus est , susceptoris officio fungi non potest .

§. 10. Amalarius Fortunatus.

Amalarius Fortunatus , ex Alcuini discipulo episcopus Trevirensis , quem legatum a Carolo magno Constantinopolim missum sub annum 813. ut cum Michaelae Imperatore pacem constitueret , historiæ testantur , libros quatuor *de ecclesiasticis officiis* composuit , quorum libro I. *cap. 26.* ait : “ Clamante voce sacerdotis , ut descendat virtus
 „ Spiritus sancti in aquam , cereos neophytorum deponi in aquam . “
 Deinde vero neophytis distribui , non tamen accendi , donec illi Spiritum

tam sanctum per manus impositionem acceperit, quia cerei accensio Spiritum sanctum designat. "Solemus, inquit, differre officium illum minandorum cereorum, usque ad missæ officium, ut prius accipiant neophyti impositionem manus episcopi, & sic eos credamus illuminari Spiritu sancto.

Capite vero 27. unctionem, quæ baptismum consequitur, duplicem ille distinguit, alteram in vertice capitis, alteram in fronte.

Priorem ait 1. fieri ex eodem chrismate, quo posterior. 2. A sacerdote baptismum ministrante fieri, sive absit, sive adsit episcopus. 3. Fieri in vertice capitis, non autem in fronte. 4. A Sylvestro Pontifice institutam fuisse in subsidium unctionis frontalis, sine qua ob episcoporum absentiam, aut negligentiam, neophyti plerumque moriebantur. 5. Per eam conferri gratiam aliquam. 6. Eam administrari hac verborum formula: "Deus omnipotens, pater Domini nostri Jesu Christi, qui te regeneravit ex aqua & Spiritu sancto, quique dedit tibi remissionem omnium peccatorum, ipse linit te chrismate salutis in vitam æternam.

Circa posteriorem docet 1. eam fieri in fronte. 2. Eam fieri a solis episcopis. 3. Per eam tradi Spiritum sanctum paracletum baptizatis. 4. Eam, ut quæ ditior & præstantior sit, ditiores & præstantiores effectum producere, puta septiformem Spiritum sanctum. 5. Eam administrari hac verborum formula: "Emitte in eum (neophytum) septiformem Spiritum sanctum tuum paracletum de cælis, Spiritum sapientie & intellectus, Spiritum consilii & fortitudinis, Spiritum scientie & pietatis, adimple eum Spiritu timoris Domini, & consigna eum signo crucis, in vitam propitiatus æternam." 6. Spiritum sanctum ejusque dona esse "vestimenta, quibus ornari oportet filium regis, ut stare possit in aula cælesti: (qui enim) baptizantur, filii sunt Dei. Episcopus (vero) deprecatur Deum, ut sicut lavare dignatus est hominem per baptismum; ita dignetur per unctionem & manus impositionem vestire regalibus vestibus, quibus indui oportet filios regis." 7. Amalarium unctionem in fronte & episcopalis manus impositionem confundit, alteram pro altera usurpat, & utrique eundem effectum assignat. 8. Expendit, utrum "sine impositione manus episcopi possit neophytus possidere regnum cælorum: "qua de re nonnulli hac ætate dubitabant. 9. Duplicem baptismum distinguit; *Ipse enim*, inquit Joannes apud Mattheum, *baptizavit vos Spiritu sancto & igne*. "Baptizamur Spiritu sancto & igne: baptizamur Spiritu sancto, quando abluimur a peccatis: quam abluitionem significant albæ vestes in baptismo per totum corpus. Baptizamur igne, quando ardorem Spiritus accipimus, ut apostoli acceperunt in die Pentecostes. Baptismus ignis accipimus per impositionem manus episcoporum; qui consumat ligna, fœnum, stipulam: quia Deus ignis consumens est. . . Si quis sine isto

Wassse de Confirmatione.

N 3

, bap-

„baptismate (puta ignis) migraverit de seculo, periculosum iter accipit. Hæc prævidens Sylvester Papa, quantum potuit, subvenit: & propter absentiam episcoporum, necessitate addidit, ut a presbytero ungerentur. “ 10. Ait “ Timendum esse, ne illa differentia sit inter illum, qui sine impositione manus (episcopalis) moritur, & inter illum, qui eam accipit, quæ est inter stellarum claritudinem, hoc est, quamvis non excludat a regno Dei propter cætera bona opera, tamen non habeant illum locum, quem haberent, si illam acciperent. “ 11. De septem donis Spiritus sancti, eorumque connexionem fuisse disse- rit, & postea subjicit: “ Hæc sunt ornamenta vestis, quæ tribuit Deus menti per impositionem manus, sine quibus periculosum est aliquem inveniri in convivio regis, ne audiat vocem terribilem dicentis. “ *Anice, quomodo hic intrasti, non habens vestem nuptialem?* “ 12. Ait Spiritum sanctum, quem neophytus per unctionem & manus impositionem accipit, esse Dei “ signaculum, quo spiritus noster & anima imprimuntur, & illam recipimus imaginem & similitudinem, ad quam in exordio conditi sumus. Hoc signaculo sancti Spiritus, Deo patre imprimente, signamur. Hunc enim (ait Paulus) signavit pater Deus ... Idcirco vero signamur, ut servemus signaculum, & ostendamus illud in die redemptionis purum atque sincerum, & nulla ex parte mutilatum, & ob id enumerari cum his valeamus, qui redempti sunt.

Denique *capite* 40. explicat, quanto tempore debeant esse sub disciplina chrismatis, qui manus impositionem ab episcopo accipiunt post baptismum jampridem susceptum: & qua pietate ac devotione totum illud tempus transigere debeant.

Quo anno Amalarius libros istos scripserit, incertum est. Sigebertus illum anno 813. obiisse existimat. Sed ipsemet in *antipbonario cap.* 58. testatur se in vivis fuisse post annum 831. Nonnulli contra putant hos libros post annum 687. scriptos fuisse, quod *initio capitis* 27. *libri* 1. ex gestis Pontificalibus referatur Sylvestri decretum de unctione vinctali. Liber vero Pontificalis, seu liber de vitiis Pontificum, compositus fuit ab Anastasio bibliothecario, qui eas ad Nicolaum I. usque perduxit; obiit autem Nicolaus anno 867. Sed præter quam quod Amalarius ad annum 867. non pervenit, constat libros, de quibus agitur, longe ante ab ipso editos fuisse. Baronius igitur eorum editionem revocat ad annum 831. Certum est illos scriptos fuisse post annum 823. Amalarius enim in *epistola* huic operi præfixa, qua opus illud Ludovico Pio dedicat, acclamat Lotharium coronatum. Lotharius vero Ludovici Pii filius anno 823. coronatus est. Certum quoque mihi videtur, illos ante annum 831. scriptos fuisse: quia Amalarius initio secundæ præfationis huic operi præfixæ testatur, se opus de *ecclesiastico officio* composuisse, antequam Romam proficisceretur: se vero jam pervenisse Romam anno 831. asserit in *antipbonario cap.* 58. Denique initio ejusdem

dem præfationis ait, " se venisse Romam, postquam illud opus scripsit." Illud igitur scriptum fuit ad annum 830.

Inde apparet, aut gesta Pontificalia, de quibus Amalarius, opus esse diversum a libro de vitis Pontificum; aut Anastasium non fuisse auctorem hujus libri; aut vitas omnes (quod probabilius est,) quæ in hoc libro referuntur, non fuisse scriptas ab Anastasio, sed earum aliquas ante seculum nonum compositas. Idem colligi potest tum ex Rabano, qui verba decreti ejusdem Sylvestri refert in textibus *supra* citatis ex libris *de institutione clericorum*, quos ille anno 819. edidit; tum ex ordine Romano, cap. *Ordo in purificatione sanctæ Mariæ*, in quo *gesta pontificalia* laudantur, & ex eis verba referuntur, quæ totidem terminis habentur in libro *de vitis pontificum*.

Eundem Amalarium consulens *lib. 4. cap. 29.* " Baptismus (1), inquit, neophytorum quamvis in sabbato agatur, ad illum baptismum pertinet, quem apostoli acceperunt in die Pentecostes. Hoc interest (2) inter nostrum baptismum & apostolorum, quod illi primo aqua baptizati sunt; deinde acceperunt semel per insufflationem Christi. Spiritum sanctum, adhuc in terra Christo sistente; postremo de cælo in die Pentecostes: nos vero præsentem episcopum simul baptizamus, & per impositionem manus episcopi (3) Spiritum sanctum accipimus. Imitando tamen Christi (4) mortem & ejus resurrectionem, debemus consummationem nostri baptismi (hoc est spirituales nostram resurrectionem, cujus exemplar est Christi resurrectio, quæ die dominica contigit) in die dominica cogitare, ne præcedant membra caput, & secundum (5) modum primitivæ ecclesiæ donationem Spiritus sancti in eadem die (dominica) hora tertia. Quamvis (6) enim non eisdem diebus vel horis, propter aliquas occasiones fluctuantis mundi, celebretur aliquando baptismus vel impositio manus: tamen propter sacramentum (7) quod in se continent, eisdem horis deputantur. " Et quibusdam interjectis: " Sicut in baptismo (8) conformamur Christi morti & sepulture: ita in acceptione Spiritus sancti (quæ per manus impositionem contingit) conformamur Spiritui vivificanti, qui operatur in nobis rectum ordinem dilectionis. Propter mortem Christi, (9) quæ memoratur hora nona esse perfecta, hora nona baptizantur, qui in Christi morte baptizantur, propter quæ mysterium consuepturæ Christi, quæ recolitur in sabbato, baptizatur Christi corpus in sabbato, ut post hanc sepulturam in die dominica resurgat (10). Initium enim resurrectionis a dominica die debemus celebrare. Sed illa dominica dies initium novi hominis &c.

En manus impositionem, quæ correspondet visibili descensui Spiritus super apostolos, *ex num. 1. 2. & 5.* quæ confert Spiritum sanctum, *ex num. 3.* quæ sacramentum est, *ex num. 7.* quæ differt a baptismo, *ex num. 1. 2. 6. & 8.* quæ baptismo æquipatur, *ex num. 6. 7. & 8.* quæ neo-

phylum conformatur Spiritui vivificanti, sicut baptismus ipsum efficit conformem morti & sepulchræ Christi *ex num. 8.* ad quam baptismus ordinatur, *ex num. 1.*

§. 11. *Vualafrius Strabo.*

WAlafridus Strabo, monachus, & abbas Augiæ, qui floruit imperante Ludovico Pio, & obiit anno 849. in libro *de exordiis & incrementis verum ecclesiasticarum*, quem abbati Regimberto dicavit, *cap. 26.* "Addiderunt alii baptismi, inquit, chrismatis unctionem, quam ex veteri sumptam consuetudine, nemo est qui dubitet: cum primis temporibus impositione manuum baptismus confirmari soleret, quod in Samaria fecisse Petrum legitur & Joannem: quæ Confirmatio & tunc ad primos ecclesiæ pastores pertinuit, & nunc pertinere non dubitatur. Unde in canonibus sæpe interdicitur presbyteris, ne chrisma conficiant, neque baptizatos in fronte consignent: quod solis debetur episcopis. Testantur hoc decreta Innocentii Papæ, & statuta Sylvestri; quia & ipse instituit, ut presbyter baptizatum chrismate liniat, propter occasionem transitus mortis. Quod si a diacono, vel quolibet alio homine baptizatus, casu ante Confirmationem transierit, credendum non est perire propter hoc, quia sub fide, qua credidit, poterit esse salvus, si cum post, commissa peccata non permant. Lege concilii Eliberitani decreta." Et postea: "Quicumque vel ab hæreticis in Trinitate baptizantibus, vel ab alio quolibet homine, sub appellatione legitima ejusdem sanctæ Trinitatis fuerit baptizatus, rebaptizari non debet &c. sed chrismate & manus impositione, quod imperfectum erat, perfici debet."

§. 12. *Liber de officiis divinis.*

Liber *de divinis officiis*, qui Alcuino tribui solet, nihil aliud est, quam expositio & commentarius ordinis Romani. In eo igitur idem asseritur, quod in ordine Romano. Quia vero ejus auctor in dubium revocatur, de illo appositius agemus *infra*, ubi de operibus, quorum auctores dubii sunt.

§. 13. *Hincmarus Rhemensis.*

Hincmarus, qui Rhemensis archiepiscopus anno 845. creatus, obiit anno 882. in epistola ad Leonem IV. queritur de Chorepiscopali temeritate, quod Spiritum consignando tradere præsumebat. "Et in libro *de variis capitulis ecclesiasticis*, *cap. 16.* multiplicem manuum impositionem accurate describit. "Non uno modo, inquit, semper manus impositio intelligitur, sed pro diversitate locorum sub diversa significatione"

catione reperitur. Aliquando enim pro Confirmatione neophytorum accipitur, ut in decretis apostolicorum virorum, Clementis, Urbani, Melchiadis expressum sæpe numero reperitur. Nunc pro ordinatione sacerdotum, sive diaconorum, juxta illud apostoli ad Timotheum : *Neimini cito manus imposueris*. Quod & canones apertissime præscribunt. Est & reconciliatoria manus impositio, per quam penitentes hæretici, sive excommunicati sanctæ Romanæ ecclesiæ reconciliantur, de qua beatus Augustinus in *lib. 3. de baptismo* contra Donatistas testatur, quod nihil sit, nisi oratio super hominem, quæ & iterari possit. Fit etiam manus impositio super infirmos &c. item super catechumenos & energumenos pro expulsiōe diaboli, quæ specialiter exorcistis in ordinatione conceditur. Item, & cum simpliciter aliquem benedicimus, manus ei antiquo more imponimus : sic enim Jacob, cum filios Joseph benediceret, manus eis imposuit : & Dominus in evangelio, oblatos sibi parvulos per impositionem manus benedixisse legitur. Sive autem manus impositio pro reconciliatione penitentium, sive pro depulsiōe infirmitatis vel diaboli, sive pro simplici benedictione impendatur, satis congrue juxta Augustinum nihil aliud nisi oratio super hominem intelligitur, unde & iterari, quoties opus fuerit, non prohibetur. Cum vero pro Confirmatione, sive ordinatione impenditur, non jam pro sola oratione, sed etiam pro sacramento habenda est, quam sancti Patres iterari prohibuerunt.

§. 14. *Harardus Turonensis.*

Harardus, Turonensis archiepiscopus in capitulis ex corpore sanctorum canonum excerptis, quæ in synodo Turonensi anno 3. suæ ordinationis, Christi vero 858. promulgari, & ab omnibus sacerdotibus & clericis memoriter teneri voluit, *cap. 75.* præcipit, " Ut jejuni ad Confirmationem veniant perfectæ ætatis, & moneantur confessiones dare prius, ut mundi donum sancti Spiritus valeant accipere. " En ritum sacrum, qui vim habet conferendi donum sancti Spiritus; ad quem suscipiendum præcedere jejunium, & confessio præmitti debet, ut qui eum suscipiant, mundi sint, & mundati effectum ejus accipere valeant.

§. 15. *Isaac Lingonensis.*

Isaac, episcopus Lingonensis canones titulis undecim distinctos ad eundem annum 858. edidit. *Titulo* vero 11. *can. 1.* sic habet : " Si quis filiastrum, aut filiastram ante episcopum ad Confirmationem tenuerit, separetur ab uxore sua, & alteram non accipiat : similiter & mulier alterum non accipiat. " *Can. 12.* " Omnes maximam

„ curam habeant, ne sine Confirmatione episcopi quis vitam finiat, an-
 „ maque periclitetur. “ Quis vero dixerit animæ salutem periclitari, de-
 „ fectu meræ ceremoniæ? *Can. 30. & 31.* Confirmationem a Chorepiscopis
 „ collatam declarat irritam esse; (quia) nullus Chorepiscopus per ma-
 „ nus impositionem Spiritum sanctum tradere potest.

§. 16. Photius.

Photius, qui anno 858. Patriarcha Constantinopolitanus creatus est,
commentarios edidit in epistolas Pauli, qui temporum injuria perie-
 runt, sed quorum fragmenta referuntur apud Oecumenium in *cap. 6. ad*
Hebræos, ad hæc Pauli verba, *Quapropter omisso sermone initii ad Chri-*
stum, ad perfectionem seramur, non rursus jacentes fundamenta pœnitentiæ ab
operibus mortuis, & fidei in Deum, baptismatum doctrinæ, ac manuum im-
positionis, & resurrectionis mortuorum, ac judicii æterni. Quæ verba Pho-
 tius ita interpretatur. “ Omisso sermone initii ad Christum : quem
 „ sermonem? sermonem doctrinæ, quod oporteat fundamentum jacere
 „ pœnitentiæ ab operibus mortuis : sermonem doctrinæ, quod opor-
 „ teat credere in Deum : sermonem doctrinæ, quod oporteat baptiza-
 „ ri : sermonem doctrinæ, quod oporteat dignum se gerere Spiritu
 „ sancto : sermonem doctrinæ, quod futura sit resurrectio ac ju-
 „ dicio. “ Et paucis interjectis : “ Elementa initii eloquiorum Dei,
 „ sunt, abrenunciare satanæ, & omnibus operibus ejus, credere in Deum,
 „ baptizari, accipere Spiritum sanctum, scire mortuorum resurrectio-
 „ nem, ac credere futurum esse judicium. “ Ubi Photius distinguit in-
 „ ter baptizari, & accipere Spiritum sanctum ; & quod Paulus vocat *ma-*
nuum impositionem : Photius interpretatur *accipere Spiritum sanctum*.

§. 17. Concilium Vormatiense.

Concilium Wormatiense, *canone 8.* “ Non liceat presbyteris, in-
 „ quit, per impositionem manus paracletum Spiritum tradere, nec
 „ chrismate baptizatorum frontem signare ; quia Pontificatus apicem
 „ non habent.

§. 18. Joannes VIII.

Joannes VIII. qui Pontificatum suum anno 872. iniit in *epistola 232.*
 ad Paulum, Regientem episcopum, & in *epistola 233.* ad Joannem,
 episcopum Ticinensem, ait chrisma esse, “ Totius christianitatis salutem
 „ & perfectionem veram : “ quæ de ritu simplici nemo dixerit.

§. 19. *Resutantur Dallæi responsiones.*

DALLÆUS *lib. 3. cap. 13. & 14.* proponit quatuor discrimina, quibus unctionem nono seculo usitatam ab hodierna distinguit: singula referemus & examinabimus.

Primum discrimen est, quod hæc unctio Confirmatoria, quantum fieri poterat, cum baptismo conjungeretur: hodierna vero a baptismate plene penitusque disjungatur, quasi ritus nihil ad baptismum pertinens.

Verum cui bono hæc differentia ad probandum Confirmationem non esse sacramentum proprie dictum, a baptismo diversum, sed meram esse cæremoniam, quæ ad baptismum nono seculo pertineret? Eucharistia seculo nono una cum baptismo conjungebatur, hodie vero disjungitur; ideoque seculo nono non erat sacramentum, sed mera baptismi cæremonia? Hæc Dallæi ratiocinatio, si quidquam probaret, probaret certe eucharistiam minus distingui a baptismo, quam Confirmationem. Eucharistia enim a baptismo nunquam separabatur; Confirmatio contra præsentem vel absentem episcopo, modo conjungebatur, modo differebatur: quemadmodum videre est *in ordine Romano*, & in libro *de divinis officiis*, qui nomine Alcuini circumfertur.

Secundum discrimen est, quod seculo nono hæc chrismatio ab episcopo conjungeretur cum manus impositione, quæ apud Latinos fieri jam dudum desit.

Verum hæc quæstio, utrum unctio confirmatoria hodie conjuncta sit cum manus impositione, difficultas est, quæ nihil ad præsens, sed ad aliud institutum pertinet. Id unum modo quæritur, utrum chrismatio, vel manus impositio, quæ seculo nono neophytis ab episcopo fieri solebat, rationem habeat sacramenti proprie dicti, a baptismo diversi.

Tertium discrimen est, quod auctores seculi noni Confirmationem velut simplicem baptismi cæremoniam habuerint; hodierni contra eam habeant velut sacramentum a baptismo distinctum.

Verum auctores seculi noni aliud omnino sensisse, apparet ex testibus *supra* relatis. Præterea tantum abest, ut Confirmatio sit ritus ad baptismum ordinatus; imo baptismus ad Confirmationem ordinatur, ex Amalario *supra*, pag. 199. 3. "Peractis omnibus baptismatis sacramentis (hoc est cæremoniis) Spiritus septiformis gratiæ per manus impositionem neophyto confertur, ut per eundem Spiritum in re, & fide corroboretur." Ex Magno Senonensi. Manus igitur impositio non pertinet ad baptismi cæremonias, sed gratiam a baptismali omnino diversam habet. 4. Confirmatio seculis octavo & nono non solum post baptismum, sed & post eucharistiam in pluribus ecclesiis administrabatur, ex Alcuino, Aponio, & Rabano. Ea igitur non pertinebat ad baptismum. 5. Epistola *de cæremoniis baptismi* ad Carolum Magnum, quæ sub Alcuini nomine inter ejus opera prodiit, sed quam
ipsum

ipſius non eſſe, ex hiſce verbis, quæ ſub finem leguntur apparet, „ Dixiſti, ſereniſſime Auguſte, velle vos ſcire, qualiter nos & noſtri „ ſuffraganei doceremus populum Dei de baptiſmatis ſacramento. „ Nec enim Alcuinus epiſcopus fuit : auctor vero hujus epiſtolæ erat archiepiſcopus : & codex Petavianus Amalarium hunc eſſe declarat : hæc, inquam epiſtola, quæ tota eſt in deſcribendis baptiſmi cæremoniis, eucharitiæ quidem meminit, non autem Confirmationis. Eam igitur Amalarium non putavit unam eſſe ex baptiſmini cæremoniis. Si Dallæus quamdam inveniret epiſtolam, quæ tota eſſet in deſcribendis baptiſmi cæremoniis, quæque Confirmationis, non autem eucharitiæ meminiſſet, confidenter ille quidem aſſeruifſet Confirmationem eſſe eam baptiſmi cæremoniam : ecce vero Amalarii epiſtolam, quæ tota eſt de cæremoniis baptiſmi, quæque eucharitiæ, non autem Confirmationis, meminit : ideoque eucharitiæ ritus erit ad baptiſmum pertinens? 6. Ritus ille non pertinet ad baptiſma, quem ordinarius miniſter baptiſmi ſolemnis conferre non poteſt. Sacerdos vero miniſter ordinarius eſt baptiſmi ſolemnis, neque Confirmationem conferre poteſt, ex auctoribus ſæculi noni. Igitur Confirmatio non eſt ritus baptiſmi ſolemnis. 7. Levia ſunt fundamenta, quibus Dallæus inniſtitur.

Primum eſt, quod „ auctores iſti de Confirmatione nuliſquam ſere, „ niſi in iis locis & capitibus agant, in quibus ipſius baptiſmi ritus „ tradunt, ut videre eſt apud eos omnes auctores, qui de eccleſiaſticis „ officiis ſcripſerunt. Theodulphi libri *de ordine baptiſmi* caput 17. de „ epiſcopali Confirmatione totum eſt; eadem eſt Alcuini ratio in *epiſtola ad Odumum* : quorſum, ſi ea nullus baptiſmi ritus, nullaſque „ pars eſt? „ Ille proſecto vel ſtultus fuit, qui de baptiſmi ordine ac ritibus dicturum ſe profeſſus, de re a ſuo argumento aliena temere & abſque ratione garrit : vel (quod verum, & ex toto libro manifeſtum eſt) hunc quoque Confirmationis ritum, perinde ut alios, quos diligentiffime enarrat, exorcifmum, ſalem, ſputum, unctionem ex oleo, albarum veſtium amictum, preſbyterale chriſma, myſticum capitis velamen, ad baptiſmum pertinere, ejuſque cæremoniam eſſe exiſtimavit.

Verum Dallæo ex auctoribus ſæculi noni opponimus capitula eccleſiaſtica Caroli Magni, concilium Cabilonenſe II. Aponium, Lucan, Jonam Aurelianenſem, concilium Pariſienſe VI. Herardum Turonenſem, Bertramnum, Joannem VIII. Oecumenium, & ipſam Theodulphum in *ſuis capitularibus* : qui auctores de Confirmatione ſcripſerunt in locis, in quibus non agitur de recensendis baptiſmi cæremoniis. Cæteri vero auctores ejuſdem ſæculi poſt enumeratas baptiſmi cæremonias, Confirmationis meminerunt, non quod crediderint illam eſſe unam ex baptiſmi cæremoniis, ſed quia Confirmatio poſt illas continenter adminiſtrabatur. Sed age Dallæum, vel ipſis auctoribus ab eo adductis & in operibus ab ipſo citatis perſtringamus. Quemadmodum enim libri *de ordine baptiſmi*, quem Theodulphus ad Magnum Senonenſem ſcripſit,

sit, caput 17. totum est de Confirmatione; ita caput 18. totum est de eucharistia. Ideone, quæso, eucharistia ritus erit baptismi, aut stultus fuit Theodulphus? Sicut etiam Alcuinus in *epistola de baptismo ad Oduinum*, meminit Confirmationis, ita ille meminit eucharistiæ; imo eucharistiam Confirmationi præponit. Ideone aut eucharistia ad baptismum pertinebit, aut Alcuinus de re a suo argumento aliena temere garrivit.

Secundum Dallæi fundamentum est, quod, ut supra Isidorus, sic ipse quoque christianorum sacramenta recensens Rabanus *lib. 1. de instit. clericorum, cap. 24. & 31.* dicat baptismum & chrismæ esse duo sacramenta, sicut corpus & sanguinem Christi.

RESPONDEO 1. huic objectioni satisfactum fuisse, ubi de mente Isidori *pag. 180. & seq. 2.* Aliud est baptismum & chrisma, corpus & sanguinem, esse sacramenta; aliud etiam, baptismum & chrisma esse duo sacramenta; item corpus & sanguinem esse duo sacramenta; aliud vero baptismum & chrisma eodem sensu esse duo sacramenta, quo corpus & sanguis: prius, non autem posterius, dixerunt Isidorus & Rabanus: 3. Rabanus, *lib. 1. cap. 25.* ait, primum sacramentum esse baptismum, quia confertur, antequam sancto chrismate ungatur aliquis, aut corpore & sanguine Christi reficiatur. Supponit igitur chrismationem, sicut & eucharistiam, esse sacramenta a baptismo omnino diversa. Deinde chrismationem in ratione sacramenti ille comparat non soli corpori, neque soli sanguini, sed utrique simul. 4. Ex Rabano, post baptismum eucharistia, & post eucharistiam Confirmatio neophytis administrari debet. Qui igitur fieri potest, ut baptismus & Confirmatio, veluti duæ compartes, idem constituent sacramentum? 5. Hæc signa sunt sacramenta omnino diversa, quæ diversum ministerium habent, & diversam gratiam conferunt, adeoque diversa significant. Atqui ex Rabano baptismus & Confirmatio sunt ejusmodi. Recole, quæ dicta sunt *pag. 200. & seq.*

Tertium fundamentum est, quod Primasius, quem post Blondellum in libro *de episcopis, pag. 72.* opinatur Haymonem esse Alberstatensem, qui ex Baronio obiit anno 853. *commentariis in epistolam ad Hebræos* dixerit, "Donum Spiritus sancti dari in baptismate per impositionem," manus episcoporum.

Quasi vero Primasius *ibidem* non dixerit: "Donum Spiritus sancti, post baptismum (a neophytis) plenissime accipi per manus impositionem: neque ibi Confirmationis effectum ab effectu baptismi aperte distinxerit. Recole quæ dicta sunt, ubi de mente Primasii, *pag. 175.* Vox igitur in baptismate idem sonat, quod in officio & in ministerio baptismatis. Cum enim baptismus administrabatur, ipsa quoque Confirmationis & eucharistiæ sacramenta administrabantur.

Quartum fundamentum est, quod cum baptismi non nisi unum vel sit, vel esse possit proprie dictum sacramentum, & appellentur ab auctori-

storibus istis *baptismi sacramenta* seu *mysteria* in plurali, necessario confitendum sit ea voce ritus illos involvi, qui una cum baptismo peragi soliti erant, inter quos locum habebat Confirmatio.

Verum Dallæus id supponit, quod ipsi probandum est. Nimirum Confirmationem esse unam ex caeremoniis baptismi. Concedo baptismum ejusque ritus accidentales, recte dici *sacramenta*: sic eos appellavit concilium Moguntinum anno 813. celebratum, *canone* 4. "Sacra-
menta baptismatis volumus, ut uniformiter in singulis parochiis fecundum Romanum ordinem celebrentur." Sic etiam Magnus, archiepiscopus Senonensis loco *supra* citato: "Peractis omnibus baptismatis sacramentis (hoc est, caeremoniis) novissime per manus impositionem a summo sacerdote septiformis gratiæ Spiritum accipiunt, ut corroborentur in fide recta per Spiritum sanctum." Sed ex iisdem verbis apparet, Confirmationem non pertinere ad ritus baptismi sacramentales, quandoquidem illa a summo sacerdote non conferatur, nisi *peractis omnibus baptismatis sacramentis*.

Quod vero Dallæus innuit, baptismum secundum se & seorsim a caeremoniis spectatum, dici quidem *mysterium* & *sacramentum*, non autem *mysteria* & *sacramenta*, omnino fallum est. 1. Quia vox *mysteria*, proprie in plurali, in singulari vero nonnisi improprie usurpatur. Sicut igitur *mysteria*, ita & *sacramenta* de baptismo dici possunt. 2. Quia Augustinus de solo baptismo ita loquitur *lib. 1. confess. cap. 11.* "Ut sacramentis salutaribus initiarer & abluerer." 3. Quia aqua & Spiritus, de quibus Christus, *Nisi quis renatus fuerit ex aqua & Spiritu* &c. *sacramenta* vocantur a Cypriano in *epist. 72. & 73.* & a Nemesiano a Thubunis in synodo Africana. 4. Quia materia & forma baptismi diversa significant. 5. Vel ipsa baptismi materia plura repræsentat: v. g. immersio mortem peccati, & emerisio justificationem designat: immersio Christi mortem, emerisio Christi resurrectionem exprimit: trina immersio explicat nos emundari a peccatis cordis, oris & operis; aut a peccatis, quæ suggestionem, delectationem, & consensu committimus; trina vero emerisio, baptizatum solvit a prævaricatione legis naturalis, legis scriptæ, & evangelii.

Quantum discrimen, quod Dallæus assignat, illud est, quod auctores seculi noni arbitrantur chrismationem episcopalem eandem esse cum presbyterali.

Verum utramque omnino diversam esse constat ex textibus *supra* relatis. Recole quæ dicta sunt, ubi de mente Rabani, Amalarii, & Walafriidi Strabonis.

OBJICIT 1. Dallæus *lib. 4. cap. 14.* Walafridus Strabo ait, "Syl-
vestrum instituisse, ut presbyter baptizatum chrismate liniat, propter
occasionem transitus mortis. Quod si a diacono, vel quolibet alio
homine baptizatus, casu ante Confirmationem tranferit, credendum
non est perire propter hoc." Ante Confirmationem tranfire non
alio.

alios dicit, quam qui a diacono, vel a quolibet alio homine baptizati, mortui fuerint ab episcopo non consignati. Inter istos non cenlet eos, qui a presbytero baptizati, adeoque & uncti erant. Ergo hos quidem sine confirmatione transire non putavit; quod falsum esset, nisi presbyteralis unctio Confirmatio fuisset.

Verum ex mente Walafridi presbyteralem unctionem ab episcopali, quam *ibidem* Confirmationem appellat, omnino diversam esse, apparebit textum recoletis, quem integrum *supra* descripsi, pag. 200. Walafridus tria in eo distinguit, baptismum, unctionem presbyteralem, & unctionem episcopalem. Presbyteralem ab episcopali, quam *ibidem* cum manus episcopalis impositione permiscet, ille discernit, 1. ratione ministrum: episcopalis enim a solo episcopo; presbyteralis contra & ab episcopo, & a sacerdote administrari potest. 2. Ratione loci: presbyteralis enim in vertice; episcopalis in fronte fieri debet. 3. Ratione institutionis: Sylvester enim presbyteralem instituit: sed episcopalis ex veteri consuetudine sumpta est, "Quia primis (ecclesiæ) temporibus, impositione manuum baptismus confirmari solebat: quod in Samaria fecisse Petrum legitur & Joannem." Hanc doctrinam ille confirmat decreto Innocentii ad Decentium Eugubinum *supra* relato, pag. 148. " & Sylvestri statuto, quo ipse instituit, ut presbyter baptizatus, tum chrismate liniat, propter occasionem transitus mortis." Quia vero illa ætate nonnulli ob hoc Sylvestri decretum in dubium revocabant, utrum Confirmatio seu manuum episcopaliū impositio ad æternam salutem consequendam necessaria esset, ut videre est apud Amalarium lib. 1. de eccles. offic. cap. 27. (videbis pag. 198. num. 8.) Walafridus huic dubitationi occurrit, eamque in antecessum refellit canone 77. Illiberitano, quo definitur, "Quod si quis (a diacono baptizatus) apte de seculo recesserit, (quam episcopalem perfectionem acceperit) sub fide, qua credidit, poterit esse salvus." Ea est, opinor, ratio, cur Walafridus baptismi quidem a diacono, non autem a presbytero collati mentionem fecerit; sive quia canon ille, quem adduxit, diaconi quidem, non autem presbyteri meminit; sive quia ratio in hoc canone relata pari modo concludit baptismum, seu a diacono seu a presbytero collatum, satis esse ad salutem. Fortassis etiam in textu deest aliquid, & legendum est: "Quod si a presbytero, vel a diacono &c." Si si quidem auctores, quibus hoc dubium seculo nonno in mentem venerat, dubitabant utrum neophytus, sive a presbytero, sive a diacono baptizatus, vitam æternam absque manus episcopalis impositione consequi posset. Forsitan quoque Walafridus utrique unctioni Confirmationis nomen attribuit, quia presbyteralem in subsidium episcopalis a Sylvestro institutam existimavit. Ut ut sit, certum est ex ejus mente unctionem presbyteralem ab episcopali omnino diversam esse.

Cæterum hic non expendo, utrum episcopalis unctio juris sit divini,

ni, quod forte Walafridus non concederet: mihi modo sufficit, hanc unctionem ex Walafrido conjunctam esse cum manus Episcopalis unctione, quam ipse *Confirmationem* vocat, & eandem asserit, ac illam, quæ ab apostolis Petro & Joanne super Samaritanos a Philippo baptizatos facta est.

OBJICIT 2. Walafridus, & Amalarius & Rabanus tradunt, præceptam ideo esse a Sylvestro presbyteris chrismationem, ne quis sine Confirmatione moreretur; supponunt igitur unctionem presbyteralem esse veram Confirmationem. Imo Rabanus asserere videtur, hanc unctionem presbyteralem neophytis necessariam esse necessitate medii.

RESPONDEO 1. hanc unctionem a Sylvestro institutam fuisse, ne quis moreretur sine Confirmatione in re vel in voto. 2. Auctores illi non aiunt hanc unctionem institutam esse, ne quis sine Confirmatione moreretur; sed eam aiunt institutam fuisse in subsidium unctionis episcopalis, sine qua, ob episcoporum absentiam aut negligentiam, neophyti plerumque moriebantur. 3. Sylvestri decretum, quod ex ejus vita in libro pontificali pseudo-Damasi excerptum est, supposititium esse probabimus *infra*. 4. Rabani opinio, quod ad unctionis presbyteralis necessitatem attinet, omnino singularis est: neque alius, quod sciam, scriptor præter ipsum ita sentit.

OBJICIT 3. Utraque presbyteralis, & episcopalis unctio fit ex eodem chrismate per episcopalem benedictionem consecrato. Utraque igitur eandem habet materiam. Atqui si diversæ essent unctiones, diversam haberent materiam, diversa saltem benedictione consecratam. Ergo.

RESPONDEO 1. nihil impedire, quominus diversæ unctiones eandem habeant materiam; quia diversitas unctionum non solum ex diversitate materiæ petitur, sed etiam ex diversitate formæ, ministri, loci, & effectus. Atqui præfatæ unctiones diversas habent formas, a diversis ministris conferuntur, fiunt in diversis partibus, & diversos effectus produciunt. 2. Dubium est utrum proxima Confirmationis materia sit unctio sola, vel unctio cum impositione manuum conjunctim accepta, vel sola manuum impositio.

OBJICIT 4. Uctiones illæ censentur ejusdem naturæ, quæ eundem effectum habent. Atqui eundem effectum per utramque unctionem conferri, fidem faciunt orationes, quibus chrisma consecratur. Deus enim oratur, ut "quicumque exterius inde perunctus fuerit, interius li-
niatur; ut hæc (olei & balsami) commixtio fiat omnibus perunctis pro-
pitatio; ut fiat custodia salutaris in sæcula sæculorum; ut fiat omni-
bus, qui ungendi sunt, in adoptionem filiorum per Spiritum sanctum." *Videbis ordinem Romanum.*

RESPONDEO 1. standum potius esse facto, quam argumento, quoties factum omnino certum est. Atqui Rabanus, Amalarius, aliique
au-

auctores sæculi noni unctionem presbyteralem ab episcopali distinxerunt ratione formæ, ministri, institutionis, loci & effectus. Frustra igitur Dallæus in contrarium argumentatur. 2. Nego minorem: præfata siquidem verba generalia sunt, & diverso utriusque unctionis effectui accommodari possunt. 3. Hæc verba ex ordine Romano excerpta sunt. Atqui ordo Romanus utrique unctioni assignat diversam verborum formulam, diversum ministrum, diversam partem ungendam, & diversum effectum, nempe *septiformem Spiritum sanctum*, quem nec ille, nec alius auctor unctioni presbyterali unquam tribuit. 4. Ut sacramenta eundem effectum habeant, non sufficit eadem materia, sed & eadem forma desideratur: materia enim ad speciem effectus per formam determinatur. Atqui hæc duæ unctiones diversam formam habent.

C A P U T I X.

Auctores sæculi decimi.

Sæculo decimo paucissimi fuere scriptores Ecclesiastici: ex iis, qui hoc sæculo scripserunt, paucissimi supersunt, quos inter nullus est, quod sciam, præter Oecumenium, qui de Confirmatione tractaverit. Laudant aliqui Stephanum, episcopum Eduensem quem Joannes Garetius, in libro *de sacramento altaris*, centen. 10. Bellarminus in libro *de scriptoribus*, & libro 2. *de eucharistia*, cap. 35. Possévinus in *apparatu sacro*, Micæus & alii ad annum 950. revocant. Verum ille ad sæculum XII. pertinet, creatus siquidem episcopus fuit anno 1113. *ex Gallia Christiana*; interfuit coronationi Philippi, qui vivente patre Ludovico Crasso unctus est anno 1129. *ex Historia Gallicana*, & abdicato episcopatu, monachus Cluniacensis factus, inter amplexus Petri venerabilis obiit, ex eodem Petro venerabili, *lib. 5. epist. 6.*

Oecumenius.

Oecumenius, scriptor græcus, quem aliqui inter annum 800. & 900. non recte collocant, cum ille *catenas in acta*, & *epistolas Pauli* composuerit ex Patribus, quos inter recenset Photium, qui anno 886. a Leone imperatore depositus est, *cap. 10. comment. in Acta Apost.* sic habet: "Quid ergo? an a Philippo baptizati non acceperant Spiritum sanctum? Spiritum sanctum acceperant quidem, quoniam ad peccatorum remissionem, sed non acceperant quantum ad signorum editionem." Et pluribus interjectis, "Philippus unus ex septem, inquit, cum diaconus esset, potestatem non habebat, ut ad
Wassæ de Confirmatione. O „ ma-

manuum suarum impositionem daret Spiritum sanctum hoc enim apostolis servatum erat. "En manus impositionem, quæ a baptismo diverſa est ratione effectus & ratione miniſtri.

Neque dicas effectum illum eſſe gratiam gratis datam. Oecumenius enim huic manuum impositioni gratiam ſanctificantem alibi attribuit, videlicet capite 7. *comment. in epiſt. ad Hebr.* ad hæc verba: *Quapropter omiſſo ſermone initii ad Chriſtum, ad perfectionem ſeramus: non rurſum jacentes fundamentum* &c. "Merito, inquit, ipſos primum adhortantes, ut a mortiferis operibus reſiſcant, reſiſcentes autem in Deum credant, credentes vero baptizentur, baptizati autem leiſſos ſubſciant impositioni manuum ſacerdotum ad participationem Spiritus: potro huius facti participes, de reſurrectione ex mortuis deinceps non vacillent &c. Per impositionem manuum Spiritum accipiſtis &c. Vigilate: neque enim licitum eſt, ut ſi ſegniter vivas, rurſum baptizeris, & per manuum impositionem accipias Spiritus ſancti ſuperventionem. "Deinde ſingula Pauli verba ſic interpretatur. "Impoſſibile enim eſt, non dixit difficile, ſed impoſſibile. *Guſtaveruntque donum*, puta remiſſionis peccatorum, quæ fit in baptiſmate: ſiquidem hoc donum cœleſte eſt. *Et participes facti ſuerunt Spiritus ſancti*, ſcilicet per manus impositionem, ſicut dixit ſuperius.

Manus impoſitio duplicem effectum habebat Apoſtolorum ætate, permanentem & tranſeuntem, primum & ſecundarium. Permanentem, & primum ei tribuit Oecumenius *comment. in epiſt. ad Hebr.* tranſeuntem vero & ſecundarium *comment. in acta.*

C A P U T X.

Auctores ſæculi undecimi.

§. 1. Petrus Damiani.

Petrus Damiani, qui a Stephano Papa IX. creatus anno 1057. cardinalis & episcopus Oſienſis, obiit anno 1072. *ſermone 1. de dedicatione Eccleſiæ*; "In baptiſmate, inquit, Spiritus ſanctus datur ad veniam; hic (nimirum in Confirmatione) ad pugnam: ibi mun- damur ab iniquitatibus: hic virtutibus præmunimur. Nonne in ſup- perliminari fronte domus noſtræ terreſtris conſecrata manus ſacri chriſmatis imprimit unctiorem? Nec quilibet tanti myſterii legitur executor, ſed ſolus episcopus. Baptiſmi gratiam omni homini vel omni ſexui tradidit auctoritas antiquorum, Confirmationis autem inſigne ſola pontificalis perſona ſuæ vindicat dignitati. Inde eſt, quod decretales paginæ, & ſanctorum Patrum inſtituta decernunt non eſſe
"diffic-

„ differendam post baptismum sacramenti hujus virtutem ; ne nos inermes inveniatur fraudulentus ille contortor , a quo nemo unquam nocendi inducias extorsit .

Huic textui Dallæus nihil habet quod opponat , nisi quod contra veterum disciplinam hodie decernimus differendam esse infantibus Confirmationem in aliquot post baptismum annos .

Verum .si Calvinistis licet sacræ cœnæ participationem differre in plures ab infantium baptismo suscepto annos ; quidni orthodoxis licebit Confirmationem differre ? Nonne utrumque veteri disciplinæ contrarium est . Cæterum Calvinistas inter , & nos illud interest , quod nos Petri Damiani doctrinam de Confirmatione recipimus , illi e contrario rejiciunt .

§. 2. Lanfrancus Cantuariensis.

Lanfrancus , Benedictinus , primum Beccensis , deinde Codomenfis Abbas , ac tandem archiepiscopus Cantuariensis anno 1069. electus , qui in synodo Romana , sedente Leone IX. anno 1050. & in altera synodo Romana , sedente Nicolao II. anno 1059. realitatem corporis , & sanguinis Christi in Eucharistia adversus Berengarium propugnavit : ideoque floruit ab anno 1050. ad annum 1089 quo obiit , *comment. in cap. 6. epist. ad Hebr.* ad hæc Pauli verba , *Non rursus jacentes fundamentum pœnitentiæ* &c. sic habet : “ Quicumque doctor „ infideles ad fidem convertit , hic in primis fundamentum mentibus „ injicit , dicens oportere eos peccatorum suorum pœnitere , in Deum „ credere , in remissionem peccatorum baptizari , pro accipiendis sancti Spiritus donis in impositione manuum episcopi consummari , resurrectionis , & judicii diem prætolari . “ En paucis terminis Confirmationem , quæ baptismum ejusque effectum præsupponit , quæ dicitur consummatio , cujus materia est manuum impositio , cujus minister est Episcopus , & cujus effectus sunt dona Spiritus sancti .

§. 3. Concilium Rothomagensis.

Concilium Rothomagi , Willelmo Anglorum rege Normanniam gubernante , anno 1072. celebratum , *canone 7.* Confirmationem vocat donum Spiritus sancti , eamque jejunis , a jejunis , & cum igne conferri præcipit . “ Donum sancti Spiritus ut non detur nisi „ jejunis , & a jejunis ; neque ipsa Confirmatio absque igne fiat statutum est .

§. 4. *Theophilactus.*

Theophilactus, Bulgarorum archiepiscopus, qui floruit sedente Alexandro II. & imperante Romano Diogene, circa annum 1071. ut Baronius ex ejus epistolis probat, *comment. in cap. 6. epist. ad Hebraeos*, ait per *donum caeleste*, de quo Paulus, cum ait, *Gustaverunt etiam donum caeleste*, intelligi remissionem peccatorum, quae in baptismo concessa fuit. Statimque verba, quae proxime sequuntur (*& participes facti sunt Spiritus sancti*) interpretans, subjicit: "Post dimissionem peccatorum, sequitur participatio Spiritus sancti; non enim habitat in corpore subdito peccatis: per impositionem autem manuum datur, uti supra dictum est. "Loquitur ergo de participatione Spiritus sancti, quae a remissione peccatorum distinguitur, quaeque cum peccato simul stare non potest. Atqui participatio gratiarum gratis datarum esse potest in homine subdito peccatis. Quare cum Theophilactus prius dixit, quod prius per impositionem manuum Spiritum accipiebant, ut perpetrarent, & miracula ederent, "participationem ejusdem Spiritus comparate ad gratiam sanctificantem non exclusit.

§. 5. *Yvo Carnutenfis.*

Yvo, sancti Quintini Bellovacensis ecclesiae prior, qui Carnutenfis episcopus anno 1092. creatus, obiit anno 1115. sub finem sermonis *de sacramentis neophytorum* in synodo dioecessana habiti, "Hoc sacramento, inquit, post aquam perfectio fit, quando ad invocationem sacerdotis Spiritus sanctus infunditur.

Non me latet, nonnullos esse, qui haec postrema verba de unctione verticali, quam auctores noni & undecimi saeculi, rituales, & canonistae magni fecerunt, interpretentur; quod Yvo ea protulerit, postquam exposuit ritum unctionis verticalis, & antequam ritum vestis candidae & velaminis capitis explicet: Confirmatio enim post traditionem vestis candidae & capitis velamen conferebatur. Accedit quod Hugo Victorinus *lib. 1. de sacramentis, cap. 19.* loquens de unctione verticali, verbis fere similibus utatur. "Huic, inquit, sacramento post aquam, baptismi Spiritus sanctus infunditur, ut sit renatus ex aqua & Spiritu sancto, imo infusus ostenditur &c.

Verum nullus est, quod sciam, auctor, qui tanti fecerit unctionem verticalcm, ut illam absolute & simpliciter baptismi perfectionem, & sacramentum, quo baptismus perficitur, appellaverit. Yvo forte de Confirmatione in antecessum locutus est, & unctionem frontalem verticali conjunxit.

Ut ut sit, non desunt alii textus, quibus Yvonis mens aperiat.

Pri-

Primus refertur initio sermonis *de excellentia sacrorum ordinum*, in synodo diocesana habiti. "Quia christianam militiam in baptismo professi estis, inquit, & arma spiritualia contra hostes invisibiles per manus impositionem accepistis, in castris Domini tanquam gregarii milites aliquandiu militastis &c.

Secundus refertur in sermone *de sacramentis dedicationis*, ante medium, ubi portas ecclesiae, quae in templi consecratione aperiuntur, ut pontifex introeat, ita mystice interpretatur. "Sunt autem portae, quae elewantur in ecclesia maxime tres, id est sacri verbi praedicationis, baptismi gratia, chrismatis unctio (alii legunt chrismatis honor); per quas rex gloriæ ad corda eorum, qui ad fidem veniunt, intrat.

Tertius refertur in eodem sermone sub finem, ubi ait altaria prius lavari, deinde oleo ungi: quia fideles per aquam baptismatis prius sanctificari debent, quam Spiritum sanctum per unctionem pontificalem accipiant. "Est quidem satis congrue ordo servatus, inquit, ut post emundationem per aquam & reliqua quae dicta sunt, perfundatur oleo altare; quia & sancta ecclesia prius aqua mundatur in fronte baptismatis, & sic unctione insignitur per manus pontificis, ut Spiritus sancti in se mereatur adventum: nam oleum gratiam significat Spiritus sancti &c.

Quartus refertur in sermone seu opusculo *de convenientia novi, & veteris testamenti*, post medium, ubi Moisaicum similitudinis sacrificium christianis sic aptat: "Dum catechizantur, inquit, quasi moluntur; cum baptizantur, in unum corpus, ut unus panis fiant, adunantur; cum ad agonem instruuntur, quasi elibani decoctione roborantur. Tum vero iidem, quasi panis oblationis oleo liniuntur, cum per manus impositionem sacro chrismate ad eundem agonem fortiter tolerandum contra spirituales nequitias confirmantur.

Citant aliqui Anselmum Cantuariensem archiepiscopum, qui undecimo & duodecimo seculo floruit, *comment. in Pauli Epistolae*. Verum eorum auctor in dubium revocatur: qua de re *infra*, ubi de auctoribus dubiis.

§. 6. Goffridus Vindocinensis.

Goffridus, abbas Vindocinensis, quem Urbanus II. cardinalem anno 1093. creavit, decem & octo scripsit opuscula, in quorum octavo exponit, quid baptismus, quid unctio in anima christiana operetur. "In baptismo, inquit, per Spiritum sanctum datur remissio peccatorum; in Confirmatione Spiritus sanctus invitat ut veniat, & domum ipsam, quam sanctificavit, inhabitet, muniat, & defendat. Ipsi etiam apostoli post baptismum acceperunt Spiritum sanctum, quem in ipso baptismo jam acceperant in remissione.

Wistasse de Confirmatione.

O 3

nem

„nem peccatorum . Acceperunt iterum Spiritum ; & in die pentecostes ad totius virtutis , & scientiæ professionem . Hæc igitur ultima Confirmatio fieri jubetur ab episcopis ad totius perfectionis similitudinem : quæ idcirco jubetur fieri in fronte , quia perfectorum est , non in occulto , sed in manifesto Christi nomen semper habere . Apostoli utique antequam hac unctione ungerentur , & sancto Spiritu confirmarentur , nondum perfecti erant , adhuc timebant , & nondum Christi nomen in fronte gerebant . “ *Opusculo vero nono* explicat , quid sit sacramenti iteratio , & quomodo utrumque baptismi & Confirmationis sacramentum non iteretur , quamvis iteretur ablutio , vel unctio . “ Ibi reiteratur sacramentum , ubi idipsum iterum datur ; quasi quod prius datum est , postea posse dari credatur ; verbi gratia , si aliquis baptizatus , iterum in aquis baptismatis mergeretur ea intentione , ut ab originali & aliis peccatis solveretur ; aliter enim non rebaptizatur , etiamsi multoties aliquis aquis baptismatis submergatur . Ubi vero propter aliud , & aliud datur , non iteratur sacramentum , sed tribuitur ad virtutis augmentum . Quamvis enim prius in vertice , & postea in fronte homo chrismate ungetur , non tamen iteratur chrismatis sacramentum ; quia , ut superius diximus , propter aliud & aliud fit : sicut & baptismus minime iteratur , etiamsi multoties post baptismum aquis baptismatis aspergamur .

Hos duos textus integros describi oportuit , ut Dallæ argutiis occurratur .

PRIORI textui respondet , quod in eo manus impositio & chrismatis unctio appelletur *ultima Confirmatio* , quia ultima est baptismi cæremonia .

REFELLITUR . Goffridus enim Confirmationem baptismo , si non præfert , saltem æquiparat ; utrumque vocat sacramentum ; utrumque distinguit iisdem notis , quibus sacramenta distinguuntur ; utrique distinctos effectus attribuit ; utrique distinctum ministrum assignat ; utrumque negat iterari posse ; utriusque exemplo probat , quo sensu dicatur sacramentum iterari non posse ; utrumque in ratione sacramenti non posse iterari , eodem omnino sensu explicat ; utrumque ait correspondere diversis sacramentis , diversisque gratiis , quæ Apostolis diverso tempore concessæ sunt . Confirmationem igitur existimavit esse verum ac legitimum sacramentum , non autem baptismi cæremoniam .

QUÆRES . Quid igitur sibi volunt hæc verba : “ Hæc ultima Confirmatio fieri jubetur ab Episcopis &c .

RESPONDEO I . manus impositionem , chrismatisque unctionem forte vocari *ultimam Confirmationem* comparate ad baptismum , quem nihil vetat Confirmationem appellari ; in eo enim confertur Spiritus sanctus , quo catechumeni recens baptizati in proposito recte vivendi con-

di confirmantur . Hoc Yvo Carnutenſis , ſub initium ſermonis de ſacramentis dedicationis , loquens de baptiſmo , ejuſque cæremoniis . “ His , ergo ſacramentis initiati , & confirmati facti eſtis templum Dei vi-
” vi &c.

RESPONDEO 2. ultimam Confirmationem , de qua Goſſridus , ultimam eſſe deſcenſionem Spiritus ſancti ſuper apoſtolos , quæ contigit die pentecoſtes , & cui reſpondet manuum impoſitio , & chriſmatis unctio , quæ a ſolis epiſcopis conferri poteſt .

Posteriori textui Dallæus reſpondet , hiſce verbis , *quævis prius in vertice , & poſtea in fronte* , &c. clariſſime oſtendi , chriſmationem Epiſcopalem eandem eſſe cum preſbyterali .

Verum ludit , ni fallor , Dallæus . Eodem enim argumento probari poſſet , aſperſionem baptiſmalem eandem eſſe cum quacumque ſimplici aſperſione . Frontalis enim unctio eodem modo cum verticali comparatur , quo aſperſio baptiſmalis cum ſimplici aſperſione ; indeque Goſſridus concludit , multiplicata unctio , non ideo iterari & multiplicari chriſmatis ſacramentum ; ſicut iterata aſperſione , non idcirco baptiſmus iteratur : quia ſicut baptiſmi ſacramentum non eſt conſtitutum in ſola aſperſione , ita nec chriſmatis ſacramentum in ſola unctio .

§. 7. Simeon Theſſalonicenſis.

Simeon , Theſſalonicenſis archiepiſcopus , quem alii ſeculo undecimo , alii duodecimo collocant , in præſatione libri de *divino templo* , “ Chriſtus , inquit , baptiſmatis lavacro nos regenerat , ſuamque generationem ab omni afflictatione ſegregatam nobis donat . Per manuum vero impoſitionem , & inſpirationem unguenti , gratiam impertitur , . . . Et nos ex ſua bonitate ungens , ſuave olentem , & vivificam Spiritus gratiam elargitur . Quod autem tertium , & ſummum eſt , nos ſui participes efficit ; accepit enim panem , & ſacrificavit &c. nec ſacrificavit modo , verum etiam ad ejus nos communionem vocavit , hiſ verbis , *Accipite & comedite , & Bibite ex eo omnes* . “ Chriſtus igitur neophytis tria præſtat : lavacro eos regenerat ; per manuum impoſitionem , & divinum unguentum vivificam Spiritus gratiam eis impertitur ; per Euchariftiam eos ſui participes efficit .

Scripſit idem auctor librum integrum , eumque ſatis prolixum , de *ſeptem eccleſiæ ſacramentis* , in quo ſic habet : “ Septem ſunt Eccleſiæ ſacramenta , quæ a Spiritu ſancto vim operandi habent , nimirum baptiſma , chriſma , communio , manus impoſitio , matrimonium , poenitentia , & ſanctum oleum .

CAPUT XI.

Auctores sæculi duodecimi.§. 1. *Malchus, & Bernardus.*

Malchus, qui "senex, plenus dierum & virtutum," ex monacho in Anglia Vintomienſi, episcopus Leſmorienſis ineunte ſeculo XII. ſacratus eſt, "puerum mente captum ex his, quos lunaticos vocant, inter confirmandum ſacra unctiōe ſanavit, ex Bernardo, in *vita ſancti Malachie*, cap. 4. En Confirmationis ritum a Malcho adminiſtratum, a Bernardo relatum, & miraculo divinitus approbatum.

§. 2. *Rupertus.*

Rupertus, Abbas Tuitienſis, libros duodecim *de divinis officiis* ſcripſit anno 1111. ſicut ipſemet teſtatur *lib. 8. cap. 4.* quorum *lib. 5. cap. 16.* quod totum eſt de Confirmatione, docet 1. Quod olim ſoli pontifices & reges ungerentur; nunc vero "omnis eccleſia unctiōe chriſmatis per impoſitionem manuum conſecratur." 2. Quod ſolis debeat episcopis, ut conſignent, & Spiritum paracletum tradant; "quod ille probat exemplis Apoſtolorum, Pauli *act. 19.* Petri & Joannis, *act. 8.* & conſuetudine eccleſiaſtica. 3. Quod Sylveſter papa conſtituit, ut baptizatum liniat preſbyter chriſmate, propter occaſionem tranſitus mortis, ne propter abſentiam episcopi, & difficultatem eum conſequendi, ſine manus impoſitione baptizati migrent. "Unde colligitur, Ruperſi ætate unctiōi verticali impoſitionem manuum in quibuſdam ſaltem eccleſiis adjunctam fuiſſe. 4. Quod preſbyteris ungere licet non frontem (quod ſolis debetur episcopis) ſed verticem." 5. Quod Confirmatio eſt ſacramentum, & ſacramentum novi generis a baptiſmo diverſum. "Quid mihi prodeſt, inquit, poſt baptiſmatis myſterium, myſterium Confirmationis? Nam ſi poſt fontem adjectione novi generis indigemus, quantum video, non totum de fonte ſuſcepimus." 6. Quod Spiritus ſanctus regeneratus per Confirmationem conſeratur, ut eorum *cuſtos, & conſolator, & zavor*, ad æternam, quam in baptiſmo conſecuti ſunt, hæreditatem eis conſervandam. 7. Quod "chriſma Spiritus ſancti ſignum eſt, cujus & virtutem continet." 8. Quod pulchre Spiritui ſancto, per hanc ſpeciem ſuam nobis complacuit dare gratiam, pinguedo enim oleæ ſignificat pinguedinem Spiritus ſancti, qua impinguatur anima, juxta illud, impinguaſti in oleo caput meum: olea, quæ pacis arbor eſt, ſignificat fructum pacis: olea, quæ luminis miniſtra eſt, ſignificat

,, do-

„ donum intellectus & sapientiz : & balsami odor in oleo suavitatem
 „ ejusdem Spiritus sancti significat Bene ergo Spiritus sanctus ,
 „ qui propter nos idcirco agit visibilia , quo per hæc facilius capere queamus
 „ invisibilia , per hoc simile suam nobis suavem & odoriferam in-
 „ fundit gratiam .

„ Videbis eundem auctorem , *lib. 3. de operibus Spiritus sancti cap. 10.* “
 „ Qui testis , inquit , in baptismo , factus est Spiritus , idem fuit &
 „ tutor pupilli , ubi per impositionem manuum , sacrique chrismatis
 „ unktionem , secundam qui renatus est gratiam accepit . “ Et postea . “
 „ Apostoli paracletum istum , id est datum hujus Spiritus in remissio-
 „ nem peccatorum ipsa quidem dominica resurrectionis acceperunt ,
 „ insufflante Domino ac dicente : *Accipite Spiritum sanctum : quorum*
 „ *remiseritis* &c. Sed secundam gratiam ejusdem Spiritus non ante diem
 „ quinquagesimum adepti sunt . Primo dato remissionem peccatorum
 „ acceperunt : secundo , fortes & zelo bono ferventes , scientes atque
 „ sapientes , eloquentes & mirabilium potentes effecti sunt . “ Et post-
 „ hæc : Primo dato Spiritu per baptismum scribuntur in cælo nomina ele-
 „ ctorum , & inde est gaudendum . Secundo dato &c.

§. 3. Stephanus Eduensis.

Stephanus , qui anno 1113. creatus episcopus Eduensis , obiit post
 annum 1130. (videbis quæ *supra* dicta sunt , ubi de auctoribus se-
 culi X) in prologo tractatus *de sacramentis altaris* , disserens de sacra-
 mentis , quæ Christus ad salutem nostram instituit , affert in exem-
 pla , baptismum , matrimonium & Confirmationem . “ Dei filius , in-
 „ quit , expleta dispensatione a patre sibi credita , volens nobis relin-
 „ quere omnia salutis necessaria , visibili materia ordinavit & fieri præ-
 „ cepit invisibilia sacramenta . Quomodo enim posset homo intellige-
 „ re dona spiritualia , nisi aliquo visibili moveretur ad ea percipien-
 „ da ? Virtus enim sacramentorum invisibilem operatur effectum quod
 „ exemplorum documentis liquido apparebit . Sacramentum baptismi
 „ ordinatur in aquis regenerativis ; quia sicut aqua sordes exteriores
 „ abluuntur , ita spiritali gratia in lavacro regenerationis data mun-
 „ dantur interiora inquinamenta . Item in copula maris & femine ,
 „ qua conjugium dicitur , unitas capitis membrorum , id est Christi &
 „ ecclesiæ , intelligitur . Item olei unktionem figuratur operatio divinæ
 „ misericordiæ . Oleum enim sanat , reficit , & supernat &c. Hoc mo-
 „ do in ecclesiasticis sacramentis Spiritu sancto cooperante ordinatis ,
 „ invisibiliter operatur gratia septimormis .

„ Et *capite 9.* ejusdem tractatus , “ Presbyteri , nostri coadjutores , bap-
 „ tizando , rudes populos instruendo , communicando , & cætera sacra-
 „ menta dispensando , nostras vices supplere debent . Excipiuntur illa
 „ quibus quadam prærogativa fulget & præminet episcopalis dignitas ?

„ quæ ;

„ quæ sunt quinque, basilicarum dedicatio, chrismatis unctio, manuum
 „ impositio, clericorum ordinatio, super populum benedictio.

§. 4. *Algerus.*

Algerus, canonicus & scholasticus Leodicensis, postea monachus Cluniacensis, qui ad annum 1130. obiit, *lib. 3. de sacramento corporis & sanguinis Domini cap. 4.* docet 1. Quod „ omnia sacramenta solius Dei credantur esse. „ 2. Quod sacramenta in rebus „ nulla „ sua venalitate pretiosis, v. g. aqua, oleo, pane, & vino „ constituta sint. 3. Quod baptisumus in aqua, Confirmatio in oleo chrismatis, & eucharistia in pane & vino. 4. Quod baptismo peccatorum tam originalium, quam actualium labes abluatur: „ Confirmatio „ contra ipsius „ rituales nequitias humana fragilitas fortius muniat; (& eucharistia) Christus nobis tanquam caput membris incorporetur. 5. Quod „ his tribus sacramentis (regeneratione scilicet spiritali, eucharistia, & Confirmatione) *baptisimus* (quo nomine universum initiationis ministerium, hoc est, non modo baptismum, & ejus caeremonias, sed & cætera, quæ cum ipsis continenter peragebantur, intelligit) rite perficitur: „ ut quia in Trinitatis nomine celebratur, Trinitatis etiam fides „ dem suo ministerio attestans, per aquam Deo Patri nos regenere, „ per corporis & sanguinis Christi communionem filio Dei ad vitam „ nos concorporet, per olei unctionem nos Spiritus sancti virtute confirmet. „ 6. Duplicem chrismatis unctionem distinguit, alteram in baptismo, nempe verticalem, & alteram in Confirmatione, nempe frontalem. „ Oleo chrismatis, inquit, & in baptismo & in Confirmatione „ perungitur „ &c. Confirmationem igitur a baptismo, ejusque caeremoniis distinguit: etenim si eam baptismi caeremoniam credidisset, dicere debuisset: „ Oleo chrismatis bis perungitur: „ non autem, „ oleo chrismatis & in baptismo & in Confirmatione perungitur.

En Confirmationem, quæ sacramentum est, ex *num. 5.* & 6. quæ unum est ex sacramentis, quæ solius Dei creduntur esse, ex *num. 1.* quæ a baptismo ejusque caeremoniis distinguitur, ex *num. 6.* quæ tertium sacramentum cum baptismo & eucharistia constituit, ex *num. 5.* quæ diversam materiam & diversum effectum habet, ex *num. 3. & 4.*

§. 6. *Honorius Augustodunensis.*

Honorius, Augustodunensis ecclesiæ presbyter & scholasticus, qui ex Trithemio claruit sub Henrico quinto Imperatore, anno Domini 1120. libros quatuor *de divinis officiis* composuit, quibus „ nomen, *gemma animæ*, indidit, quia videlicet velut aurum gemma ornatur: sic anima divino officio decoratur.

Libro vero 3. de chrismate, unctione, & Confirmatione pluribus in locis differt.

Capite 80. ait, quod " per chrisma fideles a Christo christiani, id est, uncti denominantur, & coheredes regni ejus assignantur.

Capite 81. ait, quod " oleo (ut) reges & sacerdotes ungimur: chrismate (vero tanquam) templa Deo dedicamur, & hoc in frontibus regno ejus assignamur. Balsamum bene redolet, oleum vero lucet: his nos uncti debemus fide redolere, bonis actibus lucere.

Capite 83. ritum solemnem describit, quo ampulla chrismatis ad altare deferrebat: eaque omnia mystice interpretatur.

Descriptis *capite* 111. & 112. baptismi caeremoniis, ipsaque eucharistiae participatione relata, qua neophyti " ad ultimum corpore Christi, sibi confirmantur, ut sic Christo incorporarentur, " pergit ad Confirmationem, quam *cap.* 113. sic explicat. " In octava die (observa qua die Confirmatio tunc conferretur) baptizati mitras deponunt, (eorum enim capiti mitra imponebatur, quæ regiam dignitatem, sicut & vestis alba sacerdotalem dignitatem significabat) & ab episcopo in fronte per chrisma signantur, & per hoc septiformem Spiritum ad regnum Dei confirmantur. Unctio Confirmationis est nuptialis vestis: quam unctionem iterum per octo dies in albis servant, in octava die lavant " &c. Ejusdem Confirmationis explicationem ita prosequitur *capite* 114. " Bis baptizati chrismate liniuntur; semel a presbytero in baptismo & in capite, secundo ab episcopo in Confirmatione & in fronte. Hoc ideo, quia bis Spiritus sanctus datur ecclesiae, semel in terra, secundo in cælo. Per presbyteri unctionem animæ Christo desponsantur, per episcopi Confirmationem regno Christi dotantur. Ideo autem cum oleo christiani signantur, quia per oleum Spiritus sanctus designatur. Oleum namque ardens illuminat, medicans sanat, aquis infusum eas perspicuas reddit, & superenatat. Ita Spiritus sanctus flamma charitatis & splendore sapientiae animas illustrat, medicamine clementiae per veniam peccatorum vulnera sanat &c. Hanc Confirmationem fecerunt olim apostoli per manus tantum impositionem; illorum posterius, eis tamen tradentibus, " per chrismatis consecrationem.

Capite 115. Sicut in baptismo, ita & in Confirmatione patrinum requirit, ea tamen lege, " ut qui infantem de baptismo suscepit, idem etiam ad Confirmationem tenere possit.

Capite 116. asserit, quod parvulus imminente morte a laico baptizatus, " si supervixerit, a sacerdote catechizetur, oleo ungatur, chrismetur, non denuo baptizetur, sed ab episcopo confirmetur.

§. 6. Hugo Victorinus.

HUGO a S. Victore, qui theologiam professus est ab anno 1130. ad annum 1140. quo annos 43. natus obiit, *lib. 1. de sacram. cap. 22.* querit, " cum in baptismo plena sit facta peccatorum remissio, quid confert Confirmatio? Et respondet: in baptismo datur Spiritus ad remissionem, hic vero ad robur: per hanc enim contra hostes invisibiles armamur. Sine hoc sacramento potest homo salvari, si non ex contemptu dimiserit. Est autem adeo necessarium, & efficax, ut episcopali dignitati ministratio ejus reservata sit, & ut ab alio traditum, habeatur irritum. " Eundem consules *cap. 12. ubi Confirmationem inter septem principalia sacramenta, quæ in ecclesia ministrantur, recenset: sed præsertim lib. 2. de sacram. par. 7. cap. 1. 2. 3. 4. 5. 6. & 7.* ubi docet, 1. Quod " chrisma ex oleo & balsamo conficitur: 2. Quod manus impositio, quæ usitato nomine Confirmatio vocatur, qua christianus unctione chrismatis per impositionem manus in fronte signatur, solis episcopis apostolorum vicariis debetur, ut christianum consignent, & Spiritum paracletum tradant, sicut in primitiva ecclesia Spiritum sanctum per impositionem manuum dandi soli apostoli potestatem habuisse leguntur: " 3. quod " Sylvester papa constituit, ut baptizatum presbyter in vertice chrismate liniat propter occasionem quidem transitus mortis: ne forte per absentiam episcopi, sine manus impositione baptizatum ab hac vita migrare contingeret; quod quidem omnino periculosum esset: quia sicut in baptismo remissio peccatorum accipitur; ita per manus impositionem Spiritus paracletus datur. Illic gratia tribuitur ad remissionem peccatorum: hic gratia datur ad Confirmationem. Quid autem prodest, si a lapsu erigeris, nisi etiam ad standum confirmaris? propterea timendum est iis, qui per negligentiam non suscipiunt manus impositionem, ne forte propterea damnentur; quia festinare debuerunt, dum potuerunt. Propter eos enim, qui articulo temporis præveniuntur, instituta est illa, qua sacerdos baptizatum statim in vertice linat, sacri chrismatis unctio, ut in hoc ipso ostendatur, quantum sacramentum istud necessarium sit ad salutem, cum tam sollicitè universis caveatur, ne forte sine ipso ab hac vita subtrahantur. 4. Manifestum esse, quod primis temporibus omnis unctio chrismatis per solos pontifices fiebat. Sed & posteaquam institutum est, ut baptizatum sacerdos in vertice liniat, consignatio tamen frontis, solis pontificibus reservatur " 5. Quod sacramentum Confirmationis, id est, impositionis manuum majus sit sacramentum, quam baptismus, . . . in eo quod a solis pontificibus celebratur. 6. Quod hæc duo sacramenta ita conjuncta sunt in operatione salutis, ut nisi morte interveniente omnino separari non possint. 7. Utrumque sacramen-

„mentum iterari non posse. 8. Statutum esse, ut impositionis ma-
 „num sacramentum, nonnisi a jejunis detur, vel accipiatur, . . . ex-
 „ceptis infirmis & morte periclitantibus. 9. Explicat, quomodo “ sep-
 „tem diebus debeant esse sub disciplina chrismatis, qui manus imposi-
 tionem acceperunt.

§. 7. *Petrus Lombardus.*

PETRUS Lombardus, cognomento *magister*, qui floruit ab an. 1150.
 ad annum 1164. *lib. 4. sent. dist. 7.* Confirmationem enumerat inter
 septem ecclesiæ sacramenta. Supervacaneum esset textum ejus des-
 cribere; cum Dallæus, *lib. 3. cap. 16.* eum ita sensisse non inficietur.
 “Hanc, inquit, definitionem (de septem novæ legis sacramentis, in-
 „ter quæ Confirmatio secundum locum obtinet) “ & qui Hugone
 „haud multum junior fuisse videtur, sententiarum *magister* Petrus
 „Lombardus tradit, & omnis ex eo latinorum schola secuta est. “
 Hic igitur superfedebat, cum auctores *magistro* posteriores idem cum
 eo putasse Dallæus ultro concedat.

Hucusque proposuimus, & accurate, (quantum nobis licuit) expen-
 dimus sincera scriptorum testimonia qui primis duodecim ecclesiæ secu-
 lis floruerunt, quibus invicte probavimus Confirmationem esse verum
 novæ legis sacramentum: non pauca adhuc supersunt aliorum aucto-
 rum scripta quibus idem vulgo probatur: sed quoniam de illorum an-
 tiquitate & auctoritate apud eruditos disceptatur, ideo ad calcem ope-
 ris amandanda ea esse judicavimus, ubi quid certi ex iis elici possit
 discutiemus.

Refutavimus quoque aut solvimus *supra* post unumquemque textum
 quæcumque in contrarium responderi vel objici poterant: reliquum
 est ut generales quasdam hæreticorum solutiones & objectiones, refe-
 ramus.

*Expenduntur generales Calvini &c.
 re. ponsiones.*

AD Patrum & auctorum testimonia Calvinus tria generatim re-
 pondet.

Primum est, quod apud veteres Confirmatio fuerit tantum examen,
 quo pueri qui in infantia baptizati fuerant, “sub finem pueritiæ aut
 „ineunte adolescentia ab episcopo examinabantur secundum formulam
 „catechismi, quam tunc habebant certam & communem. “ Ita Cal-
 vinus *lib. 4. instit. cap. 19. §. 4.* cujus mentem fusius aperuimus *supra*,
pag. 10. & 11.

REFELLITUR. 1. Quia dicuntur quidem apostoli *actuum* 8. & 19.
 orasse & imposuisse manus, eoque modo contulisse Spiritum sanctum:
 sed

sed scriptura sacra nec eo loci, nec alibi meminit hujus examinis. 2. Quia nullus est veterum, qui ritum Confirmationis in hoc examine constituerit, & per illud dixerit conferri Spiritum sanctum. 3. Ne unus quidem veterum est, qui hujus examinis mentionem fecerit. Calvinus quidem citat Leonem Magnum in epistola 35. & 77. & Hieronymum in dialogo advers. Lucifer. Qua vero fronte, ipse viderit. Leo enim in his duabus epistolis loquitur de reconciliatione hæreticorum, non autem de quodam puerorum examine, quod universa antiquitas ignoravit. Nihil etiam, quod ad illud examen referatur, Hieronymus docet in dialogo. 4. Hæc responsio usui & praxi veterum repugnat, qui Confirmationem per unctionem & manus impositionem etiam infantibus conferebant, ex Innocentio I. in epist. 1. ad Decentium, cap. 3. ex Augustino tractatu 6. in 1. Joannis epistolam; ex Gennadio in libro de eccles. dogmat. cap. 52. ex ordine Romano cap. Hic deponitur cereus, & cap. Oratio post Confirmationem; ex Jesse Ambianensi, in epistola de baptismo, ex libro de divinis officiis, qui Alcuino tribuitur cap. de sabato sancti pasche; ex Honorio Augustodunensi, lib. 3. de gemma animæ, cap. 115. Accedit, quod eucharistia & Confirmatio neophytis simul conferrentur. Sed eucharistia infantibus recens baptizatis administrabatur, ex Cypriano in tractatu de lapsis, ex ordine Romano cap. oratio post Confirmationem, & ex libro de divinis officiis loco citato. Igitur & Confirmatio. Atqui infantes non sunt capaces examinis & catechismi: neque illud examen Calvinus exigit ab infantibus, sed a pueris jam adultis. Ergo.

Ex his etiam apparet falsam esse Melancthonis responsionem asserentis, quod ritus Confirmationis apud veteres esset professio fidei & doctrinæ catholicæ.

1. Quia hæc professio baptismum præcedebat; Confirmatio vero baptismum semper secuta est. 2. Quia neque actorum 8. vel 19. neque apud veteres ulla mentio fit professionis doctrinæ catholicæ, quæ baptismum subsequuta fuerit, & manus impositionem præcesserit. 3. Quia nullus veterum ritum Confirmationis in hac professione constituit, aut asseruit per illam conferri Spiritum sanctum. 4. Ritum Confirmationis infantibus conferebatur, qui tamen nullam fidei professionem emittere poterant.

Chrysostomus quidem homilia 9. in cap. 6. ad Hebr. ad hæc Pauli verba: *Baptismatum doctrinæ, impositionis quoque manuum*: tria distinguit, baptismum, doctrinam, & manuum impositionem. Verum doctrina, de qua Chrysostomus, non ea erat, quæ ad fidem catholicam, sed quæ ad mores pertineret. Doctrina enim erat, qua neophyti, antequam manuum impositionem acciperent, docebantur, quid agere, deberent, & quid non deberent. Præterea Chrysostomus ritum Confirmationis ibi statuit, non in hac morum doctrina, sed in manuum impositione, per quam ait conferri Spiritum sanctum. Eodem modo

modo exponi debent Eulogius Alexandrinus, & Maximus martyr, locis *supra* citatis.

Secundum Calvini responsum est, nullum esse veterum, qui ritum illum dixerit sacramentum esse. Quam solutionem ille nobis objicit, velut arcem inexpugnabilem. " Si ab hominibus, inquit *ibid.* §. 12. petendum esset fidei nostræ præsidium, habemus arcem inexpugnabilem, nunquam veteribus agnita fuisse pro sacramentis quæ isti sacramenta ementiuntur. De manuum impositione loquuntur veteres. Sed an sacramentum vocant? Augustinus aperte affirmat *lib. 3. de baptismo, cap. 16.* nihil aliud esse quam orationem. " Addit Kemnitius in 2. parte exam. concil. Trid. pag. 319. Gratiani auctoritatem, qui causa 1. quæst. 1. can. Arianos, seu cap. 73. ex hoc loco Augustini colligit, manus impositionem non esse sacramentum, quia iterari potest, cum nihil aliud sit, quam oratio quædam.

De mente Augustini in hoc textu differuimus *supra*, iterumque differemus, ubi de Confirmatione hæreticorum. Quæ a Calvino & Kemnitio asseruntur, expendamus modo.

Calvinus ait nullum esse veterum, qui ritum illum dixerit sacramentum. Verum imprimis contrarium omnino constat ex auctoribus citatis. Manuum enim impositionem & chrismatis unctionem vocant sacramentum, aut eam in ratione sacramenti cum baptismo, vel cum eucharistia, vel cum utroque conferunt, Tertullianus, Cyprianus, Firmilianus, Optatus, Pacianus, Cyrillus Hierosolymitanus, Augustinus, Primasius, Job monachus, concilium Toletanum IV. Isidorus Hispalensis, Maximus martyr, Beda, Theodulphus Aurelianensis, Paschasius, Rabanus, Jonas Aurelianensis, concilium Parisiense VI. Amalarus, Hincmarus, Petrus Damiani, Yvo Carnutensis, Goffridus Vindocinensis, Simeon Thessalonicensis, Rupertus, Stephanus Eduensis, Algerus, Robertus Pullus, Hugo Victorinus, Petrus Lombardus. Ex auctoribus vero dubiis, quorum tamen opera certa & antiqua sunt, Dionysius, auctor 50. homiliarum, auctor operum cardinalium, & auctor epistolarum pontificibus ad Siricium ulque suppositarum. Recole testimonia, quæ *supra* descripsimus: ea præsertim, quæ retulimus ex Augustino, ut vel inde appareat quam inconsulto Calvinus in suis hæreticos Confirmationem adduxerit auctoritatem Augustini. 2. Esto, nullus veterum ritum hujusmodi appellaverit sacramentum. Quid inde, modo huic ritui ratio sacramenti & singulæ ejus proprietates ex antiquis auctoribus conveniant.

Quod ad Gratiani auctoritatem attinet, Kemnitius in ea producenda multum errat. 1. Gratianus, cum ait: " Ex eo autem, quod manus impositione iterari præcipitur, sacramentum non esse ostenditur: " id non colligit ex Augustino, sed ex Innocentio I. in epist. 18. ad Alexandrum, cap. 3. 2. Gratianus loquitur tantum de manus impositione ab hæreticis administrata & ab hæreticis suscepta, quam Innocentius

in

Expenduntur generales Kemnitii solutiones.

KEMNITIUS in 1. parte examinis pag. 297. 298. &c. quinque solutiones affert.

Prima est, multos auctores, qui pro asserenda Confirmationis doctrina citantur, apocryphos & suppositos esse.

Verum, si qui sint auctores dubii, alii sunt bene multi, omnino certi, quorum auctoritas in dubium revocari non potest. 2. Dubios auctores seorsim ad calcem operis proponimus & exponimus. 3. Aliud est, auctores esse dubios: aliud, opera, quæ eorum nomine circumferuntur, esse dubia. Atqui opera, quæ seorsim expendemus, certa & antiqua sunt, licet non sit certum, an sint illorum auctorum, quorum nomina præferunt.

Secunda solutio est, alios auctores, qui de chrismate agunt, certos quidem esse, sed ex schola Montani prodiiisse. Quia Tertullianus, qui fuit Montanista; unctionis, per quam Spiritus sanctus confertur, mentionem fecit: quem in hoc secuti sunt Cornelius, Cyprianus, & alii, præter Hieronymum, qui hunc errorem refellit in *dialogo contra Luciferianos*.

REFELLITUR. 1. Quia ipse Kemnitius in eodem examine, parte 2. pag. 317. ait hunc errorem conscriptum fuisse a Tertulliano, Cornelio, & Cypriano. Eum igitur ipsi a Montano non acceperunt. 2. Quæ, quæso, consequentia? Tertullianus, qui fuit Montanista, scripsit Spiritum sanctum baptizatis conferri per chrismatis unctionem. Hiç igitur error fuit Montani. Quasi vero quæcumque scripsit Tertullianus, ad errores Montani pertineant. An Deum esse unum & trinum, Verbum fuisse incarnatum, Christum esse filium Dei, baptismo remitti peccata; & alia id genus, quæ Tertullianus asseruit, Montanistica sunt? 3. Tertullianus hæc scripsit, antequam fieret Montanista; hæc enim docuit etiam in libro de baptismo, quem contra Montanistas edidit. Videtis pag. 44. *Or seg.* 4. Ante Tertullianum Irenæus meminit impositionis manuum, per quam Spiritus sanctus confertur neophytis; & ante Irenæum Theophilus Antiochenus meminit olei divini, quo neophyti perfunduntur. 5. Quis auctor unquam prodidit, hanc fuisse Montani hæresim, quod Spiritus sanctus neophytis per manus impositionem vel per chrismatis unctionem conferretur? De Montani erroribus scripserunt Tertullianus in libro de præscript. Clemens Alexandrinus lib. 4. Strom. Eusebius lib. 4. hist. cap. 14. Epiphanius hæresi 48. Philastrius in libro de hæresibus, Hieronymus in epist. 54. ad Marcellam, Augustinus hæresi 26. Theodoretus lib. 3. de fabulis hæreticorum, Damascenus in libro de centum hæresibus. Atqui nullus est, qui hanc doctrinam quasi erroneam Montano tribuat. 6. Quanta temeritas, Cornelium, Cyprianum, Optatum, Basilium, Cyrillum &c. quasi Montanistas traducere!

Witasse de Confirmatione.

P

7. Hic-

7. Hieronymus Tertulliani quidem, Irenæi, & aliorum, qui negaverunt Spiritum sanctum in baptismo conferri, opinionem rejicit, prætermittis auctorum nominibus; sed nullibi contradicit sententiæ, quæ Spiritum sanctum per manus impositionem vel chrismatis unctionem specialiori modo conferri affirmat.

Tertia solutio est, ritum Confirmationis a Patribus vocari sacramentum improprie & lato modo. Sed ritum illum esse sacramentum proprie dictum, ostendimus tota quæstione 1.

Quarta est, etiamsi veteres varie loquantur de ritu Confirmationis, nullum tamen esse, qui baptismo detrahat suos effectus, ut eos chrismati tribuat, sicut modo faciunt Pontificii. Verum nec orthodoxi baptismo suos effectus detrahunt, ut eos Confirmationi tribuant, sed utrique sacramento assignant effectus proprios. Qua de re patet ex tota quæst. 1. iterumque patebit *infra*.

Quinta est, veterum doctrinam a Pontificiorum doctrina omnino diversam esse. Veteres enim 1. frequens mentionem faciunt impositionis manuum, quæ tamen nunc exolevit. 2. Meminerunt olei, sed nullus addit mixtionem cum balsamo, sicut modo addunt omnes recentiores. 3. Veteres baptismo tribuunt eos effectus, quos recentiores Confirmationi adscribunt, ut dare gratiam, conferre Spiritum sanctum, perficere, armare ad pugnam &c. 4. Veteres Confirmationem baptismo conjungunt, recentiores separant. Quibus respondetur.

Ad primum Respondeo. Manus impositio non fuit abolita, sed adhuc observatur, qua de re *infra*. Qui vero ex catholicis eam desuisse concedunt, respondent ei, ex auctoritate ecclesiæ a Christo tradita, successisse chrismatis unctionem, per quam eadem gratia confertur, quæ primis seculis per manus impositionem conferebatur.

Ad secundum Respondeo. 1. Dubitatur apud Orthodoxos, utrum mixtio balsami sit materia necessaria Confirmationis. 2. Mixtionis balsami mentionem facit Gregorius magnus. 3. Ante Gregorium meminerunt Irenæus & alii forte, de quibus *infra*.

Ad tertium Respondeo. Ex omnibus fere auctoribus hucusque citatis apparet, utrumque sacramentum diversos habere effectus. Quo vero sensu, largiri gratiam, conferre Spiritum sanctum, perficere, munire ad pugnam, & alia id genus, utrique sacramento diversimode convenient, explicabitur, ubi de Confirmationis effectu.

Ad quartum Respondeo 1. Licet veteres eucharistiam baptismo in parvulis conjungerent, eam tamen Calvinistæ separant. Quidni licebit Orthodoxis separare Confirmationem? 2. Veteres Confirmationem a baptismo plerumque sequebantur in clinicis ex Cornelio Papa: in navigaturis, ex concilio Illiberitano: in iis, qui absente episcopo, baptizantur a presbyteris vel a diaconibus, ex Hieronymo & aliis. 3. Hæc conjunctio vel separatio ad disciplinam, nihil vero ad fidem atinet.

Soluntur generales Dallai objectiones.

Dallæus *lib. 1. cap. 2.* objicit 1. Sacramentum nostrum Confirmationis plane abhorrere a cæteris sacramentis novæ legis : 1. Quidem quoad materiam, quæ non est quid simplex, sicut materia baptismi & eucharistiæ, sed quid mixtum ex oleo & balsamo, multiplice prece, signo crucis, & salutatione inauguratum : quæque non est quid ubique obvium, sicut aqua, panis, & vinum : sed quid rarum, quod difficile comparari potest. 2. Quoad ministrum, qui solus est episcopus : cum e contra baptismus & eucharistia possint a quolibet presbytero administrari. 3. Quoad formam, cujus nullum extat in scripturis sacris vestigium.

RESPONDEO 1. argumentum nullum esse in eorum opinione, qui existimant materiam essentialem esse solam manus impositionem, juxta illud actorum 8. v. 17. *Tunc imponebant Petrus & Joannes manus super illos* &c. & formam esse orationem, juxta illud actorum 8. v. 15. *Oraverunt pro ipsis, ut acciperent Spiritum sanctum*. Habes enim hic materiam simplicem, nempe manus impositionem : formam, nempe orationem : & ministrum, nempe Apostolos, quibus episcopi successerunt.

RESPONDEO 2. objectionem constare tribus membris.

Ad primum Respondeo 1. in rebus, quæ sunt ex instituto, totam rationem esse voluntatem instituentis. Christus autem quædam sacramenta ex materia simplici, quædam vero ex materia mixta coalescere voluit. 2. Controvertitur apud orthodoxos, utrum materia Confirmationis simplex, an mixta sit. Plures enim existimant eam esse solam manuum impositionem ; alii oleum solum, alii manuum impositionem & oleum ; alii balsamum addunt ; alii ajunt mixtionem ejus esse de necessitate præcepti, non autem sacramenti ; alii de necessitate præcepti divini ; alii de necessitate præcepti duntaxat ecclesiastici. 3o. Dubitatur, utrum benedictio seu consecratio chrismatis sit de necessitate sacramenti, an de necessitate præcepti, seu divini, seu ecclesiastici. 4. Non magis repugnat chrisma benedici, quam aquam baptismatis, de cujus benedictione meminerunt, Tertullianus *lib. de baptismo, cap. 4.* Cyprianus *epist. 70. ad Januarium*, Ambrosius *lib. 1. de sacramentis, cap. 5.* Augustinus *lib. 3. de unico baptismo, tract. 18. in Joannem*, & *serm. 181. de tempore*, Gregorius magnus *in sacramentario*, Gregorius Turonensis *lib. 1. de miraculis, cap. 24.* Carolus magnus *lib. 6. capitularium, titula 77.* Ordo Romanus, & Pontificalia quæque vetustissima.

Ad secundum Respondeo 1. in sacramentis totam eorum rationem esse voluntatem Christi, qui voluit sacramenta quædam ab episcopis, alia a solis sacerdotibus, alia ab aliis posse confici. 2. Si eucharistiæ consecratio reservatur presbyteris, quidni Confirmationis administratio re-

fervari potuit episcopis? 3. Licet episcopus sit minister Confirmationis ordinarius, presbyter tamen potestate extraordinaria sibi commissa ejus minister esse potest, ex plurium theologorum sententia.

Ad tertium Respondeo 1. sufficere, si formæ sacramentorum habeantur ex traditione, qua sola docemur baptismum his aut similibus verbis administrari, *ego te baptizo in nomine Patris &c.* & eucharistiam his verbis confici, *hoc est corpus meum*. Christus quidem *Matth. 28. v. 19.* præcepit apostolis, ut gentes baptizarent *in nomine Patris & Filii & Spiritus sancti*; sed nullibi præcepit, ut baptizando dicerent, *in nomine Patris &c.* Christus etiam conficiendo eucharistiam dixit, *hoc est corpus meum*; sed nullibi jussit apostolis, ut eucharistiam conficiendo dicerent, *hoc est corpus meum*. Atqui traditio docet in confirmandis neophytis utendum esse quibusdam verbis, quibus Spiritus sanctus invocetur & attrahatur. 2. Formulæ seu orationis in Confirmatione adhibendæ vestigium extat actorum 8. v. 15. *Oraverunt pro ipsis, ut acciperent Spiritum sanctum*. 3. In scripturis sacris majus extat fundamentum formulæ in Confirmatione, quam in baptismo adhibendæ. Certum enim est ex actis apostolos, cum manus neophytis imponerent, verba quædam adhibuisse, quibus invocarent & advocarent Spiritum sanctum. Sed nullum in iisdem scripturis vestigium extat, quod apostoli, cum baptizarent, verbis quibusdam uterentur.

OBJICIT 2. Quos effectus Confirmationi tribuimus, eos antiqui baptismi & eucharistiæ adscribunt.

Verum hac de re *infra*, ubi de effectu Confirmationis.

OBJICIT 3. Confirmationem non fuisse olim habitam pro sacramento, docere videtur cæterorum christianorum a Latinis diversa prorsus opinio. Constat enim illud ignotum esse apud Æthiopes, Armenos, Chaldæos, per Arabiam, Melopotamiam, Chaldæam, Syriam, Persidem, ipsamque Ægyptum diffusos, atque apud Indos; imo apud Græcos ritus Confirmationis alius est a ritu Latinorum. Atqui credibile non est tam multas gentes, tam inter se & locis & lingua & moribus distitas, sacramentum illud ignorasse, si id erat ab initio christianismi traditum. Sed quia Latinorum fuit inventum, quominus id ipsis innotesceret, effecit terrarum, in quibus illi populi degunt, a nostris valde remotarum situs: maxime vero eorum ab ecclesia Romana dissidium, quod a multis seculis cæptum ad nostra tempora perseverat.

RESPONDEO in hac objectione plura supponi, quæ vel falsa, vel incerta sunt.

SUPPONITUR enim 1. a Græcis non admitti sacramentum Confirmationis.

Verum id omnino falsum esse apparet, tum ex Græcorum unione cum Latinis in concilio Florentino, in quo nihil prorsus de sacramento Confirmationis cum Græcis actum est, licet in eo doctrinæ capita, quibus utraque occidentalis & orientalis ecclesia dissidet, agitata fuerint.

tint. Tum ex ipsis auctoribus Græcis, qui Confirmationem inter septem ecclesie sacramenta enumerant: Simone archiepiscopo Theffalonicensi, qui librum integrum, eumque satis prolixum de septem ecclesie sacramentis edidit. "Septem sunt ecclesie sacramenta, quæ a Spiritu sancto vim operandi habent, nimirum, baptisma, chrisma, communio &c." Gregorio Protosyncello, qui fuit a confessionibus Imperatori Joanni Palæologo, interfuit synodo Florentinæ, & Constantinopolitanus Patriarcha deinde creatus est, in *apologia adversus Marcum Ephesinum*. "Latini, inquit, etiam baptizatos unguunt unguento; & æque ac nos credunt unctionem unguenti esse unum ex septem sacramentis ecclesie." Hieremia Patriarcha Constantinopolitano, in *sua censura adversus Augustanam confessionem lib. 1. cap. 7.* "Quæ in ea ipsa catholica recte sentientium christianorum ecclesia tradita sunt nobis mysteria, septem sunt, videlicet, baptisma, chrisma divini unguenti, sacrosancta communio &c." Idem legere est apud Job, antiquum monachum, cognomento PECCATOREM, in *explanatoria contemplatione septem ecclesie mysteriorum*: apud Germanum Amathus episcopum in actis suis synodalibus in *euchologio manuscripto Allatiano* repertis: apud Nicolaum Cabasilam in *libro de tribus sacramentis*, baptismo, unctione & eucharistia; & in 3. & 4. oratione de vita in Christo: apud Gabrielem Philadelphiensem in *tractatu de sacramentis*, Marcum Ephesinum, Mathæum Blastarem in *nomocanone*, Catum Syritum in *elenchis adversus Arcudium*, Neophytum Rhodium in *synopsi doctrine christiane*, Cartophyllum, & alios licet schismaticos, quorum testimonia legi multa possunt a clarissimo viro Eusebio Renaudorio nuper edita tomis 4. & 5. egregii operis *de fidei perpetuitate*. Denique vel ipsi theologi seu Lutherani Wittembergenses in *primo responso ad responsum ejusdem Hieremie*: hoc ipsum testantur his verbis: "Sacramenta septem numerant Græcorum ecclesie. Quid igitur sibi vult Kemnitius, cum ait in 2. parte examinis pag. 16. "Septenarium numerum sacramentorum apud Græcos a Latinis in synodo Florentina tentatum fuisse?"

SUPPONITUR 2. quod neque Armeni illud sacramentum agnoscant.

Verum id falsum esse constat 1. ex *epist. Gregorii VII. ad Synnadensem archiepiscopum*, anno 1080. ubi errores referens, quos ab Armenis rejici cupit, non meminit omisse ab ipsis Confirmationis, sed in iis quæ ad Confirmationem attinent, id unum in Armenis reprehendis, quod "contra morem (antiquum scilicet) sanctæ Ecclesie Armenorum, non ex balsamo sanctum chrisma, sed ex buryro, conficiant." 2. Ex Jacobo Cardinale a Vitriaco, qui in *catalogo errorum, pravæque consuetudinum Armenorum*, quas in historia sua describit, eis minime impingit, quod nullum Confirmationis sacramentum agnoscant. 3. Ex unione Armenorum cum Romanis pontifi-

Wiasse de Confirmatione.

P 3

ci

cibus, quæ subinde renovata & confirmata est, sub Eugenio III. anno 1145. sub Innocentio III. anno 1199. sub Joanne XXII. anno 1318. 4. *Ex epistola Joannis XXII. ad Offunium regem Armenorum*, &c. Videtis Reynaldum ad annum 1318. num. 8. 9. &c. 5. *Ex epistola Benedicti XXII. ad regem, & patriarcham Armenorum* &c. Videtis Reynaldum ad annum 1341. num. 118. 6. *Ex responsione Uscani*, natione Armeni, & episcopi sancti Sergii in majori Armenia, qui cum Amstelodami versaretur anno 1667. inter alia interrogatus, "An non Armeni christiani damnent eorum sententiam, qui negant per christum sanctum, & manus impositionem conferri baptizatis Spiritum sanctum, tanquam per proprie dictum sacramentum": Respondit die 21. Februarii ejusdem anni: "Damnant, quamvis apud ipsos administratio istius sacramenti sit infrequens; quod factum per varios motus & tempestates, quibus ecclesia fuit jactata." Extat integra hujus episcopi responsio ad finem *tomi 1. perpetuitatis fidei* circa mysterium Eucharistiæ. 7. *Ex responso Jacobi*, omnium Armenorum patriarchæ, "qui a nobilissimo viro Carolo Olier, marchione *De Noimel*, tunc legatione pro christianissimo rege Constantinopoli fungente, consultus, quid ipse, cæterique Armeni sentirent de decem & novem propositionibus Calvinisticis, quarum ista est quarta, & decima: "In ecclesia non sunt septem, sed duo tantum sacramenta: respondit anno 1669. "Hanc esse doctrinam, a Domini nostro Jesu Christo receptam, a sanctis Apostolis traditam, a sacris Conciliis confirmatam, & a seipso, suaque universalis Ecclesie semper creditam, non modo septem esse sacramenta, sed etiam &c." Cui responso subscripserunt Onulrius, Archiepiscopus Hameensis (*de Hamet*), Simon Episcopus, & alii tres ecclesiastici, qui dioceses sibi commissas regebant. 8. *Ex responso Archiepiscopi Armenorum Constantinopolitanorum*, qui ab eodem Marchione interrogatus, idem omnino, eodem anno, iisdemque verbis respondit, suumque responsum subscribendum curavit a Joanne archiepiscopo Amasez; & a Joanne archiepiscopo Andrinopolitano. Extat utraque responsio in bibliotheca Sangermana Parisiensis.

Inde apparet, quam temere Kemnitius loco *supra* citato dixerit, Armenis in synodo Florentina obtrusum fuisse septenarium numerum sacramentorum, cum eum ignorassent per annos mille, & amplius. Innocentius enim III. Gregorius VII. Cardinalis a Vitriaco, Joannes XXII. & Benedictus XII. pluribus annis præcesserunt synodum Florentinam. Uscanus vero, Jacobus patriarcha, cæterique Archiepiscopi, & episcopi citati, Armenorum schismaticorum partibus adherent.

Supponitur 3. ab Arabibus, Syris, & Egyptiis illud sacramentum non agnosci.

Quod fallum esse probatur 1. *Ex enchiridio Nicolai Spadarii Mql-davi,*

davi, Baronis, ac olim generalis præpositi Wallachiz, conscripto Holmiz anno 1667. mense Februario. " Quo vero plenius cognoscas ecclesiz orientalis, (quo nomine Russos, Moscovitas, Moldavos, Wallachos, Georgianos, Mingrelos, Circassas, Arabes, & sexcentos alios comprehendit, licet Russi, alizque gentes græco non utantur idiomate) septem sacramenta, ecce & ista tibi exhibeo. Sunt autem ista, baptismus, eucharistia, sacerdotium sive ordo, pœnitentia, matrimonium, Extrema-unctio, Confirmatio. Quæ omnia, præter ordinem & Confirmationem, a sacerdote conferuntur. Hinc omnes, qui hæc septem sacramenta non agnoscunt, ecclesia orientalis tanquam hæreticos censet & anathematizat. " Extat ad calcem *perpetuitatis fidei*. 2. Ex concilio in Cypri insulæ metropoli coacto, sexto idus Aprilis, anno 1668. cap. 5. de *sacro chrismate*. " Si quis sacratissimum chrisma non unum proprie fateatur ex septem sacramentis per traditionem apostolorum ab ipso met omnium rege Christo institutis, novamque gratiam ac sanctificationem propriam ex hoc iis, qui inunguntur, præstari per Spiritum sanctum, veluti characterem regalis spiritualis dignitatis consignantem in hæreditatem regni cœlestis, itemque robur ac fortitudinem adversus visibiles, invisibilesque hostes, & odorem suavitatis ad Deum in bonis operibus, is integritatem ecclesiasticæ tollit pulchritudinis, quam ædificans suam domum sapientia per septem columnas prænotavit. " Et post alia: " Hæc est orthodoxa ecclesiz orientalis fides. Hanc tuentur quatuor sanctissimorum patriarcharum orientarium, venerabilium fratrum nostrorum, & comministrorum sedes, Constantinopolitana videlicet, Alexandrina, Antiochena & Hierosolymitana. Hanc cæteræ quæque nationes nobis situ, & communione conjunctæ profrentur, in primis amplissimum Moschorum imperium, Russorum longe lateque sparsi populi, itemque Bulgariæ, Serviz, superioris, & inferioris Mysiæ, tum Epirotæ, Arabes, Egyptii, & ne cæteras Asiæ, & Europæ gentes enumeremus, quicumque septimam œcumenicam synodum acceptant & venerantur. " Extat ad calcem *perpetuitatis fidei*, & in bibliotheca Sangermana Parisiensi asservatur.

Supponitur 4. quod Latini post utriusque occidentalis & orientalis ecclesiz discessionem, quæ contigit ad annum 860. huic Confirmationis ritui, sacramenti nomen indiderint.

Quasi verò ante illud tempus, hunc ritum non vocaverint sacramentum, aut eum in ratione sacramenti eum baptismò, vel cum eucharistia, vel cum utroque non contulerint, Tertullianus, Cyprianus, Firmilianus, Cyrillus Hierosolymitanus, Augustinus, concilium Toletanum IV. Isidorus Hispalensis, Beda, Theodulphus Aurelianensis, Rabanus, Jonas Aurelianensis, Concilium Parisiense VI. & Amalasius.

Supponitur 5. schisma, quod inter Latinos & Græcos seculo nono contigit, impedivisse, ne Latinorum doctrina, quæ Confirmationem asserit esse sacramentum, ad Græcos transierit.

Verum Simeon Thessalonicensis, Job peccator, Nicolaus Cabasilas, Gregorius Protosyncellus, Marcus Ephesinus, Gabriel Philadelphienfis, & Hieremias Constantinopolitanus, qui pluribus seculis post schisma exortum scripserunt, Confirmationem enumeraverunt inter septem sacramenta.

Supponitur 6. regionum, in quibus Æthiopes, Chaldæi, & Armeni degunt, a nostris distantiam impedivisse, ne illi doctrinam a Latinis inventam receperint.

Populi quidem hujusmodi a nobis diffiti sunt, verum a Græcis non adeo distant, qui tamen Græci septenarium sacramentorum numerum agnoscunt.

Supponitur 7. quod Æthiopes, & Chaldæi Christiani, longe lateque per Arabiam, Mesopotamiam, Chaldæam, Assyriam, Persidem ipsamque etiam Egyptum, diffusi, quorum patriarcha in urbe Mesopotamiæ Mousoul sedet, non agnoscant sacramentum Confirmationis. De Æthiopibus testatur Alvarez, Hispanus monachus in *suo Æthiopiarum itinere*: de Chaldæis Antonius de Gouvea, monachus Lusitanus Augustinianus *lib. 3. de rebus Persicis*. De utriusque historici quidam Calvinistæ.

Verum illis auctoribus opponimus *Enchiridion* Nicolai Spadarii, anno 1667. & *synedum Cypriam* anno 1668. de quibus *supra*, pag. 230. Calvinistæ vero, qui hæc referunt, nobis merito suspecti sunt. Quæ enim fronte hætenus affirmarunt, & realitatem carnis, & sanguinis Christi in eucharistia; & panis, vinique transubstantiationem ab omnibus christianis societatibus orientis negari? quas tamen utramque doctrinam confiteri certissimum est.

Denique si Æthiopes, & Chaldæi, alique schismatici, non idem sentiunt de sacramento Confirmationis, quod Latini; in errore versantur. Nec mirum; schismata enim in hæreses non raro desinunt.

OBJECIT 4. Latinorum inter se multa, & antiqua de Confirmatione certamina docere videntur, illam non esse sacramentum novæ legis. Et quidem de materia est multiplex controversia. Canonistæ quippe nolum sitam esse in unctione, quibus subscribit Aureolus, asserens unctionem non aliter esse de substantia sacramenti, quam manus est de substantia hominis. Scholastici contra communiter in unctione reponunt vel olei solius, vel solius balsami, vel utriusque permixti. Mixtionem hanc de necessitate sacramenti quidam existimant, alii de præcepto tantum Christi, alii de ordinatione solius ecclesiæ. De benedictione materie similiter controversatur: Paludano negante, esse de necessitate sacramenti, vel præcepti divini, ut aliqua determinata bene-

bene-

benedictio adhibeatur per Episcopum : Cajetano opinante , sufficere simplicis presbyteri benedictionem : Conincho defendente , benedictionem chrismatis factam ab Episcopo esse de essentia hujus sacramenti : Estio de necessitate præcepti . Similiter disputant , utrum unctio in forma crueis adhibenda , de necessitate sit sacramenti , quod asserit Soto , negat Aureolus . Pari modo chrisma in fronte applicandum , de necessitate sacramenti esse contendit Gregorius de Valentia : negat Franciscus Victoria . De ipsa quoque forma litigant : ut enim missa fiat jam antiquata opinio Armachani , dubitatur , utrum includat invocationem sanctissimæ Trinitatis , ut vult Aureolus , repugnante Petro de Alliaco ; & utrum hanc includat explicite , quod vult Soto , contradicente Estio . Circa ministrum quoque rixantur . Armachanus olim asseruit presbyteros , & diaconos jure divino ordinarios hujus sacramenti ministros esse , adversus quem Soto exardescit . Alii censent ex commissione papæ id juris concedi posse simplici sacerdoti , si ne qua careret ad illud potestate . Negant id muneris posse committi simplici presbytero per summum pontificem , Albertus , Bonaventura , & maxime Durandus , qui clamat opinionem adversariorum videri non falsam solum , sed etiam fidei & ecclesiæ valde periculosa . His accedunt Major & Hadrianus , qui post Eugenium IV. scripsere . Circa suscipientes , in Latinorum quoque scholis litigatum . Petrus de Alliaco sustinet fluminis baptismum non necessario debere præsupponi : sed æquivalens aliquid sufficere . Soto amentes ab hujus sacramenti participatione excludit : eos Coninch admittit . De zate dissidium est . Glossa super canōnem , *ut jejuni , de consecr. dist. 5.* præscribebat , ne pueri ante annum 12. confirmarentur ; alii septimum definiunt ; quidam post septem dies a baptismo suscepto ; alii statim ab ejus susceptione , etiam ante usum rationis . Circa necessitatem suam quoque est diversitas . Hugo videtur existimasse hoc sacramentum ad salutem quadantenus necessarium esse , cui concinunt de Alliaco , Major , Estius , & Aurelius . Alii contra sufficere , si non contemnatur . Denique Gabriel putat ejus effectum esse remissionem peccatorum , quod negant cæteri .

RESPONDEO 1. hanc variarum opinionum enarrationem , quæ a Dallæo describitur , nihil ad præsentem questionem attingere . Non enim hic querimus , quæ sit materia , quæ forma , quis minister , quæ necessitas , & quis effectus hujus sacramenti . Expendimus utrum ritus Confirmationis verum sit novæ legis sacramentum , veram sacramenti rationem habeat . Negant heretici , affirmant Catholici omnes , neque ullus auctorem , quos Dallæus laudavit , contrarium asserit .

2. Dissidia quæ Dallæus refert , nihil spectant ad fidem , sed ex illis sunt , quæ salva fide & pace , in scholis agitantur ; & de quibus dici potest , quod olim Augustinus de origine animæ , & peccato
ari.

originali, in *epistola* 157. " Si origo animæ lateat, dum tamen redemptio clareat, periculum non est. " Pari jure dico si determinatio materiæ sacramenti Confirmationis lateat (idem dicendum de forma, ministro, necessitate, & effectu) dum tamen clareat, quod sacramenti ratio ei conveniat, periculum non est.

3. Controversiæ istæ a temporibus scholasticorum exortæ sunt: ante quas veteres, non ita, ut illi, minutias sectantes, ea tantum docebant quæ satis erant ad fidem sacramenti.

4. Similes, imo & graviore sunt apud Græcos controversiæ de materia, forma, ministro, & iteratione hujus sacramenti. Chrysostomus, alique veteres pro materia vel impositionem solam, vel impositionem, & unctionem assignant: recentiores Græci solam chrismatis unctionem referunt: & Rutheni, antequam ad Romanam Ecclesiam, sedente Clemente VIII. redirent, oleo tantum utebantur. Neogræci præter oleum, & balsamum, triginta quinque genera aromatum permiscunt: quæ mixtio antiquis incognita fuit. Arcudius, alique consecrationem affirmant esse de essentia materiæ, alii negant. Gabriel Philadelphienfis formam in verbis, quæ a pontifice dicuntur super unguentum, statuit: alii in verbis, quæ super unctum profertur, alii simplicem sacerdotem aiunt esse ministrum ordinarium, quam opinionem Arcudius, Photius, & Joanni Nathanaeli tribuit: alii, ut Gabriel Philadelphienfis, volunt esse ministrum dumtaxat extraordinarium. Cabasilas illud discrimen inter baptismum & Confirmationem statuit, quod ista, non ille, iterari possit. Photius contra absolute negat Confirmationem iterari posse. Cabasilam omnes fere Græci, Photium pauci sequuntur. Atqui Græci Confirmationem habent pro vero sacramento.

5. Eadem argumentandi ratione concludi posset, nullum esse apud Latinos baptismi sacramentum. De eo enim non minores sunt controversiæ, quam de Confirmatione. Disputatur de tempore institutionis: quibusdam placet institutum esse, quando Christus a Joanne baptizatus est: aliis, quando Christus Nicodemum allocutus est: aliis, quando elegit apostolos: aliis post resurrectionem, quando Christus dixit apostolis, *Euntes docete omnes gentes, baptizantes eas* &c. Disputatur etiam est de materia, utrum baptismus per asperersionem valeret, asserente Cypriano, negante Magno: item utrum adhiberi deberet trina immersio, an una sufficeret, ex Gregorio magno *libro 1. epist. 41*. De forma quoque multiplex est disputatio. Disputatum est seculo XII. utrum legitima esset sub his verbis, *in nomine Patris & Filii & Spiritus sancti*: an vero necesse esset uti verbo *baptizo*, vel æquivalenti. Disputatur modo, utrum distincta nominatio trium personarum Trinitatis sub distinctis nominibus sit de essentia formæ. Volunt enim non pauci sufficere, si una explicite, & aliæ duæ exprimantur implicite. Disputatur etiam de baptismo collato his verbis: *Ego te baptizo in nomine*

mine genitoris, geniti & ab utroque precedentis, seu in nomine ingenti, & verbi, & domi. Disputatur de intentione ministri, utrum interior requiratur, an exterior sufficiat. De effectu vero, disputatum est olim, utrum pueri in ipso baptismo non solum characterem, sed & gratiam, & virtutes infusus consequantur; an characterem solum in ipso baptismo. Et cum ad ætatem adultam pervenerint, gratiam sanctificantem, & virtutes infusus obtineant. Videlicet D. Thomam 3. *parte quest. 69.* De suscipiendis olim disputatum est, utrum vivi pro mortuis baptizari possint. Hodie vero disputatur, utrum pueri infidelium baptizandi sint invicis parentibus: utrum in adulto, ut valide baptizetur; requiratur voluntas suscipiendi sacramentum, aliis affirmantibus, contentibus aliis posse baptismum valide suscipi cum actu opposito; aliis opinantibus requiri saltem quod non habeat dissensum, & sufficere si habeat se negative. Disputatur denique, an susceptio baptismi tantæ sit necessitatis, ut infantes in utero materno morientes salutem æternam consequi non possint fide & voto parentum, adhibito quodam signo exteriori, quo votum istud & fides illis applicetur.

6. Eodem argumentandi genere ostendi posset, baptismum apud hæreticos postremi seculi nullum esse sacramentum. Irrident enim ritum benedictionis & consecrationis aquæ, quem tamen ab ecclesia veteri usurpatum fuisse non inficiantur. Inter se vero non conveniunt. 1. circa materiam, quam Lutherus per vinum & lac, Beza vero per quemvis alium liquorem ait suppleri posse. Baptismus enim, aqua deficiente, per vinum & lac administrari posse docuit Lutherus in *Symposiacis colloquiis cap. 17.* & per quemvis alium liquorem, Beza in *epistola 2. ad Thomam Thibium.* 2. Circa formam; Calvinus enim *lib. 4. insti. cap. 15. §. 16.* requirit, ut quis baptizetur *In nomine Patris, & Filii, & Spiritus sancti.* Lutherus ait sufficere, si quis baptismum recipiat in nomine Domini. Brentius ait satis esse, si minister audita catechumeni professione, qua Trinitatem professus est, dicat: *In hanc confessionem intingo te in aquam, ut hoc signaculo certus sis te esse insertum Christo & vade in pace.* Zuinglius nullam certam formam requirit ad baptismi substantiam. 3. Circa ministrum baptismi, quem Calvinus, imminente licet mortis periculo, negat a laicis, mulieribus, & obstetricibus sine professione conferri posse; putat enim neminem privatum habere jus baptizandi, etiam in necessitate, sed solum ministrum publicum & ab ecclesia institutum ad sacramentorum dispensationem & verbi prædicationem. Calvino adhæret Beza; sed adversus utrumque non pauci reclamant, qui parvulos in necessitate domi baptizant. 4. Circa operationem ministri, quam, licet exterius ludricam & mimicam, satis esse docet Lutherus; Calvinus contra & Kemnitius actionem exterius seriam, requirunt. 5. Circa necessitatem baptismi, quem ad salutem assequendam necessarium esse negant Calvinus, Zuinglius, & alii; affirmant contra quicumque religionem Anglicanæ sequuntur: imo Philippus Melan-

Melancthon, Petrus Martyr, & Martinus Bucerus necessitatem baptismi tantam esse volunt, ut ab hæreticis peti possit, si aliter haberi non valeat. 6. Circa baptismi susceptionem, a qua remouent Anabaptistæ, ad quem vero admittunt Calvinistæ parvulos. 7. Circa effectum baptismi, quo Lutherus & Calvinus ajunt peccata remitti, non deleri; Kemnitius e contrario facit non solum remitti, sed & tolli ac deleri peccata, & solum restare reliquias quasdam peccati originalis.

7. Eodem modo posset quis alius argumentari, probaturus pariter eucharistiam non esse sacramentum, siue respiciat ad controverfias, quæ in scholis hæreticorum agitantur; siue ad eas, quæ nostras occupant.

Multiplex enim est controversia inter novatores istos, ac primum quidem de materia. Beza enim *epist. 1. ad Tilium*, & alii putant, deficientem pane & vino, licere in cœnæ administratione iis uti, quibus pro cibo & potu communiter utimur: cæteri adversantur. 2. De forma: Kemnitius enim in *examine cap. 1. & cap. 1. de eucharistia*, statuit non prece hominis, sed verbo institutionis sanctificare & consecrari eucharistiam; Scarpus in contrarium reclamationem de *sacra cœna*, *controv. 2. quæst. 4.* "Nos ergo, inquit, preces & totam institutionem, cum precibus ad consecrationem pertinere probamus." 3. de sensu horum verborum, *hoc est corpus meum*, quæ Lutherani de reali præsentia, Calvinistæ vero de figura interpretantur. 4. De ipso sensu figurativo. Lutherus enim in libro *quod verba cœnæ adhuc firmiter stent*, scribit decem ferme suo tempore fuisse Sacramentariorum opiniones. Prodiit etiam libellus anno 1577. in quo ducentæ numerantur hæreticorum vel expositiones, vel depravationes horum paucorum verborum. 5. De reali præsentia corporis Christi in eucharistia. Quæsit enim Lutherus, utrum in usu sita sit, an aliquid permanens: posteriore sententiam amplexus est in *epistola ad Valdenses*: ab ea vero recessit anno 1536. 6. Posito quod in usu sita sit, disputant in scholis suis Lutherani, an duratio ejus coarctetur ad durationem solius cæremoniæ, quæ fit in ecclesia; an extendatur ad tempus, quod subsequitur, & intra eundem diem includitur, aut protendatur ad bidduum vel triduum quo reservatur pro infirmis: aut etiam ad totum tempus, quo mittitur vel deferretur ad communicandum, quaecumque illud sit. 7. Disputant de concomitantia, quam docet Lutherus in *assertione articuli 16. & in respons. ad schedulam inhibitionis episcopi Misnensis*: impugnatur autem in *informatione ad quemdam amicum de communione sub utraque specie*: dissimulat vero velut quæstionem inanem in libro *ad Valdenses de eucharistia*, ubi ait quosdam se torquere inanibus quæstionibus, quomodo anima Christi & divinitas sit in eucharistia. Hinc Lutherani tripliciter divisi sunt. Quidam negant concomitantiam, ut Tillemannus Hefhusius in libro *de sexcentis erroribus pontificiorum*, titulo 17. errore 4. & 18. Hormanus Hamelmannus in libro *de communione sub utraque specie*, & Mathias Illyricus in libro *contra Sacramentarios*, pars 2. argu-

mentum

mento 25. & parte 3. in solutione 3. objectionis. Alii vero eam admittunt, ut Joannes Brentius in confessione Vittembergenſi, articulo de eucharistia, & Kemnitius in fine disputat. de utraque specie. Denique alii quæſtionem iſtam diſſimulant, ut Melancton in apologia art. 10. confessionis Auguſtanæ. 8. Inter ſe diſſident de communione ſub utraque ſpecie. Alteram enim ſpeciem luſtrare docuit Lutherus in reſponſione ad ſchedulam inhibitionis epiſcopi Miſnenſis, & initio libri de captivitate Babylonica: licet poſtea in eodem libro pro utraque ſpecie ſcripſerit. 9. De adoratione inter ſe diſſident ſeu Calviniſtæ, ſeu Lutherani. Calvinus enim libro 4. inſtit. cap. 17. catholicos, eſſi realem præſentiam agnoſcant, redarguit, quod Chriſtum in hoc ſacramento adorent. Cletitius e converſo in libro de victoria veritatis, & ruina papatus Saxoniæ, 3. parte, arg. 9. docet ex Lutheranorum ſententia, qui agnoſcunt in euchariftia verum Chriſti corpus, adorationem eſſe concedendam, & miniſtri Tigurini in apologia edita anno 1545. contra ultimam Lutheri confessionem, aperte fatentur, ſe cum catholicis fideliter adoraturos ſacramentum, ſi crederent ibi eſſe verum Domini corpus. Lutherani vero diſtinguunt de adoratione. Vel enim ſit adoratio in uſu cœnæ Domini, vel extra eam, ut cum deſertur euchariftia honoris gratia per plateas cum ſacibus & hymnis. Et quidem extra ulum omnes ſere clamant illam adorationem eſſe idololatriam. Unde Lutherus in lib. ad Valdenſes vehementer agit contra proceſſionem, quæ ſit in ſeſto corporis Chriſti: de adoratione autem in ulu non eodem modo loquuntur omnes. Alii enim eam damnant, etiamſi credant ibi eſſe corpus Chriſti, ut Lutherus in libro de euchariftia ad Valdenſes, Melancton in iudicio de cœna Domini, quod edidit anno 1559. & Mathias Illyricus in confessione Antuerpienſi. Alii vero eam admittunt, ut idem Lutherus in formula miſſæ, Bucerus in actis colloquii Ratiſbonenſis, Brentius in apologia pro confessione Vittembergenſi, Kemnitius in 2. parte examinis concilii Tridentini, ſeſſ. 13. can. 5. ubi ait nullum eſſe qui dubitet, an Chriſti corpus in cœna ſit adorandum, niſi qui cum Sacramentariis aut neget, aut dubitet in cœna vere Chriſtum eſſe præſentem.

In noſtris quoque ſcholis plurima ſunt diſſidia circa ſacramentum euchariftiæ. Et de materia quidem quærimus utrum, ex quolibet frumento, an ex ſolo tritico confici poſſit panis conſecrandus: utrum ad illum panem conſciendum aqua naturalis neceſſaria ſit, vel ſufficiat aqua roſacea, lac, aut alius ſimilis liquor, quod volunt Cajetanus & Viſtoria: item utrum maſſa triticea, cruda quidem, ſeu minime cocta, ſit materia ſufficiens conſecrationis: quod vult Major adverſus S. Thomam. Quæritur etiam, quo jure aqua vino admisceatur: & utrum tranſmutetur mediate vel immediate in Chriſti ſanguinem. 5. De forma ſimiliter controvertitur, eane ſita ſit in precibus eccleſiæ; an in verbis, quibus uſus eſt Chriſtus, & quibus. 4. Circa explicationem tranſubſtantiacionis pariter diviſi ſunt theologi; aliis poſt Scotum vo-

len-

lentibus esse actionem adductivam, quæ pro formali termino præsentiam corporis & sanguinis sub speciebus habeat: aliis esse actionem unitivam corporis & sanguinis cum accidentibus panis & vini: aliis esse actionem, quæ virtutem habet producendi corpus & sanguinem, si jam non existerent; quæ tamen ea non producit, quia jam existunt: aliis esse actionem conservativam corporis & sanguinis sub speciebus: aliis denique esse actionem reproductivam. 5. Circa adorationem eucharistiæ quæritur inter catholicos, utrum species conjunctæ sint objectum terminativum adorationis, an corpus duntaxat & sanguis Christi. 6. Circa communionem sub utraque specie controvertitur, utrum plus gratiæ sumentis utramque speciem conferatur ex opere operato, quam percipienti unicam: taceo controversias, quæ circa suscipientes, effectus, & ministrum agitantur. Ex quibus omnibus facile intelligitur argumentum Dallæi petatum ex nostris circa Confirmationem dissidiis æque valere contra baptismum & eucharistiæ.

OBJICIT 5. plures e scholasticis asseruisse Confirmationem non fuisse a Christo institutam.

RESPONDEO nullum esse, qui non dixerit illam a Christo immediate vel mediate institutam esse, quique negaverit illam esse sacramentum proprie dictum.

QUÆSTIO SECUNDA.

De Materia sacramenti Confirmationis.

ARTICULUS PRIMUS.

De erroribus circa Materiam.

WALDENSES, Wicleffitæ, & Hussitæ, de quibus *supra quest. 1. art. 1. sect. 2. 3. & 4.* chrismatis benedictionem ejusque usum improbabant. Quid vero Lutherani & Calvinistæ senserint, fusius inquirendum est.

SECTIO PRIMA.

Lutherani.

KEMNITIUS *in examine concilii Trid.* Lutheranorum mentem explicat propositionibus quæ sequuntur. I. est, materia Confirmationis nullum in scripturis habet fundamentum. II. Pontificii in sua Confirmatione

matione non adhibent manuum impositionem, quæ tamen a veteribus usurpata, adhuc in usu erat ætate Hieronymi & Augustini. III. Si Pontificii in Confirmatione vel ignem adhiberent, vel manuum impositionem retinerent, quædam esset externa convenientiæ species, licet conjuncta *κακοῦνλίστα* quia destitueretur mandato Dei. IV. Divinitus factum est, quod in Pontificia Confirmatione manuum impositio non est retenta, sed chrismatio substituta est; ut ecclesia, animadversa palpabili differentia inter impositionem manuum & chrismationem in fronte, non tam facile seduci posset allegatione historiæ, quæ in actis apostolorum *cap. 1. 8. & 19.* refertur. V. Ex probatis veterum scriptis de mixtione balsami nihil proferri potest. Nativum balsamum jam defecisse constat. Factitium vero balsamum nativi locum non potest magis implere, quam aqua factitia possit esse materia baptismi. IV. Consecratio chrismatis est incantatio, cujus ne ulla quidem syllaba continetur in scripturis. VII. Halitum Pontificis in chrisma non tantum esse quid ridiculum, sed magicum, superstitiosum, & blasphemum.

S E C T I O II.

Calviniste.

Calvinus *lib. 4. institut. cap. 19. §. 6.* docet 1. manuum impositionem non esse modo adhibendam cum gratiæ visibiles Spiritus sancti jam defierint. 2. Ait §. 7. manuum impositionem, quæ nunc adhibetur, esse "vacuum & frigidum signum, mimice tantum & sine re" effectum: "eamque nihil habere simile cum ea, quam apostoli usurpabant" præter nescio quam præposteram *κακοῦνλίστα*. 3. Ait §. 7. chrismationem neque esse a Christo, neque ab apostolis: sed illos, qui oleum vocant oleum salutis, salutem, quæ in Christo est, abjurare. "Hoc, inquit, non a me, sed a Domino audacter pronuntio, qui oleum vocant oleum salutis, salutem quæ in Christo est abjurant, Christum abnegant, partem in regno Dei non habent." Quo fit ut §. 8. Confirmationem definierit, "insignem baptismi contumeliam, quæ usum ipsius obscurat, imo abolet: falsam diaboli pollicitationem, quæ nos a veritate Dei abstrahit: aut si navis, oleum diaboli mendacio pollutum, quod velut offusis tenebris, simplicium mentes fallit. 4. Chrismatis consecrationem appellat §. 10. pinguedinem foetore anhelitus inquinatam & verborum murmure incantatam. Denique in *antidoto canonis 2. sess. 7. de Confirmat.* sic habet: "Quæstio est, an ab hominum arbitrio novam & arcanam Spiritus virtutem oleum accipiat, simul atque illis placuerit vocari chrisma? Olei enim qui faciat mentionem, nemo est ex veteribus, imo nec ex media illa ætate, quæ vitiis multis abundabat.

S E C T I O III.

Antonius de Dominis & Dalleus.

Antonius de Dominis, *lib. 5. de republica ecclesiast. cap. 5. num. 16.* scribit Confirmationem non habere certam, fixam, & firmam rem sensibilem, quam nostri vocant materiam sacramenti. Sola enim manuum impositio aliquando adhibita est, aliquando chrismatis unctio: eaque modo in vertice capitis, modo in fronte, modo in omnibus membris & toto corpore, modo puro oleo, modo oleo & balsamo, modo odoriferis unguentis absque oleo.

Dallæi vero doctrina potest ad hæc capita revocari. Primum est, manuum impositio non est materia Confirmationis, nec ullius sacramenti esse potest, *ex lib. 1. de Confirmat. cap. ultimo.* II. Impositio manuum & unctio fuerunt baptismi cæremoniz post annum Domini 160. inventæ, & usurpari cœptæ, *ex lib. 2. cap. 3.* III. Hæc unctio ex oleo simplici facta est, ad quintum usque seculum, *ex lib. 2. cap. 11.* IV. Post quarti seculi initia oleo balsamum addi placuit ex Mosaico typo, quod hujusmodi unguentum significandæ regiz ac sacerdotali dignitati (in quam per baptismum inaugurentur credentes) aptius quam simplex oleum videretur, *ex lib. 2. c. 11.* V. Mixta hæc atque ex duabus speciebus distinctis, oleo & balsamo, concreta materia, magna prius pompa ab episcopo ad hunc usum dedicata, multiplici tum prece, tum signaculo, denique & salutatione inaugurata, peregrinum quidpiam est, atque in religione christiana inusitatum, *ex lib. 1. c. 2.* VI. Cum Christus eas res adhibuerit in materia sacramentorum, quæ fere ubique sunt obvix & facile a quibuscvis comparari possunt, balsamum, quod rarum est in rerum natura, & ingentis pretii, & exigui in vita communi usus, materia Confirmationis dici non potest, *ibidem.* VII. Cum ante annos 300 Aureolo teste in 4. *dist. 7. quest. 1.* nondum esset constitutum, in quo sita sit materia Confirmationis, alienum censeretur debet a ratione sacramenti novæ legis, de cujus materia, adeoque essentia mille & trecentis post Christum annis non constituit, *ex lib. 1. cap. 3.*

S E C T I O IV.

Armeni.

Theologi vulgo referunt, ex Gregorio VII. Armenos definente seculo undecimo chrisma ex butyro confecisse. Verum Gregorius VII. *lib. 8. epist. 1. ad Synnad. archiep.* anno 1080. illum dumtaxat consultit, utrum quod ipse audiverat, verum sit, "quod Armenorum eccle-

„ eleſia contra morem ſanctæ eccleſiæ Synnadenſis, non ex ballamo
 „ ſanctum chriſma, ſed ex butyro conficiat. “ Licet enim Joannes pres-
 „ byter, ejuſdem archiepiſcopi legatus ad Gregorium VII. coram ipſo
 „ negaviſſet hæc eſſe vera, Pontifex tamen certior fieri voluit.

Theorianus in *dialogo*, quem a Manuele Comneno ad Armenorum
 generalem, ſeu principem miſſus, ut eorum errores corrigeret, cum ipſo
 habuit anno 1170. hoc inſer alia redarguit, quod Armeni, “ Ex
 „ iis oleis olerum, quæ Græci *οιτραμωρ* vocant, unguentum ſacrum
 „ conficerent, non ex olivarum arboribus. “ Cumque generalis reſ-
 „ pondiſſet, “ Cauſam rei hanc eſſe, quod in Armeniana regione non
 „ ſunt oliveta propter aeris frigus. Itaque neceſſe eſſe, ut oleum il-
 „ lud, quod in ipſa regione reperitur, ad uſum unguenti adhiberetur.
 „ Sicut vinum quodlibet ſanguinis Chriſti materia eſt, ſive nigrum,
 „ ſive rubrum, ſive album fuerit. “ Reſpondit Theorianus, “ Exem-
 „ plum hoc ad ipſam rem nihil pertinere: non enim, inquit, de co-
 „ loribus nobis eſt quaſtio, ſed de materia, ſeu ſubjecto. Noſti enim
 „ ex diverſis arboribus vinum fieri. Nam ex pomis & ceraſis, & aliis
 „ fructibus & herbis quoque conficitur; ſed ad hoc ſacrificium non
 „ adhibetur niſi dumtaxat ex vite factum: ſic & de oleo, ſit ex
 „ lauro, junco odorato & aliis: ſed ſanctis Patribus oleum olivæ cæ-
 „ teris eſt prælatum.

ARTICULUS II

Quid docet fides catholica.

Materia Confirmationis conſiſtit in manuum impoſitione, vel in
 unctiōe chriſmatis, vel in utroque ſimul. De manuū im-
 poſitione nihil definiit concilium Tridentinum; de chriſmate autem ſic
 habet ſeſſ. 7. can. 2. de *Confirm.* “ Si quis dixerit injurioſos eſſe Spiri-
 „ tui ſancto eos, qui ſacro Confirmationis chriſmatis virtutem aliquam
 „ tribuunt, anathema ſit.

Quæ quidem definitio probata manet ex auctoribus tota quaſtione 1.
 citatis. Chriſma enim, quo baptizatus inungitur, a Dionyſio Areopa-
 gita vocatur *divinitus ſacratum oleum, & conſummans unctio, quæ divini*
Spiritus illapſum elargitur. A Theophilo Antiocheno *oleum Dei & oleum*
divinum. A Tertulliano, *unctio, qua caro ungitur, ut anima confeſcretur:*
benedicta unctio, qua egreſſi de lavacro perungimur. Unctio, quæ in nobis
 carnaliter currit, ſed ſpiritualiter proſicit: *oleum Creatoris, quo Chriſtus ſuos*
ungit; ſicut & baptiſmus dicitur *aqua Creatoris, qua Chriſtus ſuos abluit*
 A Cornelio *ſignaculum ſine quo Spiritus accipi non poteſt.* Signaculum ebrif-
 matis ſine quo nec Spiritum ſanctum poterit quis unquam promereri. A Cy-
 priano, *unctio ſpiritualis.* Unctio qua neophytus eſt unctus Dei, & habet
 ſe ſe gratiam Chriſti. Oleum, quod ſicut & euchariftia in altari ſanctifica-
 tur.

Wiſſæ de Confirmatione.

Q

tur.

myr. A concilio Laodiceno, *sanctum cbrisma*, *cbrisma supercaeleste*, & *cbrisma ecclesie*, quo regni Christi participes efficimur. Ab Optato, *sacro-sanctum cbrisma*, cujus venerati sunt angeli sanctitatem, eamque Deus miraculo testatus est: *liquor*, qui ex nomine Christi conditur: quod *cbrisma*, postquam ex nomine Christi conditum est, nominatur. Oleum, quod conficitur in nomine Christi. Oleum, quod suavitatem ex nomine Christi accipit. Oleum, quod suavitate nominis Christi, aurem conscientie molliat, exclusa duritie peccatorum, animum innovat lenem, sedem Spiritui sancto parat &c. Oleum, cujus prophanatio est peccatum, quod non habet indulgentiam: quia peccatum est in spiritum sanctum, quod non remittitur, nec hic, nec in futuro seculo. A concilio II. œcumenico, *sanctum cbrisma*, & *signaculum doni Spiritus sancti*. A Paciano, *sancti Spiritus unguentum*. *Chrisma*, cujus conficiendi potestas a Christo descendit: *cbrismatis sacramentum*, quo Spiritus sanctus superfunditur. A Cyrillo Hierosolymitano, *sanctum unguentum*, quod non amplius est unguentum nudum, posteaquam consecratum est, sed *cbrisma Christi*, quod adventu Spiritus sancti per ipsius divinitatem energiam habet. A Basilio magno, *oleum unctionis*, cujus consecratio emanat a tacita secretaque traditione. Ab Ambrosio, *unctio per quam Christus dat Spiritum sanctum*, & qua Deus ipse nos ungit in vitam æternam. Ab Innocentio I. *cbrisma ab episcopo consecratum*, quo soli episcopi frontem signant, cum tradunt Spiritum paracletum. Ab Augustino, *signum Christi*, *sacramentum Dei*, *oleum Christi*, *oleum Dei*, *oleum salutaris*, non autem *oleum hominis seu peccatoris*. Oleum denique, quod Spiritus sancti est sacramentum, & quo significatur ignis, sub cujus figura Spiritus sanctus die Pentecostes descendit. A Paulino Nolano, *materia signaculi spiritualis*. A Cyrillo Alexandrino, *oleum*, cujus usus iis, qui per sacram baptismi in Christo jam iustificati sunt, confert ad consummationem. A Leone magno, *cbrisma salutis*, & *signaculum vite æternæ*. A Theodoro, *spiritualis unguenti cbrisma*, quod est velut *sigillum regum*: & *unguentum*, quo tanquam in typo neophyti recipiunt gratiam invisibilem sanctissimi Spiritus. Ab Avito Viennensi, *sacra unctio*, & *salutaris galea*, quam neophytus induit, ut paratus sit ad pugnam. A Primasio, *unctio*, qua ungit nos Deus Spiritus sancto, & per quam plenissime creditur accipi donum Spiritus sancti. A Gregorio Turonensi, *sacrum cbrisma*. A Gregorio magno, *cbrisma*, quo dona sancti Spiritus exprimuntur. Ab Isidoro Hispalensi, *caeleste mysticum unguentum*, quo omnis ecclesia consecratur: & *cbrisma*, quo homo post lavacrum sanctificatur. Nam sicut in baptismo peccatorum remissio datur: ita per unctionem sanctificatio Spiritus adhibetur. A Maximo martyre, *unguentum*, quod neophytos maxime divinos efficit: *divinum unguentum* quod omnia perficit, & *eximium unguentum*, quo Spiritus sanctus significatur, sicut baptismate Christi mors exhibetur. A Beda, *altissimum sancti Spiritus cbrisma*: *cbrisma*, quo frontem soli Pontifices signant, cum tradunt Spiritum paracletum baptizatis: *unctio visibilis*, qua sacramentum est unctionis invisibilis seu ipsius Spiritus sancti: & *unctio sacri cbrismatis*, per

per quam gratia Spiritus sancti signamur. A Theodulpho Aurelianensi, cbrismatis unctio, per quam baptizatis septiformis gratia Spiritus conceditur. Ab auctore operum cardinalium, quæ extant inter opera Cypriani, unctio divinitus instituta, & unguentum, quod ad sanctificationem paratur. Ab Aponio, sacri cbrismatis oleum; per quod Spiritus sanctus infunditur. A Luca, invisibilis Spiritus sancti unguentum, per quod episcopi infundunt credentibus spiritalia opera pietatis. A Palschasio Ratberto unum e sacramentis Christi. A Rabano, sanctum cbrisma. Cbrisma, per quod Spiritus sanctus sua virtutis admixtione sanctificat credentes. Cbrismatis unctio, per quam eisdem Spiritus sancti septiformis gratia cum omni plenitudine sanctitatis & scientiæ & veritatis, venire in hominem declaratur. Sacrum cbrisma, per quod gratia Spiritus sancti tribuitur, & per quod homo post lavacrum sanctificatur. Nam sicut in baptismo peccatorum remissio datur ad veniam; ita per unctiorem sanctificatio Spiritus adhibetur ad gloriam. Ab Amalario, unctio per quam traditur Spiritus sanctus paracletus baptizatis. A Ratramno, cbrisma sanctum, unctio frontis ex cbrismate, per quam Spiritus sancti gratia ab episcopo donatur. A Joanne VIII. salus & perfectio vera totius christianitatis. A Petro Damiani, sacri cbrismatis unctio, per quam Spiritus sanctus datur ad pugnam, & virtutibus premunimur. Ab Yvone Carnuteni, unctio Pontificalis, per quam fideles Spiritum sanctum accipiunt. A Goffrido Vindocinensi, unctio qua uncti sunt apostoli, qui antequam hac unctione ungerentur, & Spiritu sancto confirmarentur, nondum perfecti erant, adhuc timebant &c. A Simeone Thessalonicensi, unguenti effusio per quam Christus gratiam nobis impertitur, & vivificam Spiritus gratiam elargitur. A Bernardo, sacra unctio, qua puerum mente captum Malchus episcopus inter confirmandum sanavit. A Ruperto, unctio cbrismatis, qua omnis ecclesia (id est quilibet fidelis) consecratur: cbrisma, quod Spiritus sancti signum est, cuius & virtutem continet: cbrisma, per quod Spiritui sancto complacuit nobis dare gratiam. Si quidem Spiritus sanctus, qui propter nos idcirco agit visibilia, quo per hæc facilius capere queamus invisibilia, per hoc simile suam nobis suavem & odoriferam infundit gratiam. A Stephano Eduensi, olei unctio, qua figuratur operatio divina misericordia. Ab Algero, sacramentum, quod solus Dei creditur esse. Ab Honorio Augustodunensi, cbrisma per quod fideles a Christo christiani, id est uncti denominantur, & coheredes regni ejus assignantur: quo tanquam templa Deo dedicantur: per quod ad regnum Dei confirmantur: per quod regno Christi donantur: per quod Spiritus sanctus designatur: quod manuum impositioni apostolorum, eis tamen tradentibus, successit.

Kemnitius igitur impie dixit, consecrationem chrismatis esse incantationem. Calvinus etiam temere ac impie asseruit 1. chrisma esse insignem baptismi contumeliam, falsam diaboli pollicitationem, oleum diaboli mendacio pollutum: 2. chrisma consecratum esse pinguedinem fatore anbelius inquinatam, & verborum murmure incantatam: 3. illos, qui oleum vocant oleum salutis, salutem, quæ in Christo est abjurare, Cbristum ab-

negare, partem in regno Dei non habere: 4. olei qui faciat mentionem, neminem esse ex veteribus, imo nec ex media illa aetate, qua vitiiis multis abundabat.

Utrum vero sit de fide, chrisma esse materiam Confirmationis, affirmant multi theologi. "Extra controversiam est, inquit Gregorius de Valentia in 4. parte 3. disp. 5. qu. 1. punct. 2. de substantia materiarum Confirmationis esse unctionem aliquam, sic plane, ut erronea jam reputetur opinio, quam Aureolus apud Marfilium indicat fuisse quorundam canonistarum, quibus videbatur sacramentum hoc etiam sine ulla unctione ministrari: quod esse plane erroneum & hæreticum recte ostendit Sotus, qui etiam dubitat, an ulli omnino extent jam canonistæ, qui id senserint. "Suarez etiam in 3. partem, quest. 72. art. 4. disp. 33. sect. 1. "Dicendum est, inquit, chrisma esse materiam simpliciter necessariam ad essentiam & substantiam hujus sacramenti conficiendam. Hæc assertio nunc est de fide. "Bellarminus lib. de Confirm. cap. 8. prop. 1. "Chrisma, sive unctio, materia est sacramenti Confirmationis. Hæc certissima est catholicis ex concilio Florentino in instructione Armenorum & concilio Tridentino sess. 7. can. 2. de Confirmatione. Probatur ex communi consensu Pontificum, conciliorum, & Patrum Græcorum & Latinorum. "Et cap. 9. resp. ad 2. object. Kemniti, "Institutionem chrismatis dicimus haberi ex traditione non scripta, & tamen certissima; & cui fides habenda est, ut ipsi verbo scripto, ut ibidem scribit Basilii, libro vi. deliet de Spiritu sancto, cap. 27. "Vincentius Fillucius collegii Romani professor tractatu 3. cap. 1. nu. 9. "Quod chrisma sit materia simpliciter necessaria, si sumatur pro quacunque unctione, est de fide. "Ægidius Coninx, quest. 72. de Confirmat. articul. 3. dub. 1. conc. 1. "Materia remota essentialis hujus sacramenti est chrisma. Ita expresse Florentinum in decreto de Armenis; quare videtur de fide, nec eam jam ullus catholicus negat. "Adamus Tannerus tomo 4. disput. 4. quest. 4. dub. 1. ait hoc "esse extra controversiam & de fide.

His accedit Franciscus Sylvius in 3. partem, qu. 72. art. 2. "Materiam Confirmationis esse chrisma, doctrina est fidei definitæ in concilio Florentino & Tridentino. "Idem ajunt communiter Thomistæ & Scotistæ. Idem Petrus Aurelius in anaretico adversus primum Sirmundi antirrbeticum, & in orthodoxo adversus secundum ejusdem Sirmundi antirrbeticum. Quod utrumque opus a clero Gallicano approbatum, & ejus auctoritate ac sumptibus editum est, una cum cæteris ejusdem Aurelii operibus anno 1646.

Sed reclamant canonistæ, & nonnulli theologi, qui materiam essentialem Confirmationis in sola manuum impositione constituunt.

Auctores prioris sententiæ objiciunt 1. concilium Florentinum in decreto Armenorum, ubi sic habetur. "Secundum sacramentum est Confirmatio

ratio, ejus materia est chrisma ex oleo, & balsamo per episcopum benedictis. " Verum ex auctoribus posterioris opinionis respondent aliqui, ut Sirmondus, hoc decretum post absolutam synodum Florentinam, factum fuisse. Alii respondent, quod respondent Martinus Becanus de materia ordinis, 3. parte, tract. 2. cap. 26. qu. 4. scilicet Eugenium in suo decreto loqui dumtaxat de materia accidentali, & ab ecclesia instituta, non autem substantiali. Alii respondent in eodem Eugenii decreto asseri, actus poenitentis esse materiam poenitentiae, & sub iis comprehendi satisfactionem, quae tamen non est de essentia sacramenti. Quidquid igitur in hoc decreto assignatur pro materia sacramenti, non est materia essentialis. Alii ajunt Eugenium de materia Confirmationis eodem modo locutum esse, quo inferius de materia ordinis, quam declaravit esse porrectionem instrumentorum. Hæc vero non est materia ordinationi essentialis secundum cardinalem Hosium, Joannem Morinum, aliosque plures theologos, qui post Eugenii tempora floruerunt. Alii denique respondent in ipsismet verbis objectis asseri materiam Confirmationis esse chrisma confectum ex oleo & balsamo per episcopum benedicto: quamvis post illud decretum theologi quidam, ut Melchior Canus, docuerint unctionem Confirmationi essentialem posse fieri vel solo oleo olivarum, vel solo balsamo: alii vero ut Cajetanus, solum oleum esse materiam essentialem, mixtionem autem balsami solum esse materiam necessitate præcepti: alii, ut Estius, benedictionem esse dumtaxat necessariam necessitæ præcepti existimaverint.

OBJICIUNT 2. hæc verba synodi Tridentinæ sess. 7. can. 2. de Confirmatione: " Si quis dixerit injuriosos esse Spiritui sancto, qui sacro Confirmationis chrismati virtutem aliquam tribuunt, anathema sit. " Chrisma igitur virtutem aliquam habet. Sed nullam haberet, nisi materia essentialis esset.

Verum nihil in hoc canone definitur circa materiam Confirmationi essentialem, aut circa quæstiones apud theologos controversas. Sola ibi definitur controversia, qua Lutherani, Calvinistæ, alique id genus hæretici dissidebant ab omnibus catholicis, scilicet, utrum injuriosi sunt Spiritui sancto, qui virtutem aliquam chrismati tribuunt; non autem, utrum chrisma re ipsa virtutem aliquam habeat. Quamvis enim orthodoxi postremo seculo inter se disputarent, utrum materia Confirmationis in chrismate sita sit necne, in eo tamen omnes conveniebant eos, qui materiam Confirmationis in chrismate reponunt, eique virtutem aliquam tribuunt, non esse injuriosos Spiritui sancto. Quod autem apud theologos certum erat, definivit synodus; quod vero incertum erat, indefinitum reliquit.

ARTICULUS III.

*De controversiis orthodoxorum circa materiam
Confirmationis.*

VARIÆ sunt theologorum & canonistarum opiniones, quæ omnes ad tres præcipuas revocari possunt, quarum una materiam huic sacramento essentialem constituit in sola manuum impositione, ita Burchardus, aliique veteres canonistæ: e theologis vero antiquis Petrus Aureolus, cardinalis & archiepiscopus Aquensis, qui initio seculi XIV. floruit, *lib. 4. sent. dist. 7. quest. 1.* & ex recentioribus Isaac Habertus, Vabrensis episcopus, in *notis ad euchologium Græcorum*; Jacobus Sirmondus in *utroque antirrethico*, Matthæus Galeus, *catech. 11^æ. pag. 376.* Nicolaus Rigaltius, in *notis ad epistolam 59. Cypriani*, D. de Sainte-beuve, in *tractatu de Confirm.* jam sæpius laudato & alii; eamque opinionem veram esse Petavius supponit *lib. 2. de eccles. hierarch. cap. 6. num. 12.* Secunda statuit in sola unctione chrismatis: ita S. Thomas, Durandus, Sotus, Petrus de Alliaco & communiter theologi; quibus favet Honorius Augustodunensis. Tertia in utraque simul; ita Guillelmus Arvernus episcopus Parisiensis, Thomas Waldensis, Bellarminus, Maldonatus, Yzambertus, Petrus Aurelius, Joannes Cabassutius, & Petrus de Marca.

S E C T I O I.

Explicatur prima opinio.

QUI primam opinionem sequuntur, non excludunt unctionem, sed eam admittunt, tanquam a Christo, vel ab apostolis, vel ab ecclesia institutam ad majorem significationem effectus sacramentalis. Hanc vero sententiam pluribus modis tuentur; nonnulli enim, ut Sirmondus, per impositionem manuum, eam intelligunt, quæ ab unctione chrismatis sejungitur: alii eam, quæ unctioni fronti necessario conjugitur, & in ea continetur; qui enim frontem ungit, capiti manuum statim imponit; alii alterutram. Dissident etiam circa unctionem; aliqui enim ajunt eam esse conditionem, sine qua non, quo fere modo theologi vulgo docent solemnitatem esse conditionem, sine qua matrimonium irritum esset: alii partem accidentalem: alii partem integrantem, quæ sit de substantia, non autem de essentia sacramenti, minime tamen necessariam. "Aliquid enim, inquit Aureolus, potest esse dupliciter de substantia alterius, uno modo de necessitate, intrinsece, quo corrupto, aliud necesse est corrumpi: alio modo quoad bene esse, quo corrupto non necesse est totum corrumpi, li-

„ cet

„cet removeat imperfectum : primo modo , cor est de substantia hominis , secundo modo manus . “ Denique dissident circa institutionem hujus unctionis ; alii enim institutam volunt a Christo , alii ab apostolis , alii ab ecclesia .

Quidam recentiores theologi in scriptis suis ajunt , unctionem frontis ab ecclesia quidem institutam , eam tamen modo conditionem esse necessariam ad valorem sacramenti .

Aureolus ait , “ Chrisma esse de substantia hujus sacramenti tantum , secundo modo , sicut manus est de substantia hominis . Nam sicut homo carens manu est quidem homo , tamen non integer ; sic in Confirmatione , si non adhibeatur chrisma , est quidem sacramentum , non tamen integrum ; ideo ad integritatem sacramenti oportet , quod suppleatur chrisma . Quod bene videtur Innocentius sentire in illa decretali , *veniet* , ubi ponitur casus de episcopo , super cujus caput non erat positum chrisma , & dicit ibi Innocentius papa , quod erat reungendus . “ Paucis vero interjectis subjicit , “ Magis esse verisimile , quod fuerit institutum a Christo , vel apostolis , quam a posterioribus conciliis , sicut expresse haberi potest a Dionysio *cap. 4. de eccles. hierarch.* ubi dicit : duces nostri hoc docuerunt nos , & tradiderunt verbis .

Sirmondus contra vult unctionem frontis esse partem duntaxat accidentalem , nec a Christo , nec ab apostolis , sed ab ecclesia postmodum institutam , eamque , ut Confirmationis sacramentum valeat , minime necessariam esse . Hinc ille docet 1. sine chrismatione illa administratum pluribus olim seculis vulgo a sanctis Patribus Confirmationis sacramentum sola manuum impositione , *ex antirrhetico 2. pag. 19. 26. & 46. 2.* Frontis unctionem , quæ in Confirmatione fit , ad baptismi cæremonias olim pertinuisse , *ibid. pag. 26. & 76. 3.* Eam chrismationem sacramento Confirmationis ab ecclesia annexam fuisse ornatus solemniorisque pompæ gratia , *ibid. pag. 63. 4.* In ea chrismatione situm non esse sacramentum Confirmationis , sed in sola manuum impositione , *ibid. pag. 42. 45. & 46. & in antirrhetico 1. pag. 69. & 70. 5.* Ea chrismatione non tribui Spiritum sanctum , sed sola manuum impositione , *ibid. pag. 23. 55. 56. & 58. 6.* Confirmationis sacramentum sine chrismate consistere posse , more antiquo , *ibid. pag. 72. 7.* In Confirmatione Spiritum sanctum manuum impositione etiam nunc dari , more antiquo , id est , sola manuum impositione , non chrismate ; quemadmodum olim factum censet , *ibid. pag. 71. & 75. 8.* Græcos , quia una manus impositione carebant , tamen chrismationem haberent , Confirmationis sacramentum non habuisse . Quod ille Guidonis Carmelitarum nomine asserit , *ibid. pag. 51. 9.* Pervicacem tergiversationem , cavillationemque esse , quod omnes theologi docent , sanctos Patres , dum manus impositionem nominant , non excludere chrismatis unctionem ; sicut dum chrisma memorant , non excludere manus impositionem , *ibid.*

pag. 46. & 49. 10. Nihil fingi posse absurdius, ridiculum denique somnium esse dicere, ungendo manum imponi & manus impositionem in unctione ipsa inesse, *ibid.* pag. 58. & 39. 11. Quodvis sacramentum deberi totum divinæ auctoritati, eosque ariolari, qui partem ejus aliquam ab ecclesia institutam dicunt. Unde liquet, chrisma, quod ipse ab ecclesia institutum censet, vere ab eo non haberi Confirmationis partem, *ibid.* pag. 74. 12. Formam, qua ecclesia utitur in hoc sacramento, *signo te signo*, &c. non videri antiquissimam *ibid.* pag. 64. 13. Formam illam, si propius inspicatur, nihil habere, quod Spiritus sancti donationem significet, *ibid.* pag. 65. 14. Forma illa Spiritum sanctum conferri non posse, quod enunciationis absolutæ, non orationis speciem præferat; Cyprianus autem & Augustinus testentur, Spiritum sanctum per episcopi orationem, & manus impositionem dari, *ibidem*, pag. 65.

Cæterum argumenta, quibus hæc prima opinio inniti potest, hæc sunt.

1. Quia nihil nos cogit admittere chrismatis unctionem esse materiam Confirmationis essentialem. Non scriptura sacra, quæ de illius quidem meminit. Non traditio, quia hæc solummodo nos docet unctionem semper usurpatam fuisse, ex quo neophyti ab ecclesia chrismari cœperunt: sed illa minime docet, quo tempore inungi cœperint. Deinde potest hæc unctio admitti tanquam necessaria necessitate præcepti divini vel ecclesiastici, & non admitti tanquam necessaria necessitate sacramenti. Non cogit etiam Eugenii IV. decretum pro instructione Armenorum, sive quia non distinguit inter materiam essentialem & integram, substantialem & accidentalem. Hæc enim sunt Eugenii verba: "Cujus materia est chrisma confectum ex oleo & balsamo per episcopum benedictum." Quibus verbis inferri nequit materia essentialis Confirmationis, nisi pari jure statuatur, quod admixtio balsami, & benedictio chrismatis ad ejus essentialitatem requirantur. Et tamen plerique theologi propugnant hæc duo non esse de necessitate sacramenti, sive quia Eugenius de materia Confirmationis ibi pronuntiavit eodem modo, quo inferius de materia ordinis, quam declaravit esse porrektionem instrumentorum. Hæc vero materia non est essentialis secundum Martinum Becanum, 3. par. quæst. 4. cap. 26. de sacramento ordinis, & plures theologos, qui post Eugenii tempora floruerunt. Non etiam cogit synodus Tridentina, quæ sess. 7. can. 2. anathema dicit asserentibus, "injuriosos esse Spiritui sancto, qui sacro Confirmationis chrismati virtutem aliquam tribuunt." Verum enim hujusce canonis sensum exposuimus *supra*, art. 2. pag. 245. & 246. Non cogit denique multitudo theologorum, qui unctionem esse materiam essentialem & adæquatam existimaverunt. Nec enim eorum opinio majoris est momenti, quam fundamenta, quibus innititur. Hæc autem vel certa, vel falsa sunt; cujusmodi sunt epistolæ Fabiani, & Melchiadis: vel falsum

sup-

supponunt, ut cum adversarii supponentes quidquid in Eugenii decreto continetur, pertinere ad fidem, inde concludunt esse de fide, chrismatis unctionem esse materiam Confirmationis: vel nihil faciunt ad institutam quaestionem, ut auctoritas concilii Tridentini, quod ne controversiam quidem attingit. Testimonium vero libri *de ecclesiastica hierarchia*, non est ejus auctoritatis, ut aliquid de fide possit efficere. Verbo dicam, ut aliquid sit de fide, debet esse clare, & aperte expressum in scriptura, aut in traditione, atque ab ecclesia definitum. Sed nihil tale dici potest de chrismatis unctione. Denique si Cajetano & Dominico Soto licuit contra communem theologorum sententiam sui temporis docere, balsamum non esse necessarium necessitate sacramenti, quia, ut ait Soto in 4. *dist. 7. art. 2.* "Contrarium non est hactenus ab ecclesia tanquam catholicum definitum: " Licebit pari ratione contra communem eorumdem theologorum opinionem docere chrisma non esse necessarium necessitate sacramenti.

2. Quia ex concilio Moguntino, anno 1569. *cap. 17.* "Hoc sacramentum ab initio sola manus impositione exhibitum, mox sub ipsis temporibus apostolorum, ex eorumdem traditione, adhibita chrismatis unctione cepit conferri. " Si sola manuum impositione ab initio collatum fuit; quod igitur huic manuum impositioni additum fuit, ad materiam accidentalem pertineat necesse est.

3. Quia essentiali materiae sua forma correspondere debet. Atqui obtinuit per multum temporis in ecclesia Romana ut fideles in Confirmatione ungerentur, quin forma quaedam unctioni congruens adhiberetur. Nulla enim refertur in sacramentario Gregoriano. In ordine autem Romano forma quidem praescribitur, sed quae unctioni minime consentiat, *In nomine Patris & Filii & Spiritus sancti*: sicut ex Amalario planum est, & ex libro *de divinis officiis*, qui Alcuini nomine circumfertur.

4. Quia materia sacramenti Confirmationis, quae essentialis est, ejusdem est speciei in utraque ecclesia. Sed unctio, quam Orientales adhibent, speciem differt ab unctione Occidentalium. Graeci enim suum chrisma componunt ex triginta quidem speciebus aromatum, seu fragrantium herbarum, cum oleo, & non modica vini quantitate, iisque omnibus simul concoctis. Occidentales vero suum chrisma conficiunt ex oleo tantum & balsamo, iisque minime coctis.

5. Qui materiam essentialem & adequatam Confirmationis in sola chrismatione constituunt, vix probabunt Calvinistis & Lutheranis, Confirmationem esse sacramentum novae legis: quod tamen ex apostolorum actis invictissime probant, quicumque manuum impositionem Confirmationi essentialem esse docent. "Laborant, inquit Sirmundus, in explicanda Confirmationis origine theologi, si chrisma fecernas, & hanc in manuum impositione colloques; quam a Christo didicerint apostoli, nulla erit dubitatio, nec opus erit sacramenti, quod totum
,, divi-

„divinæ auctoritati debetur, partem aliquam ab ecclesia institutam
 „augurari.

S E C T I O I I.

Explicatur secunda opinio.

Qui vero secundam opinionem amplectuntur, quinque, ut eam propugnent, vias incunt, quarum tres priores supponunt, materiam hujus sacramenti in sola chrismatis unctione semper constitutam fuisse: duæ vero posteriores eam constituisse, primum quidem in manuum impositione, deinde vero in chrismatis unctione.

Quidam enim cum sancto Thoma 3. par. *quest. 72. artic. 2. ad 1.* dicunt “Christum ex potestate excellentiæ, quam habet in sacramentis, contulisse apostolis rem hujus sacramenti, id est, plenitudinem Spiritus sancti sine sacramento.” “Quod etiam præstiterunt apostoli, quando “ad impositionem manus eorum, & etiam ad eorum prædicationem, descendebat plenitudo Spiritus sancti super fideles sub visibilibus signis. . . . Et ideo non erat necessaria sensibilis materia sacramentalis, ubi sensibilia signa miraculose exhibebantur divinitus. Utebantur tamen apostoli communiter chrismate in exhibitione sacramenti, quando hujusmodi visibilia signa non exhibebantur: dicit enim Dionysius *initio capitis 4. ecclesiasticæ hierarchie*: Est quædam perfectiva operatio, quam duces nostri (id est apostoli) chrismatis hostiam nominant.” “Et *art. 4. ad 1.* “Per ministerium apostolorum quandoque dabatur effectus hujus sacramenti, scilicet plenitudo Spiritus sancti, quibusdam visibilibus signis miraculose a Deo effectis, qui potest effectum sacramenti sine sacramento conferre. Et tunc non erat necessaria nec materia nec forma hujus sacramenti. Quandoque autem tanquam ministri sacramentorum, hoc sacramentum præbebant: & tunc sicut materia, ita & forma ex mandato Christi utebantur. Multa enim servabant apostoli in sacramentorum collatione, quæ in scripturis communiter propositis non sunt tradita. Unde Dionysius dicit in fine ecclesiasticæ hierarchie, *cap. 7. parte 3. §. 10.* consummativas invocationes; id est, verba quibus perficiuntur sacramenta, non est justum scripturas interpretantibus, mysticum earum sensum, aut in ipsis operatas ex Deo virtutes, ex occulto ad commune adducere; sed nostra sacra traditio sine pompa, id est occulte, eas edocet, unde & apostolus dicit loquens de celebratione eucharistiæ; 1. ad Cor. 11. *cetera, cum venero, disponam.*

Alii, ut Alexander Aletius & sanctus Bonaventura, dicunt Christum neque contulisse, neque instituisse immediate hoc sacramentum, quantum ad materiam & formam. Apostolos die pentecostes a Spiritu san-

sancto immediate confirmatos fuisse sine ministerio & sacramento. Eos vero post Christi ascensionem confirmando, neque materia neque forma usos esse, sed rem hujus sacramenti fidelibus contulisse sine elemento, seu materia; qua minime opus erat: "Quia, ut ait sanctus Bonaventura *in 4. dist. 7. art. 1. qu. 2. in c.* In donatione Spiritus sancti signa visibilia apparebant; & ideo non erat opus elemento. Sed postea successoribus institutis, dandus erat Spiritus vi verborum, & invisibiliter; ideo oportuit institui sensibile elementum. "Ubi vero, quando, & a quibus chrisma pro materia institutum sit, ab invicem dissident. Sanctus Bonaventura *ibidem* ait illud "institutum fuisse, Spiritu sancto dictante, ab ipsis ecclesie rectoribus: "quibus verbis primos Apostolorum successores intelligit; Alensis institutum credidit in Concilio Meldensi; Joannes de Bacone in Concilio Aurelianensi.

Alii docent apostolos utraque simul, & manuum impositione & unctione chrismatis semper usos esse, ita tamen, ut manuum impositio, mera cæremonia fuerit, & unctio sola formæ rationem habuerit: ita Gregorius a Valentia, *tom. 4. in D. Thom. disp. 5. quest. 1. punct. 1.* ubi ait; "Apostolos per illam manuum impositionem Spiritum sanctum nunquam dedisse, nisi adhibita simul substantiali materia hujus sacramenti, nempe unctione chrismatis. Mox apostolos impositionem manuum adhibuisse, tanquam cæremoniam; sacramentum autem quoad substantiam administrasse in eadem materia & forma, quæ est perpetuo deinde usurpata in ecclesia.

Alii vero aiunt, apostolos vario modo ministrasse hoc sacramentum; ac primis quidem temporibus, quia visibiliter descendebat Spiritus sanctus, non usos fuisse eos ulla unctione, sed simplici manus impositione; siquidem effectum internum satis testabatur externus ille ignis, qui divinitus apparebat: at postea, cum formæ illæ visibiles cessassent, tum adhibere eos cœpisse unctionem, ut per eam significarent, id quod antea visibili specie divinitus apparente significabatur. Si objicias non potuisse apostolos instituere materiam sacramenti: Respondent eos non instituisse, sed a Christo id mandatum accepisse, ut modo uterentur manus impositione, modo chrismate, prout opportunum esse judicarent. Hanc opinionem probabilem existimat Bellarminus *lib. de Confirm. cap. 9. respons. ad 1. Kemnitii argumentum*, eamque ante Bellarminum docuerat Ruardus Tapper, decanus facultatis Lovanienfis *art. 12.* "Apostoli, inquit, primum vel suo Spiritu apostolico, vel Christi suggestionem, utebantur manuum impositione tanquam hujus sacramenti materia. "Et postea, "Quando linguae vel cætera miracula cessarunt, oportebat ob confusam, incertam, & indistinctam manus impositionis significationem, proprium & determinatum signum institui atque assumi: ad varios namque effectus apostoli manum imponebant.

Alii denique volunt Confirmationis sacramentum a Christo ingētere dumtaxat institutum esse, hoc est, ut sub signo aliquo sensibili vage & indeterminate gratia corroborans baptizatis conferatur: determinationem autem materiæ, & formæ, hoc est, certi ac determinati signi sensibilis, sub quo Spiritus sanctus daretur, Christum apostolis suæ ecclesiæ præpositis reliquisse; qui quidem apostoli primum utebantur manus impositione tanquam hujus sacramenti materia. Deinde vero, vel ipsi vel eorum successores, reprobatâ priore hac materia, aliam in unctione positam determinaverunt, quæ effectus Confirmationis expressius significaretur. Peculiare id non esse Confirmationi, sed illi commune, seu cum ordinibus presbyteratus, & diaconatus, qui olim conferebantur sola manuum impositione, seu cum matrimonii sacramento, cujus instituta a Christo materia, seu mutuus utriusque partis consensus, abstrahendo a clandestino & publico: & tamen ecclesia declaravit hæc matrimonia irrita, quorum consensus coram parocho, & duobus aut tribus testibus præbitus non esset. Juvat Estium audire super hoc argumentum ratiocinantem *lib. 4. dist. 7. §. 7.*

“Dato, inquit, quæ communior sententia est, apostolos initio prædicationis non usos fuisse chrismate in administratione hujus sacramenti, probabile quoque videtur, quod eodem tempore manus impositionis locum materiæ tenuerit, sicut & oratio locum formæ, ita videlicet, ut utraque tunc necessario adhiberetur ad tradendum humano ministerio Spiritum sanctum, donec introducto chrismatis usu, simul cum forma illi materiæ accommodata, quæ solæ sunt hujus sacramenti partes essentielles, necessitas impositionis manuum cessaret, quantum quidem ad essentiam vel integritatem atinet sacramenti, cum jam neque forma ejus sit, neque materia, neque formæ vel materiæ pars, sed tantum cæremonia quædam sacramentalis, ex apostolica traditione accepta, & ideo nequaquam omitenda, utpote necessitatem adhuc retinens præcepti, etiam non sacramenti. Quæ doctrina conformis est decreto Florentino de sacramentis, in quo legitur, quod loco illius manus impositionis, per quam apostoli dabant Spiritum sanctum, in ecclesia datur Confirmatio, cujus materia est chrisma, &c.” Ex quibus verbis utrumque colligitur, & initio necessariam fuisse manuum impositionem sacramenti necessitate; & eandem ejus necessitatem signaculo chrismatis introducto, cessasse. Estio præverat Jacobus Cardinalis a Vitriaco, *hisor. Occid. cap. 37.* de quo *infra*, ubi de institutione hujus sacramenti, & utrique Simeon archiepiscopus Thessalonicensis, in *manuscripto bibliothecæ Vaticanæ*, pag. 129. & 130. “Quos baptizari necesse est, necesse quoque est chrismate inungi. Hujus rei causa Petrus, & Joannes baptizatis a Philippo, ut qui solum baptismum susceperant, manus imposuerunt, & acceperunt Spiritum sanctum.” Hoc vero chrisma est; manus enim impositio chrisma præbet, sicut

„ in apostolis factum est, & per eos multis aliis : Tunc erat manus im-
 „ positio; nunc vero manuum impositionis vicem gerit ipsum sanctifi-
 „ catum & vocatum magnum chrisma; sanctificatum quidem non a pres-
 „ byteris, sed ab ipsis patriarchis, & episcopis, sacris precibus & bene-
 „ dictionibus Petri & Joannis virtutem ditantibus. Mulum autem ad fi-
 „ nes usque terræ impositionis manuum virtute potitur. Necesse vero
 „ est in baptismo eo sigillari omnem fidelem, ut omnis baptizatus di-
 „ vinissimum baptismum perfecte in se ipso possideat. “ Ita ex hoc libro
 manuscripto refert Joannes Morinus *lib. 8. de penitentia, cap. 17.*
 num. 4.

S E C T I O . III.

Explicatur tertia opinio.

DEnique authores, qui materiam Confirmationis essentialem in manuum impositione, & unctione frontis assignant, triplicem viam ineunt circa manuum impositionem, duplicem vero circa unctionem.

Nonnulli enim requirunt manuum impositionem, quæ a chrismate diversa est, & cui oratio tanquam forma deprecatoria responderet; alii sufficere aiunt eam manuum impositionem, quæ chrismationi necessario annectitur, & in ea comprehenditur: pontifex enim, qui frontem chrismat, capiti manum simul imponit: ita Bellarminus. Alii hanc ultimam impositionem manuum requirunt, eamque solam Confirmationi essentialem, primam vero mere cæremonialem esse docent. Ita Petrus Aurelius, *in orthodoxo, par. 1. c. 7.*

Postremam quidem manus impositionem, quasi *ridiculum seminum*, Sirmondus rejicit: eam tamen propugnant eruditi theologi. Sic Thomas Waldensis *tom. 2. de sacramentis, cap. 113.* ait, “ manum im-
 „ poni ungendo. “ Sic Yzambertus *in 3. partem, quæst. 12. disp. 1. art. 4.* scribit: “ Ipsa quoque inunctio episcopali manu facta in fronte,
 „ est quedam manus impositio. “ Sic Cabasilus *in notitia ecclesiastica, ad 2. canonem concilii primi Arausiaci*: “ Ipsa episcopi actio, qua fron-
 „ tem manu sua illinit, est ipsa illa manus impositio, qua juxta Actus
 „ Apostolorum, *cap. 8.* conferebatur per apostolos Spiritus sanctus. “
 Sic Bellarminus *lib. de Confirmatione, cap. 2.* in fine: “ Falsum est reje-
 „ ctam esse manus impositionem. His enim episcopus manus imponit
 „ confirmandis, ut ex pontificali Romano intelligi potest: semel, cum
 „ super eos manus extendit, atque orat: & rursum, cum signat in
 „ fronte, atque ungit; ipsa enim unctio, & signatio, cum manu fiat,
 „ manus impositio rectissime dicitur, ut docet Hugo *lib. 2. de sacramentis, par. 7. cap. 2.* unde etiam Marci 7. cum postulassent quidam, ut Do-
 „ minus manus imponeret lunatico; ille id fecit, nam digito tetigit lin-
 „ guam

guam, & aures ejus. " Et *cap. 9. respons. 2. ad t. argum. Kemniti*: " Ex alia solutio, quæ longe mihi probabilior videtur, Thomæ Waldensis, & Hugonis de Sancto Victore, qui dicunt idem esse unctionem chrismatis, & manus impositionem: qui enim inungit, manus imponit: & ideo utrumque significari, etiamsi alterum tantum exprimi videatur. " Sic Petrus Aurelius in *orthodoxo*, par. 1. cap. 7. cujus mentem paulo fusius hic referamus necesse est. " De manus impositione sic loquuntur Patres tertiæ tuæ ætatis (alludit ad tres Sirmondi ætates, de quibus *infra*, Bedamque intelligit & alios, qui seculis 8. 9. 10. 11. 12. & 13. floruerunt) ut non tantum chrismationem non excludant, quod de superiorum ætatum Patribus diximus, sed etiam eodem nomine illam complectantur. Non enim manus impositionem & chrismationem in Confirmationis sacramento tantum conjunctas esse voluerunt, sed in unam, singularemque actionem conclusas. Quare non dicunt præberi unctionem, & manus impositionem, sed unctionem manus impositione, vel manus impositionem unctione. " Tum recenset Bedæ, & aliorum testimonia, & sic concludit: " Ex quibus prorsus liquet, horum Patrum ætate non conjunctionem tantum chrismationis & manus impositionis in Confirmationis sacramento, sed etiam unitatem factam. Unde, dum dicunt Spiritum sanctum dari manus impositione, chrismate dari dicunt: dum rursus eam vim tribuunt chrismati, manus impositioni largiuntur; nec aliam manus impositionem agnoscunt, nisi eam, quæ ipsa chrismatione continetur. Atque hoc illud erat, in quo (Sirmondum) dicere oportuit tertiam hanc ætatem, nonnihil deflexisse a superiorum consuetudine, in modo videlicet ac ritu administrandæ Confirmationis, etsi in re manserit summa consensus. Quæ enim duæ partes simul, sed seorsum, vicissimque olim præbebantur, eæ postea in unam collectæ, unumque effectæ sunt. Nec hoc singulare est in sacramento Confirmationis, sed in aliis quoque usu venit: ita in baptismo triplex immersio ad unam redacta, hæc ipsa rursus ad asperersionem: in eucharistia corporis, & sanguinis Christi binæ species in unam contractæ. Atque hinc factum est, ut posterioribus hisce ætatibus decretum sit, chrismationem ab episcopo pollice faciendam, ut uno tempore, & chrismate ungetur frons, & manus capiti apertius imponatur; quod prioribus ætatibus minus expressum erat, cum chrisma, & manus impositio binis actionibus adhibebantur. Atque hæc jam consuetudo omnibus deinceps seculis accepta, & perpetuo ecclesiæ usu ad nos perducta est: ut non tertiæ illius ætatis, sed totius ecclesiæ sensus ac ritus dicendus sit, a quo ne primis quidem seculis alienæ fuisse videntur orientis ecclesiæ, de quibus suo loco plura.

Tres Aurelius ætates cum Sirmondo supponit, quarum primam ab Apostolis ad Constantinum protendit, secundam vero & tertiam nullis definit limitibus. Prima & secunda ætate manuum impositio, &

unctio

unctio simul quidem, seorsum tamen, vicissim, & binis aliquibus administrabatur. Sed tertia ætate, seculis saltem 7. 8. 9. 10. 11. 12. & 13. in unam singularemque actionem conclusæ sunt, ita ut "uno tempore, una & eadem actione, & chrismate ungatur frons, & manus capiti imponatur Hæc jam consuetudo omnibus deinceps seculis, & perpetuo Ecclesiæ usu ad nos perducta est; quia etiam ab eo ritu ne primis quidem seculis alienæ fuisse videntur orientis ecclesiæ.

Cæterum in hac tertia ætate Aurelius absolute non excludit manus impositionem, quæ chrismationem olim præcedebat, sed eam censet, "Cæremoniam esse sacramento Confirmationis præviam, quæ neophyti præparentur ad suscipiendam Spiritus sancti gratiam: manuum impositionibus similem, quæ ante baptismum jam olim fiunt.

Circa unctionem vero auctores hujusce tertiæ opinionis, duplicem viam ineunt. Alii enim existimant apostolos, & manuum impositionem, & chrismatis unctione in hujus sacramenti administratione semper usos esse. Alii vero eos primum quidem simplici manuum impositione usos, cum Spiritus sanctus sub visibili specie ignis descendeat; si quidem internum hujus sacramenti effectum satis testabatur externus ille ignis, qui divinitus apparebat: satisque determinabat manuum impositionem. At postea cum formæ illæ visibiles cessassent, tunc cum manuum impositione adhibere apostolos cœpisse unctionem, ut per eam significarent id, quod antea visibili specie ignis significabatur: & consulam, incertam, & indistinctam manus impositionis significationem determinarent per proprium & determinatum signum; ad varios enim effectus apostoli manus imponebant. Posteriori huic expositioni aperte favet concilium Moguntinum anno 1549. coactum, c. 17. & 18. qua de re *infra*, *sect. 6. §. 1.*

S E C T I O IV.

Sententia D. Thomæ.

QUÆRITUR, cui opinioni D. Thomas favet. RESPONDEO sanctum doctorem aliud sentire in *commentariis ad Hebræos*; aliud vero in *commentariis super Magistrum*, & in *summa theologica*. Ille si quidem lectione 1. in caput 6. ad Hebræos, manuum impositionis duntaxat meminit. "Impositio manuum, inquit, est duplex. Una est miracula faciens, sicut quando Christus per manus impositionem curabat infirmos, *Luce 4.* & hæc non est sacramentalis. Alia est sacramentalis, & hæc est duplex. Una in sacramento ordinis, 1. ad Tim. 5. *manus nemini cito imposueris*. Alia est in sacramento Confirmationis ad renovationem, ad Tit. 3. *per lavacrum*

CTUM

„*crum regenerationis & renovationis Spiritus sancti*, &c. In Confirmatione enim datur Spiritus sanctus ad robur, ut scilicet audacter homo constiteatur nomen Christi coram hominibus. Sicut enim in esse naturæ prius generatur homo, & postea augetur, & roboratur: ita in esse gratiæ. „Alibi vero chrisma solum assignat pro materia: imo 3. parte, *quest. 72. artic. 2. ad 1. & artic. 4. ad 1.* aperce supponit manuum impositionem nunquam fuisse materiam hujus sacramenti.

S E C T I O V.

De manuum impositione.

Circa manuum impositionem queri potest, 1. Utrum hæc ab apostolis ad nos usque in ecclesia, præsertim occidentali, inter confirmandum adhibita fuerit. 2. Utrum manus impositio essentialis olim esset Confirmationi. 3. Utrum antiqui præter manuum impositionem a chrismatione diversam aliam agnoverint, quæ una eademque actione cum frontis chrismatione administraretur. 4. Utrum seculis 7. 8. 9. 10. 11. 12. & 13. manuum impositio, quæ chrismationem præcedit, fuerit mera cæremonia. 5. Utrum hodie in occidente utraque manuum impositio in Confirmatione adhibeatur, & utraque, vel alterutra essentialis sit. 6. An utriusque manus impositio requiratur, an unius sufficiat. 7. Dexteræne manus an sinistræ. 8. Utrum Græci veteres in hoc sacramento manuum impositionem adhibuerint. 9. Utrum hæc manuum impositio prioris vel posterioris generis esset. 10. Utrum hodie in oriente utraque manus impositio adhibeatur, & utraque essentialis sit vel alterutra sufficiat.

§. 1. *Utrum manuum impositio ab Apostolis ad nos usque in ecclesia, præsertim occidentali, inter confirmandum adhibita fuerit.*

Nostra propositio est affirmans. Hanc enim manuum impositionem seculo I. in Confirmatione adhibitam fuisse ab apostolis, testantur Lucas *Actuum* 8. & 19. & Paulus *ad Hebr.* cap. 6. Eam etiam in eodem sacramento usurpatam fuisse, testantur seculo II. Irenæus & Tertullianus: seculo III. Origenes, Cyprianus, Firmilianus, author anonymus, qui scripsit adversus Cyprianum, & concilium Illiberitanum: seculo IV. concilium Arelatense I. concilium Nicænum I. Siricius, Chrysostomus, & Ambrosiaster: seculo V. Hieronymus, Augustinus, Leo Magnus, Theodoretus, Gennadius Archiepiscopus Constantinopolitanus, Gennadius, presbyter Massiliensis, & author 50. homiliarum, quæ sub Eusebii Emisleni nomine circumferuntur: seculo VI. Primasius, Gregorius Ma-

gnus,

gnus, & Eulogius Alexandrinus : seculo VII. concilium Hispalense II. & Isidorus Hispalensis : seculo VIII. Beda, Gregorius III. Zacharias Pontifex, ordo Romanus, Alcuinus, Theodulphus Aurelianensis, & Magnus Senonensis : seculo IX. capitula ecclesiastica Caroli Magni, Jette Ambianensis, Rabanus, Jonas Aurelianensis, concilium Parisiense VI. Amalarius, Walafridus Strabo, liber *de officiis divinis* Alcuino adscriptus, Hincmarus Rhemenfis, Isaac Lingonensis, & Ratramnus : seculo X. Oecumenius : seculo XI. Lanfrancus, Theophilactus, Yvo Carnutenfis, Simeon Theffalonicensis : seculo XII. Rupertus, Robertus Pullus, & Hugo Victorinus; quorum omnium auctorum textus *supra* descripsimus.

Idem testati sunt seculo XIII. Innocentius III. *lib. 1. decret. tit. 4. cap. quanto*. "Pervenit ad audientiam nostram, quod quidam simplices sacerdos apud Constantinopolim ea sacramenta presumunt fidelibus exhibere quæ ab apostolorum tempore fuerunt solis Pontificibus servata, ut est sacramentum Confirmationis, quod chrismando renatos soli debent episcopi per manus impositionem conferre." Et *tit. 15. cap. cum venisset*. "Per frontis chrismationem manus impositio designatur, quæ alio nomine dicitur Confirmatio, quia per eam Spiritus sanctus datur ad robur. Unde cum cæteras unctiones simplex sacerdos valeat exhibere, hanc nonnisi summus sacerdos (id est episcopus) debet conferre; quia de solis apostolis legitur (quorum vicarii sunt episcopi) quod per manus impositionem Spiritum sanctum dabant : quemadmodum actuum apostolorum lectio manifestat." Guilelmus Arvernus episcopus Parisiensis, *cap. de Confirmat. in fine*. "Ad impositionem manuum apostolorum solebat dari Spiritus sanctus, & datur modo ad impositionem manuum episcoporum." Synodus Sarumensis, seu constitutiones Richardi Proore Sarum in Anglia episcopi, ad annum 1230 *cap. 13*. "Secundum sacramentum est impositio manus, quæ fit ab episcopo, quæ Confirmatio dicitur &c. Concilium Dunelmense, seu constitutiones Richardi, Dunelmensis in Anglia episcopi, sub idem tempus promulgatæ, idem habent. S. Thomas *comment. in cap. 6. ad Hebr.* meminit sacramentalis manuum impositionis confirmatoriæ. Textum retulimus *sect. 4. præcedenti*. Gregorius X. in epistola Michaelis Palæologi ad eundem Pontificem in concilio Lugdunensi II. relata : "Aliud est sacramentum Confirmationis, quod per manuum impositionem episcopi conferunt chrismando renatos.

Mitto auctores seculi 14. 15. 16. & 17. Sed prætermitti non debet concilium Colonienfe, anno 1536. *parte 7. cap. 8*. "Omnes fideles per manus impositionem episcoporum, Spiritum sanctum post baptismum accipere debent, ut pleni christiani inveniantur &c." Concilium Moguntinum, anno 1547. *parte 1. cap. 17*. "Sacramentum Confirmationis ex institutione Christi, & apostolorum praxi, ecclesiæ relictum

Wissaffe de Confirmatione.

R

"esse

esse, in quo Spiritum sanctum, quo in baptismo ad peccati emundationem signati sumus, cum novo gratiæ lux munere accipimus ad confessionem Christi, fiduciam &c. Actus ipsorum satis testantur. Unde ecclesia catholica Spiritum sanctum per manus episcoporum fidelibus tradendi normam accepit. "Concilium Rhemense anno 1583. cap. de Confirmat. "Quamvis unusquisque per baptismum catalogo fidelium sit adscriptus, ad diaboli tamen, carnis, mundique tentationes perferendas ac superandas, nonnisi per impositionem manuum episcopi plus roboris & gratiæ recipit. "Concilium Narbonense anno 1609. cap. 15. "Sanctorum Patrum institutionibus constat, nos in baptismo regenerari ad vitam: & post baptismum in hoc sacramento, quo per impositionem manuum episcopi Spiritus sanctus diffunditur, in corda fidelium, robur atque fortitudinem dari. "Et Pontificale Romanum in quo bis episcopus manum imponit confirmandis, semel, cum super eos manus extendit & orat: & rursus, cum signat in fronte atque ungit.

- §. 2. *Utrum apostoli Spiritum sanctum per manuum impositionem neophytis conferendo, non modo rem sacramenti, sed & ipsum Confirmationis sacramentum contulerint.*

Negant Alexander Alensis, S. Thomas, S. Bonaventura, & alii auctores secundæ sententiæ, qui primam & secundam viam ineunt. Affirmant cæteri.

Nostra propositio est affirmans: eaque probatur. 1. Ratiociniis, quibus manuum impositionem, quam apostoli super neophytos adhibuerunt *act. 9. & 19. & ad Hebr. cap. 6.* verum esse novæ legis sacramentum, ostendimus *supra, disput. 1. quest. 1. art. 2. sect. 1.* 2. Auctoritate Cypriani *epist. 73. ad Jubajanum*. "Quod deerat, inquit, id a Joanne & Petro factum est, ut oratione pro eis habita & manu imposita invocaretur & infunderetur super eos Spiritus sanctus, quod nunc quoque apud nos geritur, ut qui in ecclesia baptizantur, præpositis ecclesiæ offerantur, & per nostram orationem ac manuum impositionem, Spiritum sanctum consequantur, & signaculo Dominico consummentur. "Quibus Cyprianus ait idem sacramentum fuisse ab apostolis, quod ætate sua fiebat ab ecclesiæ præpositis, dum Confirmationis sacramentum administrabant: neque tantummodo idem quoad effectum, sed etiam quoad sacramentum; sicut evincunt hæc verba: "Et per nostram orationem ac manus impositionem Spiritum sanctum consequantur, ac signaculo dominico consummentur. "3. Auctoritate anonymi, qui scripsit adversus Cyprianum. "Per manus impositionem episcopi, datur unicuique credenti Spiritus sanctus, sicut apostoli circa Samaritanos, post Philippi baptismum, manum eis imponendo fecerunt, & hac ratione Spiritum sanctum in eos contulerunt. "Non alio igitur

tur modo apostoli Spiritum sanctum contulere, quam episcopi : neque alio modo episcopi, quam apostoli : sed episcopi ætate hujus auctoris conferebant per verum sacramentum.

4. Auctoritate Chrysostomi *ad caput 8. actuum*, asserentis, hoc nunc facere episcopos, quod apostoli manuum impositione & oratione super neophytos faciebant : sed impositio manuum & oratio, quas ætate Joannis, episcopi adhibebant, erant verum novæ legis sacramentum.

5. Auctoritate Hieronymi *in dialogo* dicentis : " An nescis ecclesiarum esse morem, ut baptizatis postea manus imponantur, & ita invocetur Spiritus sanctus. Exigis, ubi scriptum sit ? in actibus apostolorum. " Et infra : " Quod si queris, quare in ecclesia baptizatus, nisi per manus episcopi non accipiat Spiritum sanctum : disce hanc observationem ex ea auctoritate descendere, quod post ascensum Domini Spiritus sanctus ad apostolos descendit. " Eadem igitur erat manuum impositio, qua apostoli & antistites Hieronymi ætate conferebant Spiritum sanctum. Atqui manuum impositio, de qua Hieronymus, sacramentalis erat, & de ipsa loquitur tanquam de sacramento.

6. Auctoritate Augustini, *lib. 15. de Trinitate, cap. 26.* " Orabant apostoli, ut Spiritus sanctus veniret in eos, quibus manus imponebant. Quem morem in suis præpositis etiam nunc servat ecclesia. " Ætate igitur Augustini religiose observabatur hæc ipsa manuum impositio, qua apostoli usi fuerant. Sed hæc manuum impositio, de qua Augustinus, erat sacramentalis.

7. Auctoritate Isidori Hispalensis, Bedæ, Jæsse Ambianensis, Theodulphi Aurelianensis, Amarii Fortunati, Walafredi Strabonis, concilii Parisiensis VI. Jonæ Aurelianensis, Auctoris libri *de divinis officiis* Alcuino adscripti, & Bertramni. Hi siquidem auctores, quorum testimonia descripsimus, *disput. 1. quest. 1. artic. 2. sect. 1.* utramque manuum impositionem ab apostolis adhibitam, & ab episcopis adhiberi solitam, eandem omnino faciunt : sed quæ ab Apostolis adhiberi solebat, sacramentalis erat ex iisdem auctoribus.

8. Auctoritate Innocentii III. cujus textum descripsimus §. *præcedenti*.

9. Auctoritate concilii Parisiensis, quod vulgo Senonense dicitur, anno 1528. celebrati, *titulo de decretis fidei, cap. de sacramento Confirmationis*. " Sacramentum Confirmationis Christus instituit, quod ex actis apostolorum apud Ephesios a Paulo, & ex Dionysio, Clemente, & Fabiano Pontificibus, a primitiva quondam ecclesia legitimus observatum. Unde & tunc impositionis manuum, nunc Confirmationis appellatum est sacramentum.

1. Auctoritate concilii Moguntini, anno 1547. *cap. 17.* " Sacramentum Confirmationis ex institutione Christi, & apostolorum praxi, ecclesiæ relictum esse &c. Actus ipsorum satis testantur. Unde eccle-

„ fia catholica Spiritum sanctum per manus episcoporum fidelibus tradendi normam accepit. “ Hoc igitur sacramentum a Christo institutum est, ab apostolis administratum, & ex apostolorum praxi ecclesia catholica Spiritum sanctum per manus impositionem tradendi normam accepit.

His accedit testimonium epistolæ 3. sub Eusebii nomine ad episcopos Tusciæ & Campaniæ, seculo VIII. confictæ, & apud Gregorium presbyterum in suo Polycarpo relatæ *lib. 3. tit. 10. Burchardum lib. 4. cap. 63. Yvonom parte 1. cap. 257. & 277. & apud Gratianum in decreto, etiam Gregorii XIII. auctoritate castigato, de consecrat. distinct. 5. cap. 4.* “ Manus quoque impositionis sacramentum magnâ veneratione tenendum est : quod ab aliis perfici non potest, nisi a summis sacerdotibus, nec tempore apostolorum ab aliis, quam ab ipsis apostolis legitur, aut scitur peractum esse &c.

§. 3. *Utrum manuum impositio, cujus veteres & recentiores mentionem faciunt, essentialis sit Confirmationi.*

NEGANT auctores secundæ opinionis: affirmant cæteri, & merito.

1. Ritus ille sacramento essentialis est, cui tribuitur virtus sanctificandi simpliciter. Atqui manuum impositioni Patres tribuunt hanc virtutem. Item ritus ille sacramento Confirmationis essentialis est, cui tribuitur proprius Confirmationis effectus. Atqui Patres manuum impositioni tribuunt proprium Confirmationis effectum. Utraque propositio probata manet testimoniis *dispus. 1. quæst. 1. art. 2. sect. 1. & 2. relatis*; quæ, quantum fieri poterit, contrahemus. Tertullianus *lib. de resurrectione cap. 8.* “ Caro abluitur, ut anima emaculetur : caro manus impositione adumbratur, ut anima spiritu illuminetur. “ Et *lib. de baptismo* : “ Dehinc manus imponitur, per benedictionem advocans, & invitans Spiritum sanctum “ &c. Cyprianus *in epistola 73.* Qui in ecclesia baptizantur, per nostram orationem, ac manus impositionem, Spiritum sanctum consequuntur. “ Et *in Epist. 74.* “ In Christi nomine manus baptizato imponitur ad accipiendum Spiritum sanctum. “ Et postea : “ Per manus impositionem (fidelis) Spiritum sanctum jam natus accipit. “ Firmilianus *in epistola ad Cyprianum* : “ Ad accipiendum Spiritum sanctum manus imponitur &c. Valerianus impositio ad accipiendum Spiritum sanctum. “ Auctor anonymus, qui scripsit adversus Cyprianum, de quo §. 2. *precedenti.* Concilium Illyberitanum *can. 38.* “ Si baptizatus in necessitate supervixerit, ad episcopum eum perducatur, ut per manus impositionem perfici possit. “ Hieronymus *in dialogo*, “ In ecclesia baptizatus, nisi per manus episcopi non accipit Spiritum sanctum. “ Augustinus *tract. 6. in 1. epist. Joannis*, “ Infantibus (baptizatis) imponitur manus, ut acci-

„ piant

„pian Spiritum sanctum. “ Theodoretus in cap. 6. ad Hebr. “ Per
 „manum sacerdotalem, Spiritus gratiam accipiunt. “ Gennadius Con-
 „stantinopolitanus in idem caput, “ Baptizati seiplos subji-
 „cunt impositioni manuum sacerdotum ad participationem Spiritus sancti. “ Gen-
 „nadius Massiliensis, “ Baptizatus manus impositione Pontificis acci-
 „pit Spiritum sanctum. “ Auctor 50. *homiliarum*, quæ sub Eusebii Em-
 „miseni nomine circumferuntur, “ Quod nunc in confirmandis neophy-
 „tis, manus impositio tribuit singulis, hoc tunc Spiritus sancti descen-
 „sio in credentium populos donavit universis : “ Primasius in cap. 6.
 „ad Hebr. “ Per impositionem manuum plenissime creditur accipi do-
 „num Spiritus sancti. “ Gregorius Magnus *hom. 17. in evang.* “ Per
 „impositionem nostrarum manuum a Deo Spiritum sanctum acci-
 „piunt. “ Infinitum esset omnia recensere. Recole testimonia, quæ
 „*totâ sectione 2. art. 2. quæst. 1. descripsimus* : seculo VII. ex concilio
 „Hispalensi II. & Isidoro Hispalensi : seculo VIII. ex Beda, Gregorio
 „III. Zacharia Pontifice, ordine Romano, Alcuino, Theodulpho Aure-
 „lianensi & Magno Senonensi : seculo IX. ex capitulis ecclesiasticis Ca-
 „roli Magni, Jesse Ambianensi, Rabano, Jona Aurelianensi, concilio
 „Parisiensi VI. Amalario, Valafrido, libro *de divinis officiis*, Hincma-
 „ro, Isaaco Lingonensi, & Ratramno : seculo X. ex OEumenio : se-
 „culo XI. ex Lanfranco, Theophylacto, Yvone Carnuteni : & Simeone
 „Thessalonicensi : seculo XII. ex Ruperto, Roberto Pullo, & Hu-
 „gone Victorino.

Eandem virtutem confirmatoriarum manuum impositioni tribuunt secu-
 lis retro sequentibus Innocentius III. Guillelmus Arvernus, episcopus
 Parisiensis, synodus Sarumensis, synodus Dunelmensis, Gregorius X.
 synodus Colonienfis, Moguntina, Rhemensis, & Narbonensis, de qui-
 bus §. 1. & 2. *precedentibus*.

2. Quia ex præfatis auctoribus plures hanc manuum impositionem
 ajunt eandem esse, quæ ab apostolis adhibita fuit, & ejusdem esse vir-
 tutis, ita Cyprianus, auctor anonymus, Chrysostomus, Hieronymus,
 Augustinus, Auctor 50. *homiliarum*, Isidorus Hispalensis, alique aucto-
 res relati vel citati §. 2. *precedenti*. Atqui hæc manuum impositio,
 quam apostoli adhibuerunt, essentialis erat Confirmationi ; quandoqui-
 dem per eam administrarint sacramentum Confirmationis, & Spiritum
 sanctum contulerint, *ex eodem* §. 2.

3. Quia ex citatis auctoribus aliqui non solum huic manuum im-
 positioni tribuunt virtutem sanctificandi, & conferendi Spiritum sanctum,
 sed etiam ajunt hanc veritatem esse de fide, & unum ex primariis fi-
 dei catholicæ fundamentis, quibus instrui debent catechumeni : ita Gen-
 nadius Constantinopolitanus seculo V. Primasius seculo VI. Eulogius
 Alexandrinus seculo VII. Photius seculo IX. OEumenius seculo X.
 Lanfrancus seculo XI. & Anselmus seculo XII. quæ quidem hi septem
 auctores asserunt, cum verba initio *capitis 6. ad Hebr.* relata inter-

Witasse de Confirmatione.

R 3

pre-

pretantur. Paulus enim eo loci aperte docet, hæc esse religionis fundamenta, *pœnitentiam ab operibus mortuis, fidem ad Deum, baptisma, impositionem manuum, resurrectionem & iudicium æternum.*

4. Quia omnes fere auctores citati Confirmationis sacramentum in manu impositione aperte constituunt. Recole præ cæteris Cyprianum, auctorem anonymum, Hieronymum, Augustinum, Leonem magnum, Gennadium Constantinopolitanum, Gennadium Massiliensem, Primasium, Gregorium Magnum, concilium Hispalense II. Bedam, Gregorium III. Zachariam Pontificem, ordinem Romanum, Alcuinum, Theodulphum Aurelianensem, Magnum Senonensem, capitula Caroli Magni, Jesse Ambianensem, Jonam Aurelianensem, concilium Parisiense VI. Walafridum Strabonem, Hincmarum Rhemensem, Photium, qui *manum imponi, & accipere Spiritum sanctum*, pro eodem habet, Ratramnum, Oecumenium, Lanfrancum, Simeonem Thessalonicensem, Hugonem Victorinum, Innocentium III. Gregorium X. synodus Sarumensem, Dunelmensem, Coloniensem, Moguntinam, Rhemensem, & Narbonensem.

5. Quia ex citatis auctoribus plures & manuum impositionis & unctionis simul mentionem faciunt, ita ut vel utrique, vel soli manuum impositioni tribuant virtutem conferendi Spiritum sanctum: ita Cyprianus in *epistola* 73. "Qui baptizantur, per nostram orationem ac manu impositionem Spiritum sanctum consequuntur, & signaculo dominico (id est unctione) consummantur." Ita Augustinus *libro* 15. de *Trinitate cap.* 26. concilium Hispalense II. Isidorus Hispalensis, Beda *comment. in cap. 1. cantie.* ordo Romanus, Theodulphus Aurelianensis, Jesse Ambianensis, Rabanus Maurus, Amalarius, Bertramnus, concilium Vormatiense anno 868. Simeon Thessalonicensis, Rupertus, & Hugo Victorinus.

6. Quia plures ex præfatis auctoribus modum recensentes, quo Confirmatio administrari debet, manuum impositionem requirunt: ita Tertullianus, Leo Magnus, Gregorius Magnus, Gregorius III. ordo Romanus, Alcuinus, Theodulphus Aurelianensis, Magnus Senonensis, capitula Caroli Magni, concilium Parisiense VI. Amalarius, Rabanus, liber de *divinis officiis*, Innocentius III. Gregorius X. synodus Colonienfis, Moguntina, Rhemenfis, Narbonensis, pontificale Romanum.

7. Quia plures ex citatis auctoribus hanc manuum impositionem vocant sacramentum, eique rationem & virtutem sacramenti assignant. Ita auctor anonymus *pag.* 85. & *seq.* Augustinus *pag.* 155. & *seq.* & 159. *num.* 4. & 5. Jonas Aurelianensis, *pag.* 195. & *ibid.* concilium Parisiense VI. *pag.* *ibid.* & *seq.* Amalarius *pag.* 196. & *seq.* Rupertus, Hugo Victorinus, Innocentius III. synodus Sarumensis, & Dunelmensis, Gregorius X. synodus Moguntina, Rhemenfis, & Narbonensis.

8. Quia plures ex citatis auctoribus hanc manuum impositionem in ratione sacramenti comparant cum baptismo, vel cum eucharistia, vel cum

cum ordinatione. Ita Tertullianus *pag. 44. & seq. Cyprianus 71. & 72. &c. Firmilianus pag. 75. & seq. & 79. num. 8. & 10. auctor anonymus pag. 87. & seq. Augustinus, Gennadius Constantinopolitanus, Alcuinus, Theodolphus, capitula Caroli Magni, Jonas, concilium Parisiense IV. Amalarius, Oecumenius, Goffridus Vindocinensis, Rupertus & Hugo Victorinus.*

9. Quia plures ex citatis auctoribus ajunt, hanc manuum impositionem iterari non posse. Ita Augustinus *pag. 157. textu 3. Gennadius Constantinopolitanus, Primasius, Eulogius Alexandrinus, capitula Caroli Magni, Oecumenius, & Anselmus.*

His addes argumenta petita ex Tertulliano *pag. 46. & 47. arg. 3. 4. 5. & 6. ex Cypriano & Firmiliano pag. 79. & 80. arg. præsertim 8. & 10. ex Augustino pag. 159. arg. 3. 4. 5. 6. quibus probatur hanc manuum impositionem non esse meram cæremoniam, sed verum sacramentum.*

Denique in Scripturis pro symbolo externo Confirmationis traditur manuum impositio, ut patet ex actis *cap. 8. vers. 14. & cap. 19. vers. 6. & ad Hebr. cap. 6. vers. 1. & 2.*

RESPONDET Gregorius de Valentia, impositionem manuum, de qua in Scripturis sacris, non esse de essentia, sed meram fuisse cæremoniam.

Verum, si ita est, non possumus Scripturis sacris convincere hæreticos, Confirmationem esse sacramentum, quia nullum aliud hujus sacramenti symbolum exterius in Scripturis sacris demonstrari potest. Deinde, si ita licet exponere, poterimus negare materias omnium sacramentorum: dicam enim aquam non esse de essentia in baptismo secundum scripturas, nec vinum in eucharistia, nec oleum in extrema unctione. Præterea Scriptura non solet in aliis sacramentis tradere nisi essentielles cæremonias, & vix etiam illas integre. Quis ergo sibi persuadeat in hoc sacramento semper nominari ritum accidentalem, omisso essentiali? Denique Lucas refert per manuum impositionem dari Spiritum sanctum. Ergo manus impositio est pars sacramenti essentialis; nec enim gratiæ promissio cæremoniis accidentalibus, sed essentialibus facta est.

§. 4. *Solvuntur objectiones adversus tres paragraphos præcedentes.*

EX primo & tertio paragrapho præcedenti apparet falli auctores secundæ opinionis, sive illi velint manuum impositionem penitus abolitam, unctionemque in ejus locum suffectam fuisse; sive illi existiment, manuum impositionem de materia essentiali factam esse ritum sacramenti accidentalem. Prior sensus *solo §. 1. refellitur, & posterior solo §. 3.*

Quinque tamē obijci possunt adversus doctrinam tribus paragraphis præcedentibus traditam.

Prima obiectio petitur ex decreto Eugenii IV. in quo pontifex pro materia Confirmationis chrisma solum assignat : " Secundum, inquit, sacramentum est Confirmatio, cujus materia est chrisma confectum &c.

Verum in præsentī materia responderi potest, quod respondent Bellarminus in libro *de sacramento ordinis*, cap. 9. Meratius *disp. 7. sect. 2.* Gammachæus 3. par. *de sacramento ordinis*, cap. 4. §. 2. Yzambertus *de sacramento ordinis*, *disp. 2. art. 3.* Hallerius *de sacris electionibus*, pag. 441. & alii, qui ordinem materiam in manuum impositione, non in porrectione instrumentorum constituunt. Etenim si Bellarmino dicere licuit : " Concilium Florentinum non explicuisse totum ritum, sed solum unam partem Cur autem ex duabus partibus magis exprimere voluerit porrectionem instrumentorum quam impositionem manuum, duplicem rationem esse potuisse. Unam, quia intendebat assignare pro materia rem aliquam subsistentem, sicut fecit in baptismo, Confirmatione, eucharistia, & extrema-unctione : res autem subsistens non est impositio manuum, sed & calix & patena . . . Alteram, quia fortasse Armeni, qui a concilio instruebantur, in hac re errabant, & non in alia. " Si Meratio, respondere licuit, " Concilium non suscepisse ex professo declarandam accurate singulorum ordinum materiam & formam totalem ac integram : " Gammachæo, Concilium meminisse solum porrectionis instrumentorum, quia altera (manuum impositio) satis erat per se nota ex Scripturis sacris : & Hallerio, Concilium Florentinum, non omnem ordinationis materiam attulisse, sed eam solam, quæ expressius effectum ordinum explicaret &c. " Quidni licebit idem respondere in ea materia Confirmationis ?

Secunda obiectio petitur ex eodem Eugenii decreto, in quo pontifex postquam de apostolica manuum impositione locutus est, quæ *aliorum* 8. refertur, subjicit : " Loco autem illius manus impositionis datur in ecclesia Confirmatio. " Cui textui duplex sensus, qui auctoribus secundæ opinionis faveat, adhiberi potest. Primus est, loco apostolicæ manuum impositionis datur in ecclesia Confirmatio, hoc est Confirmationis sacramentum ; quasi apostolicæ manuum impositioni successerit Confirmationis sacramentum. Secundus est, loco apostolicæ manuum impositionis, datur in ecclesia Confirmatio, hoc est unctio Confirmationis ; quasi apostolicæ manuum impositioni successerit unctio, quæ modo Confirmationi essentialis est. Prior sensus faveat auctoribus secundæ opinionis, qui primam & secundam viam ineunt : posterior autem aliis, qui volunt manuum impositionem penitus abolitam, unctionemque in ejus locum substitutam fuisse ; vel qui existimant manuum impositionem, non fuisse quidem abolitam, sed de materia essentiali factam fuisse ritum accidentalem.

Aucto-

Auctores vero primæ & tertiæ opinionis, ut ab hoc textu sese expediant, varias solutiones adhibent.

Egidius Coninck in 3. *quest.* 72. *art.* 3. *dub.* 2. sub finem, respondet hoc decreto "Indicari, non rem rei, sed nomen nomini successisse; "quasi illud, quod prius dicebatur manuum impositio, nunc appelletur Confirmatio: quam quidem interpretationem plures theologi hodie sequuntur, & ad eam confirmandam adducunt auctoritatem concilii Parisiensis, quod vulgo Senonense dicitur, cujus textum descripsimus §. 2. *precedenti*. Verum hæc interpretatio textui vim facit: neque concilium Parisiense meminit decreti Eugenii, aut ad illud alludit.

Yzambertus in 3. *part. quest.* 72. *disp.* 1. *art.* 4. respondet, decretum Eugenii, "Velle tantum, episcopos per Confirmationem nunc id agere in ecclesia, quod ipsi apostoli agebant per manuum impositionem, nem, quod scilicet dent Spiritum sanctum, quem tunc dabant apostoli, ut patet ex antecedentibus.

Suares in 3. *partem, quest.* 72. *art.* 4. *disp.* 33. *sect.* 4. respondet, illis verbis non significari diversa esse hæc sacramenta, aut diversos illorum ritus: sed solum, hoc facere episcopos nunc confirmando, quod apostoli faciebant manus imponendo: & idem nunc significari nomine Confirmationis, quod tunc manus impositionis.

Bellarminus *lib. de Confirm. cap.* 9. duas solutiones affert. Prima est. "Non omnia quæ habentur in decretis aut conciliis, ad fidem pertinere, sed solum ea, quæ definiuntur: hoc autem, de quo agimus, non definitur, sed tantum obiter dicitur ad rem explicandam. "Secunda Innocentium & concilium (nempe Florentinum) "Non velle dicere, chrisma esse loco impositionis manuum, quasi apostoli non uterentur chrismate & nos non utamur impositione manus: sed vel le dicere, id ipsum quod apostoli faciebant, cum dicebantur imponere manus, facere nunc episcopos, cum dicuntur confirmare vel chrismare. Distinguitur enim in his locis (decretum intelligit Eugenii, & textum Innocentii III. de quo *infra, object.* 3.) non ritus a ritu, sed modus loquendi a modo loquendi, & personæ a personis, & denique illa particularis impositio manuum ab ista, quæ modo est: siquidem tunc communiter dicebatur hoc sacramentum, impositio manus, nunc dicitur communiter Confirmatio; præterea illam dabant apostoli, istam episcopi: denique illa erat efficacior, quia cum effectu interno dabat etiam externum, & cum gratia gratum faciente dabat etiam dona gratis data linguarum & miraculorum &c. Hac ergo ratione dici potest, id quod nunc fit, esse loco ejus, quod tunc fiebat, licet sit idem quoad substantiam. Et quod hic sit sensus eorum locorum, probatur dupliciter. 1. Quia concilium & Innocentius non dicunt, chrisma esse loco impositionis manuum, (fallitur quoad Innocentium) sed sacramentum Confirmatio-

, nis

nis esse loco impositionis manuum . At certe apostoli omnium consensu dabant sacramentum Confirmationis, (Alensis tamen & Bonaventura id absolute negant : id etiam negat D. Thomas, cum apostoli sola manuum impositione usi sunt) live adhüberint chrisma siue non . 2. Quia concilium & Innocentius ibidem dicunt, episcopos esse in ecclesia loco seu vice apostolorum . At certe apostoli veri episcopi erant, licet aliquid etiam amplius haberent.

Meratius tract. de Confirm. disp. 2. sect. 2. explosa responsione a Belarmini, respondet, " Concedendum esse Innocentium & Eugenium fas-
se vere ei sententiæ, quæ asserit apostolos aliquando sine chrismatis un-
ctione per manus impositionem Confirmationis sacramentum admini-
strasse : quo non obstante, licet contrariæ sententiæ tanquam pro-
babiliori adhærere, cum quod ab illis dictum est, non fuerit ab iis
tanquam dogma fidei definitum, sed ad uberiores doctrinæ, quam
de sacramento Confirmationis tenebant, explicationem obiter & ex
occasione inferunt.

Certum mihi videtur 1. hunc non esse Eugenii sensum, quod apostolicæ manuum impositionis successerit Confirmationis sacramentum, alioqui apostoli manum imponendo baptizatis sacramentum minime contulissent, quod falsum esse probavimus §. 2. & ipsa apostolica manuum impositio non fuisset essentialis, sed diversæ prorsus rationis a Confirmationis sacramento, quod falsum esse ostendimus §. 3. neque sacramentum Confirmationis ab apostolorum tempore complecteretur manuum impositionem; quæ enim res succedit alteri, ipsam excludit : quod etiam falsum esse probavimus eodem §. 3.

2. Hunc non esse Eugenii sensum, quod apostolicæ manuum impositioni successerit unctio; quasi hæc manuum impositio abrogata fuerit : hanc enim adhuc in ecclesia, præsertim occidentali, observari ostendimus §. 1.

3. Hunc non esse Eugenii sensum, quod apostolicæ manuum impositioni successerit unctio; quasi hæc manuum impositio de materia essentiali facta fuerit ritus accidentalis : hanc enim sacramento essentiali esse ostendimus §. 3.

4. Eugenii verbis non indicari, quod Confirmatio successerit episcopali manuum impositioni, sed apostolicæ, hoc est, ab ipsis apostolis administratæ : quod discrimen observari debet.

Verus igitur sensus repeti debet ex ipsis decreti verbis, quibus Eugenius postquam dixit, " apostolorum vicem tenent episcopi, " paucis interjectis subjicit, loco illius apostolicæ " manus impositionis datur in ecclesia Confirmatio . Utrobique eadem fere phrasidis : utrobique sicut apostolorum vicem tenent episcopi, ita apostolicæ manus impositionis vicem tenet Confirmatio. Sicut igitur episcopi successerunt apostolis, qui tamen ipsi erant episcopi; ita Confirmatio successisse dicitur apostolicæ manuum impositioni, quæ tamen ipsa verum erat

erat Confirmationis sacramentum. Et sicut apostolis successerunt episcopi, neque episcopi diversam ab apostolica auctoritatem habent; ita apostolicæ manuum impositioni successit Confirmatio, quin diversam ab apostolica manuum impositione virtutem & efficaciam habeat. Eadem igitur est apostolorum & episcoporum auctoritas, eadem est apostolicæ manuum impositionis & Confirmationis efficacia. Episcopi tamen dicuntur successisse apostolis, quia apostoli idipsum poterant, quod hodie possunt episcopi; non tamen hodie possunt episcopi, quicquid poterant apostoli; nec enim signa facere & variis linguis loqui possunt, quemadmodum olim apostoli: ita Confirmatio dicitur successisse apostolicæ manuum impositioni, quia hæc manuum impositio eandem virtutem habebat, quam hodierna Confirmatio; non tamen hodierna Confirmatio eam omnem virtutem habet, quam apostolica manuum impositio; nec enim episcopi confirmando, licet conferant Spiritum sanctum, eum hodie conferunt modo visibili, aut præter gratiam sanctificantem conferunt gratias gratis datas: quæ duo tamen apostoli neophytos confirmando, eis conferebant.

Tertia objectio petitur ex verbis Innocentii III. relatis *lib. 1. decretalium, tit. 15. cap. cum venisset*, & descriptis §. 1. *precedenti* "Per frontis chrismationem manus impositio designatur." Cui textui adversarii eandem interpretationem; Conink vero, Yzambertus, Suares, Bellarminus, & Meratius eandem responsum afferunt, quam Eugenii decreto.

Verum Innocentii textus nihil favet adversariis. Hunc enim textum expendenti apparebit, 1. manuum impositionem, quam Innocentius ait per frontis chrismationem designari, eam esse, quæ ab episcopis quotidie adhibetur, non autem eam, quæ Samaritanis, aliisque neophytis ab apostolis solemni apparatu adhibita fuit: 2. hanc manuum impositionem, ipsum esse Confirmationis sacramentum: 3. hanc manuum impositionem dici Confirmationis sacramentum, quia per eam Spiritus sanctus datur ad robur: 4. per frontis chrismationem ita designari manuum impositionem, ut frontis chrismatio manuum impositionem non excludat, sed eam includat, vel saltem admittat, & secum patiat. "Per frontis chrismationem, inquit, manus impositio designatur, quæ alio nomine dicitur Confirmatio, quia per eam Spiritus sanctus datur ad robur." Et alibi: "Sacramentum Confirmationis, chrismatio renatos; soli debent episcopi per manus impositionem conferre." Quid igitur sibi volunt adversarii, cum Innocentium nobis opponunt?

Eodem modo solvi debet IV. objectio petita ex Innocentio IV. in *epistola 10. ad Ottonem cardinalem, cap. 4.* "Soli apostoli, quorum vices gerunt episcopi, per manus impositionem, quam Confirmatio vel frontis chrismatio repræsentat, Spiritum sanctum tribuisse leguntur. Repræsentare enim idem est, ac præsentem sistere. Frontis autem chrismatio

matio manuum impositionem præsentem sistit, quia ipsam complectitur. Qua de re *infra* §. 5.

Quinta obiectio petitur ex praxi græcorum, qui nullam in Confirmatione manuum impositionem ab omni ævo adhibent. Verum id falsum esse probaturi sumus *infra*.

§. 5. *Utrum antiqui præter manuum impositionem a chrismatione diversam, aliam agnoverint quæ in ipsa chrismatione includatur.*

NEGAT Sirmondus in *antirrhético* 2. pag. 58. & 59. ubi ait manus impositionem & chrismationem "diversas semper habitas esse; " Thomam Waldensem redarguit, quia dixerit, "manum imponi un-
gendo: "subjicitque "ridiculum esse, impositionem manus in fron-
tis unctione querere: nihil fingi potuisse absurdius "denique "ri-
diculum somnium "esse: affirmant tamen gravissimi Theologi, de
quibus *supra*, art. 3. *precedenti*, eorumque assertio verbis ipsis probari
potest antiquorum, qui eodem fere modo loquuntur, & idipsum, quod
Thomas Waldensis, asserunt. Sic Beda in *psalmum* 26. "Illa unctio,
quæ per manus impositionem ab episcopis fit, & vulgo Confirmatio
dicitur &c. Et in *caput* 1. *canticorum*, "Fideles omnes cum imposi-
tione manus sacerdotalis, qua Spiritus sanctus accipitur hac unctione
signantur. "Sic Carolus magnus *lib. 7. capitularium, cap. 18.* "
Ne quis a chorepiscopis per manus impositionem consignari, vel
confirmari usquam velit. "Sic Rabanus *lib. 1. de inst. cleric. cap.*
28. "Episcopus baptizatum per manus impositionem cum ipso chris-
mate configurat. "Sic Amalarius *lib. 1. de officiis ecclesiasticis cap.*
27. "Ut ab episcopis solis inungatur per manus impositionem, ab a-
postolis assumptum est. "Sic Ratramnus *lib. 4. contra opposita græ-*
corum, "Gratia Spiritus sancti per impositionem manuum tribuitur ab
episcopis: quod tunc fit, quando frontes baptizatorum chrismate san-
cto liniuntur ab episcopis. "Et paulo post, "Donum Spiritus san-
cti tribuitur per impositionem manuum; quando frontes baptizato-
rum chrismate sancto liniuntur. "Sic Yvo Carnutenlis in *opusculo*
de convenientia novi & veteris testamenti, "Per manus impositionem
sacro chrismate contra spirituales nequitias confirmantur. "Sic Ed-
merus in *vita Beati Anselmi Cantuariensis* scribit, quosdam adiisse S.
Anselmum ut eorum liberos "per impositionem manus suæ sacri chris-
matis unctione signaret: "Sic Rupertus *lib. 5. de divinis officiis,*
cap. 16. "Omnis ecclesia unctione chrismatis per impositionem ma-
nuum consecratur. "Sic Hugo Victorinus *lib. 2. de sacramentis par.*
7. cap. 2. "Christianus unctione chrismatis per impositionem manus
in fronte signatur. "Et *parte* 1 §. *cap. 1.* "Pontifex per manus im-
positionem confirmandos ungit in fronte. Sic Innocentius III. *lib. 1.*
decre-

decretalium tit. 4. cap. quanto, "Sacramentum Confirmationis, chrif-
 " mando renatos, soli debent episcopi per manus impositionem con-
 " ferre. " *Et tit. 15. cap. cum venisset*, " Per frontis chrismationem
 " manus impositio designatur. " Denique Gregorius X. in *epistola Mi-*
chaelis Palaeologi ad eundem pontificem, in concilio Lugdunensi II. rela-
 " ta, sacramentum. " Confirmationis per manuum impositionem episcopi
 " conferunt chrismando renatos.

Inde tamen non inferas, seculis, quibus hi auctores floruerunt, ab-
 rogatam fuisse manuum impositionem, quæ chrismationem præcedit, &
 distinctam formam habet: illam enim eorum ætate fuisse in usu, ap-
 paret ex antiquis ritualibus.

OBJICIT Sirmondus, "ridiculum esse impositionem manus in fron-
 " tis unctione quærere, cum in verticis unctione, quod multo verifi-
 " milius foret, nemo usquam somniarit.

Verum si diligenter quæsiisset reperisset non somniasse, sed ita lo-
 cutum esse Rupertus, qui *libro 5. de divinis officiis caput 16.* " Syl-
 " vester papa, inquit, constituit, ut baptizatum linat presbyter chris-
 " mate, propter occasionem transitus mortis, ne propter absentiam epis-
 " copi, & difficultatem eam consequendi, sine manus impositione bap-
 " tizati migrent. " Et Hugonem Victorinum qui *lib. 2. de sacramentis*
par. 7. cap. 3. ait: " Sylvester papa constituit, ut baptizatum presbyter
 " in vertice chrismate linat, propter occasionem transitus mortis, ne
 " forte propter absentiam episcopi, & difficultatem eum consequendi,
 " sine manus impositione baptizatum ab hac vita migrare contingerent. "
 Cum enim aiunt verticis unctionem a Sylvestro institutam, ne baptiza-
 tus sine manus impositione decederet, plane dicunt manus impositionem
 in verticis unctione inesse, eamque manus impositionem, quæ im-
 positionis manus episcopalis imaginem aliquam præstat, ne baptizati ea
 penitus careant, dum eam penitus assequi non possunt. Addit Petrus
 Aurelius in *suo tractatu Orthodoxo*, *par. 1. cap. 7.* " Inter frontis ac
 " verticis unctionem plurimum differre. Nam manus impositio fron-
 " tis unctioni admixta, in eam quodammodo transit: unde minime
 " mirum, si nomen ei suum conferat, quæ illi se ipsam contulit: quod
 " cum de verticis unctione dici nequeat, male paria fecit (Sirmondus)
 " quæ longe disparia sunt.

- §. 6. *Utrum manuum impositio, quæ chrismationem præcedit,
 desierit essentialis esse seculis VI. VII. & VIII. ac
 retro sequentibus.*

CONSTAT ex Tertulliano, Cypriano &c. manuum impositionem a
 chrismatione diversam, sacramento Confirmationis essentialem
 fuisse.

fuisse . Queritur utrum seculis VI. VII. VIII. ac retro sequentibus defierit essentialis esse , & mera evaserit cæremonia , qua neophyti præpararentur ad suscipiendam Confirmationis gratiam. Hæc enim manus impositio , quæ singulis neophytis confirmandis adhibebatur , deinde omnibus generatim adhiberi cœpit , desinente saltem seculo VI. , uti constat ex sacramentario Gregorii magni ; unde Petrus Aurelius con-
jicit illam jam tum meram fuisse cæremoniam .

Affirmat igitur Aurelius , cujus mentem aperuimus *supra sect. 5.* sed opposita sententia longe probabilior mihi videtur , eaque probatur ex administratione hujus sacramenti , quæ in antiquis Ritualibus describitur .

Sacramentarium Gregorii magni : “ Pontifex veniens ad infantes ,
” tenente archidiacono chrisma , involutis scapulis & brachiis ex pan-
” no lineo , elevata manu sua super capita omnium , dicit. Omnipotens sempiterne Deus , qui regenerare dignatus es hos famulos tuos,
” ex aqua & Spiritu sancto , quique dedisti eis remissionem omnium
” peccatorum , emitte in eos septiformem Spiritum tuum sanctum para-
” clitum de cælis , Spiritum sapientiæ & intellectus , Spiritum con-
” filii & fortitudinis , Spiritum scientiæ & pietatis : adimple eos Spi-
” ritu timoris tui , & conigna eos signo Crucis in vitam propitia-
” tus æternam : per Dominum nostrum Jesum Christum , Filium tu-
” um , qui tecum vivit , & regnat Deus in unitate ejusdem Spiritus
” sancti. Resp. Amen.

Et interrogantibus diaconibus nomina singulorum , pontifex tincto
” pollice in chrismate , facit crucem in fronte unius , similiter per
” omnes sigillatim : quibus expletis , jussi incipiunt in ecclesia leta-
” niam ternam &c. “ Ita editiones vulgatæ , quæ nullam , ut appa-
” ret , specialem formulam chrismationi correspondentem assignant . Ni-
” hil etiam prorsus habet Gregorii sacramentarium Romæ inter sancti
” istius opera editum : nec aliud a Pamelio editum : nec illud antiquis-
” simum Corbeienfis bibliothecæ a Menardo luce donatum : nec aliud ,
” cujus idem Menardus mentionem facit . Atqui præfata oratio chrismatio-
” nem præcedit , & manuum impositioni chrismationem præcedenti corres-
” pondet . Hæc igitur manuum impositio ætate Gregorii Magni essentialis
” erat Confirmationi .

Concilium II. Hispalense , anno 619. *can. 7.* “ Nec licet presbyte-
” ris per impositionem manus fidelibus baptizatis paracletum Spiritum
” tradere , nec chrismate baptizatorum frontem signare , quia pontifi-
” catus apicem non habent . “ Idem habet concilium Wormatiense ,
” anno 868. *can. 8.* “ Non licet presbyteris per impositionem manus para-
” cletum Spiritum tradere , nec chrismate baptizatorum frontem signare . “
” Utrobique manuum impositio , per quam traditur Spiritus sanctus , a chris-
” matione frontis distinguitur

Ordo Romanus , qui octavo seculo compositus est : “ Pontifex ve-
” niens

niens ad infantes, tenente archidiacono chrisma, involutis scapulis & brachiis ex panno lineo, elevata & imposita manu super capita eorum, det orationem super eos, cum invocatione septiformis gratiæ Spiritus sancti. Oratio. Omnipotens sempiterne Deus, &c. “*ut in sacramentario*. “ Oratione expleta, interrogantibus diaconibus nomina singulorum, pontifex tincto pollice in chrismate faciat crucem in frontibus singulorum, ita dicendo: confirmo te in nomine Patris, & Filii, & Spiritus sancti. Resp. Amen. Pax tecum. Resp. Et cum Spiritu tuo. “ Ubi verbum, *confirmo*; ab aliquo interpolatum mihi videtur, sive quia deest in libro *de divinis officiis*, qui ordinis Romani commentarius est; sive quia deest apud Amalarium, ipsa ordinis Romani verba referentem *lib. 1. de officiis eccles. cap. 27.* in fine: “ Dicit Romanus libellus, de quo sæpe commemoravimus: oratione expleta, facit crucem cum pollice ex chrismate in singulorum frontibus, ita dicendo. In nomine Patris & Filii & Spiritus sancti. Pax tibi. Et cum Spiritu tuo.

Idem habet liber *de divinis officiis*, qui seculo nono scriptus est: “ Postquam induti fuerint (infantes) dat pontifex super eos orationem, imposita scilicet manu super capita eorum, cum invocatione septiformis gratiæ Spiritus sancti. Oratio. Omnipotens sempiterne Deus, &c. *ut supra*. Hac finita, facit crucem de chrismate cum pollice in singulorum frontibus, ita dicendo: In nomine Patris & Filii & Spiritus sancti. Pax tibi. Respondeant omnes: Et cum spiritu tuo.

Hanc vero posteriorem formulam, *in nomine Patris &c.* quam nonnullis episcopis visum est in chrismationis unctione, dum crux illa ab episcopo formaretur, pronuntiare, accidentalem prorsus, & nullo modo Confirmationi essentialem esse, Amalarium, qui seculo IX scriptis, aperte innuit *lib. 1. de divinis officiis eccles. cap. 27.* ubi virtutem ac dignitatem confirmatorię manuum impositionis & unctionis frontalis expendens, illam repetit ex priori oratione, *Omnipotens sempiterne Deus &c.* Nec ullam aliam formam agnoscit. Multis vero interjectis subjicit hanc formulam, correspondere, & similem esse orationi, qua primis ecclesię temporibus apostoli, & Augustini ætate episcopi utebantur. “ Omnia, inquit, verba superius memorata, orationis verba sunt; quoniam niam non ab illis datur Spiritus, qui manus imponunt. Unde Augustinus in *lib. 15. de Trinitate*, titulo 24. *Nullus enim aliquis discipulorum ejus dedit Spiritum sanctum: orabant quippe, ut veniret in eos, quibus manus imponebant, non ipsi eum dabunt, quem morem in suis præpositis etiam nunc servat ecclesia*. “ Tum postrema hujusce formulę verba sic interpretatur. “ Eum, quem superius precatus est Pontifex, ut mitteret Spiritum sanctum, in sequentibus petit, ut fuscipientem dignetur consignare in vitam æternam, id est, ut eundem Spiritum non amittat suscipiens, usque dum perducatur hunc suum

„ suum in vitam æternam. “ Formulæ vero, *in nomine Patris* &c. nullam virtutem tribuit, nec ex illa energiam impositionis manuum aut unctionis repetit; sed illius obiter tantum meminit in fine capitis, illam leviter præterit, nec de illa quidquam aliud in toto hoc prolixo capite asserit, nisi quod ab episcopis, dum crucem frontibus imprimerent, diversa proferretur. “ Solent, inquit, diverso modo orationem, proferre magistri simul cum cruce, quam faciunt pollice in frontibus infantium. “ Alii quippe, ut ex ritualibus seculi IX. constat, dicebant, *In nomine Patris, & Filii, & Spiritus sancti*: alii, *Signum Christi in vitam æternam*: alii aliter. Ex quibus sic argumentor. Formula ex qua manuum impositio & unctio suam virtutem repetunt, Confirmationi essentialis est. Atqui ex Amalario eam repetunt ex priori oratione. Item formula, quæ correspondet orationi, qua primis ecclesiæ temporibus apostoli, & Augustini ætate episcopi, “ Orabant, ut, “ Spiritus sanctus veniret in eos, quibus manus imponebant, pertinet ad Confirmationis essentialiam. Atqui ex Amalario id priori tantum orationi convenit. Prior igitur oratio essentialis erat. Sed ex ordine Romano, & ex libro *de divinis officiis*, prior oratio cum manuum impositione proferebatur, antequam fieret chrismatio. Manuum igitur impositio chrismationi prævia, seculis VIII. & IX. essentialis erat Confirmationi.

Id etiã colligi potest ex omnium antiquissimo Petaviano codice, *in officio sabbati sancti*. “ Postea cum ascenderit a fonte infans, signatur a presbytero in cerebro de chrismate his verbis: Deus omnipotens Pater Domini nostri Jesu Christi, qui te regeneravit ex aqua “ &c. “ *ut in ordine Romano*. “ Deinde ab episcopo datur eis Spiritus septiformis ad consignandum: imponit eis manum in his verbis: “ Deus omnipotens, Pater Domini nostri Jesu Christi, qui regenerasti famulos tuos, &c. *ut in ordine Romano*. “ Postea (id est facta per impositionem manuum & orationem invocatione Spiritus sancti) signat eos in fronte de chrismate dicens: Signum Christi in “ in vitam æternam. Resp. Amen. Inde vero cum letania ascendit ad “ sedem suam, & dicit: Gloria in excelsis. “ Ex hoc rituali apparet dari Spiritum septiformem per orationem cum manuum impositione, antequam fieret chrismatico. Hæc igitur oratio, eaque manuum impositio chrismationem præcedens, essentialis erat Confirmationi: præterea posterior formula chrismationi respondens, mere accidentalis erat seculis VI. VII. VIII. & IX. in ecclesia occidentali. Nulla enim erat ætate Gregorii Magni. Postea vero nonnulla ab episcopis adhibita est, non ratione chrismatis, sed ratione crucis, quæ in chrismatione frontibus imprimebatur, quemadmodum ex citatis Amalarii verbis apparet; ne videlicet signum crucis, quod in aliis ritibus cum invocatione Trinitatis aut Christi imprimi solebat, nullam invocationem in unctione comitem haberet. Denique diversa erat hæc formula, prout episcopis æquum

æquum videbatur. Superest igitur, ut prior oratio per manuum impositionem concessa, essentialis fuerit.

Ex his sequitur, Aurelium falli, cum in *orthodoxo*, parte 1. cap. 7. asserit orationem, quæ in ordine Romano describitur, quæque super neophytos *imposita manu super capita eorum* proferebatur cum *invocatione septiformis gratiæ Spiritus sancti*, cæremoniam esse sacramento præviam: formulam vero essentialem in his posterioribus verbis sitam esse, *Confirmo te in nomine Patris, & Filii, & Spiritus sancti*. Verbum enim, *confirmo*, temporum serie additum est in ordine Romano: eaque formula ætate, qua Romanus ordo compositus est, mere accidentalis erat.

OBJICIT Aurelius. Hæc oratio, eaque nianuum impositio, cujus præfata ritualia mentionem faciunt, non singulis seorsim, sed omnibus generatim impertitur. Ab ea igitur omnino differt, quæ temporibus Tertulliani, Cypriani &c. super singulos neophytos fieri solebat.

QUASI vero, si quis sacerdos, plures catechumenos simul baptizaret, tunc formula baptismi ab ea differret quæ plures seorsim baptizantur.

§. 7. *Utrum hodie in occidente utraque manuum impositio in Confirmatione adhibeatur, & utraque essentialis sit.*

UTramque manuum impositionem in occidente nunc adhiberi, apparet ex Romano, aliisque Pontificalibus. "Pontifex, inquit Pontificale Romanum, extensis versus confirmandos manibus, dicit: Omnipotens sempiterno Deus &c. "En manus impositionem chrismationem ni præviam.

Dallæus quidem observat, lib. 2. cap. 6. in Pontificali Romano non haberi, *impositis*, sed *extensis super confirmandos manibus*: quæ duo contendit ille distingui. Accepit ille hanc observationem a Blondello lib. de *episcopatu*, pag. 214. scribente, quod olim elevabatur & imponebatur manus super capita confirmandorum, ex ordine Romano, cap. de *sabbato sancto*. In sacramentario autem Gregorii Magni, manus *elevata* dicitur, non autem *imposita* super capita eorum. Denique utroque ritu antiquato, manus *extensa* legitur in Pontificali Romano, non *elevata*, neque *imposita*.

Verum ex eodem Pontificali Romano, ubi de ordinatione diaconi & presbyteri, apparet, *manum extendere*, & *manum imponere*, pro eodem usurpari. Blondellus vero observatione sua ridiculum se præbet. Quod enim Gregorii sacramentarium his verbis exprimit. "Elevata manu sua super capita omnium, dicit: Omnipotens sempiternus Deus &c. "Idipsum ordo Romanus sic explicat. "Elevata & imposita manu super capita omnium, det orationem super eos: Omnipotens sempiternus Deus &c. "Et liber de *divinis officiis*, qui or-

Witasse de Confirmatione.

S

, di-

„dinis Romani commentarius est: “*Dat Pontifex super eos orationem, imposita scilicet manu super capita eorum: Omnipotens sempiterna Deus &c. Ubi elevata manu, imposita manu, elevata & imposita manu, pro eodem usurpantur; aliòquin utramque caeremoniam ordinis Romani & libri de divinis officiis diversam esse, eodem argumento liceret inferre, quo Blondellus utramque sacramentarii & ordinis Romani caeremoniam distinguit. Accedit, quod auctor ordinis Romani non modo caeremonias, quas ipse refert: sed & ipsa verba, quibus eas explicat, ex Gregoriano sacramentario deprompsit. Recole utrumque textum citatum §. 6. precedenti.*

Utrum verò hæc manuum impositio, quæ chrismationem præcedit, eique correspondens formula, etiamnum in ecclesia occidentali ad Confirmationis essentiam pertineat, major est difficultas.

Neganti opinioni favet concilium Bituricense, anno 1584. coactum & anno 1585. a Sixto V. approbatum, quod tit. 20. de *Confirmat. sacram. can.* 3. nullam aliam in administratione hujus sacramenti formulam præscribit præter istam, *Consigno te signo crucis, & confirmo te chrismate salutis in nomine Patris &c.* Hæc autem formula unktioni, non autem præviæ manuum impositioni correspondet. Verum in hac causa responderi potest, quod in alia Bellarminus respondet auctoritati concilii Florentini, seu decreti pro instructione Armenorum, in quo pro materia ordinis sola instrumenta proponuntur, nulla facta mentione impositionis manuum; videlicet; Patres & concilia non consuevisse explicare totum ritum sacramentorum, non enim scribebant libros rituales; sed solum attigisse unam partem essentialem, ex qua cætera omnia intelligerentur; erant enim ritus ejusmodi notissimi omnibus ex frequenti usu.

Favet etiam huic opinioni Pontificale Romanum, *cap. de confirmandis.* “*Tunc Pontifex, inquit, extensis versus confirmandos manibus, dicit: Omnipotens sempiterna Deus &c. “ ut in ordine Romano.*” Pontifex sedens super baldistorium, vel etiam, si multitudo confirmandorum id exegerit, dispositis illis per ordinem super gradus presbyterii, vel alibi Pontifex stans cum mitra, illos confirmet per ordinem genuflexos, & uno ordine confirmato, illi surgunt, & alii genuflectunt, & confirmantur, & sic usque in finem. Et Pontifex inquit sigillatim de nomine cujuslibet confirmandi, sibi per patrum vel matrinam flexis genibus præsentati: & summitate pollicis dextræ manus chrismate intincta, dicit, *Signo te signo crucis, & confirmo te chrismate salutis, in nomine Patris &c.* “ Peracta manuum impositione chrismationi præviæ, prolataque ei correspondente formula, Pontificale indicat, procedendum esse ad sacramentum confirmandis administrandum. Supponit igitur præviā impositionem esse ritum dumtaxat accidentalem, qui ad Confirmationis sacramentum disponit.

Verum huic difficultati responderi potest. 1. In hoc textu non haberi procedendum esse ad sacramentum confirmandis administrandum, sed ad Confirmationem, id est unctionem exhibendam: Confirmatio enim idem plerumque sonat quod unctio, sicut in Eugenii IV. decreto; ubi loco manus impositionis *dari* dicitur in *ecclesia Confirmatio*, id est unctio. 2. In ritualibus aliud est ritus observari solitos describi, aliud illos exponi: rituum enim descriptio, non expositio ad ritualia pertinet. In Pontificali Romano præscribitur, ut Pontifex manum imponat confirmandis, & super eos oret, eoque ritu facto ad unctionem procedat. Utrum autem hæc unctio sit ex toto, vel ex parte materia Confirmationis, difficultas est, cujus expositio ad theologiam, non ad ritualia pertinet.

Affirmanti autem opinioni favet concilium Colonienſe, anno 1536. *can.* 8. ubi eandem manuum impositionem requirit, quam auctor epistolæ, nomine Urbani I. consistit, *cap.* 7. Favet etiam concilium Moguntinum, anno 1549. *cap.* 17. & 18. ubi docet. 1. "Sacramentum Confirmationis ex institutione Christi, & apostolorum praxi, ecclesie relictum esse. 2. Inde ecclesiam catholicam Spiritum sanctum per manus episcoporum fidelibus tradendi normam accepisse. 3. Hoc sacramentum ab initio sola manuum impositione exhibitum fuisse. 4. Sub ipsis temporibus apostolorum, ex eorum traditione, adhibita chrismatis unctione cœpiſſe conferri. "Requirit illud concilium manuum impositionem, qualem apostoli adhibuerunt. Atqui ex eodem concilio apostoli confirmarunt sola manuum impositione. Requirit igitur manuum impositionem a chrismatione prorsus diversam. Favet denique concilium Rhemenſe, anno 1583. *capite de Confirmatione*, ubi ait effectum huius sacramenti "non nisi per impositionem manuum episcopi" conferri, nulla chrismatis mentione facta.

OBJICIT 1. Aurelius adversus hanc posteriorem sententiam. "Sacramenta ministrorum mens efficit ac voluntas. Sed ecclesia sacramentum per istam manuum impositionem chrismationis præviam, conficere nec vult, nec cogitat. Hæc igitur sacramentum esse non potest.

Verum Aurelius minorem quidem affirmat, non probat.

OBJICIT 2. Ecclesia sacramenta non confuse universis, sed propriè singulis ministrat. "Atqui manuum impositio chrismationi prævia, "cujus antiqua & recentia ritualia mentionem faciunt, "non singulis seorsim, sed omnibus generatim impertitur.

Vetum quid impedit, quominus episcopus manum imponendo non singulis seorsim, sed omnibus generatim subdiaconis, adhibita formula ordinaria, cæterisque necessariis conditionibus rite observatis, ipsos ad diaconatum promoveat? Nonne baptismi & abolutionis sacramenta, quamvis pluribus simul concessa, valerent?

OBJICIT 3. Si quis post manus impositionem istam discederet,

„ priusquam frontis unctionem ab episcopo accepisset, nemo eum vel
 „ sacramentum Confirmationis, vel Spiritum sanctum affecutum arbi-
 „ traretur; nec dubium foret, quin ei ad episcopum primo quoque tem-
 „ pore redeundum esset, ut utrumque perciperet. Contra multi post
 „ peractam ejusmodi manus impositionem, vulgo accedunt, chrismatis
 „ unctionem percipientes; quibus Confirmationis sacramentum sola il-
 „ la unctione tribui nemo dubitat, nec dubitare potest, nisi damna-
 „ ta Episcoporum omnium, ecclesiarumque totius consuetudine ac sen-
 „ tentia.

Verum qui primam sententiam amplectuntur, & Confirmationis ef-
 sentiam in sola manuum impositione chrismationi prævia, constituunt,
 aperte negant sacramentum sola illa unctione tribui. Qui vero eam in
 manuum impositione chrismationi prævia, & in ipsa chrismatione con-
 stituunt, facile respondebunt, ex hoc ratiocinio sequi duntaxat, illam
 manuum impositionem esse materiam adæquatam, non autem eam mi-
 nime essentialem esse.

§. 8. *Utrum Græci veteres in hoc sacramento manuum impositionem
 admiserint, & recentiores admittant.*

EX catholicis Jacobus Goarius in *notis ad euchologium*, pag. 1366. lex
 Calvinistis vero Blondellus *lib. de episcopis* pag. 213. quos plerique
 alii sequuntur, docent manuum impositionem in Græcorum catero-
 rumque orientalium praxi nec esse, nec unquam fuisse. Unde Goarius
 concludit Confirmationem in sola unctione reponendam esse.

A S S E R T I O I.

GRÆCI veteres manuum impositionem in sacramento Confirmationis
 admiserunt.

PROBATUR vel ipsa Græcorum auctoritate.

Dionysius Alexandrinus, qui floruit seculo III. apud Eusebium *lib.*
7. cap. 2. referens controversiam inter Cyprianum & Stephanum Pa-
 pam, nullius unctionis mentionem facit, sed solius baptismi & ma-
 nuum impositionis. “ Quæstio, inquit, non modica tunc temporis mo-
 „ ta est; an debeant, qui ex quavis hæresi convertuntur, baptizmate
 „ repurgari: cum priscus mos esset, sola oratione erga illos cum im-
 „ positione manuum uti.

Firmilianus, qui eodem seculo III. floruit, in *sua epistola ad Cy-
 prium*, solius manuum impositionis meminit. “ Omnis potestas &
 „ gratia constituta est, ubi præsident majores natu, qui & baptizandi
 „ & manum imponendi, & ordinandi possident potestatem. “ Et
 „ postea. “ Sic eis manus imposuit, ut acciperent Spiritum san-
 „ ctum.

Sy-

Synodus Nicæna I. quæ seculo IV. coacta est, *can. 8.* Novatianos suscipi jubet *per manus impositionem*, quam confirmatoriam esse ostendimus *supra*.

Auctor constitutionum Clementinarum, qui floruit seculo IV. *lib. 7. cap. 44. & 45.* "Postquam vero baptizaverit, ungat eum unguento christatis, inquires: Domine Deus ingenite &c. Hæc est enim virtus impositionis manus in unoquoque qui baptizatur."

Chrysostomus, qui floruit desinente seculo IV. ejusdem manuum impositionis meminit *in caput 19. actuum, & in caput 6. ad Hebræos.*

Theodoretus, qui floruit seculo V. *in caput 6. ad Hebr.* "Per manuum sacerdotalem impositionem, Spiritus gratiam accipiunt."

Gennadius Constantinopolitanus, qui floruit eodem seculo V. *in caput 6. ad Hebr.* Baptizati seipsos subjiciant impositioni manuum sacerdotum ad participationem Spiritus.

Eulogius Alexandrinus, qui seculo VI. floruit *lib. 2. contra Novatianos.* "Oportet eos dignos reddi adventus Spiritus sancti, qui per impositionem manuum apostolorum fiebat." Et *infra,* "Non potestis fundamentum fidei iterum recipere, nec baptismum secundum, nec manuum impositiones."

Photius, qui seculo IX. floruit, *in cap. 6. ad Hebr.* Confirmationem explicat per manuum impositionem, & manum imponi, ac Spiritum sanctum accipere, pro eodem habet.

Tria extant antiquissima Græcorum euchologia seu sacramentaria. Primum est Barberinum, quod annorum octingentorum canitie venerandum esse testatur Morinus *lib. 9. de penitentia cap. 9. num. 9.* (scribebat hæc Morinus anno 1651.) Secundum est Cryptæ Ferratæ prope Romam, quod quingentorum annorum ætatem excedit ex Morino *ibidem num. 16.* Tertium est bibliothecæ regię, ex quo, quæ ad hanc causam pertinent, evulgavit & latina fecit Petrus de Marca *in dissertatione de primatu Lugdunensi & ceteris primatibus*, quam ille ad episcopatum Conforanensem nominatus, anno circiter 1643. composuit: & quod in eadem dissertatione *ante annos octingentos* manuscriptum asserit. Primum, quod de hæreditate Nicolai de Nicolis provenit, datum fuit monasterio Florentino sancti Marci Prædicatorum ordinis: exinde translatum in instructissimam cardinalis Francisci Barberini bibliothecam; quo fit, ut Morinus illud simpliciter appellet Barberinum, Goarius vero Barberinum sancti Marci. Secundum illud idem est. "Euchologium Patriarchale, quod (ut scribit Arcudius *lib. 6. concordia, cap. 3.*) in concilio Florentino Georgius Vari Cretensis presbyter Græcus Juliano presbytero cardinali sanctæ Sabinæ donavit, ut in calce manu ipsius, usmet cardinalis notatum est." Quo donatus deinde Bessarion cardinalis, Cryptæ Ferratæ factus abbas, illud eidem monasterio post obitum legavit aservandum. Tertium e celeberrima ducum Florentinorum bibliotheca Parisios in regiam delatum est.

Witasse de Confirmatione.

S 3

In

In his vero tribus eucharistiis eadem suscipiendorum hæreticorum formula describitur, juxta discrimen annotatum in synodo II. œcumenica, *can. 7.* cujus verba referuntur: illique subjicitur hæresis ejurande modus, sacerdote conceptis verbis præunte. Quo peracto; sacerdos manus habens super caput hæretici conversi, suscit orationem, qua invocatur Spiritus sancti adventum: "Deus Salvator noster, &c." dignare illum sigillo divini unguenti & adventu Spiritus sancti, &c. Posthæc ungit eum sacerdos unguento, sicut neophytos, eandemque formulam super eo recitat. "Quid apertius proferri potest ad duo illa demonstranda: signationem scilicet Græcorum constituisse, & manus impositionem, & chrismatis unctionem: tum vero impositionem manuum, quæ resipiscentibus hæreticis quibusdam adhibebatur, ipsum fuisse Confirmationis sacramentum, non autem meram cæremoniā?"

Oecumenius, qui seculo decimo floruit, in *cap. 6. ad Hebr.* "Neque enim licitum est, ut rursus baptizeris, & per manuum impositionem accipias Spiritus sancti superventionem."

Theophilactus, qui seculo undecimo floruit, in *cap. 6. ad Hebr.* "Sequitur participatio Spiritus sancti &c. per impositionem autem manuum dabatur &c."

Simeon Thessalonicensis, qui seculo undecimo, vel duodecimo floruit, in *libro de templo*, "Christus per manuum impositionem, & inspirationem unguenti, gratiam (baptizatis) impertitur."

Michael Palæologus, qui Græcis imperabat anno 1274. in *sua ad Gregorium X. epistola*, in concilio Lugdunensi II. relata, Sacramentum Confirmationis per manus impositionem episcopi conferunt christum renatos.

Accedit Siricii papæ testimonium in *epistola ad Himerium*, "Arianos cum Novatianis, aliisque hæreticis, sicut est in synodo constitutum, per invocationem solam septiformis Spiritus Episcopalis manus impositione, catholicorum conventui sociamus, quod etiam totus oriens, occidentisque custodit." Synodus, de qua loquitur, Nicæna est.

Attamen adversus ea, quæ breviter probavi, objici potest Gregorii Magni epistola, quæ extat *lib. 9. num. 61.* Consultus enim a Quirino, cæterisque episcopis catholicis Iberiæ juxta Pontum inter Colchida, & Armeniam, quomodo Nestoriani, ad veram fidem redeuntes, suscipiendi essent, ita respondet, ut orientis morem erga hæreticorum susceptionem diversum ab occidentis consuetudine significet. duo quippe genera hæreticorum ponit, quorum alii baptizati fuerunt in nomine Trinitatis, ut Ariani, alii vero non, ut Cataphrygæ. Posteriores iterum tingendi sunt: ex prioribus vero alii, ut Ariani, in occidente per manus impositionem, & in oriente per chrismatis unctionem suscipiuntur: alii vero per solam fidei confessionem. "Ab

„ antiqua Patrum institutione didicimus, ut qui apud hæresim in Tri-
 „ nitatis nomine baptizantur, cum ad sanctam ecclesiam redeunt, aut
 „ unctione chrismatis, aut impositione manus, aut sola professione
 „ fidei ad sinum matris ecclesie revocentur. Unde Arianos per im-
 „ positionem manus occidens, per unctionem vero sancti chrismatis ad
 „ ingressum sancte ecclesie catholicæ oriens reformat. Monophysitas
 „ vero & alios ex sola vera confessione recipit: quia sanctum baptis-
 „ ma, quod sunt apud hæreticos consecuti, tunc in eis vires emun-
 „ dationis recipit, cum vel illi per impositionem manus Spiritum san-
 „ ctum acceperint, vel isti propter professionem veræ fidei, sanctæ
 „ & universalis ecclesie visceribus fuerint uniti. Hi vero hæretici qui
 „ in Trinitatis nomine minime baptizantur, sicut sunt Bonosiani & Ca-
 „ taphryge &c. “ Gregorius, ut apparet, orientalem chrismatis unctio-
 „ nem opponit occidentali manuum impositioni. Illa igitur unctio ma-
 „ num impositionem excludit.

Vulgo respondetur unctionem, de qua Gregorius, cæremoniam mere reconciliatoriam esse, non autem sacramentalem, & confirmatoriam. Verum, si hæc unctio usurpata in admissionem hæreticorum, mera fuit cæremonia; cur eam Patres erga Monophysitas seu Eutychianos adhiberi prohibuerunt?

Petrus de Marca in notis ad can. 28. *Claremontanum*, subindicat oppositionem esse nominis, non rei, quatenus ritus, qui in occidente, & oriente unus & idem erat, ab occidentalibus manuum impositio, & ab orientalibus chrismatio frequentius dicebatur.

Certum mihi videtur, manus impositionem occidentis, de qua Gregorius, opponi quidem chrismationi orientis, ita tamen, ut ritum chrismationis absolute non excludat. 1. Quia Gregorius de orientis chrismatione, & de manus impositione occidentis initio locutus, & de fidei professione ab hæreticis exigenda, in fine loci laudati verba sua colligens, ait “ per impositionem manus, & professionem fidei, “ baptisni vires in hæreticis conversis suscitari, omissa mentione chrismatis, ut pote quæ comprehensa esset in impositione manus: 2. Quia concilio Arausicano I. anno 441. can. 2. “ Hæreticos in mortis discrimine positos, si catholici esse desiderant, si desit episcopus, a presbyteris cum chrismate, & benedictione consignari placet. 3. Idem placet concilio Epaoensi, can. 16. 4. Concilium Arelatense II. anno 452. can. 17. Arianos & Bonosiacos “ Cum chrismate, & manus impositione in ecclesia recipi jubet. 5. Faustus episcopus Regiensis lib. 1. de libero arbitrio cap. 15. “ Hæretico in nomine Trinitatis baptizato tantum per se virtus ipsa mysterii confert, ut baptismatis iterum ratione non egeat, sed ut tantum benedictione chrismatis induatur. “ 6. Gennadius Massiliensis, lib. de eccles. dogmat. cap. 52. “ Et sic manus impositione & chrismate communiti eucharistie mysteriis admittantur. “ 7. Ildorus Hispalensis Gregorii papæ amicus lib. 2. de

divinis officiis cap. 14. " Hæretici, si tamen in Patris & Filii & Spiritus sancti attestatione docentur baptisma suscepisse, non iterum baptizandi sed solo chrismate & manus impositione purgandi sunt. " 8. Gregorius Turonensis, Gregorio Magno æqualis, & amicus, plura, & eaque illustria conversionis Arianorum ad fidem exempla refert, sed quæ omnia cum chrismatis unctione facta sunt. Videlicet ejus historiam *lib. 2. cap. 31. & 34. lib. 4. cap. 27. & 28. lib. 5. cap. 38. & lib. 9. cap. 15.* 9. Recaredus rex, in ea oratione quam habuit ad concilium III. Toletanum anno 589. in quo cum Gothorum gente Arianismum abjuravit, rogans patres, ut scriptam fidei suæ & primorum gentis professionem, syngraphis omnium consignatam, ad futuram rei memoriam conservent, sic habet: " Ut hæ gentes, quas in Dei nomine regia potestate præcellimus, & quæ de cetero antiquo errore per unctionem sacrosancti chrismatis, vel manus impositionem paracletum intra Dei ecclesiam perceperunt Spiritum, " &c. Ubi conjunctio vel non est eo loco disjunctiva, sed copulativa, quod sæpe contingit in auctoribus seculorum sexto, septimo & octavo. Sic Gregorius Turonensis *lib. 1. mirac. cap. 11.* " Hujus beatæ Virginis reliquias, cum sanctorum apostolorum vel beati Martini quadam vice super me in cruce aurea positas exhibebam. " 10. Walafrius Strabo, *lib. de rebus ecclesiasticis. cap. 26.* ait " Hoc in canonibus, & decretis patrum frequens haberi, ut quicumque ab hæreticis in trinitate fuerit baptizatus, rebaptizari non debeat, sed chrismate, & manus impositione perfici. "

Certum quoque mihi videtur, orientis chrismationem, de qua Gregorius, ita manuum impositioni occidentis opponi, ut ritum impositionis manuum absolute non excludat. 1. Quia ille chrismationem orientis, & manuum impositionem occidentis æqualiter opponit. Sed impositio manuum occidentis non excludit chrismationem orientis, ut jam probavimus. 2. Quia orientis & occidentis similem fuisse ritum in Arianis per manuum impositionem admittendis, didicimus ex Siricio. 3. Quia ipsimet auctores græci *supra* citati, quorum alii priores, alii æquales, alii Gregorio Magno posteriores, fidem faciunt manuum impositionem in confirmandis, seu catholicis seu hæreticis adhibitam fuisse. 4. Quia de Arianorum susceptione idipsum speciatim testantur tria euchologia superius laudata. *Arianos* quidem, inquirunt, & *Macedonianos*, &c.

Dices. Si unctio orientis non excludit impositionem manuum, nec impositio manuum occidentis excludit unctionem, sed idem ritus fuerit utriusque ecclesiæ. Quorsum igitur Gregorius utrumque ritum opponit?

RESPONDEO. Idem erat Gregorii ætate ritus utriusque ecclesiæ in Arianis admittendis, utraque in hoc ritu, & manuum impositionem, & chrismatis unctionem complectebatur, cum eo tamen discrimine, ut in

ut in hoc ritu apud occidentales manuum impositio, apud orientales autem chrismatis unctio potior esse videretur; quo fit, ut illi manuum impositione, isti vero chrismatis unctione hoc mysterium frequentius significarent.

Dices iterum. Concilium II. œcumenicum *can. 7.* modum præscribens, quo Arianis, Macedonianis &c. per Confirmationem in ecclesiam admitti debent, solius unctionis meminit.

RESPONDEO in hoc canone omnia recensita non fuisse, sed quædam prætermissa ut quæ Græcis illo tempore essent in usu. Id certum videtur ex tribus ritualibus Græcis *supra* citatis, qui canonis ipsius verba referentes, manuum impositionem, & unctionem præscribunt. Liceat enim hic proferre, quod Bellarminus in alia causa protulit, *lib. de ordine cap. 9.* "Patres & concilia non consuevissent explicare, totum ritum sacramentorum, non enim scribebant libros rituales, sed solum attigisse unam partem essentialem, ex qua cætera omnia intelligerentur, erant enim ritus hujusmodi notissimi omnibus ex frequenti usu."

Non desunt tamen argumenta, quibus probari posset, diu esse, cum in ecclesia orientali cessavit manuum impositio in Confirmatione neophytis recens baptizatis administranda. Rituale Severi patriarchæ meminit quidem manuum impositionis in baptismo adhibendæ, sed nullam ejus mentionem facit, ubi de ritibus Confirmationis, nullam etiam mentionem faciunt tria euchologia *superius* citata, ubi de ritibus hujus sacramenti, quamvis ejus meminerint, ubi de ritibus in ecclesiam admittendi Arianos, Macedonianos &c. Quo fit ut Græci seculis illis, quibus hæc tria euchologia descripta sunt, vel Confirmationem alio modo hæreticis ad ecclesiam redeuntibus, & alio neophytis recens baptizatis administrarent: vel certe manuum impositionem in Arianis ad ecclesiam redeuntibus adhiberent propter reconciliationem, non autem propter Confirmationem. Simeon quoque Thessalonicensis in libro manuscripto bibliothecæ Vaticanæ, de quo *supra pag. 252.* innuit unctionem solam a Græcis adhiberi, unctionem successisse manuum impositioni, eamque mutationem factam fuisse ab ecclesia post apostolorum ætatem, quæ quomodo sibi cohæreant cum textu relato *superius, pag. 244.* ex libro *de templo* non video.

A S S E R T I O II.

Manuum impositio, quam Græci veteres admiserunt, erat chrismationi prævia.

PROBATUR I. ex Firmiliano, qui de eadem manuum impositione loquitur, de qua Cyprianus. Constat autem ex *epistola 73. ad Jubianum*, manuum impositionem, de qua Cyprianus, præcessisse chrismationem. Textum descriplimus §. 2. *præcedenti*. 2. Ex Siricio, qui

asserit

asserit eundem fuisse ritum utriusque ecclesie in hæreticis per manuum impositionem admittendis. Sed ritus occidentis erat manuum impositio a chrismatis unctione omnino dissimilis, ut constat ex concilio Arelatenſi II. Gennadio, Ilidoro Hispalenſi, & Walafrido mox citatis. 3. Ex tribus eu-
chologiis *ſupra* laudatis.

Utrum vero Græci manuum impositionem unctioni præviā etiam-
num adhibeant, incertum eſt. Negant plurimi, quod in hodierno eucha-
logio nulla mentio fiat huiusmodi manuum impositionis. Affirmant
aliqui, ea innixi conjectura quod in eodem euchologio referatur ora-
tio chrismationi præviā, qua ſacerdos Deum invocat, ut neophy-
to *ſignaculum doni ſancti Spiritus largiatur*. Ubi autem eſt oratio ibi
ſubintelligitur manuum impositio, quæ, ut loquitur Sanctus Auguſti-
nus lib. 3. de baptiſmo, cap. 16. *nihil eſt aliud, niſi oratio ſuper ba-*
ptiſmum.

Verum, huic argumento tria reſponderi poſſunt. 1. Aliud eſt, ma-
nuum impositionem eſſe orationem ſuper hominem: aliud, orationem
eſſe manuum impositionem. Oratio enim pro aliquo ſundi poteſt ſine ma-
nuum impositione ſuper ejus caput. 2. Hæc oratio ab ea proſus diſſi-
milis eſt, quæ in Romano pontificali reſertur. Latini enim per iſtam
orationem poſtulant ſeptiformem Spiritum: Græci vero petunt, ut Deus
largiatur *ſignaculum doni ſancti Spiritus*, id eſt, chrismationis unctionem,
quæ in eodem euchologio *ſignaculum doni Spiritus ſancti* appellatur. 3.
Hanc Græcorum orationem mere cæremoniam eſſe, qua neophytus ad
utrumque Confirmationis & eucharistiæ ſacramentum præparatur, appa-
rebit eam legenti. Sacerdos enim per eam Deum deprecatur, ut *ſigna-*
culum doni ſancti Spiritus, & ſancti corporis & pretioſi ſanguinis Chriſti
ſui communionem confirmando largiatur. Nullam igitur manuum imposi-
tionem chrismationi præviā Græci hodierni admittere videntur. Suſ-
ficit ad orientalis Confirmationis valorem, ut eam Græci manuum im-
positionem adhibeant, quæ uno & eodem actu cum unctione conſer-
tur, & a frontis chrismatione minime divelli poteſt. Quamvis enim
manuum impositio generatim ſpectata, ex iſtituto Chriſti ad Confir-
mationis eſſentiam pertineat, nihilominus penes eccleſiæ arbitrium eſt,
eam determinare ad manuum impositionem ab unctione diviſam, vel
indiviſam: ſicut ablutio generatim, ex iſtituto Chriſti ad eſſentiam
baptiſmi pertinet, ſed in eccleſiæ poteſtate eſt eam determinare ad im-
perſionem, eamque trinam, vel unicam, aut ad inſuſionem, aut ad
aſperſionem: ſicut etiam formulæ quædam generatim, ex Chriſti præ-
cepto ad Confirmationis, poenitentię, & extremæ unctionis eſſentiam
pertinent; ſed penes eccleſiæ poteſtatem eſt, has & illas peculiareſ for-
mulas miniſtris ſuis præſcribere, quibus omiſſis, nulla ſunt hæc ſacra-
menta.

§. 9. Solvuntur leviores quaedam difficultates.

QUÆRITUR an utraque manus imponenda sit, vel una sufficiat. **R**ESPONDEO satis esse, si una imponatur. 1. Quia scripturæ sacræ numero singulari vel plurali in eodem loco promiscue utuntur, actorum 8. v. 17. & 18. *Tunc imponebant manus super illos, & accipiebant Spiritum sanctum. Cum vidisset autem Simon, quia per impositionem manus apostolorum daretur Spiritus sanctus &c.* Actorum 19. v. 6. *Cum imposuisset illis manus Paulus.* E. v. 11. *Virtutes non quaslibet faciebat Deus per manum Pauli.* Ita vulgata editio; Græca tamen pluralem numerum ubique habet. Matthæi 9. vers. 18. *Impone manum tuam* (τὰς χεῖρας) *super eam.* Et Marci 5. *Impone manum tuam* (græce τὰς χεῖρας) *super eam.* Verum ibi agitur de sanatione filiae Jairi. 2. Quia ex auctoribus tota questione 1. sect. 2. citatis, alii numero singulari, alii plurali, alii utroque usi sunt.

QUÆRITUR iterum, an dextera manus necessario imponenda sit, an alterutra sufficiat.

RESPONDEO, auctores, qui singulari numero utuntur, non indicare, quod una potius, quam altera requiratur. Alterutra igitur sufficit. Chrismationem tamen, atque adeo manuum impositionem ab ea indivulsam, manu dextera faciendam esse, ordinat pontificale Romanum.

QUÆRITUR 3. quare manuum impositio adhibeatur in Confirmatione.

RESPONDEO quia manuum impositione significatur descensus Spiritus sancti; hinc sacerdos, antequam consecret, manus super oblata imponit, ut Spiritus sanctus ad consecrationem descendat; hinc confessor, antequam poenitentem absolvat, manum ei imponit, ut Spiritus sanctus descendat ad peccatorum remissionem: hinc episcopus in Confirmatione manum imponit, ut Spiritus sanctus super neophytum descendere dignetur ad ipsum illuminandum, & in fidei professione corroborandum. Manuum igitur impositione significatur descensus Spiritus sancti, per quem anima illustratur: “Caro, inquit Tertullianus, manus impositione adumbratur, ut & anima illuminetur: “ vel etiam designatur virtus, qua quis in Confirmatione protegitur atque firmatur adversus hostes fidei: proprium enim est Spiritus sancti obumbrare sua virtute, unde illud angeli ad beatam Virginem, *Virtus altissimi obumbrabit tibi.*

S E C T I O VI.

De Unctione.

UNCTIO, de qua nunc agitur, fit ex chrismate, chrisma vero ex oleo & balsamo permixtis, & ab episcopo benedictis.

Circa unctionem queri potest, 1. Utrum illa ad Confirmationis essentiam pertineat. 2. Utrum apostoli unctionem aliquam adhibuerint. 3. Utrum hæc unctio primis ecclesiæ temporibus fieret in fronte. 4. Quæ fuerit origo unctionis verticalis, quis progressus &c. ubi de opinione Sirmondi circa duplicem unctionem. 5. Quæ fuerit conjunctio, & quis ordo unctionis frontis & impositionis manuum: ubi de Sirmondi sententia circa unionem, separationem, & iteratam adunationem unctionis & impositionis manuum.

Plures etiam quæstiones circa chrisma fieri possunt, quarum aliæ ad oleum, aliæ ad balsamum, aliæ ad utriusque mixtionem, aliæ ad benedictionem attinent: de singulis ordine agendum est.

§. 1. *Utrum unctio ad Confirmationis
essentiam pertineat.*

NEGANT auctores, qui primam, affirmant contra qui secundam & tertiam opinionem sequuntur. Celebris erat hæc controversia theologos inter & canonistas Aureoli ætate. Sic enim ille in 4. dist. 7. *quest. 1.* " Tenent theologi, quod chrisma est de essentia sacramenti, " sicut aqua est de essentia baptismi: & tunc dicunt consequenter, " quod papa non potest immutare, faciendo quod hoc sacramentum " fieret in alia materia. Burchardus autem, & alii doctores canonici " tenent oppositum, & quod papa similiter posset dispensare: & eo- " rum motivum est, quia quod in tali materia fieret sacramentum Con- " firmationis, non fuit traditum a Christo, nec ab apostolis præcep- " tum observari, sed statutum fuit in antiquis conciliis: talia autem " immutari possunt auctoritate papæ. " Sententia vero quæ docet chris- " matis unctionem essentialem, hodie apud theologos ita communis est, " ut eorum plurimi eam esse de fide existiment: qua de re *supra*, *quest.* 2. *art. 2.*

A S S E R T I O.

Unctio pertinet ad Confirmationis essentiam.

PROBATUR 1. ex tribus scripturæ locis, quibus vel expresse fit mentio hujus unctionis, vel certe ad eam alluditur. Prior est 2. Corinth. cap. 1. v. 21. & 22. *Qui confirmat nos in Christo, & qui unxit nos Deus: qui*

qui unxit nos, Deus ? qui & signavit nos, & dedit pignus Spiritus in cordibus nostris. Quem locum de sacramento Confirmationis exponunt Ambrosius *lib. de iniciandis cap. 7.* Theodoretus, Parisius, & Anselmus *commentariis in hunc locum* : & verba ipsa satis aperte hoc significant. Nam in primis, verbum *confirmat* proprium est hujus sacramenti, in quo robur datur. Deinde *unxit nos* refertur ad unctionem externam ; vel si ad internam referatur ; sit allusio ad externam ; interior enim unctio per exteriorem dari & significari solet. Illud autem *signavit nos* referri potest vel ad interiorem characteris obligationem, vel ad exterius crucis signaculum, quod in fronte imprimitur. Hæc denique verba *dedit pignus Spiritus in cordibus* significant præcipuum hujus sacramenti effectum, qui est donum Spiritus sancti, quo neophyti "per episcopi Confirmationem regno Christi dotantur," inquit Honorius Augustodunensis. Secundus est Joannis cap. 2. v. 22. *Sed vos unctiones habetis a sancto &c.* Quem Augustinus *tract. 3. in 1. Joannis epist. de sacramento Confirmationis* intelligit. Subjicit enim : "Unctio spiritalis, ipse Spiritus sanctus est, cujus sacramentum est in unctione visibili." Tertius est ibidem v. 27. *Et vos unctionem quam accepistis ab eo, maneat in vobis &c.* Quem locum de eodem sacramento interpretantur Cyrillus Hierosolymitanus *catechesi 3. mystag.* & Augustinus *ibid.* Subjicit enim Augustinus : "Unctionis sacramentum, est virtus ipsa invisibilis : unctio, invisibilis Spiritus sanctus &c.

2. Hæc tria loca de sacramento Confirmationis exponunt Cyrillus Hierosolymitanus, Ambrosius, Augustinus, Theodoretus, Primasius, & Anselmus. Agnoscunt igitur hanc unctionem a Deo institutam, ab apostolis observatam, & sacramento essentialem esse.

3. Ritus ille sacramento essentialis est, cui tribuitur simpliciter virtus sanctificandi. Atqui chrismatis unctioni hanc virtutem Patres attribuunt. Item ritus ille sacramento Confirmationis essentialis est, cui tribuitur proprius Confirmationis effectus. Atqui Patres unctioni tribuunt proprium Confirmationis effectum. Utraque minor propositio iisdem probari potest testimoniis, quibus *supra*, art. 2. pag. 241. & seq. Tridentinam de chrismate definitionem vindicavimus adversus hæreticos. His addes Innocentium III. & Gregorium X. *supra* citatos *sess. 3. precedenti*, §. 1. pag. 256. & 257. & Innocentium IV. *infra* citandum *ratione 7.*

4. Quia omnes fere auctores tota *quest. 1.* citati sacramentum Confirmationis in unctione aperte constituunt. Ita Dionysius Areopagita, Theophilus Antiochenus, Tertullianus, Cyprianus, concilium Laodicenum, Opatus, concilium II. œcumenicum, Pacianus, Cyrillus Hierosolymitanus, Gregorius Nazianzenus, Ambrosius, Innocentius, Augustinus, Cyrillus Alexandrinus, Leo magnus, Theodoretus, Gennadius Massiliensis, Primasius, Gregorius magnus, Gregorius Turonensis, Job monachus, Isidorus Hispalensis, Maximus martyr, Beda, Gregorius

III. ordo Romanus, Theodulphus Aurelianensis, auctor operum cardinalium, Aponius, Paschasius, Rabanus, Amalarius, liber *de divinis officiis*, Ratramnus, Petrus Damiani, Yvo Carnutensis, Goffridus Vindocinensis, Simeon Thessalonicensis, Bernardus, Rupertus, Stephanus Eduensis, Algerus, & Honorius Augustodunensis, quibus addes Innocentium III. *sect.* 5. superiori, §. 1. citatum, Gregorium X. *ibidem* relatum, Eugenium IV. *in decreto* pro instructione Armenorum & Gregorium protosyncellum *supra* citatum.

5. Quia plures ex citatis auctoribus modum recensentes, quo Confirmationis sacramentum administrari debet, unctionem requirunt. Ita Dionysius Areopagita, Tertullianus, concilium œcumenicum II. Ambrosius, Gregorius magnus, Maximus martyr, ordo Romanus, liber *de divinis officiis*, euchologia, regium, Barberinianum & Cryptæ Ferratæ. Quin etiam ex illis Dionysius, concilium œcumenicum II. Ambrosius, & Maximus martyr unctionem requirunt, nulla facta mentione impositionis manuum.

6. Quia ex citatis auctoribus plures & manuum impositionis & unctionis simul mentionem ita faciunt, ut vel utrique, vel unctioni tantum tribuant virtutem conferendi Spiritum sanctum. Ita Tertullianus, Innocentius, Augustinus, Theodoretus Primasius, Gregorius magnus, Isidorus Hispalensis, Beda, ordo Romanus, Theodulphus Aurelianensis, Rabanus, Amalarius, liber *de divinis officiis*, Ratramnus, Yvo Carnutensis, Simeon Thessalonicensis, & Rupertus.

7. Quia plures ex citatis auctoribus huic unctioni ita tribuunt virtutem conferendi Spiritum sanctum, ut ea prætermissa, negent Spiritum sanctum conferri posse. Ita Cornelius papa, & Pacianus.

8. Quia plures ex citatis auctoribus hanc unctionem apostolicæ manuum impositioni æquiparant; ita Innocentius I. Isidorus Hispalensis, Beda, ordo Romanus, Theodulphus Aurelianensis, Walafridus Strabo, Bertramnus, & Honorius Augustodunensis; quibus addes Innocentium III. loco *supra* citato, & Innocentium IV. *in epist.* 10. *ad Ottobonem cardinalem cap.* 4. & 5. "Soli, inquit, episcopi consignent chrismate," in frontibus baptizatos: quia hujus unctio non debet nisi per episcopos exhiberi: quoniam soli apostoli, quorum vices gerunt episcopi, per manus impositionem, quam Confirmatio vel frontis chrismatio repræsentat, Spiritum sanctum tribuisse leguntur. Nam Spiritus sancti donum in chrismatis unctione confertur.

9. Quia plures ex citatis auctoribus effectum hujus unctionis æquiparant descensui super apostolos die pentecostes. Ita Augustinus *sermone* 83. *de diversis*. Rabanus Maurus, Goffridus Vindocinensis.

10. Quia plures ex citatis auctoribus hanc unctionem conceptis terminis vocant SACRAMENTUM, voce sacramenti proprie usurpata. Ita Dionysius Areopagita *lib. de eccles. hierarch. cap.* 4. initio, ubi hoc unguentum ait esse sacramentum, quod eucharistiæ affine est. Verumta-

men,

„men, inquit, est & alia huic (eucharistiæ sacramento) coordinata
 „consecratio, quam unguenti mysterium (hoc est sacramentum; nec
 „enim Græci alia voce utuntur, ut sacramentum expriment) præcep-
 „tores nostri appellant. “ Quæ verba Pachymerus ita interpretatur.
 “ Verumtamen est & aliud illi affine sacramentum unguenti: nam &
 „hoc quoque divina consecratione conficitur. “ Ita etiam Pacianus,
 Cyrillus Hierosolymitanus, Augustinus, Primasius, concilium Toleta-
 num IV. Isidorus Hispalensis, Beda, auctor operum cardinalium, Theo-
 dulphus Aurelianensis, Pascasius, Rabanus, Petrus Damiani, Yvo Car-
 nutensis, Goffridus Vindocinensis, Rupertus, Stephanus Eduensis, &
 Algerus: quibus addes e Græcis Gregorium protosyncellum, & e Latinis Innocentium III. & Gregorium X.

11. Quia plures ex citatis auctoribus hanc unctionem in ratione sa-
 cramenti comparant cum baptismo vel cum eucharistia, vel cum utro-
 que. Ita Dionysius, Tertullianus, Cyprianus, Optatus, Pacianus, Cy-
 rillus Hierosolymitanus, Augustinus, Cyrillus Alexandrinus, Prima-
 sius, Job monachus, concilium Toletanum IV. Isidorus Hispalensis,
 auctor operum cardinalium, Theodulphus Aurelianensis, Aponius, Pas-
 chasius, Rabanus, Amalarius, Petrus Damiani, Yvo Carnutensis, Gof-
 fridus Vindocinensis, Simeon Thessalonicensis, Rupertus, Stephanus
 Eduensis, Algerus.

12. Quia plures ex citatis auctoribus aiunt, & probant hanc unctionem
 sicut & baptismum, iterari non posse. Videtis præsertim Optatum,
 & Goffridum Vindocinensem.

13. Quia concilium Bituricense, quod Reginaldus *de Beaulne* exuni-
 versa metropoli anno 1584. congregavit, Sixtus vero quinto annos e-
 quenti *examinavit*, atque ubi oportuit *emendavit*, brevique tandem apo-
 stolico approbavit die 5. octobris: hoc, inquam, concilium *cap. de*
Confirmationis sacramento, definit 1. apostolos die pentecostes visibili
 Spiritus sancti descensu ad pugnam confirmatos fuisse. 2. “ Pro igne
 „visibili, qui die pentecostes super apostolos apparuit, oleum sanctum
 „ex apostolorum traditione adhiberi, &c. 3. Chrisma ad sacramentum
 „Confirmationis necessarium esse. “ 4. Prohibet *can. 2.* “ Ne quis dicat
 „chrismatis consecrationem ab alio, quam a Christo institutam esse. “
 Denique *can. 3.* nullam aliam “ in administratione hujus sacramenti “ for-
 mam agnoscit præter istam: *Consigno te signo crucis: & confirmo te chrismate*
salutis in nomine Patris &c.

14. Univerſa occidentalis ecclesia hodie agnoscit hanc formulam
 Confirmationi essentialē esse: *Consigno te signo crucis, confirmo te*
chrismate salutis &c. Atqui hæc formula unctioni correspondet, idque
 apparet tum ex ipsis verbis, *Consigno te signo crucis*, crucis enim signum
 inter unguendum imprimitur: tum ex verbis sequentibus, *Confirmo te chris-*
mate salutis: tum ex Romano pontificali, quod hanc formulam, cum sit
 unctio, pronuntiare ordinat.

15. Quia

15. Quia hodiernum Græcorum euchologium, ritum administrandæ Confirmationis referens, requirit unctionem, eamque solam præscribit, nulla manuum impositionis mentione facta. Fierine potest, ut Rituale modum administrandi cuiusdam sacramenti præscribens, prætermissa essentiali materia, meram cæremoniam præcipiat?

16. Quia Græci omnes hanc formulam *signaculum doni Spiritus sancti*, huic sacramento essentialem esse agnoscunt. Sed Græci eandem formulam inter ungendum proferunt. Uctionem igitur essentialem esse agnoscunt.

His addes argumenta petita ex Tertulliano, pag. 45. ratione 12. & 13. ex Optato, & ex Augustino.

§. 2. Solvuntur objectiones.

UT nonnullis objectionibus occurras, notes velim, auctores, qui unctionem Confirmationi essentialem esse existimant, in quatuor partes dividi. Quidam enim docent, nullam aliam materiam huic sacramento essentialem hodie, aut alias fuisse præter unctionem; unde concludunt apostolos, cum per solam manuum impositionem darent Spiritum sanctum, rem quidem sacramenti, non autem ipsum sacramentum contulisse. Ita auctores secundæ sententiæ, qui primatam & secundam viam ineunt. Alii aiunt, hoc sacramentum simplici manuum impositione primum quidem administratum fuisse; postea vero sola chrismatis unctione, quæ manuum impositioni successit, ita ut hæc manuum impositio, vel fuerit abrogata, vel essentialis esse desierit: ita auctores secundæ sententiæ, qui quartam & quintam viam ineunt. Alii materiam consecrationis in utraque simul, & manuum impositione & chrismatis unctione constituunt, ita ut apostoli in administratione hujus sacramenti utramque materiam semper adhibuerint: ita plures ex auctoribus, qui tertiam opinionem defendunt. Alii concedunt apostolos primum simplici manuum impositione confirmasse, cum Spiritus sanctus sub visibili specie ignis descendebat; siquidem internum hujus sacramenti effectum satis testabatur externus ille ignis, qui divinitus apparebat: satisque determinabat manuum impositionem. At postea cum formæ illæ visibiles cessassent, tum manuum impositioni addere apostolos cœpisse unctionem, ut per eam significarent id, quod antea visibili specie ignis significabatur: & ut consulam, incertam, & indistinctam manus impositionis significationem determinarent per proprium, & determinatum signum; ad varios enim effectus apostoli manus imponebant. Posteriori huic expositioni aperte favet Concilium Moguntinum anno 1549. coactum. "Sacramentum, inquit cap. 17. ex institutione Christi, & apostolorum praxi, ecclesiæ relictum esse, actus ipsorum satis testantur. Unde Ecclesia Catholica Spiritum sanctum per manus episcoporum fidelibus tradendi

„dendi normam accepit. “ *Et cap. 18.* “ Diligenter etiam populum
 „instruant, cur hoc sacramentum, ab initio sola manuum impositio-
 „ne exhibitum, mox sub ipsis temporibus apostolorum, ex eorum-
 „dem traditione, adhibita chrismatis unctione, cœperit conferri.
 „Nam cum initio Spiritus sanctus, ad evidentiorum recentis adhuc
 „fidei commendationem, signo visibili influeret confirmatis, externa
 „unctione, quæ illam internam designaret, tunc non erat opus:
 „postea vero adulta ecclesia, & stabilita fide, cum signa externa ap-
 „parere cessaverunt, nec jam amplius Spiritus sanctus visibiliter des-
 „cenderet, mox in locum visibilis signi unctio chrismatis adhiberi
 „cœpit, quæ his, qui confirmarentur, internam & spiritalem un-
 „ctionem repræsentaret, ut quid intus agatur per gratiam, foris ali-
 „quo visibili signo innotescat, & verbi fidem externi elementi simi-
 „litudo confirmet. “ Hanc quidem rationem, qua doceatur Apostolos
 „manuum impositioni unctionem addidisse, ut per eam significarent id,
 „quod antea visibili specie ignis divinitus apparente significabatur, id,
 „his verbis Kemnitiuss irridet in *examine Concilii Tridentini*, pag. 286.
 „Arrige aures, optime lector, magnum enim, & insigne audies
 „acumen &c. miraberis, scio, ubi audieris. Igni in pentecoste ref-
 „pondet in pontificia Confirmatione oleum. Qua ratione? quia oleum
 „nutrit ignem. Sed idem facit baculus quercineus fumo bene indura-
 „tus. “ Verum Kemnitiuss minime nugaretur, si legisset aut obser-
 „vasset, eam ipsam rationem, quam irridet, ab Augustino traditam
 „fuisse *sermone 83. de diversis*. Textum integrum *supra* descripsimus pag.
 „165. At non mirum, si ridiculus, absurdus homo ridicule, absurde
 „intellexit, quæ bene ab Augustino, Honorio Augustodunensi, San-
 „cto Thoma *art. 3. ad 1. Cardinale Aureolo, lib. 4. sentent. dist. 7. quæst. 1.*
 „Patribus Moguntinis, & Bituricensibus, aliisque viris erudi-
 „tis dicta, & scripta sunt. Non enim dicimus unctionem seu oleum
 „respondere igni, quia nutrit ignem: sed alijs de causis ex Scriptura
 „sacra petitis. Sicut enim ignis Deum significat ad Hebr. 12. *Deus nos-
 „ter ignis consumens est*: ita unctio significat divinitatis, & spiritus
 „sancti infusionem; hinc Christus divinitate unctus dicitur Psalmus 41.
 „Unxit te Deus oleo lætitiæ præ consortibus tuis: & Spiritu sancto, Aët.
 „10. *Unxit eum Spiritu sancto*. Sicut ignis charitatis designat Lucæ 12.
 „Ignem veni mittere in terram: ita unctio exterior designat interiorem
 „unctionem, quæ nihil aliud est quam charitatis infusio. Sicut ignis
 „visibilis, qui die Pentecostes apparuit virtutem qua apostoli induti
 „sunt, significat Lucæ 24. *Induemini virtute ex alto*: ita unctio signi-
 „ficat virtutem, & robur Aët. cap. 10. *Unxit eum Spiritu sancto, &
 „virtute*. Sicut ignis lumen designat: ita unctio illustrationem 1. Jo-
 „ann. cap. 2. *Unctio docet vos de omnibus*, [Videatis auctores *quæst. 1.*
 „citatos, Sanctum Augustinum præsertim, & Honorium Augustodu-
 „nensem.

Wissae de Confirmatione.

T

His

His præmissis, facile quoque diluuntur objecta petita ex Innocent. III. *lib. 1. decretalium*, tit. 15. *cum venisset*: "Per frontis chrismationem manus impositione designatur;" ex Innocentio IV. *in epistola* 10. *ad Ostbonem Cardinalem cap. 4.* "Manus impositionem Confirmationis vel frontis chrismatio repræsentat;" & ex Eugenio IV. *in Armenorum instructione*, "Loco Apostolicæ manus impositionis datur in ecclesia Confirmatio." Unde adversarii colligunt unctiorem successisse manuum impositioni, eaque posteriore esse, atque adeo nihil ad Confirmationis essentiam pertinere.

Primo siquidem & secundo textu, frontis chrismatio designat, & repræsentat manuum impositionem, quia illam complexitur: tertio vero textu, Confirmatio, non autem frontis chrismatio dicitur locum tenere apostolicæ manuum impositionis. Qua de re *supra*, *sect. 5. §. 4. pag. 266. & seq.* Verum dato, non concessio, quod adversarii contendunt, ex his locis aperte colligi, unctiorem apostolicæ manuum impositione posteriorem esse: inde tamen non sequitur, illam Confirmationi accidentalem esse. Auctore enim primæ classis docent quidem rem sacramenti ab apostolis concessam fuisse, sed negant ipsum sacramentum ab illis administratum fuisse, cum solam manuum impositionem adhiberent. Auctores veros secundæ classis unctiorem quidem essentiali manuum impositioni successisse, & in ejus locum suffectam fuisse concedunt, sed hanc mutationem divina contendunt auctoritate contigisse, quæ manuum impositionem irritam & accidentalem, unctiorem vero essentialem fecit. Denique auctores quartæ classis, id unum concedunt, videlicet manuum impositioni additam fuisse unctiorem, eamque additionem divina auctoritate factam fuisse.

OBJICIT etiam Sirmondus *in utroque Antirrhetico*, unctiorem frontis, & manus impositionem seculi quarti, & sequentibus ita divisas fuisse, ut illa a presbyteris, ista ab episcopis adhiberetur, adeoque Confirmationem his seculis sola manuum impositione administratam fuisse.

Verum hanc unctiōis & manuum impositionis divisionem, si merum esse Sirmondi figmentum, probaturi sumus *infra* §. 6. & 7.

OBJICIT quoque recentior. Materix, quæ sacramento essentialis est, sua forma congruere, & correspondere debet. Sed mos diu obtinuit in ecclesia Romana, ut fideles in fronte ungerentur in Confirmatione, & forma nulla huic unctiōi consentiens pronuntiaretur. In sacramentario Gregorii Magni, pontifex signat frontem chrismate, & signando nullam formam adhibet. In ordine Romano, & libro *de divinis officiis*, formula quidem inter ungendum pronuntiatur, qua Trinitas his verbis invocatur, *In nomine Patris & Filii, & Spiritus sancti. Amen.* Sed verba, quæ formæ rationem habent in sacramento Confirmationis, alia esse debent ab invocatione, nuda & simplici per-

personarum sanctissimæ Trinitatis . Adde quod hanc formam seculis sexto , septimo , octavo , & nono , in ecclesia occidentis accidentalem fuisse , probavimus *supra* , *sect.* 5. §. 6. *pag.* 269. *&c.*

Verum formula , quæ in Gregorii sacramentario , in ordine Romano , & in libro *de divinis officiis* , manuum impositioni correspondet , expendenti apparebit ipsam quoque unctioni , quæ proxime sequitur , correspondere . Neque refert , quod hujus formulæ pronuntiatio quibusdam instantibus unctionem proxime futuram præcedat : quia in sacramentorum administratione moralis præsentia sufficit . Hinc Ambrosij ætate in Ecclesia Mediolanensi formula baptismi post trinam immersionem proferebatur . Qua de re alibi .

§. 3. *A quo hæc unctio instituta fuerit , & quando ceperit in hoc sacramento adhiberi.*

Burchardus & alii doctores canonici , referente Aureolo , christma fuisse statutum in antiquis conciliis docuerunt : Alexander Alenfis illud institutum existimat in concilio quodam Meldensi : nullum autem Meldense concilium extat antefeculum nonum : Joannes de Bacone in concilio quodam Aurelianensi ; conciliorum vero Aurelianensium primum anno 511. celebratum est . Recentiores quidam initio seculi tertii , quia Tertullianus unctionis mentionem facit . S. Bonaventura docet illud “ Institutum fuisse , Spiritu sancto dictante , ab ipsis ecclesiæ rectoribus : “ quibus verbis primos apostolorum successores intelligit . Honorius Augustodunensis traditum voluit ab ipsis apostolis , qui tamen unctione minime usi sint , sed eorum posterius . “ Hanc , ” inquit , Confirmationem fecerunt olim apostoli per manus tantum impositionem , illorum posterius , eis tamen tradentibus , per chrismatis consecrationem . “ Patres Moguntini anno 1549. congregati , traditum illud ab apostolis asserunt , & sub ipsis apostolorum temporibus observari cæptum . “ Hoc , inquit , sacramentum , ab initio sola manuum impositione exhibitum , mox sub ipsis temporibus apostolorum ex eorundem traditione , adhibita chrismatis unctione , cæpit conferri &c. “ S. Thomas illud a Christo institutum , & ab apostolis observatum asserit , qui aliquando utebantur sola manuum impositione & tunc rem sacramenti conferebant : communiter vero chrismatis unctione , & tunc ipsum sacramentum administrabant . Bellarminus , alique plures auctores tertiz sententiæ , illud aiunt a Christo institutum , & ab apostolis observatum , qui & manuum impositionem , & unctionem simul & semper adhibuerunt .

A S S E R T I O.

Unctio Confirmationis præcessit Tertulliani tempora, tradita fuit ab Apostolis, & a Christo instituta.

PROBATUR 1. Quia Dionysius Areopagita hujus unctionis, quasi ab apostolis acceptæ, & sacramenti nomine ab ipsis appellatæ meminit, *lib. de ecclesiast. hierarch. cap. 4. initio*. "Est & alia huic (Eucharistiæ, sacramento) coordinata consecratio, quam unguenti mysterium seu sacramentum præceptores nostri (hoc est apostoli) appellant." Citati aliter D. Thomas *quest. 72. art. 2. ad 1.* "Est quædam perfectiva operatio, quam duces nostri (id est apostoli) chrismatis hostiam nominant." Quo textu sanctus doctor utitur, ut inde probet "Apostolos communiter ufos esse chrismate in exhibitione sacramenti." Non me fugit item esse de antiquitate hujusmodi operum, sed præterquam quod ea Dionysii Areopagitæ, *infra, in appendice*, vindicamus, extra controversiam est, ea saltem circa initium seculi V. scripta fuisse. Atqui in eis asseritur unctio chrismatis, quatenus ab apostolis tradita & usurpata.

2. Quia Theophilus, qui Antiochenus Patriarcha electus est anno 170. testatur fideles omnes ungi, & christianos inde vocari. "Certe," inquit, nulla alia ex re christianorum nomen traximus, quam quod vino oleo perfundimur." Sic ille respondet Autolico ipsum derisorie nuncupanti christianum seu unctum.

3. Quia referente Irenæo, Gnostici & Valentiniiani, quorum illi seculo I. isti vero seculo II. sub Antonino Pio ad annum Christi 145. exorti sunt, "eum, qui baptismo initiatus erat inungebant." Sed hæretici hanc unctionem a catholicis acceperant, quemadmodum probavimus, ex Irenæo *pag. 37. &c.* Confirmatur ex Tertulliano, qui Irenæo æqualis fuit. Ille si quidem *de præscr. cap. 40.* baptismum, *signaculum in frontibus*, & eucharistiæ oblationem refert inter divina sacramenta, quæ hæretici in catholicis æmulabantur. Hæc vero tria hæretici a catholicis accipere non potuerunt, nisi prius hæc observarent catholici. Et sane si ecclesia baptizatos ungere cœpisset incunte seculo III. hanc unctionem hæretici non accepissent a catholicis, sed catholici ab hæreticis.

4. Referente Tertulliano *lib. 3. adversus Marcionem cap. 22. in fine*, Marcion: *signaculum frontium*, aliæque *ecclesiarum sacramenta* in ecclesia catholica suscepit. Sic enim ipsum alloquitur: "Quæ omnia, cum, in te quoque deprehendantur, & signaculum frontium, & ecclesiarum sacramentum &c." Signaculo autem frontium designari unctionem chrismatis in frontibus signatam, apparet ex Cornelio Papa in *epistola ad Fabium Antiochenum*, relata apud Eusebium *lib. 6. histor. ubi de Novatiano ita loquitur*: "Neque ab episcopo consignatus est. Hoc

„ autem signaculo minime percepto, quo tandem modo Spiritum sanctum potuit accipere? „ seu, ut Ruffinus vertit: „ Nec signaculo chrismatis consummatus est; unde nec Spiritum sanctum unquam potuit promereri. „ Ex Cypriano *epistola* 73. *ad Iubajanum*: „ Qui in ecclesia baptizantur, præpositis ecclesiæ offeruntur, ut per nostram orationem ac manus impositionem, Spiritum sanctum consequantur, & signaculo dominico consummentur. „ Ex Prudentio in *psychomachia*.

*Post inscripta oleo fronti signacula, per que
Unguentum regale datum est, & chrisma perenne.*

Atqui Marcionem sub Antonino Pio ad annum Christi 146. docere cœpisse, omnes conveniunt. Tertullianus enim *lib. 1. contra Marcionem cap. 19.* id accidisse ponit post Christum passum annis centum quindécim cum dimidio. Tertullianus vero existimavit Christum passum anno ætatis suæ trigésimo. Qui triginta quidem anni, una cum annis centum quindécim cum dimidio, numerum 146. efficiunt. Præterea Marcion filius erat episcopi pietate illustris, qui prima sua ætate virginitatem exercens, progressu temporis cum virgine corruptus est; qua de causa a proprio patre ecclesia pulsus est. Parvulus igitur erat Marcion, dum frontis chrismationem accepit, quod fieri debuit circa initium seculi II. cum hæresim suam spargere cœperit anno Christi 146.

5. Quia Tertullianus in sex locis *supra* citatis *pag. 42.* & *sequ.* hujus unctionis meminit quasi antiquæ, a Christo institutæ, & ubique receptæ. Ex primo loco apparet Tertullianum in ea fuisse sententia; lotionem aquæ, unctionem olei, & eucharistiam a Christo institutas fuisse; prætereaque Christum esse, qui abluit, ungit & consecrat, quoties ministri in ecclesia catechumenos abluunt, ablutos unguunt, & panem consecrant. Secundo vero loco Tertullianus asserit, *signaculum frontium, & ecclesiarum sacramenta* in Marcione & Marcionitis, perinde ac in christianis deprehendi. 3. Loco enarrat carnis ablutionem in baptismo, carnis unctionem in Confirmatione, & carnis nutritionem in eucharistia quasi tres ritus pariter antiquos, & eodem modo ubique receptos. 4. Loco refert, quod ecclesia Romana neminem ad suam communionem reciperet, qui non profiteretur fideles aqua tingendos in baptismo, sancto Spiritu vestiendos in Confirmatione, & eucharistia pascendos. Ipse vero Confirmationem alibi describens, inter ejus ritus recenset unctionem. 5. Loco ait, quod diabolus, „ Ut ipsas quoque res divinarum sacramentorum æmularetur, tingeret & ipse suos credentes, signaret illos in frontibus, & panis oblationem celebraret. „ Ubi Tertulliani signaculum in frontibus inter divina refert sacramenta, quæ hæretici æmulabantur, ut christiani viderentur. 6. Lo-

Wistasse de Confirmatione.

T 3

co

co ablutionem, unctionem, & manus impositionem describit, quasi tres ritus pariter & ubique in ecclesiis receptos.

6. Pacianus sub finem *epistolæ* 1. probat in ecclesia superesse potestatem remittendi peccata, quia Christus dixit apostolis Matth. 16. *Quæ ligaveritis in terris, ligata erunt in cælis* &c. Novatianis vero respondentibus hæc dicta fuisse solis apostolis; ideoque hanc potestatem solis apostolis concessam fuisse, & in eis desisse: probat ille hanc consequentiam nullam esse, alioquin pari modo concludi posset, quod solis apostolis liceret baptizare, & dare Spiritum sanctum; quia totum hoc non aliis, quam apostolis imperatum est. "An tantum ligare ac solvere solis apostolis licet? Ergo, & baptizare solis licet, & Spiritum sanctum dare solis, & solis gentium peccata purgare; quia totum hoc non aliis, quam apostolis imperatum est." "Quod si lavacri & chrismatis potestas, licet solis apostolis concessa, per eos tamen descendit ad Episcopos, quanto magis ligandi & solvendi potestas: quia posse baptizare & chrismate ungere, potestas est majorum charismatum, quam posse ligare & solvere." Si ergo, inquit, & lavacri & chrismatis potestas majorum longe charismatum, ad episcopos inde descendit: & ligandi quoque jus adfuit, atque solvendi. "Unde colligit baptizandi, chrismandi & peccata remittendi potestatem non fuisse ab hominibus indultam episcopis, neque ab episcopis usurpatam, sed apostolis a Christo concessam, & per apostolos defluxisse ad episcopos." Ergo, inquit, nec chrisma, nec baptisma, nec criminum remissio sanctæ potestati ejus (scilicet episcopi) indulta est. Quia nihil propria usurpatione mandatum est. Totumque id ex apostolico jure defluxit. "Pacianus igitur ungendi sive chrismandi potestatem in episcopo agnoscit: eam distinguit a potestate baptizandi: ei concedit virtutem dandi Spiritum sanctum: eam æquiparat utrique facultati baptizandi, & peccata remittendi: eam asserit a Christo institutam, a Christo concessam ejusque usum imperatum apostolis, & per eos ad episcopos defluxisse.

7. Cyrillus Hierosolymitanus *catechesi* 3. *myrtagog.* hunc Joannis locum *epistolæ* 1. cap. 2. v. 27. *Et vos unctionem quam accepistis ab eo, maneat in vobis* &c. interpretatur de unctione Confirmationis. Putavit igitur hanc unctionem a Christo institutam, & ab apostolis adhibitam fuisse.

8. Basilii Magnus consecrationis olei, & ejus unctionis meminit, eamque ad traditiones apostolorum asserendas adducit *lib. de Spiritu sancto, cap. 27.* "Consecramus aquam baptismatis, inquit, & oleum unctionis. Ex quibus scriptis? nonne a tacita, secretaque traditione? Ipsam porro olei in unctionem quis sermo scripto proditus docuit? "Unctio igitur chrismatis ex traditione apostolorum minime scripta descendit.

9. Ambrosius *lib. de initiandis cap. 7.* hunc Pauli locum 2. Corinth. v. 21.

v. 21. & 22. *Qui confirmat nos in Christo, & qui unxit nos Deus &c.* explicat de confirmatoria chrismatis unctione. Hoc igitur chrisma a Christo institutum, & ab apostolis adhibitum credidit.

10. Hæc duo loca 1. Joannis epist. cap. 2. v. 22. *Sed vos unctionem habetis a sancto &c.* Et v. 27. *Vos unctionem quam accepistis ab eo, maneat in vobis &c.* Augustinus tractat. 3. in eandem epistolam, de sacramento Confirmationis intelligit. Hanc igitur unctionem existimavit a Christo institutam, & ab apostolis observatam.

11. Idem sensere Theodoretus seculo V. Primasius seculo VI. & Anselmus seculis XI. & XII. qui comment. in cap. 1. epist. 2. ad Corinth. hæc Pauli verba, *Qui confirmat nos in Christo, & qui unxit nos Deus &c.* de unctione Confirmationis exponunt.

12. Auctor operum cardinalium, qui seculum IX. & VIII. forte præcessit, cum Cypriani nomine laudatus reperiatur ineunte seculo IX. *serm. 8.* de unctione chrismatis & aliis sacramentis die cœnæ institutis, docet hanc unctionem a Christo, pridie quam pateretur, institutam, & ex antiquis legis Mosaicæ sacramentis unctionem solam ab ecclesia retentam fuisse, "Nec tamen, inquit, cessantibus his, quæ ritu antiquo inoleverant, unctionis mysterium religio christiana contempsit, sed cæteris generali sanctorum consensu damnatis non solum in regibus & sacerdotibus unctionis honor permansit, sed in omnem populum catholicum effusa est hujus gratiæ plenitudo.

13. Concilium Moguntinum anno 1549. tradit *parte 1. cap. 17.* "Hoc sacramentum ab initio sola manuum impositione exhibitum, mox sub ipsis temporibus apostolorum ex eorumdem traditione adhibita chrismatis unctione cœpisse conferri.

14. Concilium Bituricense anno 1584. celebratum & anno sequenti a Sixto V. approbatum *tit. 2. de Confirm.* initio sic habet, "Oleum sanctum ex apostolorum traditione ad confirmandum adhibemus." Et *can. 2.* "Nemo dicat chrismatis consecutionem ab alio quam a Christo institutam esse.

15. Ipsimet auctores, qui unctionem in locum impositionis manuum suffectam esse volunt, ut Honorius Augustodunensis & S. Thomas saterunt id esse sacrum ex traditione apostolorum.

Denique certissima est Augustini regula *lib. 4. de baptismo, c. 24.* "Quod universa tenet ecclesia, nec conciliis institutum, sed semper retentum est, non nisi auctoritate apostolica traditum rectissime creditur." Sed universa tenet ecclesia unctionem chrismatis in Confirmatione adhibendam, neque ullum concilium assignari potest, quo instituta fuerit. Hæc igitur non nisi ex auctoritate apostolorum tradita rectissime creditur.

Ex his apparet chrismatis unctionem a Christo institutam, ab apostolis traditam, & ab illis usurpatam fuisse.

T 4

Utrum

Utrum vero eam apostoli toties adhibuerint, quoties manus imposuerunt, quæstio difficilior est.

Nulla quidem difficultas est in eorum sententia, qui docent manuum impositionem, quæ *act. 8. & 19.* refertur, eam ipsam esse quæ in frontis chrismatione includitur. Cui opinioni favet Amalarius *lib. 1. de officiis eccles. cap. 27.* in fine: " Ut ab episcopis solis inungatur per manus impositionem ab apostolis acceptum est. " Quibus Amalarius, inquit Cabassutius *in can. 2. concilii 1. Arausiacani*, " Perspicue declarat, ipsam episcopi actionem, qua frontem manu sua illinit, esse ipsam, illam manus impositionem, qua juxta *act. apostol. cap. 8.* conferebatur per apostolos Spiritus sanctus. " Verum hæc interpretatio probabilitate caret. Quæstio igitur est de manuum impositione, quæ ab unctione omnino separata est. Quæritur utrum apostoli huic manuum impositioni unctionem semper addiderint. Negat D. Thomas, negant & Patres Moguntini *supra citati*. Affirmat Bellarminus *cap. 9.*

Si quis autem objiciat, Lucas meminit impositionis manuum, & non meminit chrismatis.

RESPONDET Bellarminus nihil impedire, quominus in verbis Lucæ etiam chrisma intelligamus, idque multis modis probari posse.

Apostolos igitur semper manus imponendo, lignasse chrismate, ac proinde Lucam ritum illum compendio perstrinxisse, & ex una parte rem totam intellexisse, sic ille probat.

1. Quia Patres, qui uno in loco dicunt per impositionem manus dari Spiritum sanctum, iidem in alio loco dicunt dari per unctionem chrismatis, & aliquando utrumque simul conjungunt. Ex quo apparet utrumque ad ritum hunc pertinere, & illis perinde esse, sive unum, sive alterum exprimatur. Tertullianus *lib. de resur. carnis, cap. 8.* tractans hunc ritum, dicit, carnem ungi, signari, & manus impositione obumbrari. Et tamen *lib. de præscript. cap. 4.* solum exprimit signari in fronte: & *lib. 1. in Marcion, cap. 14.* solum exprimit unctionem. Libro vero *de baptismo* exprimit unctionem & manus impositionem. Ita videmus unum auctorem modo unam partem, modo duas, modo tres ejusdem ritus exprimere; & tamen semper rem eandem significare. Cyprianus *epist. 70.* solum meminit unctionis: *epist. 74.* solum meminit manus impositionis, cum de una re & eadem loquatur: *in epist. vero 73. ad Subajanum*, cum manus impositione addit *signaculum dominicum*, de quo nihil dixerat in prioribus duabus epistolis. Sic etiam concilium I. Arelatense *can. 8.* tantum nominat manus impositionem; & tamen concilium II. Arelatense paulo post celebratum, & eandem rem tractans, *can. 17.* nominat unctionem chrismatis. Sic & Amalarius *lib. 1. de eccles. officiis cap. 27.* unctionem frontis & manus impositionem confundit, alteram pro altera usurpat, & utrique eundem effectum assignat. Plura ejusmodi exempla possent afferri. Quid igitur mirum,

rum, si sanctus Lucas ex una parte totum ritum significarit? Ita fere Beſarminus: quem si legisset, vel expendisset Sirmondus, nunquam dixisset in *antirrhetico* 2. *pagin.* 46. & 49. pervicacem tergiversationem, cavillationemque esse, quod theologi docent sanctos Patres, dum manus impositionem nominant, non excludere chrismatis unctionem; sicut dum chrisma memorant, non excludere manus impositionem.

2. Quia Patres, ut probent unctionem chrismatis, per quam datur Spiritus sanctus, ad solos episcopos pertinere, semper allegant verba Lucæ *act.* 8. ut patet ex Innocentio I. Isidoro Hispalensi, Beda, ordine Romano, Theodulpho Aurelianensi, Walafrido Strabone, Bertramno, Innocentio III. &c. Ergo aut apostoli *act.* 8. manus imponendo ungebant chrismate, aut isti omnes Patres male argumentantur.

Dices. Bene illi argumentantur, quia licet apostoli *act.* 8. non uterentur chrismate; tamen chrisma successit in locum manus impositionis, qua illi utebantur.

Sed contra: nam si ita esset, saltem aliquis Patrum aliquando id significasset, ut intelligeremus vim argumenti ipsorum. Contra Innocentius I. aperte innuit hanc unctionem a Petro & Joanne, cum Spiritum sanctum Samaritanis tradiderunt, usurpatam, & Lucæ verbis significatam fuisse. "Hæc, inquit, Pontificibus solis deberi, ut vel consignent (particula *vel* utroque conjunctim sumitur, non autem disjunctim) vel paracletum Spiritum tradant, non solum consuetudo ecclesiastica demonstrat, verum & illa lectio actuum apostolorum, quæ asserit Petrum & Joannem esse directos, qui jam baptizatis traderent Spiritum sanctum.

3. Idem probat ex aliis similibus scripturæ locis, ubi brevissime aliquid comprehenditur, & tamen necesse est plura intelligere. Exemplum esse potest, quod Paulus in *epistolis ad Timotheum & ad Titum*, semper ordinationem vocat manus impositionem. Exemplum asserit Augustinus *libro de fide & operibus cap.* 9. ex capite 8. actorum. *Ibidem* enim legimus Eunuchum a Philippo baptizatum, cum dixisset: *Credo Filium Dei esse Jesum*. Augustinus autem recte notat Lucam per compendium rem attigisse, sed omnino credendum esse de multis aliis interrogatum Eunuchum, & multas alias caeremonias adhibitas in illo baptismo. Alterum exemplum potest esse id, quod Lucas ait, apostolos baptizasse in nomine Christi *act.* 8. 19. & *alibi*. Nam ut *supra* ostendimus, apostoli baptizabant in nomine Patris, & Filii, & Spiritus sancti: sed Lucas id per compendium dicere maluit, sciens rem esse notissimam. Aliud exemplum esse potest in eo quod Paulus ait *ad Tit.* 3. nos salvari per lavacrum regenerationis, ubi nihil dixit de verbo; & tamen intellexit sine ullo dubio lavacrum cum verbo, ut ipse idem ali-

alibi expressit *Epbes.* 5. Et multa sunt hujusmodi, quæ longum esset recensere.

Sibi quoque Bellarminus. objicit testimonia Innocentii III. & Eugenii IV: addi potest & Innocentii IV. de quibus *supra* *sect.* 5. §. 4. &c. Illorum enim Pontificum auctoritate utuntur aliqui, ut probent hodie aut nullam esse manuum impositionem, aut illam mere accidentalem esse: alii vero, ut ostendant unctionem successisse manuum impositioni, eaque posteriore esse, atque adeo nihil ad Confirmationis essentiam pertinere: alii denique ut probent apostolos unctione nusquam usos, sed sola manuum impositione. Verum quo sensu Bellarminus & alii hæc testimonia intellexerint, eaque intelligi debeant, exposuimus *supra*, *sect.* 5. §. 4. &c.

§. 4. *Utrum hæc unctio primis ecclesie seculis fieret in fronte.*

U NCTIONEM illam primis ecclesie temporibus in fronte determinate factam fuisse negat Nicolaus Rigaltius in *notis ad epist.* 59. *Cypriani*, ubi ait Cypriani tempore unicam fuisse unctionem, cujus „ administratio pro variorum episcoporum ingenio variabat: “ quibusdam in capite, aliis in fronte ungentibus: deinde vero, “ posteriori „ seculo in vectæ sunt plures unctiones, & distinguere cepit ea, quæ in „ fronte fiebat, ab alia quam in vertice fieri placuit. Hæc permixta „ presbyteris, alia episcopis reservata, perficientibus & consummantibus inchoata mysteria.

Verum hanc unctionem primis & sequentibus ecclesie seculis in fronte factam fuisse, certum videtur.

1. Ex Tertulliano *lib.* 3. *contra Marcionem* *cap.* 22. ubi eum sic alloquitur: “ Quæ omnia cum in te quoque deprehendantur, & signaculum frontium, & ecclesiarum sacramenta &c. “ Marcion igitur *signaculum frontium*, aliaque *ecclesiarum sacramenta* in ecclesia catholica iusserat, quod contigisse circa initium seculi II. probavimus §. 2. *precedenti*, *ratione* 4. Præterea Tertullianus *signaculum frontium* refert inter *ecclesiarum sacramenta*. Non una igitur ecclesia, sed omnes ecclesie signaculum frontium adhibebant.

2. Ex eodem Tertulliano, *de præscr.* *cap.* 40. ubi baptismum, *signaculum in frontibus*, & eucharistie oblationem refert inter *divina sacramenta*, quæ hæretici in catholicis æmulabantur, qua de re §. 2. *precedenti*, *ratione* 5.

3. Ex concilio II. œcumenico, quod *can.* 7. refert *sancto chrismate* frontem ungendam esse.

4. Ex Cyrillo Hierosolymitano, *catechesi* 3. *mystag.* “ Chrismate Christi frons & alii sensus tui symbolicè inunguntur.

5. Ex Innocentio I. in *epistol.* ad *Decentium* *cap.* 3. ubi duo unctionum

num baptizatis conferri solitarum genera distinguit, alteram in fronte, alteram extra frontem. Per primam, non per secundam ait conferri Spiritum sanctum. Primam episcopis reservat; secundam presbyteris permittit. "Primam denique episcopis reservatam fuisse non solum, consuetudine ecclesiastica, verum & illa lectione actuum apostolorum, quæ asserit Petrum & Joannem esse directos, qui jam baptizatis traderent Spiritum sanctum. "Frontalis igitur unctionis usum ab ipsis apostolis repetit.

6. Ex Augustino in *psalm.* 141. ad hæc verba: *In vita hac, qua ingrediebar*, &c. ubi ad tria sacramenta neophytorum alludens, ait sacramenta varia variis modis suscipi; quædam in ore, ut eucharistiam; quædam toto corpore, ut baptismum, qui olim per immersionem conferebatur; quædam in fronte, ut unctionem, quæ per signaculum crucis in Confirmatione adhibetur. "Multa, inquit, sacramenta aliter atque aliter accipimus: quædam, sicut nostis, ore accipimus: quædam per totum corpus; quia vero in fronte erubescitur, ille qui dixit: qui me erubuerit coram hominibus, erubescam eum coram Patre meo, qui in cælis est: ipsam crucis ignominiam quodammodo & quam pagani derident, in loco pudoris nostri constituit. "Divinæ igitur institutionis esse putavit Augustinus, quod crucis signaculum in frontibus ungendorum adhibeatur.

7. Ex Gregorio in *sacramentario*, ubi de Confirmatione, "Pontifex, inquit, tincto pollice in chrismate, facit crucem in fronte unius, similiter per omnes sigillatim. "Idem tradunt ordo Romanus, liber de *divinis officiis*, aliaqua id genus antiqua ritualia.

Ex his quoque testimoniis apparet, non unctionem modo, sed & ipsum crucis signaculum primis ecclesiæ seculis in fronte factum fuisse.

DICES. Cornelius & Cyprianus unctionem ac signaculum ita referunt, ut nullam partem determinent, cui debeant imprimi.

RESPONDEO non omnia ab omnibus referri. Quod omisere Cornelius & Cyprianus, hoc nos docuere Tertullianus, aliique Patres citati.

DICES iterum. Ex Origene, *homil.* 8. in *Levit.* "Oleum per manus sacerdotis capiti ejus imponitur. "Ungebant igitur aliqui in vertice, alii vero in fronte.

RESPONDEO 1. Origenem hic minime loqui de unctione Confirmationis, qua de re *supra*, pag. 59.

RESPONDEO 2. negando consequentiam. Nihil enim impedit, quominus unctio, quæ fit in fronte, fieri dicatur in capite. "Utriusque sacramenti, inquit Guillelmus Parisiensis loquens de baptismo & Confirmatione, signaculum imprimitur in capite. Sed sacramentum regii ac sacerdotalis honoris propter eminentiæ suæ altitudinem, in vertice. Sacramentum vero Confirmationis propter bellicæ strenuitatis audaciam, signatur in fronte. "Ita Guillelmus, *cap. de Sacramento Confirmationis*.

Cate-

Cæterum inter utramque occidentis & orientis ecclesiam hoc discrimen est, quod illa unctionem in fronte solum, ista vero non solum in fronte, sed & in aliis quibusdam partibus semper adhibuerit. Concilium II. oecumenicum *can. 7.* partes ungendas enarrans, recenset "frontem, & oculos, & nares, & os, & aures." Cyrillus Hierosolymitanus *catech. 3. myst.* frontem, aures, nares, & pectus. Euchologium manuscriptum Crypto-Ferratenſe Beſſarionis, & Barberinum S. Marci, ex partibus a Cyrillo recensitis præmittunt pectus, & os addunt. Sed aliud Barberinum, quod recentius est, addit manuum volam interiore, & cor. Euchologium a Goario editum recenset "frontem, & oculos, & nares, & utramque aurem & pedes." Euchologia typis excusa, quibus modo Græci utuntur, frontem, oculos, nares, os, aures, pectus, manus & pedes. Ecclesia Antiochena specialem consuetudinem olim habebat. Severus enim patriarcha, qui in sedem Antiochenam intrusus est anno 533. *lib. de ritibus baptismi*, hæc ait: "Et si-
guans omnia eorum membra, eorumque frontem tribus vicibus, ait:
Chrismate sancto &c." Relataque verborum formula subjicit: "Et
ungit omnia eorum membra, & manus & pedes, & nares eorum."
Ex his unctionibus ea solum, quæ fit in fronte ad Confirmationis
essentiam pertinet.

Cur autem hæc unctio fiat in fronte, rationes afferuntur ab Innocentio III. *de sacra unctione, cap. 1.* "Quia Christus fecit nos in sanguine suo Deo nostro regnum & sacerdotes (propter quod apostolus ait, *Vos estis genus electum, regale sacerdotium*) idcirco in novo testamento non solum reges & sacerdotes unguuntur, sed etiam omnes christiani, bis ante baptismum, scilicet oleo benedicto, primum in pectore, deinde inter scapulas: & bis post baptismum, scilicet chrismate sancto, primum in vertice, demum in fronte. In pectore namque baptizandus inungitur, ut per sancti &c.

Varie quoque rationes afferuntur a Tertulliano *lib. de præscript.* & Eugenio IV. *in decreto pro instructione Armenorum*, quas complexus est S. Thomas 3. *par. qu. 72. art. 9. in c.* "Dicendum, inquit, quod in hoc sacramento homo accipit Spiritum sanctum ad robur spirituales pugne: ut fortiter, etiam inter adversarios fidei, Christi fidem confiteatur. Unde convenienter signatur chrismate signo crucis in fronte, propter duo: primo quidem, quia insignitur signo crucis, sicut miles signo ducis. Quod quidem debet esse evidens & manifestum: Inter omnia autem loca corporis humani maxime frons manifesta est, quæ quasi nunquam obtegatur, & ideo linitur confirmatus chrismate in fronte, ut in manifesto demonstret se esse christianum, sicut & apostoli post acceptum Spiritum sanctum se manifestaverunt, quia prius in cœnaculo latebant. Secundo, quia aliquis impeditur a libera confessione nominis Christi, propter duo, scilicet propter timorem & propter verecundiam. Utriusque autem horum signum ma-
xime

„ xime manifestatur in fronte , propter duos , scilicet propinquitatem
 „ imaginationis , & propter hoc quod spiritus a corde directe ad fron-
 „ tem ascendunt. Unde verecundati erubescunt , timentes autem palle-
 „ cunt , ut dicitur in 4. *eth.* Et ideo in fronte signatur chrismate , ut
 „ neque propter timorem , neque propter erubescentiam , nomen Chri-
 „ sti confiteri prætermittat. “ Videtur & Guillelmum Parisiensem , *cap.*
 „ 1. *de sacram. Confirm.* “ Si tempore suæ consecrationis coronatur rex ,
 „ quis dubitat , quin & galeandus sit tempore belli &c. “ usque ad
 „ verbum *dicemus* . Cur etiam apud Græcos hæc unctio fiat in fronte ,
 „ aliisque partibus , exponit Cyrillus Hierosol. in *catech.* 3. *myst.* “ Pri-
 „ mum quidem , inquit , frons illinitur : ut eum abstergat a vobis pu-
 „ dorem , quem homo transgressor perpetuo circumferebat ; simulque
 „ efficiat , ut possitis vultu non velato gloriam Dei intueri : deinde
 „ vero aures unguntur , ut ad audiendum divina mysteria aures acci-
 „ piatis : postea nares , ut divinum recipientes unguentum dicatis :
 „ *Christi gratus est odor Deo in his qui salvantur* . Tum vero & pectus
 „ inungitur , ut induti thoracem justitiæ , fortiter adversus insultus dia-
 „ boli consistatis. Ut enim Salvator post baptismum , & Spiritus san-
 „ cti adventum egressus in prælium devicit adversarium ; sic & vos post
 „ sacram baptismum & chrisma mysticum induti armis sancti Spiritus ,
 „ adversus oppositam potestatem consistitis , & præliamini , dicentes :
 „ *Omnia possum in eo qui me confortat* , Christo .

Porro utraque ecclesia hanc unctionem ad modum crucis administrat.
 Occidentalis quidem , seu recentior , quæ hac formula utitur , *Signo te*
signo crucis &c. seu antiquior , quemadmodum apparet ex auctoribus ri-
 tualibus seculo IX. ex ordine Romano seculo VIII. ex sacramentario
 Gregorii magni seculo VI. ex Gregorio Turonensi , *de baptismo Clo-*
dovei : “ Delibutusque chrismate cum signaculo crucis Christi : “ ex
 Augustino in *psalm.* 141. textum *supra* descripsimus . Huc etiam flecti
 potest Tertullianus locis *supra* citatis , ubi hanc unctionem vocat *signa-*
culum frontium ; & Cyprianus in *epist.* 73. *ad Iubajanum* , ubi eam ap-
 pellat *signaculum dominicum* . Quid enim signaculum dominicum , nisi
 signum Christi , & ipsum quidem ab unctione distinctum ? “ Caro un-
 „ gitur , inquit Tertullianus *lib. de resurr. carnis* , ut anima consecre-
 „ tur ; caro signatur , ut anima muniatur ; caro manus impositione ad-
 „ umbratur , ut anima Spiritu illuminetur . “ Ubi Tertullianus , ut
 apparet , tria carni impressa distinguit , unctionem , signaculum , & ma-
 nus impositionem . Orientalis pariter ecclesia signum crucis adhibet in
 fronte , oculis , naribus , auribus , & pedibus , ex euchologio . Signaculi
 crucis , ejusque ab oleo & unguento distinctionis meminerunt constitu-
 tiones apostolicæ *lib. 3. cap. 17.*

Utrum autem hæc figura crucis ad Confirmationis essentiam perti-
 neat , dubium est . Cardinalis Aureolus *lib. 4. sent. dist. 1. qu. 1.* negat
 esse de essentia sacramenti , & ecclesiasticæ dumtaxat institutionis esse

con-

contendit. Affirmat S. Thomas 3. p. q. 72. a. 4. S. Bonaventura in 4. dist. 7. art. 1. qm. 1. ad 3. & 4. Alexander Aletis 4. par. quest. 9. membr. 2. §. 2. Durandus, Scotus ejusque discipuli, Bellarminus alique plures theologi, quia hæc crucis figura in formula Confirmationis continetur, eaque prætermiffa, hæc formula esset falsa. Sane Augustinus eam divinæ institutionis esse asserere videtur in textu *supra* relato.

Cur vero apud Latinos figura crucis inter ungendum fronti imprimatur exponit idem Augustinus : " Quia vero in fronte erubescitur, ille, qui dixit, *Qui me erubuerit coram hominibus, erubescam eum coram Patre meo, qui in calis est* : ipsam crucis ignominiam quodammodo, & quam pagani derident, in loco pudoris nostri constituit. " Videlicet & Guillelmum Parisiensem, *cap. de sacr. Confirm.* ubi christianos vitam seu pigram, seu peccaminolam agentes sic affatur. " Erubescant signum fortitudinis & strenuitatis in eminentia frontis deferre ; & in certaminibus ignaviter agere, & vento tentationis sub pedibus hostium cadere. Reminiscantur se signiferos regis cælorum esse, & vexillum ejus in alto frontis deferre : quod perditionis reus est, qui vexillum deprefferit. Deinde quantam contumeliam regi suo irrogat signifer, qui cum ipso vexillo in partem contrariam se vertit &c. Clamat contra te signum crucis ; & clamat te proditorem, & reum majestatis, clamat inquam, clamore qui pertingit usque ad cælos : nulla vox clamosior. Clamat enim te signiferum, opera autem te clamant hostem, & propter ambo pariter proditorem, imo nequissimum proditorem ; magna enim confidentia, magna spe fidelitatis & strenuitatis consueverunt committi vexilla ad portandum in præliis. Obliquus es proditor Dei, quod dictum est tibi, & aliis ; in hoc signo vince : verissime enim in hoc signo præstatur robor ad vincendum. " Et infra, " Pingitur in isto sacramento signum crucis in fronte confirmandi de chrismate propter causas, quas diximus : ut in crucifixo, & per crucifixum sit tota spes & fiducia victoriæ confirmatis : & ut in tentationibus suis recogitet eum, qui talem sustinuit contra seipsum contradictionem, sicut legitur 11. ad Hebr. ut eo in carne passio, eadem cogitatione armetur, sicut legitur in cap. 2. & 3. epist. 1. Petri : & ut sciat se ad tormenta, & ludibria missum. Si quidem Christus passus est pro nobis, nobis relinquens exemplum, ut sequamur vestigia ejus. Ideo memoriale exempli hujus in ejus fronte pingitur ; de chrismate vero, ut utriusque honoris memor, regii scilicet & sacerdotalis, adeo strenue agat, ne regium honorem deturpet & dehonestet in lite succumbendo, & ne sacerdotalem sanctitatem inquinet, aut profanet, se execrabiliter pollundo : vel ut memor sit patris sui, regis scilicet universalis, & sacerdotalis, qui in cruce tam magnifice, tamque strenue egit ; rememoratio namque probitatis paternæ interdum est excitativa imitationis in filiis : vel ut regaliter se gerat in omnibus per justiciam & rectitudinem ; sacer-

» docer-

„ totaliter autem se gerat, quæcumque bona facturus, & quæcumque
 „ mala passurus: vel ut sciat se non solum coronandum ut regem,
 „ sed etiam immolandum ut sacerdotalem hostiam Deo cuius prima
 „ hostia ipsemet esse debet; non enim recte alia oblaturus ad Deum
 „ accedit, qui se ipsum primo immolare neglexerit, quod ostensum
 „ est in Cain & Abel, *Genes. 4.*

§. 5. *Quæ fuerit origo unctionis verticalis, quis
 progressus.*

UNCTIO chrismatis, qua neophyti jam baptizati ungebantur, duplex olim erat, altera in vertice, altera in fronte. Prior candidæ vestis indumentum præcedebat, posterior ipsum subsequabatur. Prior, ex ordine Romano, fiebat a presbytero, qui faciebat de chrismate crucem cum pollice in vertice eorum, ita dicendo: Deus omnipotens, Pater Domini nostri Jesu Christi, qui te regeneravit ex aqua & Spiritu sancto, quique dedit tibi remissionem omnium peccatorum, ipse te liniat chrismate salutis in vitam æternam. Resp. Amen. Posterior fiebat a pontifice, qui tincto pollice in chrismate, faciebat crucem in frontibus singulorum, ita dicendo: confirmo te in nomine Patris, & Filii, & Spiritus sancti. Resp. Amen. Prior episcoporum manuum impositionem præcedebat; posterior in ecclesiis fere omnibus subsequabatur. Prior a presbytero fiebat, seu præsentem seu absentem episcopo; quo fit, ut ab Episcopali manuum impositione plerumque separaretur; posterior, ut quæ non nisi ab episcopo fieri posset, ab episcopali manuum impositione nunquam secernebatur, sed eam proxime subsequabatur. Prior in occidentem solum observata fuit; posterior in utraque ecclesia. Prior in subsidium posterioris instituta est, ne videlicet absente episcopo, neophyti sine chrismatis unctione morerentur. Verum a quo instituta fuerit, controversia est.

Sirmondus in utroque ambiguo, vel institutam putat Innocentii decreto *epistola ad Decensium cap. 3.* vel ab eo primum commemoratam.

REFELLITUR 1. Quia Innocentius decreto suo, si tamen decretum est, duarum quidem unctionum meminit, quarum una fit in fronte, altera extra frontem, sed nullam unctionis, quæ in vertice determinate fieri præscribitur, mentionem facit. Verba sunt Innocentii. „ Nam presbyteris, seu extra episcopum, seu præsentem episcopo baptizant, chrismate baptizatos ungere licet, sed quod ab Episcopo fuerit consecratum: non tamen frontem, ex eodem oleo signatum, quod solis debetur Episcopis, cum tradunt Spiritum paracletum. „ Agnosco tamen unctionem, de qua Innocentius, verticalem esse: de hac enim ipsum interpretantur auctores *infra citandi rat. 5.*

2. Quia

2. Quia Innocentius ibi meminit unctionis, quæ extra frontem fieri debet, quasi antiquæ, non autem quasi recens institutæ.

3. Quia hujus unctionis, antequam Innocentius in cathedra Petri sederet, meminit Ambrosius *lib. de initiandis, cap. 6.* "Post hæc uti-
 „ que ascendisti ad sacerdotem; considera quid secutum sit. Nonne
 „ illud quod ait David? *sicut unguentum in capite, &c.* Subjicit vero
 „ initio capitis 7. "Accepisti post hæc vestimenta candida &c. "At-
 „ qui unctionem, quæ egressum neophytorum e lavacro, & oblationem
 „ eorum sacerdoti sublequebatur, vestis autem candidæ indumentum præ-
 „ cedebat, verticalem fuisse apparet ex ordine Romano: Ut autem sur-
 „ rexerint "a fronte (neophyti,) illi qui eos suscipiunt, offerunt
 „ eos uni presbytero. Ipse vero presbyter facit de chrismate crucem
 „ cum pollice in vertice eorum &c. Et dat singulis stolam candidam,
 „ dicens: accipe vestem candidam & immaculatam, quam perferas an-
 „ te tribunal Christi.

4. Quia eandem unctionem verticalem indicat Ambrosius *lib. 2. de sacrament. cap. 7.* in fine, ubi ait: "Meristi, venisti ad sacerdo-
 „ tem: quid tibi dixit? Deus, inquit, Pater omnipotens, qui te
 „ regeneravit ex aqua & Spiritu sancto, concessitque tibi peccata tua:
 „ imple te ungat in vitam æternam "En unctionem, quæ immersionem,
 „ hoc est, baptismum neophytorum, eorumque oblationem sacerdoti factam
 „ proxime sublequebatur: & cui hæc verborum formula
 „ correspondebat: Deus Pater omnipotens, &c. Sed unctio, quæ ablu-
 „ tionem neophytorum, eorumque oblationem sacerdoti factam proxime
 „ sublequebatur, verticalis erat ex ordine Romano mox citato. Præterea
 „ relata verborum formula, ipsissima est, quæ in unctione verticali fieri
 „ solebat; quemadmodum apparebit, & istam, & illam quæ in Gregoriano
 „ sacramentario, ordine Romano, libro de *divinis officiis*, Amalario, &
 „ hodiernis ritualibus refertur, inter se comparanti.

5. Quia Rabanus *lib. 1. de instit. cleric. cap. 28.* Amalarius *lib. 1. de eccles. officiis cap. 27.* Rupertus *lib. 5. de divinis officiis cap. 16.* Hugo Victorinus *lib. 2. de sacramentis parte 7. cap. 3.* hanc verticis unctionem institutam aiunt a Sylvestro I. ob illa verba quæ in libro pontificali Damasi papæ, ubi de vita ejusdem Sylvestri, referuntur. "Sylvester constituit, ut baptizatum liniat presbyter chrismate levatum, tum de aqua, propter occasionem transitus mortis. "Non me latet opus istud Damaso perperam adscribi: præfixa tamen epoche certa mihi videtur: unica enim erat unctio ante Sylvestri tempora; nullus est auctor, qui ante ipsum unctionis verticalis meminerit; ejus contra mentionem fecerunt auctores Sylvestro posteriores, ut Ambrosius, Innocentius I. & alii.

Verticalis igitur unctio instituta est circa Sylvestri pontificatum, qui electus anno 314. obiit anno 335. Ambrosii ætate in ecclesia Medio-

diolanensi suscepta jam erat . Susceptam quoque fuisse in Hispania , patet ex canone 20. concilii Toletani I. anno 400. celebrati, quo hæc unctio diaconis interdicitur , presbyteris autem permittitur , ea tamen lege , ut *præsente episcopo* non ungant , nisi ab ipso fuerit præceptum . Quæ lex diu viguit in Hispaniis , quemadmodum apparet ex concilio II. Hispalensi anno 619. *can. 7.* sub finem , ubi postquam declaravit presbyteris , “ Non licere baptizatorum frontem chrismate signare , ” quia pontificatus apicem non habent : “ subjicit , “ Sed neque li-
 ,, cere presbyteris præsentem antistitem , infantem tingere aut signare , “ videlicet in vertice . Verum hæc lex Hispanis certe specialis fuit , ejus enim non meminit Innocentius in *præsata epistola ad Decentium* , anno 416. contra hanc unctionem presbyteris licitam esse docet ipso etiam præsentem Episcopo . Quin etiam *can. 2.* Concilii I. Arausicani anno 441. coacti , ministris omnibus baptismi , adeoque diaconis præcipitur , ut hanc unctionem in baptismo adhibeant . “ Nullus ministrorum , qui baptizandi recepit officium , sine chrismate usquam debet
 ,, progredi , quia inter nos placuit semel in baptismo chrismari . “ Hinc Synodus Vasensis anno 442. convocata *canone 3.* præcipit , ut “ presbyteri , & ministri (hoc est diaconi) ab Episcopis suis pro-
 ,, priis chrisma petant , quia optimum est , ut ipse suscipiat , qui in
 ,, tradendo usus est . “ Canone igitur Arausicano presbyteris & diaconis datur non solum potestas , sed etiam præceptum chrismandi baptizatos : quo nomine canon hic diversus est a decreto illo Innocentii , quo non tantum diaconis nulla datur chrismandi potestas , sed presbyteris ita ejus rei potestas traditur , ut nullum præceptum imponatur .

Verticis igitur unctio instituta est ætate Sylvestri , qui eam presbyteris permisit & præcepit . Concilium Toletanum I. anno 400. presbyteris eam interdixit , “ præsentem episcopo , nisi ab ipso fuerit præceptum . “ Innocentius I. presbyteris eam ipso etiam episcopo præsentem permissam declaravit anno 416. Concilium I. Arausicanum presbyteris eam præcepit . Diaconi vero eam usurparunt seculo quarto . Eam presbyteris , & diaconis baptismum administrantibus ætate sua præceptam fuisse testatur S. Hieronymus *cap. 4. dialogi adversus Luciferianos* , quem Romæ scripsit ad annum 382. “ Sine chrismate , & “ Episcopi jussione neque presbyter , neque diaconus jus habent baptizandi . “ Concilium Toletanum I. eam diaconis in Hispania interdixit anno 400. Concilium Arausicanum I. eam diaconis in Gallia permisit , & præcepit anno 441. “ Concilium Vasense eam a diaconis
 ,, in Gallia observari solitam supponit anno 442.

Utrum vero pontifex , cum ipse baptizaret , hanc verticis unctionem adhiberet , vel eam in baptismo prætermisam suppleret in Confirmatione , ambigitur . Affirmat Sirmondus in *utroque antirrhetico* ,

Witasse de Confirmatione.

V

quia

quia " baptismalem chrismationem episcopus ne usurpet , lex nulla interdicit . " Distinguit Petrus Aurelius in *Anacretico* . " Nam, inquit, " episcopos privatim , nec solemniter ac ritu episcopali , sed presbyterorum instar baptizantes , adhibere chrismationem verticalem plerumque cernimus ; tametsi in solenni baptismo , in quo episcopalem personam sustinent id fieri non debere constet , nec olim in ecclesia factum esse . Cujus rei ratio illa est , quia canones passim secernunt chrismationem ministrorum baptismalem ab Episcopali chrismatione ; ut eam quæ fit in fronte , solis episcopis , quæ alibi , solis ministris imponant : nec usquam extare concessam episcopis chrismationem illam baptismalem , sed ubique ministris addictam , patet ex omnibus decretis , quæ de illa habentur : atque imprimis ex hoc ipso Arausicano , quod ad solos ministros manifeste dirigitur . Hinc ejusmodi chrismationem nusquam ab episcopis peractam constat ex perpetua majorum traditione , & imprimis ex pontificali Romano , in quo episcopus mox ab effusa baptizato aqua , ad frontis chrismationem & ad sacramentum Confirmationis procedere jubetur . Consentiant scriptores omnes , qui de officiis ecclesiasticis scripsere , & verticis chrismationem a solis ministris non ab episcopistribuendam esse omnes declarant . " Cur autem episcopi chrismatione baptismali olim uti non possent , hanc rationem subjicit , " quod videlicet " ea chrismatio instituta esset in symbolum subjectionis ministrorum erga Episcopum , ut neminem baptizando sine unctione chrismatis , quod ab episcopo consecratum acceperant , profiterentur primariam Episcopi in omnibus sacramentis- , & nominatim in baptismo auctoritatem .

Sirmondi sententiæ nonnihil favet Canon 20. Concilii Toletani I. quo verticalis unctio presbyteris permittitur , ea tamen lege , ut *præsentente Episcopo* non ungant , nisi ab ipso fuerit præceptum . Sed Aurelii opinioni aperte favent ordo Romanus , & liber *de divinis officiis* qui capite *de sabbato sancto* præscribunt , ut neophyti a pontifice , vel a presbyteris , seu ab aliis , quibus ipse jusserit , baptizati , offerantur primum uni de presbyteris , qui eos in vertice liniat deinde pontifici , qui eos chrismet in fronte .

RESPONDEO . Varia fuit olim hujus unctionis administratio . Eam hodie conferunt quicumque ministri , seu episcopi , seu cardinales , seu sacerdotes , etiam in baptismo solenni , quemadmodum apparet ex rituali Romano , ubi de baptismi cæremoniis .

- §. 6. Refertur opinio Sirmondi circa duas unctiones, quarum una fit in vertice, altera in fronte: & circa unionem unctionis frontalis & impositionis manuum.

Singularis omnino est Sirmondi opinio circa duas unctiones baptismo posteriores, quarum una fit in vertice, altera in fronte, & circa unionem, separationem & iteratam adunctionem unctionis frontalis cum manus impositione: quam, ut facilius intelligas, pluribus propositionibus numero distinctis, & ex primo & secundo Antirrhetico excerptis referam.

1. In ecclesia orientali unica semper fuit unctio. "Apud Græcos vero perpetuus hic mos fuit, ut presbyteri jam baptizatos in fronte chrismarent. Hinc Latinos aliquando insimulare ausi sunt, ut Nicolaus Papa scribit epistola 70. quod presbyteros linire baptizatorum frontes inhiherent: "ex 1. antirrhetico.

2. In ecclesia vero occidentali, "Primis ecclesiæ seculis unctio chrismatis unica erat, qua episcopus baptizatos in fronte consignabat: in fronte, inquam: hoc enim etsi doceri nihil est opus, docet tamen Tertullianus, eo alludens lib. de præscript. cap. 40. cum de æmulo Dei diabolus ait: signat & illic in frontibus milites suos. Unde & inscripta oleo frontis signacula, dixit Prudentius in psychomachia. Unicamque chrismationem & Tertullianus idem de baptismo cap. 7. & Cyprianus epist. 70. & alii Patres antiqui commemorant. Ex 1. Antirrhet.

3. Sylvester I. qui super cathedram Petri sedit ab anno 314. ad annum 335. permisit, ut presbyter baptizatos in fronte ungeret: ex 1. & 2. antirrhet. sequenti. Deinde usu multis in locis eam usurparunt presbyteri, ut apparet ex concilio Toletano I. can. 20. Arausicano I. can. 2. & Gregorio Magno lib. 3. epist. 26. ad Januarium episcopum Calavianum: "Pervenit quoque ad nos, inquit, quosdam scandalizatos fuisse, quod presbyteros chrismate tangere in fronte eos, qui baptizati sunt, prohibuimus. Et nos quidem secundum usum veterem ecclesiæ nostræ fecimus: sed si omnino hac de re aliqui contristantur, ubi episcopi defunt, ut presbyteri etiam in frontibus baptizatos chrismate tangere debeant, concedimus. Romanæ, ut vides, ecclesiæ consuetudinem dum memorat Gregorius, ecclesiarum omnium consuetudinem non fuisse significat. Erant ergo apud quas presbyteri baptizatos chrismarent in fronte Quem illi morem profecto, inquit Sirmondus, nisi aliquo jure sibi permissum, non usurpassent. Unde autem manasse potius credamus, quam a Sylvestro Papa, qui constituit ut presbyter liniat chrismate levatum de aqua, propter occasionem transitus mortis, ut memoriæ proditum est in Pontificali? Scio non deesse qui de verticis unctione hæc interpretari malint: sed viden-

„tur isti ad ætatis suæ morem potius, quam ad Sylvestri consilium & institutum spectasse. “ *Ex 1. antirrhet.*

4. Quin etiam chrismationem frontis commissam olim vulgo presbyteris ab episcopis quibuscvis, docet in *antirrhetico 1. pag. 30. & 31. & in antirrhetico 2. pag. 13. & 14. &c.*

5. Neque solum presbyteris, sed etiam diaconis passim & sine necessitate commissam, & ab illis, ut ordinariis ministris, tradi consuevit asserit in *antirrhetico 1. pagina 35. & in antirrhetico 2. pagina 19.*

6. Muneris igitur episcopalis erga neophytos, cum duæ olim essent „ partes, chrismatio & impositio manuum, ita subinde res est tempe- „ rata, ut concessa presbyteris in fronte chrismandi potestate, pars al- „ tera penes solos episcopos resideret, quam solam iis impertirent, qui „ legitime a presbyteris chrismati jam forent : “ *ex antirrhetico 1.* Ex- „ inde chrismatio frontis & manuum impositio sejunctæ fuerunt, quod „ Sirmondus probat auctoritate Hieronymi adversus Luciferianos, concilii „ I. Araulicani, *can. 2. Gennadii lib. de eccles. dogm. cap. 52. Hilarii Arelaten- „ sis in homilia de pentecoste*, (videbis dissertationem de auctore 30. „ homiliarum, quæ Eusebio Emiseno tribuuntur) *S. Augustini lib. 5. de baptismo cap. 20.* ubi “ de baptismo disputans contra Donatistas, hanc „ tandem impositionem manus & sacramentum singulariter appellat, & „ a chrismatione sejungit solitam, ipsa verborum serie, eucharistiæ in- „ terjecta mentione significat. *Si ad hoc vale*, inquit, *quod dictum est „ in evangelio, Deus peccatorem non audit, ut per peccatorem sacramen- „ ta non celebrantur : quomodo exaudis homicidam, vel super aquam baptis- „ mi, vel super oleum, vel super eucharistiam, vel super capita eorum qui- „ bus manus imponitur?* *ex antirrhetico 1.*

7. Duo tamen ista, quæ divulsæ tantisper aliquando apud multos, & „ divisa fuerant, eodem ecclesia postea sapientissimo consilio copulavit „ iterum, & consociavit, ita ut munus utrumque in Confirmatione „ solusque jure ordinario præstet episcopus, nec derivari nunc, nisi „ summa auctoritate ad presbyteros liceat. “ Quibus postremis verbis „ Sirmondus aperte indicat presbyteros prius in fronte chrismasse jure ordi- „ nario : *ex 1. antirrhet.*

8. Hæc duo jam copulata fuisse ætate sua testatur Innocentius in „ *epist. ad Decentium*, qui omnium primus duas unctiones distinguit, al- „ teram in vertice a presbytero, alteram in fronte ab episcopo : *ex 1. „ & 2. antirrhet.* quo fit, ut “ ejus instituti cum auctorem, vel asser- „ torem ii proferant, “ qui de ecclesiæ ritibus scribunt, in quibus „ nominat Sirmondus Isidorum Hispalensem, Alcuinum, Amala- „ rium, ac præterea synodum Meldensem *canon. 44. ex 2. antirrhet. pa- „ gina 52. & 53.*

9. Duplicem vero unctionem etsi distinguit Innocentius, duplicem „ tamen passim, nisi longo post tempore, observatam haud facile repe- „ rias.

rias. Quare mirum non est unicam *can. 2.* Arausicanis Patribus probari : " *ex 1. antirr.*

10. Serie tamen temporum Innocentii decretum ubique obtinuit, & " pro una chrismatione duæ tandem in ecclesia juxta Innocentii Papæ rescriptum receptæ sunt, ut presbyter baptizatum in vertice liniat, episcopus in fronte consignet, cum tradit Spiritum paracletum: Sed aliud est, quid nunc juris sit animo volvere, aliud antiquos canones ex antiquis moribus, quæ suprema interpretandi lex est, apte congruenterque interpretari : " *ex 1. antirr.*

11. Hinc tres ille ætates in 2. *antirr.* distinguit quibus varia fuerit ac multiplex sacramenti Confirmationis administratio. Primam ætatem ab apostolis ad Constantinum seu Sylvestrum Papam producit. Secundam vero ac tertiam nullis certis limitibus definit : sed quantum ex ejus doctrina conjicere licet, secundam producit a Sylvestro ad finem seculi VI. vel initium seculi VII. quo duplicem illam unctionem passim observatam fuisse, apparet ex sacramentario Gregoriano, Isidoro Hispalensi, Beda &c. Tertiam vero ab Innocentio I. ad nos usque producit. Prima ætate chrismationem junctam facit manuum impositioni ; ita nimirum, ut utramque junctim quidem solus episcopus præberet, sed manus impositionem chrismatio anteiret : quod ille probat auctoritate Terulliani, Cornelii, & Optati.

12. Altera ætate chrismationem a manuum impositione dividit non solum tempore, sed etiam ministro : presbyteris enim, imo & diaconis baptizantibus concedit ut neophytos etiam jure ordinario, in fronte liniant, episcopis vero solam manuum impositionem reservat.

13. Tertia ætate hæc duo rursus coniociat, & ad solius episcopi potestatem reducit.

14. Subjicit Patres hujus tertiæ ætatis ; Confirmationis quidem nomen chrismationi tribuisse, ita tamen, ut propriam Confirmationis efficientiam manuum impositioni reservaverint : hoc est, chrismationi inane Confirmationis nomen, manuum impositioni rem ipsam tribuisse.

Huic singulari sententiæ Sirmondi occasionem præbuit controversia de interpretatione canonis 2. concilii Arausici I. quæ inter ipsum & Petrum Aurelium exorta est anno 1633. qua de re *infra*, §. 8. commodius agemus.

§. 7. Expenditur relata Sirmondi opinio.

IN hac Sirmondi opinione plura mihi displicent, pleraque falsa mihi videntur. Quæ quidem ut appareant, juvat singulos numeros percurrere, & doctrinam in ipsis traditam breviter expendere.

Circa primum igitur numerum, concedo in ecclesia orientali unicam unctionem semper fuisse ; verticalem enim, quæ baptismum subsequitur.

Wissae de Confirmatione.

V 3

tur,

tur, nullam Græci agnoscunt, vel agnoverunt. Sed perpetuum fuisse hunc morem apud ipsos, ut presbyteri jam baptizatos in fronte chrismarent, negat Firmilianus in *epist. ad Cyprianum*, dum " & baptizantur di (ritu scilicet solemniori) & manum imponendi, & ordinandi potestatem, " solis tribuit majoribus natu, qui in ecclesia præsident. Negat Chrysostomus *hom. 18. in acta apost.* dum ex facto Petri & Joannis, qui Spiritum sanctum Samaritanis contulerunt, ita concludit: " Unde & præcipuos (hoc est episcopos) & non alios videmus hoc facere, " Negant Isidorus Pelusiota, Oecumenius, & alii Patres Græci, dum apostolis, non discipulis datam ajunt potestatem tradendi Spiritum sanctum. Negant Zonaras, & Matthæus Blastarius, licet schismatici, cum ajunt apostolis, eorumque successoribus episcopis concessam fuisse facultatem tradendi Spiritum sanctum, non autem Chorepiscopis, " quamvis plura privilegia, quam presbyteri sortiti essent. " Eo quod typum gerebant 70. discipulorum. Negat Georgius Pachymeres in *caput 5. eccles. hierarch.* Dionysii, ubi ait, quamvis sacerdos baptizare possit, nihilominus opus esse antistite, " qui baptizatum chrismate inungat; " hæc enim antiqua fuit consuetudo. " Floruit ille sub Michaele Palæologo circa annum 1280.

Photii vero, aliorumque Græcorum ipsius partibus adhærentium objectionibus, inter quas illa de prohibita presbyteris episcopali chrismatione, Nicolaus I. universe respondet: " Aut falsa sunt, quæ nobis impingere moliantur: aut certe jam a præscito tempore, sine cuiusquam contradictione in ecclesia Romana; imo in tota occidentali parte custodita &c. " Atqui falsa non erant, quæ Græci Latinis circa prohibitionem unctionis frontalis sacerdotibus factam impingere molebantur. Hæc igitur prohibitio " a præscito tempore sine cuiusquam contradictione in Ecclesia Romana, imo in tota occidentali parte custodiebatur. Quæ certe non conveniunt cum doctrina num. 3. 4. *seq. tradita.*

Quæ num. 2. referuntur, vera sunt. Sed quæ num. 3. docentur, falsa sunt: nec enim Sylvester constituit, ut presbyteri baptizatos ungerent in fronte, sed in vertice, qua de re *supra* §. 5. neque concilia Toletanum I. *can. 20.* & Arausicanum I. *can. 2.* aliam unctionem presbyteris, quam verticalem permittunt. Quo sensu Gregorius Magnus intelligi debeat, exponemus alibi. Sed esto; Confirmatoriam ille frontis unctionem Calaritanis sacerdotibus permiserit, quid inde concludi potest, nisi quod ex Pontificis auctoritate presbyter fieri potest extraordinarius hujus sacramenti minister? Porro tantum abest (si qua tamen ratio habeatur libri Pontificalis Damasco adscripti) ut Sylvester unctionem frontalem abstulerit episcopis, & presbyteris permiserit; imo decretum ejus aperte supponit duas unctiones baptismo posteriores, quarum unam episcopis, alteram presbyteris tribuit. Sic enim habetur: " Sylvester contulit chrisma ab episcopo confici: & privilegium episcopis contulit,

„lit, ut baptizatum consignent, propter hæreticam suasionem. Hic & „hoc constituit, ut baptizatum liniat presbyter chrismate levatum „de aqua, propter occasionem transitus mortis. “ In hoc igitur decreto, qualecumque illud sit, episcopalis unctio eadem non est quæ sacerdotalis.

Frontis chrismationem commissam olim vulgo fuisse presbyteris & diaconibus a quibuslibet Episcopis, asseritur *num. 4. & 5.* Verum id non apparet ex antiquis canonibus, qua de re *infra*, ubi de ministro: quanto minus ex illis apparebit, frontis unctionem a sacerdotibus & diaconibus velut ab ordinariis ministris tradi consuetam: quæ doctrina in Concilio Tridentino *session. 7. canon. 3. de Confirmat. anachemate* perculsa iis videtur, qui unctionem frontis Confirmationi essentiali esse putant.

Num. 6. Sirmondus frontis chrismationem & manuum impositionem se junctas fuisse, probat 1. auctoritate Hieronymi adversus Luciferianos. “ Non abnuo, inquit Hieronymus, hanc esse ecclesiarum consuetudinem, ut ad eos, qui longe in minoribus urbibus per presbyteros & diaconos baptizati sunt, episcopus ad invocationem sancti Spiritus manum impositurus excurrat. “ Verum hic locus non satis apte producit. Hieronymus enim nullam frontis chrismationem ibi commemorat, quæ a presbyteris & diaconis fieret: nec chrismationem episcopalem ab iis usurpatam ait: nec dicit eos qui a presbyteris & diaconis in baptismo chrismati essent, deinde ab episcopis sola manuum impositione & sine frontis unctione confirmatos. Verba igitur Hieronymi nec commodius exponi possunt, nec facilius, quam ad aliorum Patrum, & imprimis Ecclesiæ Romanæ mentem; maxime cum dialogum illum adversus Luciferianos Romæ scripsisse memoretur. Sed Romani Pontifices frontis chrismationem solis episcopis attribuunt. Innocentius I. in *epistola ad Decentium, cap. 3.* “ Presbyteris chrismate „baptizatos ungere licet, non tamen frontem ex eodem oleo signare, „quod solis debetur episcopis; idque non solum ait consuetudine Ecclesiastica demonstrari, verum & lectione actuum apostolorum. “ Et Gelasius in *epistola 9. ad episcopos Lucanie*, anno 494. *cap. 6.* “ Presbyteros ultra modum tendere prohibemus, nec episcopali fastigio debita sibi met audacter assumere: non conficiendi chrismatis, „non consignationis Pontificalis adhibendæ sibi met arripere facultatem. “ Neque Sirmondus in eo vim facere debet, quod Hieronymus nulla unctionis mentione facta dixerit, quod “ episcopus manum impositurus excurrat. “ Veteres enim manuum impositione chrismationem, & chrismatione manuum impositionem complexi solebant, qua de re *supra, pag. 310. & seq.*

2. Sirmondus adducit auctoritatem Gennadii, libro *de eccles. dogmatibus, cap. 52.* Verum Gennadius ibi, nec Confirmationem in sola manuum impositione constituit: nec ab illa unctionem tempore vel mi-

nistro dividit: sed utramque potius connectit, & in utroque sacramentum ponit. " Si parvuli sunt, vel hebetes, qui doctrinam non capiunt, respondeant pro illis qui eos offerunt juxta morem baptizandi, & sic manus impositione & chrismate communiti, eucharistiæ mysteriis admittantur.

3. Citat Hilarius in homilia de pentecoste. Verum auctor hujus homiliæ, quisquis ille sit, dum manus impositionem commemorat, non excludit ab ea chrisma, sed aliorum Patrum more in manus impositione illud includit, uti dictum est *supra*, pag. 307. & *seq.*

4. Producit Augustinum, qui *lib. 5. de baptismo cap. 20.* impositionem manus, & sacramentum singulariter appellat, & a chrismate sejungit. Textum *supra* descripsimus *num. 6.* Verum & Augustinus *ibidem* oleum sacramentis aperte annumerat, cum illius exemplo probet " sacramenta per peccatores celebrari: & illud baptismo, eucharistiæ, & impositioni manuum, veris sacramentis adjungit. Præterea Augustinus ibi olei administrationem non tribuit presbyteris & diaconibus. Denique manuum impositio, de qua ibi Augustinus, non est sacramentum Confirmationis, cum illud olei nomine prius significaverit. Idque indicat ipsa series locutionis, qua sacramenta eo ordine enumerat, quem in ecclesia semper habuerunt, primo baptismum, tum Confirmationem, deinde eucharistiam, denique impositionem manuum. Eorum igitur nomine, " quorum capitibus manus imponuntur " intelligit, vel eos qui sacramento pœnitentiæ, vel eos qui sacramento ordinis initiantur, vel utrosque.

Num. 7. traditur, sacerdotes olim in fronte chrismasse jure ordinario. Quod erroneum theologis videtur, qui unctionem ad Confirmationis essentiam pertinere existimant.

Num. 8. tria docet, omnino falsa. Nec enim Innocentius unctionem verticalem instituit, qua de re *supra*, pag. 334. & *seq.* Neque Innocentius omnium hujus unctionis mentionem fecit: qua de re *ibid.* Neque hujus unctionis cum auctorem, vel primum assertorem faciunt Isidorus Hispalensis, Alcuinus, Amalarius, & synodus Meldensis.

Num. 9. asserit duplicem unctionem, de qua Innocentius, non nisi longo post tempore passim observari ceptam. Et tamen Innocentius ipse hujus duplicis unctionis meminit quasi ritus communis & jam pridem in ecclesia recepti. Quin etiam conceptis terminis docet, " Non solum consuetudine ecclesiæ, verum & lectione actuum apostolorum, demonstrari, pontificibus solis deberi, ut consignent, " hoc est, frontem ungant: non autem presbyteris licere, " ut frontem ex eodem oleo signent.

Addit Sirmondus unctionem unicam, videlicet frontalem, Arausicanis Patribus probari *can. 2.* cum tamen unctionem illam verticalem, non frontalem fuisse appareat, tum ex verbis ipsius canonis: " Nullus
,, mi-

„ ministrorum, qui baptizandi recepit officium, sine chrismate ulquam
 „ debet progredi, quia inter nos placuit semel in baptismate chrisma-
 „ ri. “ Unctio enim quæ in iplo baptismate conferebatur, seu quæ
 ad baptismum pertinebat, verticalis erat: tum ex ipsis ministris, qui-
 bus hujus unctionis administratio præcipitur. Mandatur enim omnibus
 ministris, adeoque diaconis, qui baptizandi receperant officium. Dia-
 cono vero unctionem frontalem seu episcopalem nunquam adhibuerunt.
 Accedit, quod in ultimo canone Arausicano præcipitur, ut episcopus
 infirmus non per presbyteros, sed per alium episcopum agenda curet
 quæ propria sunt episcopi. Atqui ex Innocentio I. manus ungendi fron-
 tem proprium erat episcopi. Hoc igitur munus *can. 2. Arausicano* non
 conceditur presbyteris, multo minus illis præcipitur.

Num. 10. ait “ antiquos canones ex antiquis moribus, quæ suprema
 „ interpretandi lex est, “ exponendos esse. Sed Innocentius I. in *epi-
 stola sua ad Decentium*, anno 416. scripta, testatur hanc esse *consuetudi-
 nem ecclesiasticam*, ut soli episcopi neophytos ungant in fronte. Ex hac
 igitur antiqua consuetudine interpretandi sunt antiqui canones, qui de
 chrismatione loquuntur, non autem ex recentioribus quibusdam dogma-
 tibus, quæ Sirmondus invehere conatus est,

• Agnosco hanc legem interpretandi supremam esse, ut canon Arausi-
 canus exponatur ex moribus ætate illa observari solitis. Sed cum res
 ita sit, cur Sirmondus urget canonem Arausicanum exponendum esse
 ex tempore & ætate concilii Arausicani: & tamen frontis chrismatio-
 nis presbyteris concessæ, quam concessionem statui putat canone Arau-
 sicano, nullum ex omni antiquitate testem luculentum proferre potuit,
 nisi Gregorium magnum, qui & concilio Arausicano centum & quin-
 quaginta annis posterior est: nec illam concessionem quasi antiquam
 & communem refert, sed eam nonnullis duntaxat ecclesiis pastore vi-
 duatis, ad quorundam fidelium solatium permittit.

Num. 11. prima ille ætate chrismationem junctam facit manuum im-
 positioni, ita nimirum, ut utramque conjunctim solus episcopus præ-
 beret, sed manus impositionem chrismatio præiret. Quod ille probat
 auctoritate Tertulliani, Cornelii, Optati. Verum Optatus, ut qui Syl-
 vestro posterior fuerit, ad primam illam ætatem non pertinet: neque
 ipse meminit impositionis manuum, sed solius quoque chrismatis men-
 tionem facit Cornelius. Tertullianus vero qui utriusque meminit, chrism-
 ationem quidem manuum impositione priorem facit, sed Cyprianus
 facit posteriorem, eique consentiunt cæteri Patres & auctores. Nullus
 enim est, quod sciam, qui frontis chrismationem impositioni manuum
 præmiserit, præter Tertullianum, & Guillelmum sorte Parisiensem, *cap.
 de sacram. Confirm.* sub finem. “ Pingatur, inquit, signum crucis de
 „ chrismate in frontibus eorum, & impositis manibus super capita eo-
 „ rum, dicitur eis Pax tecum. Si quidem ad impositionem manuum

„ apo-

„apostolorum solebat dari Spiritus sanctus, & datur modo ad impositionem manuum episcoporum.

Doctrinam, quæ num. 12. traditur, *supra* factis refutavimus: quæ vero num. 13. continetur, vera est: sed quæ num. 14. habetur, falsa est. Constat enim ex dictis *supra*, frontis chrismationem Confirmationi essentiali esse, & per eam neophytis infundi Spiritum sanctum. Recole quæ dicta sunt §. 1. *precedenti*, pag. 615. & *seq.*

Jam vero accedamus ad canonem 2. Arausicanum, qui huic Sirmondi doctrinæ occasionem præbuit.

§. 8. *De canone 2. concilii primi Arausicani, ubi de origine disputationis Aurelii & Sirmondi.*

PRIVATÆ Petri Aurelii cum Iacobo Sirmondo disputationis de textu & sensu canonis 2. Arausicani occasio nata est ex ejusdem Aurelii *vindictis censuræ Sorbonicæ adversus spongiam Loemelii*, quam Joannes Floydus, Jesuita Anglus, & Audomari in Belgio professor, sub fictitio *Hermanni Loemelii, Antuerpiensis licenciati, & canonici lectoralis ecclesiæ cathedralis Audomarensis* nomine in lucem emisit anno 1631. Cum enim facultas Parisiensis hanc inter alias propositionem censuræ notasset: „Post institutionem chrismationis sacerdotum in baptismo, „chrismatio per episcopum non est tam necessaria, ac ante fuit: “ & Floydus in spongia adversus censuram sacræ facultatis respondisset: “ „Hoc tradunt Patres Arausicani *can. 2.* ubi conceptis verbis dicunt, „Necessariam quidem esse chrismationem, *tamen satis esse semel in baptismo chrismari.* Si vero in baptismo chrismatus quis non fuerit, *admonetur*, inquit, episcopus: nam sufficit una benedictio. “ Reposuit Aurelius, “Canonis hujus editionem ita obscuram & depravatam esse, ut ad disputationem dogmaticam adhiberi sine temeritate non possit. “ Quod ut ille probaret, varias hujus canonis editiones recensens, ejus etiam meminit, quæ in fine negationem habet. Sic, inquit, antiqua editio Colonienfis, quam, nescio, cur pater Sirmondus sine causa sequi maluerit, contra patrem Frontonem Duczum, qui exploratis diligenter vetustis manuscriptis, ultimæ illi parti negationem non adjicit. “ Hæc cum obiter dixisset Aurelius, de Sirmondo lædendo (ut ipse etiam jurejurando affirmat) ne quidem cogitans; Sirmondus tamen sic ea accepit, quasi sibi de vitio canonis Arausicano dicam scripsisset. Hinc exordium celeberrimæ dissertationis, quæ inchoata a correctione canonis, defecit in sensum. Sirmondus opinionem suam *epistola ad Aurelium* tutatus est anno 1631. cui Aurelius dedit, ediditque responsum. Hanc Sirmondus *antirrhethico* 1. excepit eodem anno, cui Aurelius opposuit *anareticum*: huic Sirmondus tribus post annis *antirrhethicum alterum* reposuit: Aurelius *orthodoxum*, qui cum

cum a nonnullis antistitibus visus esset, ac summo in pretio habitus, tandem in postrema Aurelii operum editione iussu & sumptibus cleri Gallicani procurata, publici juris factus est.

Duplex igitur inter Aurelium & Sirmondum concertatio fuit, altera de textu, altera de sensu hujus canonis. De utraque paucis agendum.

§. 9. De textu canonis 2. Arausiacani.

CANON ille ordine primus est in vulgatis editionibus conciliorum; secundus in codice Tiliano, in editione conciliorum Gallix Sirmondi, & in editione regia Labbæi.

Sirmondus canonem ita legit: " Nullus ministrorum, qui baptizant, di recepit officium, sine chrismate usquam debet progredi, quia inter nos placuit semel chrismari, de eo autem, qui in baptismo, quacumque necessitate faciente, non chrismatus fuerit, in Confirmatione sacerdos commonebitur. Nam inter quoslibet chrismatis ipsius, non nisi una benedictio est: non ut præjudicans quidquam, sed ut non necessaria habeatur repetita chrismatio. " Aurelius vero in postrema clausula negationem omittit. " Nam inter nos chrismatis ipsius, non nisi una benedictio est, non ut præjudicans quicquam dico, sed ut necessaria habeatur chrismatio repetita. " Ita duæ istæ lectiones in eo maxime differunt, quod huic necessaria sit chrismatio repetita, illi non necessaria.

Aurelius igitur particulam negativam, quæ sub finem canonis habetur, delendam: Sirmondus retinendam esse contendit. Aurelii opinionem sequuntur doctores Parisienses: Sirmondi opinionem amplexati sunt Jesuitæ Labbæus & Cossartius in editione regia conciliorum, & Petrus de Marca in notis ad canonem 28. concilii Claramontani. Argumenta utriusque partis referam.

Argumenta Sirmondi adversus Aurelium.

PROBATIONES, quas Sirmondus, & in epistola, & in utroque Antirhetico pro sua opinione refert, ad octo revocari possunt.

Prima est, quia Tilianus, Lugdunensis, Rhemenfis, & Fofatenfis, alique optimæ notæ codices hanc particulam negativam proferunt.

Secunda, quia vetera Isidori exemplaria eandem quam Aurelius impugnat, negationem præferunt, ut videre est in codicibus Isidori Mercatoris, quorum unus extat in bibliotheca sancti Victoris, alter in Thuana, tertius in Laudunensi, & quartus in Bellovacenti. Quibus ex Labbæo, ubi de canone 2. Arausiano, addi potest codex Justelli.

Tertia, quia hæc est codicum, vel suorum, vel aliorum qui in editione Colonienfi laudantur, constans & nusquam dissona consensus.

Quarta, quia suam canonis emendationem, quam (Aurelius) oppugnat,

„gnat, manuscripti omnes libri, atque Isidorus ipse confirmat: “ (Aurelio) autem ne vulgati quidem illi, nisi corrupti, consentiunt. Quo fit, ut Sirmondus Aurelio palmam tradat, “ si ex tanta veterum „ exemplarium copia, quantam adhuc servant bibliothecæ, vel unicum „ protulit, quod postremam canonis nostri partem negationis vocula „ destitutam exhibeat.

Quinta, quia in utraque sua editione Crabbus (particulam negativam, „ quam) Merlinus Isidoro subtraxit, ex antiquis codicibus restituit, apposuitque, in textu, sed ad marginem, ut solebat.

Sexta, quia Aurelius “ negationem tolli jubet, quam qui tolleret, „ veterum repertus est nemo.

Septima, quia ipsa synodi verba negationem, salva sententia, tolli non posse testantur. Absit enim “ de synodi Arausicanæ patribus tam „ leviter suspicari, ut qui chrismationem unicam toto canone tot modis „ inculcarunt, eisdem placeat in extrema ejus clausula necessariam chrismationem alteram affirmare.

Octava, quia “ Hilarium Arelatensem, & Eucherium Lugdunensem, „ atque alios utriusque provincie antistites, qui synodo (Arausicanæ) „ adhiuerunt, (& nullam unctionem in Confirmatione necessariam agnoscunt) dissidere a se ipsis, & pugnancia loqui potuisse, (nemo) cordatis hominibus persuadebit. “ Quæ duæ postremæ rationes e sensu canonis repetuntur, de quo *infra*.

Aurelii argumenta contra Sirmondum.

AURELIUS contra multis argumentis contendit; particulam negativam, quam textui Sirmondus inseruit, auferendum esse.

Primum petitur ex vulgatis & antiquis conciliorum omnium editionibus, quæ omnes hac particula negativa carent, scilicet Merliniana triplex, duplex Crabbiana, Suriana, & Biniana duplex. Vulgarum editionum primam omnium Parisiis instituit Jacobus Merlinus theologus Navarricus, & magnus in Ecclesia Parisiensi pœnitentiarius anno 1524. quæ quidem editio Coloniz iterum excusa est anno 1530. & Parisiis anno 1535. Post hanc Coloniz prodiiit duplex Petri Crabbi Franciscani, una duorum anno 1538. altera trium tomorum anno 1551. Hanc vero sexdecim post annos Suriana excepit anno 1567. Surianam Biniana duplex, prior Coloniz anno 1606. posterior ibidem anno 1618. Ita conciliorum ecclesie collectores, editoresque ad præfatæ controversiæ tempus, quatuor omnino, editiones vero octo, quarum diversæ sex fuerunt. Tres enim Merlinianæ inter se nihil differunt. Merlinus igitur in his tribus editionibus nullam ejus negationis mentionem facit. Crabbus in utraque editione hanc negationem, velut rem dubiam apposuit in margine, non in textu. Eam e margine expunxit Surius, “ cui, inquit Aurelius, studium fuit Crabbiana „ nam

„ nam editionem expurgare , & sarcire multis undequaque restitutis ,
 „ expletis , additis ; ita ut præter amplam accessionem , qua editio
 „ ad tomos quatuor excrevit (cum Crabbiana posterior non nisi tri-
 „ bus , prior non nisi duobus constitisset) multa locorum millia ex col-
 „ lectis undique manuscriptis codicibus se restituisset , in ipsa operis fron-
 „ te sit professus . “ Binius quoque in utraque editione hujus negationis
 non meminit .

Secundum argumentum petitur ex codicibus manuscriptis , quibus
 Merlinus , Crabbus , Surius , & Binius usi sunt , quos hac negatione
 caruisse ex eo constat , quod illi in suis editionibus nullam hujus ne-
 gationis mentionem fecerint , præter Crabbum , qui eam non in textu ,
 sed in margine , velut rem dubiam , apposuit ; unde sequitur manuscripta
 in quibus eam Crabbus invenit , vel ea pauca numero fuisse , vel levioris
 auctoritatis .

Tertium ex Frontone Ducæo societatis theologo , qui “ Surianam edi-
 „ tionem veterum codicum præsidio emaculans , negationem , (a Surio in
 „ Crabbiana sublatam) non reposuit .

Quartum ex editione Antonii Augustini , Tarraconensis archiepiscopi ,
 viri multæ eruditionis laude nobilis , qui *lib. 22. collect. tit. 17. cap. 10.*
 eandem negationem prætermisit .

Quintum ex Gratiano , cujus veteres , & recentiores editiones ne-
 gationem omittunt , etiam Vaticanum illud vetustissimum volumen ,
 ad cujus normam recentior editio jussu Gregorii XIII. emenda-
 ta est .

Sextum ex Romana ejusdem Gratiani correctione , jussu Pii IV. ac
 subinde Pii V. cæpta , & Gregorii XIII. absoluta , in qua , *de con-
 secrat. dist. 4. cap. nullus* , negatio hæc omittitur . Atqui Gregorius
 XIII. in suo decreto huic editioni præfixo prohibet , ne cuiquam li-
 ceat eidem operi sic expurgato quicquam addere , vel immutare .

Septimum ex ipsis codicibus , & Vaticanis , & monasterii Domini-
 cani supra Minervam , aliisque non paucis , quibus Romani correctores
 usi sunt . Cum enim *in notis ad præfatum caput* , hanc negatio-
 nem ita repellant , ut nusquam nisi in variis editionis Conciliorum
 Colonienfis trium tomorum (hoc est posterioris Crabbianæ editionis
 lectionibus repertam memorent , & deinceps in *editione quatuor tomo-
 rum* , hoc est Suriana , recte amotam significant , aperte innuunt il-
 lam in aliis omnibus manuscriptis , & voluminibus , quibus usi sunt
 desiderari .

Octavum ex “ perantiquo Isidoro , cujus collectio habetur in duo-
 „ bus codicibus Vaticanæ bibliothecæ , & uno monasterii Dominicani
 „ S. Mariæ supra Minervam . “ Quibus tribus manuscriptis in Gratiani
 emendatione se usos esse Romani correctores testantur *in sua emendatione*
 Gratiani operibus præfixa .

Nonum ex duobus manuscriptis a Sirmondo lectis , & propria ejus
 manu

manu notatis, quorum alterum extat in Thuana, alterum in Abbatis Olivarii bibliotheca; quæ nullam negationem addunt clausulæ canonis, de qua certatur.

Decimum argumentum est, quia "omnium hujus memoriz editionum, nulla, nisi Crabbi unius, negationem exhibuit, dubiam nimirum, & vacillantem; eamque dehinc omnes, velut in re minime dubia, una voce sustulerunt.

Undecimum quia "nec ante Crabbum quisquam ejus negationis meminerat: & ab ipso, ad tentandum eruditorum judicium, in margine positam nemo suscepit, pag. 293.

Duodecimum quia Sirmondus, "primus omnium negationem canonis intexam edidit; alii, præter Crabbum, ne margini quidem adjectam tulerunt.

Decimumtertium quia Sirmondus, "primus omnium, lectionem, quæ negatione careat, improbare cœpit; cæteri omnes non probarunt solum, sed, si unum demas, universi necessariam putarunt.

Aurelii responsiones Sirmondo.

Ad primum Sirmondi argumentum Aurelius variis modis respondet.

1. Ipse Sirmondus *tomo 1. concil. pag. 280.* in canone 10. Concilii Aurelianensis V. verba, quæ *regis voluntatem* adjungunt, retinet ex vulgatis codicibus, quamvis *tomo 1. pag. 608.* ea doceat abesse a manuscripto Fossatenſi, Bellovacensi, & Tiliario: Fronto vero Ducæus etiam a Tolosano, Fuxiensi, & Nicolai Fabri. Quod si præter sex codicum optimæ notæ auctoritatem, quorum tres ipse producit, nec aliis tribus a Frontone nominatis caruit, cum eos pluribus locis commemoret, retinendam nihilominus vulgatam scripturam censuit: quidni ex vulgatis editionibus negationem retinere licebit, præter quatuor codicum auctoritatem? maxime cum ex iis quatuor codicibus, quos Sirmondus objicit Aurelio, duo sint, nimirum Fossatenſis, & Tiliarius, quibus ipse prætulit vulgatam Concilii Aurelianensis editionem.

2. Quatuor codicibus a Sirmondo laudatis Aurelius opponit Codices omnes *supra* citatos, quibus usi sunt Isidorus Mercator, Gratianus, Antonius Augustinus, Merlinus, Crabbus, Surius, Binius, & Gratiani correctores.

3. Fronto Ducæus veterum codicum præsidio Surianam editionem emundans, negationem a Surio in Crabbiana editione ablatam, ne quidem in margine reposuit. Eam igitur non invenit in suis Codicibus. Sed inter illos codices Tiliarius erat ille, quem Sirmondus objicit.

4. Codices illi legendi essent; Sirmondus enim plura asserit, quæ, nisi falsa, dubia saltem apparent, ex dicendis *infra*.

Ad secundum argumentum Aurelius plura respondet. 1. Codicibus, Vi-

Victorino, Laudunensi, & Thuano opponit manuscriptos Isidori Codices quibus Merlinus usus est. 2. Opponit tres Romanos ejusdem Isidori codices, quorum præsidio Gratianus emendatus est. 3. Codices, Thuanum & Victorinum, ait recentiores esse, & novitia scriptos manu, ut ex ipso charactere perspicitur. Neque dissentit Sirmondus in *antirrbetico* 2. "De Thuano, inquit, & de Victorino, tametsi pervetusti non sint, excipere non licet, &c." quamvis in *antirrbetico* 1. duos illos codices inter "ipsius Isidori vetera exemplaria retulisset: (quæ Sirmondi contradictiones) merito fidem immittunt Bellovacensi, & aliis, quos se alibi vidisse ait." 4. Thuanum & Laudunensem negat "esse Isidori, duas ob causas: quod nec primorum Romanorum pontificum epistolas habeant, Isidori collectioni præfixas, & quod a Merlini editione discrepent, quæ Isidori collectionem purissimam contineri inter omnes constat." Justelli codicem, quam Labbæus antiquum asserit, Aurelius recentiorum alicubi affirmat: quin & postrema clausula, in qua negatio habetur, codicem illum carere Blondellus & Dallæus asserunt, qua de re *infra* ubi de sensu.

Ad tertium Aurelius ita respondet: 1. Fidem Sirmondi tantam in negatione illa exhibenda codicum consensionem asserentis suspectam habet; quia Sirmondus *tomo 1. concil. Gallie, pag. 596. in notis ad canonem 1. Arascanum*, ait *consentire omnes libros* primum canonem secundo loco, & secundum primo referendum esse, cum tamen Fronto Duceus e duobus codicibus, Tiliانو, & Fabriano, transpositionem istam soli Tiliانو tribuat: & ipse Aurelius codicem unum viderit, in quo idem canonum ordo, qui in vulgatis, servatus est. Ex quo fit, ut Sirmondo codicum suorum consensiones jactanti confidere deinceps sine ulla dubitatione nequeamus. 2. Negat "esse tantam, tam constantem, tam nusquam dissonam in negatione illa exhibenda codicum consensionem, quantam Sirmondus prædicat." 1. Enim editio Colonienfis, quæ eadem est, ac utraque Parisiensis Merliniana, nullam negationem præfert: quemadmodum nec Suriana, vel Biniana: quis vero tibi persuaserit negationem in editione Colonienfi Merliniana, Suriana, & Biniana desuturam, si codices omnes quibus Merlinus, Surius, & Binius usi sunt, negationem habuissent? præterea Crabbus in utraque sua editione Colonienfi negationem ad marginem apposuit quasi lectionem dubiam & incertam. Constans igitur non erat in negatione illa exhibenda codicum suorum consensio. Denique varietas, imo & contradictoria lectiones, quas Crabbus in margine retulit, satis indicant varietatem codicum, quibus ipse usus est. "Varietas insignis est, inquit Romani correctores *ad caput 125. dist. 4. de consecr.* in editione conciliorum Colonienfi trium tomorum (hoc est in posteriore editione Crabbiana:) nam & isto modo legitur, & hoc: *Non necessaria habeatur re-
christisatio: &, Non necessaria habeatur christisatio repetita: &, Ne-
cessa.*

„*cessaria habeatur chrismatio repetita* : quæ sola lectio retenta est in editione quatuor tomorum, “ hoc est Suriana.

Ad quartum Aurelius, ut Sirmondi petitioni faciat satis, profert duos codices ab ipsomet Sirmondo lectos & notatos, alterum ex Thua-na, alterum ex abbatis Olivarii bibliotheca : duos item codices, quos Merlino ad suam editionem adornandam præbuerunt archiepiscopus Senonensis, & Parisiensis episcopus : codice denique, quibus Merlinus, Crabbus, Surius, Binius, Fronto Ducæus, & Gratiani correctores usi sunt; quos sane codices omnes nullus corruptos dixerit.

Ad quintum Aurelius respondet, 1. non unam, sed varias, imo & contradictorias in margine lectiones a Crabbo referri; quare Sirmondi opinionem inde nihil juvari. 2. “Crabbum negationem non restituisse, sed velut dubiam ac vacillantem in marginem rejecisse. Quæ enim liquido restituenda putabat, ea non ad marginem adnotare consuevisse, sed in textum inferre, apparet ex ipsis canonibus q. 10. 11. Quæ vero restituere non potuit, aut parvi esse momenti existimavit, ea Crabbum in marginem coniecisse, profitetur ipse Crabbus in fronte utriusque editionis, & ipse Sirmondus fatetur & probat in 2. *antirrhético*, pag. 110. & 111.

Ad sextum respondet Aurelius veterum neminem fuisse qui hanc negationem sustulerit, quia nullus fuit veterum qui eam admiserit. Hanc certe negationem in antiquis codicibus & auctoris plurimis desiderari, apparet ex argumentis pro Aurelii opinione adductis.

Septimum & octavum pendent ex sensu canonis, de quo *infra*.

Sirmondi responsiones Aurelio.

AD primum Aurelii argumentum, Sirmondus vulgatos libros ex manuscriptis spectandos ait, non manuscriptos ex vulgatis.

Verum reponi posset, 1. ipsum Sirmondum pro sua negatione adversus Aurelium adstruenda produxisse utramque editionem Crabbianam. Quidni triplicem Merlinianam utraque Crabbiana antiquiorem Aurelio contra Sirmondum proferre licuit? 2. Aurelium non tam vulgatos libros ex manuscriptis natos, quam manuscriptos, unde illi nati essent, objecisse, ut istam, quam Sirmondus prædicabat, manuscriptorum consensum everteret. Hanc Sirmondi propositionem esse contra criticorum omnium sensum, qui vulgatas editiones non raro manuscriptis anteponunt, & passim non minus editiones vulgatas, ad exquirendas veras scripturas adhibent, quam libros manuscriptos. Sic Gratiani emendatores plane profitentur se vulgatorum codicum lectiones non raro prætulisse ipsis (ut loquuntur) originalibus: “Ex ipso, inquit in præfatione, originali emendavimus, nisi sicubi vulgata lectio visa est, melior. Nam tunc, illa retenta, notatum est, quomodo originale, ipsum habeat.” Sic Lipsius, criticorum decus, in præfatiuncula ad

Valerium Maximum : " Præterea veteres editiones inspeximus, quas hic
 " & in aliis scriptoribus nihilo deteriores invenimus manuscriptis . "
 Nec mirum, cum veteres editiones ex manuscriptis propius sint ex-
 pressæ, adeoque manuscriptorum quodammodo vicem obtineant. Sic ip-
 se *Sirmondus in canone 10. concilii Aurelianensis V.* editionem retinet
 vulgatam, quæ *regis voluntatem* ad episcopi ordinationem exigit, resra-
 gantibus licet quinque aut sex codicibus ab ipso vel a Frontone cita-
 tis, qui eam omnes expungunt.

Ad alia vero argumenta *Sirmondus*

RESPONDET 1. *Merlini* codices manuscriptos habuisse negationem
 sed hanc ab eo contra illos detractam fuisse . " Prima, inquit, mali
 " labes a *Merlino*, qui (casu, an aliter, non quæro) negationem
 " *Isidoro* subtraxit, quam si fideliter in editione sua repræsentasset,
 " secutæ sine controversia essent aliæ omnes . " Verum *Merlini*, theo-
 logi *Navarrici*, viri doctissimi æque ac probissimi fidem elevari *Aure-
 lius* ægre patitur, maxime cum *Sirmondus Merlini* codices nusquam vi-
 derit. Præterea *Crabbus* hanc negationem in margine edidit, nec eum
 tamen ulla deinceps editio, ullus emendator, ullus denique eruditus ad
Sirmondum usque secutus est.

RESPONDET 2. tres esse dumtaxat " vel inquinatissimos codices ,
 " qui *Aurelii* causæ faveant . " Verum citati *supra* codices, contrarium
 aperte evincunt.

RESPONDET 3. *Surium* " nullos habuisse codices manuscriptos con-
 " cilio *Arausicani* : (sed) posteriorem *Crabbianam* editionem omni ex
 " parte secutum esse; nisi quod *Crabbi* ad primum canonem diversas
 " lectiones, atque inter has negationem nostram, cum cæteris passim
 " exhiberet, inconsulto præterit . " Verum *Surius* multos habuit con-
 ciliorum *Galliæ* codices, ex quibus novas etiam synodos protulit. Quo-
 rum igitur *Arausicani* concilii codices nullos habuerit ? Præsertim cum
 ille, in concilio *Arausicano* non pauca emendaverit, quæ in posteriore
Crabbiana editione alia sunt, quemadmodum apparebit conferenti cano-
 nes 5. 11. 16. 21. 22. & 27.

RESPONDET 4. hanc " negationem vel apud *Gratianum*, vel unde
 " *Gratianus* transtulit, contra librorum consensum, & contra synodum
 " ipsam (olim) sublatam fuisse . " Verum " quis nesciat, inquit *Au-
 relius in respons. ad Sirmondum de canone Arausicano*, negationem istam
 " ab *Isidoro* collectione trecentis circiter ante *Gratianum* annis abfui-
 " se? ... Quod si *Gratianum* ab *Isidoro* transtulisse dicas, unde id pro-
 " bes non habebis Quare desine novitatis arguere lectionem, quæ
 " ab ostingentis fere annis in ecclesia circumfertur, ac omnium dein-
 " ceptis seculorum usu publice viguit, donec tu eam publice abolere cœ-
 " pisti. Desine tuam ei conferre, quam nec tantorum virorum, nec
 " temporum tantorum auctoritate confirmabis. Nam codices tuos qua
 " rationes doceas, vel a talibus viris, vel ante tot annos extitisse, vel
Witasse de Confirmatione. X " om-

„ omnium consensu susceptos. Vana enim prædicatione librorum consensum tibi sumis; cum nos in omnibus ecclesiæ regionibus, atque in ipsa Gallia discrepantes a tuis libros fuisse, quibus tui antiquitate conferri non possint, demonstramus.

RESPONDET 5. Gratiani emendatores nihil aliud propositu habuisse, nisi ut Gratianum emendarent ex manuscriptis ipsius Gratiani exemplaribus, non ex ipsis originibus & fontibus canonum ab eo collectorum. “ Verum illi, inquit Aurelius in *anæretico*, ad singula pene capita demonstrant sibi propositum non ad ipsa Gratiani exemplaria recentere Gratiani codicem, sed ad ipsos fontes, unde ab illo quæque hausta essent. Cur enim alias tot codices antiquos omnis generis scriptorum ecclesiasticorum, Patrum, conciliorum, canonum, quorum longum indicem toti operi prætexunt, toto orbe conquisissent? Cur Patrum etiam & conciliorum Græcorum longiores contextus Græcos infererent notis suis, & versioni quam Gratianus sequutus est, opponerent? Cur toties Gratiani textum prolatis Patrum non solum vulgatis scriptis, sed manuscriptis ipsis codicibus, restituerent, sicut innumeris locis restituerunt, quæ referre putidum esset? Cur denique ad hunc canonem Arausicanum, & ad hunc ipsum nodum de eius clausula, in quo expediendo versamur, commemorassent tum Burchardum & Yvonem, tum editiones Colonienſes, quarum inspectio ad codicem Gratiani tanto ante editum nihil pertinebat? . . . Quid quod in præfatione aperte profitentur sibi consilium fuisse, non solum ea restituere, quæ alii in codice Gratiani exscribendo pervertissent, sed ea etiam quæ ipse Gratianus perperam collegisset? *Placuit*, inquit, ut si qua etiam in re Gratianus, ut homo, minus vidisset, modeste notaretur, ipsaque omnino capita suis auctoribus quam diligentissime restituerentur. Et infra, *Hæc fere servata corrigendi ratio est: ut si videretur noluisse Gratianus auctorum, quos citaret, ipsa prorsus verba referre, ea ex ipso originali emendarentur.*

Argumenta Blondelli & Dallei Calvinistarum adversus Aurelium & Sirmondum.

SIRMONDUS & Aurelius, si Dallæo credimus, de nihilo dimicant; quia postrema pars hujus canonis, quæ præfatam negationem retinet vel rejicit, non est germana, sed canonici assuta fuit. “ Vereor, inquit lib. 3. de *Confirmat.* ne tantæ istorum lites aerem frustra tamdiu verberarint. Omnis enim illa clausula, quæ ab his verbis incipit: *Nam inter quoslibet* &c. de qua tam acriter, tamque pertinaciter inter se conflixerunt, omnino videtur, non Arausicane synodi esse, sed recentioris alicujus scriptoris manu Arausicano canonici assuta. “ Quo fit, ut integram hujus canonis lectionem sic constituentem existimet. “ Nullum ministrorum, qui baptizandi recepti-
cium,

„cium, sine chrismate usquam debere progredi; quia inter nos pla-
 „cuit semel chrismari. De eo autem, qui in baptismo, quacumque
 „necessitate faciente, non chrismatus fuerit, in Confirmatione sacer-
 „dos admonebitur.

Dallæ præverat Nicolaus Rigaltius, vir catholicus, & amplissimus
 senator, in *notis ad epistolam* 59. *Cypriani*, pag. 42. ubi canonem illum
 iisdem limitibus concludit: & utrique Blondellus in *apologia Hierony-
 mi de episcopis*, sect. 3. pag. 69. cujus argumenta, nonnullis ex suo ad-
 ditis, Dallæ *ibidem* refert. 1. Quia in vetustissimo Henrici Justelli
 codice caslon in hæc verba desinit: *Quia inter nos placuit semel chrismari.*

Verum si quid hæc argumentatio probat, ea certe concludit adver-
 sus Dallæ, qui plura, quam Justellinus codex, admittit. Deinde
 quid hoc unicum exemplar, si cum bene multis conferatur optimæ no-
 tæ codicibus, quos videre Sirmondus & Aurelius: & cum cæteris, ad
 quorum fidem Gratianus, Merlinus, Surius, Crabbus, & Binius editio-
 nes suas adornarunt? Præstaret dicere, Justelli codicem completi sum-
 mam canonis, quam cæteros codices respuere tanquam impuros, & la-
 ciniosos; maxime cum hæc postrema canonis pars in prioribus verbis
 satis intelligatur. Præterea Blondello, cujus fide Dallæ Justellinum
 codicem laudat, opponimus Labbæum, qui *tomo 3. conciliorum*, ubi de
 Arausicana synodo, canonem illum ex Justelli codice nobis exhibet cum
 clausula, quam Dallæ & alii assutam existimant.

2. Quia *can. 27. concilii Arelatensis II.* quod anno post Arausicanum
 undecimo, Domini autem 452. habitum est, hæc quoque lacinia tota
 omissa deprehenditur, hoc modo. „Nullum ministrum, qui baptizan-
 „di recepit officium, sine chrismate usquam debere progredi, quia in-
 „ter nos juxta synodi (nempe Arausicane) constitutionem, placuit se-
 „mel chrismari.

Verum & hæc ratio arguit contra Dallæ, cujus lectio plura, quam
 Arelatense concilium completitur. Præterea quid inde? Quasi vero sy-
 nodus posterior non potuerit priorem canonis cujusdam in superiori
 concilio sanciti partem referre, idemque, quod in ea statutum fuerat,
 renovare, omissa posteriori parte hujusce rei, quam asserimus. Exem-
 plum extat in ipso concilio Arausicano, cujus canon 24. prohibet juxta
 canonem 8. Taurinatis synodi, ne illi, qui post ordinationem cum
 uxore sua rem habuerunt, *ulterius promoveantur*: & tamen canon 8.
 concilii Taurinensis, non de illis tantum decernit, sed & de ordinatis
 contra interdicta. Aurelius in *responsione ad Sirmondum*, aliam solutio-
 nem adhibet, nempe canonem Arausicanum a compilatore Arelatensi
 (synodum enim Arelatensem II. existimat rapsodiam esse, canonumque
 variorum centonem) abbreviatum fuisse.

3. Quia Burchardus & Yvo Carnutensis, licet seculo XI. sexcentis post
 Arausicanam synodum annis floruerint, hunc tamen ejus canonem in illis
 verbis (*sacerdos commonebitur*) terminant.

AURELIUS in *responsione ad Sirmondum* respondet Burchardum & Yvonem edidisse canonem illum " sine postrema parte, quod eam superioribus viderent includi. "

Respondeo canonem, de quo Burchardus *lib. 4. cap. 73.* & Yvo *parte 1. cap. 267.* videri quidem Arausici instar compositum, sed ab eo revera diversum esse.

1. Quia illum ajunt esse canonem 5. concilii Vasensis, non autem canonem 2. concilii Arausici. 2. Quia canon iste aliis verbis conceptus est, quam Arausicanus. 3. Quia non desinit ibi, ubi desinit canon Arausicanus in Justelli codice relatus, cujus lectio genuina Blondello & Dallæo videtur. Sic enim habet canon ille : " Nullum presbyterorum in plebe sibi commissa sine chrismate unquam debere progredi, quia inter nos placuit, semel in baptismo, quacumque necessitate faciente, qui non chrismatus fuerit, in Confirmatione sacerdotis perficiatur. " Burchardinus igitur habet, *nullum presbyterorum : Arausicanus, nullum ministrorum*, qua voce non solum presbyteri, sed etiam diaconi comprehenduntur. Burchardinus habet, *in plebe sibi commissa : Arausicanus, qui baptizandi recipit officium*. Burchardinus habet, *quacumque necessitate faciente, qui non chrismatus fuerit, in Confirmatione sacerdotis perficiatur*: Arausicanus in Justelli codice, si Dallæo fides habeatur, hijsce verbis caret : vulgati vero codices, quos ipse admittit, habent : *De eo autem, qui in baptismo, quacumque necessitate faciente non chrismatus fuerit, in Confirmatione sacerdos commonebitur*. Si quis vero utrumque canonem eundem esse contendat, quia uterque eundem sensum habere videtur, Burchardinum immutatum fuisse fateatur necesse est.

4. Quia in facta olim a Reginone abbate circa annum Christi 900. variorum canonum collectione hunc ipsum Arausicanum canonem sine illa, de qua diximus, clausula, scriptum testatur Aurelius in *responsione ad Sirmondum pag. 301.* " Nullum ministrorum, qui baptizandi recepit officium, sine chrismate unquam debere progredi, quia inter nos placuit semel in baptismo chrismari. De eo autem qui in baptismo, quacumque necessitate faciente non chrismatus fuerit, in Confirmatione sacerdos commonebitur. "

Aurelius *ibidem* respondet " omissam esse postremam partem canonis, quam collector in prioribus suis contineri putavit. "

RESPONDEO hanc Reginonis editionem cum iis repugnare, quæ Dallæus objicit. Hæc enim mutila vel integra est. Si mutila; ab ipso perperam objicitur : si integra; mutilus est Justelli codex, qui ex Dallæo in his verbis desinit, *quia inter nos placuit simul chrismari*: adeoque & ab ipso non recte adducitur. Sicut igitur mutilus est codex Justellinus, quia plura leguntur in collectione Reginonis : ita mutila est Reginonis collectio, quia plura leguntur in editione Gratiani, Merlini &c.

5. Quia five cum Binio, & Aurelio sic legas, non ut *præjudicans quidquam dico*: five cum Sirmondo ita malis, non ut *præjudicans quidquam, sed ut non necessaria habeatur repetita obfirmatio*; utrovis, inquam, modo legas, non videntur hæc verba synodi ipsius esse posse. Nam quidquid contra vitiligit Aurelius, ineptum & absurdum est, & veterum exemplo caret, ut synodus, quæ scilicet ex pluribus constat Episcopis, in singulari numero ita loquatur, non ut *præjudicans quidquam dico*. Ita Dallæus, qui & addere potuisset hæc canonis verba non congruere prioribus, quia paulo ante sermo est in plurali, inter nos placuit &c. & paucis interjectis in singulari, non ut *præjudicans &c.*

Aurelius ad tuendam lectionem, non ut *præjudicans*, &c. plura ex veteribus synodis refert in *anæretico* pag. 431. sed quæ mihi non satisfaciunt.

RESPONDEO igitur optimum fore hoc argumentum, si lectio ista canonis certa esset. Sed Gratianus legit, non *præjudicantes cuiquam hoc dicimus*: cui lectioni assentitur Crabbus. Neque etiam valebit obiectio, si cum Sirmondo legas, non *præjudicans quidquam*, prætermissa voce, *dico vel dicimus*. Hæc igitur obiectio probat quidem Binii lectionem per Gratianum corrigendam esse, non autem postremam canonis partem esse laciniosam.

6. Quia inusitatum fuit Arausicanæ synodi temporibus *præjudicare* sumi pro *nocere*. Recens est, & infimorum temporum hæc usurpatio; quod recte observavit Grotius, qui Bartolum & Baldum putat verbum *præjudicare* in hoc *nocendi* sensu primos usurpare cœpisse: & exortum ab iis auctoribus idiotismum hunc, postea ad alios quoque scriptores diffusum esse.

RESPONDEBIS forte Sirmondo, Aurelio, & Petro de Marca, viris eruditissimis visum fuisse, quod verbum, *præjudicare*, idem ibi significet, atque *nocere*. Verum hæc vox alio sensu apud antiquos auctores usurpatur: qua de re videsis Calepinum vocabulo *præjudicare* & *præjudicium*.

Dices forte verbum *præjudicare* sumi pro *nocere* in duobus privilegiis, cœnobio Sandionysiano per Landericum, Episcopum Parisiensem, regnante Cledovxo; & monasterio Corbeienſi per Bertefridum, Episcopum Ambianensem, regnante Clothario concessis, & *tomo 6. concil. Labbei* relatis pag. 487. & 527.

Verum hæc duo privilegia falsi suspicionem laborant apud viros eruditos; enimvero ea ex eodem calamo fluxisse apparebit utrumque inter se conferenti. Hujusmodi tamen significationis, qua *præjudicare* idem est ac *nocere*, exemplum extat in utraque Concilii Nicani versione Dionysii Exigui, & Isidori Mercatoris, *canone* 10. "Quicumque de lapsis ad ordinem cleri promoti sunt per ignorantiam, vel per ordinantium dissimulationem: hoc ecclesiasticæ non præjudicat

Witasse de Confirmatione.

X 3

„ regu-

regulæ ; cogniti enim deponuntur . " Utcumque sit de hac grammaticæ oblatione , nihil cogit , ut in canone Arausicano verbum *præjudicare* usurpetur pro *nocere* ; quin etiam nihil impedit , quominus proprio & eodem sensu accipiat , quo temporibus illis *præjudicare* idem erat , quod *antejudicare* , vel rem statuere , quæ aliter iudicaturis exemplum , quod sequantur , juxta illud Hieronymi in *apologia adversus Rufinum* , circa finem : " Nulli præjudicantes sequi quod velit , nec alterius decretum nostra sententia subvertentes . " Canon enim Arausicanus eo sensu commode potest exponi , qua de re *infra* , ubi de sensu .

Cæterum postremam illius canonis partem defendimus , quod in omnibus fere codicibus reperiatur , non autem quod ejus detractio (quemadmodum Calvinistæ sibi persuadent) catholicæ veritati aut receptis ecclesiæ ritibus noceat . Si quis enim clausulam illam detrahat , eamque in codicibus , quibus Regino , Burchardus , & Yvo usi sunt , deuisse concedat (quod Aurelius in *responsione ad Sirmondum* probabilius existimat) tunc & " validius nobis iustragabitur canon , inquit Aurelius , & planior , ac facilius ejus sensus , nimirum , Nullus ministrorum , qui baptizandi recepit officium , sine chrismate usquam debet progredi , quia inter nos placuit (simul &) semel in baptismo chrismari (in vertice .) De eo autem , qui in baptismo , te , quacumque necessitate faciente non chrismatus fuerit , in Confirmatione sacerdos communebitur , " ut vericalemunctionem ei præbeat ; quia baptismi cæremoniæ , si quæ in neophytis omisæ fuerint , Confirmationi præmitti debent , ut patet ex *epistola Cornelii papæ ad Fabium Antiochenum* . Verum cum hujusce canonis sensus controversetur , de illo fusius agendum est .

De sensu canonis 2. Arausicani.

SI vera esset Blondelli , & Dallæ opinio levior esset difficultas de sensu hujusce canonis , quem integrum ex Gratiani correctione cum variis ejus lectionibus describamus necesse est ; antequam varias auctorum sententias referamus . Nullus ministrorum , qui baptizandi recipit (recepit ex Sirmondo) officium , sine chrismate usquam debet progredi ; quia inter nos placuit semel in baptismo (hæc verba , in baptismo , desunt in editione Sirmondi , sed habentur apud Isidorum , Burchardum , Yvonem , Gratianum , in Codice Justelli , & in editionibus Merlini , Crabbi , Surii , & Binii) chrismari : de eo autem qui in baptismo , quacumque necessitate faciente , chrismatus non fuerit , in Confirmatione sacerdos communebitur (in Confirmatione sacerdos non communebitur , ex Crabbo ad marginem , in posteriori editione : in Confirmatione sacerdotis perficietur , ex Burchardo lib. 4. cap. 73. In Confirmatione sacerdotis perficiatur , ex Yvone parte 1. cap. 267.) Nam inter nos chrismatis ipsius

non

non nisi una benedictio est . Non præjudicantes cuiquam hoc dicimus , (non ut præjudicans quidquam , sed ut &c. ex Sirmondo : non ut præjudicans quidquam dico , ex Merlino , Surio , Binio , & Crabbo in textu : non præjudicantes cuiquam hoc dicimus , ex Crabbo ad marginem in posteriori editione ,) sed ut necessaria habeatur chrismatio (sed ut necessaria habeatur chrismatio repetita , ex Merlino , Surio , Binio , & Crabbo in textu : sed ut non necessaria habeatur repetita chrismatio , ex Sirmondo , & Crabbo ad marginem : sed ut non necessaria habeatur rechrismatio , ex eodem Crabbo ad marginem .) Quæ quidem varix lectiones variis interpretationibus occasionem præbuerunt .

Bellarmini opinio .

Bellarminus, de *Confirmat. cap. 12.* putavit hoc canone agi de chrismatione frontis, & permitti presbyteris sacramenti Confirmationis administrationem.

REFELLITUR . 1. Quia unctio , de qua hic agitur , omnibus ministris baptismi permittitur , adeoque non solum presbyteris , sed etiam diaconibus , qui baptizandi munere fungebantur ex Tertulliano *lib. de baptismo cap. 17.* ex Hieronymo *adversus Lueserianos , &c.* Atqui Ecclesia diaconis nusquam permisit Confirmationis administrationem . 2. Quia unctio ibi non modo permittitur , sed & præcipitur omnibus ministris baptismi . Atqui Confirmationis administratio non fuit præcepta , sed quibusdam in casibus permessa presbyteris . Unctio igitur , de qua hic canon , non est frontalis seu confirmatoria . 3. Quia unctio , de qua hic canon , ea est , quæ in ipso baptismo fieri solebat : *inter nos placuit semel in baptismo chrismari .* Atqui frontis unctio non pertinebat ad baptismum , sed ad Confirmationem .

4. Quia ministris baptismi hoc canone præcipitur , ut in baptismo unctionem semper adhibeant ; prohibetur enim , ne ministri baptizaturi sine chrismate proficiantur . Illos igitur Arausici Patres statuunt , aut saltem supponunt ordinarios esse hujus unctionis ministros . Atqui simplices sacerdotes non sunt ordinarii Confirmationis ministri . 5. Quia unctio ministris baptismi præcepta , præcedit in hoc canone Confirmationem , & ab ea distinguitur : statuitur enim , quod si hæc unctio in baptismo , urgente quadam necessitate , omissa fuerit , hujus omissionis in futura Confirmatione sacerdos seu episcopus commonebitur . 6. Quia ultimo canone Arausicano præcipitur ut Episcopus infirmus per alium Episcopum , non per presbyteros , agenda curet quæ propria sunt Episcopi . Atqui ex Innocentio I. in *epistola ad Decentium* , & ex Gelasio in *epistola ad episcopos Lucanie , Brutiorum , & Siciliæ* , qui eodem seculo vivebant , quo Arausicana synodus coacta est , munus ungendi frontem proprium erat episcopis . Hoc igitur munus Arausicano canone non præcipitur , neque permittitur presbyteris . 7. Si Arau-

sicani patres statuerunt, ut omnes omnino christiani chrismationem episcopalem a ministris in baptismo susciperent, cur eam illis erga hæreticos usurpare in extremo dumtaxat vitæ discrimine, & absente Episcopo, permiserunt *can. 1.*

Sirmondi opinio.

ISDDEM fere argumentis refelli posset Sirmondus præfatum canonem in *Antirretico* 1. sic interpretans: "Nullum ministrorum, qui baptizandi recepit officium, sine chrismate usquam debere progredi, quia inter nos placuit semel, id est una & non divisim chrismari. De eo autem, qui in baptismo, quacumque necessitate faciente, non chrismatus fuerit, in Confirmatione sacerdos commonebitur, ut ab eo tunc chrismetur. Nam inter quoslibet chrismatis ipsius non nisi una benedictio est vel in baptismo, vel in Confirmatione. Non præjudicans, id est nocens quidquam, sed ut non necessaria habeatur repetita chrismatio, semel a presbytero, iterum ab episcopo. Jam vel tacente me vides (subjicit Sirmondus Aurelium alloquens) canonem non de duabus, ut ajebas, quæ hodie sunt in usu, sed de unica, eaque in fronte chrismatis unctione loqui: atque, ut hæc unica in baptismo fiat, præcipere. Ideo ministrum baptismi chrisma in promptu vult habere, ut baptizatum mox liniat. Quod si quo casu chrismatus in baptismo quisquam non fuerit, tum in Confirmatione commoneri episcopum, ut chrismet ipse, nimirum priusquam manum imponat. Hæc synodi, ut apparet, liquida est sententia in qua quidem sentio te, Aureli, non mediocriter nec sine causa commoveri, & conturbari. Primum quod synodo una placet chrismatio: deinde quod presbyteris, ut chrismet in fronte, permittitur: postremo quod chrismatio ista ab episcopi Confirmatione, seu manuum impositione sejungitur. Nova sunt hæc, fateor, si cum iis compares, quæ aliter postea in ecclesia & sapienter constituta sunt: sed si temporum illorum disciplinam consideres, nihil habent ab ea quod abhorreat."

Plura tamen hæc Sirmondi expositio habere mihi videtur, quæ & a disciplina temporum, quibus hæc synodus Arausica celebrata est, & a rei veritate abhorrent. Supponit enim, 1. unctionem verticis nomen hac ætate in Galliis observari solitam, sed solam frontis unctionem. 2. In hoc canone agi de unica unctione, frontis videlicet, non autem verticis. 3. unctionem frontis non pertinere ad Confirmationis essentiam. 4. unctionem frontis ac caeremoniam quidem fuisse Confirmationis. 5. Frontis unctionem fuisse baptismi caeremoniam. 6. unctionem frontis a ministris baptismi ordinariis administratam fuisse; quo fit ex Sirmondi opinione, ut hæc unctio "ab episcopi Confirmatione seu manuum impositione sejungeretur." 7. unctionem frontis cuilibet ministro baptismi ordinario in hoc canone præceptam fuisse.

8. Un-

8. Unctionem frontis, si forte in baptismo omissa esset, supplendam, seu per modum supplementi adhibendam esse, ab episcopo in Confirmatione. 9. Frontis unctionem, si in baptismo adhibita fuerit, repetendam non esse ab episcopo in Confirmatione, quia *chrismatis benedictio*, id est unctio, una & eadem est, a quocumque ministro seu presbytero, seu episcopo conferatur vel in baptismo vel in Confirmatione. 10. Ex hac quidem doctrina sequi nihil opus esse, ut unctio frontis in baptismo administrata, in Confirmatione repetatur: non tamen inde sequi hanc unctionem nocere, si forte iteretur; nec enim hæc ita asseruntur, quasi "repetita chrismatio sit præjudicans, id est, nocens", quidquam, sed ut non necessaria habeatur.

Verum hæc omnia a Sirmondo & gratis & falso asseruntur. Unde enim ipsi constat, unctionem verticis nondum ætate concilii Arauscani I. in Galliis observari solitam, sed solam frontis unctionem? Præsertim cum Gallicana concilia, quæ seculo V. celebrata sunt, nempe Arauscanum I. anno 441. & Vasense I. anno 442. ita unctionis seu chrismationis meminerint, ut nec frontem, nec verticem, nec aliam corporis partem expresserint. Unde Sirmondo constat, frontis unctionem esse meram cærimoniam, quæ nihil ad Confirmationem hoc seculo pertineret, sed ad baptismum: quæque a presbyteris & diaconis, velut ab ordinariis ministris conferretur?

Nego igitur imprimis unctionem verticalem nondum seculo V. in Galliis observatam fuisse. Synodus enim Vasensis I. *can. 3.* præcipit, ut ipsimet "presbyteri, vel ministri (hoc est diaconi) ab episcopis, suis propriis per annos singulos chrisma petant, appropinquante solemnitatem paschali; quia optimum est, ut ipse suscipiat, qui in tradendo usus est." Presbyteri igitur & diaconi hanc unctionem, ut ministri ordinarii conferebant. Atqui frontis unctionem ut ministri ordinarii non conferebant seculo V. ex Innocentio & Gelasio *supra* citatis. Aliam igitur conferebant unctionem a frontali diversam.

Nego iterum unctionem, de qua synodus Arauscana; frontalem fuisse; hanc enim verticalem esse probant argumenta adversus Bellarmini opinionem *supra* relata. Omissa igitur chrismatio, de qua episcopus monendus est, ut illam, antequam confirmet, suppleat, verticis, non frontis est; ad baptismum, non ad Confirmationem pertinet. Nimirum hæc fuit semper ecclesię praxis, ut prætermittæ baptismi cærimoniz, quarum una præcipua est verticalis unctio, ante Confirmationem supplerentur. Id constat ex concilio Tridentino, ex Innocentio III. *cap. pastoralis*, & (quod maxime facit ad nostrum institutum) ex epistola Cornelii papæ ad Fabium Antiochenum, in qua Novatianum imminente mortis periculo baptizatum, redarguit, quod "neque postquam a morbo liberatus est, reliqua percepit, quæ juxta ecclesiasticam regulam percipi debent: neque ab episcopis consignatus est &c."

Nego 3. istorum verborum, *chrismatis nonnisi una benedictio est*, sensum

sum esse, quod unica chrismatio adhibenda sit vel in baptismo vel in Confirmatione; ea scilicet lege, ut si chrismatio in baptismo adhibita fuerit, in Confirmatione prætermittatur: vel si in baptismo prætermissa fuerit, in Confirmatione adhibeatur. Si quidem proprie loquendo, chrismatis benedictio non est usus & applicatio chrismatis, sed ipsius chrismatis consecratio, quæ ad episcopum, non ad presbyterum pertinet. Præterea una in baptismo, altera in Confirmatione chrismatio adhibebatur, ex Innocentio I. in epistola ad Decentium.

Nego 4. postremorum verborum (*non ut præjudicans quidquam, sed ut non necessaria habeatur repetita chrismatio*) hunc esse sensum: (cum igitur unica, non duplex sit chrismatis unctio, inde sequitur, chrismationem, si a sacerdote in baptismo facta fuerit, non esse ab episcopo repetendam in Confirmatione; ea tamen, si forte repetatur, non habebitur ut nocens, sed ut minime necessaria.) Hoc enim glossema supponit particulam negativam admittendam esse, nullum in textu fundamentum habet, & postremæ partis canonis sensum omnino distrahit a sensu secundæ partis, in qua præscribitur, ut unctio, quæ in baptismo omiſsa fuerit, in Confirmatione suppleatur, quæ tamen postrema canonis pars coheret eum secundæ.

Accedit, quod ille sensus unctionis frontis, quam Innocentius & Gelasius pontificibus propriam esse declararunt, & de qua canonem Arausicanum intelligendum esse contendit Sirmondus, convenire non possit. "Primum enim, inquit Aurelius in *aneretico*, chrismationem episcoporum necessariam negari, insolens est apud Patres, qui eam necessariam sæpe, non necessariam nunquam dixerunt. Deinde quod gravius multo est, episcopalis chrismationis iterari in eadem in ecclesia & innocuam dici, vel hæresis est, vel hæretica, contra perpetuæ ecclesiæ traditioni adversa... Nec refert, quod iterari in illam disjungas a sacramento Confirmationis; quia non minus certum est eam ab illo divelli non posse, quam sacramentum Confirmationis non posse iterari. Nec sancti Patres, dum sacramentum Confirmationis iterari vetant, minus iterandam chrismationem intelligunt, quam impositionem manuum; imo chrismationis iterationem passim interdiciunt, impositionis manuum vix unquam. "Quod ille probat ex concilio Toletano VIII. cap. 7. ex Prudentio in *psych.* ex Photio in *epist. encyclica* ad patriarchas orientales, ex Augustino *lib. 2. contra Iulianum Petilianum* cap. 103. & 104. & *Serm. 5. in vigilia pentecostes*, ex Optato cap. 7. in fine ex quibus concludit "patere impium esse dictum, & in ecclesia inauditum, chrismationis episcopalis geminationem esse se innoxiam, esse non præjudicantem. "Hactenus Aurelius, cujus opinionem præstat modo referre.

Aurelii opinio.

AURELIUS, ut Sirmondi novitates amoliat, particulam negativam excludit, & vulgatam lectionem retinet, quæ repetendam chrismationem allerit, suamque ipsæ interpretationem adhibet in hunc modum. "*Nullus ministrorum, qui baptizandi recipit officium, sine chrismate usquam debet progredi* : (nimirum, ut baptizatus chrismetur in vertice, quod in Gallia, cum antea non fieret, faciendum deinceps hoc canone præcipitur) *quia inter nos placuit semel in baptismate chrismari* (scite in baptismate : nam extra baptismum chrismari fideles alibi possunt, sed non a presbyteris, quibus chrismare in solo baptismate licet) *De eo autem, qui in baptismate, quacumque necessitate faciente, non chrismatus fuerit, in Confirmatione sacerdos commonebitur* : (nempe, ut priusquam talem confirmet, ad presbyterum in vertice chrismandum remittat : quia episcopus ipse ejusmodi chrismationem præbere non potest.) *Nam inter nos chrismatis ipsius* (id est, episcopi) *non nisi una benedictio est* (quam videlicet aeophytos confirmans imprimit in fronte ; chrismatio enim altera baptismalis in vertice propria est presbyteri, non episcopi.) *Non præjudicans quidquam dico, sed ut necessaria babeatur chrismatio repetita*, (id est, non quo chrismatis baptismalis omisso, sola necessitate contracta, obesse cuiquam, aut chrismationis episcopalis minuere vim possit, sed quia duplex chrismatio est necessaria, baptismalis & confirmatoria).

Hanc Aurelii expositionem, veluti "glossam vere (quod nostri ajunt) Aurelianam, ridiculam, absurdam, & inextricabilem, quæ verborum sententiam non obscurat modo, sed destruit & evertit," improbant Sirmondus in *antirresibico* 1. & Petrus de Marca in *notis ad canonem* 28. concilii *Clavomontani* anno 1095. celebrati. Eam tamen defendunt theologi Parisienses, alique viri eruditi. Ea sane non inextricabilis, sed peripicua mihi videtur; licet quæcumque in ea referuntur mihi non placeant.

Quererem enim ab Aurelio, unde habuerit verticalem chrismationem in Galliis ignoram fuisse ante annum 441. quo synodus Arausica celebrata est? Quam & in ecclesia Romana usurpatam anno 416. perspicua Innocentii verba declarant & ætate sua presbyteris ac diaconis in baptismo præceptam testatur Hieronymus in *dialogo adversus Luciferianos* anno circiter 392. & sub initium seculi IV. Sylvester instituerat. An propter secundum canonem Arausicanum? non ita sane. Nec enim eo canone, quasi res nova, decernitur, ut baptizandi ungantur in vertice; sed quibuscumque ministris prohibetur, ne baptizent, nisi verticalem unctionem statim & simul adhibeant.

Quererem etiam ab Aurelio unde noverit, unctionem verticalem sem-

semper a presbytero vel a diacono, & nunquam ab episcopo collatam fuisse? Concilium enim Toletanum I. anno 400. statuit presbyterum chrismum absente, non autem præsente episcopo, *nisi ab ipso fuerit præceptum*. Hanc igitur unctionem episcopus aliquando conferebat. Sane cum unctio verticalis sit unus ex præcipuis baptismi ritibus, illius administratio magis est episcopi, ad quem præcipue spectat conferre baptismum, quam presbyteri. Eadem enim ratio est caeremoniarum aliqujus sacramenti respectu ministri, quæ & ipsius sacramenti conferendi.

Præterea, *chrismatis benedictio* non significat chrismatis unctionem, seu applicationem & usum, sed ejus consecrationem.

Denique *chrismatio repetita* non idem est, quod duplex unctio verticis & frontis; nec enim prior necessaria est, aut parem cum posteriori necessitatem habet. Sed *chrismatio repetita* idem in hoc canone significat, quod posterior chrismatio, seu frontis unctio, quæ ratione materię una & eadem est cum priori seu verticali, ideoque *repetita* dicitur.

Opinio Petri de Marca.

PETRUS de Marca particulam negativam cum Sirmondo retinet, canonem vero de verticali unctione cum Aurelio interpretatur, & tamen ab utroque dissentit, in nos ad canonem 28. concilii Claramontensis. "Presbyteris, inquit, baptisma conferentibus infantes ungere licebat olim, sed non in fronte, ut docet Innocentius I. in *epist. ad Decentium* . . . Unctio itaque (verticalis) licita erat presbyteris ex decreto Innocentii, sed non erat præcepta. Quare opus fuit in Galiliis hoc canone Arausicensi, ut ministri una cum baptismo chrisma adhibere in vertice ex officio tenerentur: *placuit inter nos semel chrismari*, inquit Patres, id est, necessarium esse duximus, ut chrismatis delibutio non pendeat in posterum ex arbitrio presbyterorum, sed simul & semel cum baptismo administraretur . . . Attamen, quoniam in illis novi decreti exordiis accidere poterat, ut casu aliquo omitteretur in baptismo hæc verticis unctio: ea de re commonendum episcopum docent, quando ad consignandos infantes accedit . . . Cur autem monendus sit episcopus de hoc casu, subjicitur in canone: eo tamen ordine, ut decisionem antecedit ratio ipsa decidendi. Quippe monitus episcopus apud se arbitrabitur, an duplici chrismatione fungatur, una, qua vicem omissæ in baptismo caeremonię impleat, ungendo baptizatum ante Confirmationem, altera quam in Confirmatione ex traditione apostolica post impositionem manuum adhibeat. Si visum sit episcopo, duplici illa chrismatis unctione linire baptizatum, *non præjudicabit quidquam*, ut loquitur canon, id est, unctio verticalis nihil oberit mysterio Confirmationis, quia superflua non nocent. Sin autem magis placueris unicam unctionem adhibere, tunc unget in fronte.

„ fronte, & non in vertice; neque *repetita* seu duplex unctio necessaria est; neque ullum ex verticalis unctionis omissione incommodum sequitur. Cum enim chrisma, quod utrique inservit unctioni idem sit, una eademque benedictione consecratum: unctio verticis refarcitur copiose per unctionem frontis confirmatoriam: “ Ita fere Petrus de Marca.

Plura vir eruditissimus in hac expositione supponit & docet, quæ mihi non probantur.

Supponit ille chrismationem ante concilium Arausicanum in baptismo licitam quidem, non vero imperatam fuisse presbyteris. Verum illam in baptismo præceptam fuisse, certum mihi videtur ex Sylvestro, qui “ constituit, ut liniat presbyter chrismate levatum de aqua, propter occasionem transitus mortis: “ & ex Hieronymo, qui in *dialogo adversus Luciferianos cap. 4.* sic habet: “ Sine chrismate, & episcopi iussione, neque presbyter, neque diaconus jus habent baptizandi. “ Neque illustrissimo præfati favet modus loquendi, quo Innocentius utitur in *epistola ad Decentium*: “ Presbyteris, cum baptizant, chrismate baptizatos ungere licet. “ Quæcumque enim imperantur, licent: quamvis quæcumque licent, non imperentur. Deinde Innocentius in eodem decreto pronuntiat licere presbyteris ungere in vertice, quemadmodum ait licere episcopis frontem ex eodem oleo signare. Sed hic posterior loquendi modus non prohibet, quominus unctio frontis esset de præcepto. Ergo nec prior impedit, ne verticis unctio præcepta foret.

Supponit etiam vir rerum antiquarum peritissimus, concilium permittere arbitrio Episcopi, ut prætermittam in baptismo verticis unctionem suppleat, vel omitat. Cum tamen Ecclesia semper voluerit prætermittas in baptismo caeremonias suppleri, quemadmodum ex Cornelio Papa, Innocentio III. & concilio Tridentino *supra* observavimus.

Supponit 3. verticalem unctionem, si ab episcopo suppleatur, non nocere mysterio Confirmationis, quia superflua non nocent. Supponit igitur hanc verticis unctionem, si ab episcopo suppleatur, esse superfluum. Sed nemo dixerit unam e præcipuis baptismi caeremoniis superfluum esse. Præterea ecclesia non permetteret episcopo id conferre, quod ipsa superfluum esse iudicaret.

Supponit 4. verticalem unctionem minime necessariam esse, quia cum illa ex eodem, quo frontalis, chrismate una & eadem consecratione benedictio fiat: omissa verticis unctio abunde refarcitur per unctionem frontis. Verum nihil est in canone Arausicano, quod significet omissam verticalem unctionem per frontalem refarciri. Deinde non recte concluditur, verticalem unctionem minime necessariam esse in eo, qui mox confirmatur, ex eo quod chrisma, quod in utroque baptismi & Confirmationis sacramento adhibetur, una eademque benedictio.

tionem consecratum est; alioqui pari modo, concludi posset, non esse necessario chrismandum in fronte, qui inter baptizandum chrismatus fuit in vertice.

Opinio Cabassutii.

CABASSUTIUS in notitia ecclesiastica, notis ad canonem 2. Arausicanum, postquam retulit modum, quo glossa canonem istum enodavit, in caput Nullus ministrorum, de consecrat. dist. 4. suam ille mentem sic aperit. "Cum sæpe contingat, ut nondum baptizatus inopinato in mortis discrimen incurrat, debet parochus secum assidue sacrum chrisma deferre, ut cum tale periculum occurrerit, præsto sit simul ad baptizandum & chrismandum. Sed si occurrente periculo fuerit aliquis privatum baptizatus, non tamen chrismate delinitus: ac deinde periculo ereptus, sacramentum Confirmationis desideret: admonendus erit, vel episcopus, quem sacræ litteræ, sanctique Patres plerumque solo sacerdotis nomine significant, aut episcopi administer sacerdos, cui onus incumbit explorandi & præsentandi confirmandos, ut sic præmonitus duplicem curet adhiberi chrismationem, in vertice quidem unam, quæ cæremonialis, & antea christo baptismo defuit, & in fronte alteram, qua consignetur Confirmationis sacramento: ambas enim sacra synodus iudicat necessarias chrismationes." Hætenus Cabassutius. Rejicit ille, ut apparet, particulam negativam: ejusque expositio plana est; in ea tamen posteriorum canonis verborum (*non ut præjudicans quidquam*) sensus desideratur; in ea etiam chrismatio repetita idem significat, quod duplex unctio; quamvis in hoc canone chrismatio repetita nihil aliud sit quam chrismatio posterior; chrismatio enim, quæ ratione materiæ una & eadem est, licet ratione partis unctæ diversa sit, prius fit in vertice, postea in fronte.

Verior canonis explicatio.

EX variis hujusce canonis lectionibus, omnium optima mihi videtur, quæ vocem hanc (in baptismo) admittit in textu, excludit particulam negativam, legitque cum Gratiano & Crabbio, *non præjudicantes cuicumque hoc diximus*: vel cum Sirmondo, *non ut præjudicans quidquam*. Sensus igitur, mea quidem sententia, legitimus est: Nullus ministrorum, qui baptizandi officium receperunt, sine chrismate progredi debet; quia inter nos placuit in baptismo simul & semel verticis unctionem adhiberi. De neophyto autem, qui casu aliquo in baptismo sic unctus non fuerit, episcopus commonebitur, ut prætermissam unctionem suppleat, neophytum in vertice ungens ex eodem chrismate, quo ipsum postea uncturus est in fronte; quia chrisma, quod utriusque inservit unctioni, una eademque benedictione consecratum est. Neque

que vero, cum verticalis chrismatio tunc ab episcopo facienda decernitur, præjudicium aliquod est, quasi neophytus non sit iterum chrismandus in fronte; chrismatio enim non in vertice, sed in fronte ab episcopo repetatur seu iteretur necesse est.

Sensum vero istorum verborum (*non ut præjudicans quidquam*, seu *non præjudicantes* &c.) hunc esse (decretum, quo decernitur supplendam esse prætermittam verticis unctionem, non est aliquod præjudicium, quasi unctio ab episcopo iterum fieri non debeat in fronte) ita probatur. Quod enim in hoc canone dicitur *non præjudicare*, aliud sane intelligi non potest, quam id quod in eodem canone statutum & judicatum est. Sed in eodem canone judicatum est, verticalem unctionem supplendam esse. Censent igitur Arausici Patres decretum istud de unctione verticali supplenda, non esse aliquod præjudicium. Atqui præjudicium dicitur regula alterius rei judicandæ: judicandum vero erat, utrum secunda unctio adhiberetur, necne, supposita priori verticis unctione ab episcopo facta. Sensus igitur iste est: decretum, quo statuitur unctionem verticalem supplendam esse, non est aliquod præjudicatum contra secundam unctionem seu repetitam chrismationem: sed hæc secunda unctio seu repetita chrismatio priori addatur necesse est.

Hic mihi videtur genuinus hujusce canonis sensus, ad cujus integram explanationem, una quædam res exponenda superest: nempe, quos vocabulo *ministrorum* Arausici Patres intellexerint, presbyteros, an diaconos, an utrosque?

Diaconos tantum hoc nomine comprehendere docuit recentior theologus Parisiensis: 1. quia concilium Vasense, quod anno sequenti 442. celebratum est, *canone* 3. eos solos eodem nomine designat: "Presbyteri, vel ministri ab episcopis suis propriis per annos singulos chrisma petant &c." 2. Quia ungendi munus in baptismo diaconis nullibi concessum reperitur ante coactam synodum Arausicam. Sylvester enim illud concesserat solis presbyteris. Innocentius I. de solis presbyteris loquitur *in epistola ad Decentium*. Unde cum diaconi officium illud usurpare voluissent, prohibiti sunt *canone* 20. concilii Toletani I. non infra annum 400. celebrati. "Statutum est, inquit, diaconum non chrismare, sed presbyterum absente episcopo, præsentem vero, si ab ipso fuerit præceptum." Quod itaque fuerat ad hæc usque tempora diaconis prohibitum, Arausica synodus permittit, imo præcipit. Unde concilium Vasense, quod in Galliis anno sequenti habitum est, *canone* 3. significat usum chrismatis spectare ad ipsos quoque diaconos. Hæcenus ille *in suis prælectionibus*.

Verum baptismalem seu verticalem unctionem ante coactam Arausicanam concilium diaconis non modo licitam, sed & præceptam fuisse apparet *ex capite* 4. *dialogi adversus Luciferianos*, quem Hieronymus scripsit Romæ ad annum 392. "Sine chrismate & episcopi jussione," in-

„ inquit, neque presbyter, neque diaconus jus habent baptizandi. „ Præterea *ministrorum* nomine non solum diaconos accipi, sed maxime presbyteros, patet, tum generali *ministrorum* nomine; tum pluribus Gallicæ conciliis, quibus iis nominatim tribuitur. Certe sicut baptismus, ita baptismalis seu verticalis unctio presbyteris magis convenit, quam diaconis: nihil igitur impedit quominus cum Aurelio canonem Araucanicum de presbyteris & diaconis intelligamus.

Hæcenus de unctiōe, seu proxima Confirmationis materia: nunc de chrismate, seu materia remota.

§. 11. De chrismate, ejusque consecratiōe.

Chrisma idem græce, quod latine *unguentum*; oritur enim a *χρῖστος* id est, *ungo*. Hinc in *epistola* Innocentii I. ad Decentium *cap. 8.* materia unctiōis infirmorum, quæ purum ac simplex oleum est, vocatur *oleum chrismatis*. Uſu tamen ecclesiastico evenit, ut nomine generis factō speciei sub eodem genere comprehensæ proprio, vocabulum illud, qui res divinas tradunt, communi loquendi consuetudine ad illud tantummodo unguentum accommodarint, quod ex oleo & balsamo confectum, unctiōibus in baptismo & Confirmatione fieri solitis inservit.

Orientalēs olim, Photii partibus adhærentes, Latinis objecerunt decem capitula, quorum quintum est, quod Latini „ chrisma ex aqua „ fluminis conficerent, „ de qua calumnia conqueruntur Nicolaus I. in *epistola* 70. ad Hincmarum Remensem, & cæteros episcopos in regno Caroli constitutos. Aenzas, Parisiensis Episcopus, in *prologo* libri quem suadente Hincmaro, adversus hæc decem capitula scripsit: „ Ad stultarum, inquit, cumulum ineptiarum garrientes inquirunt, quare „ chrisma nostrum, imo Dei, ex aqua fluminis conficiamus. „ Et Ratramnus in opere, quod jussu Gallicanorum episcoporum, ut iisdem Græcorum objectionibus responderet, edidit, ad annum 868. „ Non ipsum chrisma, inquit *lib. 4. cap. 7.* de fonte conficiunt (Latini) sed ex succo balsami, vel olivæ liquore; quod fit non solum a Græcis, verum ab universis Christi ecclesiis. „ Ubi particula (vel) copulative, non disjunctivæ sumi debet.

Gregorius VII. *lib. 8. epist. 1.* refert se audivisse, Armenos ex butyro, non autem ex balsamo chrisma consecrassse; quod ille abusus esse declarat.

Chrisma igitur ex oleo & balsamo confici debet. Cur autem materia hujus sacramenti mixta sit, non simplex ut baptismi, rationem affert S. Thomas 3. parte, *quest. 72. art. 2. ad 2.* „ Baptismus, inquit, „ datur ad spiritualem vitam simpliciter consequendam: & ideo committitur illi materia simplex. Sed hoc sacramentum datur ad plenitudinem „ consequendam Spiritus sancti, cujus est multiformis operatio, &c.

„ & ideo convenienter hujus sacramenti est materia composita. “ Cur hæc etiam materia potius ex oleo & balsamo, quam ex aliis liquoribus conficiatur, explicat Innocentius III. *lib. 1. decret. tit. 15. de sacra unctione, cap. 1.* “ Conficitur chrisma, quod ex oleo fit, & balsamo, mystica ratione. Per oleum enim nitor conscientie designatur: juxta quod legitur, *prudentes virgines acceperunt oleum in vas suis suis cum lampadibus*. Per balsamum, odor bonæ famæ exprimitur: propter quod dicitur, *sicut balsamum aromatizans odorem dedi*. “ Explicat etiam D. Thomas *ibidem in corp.* “ Chrisma est conveniens materia hujus sacramenti, in hoc enim sacramento datur plenitudo Spiritus sancti ad robur spirituale quod competit perfectæ ætati. Homo autem cum ad perfectam ætatem pervenerit, incipit jam communicare actiones suas ad alios, antea vero quasi singulariter sibi ipsi vivit. Gratia vero Spiritus sancti in oleo designatur: unde Christus dicitur esse *unctus oleo lætitiæ*, propter plenitudinem Spiritus sancti quam habuit: & ideo oleum competit materię hujus sacramenti. Admiscetur autem balsamum propter fragrantiam odoris, quæ redundat ad alios. Unde apostolus dicit 2. Cor. 2. *Christi bonus odor sumus Deo &c.* & licet multa alia sint odorifera: tamen præcipue accipitur balsamum propter hoc quod habet præcipuum odorem, & quia etiam incorruptionem præstat. Unde Eccl. 24. dicitur, *Quasi balsamum non mixtum odor meus*.

Oleum illud debet esse olivarum ex Beda *comment. in cap. 1. Cantic. & ex S. Thoma, ibid. ad 3.* Neque sufficit oleum aucum, amygdalinum, aut aliud id genus, “ proprietates (enim) olei quibus significatur Spiritus sanctus, magis inveniuntur in oleo olivarum. “ Unde & ipsa oliva semper frondibus vireas, virorem & misericordiam Spiritus sancti significat. Hoc etiam oleum proprie dicitur oleum, & maxime habetur in usu ubi haberi potest. Quilibet autem alius liquor, ex similitudine hujus oleum nominatur: nec est in usu communi, nisi in supplementum, quibus deest oleum olivarum. “ Accedit, quod oleum nucum, vel amygdalarum, & similia non sunt oleum proprie dictum & naturale, sed artificiale, adeoque non sunt propria hujus sacramenti materia, sicut nec aqua artificialis est materia baptismi, nec vinum artificiale est materia Eucharistiæ. Hinc Theorianus in *suo dialogo* Armenos redarguit seculo decimo secundo, quod sacrum unguentum conficerent “ ex iis oleis olivarum, quæ Græci *σύνταρον* vocant, non ex Olivarum Arboribus.

Balsamum Judaicum sit, vel Indicum, perinde est. Soli quidem Judææ concessa hæc arbuscula olim credebatur: in utrisque tamen Indiis deinde reperta est, ex qua quod exsudat, ad nostras regiones portatur: imo in nostris regionibus quædam balsami arbusculæ visuntur ex Indiis delatæ. Maximam certe in Galliis fuisse balsami copiam

tempore Clodovei, testatur Gregorius Turonensis *lib. 2. hist. cap. 31*, ubi de baptismo hujus principis: "Baptisterium, inquit, componitur, balsama diffunduntur, micant fragrantis odore cerei totumque templum baptisterii divino respergitur odore: talemque ibi gratiam adstantibus Deus tribuit, ut æstimarent se paradisi odoribus collocari.

Oleum ab omni ævo in chrismatis consecratione adhibitum fuisse certum est ex Dionysio Areopagita, Theophilo Antiocheno, Tertulliano, Cypriano, & aliis *supra* citatis. Major est de balsamo difficultas, cujus mentionem primam a Gregorio Magno in *Cantica Canticorum* factam fuisse docent recentiores quidam theologi, aliique viri rerum antiquarum periti. Quin etiam illud tempore Gregorii posterius esse putant, qui citandum *infra* Gregorii textum existimant adiecitium & assutum fuisse.

Balsami in chrismatis consecratione permiscendi meminerunt seculo nono Ratramnus in opere *supra* laudato, in quo ait, "id fieri non solum a Græcis, verum ab universis Christi ecclesiis. "Auctor libri *de divinis officiis*, qui asserit chrisma "confici ex oleo mundissimo, & optimo balsamo. "Amalarius Fortunatus *lib. 1. de eccles. officiis cap. 12*. "Non solum oleum, sed & balsamum consecrat, &c. "Additur oleo balsamum "Seculo octavo ordo Romanus, in *Cæna Domini*: "1. Misceat oleum cum balsamo. Auctor operum cardinalium, *serm. de unctione chrismatis*: "Hodie sacrum chrisma conficitur, in quo mixtum oleo balsamum, regis & sacerdotalis gloriæ exprimit unitatem, quibus dignitatibus initiandis divinitus unctio est instituta. "Et pseudo-Fabianus in *epistola 2. ad Orientales*, ubi ait, Christum instituisse, ut apostoli die cænæ chrisma conficerent ex oleo & balsamo. Seculo septimo Beda *comment. in cap. 1. cantie*. "In vineis Engaddi balsamum gignitur, quod in chrismatis consecratione, liquori olivæ admisceri, ac pontificali benedictione consecrari, quatenus fideles omnes cum impositione manus sacerdotalis, qua Spiritus sanctus accipitur, hac unctione signentur. "Seculo sexto Gregorius Magnus, tum in *sacramentario*, ubi de benedictione chrismatis in cæna Domini. "Præparantur ampullæ duæ cum oleo quarum melior deservit pontifici, ut accepto balsamo & commixtato cum oleo, manu sua impleat eam. "Tum in *expositione capitis 1. Canticorum*, ad hæc verba, *Botrus Cypri*, &c. "Balsamum cum oleo, pontificali benedictione, chrisma efficitur, quo dona sancti Spiritus exprimuntur. "Sunt, qui velint hæc verba interpolata fuisse quia desunt in manuscriptis melioris notæ, quale regium est, quod fuit Caroli V. Francorum regis. Verum extant in duobus codicibus Sanvictorinis, quorum alter sub initium seculi decimisecondi, alter vero sub initium seculi undecimi exaratus est. Eodem seculo Gregorius Turonensis *lib. 1. de gloria martyrum, cap. 41*. enarrans ingens

ingens miraculum, quod etiam extat apud Prudentium in libro contra Judæos, pro eo, quod Prudentius dixerat: *Lotus & unctus*: (sic enim requirebat ratio carminis): ille ait: *Ablutus & balsamo unctus*. Ubi videmus Gregorium existimasse, tempore Prudentii in chrismate mixtum fuisse balsamum: imo etiam diu ante Prudentium, qui narrat historiam, quæ tempore ethnici imperatoris acciderat. Cum enim ille victimarum intestina inspiceret, & inde per artes dæmonum responsa quæreret, nihil efficere potuit; quod dæmones timuerint præsentiam adolescentis, qui cum imperatore aderat, qui & baptismo lotus, & chrismate in fronte delibutus fuerat. Eodem etiam seculo Concilium III. Bracarense, anno 572. coactum, can. 4. præcipit, ut "nullus", episcoporum pro modico balsami, quod benedictum pro baptismo, "sacramento per ecclesias datur, quia singuli tremisses pro ipso exigere", solent, nihil ulterius exigatur; ne forte, quod pro salute animarum, "per invocationem sancti Spiritus consecratur, venundare damnabiliter videamur." Sed idem chrisma utrique baptismi, & Confirmationis unctioni inserviebat. Seculo quinto Sanctus Augustinus lib. 2. contra litteras Petiliani, cap. 104. Petiliano concedit "in hoc unguento, quod in barbam Aaron, & in oram vestimenti ejus descendit, interpretandum esse sacramentum chrismatis." Atqui ex Sancto Basilio Magno in psal. 132. ad hæc verba, *Sicut unguentum in capite*. "Oleum illud sacerdotale ex variis condimentis constabat, quorum mixtura, & inunctio maximam reddebat odoris redolentiam." Idque patet Exodi 30. ubi hujus unguenti compositio describitur. *Sume tibi aromata*, (hebraice, *sume tibi odoramenta præstantissima*) *myrrha quingentos siclos, cinnamomi &c. calami &c. cassie &c. & olei de olivetis &c. faciesque unctionis oleum sanctum, unguentum compositum opere unguentarii &c.* Tempore Prudentii, qui seculo IV. floruit, balsamum in chrismate adhibebatur, interprete Gregorio Turonensi, de quo paulo ante. Eodem etiam seculo IV. *μύρον ἀπὸ τῆς ἑλάνης*, id est unguentum, quod inservit chrismationi, ab oleo simplici distinguit Cyrillus Hierosolymitanus catech. 3. mystag. Sed *μύρον* esse materiam Confirmationis constat ex Patribus & auctoribus Græcis. Denique eodem seculo constitutiones apostolicæ (nec enim possunt inferius remitti) idem unguentum, seu *μύρον* ab oleo simplici distinguunt libro 5. cap. 17. ubi descriptis baptismo & chrismate (quo) postea episcopus baptizatos ungit, (subjiciunt) baptismus igitur datur in mortem Filii Dei; aqua adhibetur pro sepultura: oleum pro Spiritu sancto: sigillum pro cruce: unguentum, est Confirmatio confessionis, "factæ scilicet in baptismo. Chrisma igitur, quo episcopus baptizatos ungebat, *μύρον* seu unguentum erat, quod hac ætate aliud præter oleum complectebatur. Seculo II. narrat Irenæus lib. 1. cap. 18. Valentinianos & Gnosticos eum, qui baptizatus est, ungere solitos oleo & balsamo; neque illos reprehendit, quod ungerent oleo simul & balsamo; sed quod eorum nonnulli ungerent

solo balsamo, alii vero aqua, oleo, & balsamo una permixtis. Recole quæ dicta sunt, ubi de auctoritate Irenæi, pag. 38. & seq. ubi ostendimus hanc unctionem non fuisse ab illis hæreticis inventam, sed ab iis ex ecclesia desumptam, deinde corruptam fuisse. Seculo I. Dionysius Areopagita, de ecclesiæ hierarchia, cap. 4. fidem facit unguentum illud, seu *μύρον*, ex rebus suaviter olentibus confectum esse. "Dicimus igitur, inquit, unguenti compositionem esse quamdam suaviter spirantium materiarum, quæ in se affatim suave olentes continet quantitates, cujus qui participes existunt, odorem bonum ex se efflant &c. Probabilissimum autem videtur balsamum, cujus odor omnium suavissimus est, ab hujus unguenti confectioe minus rejectum fuisse, quod erat collectio quædam suaviter spirantium materiarum. Denique unguentum esse commixtionem diversorum odorum addito oleo, ad ungenda corpora, deliciarum causa inventam, apparet ex ipsis auctoribus profanis, Plauto in *Mosell.* Horatio lib. 2. ode 7. Cicerone orat. 5. in *Verrum*. Balsamum igitur, cujus odor omnium suavissimus est, unguenti compositionem ingredi debuit.

Cæterum ex utroque Dionysii & Basilii textu apparet, chrisma illud in oriente olim compositum fuisse non solum ex oleo & balsamo, sed etiam ex aliis quibuldam materiis suaviter olentibus; quæ consuetudo etiamnum viget apud Græcos. Diversa igitur hæc est confectio in utraque ecclesia. Latini oleum dumtaxat & modicum balsami permiscunt: Græci præter oleum & balsamum admiscunt triginta quinque genera aromatum, seu herbarum fragrantis odoris, una cum non exigua vini quantitate. Qua de re videlicet *Græcorum eucbologium* a Goario editum, ubi de materia sacri unguenti, pag. 637. Latini chrisma faciunt, simulque consecrant feria 5. majoris hebdomadæ: Græci totam fere quadragesimam huic chrismati conficiendo impendunt. Hujusce confectioe ordo & series accurate describitur in *eucbologio Constantiano* apud Goarium pag. 638. & 639. qua de re infra, ubi de caeremoniis.

§ 12. Utrum balsamum ad Confirmationis
essentiam pertineat.

EA de re triplex est sententia.

Prima docet oleum solum ad essentialem materiam Confirmationis pertinere, balsamum vero necessarium esse dumtaxat necessitate præcepti, divini vel ecclesiastici: ita Cajetanus 3. parte, quest. 72. art. 1. Dominicus Soto in 4. dist. 7. art. 2. Navarrus in *summa* cap. 22. num. 8. Estius in 4. dist. 7. §. 8. Valentia 3. par. disp. 5. quest. 1. puncto 2. ubi ait hanc opinionem esse tam illustrium doctorum auctoritate fundatam, ut contraria nequaquam communis dici possit.

PROBATUR autem hæc opinio. 1. Quia balsamum pretiosissimi liquor-

quorū genus est, cujus copiam apostoli pauperes, & paupertatem professi, habere non potuerunt ad consignandos omnes fideles, præsertim cum legamus uno die tria millia & alio quatuor millia hominum, & Philippo evangelizante totam Samaritanorum civitatem credidisse. 2. Quia balsamum non fuit in usu primis quinque seculis ecclesiæ; nullus enim auctor balsami oleo permixti meminit ante Gregorii magni tempora. 3. Quia Tertullianus, Cyprianus, Opratus, Innocentius I. Augustinus, & alii hoc sacramentum, ejusque materiam appellant *oleum*, nusquam *balsamum*. 4. Quia materia sacramentorum communis & obvia esse debet. Sed balsamum omnino rarum est. 5. Quia materia sacramentorum certa & cognitu facilis esse debet, ut aqua, panis, & vinum. Atqui balsamum multis modis adulterari solet, ut refert Plinius *libro 12. naturalis historie cap. 25.* ita ut ne a peritis quidem verum a falso posset facile discerni: atque illud, quod ex novo orbe occidentali affertur, utrum verum sit balsamum, a peritis dubitabatur: & priusquam inde afferretur, magna erat in Latinorum regionibus balsami penuria. 6. Quia Innocentius III. *de sacramentis non iterandis, capite, Pastoralis*, interrogatus, "An permitti debeat ministrare, qui sine impositione, ne manuum fuerit ad subdiaconatus ordinem assumptus: & utrum Confirmationis sacramentum in eo debeat iterari, qui per errorem fuit non chrismate, sed oleo delinitus." Respondet, in talibus non esse aliquid iterandum, sed caute supplendum, quod incaute fuerat prætermisum. Atqui si balsamum esset materia essentialis Confirmationis, non satis esset illud solum adhiberi, sed debuisset & olei unctio, & forma, adeoque totum sacramentum in eo casu iterari: quia cum non fuisset per solam olei unctionem sacramentum essentialiter perfectum, iterum debuisset per utriusque materię unctionem perfici; nec enim pars materię præcedentis potest componere unum cum parte materię præsentis: nec pars materię præsentis cum parte materię præcedentis. Præterea tota materia essentialis, debet esse moraliter præsens formæ; iteratis vero integra materia & forma, iteratur & sacramentum. Deinde prætermisā essentiali materia nullum est sacramentum. Prætermisso igitur balsamo, si illud essentialē est, debuit iterari Confirmatio. Atqui ex Innocentio non debuit iterari. Valida igitur erat sine balsamo. Denique eodem modo pontifex ibi respondet supplendam tantum esse manus impositionem in eo, qui sine illa fuerat per errorem ad subdiaconatum promotus; quo respondet supplendam esse tantum balsami unctionem in eo, qui sine balsamo per errorem fuerat confirmatus. Atqui supplenda manus impositio, non erat de essentia subdiaconatus. Ergo nec supplendum balsamum, erat de essentia Confirmationis.

Verum his sex argumentis responderi potest.

Ad primum, quod apostolorum paupertas præstare non poterat, abunde supplebat fidelium liberalitas.

Ad secundum, negatur balsamum non fuisse in usu primis quinque

Wasse de Confirmatione.

Y 3

secu-

seculis ecclesiæ. Qua de re §. *precedenti*. Enim vero Dionysius *lib. de eccles. hierarch. cap. 4.* testatur initio ejusdem capituli, consecrationem hujusce chrismatis (quod ipse deinde asserit ex pluribus odoriferis materiis confici) ab apostolis vocatum fuisse *unguenti mysterium*.

Ad tertium, iidem auctores, qui hoc sacramentum in uno loco appellant *oleum*, in alio *chrisma* nominant, ut Cyprianus, Optatus, Innocentius, & Augustinus locis *supra* relatis. Atqui chrisma præter oleum complectitur balsamum, ex Gregorio magno, & Beda relatis §. *superiori*, necnon ex Innocentio III. *de sacra unctione*, cap. *Cum venisset*, & *de sacramentis non iterandis* cap. *Pastoralis*.

Ad quartum, materia sacramentorum, quæ absolute necessaria sunt, non autem cæterorum, communis & cuilibet obvia esse debet, ex S. Thoma 3. *par. quæst. 72. art. 2. ad 4.* Adde quod balsamum Indicum hodie in Latinorum regionibus commode satis reperitur.

Ad quintum, respondeo balsamum Indicum facile cognosci posse. 2. Illud facile reperiri. 3. Illud, sive perfectum sit, sive imperfectum & adulterinum, sufficere ad Confirmationem administrandam, ex Pio IV. qui referente Henriquez, *libro 3. de sacram. Confirm. cap. 2.* Indiarum episcopis concessit, ut Indico balsamo in hoc sacramento uterentur. 4. Germanum & perfectum balsamum, antequam Indicum ad nostras regiones afferretur, non adeo rarum fuisse, ut apparet ex Gregorio Turonensi *lib. 2. hist. cap. 31.* ubi de baptismo Clodovæi, de quo §. *superiori*. 5. Modicum balsami a Latinis adhiberi. 6. Nequaquam legi Confirmationis usum cessasse ob balsami penuriam.

Ad sextum, varii varia respondent.

Adrianus VI. Gammachæus, & Yzambertus, respondent Innocentium III. licet dixerit sacramentum Confirmationis non esse iterandum, non idcirco supponere illud fuisse validum; quia non iteratur, nisi quod est, vel fuit: neque iteratur, quod nullum est, & nullum fuit. Etenim si ex eodem Innocentio, *de sacra unctione*, cap. *Veniens*: "Non,, intelligitur iteratum, quod ambigitur esse factum; " Quanto minus; quod scitur nullum esse? Atqui Confirmatio sine chrismate nulla est.

Hiquæ, Picigianis, & plures alii Scotistæ, respondent Innocentium negare dumtaxat sacramentum iterandum esse ritu solemniori propter scandalum, non autem ritu privato.

Innocentius IV. & Henricus, cardinalis Ostiensis, respondent, sacramentum Confirmationis non esse iterandum ratione solemnitatis, sed caute supplendum, quod prætermisum est; nempe sacramenti substantiam, quæ nulla fuit.

Verum illæ tres expositiones violentæ sunt.

Respondent alii, pontificem respondisse secundum opinionem probabilem, quæ negat balsamum Confirmationi essentialem esse. Verum, inde sequeretur ex duabus opinionibus probabilibus minus tutam ab Innocentio delectam fuisse in administratione sacramentorum.

Ref-

Respondent alii Innocentium nihil ibi definire circa materiam controverſam, & tradere ſolum regulam generalem pro omnibus ſacramentis, ſecundum quam, ſi quid eſſentiale aut accidentale omiſſum fuerit, illud ſuppleri debet. Nec enim definit, an baſſamum ſit eſſentiale, vel accidentale Confirmationi: neque ſtatuitur, utrum manus impoſitio ſit eſſentialis, vel accidentalis ordinationi ſubdiaconi. " In talibus, inquit, hoc eſt in ſacramentis, non eſt aliquid iterandum, ſed caute ſupplendum, quod incaute fuerat prætermiſſum. " Sic ex D. Thoma, S. Bonaventura, Richardo de Mediavilla, Gabriele, & Navarro, in matrimonio, quod ab initio invalidum fuit ex fiſto conſenſu; ſufficit ad illud revalidandum ponere verum conſenſum ex parte ejus qui fiſte contraxit. Hanc ſolutionem amplecti videtur Toletus in ſumma, lib. 2. cap. 2. " Dici poteſt, inquit, quod tunc non fuit ſacramentum: tamen cum appoſitum eſt baſſamum, perfectum fuit, quod ante imperfectum erat.

Respondet Arcudius lib. 6. de ſacram. ordinis, cap. 6. Licet baſſamum ſit de eſſentia materiæ Confirmationis, ſi tamen illud prætermiſſum fuerit, non debere iterari materiam & formam, ſed ſatis eſſe, ſi ſuppleatur baſſamum, quod omiſſum eſt. Si quis autem objiciat: Baſſamum eſt materia eſſentialis Confirmationi. Ergo non modo illud, ſi omittatur, ſupplendum eſt, ſed etiam forma eſt iteranda; nec enim forma valide ſine materia proferri potuit. Respondet Arcudius ſacramenta duplicis generis eſſe; in quibuſdam enim " eſſentialia ſigularia ſunt, ut in baptiſmate, (cujus unica eſt materia & unica forma: in aliis) geminantur, idque bipartito; vel enim geminantur, ut ſint duæ materiæ & duæ formæ, ut in ſacramento ordinis, in quo apud Latinos diſtincte traduntur duæ poteſtates: & in ſacramento eucharistiæ, ubi ſunt duæ formæ & duæ materiæ partiales, præſertim ratione ſacrificii, quod ſub utraque ſpecie neceſſario debet offerri, vel geminantur, hoc eſt, una materia magis explicatur, & dilatur, & quodammodo duplex fit, ut in eodem ſacramento ordinis, in quo apud Latinos impoſitio manus per instrumenta magis extenditur, & explicite exhibetur. " In prioribus ſacramentis, ſi eſſentialis materia ſuppleatur, repeti debet & ipſa forma, " quod ſine ulla materia prolata fuiſſet. " In poſterioribus, ſi utraque materia partialis omiſſa fuerit, cum utraque materia repeti debet & ipſa forma. Sed ſi pars una eſſentialis adhibita fuerit, altera vero omiſſa, tunc forma non debet iterari; prolata enim fuit cum debita & convenienti materia: ſed ſuppleri debet altera pars omiſſa. Ad propoſitum igitur argumentum reſpondet propoſitionem veram fore; ſi baſſamum eſſet ſola materia Confirmationis: verum materia hujus ſacramenti duplex eſt, oleum & baſſamum; quare licet omiſſum fuerit baſſamum, modo tamen oleum adhibuitur fuerit, forma non debet iterari, cum prolata fuerit cum aliqua debi-

debita & convenienti materia, id est, cum oleo, sed suppleri debet balsamum, quod omisum est.

Vera Innocentii expositio repeti debet ex eodem Innocentio, *de sacra unctione cap. Cum venisset*, ubi interrogatus de episcopo, "Qui in consecratione sua sanctam non acceperat unctionem, quod illi defuerat, mandat in ipso suppleri, (nempe) caput ejus & manus per Albanensem episcopum, assistentibus ei duobus episcopis, secundum morem ecclesiasticum, sacro chrismate deliniri." Et ex Gregorio IX. *de sacramentis non iterandis, cap. Presbyter*: "Presbyter & diaconus, cum ordinantur, manus impositionem tactu corporali (ritu ab apostolis introducto) recipiunt: quod si omisum fuerit, non est aliud, quatenus iterandum, sed statuto tempore ad hujusmodi ordines conferendos caute supplendum, quod per errorem extitit prætermisum." "Uterque pontifex præcipit, ut caute suppleatur quod prætermisum est, videlicet in episcopi consecratione suppleatur unctio, & in utraque presbyteri & diaconi ordinatione suppleatur manus impositio cum tactu corporali: & tamen defectus unctionis nullam reddit episcopi consecrationem: sicut & defectus impositionis manuum cum tactu corporali utramque presbyteri & diaconi ordinationem irritam efficit. Ita pariter Innocentius præcipit, ut in Confirmatione nihil iteretur, sed caute suppleatur chrisma, quod prætermisum fuit: & tamen defectus chrismatis irritam Confirmationem efficit. Quemadmodum igitur in primis duobus exemplis hæc utriusque pontificis phrasis, qua uterque definit, nihil iterandum, sed caute supplendum, quod fuerat prætermisum, non impedit, quominus episcopi consecratio, & episcopi ac diaconi ordinatio repetita credatur: ita nec prohibet, quominus Confirmatio repetita existimetur.

Possent etiam idem responderi, quod Bellarminus *lib. de sacram. ordinis cap. 9.* respondet, inde sequi tantum eas ceremonias licet essentielles, posse dividi, & dari diverso tempore, & esse efficaces quocumque tempore dentur. "Respondeo, inquit, ea loca Innocentii & Gregorii, favere nostræ sententiæ. Quod enim pontifices nolint repeti ceremonias rite peractas, & tamen suppleri velint quod est omisum, indicat eas ceremonias posse dividi, & dari diverso tempore, & esse efficaces quocumque tempore dentur."

Secunda opinio docet utrumque & oleum & balsamum ad essentialem Confirmationis materiam pertinere. Ita Alexander Aletius, S. Thomas, S. Bonaventura, Scotus &c.

1. Quia Dionysius in initio capitis 4. *de eccles. hierarchia*, aperte innuit, unguentum illud (græce *μύρον*) quod ipse deinde asserit ex pluribus materiis suave olentibus componi, ab apostolis confectum & consecratum fuisse. Verum Dionysius ibi non explicat, quæ sine illæ materiæ: neque si balsami speciatim meminisset, inde sequeretur illud Confirmationi essenziale esse. Unde enim haberetur balsamum

samum potius, quam alias materias suaveolentes ad essentiam materie pertinere?

2. Quia auctor operum cardinalium, *sermone de unctione obfirmatis* ait, "Mixti oleo balsami unctionem divinitus institutam esse." Floruit ille saltem VIII. seculo. Verum inde sequitur tantum balsamum requiri necessitate præcepti divini.

3. Quia ex Innocentio III. *de sacra unctione cap. Cum venisset*, & ex Eugenio IV. *in decreto pro Armenis*, "Confirmationis materia, dicitur esse, chrisma confectum ex oleo & balsamo per episcopum benedicto." Verum, inde non sequitur balsamum ad materiam Confirmationis necessarium esse. Materia enim sacramentorum triplex est; una necessaria, ut aqua in baptismo; altera sufficiens, ut peccata venialia in sacramento poenitentiae; tertia neque sufficiens, neque necessaria, ut aqua in consecratione; aqua enim vino permixta in Christi sanguinem convertitur, qua de re alibi. Sicut igitur vinum aqua permixtum est materia sacramenti eucharistiae, non tamen ad ejus substantiam aqua necessaria est: ita pariter quamvis oleum balsamo mixtum statuatur materia sacramenti Confirmationis, non tamen, ex eo sequitur balsamum ad ejus substantiam necessario requiri.

4. Quia plures Pontifices, Patres, & concilia balsamum in chrismate requirunt. Verum inde sequitur dumtaxat balsamum necessarium esse necessitate præcepti; vel ecclesiastici, ut vult Cajetanus; vel divini, ut volunt Scotus & Estius; non autem necessitate sacramenti: quomodo Cyprianus *in epist. 63.* ad Cæcilium, docet aquam ex institutione Christi necessario miscendam vino in calice; quæ tamen si omittatur, constabit nihilominus substantia sacramenti.

5. Quia in forma hujus sacramenti dicitur: *Confirmo te chrismate salutis*: quod vere dici non poterit, si oleum solum adhibeatur: quandoquidem chrisma significat unguentum ex oleo & balsamo confectum ex Gregorio Magno, Beda, & Innocentio III. Verum, & apud Latinos & apud Græcos chrisma generatim nihil aliud præter unctionem significat, sive hæc unctio fiat ex liquore simplici, vel mixto. Unde Innocentius I. *in epist. ad Decentium, cap. 8.* materiam extremæ-unctionis, quæ purum ac simplex oleum est, vocat *oleum chrismatis*; & Augustinus *lib. 17. de civitate Dei, cap. 10.* "In veteri testamento reges christi, si vocabantur, chrismate illo mystico consecrati." "Ubi nomine *chrismatis* significatur oleum merum, quo reges ungebantur. Et Justinus *in dialogo contra Tripbonem, pag. 317.* "Omne chrisma sive olei, sive *ἑλαιῶν* sive stactes, sive aliarum ex unguentorum compositione unctionum, Christi fuisse ostendimus." "Ubi duplex ille chrisma distinguit, simplex quod est olei, vel stactes: & mixtum, quod est ex unguentorum compositione.

Tertia opinio docet materiam Confirmationis esse, vel oleum, vel bal-

balsamum, vel utrumque; ita ut Confirmatio vel in oleo solo, vel in solo balsamo, vel utroque simul administrari possit: quemadmodum eucharistica consecratio fieri potest, vel in pane, vel in vino, vel in utroque simul. Ita Melchior Canus. Verum hæc doctrina, ut quæ veterum testimonio careat, merito exploditur; nullus enim veterum est, nulla (quod sciam) synodus, quæ innuat Confirmationem in solo balsamo valide collatam fuisse.

Ex his tribus sententiis prima, omnium probabilissima mihi videtur.

§. 13. De chrismatis benedictione seu consecratione.

Circa benedictionem chrismatis quæri potest, 1. utrum hæc benedictio ad chrismatis essentiam pertineat. 2. Utrum hæc ita sit episcopo propria, ut committi non possit presbytero. 3. Quomodo hæc olim fieret, nunc vero fiat in utraque ecclesia. Sed prius de illa generatim nonnulla præmittamus necesse est, ad retundendam hæreticorum audaciam.

Chrismatis enim consecrationem Lutherani & Calvinistæ velut incantamentum ejiciunt; ejus tamen meminerunt, eamque approbarunt, & veluti ab ecclesia approbatam retulerunt antiqui. Dionysius *lib. de hierarc. ecclæs. cap. 2.* "Pontifex oleo divinitus sacro vinum consignat." Et *cap. 4.* Quam consecrationem, unguenti mysterium præceptores nostri appellant. "Tertullianus *libro de baptismo.* "Exinde egressi de lavacro, perungimur benedicta unctione." Cyprianus *epist. 70.* "Eucharistia, & unde baptizati unguuntur, oleum in altari sanctificatur." Cyrillus Hierosolymitanus, *catech. 3. mystag.* "Quemadmodum panis eucharistiæ post sancti Spiritus invocationem non amplius est panis communis, sed est corpus Christi: sic & sanctum hoc unguentum non amplius est unguentum nudum, postquam jam consecratum est, sed est chrisma Christi &c." Basilius *lib. de Spiritu sancto cap. 27.* "Consecramus aquam baptismatis & oleum unctionis. Ex quibus scriptis? Nonne a tacita secretaque traditione?" Optatus *lib. 8.* "Oleum, antequam a nobis conficiatur, (nimirum per benedictionem & consecrationem) tale est, quale natum est: confectum, suavitatem ex nomine Christi (super ipsum invocato) accipere potest." Augustinus in fine *tractatus 118. in Joannem.* "Quid est, quod omnes noverunt, signum Christi, nisi crux Christi? quod signum nisi adhibeatur, sive frontibus credentium, sive ipsi aquæ ex qua regenerantur, sive oleo quo chrismate unguuntur, sive sacrificio quo aluntur, nihil eorum rite perficitur." Supervacaneum esset plura hic referre testimonia; habes enim ex citatis, chrismatis consecrationem approbatam ab antiquis Patribus, usurpatam primis ecclesiæ sæculis, & ab ipsis apostolis traditam. Id unum addam, hanc olim con-

secrationem tanti factam fuisse, ut Dionysius loco citato eum eucharistiæ consecrationi affinem crediderit, Cyprianus vero & Cyrillus Hierosolymitanus unguentum & eucharistiam hac ratione compararint.

§. 14. *Utrum hæc benedictio propria sit episcopo.*

Hanc chrismatis consecrationem episcopo propriam, sacerdoti vero interdiktam esse docent

Dionysius *de ecclesiast. hierarchia, cap. 5.* ubi illam in tres ordines, Pontificum, sacerdotum, & diaconorum dividit, & solis Pontificibus hanc facultatem ait ex lege divina tribui. "Lex divina hierarchicorum, ordinum sanctificationem (id est ordinationem) & unguenti divini consecrationem, sacramque altaris benedictionem perficientibus divinum Pontificum virtutibus attribuit.

Concilium II. Carthaginense anno 390. *can. 3.* "Chrismatis consecratio, & puellarum consecratio a presbyteris non fiant; vel reconciliare quemquam in publica missa presbytero non licere. "Idem in præcedentibus conciliis statutum fuisse asserit in eodem canone Numidius episcopus Maxulitanus; sic enim habet Holsteniana editio. "Numidius episcopus Maxulitanus dixit: memini præteritis conciliis fuisse statutum, ut chrisma, vel reconciliatio pœnitentium, nec non & puellarum consecratio, a presbyteris non fiant. "Quamvis vulgatæ editiones legant. Fortunatus episcopus dixit: memini præcedenti concilio fuisse statutum &c. "En igitur tria, quæ fieri a presbyteris non poterant, chrismatis consecratio, virginum consecratio, & pœnitentium publica reconciliatio, quorum duo postrema a concilio III. Carthaginensi, anno 397. temperata sunt, primum vero sacerdotibus absolute prohibitum permansit. Sic enim decernitur *can. 32.* "Ut presbyter inconsulto Episcopo non reconciliet pœnitentem, nisi, absente Episcopo, necessitate cogente. "Et *canon. 36.* "Ut presbyter inconsulto episcopo virgines non consecret: chrisma vero nunquam conficiat.

Damasus *epist. 5.* "Chorepiscopis non licet chrisma conficere, nec baptizatorum frontes consignare &c. "Idem habetur in utraque Leonis I. & Joannis III. epistola ad episcopos Germaniæ & Galliæ. Verum tres illas epistolæ adulterinas esse multa persuadent.

Concilium Toletanum I. anno 400. coactum *can. 20.* "Quamvis penes ubique custodiatur, ut absque episcopo chrisma nemo conficiat; tamen quia in aliquibus locis vel provinciis presbyteri dicuntur chrisma conficere, placuit ex hac die nullum alium, nisi episcopum chrisma facere, & per diocesium destinare: ita ut de singulis ecclesiis ad episcopum ante diem paschæ diaconi destinentur, aut subdiaconi; ut consecrum chrisma ab episcopo destinatum ad diem paschæ possit occurrere. Episcopo sane certum est omni tempore licere chrisma con-

), fice-

ficere : sine conscientia autem episcopi nihil penitus faciendum : Statutum vero est , diaconum non chrismare , sed presbyterum , absente Episcopo : presente vero , non nisi ab ipso fuerit præceptum .

Innocentius I. in *epistola ad Decentium cap. 3.* " Presbyteris chrismate baptizatos ungere licet , sed quod ab episcopo fuerit consecratum .

Concilium Vafense I. anno 442. *can. 3.* præcipit , ut " presbyteri , vel ministri a suis propriis episcopis per annos singulos chrisma petant , appropinquante solemnitate paschali .

Gelasius I. *epist. 9. ad episcopos Lycanie, Brutiorum, & Siciliæ, anno 494. cap. 4.* " Presbyteros ultra modum suum tendere prohibemus , nec episcopali fastigio debita sibi auster assumere , non faciendi chrismatis , non signationis Pontificalis adhibendæ sibi arripere facultatem .

Montanus , archiepiscopus Toletanus , qui synodo II. Toletanz præfuit anno 531. duas epistolas scripsit , quarum altera est *ad fratres terrarum Palentini* , in qua conqueritur , quod præcipui quidam sacerdotes , sede vacante , præsumerent chrisma conficere , asserens " novam esse præsumptionem : rem detestabilem , quæ ab initio fidei catholicæ nunquam hucusque surrexisse probatur : inauditam rem , & religioni contrariam . " Deinde monet illos presbyteros , ut " caveant , ne similes eos poena percellat (qua Osias 2. *paral. 26.* & Oza 2. *Reg. 6.* perculsi sunt) quia nullis omnino causis , nec sub occasione humilitatis præsumptibus , divina officia & sacramenta cœlestia ab eo , cui non incumbit officium , contingi aliquatenus debent . Subjicit vero , illud sanctorum Patrum regulis & constitutionibus synodicis " oppositum esse . Denique ita concludit : " Quisquis post hanc admonitionem in hujusmodi rebus aliquatenus fuerit deprehensus , sub anathematis vinculo se noverit esse damnandum . " Altera vero epistola est *ad Theoribium episcopum* , in qua de re eadem conqueritur . " Quidam presbyteri ausu temerario res sacras non tam consecrare , quam violare præsumunt , & cunctis ab initio fidei catholicæ seculis inusitatum summis sui ordinis hominibus , nisi tantum Pontificibus debitum , jus consecrationis chrismæ , nescio quo typho , an dementia dicam , indubitanter assumunt . Quod quam sacrilegum sit , piissimam conscientiam tuam latere non credo &c.

Concilium Bracarense II. anno 563. *can. 19.* " Si quis presbyter post hoc interdictum ausus fuerit chrisma benedicere , aut ecclesiam , aut altarium consecrare , a suo officio deponatur ; nam & antiqui hoc canones vetuerunt .

Gregorius Magnus in 1. *cantic.* ad hæc verba : *Botrus Cypri* &c. " Balsamum cum oleo , Pontificali benedictione , chrisma efficitur , quo &c.

Con-

Concilium Hispalense II. anno 619. *can. 7.* " (Presbyteri) quædam novellis & ecclesiasticis regulis sibi prohibita noverint &c. Siquidem nec licere eis ecclesiam vel altarium consecrare, nec per impositionem manus fidelibus baptizatis, vel conversis ex hæresi paracletum Spiritum tradere, nec chrisma conficere, nec chrismate baptizatorum frontem signare &c. Quia Pontificatus apicem non habent &c. Ut per hoc, & discretio graduum, & dignitatis fastigium summi Pontificis demonstretur. " Verba igitur quæ proxime sequuntur: " Sed neque coram episcopo licere presbyteris in baptisterium introire, nec præsentem antistitem infantem tingere, aut signare &c. " De verticis, non autem frontis, consignatione intelligi debent. Nec enim in Hispania presbyteris coram episcopo licebat baptizatorum verticem chrismate consignare, nisi ab ipso præciperetur, ex concilio Toletano I. *cap. 20. supra* relato. Concilium VIII. Toletanum anno 653. *cap. 7.* ait hæc " Esse summa, quæ episcopalis eminentiæ divina auctoritas (alii legunt culmen) cæteris sacerdotibus exercenda prohibuit, scilicet templorum Dei sacrationem, chrismæ benedictionem, sacrorum, quæ ordinum institutionem, quæ tam divinaliter ordinata persistunt, quam excellentissime conferuntur. Quia & tanto ab eis (episcopis) singulariter impenduntur, quanto eidem summo culmini peragenda servantur. (Addit) hæc a nullo altero conferri, quam a solis Pontificibus. " Subjicit, chrismatis sanctificationem auferri non posse, quia nequaquam aliquando poterit profanari, quod divina iussione, simulque apostolicæ traditionis auctoritate sacrum noscitur extitisse. " Beda in *cap. 1. cantic.* " Balsamum in chrismatis confectioe, liquori olivæ admiscetur, ac Pontificali benedictione consecratur.

Libro 6. capitularium Caroli Magni, *cap. 284. & lib. 7. cap. 310. 318. 328. & 329.* chrismatis consecratio, Confirmatio, ordinationes presbyterorum, altarium dedicationes, aliaque id genus, quæ Chorepiscopi hac ætate sibi arrogabant, irritæ & nullæ declarantur, prohibentur sub anathematis vinculo, atque ut ab episcopis reformentur, præcipitur; quia hæc " Omnia summis Pontificibus, id est, cathedralibus episcopis debentur, & non Chorepiscopis.

Concilium Wormatiense, anno 868. *can. 2.* " Chrisma conficere nullus præter Episcopum præsumat, nam illi soli hæc dignitas concessa est. " Et *can. 8.* " Non liceat presbyteris ecclesias consecrare, nec per impositionem manus paracletum Spiritum tradere, nec chrisma conficere, nec chrismate baptizatorum frontem signare, sed nec publice quidem in missa quemquam pœnitentium reconciliare. Hæc enim omnia illicita esse presbyteris cognoscuntur, quia pontificatus apicem non habent; quæ tamen omnia episcopis auctoritate canonum conceduntur.

Mitto ordinem Romanum, librum de divinis officiis, Amalarium, Rupertum, Honorium Augustodunensem, & alios, qui Episcopalem

be.

benedictionem in consecratione chrismatis aperte requirunt. Mitto etiam catechismum Romanum, pontificale Romanum, Græcorum euchologium, aliaque id genus ritualia, quibus Latini & Græci hodie utuntur. Sed prætermitti non debet Eugenius IV. in decreto pro institutione Armenorum: quo asseritur, "Materiam Confirmationis esse", chrisma confectum ex oleo, & balsamo per episcopum benedicto.

Placuit tot auctorum testimonia describere, eaque & simul, & integre, & ordine referre, ne rem eandem sæpius agamus. His enim textibus sæpe opus erit ad difficultates, quæ sequuntur, dirimendas.

§. 15. *Quo jure hæc benedictio episcopis propria, presbyteris interdicta sit.*

Hanc benedicendi chrismatis potestatem episcopis non modo convenire, sed & propriam ac specialem esse, jure non solum ecclesiastico, verum etiam divino, ac utroque jure presbyteris interdictam esse, certum videtur.

1. Ex Dionysio, qui privilegium illud divinæ legi acceptum refert.

2. Ex Montano, qui illud acceptum refert perpetuæ traditioni, asserens factum illud, quo nonnulli sacerdotes Placentini, sede vacante, chrisma consecrabant, "Novam esse præsumptionem; rem derestabibilem: (rem) quæ ab initio fidei catholicæ nusquam huc usque subrepisse probatur: inauditam rem, & religioni contrariam: (rem) sacrilegam: (rem) cunctis ab initio fidei catholicæ seculis inusitatam."

3. Ex concilio II. Hispalensi, can. 7. quo hanc potestatem episcopis propriam, presbyteris autem interdictam esse asseritur: 1. Quod illi, non isti, "Pontificatus apicem habeant." Quod autem episcopi, non vero presbyteri pontificatus apicem habeant, juris est divini. 2. "Ut per hoc discretio graduum, & dignitatis fastigium summæ pontificis (id est episcopi) demonstretur." Atqui hæc discretio ad jus divinum pertinet.

4. Ex concilio VIII. Toletano, quo docetur 1. "Divinaliter ordinatum esse (ut hæc consecratio) a nullo altero conferretur, quam a solis pontificibus." 2. Hanc chrismatis sanctificationem auferri non posse, quia "Nequaquam aliquando poterit profanari, quod divina jussione, simulque apostolicæ traditionis auctoritate sacrum, nescitur extitisse." Episcopalis igitur benedictio, qua chrisma efficitur sacrum, fit "divina jussione, simulque apostolicæ traditionis auctoritate."

5. Ex concilio Wormatiensi, quo chrismatis consecratio a sacerdotibus

bis

bus facta, nulla declaratur, " Quia pontificatus apicem non habent. " Atqui juris est divini, quod episcopi pontificatus apicem habeant, eo autem careant presbyteri.

Denique certissima est Augustini regula *lib. 1. de baptismo cap. 24.* " Quod universa tenet ecclesia, nec conciliis institutum, sed semper retentum est, non nisi auctoritate apostolica traditum rectissime creditur. " Atqui universa tenet ecclesia, chrismatis consecrationem presbyteris illicitam, episcopis vero licitam, & propriam ac specialem esse: neque ullum concilium assignari potest, quo illa presbyteris ablata fuerit, ut episcopis reservaretur. Hæc igitur consuetudo, qua Episcopi, non autem sacerdotes, ut ministri ordinarii, chrisma conficiunt, non nisi ex auctoritate apostolorum tradita rectissime creditur.

Inde sequitur 1. eos decipi theologos, qui licet ultro concedant hanc benedictionem episcopis convenire jure divino; eam tamen episcopis reservatam, presbyteris vero interdictam esse jure duntaxat ecclesiastica contendunt: in qua opinione fuit Sirmondus, & fuisse videtur Paludanus in 4. *dist. 7. quest. 4.* ubi ait ab ecclesia statui posse, ut chrisma a simplici presbytero benedictum, materia sit sufficiens Confirmationis. 2. Falli Cajetanum in 3. *par. quest. 72. art. 4.* ubi asserit, aut saltem innuit, chrismatis consecrationem a simplici sacerdote factam, illicitam quidem, validam tamen esse. Eam enim & illicitam & invalidam declarant canones citati §. *precedenti.* 3. Inde patet quid sentiendum sit de sequenti difficultate.

§. 16. *Utrum sacerdotes, ecclesis minime repugnante, potestatem habeant consecrandi chrisma: eamque potestatem valide quibusdam in locis olim exercuerint, eadem Ecclesia suis canonibus non contradicente.*

Sirmondus in *antirrhético*, & post ipsum nonnulli affirmant. Quorum opinio his argumentis firmari potest.

1. Quia Sylvester constituit chrisma ab episcopo confici, ex libro pontificali Damasi papæ. Hæc igitur consecratio antea communis erat episcopis & presbyteris.

2. Quia concilium I. Toletanum *can. 20.* chrismatis benedictionem a presbyteris factam, nec irritam declarat, nec improbat quoad præteritum tempus, sed eam duntaxat prohibet in posterum: suæque prohibitionis nullam aliam causam assumit, quam usum præsentem omnium fere ecclesiarum, in quibus nullus alius præter episcopum chrisma conficit. " Quamvis, inquit pene ubique custodiatur, ut absque Episcopo chrisma nemo conficiat; tamen quia in aliquibus locis vel provinciis presbyteri dicuntur chrisma conficere, placuit ex hac die nullum alium, nisi episcopum, chrisma conficere. " Toletani Patres ibi, ut apparet,

ret, non declarant irritam chrismatis consecrationem a presbyteris factam: neque illi observant jus divinum, aut veteres ecclesie Canones, vel antiquam consuetudinem, legi suae causam dedisse; sed usum presentem omnium fere ecclesiarum: "Quamvis pene ubique, inquit, custodiatur &c. "Præterea id unum vetant, ne deinceps chrisma nisi per Episcopum benedicatur." "Placuit ex hac die &c. Putabant igitur factum hactenus valuisse, non autem illud jure divino, aut veteribus Ecclesie canonibus, aut antiqua consuetudine prohibitum esse.

3. Quia hanc consecrandi chrismatis potestatem penes presbyterum, non autem penes solum Episcopum esse docet Hieronymus in *comment. ad cap. 3. Sophonia*: "Sacerdotes quoque, qui dant baptismum, & dant eucharistiam, Domini imprecantur adventum, faciunt oleum chrismatis &c.

4. Idem tradit in *epistola de septem Ordinibus Ecclesie* ad Rusticum Episcopum Narbonensem, ubi de sexto gradu seu ordine: "Presbyteri, si necesse est, possunt chrisma conficere: siquidem hæc regula etiam nunc servatur a plurimis, atque in ecclesiis multi sic ista faciunt.

5. Quia ætate Hieronymi, si ordinationem excipias, nihil faciebat episcopus, quod non faceret presbyter. "Quid facit, inquit ille in *epist. 85. ad Evagrium*, excepta ordinatione, episcopus, quod presbyter non faciat.

6. Quia concilium II. & III. Carthaginense, & concilium II. Bracarense hanc legem, qua chrismatis benedictio episcopis reservatur, & presbyteris interdicitur, solis canonibus acceptam referunt.

7. Quia concilia virginum velamen, & templorum atque altarium consecrationem eodem modo, quo chrismatis benedictionem, Episcopis reservant, & presbyteris interdicunt. Atqui prior reservatio juris dumtaxat ecclesiastici est.

8. Quia presbyteri jus habent consecrandi corpus & sanguinem Christi, quæ quidem consecratio omnium maxima est: quanto magis benedigendi chrisma. Ita ratiocinatur Hieronymus *epistola ad Rusticum*. "Quæ, inquit, (nempe corpus & sanguinem Christi) cum offerre (presbyteris) licet, etiam reliqua quæ in eo sunt, consecrare. Presbyteri ergo, si necesse est, possunt chrisma conficere, quia in corpore ejus chrisma est." Ita Cajetanus etiam argumentatur *loco citato*.

9. Quia hæc chrismatis consecratio, cum alia sit apud Latinos, alia vero apud Græcos, juris dumtaxat canonici esse videtur. Quidquid enim est de jure divino, variari non potest.

Verum ex §. *precedenti* certum videtur, chrismatis reservationem episcopis, ejusque prohibitionem sacerdotibus, ut ministris ordinariis factam juris esse divini. Hæc igitur chrismatis benedictio, antequam ecclesiastica lege reservaretur episcopo, & prohiberetur presbytero, non potuit

potuit utrique communis esse. Quamobrem ad objecta sic responderi potest.

Ad primum duplex adhibetur responsio. 1. Decretum illud Sylvestri defumitur ex pontificali pseudo-Damasi, quod omnes fere eruditi fatentur octavo seculo, nisi inferius, eo saltem superius non esse. 2. Hoc Sylvestri decreto non tribuitur novum aliquod privilegium episcopis, sed quod eis jure divino & apostolica traditione competeat, adversus quorundam presbyterorum præsumptionem nova constitutione munitur.

Ad secundum, respondetur 1. Si Toletana synodus chrismatis benedictionem a presbyteris factam approbavit anno 400. quorsum igitur Montanus, archiepiscopus Toletanus ad annum 530. in epistola 1. factum illud, quo præcipui ex sacerdotibus Placentinis, sede vacante, chrisma benedicebant, dixit, "Novam esse præsumptionem; rem detestabilem; (rem) quæ ab initio fidei catholicæ nusquam hucusque, subrepisse probatur: inauditam rem, & religioni contrariam: & " in epistola 2. (rem) sacrilegam: (rem) cunctis ab initio fidei catholicæ seculis inusitatam? Potuit ne concilii Toletani I. decreta nescire Montanus, ejusdem civitatis metropolitanus, qui synodo Toletanæ II. præfuit, in qua "De institutis Patrum, canonumque decretis, commemoratio habita est; ut si qua in antiquis canonibus minime commemorata sunt, salubri tractatu, ac diligenti consideratione instituantur: si qua vero in anterioribus conciliis sunt decreta, sed abusione temporum hætenus sunt neglecta, redivivæ ordinationis censuram obtineant? 2. Synodus factum illud non approbat, sed potius reprehendit, quia prohibet. 3. Toletani Patres pro causa suæ prohibitionis non assumunt præsentem usum omnium fere ecclesiarum; nec enim sic habetur, cum pene ubique &c. sed quamvis pene ubique &c. Sensus iste igitur est: "Quamvis pene ubique custodiatur, ut absque episcopo chrisma nemo conficiat, (eque praxis jure divino statuta debeat ab omnibus observari) tamen quia in aliquibus locis &c.

Ad tertium, respondeo Hieronymum per sacerdotes intelligere episcopos, non autem presbyteros; subjicit enim: "Faciunt oleum chrismatis, manus imponunt. "Atqui ex Hieronymo in dialog. advers. Lucifer. cap. 4. manus impositio ad solos episcopos pertinet. "Non quidem abnuo, inquit, hæc esse ecclesiarum consuetudinem, ut ad eos, qui longe in minoribus urbibus per presbyteros & diaconos baptizati sunt, episcopus ad invocationem sancti Spiritus manum impositurus excurrat &c. Quod si hoc loco queris, quare in ecclesia baptizatus, nisi per manus episcopi, non accipiat Spiritum sanctum, dilce &c. "Sequitur: Catechumenos erudiant, levitas, aliosque constituant sacerdotes. "Atqui ex Hieronymo in epist. 85. ad Evangelium, ordinatio sacerdotum & levitarum specialis est episcopis. "Quid enim, inquit ille, facit, excepta ordinatione, episcopus, quod pres-

Witasse de Confirmatione.

Z

byter

byter non faciat? "Deinde sic ille prolequitur: "Non tam indignetur nobis hæc exponentibus, quam Dominum deprecantur, & studeant agant, ne de sacerdotibus, qui violant sancta Domini, esse mereantur. Non enim dignitas & nomina dignitatum, sed opus dignitatis sacerdotes salutare consuevit; *Qui episcopatum, inquit, desiderat, bonum opus desiderat.* "Hæc sane verba luculenter indicant sacerdotes, de quibus Hieronymus, episcopos esse. Denique familiare Hieronymo est, præsertim cum episcopos admonet, eos *sacerdotis* nomine designare. Id apparet ex ea ipsa, quam adversarii nobis objiciunt, epistola de septem ordinibus, ubi de septimo ordine: "Jubentibus nobis, injustissime sacerdotibus, non recte presbyter Dei, benedictionis perdit officium.

"Ad quartum, Estius in 4. dist. 7. §. 9. Respondet hanc epistolam non esse Hieronymi, sed incerti auctoris, qui (quod manifeste falsum est) omnium sacramentorum ministrum facit simplicem sacerdotem, & pro consuetudine corruptelam quorundam locorum obtrudit. Genuinam quidem hanc esse epistolam contendit Franciscus a Messana Hieronymianus, in *notis ad difficulta Hieronymi loca*, vocabulo *Confirmatio*. Verum illam adulterinam esse probat Erasmus; idem sentit Bellarminus, idem Marianus Victorius Reatinus, qui illam cum aliis operibus Hieronymo suppositis in nonum volumen rejecit. Eam certe Hieronymi non esse vel inde patet, quod diaconum supra modum extollat, cujus fastum Hieronymus ubique deprimit. Posset etiam responderi, verba citata non suo, sed aliorum nomine ab auctore hujus epistolæ referri. Subjicit enim: "Tamen meæ hoc scito esse sententiæ, nulli episcopo super hoc injuriam esse faciendam. "Injuriam igitur episcopo facit presbyter, qui chrisma, urgente licet necessitate conficit.

Ad quintum, respondeo Hieronymi textum indigere interpretatione. Etenim si de ceremoniis agatur, episcopi chrisma conficiebant, velabant virgines, poenitentes publice reconciliabant, templa & altaria consecrabant ætate Hieronymi, quæ tamen presbyteri minime præstabant ex concilio II. Carthaginensi *can. 3.* ex concilio III. Carthaginesi *can. 32. & 36.* ex Innocentio I. in *epistola ad Decemium cap. 3.* Sin autem sermo sit de sacramentis, episcopi baptizatis manus imponebant ad Spiritum sanctum eis conferendum, quod tamen presbyteris non licebat, ex ipso Hieronymo in *dialogo advers. Lucifer. cap. 4.* Respondeo 2. Ut verus sit sensus verborum Hieronymi, satis esse, quod sacerdos, ut minister extraordinarius, chrisma conficere possit.

Ad sextum, respondeo hanc chrismatis consecrationem episcopis reservatam, presbyteris vero interdiktam esse utroque jure, divino & humano; quo fit, ut ex auctoribus citatis alii juris dumtaxat divini, alii juris canonici, alii utriusque meminerint.

Ad septimum, respondeo 1. retorqueendo circa presbyterorum & leuitarum ordinationem, quam synodi episcopis reservant una cum velami-

laminae virginum, chrismatis benedictione, templorum & altarium consecratione. 2. Ex his quatuor officiis quodlibet suo modo reservari episcopis, & presbyteris interdici, nimirum ordinationem & chrismatis consecrationem utroque jure, divino & humano; virginum autem velamen, & templorum consecrationem jure dumtaxat humano. 3. Chrismatis consecrationem specialiori modo reservari, quam virginum benedictionem & templorum consecrationem, ex concilio III. Carthaginensi can. 32. & 36. "Presbyter inconsulto episcopo virgines non consecret, chrisma vero nunquam perficiat." 4. Virginum velamen, templorum consecrationem, & alia id genus, reservari episcopis, & presbyteris prohiberi, jure non solum ecclesiastico, sed etiam divino, ex Dionysio, concilio Hispalensi II. concilio Toletano VIII. & concilio Wormatiensi, *supra* citatis; nempe, ut servetur debitus ordo hierarchicus, & debita dependentia presbyteri ab episcopo: sive, ut loquuntur Patres Hispalenses, "Ut per hoc & discretio graduum, & dignitatis fastigium summi sacerdotis demonstretur."

Ad octavum, respondeo non continuo sequi, eum qui potest quod majus est, id etiam omne posse quod minus est; sed unuscujusque potestas iis terminis circumscribitur, quos gratiarum largitor & distributor, Spiritus sanctus ei constituit. Unde quamvis potestas consecrandi corpus Domini ex sit major potestate, qua consecratur altare, ordinantur sacerdotes & levitæ, & miracula fiunt; inde tamen non sequitur consecrandi, ordinandi, & miracula faciendi potestatem cuilibet sacerdoti competere. Neque solum in rebus ad religionem pertinentibus id omnino falsum est, sed & in rebus naturalibus; argumentum enim a majori ad minus in diversis generibus non valere docent philosophi, ut si quis ita ratiocinetur: homo generare potest hominem, igitur & formicam: non valet consequentia, quia sunt in diversis generibus, & unum non includit alterum. Valet contra in eodem genere: ignis comburere potest ferrum, igitur & lignum; quia hæc omnia combusti-
lia sunt.

Ad nonum, respondeo chrismatis benedictionem a Christo præceptam esse, atque ita ab eodem generatim institutam: sed modum & formam, quæ fieri deberet, in ecclesiæ potestate relictam fuisse.

§ 17. *Utrum hæc potestas presbyteris, tanquam ministris extraordinariis, ab ecclesiâ committi possit.*

AFFIRMANT ex antiquis Scotus in 4. dist. 7. quæst. 1. & ex recentioribus Cajetanus, Dominicus Soto, & alii: eaque opinio apud theologos communis est. Negant Suarez in 3. par. disp. 53. sect. 3. Henriquez in *summa theol. moral. lib. 3. cap. 2. nu. 2.* Faventinus in 4. d. 7. q. 1. disp. 74. n. 18. Arcudius de *Confirmatione cap. 15.* circa medium, Corderius in *notis* ad caput 4. libri Dionysii de *hierarch. ecclæs.*

Opinio affirmans his momentis statui potest.

1. Quia concilium Toletanum I. *can. 20.* ratam supponit presbyteralem chrismatis consecrationem ad sua ulque tempora factam : qua de re *supra*, §. 16. *ratione 2.*

2. Quia canones eodem modo sacerdotibus prohibent virginum velamen, & templorum consecrationem, quo benedictionem chrismatis. Atqui hæc prohibitio non impedit quominus virginum velamen, & templorum atque altarium consecratio committi possit presbyteris.

3. Quia Confirmatio ex dispositione ecclesiæ committi potest simplici sacerdoti; quidni chrismatis consecratio? consequentia probatur, tum quia qui potest majus, potest & minus. Atqui minus est consecrare chrisma, quam confirmare; chrismatis enim consecratio ad Confirmationis administrationem refertur, velut medium ad finem: tum quia potestas dispensandi circa administrationem Confirmationis, includit potestatem dispensandi circa benedictionem chrismatis, sicut potestas in finem includit potestatem in medium: tum quia Confirmationis usus magis determinatus est ex divina institutione, & ratione formæ, & ratione materiæ, quam benedictio chrismatis; hæc enim benedictio generatim a Christo quidem instituta est, sed forma & modus eam faciendi, ecclesiæ potestati subjiuntur. Sed quo magis aliquid jure divino determinatum est, eo minus subjacet ecclesiæ potestati.

4. Quia potissima duo fundamenta, quibus opinio negans innitur, jus nempe divinum, & canonum prohibitio, nihil hac in re adversus opinionem affirmantem concludunt. Non primum; quia Confirmationis administratio divino jure reservatur episcopo, & tamen ex dispensatione committi potest presbytero: quidni poterit idem affirmari de chrismatis benedictione? Neque secundum; quia iisdem fere canonibus presbytero prohibetur, ac episcopo reservatur & chrismatis benedictio & Confirmationis administratio. Atqui nihil impediens hujusmodi canonibus, Confirmationis administratio committi potest presbytero; quidni chrismatis benedictio committi poterit?

Opinio negans his argumentis stabiliri potest.

1. Quia hæc potestas jure divino reservatur episcopis, & eodem jure presbyteris interdicitur, ex §. 14. Atqui jus divinum ab hominibus mutari non potest.

2. Quia *can. 36.* concilii III. Carthaginensis statuitur, " Ut presbyter inconsulto episcopo virgines non consecret: chrisma vero numquam perficiat. " Si hæc chrismatis perfectio concedi posset presbyteris, ibi explicaretur a concilio quemadmodum ibi explicatur, quod illis committi possit virginum consecratio.

3. Quia synodi *supra* citatæ hanc potestatem solis episcopis concedunt, eamque presbyteris absolute prohibent. " Chrisma pericere nullus præter episcopum præsumat, " ex concilio Wormatiensi, *can. 2.*

4. Quia Eugenius in decretis pro instructione Armenorum, refere præ-

presbyteros " aliquando per apostolicæ sedis dispensationem, ex rationabili & urgente admodum causa, administrasse Confirmationis sacramentum, (ea tamen lege, ut) chrismate per episcopum confecto " uterentur : quibus verbis significat numquam factum esse, nec fieri posse, ut hoc sacramentum alio chrismate conferatur, quam chrismate per episcopum benedicto.

5. Pro confirmanda hac opinione proferri potest privilegium, cujus meminit Arcudius in tractatu *de Confirmatione*, cap. 15. ubi refert, " Hadrianum VI. anno 1521. die 25. Aprilis, petentibus fratre Galapione & Francisco de Angelis, concessisse pro Indiis, & regionibus, " ubi non sunt episcopi, ut sacerdos regularis ex minoribus posset cum chrismate ab episcopo consecrato confirmare. Haberi autem authenticum Hispali in monasterio sancti Francisci. " Si Hadrianus existimasset chrismatis benedictionem presbyteris urgente necessitate committi posse, eam certe Franciscanis æque commisisset, ac Confirmationis administrationem.

6. Hoc ipsum docet catechismus Tridentinus, ubi de Confirmatione. " Neque enim ad alium ea confectio, nisi ad episcopum pertinet, " re potest.

Utraque opinio sua se probabilitate tuetur.

Ad argumenta tamen opinionis affirmantis respondetur.

Ad primum, negatur hanc presbyteralem chrismatis benedictionem in concilio I. Toletano approbatam fuisse, qua de re *supra*, §. 15. ad 2. Quamvis enim concilium ibi non dicat expresse factum illud fuisse irritum : tamen neque etiam affirmat fuisse ratum.

Ad secundum, ex *canone* 32. & 36. concilii III. Carthaginensis apparere, chrismatis benedictionem strictius prohibitam fuisse quam virginum velamen & alia id genus.

Ad tertium, respondetur 1. incertum esse utrum Confirmationis administratio committi possit simplici sacerdoti : qua de re *infra*. 2. Paritatem non valere : potest enim confectio materiæ propria esse superiori, cujus tamen usus etiam inferioribus concedatur : sic diaconus olim administrabat sanguinem Christi, licet illum consecrare non posset ; sic in Eugenii decreto presbyter hodie minister est ordinarius extremæ unctionis, cujus tamen materia *ibidem* dicitur esse oleum olivæ per episcopum benedictum. Et certe Eugenius in eodem decreto pro intentione ita loquitur de Confirmatione, & quamvis fateatur apud veteres aliquando legi, quod illa per dispensationem a simplici sacerdote sit administrata, adjicit tamen id factum adhibito chrismate per episcopum confecto, quasi videlicet minus committi presbytero posse videatur consecratio chrismatis, quam ipsius sacramenti collatio.

Ad quartum, respondeo ad primum fundamentum : 1. Incertum esse, utrum jus divinum non impediatur, quominus Confirmationis administratio committi possit simplici presbytero. 2. Jus quidem divinum

Witasse de Confirmatione.

Z 3

no2

non impedire quominus Confirmationis administratio committi possit simplici presbytero, impedire tamen, ne chrismatis consecratio ipsi committi possit. Sicut jus divinum non prohibet quominus eucharistiæ administratio committi possit diacono: prohibet tamen ne ejusdem eucharistiæ consecratio diacono committatur. Ad secundum vero fundamentum. Respondetur, ex antiquitate certum videri Eugenio IV. & nonnullis theologis Confirmationis sacramentum aliquando commissum fuisse simplici sacerdoti; verum ex nullo canone nulloque antiquo auctore apparet chrismatis consecrationem ei commissam fuisse: imo canone 36. concilii III. Carthaginensis hæc consecratio presbyteris absolute prohibetur. "Presbyter inconsulto episcopo virgines non consecret, chrisma vero nunquam perficiat."

Ad argumenta opinionis negantis respondetur.

Ad primum concedo jus divinum ab hominibus immutari non posse: id tamen non impedit quominus hæc chrismatis benedictio, licet episcopis velut ministris ordinariis jure divino reservetur, committi posset presbyteris velut ministris extraordinariis: sicut virginum velamen & templorum consecratio, licet iisdem episcopis jure divino reservetur, presbyteris ex dispensatione committi potest.

Ad secundum, respondetur, virginum consecrationem, non autem chrismatis benedictionem in concilio III. Carthaginensi ex dispensatione permitti presbyteris, non quod utriusque jus sit divinum & diversa ratio, sed quia penes legislatoris arbitrium est, ut ex duabus rebus, quæ committi possunt, unam, non alteram, pro ut convenientius existimabit committat.

Ad tertium respondetur 1. chrismationis benedictionem canonibus *supra* citatis, si concilium III. Carthaginense excipiat, non videri absolute prohibitam sacerdotibus, sed ratione ministerii ordinarii: casum enim suæ reservationis & prohibitionis repetunt ex apice Pontificatus, quo solo ministerium ordinarium conceditur. 2. Esto, hæc chrismatis benedictio sacerdotibus absolute prohibeatur canonibus ecclesiasticis, eodem modo quo prohibetur *can.* 36. concilii Carthaginensis. Quid aliud inde sequitur, nisi quod hæc benedictio presbyteris absolute prohibita fuerit jure canonico? Ideone eisdem etiam sacerdotibus absolute prohibita erit jure divino?

Ad quartum respondeo in Confirmationis administratione a presbytero facta, hanc legem non apponi ab Eugenio IV. "Ut presbyter, chrismate per episcopum confecto" utatur. Id unum refert Eugenius, "Legi aliquando per apostolicæ sedis dispensationem ex rationali & urgente admodum causa, simplicem sacerdotem chrismate per episcopum confecto hoc administrasse Confirmationis sacramentum." Verum aliud est, simplicem sacerdotem, cui commissæ fuit Confirmationis administratio, usum fuisse chrismate per episcopum benedicto; aliud hanc chrismatis benedictionem simplici presbytero ex dispensa-

tione committi non posse. Prius refert Eugenius; posterius intactum omittit.

Ad quintum respondeo privilegium, cuius meminit Arcudius, suppositum videri. 1. Quia Hadrianus VI. nondum erat Pontifex anno 1521. die 25. Aprilis; electus enim est anno sequenti die 9. Januarii. 2. Quia privilegium illud videtur idem esse, quod bulla 4. Leonis X. quæ habetur in nova collectione privilegiorum mendicantium & non mendicantium Emmanuelis Roderici: qua Pontifex anno 1521. die 25. Aprilis, concessit fratribus Joanni Calpion & Francisco de Angelis ordinis minorum de observantia in partibus Indiarum, ubi nulli sunt episcopi, ut possent infideles conversos & ad clericatum & ad minores ordines promovere. Præterea dato, non concessio, quod illud privilegium sit verum; recte Leo X. concessa Franciscanis Confirmationis administratione, ipsis non concessit consecrationem chrismatis, sive quia opinio, quæ asserit hanc potestatem presbyteris concedi posse, ea incertior est, quæ docet Confirmationem ipsis committi posse: sive quia nullo facto constat chrismatis benedictionem presbyteris concessam fuisse, sicut contra Eugenio IV. in decreto, pluribusque theologis certum videtur, Confirmationis administrationem sacerdotibus aliquando commissam fuisse: sive quia difficilior est ordinarium ministrum seu episcopum semper & ubique reperiri, quam materię consecrationem, quæ facilius ex uno in alium locum transferri potest.

Ad Sextum respondeo solutionem repetendam esse ex ipsis verbis catechismi. "Neque ad alium ea consecratio, nisi ad episcopum pertinet, re potest, qui ejusdem sacramenti ordinarius minister constitutus est." Ea igitur ratione, hæc chrismatis consecratio ad solum episcopum pertinet, quia ratione ad eundem spectat, esse ministrum hujus sacramenti. Atqui ad solum episcopum pertinet esse ordinarium, non autem unicuique ministrum hujus sacramenti. Igitur, eadem ratione, chrismatis consecratio ad solum episcopum pertinere dicitur, quia hujus consecrationis ordinarius est, non autem quia ejus unicus est minister. His quidem & similibus verborum formulis, ministerium duntaxat ordinarium excludi, patet ex decreto Eugenii, ubi postquam dixit, quod Confirmationem "Non nisi episcopus debet conferre, quia de solis apostolis quorum vicem tenent episcopi, legitur, quod per manus impositionem Spiritum sanctum dabant:" Subjicit tamen illam ex dispensatione committi posse simplici sacerdoti.

- §. 18. *Utrum ad hanc potestatem sacerdotibus, tanquam ministris extraordinariis, committendam, requiratur auctoritas summi Pontificis, vel sufficiat auctoritas cujuslibet episcopi in sua diocesi, vel synodi provincialis in metropoli.*

AUCTORITATEM cujuslibet episcopi in sua diocesi sufficere ad hanc facultatem presbyteris ex dispensatione committendam, docet Ledesma 3. *par. qu. 73. art. 3.* cujus opinio sic statui potest: 1. quia ex concilio Toletano I. *can. 20.* "Episcopo certum est omni tempore, licere chrisma conficere: sine conscientia autem episcopi nihil penitus faciendum." Eo igitur sciente & consentiente, sacerdotes poterunt chrisma conferre. Verum omnino incertum est, quem sensum præfata concilii verba præ se ferant, & utrum ad ea quæ præcedunt, vel quæ sequuntur, referri debeant. 2. Quia canonibus ecclesiasticis virginum velamen & templorum consecratio, presbyteris eodem modo prohibentur, quo chrismatis benedictio. Atqui hujus legis dispensatio presbyteris ab episcopo fieri potest quoad duo priora; igitur & quoad tertium. 3. Quia episcopi & synodi provinciales presbyteris olim commiserunt potestatem confirmandi, qua de re *infra*. Igitur & possunt ipsis committere potestatem consecrandi chrisma. 4. Quia major potestas requiritur, ut matrimonium clandestinum ex rato fiat irritum, quam presbyteris committere (raro tamen & pro aliquo tempore ac loco) potestatem benedicendi chrisma. Atqui synodi quædam provinciales matrimonium clandestinum ex rato irritum fecerunt, ante synodum Tridentinam, qua de re *alibi*. 5. Quia episcopi in iis dispensare possunt; quæ neque canonibus, neque usu reservata sunt summis Pontificibus. Atqui dispensatio, qua chrismatis benedictio presbyteris committitur, neque canonibus, neque usu reservatur summis Pontificibus: quia nulli canones hac de re locuti sunt; neque usus hætenus invaluit, ut hæc dispensatio presbyteris committatur. 6. Quia episcopi, servata proportionē & subjectione ac reverentia sedi apostolicæ debita, eandem in sua diocesi potestatem habent, in iis, quæ canonibus, eidem sedi minime reservata sunt, quam summi Pontifices in universa ecclesia. Atqui summi Pontifices hanc chrismatis consecrationem presbyteris committere possunt in ecclesia. Igitur & episcopi in sua diocesi; maxime cum hujus consecrationis dispensatio nullis canonibus reservata sit summis Pontificibus.

Cajetanus tamen, Hiquæus, alique theologi communiter requirunt auctoritatem summi Pontificis, vel universalis ecclesiæ. Horum opinio sic probari potest. 1. Quia *canone 36. concilii III. Carthaginensis* statuitur "ut presbyter, inconsulto episcopo, virgines non consecret; chrisma vero numquam perficiat." Presbyter igitur, jubente episcopo, potest quidem velare virgines, non autem chrisma consecrare. 2. Quia *can. 13. sess. 7. concilii Tridentini* anathemate percutitur, qui di-

„ xerit, “ Receptos & approbatos catholicæ ecclesiæ ritus, in solemnibus sacramentorum administratione adhiberi consuetos, in novos alios per quemcumque ecclesiarum pastorem mutari posse. “ 3. Quia solus Pontifex Romanus, aut sola ecclesia universalis presbytero committere potest Confirmationis administrationem : igitur & chrismatis consecrationem.

Sunt & qui distinguant. Chrisma enim inservit & unctioni verticis & unctioni frontis. Prior est mera cæremonia, posterior Confirmationi essentialis est. Concedunt igitur illi chrisma jussu episcopi a presbytero consecratum valere ad priorem, non ad posteriorem unctionem.

Ex his tribus sententiis, prima probabilior mihi videtur. Quare

Ad primum argumentum secundæ opinionis Respondeo, legem (si tamen hæc lex etiam nunc vigeat) qua concilium III. Carthaginense absolute prohibuit, ne presbyter chrisma consecret, rescindi, vel mutari, vel modificari posse ab alio concilio : quemadmodum lex, qua concilium II. Carthaginense *can. 3.* absolute prohibuit, ne presbyter virgines consecret, temperata fuit a concilio III. Carthaginensi *can. 36.* ut id liceret jubente episcopo.

Ad secundum respondeo 1. nomine *pastoris*, de quo Tridentina synodus intelligi parochum. Aliud esse ritus in solemnibus sacramentorum administratione ubique receptos, mutare in novos; aliud de ritibus hujusmodi aliquando dispensare. Casus certe occurrere possunt, & reipsa eveniunt, in quibus episcopi de nonnullis baptismi ritibus dispensant.

Ad tertium respondeo 1. non deesse theologos, qui existiment presbyteros jussu solius episcopi, vel conciliorum provincialium, sacramentum Confirmationis quibusdam in locis olim administrasse, qua de re *infra*. Certe viget hodie hæc consuetudo in tota fere orientali ecclesia, quæ tamen consuetudo primis ecclesiæ seculis rata erat, neque in omnibus ecclesiis observabatur, adeoque cæpit & sine consensu summi Pontificis, & sine consensu ecclesiæ universalis orientalis. 2. Esto antecedens, nego consequentiam : majus enim est confirmare, quam chrisma consecrare. Atqui in rebus exclusivis & prohibitivis, non valet consequentia a majori ad minus : v. gr. non valet : solus Pontifex potest id quod majus est : ergo solus Pontifex potest id quod minus est. Solus episcopus potest ordinare presbyteros : ergo solus episcopus potest baptizare. Solus presbyter consecrare potest sanguinem Christi : ergo solus presbyter eum administrare potest.

§. 19. *Utrum hac chrismatis consecratio necessaria sit necessitate præcepti, & ad Confirmationis essentiam pertineat.*

EA de re variz sunt opiniones, quæ ad quinque revocari possunt. Prima docet episcopalem chrismatis benedictionem Confirmationi essentiali & necessariam esse, ita ut ea prætermissa, nullum sit sacramentum, neque summus Pontifex aut ecclesia in eo dispensare possit. Ita communiter theologi post Hugonem, Magistrum & S. Thomam 3. *par. qu. 72. ar. 3.* Secunda docet chrismatis benedictionem Confirmationi essentiali esse, sed utramlibet sufficere, episcopalem, vel presbyteralem; quo fit ut Confirmatio, ex chrismate per sacerdotem benedicto, facta, illicita quidem, valida tamen sit; quia presbyteralis benedictio, licet canonibus prohibeatur, valida est, & sufficit ad Confirmationem valide conferendam. Ita Cajetanus in 3. *par. qu. 72. art. 3.* Tertia docet chrismatis benedictionem, etiam episcopalem, necessariam esse dumtaxat necessitate præcepti divini, non autem sacramenti; eo fere modo quo aqua vino mixta necessaria est necessitate præcepti divini, non autem sacramenti ex Cypriano, ita (ni fallor) Capreolus, Paludanus in 4. *d. 7. qu. 1. & 4.* Estius in 4. *d. 7. §. 9.* in fine, Dominicus Soto in 4. *dist. 7. qu. unica, art. 3.* Quarta docet chrismatis benedictionem necessariam esse necessitate præcepti dumtaxat ecclesiastici, eam tamen ad Confirmationis essentiam pertinere, quia Christus penes ecclesiæ arbitrium reliquit, ut chrisma benedictum, vel non benedictum pro materia Confirmationis eligeret; ecclesia vero satius existimavit chrismate benedicto utendum esse, quo fit, ut vigente hoc præcepto, licet ecclesiastico, Confirmatio ex chrismate minime benedicto, & illicita & irrita esset: quæ tamen & rata & licita foret, si tale præceptum desineret. Ita nonnulli theologi apud Durandum, in 4. *dist. 7. qu. 3. num. 6.* Quinta docet hanc benedictionem necessariam esse necessitate non sacramenti, sed præcepti dumtaxat ecclesiastici. Ita Franciscus Victoria, Emmanuel Sa, & nonnulli recentiores, ubi de benedictione olei infirmorum. Eadem autem ratio de chrismate & oleo infirmorum benedicens.

Prima opinio probatur auctoritate Patrum, canonum & decretorum, quæ chrismatis benedictionem requirunt, eamque reservant episcopis, & presbyteris interdicit: ac potissimum auctoritate Eugenii IV. in decreto pro instructione, quo declaratur materiam hujus sacramenti esse chrisma ab episcopo benedictum: & in quo præterea dicitur, quod licet ex dispensatione apostolica presbyter contulerit sacramentum Confirmationis, non tamen nisi chrismate per episcopum benedicto. Verum ad hæc "responderi potest, inquit Estius, ea non aliud convincere, quam præcepti necessitatem."

Secunda opinio probatur hoc axiomate, qui potest majus, poterit & mi-

& minus. Sed eucharistiæ consecratio major est, quam consecratio chrismatis: præterea consecratio eucharistiæ a sacerdote facta, rata esse debet. Verum huic argumentationi abunde factum est satis, §. 16. *ad* 3. Accedit quod sacerdotalis consecratio chrismatis, & illicita, & invalida declaratur canonibus Ecclesiasticis, qua de re *supra* §. 14.

Tertia opinio, quoad priorem partem sequitur ex dictis §. 15. Quod enim juris est divini, necessarium est necessitate præcepti divini. Sed chrismatis consecratio juris est divini, ex §. 15. Hæc igitur necessaria est necessitate divini præcepti. Verum major absolute falsa est. Res enim juris divini esse potest, vel quia instituta est a Christo, ut virginitas, & celibatus, vel quia præcepta est a Christo, ut aquæ mixtio ad eucharistiam perficiendam. Quoad posteriorem vero partem, probatur 1. ex concilio Toletano I. *can.* 20. "Quamvis pene ubique custodiatur, ut absque episcopo chrisma nemo conficiat, tamen quia in aliquibus locis vel provinciis presbyteri dicuntur chrismata conficere, placuit ex hac die, nullum alium, nisi episcopum chrisma conficere." In quibus verbis observo: 1. sermonem haberi non de administratione sacramenti, sed de consecratione chrismatis. 2. Ex his verbis *quamvis pene ubique*, &c. aperte sequi aliquem fuisse locum, ubi hoc non servabatur; sed ubi presbyteri sine episcopo chrisma conficiebant. 3. Concilium non damnare hanc presbyteralem consecrationem, ut irritam, sed solum prohibere, ne illa deinceps fiat. Si autem putasset consecrationem episcopalem ad validitatem sacramenti essentialiter requiri, debuisset providere, ut confirmati chrismate per simplicem sacerdotem benedicto, iterum confirmarentur, ne hujusce sacramenti fructu perpetuo carerent. Verum synodus Toletana non providit, ut ita confirmati, rursus confirmarentur, forte quia non existimavit illud sacramentum necessarium esse. Ut ut sit, quod omissum est in synodo Toletana, non fuit prætermisum in capitulis *supra* citatis §. 14. Probatur etiam hæc posterior pars decreto Innocentii III. *extrav. de sacris iterandis cap. pastoralis*, ubi pontifex ratum habet Confirmationis sacramentum, administratum unctione solius olei; quod quidem non est verisimile benedictum fuisse, ea saltem benedictione, quæ chrismati adhibetur, cum sint diversæ, & ad diversæ ordinatæ benedictiones olei simplicis & chrismatis. Verum præterquam quod plurimi negant hoc sacramentum ab Innocentio ratum habitum fuisse, qua de re *supra* §. 12. *ad* 6. posset etiam responderi 1. oleum illud, etsi balsamo non fuerit mixtum, sive per negligentiam, sive propter inopiam balsami, sive quia in promptu haberi non poterat, fuisse tamen ab episcopo consecratum ea benedictione quæ chrismati adhiberi solet. 2. Benedictionem quidem episcopalem Confirmationi essentialem esse, non autem hoc aut illud genus benedictionis: Christus enim instituit tantum ut materia hujus sacramenti bene-

benediceretur : quo vero benedictionis genere , reliquit penes ecclesiæ potestatem ; inde fit ut alia fuerit præteritis , & alia præsentibus sæculis ; alia apud Græcos , & alia apud Latinos . Hanc ultimam solutionem tradunt .

Quarta opinio subtiliter excogitata est , sed fundamento caret , eamque Durandus uti falsam , & fidei , & ecclesiæ valde periculosa reputat . “ Uti falsam , quia secundum omnes sanctos & doctores theologiae , logos & canones sacros , Christus non commisit alicui homini respectu sacramentorum , nisi simplex ministerium , & non potestatem excellentiæ , vel aliquid ad eam pertinens . Sed ordinare de materia sacramenti , puta de oleo vel chrismate quod benedicatur , vel non benedicatur , vel quod benedicatur tali benedictione vel alia , & quod huiusmodi ordinatio sit de necessitate sacramenti , & non solum de solemnitate , pertinet ad potestatem excellentiæ , & non ad simplex ministerium , quod consistit solum , & præcise in faciendo ea , quæ circa sacramenta sunt instituta per Christum . Ergo istud non fuit commissum alicui homini , nec papæ , nec alii . Uti fidei , & ecclesiæ valde periculosa , quia similiter circa sacramentum baptismi posset dici , quod Christus solum instituit , quod baptismus fieret in aqua , sed commisit papæ vel ecclesiæ determinationem aquæ , videlicet an esset benedicta vel non benedicta , calida vel frigida . Similiter posset dici , quod Christus instituit solum , quod vinum esset materia consecrationis sanguinis , sed commisit determinationi papæ vel ecclesiæ quale esset illud vinum , album vel rubeum . Et si papa circa aquam baptismi determinaret , quod deberet esse calida , & circa vinum , quod deberet esse rubeum , baptismus non posset fieri , saltem extra casum necessitatis , nisi in aqua calida , nec sanguis Christi consecrari , nisi in vino rubeo , quia ordinatio ecclesiæ esset de necessitate sacramenti ex institutione Christi . Nec est major ratio dicendi illa quæ dicunt isti , quam dicendi hæc quæ subiecta sunt . Quam periculosa autem sint omnia hæc , perpendere potest quilibet prudens ex eo , quod fides , quam habemus de sacramentis , dependeret a libera voluntate unius hominis , scilicet papæ , etiam quantum ad aliqua quæ essent de necessitate sacramentorum quod non videtur sane dictum .

Quinta opinio , hac potissimum paritate nititur , consecratio materię baptismi , & eucharistię non est necessaria necessitate sacramenti , vel præcepti divini , sed mera cæremonia est ab ecclesia instituta . Idem igitur sentiendum de benedictione materię Confirmationis ; maxime cum Augustinus in fine tractatus 118. *in Joannem* , loquatur similiter de benedictione aquę baptismalis , & materię eucharistię & chrismatis : quasi hæc tria respectu sui sacramenti parem habeant rationem , “ Quid est , inquit , quod omnes noverunt , signum Christi , nisi crux Christi ? Quod signum nisi adhibeatur , sive frontibus credentium , sive ipsi aquę ex qua

„qua regenerantur, sive oleo quo chrismate unguuntur, sive sacrificio quo aluntur; nihil eorum rite perficitur.“ Huic argumento varii varia respondent pro diversis rationibus, quibus hanc chrismatis benedictionem necessariam esse theologi contendunt.

Respondent igitur aliqui majorem esse benedictionis necessitatem in materia Confirmationis, quia sancti Patres studiosius urgent benedictionem chrismatis, quam materiam baptismi & eucharistiæ. Verum S. Augustinus benedictionis necessitatem pari modo urget in illis tribus sacramentis, quamvis hæc benedictio, mera sit ecclesiæ cæremonia in materia baptismi & eucharistiæ. Si qui vero Patres vehementius urgent benedictionem chrismatis, id præstant, ne videantur arctare viam salutis, si necessitatem benedictionis aquæ vehementius urgerent, quamvis utriusque eadem sit necessitas.

Respondent alii, majorem esse benedictionis necessitatem in materia Confirmationis, quia benedictione opus est, ut oleum ad Confirmationis materiam determinetur. Verum queri potest, quæ sit hujus determinationis necessitas in hoc sacramento magis, quam in baptismo & aliis, præfertim cum, & intentione ministri, & applicatione ad usum sacramenti, & ipsa formæ prolatione satis videatur materia determinata.

Respondent alii majorem hujus benedictionis necessitatem repetendam esse ex eo, quod Christus contactu mundissimæ carnis suæ sanctificaverit, & materiam eucharistiæ, quando panem in corpus suum, & vinum in sanguinem suum transmutavit, & materiam baptismi, quando in Jordane lotus est; „Nunquam enim, inquit Chrysostomus (ita citatur a Gratiano de consecr. dist. 4. cap. nunquam, & a S. Thoma 3. par. quest. 72. art. 3. in corp. sed male, hic enim textus est Chromatii Episcopi Aquileiensis, qui floruit seculo IV. in tractatu ad hæc Matthæi verba: *Ego a te debeo baptizari*) aquæ baptismi purgare peccata credentium potuissent, nisi tactu dominici corporis sanctificatæ fuissent. Et propter hoc (subjicit S. Thomas) non est de necessitate horum sacramentorum, quod materia prius benedicatur, quia sufficit benedictio Christi.“ At vero Christus materiam Confirmationis & extremæ unctionis contactu suo non sanctificavit, quia „unctionibus visibilibus non est usus, ne fieret injuria invisibili unctioni, qua est unctus præ participibus suis. Et ideo tam chrisma, quam oleum sanctum infirmorum prius benedicantur necesse est, quam adhibeantur ad usum sacramenti.“ Ita sere S. Thomas, cujus doctrinam Durandus refellit in 4. dist. 7. quest. 2. num. 7. 1. Quia si Christus illarum rerum usu sanctificavit in posterum omnem aquam, & panem, & vinum: igitur in Christi injuriam postmodum accedit iisdem rebus benedictio sacerdotis. 2. Sicut Christus legitur aqua lotus a Joanne; ita legitur & oleo unctus semel & iterum a muliere *Luce 7. & Joan. 12.* & tertio a Nicodemo *Joan. 19.*

Ne.

Neque obstat, inquit Durandus, " Si dicatur, quod Christus unctio-
 nibus illis usus non est per modum sacramenti, vel rei sacramentalis,
 " sicut fuit usus pane, & vino consecratis, & aqua baptismi Joannis. "
 Quia & baptismus Joannis, quo Christus locus est, neque sacramentum,
 neque sacramenti cæremonia fuit, nisi generali quadam sacramenti ratio-
 ne, quomodo, & unctioes illæ mysterio suo non caruerunt. Deinde
 " Christus a sacramentis, vel sacramentalibus nihil virtutis accepit: &
 " aliquam dedit virtutem suo tactu, dedit omnibus, quæ tetigit, & quæ
 " in usum sacramentorum debebant venire.

Respondet igitur Durandus *ibidem* nu. 8. benedictionem in chrismate,
 non: autem in aqua prærequiri; quia " in sacramentis, quæ consistunt in
 " usu materia debet congruere ministro, & minister materiæ. In quo-
 " cumque igitur sacramento minister est determinatus aliqua ordinatio-
 " ne, materia determinata est aliqua benedictione: & ubi unum non est
 " nec alterum: sicut patet in baptismo, cujus minister non est determina-
 " tus certa ordinatione, potest enim quilibet baptizare; unde nec mate-
 " ria indiget aliqua benedictione. At in sacramento Confirmationis mi-
 " nister determinatus est certa ordinatione, scilicet episcopali; & ideo
 " necessarium est materiam esse determinatam certa benedictione. Qua-
 " re de chrismate non benedicto nullus posset confirmari. " Verum &
 hæc ratio Durandi a Dominico Soto rejicitur. Sacramentum enim Eu-
 charistiæ licet ministrum habeat certa ordinatione determinatum, vide-
 licet sacerdotem, non tamen requirit materiam prius benedictam. Ne-
 que dicas Durandi rationem restringi ad ea duntaxat sacramenta, quæ
 in usu consistunt. Nulla enim ratio est cur hæc regula (ratio determi-
 nandæ materiæ petenda est a determinatione ministri) locum habeat in
 sacramentis, quæ in usu consistunt non autem in Eucharistia. Deinde
 sacramentum ordinationis in usu consistit; sed illud habet ministrum de-
 terminatum, videlicet episcopum, licet materiam non requirat prius be-
 nedictam; nec enim benedicatur manuum impositio, vel liber evangelio-
 rum cujus porrectione diaconus ordinatur.

Si quis igitur primam opinionem, quæ communior est, amplecti ve-
 lit, respondeat in rebus sacramentorum totam rationem petendam ex vo-
 luntate instituentis, qui non aliam voluit esse materiam Confirmationis,
 quam quæ ab episcopo benedicta esset: quam tamen benedictionem in
 materia baptismi non prærequirit, propter summam hujus sacramenti
 necessitatem.

§. 20. De variis usibus chrismatis benedicti.

Pontifex, inquit Dionysius *lib. de hierarch. Ecclesiast. cap. 4.* “ Ad omnem rei sacræ consecrationem divino utitur unguento. “ Chrisma igitur ab episcopo consecratum non Confirmationi solum inservit, sed & aliis usibus, videlicet unctioni verticali, qua baptizatus in vertice ungitur; & aquæ baptismalis benedictioni: “ In baptisterio enim expiatorium, inquit Dionysius *ibid.* unguentum, asper- sionibus in crucis formam expressis, pontifex infundit (ut nobis spiritaliter exhibeat ipsummet unguentum spiritale; videlicet) Jesum ad mortem usque in cruce pro divina nostra regeneratione demersum. “ Siquidem hoc lavacrum Christi mortem, & hoc unguentum Christum ipsum significat. Christus enim ex Dionysio est unguentum spirituale, cum & ipse, ut homo consecratus fuerit a Spiritu sancto: & ita consecratus cætera consecret, seu sanctificet. 3. Chrisma quoque inservit ordinationi episcoporum. Pontifex enim, electi coram se genuflexi, primum quidem caput, deinde ambas manus simul junctas sacro chrismate inungit: “ Per caput autem, inquit Innocentius III. *de sacra unctione cap.* Cum venisset, mens intelligitur juxta illud, *unge caput tuum*, Matth. cap. 6. per manus vero opera intelliguntur, juxta illud: *Manus mee distillaverunt myrrham*, Cantic. 1. Manus igitur unguuntur oleo pietatis, ut Episcopus operetur bonum ad omnes, maxime autem ad domesticos fidei. Caput autem ungitur balsamo charitatis, ut Episcopus diligat Deum ex toto corde & ex tota anima & ex tota mente sua, & proximum sicut seipsum propter auctoritatem, & dignitatem, & manus propter ministerium, & officium. Caput enim ungitur ut ostendatur illos (episcopos) representare personam Christi (qui caput est ecclesiæ:) Manus inunguntur, ut ostendatur accipere potestatem benedicendi & consecrandi. Unde cum eas consecrator inungit: Consecrare, inquit, digneris Domine manus istas &c. ut quæcumque consecraverint, consecrentur, & quæcumque benedixerint, benedicantur, &c. “ 4. Chrisma inservit templorum consecrationi, eo enim “ pontifex, in modum crucis signat ostium ecclesiæ exterius, & singulas ungit duodecim cruces in parietibus ecclesiæ depictas. “ Qua de re videlicet Bernardum. Qui enim ecclesiam ingrediuntur, & ecclesiæ corpori adunantur, “ Nec sine cruce sequi Christum possunt; nec sine unctione crucis asperitatem ferre quis posset. “ *Sermone 1. de Dedicatione Ecclesiæ.* 5. Chrisma inservit altarium consecrationi; quia pontifex cum eo format signum crucis super ipsam altaris tabulam, deinde in medio ejus, cum in quatuor angulis, postea in ejus fronte, ac tandem “ de illo fundit & spargit super altare, “ ut effusa Spiritus sancti plenitudo in Christum, qua Christus, qui nostrum est

est altare, consecratus est, designetur. "Jesus enim, inquit Dionysius *lib. de hierarch. eccles. cap. 4.* sub finem, qui est altare nostrum, divina est divinarum mentium consecratio, in quo, secundum scripturam, sanctificati & mystice in morem holocausti concremati, accessum obtinemus apud Patrem. "6. Inservit consecrationi paternæ, quam pontifex sacro chrismate "Ab ora in oram tingit." "7. Inservit calicis consecrationi, quem eodem chrismate tingit "a labio ejus, in labium "8. Benedictioni campanæ super quam de oleo sancto infirmorum septem cruces exterius facit, & deintus cum chrismate quatuor, pari distantia.

Agendum superesset de antiquis & recentioribus Græcis & Latinis ritibus consecrationis unguenti sacri. Verum de his commodius *infra*, ubi de cæremoniis.

QUÆSTIO TERTIA.

De forma sacramenti Confirmationis.

ARTICULUS PRIMUS.

De erroribus circa formam hujus sacramenti.

Forma Confirmationis alia Latinis est, alia Græcis. Latinorum formam irrident Lutherani, & Calvinistæ: Græcorum formam evertunt Græci quidam schismatici, qui pro forma assignant preces, quibus chrisma consecratur. Ex Lutheranis igitur Kemnitius in 2. *parte examinis concil. Trident.* docet formam illam: "Signo te signo crucis & confirmo te chrismate salutis, in nomine Patris, & Filii, & Spiritus sancti, amen: "1. In Scripturis nullum habere fundamentum. 2. Nec a Christo, nec ab Apostolis usurpatam fuisse. 3. Nec in vetustis quidem scriptoribus aut canonibus expressam. 4. Videri a posteris fabricatam ex his Ambrosii verbis in libro *de iis qui initiantur cap. 7.* "Serve quod accepisti; signavit te Deus Pater, confirmavit te Christus Dominus. "5. Inde fieri, ut hæc forma non eadem, sed diversa sit in ipsis pontificalibus.

Calvinus de hac forma ita loquitur, *lib. 4. instit. cap. 19. §. 5.* "Peragitur hæc Confirmatio hac verborum formula: Consigno te signo crucis &c. pulchre hæc omnia, & venuste; sed ubi Dei verbum, quod Spiritus sancti præsentiam hic promittat? Ne iota quidem ostendere possunt. Unde ergo nos certiores facient chrisma suum vas esse Spiritus sancti? Videmus oleum, crassum scilicet, & pinguem

„guem liquorem, præterea nihil. Accedat, inquit Sanctus Augustinus, verbum ad elementum, & fiet sacramentum: hoc (inquam) verbum proferant, si quidquam nos intueri in oleo volunt aliud, quam oleum?

Idem sentit Dallæus *lib. 1. de Confirm. cap. 2.* “Forma vero ipsa Confirmationis in his verbis sita, Consigno te signo crucis &c. ab evangelii majestate, gravitate, atque genio, non minus distat, quam a cœlo terra abest. Nihil in omnibus Dei litteris extat verbis istis conceptis simile.

„Antonius de Dominis *lib. 5. de republ. eccl. cap. 5. num. 41.* docet, Ex scriptura sacra nihil haberi sive certum & definitum, quibus verbis sit utendum, vel usi sint apostoli in danda Confirmatione: sive incertum & indefinitum, puta orandum esse, vel benedicendum, &c. Et paulo ante asserit, orationem non posse esse formam sacramenti, quia oratio impetrat gratiam ex opere, quod aiunt, operantis. At formæ sacramentorum eam conferunt ex opere operato.

Lutherani & Calvinistæ, ut apparet, quasi omnino certum supponunt, formam hujus sacramenti apud catholicos in iis duntaxat verbis sitam esse, quibus pontifex in chrismatione frontis utitur, si quidem de aliis verbis, quibus pontifex orat, cum manus imponit, omnino silent: qua in re decipiuntur. Tres enim referuntur Theologorum opiniones circa formam Confirmationis, de quibus *infra*.

Cæterum hanc formam, quæcumque illa sit, habere fundamentum in scripturis sacris, & annexam habere promissionem gratiæ, ostendimus, *supra*. Hanc quoque formam, licet deprecatoriam, nihilo minus agere posse ex opere operato, & legitimam esse verborum formam, quibus Spiritus sanctus invocetur probavimus, *supra*, pag. 160. & 162.

A R T I C U L U S II.

Quid fides catholica doceat de forma hujus sacramenti.

Concilium Tridentinum definit quidem Confirmationem esse sacramentum, de forma vero, & materia nihil præscribit, neque in aliquibus, quod sciam, conciliis œcumenicis, aut decretis Romanorum pontificum hujus sacramenti forma præscribitur, præter quam in decreto pro instructione Armenorum in quo sic legitur: “Secundum sacramentum est Confirmatio cujus materia est chrisma, &c. Forma autem est: Signo te signo crucis, & confirmo te chrismate salutis, in nomine Patris & Filii & Spiritus sancti. “ Unde theologo vulgo concludunt hanc verborum formulam Confirmationi essentiali esse: eorumque nonnulli tradunt 1. esse de fide illam non modo

Witasse de Confirmatione.

Aa

essen-

essentialiam, sed & sufficientem esse. 2. Illam a Christo institutam & ab apostolis observatam fuisse: ita Scotus in 4. dist. 7. art. 1. Hadrianus VIII. tract. de Confirm. art. 2. Dominicus Soto, in 4. dist. 7. qu. unica, art. 4. Franciscus Petigianis, in 4. dist. 7. quest. 1. art. 7. in fine; Antonius Hiquæus in 4. distinct. 7. quest. 1. num. 66. Gregorius a Valentia tomo 4. disput. 5. quest. 1. puncto 1. Petrus Aurelius in *orthodoxo adversus antirrbeticum* 2. Sirmondi.

Verum adversus illam doctrinam reclamant theologi, qui materiam Confirmationis in sola manuum impositione constituunt; nec enim præfata formula manuum impositioni, sed unctioni soli responderet. Reclamant etiam Jacobus Cardinalis a Vitriaco, Alexander, S. Bonaventura, Cardinalis Aureolus, Joannes de Bacon, Cardinalis Contarenus, Conradus Clingius, & alii, qui docent chrismam, adeoque & formam illi correspondentem, nec a Christo, nec ab apostolis, sed ab ecclesia institutam fuisse. 3. Reclamant quicumque theologi pro materia Confirmationis assignant, & manuum impositionem ab unctione distinctam, & ipsam unctionem. 4. Græci reclamant, qui nec formam cum præfata eandem, neque similem unquam adhibuerunt; sed præ cæteris reclamationibus Sirmundus in *antirrbetico secundo*, ubi contendit præfatum, & Confirmationi accidentalem, & antiquis incognitam fuisse.

Quod autem pertinet ad decretum pro instructione Armenorum, eadem omnino responsiones pro forma chrismatis unctioni correspondente adhiberi debent, quæ pro ipsa chrismatis unctione adhibitæ fuerunt *supra* pag. 240. & seq. & 309. & seq.

Id unum velim observes decretum illud, quod theologi vulgo laudant nomine Concilii Florentini, editum fuisse Florentiæ post dissolutam synodum pro unionem Latinorum, & Græcorum celebratam. Armenii siquidem Florentiam non pervenerunt, nisi post finitum totum negotium sanctæ unionis, & post subscriptam synodum: neque decretum illud sancitum est, nisi post Græcorum discessum, anno videlicet 1439. decimo Kalendas Decembris. Quare dum illud sub finem asseritur; "Datum Florentiæ in publica sessione synodali solemniter in ecclesia majori celebrata: id intelligi debet de occidentalibus episcopis, qui Florentiæ, Eugenio præside, congregati tribus fere annis remanserunt, donec Basileenses, quos Romanus pontifex metuebat, cœtui suo finem imposuissent.

Licet autem dubium omnino sit, utrum præfata formula a Christo instituta & ab Apostolis observata fuerit, non est tamen dubitandum, inquit Estius, quin hujus sacramenti, sicut & aliorum, forma ab Apostolis ex Christi institutione tradita sit ecclesiæ, quantum ad ea verba, sine quibus sacramentum non perficitur. Quæ autem sint illa verba, non est usque adeo clarum propter varietatem, quæ in ea apud scriptores reperitur.

ARTICULUS III.

De controversiis theologorum circa formam Confirmationis.

CONtroversie theologorum circa formam Confirmationis, alie formam Latinorum, alie formam Græcorum respiciunt.

SECTIO PRIMA.

De controversiis circa formam Latinorum.

CUM ex theologis nonnulli existiment materiam Confirmationis esse solam manuum impositionem, alii solam chrismatis unctionem, & alii utramque simul; hinc fit, ut dubium sit, quæ verba formæ rationem habeant: utrum illa, quibus pontifex orat, cum manus imponit: an alia quæ profert, dum baptizari frontem inungit: an utraque simul. Qui materiam Confirmationis volunt esse solam manuum impositionem, pro forma assignant verba deprecatoria, quibus pontifex Spiritum sanctum invocatur, dum manus imponit; vulgatam autem formam, *Signo te* &c. ajunt Confirmationi accidentalem esse. Qui vero materiam volunt esse solam chrismationem, priorem formam ajunt accidentalem esse, posteriorem autem, *Signo te* &c. & essentialem & sufficientem esse. Sed qui materiam & in manuum impositione & in chrismatis unctione simul constituunt, diversi sunt. Qui enim manuum impositionem ab unctione non dividunt docent vulgatam formam, *Signo te* &c. & essentialem & sufficientem esse. Qui vero manuum impositionem ab unctione, secernunt, communiter tradunt duplicem formam pro duplici materia assignandam esse, videlicet verba, quibus pontifex orat, cum manus imponit, & verba, quæ profert dum ungit. Eorum tamen nonnulli unicam formam essentialem assignant, ea scilicet verba, quibus pontifex orat, cum manus imponit: quam formam & manuum impositioni & chrismationi correspondere existimant: aliam vero, *Signo te* &c. accidentalem ajunt esse, meramque cæremoniam. Ita sentire mihi videtur Joannes Morinus.

Vulgatam igitur formam, *Signo te signo crucis, confirmo te chrismate salutis, in nomine Patris & Filii & Spiritus sancti, Amen.* alii accidentalem esse docent, alii essentialem sed partialem, alii essentialem & adæquatam esse.

Vix etiam inter se conveniunt, qui præfatam formam, essentialem esse defendunt. S. Thomas, Scotus, Dominicus Soto, Suarez, & alii communiter putant illam integram Confirmationi essentialem esse. Hinc Suarez, *disp. 33. sect. 5.* negat hanc formam esse validam: *Consigno, & confirmo te chrismate salutis*; quia oportet exprimere signum crucis.

Item si omittatur verbum *confirmo*, quia non esset sufficiens forma. Item si verbum *confirmo* mutetur in verbum *augo*, quia non significaret effectum sacramenti. Item si omittantur verba, quæ sequuntur, *chrismate salutis*, quia requiruntur ad expressionem materiæ remotæ. Sentit igitur hanc formam totidem terminis essentiali esse: alii vero eam ita insinuant, ut vix aliquid essentiali superfit. Bellarminus verba quælibet ait essentialia esse præter hæc, *chrismate salutis*; quia in ordine Romano legitur: *Signa eos, Domine, signo crucis*. Ac deinde *ego te confirmo in nomine Patris &c.* Estius negat priora verba, *signo crucis*, & ea quæ sequuntur, *chrismate salutis*, ad essentialiam pertinere: "Sicut enim, inquit, sufficit hæc baptismi forma: *Baptizo te, in nomine Patris & Filii &c.* ita non immerito videri potest & hæc Confirmationi sufficere, *consigno te* vel *confirmo te in nomine &c.*" Idem sentiunt, qui crucis figuram ad materiæ essentialiam nihil pertinere opinantur. Hiquæus autem in 4. disp. 7. quæst. 1. num. 67. quamvis existimet crucis figuram necessariam esse necessitate sacramenti, negat tamen ejus expressionem in forma absolute requiri, quia in ordine Romano legitur, *Confirmo te in nomine Patris &c.* *

Disceptatur etiam de postremis verbis. *In nomine Patris &c.* alii enim expliciunt, alii impliciunt; quia nullam trinitatis invocationem requirunt. Quam postremam opinionem Estius probabilem putat. "Quæritur, inquit, an postrema verba, quæ trinitatis expressam nomenclaturam continent, sint de essentiali: quamvis enim sine iis baptismum non perficiatur, absolutio tamen, & alia sacramenta abque iis consistunt, ut habet recepta multorum sententia, propterea quod solum baptismum sit sacramentum professionis fidei... Hoc discriminis statuunt inter baptismum & alia sacramenta, quod in baptismo operatur invocatio Trinitatis, non autem aliqua per consecrationem accepta potestas ministri, sicut in aliis quæ necessario certum ac determinatum requirunt ministrum, in quibus proinde Trinitatis invocationem negant esse necessariam, uti in baptismo; sed satis esse putant ad hoc, ut ratum sit sacramentum, si illius potestatis actus circa fuscipientem exprimitur: quæ quidem sententia non est improbabilis, tamen altera sit magis tuta. "Igitur, Estius teste, recepta hæc est multorum sententia, satis esse, ut rata sit Confirmatio, si actus potestatis ministri circa fuscipientem exprimitur, hoc est, si dicatur, *ego te confirmo*. Amicus tamen societatis Jesu theologus, qui scripsit anno 1640. ne particulam quidem *te* requirit disp. 13. sect. 3. num. 79. sed illud discrimen inter baptismum & Confirmationem statuit, quod in illo, non in isto sacramento persona fuscipientis exprimi debeat; quia baptismus, non autem Confirmatio fuscipientem emundat a peccato. Sentit igitur & priora verba, *signo te signo crucis*: & quæ sequuntur, *te chrismate salutis*: & ea quibus forma terminatur: *In nomine Patris &c.* nihil ad vulgaræ formæ Latinorum essentialiam atinere; quia desunt in for-

ia formula Græcorum *signaculum donationis Spiritus sancti* : quæ tamen ad Confirmationis validitatem sufficit. Denique Richardus Rodulphus, archiepiscopus Armachanus, totam hujusce formulæ essentiam in postremis dumtaxat verbis sitam esse volebat, *In nomine Patris & Filii & Spiritus sancti*. “ De forma, inquit Petrus David, cardinalis ab Ostia-
 „ co, in 4. dist. 7. quest. 4. art. 1. fol. 146. tenet dominus Armachanus
 „ lib. 9. de questionibus Armenorum, cap. 12. quod probabile est unam ef-
 „ se formam baptismi, & omnium aliorum sacramentorum, scilicet
 „ Confirmationis, ordinis, pœnitentiæ, & extremæ unctionis, quam-
 „ vis multas & diversas orationes ecclesia in ipsorum collatione exer-
 „ ceat : nam ipse tenet lib. 8. cap. 9. quod ista verba, vel eorum sen-
 „ sus (*In nomine Patris & Filii & Spiritus sancti*) sint forma baptis-
 „ mi, quamvis exigantur alia verba : & ita consequenter dicit de
 „ prædictis sacramentis. Sed quia hoc communiter non tenetur, non
 „ assero, licet iste bene loquatur consequenter ad scripturam sacram.

§. 1. *Quæ & qualis apud Latinos esset forma Confirmationis
 novem primis ecclesiæ seculis.*

CERTUM est in utraque ecclesia Græca & Latina formulam quam-
 dam inter confirmandum adhibitam fuisse : quæ vero, qualisve fuerit, dicere difficile est. Quia primis ecclesiæ seculi sancti Patres sa-
 „ cramentorum formulas nec divulgabant, nec scriptis mandabant. “ In-
 „ vocationes perfectivas, inquit Dionysius lib. de eccles. hierar. cap. 7.
 „ 3. parte §. 10. (id est, verba quibus sacramenta perficiuntur) nefas
 „ est scripto interpretari & arcanum sensum, virtutesque, quas Deus
 „ in iis operatur & secreto in publicum efferre, sed ut nostra sacro-
 „ sancta traditio docet, eas secretioribus ex instructionibus hauries. “ Et
 „ Innocentius I. in epistola ad Decentium cap. 3. ait, religionis prodito-
 „ rem esse qui Confirmationis formulam scriptis mandaverit, “ Verba
 „ vero, inquit, dicere non possum ; ne magis prodere videar, quam
 „ ad consultationem respondere. “ Et cap. 8. de sacramento extreme
 „ unctionis, “ Reliqua vero, quæ scribi fas non erat, cum adfueris,
 „ interrogati poterimus edicere. “ Apostolicæ tamen constitutiones quæ
 „ quarto quidem seculo editæ sunt, lib. 7. cap. 45. hanc formulam refe-
 „ runt ; “ Postquam vero baptizaverit, in nomine Patris &c. ungat un-
 „ guento chrismatis dicens : Domine Deus ingenite, cui nullus est
 „ Dominus convivificatus ipsi. “ Verum illæ statim insinuant hanc
 „ formam non ita determinatam esse, quin aliæ ab aliis substitui possint.
 „ Subjiciunt enim : *Hæc atque alia his consentanea dicat*. Adde illas con-
 „ stitutiones sæpe sæpius interpolatas fuisse. Ambrosius etiam lib. 2. de sa-
 „ cramentis cap. 7. aliam formulam refert. “ Venisti ad sacerdotem, quid
 „ tibi dixit ? Deus Pater omnipotens, qui te regeneravit ex aqua &
 „ Spiritu sancto, concessitque tibi peccata tua, ipse te ungat in vi-
 „ Wuisse de Confirmatione. A a 3 „ tam

„tam æternam : “ quam quidem formam Ambrosii ætate confirmatoriam fuisse docet Sirmondus in *antirrhético* 2. pag. 64. Verum hæc verba fuisse sacerdotis in vertice argumentis probavimus *supra* pag. 304. & 305.

Id unum constat formam, quæ primis ecclesiæ seculis in ecclesia Latina adhibebatur, fuisse deprecatoriam. Quod apparet

1. Ex actis cap. 8. *Oraverunt pro ipsis ut acciperent Spiritum sanctum &c. tunc imponebant manus super illos & accipiebant Spiritum sanctum*. Ubi manus impositio rationem habet materię, oratio vero formę, videlicet deprecatorię, quemadmodum S. Thomas ex his verbis Jacobi 5. *Orent super eum &c. & oratio fidei salvabit infirmum* ; concludit formam extremę unctionis deprecatoriam esse.

2. Ex Tertulliano *lib. de baptismo*, Dehinc manus imponitur, per „ benedictionem advocans & invitans Spiritum sanctum. “ Atqui benedictio qua invocatur Spiritus sanctus, est oratio.

3. Ex Cypriano, *epist. 73. ad Iubajanum* : “ Qui in ecclesia baptizantur, inquit, præpositis ecclesię offerantur, & per nostram orationem ac manuum impositionem Spiritum sanctum consequantur. “ Consecutio Spiritus sancti orationi tanquam formę, & manuum impositioni tanquam materię tribuitur.

4. Ex Ambrosio *lib. 3. de sacramentis cap. 2.* postquam disseruit de baptismo, & unctione, quæ in eo fit. “ Sequitur, inquit, spiritale signaculum quod audistis hodie legi, quia post fontem superest ut perfectio fiat, quando ad invocationem sacerdotis Spiritus sanctus infunditur Spiritus sapientię & intellectus, Spiritus consilii atque virtutis, Spiritus cognitionis atque pietatis, Spiritus sancti timoris. Istę sunt septem virtutes quibus consignaris. “ Deinde adducto Pauli textu 1. *ad Corintb. 12.* multiformem esse Dei sapientiam, transit ad communionem, ex more illius temporis, quo actione continuata baptismus, Confirmatio, & eucharistia baptizandis conferebantur. Apparet igitur Ambrosium orationi, qua septiformis Spiritus sancti gratia invocatur, sacramentalem virtutem tribuisse, & nihil præter eam agnovisse.

5. Ex Siricio papa *epist. 1. ad Himerium, cap. 1.* “ Arianos cum „ Novatianis, aliisque hæreticis, sicut est in synodo constitutum, per „ invocationem solam septiformis Spiritus, episcopalis manus impositione, catholicorum conventui sociamus, quod etiam totus oriens „ occidentisque custodit. “ Ætate igitur Siricii totus oriens & occidentis nullam aliam verborum formulam præter invocationem solam septiformis Spiritus in Confirmatione adhibebat.

6. Ex Hieronymo, in *dialogo advers. Lucifer. cap. 4.* “ An nescis ecclesiarum hunc esse morem, ut baptizatis postea manus imponantur, „ & ita invocetur Spiritus sanctus ? Exigis ubi scriptum sit ? in actibus apostolorum. “ Quod orthodoxus verum esse concedit : “ Non „ qui-

quidem abnue hanc esse ecclesiarum consuetudinem, ut ad eos qui longe in minoribus urbibus per presbyteros & diaconos baptizati sunt, episcopus ad invocationem Spiritus sancti manum imposturus excurrat.

7. Ex Augustino *lib. 15. de Trinitate cap. 26.* "Quomodo Deus non est qui dat Spiritum sanctum? imo quatenus Deus est qui dat Deum? Neque enim aliquis discipulorum ejus dedit Spiritum sanctum. Orabant quippe ut veniret in eos quibus manum imponebant. Quem morem in suis praepositis etiam nunc servat ecclesia. Denique & Simon magus offerens apostolis pecuniam, non ait, Date mihi hanc potestatem ut dem Spiritum sanctum: sed cuicumque, inquit, impo-
 10 posuero manus accipiat Spiritum sanctum. Quia neque scriptura superius dixerat, Videns autem Simon quod apostoli darent Spiritum sanctum, sed dixerat, Videns autem Simon quod per impositionem
 15 manuum apostolorum daretur Spiritus sanctus. "Et paucis interje-
 20 ctis ita colligit. Nos autem accipere quidem hoc donum possumus pro modulo nostro, effundere autem super alios non utique possumus, sed ut hoc fiat Deum invocamus.

8. Ex Leone magno, *epist. 79. cap. 7.* Qui baptismum ab haereticis acceperunt, sola invocatione Spiritus sancti per impositionem manuum confirmandi sunt. "Et *epist. 92. cap. 18.* "De haereticis, qui ex Africa vel Mauritania venerunt, baptizandi non sunt; sed per manus
 10 impositionem, invocata virtute Spiritus sancti, quam ab haereticis accipere non potuerunt, catholicis copulandi sunt.

9. Ex Isidoro Hispalensi, *lib. 2. de officiis cap. 26.* "Spiritum sanctum accipere possumus; dare autem non possumus; sed ut detur, Deum invocamus.

Hæc quidem testimonia formulam Confirmationis deprecatoriam fuisse indicant; sed verba, quibus concepta esset, quinque primis Ecclesiae seculis non referunt. Gregorius Magnus omnium primus in suo sacramentario verba retulit, quibus hoc sacramentum ætate sua conferretur. Descripta enim verticis unctione ejusque formula, sic ille prosequitur. "Pontifex vero veniens ad infantes &c. ut *supra, pag. 169. & 170.*

Ejusdem Gregorii sacramentarium Romæ, inter sancti illius opera editum nihil prorsus habet præter descriptam orationem: ita nec aliud a Pamelio editum; nec illud antiquissimum Corbejensis bibliothecæ a Menardo luce donatum; nec aliud ejus idem Menardus mentionem facit: nec alterum Turonense antiquissimum sacramentarium Romanum, quod ab initio mutilatum est, licet bis in eo Confirmationis ritus enarretur: nec Pontificale vetus Rhemensis ecclesiae, quod in abbatia S. Theodoricæ extat, cujus in ritu baptismi, hæc verba sunt: "Vestitur infans vestimentis suis; si vero episcopus adest, statim confirmari eum oportet chrismate, & postea communicari; & si episcopus

„ copus deest, communicetur a presbytero dicente ita : *Corpus Domini nostri Jesu Christi custodiat te in vitam aeternam. Amen.* Oratio ad „ infantes designandos. *Omnipotens sempiterne Deus &c.* “ *ut supra* in sacramentario Gregorii. Denique Pontificale, quod putatur Anglicanum esse, quod ante seculum IX. descriptum est, & in ecclesia Rothomagensi asservatur, nihil in ritu Confirmationis habet præter istam benedictionem. “ *Benedicat vobis omnipotens Deus, qui cuncta ex nihilo creavit, & vobis in baptismo per Spiritum sanctum remissionem omnium peccatorum tribuit. Amen.* Qui eundem Spiritum in „ igneis linguis discipulis suis dedit, ipsius illustratione corda nostra perlustret, atque in sui amoris jugiter accendat. Amen. Quatenus „ ejus dono a cunctis vitiis emundati, ipsiusque opitulatione ab omnibus adversitatibus defensi, templum ipsius effici mereamur. Amen. “ Quod ipse præstare dignetur. Amen.

Ex his constat 1. Confirmationis formulam septem primis Ecclesiae seculis deprecatoriam fuisse. 2. Illam manuum impositioni conjunctam fuisse. 3. Illam correspondisse non solum impositioni manuum, sed & chrismatis unctioni, (recole formam Gregorianam) licet unctionem tantisper præceperet; ita tamen, ut hæc antecessio moralem præsentiam, quæ inter materiam & formam sacramentorum sufficit, non impediret. 4. In Gregoriano aliisque citatis Pontificalibus & sacramentariis præter hanc orationem seu formam jam deprecatoriam nihil haberi. Sex igitur vel etiam septem primis ecclesiae seculis nulla verborum formula in Confirmatione adhibebatur, præter orationem quæ proferebatur cum fieret manuum impositio.

Dices. Formula deprecatoria, quæ in apostolicis constitutionibus describitur soli chrismatis unctioni correspondet.

RESPONDEO 1. hic agi de Latinorum forma; de Græca vero *infra* sect. 2. 2. Has constitutiones sæpe sæpius interpolatas fuisse. 3. Formulam in illis relatam utrique correspondere: post verba enim *supra* relata, statim subjicitur. “ Hæc est enim vis appositionis manus in unoquoque qui baptizatur.

Præfata ritualia seculum VIII. præcefferint necesse est; quæ enim sequuntur, quæque seculo VII. posteriora sunt, duas orationes referunt; alteram, quæ proferebatur, cum fieret manus impositio, & unctionis proxime futura meminit: alteram, quæ brevis est, & proferebatur, cum fieret unctio. Ordo Romanus, qui seculo VIII. compositus est, “ Pontifex veniens ad infantes &c. “ *ut supra, pag. 272. & seq.* Idem etiam colligi potest ex omnium antiquissimo Pctaviano codice, ut videre est *supra, pag. 272. & seq.*

§. 2. De antiquitate hujusce formulæ, Signo te signo crucis &c. & quomodo inuenta fuerit.

BELLARMINUS, *lib. de Confirmat. cap. 10.* Estius in 4. d. 7. §. 10. alique passim dicunt Ambrosium ad præfatam formulam allussisse *lib. de initiandis cap. 7.* cum ait; "Signavit te Deus Pater, confirmavit te Christus Dominus, & dedit pignus Spiritus in corde tuo: " quasi vero Ambrosius alludere potuerit ad formulam trecentis & eo amplius annis seculo suo posteriorem: nullum enim procul dubio hujus formulæ vestigium extat primis septem ecclesiæ seculis. Deinde Ambrosius hisce verbis tres personas Trinitatis distinguit, & singulis proprios effectus tribuit; quarum rerum præfata formula ne meminit quidem. Præterea in verbis Ambrosii mentio fit largitionis Spiritus sancti, nulla vero in vulgari formula, licet hæc largitio effectus proprius sit Confirmationis. Denique Ambrosius ipse testatur alludere se, non ad formam quamdam seculo suo inauditam, sed ad Pauli lectionem, quæ mox facta fuerat. Subjicit enim: "Sicut apostolica lectione didicisti. " Pauli vero verba, quibus Ambrosius alludit, habentur 2. ad Corinth. c. 1. v. 21. & 22. *Qui autem confirmat nos, qui & signavit nos & dedit pignus Spiritus in cordibus nostris.*

Neque certiora sunt quæ Bellarminus *ibidem* asserit, hanc scilicet formulam haberi in ordine Romano. "Qui est antiquissimus liber, cum ab Alcuino & Amalario citetur, qui fuerunt ante annos 800. (quique) in officio sabbati sancti describens ritum Confirmationis, dicit episcopum per modum orantis, hæc verba pronunciare: *Signa eos, Domine, signo crucis*, ac deinde cum tangit pollice frontem, dicere: *Ego te confirmo in nomine Patris & Filii & Spiritus sancti.* "Nec enim Amalarius scripsit ante annos octingentos, sed ante annum octingentesimum tricesimum: neque liber de divinis officiis, in quo citatur ordo Romanus, ad Alcuinum pertinet, vel ante annos 800. scriptus est: neque verba hæc, *Ego te confirmo* ætate Amalarii & auctoris libri de divinis officiis habebantur in ordine Romano; qua de re §. præcedenti.

Origo hujus formæ repeti debet ex brevi oratione, quæ frontis unctioni in crucis modum sanctæ Græcorum instar adhiberi cœpit octavo seculo, quæque Amalario teste diversa erat pro diverso Pontificum placito. Alii enim dicebant, *Signum Christi in vitam æternam. Amen:* quæ oratio relationem habebat ad Græcorum formam; *Signaculum domini Spiritus sancti*: ut sacramentarium Petavianum, quod sacramentariorum omnium manuscriptorum antiquissimum existimatur. Alii, *In nomine Patris & Filii & Spiritus sancti. Amen. Pax tecum. Resp. Et cum Spiritu tuo:* ut ordo Romanus seculo VIII. Amalarius, & liber de divinis officiis seculo IX. Alii, *Signat te Deus sigillo fidei suæ, in consignat.*

sione fidei ; in nomine Patris. & Filii & Spiritus sancti. Amen. Pax tibi. Resp. Et cum spiritu tuo : ut antiquissimum sacramentarium Tolosanum, quod Morinus ordini Romano coetaneum putat : vel Signet te Deus sigilla fidei suae, in nomine Patris & Filii & Spiritus sancti, in consignatione fidei. Amen. Pax tibi : ut fidei confessio edicto seu donationi Constantini praefixa, quae integra extat in collectione Ildori Mercatoris, & cujus major pars refertur ab Hadriano I. in epistola ad Constantinum. & Irenem, anno 787. ut inde probet imagines in usu fuisse tempore Sylvestri I. Alii denique omnes illas fere orationes simul colligebant, dicentes, cum frontis unctio in modum crucis fieret, Signum Christi in vitam aeternam. Amen. Et neophytum ita unctum mox benedicendo, Confirmet te Pater, & Filius & Spiritus sanctus. Amen. Pax tecum. Et cum spiritu tuo. Ita refert caeremoniale recentius quidem, si character attendatur, sed ex aliquo longe antiquiori exscriptum, quod est in bibliotheca collegii Foxensis Tolosani. " Oratio ad infantes consignandos ab episcopo. Omnipotens sempiterna Deus, qui regenerare dignatus es &c. Postea signet eos episcopus in fronte de chrismate, his verbis, Signum Christi in vitam aeternam. Amen. Benedictio. Confirmet te Pater, & Filius, & Spiritus sanctus. Amen. Pax tecum. Et cum spiritu tuo.

A modo deprecativo, vel optativo, Signet te Deus &c. Confirmet te &c. transitus deinde factus est ad modum indicativum & absolutum, Signo te &c. Confirma te &c. Menardus duos antiquos manuscriptos refert, qui sic habent : Confirma te, & signo, in nomine Patris & Filii & Spiritus sancti. Amen. Pax tecum. Et cum spiritu tuo. Ecclesiae Rothomagensis codex, quem Morinus scriptum putat ad annum 1150. Configno te signo crucis, & confirmo chrismate salutis, in nomine Patris, & Filii, & Spiritus sancti. Amen. Pax tecum. Et cum spiritu tuo. Turonensis ecclesiae Pontificale recentius, vix ante annos 1250. scriptum, quo uti solebat archiepiscopus in Pontificalibus : Signo te signo crucis, & confirmo chrismate salutis, in nomine Patris, & Filii & Spiritus sancti, ut replearis eodem Spiritu sancto, & habeas vitam aeternam. Amen. Eandem omnino formam, iis denique plane verbis exhibet Pontificale aliud Tolosanum, eadem aetate, vel inferiore scriptum. In Foxensis collegii Tolosani bibliotheca est ritualis liber inscriptus, Ordo Romanae ecclesiae observari solitus tempore Innocentii Papae III. & aliorum Pontificum, cujus scriptio completa est anno 1365. " Oratione completa, faciat crucem in fronte singulorum cum pollice de chrismate, ita dicendo : Joannes, (vel quovis alio nomine) signo te signo crucis. Pax tecum. Resp. Et cum spiritu tuo. " Attende quae forma tempore Innocentii III. & aliorum Pontificum in Romana ecclesia observaretur. Sedit Innocentius III. ab anno 1198. ad annum 1216.

Magister sententiarum ait tantum, " Formam sacramenti Confirmatio-

tionis apertam esse, scilicet verba, quæ dicit episcopus, cum baptizatos in frontibus sacro signat chrismate. "Guillelmus Parisiensis in fine tractatus de Confirmatione, scribit, Pontificem dicere pingendo characterem, *Consigno te, & cruce confirmo te*. Guillelmus Altissiodorensis, ubi de Confirmatione; *Confirmo te signo crucis & chrismate salutis in nomine Patris, & Filii & Spiritus sancti*. Albertus Magus in 4. scribit quoddam uti hac forma, *Confirmo te signo crucis & confirmo te chrismate salutis in nomine &c.* Sed generaliotem esse, *Consigno te signo crucis & confirmo te chrismate salutis in nomine &c.* Alexander Halensis 4. par. qu. 9. membro 1. "Hujus sacramenti secundum consuetudines diversarum ecclesiarum, diversæ sunt formæ verborum. Habet enim, quædam ecclesiæ formam, *Confirmo te signo crucis & chrismate sanctificationis. In nomine Patris &c.* S. Thomas, *Consigno te signo crucis & confirmo te chrismate salutis, in nomine &c.* S. Bonaventura, *Signo te signo crucis, & confirmo te chrismate salutis, in nomine &c.* Idem habent cæteri theologi & rituales utroque doctore posteriores, si tamen Gerlonem excipias, qui sic legit: *Firmo te signo crucis & chrismate salutis, in nomine Patris &c.*

Viderint igitur Thomistæ & Scotistæ, quo fundamento doceant, hanc formulam, *Signo te signo crucis & confirmo te chrismate salutis, in nomine &c.* a Christo institutam, & ab apostolis usurpata fuisse. Viderit Hadrianus VI. qua ratione dixerit "Auctoritate ecclesiæ, quæ in iis, quæ sunt fidei, nec fallere potest, nec falli, & tradit dictam orationem pro forma, credens eam rite perficere sacramentum Confirmationis, certum esse hanc formam vivæ vocis vocabulo ab apostolis & eorum successoribus acceptam fuisse: sicut de forma consecrationis sanguinis dicitur. "Viderit Bellarminus, quo fundamento asseruerit, "Paulum 2. ad Corinth. 1. alludere ad formam hujus sacramenti, cum ait, *Qui nos confirmavit Deus, & signavit &c.*

§. 3. *Utrum hæc forma, Signo te &c. ad Confirmationis essentiam pertineat, vel etiam sufficiat.*

S. THOMAS, Scotus, Thomistæ, Scotistæ, Bellarminus, Petrus Aurelius, alique theologi, qui materiam Confirmationis in unctione sola, vel in unctione simul & impositione manuum ab unctione indivisa constituunt, affirmant illam non solum ad Confirmationis essentiam pertinere, sed & formam ejus adæquatam esse; quorum opinio his rationibus probari potest. 1. Quia Eugenii IV. decretum, hanc formam unam assignat. 2. Quia concilium Bituricense anno 1584. coactum, & anno 1585. a Sixto V. approbatum, titulo 20. de Confirmationis sacramento can. 3. "Nullam ait, in administratione hujus sacramenti formam debitam, & qua uti consuevit ecclesiæ, esse, *Consigno*

te signo &c. " 3. Quia rituales omnes hanc solam formulam indicant. 4. Quia S. Thomas, alique theologi qui floruerunt seculis 13. 14. 15. & 16. unanimi consensu docent hanc formulam essentialem & sufficientem esse. Quod autem integris quatuor seculis ab omnibus theologis unanimi consensu traditum est, ad fidem ecclesiæ pertinet. 5. Quia unctio Confirmationi essentialis est: igitur & forma unctiōi correspondens; nulla vero præter relatam correspondet unctiōi. Verum ad hæc responderi potest.

Ad primum quidem, formulam de qua Eugenius in suo decreto, accidentalem esse, qua de re *supra*.

Ad secundum responderi posset Patres Bituricenses in hoc secutos esse theologorum opinionem, quæ postremo seculo communior erat.

Ad tertium responderi posset, in Romano aliisque Pontificalibus non præfatam modo formulam referri, sed & antiquam, quæ in sacramentario Gregoriano, in ordine Romano, & in libro de divinis officiis legitur.

Ad quartum responderi posset, si hæc argumentandi ratio valeret, inde secutum iri, plures theologiæ opiniones esse de fide, quæ tamen in scholis hodie in utramque partem agitantur. Theologi, qui præfatam formam & essentialem & sufficientem esse docent, iidem affirmant illam a Christo institutam & ex traditione apostolica ad nos usque pervenisse; quod tamen falsum esse demonstravimus §. *precedenti*. Iidem etiam theologi negant manuum impositionem ab unctiōe divulsam Confirmationi essentialem esse; quod tamen asserunt hodie plures eruditi, de quibus *supra*, ubi de variis opinionibus circa materiam Confirmationis, pag. 246. & sequent. Theologi quoque, qui seculo 13. 14. 15. & 16. floruerunt, omnes præter Guillelmum Parisiensem & duos aut tres alios, negaverunt parochum esse ministrum matrimonii, qua sacramenti; quæ tamen opinio a multis hodie defenditur. Denique theologi qui ab initio seculi XIII. ad medium usque seculum XVI. floruerunt, omnes ad unum affirmarunt materias & formas ordinum in specie, necdum in genere, a Christo institutas fuisse; quod nostro seculo a cardinale Bellarmino, Arcudio, cardinale de Lugo, Præposito, Gammachzo, Francisco Amico, Francisco Hallerio, Joanne Morino, & aliis communiter negatur.

Posset etiam responderi, opinionem, quæ docet præfatam formulam Confirmationi essentialem & sufficientem esse, communiorem quidem fuisse seculis 13. 14. 15. & 16. non unanimi tamen consensu receptam. Aliud enim sentiebant quicumque theologi & canoniste dicebant manuum impositionem unctiōi præviam ad Confirmationis essentiam pertinere.

Ad quintum responderi posset, 1. dubium esse apud theologos, utrum christiatis unctio sit essentialis. 2. Aliam esse præter relatam formulam,

lam, quæ huic unctioni respondet, nimirum formam deprecatoriam, quæ profertur, cum fit manuum impositio. Illa siquidem & manuum impositioni & frontis unctioni correspondet, qua de re *supra* §. 1. pag. 373. & *seq.*

Alii igitur theologi, quorum sententiam amplecti videtur Sirmondus, existimant, hanc formulam *signo te signo* &c Confirmationi etiam nunc accidentalem esse. Eorum opinio his rationibus probari potest. 1. Quia hæc formula non est deprecatoria. Formam autem Confirmationis primis novem ecclesiæ seculis deprecatoriam fuisse demonstravimus *supra* §. 1. pag. 373. & *seq.* 2. Quia hæc formula unctioni quidem, non autem manuum impositioni respondet. Formula autem Confirmationis respondisse manuum impositioni apparet ex actis apostolorum, ex Tertulliano, Cypriano, Hieronymo & Augustino, *ibidem* citatis. 3. Quia ex rituali recentiori, quod in bibliotheca collegii Föxensis Tolosani asservatur, apparet hanc formulam in quibusdam ecclesiis non respondisse unctioni, sed ipsa posteriorem fuisse. 4. Quia in antiquis Pontificalibus, ubi de ritu administrandæ Confirmationis, ne verbum quidem legitur huiusce formæ *signo te* &c. ex dictis *ibidem*. Sed in Pontificalibus, ubi ritus sacramentorum describuntur, nemo dicit omitti eorum formas essentielles. 5. Quia forma Confirmationi essentialis, ab apostolis adhibita, & primis ecclesiæ seculis usurpata fuit. Atqui forma, *signo te* &c. primis ecclesiæ seculis incognita fuit, ex dictis *ibidem* §. 1. 6. Quia forma Confirmationi essentialis est invocatio Spiritus sancti, ex actibus apostolorum, & ex Tertulliano, Cypriano, Ambrosio, Hieronymo, & Isidoro, citatis §. 1. Forma vero *signo te* &c. nihil habet, quod sancti Spiritus invocationem sonet. 7. Quia utraque Latinorum & Græcorum forma Confirmationi essentialis, relationem, similitudinem, & identitatem quo ad substantiam habet. Idem enim est sacramentum in utraque ecclesia: sed forma *signo te signo* &c. nullam rationem & identitatem habet cum forma Græcorum, *signaculum donationis Spiritus sancti*: illa enim absoluta est, ista deprecatoria; illa, non ista, continet expressam invocationem Trinitatis; illa, non ista, fuscipientem sacramentum exprimit; illa, non ista, confirmationem designat; ista non illa, sonat donationem Spiritus sancti: tantaque inter utramque dissimilitudo est, ut ex iis theologis, qui priorem formam essentialem afferunt, nonnulli dubitaverint, utrum forma Græcorum valeat: sicuti merito quis in dubium revocaret baptisma, quod hisce verbis conferretur: *ablutio regenerationis Spiritus sancti*: contra, posito quod forma Confirmationis deprecatoria sit, forma utriusque ecclesiæ eadem erit quoad substantiam, scilicet, oratio, qua invitatur & advocatur Spiritus sanctus. 8. Eadem est ratio utriusque formæ Confirmationis & extremæ unctionis. Sicut enim forma extremæ unctionis pro fundamento habet hæc verba Jacobi c. 5. *Orent super eum* &c. & oratio fidei

salvabit infirmum : ita Confirmationis forma innuitur his verbis act. 8. *Oraverunt pro ipsis ut acciperent Spiritum sanctum* &c. quare sicut S. Thomas, S. Bonaventura ex Jacobi verbis concludunt formam extremæ unctionis, ita deprecatoriam esse, ut absoluta & indicativa esse non possit : ita formam Confirmationis deprecatoriam esse ex verbis actorum concludi debet. Verum si quis in ea sit opinione, quam Amicus disput. 13. de Confirmat. sect. 2. num. 27. & sect. 3. num. 79. probabilem existimat, & Estius in 4. d. 7. §. 7. amplectitur, materiam & formam hujus sacramenti immutatam fuisse, quia Christus utramque generice duntaxat instituit; quo fit ut manuum impositio & oratio illi correspondens, quæ primum essentialia erant, postea factæ fuerint accidentales : utrique vero veluti partes essentialia successerint unctio chrismatis & formula, *signo te* &c. facile respondebit argumentis propositis.

Ad primum igitur respondeo formam Confirmationis olim fuisse quidem deprecatoriam, sed illam ex essentiali evasisse accidentalem, eique successisse vulgatam formam *Signo te* &c. quemadmodum deprecatoriis formulis utriusque sacramenti ordinis & poenitentia successerunt indicativa, *Ego te absolvo* &c. *Accipe potestatem* &c.

Ad secundum respondeo formulam Confirmationi essentialem respondisse manuum impositioni, quandiu manus impositio fuit essentialis; sed ex quo facta est accidentalis, formula ipsi correspondens eandem sortem obtinuit.

Ad tertium respondeo inde sequi duntaxat hanc formulam initio accidentalem fuisse : eamque talem quibusdam in locis aliquandiu perseverasse.

Ad quartum respondeo inde sequi tantum formulam *Signo te* &c. olim non fuisse in usu; sed minime impedit, quominus essentialis hodie sit : sicut hæc forma, *Ego te absolvo* &c. modo essentialis est, quamvis nulla ejus mentio fiat in antiquis ritualibus.

Idem responderi debet ad V. argumentum : hæc si quidem formæ, *Ego te absolvo* &c. *Accipite potestatem* &c. etsi modo essentialia, antiquis tamen incognita fuerunt.

Ad sextum respondeo 1. Tertullianum & alios Patres, qui formam Confirmationis ajunt invocationem esse Spiritus sancti, loqui de formula deprecatoria, quæ tunc essentialis erat, & cui successit indicativa, *Signo te* &c. 2. Nihil impedire, quominus hæc formula, licet indicativa, invocatio & largitio sit Spiritus sancti. "Munus enim Confirmationis, inquit Aurelius in *orthodoxo* cap. 7. est in tradendo Spiritum sanctum. Igitur episcopus dum ait se confirmare hominem, ait se Spiritum sanctum ei largiri. Ac fortitudinem illam, quæ confirmandi verbo continetur, nemo aliam cogitat, nisi robur a Spiritu sancto, ejusque plenitudine immissum. Nam Confirmatione ideo

„ nos fortes effici credimus, quia Spiritum sanctum accipimus, ad roborandam baptismi gratiam : qua ex re ipsum Confirmationis nomen ductum est.

Ad Septimum respondeo argumentum retorqueri posse adversus utramque formam, quam Latini & Græci in utroque ordinis & pœnitentiæ sacramento adhibent; nec enim in eo Latini & Græci minus quam in Confirmatione differunt.

Ad Octavum respondeo inde sequi duntaxat formam utriusque sacramenti primitus deprecatoriam fuisse : id vero discriminis esse, quod forma deprecatoria extremæ unctionis in ecclesia perseveraverit; Confirmationis vero desierit, eique successerit indicativa. Nihil vero repugnat, quominus forma extremæ unctionis fiat indicativa. “ Si quæras, ” inquit Estius *in 4. dist. 23. §. 10.* utrum rata sit forma enuntiativa modo prolata, putant quidem S. Thomas & Bonaventura non esse ratam; sed tamen non apparet certa ratio qua id doceatur, cum nihil vetet ejusdem sacramenti formam nunc enuntiative, nunc deprecative vel optative recitari. Sic enim variari formam baptismatis apud Græcos & Latinos certum est. Quare probabiliter sentit Richardus ratam fore ejusmodi formam : cui pro magno argumento accedit, quod ecclesiæ quædam, ipso etiam S. Thoma attestante, jam olim enuntiativa forma usæ fuerint, dicentes, *Ungo oculos tuos oleo isto sancto* &c. quæ forma a plerisque Ambrosiana vocatur : quamquam sunt qui pro cautela putent utramque formam conjungendam esse, uti fit in nonnullis ecclesiis Quod autem quædam ecclesiæ addunt, *in nomine Patris & Filii & Spiritus sancti*, recte fit quidem, non tamen est necessarium.

Cæterum hæc Estii opinio mirum in modum conciliat diversa Patrum & conciliorum testimonia, “ Cum enim materia & forma hujus sacramenti, non fuerit a Christo determinata quoad speciem, sed tantum quoad genus sub ratione signi sensibilis, expressivi Spiritus sancti roboris, quod per hoc sacramentum datur; juxta hanc sententiam, potuit Ecclesia, in cujus potestate erat, hoc signum quoad speciem determinare pro uno tempore uti sola manuum impositione; pro alio cum manus impositione, chrismatis etiam inunctione; pro alio vero sola chrismatis unctione, uti utitur nunc, secundum quem modum optime consonant omnia, quæ Patres & concilia de hoc sacramento docent, cujus diversas pro diversis temporibus assignant materias. ” Ita Amicus, *disp. 13. sect. 2. num. 27.* Idem dici debet de forma, quæ diversa est in utraque ecclesia, & apud Latinos ex deprecatoria facta est absoluta.

S E C T I O II.

De controversiis circa formam Græcorum.

QUatuor aut quinque opiniones sunt de forma Confirmationis Græcorum, quarum prima illam constituit in verbis quibus chrisma consecratur: secunda in oratione, quæ unctionem immediate præcedit: tertia in utrisque orationibus: quarta in formula unctionem concomitante, *signaculum donationis Spiritus sancti*: quinta in aliis verbis, de quibus *infra*.

§. 1. *Exponitur & expenditur prima opinio.*

Prima igitur opinio est formam Confirmationi essentialem, in his verbis sitam esse, quibus chrisma consecratur: sicut eucharistiæ forma, in his verbis sita est, quibus eucharistia conficitur, quo fit ut Confirmatio sit sacramentum permanens, cujus consecratio pertinet ad episcopum, administratio vero presbytero committi potest, sicut eucharistia est sacramentum permanens, cujus consecratio ad presbyterum pertinet, sed administratio potest diacono committi. Ita sentit Gabriel Philadelphensis archiepiscopus, si fidem habeamus Arcudio *lib. 2. de Confirmat. cap. 6.* "Gabriel, inquit, Philadelphiz in suo tractatu de sacramentis quærens, quænam sit forma sacramenti Confirmationis, docet esse verba, quæ dicuntur a Pontifice super unguentum, quando illud consecrat: τὸ εἶδος τῆ μύρου ἐστὶν ἢ τῶ ῥημάτων δυνάμεις τῆ ἀρχιεπισκοπῆς ἐπὶ αὐτὸ λεγόμενῃ, καὶ εἰδοποιῶσα αὐτὸ. Forma unguenti sunt verba Pontificis, quæ dicuntur super unguentum & quæ vim habent illud informandi." Verum hæc versio non est accurata, sic enim Latine reddi debet. "Forma unguenti est virtus verborum, quæ Pontifex super ipsum protulit, & quæ vim habent ipsum informandi: "qui sensus a priori diversus est: nonnulli enim Græci putant. verbis consecrationis unguento communicari virtutem sanctificandi, quæ quidem virtus est velut forma unguento inhærens, per quam unguentum vim habet sanctificandi, & baptizatos, qui eo indunguntur, reipso sanctificat. Eandem Nicolao Cabasilæ opinionem tribuit Arcudius. Verum Cabasilas ad auctores tertiæ opinionis, de qua *infra*, revocari debet.

Hæc opinio nititur auctoritate Dionysii, qui in ipso capitis 4. *de eccles. hierarch.* hanc unguenti consecrationem vocat *mysterium* seu *sacramentum*, eamque ait *coordinatam* esse consecrationi eucharistiæ, id est,

est, ejusdem ordinis esse. " Verumtamen, inquit, est & alia huic coordinata consecratio, quam unguenti mysterium præceptores nostri appellant. " Ita vertit Corderius. Nititur etiam auctoritate Cyrilli Hierosolymitani, *cap. 13. mystag.* " Sicut panis Eucharistiæ post invocationem Spiritus sancti non est amplius panis simplex, sed corpus Christi: sic sanctum hoc unguentum post invocationem non est amplius nudum unguentum aus commune, sed chrisma Christi, quod præsentia Spiritus sancti, & ipsius divinitate redditur efficax, & operativum. " Uterque, ut apparet, similem in utraque consecratione invocationem Spiritus sancti admittit, & uterque unguenti consecrationem per Spiritum sanctum factam, cum eucharistiæ consecratione per eundem Spiritum facta comparat.

REFELLITUR hæc sententia. 1. Quia Confirmatio est sacramentum, quod non est permanens, sed in usu consistit. " Illud enim, inquit, Concilium Tridentinum *sess. 13. cap. 3.* in eucharistia, excellens, & singulare reperitur, quod reliqua sacramenta tunc primum sanctificandi vim habent, cum quis illis utitur: at in eucharistia ipse sanctitatis auctorante usum est: " eo quod hujusmodi mysterium simul sit sacrificium & sacramentum. 2. Quia unguentum a pontifice consecratum tenet se ex parte materiæ: nulla igitur ibi forma. 3. Quia multæ & prolixæ sunt orationes, quibus unguentum consecratur, neque Philadelphiensis innuit, quas ipse necessarias existimat: Formulæ vero sacramentorum debent esse determinatæ. 4. Quia Patres & auctores *tota questione* 1. laudati hoc sacramentum in manuum impositione, vel in unctione chrismatis, vel in utraque constituunt, non autem in chrismatis consecratione, quæ hujus sacramenti administrationem præcedit. 5. Quia Græci presbyteri cum agunt jussu pontificis, valide administrant Confirmationem, ejusque sunt ministri legitimi, ex ipso Philadelphiensi, in *tractatu de sacramentis*. Hæc autem doctrina non coheret cum opinione ejusdem metropolitæ. Quemadmodum enim ut aliquis valide baptizet; ita ut valide confirmet, debet formam essentialem proferre. Sed presbyteri formam essentialem nunquam proferrent. Certum enim est apud Græcos chrisma nunquam a presbyteris consecratum fuisse, sed a solis patriarchis, a quibus metropolitæ, & episcopi, & deinde presbyteri illud accipiunt.

Neque dicas presbyteros esse legitimos Confirmationis ministros eo sensu, quod illam fidelibus dispenfent, non autem illam perficiant; quare necesse non est, ut formam aliquam proferant: sicut Diaconi eucharistiam dispenfare possunt. Siquidem inde sequeretur valere sacramentum Confirmationis etiam a laicis dispenfatum, sicut valet eucharistiæ administratio, " a quocumque illa fiat. Sacramentum enim, quod jam factum est, valet a quocumque illud dispenfetur. Sed hoc, nemo huc usque asserere ausus est. Igitur apud Græcos presby-

Wiasse de Confirmatione.

B b

te-

teri, non solum dispensant, sed etiam conficiunt sacramentum Confirmationis.

Ad auctoritatem Dionysii respondeo illum nec unguenti consecrationem vocare *sacramentum*, nec asserere illam ejusdem ordinis ac speciei esse, sed affinem esse consecrationi eucharistiæ. Sic enim habet Dionysius: αἱ ἐν ταύτης ὁμοπαγῆς ἐτέρα πλεισιουργία, μὴν πλεονάζοντες αὐτῷ &c. " Veruntamen est alia huic coordinata (id est affinis, vel eodem modo ordinata) consecratio, quam præceptores nostri unguenti perfectionem appellant: " sic etiam Dionysium interpretatur Pachymeres: " Veruntamen est, & alia huic affinis unguenti perfectio; nam & hoc quoque divina consecratione perficitur. " Observa, in quo hæc affinitatis ratio consistit; quia scilicet utrumque, & eucharistiæ sacramentum, & chrisma divina ordinatione consecratur; chrismatis enim consecrationem juris esse divini docent vulgo theologi.

Ad Cyrilli testimonium respondeo paritatem omnimodam ex Cyrilli verbis minime instituendam esse; nec enim unguentum, cum consecratur transsubstantiatur in aliud, sicut panis vi consecrationis transmutatur in verum Christi corpus, concedente vel ipso Gabriele Philadelphienſi, qui transsubstantiationem agnoscit. Neque Cyrillus, sicut dixit panem consecratum esse corpus Christi; ita dixit, unguentum esse Spiritum sanctum, sed esse chrisma Christi. Paritas igitur in eoduntaxat consistit, quod sicut panis nudus, & simplex vi consecrationis realiter fit corpus Christi; ita nudum & simplex unguentum, vi consecrationis fit mysticum & spiritale unguentum Christi, seu mystice mutatur in chrisma Christi.

Neque dicas, ex Cyrillo unguentum vi consecrationis suscipere Spiritum sanctum, & ejus præsentia fieri efficax & operativum, adeoque inhzrentem sibi formam habere, per quam sacramentum constituitur. Cum enim aqua baptismalis consecratur, invocatur Spiritus sanctus, ut in illam descendat, eam efficiat secundam, eique regenerandi virtutem conferat; nemo tamen dixerit aquam ita consecratam esse sacramentum, antequam fiat ablutio. Præterea communis est theologorum opinio chrismatis consecrationem juris esse divini, & chrisma consecratum jure divino materiam esse Confirmationis. Atqui consecratio chrismati confert virtutem, saltem inadæquatam sanctificandi. Chrisma igitur cum inhzrentem sibi virtutem sanctificandi, est materia Confirmationis. Denique Cyrillus loquitur de consecratione, quæ oritur ex invocatione Spiritus sancti. Atqui hæc invocatio fit cum manus imponitur, & frons inungitur. Consecratio igitur, de qua Cyrillus, non præcedit ipsam Confirmationis administrationem, sed in ipsa fit administratione. Duplex enim est materiæ consecratio, altera quæ sacramenti administrationem præcedit, altera quæ fit in ipsa administratione.

ministratio; sic aqua baptismalis pluribus orationibus consecratur, antequam fiat ablutio, & rursus in ipsa ablutione per formam baptismi consecratur.

§. 2. *Exponitur & expenditur secunda opinio.*

Secunda opinio est, formam Confirmationis, in hac oratione sitam esse, quæ frontis unctionem immediate præcedit, qua sacerdos Deum orat, " Ut signaculum doni sancti & omnipotentis & adorandi sui Spiritus (baptizato) largiatur . " Ita sentiunt quicumque Latini formam essentiali constituent, non in his quidem verbis, *Signo te signo crucis* &c. sed in oratione, quæ manuum impositionem comitatur videlicet apud Latinos, *signo te* &c. & apud Græcos, *signaculum donationis Spiritus sancti*. Consecratio consecrationi, oratio orationi, formula formulæ respondet.

In eam sententiam pedibus manibusque lubens irem, nisi plura mihi fuaderent, & illam Græcorum orationem a Latinorum oratione omnino diversam esse: & illam ad Græcorum Confirmationem duntaxat præparatoriam esse. Quæ quidem ut facilius capiantur, orationem illam, aliaque cæremonias ex hodierno Græcorum euchologio referamus necesse est. " Postquam recens baptizatus indutus fuerit, adjicit sacerdos orationem hanc. *Benedictus es Domine Deus, qui & hunc recens illuminatum servum tuum, per aquam regenerare voluisti: ipse, Domine, rex omnium benigne, signaculum doni sancti & omnipotentis, & adorandi tui Spiritus, & sancti corporis & pretiosi sanguinis Christi tui communionem, ei largire. In sanctitate tua custodi illum, in vera fide confirma, a maligno & omnibus ejus astutiis illum erue, & salvari tuo timore in puritate & justitia animam illius custodi, ut in omni verbo & opere tibi placitus filius & heres evadat regni cælorum, (quæ sequuntur exclamando.) Quis tu es Deus noster, Deus miserendi & salvandi, tibi gloriam rependimus, Patri, & Filio, & sancto Spiritui; nunc & semper & in secula seculorum. Amen.* Et oratione hac terminata, baptizatum sancto unguento ungit, crucis signum faciens in fronte, & in oculis, & in manibus, & in utraque aure, & in pedibus dicens: *Signaculum doni Spiritus sancti. Amen.* Deinde cum susceptore, & puero in circuli modum procedit sacerdos. Nos vero canimus: *Quotquot in Christo baptizati estis, Christum induistis, alleluja;* terque dicitur.

Ex his certo colligi posse mihi videtur:

Primo illam Græcorum orationem ab ea omnino diversam esse, quam Latini olim adhibebant, & etiam nunc adhibent, dum pontifex baptizatis manum imponit; antequam illos ungat, quæque in sacramentario Gregorii, in ordine Romano, in libro *de divinis officiis*, apud

Amalarium, & in pontificali Romano legitur. Latinorum enim, non autem Græcorum oratio profertur cum manuum impositione unctioni prævia. Latinorum, non autem Græcorum oratio invocatur septiformem Spiritum super neophytum. Græcorum oratio Deum deprecatur, ut neophytis, & unctionem sanctam, & sacram eucharistiæ participationem largiri dignetur; Latinorum oratio communionis eucharistiæ non meminit.

Secundo orationem illam accidentalem & præparatoriam esse duntaxat, non autem essentialem Confirmationi. 1. Quia sacerdos hanc orationem recitaturus, plebem invitat ut secum deprecetur: *Dominum precemur*. Plebs autem non incitabatur ad formulam Confirmationis proferendam. Hoc tamen argumentum parum efficax esse agnosco; pontifex enim absolutionem penitentibus concessurus, fideles invitabat, ut secum orarent. 2. Quia sacerdos hanc orationem, & cantando, & exclamando recitabat; quod recitationis genus, vulgatas orationes in ecclesia recitari solitas, non autem formas sacramentales redolet. 3. Quia sacerdos Deum per hanc orationem invocatur, ut neophyto largiatur *signaculum doni Spiritus sancti*, id est chrismatis unctionem, quæ significat donum Spiritus sancti, & in eodem euchologio *signaculum doni Spiritus sancti* appellatur. Atqui sacerdos per formulam essentialem deprecatur Deum, non ut materiam vel sacramentum administret, sed ut effectum sacramenti conferat. 4. Quia sacerdos Deum per hanc orationem eodem modo invocatur, ut neophyto largiatur, & *signaculum doni Spiritus sancti*, & corporis ac sanguinis Christi communionem. Hæc igitur oratio eodem modo se habet ad Confirmationem, quo ad eucharistiæ communionem. Atqui mere accidentalis & preparatoria est ad participationem eucharistiæ: igitur & ad Confirmationis unctionem. 5. Quia materia & forma moraliter saltem præsentibus esse debent. Licet autem in hodierno euchologio præfatam orationem unctio proxime sequatur; inter utramque tamen olim extrixisse prolixam satis intercapedinem apparet ex antiquo euchologio patriarchali, quod Cardinalis Bessarion, Cryptæ ferratæ factus Abbas, eidem monasterio post obitum legavit asservandum. "Sacerdos cum populo illud idem (nempe psalmum, *Beati quorum remisse sunt iniquitates*) dicit ter: & sic dicitur: *Benedictus es Domine Deus*, &c. ut supra, & oratione hac finita, ornatu baptismatis exiit patriarcha, & assumit eum, qui missis inservit. Tum vadit ad sanctum Petrum, at cantore dicente, *Quotquot in Christo baptizati estis*, &c. unguento sancto baptizatos ungit, faciens signum crucis in fronte, oculis, naribus, ore, & duabus manibus, dicens: *Signaculum doni Spiritus sancti*. "Idipsum legere est in secundo seu recentiori euchologio Barberino, "Diaconus cantat, *Dominum precemur*. Sacerdos orationem, *Benedictus es Domine Deus*, &c. ut supra: & responso *Amen*, digreditur patriarcha, vel pontifex ad ve-

» stia-

“stiarium, & cantore dicente, *Quotquot in Christo baptizati sunt,*
 “*Christum induistis:* baptizatos unguento sacro sacerdos ungit, sa-
 “ciens signum crucis, primo in fronte, dicens, *Signaculum domi Spiritus sancti.* “ Fragmenta utriusque euchologii reperies apud Goar-
 “rium in hodierno euchologio pag. 357. 358. 361. & 362. Post hanc
 orationem finitam patriarcha digreditur ad vestiarius, ubi quas, ut
 baptismum conferret, induerat vestes, exiit. Tum postea missales
 induit, ut missam faciat. Tum e vestiario egressus vadit ad sanctum
 Petrum, ubi, choro canente, baptizatis frontem inungit, dicens,
Signaculum domi Spiritus sancti. Attende quantum intercedat, & tem-
 poris, & loci spatium inter illam orationem, & unctionem frontis.
 Quis, quæso, sibi persuaserit, duas actiones, & tempore, & lo-
 co diffitas atque intermissas, esse unam eandem moraliter? 6. Si
 hanc orationem seculo decimosecundo, quo euchologium Bessarionis a
 Joanne Morino lib. 9. de *pannemia*, cap. 9. num. 16. antiquius puta-
 tur, orientalis ecclesia essentialem habuit, eam certe convenientiori
 tempore, & loco recitasset pontifex, postquam e vestiario egressus,
 pervenit ad locum, ubi fieri debebat unctio. 7. Post hanc orationem
 finitam, pontifex loco recedit, vestiarius ingreditur, exiit vestes
 baptismatis, postea novas induit, ut unctionem confirmatoriam ba-
 ptizatis conferat: hæc vestimentorum mutatio diversitatem, & inter-
 missionem actionum, & officiorum certe designat. 8. Pontifex, cum
 baptismi vestes adhuc indutus est, præfaram orationem recitat: ut
 vero confirmatoriam unctionem conferat, eamque conferendo dicat,
Signaculum domi Spiritus sancti, novas & solemniore vestes, nempe
 missales induat oportet. Priorem igitur non credebatur essentialem;
 alioquin majorem apparatus, & solemnitatem adhibuisset, ut mate-
 riam applicaret, quam ut formam proferret. 9. Pontifex vestes ba-
 ptismatis indutus, postquam baptizavit, & Deum deprecatus est, ut
Signaculum domi Spiritus sancti, id est unctionem confirmatoriam, &
 corporis ac sanguinis Christi communionem baptizatis largiri digne-
 tur, vestes baptismatis exiit, & novas induit, ut sese disponat ad illam
 unctionem, illamque communionem eis conferendam. Apparet igitur
 hanc orationem fuisse duntaxat præparatoriam.

Priusquam huic paragrapho finem imponam, tria velim observes.
 Primum est, hanc orationem, *Benedictus es Domine, &c.* quæ con-
 firmatoriam neophytorum unctionem præcedit, antiquissimam esse.
 Reperitur enim in euchologio Crypto-Ferrateni Bessarionis, quod se-
 culo decimosecundo antiquius est, & in antiquissimo euchologio Bar-
 berino, quod a Leone Allatio plura secula, a Joanne Morino secu-
 lum decimum, & a quibusdam seculum octavum antiquitate superare
 creditur, ex Goario in *proæmio ad Euchologium hodiernum*. Secundum
 est, antiquis seculis hanc orationem immediate unctionem præcessisse,

Witasse de Confirmatione.

Bb 3

po-

postremisque immediate præcedere : mediis tamen seculis spatium aliquod , & loci , & temporis inter utramque intercessisse . Euchologia enim Crypto-Ferratense Bessarionis , & recentius Barberinum hanc orationem , & tempore , & loco ab unctione dividunt ; e contrario antiquissimum Barberinum sancti Marci , & hodiernum conjungunt . Tertium est , pontificem iisdem vestibus indutum , antiquis & postremis ecclesiæ seculis hanc orationem proferre , & unctionem conferre . Utrumque enim præstabat , hodieque præstat vestibus baptismatis indutus , ex euchologio Barberino sancti Marci , & hodierno : nec enim ad vestiarium , nisi post absolutam unctionem procedebat . Mediis vero seculis vestes baptismatis indutus proferebat hanc orationem , unctionem vero conserebat vestimentis missalibus indutus , ex euchologio Crypto-Ferratenis & recentiori Barberino .

§. 3. *Exponitur & expenditur tertia opinio.*

TERTIA opinio est , formulam verborum sitam esse partim in illis verbis , quibus chrisma consecratur , partim in oratione , quæ indutum vestis albæ sequitur , & unctionem præcedit . Ita ex Latinis Joannes Morinus *lib. 8. de pœnitent. cap. 16. num. 10.* & Græcis vero Nicolaus Cabasilas *in expositione liturgiæ , cap. 29.* Hieremias , patriarcha Constantinopolitanus , *in secundo responso ad Tubingenses , cap. 4.* (qui tamen *in Censura sua Orientalis Ecclesiæ , cap. 3.* nullam aliam formam Confirmationis assignaverunt , quam hæc verba , *signaculum donationis Spiritus sancti .*) Simeon Thessalonicensis , & alii qui vim hujus sacramenti tribuunt , & orationibus quibus unguentum consecratur , & orationi , quæ unctionem præcedit .

Chrismati per consecrationem tribui virtutem aliquam sanctificandi , non abnuo ; sed verba , quibus fit hæc consecratio ; aut inhærentem chrismati virtutem sanctificandi , quæ per hanc consecrationem ei tributa est , formulam Confirmationis essentialem esse nego ; qua de re §. 1. *precedenti* . Orationem enim , quæ frontis unctionem præcedit , neophytos præparare ad Confirmationem proxime futuram , concedo ; sed illam Confirmationi accidentalem esse , mox probavi §. *priori* .

§. 4. *Exponitur & expenditur quarta opinio.*

QUARTA opinio est, formam in his verbis sitam esse, quæ inter ungendum proferuntur, *Signaculum donationis Spiritus sancti*. Ita ex Græcis cardinalis Bessarion in *tractatu de sacramento eucharistia*, & Arcudius in *tractatu de Confirm.* cap. 7. e Latinis vero Jacobus Goarius in *notis ad euchologiam*, pag. 368. Amicus, Hiquæus, alique communiter theologi. Præcipuum hujus opinionis fundamentum est antiquitas hujusce formulæ: "Quæ si vera Confirmationis formæ non est, inquit Goarius, nulla jam in oriente superest Confirmatio, nullum illius fundamentum, nulla de illa fides: privabuntur apud eos, quot quot sunt orthodoxi, sancti Spiritus, ut fidem profiteantur, dono: imo nec illo communiter unquam usos fuisse sanctos Patres necesse est asserere; cum schisma, quo moderni laborant, abolitæ sacramenti alicujus formæ, aut violati contemptive reos nunquam fecerit."

Quod autem forma hæc antiquissima sit, eaque semper in oriente velut essentialis usurpata fuerit, Arcudius & Goarius probant adductis pluribus testimoniis. Arcudii argumenta referam.

1. Quia Græcorum euchologia, quorum tamen sacramenta concilium Florentinum rata habuit, nullam aliam formam exhibent. Verum auctores trium præcedentium opinionum respondebunt, in iisdem euchologiis etiam exhiberi & orationes, quibus unguentum consecratur, & orationem, quæ frontis unctionem præcedit.

2. Quia, "Verissimum est, quod viri docti observarunt, concilia generalia, nunquam de sacramentalibus agere, sed de rebus, quæ propriissime ad essentiam sacramentorum spectent." Atqui concilium secundum œcumenicum hanc formulam præscribit, *can. 7.* ubi modum refert, quo hæretici extra ecclesiam baptizati per confirmatoriam unctionem in eandem ecclesiam recipi debent. Verum iidem auctores cum Estio in 4. *dist. 7. §. 10.* respondebunt, "Non admodum probabile esse, synodum primam Constantinopolitanam propalasse formam hujus sacramenti, cum veteres, sedulo ac sollicitè caverint, ne hujusmodi mysteria vulgarentur."

3. Quia "in instructione Clementis VIII. ubi de hoc sacramento agitur, habetur, dandum esse sub conditione, præsertim quando probabiliter dubitari potest, an episcopus Græcus illud contulerit. Quibus verbis significatur illa instructio, si certo constaret episcopum Græcum administrasse Confirmationem, tunc nullo modo esse iterandam. Ergo valida censebatur. Sed episcopi Græcorum nulla alia nisi prædicta forma utuntur. Validam ergo esse hujusmodi formam existimare necesse est." Verum iidem auctores respondere possunt

episcopos inter confirmandum uti & orationibus quibus chrisma consecratur, & oratione, quæ unctionem præcedit.

Confirmat hoc argumentum Arcudius hac parte. " Nam qui eam
" instructionem composuerunt (quam tamen confirmavit Clemens) cum
" vellent in quibusdam partibus Italiæ, ubi episcopi catholici Latini
" resident, prohibere presbyteros Græcorum ne amplius sacramentum
" Confirmationis administrarent, prohibuerunt etiam ne ista verba for-
" mæ Confirmationis proferant, sed ante illa finiant baptismum. At
" si illa verba non essent vera forma Confirmationis, sed quamdam
" aliam ceremoniam indicarent, eam certe prohibere non eis curæ
" fuisset. Nam baptismum habere varias ceremonias in ecclesia Latina &
" Græca omnibus profecto constat: quæ ceremoniæ nulla ratione negligi
" debent. " Verum iidem auctores respondere possent: 1. In eadem
" instructione præcipi, ut baptismus finiatur, antequam proferatur ora-
" tio, quæ unctionem præcedit: quamobrem eodem argumento posse
" probari hanc orationem essentialem esse: 2. *ibidem* prohiberi, non so-
" lum formulam *signaculum* &c. sed & unctionem. Prohibetur igitur hæc
" formula, non quod illa essentialis sit, sed quia unctionem comitatur;
" nec enim unctio prohiberi potuit, quin formula ipsam concomitans si-
" mul prohibita fuerit.

4. Quia hæc forma complectitur, quæcumque sanctus Thomas re-
" quirat. " Nam B. Thomas 3. parte *quest.* 72. *art.* 4. ut sit vera forma
" Confirmationis tria necessario requirit: primum causam conferentem
" plenitudinem roboris spiritualis, quæ est sanctissima Trinitas, & ex-
" primitur cum dicitur, *In nomine Patris* &c. secundum ipsum robur
" spirituale, quod homini confertur per sacramentum, quod quidem
" tangitur, cum dicitur, *confirmo te chrismate salutis*. Tertium est si-
" gnum quod pugnatori datur, sicut & in pugna corporali *militis in-*
" *signis* ducum insigniuntur: & quantum ad hoc dicitur, *configno te*
" *signo crucis*: sed hæc conditiones ad unguem reperiuntur & ad vi-
" rum exprimuntur in forma Græcorum. Ergo nihil deest formæ sa-
" cramenti. Significatur & exprimitur character cum dicitur *σφραγίς*,
" *signaculum*. Nec filetur gratia, quæ confertur, in illo verbo *δωπάς*,
" *dani*. Nec desideratur in ea forma primarius auctor, cum additur
" *πνεύματος ἁγίου*, *Spiritus sancti*, cui singulariter attribuitur hæc san-
" ctificatio, & in quo ceteræ quoque divinæ personæ propter unita-
" tem substantiæ comprehenduntur. " Verum in hac Græcorum for-
" mula, nec signum crucis, nec explicitam Trinitatis significationem,
" quæ tamen duo S. Thomas requirit, explicari luce meridiana cla-
" rius est.

5. Quia " hæc forma nulli alteri, præterquam sacramento Confir-
" mationis, potest accommodari. Qui autem eam negant esse veram
" formam, quæso periculum faciant, utrum valeant ad aliquod sacra-
" mentum men-

mentale, ac non potius ad verum mysterium Confirmationis applicari. Hinc enim palam fiet, an ea sit vera & germana forma. Verum eodem argumento probaretur, formulam *Signum Christi in vitam eternam*, vel etiam *Signo te*, seculis 8. 9. & 10. essentialem fuisse, quia illis temporibus adhibebatur frontis unctione, quæ ad Confirmationis essentialiam pertinet. Inde patet, quid responderi possit argumento sequenti. Forma illis seculis duplex erat materię Confirmationis correspondens, altera essentialis, altera accidentalis.

6. Hæc forma sacramento essentialis est, quæ materię ejusdem sacramenti correspondet; quemadmodum apparet, exemplis formulæ baptismi, eucharistiæ, & poenitentię: atqui præfata formula respondet unctioni chrismatis.

7. Quia "quotquot Græci de hoc sacramento verba faciunt, ad hanc verborum formam respondent. Hieremias patriarcha in *sententia ecclesiæ* cap. 3. ubi de sacramento Confirmationis, nullam aliam formam exhibet. Stanislaus-Socolavius Stephani Poloniæ regis theologus in *annotationibus ad illam sententiam*, concedit, hanc ipsam essentialem esse. Eandem velut essentialem *chrismatis sacramento* refert cardinalis Bessarion in tractatu de sacramento eucharistiæ. Ejusdem in descriptione rituum Confirmationis meminere euchologium recentius Barberinum, euchologium Crypto Ferratense Bessarionis, & antiquissimum Barberinum Sancti Marci. Mentionem etiam fecerunt Simeon Thessalonicensis in tractatu de sacramentis, "Episcopus sic fatur, *Signaculum donationis Spiritus sancti. Amen.*" Amphilocheus quoque, seu quisquis auctor fuerit vitæ Basilii. Et concilium I. Constantinopolitanum can. 7. "Eos signantes dicimus, *Signaculum donationis Spiritus sancti.*" Ad eam alluserunt B. Asterius Amaseæ episcopus, qui vivebat anno 400. in sermone de prodigo, quem suæ bibliothecæ Photius inseruit. Datur prodigo post stolam, & annulus, nempe symbolum intelligibilis signaculi Spiritus sancti. Sicut enim in regeneratione per baptismum & stola & signaculum donationis Spiritus sancti: ita etiam in regeneratione per poenitentiam. "Cyrillus Hierosolymitanus catech. mystag. 18. circa finem, de Confirmatione ita loquitur: "Quomodo signaculum vobis datum est per communicationem Spiritus sancti. "Sanctus Dionysius libro de ecclesiast. hierarch. cap. 2. Pontifex unguento divinitus sacrato virum obsignat. "Et cap. 4. "Divini Spiritus adventum largitur unguenti inunctio vim habens perficiendi. "Paulus denique 2. Corinth. cap. 1. *Qui autem confirmat vos vobiscum &c. qui & signavit nos, & dedit pignus Spiritus in cordibus nostris.*

Verum ad hanc ultimam rationem responderi posset, 1. Hieremiam in 2. responso, quod *sententia* posterius est, stare pro tertia opinione. Socolavium Polonum fuisse, non Græcum. 3. Bessarioni opponi posse Græ-

Græcos aliud sentientes. 4. Triahæc euchologia ita meminisse formulæ *Signaculum donationis* &c. ut & aliarum orationum meminerint, in quibus alii formam essentialem constituunt. 5. Simeonem Thessalonicensem stare pro tertia opinione. 6. Auctorem vitæ Basilii, quæ Amphiloerii nomine circumfertur, hanc quidem referre formulam, sed non asserere illam essentialem esse. 7. Non esse verisimile in concilio II. œcumenico formam essentialem descriptam fuisse, cum veteres sollicitè caverint, ne huiusmodi mysteria vulgarentur quatuor aut quinque primis ecclesiæ seculis, ex Dionysio, & Innocentio I. 8. Asterium forte ad hanc quidem formulam allussisse, ex eo tamen non leve argumentum inferri, quo probatur hanc formulam accidentalem fuisse; quæ de re *infra*. 9. Possit absolute negari Cyrillum, Dionysium & Paulum ad hanc formulam allussisse, cum hæc non esset in usu, tempore quo apostolicæ constitutiones editæ sunt: in illis enim formula omnino dissimilis refertur.

Eltius igitur in 4. *diff.* 7. §. 10. Catum Syritus: Italo-Græcus in *elenchis* adversus Arcudium, Joannes Morinus libro. 8. de *pœnitent.* cap. 16. num. 10. 11. & 12. Sambovius in scriptis, alique, pauci licet, Græci & Latini, sentiunt præfatam formulam Confirmationis accidentalem esse: 1. quia de forma Græcorum, *Signaculum donationis Spiritus sancti*, idem sentiendum est, quod de forma Latinorum, *Signum Christi in vitam æternam*. Utraque enim frontis unctioni correspondebat. Istam vero accidentalem fuisse nemini dubium est. Recole, quæ *supra* dicta sunt *scilicet*. 1. §. 1. 2. Quia hæc forma sacramento cuiuspiam essentialis, ei propria est. Atqui ex B. Asterio mox citato, hæc formula baptismi & pœnitentiæ convenit; "Sicut enim in regeneratione, ne per baptismum datur signaculum donationis (seu doni) Spiritus sancti; ita etiam in regeneratione per pœnitentiam." Arcudius cap. 7. respondet, ab Asterio dici quod in regeneratione per baptismum datur signaculum doni Spiritus sancti, quod hæc sacramenta, baptismus nimirum & Confirmatio, multoties simul fidelibus traduntur. Verrum, quid ille respondet ad pœnitentiæ sacramentum? 3. Quia antiqui Patres formulas sacramentis essentielles primis ecclesiæ seculis non vulgabant: eaque consuetudo ita recepta erat, ut Innocentius I. in *epistola* 1. ad *Decentium* cap. 3. & 8. religioni haberet Confirmationis & extremæ unctionis formas scriptis mandare. Verisimile igitur non est formulam, quam Patres Constantinopolitani *can.* 7. referunt Confirmationi essentialem fuisse. 4. Quia hæc formula non videtur in usu fuisse primis tribus ecclesiæ seculis. Id certum Joanni Morino videtur ex constitutionibus apostolicis, quas ille in *libro de ordinationibus* censet disciplinam esse ecclesiasticam, quæ orientalis ecclesia ante Constantinum primum sub ethnicis imperatoribus regebatur. In eorum enim *libro* 7. cap. 45. forma refertur omnino diversa, quam descripsimus

se-

sectiō. 1. §. 1. Verum & istis argumentis respondere difficile non esset.

Ad primum enim responderi posset, 1. Latum esse discrimen inter illas duas formas; prior enim, quæ Græcorum est, frontis unctioni correspondet; posterior vero, quæ Latinorum est, respondet non unctioni, sed cruci, in cuius modum, hæc unctio fiebat. Prior significat largitionem Spiritus sancti, qui effectus Confirmationis proprius est; posterior significat crucem fronti impressam. Prior, ex quo in ecclesiam Græcorum inuenta est, quod seculo IV. contigisse existimaverim, in Confirmatione inter ungendum semper adhibita fuit; posterior serius introducta, & paucis seculis, & paucis ecclesiis usurpata fuit, ex dictis *sect. 1. §. 1.* 2. Græcorum forma, *Signaculum donationis* &c. conferri non debet cum hac Latinorum forma, *Signum Christi in vitam æternam*; sed cum ista *signo te, signo crucis, confirmo te chrismate* &c. Nichil vero repugnat affirmare de priori Græcorum forma, quod de posteriori asseruimus *sect. 1. §. 3.* illam videlicet ex accidentali essentialem factam fuisse.

Ad secundum respondeo hanc formulam Confirmationi propriam esse eo modo quo donatio Spiritus sancti Confirmationi propria dicitur. Licet enim & in baptismo, & in pœnitentia donetur Spiritus sanctus, non eo tamen modo quo in Confirmatione. In baptismo enim datur Spiritus sanctus ad nativitatem spiritalem; in pœnitentia ad resurrectionem spiritalem & remissionem peccatorum actualium; in Confirmatione ad robur.

Ad tertium respondeo. Si hæc consuetudo, quatuor & quinque primis ecclesiæ seculis ubique recepta erat, ut formæ sacramentorum non vulgarentur; cur igitur Iustinus in *apologia* 2. formam baptismi propalavit? cur utramque eucharistiæ formam *ibidem* vulgavit? cur auctor *constitutionum apostolicarum* Confirmationis formam, apud orientales, ætate sua usitatam descripsit *lib. 7. cap. 45.* cur baptismi formam recensuit Augustinus *lib. 3. de baptismo, c. 15.* cur Severus Patriarcha utramque baptismi & Confirmationis formam retulit? num Patribus Constantinopolitanis interdictum erat, quod licuit Iustino & aliis? Primis illis ecclesiæ seculis certe libri erant, quibus pastores & sacerdotes in administrandis sacramentis utebantur. Si vero in ritualibus libris describere licuit ritus & formas sacramentorum, cur synodo œcumenicæ non licuit præscribere modum Confirmationis hæreticis administrandæ?

Ad quartum respondeo 1. illas constitutiones sæpe sæpius immutatas & interpolatas fuisse. 2. Inde sequitur duntaxat præstatam formulam seculo IV. inuentam in locum prioris subsistentis, auctoritate concilii œcumenici II. in oriente ubique receptam, & ex accidentali essentialem factam fuisse, eo fere modo, quo de Latinorum formula *Signo te signo* &c. differuimus *supra, sect. 1. §. 3.*

§. 6. Quæ præfatarum opinionum probabilissima sit.

Præfatarum opinionum ea probabilissima mihi videtur, quæ formam in his verbis constituit, *Signaculum donationis Spiritus sancti* : cum enim Christus formas tantum sacramentorum in genere instituerit, determinationem vero verborum ecclesiæ & sacris conciliis permiserit, sufficit, ut forma a Græcis usurpari solita, ad effectum sacramenti designandum apta sit, & in conciliis approbata, & Romani Pontificis auctoritate firmata. Atqui præfata Græcorum formula est hujusmodi. Effectum enim Confirmationis, videlicet characterem & gratiam sanctificantem indicant hæc verba, *Signaculum doni*. Causa enim gratiæ Confirmationis exprimitur persona *Spiritus sancti*, cui tribuitur specialiter hominum sanctificatio. Illa quoque forma traditur in concilio II. œcumenico, & in Trullano. Summi etiam Pontifices Innocentius III. Innocentius IV. & Gregorius X. in concilio Lugdunensi, & Eugenius IV. in concilio Florentino, formam illam Græcorum minime reprehenderunt. Primis igitur ecclesiæ seculis variz fuerunt formulæ apud Græcos ex libro *constit. apostol. cap. 45.* postea in ecclesiam orientalem inuenta est, & a Græcis admissa fuit ista, *Signaculum doni* &c. approbata & præcepta fuit in concilio II. œcumenico *can. 7.* adeoque ex accidentali facta est essentialis. Fuere tunc duæ formæ essentielles, antiquior, quæ correspondebat manuum impositioni, quæ varia erat in variis ecclesiis & in oratione consistebat : & recentior, quæ unctionem concomitabatur. Desinente vero manuum impositione apud Græcos, desit & antiquior formula essentialis esse, & sola recentior essentialis permansit.

Hæc autem forma dicitur *signaculum*, non quod obsignet promissionem gratiæ, seu verbum Dei, uti nugantur hæretici, sed multis de causis. 1. Quia neophytus ovili Christi per baptismum adunatur, “ Pecus autem signata non facile insidiosè appetitur, quæ autem minime signata est, a furibus facile capi potest ; ex Gregorio Nazianzeno oratione in sanctum lavacrum “ Ovi non signatæ nullo periculo “ insidiz parantur ; “ Ex Basilio Magno, in *adhortatione ad baptismum*. 2. Quia divitiæ cœlestes per baptismum in neophyti anima reconduntur : “ Thesaurus autem non signatus facile diripitur a furibus. “ 3. Quia neophyti fiunt reges per baptismum, regium igitur signaculum accipere debent. “ Signaculum, inquit Theodoretus in *cap. 1. canticorum*, quoddam regium spiritualis unguenti chrisma percipiunt. “ 4. Quia Christi milites, regio Christi signaculo distingui debent. 5. Quia characterem imprimit. 6. Quia largitur Spiritum sanctum, qui Dei signaculum est, quo velut annulo Deus fideles sigillat : *signati estis Spiritu promissionis*, ad Ephes. 1. 7. Quia hoc sacram-

cramentum obſignat arcana multa, quæ infidelibus aperiri non poſſunt. Quod enim Gregorius Nazianzenus dixit de baptiſmo: " Ha-
" bes myſterii pervulgata, quibus vulgi aures patent, cætera in-
" tus addiſce, Trinitate id largiente, quæ etiam apud te ipſum
" occulta habebis ſignaculo retenta: " Idem dici poteſt de Confir-
matione.

FINIS PRIMÆ PARTIS.

TRA-

TRACTATUS

D E

CONFIRMATIONE PARS SECUNDA.

DE CAUSIS CONFIRMATIONIS.

CAUSA Confirmationis quadruplex est, efficiens, exemplaris, finalis, & subiectiva. Causa efficiens Confirmationis, altera ejus institutionem, altera ejus administrationem respicit. Causa exemplaris nomine, ubi de sacramentis agitur, figuras intelligo veteris testamenti. Causa finalis desumitur ex effectu. Causa subiectiva est persona quæ confirmatur.

QUÆSTIO PRIMA.

De institutione hujus sacramenti.

QUÆRITUR, utrum Confirmationis sacramentum, a Christo institutum fuerit, quomodo, & quando.

ARTICULUS PRIMUS.

*De variis Theologorum placitis circa institutionem
hujus sacramenti.*

VARIA theologorum placita circa institutionem Confirmationis ad quinque opiniones revocari possunt, quarum prima docet hoc sacramentum ratione materię, & formę a Christo immediate institutum,

tum, & specificè ac in individuo determinatum fuisse. Ita Sanctus Thomas, & Thomistæ, Scotus, & Scotistæ, Durandus & alii. Sed vulgatam formam, *Signo te signo crucis, &c.* recentiorem esse probavimus *supra*.

Secunda est hoc sacramentum a Christo immediate institutum fuisse & ratione formæ, *Signo te, &c.* & ratione materiæ, chrismatis videlicet ex oleo & ballamo permixtis: "Sed ejus consecrationem, & benedictionem ecclesiæ commisisse (pertinet enim ad ecclesiâ) ordinare de materia sacramenti, puta de oleo vel chrismate, quod benedicatur, vel non benedicatur, vel quod benedicatur tali benedictione vel alia: & quod hujusmodi ordinatio sit de necessitate sacramenti, & non solum de solemnitate." Ita nonnulli theologi, quorum doctrinam refert, "Et veluti fidei ecclesiæ valde periculosam" Durandus refellit in 4. *distinct.* 7. *quest.* 4. *num.* 6. 7. 8. & 9. "Quod si hæc ordinatio ecclesiæ esset de necessitate sacramenti, si des quam habemus de sacramentis, dependeret ex libera voluntate unius hominis, scilicet papæ, etiam quantum ad aliqua, quæ essent de necessitate sacramentorum, quod non videtur sane dictum. Accedit quod ordinatio, quæ est de necessitate sacramenti, & non solum de solemnitate, pertinet ad potestatem excellentiæ: ergo istud non fuit commissum alicui homini nec papæ, nec alii.

Tertia est, hoc sacramentum a Christo immediate institutum fuisse ratione manuum impositionis, & formæ illi correspondentis: sed Christum potestatem ecclesiæ contulisse determinandi in speciali certum fixumque modum, quo specialius connotetur interior infusio plenitudinis Spiritus sancti, quem modum ecclesiâ immutare, augere, imminuere pro sua prudentia possit. Qua de causa ecclesiâ, ritu dudum vigente, chrismatis unctionem ad significandam interiorem unctionem designavit. Hanc opinionem probabilem existimat Vincentius Contenson, & ad illam accedit sententia Gasparis Contareni Cardinalis, viri superiore seculo doctissimi, qui *lib. 2. de sacramentis, cap. 2.* postquam hujus sacramenti signum initio usurpatum, in linguis igneis sitam fuisse tradidit, continenter hæc subjicit, "A quo Spiritus doctus ecclesiâ ex traditione apostolorum, materiam huic sacramento accommodavit, (non enim decet divinam sapientiam, ut semper, & usque miracula faciat) qua maxime, & igneæ linguæ, & sonus Spiritus significarentur." Idem, quod Contarenius, docuerant Patres Moguntini anno 1549. *cap. 17. & 18.* ubi tradunt, "1. Sacramentum Confirmationis ex institutione Christi, & apostolorum praxi, ecclesiæ relictum esse. 2. Inde ecclesiâ catholicam Spiritum sanctum per manus apostolorum fidelibus tradendi normam accepisse. 3. Hoc sacramentum ab initio sola manuum impositione exhibitum fuisse. 4. Sub ipsis temporibus apostolorum ex eorum traditione adhibita chrismatis unctione cœpisse conferri." Idem quod

Mo-

Moguntini Patres eodem seculo docuerat Conradus Cinglius *lib. contra mendac. cap. 39.* " Licet sacramentum Confirmationis in principio ecclesie sola impositione manuum frequentatum fuerit, tamen ecclesia circa ipsa tempora ex traditione apostolorum incipit cum externo aliquo signo exteriorem unctionem sancti Spiritus significare, nempe per chrisma, quod adjecit huic sacramento.

Quarta est hoc sacramentum a Christo immediate institutum fuisse ratione materie & forme generatim, non autem specificè: sed in ecclesie potestate reliquisse, ut pro diversis temporibus & locis, modo solam manuum impositionem, modo unctionem solam, modo utramque adhiberet: idem asseritur de forma. Sancivit enim Christus, ut loco materie adhiberetur signum aliquod sensibile ad gratiam sacramentalem significandam idoneum: & loco forme verba illa usurparentur, quæ effectum hujus sacramenti, opportune explicarent. Quibus autem rebus, quibulve verbis utendum foret, non præfinivit, sed Ecclesie suæ a Spiritu sancto regendæ judicio, & prudentiæ permisit. Ita Franciscus Amicus *disp. 13. sect. 2. num. 27.* Philippus Gammachæus, *cap. 4. de sacram. Ordinis*, Joannes Morinus *lib. de penit. cap. 17.*

Quinta est, hoc sacramentum ab apostolis immediate institutum fuisse ratione manuum impositionis, & ab ecclesia ratione unctionis. Ita Jacobus Cardinalis a Vitriaco, *sermone in vigilia Pentecostes*, qui *cap. 37. hystor. Occident.* refertur. " Hoc, inquit, sacramentum institutum est, partim ab apostolis, quantum ad manus impositionem, partim ab ecclesia, quantum ad unctionem chrismatis, quod non legimus apostolos fecisse. " Chrisma vero ad substantiam Confirmationis pertinere docet. " De substantia, inquit, hujus sacramenti est sanctum chrisma, & forma ab ecclesia instituta. " Sic quoque Petrus Cantor Parisiensis, in *summa de sacramentis*, fol. 159. quæ in bibliotheca Victorina servatur: querens enim, " unde & quando ille modus confirmandi, quem habemus, sumplerit initium; non enim legitur, quod apostoli aliquos in fronte sub aliquo charactere signaverint: nec quod aliquos chrismate unxerint. " Tandem sic concludit: " Dicamus ergo formam istam, & substantiam Confirmationis, partim ab apostolis quantum ad manus impositionem; ab Ecclesia quantum ad alia. " Ita etiam sentire videtur Estius in 4. *dist. 7. §. 7.* nec enim ejus opinio ad quartam revocari potest, ut qui illam improbet §. 4.

Sexta est Alexandri de Hales in *summa theologia*, parte 4. *quest. 9. membro 1.* ubi plura dixit de hoc sacramento, quæ sane stupenda sunt, & doctrinæ in scholis theologicis jam dudum receptæ, minime conveniunt. Querens enim a quo instituta sit Confirmatio, respondet: " Dicendum quod Dominus neque hoc sacramentum, ut est sacramentum, instituit; neque dispensavit; neque apostoli. Intelligen-

Wisse de Confirmatione.

Cc

, dum

„dum est igitur, quod post ascensionem Domini congruebat aposto-
 „los confirmari, & illis Spiritum sanctum dari ad robor. Unde
 „*Spiritus sanctus nondum erat datus, quia Jesus nondum erat glorifica-*
 „*tus*. Non, inquam in plenitudine vel ad robor. Sed fuit datus
 „die pentecostes: unde apostoli confirmati sunt a Spiritu sancto im-
 „mediate sine ministerio & sacramento: & ipsi deinde confirmabant
 „sine sacramento. Sed postquam apostoli qui erant bases ecclesiæ,
 „qui a Domino erant prælati, & Spiritu sancto confirmati, defece-
 „runt; institutum fuit hoc sacramentum Spiritus sancti instinctu,
 „in Concilio Meldensi, quantum ad formam verborum, & mate-
 „riam elementarem, cui etiam Spiritus sanctus contulit virtutem san-
 „ctificandi.

ARTICULUS II.

Quid sentiendum sit de duabus postremis opinionibus.

Duas postremas opiniones, & falsas & erroneas, & hæreticas nunc
 esse, vulgo docent theologi synodo Tridentina posteriores, qui
 in ea definitum aiunt, sacramenta quæque a Christo immediate insti-
 tuta fuisse.

Falsas esse probari potest hisce argumentis: 1. Quia concilium Vau-
 rense ex tribus provinciis, Narbonensi, Tolosana, & Auxitana an-
 no 1368. congregatum, *cap. de fide catholica*, sic habet: „Omnia
 „sacramenta novæ legis, Christus per semetipsum immediate instituit.
 „Aliqua tamen, præcipue Confirmationem, & extremam unctionem,
 „per apostolos promulgavit.“ 2. Quia in Concilio Senonensi seu
 Parisiensi anno 1528. *cap. de decretis fidei*, §. *de sacramento Confirma-*
 „*tionis*; „Sacramentum Confirmationis Christus instituit cum parvulis
 „manus imponeret:“ 3. Quia ex synodo Moguntina anno 1549.
 „ubi de capitulis ad fidem pertinentibus, *cap. 11.* „Septem sunt sacra-
 „menta divinitus instituta: & *cap. 17.* „Sacramentum Confirmationis
 „ex institutione Christi, & apostolorum præxi, ecclesiæ relictum est.“
 4. Quia ex synodo Tridentina *sess. 7. can. 1.* „Si quis dixerit, sa-
 „cramenta novæ legis non fuisse omnia a Jesu Christo Domino no-
 „stro instituta, anathema sit.“ Accedit quod *sess. 14. can. 1.* de sa-
 „cramento extremæ unctionis, „Hoc sacramentum dicitur a Christo
 „institutum & a Jacobo apostolo promulgatum.“ Non igitur a Chri-
 „sto per Jacobum institutum est. 5. Quia parum firma sunt fundamen-
 „ta, quibus Alexander Alensis & Joannes de Bacone innituntur. Nul-
 „lum enim concilium Meldense vel Aurelianense assignari potest, a
 „quo chrismatis unctio instituta fuerit. 6. Quia unctionem illam ab
 „omni ævo usurpatam, ab Apostolis adhibitam, & a Christo institutam
 „fuisse probavimus *supra par. 1. qu. 2. ar. 3. sess. 6. §. 3.* 7. Quia fidei sacramen-
 „ta sunt

ta sunt veluti fundamenta ecclesiæ: Fundamenta vero, quibus ecclesia innititur, Christus per se ipse instituit. Ita differt D. Thomas 3. par. qu. 64. ar. 2. ad 3.

Iisdem fere argumentis probare videtur esse de fide, Confirmationem, & extremam-unctionem, adeoque omnia sacramenta a Christo immediate instituta fuisse. Præfata enim concilia ita docent: Vaurense cap. de fide catholica, Parisiense cap. de decretis fidei, Moguntinum ubi de capitulis ad fidem pertinentibus, & Tridentinum in canonibus, & anathematismis.

Falsæ quidem & temerariæ sunt duæ postremæ opiniones, sed illas hæreticas esse vix crediderim. Nec enim S. Thomas 3. par. qu. 64. art. 3. & qu. 72. ar. 1. item in 4. d. 2. qu. 1. art. 4. quæst. 4. & d. 7. qu. 1. art. 1. quæstunc. 1. & d. 23. qu. 1. art. 1. quæstunc. 3. illas duas opiniones rejicit quasi hæreticas; nec suam defendit, nisi ut probabilem opinionem. Quin etiam Durandus in 4. d. 2. qu. 1. num. 7. licet immediatam sacramentorum omnium institutionem doceat, eam tamen non propugnat, nisi ut sententiam, quæ probabiliter tenetur: atqui apud viros eruditos in confesso est quod sacra synodus Tridentina non definivit controversias in utramque partem a theologis agitatas, sed eas tantum, quibus catholici ab hæreticis dissidebant. Deinde cum in Patrum conciliis propositi fuissent quatuor articuli fidei circa Confirmationem, „iste, qui secundus erat, “ Confirmatio a sanctis Patribus instituta „fuit “ prætermittitur. Quam ob rem? nisi ut caverent ne Alexandri Alenfis & Bonaventuræ doctrinam, quam intactam esse volebant, rejicerent. Præterea, cum in iisdem conciliis propositum fuisset definire, utrum sacramenta quæque a Christo immediate instituta fuissent, theologi nonnulli monuerunt aliquos esse catholicos, quorum alii cum Magistro docerent; extremam-unctionem a Jacobo institutam, alii vero cum Alenfi & Bonaventura, Confirmationem post apostolorum tempora inceptam: quibus, aliisque monitis attente consideratis, Patres ad decreta fidei conficienda delecti, nonnihil immutarunt in canonibus de sacramentis in genere, de baptismo & de Confirmatione: eoque verbis generalibus conceperunt, ne ulli theologorum opinioni præjudicium aliquod fieret. Accedit, quod capitula de doctrina sacramentorum, baptismi & Confirmationis, hac una de causa prætermittenda fuerint, quod in eis componendis termini vix reperiri potuerint, qui potius uni, quam alteri theologorum opinioni non faverent. Denique Dominicus Soto, qui sexdecim prioribus concilii sessionibus interfuit, & post illas absolutas scripsit commentaria in libros magistri sententiarum, quemadmodum apparet in 4. d. 12. qu. 1. art. 4. ubi verba refert sessionis 13. cap. 7. de doctrina, adeoque concilii mentem circa Confirmationis & extremæ-unctionis sacramentum optime noverat, agnoscit in 4. d. 1. qu. 5. ar. 2. opinionem, quæ negat hæc duo sacramenta a Christo immediate instituta fuisse, hæreticam non esse. Quærens

enim utrum " prorsus sacramenta evangelica a Christo ipso fuerint instituta, & quo firmitatis gradu id credendum est. Respondet 1. quinque sacramenta, baptismum scilicet, eucharistiam, poenitentiam, ordinem, & matrimonium, " Adeo certum esse a Christo fuisse instituta, " ut ex catholicis nemo sit, qui neget. " Unde concludit " hæreticum esse negare hæc omnia instituta fuisse a Christo. " 2. Non usque adeo constare, hæreticum esse, negare sacramenta Confirmationis & extremæ-unctionis fuisse ore Christi proprio instituta; fore tamen hæreticum, negare esse de jure divino. Nam etiam si admitteretur, apostolos illa instituisse; id tamen ex Christi commissione secerunt. Soto subjicimus Estium in 4. d. 1. § 16. " Cæterum, inquit, cum non sit " a synodo definitum sacramenta novæ legis omnia immediate a Christo instituta esse, disputatur adhuc inter catholicos utrum omnia septem Christus immediate & per se ipsum instituerit, an vero quorundam instituendorum ministerium apostolis vel ecclesiæ commiserit. Dubitandi enim causa videtur, quod in scriptura nusquam legamus ubi Confirmationis & extremæ-unctionis sacramenta Christus instituerit. Sed utrumque apostoli potestate sibi a Christo commissa videantur ecclesiæ tradidisse, actuum 8. & Jacobi 3. Multoque minus existimant ordinem diaconatus & subdiaconatus & quatuor minores immediate a Christo fuisse institutos, præsertim quoad singulorum materiam & formam, quarum determinationem, alterationem atque mutationem volunt apostolis, imo & posteriori ecclesiæ, pro ut fidelium saluti expedire judicarent, fuisse conceditam. Quam opinionem probare conantur verbis Augustini, qui libro 3. de doctrina christiana cap. 9. dicit quod sacramenta novæ legis Dominus ipse & apostolica nobis tradidit disciplina. Unde consequens putant quædam, immediate a Christo, quædam per apostolos fuisse instituta. In quam sententiam produci potest & illud quod legitur apud Cyprianum *serm. de ablutione pedum*, ubi cum scriptor ille dixisset: Ipse summus sacerdos sui est sacramenti institutor & auctor; postea subdit. Nec minus ratum est, quod dictante Spiritu sancto apostoli tradiderunt, quam quod ipse Dominus tradidit, & in sui commemorationem fieri præcepit Verum hæc opinio ut aliquid probabilitatis habeat, majori tamen probabilitate diversæ sententiæ superatur. " Et *infra*, " Etsi ferenda sit eorum opinio qui alicujus sacramenti institutionem apostolis adscribunt, minime tamen eis assentendum qui post apostolorum tempora putant aliquid eorum fuisse institutum, quandoquidem commissio verbis facta non ultra apostolos extendere se potuerit: alioquin enim & hodie posset aliquid in sacramentis ecclesia mutare vel instituere. " Accedit quod opinio quarta §. *superiori* relata, quam plures viri eruditi hodie tuerentur, parum differat a sexta. " Quidam opinantur hoc sacramentum a Christo institutum esse tantum generali quadam ratione ita nimirum, ut " sub

„ sub aliquo visibili signo virtutem Spiritus sancti tribui velle baptismatis, non tamen determinando certam materiam, cujus esset futurus in ecclesia perpetuus usus, sed ejus rei determinationem relinquendo & committendo apostolis. Hinc ajunt apostolos initio impositione manuum usos fuisse pro materia hujus sacramenti, deinde in ejus locum ex eorumdem ordinatione chrismatis unctionem successisse. Sed hæc opinio revera cum ea consentit, quæ tradit non immediate sacramenta omnia novæ legis a Christo instituta esse. Nam ad sacramenti alicujus institutionem pertinet materiæ & formæ determinatio, ut quæ sacramento sint essentialia.

Nullum igitur fidei decretum sacra synodus edixit adversus opiniones Hugonis, Magistri, Alensis & Bonaventuræ. Tres vero aliæ synodi, cum sint provinciales, nullum fidei articulum efficere possunt. Deinde synodus Vauensis in hoc ipso capite de fide catholica, & sacramenta distinguit ab articulis fidei, & plura tradit, quæ ad fidem catholicam nihil attinent, quemadmodum apparet tum ex lemmate capituli: *cap. 1.* „ De fide catholica, & ut laici de articulis fidei, & aliis ad capeffendam æternam salutem necessariis, cum diligentia informentur. „ Tum ex ipso capite, in quo Patres primum quidem differunt de fidei articulis, deinde de sacramentis, postea de virtutibus theologicis, denique de virtutibus moralibus.

Synodus quoque Parisiensis in eodem capite de decretis fidei, plura docet, quæ non sunt de fide. Ne vero quæramus exempla, in ipso textu relato ait „ Sacramentum Confirmationis Christum instituisse, cum parvulis manus imponeret: „ quamvis eruditi theologi doceant illud die cœnæ, vel post resurrectionem institutum fuisse.

Synodus etiam Moguntina, ubi de capitulis ad fidem pertinentibus, plura differit quæ ad fidem nihil omnino pertinent. Capite 18. asserit „ hoc sacramentum ab initio, sola manuum impositione exhibitum fuisse. „ Subjicit unctionem non ab ipsis apostolis, „ Sed sub ipsis temporibus apostolorum cœpisse adhiberi. „ Asserit ibidem illam adhibitam fuisse. „ In locum visibilis signi, „ quo Spiritus sanctus sub ignis & linguæ specie descendebat: quæ tria tamen ab eruditis theologis etiam nunc in dubium revocantur: videlicet & *cap. 25.* ubi præcipit, „ Ut audiendis confessionibus, sacerdotes viri integri & periti præficiantur. „ Et *cap. 17.* ubi religiosus prohibet, „ ne cuiusquam laico sacro-sanctæ eucharistiæ communionem, sine speciali consensu parochi, ad cujus curam ille pertinet, porrigant. Quemadmodum & parochis omnibus inhihet, ne quemquam alienum parochianum, sine consensu sui parochi extra necessitatem, sive ad confessionem, sive ad illius sacramenti perceptionem recipiant.

ARTICULUS III.

Quo tempore sacramentum illud a Christo institutum fuerit.

Variæ sunt opiniones. Prima docet Confirmationem a Christo institutam fuisse, quando manus parvulis imposuit *Matth. 19.* Ita S. Thomas in 4. d. 7. qu. 1. art. 1. *quæstiunc. 1. ad 1.* Aureolus in 4. d. 7. qu. 1. & synodus Senonensis, seu Parisiensis anno 1528. *cap. de decretis fidei*: "Sacramentum, inquit, Confirmationis Christus instituit, cum parvulis manus imponeret." Verum multiplex est manuum impositio, nec omnis est confirmatoria, sed alia est reconciliatoria, qua pœnitentes, excommunicati, & hæretici ecclesiæ reconciliabantur. Alia ordinatoria, qua ministri ecclesiæ ordinantur. Alia sanativa, qua infirmis sanitas restituitur. Impositio autem super parvulos a Christo adhibita, ex Hieronymo & Anselmo, erat curatio a languoribus, vel specialis benedictio. Adde, quod isti parvuli, ut qui non essent baptizati, nondum erant apti ad Confirmationem.

Secunda docet illam a Christo institutam fuisse: "Non exhibendo, sed promittendo, secundum illud Joannis 16. "Si non abjero, parascletus non venit ad vos: si autem abjero, mittam cum ad vos." Ita S. Thomas 3. par. quæst. 72. art. 1. ad 1. Dominicus Soto in 4. d. 7. qu. 1. ar. 1. Verum hisce verbis Christi, nihil aliud promittitur, quam descensus visibilis Spiritus sancti super apostolos die Pentecostes. Neque simplex promissio Spiritus sancti censeri potest institutio hujus sacramenti.

Tertia docet illam a Christo institutam fuisse die cœnæ. Ita pseudo-Fabianus *epistol. 2.* & auctor operum cardinalium apud Cyprianum *serm. de unctione chrismatis*, & ex illis catechismus Romanus, Suarez, & alii. Verum hæc opinio nullum firmum habet fundamentum: testimonia enim quibus illa innititur, neque Fabiani, neque Cypriani sunt.

Quarta docet illam a Christo institutam fuisse, cum insufflavit & insufflando dixit apostolis; *Accipite Spiritum sanctum*, Joan. 20. Hæc opinio a Soto & Suarez tribuitur Scoto in 4. d. 2. qu. 1. *object. 1.* Verum eo loci Spiritus sanctus datur ad remissionem peccatorum, non autem ad robur: quare hæc insufflatio magis ad ordinem quam ad Confirmationem pertinet.

Quinta docet illam a Christo institutam fuisse die Pentecostes, quo apostoli descensu Spiritu sancti confirmati sunt: quæ opinio Scoto tribuitur *ibidem*. Verum Christus sacramenta instituit, cum in terris adhuc versaretur, non autem cum in cœlos assumptus esset. Præterea apostoli die Pentecostes effectum Confirmationis sine sacramento susceperunt.

Sexta est illam a Christo institutam, cum a mortuis suscitatus per dies

dies quadraginta cum discipulis conversaretur, & de regno Dei colloqueretur *act. 1.* id est de ecclesia ædificanda & administranda, ad cuius (ex Gregorio Magno, qui per regnum Dei intelligit ecclesiam) ædificationem & administrationem in primis pertinent sacramenta. Tale quid innuit Leo Magnus *serm. 1. de ascensione Domini*, cum ait; „Hi dies, qui inter resurrectionem Domini, ascensionemque fluxerunt, non otiose transiere, sed magna in eis confirmata sacramenta, magna sunt revelata mysteria.“ Quæ opinio omnium probabilissima est. Ita Estius in *4. d. 1. §. 16. & dist. 7.*

QUÆSTIO SECUNDA.

De ministro hujus sacramenti.

IN hac quæstione lis nobis erit primum quidem cum hæreticis, deinde cum theologis catholicis.

A R T I C U L U S I.

Referuntur errores hæreticorum circa ministrum Confirmationis.

TRIDENTINUM concilium *sess. 7. can. 3. de Confirmat.* definit ordinarium hujus sacramenti ministrum esse antistitem, non autem quemvis presbyterum. Oppositam huic canoni doctrinam, tradiderunt, Waldenses, Wicleffitz & Hussitz, qui ut *ex parte 1. qu. 1. art. 1. sess. 2.* apparet, pati non poterant Confirmationis administrationem solis episcopis reservari: hoc nixi fundamento, quod episcopus a sacerdote nihil differat secundum potestatem sacramentalem, quo fit, ut quicumque Acrii errores amplexati sunt, jure ac merito numerentur inter hæreticos, qui Tridentinæ definitioni repugnant.

Lutherus *lib. de captivitate Babylonica*, perstringit episcopos, quod neglectis sacramentis negotiosis, spreteque verbi divini prædicatione, Confirmationis administrationem, ut pote facilem & honorificam, sibi solis reservaverint, „Ne penitus essent sine opere in ecclesia. Postquam enim sacramenta illa negotiosa una cum verbo aliis inferioribus ministris ut vilia reliquerunt, (nimirum quod quicquid divina instituit majestas, hominibus oportet esse contemptum) justum fuit, ut facile aliquod, quod tam delicatis & magis heroibus non esset molestum, inveniremus, & nequaquam ceu vile inferioribus committeremus. Nam quod humana statuit sapientia, oportet ut hominibus sit honoratum, & ita quales sunt sacerdotes, tale habeant mi-

nisterium & officium. " Ita Lutherus episcopos de se ipsis ironice loquentes inducit : statimque ex suo subicit : " At episcopus non evangelizans , nec animas curans , quid est , nisi idolum in mundo , habens nomen & figuram episcopi.

Kemnitius Lutheri verba describit in *examine concil. Trident.* & fundamentum a Waldensibus ex identitate episcopi & presbyteri petum refert *parte 2. pag. 324* subicit *pag. 325.* concilium contra S. Thomam , & quosdam alios doctores , imo & contra ipsum Gregorium magnum definivisse , solum episcopum esse ministrum ordinarium Confirmationis .

Calvinus autem , postquam *libro 4. instit. cap. 19. §. 10.* orthodoxos traduxit quasi " Donatistas , qui vim sacramenti Confirmationis a ministris dignitate aestimant : " eorum doctrinam sic ille impugnat. " Si quis ab illis scisciteretur , unde tanta prerogativa episcopis delata fuerit ; quam rationem afferent præter suam libidinem ? Soli apostoli eo jure usi sunt , qui soli Spiritum sanctum distribuerunt. An soli episcopi ? imo an omnino apostoli ? demus tamen & istud . Cur non eodem argumento contendunt , solis episcopis sacramentum sanguinis in cæna Domini attingendum esse ? quod laicis ideo denegant , quia solis apostolis , a Domino datum fuerit : si solis apostolis ; cur non inserunt , ergo solis episcopis ? Sed apostolos eo loco simplices presbyteros faciunt ; nunc vertigo capitis eos alio rapit , ut subito episcopos creent . Postremo non erat apostolus Ananias , ad quem tamen Paulus missus est , ut visum reciperet , baptizaretur , & impleretur Spiritu sancto . Addam & hoc ad cumulum , si jure divino proprium hoc munus est episcoporum , cur ausi sunt ad plebeios presbyteros transferre , quemadmodum in quadam epistola Gregorii legitur .

Et in *antidoto canonis* 3. postquam episcopos impudenter appellavit cornutos insulatosque asinos , subicit : " Unde , quæso , probabunt episcopis magis quam reliquis sacerdotibus convenire has partes , nisi quia incertis auctoribus ita placuit ? at si ex scriptura petatur ratio , nullum illis est , omnium confessione , presbyteri & episcopi discrimen . Deinde manuum impositione jubetur Paulus ab Anania recipere , qui unus erat ex discipulis . " Et postea : " Vel Dei lege sanctum est , quod volunt , vel humano placito . Si Dei lex est , cur eam violare non verentur , dum presbyteris extra ordinem concedunt jus confirmandi ? pro humano autem placito ita fulminantes , cur formidinem incutient ?

Dallæus *lib. 1. de Confirm. cap. 2.* scribit " Potius episcoporum honori atque dignitati , quam plebis salutis , atque usui inventam fuisse Confirmationem ; (cum videamus) interdum totas gentes , v. g. Anglos , Scotos , Hybernos sine ullis episcopis agere , (adeoque) eo omni spiritali præsidio , quod huic sacramento tribuitur , necessario carere ; (quod) a Christi bonitate alienum est , si sacramentum istud

fit

„ sit alicujus necessitatis. “ Et alibi, pluribus argumentis ex utroque Sirmundi antirrhethico petitis probare conatur, ecclesiastici, non divini juris esse, quod frontis unctio, adeoque & ipsa Confirmatio a solis episcopis, non autem a presbyteris & a diaconis, ut a ministris ordinariis adhibeatur.

Ecclesiam ille dividit in occidentalem & orientalem. De occidentali ita sentit, videlicet unctionem & manus impositionem caeremonias baptismi fuisse post annum 160. inventas & usurpari coeptas: ita Dalexus lib. 2. cap. 3. utriusque vero administrationem non solum episcopis, sed etiam “ presbyteris, diaconis, imo & laicis “ in ecclesia occidentali concedit eodem libro cap. 9. usque ad schisma Novatianorum, „ quo tempore datum est ordinis honori, ut solis presbyteris ungeretur baptizatos, ac manum iis imponere liceret; laicis non liceret; „ tamen eis fas esset in necessitate positum baptismi ablueri. Inde, „ inquit, institutum, quod habet Eliberitanus canon 38. ut si quos „ laici in hujusmodi rerum articulo baptizassent, eos, si supersessent, „ ad episcopum perducerent manus impositione perficiendos. “ Sibi vero non constans, sub finem ejusdem capituli ait: “ Sed non solis presbyteris, verum quod multo mirabilius est, etiam diaconis manus „ imponendæ jus tribuere videntur boni illi Eliberitanæ synodi patres “ „ canone 77. Quibus ille a Sirmundo dissentit, qui in antirrhethico 2. cap. 5. pag. 26. § 27. docet solos episcopos primis ecclesiæ temporibus ad Constantinum principatum, tum chrismationem, tum manus impositionem obire solitos: illo vero primum tempore “ consignationem „ permitti coeptam etiam presbyteris: “ manus autem impositionem penes solos episcopos, ut antea, mansisse.

Quam vero, inquit ille lib. 2. cap. 2 “ Eliberitani Patres presbyteris consignandi, manusque imponendi potestatem integram reliquerant, Sylvester viginti non amplius postea synodum (Iliberitanam, quam ille anno 305 habitam existimat) annis episcopis detulit: hoc „ privilegium episcopis conferens, “ ut etiam a presbyteris linitos obsignent, uno excepto casu, si baptizatum presbyter in mortis periculo esse videat; qua occasione ei concedit, ut baptizatum chrismet. “ Sic ille interpretatur hæc verba pontificalis pseudo-Damasi in vita Sylvestri: “ Privilegium episcopis contulit, ut baptizatum consignent propter hæreticam suasionem: hic & hoc constituit, ut linitus presbyter chrismate levatum de aqua propter occasionem transitus mortis. “ Hoc tamen Sylvestri decretum extra Romam vix aliquid obtinuisse initio sæculi V. probat ille factio Decentii Eugubini episcopi, qui anno 416. Innocentium I. consuluit, utrum consignatio frontis infantium “ ab alio, quam ab episcopo fieri liceret. “ Innocentius accepta hac occasione, frontis chrismationem solis episcopis simpliciter & absolute reservavit: ejusque loco finxit & substituit aliam unctionem, quam presbyteris concessit, ne illi suo jure antiquo const-

consignandi frontes baptizatorum omnino destituti conquererentur. Non desinavit Innocentius, quæ pars deberet consignari: frontem solum excepit. Gregorius magnus anno 593. presbyteris Sardinensibus permisit ut baptizatorum pectus chrismate ungerent, "Quod diu obtrinit, jubentibus ita Romanis pontificibus: denique & dimisso pectore & verticem ipsum scandere presbyterorum chrisma decreverunt; quod hodieque apud Latinos viget. Ita Dallæus *lib. 3. cap. 1. & alibi*. Innocentii vero decretum in Galliæ, Hispaniæ, imo & Italiæ provinciis vim serius obrinuisse, Dallæus ostendit pluribus canonibus, qui presbyteris vel diaconis vel utrisque consignandi jus concedunt, & quos ille de frontis unctione interpretatur. Pro Galliis adducit canonem 1. & 2. concilii Arausici anno 441. canonem 3. concilii Vasis I. anno 442. canonem 27. concilii Arelatensis II. anno 442. canonem 16. concilii Epaonensis ad annum 517. ita ille *lib. 3. cap. 2. 3. 4. & 5.* Pro Hispania adducit canonem 20. concilii Tolerani I. anno 400. Martinum Bracarensem ad annum 470. & canonem 2. concilii Barcinonensis anno 597. ita ille *lib. 2. cap. 23. & lib. 3. cap. 5. & 7.* Pro Italia exemplum adducit presbyterorum Sardinensium qui baptizatorum frontes adhuc ungebant desinente seculo VI. & antiquum usum, reclamante licet Gregorio papa, retinuerunt: Ita ille *lib. 3. cap. 1. & 6.* "Constat igitur, inquit ille *lib. 3. cap. 1.* in fine, hanc Innocentii tam absurde, tamque nulla ratione scriptam, atque demonstratam legem, duplicem illam frontis & verticis chrismationem diu postea in occidente peperisse; cum nostri homines variis artibus sub Romanis episcopi jugum pene missi, quidquid ab illa sede exierat, pro apostolico dogmate venerarentur. Tum enim in hoc Innocentii decretum incidentes, id quod una decernit, ipsi pro vero certoque confirmarunt. Sed hæc diu postea contigerunt: ducentis (enim) infra annis, in occidente, vel ignota, vel contempta sic jacuit illa Innocentii lex, ut raræ in illo temporum decursu ecclesiæ occurrant, ubi ea bona fide servaretur: "ita ille pessime quidem de Innocentii epistola quæ suæ fabellæ seriem omnino perturbat. De orientali autem ecclesia tria ille docet: primum est, manuum impositionem confirmatoriam in ea nunquam observatam fuisse. Secundum est solam chrismationem in ea adhibitam fuisse. Tertium est, hanc chrismationem, non solum ab episcopis, sed etiam a presbyteris ex officio neophytis administratam fuisse.

ARTICULUS II.

*Refertur opinio Photii, & quorundam Græcorum
schismaticorum.*

PHOTIUS pro more patriarcharum Constantinopolitanorum, qui chrisma solemniter a se confectum, ad varias orientis partes episcopis mittere solebant, misit presbyteros, qui Bulgaros ad fidem catholicam conversos hoc unguento consignarent. Illud vero, & Confirmationem ex eo confectam legati Nicolai I. cum Bulgariam venissent, reprobarunt & Bulgaros iterum chrismarunt, sive unguentum illud a Photio pseudo-patriarcha Constantinopolitano, eoque suspenso & excommunicato confectum esset, sive quia hujus chrismatis unctio a presbyteris, a presbyteris Photianis seu schismaticis, a presbyteris suspensis, & in diœcesi a Latinis conquesta, administrata fuisset. Quod cum didicisset Photius, furore quodam percitus, œcumenicam synodum finxit adversus Nicolaum I. & encyclicam epistolam scripsit ad sedes patriarchales orientis, qua in Latinos acrius invehitur, quod dicerent, "Non licere sacerdotibus eos, qui sacro baptismo initiantur, unguento sanctificare. Solis enim pontificibus hoc datum esse." 1. Quia lex nulla hoc munus episcopis reservat. "Unde, inquit, venit hæc lex, & quinam legis conditor? apostolorumne unus aliquis, an vero Petrus? num etiam aliqua ex synodis? sed ubi & quando congregata est hujusmodi synodus? & quorumnam calculis confirmata?" 2. Quia, licet sacerdotibus baptizare: quidni confirmare? Confirmatio enim, est custodia baptismatis sanctificationis; "Quomodo vero ausus, res a sacerdote custodiam & sigillum illius puritatis, cujus ipse est auctor?" 3. Quia licet sacerdotibus sacra facere & eucharistiam administrare: quidni unguentum conferre? præsertim cum eucharistia nobilior sit Confirmatione. "Qui autem magis aliis impertit; nonne & minus impertire poterit?" inquit Joannes Nathanael. Photii doctrinam secuti sunt Græci quidam schismatici, quos inter Joannes Nathanael presbyter, & magnus œconomus Cretensis, qui obiit sub initium hujus seculi XVII. Docet iste chrismatis consecrationem a solis episcopis confici, unctionem vero a simplicibus presbyteris tanquam ordinariis ministris conferri posse. Græci tamen schismatici non omnes ita sentiunt. Chrismatis enim & consecrationem & unctionem solis episcopis tribuit Simeon Thessalonicensis in libro de sacramentis. Matthæus Blastarius in suo nomocanone, negat chorepiscopos, "Quamvis plura privilegia quam presbyteri sortiti essent, (baptizatis) gratiam Spiritus sancti præbere" posse. "Et Gabriel Philadelphienus in tractatu de sacramentis" querens quibusnam proprie concessum sit munus ungendi: "ita respondet: "Quamvis hoc in canonibus conciliorum determinate reperire non potui;

potui; tamen videtur mihi merito pontificibus antecederet hoc datum esse, quibus & solis hoc licet conficere secundum sextum canonem concilii Carthaginensis. Ecclesia vero orientalis non tantum pontificibus, sed etiam per ipsos presbyteris post sacram baptismatis caeremoniam benigne annuit atque concedit citra ullam culpam unctionem chrismatis: idque propterea ne quis baptizatorum ejulmodi gratia privetur, si eum contingat, ut sunt humanæ res, repentina atque immatura morte ex hac vita migrare.

ARTICULUS III.

Refertur opinio Armachani, Sirmondi & Rigaltii.

RICHARDUS Radulphus, seu Rodolphus, Hibernus doctor & cancellarius academix Oxoniensis, deinde archidiaconus Lichfoldensis, ac tandem archiepiscopus Armachanus, floruit sedentibus in cathedra Petri, Clemente VI. & Innocentio VI. & obiit ad annum 1359. hunc theologi Armachanum vulgo appellant; eumque quasi suspectum, & de hæresi notatum traducit Joannes de Ragusio, Dominicanus, in oratione, quam de communione sub utraque specie habuit in concilio Basileensi: & quasi impudentem & impium Dominicus Soto in 4. *dist.* 7. *quest.* 1. *art.* 11. Illius tamen honorifice meminit Petrus ab Alliacono, cardinalis & episcopus Cameracensis in 4. *quest.* 4. *art.* 1. nec immerito. Vir enim fuit doctrina & pietate insignis, qui fato functus, plura edidit miracula, quæ Bonifacius IX. diplomate ad id concessio, in acta referri voluit, ut ad ejus (ut ajunt) beatificationem procederet: ex Harpsfeldio in *historia ecclesiæ Anglicanæ*, seculo 14. *cap.* 28. Walsinghamo in *Eduardo III.* anno Christi 1358. & 1360. Wadingho *annal. min.* ad annum 1357. & Spondano *ad ann.* 1357. scripsit ille definitionem curatorum adversus mendicantes; sermones aliquot de cruce & laudibus B. Virginis; commentarios in libros 4. *sentent.*, & libros 19. *adversus errores Armenorum*, quorum libro 11. *cap.* 4. docet commune esse episcopis & presbyteris, munus confirmandi, si potestas ordinis attendatur: unde Thomas Waldensis lib. 2. *de sacramentis*, *cap.* 114. existimat Wicleffum hausisse suam hæresim (fuit enim Radulphus paulo antiquior Wicleffo, quamvis eodem seculo XIV. vixerint.) Quo fit ut theologi vulgo doceant illum idem omnino sensisse, quod Wicleffus circa ministerium Confirmationis: jure, an injuria, judicet æquissimus rerum arbiter. Wicleffus enim absolute negabat, "Collationem sacramenti Confirmationis episcopis reservatam esse: "qua de re, *supra*, *par.* 1. *quest.* 1. *art.* 1. *sess.* 3. Radulphus contra, licet existimet munus Confirmationis episcopo & presbytero, si utriusque character seu potestas ordinis in se & secundum se consideretur, esse commune, nihilominus agnoscit munus illud, ecclesiæ decretis episcopis reservatum esse,

se, eamque reservationem approbat, adeo ut *peccant, graviterque punien-
di sint* presbyteri, qui renuentibus episcopis confirmant: validam ta-
men eorum esse Confirmationem. Ita Radulphus, *loco citato*, & ex eo
cardinalis Ostiaticensis *ibidem*.

Idem, quod Radulphus, sentire videtur Jacobus Sirmondus, Nicolaus
Rigaltius: ille quidem in *utroque antirrhetico*, ubi docet 1. frontis chris-
mationem, quam sacramento Confirmationis essentiali esse probavi-
mus *supra*, commissam olim vulgo presbyteris a quibuslibet episcopis;
ex antirrhetico 2. pag. 64. & 66. & *ex antirrhetico* 2. pag. 27. 28. 29. &c.
2. Non solum presbyteris, sed etiam diaconis passim, & sine necessitate
commissam; & ab illis ordinariis ministris, non ab episcopis tradi con-
suetam, *ex antirrhetico* 1. pag. 69. & *ex antirrhetico* 2. pag. 38. Iste vero
in *notis ad epistolam* 59. Cypriani docet 1. unctionem, quam Tertullianus
“*ætate jam sua baptismo adhibitam fuisse testatur, neque mandatam a*
“*Domino, neque ab apostolis factitatam fuisse, sed paulo post ex-*
“*cessum apostolorum usurpatam.*” 2. unctionem quam Patres sy-
nodi primæ Arausicanæ *can.* 2. ab omnibus ministris, qui baptizandi
receperunt officium, presbyteris videlicet, & diaconis administrari ju-
bent, unctionem esse confirmatoriam. 3. “*Hujusce unctionis admi-*
“*nistrationem pro variorum Episcoporum ingenio variasse.* Nam &
“*investæ sunt plures unctiones, & distingui cœpit ea quæ in fron-*
“*te fiebat, ab alia quam in vertice fieri placuit.* Hæc permixta pres-
“*byteris; alia episcopis reservata, perficientibus, & consumman-*
“*tibus mysteria inchoata.*” 4. unctiones illas “*ad baptismi disci-*
“*plinam pertinere.*” Ita in observationibus ad Cypriani Epistolam,
quas Antonius de Breda, & Martinus Grandin, doctores Sorbonici ap-
probarunt anno 1648. Fatendum tamen est & Sirmondum & Rigaltium
a Radulpho reipsa differre. Illi enim existimant in ea chrisimatione situm
non esse sacramentum Confirmationis, sed in sola manuum impositione,
quam solis episcopis concedunt.

Ut ut sit, Radulphi opinionem probabilem censet Scotus in 4. *dist.*
7. *quest.* 1. ad 3. ubi refutatis duabus primis solutionibus, duas ille
alias refert, quas quidem probabiles existimat. “*Alii possunt esse duo*
“*modi dicendi probabiles: unus quod in primitiva ecclesia non erat*
“*differentia inter sacerdotes, & episcopos: quod probatur per duas*
“*auctoritates Hiernonymi, &c. Et si istud est verum, tunc sacerdoti*
“*ex officio potuit competere confirmare, sicut, & Episcopo, quia*
“*ex prima institutione, non erat alius gradus in Ecclesia, tamen*
“*propter necessitatem postea multiplicati sunt sacerdotes, & restri-*
“*cta est potestas ab eis, quantum ad aliqua, quæ reservata sunt so-*
“*lis sacerdotibus majoribus, qui dicti sunt Episcopi, & talis actus*
“*esset confirmare.*”

Idem, quod Scotus, asserit Gabriel in 4. *dist.* 7. *quest.* unica, *con-*
cl. 3. “*Tertia conclusio, quam non pono asserendo, sed occasionem*
“*pro-*

„ profundius inquirentibus dando. Stante opinione, quod Episcopatus
 „ semper fuit institutione Christi a sacerdotio distinctus, tenentes so-
 „ los episcopos posse confirmare, videntur veritati magis appropin-
 „ quare. Dixi: stante opinione quod episcopatus, &c. quia si tene-
 „ retur quod in primitiva Ecclesia nulla fuerit distinctio episcoporum
 „ a sacerdotibus, tunc opinio contraria non habet dubium, quin sic
 „ omni sacerdoti ex officio potuit competere confirmare, & quidquid
 „ convenit Episcopo, cum non fuerit distinctio; quæ postea multi-
 „ plicatis sacerdotibus, dum ad confusionem in Ecclesia vitandam,
 „ quorundam potestas restricta est quantum ad aliqua, quæ reservata
 „ sunt solis majoribus sacerdotibus, qui dicti sunt Episcopi, inter quæ
 „ est Confirmatio.

Eandem opinionem defendebant theologi, quorum meminit Aureo-
 lus in 4. dist. 7. quest. 2. “ Sciendum, quod secundum aliquos sacer-
 „ dos & episcopus non differunt; unde episcopus non est nisi simplex
 „ sacerdos, habens tamen majorem parochiam, & auctoritatem. Mo-
 „ dus iste dicendi habet pro se Hieronymum, &c. “ adductisque Hie-
 „ ronymi & Pauli auctoritatibus, subjicit ille: “ Quod si verum esset,
 „ questio non haberet difficultatem, quia tunc papa libere potuit mi-
 „ nisterium Confirmationis committere aliis quam episcopis. “ Ejus-
 „ dem opinionis velut inter problemata theologica receptæ meminit Du-
 „ randus in 4. dist. 7. Licet enim quest. 3. num. 4. supponat “ tanquam
 „ concessum ab omnibus fidelibus, quod solis Episcopis competit ex
 „ officio confirmare; “ ille tamen questione sequenti, inquirens verum
 „ presbyter ex commissione papæ confirmare possit, relatis theologorum
 „ opinionibus, tandem difficultatem propositam ita solvit num. 9. & 10.
 „ Advertendum est quod supposito quod Confirmatio sit verum sacra-
 „ mentum a Christo institutum, & minister ejus sit omnis sacerdos quan-
 „ tum est ex institutione, licet ex prohibitione ecclesiæ reservata sit ejus
 „ collatio solum Episcopis, tunc facile est dicere quod ex commissione
 „ papæ simplex sacerdos possit confirmare, quia prohibitio Ecclesiæ so-
 „ lum facit, quod non liceat simplici sacerdoti confirmare, cui tamen
 „ liceret, si non esset prohibitio ecclesiæ. Commissio autem papæ, si
 „ eam faceret simplici sacerdoti, tolleret prohibitionem quantum ad il-
 „ lum cui fieret commissio. Si tamen sacerdos sine tali commissione con-
 „ firmaret, verum sacramentum esset, sed ipse peccaret; quia gradus
 „ Episcopalis non esset de necessitate sacramenti, sed de necessitate præ-
 „ cepti. Et in hoc casu potest excusari Gregorius, qui concessit quod
 „ simplices sacerdotes possent confirmare. Si autem ex institutione Chri-
 „ sti solus episcopus sit minister Confirmationis, nullo modo simplex
 „ sacerdos ex commissione papæ potest hoc sacramentum conferre. “
 „ Pluribusque rationibus id statuit. Ex his apparet hanc doctrinam Radul-
 „ pho antiquiorem esse, floruerunt enim Scotus ad annum 1300. Durandus
 „ & Aureolus ad annum 1315.

Denique Arcudius ipse in opere *de concordia*, quod Romæ scriptum ad annum 1620. & a Romanis Parisiniſque doctoribus approbatum eſt, *lib. 2. cap. 10.* hanc Radulphi opinionem inter theologorum problemata recenſet, eamque ab errore Wicleſſi diſtinguit. Doctorum ſententiæ „ (de miniſtro Confirmationis) variæ ſunt: nonnulli ſentiunt adeo ſingulari munere hanc functionem chriſmatis ad Episcopum ſpectare, ut „ eam presbyteris impertire ne extraordinarie quidem ſummus „ pontifex poſſit. Alii contra facultatem hanc non excedere vires ſacerdotii autumant: quocirca valere ſacramentum a presbyteris adminiſtratum; ſed peccare presbyteros non impetrata venia: qua interpretatione adhibita ab errore Wicleſſi in Concilio Conſtantiensi „ damnato longe abeſſe videntur: quæ ſunt duo extrema opinionum. „ Alii denique media, ac regia via incedentes Episcopum ordinarium „ miniſtrum ſecundum canones conciliorum ſtatuunt; extraordinarium, „ presbyterum.

ARTICULUS IV.

Quid fides catholica doceat de miniſtro Confirmationis.

FIDES catholica traditur in Concilio Tridentino *ſeſſ. 7. can. 3. de Confirmatione*. „ Si quis dixerit, ſanctæ Confirmationis ordinarium miniſtrum, non eſſe ſolum episcopum, ſed quemvis ſimplicem ſacerdotem, „ anathema ſit. „ Et *ſeſſ. 23. can. 7.* „ Si quis dixerit, Episcopos non „ eſſe presbyteris ſuperiores, vel non habere poteſtatem confirmandi, & „ ordinandi, vel eam quam habent, illis eſſe cum presbyteris communem, anathema ſit. „ Et in eadem *ſeſſ. 23. cap. 4. de doctrina*, „ Sacroſancta ſynodus declarat, præter cæteros Eccleſiaſticos gradus, Episcopos, qui in locum apoſtolorum ſucceſſerunt, ad hunc hierarchicum ordinem præcipue pertinere, eoſque presbyteris ſuperiores eſſe, „ ac ſacramentum Confirmationis conferre, miniſtros eccleſiæ ordinare, „ atque alia pleraque peragere ipſos poſſe, quarum functionum poteſtatem reliqui inferioris ordinis nullam habent.

Hæc autem fidei doctrina, qua ſolus Episcopus Confirmationis ordinarius miniſter aſſeritur, & confirmandi poteſtas negatur Episcopis, & presbyteris communis eſſe, probatur 1. ex actis *cap. 8. & 19.* ubi non alii, quam apoſtoli baptizatis Spiritum ſanctum per manuum impositionem conferebant. Sed episcopi apoſtoliſ ſucceſſerunt.

Durandus in 4. *diſt. 7. quæſt. 3. num. 11.* reſpondet ex hoc textu, nihil concludi poſſe. „ Quia apoſtoli erant ſacerdotes, & Episcopi. „ Quare ex illo textu non eſſe clarum, an Apoſtoli confirmaverint „ tanquam ſacerdotes, vel tanquam Episcopi. „ Verum quod Apoſtoli manus impoſuerunt ut Episcopi, non ut ſimplices ſacerdotes, inde conſtat. 1. Quia ſcriptura nunquam tribuit hoc officium, niſi „ ipſis

ipsis Apostolis, cum alia officia, ut prædicandi, & baptizandi tribuat etiam aliis inferioribus ministris. 2. Quia nulla videtur posse fini causa, cur soli Episcopi manus imponant, & cur ad hoc ipsum veniant ex uno loco ad alium, nisi quia hoc munus proprie pertinet ad primum gradum Ecclesiasticum, qui certe Episcopalis est. Quid enim opus erat, ut ex Jerusalem venirent, si presbyteri, & diaconi potuissent manus imponere? non poterant significare per litteras, aut mittere, qui Samaritanos confirmarent? 3. quia Cyprianus, Chrysostomus, Innocentius I. Hieronymus, Augustinus, Isidorus Hispalensis, Beda, Theodulfus Aurelianensis, Jonas Aurelianensis, Patres Concilii Parisiensis & alii *supra citati par. 1. quest. 1.* moxque citandi *probatione 2.* ex hoc textu inferunt confirmandi potestatem residere penes solos Episcopos. Supponunt igitur Apostolos confirmasse ut Episcopos.

CALVINUS respondet 1. apostolos id egisse per extraordinariam, non autem ordinariam potestatem. Verum hanc potestatem fuisse ordinariam & successivam, intelligitur 1. ex eo quod ad Hebræos *cap. 6.* numeratur hæc manus impositio cum aliis ordinariis Ecclesiæ ritibus. 2. Ex eo quod semper in Ecclesia viguit hæc consuetudo, ut Episcopi neophytis manus imponerent. Qua de re *supra parte 1. quest. 1.*

Respondet 2. quod fecerunt apostoli, non posse tribui episcopis; quia episcopi non sunt apostoli. Refellitur 1. quia Cyprianus, Chrysostomus, Innocentius I. Hieronymus, Augustinus, Isidorus, Beda & alii *parte 1. qu. 1. citati*, ex hoc apostolorum factis colligunt facultatem confirmandi residere penes episcopos. 2. Quia licet episcopi non sint apostoli, eos tamen apostolis successisse affirmant concilium Neocæsariense, *can. 13.* Hieronymus in *epistola ad Marcellam de erroribus Montani*, Augustinus in *psalm. 44.* ad hæc verba, *Pro patribus tuis nati sunt filii &c.*

Respondet 3. sicut episcopi, ita & presbyteros apostolis successisse; alioquin non liceret presbyteris, sed solis episcopis communicare sub utraque specie, quia soli apostoli utramque speciem in cæna Domini acceperunt. Refellitur 1. quia apostoli in ultima cæna presbyteri facti sunt; episcopi vero non nisi post resurrectionem creati sunt, cum eis dictum sit Joan. 20. *Ecce ego mitto vos &c.* 2. Licet presbyteri in aliqua re apostolis successerint; non tamen in omnibus, neque absolute: sed soli episcopi apostolis simpliciter & absolute successisse dicuntur, idque patet, tum ex praxi: si quis enim petat, Quis successit Petro apostolo? omnes respondent, episcopus Romanus: Quis apostolo Jacobo? episcopus Hierosolymitanus: Quis apostolo Joanni? episcopus Ephesinus: tum ex testimonio veterum, qui ajunt episcopos apostolis succedere: nihil autem hujusmodi asserunt de presbyteris: tum ex ipsa potestate ordinaria, ratione cujus succedunt apostolis. Auctori-

toritas apostolica omnem ecclesiasticam potestatem complectebatur. Erant enim apostoli primum quidem christiani, deinde sacerdotes, præterea summi sacerdotes, denique summi sacerdotes non uno in loco, sed in toto orbe terrarum; poterant enim ubique prædicare, baptizare, ordinare &c. ex his quatuor hoc postremum fuit ordinarium in Petro, extraordinarium in cæteris apostolis; quo fit, ut Petri, non autem Jacobi & Joannis successores potestatem in universum orbem habeant: cætera tria erant in omnibus ordinaria: quare, inquit Bellarminus, licet omnes christiani aliquomodo succedant apostolis, quatenus illi fuerunt primi christiani: & omnes sacerdotes eisdem apostolis succedant, quatenus illi fuerunt primi sacerdotes: & omnes episcopi eisdem succedant, quatenus isti fuerunt primi summi sacerdotes; tamen soli isti simpliciter illis succedunt, quia succedunt in tota eorum ordinaria auctoritate, in qua sola succedi potest.

Respondet 4. Ananiam, qui tamen episcopus non erat, manum imposuisse super Paulum *ut impleretur Spiritu sancto*. Sic enim habetur act. 9. *Et imponens ei manus, dixit: Saul frater, Dominus misit me Jesus &c. ut videas, & implearis Spiritu sancto*: falsum igitur est, solos apostolos per manuum impositionem contulisse Spiritum sanctum. Refellitur 1. quia hæc manuum impositio præcessit baptismum Pauli; non fuit igitur Confirmatio: nullum enim sacramentum baptisma præcedit. 2. Quia probabilissimum est, Paulum ut cæteros apostolos, (nihil enim ipsis minus accepit) immediate a Deo sine humana manuum impositione confirmatum fuisse. 3. Quia hæc manuum impositio fuit sanatio cæcitatis; subjicitur enim; *Et confestim ceciderunt ab oculis ejus tanquam squamae, & visum recepit, & surgens baptizatus est*. Unde quod ait (*ut videas*) refertur ad visum corporalem: & illud, (*replearis Spiritu sancto*) refertur ad baptismum, quem subinde recepturus erat. Ita exponere videtur Hieronymus in dialogo adversus Luciferianos cap. 3. 4. Familiare fuit apostolis ut discipulis, ut propter salutem corporis manum imponerent, juxta illud Marci 16. *Super agros manus imponent & bene habebunt*. 5. Manus olim imponebatur super catechumenos, ut illi sanctificarentur, & per hanc sanctificationem præpararentur ad baptismum, ex Augustino lib. 2. de peccat. meritis cap. 26. 6. Sacerdos in exorcismis manum catechumenis imponebat ex rituali Severi Patriarchæ: 7. Ex eodem rituali sacerdos catechumenum proxime baptizaturus, manum ei imponebat. 8. Si quis dicat Ananiam fuisse episcopum, quo argumento Calvinus oppositum evincet? præsertim cum Augustinus lib. 2. quest. evang. cap. 40. innuat illum fuisse episcopum. " Paulus ad Ananiam missus est, ut illo sacerdotio, quod in ecclesia constitutum est, sacramentum doctrinæ fidei perciperet. " Ubi episcopale sacerdotium insinuat.

PROBATUR 2. ex traditione. Cornelius Papa in epistola ad Fabianum: " Neque ab episcopo consignatus est. " Cyprianus epist. 73. ad Witasse de Confirmatione.

„*Jubajanum* : “ Ut qui in ecclesia baptizantur, præpositis ecclesiæ offerantur. “ *Firmilianus in epistola ad Cyprianum* : “ Ubi præsentent majores natu, qui & baptizandi & manum imponendi, & ordinandi possident potestatem. “ Auctor anonymus, qui scripsit adversus Cyprianum, ait “ per manus impositionem episcopi Spiritum sanctum concessisse præstari : “ neque patitur, ut aliquis dicat, non episcopum posse extra baptismum largiri Spiritum sanctum. Concilium Illiberitanum *can. 38*. “ Ad episcopum eum perducatur, ut per manus impositionem perfici possit. “ *Et can. 77*. “ Episcopus eos per benedictionem perficere debet. “ *Pacianus* hujus sacramenti administrationem tribuit soli episcopo. *Chrysostomus in cap. 8. actorum*. “ Hoc erat in apostolis singulare : unde & præcipuos & non alios videmus hoc facere. “ *Hieronymus* adversus Luciferianos scribit, hanc esse ecclesiæ consuetudinem, “ Ut in ecclesia baptizatus, nisi per manus episcopi non accipiat Spiritum sanctum. “ *Innocentius I. ad Decentium* : “ Pontificibus solis deberi, ut vel consignarent, vel Spiritum sanctum tradant, non solum consuetudo ecclesiastica demonstrat, verum & illa lectio actuum apostolorum. “ *Augustinus lib. 15. de Trinitate cap. 26*. “ Quem morem in suis præpositis etiamnum servat. “ Concilium Arelatense III. sancivit ut monachi Lerinenses, “ Non nisi ab episcopo Forojulensi, neophyti si fuerint, confirmantur. “ *Gelasius I. in epist. 9. ad episcopos Lucaniæ*, “ Nec minus etiam presbyteros ultra modum suum tendere prohibemus, nec episcopali fastigio debita sibi met audacter assumere : non conficiendi chrismatis, non consecrationis Pontificalis adhibendæ sibi met arripere facultatem. “ Concilium Hispanense II. *cap. 7*. prohibet presbyteris, ne confirmant, “ Quia Pontificatus apicem non habent. “ *Isidorus Hispanensis lib. 2. de officiis c. 26*. “ Post baptismum per episcopos datur Spiritus sanctus cum manuum impositione ... quod solis debetur episcopis. “ *Beda in cap. 8. actuum* “ Hoc enim solis Pontificibus debetur. “ Concilium Germanicum I. *can. 3*. decrevit ut “ episcopus circumbeat parochiam ad confirmandos populos. “ Ordo Romanus, hanc facultatem solis Pontificibus adscribit. Idem præstant *Alcuinus in epistola ad Oduinum*, & *Magnus Senonensis in epistola ad Carolum Magnum*. *Jesse Ambianensis, Theodulphus Aurelianensis, lib. de ordine baptismi cap. 16*. “ Quod ergo presbyteris Spiritum sanctum per manus impositionem tradere non licet, antiquis iste mos ab apostolis ecclesiæ est traditus. Factas a chorepiscopis Confirmationes irritas declarant capitularia ecclesiastica *Caroli Magni. Rabanus Maurus lib. 1. cap. 18*. “ Solus episcopus baptizatum, per manus impositionem cum ipso chrismate consignat. “ *Jonas Aurelianensis lib. 1. de institutione laicorum cap. 7*. “ Quod solius episcopi sit per manus impositionem fidelibus tradere Spiritum sanctum acta docent apostolorum. “ Concilium VI. Parisiense, *lib. 1. cap. 27*. facultatem conferendi donum Spiritus sancti per impositionem ma-

„ nnum

„num convenire solis apostolis, & solis Pontificibus“ eorum successoribus, non autem discipulis, eorumque successoribus Chorepiscopis, probat ex actis *cap. 8. & 19.* Annales Bertiniani, & ex iis Flodoardus, ad annum 867. narrant Photium, ejusque asseclas „calumniatos esse Romanam ecclesiam, imo omnem ecclesiam, quæ latina utitur lingua, quoniam presbyteros chrismate linire baptizatorum frontes inhibemus.“ Supervacaneum esset hic plura describere: videtis quæ *parte 1. qu. 1.* relata sunt ex Amalario, Walafrido, *lib. de divinis officiis*, Petro Damiani, Goffrido Vindocinensi, Ruperto, Stephano Eduensi, Honorio Augustodunensi, Hugone Victorino, & Magistro sententiarum. Videtis etiam Dionysium, Clementem, aliosque auctores, quos, ubi de dubiis nonnullorum operum auctoribus, proponimus. Verum quia Dallæus *lib. 2. cap. 2.* subindicat Ratrammum suæ opinioni favere, juvat plura ex illo describere. Sic igitur ille *lib. 4. contra Græcorum opposita*: „Nunc ad illud veniamus, quod a Græcis obijcitur, quia penes Romanos baptizatorum frontes presbyteri chrismate non liniunt Ut hoc fiat, & apud Romanos & apud omnes occidentales, tam ex evangelio, quam ex apostolorum actis constat assumptum esse. Constat namque Spiritus sancti gratiam per unctionem frontis ex chrismate ab episcopis donari: quod nulli præter episcopos esse concessum evangelica testatur auctoritas.“ Et *infra* „Omnes occidentales episcopi, majorum sequentes institutionem, sumptere consuetudinem, ut frontes baptizatorum chrismate liniendi, non presbyteris concedant, sed privilegium sibi reservent.“ Jure igitur divino facultatem consignandi frontes baptizatorum solis episcopis vindicat. Hæc tamen nihil impediunt, quominus eandem ipsis potestatem vindicet etiam jure ecclesiastico. „Ecclesiastici viri, inquit, statuerunt, ut frontes baptizatorum, non a presbyteris, sed ab episcopis chrismate sancto linirentur, ut per eos Spiritus sancti gratia conferretur.“

PROBATUR 3. ex perpetua ecclesiæ, præsertim occidentalis, consuetudine, qua constat solos episcopos, nunquam presbyteros, ex officio confirmasse.

PROBATUR 4. variis rationibus. 1. Ut ait Hieronymus *in dialogo adv. Lucif. cap. 4.* id constitutum est „ad honorem sacerdotii: ecclesiæ enim salus in summi sacerdotis dignitate pendet: cui si non exors quædam, & ab hominibus eminens datur potestas, tot in ecclesiis efficientur schismata, quot sacerdotes.“ Quæ tamen ratio parum efficax mihi videtur. Subjicit enim Hieronymus: Inde venit, ut sine chrismate & episcopi jussione, neque presbyter, neque diaconus jus habeant baptizandi. „Licet igitur presbyter ex officio baptizet, nihilominus salva & integra perseverat hæc omnium apostolorum potestas, quia presbyter hoc jure non utitur, nisi dependenter ab episcopo.“ 2. Quia Patres ajunt fideles hoc sacramento perfici. De-

cebat igitur, ut non ab aliis conferretur, quam ab eo, qui in ordine perficientium constitutus est. Atqui ex Dionysio in *lib. de eccles. hierarch. cap. 3.* episcopatus est ordo perficientium, sicut presbyteratus est ordo illuminantium, & diaconatus est ordo purgantium. 3. Quia in quolibet opere, "Ultima consummatio supremæ virtuti reservatur." Fideles autem Christi sunt quoddam divinum opus, secundum illud, 1. ad Corinth. 3. *Dei ædificatio estis.* "Quæ quidem ædificatio per baptismum inchoatur, & per Confirmationem consummatur. Confirmationis igitur administratio episcopis reservatur, qui obtinent summam potestatem in ecclesia." Ita S. Thomas 3. *par. qu. 72. art. 1. s. in cap. 40.* Quia epistola scribitur quidem "a notario, sed a Domino signatur." Fideles autem sunt quasi quædam epistola Spiritu Dei scripta, sicut dicitur 2. ad Corinth. 3. "quæ quidem epistola Confirmatione velut sigillo & signo crucis in ea adhiberi solito signatur. Hæc igitur consignatio reservatur episcopis, qui summam in ecclesia potestatem obtinent."

Objectiones Photii & Calvinii.

OBJICIT 1. Photius nullam esse legem sive divinam, sive ecclesiasticam, quæ Confirmationem solis episcopis, ut ministris ordinariis, reservet.

RESPONDEO legem illam repetendam esse 1. ex actis apostolorum. Unde Cyprianus, Chrysostomus, Hieronymus, Innocentius I. & Augustinus, collegerunt Confirmationis administrationem episcopis reservari: 2. ex traditione: 3. ex conciliis *supra* citatis.

OBJICIT 2. Licet sacerdotibus ex officio baptizare: quidni confirmare? baptismus, ut qui peccatum remittit, majoris est efficaciz: "præterea Confirmatio est custodia sanctificationis in baptismo comparata." Quomodo vero auferes a sacerdote custodiam & sigillum illius sanctitatis, ejus ipse est auctor.

RESPONDEO 1. quod baptismus, non autem Confirmatio sacramentum est necessitatis, quo fit ut non solum a presbyteris, sed etiam a laicis conferri possit: in ministerio autem baptismi non attenditur efficacia, sed necessitas. Ita S. Thomas in *comment. posteriori in 5. d. 7. qu. 1. art. 5. ad 3. 2.* Baptismus efficacior quidem est quantum ad remotionem mali &c. sed Confirmatio efficacior est ad proficiendum in bono &c. ita S. Thomas 3. *par. qu. 72. art. 11. ad 2. 3.* Confirmatio neophyti virtutem corroborat: efficacior igitur est baptismo: non valet autem consequentia a minori ad majus: nec enim sequitur, quod ille, qui potest minus, possit & majus.

OBJICIT 3. Simplex sacerdos ex officio panem consecrare potest, igitur & Confirmare: qui enim potest minus, potest & majus.

RES-

RESPONDET S. Thomas in eodem commentario id verum esse duntaxat, quando majus includit minus : sed sic non est in proposito . Chrismatio enim non includitur in eucharistiae consecratione .

OBJICIT 1. Calvinus, " probari non posse, episcopis magis, quam „ reliquis sacerdotibus convenire has partes, nisi quia incertis auctori- „ bus ita placuit .

RESPONDEO id probari auctoritate Cornelii Papæ, Cypriani, Firmiliani, Chrysostomi, Hieronymi, Innocentii I. Augustini & aliorum probatione 2. citatorum, quos nemo dixerit auctores incertos .

OBJICIT 2. id probari non posse ex scripturis sacris, quia „ nullum illic est, omnium confessione, presbyteri, & episcopi dis- „ crimen .

RESPONDEO Cyprianum, Chrysostomum, Hieronymum, Innocentium I. Augustinum, & alios probatione 1. citatos, qui ex actis apostolorum colligunt episcopos, non autem presbyteros habere, vim confirmandi, statuere quoque discrimen .

OBJICIT 3. Ananiam qui unus erat ex discipulis, adeoque non erat episcopus, Paulo dedisse Spiritum sanctum per manuum impositionem .

RESPONDEO huic argumento plene satisfactum fuisse *supra*, probatione 1. .

OBJICIT 4. " Si jure divino proprium hoc munus est episcoporum, „ cur ausi sunt illud ad plebejos presbyteros transferre, quemadmodum „ in quadam epistola Gregorii legitur ?

RESPONDEO 1. Gregorii mens a theologis in dubium revocatur . 2. Argumentum nihil concludit adversus illos, qui chrismationem Confirmationi accidentalem esse contendunt . 3. Argumentum nihil concludit adversus illos, qui absolute negant presbyteros, ut ministros extraordinarios, posse confirmare . 4. Nihil etiam concludit adversus alios, qui concedunt presbyteros ut ministros extraordinarios consignare posse . Illi siquidem id unum docent, jure divino proprium hoc munus esse episcoporum, ut velut ministri ordinarii confirmant .

OBJICIT 5. Sequeretur hoc sacramentum pendere a solo episcopo. Atqui error est Donatistarum, quod sacramentum pendeat a ministri dignitate .

RESPONDEO aliud esse sacramentum pendere a sanctitate ministri, aliud ab ejus dignitate : prius, non posterius, est hæreticum ; alioquin esset etiam error Donatistarum, quod soli episcopi presbyteros ordinant, & quod soli presbyteri eucharistiam consecrant, imo & baptismum administrent, secundum Calvinum .

Solvuntur objectiones Dallæi.

PLURA atque difficiliora Dallæus objicit, quæ quidem omnia ille excerptis ex utroque antirrhethico, quo Sirmondus adversus Aurelium probare conatus est chrismasse olim in fronte presbyteros & diaconos, eamque chrismationem ab illis ut a ministris ordinariis adhibitam fuisse. Ut vero objectiones Dallæi diluas, quinque velim observes. Primum est, illas fere omnes petitas esse, non ex manuum impositione, quam certum mihi videtur & essentialem esse, & neophytis olim non fuisse a presbyteris vel a diaconis adhibitam, sed ex unctione chrismatis, quam Sirmondus, alique plures theologi negant pertinere ad Confirmationis essentialiam. Quare si quis hanc postremam opinionem sequatur, omnibus Dallæi objectis, ut quæ supponant frontis chrismationem essentialem esse, unica responsione negativa satisfaciet. Secundum est fieri posse, ut aliquid jure divino & humano præcipiatur, vel prohibeatur; sic ordinare presbyteros utroque jure præcipitur episcopis, & utroque jure presbyteris prohibetur. Sic etiam baptizatorum frontes ungere, utroque jure episcopis reservari docet Innocentius I. in *epistola ad Decentium*. Tertium est fieri posse, ut potestas reservandi sibi nonnulla, sit de jure divino, & ipsa reservatio sit de jure ecclesiastico; sic in pontifice potestas reservandi sibi absolutionem gravium quorundam criminum, juris est divini; & ipsa eorumdem reservatio juris est ecclesiastici: sic etiam in episcopis facultas reservandi sibi absolute Confirmationis administrationem, vel eam permittendi presbyteris, juris est divini; & ipsa ejusdem reservatio, vel permissio, juris est ecclesiastici, ut docet Dominicus Soto in 4. *dist. 7. art. 11*. Quartum est aliud esse Confirmationem episcopis ut ministris ordinariis reservatam esse; aliud ipsis reservatam esse simpliciter & absolute. Prius concedunt omnes catholici, posterius in dubium revocant. Plures enim theologi docent presbyteros, ut ministros extraordinarios confirmare posse. Quintum est per ministrum ordinarium & extraordinarium hic non intelligi ministrum, qui frequens, vel qui raro Confirmationem administrat: vel qui ex commissione seu dependenter ab alio illam exhibet. Græcorum enim episcopi raro, presbyteri frequens confirmant, licet illi sint ordinarii, illi vero extraordinarii ministri.

His præmissis veniamus ad objecta Dallæi, eaque, licet pluribus capitibus dispersa, simul in unum colligamus, quibus ille contendit utramque ecclesiam ab omni ævo in ea fuisse sententia, presbyteros ex officio confirmare posse, quamvis hoc munus episcopis identidem reservatum, presbyteris vero prohibitum fuerit canonibus ecclesiasticis. Quin etiam hoc munus diaconis, imo & laicis aliquando concessum fuisse docet *lib. 2. cap. 9*. Dividit ille ecclesiam in occidentalem & ori-

rien-

rientalem : rationes vero quibus ille utitur , aliæ pugnant pro ecclesia occidentali , aliæ pro ecclesia orientali , aliæ pro utraque .

OBJICIT itaque 1. pro ecclesia occidentali Tertullianum , qui , " Ubi „ de baptismi ministris agit , nullum hujusmodi discrimen inter eos statuit ut sint , quibus abluere catechumenum liceat , eundem ungere , „ vel manus impositione munire non liceat ; sed totius baptismalis ministerii administrationem presbyteris , diaconis , imo & laicis , post „ episcopos concedit . " Ita Dallæus *lib. 2. cap. 9.* unde inde concludit , & chrismatis & manuum impositionis administrationem , non solum episcopis , sed etiam presbyteris , diaconis , imo & laicis , in ecclesia occidentali concessam fuisse usque ad schisma Novatianorum & Cypriani tempora .

RESPONDEO in hoc ratiocinio plura doceri aut supponi , quæ certe falsa sunt . 1. Falsum est totius baptismalis ministerii administrationem , quibus verbis Dallæus solemnes quoscumque ritus baptismi complectitur , a laicis aliquando usurpatam fuisse . Laici quidem baptizabant aliquando , urgente scilicet necessitate ; at illos , cum baptizarent , quolibet solemnes ritus baptismi adhibuisse , inauditum est apud Patres & antiquos scriptores . 2. Laicis baptizare non licebat , nisi cum salus periclitaretur , sive ut loquitur Tertullianus *libro de baptismo cap. 27.* „ Nisi cum urgeret circumstantia periclitantis ; quoniam reus erit periti hominis , si superfederit præstare , quod libere potuit . " Cum autem salus periclitaretur , nec ritus quicumque solemnes , nec ipsa unctio , aut manuum impositio adhibebantur ætate Tertulliani , quemadmodum apparet ex Cornelii epistola ad Fabium , in qua describit modum quo Novatianus in lecto decumbens baptizatus fuerat . 3. Si unctio & manuum impositionis administratio non solum ad episcopos , sed etiam ad presbyteros , diaconos , imo & laicos pertinuit ad schisma usque Novatianorum , id est ad annum usque 254. quo Cyprianus jam senex tribus aut quatuor ab hinc annis creatus fuerat episcopus : quomodo idem Cyprianus in epistola 73. ad Iubajanum asseruit , morem esse ecclesiarum , ut qui a presbyteris , vel diaconis baptizati essent , offerrentur præpositis ecclesiæ , id est episcopis , ut per eorum orationem & impositionem manuum Spiritum sanctum consequerentur ? qua fronte morem illum in eadem epistola repetit ex facto Petri & Joannis in actis apostolorum relato ? Mitto Chrysostomum , Innocentium I. Hieronymum , Augustinum , Ildorum Hispalensem , Bedam , Theodulphum Aurelianensem , Jonam Aurelianensem , Patres concilii Parisiensis & alios , qui ex eodem facto Petri & Joannis inferunt jus confirmandi residere penes solos episcopos . 4. Tertullianus *lib. de baptismo cap. 17.* baptismi quidem administrationem tribuit primum episcopis ; „ Dehinc presbyteris & diaconis , non tamen sine episcopi auctoritate , te ; „ denique laicis , " Cum urget circumstantia periclitantis . " Verum a quo ætate sua conferretur unctio manuumque impositio , nulli-

bi tradit. Quod autem tacuit Tertullianus, docuit Cornelius in *epistola ad Fabium*, docuit Cyprianus in *epistola 73. ad Jubajanum*, qui hoc munus solis episcopis tribuunt. Recole quæ *supra* dicta sunt, ubi de mente Tertulliani, *object. 5. pag. 51.*

OBJICIT 2. Dallæus canones 38. & 77. Illiberitanos, ex quibus *lib. 2. cap. 9.* clarum est presbyteris, imo & diaconis jus etiam tum fuisse, ut quos tingerent, iis manus imponerent. "Si quis diaconus regens plebem sine episcopo vel presbytero, aliquos baptizaverit, hi," inquit *can. 77.* per benedictionem perficiantur. "Ergo, inquit, ubi episcopus vel presbyter erat, nulla fuit hujusmodi necessitas. Quidni? quia scilicet, qui vel ab episcopo, vel a presbytero, baptizabantur, iisdem manus imponebatur; non fuisset autem imposita, si presbyter imponendæ jus nullum habuit. Et sub finem capituli, "Si quis, inquit, diaconus regens plebem sine episcopo vel presbytero, aliquos baptizaverit, eos per benedictionem perficere debet." Jubent, inquit, diaconum, quos baptizat, per benedictionem perficere. Perfici autem per manus impositionem in superiori canone 38. docuerunt. Ergo & manus baptizatis imposuit diaconus.

RESPONDEO. Legitimum utriusque canonis sensum exposuimus *supra*, ubi de synodo Illiberitana. Observare modo satis erit, miram esse & fidem & subtilitatem Dallæi, qui eundem canonem in eodem capite diversimode refert, eique sensus oppositos affingit: in priori enim ratiocinio supponit diaconos non habere jus imponendi manum, in posteriori hoc eis officium concedit. Præterea canonem ille utrobique depravat: sic enim habetur. "Si quis, diaconus &c. episcopus, eos per benedictionem perficere debet." Ita legunt Garcias & Mendoza *ad hunc canonem*: & Burchardus, *lib. 4. decret. cap. 92.* qui hunc canonem concilio Turonico *can. 3.* tribuit.

OBJICIT 3. Sylvestrum primum, hoc privilegium episcopis contulisse, "Ut etiam a presbyteris tinctos obsignarent, uno excepto casu, si baptizatum presbyter in mortis periculo esse videat, qua occasione ei concedit, ut baptizatum chrismet." Sic ille *lib. 2. cap. 20.* interpretatur hæc verba pontificalis pseudo-Damasi in *vita Sylvestri I.* "Sylvester privilegium episcopis contulit, ut baptizatum consignent, propter hæreticam suasionem. Hic & hoc constituit, ut liniat presbyter chrismate levatum de aqua propter occasionem transitus mortis: (vel, ut legit Ratramnus *lib. 4. contra Græcorum objectiones*) constituit ut privilegium sit episcopis, ut baptizatos chrismate sancto consignent propter hæreticam insimulationem." Quibus Dallæus subjicit: "Si hoc sua constitutione privilegium episcopis contulit ut baptizatos consignent; ergo ante hoc ejus decretum presbyteris cum episcopo communis fuit potestas baptizatos consignandi."

Huic objectioni plura responderi possunt. 1. Ab hac difficultate facile sese expediunt, qui frontis chrismationem Confirmationi accidentalem

talem esse contendunt : nec enim illam episcopis jure divino , sed ecclesiastico reservari volunt . 2. Hujus libri auctoritas exigua est , ut viri eruditi consentiunt , præsertim Baronius , a quo passim in *annalibus* vapulat & gravis *anagorasis* convincitur . 3. Hic liber recentior est . Baronius & Bellarminus scriptum ajunt ab Anastasio bibliothecario , qui anno 858. vel etiam paulo serius scribere & innoscere cepit . Alii Anastasio superiorem faciunt , quia citatur a Walafrido , *libro de exordiis & incrementis rerum eccles.* c. 26. ab Amalario *lib. 1. de officiis eccles.* c. 27. & a Rabano *lib. 1. de instit. cleric.* c. 28. quorum primus vivere delierat anno 849. alter scripsit annum 830. postremus anno 819. Blondellus priorem facit Hadriano I. Beda & Ilidoro Hilspalensi , qui hujus libri testimoniis usi videntur ; Hadrianus quidem in *epistola pro VII. synodo* , Beda in *lib. de sex ætatibus & hom. in seria 3. palm.* & Ilidoro , quem anno 636. mortuum esse constat , in *epist. ad Redempt. diacon.* Ut ut sit , hic liber recentior est , quam ut fidem facere possit de re quadam initio seculi IV. constituta , cujus nullus auctor ipso prior meminit . 4. Hujus auctoris testimonio repugnat Innocentius I. qui scripsit ineunte seculo V. suæque sedis statuta melius noverat , quam auctor pontificalis . Ille siquidem in *epistola ad Decentium* , morem , quo soli episcopi neophytis frontes consignat , repetit ex traditione apostolica , non ex fictitio Sylvestri decreto . 5. Cornelius papa qui floruit medio seculo III. aperte innuit manus consignandi neophytos pertinere ad solos episcopos . Hoc igitur munus in ecclesia Romana non erat commune episcopis & presbyteris , antequam Sylvester ad pontificatum eveheretur . 6. Si consignandi munus ante Sylvestri pontificatum , commune fuit episcopis & presbyteris , quomodo Cornelius , Cyprianus & Firmilianus , Sylvestro superiores illud solis episcopis tribuunt ? 7. Si Sylvester omnium primus , hoc munus , quasi privilegium , episcopis concessit , quorsum Innocentius hanc episcoporum auctoritatem suæ sedis acceptam minime refert ; sed illam ab apostolis descendisse fatetur , in *epistola ad Decentium* , in qua tamen primatum aliaque jura suæ sedis acerrime vindicat ? 8. Si solo Sylvestri decreto confirmandi munus reservatur episcopis , quorsum Cyprianus , Chrysostomus , Hieronymus , Augustinus , alique *supra* citati ex actis apostolorum illud repetunt ? 9. Hodiernus hujus libri textus videtur diversus ab eo , quo Rabanus usus est . Legimus , inquit *lib. 1. de institut. clericorum cap. 28.* “ & in gestis Patrum , quod Sylvester Papa in ecclesia Romana constituerit , ut sicut potestas & privilegium apud solum episcopum constitat , quod sacrum chrisma ipse conficiat , & baptizatum per manus impositionem cum ipso chrismate consignet propter hæreticam suasionem ; ita presbyter eodem chrismate liniat baptizatum levatum ex aqua propter occasionem transitus mortis . “ Quæ quidem verba alium omnino sensum generant . 10. Præfatus Pontificalis textus duas constitutiones complectitur , quæ de unctione , non eadem , ut supponit Dal-

lzus ,

leus, sed duplici & diversa loquitur, frontali scilicet & verticali, ut Walafridus loco citato, Amalarius loco etiam citato, Rabanus lib. 1. de institut. cap. 28. & 30. Rupertus lib. 5. de divinis officiis cap. 16. & Hugo Victorinus lib. 2. de sacramentis parte 7. cap. 3. optime observarunt. 11. Walafridus, Amalarius, Rabanus, & Rupertus adductum Pontificalis textum ita interpretantur ut verticalis quidem unctio Sylvestri decreto instituta & presbyteris concessa fuerit, ut Confirmationis defectum utcumque supplerent: sed frontalis ab omni ævo fuerit episcopis reservata. 12. Hugo Victorinus lib. 2. de sacramentis, parte 7. cap. 3. præfatum Sylvestri decretum interpretans, ait frontis unctionem episcopis reservari, non quod antea communis esset episcopis & presbyteris, sed quia cum omnis unctio primis ecclesiæ seculis fieret per solos episcopos, Sylvester frontalem episcopis reservans, verticalem permisit presbyteris. "Primis, inquit, temporibus omnis unctio chrismatis per solos episcopos fiebat, sed postea constitutum est, ut baptizatum sa- cerdos in vertice liniat, consignatio tamen frontis solis Pontificibus reservaretur." 13. Textus ille Pontificalis duo decreta complectitur, non quæ eodem collineent, & de eadem unctione loquantur, ut Dallæus supponit, sed quæ disparata sint. Prius intelligi debet de unctione frontis, posterius de unctione verticis: prioris sensus, mea quidem sententia, repeti debet, ex his verbis Romani concilii sub Sylvestro habiti seu potius suppositi, "Sylvester constituit &c. ut in sequenti objectione: posterioris interpretatio repeti debet ex his Ruperti & Hugonis verbis: "Constituit, ut baptizatum presbyter in vertice chrismate liniat, propter occasionem quidem transitus mortis; ne forte per absentiam episcopi, & difficultatem eum consequendi, sine manus impositione baptizatum ab hac vita migrare contingeret." Ita Hugo: paulo aliter Rupertus, eodem tamen sensu.

OBJICIT 4. quæ in brevi epilogo concilii Romæ anno 325. sub Sylvestro habiti leguntur: "Constituit (Sylvester) ut presbyterum Ari- num resipiscientem nemo susceperet, nisi episcopus ejusdem loci eum reconciliaret, & sacro-sancto chrismate per episcopalem manuum im- positionem sancti Spiritus gratia, quæ ab hæreticis dari non potest, confirmaret. Juris est igitur humani, quod Confirmatio episcopis re- servetur." Ita Dallæus lib. 2. cap. 20.

Tria responderi possunt; hæc enim obsectio petitur ex chrismatione & manuum impositione facta super hæreticos ad ecclesiam redeuntes: quæ quidem utrum fuerit sacramentum in dubium revocatur. Deinde nihil repugnat unam eandemque rem utroque jure, divino & huma- no, præcipi vel prohiberi: imo, inquit Major in 4. dist. 7. "Moris est Pontificum crebro præcipere illa, quæ juris divini sunt. Sic Pla- tina dicit, Sylvestrum instituisse, quod unus viri unica esset uxor: & tamen hoc liquet esse de jure divino." Præterea potestas refer- vandi absolute episcopis administrationem Confirmationis juris est di- vi-

vini, licet absoluta ejusdem reservatio juris sit ecclesiastici. Denique canonem illum, & ipsum epilogum, & concilium ipsum cui præfigitur, supposita esse pluribus argumentis ostendi potest: canonem quidem, quia hæc fuit antiqua & constans ecclesiæ Romanæ consuetudo, ut Ariani, aliique hæretici per solam manuum impositionem admitterentur: qua de re *infra*. Epilogum vero suppositum esse hæc docent.

1. In eo asseritur, quod Nicæna synodus a Sylvestro convocata fuerit, quam tamen a Constantino convocatam fuisse, tradit Rufinus *lib. 1. cap. 1.* 2. In eo asseritur, quod in Nicæna synodo & in Romana eodem tempore habita, damnatus fuerit Ithotinus; cum ex actis Sirmienensis concilii longo post tempore, damnatum fuisse constet. 3. In eo episcopi dicuntur simpliciter *presules*: Romanus vero episcopus vocatur *presul summus*, quæ tamen appellatio hisce temporibus nondum erat propria Romanis Pontificibus: illam enim adhuc seculo VII. cui-libet episcopo concessam fuisse, constat ex canone 7. concilii II. Hispanensis anno 619. habiti. 4. In eo definitur *presulem summum*, idest Romanum pontificem, ab aliis episcopis judicari non posse, "Quoniam", scriptum est, non est discipulus super magistrum. "Quæ quidem ratio, & inepta, & injuriosa episcopis est; nec enim Romani pontifices cæteros Episcopos unquam ut discipulos, sed ut fratres semper habuerunt. 5. In eo fit mentio presbyterorum & diaconorum cardinalium. 6. Quia in eo rationes & ineptæ & pueriles, & falsæ asseruntur: ut cum prohibetur, "Ne clericus propter quamlibet causam intret in curiam, quoniam omnis curia a cruore dicitur; "quasi vero curia a cruore, non a cura derivetur. 7. Quia in eo refertur concilium Romanum, cui præfixus est hic epilogus, 13. Kalendas Julii, eodem tempore, quo Nicænum celebratum fuisse cum concilio Constantini, qui eidem Romano concilio adfuisse dicitur. Atqui Constantinus tunc aderat Nicææ. Ipsam etiam synodum Romanam, cui præfigitur hic epilogus, adulterinam esse probatur. 1. Quia facta dicitur a Sylvestro & Constantino. 2. Quia facta dicitur a domino Constantino, prætermisissis quibuscumque aliis titulis honorificis, quibus imperatores nominari solebant. 5. Quia *cap. 1.* Constantinus dicitur a Sylvestro baptizatus & a lepra mundatus. 4. Huic synodo interfuisse dicuntur ducenti septuaginta & unus episcopi, quorum nomina describuntur, videlicet centum triginta, & novem "ex urbe Roma, vel non longe ab illa; & ex Græcia" centum triginta & duo. Quis vero crediderit Romanam sedem habuisse 139. sedes immediate sibi subiectas? quis sibi persuaserit Sylvestrum Romæ collegisse 132. ex Græcia episcopos, eodæ præsertim tempore, quo Nicæna synodus habebatur? 5. In hoc concilio soli episcopi sedisse, presbyteri autem Romani omnes, & diaconi a tergo sedentium Episcoporum stetisse narrantur: cum tamen presbyteri olim sederent coram Episcopo, ex concilio Carthaginensi *can. 34.* eaque consuetudo etiam Romæ observaretur, ex Hieronymo in *epist. 85. ad Evangelium*:

grum : " Cæterum, inquit , etiam Romæ presbyteri sedent , & stant
 „ diaconi , licet paulatim increbrescentibus vitiis , inter presbyteros , ab-
 „ sente Episcopo sedere diaconum viderim . " 6. *Capite* 2. Sylvestre fi-
 „ lios suos nuncupat Constantinum , & Helenam : " Filiorum nostrorum
 „ augustorum . " 7. *Capite* 3. Romanus Episcopus dicitur *præful summus* :
 cæteri episcopi dicuntur *præfules* simpliciter . 8. Rationes , in hoc concilio
 & ineptæ , & pueriles , & falsæ referuntur : Sic *cap.* 3. definitur Ro-
 manum pontificem non esse judicandum ab aliis Episcopis " Quoniam
 „ scriptum est : *non est discipulus super magistrum* . " Sic *cap.* 5. pro-
 hibetur ne presbyter chirma faciat , " Quoniam Christus a Chris-
 „ mate vocatur . " Sic *cap.* 16. interdicitur , " Ne clericus propter
 „ suam causam quamlibet , intret in curiam , quoniam omnis curia a
 „ cruore dicitur . " 9. *Capite* 4. Ecclesiastici reditus in quatuor partes
 dividuntur : quæ distributio Sylvestro posterior est . 10. *Capite* 6. & 7.
 mentio fit presbyterorum & diaconorum cardinalium . 11. *Capite* 12.
 statuitur baptismum quidem omnibus concedendum ; pœnitentiam vero
 iis duntaxat , qui quadraginta annos attigissent . 12. *Capite* 20. de-
 finitur primam sedem a nemine judicari posse , " Quoniam omnes se-
 „ des a prima sede iustitiam desiderant temperari . " 13. *Capite* 20.
 decernitur sedis ecclesiæ iudicem , " Neque ab augusto , neque a regi-
 bus &c. judicandum esse . Atqui sub Constantino nullo in imperio
 Romano fuisse reges certum est . Monet quidem Labbæus a regibus
 desiderari in *epistola Nicolai I. ad Michaelē imperatorem* . Verum in
 ea toridem terminis legitur huiusce concilii decretum , ut patebit le-
 genti *epistolam* 8. ejusdem pontificis ab ipsomet Labbæo relatum , *tomo*
 8. *pag.* 305. 14. *Capite* 10. & 20. utrique sessioni (duabus enim il-
 lud concilium absolutum fingitur) subscribit Constantinus , mense Ju-
 nio , qui tamen anno 325. Nicænæ synodo intererat . 15. Subscribunt
 Constantinus & mater ejus Helena : atqui inauditum est mulieres sub-
 scripsisse conciliis . 16. Hoc concilium dicitur absolutum , " Domno
 „ Constantino consule : " vox *domnus* nec Latina est , nec Sylvestri
 ætate erat in usu . 17. Hæc synodus absoluta dicitur domno Constantino
 (juniore scilicet) & Prisco consulibus . Priscus autem a patre
 occisus est initio anni 324. Hanc igitur synodum , & brevem epilo-
 gum ei præfixam , jure suspicantur eruditi , mercem esse lisdori Mercatoris
 supposititiam .

OBJICIT 5. Hieronymum in *dialogo adversus Luciferianos* , *cap.* 4.
 cujus textum licet prolixum describamus necesse est , ut inde appareat ,
 cujus parti faveat Hieronymus . " An nescis , inquit Luciferianus ,
 „ ecclesiarum hunc esse morem , ut baptizatis postea manus imponan-
 „ tur , & ita invocetur Spiritus sanctus ? Exigis ubi scriptum sit ?
 „ in Actibus apostolorum &c. " Quibus orthodoxus : " Non quidem
 „ abnuo , inquit , hanc esse ecclesiæ consuetudinem , ut ad eos , qui
 „ longe in minoribus urbibus per presbyteros , & diaconos baptizati
 „ sunt ,

„ sunt , Episcopus ad invocationem sancti Spiritus manum impositur
 „ rus excurrat . Sed quale est , ut leges Ecclesiæ ad hæresim transfe-
 „ ras &c. Quod si hoc loco quæris , quare in ecclesia baptizatus , nisi
 „ per manus Episcopi , non accipiat Spiritum sanctum , quem nos
 „ asserimus in vero baptismate tribui , discere hanc observationem ex
 „ ea auctoritate descendere , quod post ascensum Domini Spiritus san-
 „ ctus ad apostolos descendit . Et multis in locis idem factitatum re-
 „ perimus , ad honorem potius sacerdotii , quam ad legis necessita-
 „ tem . Alioqui si ad Episcopi tantum imprecationem Spiritus sanctus
 „ defluit , lugendi sunt , qui in remotioribus locis per presbyteros
 „ baptizati ante dormierunt , quam ab episcopis inviserentur . “ Dal-
 „ læus ibi doceri contendit juris esse duntaxat ecclesiastici , quod “ in
 „ ecclesia baptizatus , nisi per manus episcopi , non accipiat Spiritum
 „ sanctum . “ 1. Quia Hieronymus id repetit ex ecclesiarum consue-
 „ tudine : “ Non quidem abnuo hanc esse ecclesiarum consuetudinem ,
 „ &c. 2. Quia id repetit ex legibus ecclesiæ : “ Sed quale est , ut le-
 „ ges ecclesiæ &c. 3. Quia ait multis in locis id factitatum . Atqui hoc
 „ ipsum quod in multis non in omnibus locis id fieret , arguit non id
 „ fuisse a Christo traditum , a quo quæcumque præcepta sunt , & insti-
 „ tuta , ea ubique valere debent . 4. Quia ait , “ multis in locis id fa-
 „ ctitatum esse ad honorem potius sacerdotii , quam ad legis necessita-
 „ tem . “ 5. Quia “ si ad Episcopi tantum imprecationem Spiritus san-
 „ ctus defluit , lugendi sunt qui in remotioribus locis per presbyteros
 „ baptizati , ante dormierunt , quam ab episcopis inviserentur . “ Ita
 pluribus Dallæus *lib. 2. cap. 22.*

Huic argumento plura responderi possunt . Juxta mentem Dominici Soto (qui docet juris quidem esse divini , quod episcopus jus habeat sibi reservandi Confirmationem , vel eam permittendi presbyteris : quod autem illam sibi reservet , adeoque solus ipse confirmet , juris esse duntaxat Ecclesiastici) totum argumentum concedi debet .

Baronius *ad annum 594. num. 15.* ait ex hoc loco sequi duntaxat , episcopum ita esse ministrum Confirmationis ordinarium , ut hæc administratio essentialiter ad ipsum non pertineat , sed presbyteris committi possit . “ Ut autem , inquit , retundamus eorum sententiam , qui ministerium episcopale constituunt esse de essentia sacramenti Confirmationis , accipe quid dicat S. Hieronymus scribens adversus Luciferianos . *Quod si* , inquit , *hoc loco quæris* , &c. cur igitur dicat S. Hieronymus *potius ad honorem , quam ad necessitatem* , eam episcopi in sacramento Confirmationis functionem pertinere , intelligere potes non adeo esse de sacramenti essentia , ut jubente pontifice non possit impleri per presbyterum , “ Quamobrem juxta Baronium sic interpretari debent verba Hieronymi : Multis in locis factitatum reperimus , ut ad eos , qui in minoribus urbibus baptizati sunt , episco-

episcopus eis solus manum impositurus excurrat; quod quidem fit *ob honorem sacerdotii*, non autem *ob legis necessitatem*, quasi hoc sacramentum ab episcopo absolute conferri oporteat; ejus enim administratio presbyteris committi potest.

Bellarminus *cap. 12.* respondet hæc verba, *non ad legis necessitatem*, non referri ad legem ministrandi Confirmationem (quæ Baronii sententia est), sed ad legem consequendæ salutis, ut sensus sit: solis Episcopis tributum esse, quod confirmant: *non ob legis necessitatem*, quasi Confirmationis administratio absolute necessaria sit ad salutem; sed *ob honorem potius sacerdotii*, quod Christus hujus sacramenti administratione honorare voluit. Si cui vero hæc solutio non placeat, aliam subjicit. "Dici potest, inquit, loqui Hieronymum de lege, quæ sumatur ex natura rei, ut sensus sit: id esse tributum solis episcopis, non ob legis necessitatem, id est, non quod id necessario requiratur natura rei, quasi aliter fieri non posset; sed quia voluit Dominus hæc re honorare episcopalem dignitatem.

RESPONDEO ad primum, & secundum argumentum nihil repugnare quominus idem utroque jure reservetur episcopis: sic oblatum pro mortuis sacrificium utroque jure statuitur, ex Augustino, *lib. de cura pro mortuis, cap. 1.* sic frontis consignatio utroque jure *solis pontificibus debetur*, ex Innocentio in *epistola ad Decentium*: sic in præfatio Hieronymi textu, "Ecclesiarum mos, quo baptizatis postea manus imponuntur, & ita invocatur Spiritus sanctus, originem ducit ex actibus apostolorum. Sic in eodem textu, observatio, qua in ecclesia baptizatus, nisi per manus episcopi, non accipit Spiritum sanctum, descendit ex ea auctoritate, quod post ascensionem Domini Spiritus sanctus ad apostolos descendit.

Ad tertium vero, quartum & quintum argumentum respondeo Hieronymi sensum hunc esse. Multis in locis id factitatum reperimus, ut ad eos qui in minoribus urbibus baptizati sunt, episcopus eis manus impositurus excurrat; quod quidem fit *ad honorem potius sacerdotii*, quia Christus illud hujus sacramenti administratione honorare voluit: vel *ad honorem potius sacerdotii*, id est, ut episcopus suo munere fungatur: *quam ad legis necessitatem*, quasi Confirmatio necessaria sit ad salutem; alioqui lugendi sunt, qui in remotioribus locis per presbyteros baptizati, ante dormierunt, quam ab episcopis inviserentur, & ab ipsis confirmarentur. Recole quæ *supra* dicta sunt de mente Hieronymi.

Urget Dallæus hæc verba. "Si ad Episcopi tantum imprecationem Spiritus sanctus defluit, lugendi sunt, qui in remotioribus locis per presbyteros & diaconos baptizati &c." Igitur ex Hieronymo non solum episcopi, sed & presbyteri, imo & diaconi Spiritum sanctum conferunt.

RESPONDEO aliud esse Spiritum sanctum conferri, per baptismum, aliud.

aliud illud conferri per manuum impositionem. Priori modo confer-
tur ad remissionem peccatorum, posteriori ad robur, & gratiæ baptis-
malis custodiam. Prius in textu præfato Hieronymus presbyteris, & dia-
conis concedit: posterius solis episcopis, qua de re *supra*, ubi de mente
Hieronymi.

Urget & alia verba, quæ statim sequuntur. "Inde venit, ut sine
„chrismate, & episcopi iussione neque presbyter, neque diaconus jus
„habeant baptizandi." Presbyteri igitur & diaconi baptizare non pote-
rant, nisi baptizati frontem statim ungerent.

Verum chrismationem, de qua Hieronymus, non esse unctionem
frontis, sed verticis, aut aliam quam volueris, baptismio priorem vel
posteriorem, multa suadent. Primum quidem ex Dallæo *lib. 2. cap. 20.*
Sylvester frontis unctionem solis episcopis reservavit. Hæc igitur Hier-
onymi ætate communis non erat episcopis, presbyteris & diaconis.
Deinde chrismatio, de qua Hieronymus, ea est sine qua presbyteris
vel diaconis non licet baptizare. Atqui ex Dallæo *lib. 2. cap. 23.* fron-
tis chrismatio diaconis interdicitur *can. 20.* concilii Toletani anno 400.
celebrati, adeoque æqualis Hieronymo. Præterea Hieronymus Romæ
scripsit *dialogum contra Luciferianos*. Atqui presbyteros, multo minus
diaconos, Romæ frontem baptizatorum consignasse negat Innocentius
I. Hieronymo æqualis, in *epistola ad Decentium*. Adde quod in *eisdem*
epistola Innocentius asserit *consuetudinem ecclesiasticam* esse, ut soli Pon-
tifices in fronte chrismant, eumque usum repetit, "Et ex illa lectio-
„ne actuum apostolorum, quæ asserit Petrum & Joannem esse dire-
„ctos, qui jam baptizatis traderent Spiritum sanctum," & ex hac
„fidei regula, nimirum quia "presbyteri licet sint sacerdotes, Ponti-
ficatus tamen apicem non habent." Chrysostomus & Augustinus Hier-
onymo æquales, ille quidem in oriente, iste vero in Africa, manuum
impositionem & confirmatoriam unctionem solis episcopis tribuunt; id-
que colligunt ex facto Petri & Joannis *actuum 8.* Ambrosias etiam,
qui sedente Damaso Pontifice, scripsit in Paulinas epistolas, adeoque
fuit æqualis Hieronymo, cum varias ecclesiarum consuetudines scruta-
retur, hujusce, qua presbyteri, absente episcopo, frontem signant,
exemplum in occidente nullum reperit, sed a semotissimis Ægypti ec-
clesiis petiit. Qua de re pluribus §. *sequenti*. Gelasius I. frontis unctionem
vocat *consignationem Pontificalem*; eamque, sicut " & chrismatis
„conficiendi potestatem, episcopali, fastigio deberi, nec a presbyteris,
„nisi temere usurpari posse, qui ultra suum modum tendunt, " dum
„illum sibi audeat assumere, testatur anno 494. in *epistola ad epis-
copos Lucania, cap. 6.* Concilium Arelatense III. anno circiter 455. san-
civit ut monachi Lerimenses, "Non nisi ab episcopo Forojulensi, neo-
„phyti si fuerint, confirmentur." Concilium Hispalense II. cui Isi-
dorus Hispalensis anno 619. præfuit, frontis consignationem inter ca
recescit, quæ reservata sunt episcopis, presbyteris vero interdicta, "

Quia

Quia Pontificatus apicem non habent. "Idorus Hispalensis *lib. 2. de officiis, cap. 26.* uti manuum impositionem, ita frontis chrismationem, ait *solis Pontificatus debere*, eamque reservationem repetit *ex ecclesiarum consuetudine, ex actis apostolorum, & fidei doctrina, qua constat* "presbyteros licet sint sacerdotes, non habere Pontificatus apicem. "Postremo omnes ecclesias occidentales, Romanam ea in re semper secutas esse, testatur Rattamnus in *textu supra adducto ex libro 4. contra Græcorum opposita* : testatur Nicolaus I. in *epist. 70. ad Hincmarum &c.* "Hesperiarum regiones, inquit, nunquam a sede beati Petri in huiusmodi quæstionibus dissonantes inventæ sunt. "Testatur & Innocentius III. *extra de consuetudine, cap. quanto* : contrariam enim Græcorum presbyterorum consuetudinem damnans: "Et sacramenta, inquit, præsumunt fidelibus exhibere, quæ ab apostolorum tempore fuerunt solis Pontificibus reservata. "Si quæ igitur synodi seculo IV. vel V. celebratæ presbyteris aut diaconis consignare permittunt, de verticis consignatione (quam Innocentius in *eadem epistola* jam pridem in usu fuisse testatur) intelligi debent; non autem de frontis in ecclesia baptizatorum unctione, quæ in occidente ab omni ævo episcopis reservata, presbyteris nunquam permixta reperitur ad Gregorii I. Pontificatum. Frontes eorum excepi, qui in ecclesia baptizati sunt; quia de consignatione frontis hæreticorum ad ecclesiam redeuntium, maior est difficultas. Verum quocumque modo se res habuerit, presbyteris id non licuit, nisi permittentibus & committentibus episcopis, vel canonicis: adeoque presbyteri non erant ministri ordinarii. Propositionem quoque ad occidentalem ecclesiam restrinxi, quia de orientali merito dubitatur, num in ea presbyteri, seculis IV. V. & retro sequentibus ex præsulum commissione consignaverint. Qua de re pluribus *infra*.

OBJICIT 6. synodum II. Carthaginensem, quæ anno 390. congregata, sic habet *canone 3.* "Chrismatis confectio a presbyteris non fiat. "Igitur presbyteri chrisma in Africa ante annum 389. conficiebant: quanto magis eo utebantur, id est chrismabant: ita Dallæus *lib. 2. cap. 23.*

RESPONDEO ex hac interdictione sequi tantum presbyteros nonnullos in Africa chrismatis confectioem ulurpasse. Quorum? incertum est: chrismatis enim plures erant usus, quorum alii presbyteris erant permixti, ut aquæ baptismalis per chrismatis infusionem consecratio, & verticis unctio: alii prohibiti erant, ut consignatio frontis neophyti, & episcoporum, altarium, & templorum consecratio.

INSTAT. Synodus III. Carthaginensis anno 367. interdictam ante annos septem presbyteris chrismatis confectioem, iteravit *canone 16.* Priori igitur "interdictioni male paruerant presbyteri. Quare? nisi quia "grave iis erat eo abstinere, quod antea licuerat."

QUASI vero presbyterorum inobedientia, si qua fuerit, ex eorum con-

contumacia oriri non poterit. Sed revera canon ille minime supponit presbyteros male paruisse, sed mera est modificatio canonis 3. synodi II. Carthaginensis, quo *chrismatis confectio, & puellarum consecratio*, presbyteris absolute interdicitur. Cui quidem canon synodus III. temperamentum aliquod adhibens, permittit, ut presbyteris, jubente episcopo virgines consecrent, non autem ut chrisma conficiant. "Presbyter inconfialto episcopo virgines non consecret, chrisma vero nunquam conficiat."

URGET. Utraque "hæc synodus conficere quidem chrisma prohibet, eo uti non prohibet. Id igitur clarissime demonstrat presbyteris utendi, id est chrismandi, jus integrum etiam posthac in Africa fuisse."

RESPONDEO Dallæum id supponere, quod ipsi probandum incumbit: scilicet presbyteros ante utramque synodum habuisse jus consignandi frontes baptizatorum. Nec enim jus illud post utramque synodum superstes esse potuit, si nullum fuit ante utramque synodum.

OBJICIT 7. canonem 20. concilii I. Toletani anno 400. habiti, quo Patres illi chrismatis confectionem a nonnullis presbyteris factam non rescindunt; sed tantum edicunt, ne in posterum ita fiat. "Placuit ex hac die nullum alium, nisi episcopum, chrisma facere." Quod si in quibusdam locis Hispaniæ licuit presbyteris chrisma conficere, quanto magis eo uti ad frontes consignandas.

RESPONDEO 1. chrisma a presbyteris confectum ab hac synodo improbari, qua de re *supra, parte 1. quest. 2. art. 3. sect. 6. §. 15. nu. 2.* ubi de mente Montani archiepiscopi Toletani, qui floruit ad annum 530. quique synodi Toletanæ sensum, suæque sedis & contrariam Hispaniæ ecclesiarum consuetudinem melius noverat quam Sirmondus, & qui ex ipso hæc argumenta mutuatus est, Dallæus.

RESPONDEO 2. non deesse theologos, qui concedant chrismatis confectionem, non autem Confirmationem presbyteris committi posse.

RESPONDEO 3. non deesse theologos, qui existiment chrisma, jubente episcopo a presbyteris confici posse, quamvis omnes unanimi consensu negent episcopos ex eo consecrari posse a presbyteris.

RESPONDEO 4. hanc propositionem aliquando falsam esse, *Qui potest majus, potest & minus*, in iis præsertim quæ ad religionem atinent: qua de re *supra*.

RESPONDEO 5. conficere chrisma, non esse quid majus, quam Confirmationem ex eo administrare, aut episcopos ex eo consecrare. Materia enim, etiam in sacramentis, minus perfecta est, minusque virtutis habet, quam forma. Atqui sacramentum præter materiam includit virtutem formæ ejusque perfectionem.

OBJICIT 8. Innocentium I. in sua epistola ad Decentium presbyteris *Witasse de Confirmatione*. Ee om-

omnium primum prohibuisse frontem baptizatorum chrismate. Ita ille *lib. 3. cap. 1.*

Verum si ex Dallæo *lib. 2. cap. 20.* Sylvester anno 325. frontis chrismationem presbyteris abstulit, ut illum episcopis reservaret; qui fieri potest, ut Innocentius anno 416. omnium primus illam episcopis reservaverit? Deinde Innocentius in hac ipsa epistola frontis chrismationem non interdicit presbyteris, sed hanc interdictionem repetit ex ecclesiastica consuetudine, & ex apostolorum actis: qua igitur fronte Dallæus scripsit; "Innocentii Pontificis Romani decretalis anno 416. quinti seculi data, presbyteris frontem baptizatorum chrismare primum prohibitum esse, diserte reperitur."

Dallæus *lib. 3. cap. 6.* urget caput 6. ejusdem epistolæ, quo conceditur, ut "baptizati, qui postea a dæmonio, vitio aliquo, aut peccato, interveniente, corripiuntur, a presbytero possunt consignari, & manus eis a presbytero imponatur."

RESPONDEO 1. id non concedi presbytero, nisi ea lege, ut episcopus impetret ut ita fiat, & auctoritatem dederit id efficiendi. 2. In hoc capite 6. non indicari hanc consignationem in fronte faciendam esse. 3. Hanc consignationem non videri confirmatoriam esse; tum quia non solum presbytero conceditur, sed etiam cæteris clericis; tum quia capite 3. ejusdem epistolæ confirmatoria neophytorum consignatio, utroque jure divino & ecclesiastico episcopis reservatur. Hanc consignationem eandem videri, de qua Gregorius Turonensis *lib. 7. cap. 44.* ubi Agericus, Virodunensis episcopus refertur "exorcismum super puellam (c., nergumenam) dixisse, ac frontem oleo sancto perunxisse."

OBJICIT 9. canonem 2. concilii I. Arausiaci. anno 441. coacti. "Nullus ministrorum qui baptizandi recepit officium, sine chrismate usquam progredi &c." Ita Dallæus *lib. 3. cap. 2.*

Sed canonem illum de verticis unctione interpretandum esse probavimus *supra pag. 334.* Sane in statutis Bonifacii archiepiscopi Moguntini *tomo 9. spicilegiorum Dacberii* relatis, *cap. 4.* decernitur, "Ut presbyteri sine sacro chrismate alicubi non proficiantur: quamvis idem Bonifacius existimaverit confirmatoriam unctionem ad solum episcopum pertinere, quemadmodum apparet ex responsis Gregorii II. & II. ad eundem Bonifacium. Videbis *pag. 185.* Eodem sensu intelligi debet *canon. 27. synodi Arelatenensis II. anno 213* qui ex 2. Arausicano excerptus est."

OBJICIT 10. canonem 3. Valsensis primæ synodi, anno 442. habitæ, quo præcipitur, "Ut presbyteri, vel ministri (id est diaconi) a suis propriis episcopis per annos singulos chrisma petant, appropinquante solemnitate paschali; quia optimum est ut ipse suscipiat, qui eo in tradendo usus est. Si quid obstat, saltem is, cujus officii est sacrarium disponere, mittatur." Presbyteri autem & diaconi, eo in tradendo utuntur, dum frontem chrismant. Ita Dallæus *lib. 3. c. 3.*

Verum chrismatio, de qua ille canon, a frontis unctione differt. Laudatur enim hic canon a Montano archiepiscopo Toletano in *epistola* quam ille ad fratres territorii Palentini anno circiter 530. scripsit; qui tamen in *eadem epistola* chrismatis consecutionem presbyteris jure divino prohibitam, quanto magis frontis chrismationem eodem jure veritam, asserit. Eadem etiam constitutio verbo ad verbum refertur in *canone* 60. concilii Wormatiensis, anno 868. habiti, quamvis ex *canone* 34. ejusdem concilii, & auctoritate eorum omnium, qui seculo IX. scripserunt, constet frontis chrismationem presulibus reservatam esse. Chrismatio igitur, de qua Vasensis canon, non respicit frontem, sed pectus aut verticem baptizatorum, vel aquæ baptismalis consecrationem; chrisma enim per ecclesias distribui solebat, ut presbyteri eo uterentur, & in unctionibus baptismi, & in aquæ baptismalis sanctificatione. "Placuit," inquit canon 4. concilii III. Bracarenensis anno 572. celebrati, "ut modicum balsami, quod benedictum pro baptismi sacramento per ecclesias datur, quia a singulis tremisses pro ipso exigi solent, nihil ulterius exigatur: ne forte quod pro salute animarum per invocationem sancti Spiritus consecratur, nos venumdare damnabiliter videamur."

OBJICIT 11. canonem 1. synodi I. Arausicanæ, quo decernitur, "Hæreticos in mortis discrimine positos, si desit episcopus, a presbyteris cum chrismate & benedictione consignari, si ii catholici esse desiderarent." Et *canone* 17. concilii Epaonensis, ad annum 517. convocati, "Presbyteros propter salutem animarum, quam in cunctis optamus, desperatis & decumbentibus hæreticis, si conversionem suam petant, chrismate petimus subvenire, quod omnes conversuri, si sani sunt, ab episcopo noverint expetendum." Presbyteris igitur licebat ex hæresi conversos in mortis discrimine chrismare, multoque adeo magis neophytos; fuisse enim illorum receptionem quam horum Confirmationem operosiores ex eodem canone apparet, qui ex hæresi conversos chrismate & benedictione consignare, non nisi presbyteris, & quidem urgente morbi necessitate, concedit. Ita Dallæus *lib.* 3. *cap.* 3. & 5.

RESPONDEO 1. dubium esse, utrum hæc hæreticorum consignatio fuerit Confirmationis sacramentum, qua de re *infra*. 2. Hæc chrismatio iisdem canonibus committitur & præcipitur presbyteris urgente mortis periculo. Presbyteri igitur hujusce chrismationis ministri sunt extraordinarii.

OBJICIT 12. Martinum, Dumiensem primo abbatem, postea Bracarensem episcopum, qui præfuit synodo III. Bracarensi anno 572. & pervenit ad annum 580. ex Gregorio Turonico *lib.* 5. *hystor. cap.* 38. "Presbyter, inquit, præsentem episcopo, non signet infantes, nisi forte," ab episcopo fuerit illi præceptum. "Eos igitur ex officio signabant, absente episcopo. Ita ille *lib.* 3. *cap.* 5."

RESPONDEO 1. consequentiam apud Dallæum nullam esse. Ille siquidem *lib. 3. cap. 9.* docet frontis chrismationem canone 7. concilii Hispalensis II. presbyteris præsentem episcopo licitam non esse *sine præcepto sui episcopi*; quamvis concedat illam eodem canone presbyteris prohiberi absente episcopo. 2. Canonem illum ex canone 2. Toletanæ synodi I. excerptum esse; adeoque eodem sensu intelligendum esse, nimirum de verticis, non autem de frontis consignatione.

OBJICIT 13. Gregorium magnum, qui anno 593. ad Januarium Calaritanum apud Sardos episcopum scribens *lib. 3. epist. 9. & 26.* ita decernit, "Presbyteri baptizatos infantes signare sacro in fronte chrismate non præsumant. Sed presbyteri baptizatos tangerent in pectore, ut episcopi postmodum tangere debeant in fronte. Quod decretum anno sequenti reficiens in alia epistola ad eundem Januarium, ita scribit: "Pervenit quoque ad nos quosdam scandalizatos fuisse, quod presbyteros chrismate tangere in fronte eos, qui baptizati sunt, prohibuimus. Et nos quidem secundum usum veterem ecclesiæ nostræ fecimus. Sed si omnino hac de re aliqui contristantur, ubi episcopi defunt, ut presbyteri etiam in frontibus baptizatos chrismate tangerent, concedimus.

Huic auctoritati variis modis a theologis respondetur. Sunt, qui dicant Gregorium *in hoc deliquisse*, ut Major: vel *ut hominem errare potuisse*, ut Durandus & Hadrianus VI. Alii, ut Estius, Aurelius, & Petrus de Marca, eam frontis chrismationem, quam Gregorius Sardorum presbyteris concedit, non sacramentum Confirmationis, sed meram baptismi ceremoniam contendunt. Communis sententia docet illam unctionem fuisse sacramentum, sed presbyteris Sardorum, ut ministris extraordinariis commissam fuisse: quæ quidem postrema opinio ipsius Gregorii verbis innititur; quibus hæc potestas non propria declaratur presbyteris, sed ipsis a Gregorio *conceditur*: non semper, sed *ubi episcopi defunt*. De his iterum *infra*, ubi de ministro extraordinario. Sed age, dato, non concesso, quod Gregorius ibi agat de Confirmationis sacramento, illudque Sardinienfibus presbyteris concefferit; quid inde?

INSTAT Dallæus *lib. 3. cap. 6* Gregorius ait se presbyteris frontis chrismationem prohibuisse secundum usum veterem ecclesiæ Romanæ. Hæc igitur prohibitio juris est ecclesiastici.

RESPONDEO usum illum juris esse divini & ecclesiastici, quia utroque jure prohibetur; hinc Innocentius I. Isidorus Hispalensis, Patres concilii II. Hispalensis & alii hanc prohibitionem ex utroque jure repetunt.

Urget. "Romanæ ecclesiæ consuetudinem dum memorat Gregorius, ecclesiarum omnium consuetudinem non fuisse significat: erant ergo apud quas presbyteri baptizatos chrismarent in fronte; atque in harum numero Calaritana. "Ita Dallæus *lib. 3. cap. 6.* ex Sirmundo *in antirrhético.*

RESPONDET Aurelius *in antirrhetico* pag. 443. quod Gregorius " non
 " ecclesiæ consuetudinem opponit, ut alias ecclesias contraria consue-
 " tudine uti significet, sed tum quia frequentissima est humilitas Pa-
 " trum in loquendo, ut minus dicant quam dicere possint; tum quia
 " revera ab ecclesia Romana ut fonte manavit consuetudo baptismalis
 " chrismationis, quæ a ministris alibi quam in fronte præberi debeat,
 " ab eaque hunc ritum paulatim exceperit ecclesiæ occidentis. Unde
 " recte Calaritanos revocavit ad veterem illius ecclesiæ consuetudinem
 " Gregorius, ad quam ut ad primariam originem necesse erat aliarum
 " in hac re usus recenseretur. Cur enim minus ecclesiarum omnium con-
 " suetudinem commemorare potuit Gregorius, quam tot alii ipsius de-
 " cessores Romani pontifices, qui chrismationem frontis ab aliis quam
 " ab episcopis factam, ut improbam & canonibus adversantem damna-
 " runt, in primis Innocentius, qui eam tanto ante ecclesiæ moribus
 " & scripturis alienam diserte ascriptis? Pontificibus solis deberi, in-
 " quit, ut vel consignent, vel paracletum Spiritum tradant, non so-
 " lum consuetudo ecclesiastica demonstrat, verum & lectio actuum apo-
 " stolorum &c. nam presbyteris chrismate baptizatos ungere licet, non
 " tamen frontem ex eodem oleo signare, quod solis debetur episcopis,
 " cum tradunt Spiritum paracletum. Audis ergo ad Innocentio, quod
 " a Gregorio quærebas. Ne dubites quin & ipse idem exprimere po-
 " tuerit. Atque ut magis videas collectionis tuæ vitium; cedo, si quam
 " habes occidentis ecclesiam, in qua perspicue docere possis baptizato-
 " rum frontes chrismari consuevisse a ministris. Cum nullam habeas,
 " quam proferas, desine comminisci rem inauditam; & Gregorii ver-
 " ba ad certos & notos ecclesiæ sensus accommoda. " Posset etiam re-
 " sponderi, inde sequi tantum nonnullas fuisse ecclesias, in quibus presbyte-
 " ri, concedentibus summis vel aliis forte pontificibus, baptizatorum
 " frontem chrismarent, *ubi episcopi deessent*.

Urget iterum. Inde clarum est Sardiniensem, hoc est, Italicam, ac
 pene suburbanam ecclesiam, quanto magis cæteras occidentales remotio-
 res, in eo fuisse usu, ut baptizatorum frontes chrismarent.

RESPONDET Aurelius *ibidem* pag. 441. 1. Perperam adduci usum ec-
 clesiæ Calaritanæ, ut cæterarum ecclesiarum usus ostendatur, " cum
 " sancti Gregorii ævo habeamus, præter ipsum Gregorium *in sacramen-*
 " *tario*, Hispalensis II. concilii Patres *cap. 7.* & sanctum Isidorum *lib.*
 " *2. de officiis cap. 26.* univærse declarantes interdictam esse canonibus
 " Patrum & scripturis, non solum quibuscvis presbyteris, sed etiam
 " chorepiscopis illam frontis chrismationem: quin & Joannem III.
 " pontificem, *in epistola ad episcopos Galliarum & Germanorum* (suppo-
 " sita ea est) hoc ipsum paulo ante sancti Gregorii ætatem confir-
 " mantem; an minoris ponderis esse dices auctoritatem Joannis ponti-
 " ficis, sancti Isidori & concilii Hispalensis (asserentium id juris esse
 " divini, adeoque vigere ubique terrarum) quam usus ecclesiæ Calari-

Witasse de Confirmatione.

Ee 3

tanæ?

„ tanæ? 2. Quid perspicaci homine minus dignum, quam ut ex unius ec-
 „ clesiæ Calaritanæ abusu, quem sanctus Gregorius tolerare singulari in-
 „ dulgencia cogitur, imo vero ex eo quod scribat eum veteri ecclesiæ suæ
 „ consuetudini repugnare, quis colligat similes abusus per alias eccle-
 „ sias extitisse? 3. Gregorius aperte ostendit, se rem minime usitatam
 „ per indulgentiam concedere ecclesiæ Calaritanæ, fugiendi tantum
 „ scandali causa, adeoque hunc morem non fuisse aliis ecclesiis com-
 „ munem. 4. Rem pluribus ecclesiis probatam nec primo vetuisset
 „ (Gregorius) nec deinde veniæ causa indulgere se declarasset, (ma-
 „ xime) cum aliarum ecclesiarum privatos mores, qui a canonibus &
 „ scripturis nihil abhorrerent, a Romanis pontificibus non interdicti,
 „ sed probari consuevisse constet, & a sancto Gregorio nominatim,
 „ qui Augustino Anglorum episcopo, ecclesiæ Gallicanæ ritus a Ro-
 „ manis diversos, qui modo pii & probabiles viderentur, amplecti
 „ suadet, & in recentem Anglorum ecclesiam transferre. *Non enim pro*
 „ *locis res*, inquit lib. 12. epist. 31. ad Augustinum, indictione 7. *sed*
 „ *pro bonis rebus loca nobis amanda sunt.* “ 5. Responderi potest, mi-
 „ rum non esse, quod ille abusus in ecclesiam potius Sardiniensem, quam
 „ in alias Italiæ provincias irrepserit, cum hujus ecclesiæ sacerdotes præ-
 „ fulibus male parerent; clerici & laici ignorantia, erroribus, ac vitiis
 „ morum plurimis laborarent; ecclesiasticæ disciplinæ ordo in ea pertur-
 „ batus esset; aruspicium, magia, idololatria, & judaismus in ea vige-
 „ ret; episcopi suo muneri segnius satisfacerent; quin & ipse Januarius,
 „ episcopus Calaritanus adeoque totius insulæ metropolita, cujus *simpli-*
 „ *citatem*, moresque redarguit Gregorius, frequentibus ejus monitis &
 „ objurgationibus indigeret, quibus ad suum officium excitaretur, ut vi-
 „ dere est in epistolis ejusdem Gregorii lib. 1. epist. 81. lib. 2. epist. 34.
 „ lib. 3. epist. 9. 24. 25. 26. 27. 29. & lib. 7. parte 2. epist. 1. 5. 7. 56.
 „ 67. lib. 8. epist. 38. ac non immerito excusandus sit Gregorius, si hu-
 „ jusmodi hominum imbecillitati, quibus ecclesiasticæ disciplinæ vigorem
 „ scandalo esse videbat, aliquid concedendum esse censuerit. Vir enim
 „ erat mansuetus, & fidelium, ut eos Christo lucraretur, affectibus,
 „ quantum fieri poterat, sese proclivius accomodans; adeo ut ab Augu-
 „ stino Anglorum apostolo interrogatus, quid facto opus esset, cum quis
 „ Anglus, cum uxore fratris sui conjunctus, petit baptizari, responde-
 „ rit, “ Cum cognata misceri prohibitum esse, quia per junctionem prio-
 „ rem caro fratris fuerit facta. Subjecerit tamen: Quia vero sunt
 „ multi in Anglorum gente, qui dum adhuc in infidelitate essent, huic
 „ nefando conjugio dicuntur admixti, ad fidem venientes admonendi
 „ sunt, ut se abstineant, & grave hoc esse peccatum cognoscant. Tre-
 „ mendum Dei judicium timeant, ne pro carnali dilectione tormenta
 „ æterni cruciatus incurrant. Non tamen pro hac re corporis & sangui-
 „ nis Domini communione privandi sunt, ne in eis illa ulcisci videan-
 „ tur, in quibus se per ignorantiam ante lavacrum baptismatis astrinx-
 „ runt.

runt. In hoc enim tempore sancta ecclesia quædam per fervorem cor-
 „ rigit, quædam per mansuetudinem tolerat, quædam per consideratio-
 „ nem dissimulat, atque ita portat & dissimulat, ut sæpe malum, quod
 „ adversatur, portando & dissimulando compefcat. “ Ita refert Beda
bist. Anglic. lib. 1. cap. 27.

OBJICIT 14. canonem 2. concilii Barcinonensis anno 599. celebra-
 ti. “ Simili statutum conditione est, ut cum chrisma presbyteris diœ-
 „ cesanis pro neophytis confirmandis datur, nihil pro liquoris pretio ac-
 „ cipiatur &c. jam hinc liquet, inquit Dallæus *lib. 7. cap. 7.* presbyteros
 „ in Hispania tum quoque neophytos chrismate ab episcopis suis, gratis
 „ accepto confirmasse.

Verum hac ætate alium fuisse Hispaniarum usum apparet ex Mon-
 tano archiepiscopo Toletano ad annum 530. ex Isidoro Hispalensi,
 qui tum florebat anno 599. & ex patribus synodi II. Hispalensis; qui
 omnes frontis chrismationem interdunt presbyteris, reservant episco-
 pis, eamque reservationem repetunt ex consuetudine ecclesiastica, apo-
 stolica traditione, fideique doctrina, quæ presbyteris *pontificatus apicem denegat*. Alius igitur sit præfati decreti sensus, necesse est. Au-
 relius in *orthodoxo* adversus Sirmondum ita interpretatur: “ Statutum
 „ est, ut cum chrisma presbyteris diœcesanis datur pro neophytis con-
 „ firmandis, id est, ut illud paratum habeant, cum episcopus ad
 „ neophytos confirmandos de more excurrat, nihil pro liquore &c. “
 Videntur enim episcopi paræciam adeuntes non chrisma ipsi secum tulisse,
 quo neophytos confirmarent, sed eo usi in confirmandis neophytis,
 quod presbyteri ab episcopis acceptum in ecclesia custodiebant, ut eo in-
 ter baptizandum uterentur.

OBJICIT 15. canonem 7. concilii II. Hispalensis, quem integrum
 describit *lib. 3. cap. 3.* “ Septimo examine relatum est &c. *tomo 5. pag.*
1665. ad quæ verba Dallæus octo observat, unde toridem argumenta
 colligit.

Observat igitur 1. “ Ante hunc Hispalensium Patrum canonem nul-
 „ lam fuisse antea de iis, quæ ab istis decernuntur, disertam Hispa-
 „ nicæ ecclesiæ legem, quam, si qua fuisset, non erant hoc lo-
 „ co prætermisuri, quo suum hoc decretum studiose etiam peri-
 „ tis ex veteri testamento rationibus confirmant. “ Chrismatis igitur
 „ tur confectio, & unctio in Hispaniis prius interdicta non erat pres-
 byteris.

RESPONDEO in hac observatione plura dici vel supponi, quæ om-
 nino falsa sunt. Ecclesiarum enim, & altarium consecratio, de qua
 canon Hispalensis, discrete prohibetur presbyteris *canone 19. concilii II.*
Bracarenfis anno 563. Chrismatis etiam confectio, de qua hic canon,
 conceptis terminis interdicitur presbyteris *canone 10. concilii I. Toletani*,
 anno 400. a Montano archiepiscopo Toletano, ad annum 530.
in epistola ad fratres territorii Palentini, & canone 19. concilii II. Bra-

carensis anno 563. Præterea, " Non licere presbyteris in baptisterium „ introire coram episcopo , " totidem terminis traditur a Martino Bracarenſi ad annum 572. *in ſua canonum collectione, canone 53.* " Non „ licere itidem presbyteris , præſente antiſtite , infantem (baptiza- „ tum) ſignare , ſine præcepto ſui epiſcopi , " aſſeritur *in eadem Martini collectione canone 52.* & in Concilio I Toletano , *canone 20.* Denique Patres Hiſpalenſes ſolam Altaris inſtitutionem , & confecra- tionem non autem chrismatis unctionem repetunt ex Veteri Teſta- mento.

Obſervat 2. " Varium & ab iis (quæ circa chrismationem in hoc „ canone ſtatuuntur) diverſum fuiſſe antea in Hiſpania uſum, Agapii „ factò demonſtrari.

RESPONDEO 1. Ex hoc Agapii factò , ut quod a patribus Hiſpa- lenſibus , quaſi *Eccleſiaſtiſcis diſciplinis* contrarium rejiciatur , nihil concludi poſſe. 2. Hoc Agapii factum reſpicere duntaxat altarium con- ſtitutionem, & baſilicarum conſecrationem, non autem unctionem chris- matis.

Obſervat 3. Præcipuam rationem, qua Patres Hiſpalenſes hæc ſua de- creta fecerunt, ex lege Moſaica petitam eſſe. " Hæc autem ratio quam „ vim habeat, vel pauci vident.

RESPONDEO 1. Rationem *ex lege Moſaica* , non eſſe præcipuam , ſed illam, quæ petitur ex regulis eccleſiaſtiſcis , & ex fide divina , quæ pontificatus apicem ſolis epiſcopis concedit. 2. Rationem ex lege Moſai- ca petitam reſpicere duntaxat eccleſiarum , & altarium conſecrationem , non autem chrismatis unctionem .

Obſervat 4. Cæteras rationes , quibus & chrismatis conſectio , & eadem frontis unctio prohibetur presbyteris , repeti " ex novellis , & „ eccleſiaſtiſcis regulis . Apparet igitur , non jure ullo divino , neque „ dominicæ diſpoſitionis veritate , ſed novella eccleſiæ regula , & „ (ut olim loquebatur Cornelius) canone eccleſiaſtico utrumque in- „ ſtitutum fuiſſe.

RESPONDEO 1. Hic & in quaſtione , & in præſato canone agi de mi- niſtro chrismationis, non autem de ejus inſtitutione.

2. Dubium eſſe utrum chrismatis conſectio & ejus unctio jure divino ſolis epiſcopis reſervetur.

3. Nihil impedire quominus utrumque utroque jure divino & eccleſia- ſtico ad ſolos epiſcopos pertineat.

4. In hoc canone argumenta triplicis generis eſſe : quædam enim ſumuntur ex veteri teſtamento , quædam *ex novellis & eccleſiaſtiſcis re- gulis* , quædam ex fidei doctrina , quæ *pontificatus apicem* ſolis epiſco- pis concedit.

5. Theologos eſſe , qui per *novellas & eccleſiaſtiſcas regulas* non in- telligunt eccleſiaſtiſcas conſtitutiones novas & recens inſtitutas, ſed di- vina novi teſtamenti & eccleſiaſtica placita : hæc enim verba in præ- ſato

fato canone opponuntur quibusdam placitis veteris testamenti . Illustratur hæc responsio . 1. ex tota serie canonis , in quo arguitur Agapius , Cordubensis episcopus , qui ecclesiasticæ disciplinæ ignarus , eo quod a seculari militia in sacerdotale ministerium assumptus esset , presbyteros frequenter destinabat altaribus erigendis , basilicisque consecrandis , absente episcopo , quod synodus prohibet : suamque prohibitionem confirmat , primum quidem ex veteri testamento , tum ex novo , & ex regulis ecclesiasticis . 2. Illustratur hæc responsio ex veteri lectione : Gasias quidem ita legit : “ Quædam novellis & ecclesiasticis regulis sibi prohibita noverint . “ Sed vulgata editio sic habet , “ Quædam tamen auctoritate veteris legis , quædam novellis , & ecclesiasticis regulis &c. “ ubi novellæ regulæ iis opponuntur , quæ superius ex veteri testamento relata sunt ; adeo ut iste sit sensus : quamvis altarium consecratio ex veteri testamento reservetur pontificibus , & licet in novo testamento plura episcopis & presbyteris communia sint , tamen ex ipso novo testamento , & ex canonibus ecclesiasticis , multa conceduntur episcopis quæ presbyteris prohibentur . 3. Illustratur hæc responsio ex eo quod inter prohibita simplicibus sacerdotibus primum quidem ibi recensatur presbyterorum consecratio , quæ jure non solum humano , sed etiam divino ipsis interdicatur . 4. Quia Isidorus Hispalensis , qui præfatæ synodo præfuit , Confirmationem reservat Episcopis , eamque reservationem , & ex actis apostolorum , & ex regulis ecclesiasticis repetit .

6. Cornelium a Dallæo perperam adduci ; nec enim ille *in sua epistola ad Fabium* ait canone ecclesiastico institutum esse , ut chrisma conficeretur , vel frons chrismate ungeretur , vel frontis chrismatio post baptismum adhiberetur . Id unum innuit ecclesiastico canone statutum esse ut qui in lecto baptizatus esset , sanus deinde factus omittas baptismi cæremonias reciperet .

Observat 5. “ Finem ob quem soli episcopo chrismate frontem communi , venire decernitur , esse , ut per hoc & discretio graduum & dignitatis fastigium summi pontificis demonstretur ; “ quæ discretio *ibidem* ex auctoritate canonum repetitur , adeoque juris est ecclesiastici : neque enim primis ecclesiæ temporibus episcopi a presbyteris discernebantur , sed iidem erant episcopi , qui presbyteri .

RESPONDEO hanc discretionem utroque jure , divino , & ecclesiastico , statui , qua de re *alibi* .

Observat 6. Presbyteris prohibetur infantes baptizatos *signare* , non simpliciter & absolute , sed præsentem & non jubentem Episcopo . “ Ergo “ presbyteris , absente antistite , infantem signare licebat . “ Præterea eodem modo prohibetur presbyteris , tingere , signare , sacramentum corporis & sanguinis Christi conficere &c. Atqui presbyteri , licet præsentem , nec jubentem episcopo , non tingerent ; eo tamen absente tangebant ex officio . Igitur & signabant .

RES.

RESPONDEO præfatum canonem Hispalensem in tres partes dividi posse, quarum prima continetur Agapii factum, quod abusivum, & ecclesiasticis regulis contrarium ibi declaratur: altera vero referuntur, quæ presbyteris prohibentur simpliciter & absolute, ut ecclesiarum & altarium consecratio, manuum impositio super fideles baptizatos, publica hæreticorum vel pœnitentium reconciliatio, & chrismatio frontis baptizatorum: tertia denique narratur, quæ presbyteris prohibentur, non simpliciter & absolute, sed præfente nec jubente episcopo, ut baptizare, signare, reconciliare pœnitentes, privatos scilicet, non publicos; conficere corpus & sanguinem Christi, &c. Signaculum, de quo in tertia parte canonis, non est signaculum frontis, quod presbyteris absolute prohibetur in secunda parte; sed signaculum pectoris, de quo Gregorius magnus; vel signaculum verticis, de quo *supra*, pag. 436.

Observat 7. Presbyteris eodem modo prohibetur "baptizatorum, frontem signare, quo Ecclesiam vel altare consecrare, imponere manus fidelibus baptizatis, hæreticos vel pœnitentes publice reconciliare, & formatas cuilibet Epistolas mittere. "Sed ista solo jure Ecclesiastico prohibentur presbyteris. Igitur & frontem chrismare.

RESPONDEO ex illis, alia dubia esse, alia certa esse apud theologos. Dubium est utrum ecclesiæ vel altaris consecratio jure non solum Ecclesiastico, sed etiam divino episcopis velut ordinariis ministris reservetur. Dionysius enim *de ecclesiast. hierarch. cap. 5. num. 5.* altaris consecrationem jure divino episcopis absolute reservat. Certum est hæreticos publice reconciliare, & formatas dare epistolas, quorum usus erat ad probandam fidem & communicationem catholicam, utroque jure episcopis, ut qui sint centrum communionis catholicæ, velut ministris reservari. Certum item est pœnitentes publicos publice reconciliare utroque jure ad episcopos pertinere, velut ad ministros ordinarios; quia jurisdictio, adeoque peccatorum & censurarum absolutio ad ipsos ex officio pertinet. Denique certum est manuum impositionem & chrismatis unctionem, ex hypothesi, quod ad Confirmationis essentiam attineant, utroque jure ad episcopos pertinere, velut ad ministros ordinarios.

Observat 8. Quod hi Patres per manus impositionem, tam ex hæresi conversos, quam fideles baptizatos, in ecclesiam receptos fuisse, tamque illis, quam his per eum ritum Spiritum paracletum traditum fuisse, nos docent. Unde videre est nullum eos statuisse inter neophytorum, & ex hæresi conversorum manus impositionem discrimen, ut si horum manus impositionem pro vero ac legitimo sacramento minime habuerint (quod confitentur adversarii) nulla ratio dici possit, cur de altera, quæ neophytorum erat, aliter sentiant.

RES-

* RESPONDEO dubium esse, utrum manuum impositio, quæ super conversos ex hæresi fieri solebat, confirmatoria esset. Qui affirmant, hac Dallæi paritate utuntur: qui negant, ab hoc Dallæi argumento facile sese expediunt.

OBJICIT 9. Bedam in psalmum 26. ad hæc tituli verba: *Prinsquam liniretur David* &c. "Sciendum est, inquit, quod illa unctio, quæ per „manuum impositionem ab episcopis, quasi alia a duabus prædictis (olei nimirum & chrismatis, quarum prior baptismum præcedit, posterior subsequitur) & vulgo Confirmatio dicitur, eadem est cum sen-
cunda, nempe verticali; propter arrogantiam tamen non concessa est „singulis sacerdotibus, sicut & multa alia. "Ex arrogantia igitur factum est, quod frontis unctio, quæ Confirmatio dicitur, presbyteris concessa non fuerit, sed episcopis reservata. Ita Dallæus *lib. 3. cap. 10.* Eodem loco usus est Sirmondus in *antirretico* 2. *cap. 7.* ut probaret frontis chrismationem Confirmationi accidentalem esse. Igitur, qui Sirmondi opinionem sequuntur, respondent inde sequi tantum hanc unctionem ad Confirmationis essentiam nihil attingere.

Aurelius autem in *orthodoxo*, parte 1. *cap. 7.* respondet locum Bedæ esse corruptum, manifesteque vitiosum; nec immerito. Locus enim duabus partibus constat, quarum prior, ut apparet, sensum imperfectum generat, adeoque mutila est; posterior sensum doctrinæ, a Beda in aliis locis expositæ, omnino contrarium efficit. Enim vero, si Beda frontis unctionem existimavit meram esse baptismi cæremoniam, ecclesiastico duntaxat jure introductam, eodemque & non alio jure episcopis reservatam esse; cur eam alibi repetit ex capite 8. *actum*? cur ex iisdem actis illam *solis Pontificibus deberi* colligit? cur per illam, *nuper* a sacerdote baptizatis, ait gratiam Spiritus sancti deinde conferri, cum episcopus paræcias visitans, sacramentum Confirmationis administrat? Citato Bedæ textui sensus iste forte accommodari posset: Frontis unctio, quæ eadem est cum verticali, quod utraque ex eodem chrismate fiat, a Christo & apostolis concessa non est singulis sacerdotibus, sicut & multa alia, *propter arrogantiam*, id est, ne presbyteri inde superbirent, & episcopis sese æquandi occasionem arriperent.

OBJICIT 10. Ratramnum *lib. 4. contra Grecorum opposita*: "Ecclesiastici viri, inquit, statuerunt ut frontes baptizatorum non a presbyteris, sed ab episcopis chrismate sancto linirentur. "Ita Dallæus *lib. 2. cap. 2.*

RESPONDEO ex mente Ratramni frontis chrismationem episcopis utroque jure, divino & ecclesiastico, reservari: qua de re *supra* pag. 419.

OBJICI etiam posset 11. Augustinus qui *serm. 5. inter Carthusianos*, ait quod Samaritanis "manus imponeret Philippus, unus e septem diaconibus: & eis manus imponendo impetraret Spiritum sanctum: " & paucis interjectis subjicit, quod idem Philippus eunuchum reginæ Can-

Candacis baptizaverit, manum ei imposuerit, & Spiritus sanctus super eum descenderit. " Scriptum (enim est) quia mox ut ascenderet de aqua, venit Spiritus sanctus super spadonem. (Atqui) in primos illos centum viginti (coenaculo inclulos) revera, quia tunc primum veniebat Spiritus sanctus, sine impositione manus advenit: ex illo autem jam in neminem venit, nisi fuisset manus imposita.

Verum legenti apparebit vitia plurima in hunc sermonem irrepsisse. Priorem igitur locum vitiatum fuisse constat. 1. Ex ipsis verbis quæ sensum imperfectum generant, " Ut autem manus imponeret Philippus, & eis manus imponendo impetraret Spiritum sanctum invocantem. " Ita periodus desinit. 2. Ex verbis proxime sequentibus, quibus Augustinus ait Philippum baptizasse quidem Samaritanos, manus tamen eis non imposuisse. 3. Id repugnat actis apostolorum cap. 8. Certum etiam videtur posteriorem locum depravatum fuisse, 1. quia Augustinus *ibidem* negat, Philippum eunucho manum imposuisse, " Baptizavit, nec manus imposuit. " 2. Quia in actis non legitur Spiritum sanctum descendisse super eunuchum jam baptizatum. Hæc tamen postrema ratio non videtur efficax: posset enim aliquis reponere, idem ab Hieronymo referri in *dialogo contra Lucifer. cap. 4.* De quo, inquit, scriptura ita loquitur: *Et descenderunt ambo in aquam, & baptizavit eum Philippus, & cum ascenderem de aqua, Spiritus sanctus venit super eunuchum.*

INSTABIS. Si ex Augustino Spiritus sanctus super eunuchum descendit, igitur Philippus manum imposuit, quia " ex illo (tempore, quo Spiritus sanctus super apostolos & discipulos descendit) jam in neminem venit, nisi fuerit manus imposita.

RESPONDEO id verum esse, quando Spiritus sanctus venit de necessitate, non de potestate, id est, quando venit vi sacramenti & virtute pacti sacramento annexi, non autem quando venit extra sacramentum: Spiritus enim non est alligatus sacramentis. Cum enim Augustinus sibi objecisset, non solum ante impositas manus, sed etiam ante baptismum super Cornelium venisse Spiritum sanctum, respondet ita factum esse de potestate, non de necessitate, id est voluntate Spiritus sancti, cujus potestas non est alligata sacramentis, non autem vi & pacto sacramenti.

OBJICI denique posset *caput 8.* concilii Toletani XI. anno 675. habiti. " Quicumque in ecclesiastico ordine constitutus, aut pro baptizandis fidelibus, aut pro collatione chrismatis, vel promotionibus graduum, pretia quælibet susceperit: equidem si sciente loci episcopo tale quidquam a subditis perpetratur, idem episcopus duobus mensibus excommunicationi subiacet; pro eo quia & sciens mala contexit, & correctionem necessariam non adhibuit: similiter autem suorum quispiam, eodem nesciente, pro supra dictis capitibus accipiendum esse sibi crediderit; si presbyter est, trium mensium

„ excommunicatione plectatur ; si diaconus, quatuor ; subdiaconus vero vel clericus, his cupiditatibus serviens, & competenti verbere & debita excommunicatione plectendus est. “ Presbyteri igitur & diaconi baptizabant fideles, eosque consignabant.

RESPONDEO 1. textum exponi posse de signatione presbyteris ab episcopo commissa. 2. Argumentum nimis probare ; consequens enim esset presbyterum & diaconum posse ordinare, quia de tribus sacramentis ibi agitur, puta baptismo, Confirmatione, & ordine. 3. Ne quis in hoc incommodum incidat, textum sensu accommodo exponendum esse.

Urgebis. Synodus hæc duo conjungens (*pro baptizandis consignandisque fidelibus*) aperte indicat eundem fuisse, qui baptizaret & consignaret. Cur enim baptismum & signationem conjungeret, & a cæteris divideret, nisi quia ab eodem ministro simul & semel adhiberentur ?

RESPONDEO id minime sequi. Gelasius enim I. *epistol. 9. ad episcopos Lucanie cap. 5.* idem, iisdemque fere terminis prohibet : “ Baptizandis consignandisque fidelibus, sacerdotes pretia nulla præstent &c. qui tamen *cap. 6.* hæc duo sejungit, & non licere “ presbyteris ait signationis Pontificalis adhibendæ sibi met arripere facultatem.

Hactenus de occidentali, nunc de orientali ecclesia, in qua Dallæus presbyteros fuisse ordinarios Confirmationis ministros pluribus argumentis contendit.

OBJICIT igitur 1. Firmilianum, qui in *epistola 75. ad Cyprianum*, “ In genere affirmat, nullo episcopi a presbytero discrimine, majores natu (id est presbyteros) baptizandi & manum imponendi possidere potestatem. “ Ita Dallæus *lib. 2. cap. 18.*

RESPONDEO Firmilianum sic habere. “ In Ecclesia præfident majores natu, qui & baptizandi & inanum imponendi, & ordinandi possident potestatem. “ Sed majores natu, qui in ecclesia præfident, quique ordinandi possident potestatem solos esse episcopos omnino certum est.

OBJICIT 2. Ambrosiastrum, (quem ille putat fuisse Hilarium Luciferianum, qui vixit sedente Damaso Pontifice.) “ Is vero de ecclesia Alexandrina ita scribit in *cap. 4. ad Ephes.* Denique apud Ægyptum presbyteri consignant, si præfatus non sit episcopus. “ In Ægypto, igitur, absente episcopo, presbyteri ex officio confirmabant : quæ Confirmatio etiam cum impositione manuum celebrabatur. Ita Dallæus *ibidem* ex Salmasio Blondello &c.

Huic argumento satisfecerunt, ex Anglicanis episcopalibus, Henricus Hammondus, de *jure episcopatus, dissertat. 3. pag. 162.* Qui *consignationis* nomine solam ait eucharistiæ consecrationem significari ; idque satis constare ex alio ejusdem scriptoris loco, *quæstionibus* scilicet *veris*

teris *et* novi Testamenti, *quest.* 101. Utrumque enim opus ex eodem calamo fluxisse ille existimat, qua de re in *objectione sequenti*. Verum, inquit Dallæus *ibidem*, "Eucharistiæ consecrationem dici simpliciter *consecrationem*, nemo, ut opinor, audierit." Deinde auctor *commentariorum* "presbyteralem consignandi, absente episcopo, potestatem, hic ut rem commemorat Ægypto peculiarem. At potestas eucharistiæ, absente episcopo, consecrandi presbyterorum Ægypti peculiaris, Damasi certe temporibus non fuit.

Ex catholicis Petavius *lib. 2. de eccles. hierarch. cap. 6. num. 12.* distinguit inter Confirmationem, quam in manuum impositione statuit, & frontis consecrationem, quam Confirmationi accidentalem supponit. "Consignasse, inquit, presbyteros in Ægypto, absente episcopo, scripsit supposititius Ambrosius. Impositionem vero manuum, quæ consecrationi adjuncta sæpe fuit, ad dandum Spiritum sanctum ab alio, quam ab episcopo collatam esse, nec ille dicit, nec alius quisquam.

Thomasinus *tomo 1. eccles. discipl. parte 1. lib. 1. cap. 17.* concedit hanc quidem unctionem Confirmationi essentialem, sed illam a presbyteris Ægyptiacis, non nisi Pontificum auctoritate, administratam fuisse.

Aurelius in *orthodoxo fidei, parte 1. cap. 5. pag. 533.* Respondet t. hinc sequi, "Eo adhuc tempore istud nusquam factum in occidentis ecclesiis, quandoquidem Latinus scriptor, cum varias ecclesiarum consuetudines scrutaretur, hujusce exemplum in occidente nullum repererit, sed a remotissimis Ægypti ecclesiis petierit. An enim nosset quid in ultimis orientis ecclesiis fieret; quid in ecclesiis occidentis vulgo fieret non nosset? Hoc ergo teste agnoscendum est occidentis ecclesias etiam tum Romanæ ac principis morem secutas, nec earum presbyteros, nedum diaconos, neophytorum frontes unxisse. Eadem opera refellitur, quod opinaris (Sirmondum alloquitur) hujus novæ presbyterorum potestatis initium Constantini principatu ortum. cum Hilarius diaconum, qui multo post vixit, audias declarantem id sua ætate in occidentis ecclesias nondum in ventum. Habeas ergo tibi Ægypti ecclesias illo teste, dum modo eodem auctore ecclesias occidentis omnes nobis relinquant.

Respondet 2. "De Ægypti quoque ecclesiis merito dubitari posse. Primum quia summa res omnibus Græcis orientisque scriptoribus silentibus, ne repugnantibus dicam, Latini unius scriptoris fide nititur. Nemo alius, nec Græcus, nec Latinus eam confirmat, ne Græci illi quidem, qui Photii temporibus tanta contentione hac ipsa de re cum Romana ecclesia certarunt. Quare minime obscurum est narrationem esse levio rem, quam ut fidei faciendæ sit satis. Accedit scriptorem istum, quisquis sit, sexcentis erroribus ac fabulis scaterere. Nam ut alia præteream, narrat sub ecclesiæ initia omnibus promiscue baptizandi & concionandi jus fuisse, etiam laicis. Quis miretur

„chrif-

„ chrifmandi potestatem ab episcopis ad presbyteros, in Ægypti eccle-
 „ siis ab eo traductam, qui per omnes ecclesias baptizandi docendique
 „ potestatem a clericis ad laicos traduxerit?

Respondet 3. auctorem ejusmodi *commentariorum* non esse Hilarium
 diaconum, qui Luciferi partibus adhæsit, „ Cum librorum istorum scrip-
 „ tor præter innumeras mendas sit Pelagianus, catholicamque
 „ doctrinam passim ac dedita opera sic petat ut ab iplo Pelagio factus
 „ institutusque videatur. Pelagium vero ac Pelagianos per diu post Lu-
 „ ciferi schisma & post Hilarium illum Romanæ ecclesiæ diaconum
 „ natos nemo ignorat.

Responderi etiam posset, consignationem illam, non fuisse confirma-
 toriam, sed pure cæremonialem, qualem plures existimant Gregorium
 Magnum presbyteris Calaritanis concessisse. Denique responderi posset
 commentatorem illum, dato, non concessio, quod de confirmatoria un-
 ctione sermonem habeat, referre quidem quid fieret apud Ægyptum,
 nec improbare. Quod autem referat, inde non sequitur id esse recte
 factum; fiebat enim abusive. Quod vero non improbet, parum inter-
 est; quia nullius est nominis, imo male audit apud plures, quibus cre-
 ditur esse ineptus quidem consarcinator, Aeriana & Pelagiana tinctus
 fuligine. De Aeriana id ex eodem loco constat, ubi auctor ille epis-
 copos, presbyteros, & diaconos jure duntaxat ecclesiastico distinguit:
 de Pelagiana major est difficultas: „ Augustinus enim, inquit Dallæus
 „ *lib. 2. cap. 18.* quædam ejus scriptoris verba S. Hilarii nomine non se-
 „ mel recitat: „ contra Julianum *lib. 2. operis perfecti cap. 164.* & con-
 „ tra Pelagium *lib. 4. contra duas epistolas Pelagianorum cap. 4.*

Sed Hilarium, de quo Augustinus *lib. 2. operis perfecti cap. 164.* non
 fuisse diaconum Luciferianum, sed Hilarium Pictavorum antistitem,
 apparet ex eodem opere *lib. 1. cap. 9. 52. & 70.* Alius vero locus nihil
 concludit, si quis Aurelio credat: nam ut alia præteream, inquit ille
 in *orthodoxo parte 1. cap. pag. 534.* „ Augustinus sanctitatis titulo eum
 „ diaconum non ornaret, quem Hieronymus Deucalionem orbis appel-
 „ lasset. Et si enim sanctitatis nomen eis temporibus latius pateret,
 „ quam nunc, nunquam tamen usque eo patuit; ut hæresum ac schif-
 „ matum ducibus ab ecclesia damnatis tribueretur. Alium igitur S. Hi-
 „ larium fuisse oportet, cujus verba retulerit Augustinus, & ex quo
 „ ea descripserit Ambrosianus commentator. Illum fortassis, cujus pro-
 „ lixior alter locus in priorem ad Timotheum citatur a patribus sy-
 „ nodi II. Hispalensis S. Hilarii nomine in *explicatione epistolæ ad Ti-
 „ motheum*, qui locus, cum in commentario Ambrosiano non legatur,
 „ facile intelligitur existisse olim alium commentarium in epistolas Pau-
 „ li a S. Hilario scriptum, Pictaviensi, an alio, non temere id dixe-
 „ rim: quamquam Pictaviensis characterem admodum refert locus a
 „ synodo Hispalensi allatus. Nec obest quod Ambrosianus commenta-
 „ tor dicat se sub Damaso scripsisse: quia cum hæreticum & impo-
 „ „ sto-

„storem fuisse liqueat, non minus in eo fallere potuit ad captandam
 „antiquitatis laudem, sugiendamque suspicionem, quam in aliis reser-
 „lit. Quare habeatur non minus Hilarii nomine, quod illi offers,
 „quam Ambrosii, sub quo diu latuit alienus, & ad larvatorum scrip-
 „torum tenebras rejiciatur. “ Ut ut sit, si non Pelagianus, Aerianus
 certe fuit; nullum inter gradus ecclesiasticos discrimen jure divino sta-
 tuens, sed illis munia quæcumque primis ecclesiæ seculis communia fuis-
 se definiens.

OBJICIT 3. auctorem *questionum in vetus & novum Testamentum*, qui sive idem sit, sive diversus fuerit, idem testatur quod Ambrosia-
 ner: “ In Alexandria, inquit, & per totam Ægyptum, si desit epis-
 „copus, consecrat presbyter. “ Ita ille *questione* 101. apud Augusti-
 num *tom. 4. in appendice*. Antiquus hic auctor est: scripsit sedente Da-
 maso, & Augustini nomine laudatur anno 824. a pseudo-synodo Pari-
 siensi *de imaginibus, can. 4. & 6.*

Ex hæreticis respondet Hammondus *loco citato* textum de sola eucha-
 ristix consecratione intelligendum esse.

Ex catholicis Sirmondus *in antirrhetico* 2. legit *consignat*: editiones
 tamen omnes habent *consecrat*. Thomassinus, *loco citato*, intelligit de
 frontis unctione, qua veluti sigillo baptizati, jubentibus & absentibus
 episcopis, in Ægypto a presbyteris, ut reges & sacerdotes consecraban-
 tur. Aurelius *eodem loco* respondet. “ Hunc scriptorem esse prorsus
 „eundem (cum Ambrosiastro) quod arguunt non modo errata & sen-
 „tentix eadem, sed etiam oratio multis locis iisdem pene verbis
 „concepta. Quare, inquit, quod de priore responsum est, huic ac-
 „commoda.

Existimo hunc auctorem loqui de ordinatione, seu ordinandorum con-
 secratione; sed illum in hoc, sicut & in aliis, quæ ibi refert, decipi.
 Chrysostomus enim *in epist. ad Timoth. homil. 1.*: presbyteris absolute
 negat ordinationem: & Hieronymus *in epistola 85. ad Evagrium*, ut
 diaconorum elationem deprimeret, presbyterorum munia recensens,
 ordinationem excipit. Præterea hic auctor, ut dixi, plura eo loci
 refert, quæ & falsa & hæretica sunt. Ait enim, diaconorum esse,
 “ Et altare portare, & vasa ejus, & aquam in manus fundere sacer-
 „doti, & omnia ministeria obsequiorum per ordinem agere, licet
 „multitudo clericorum faciat, “ ut ea non agant. Deinde, quamvis
 ille diaconos presbyteris jure divino inferiores agnoscat, presbyteros tamen
 jure divino pares, & jure ecclesiastico inferiores facit episcopis. Quin
 etiam eos adæquat apostolis Petro & Joanni, qui ad Samaritanos con-
 firmandos missi sunt. Denique, ut diaconis presbyteros dignitate su-
 periores esse ostendat, refert, quod episcopus presbyteros non aliter
 quam *compresbyteros* vocet, & *consecradores suos*, diaconos vero *con-*
diaconos suos numquam appellet, quod fallum esse apparet *ex epistolis*
 59. & 138. Augustini, ubi diaconos & clericos *condiaconorum* & *cle-*
cle-

clericorum Fratrum nominibus cohonestat. Fulgentius etiam Ferrandus condiacono scripsit. Cæterum si quid valet auctoris hujus testimonium, adversus Dallæum diserte concludit; in eadem enim questione 101. probat ille ex Astorum cap. 8. presbyteros non diaconos habere potestatem conferendi Spiritum sanctum per manus impositionem.

OBJICIT 4. cap. 23. lib. 7. constitutionum apostolicarum, quas ille ad seculum quartum revocat, Nicænæ tamen synodo priores facit. "De baptismo, episcopus, aut presbyter, jam ante constituimus, ac nunc rursus dicimus. Unges autem prius oleo sancto, deinde baptizabis aqua, postremo signabis unguento chrismatis." Sicut igitur episcopus, ita presbyter baptizatos chrismate ungebat. Ita Dallæus lib. 2. cap. 11. & 18.

RESPONDEO, Tria hic recenseri, olei unctionem, baptismum, & chrismationem, quæ hic quidem Episcopo, & presbytero indeterminate tribuuntur, non quod ea uti cuilibet episcopo, ita cuilibet presbytero conveniant, sed quia eorum nonnulla episcopis propria sunt, alia vero ipsis, & presbyteris communia. Quænam autem episcopis propria, quæ vero ipsis, & presbyteris communia sint, colligi debet ex loco, ad quem verba præfata remittunt, videlicet ex lib. 3. cap. 16. ubi unctio capitis ex oleo episcopis, baptismus episcopis vel presbyteris, & chrismatio solis episcopis conceditur.

OBJICIT 5. S. Chrysostomum homil. 11. in 1. ad Timoth. "Inter episcopum & presbyterum interest ferme nihil. Quippe & presbyteris ecclesiæ cura commissæ est; & quæ de episcopis dixit, ea & presbyteris congruunt; sola quippe ordinatione superiores illis sunt: atque hoc tantum plusquam presbyteri habere videntur." Theophilactum in epist. ad Timoth. cap. 3. vers. 8. "Cur autem presbyteros prætermisit? quia quæ de episcopis dixit, ea presbyteris etiam conveniunt: nam & ipsis docendi munus, & præfectura ecclesiæ commissæ est, ut pote sola ordinatione, μόνη τῇ χειροτονίᾳ, inferioribus." Eadem habet in eundem Pauli locum Oecumenius. Ita Dallæus lib. 2. cap. 18. qui citatis auctoribus addere potuisset Hieronymum in epist. 85. ad Evagrium: "Quid facit excepta ordinatione episcopus, quod presbyter non facit?" Sicut igitur episcopi, ita & presbyteri confirmabant.

RESPONDEO 1. non deesse theologos qui Chrysostomum, & Theophilactum explicent de ordinatione passiva, qua consecrantur episcopi; hinc Montanus vertit, sola electione inferioribus: sola enim consecratione, adeoque Confirmatione, presbyteri ordinatione, aliisque id genus muniis ex consecratione episcopi descendantibus, presbyter episcopi inferior est.

RESPONDEO 2. dato, non concessio, quod Chrysostomus & Theophilactus legantur de ordinatione, qua episcopi ministros ordinant, Wiasse de Confirmatione. Ff respon-

respondeo presbyteros in oriente, non ex officio, sed jussu pontificum confirmasse: solos enim episcopos ex officio confirmare solitos, ætate sua testatur Chrysostomus, cum ex facto Petri & Joannis, qui ad confirmandos Samaritanos missi sunt, ita concludit *bonif. 18. in acta*: "Unde & coryphæos, non alios ullos, hoc facientes vidimus." Testatur Hieronymus in *dialogo adversus Lucifer*. "Si quæris, quare in ecclesia baptizatus, nisi per manus episcopi non accipit Spiritum, sanctum, discere hanc observationem ex ea auctoritate descendere, quod post ascensum Domini Spiritus sanctus ad apostolos descendit." Theophilactus vero Chrysostomi vestigiis ubique adhæret. Oecumenius denique, non ait Episcopos sola ordinandi potestate superiores esse presbyteris; sed episcopis presbyteros a Paulo permisceri; qua de re *alibi*, ubi scilicet de distinctione Episcopi, & Presbyteri.

OBJICIT 6. Palladium, qui in *vita Chrysostomi cap. 9.* narrat, cum Joannes ex ecclesia sua, inimicorum factione pulsus, a pontificalibus omnibus abstinere jussus esset, presbyteros & diaconos, qui ab ejus partibus stabant, competentium tria millia tinxisse, & veste candida induisse, adeoque & consignasse: tincti enim albis statim induebantur, & chrismabantur. Ita Dallæus *ibidem*.

Quasi vero Hieronymus in *dialogo contra Lucifer*. quem desinente seculo quarto, adeoque Chrysostomi tempore scripsit, referens hanc esse ecclesiarum consuetudinem, ut ad eos, qui longe in minoribus urbibus per presbyteros & diaconos baptizati erant, episcopus ad invocationem sancti Spiritus manum impositurus excurreret, aperte non innuat baptismum per presbyteros & diaconos sæpe collatum fuisse, Confirmatione ipsum minime comitante, cum episcopus abesset aut impeditus esset? id ita fastitatum sæpe fuisse apparet ex ipso canone 2. Araulicano, quem Sirmondus & Dallæus tanti venditant.

OBJICIT 7. Dionysium *cap. 5. de eccles. hierarch.* docentem, "Presbyterum sine chrismate nunquam baptismum perficere; adeoque (quod ex hoc necessario & evidenter sequitur) cum chrismate baptismum perficere." Ita Dallæus *ibidem* qui Dionysii opera ad initium seculi sexti revocat.

Dionysius *cap. 5.* ecclesiasticam hierarchiam in tres ordines distinguit, pontificum, sacerdotum & diaconorum. Ordinem vero pontificum esse primum & ultimum, docet ille *num. 5.* primum quidem, quia sacra omnis potestas ab eo ad inferiores derivatur; ultimum, quia in ipsum omnis ecclesiasticus ordo definit. Pontifex enim divina quæque sacerdotum *mysteria perficit*. Nec enim sacerdos baptismum perficiet, sine unguento; nec eucharistiam consecrabit sine altari, nec ipse sacerdos erit sine ordinatione. Unguenti autem sanctificatio, & altaris consecratio, & sacerdotum ac diaconorum ordinatio ad episcopos jure divino pertinent. "Nunquam sacerdos divinam illam regenerationem

» sine

„ sine divino unguento consummabit : neque divinæ communionis mysteria consecrabit , nisi , &c. “ Quæritur ergo ad quem priora hæc verba „ *sine divino unguento* , referri debeant , ad presbyterum baptizantem , an ad episcopum , qui baptizatum deinde consignet . Georgius Pachimeres , celeberrimus Dionysii paraphrastes , qui sub Michael Palæologo circa annum Domini 1280. floruit , hæc verba refert ad pontificem , hoc sensu : Sacerdos baptismum nunquam perficiet sine „ chrismatisunctione , qua episcopus baptizatum consignet : “ Baptismum , inquit , perfecte per se sacerdos non absolvet , quippe opus „ erit antistite , qui unguento baptizatum inungat : “ *ὡς τὸ χρίσας τὸν μὲν τὸν βαπτισθέντα* . Maximus vero , qui eundem Dionysium seculo septimo commentatus est , verba quidem hæc refert ad baptismatis ministrum , sed unguenti illius usum , sine quo baptismus perfecte non absolvitur , non explicat . “ Nota , inquit , & sanctificatione , re , & perficere unguentum , non esse presbyterorum : quin nec „ altare consecrare , nec ordinare ; hæc enim solus pontifex perficit , „ extra quæ presbyter nec baptizabit , nec offeret . “ Arcudius verba hæc refert ad presbyterum baptizantem , eaque ad confirmatoriam unctionem hoc sensu determinat : Presbyter perfecte baptismum nunquam perficiet sine unguento , quo ipse baptizatum inungat . Qua quidem interpretatione presbyter , cum abest episcopus , minister extraordinarius hujus sacramenti substituitur , sed ordinarius ejus minister ab eodem Dionysio alibi definitur episcopus . “ Sacerdotes , inquit *cap. 2. parte 2. num. 7.* baptizatum , indutum alba veste ad pontificem ducunt , qui divinitus sacro oleo virum consignat . “ Eadem etiam verba Arcudius alio sensu refert ad presbyterum baptizantem , ita scilicet ut chrismatis usus , quo sacerdos baptismum perficit , ad aquæ baptismalis consecrationem pertineat : hoc pacto : Presbyter perfecte baptismum nunquam peragat sine unguento , quo ipse baptismalem aquam consecret . Hujus enim consecratio , “ Trina unguenti per modum „ crucis effusione perficitur : “ Ex Dionysio *cap. 2. parte secunda numer. 7.* licet hodierni Græci catechumenorum duntaxat oleum adhibeant .

OBJECT 8. Photium in *epistola encyclica* , qua in Nicolaum primum & episcopos in Bulgariam ab eo missos ita invehitur . “ Chrismate inunctos per sacerdotes denuo chrismate inungere non cohorrerunt , cum „ se presbyteros prædicarent , & presbyterorum chrisma inutile quiddam , ac frustra factum comminiscerentur . An talem quis insaniam „ sano unquam audivit , quam non cohorrere insani isti factitare ? ut „ semel unguento sacro delibutos rursus inungerent , & augusta illa divinaque christianorum mysteria in bene longas nugas , & risum lubeantiamque conversa proculearent ? porro sapiens & egregium eorum responsum . . . Non enim , inquiunt , licet sacerdotibus , eos qui sacro baptismate initiantur , unguento sanctificare ; solis enim pontificibus

„ hoc lege datum est. Unde hæc lex? quis auctor? quis apostolorum?
 „ an patrum? an ex synodis aliqua? sed ubi & quando habita? & quo-
 „ rumnam confirmata sententiis? “ Hæc igitur erat in oriente recepta
 & universalis consuetudo, ut presbyteri baptizatos ex officio consignarent.

Plura huic argumento responderi possunt. Primum quidem Photius hanc frontis consignationem, sive fiat ab episcopis, sive a presbyteris fieri possit, ait esse *angusta divinaque christianorum mysteria*, quæ nunquam iterata sunt, neque a Latinis in Bulgariam missis sine crimine iterari potuerunt. “ Talem (enim) quis insaniam sancto unquam audi-
 „ vit, ut semel unguento sacro delibutos rursus inungerent? “ quæ recte de mera simplicique cæremonia nemo dixerit. 2. Photius quidem, hanc esse totius orientis consuetudinem, ut presbyteri baptizatos chrismate consignarent, in illa epistola supponit: sed ejus testimonium hac in re merito suspectum est; in eadem enim epistola plura refert vel supponit, quæ certe falsa sunt, v.g. quod Latini “abominentur nuptias, quia presbyteros fortiri
 „ conjuges prohibent: quod chrisma ex aqua fluminis conficiant: quod
 „ agnum in pascha more Judæorum super altare pariter cum domini-
 „ co corpore benedicant & offerant. “ Videlicet *epistolam* 70. *Nicolai I. ad Hincmarum* &c. 3. Photius Latinis objicit, quod “ Spiritum san-
 „ ctum ex Patre Filioque procedere dicant. “ Ideone hæc erat fides totius orientis ut Spiritus sanctus ex solo Patre procedat? 4. Photius Latinis objicit, “ Quod diaconus, nondum suscepto presbyteratus offi-
 „ cio, in episcopum ordinatur; qui mos erat aliquando Romanis, “ inquit *Æneas Parisiensis*. Ideone hæc erat totius orientis consuetudo, ut diaconus nunquam ordinaretur episcopus, nisi presbyteratus officio ante functus fuisset? Enimvero ipsemet Photius, ut Nicolaus pontifex in *sua epistola* recte arguit, “ Ex laico subito tonsuratus, ac mona-
 „ chus factus, saltu ad episcopatus apicem imperiali favore provectus
 „ est. “ Quemadmodum igitur Photius Latinis objiciens, quod ipsi dicerent Spiritum sanctum ex Patre Filioque procedere; & quod Romani diaconos aliquando in episcopos ordinassent; falso supposuit hanc fuisse totius orientis fidem, ut Spiritus sanctus ex solo Patre procedat; eamque consuetudinem toto oriente semper receptam fuisse, ut diaconus nunquam eligeretur episcopus: ita nihil repugnat, quominus iisdem Latinis objiciens, quod apud ipsos soli episcopi consignarent, falso supposuerit hunc fuisse usum toto oriente ætate sua receptum, ut presbyteri, qui tingerent, ipsi etiam ungerent. 5. Hunc illarum orientalium ecclesiarum, in quibus presbyteri consignabant, usum, velut abusum rejecerunt Nicolaus I. & omnes Latini, eumque scriptis refutarunt *Hincmarus Rhemensis*, *Æneas episcopus Parisiensis*, *Odo Bellovacensis episcopus* & *Ratramnus*, monachus *Corbejenfis*. 6. Nicolaus respondet, his & aliis Photii objectis, non Romanam modo, sed & omnem generaliter, quæ lingua latina utitur, ecclesiam reprehendi: hæc

erat

erat igitur consuetudo toto occidente recepta, ut soli episcopi ex officio frontem ungerent. 7. Nicolaus his Photii objectis opponit, omnes "Hesperias regiones (id est occidentales ecclesias) quæ nunquam a sede beati Petri, in huiusmodi quæstionibus dissonantes inventæ sunt." 8. Nicolaus ait se Photii objectis plures alias regiones opponere posse, "Ut de aliis, inquit, mundi plagis interim taceamus." 9. Nicolaus hæc Photii objecta veluti "communes ecclesiæ contumelias repulsat (quibus Photius & ejus affectu) traditionibus paternis, divinis testimoniis roboratis, detrahare curaverunt.

OBJICIT 9. ex Niceta satis superque constare synodum illam, de qua cogitaverat Photius in *encyclica sua epistola*, habitam fuisse Constantinopoli; & in ea Latinorum tum hoc de chrismatis ministro dogma, tum alia non pauca de capitibus a Photio memoratis dogmata damnata fuisse: & ipsum Nicolaum Romanum pontificem ob intolerabilem in omnes tum orientis, tum occidentis christianos tyrannidem anathemate percussum.

RESPONDETUR 1. Hæc synodus ex parte a Photio ficta & supposita fuit; "Iste enim falsarius, inquit Anastasius in *præfatione ad concilium œcumenicum VIII.*, falsos homines quasi vicarios orientalium sedium formavit, falsorum excessuum adversus Nicolaum mendacem codicem compilavit, mille circiter antistitum subscriptiones falsas interferuit, sibi nemine prorsus consentiente vel conscribente ex illa numerosa episcoporum multitudine, nisi uno & viginti præsulibus. 2. Acta hujus pseudo-synodi ab octava synodo generali rescissa sunt; quæ *conciliabulum illud, Ephesino latrocinio comparat*, illudque rejicit quasi *veritatis inimicum, & omni falsitate repletum*. 3. Anastasius, quæ in hac pseudo-synodo acta sunt referens, solius anathematis meminit, quo Nicolaus pontifex percussus est, neque ab Anastasio Nicetas dissentit.

OBJICIT 2. Gabrielem archiepiscopum Philadelphiensem.

Verum ille quamvis schismaticus, in *tractatu de sacramentis* docet, baptizatorum chrismationem ad episcopos primario ac præcipue pertinere; "Ecclesiam tamen orientalem suis presbyteris chrismandi jus concessisse, ne quis baptizatorum ejusmodi gratia privaretur." Gabrieli consentit Matthæus Blastarius, & alter schismaticus *cap. 31. litter. 4. sui Nomocanonis*, ubi docet primum quidem ex 15. canone concilii Neocæsariensis, "Chorepiscopos figuram gerere septuaginta discipulorum, sicut episcopos duodecim apostolorum." 2. Apostolis, non discipulis Christum dixisse, *Accipite Spiritum sanctum: quorum remiseritis &c.* 3. Apostolos, non discipulos, habuisse potestatem largiendi Spiritum sanctum per manus impositionem, "Ut manifestum est, inquit, ex his quæ nobis apostolorum acta prodiderunt: Philippum scilicet, unum e septem diaconis, in Samariam descendisse, ibique multos baptizasse; nullos tamen Spiritus sancti participes effecisse. Qua de causa apostoli miserunt Petrum & Joannem, qui manus imponentes baptizant." *Witsse de Confirmatione.*

„tis, Spiritum sanctum nondum in eos illapsum elargiebantur. “ 4. Apostolis, non discipulis, datam potestatem ordinandi presbyteros & diaconos. 5. Apostolis episcopos, & discipulis chorepiscopos successisse. Ex quibus ita concludit. “ Si ergo chorepiscopi, neque remissionem peccatorum, neque Spiritum sanctum impertire poterant, quamvis plura privilegia, quam presbyteri, essent sortiti; multo minus hi a confessionibus esse poterunt, & peccata solvere, ac ligare, nisi hanc potestatem ab episcopis acceperint. “ Ex hac Blastarii doctrina, aperte sequitur, chorepiscopos & presbyteros non esse ordinarios ministros utriusque sacramenti, Confirmationis, & pœnitentiæ.

OBJICIT II. hodiernam orientalis ecclesiæ praxim: Græcorum enim episcopo raro, presbyteri frequenter consignant.

RESPONDET Arcudius, id fieri episcoporum auctoritate, adeoque presbyteros non esse ministros ordinarios, sed extraordinarios. Arcudii distinctionem, quasi futilem & ridiculam Dallæus irridet *lib. 2. cap. 19.* Verum Arcudio præterunt plures Græci, licet schismatici, quos inter Gabriel Philadelphienfis & Matthæus Blastarius, qui certe gentis suæ placita rectius, quam Dallæus ipse noverunt. Reponit Dallæus, Arcudium “ Ludibrium omnibus debere, qui quod passim ac fere semper, in tota græcica ecclesia fit, id extraordinarium dicit: ordinarium, quod raro ac fere nunquam. “ Sed ipse Dallæus ridiculus est, qui, ut Arcudium ridiculum exhibeat, ei tribuit, quod iste minime dixit; aliud enim est opera quædam ordinaria vel extraordinaria esse: aliud quempiam operum hujuscemodi ministrum esse ordinarium vel extraordinarium: sic antistites sunt ministri ordinarii: simplices vero sacerdotes sunt ministri pœnitentiæ extraordinarii; quamvis in occidente, illi quidem raro, isti frequens peccatores absolvant. Opera dicuntur ordinaria, vel extraordinaria, quæ frequens vel raro fiunt: sed minister dicitur ordinarius, vel extraordinarius, qui ex officio, vel ex delegata sibi potestate aliquid operatur.

Ut ut sit de Græcorum mente circa baptizatorum chrismationem a presbyteris factam, usum illum improbarunt seculo IX. Nicolaus I. & universa occidentalis ecclesia; seculo XII. Innocentius III. & Innocentius IV. &c. neque defunt theologi, qui nullam hodie Confirmationem apud Græcos esse existiment, ii scilicet, qui manuum impositionem a chrismate sejunctam huic sacramento essentialem faciunt: vel qui hoc sacramentum simplici presbytero negant committi posse. Cæterum hæc prava consuetudo, toto licet oriente recepta, non impedit, quominus Græci omnes veluti fidei dogma persuasum habeant Confirmationem verum ac legitimum novæ legis sacramentum esse, quod a diaconis aliisque clericis inferioribus administratum minime valeat. Viderit Dallæus, qui Græcos objicit, quomodo doctrina hæc cum sua cohareat.

OBJECTIONES tertii generis ratiocinia sunt, quibus Dallæus utitur.

Primum refertur *lib. 2. cap. 2. num. 2.* " Confirmationis sacramentum
 " episcopi supra presbyterum in ecclesiastico ministerio eminentiam ne-
 " cessario supponit. Sed illam nescivisse apostolos liquet ex divinis li-
 " teris, quæ eundem fuisse presbyterum & episcopum docent, & ex
 " Hieronymo, * Augustino, Chrysostomo, & omnibus patribus qui ea-
 " dem cum Hieronymo docuerunt, quos ad 44. recenset & vindicat
 " Blondellus in sua Hieronymi apologia.

Utrum primis ecclesiæ temporibus idem esset episcopus, qui presby-
 ter; vel inter utrumque aliquod discrimen esset, gravis est difficultas,
 de qua alibi. In præsentiarum observasse satis erit, 1. Ignatium agno-
 scere episcopi supra presbyteros discrimen & eminentiam in suis epi-
 stolis genuinis, non interpolatis. 2. Duobus modis intelligi posse, quod
 idem fuerit episcopus, qui presbyter: prior est episcopatum deprimen-
 do ad presbyteratum, ut si quis dicat primis ecclesiæ temporibus epis-
 copos non fuisse superiores presbyteris, sed eos inter se æquales fuisse:
 posterior est presbyteratum evehendo ad episcopatum, ut si quis dicat,
 quod primis illis temporibus, quicumque ordinarentur presbyteri, sta-
 tim consecrarentur episcopi. Priorem modum sequuntur hæretici; po-
 steriorem plures orthodoxi. Prior modus ordinationis sacramentum de-
 struit; posterior astringit.

Secundum habetur *lib. 2. cap. 9.* " Tempus fuit, cum sæpe sæpius
 " contingeret ut ipse baptizaret episcopus, rarius baptizarent presbyteri
 " & diaconi. Ut ergo eo tempore, quod fere semper baptizaret epis-
 " copus, id presbyterum jure baptizandi minime excluderet, sed per
 " accidens fiebat, quod cum presbytero major esset episcopus, indeco-
 " rum fuisset, ipso præsentente, presbyterum communes alioqui sacri mi-
 " nisterii actus invadere; ita & de manus impositione res se habuit:
 " per accidens fiebat, ut eam raro exercerent presbyteri; non quod
 " jus non esset; sed quod episcopis præsentibus eam deferrent.

RESPONDEO Dallæum tria supponere, quæ falsa sunt: primum est,
 presbyterum, absente episcopo, baptizatis manum imposuisse, ut Spiri-
 tum sanctum eis conferret, cujus rei nullum in antiquis canonibus ve-
 stigium extat; quin imo contrarium apparet, ex ipso Hieronymo,
 quem Dallæus pro sua opinione sæpe laudat, referente in *dialogo con-
 tra Lucifer. cap. 4.* " Hanc esse ecclesiarum consuetudinem, ut ad eos,
 " qui longe in minoribus urbibus per presbyteros & diaconos bap-
 " tizati sunt, episcopus ad invocationem sancti Spiritus manum impo-
 " siturus excurrat. " 2. Presbyteros, absente episcopo, in ecclesia ba-
 ptizatos olim confirmasse. 3. Presbyteros, absente episcopo, sicut bap-
 tizandi, ita confirmandi jus olim habuisse; ex illis enim patribus &
 canonibus, qui confirmandi jus presbyteris denegant, nullus est, qui
 baptizandi potestatem eis auferat: neque canones, qui factas a presby-
 teris

teris Confirmationes irritas declarant, collata ab iisdem baptisinata rescindunt.

Tertium argumentum *ibidem* proponitur. " Ex Cypriano constat " (citat epistolam 10. vel ex Rigaltio 9.) pœnitentibus non solum episcopum, sed etiam clerum manus imposuisse. Dubitandum ergo non videtur, quin & neophytis pariter presbyteri quoque, præter episcopum manus imposuerint. Eamdem enim propemodum fuisse apud veteres, & initiandorum neophytorum, & reconciliandorum pœnitentium, & admittendorum ex hæresi conversorum rationem ex priscis canonibus satis superque manifestum est.

RESPONDEO 1. Cyprianum in hac epistola loqui duntaxat de manuum impositione, ab episcopo & clero simul supra publicos pœnitentes fieri solita: " Per manus, inquit, impositionem episcopi & cleri, jus communicationis accipiunt &c. " manu eis ab episcopo & clero imposita. Quare, si quid valet hæc paritas, id unum inde sequitur, episcopum permittere posse, ut presbyteri neophytis manum secum imponant: episcopus certe simplicibus sacerdotibus permittit, ut ordinandis manum cum ipso imponant, quamvis illi seorsum ab episcopo id minime possint.

RESPONDEO 2. diversam, non eandem fuisse apud veteres & initiandorum neophytorum, & reconciliandorum pœnitentium rationem ex priscis canonibus manifestum esse, licet eadem propemodum fuerit admittendorum, non omnium, sed quorundam hæreticorum, eorum scilicet qui per manuum impositionem & frontis consignationem suscipiebantur, de quibus *supra* pluribus in locis, & de quibus iterum *infra*, ubi de Confirmatione hæreticorum. Qui enim, quæso, canones eandem propemodum in publicis pœnitentibus reconciliandis, quam in neophytis confirmandis rationem præscribunt? ubi frontis chrismatio, ubi confirmatoriæ formulæ deprecatio, alique id genus cæremoniæ, huic sacramento seu essentielles, seu accidentales in publicorum pœnitentium reconciliatione desiderantur.

Quartum argumentum est. Qui ordinarium dicit ministrum, dicit & extraordinarium. Sed non est de fide sacerdotem posse ministrum esse extraordinarium Confirmationis. Ergo nec de fide solum episcopum esse ordinarium ejus ministrum.

RESPONDEO 1. meram esse æquivocationem. Aliquis enim minister ordinarius aut extraordinarius dici potest, vel quia frequens, aut raro agit, vel quia ex officio, aut ex potestate sibi delegata munere quodam fungitur. Posteriori, non priori modo hic accipitur; Priori, non posteriori modo ordinarius minister extraordinarium præsupponit: episcopus enim ex officio, seu (ut loquitur Eugenius IV. in decreto pro *instructione Armenorum*) ut minister ordinarius, presbyteros & diaconos ordinat, licet ipse solus hoc munere fungi possit.

RESPONDEO 2. non deesse theologos, qui contendant esse de fide, quod

quod presbyter esse possit minister Confirmationis extraordinarius. Ita Dominicus Soto, in 4. dist. 7. art. 11. Franciscus a Messina in locis Hieronymi difficilibus, vocabulo Confirmatio, Gregorius a Valentia tomo 4. disput. 5. quæst. 2. puncti. 1. & Cardinalis Baronius ad annum 594. num. 15.

Ut quibusdam aliis Dallæi objectis occurras, hæc velim observes, scilicet ecclesiasticam functionem canonibus prohiberi posse, vel defectu potestatis e speciali & interiori charactere dependentis; sic ordinatio prohibetur presbyteris: vel defectu jurisdictionis; sic interior peccatorum absolutio presbyteris interdicitur, episcopo minime permitte: vel defectu utriusque; sic ecclesiasticæ censuræ a laico ferri aut relaxari non possunt: vel defectu juris sibi commissi, seu mandati Episcopi, aut alterius superioris; sic virgines a presbyteris velari non possunt, nec altaria ab ipsis consecrari, episcopo minime committente: vel propter decentiam & reverentiam superiori exhibendam; sic presbyteris olim, præfente episcopo, baptizare aut eucharistiam consecrare minime licebat. Ex his defectibus postremus rem illicitam, non invalidam; quatuor vero priores rem illicitam & invalidam efficiunt. Quo defectu collata a presbyteris Confirmatio nulla sit, episcopo contradicente, non satis constat apud theologos: Divo Thomæ nulla esse videtur defectu jurisdictionis, non autem ordinis; putat enim ille posterioribus commentariis in 4. d. 7. art. 5. ad 2. hoc sacramentum episcopis reservari ratione ordinis & jurisdictionis conjunctim, non autem divisim. Cum autem presbyter episcopi vel summi Pontificis auctoritate baptizatos confirmat, nulla tunc ordinis potestas ei communicatur. Cur autem jurisdictionis defectus sacramentum Confirmationis, non autem baptismi nullum efficiat, tota ratio est voluntas Christi sic instituentis, cui quidem probabile est ita placuisse propter summam baptismi necessitatem.

A R T I C U L U S V.

De variis theologorum placitis circa ministerium Confirmationis extraordinarium.

QUÆRITUR utrum presbyter, tanquam minister extraordinarius, hoc sacramentum valide conferre possit. Sunt qui affirmant; sunt qui negent: utrique, & multi, & celebres.

Negant Robertus Pullus cardinalis, parte 5. sentent. cap. 23. Hugo Victorinus lib. 2. de sacramentis, parte 7. cap. 2. Petrus Lombardus, lib. 4. sentent. dist. 7. Guillelmus Altissiodorensis, lib. 4. cap. 3. Albertus Magnus in 4. d. 7. art. 4. Durandus in 4. d. 7. quæst. 3. & 4. Gabriel Biel in 4. d. 7. art. 2. conclus. 3. Joannes Major in 4. d. 7. Hadrianus VI. in 4. d. 7. Alphonsus a Castro lib. 4. adversus hereses, vocabulo, character, & vo-

vocabulo *Confirmatio*, & lib. 2. de *iusta hereticorum punitione*, cap. 21. & 22. Marianus Victorius Reatinus, qui Tridentinis tertiæ convocationis sessionibus interfuit, *scholius in epist. 85. Hieronymi ad Evagrium*, Eftius in 4. d. 7. §. 21. & 22. Petrus Aurelius in *anaretico*, pag. 453. & in *orthodoxo* pag. 531. In eandem opinionem inclinant Petrus a Soto, qui Tridenti, cum postremæ sessiones haberentur, obiit, *lectione 2. de Confirmat.* & Covarruvias lib. 1. *variarum resolutionum*, cap. 8. Pro eadem sententia laudari solet S. Bonaventura in 4. d. 7. art. 1. *quest. 3.* verum ibi loquitur tantum de ministro ordinario, ut patebit illum conferenti cum Alexandro Alensi *parte 4. quest. 9. membr. 5. art. 1. §. 3.* eadem enim fere sunt utrobique rationes, eademque fere objecta: Alensis autem sermonem eo loci habet de ordinario ministro. Accedit quod Bonaventura *ibidem in expositione textus Magistri, dubio 1. doceat*, „causa necessaria summum Pontificem, in quo est plenitudo potestatis, posse alii, quam episcopo, committere „administrationem huius jus sacramenti.

Affirmant Jacobus a Vitriaco, Cardinalis, qui ait *sermone in vigilia Pentecostes*, „Hoc sacramentum aliquando propter defectum, vel paucitatem episcoporum, minoribus sacerdotibus dispensative est concessum; „Alensis, *parte 4. quest. 9. membr. 5. art. 1. §. 3.* S. Thomas, S. Bonaventura, Scotus, Aureolus &c. Eaque opinio in scholis hodie communior est. Pro eadem sententia a Durando, aliisque nonnullis theologis citatur etiam Magister sententiarum lib. 4. d. 7. quasi Gregorii Magni factum ibi referat & approbet. Verum observationem, quæ illud Gregorii factum refert & approbat, ad marginem primum appositam apparet ex antiqua editione Nicolai Keslers; deinde infra textum per modum notulæ additam, apparet ex ipso Magistri textu apud Bonaventuram descripto; denique in ipsum textum irrepsisse, apparet ex Durando, qui Gregorii factum, quasi in textu Magistri relatum & approbatum, citat lib. 4. d. 7. *quest. 3. num. 11. & quest. 4. num. 2.*

Affirmantium multiplex est differentia. Alii enim contendunt, suam sententiam certam esse, imo haberi jam tamquam de fide; ita Dominicus Soto in 4. d. 7. art. 11. Gregorius a Valentia, *tomo 4. disput. 3. quest. 2. puncto 1.* & Baronius *ad ann. 594. num. 15.* Alii contra fatentur illam non esse de fide. Alii a solo Papa committi presbyteris hoc ministerium posse volunt, ut Alensis, S. Thomas, S. Bonaventura. Alii etiam quævis episcopum idem posse, si libeat, in sua diocesi; ut Ledesma *parte 4. quest. 13. art. 3.* & apud Valentiam *loco laudato*. Rursum eorum, qui soli Papæ huius potestatis conferendæ jus vendicant, alii ajunt etiam diaconis conferri eam posse, ut glossator capituli *pervenit, disputat. 95.* alii ipsis quoque subdiaconis & clericis inferioribus, ut Panormitanus in *cap. quanto, extra de consuetudine*; & utraque summa, Rosella & Angelica, vocabulo, *Confirmatio*: alii vel ipsis laicis, modo

do confirmati fuerint, ut glossa *in cap. manus, de consecrat. dist. 5.* quorum quidem opinionum meminerunt Alensis, S. Thomas, Durandus & Aureolus: alii solis presbyteris jus esse eam accipere docent, ut Alensis, S. Thomas, Aureolus, Paludanus, Richardus de Mediavilla, Arcudius &c. Ex his jus illud solis presbyteris aliqui concedunt *ex rationabili & urgente admodum causa*, ut Alensis, S. Thomas, S. Bonaventura &c. alii nulla etiam urgente causa, ut Arcudius & Goarius, qui Græcorum presbyterorum frequens, & nulla urgente ratione confirmantium facta defendunt. Denique sunt, qui dispensationem requirunt, ut licite quidem presbyteri, non autem ut valide confirmet: ita auctores illi, de quibus Franciscus Pitigionis *in 4. d. 7. quest. 1. art. 10.* qui docent solum quidem episcopum esse ministrum ordinarium, & necessarium hujus sacramenti necessitate præcepti, non autem sacramenti. Inter illos enim auctores, inquit Estius *in 4. d. 7. §. 21.* qui "hanc
 „ Divi Thomæ sententiam secuti sunt, hæc diversitas reperitur, quod
 „ nonnulli existiment presbyteros, si tentent hoc sacramentum confer-
 „ re, etiam absque commissione apostolica, verum conferre sacramen-
 „ tum, tametsi graviter peccent, sicut vere ordinat episcopus homi-
 „ nem non sibi subditum: alii vero complures sentiant nihil eum prorsus
 „ efficere, non magis quam si tentaret absolvere quempiam sibi non
 „ subiectum.

S E C T I O I.

*Utrum sit de fide presbyterum ab apostolica sede commissi
 posse, ut baptizatos confirmet.*

AFFIRMANT Dominicus Soto, Franciscus a Messana, Baronius, & Gregorius a Valentia locis *supra* citatis, Dominicus quidem & Franciscus propter Eugenii IV. decretum *in Armenorum instructione*; Baronius autem & Gregorius propter utramque synodum, Florentinam *in præfato decreto*, & Tridentinam *sess. 7. can. 3. de Confirmat.* priori loco sic habetur: "Confirmationis ordinarius minister est episcopus:" & paucis interjectis: "Legitur tamen aliquando per sedis apostolicæ dispensationem ex rationabili & urgente admodum causa, simplicem sacerdotem ex chrismate per episcopum confecto, hoc administrasse Confirmationis sacramentum." Posteriori loco ita definitur: "Si quis dixerit, sanctæ Confirmationis ordinarium ministrum, non esse solum episcopum, sed quemvis simpliciter sacerdotem, anathema sit.

Hæc tamen non impediunt, quominus theologi quidam catholici & eruditi, quorum alii post synodum Florentinam, sed ante Tridentinam scripserunt, ut Gabriel Biel, Joannes Major, Hadrianus VI. & Al-

Alphonsus a Castro : alii post sessionem 7. Tridentinam typis mandarunt, ut Marianus Victorius, qui synodo interfuit : Petrus a Soto, primus theologus Pontificius in eadem synodo, Guillelmus Estius, insignis theologus ; & Petrus Aurelius cujus opera a clero Gallicano approbata sunt : confirmandi potestatem presbyteris ab apostolica fede committi non posse docuerint ; quin etiam ex adversariis, hanc opinionem inter theologia, quæ in utramque partem absque fidei discrimine defendi possunt, problemata recensent Thomistæ & Scotistæ fere omnes. Non igitur videtur esse de fide, quod presbyter per sedis apostolicæ dispensationem confirmare possit.

OBJICITUR Eugenii decretum, & Concilium Tridentinum, quibus episcopus asseritur ordinarius Confirmationis minister. Episcopus vero dicitur ordinarius minister, (inquit Joannes Nicolai) ut extraordinarius alius indicetur.

RESPONDEO 1. meram esse æquivocationem, qua de re *supra*. 2. In eodem Eugenii decreto Episcopum asseri ordinarium confirmationis ministrum, qua presbyteri & diaconi ordinantur. Ideo ne extraordinarius alius minister indicatur ? 3. Aliud esse veritatem aliquam indicari, aliud eam definiri. Quæcumque in conciliis definiuntur, non autem quæcumque in iis indicantur, ad fidem attinent.

INSTAT Dominicus Soto. " Synodus Florentina (in hoc decreto) approbat, auctoritate apostolicæ sedis posse sacramentum hoc simplici sacerdoti committi : " sic enim ait : " Legitur tamen aliquando per apostolicæ sedis dispensationem ex rationabili & urgente admodum causa, simplicem sacerdotem chrismate per episcopum confectio hoc administrasse Confirmationis sacramentum.

RESPONDERI potest, quod in alia causa Bellarminus *lib. de Confirmatione. cap. 9. ad 1. object. Kemnitii*, quæcumque in hoc decreto habentur, non pertinere ad fidem ; " Nec enim omnia, quæ habentur in decretis, aut conciliis, ad fidem pertinent, sed solum ea quæ definiuntur. Hoc autem, de quo agimus, non definitur, sed tantum obiter dicitur. " 2. Responderi posset, quod Sirmondus in causa dissimili, hoc decretum post absolutam synodum Florentinam editum fuisse. 3. Responderi posset cum Estio in 4. *dist. 7. §. 22. ad 3.* " Concilium non affirmare id aliquando factum esse (nam revera factum esse probari non potest) ; sed id legi vel in decreto Gratiani, vel apud scholasticos doctores, qui factum Gregorii juxta suam opinionem sunt interpretati : eamque ob causam se addidisse ordinarium, quod ita opinantibus præjudicare noller. " 4. Responderi posset cum hodiernis quibusdam theologis Parisiensibus, Eugenium in hoc decreto, non tam ex suo sensu, quam ex communiori scholasticorum sui temporis opinione locutum esse : dabat enim instructionem

Ar-

Armenis, non definiebat. Enimvero in hac instructione plura sane traduntur, quæ in scholis in utramque partem hodie agitantur. Sic pro materia Confirmationis assignatur *chrisma*, quamvis plures theologi eam in sola manuum impositione constituent. Sic in eo pro materia præscribitur *chrisma ex oleo & balsamo*, quamvis nonnulli theologi balsamum Confirmationi accidentale esse contendunt. Sic in eo pro eadem materia præscribitur *balsamum per episcopum benedictum*, quamvis aliqui benedictionem essentialem esse negent, alii vero illam fieri posse velint a simplici sacerdote. Sic in eo pro forma præscribitur: *Signo te &c.* quamvis Græci, Romanæ etiam ecclesiæ adherentes, aliam formam adhibeant. Sic in eo dicitur, quod "loco manus impositionis, datur in ecclesia Confirmatio." Quibus verbis, inquit Meratius *tractatu de Confirm. disp. 2. sect. 2.* concedendum est Eugenium favere ei sententiæ, quæ alierit apostolos aliquando sine chrismatis unctione per manus impositionem Confirmationis sacramentum administrasse: quo non obstante, licet contrariæ sententiæ tantum probabiliori adherere; cum quod ab illo dictum est, non fuerit ab eo tanquam dogma fidei definitum, sed ad uberiorem doctrinæ, quam de sacramento Confirmationis tenebat, explicationem obiter & ex occasione insertum. "Sic etiam in eodem decreto pro materia eucharistiæ assignatur *panis triticeus*, quamvis Cajetanus, Sirmundus & alii panem minime triticeum ad validitatem sufficere doceant. Sic in eodem aquam vino admiscendam esse probatur ex supposititiis Alexandri, & Julii pontificum epistolis. Sic *ibidem* pro forma pœnitentiæ assignantur hæc verba: *Ego te absolvo &c.* quæ tamen a Græcis non adhibentur. Sic *ibidem* pro materia ordinis ea duntaxat assignantur instrumenta, quæ tanguntur: quamvis ex theologis hodiernis alii solam manuum impositionem, alii manuum impositionem cum instrumentis requirant. Sic *ibidem* pro causa efficiente sacramenti matrimonii assignatur mutuus consensus, quamvis Toletus, Petrus de Marca, & theologi Gallicanis libertatibus adherentes, solum presbyterum hujus sacramenti ministrum instituant.

Aliam prætermitto solutionem, quam nonnulli theologi Gallicani repetunt ex cardinale Carolo a Lotharingia, qui cum Tridentini concilio interesset ad Brittonem Romæ tunc suo nomine agentem ita scripsit. "Si summus pontifex, quid ego de Florentina synodo sentiam a te requisierit, sanctitatem ejus velim, moneas, me Parisiensis academiz alumnum esse, quæ una cum Gallicano Clero præfatam synodum œcumenicam esse negat, & Basileense Concilium admittit." Extat hæc epistola in libro cui titulus est, *Memoires du concile de Treves*.

Quod autem ad Tridentinam synodum attinet, nihil in ea definitum fuisse, quod utrique parti saveat aut noceat, certum videtur ex Suavi Polano, & ex Cardinale Palavicino. "Magna (inquit Petrus Suavis lib. 2.

lib.2. pag. 241. & 242. apud Dalleum pag.19. & 20.) fuit circa tertium articulum difficultas propter Gregorii Romani episcopi factum, quem constat confirmandi ministerium simplicibus presbyteris commisisse. Theologi vero Franciscani, qui cum Joanne Scoto totoque fere Francisci ordine, Bonaventuræ doctrinam sequebantur, soli episcopo hujus ministerii jus attribuentis, & si quid presbyter hujus generis audeat, id pro nullo habentis, qua in sententia Hadrianum quoque papam VI. habent consentientem; illi, inquam, respondebant Gregorium id propria quadam necessitate compulsum, præter suam ipsius mentem atque voluntatem, sed semel tantum ad vitandum gentis illius scandalum invitum concessisse; vel certe negabant illam a Gregorio concessam unctionem, veri nominis Confirmationem, hoc est sacramentum fuisse: sed Thomas qui videret ea ratione minime papam purgari ab omni omnino errore, illa solutione repudiata, alio confugerat, rem ita temperans, ut Confirmationem quidem episcopi, veluti veri ac genuini ministri propriam esse concederet, cæterum illud quoque tueretur, nihil ob stare quin ea interdum ex pontificis Romani commissione ac mandato etiam a presbytero ministraretur. Sed & huic a diversa parte objiciebatur absoluta ecclesiæ Romanæ sententia docentis, a Christo ita institutos sacramentorum ministros, ut papa tametsi, quod ad ministerii exercitium pertinet, iis pro suo jure imperet, nulla tamen ratione efficere possit, ut vel validum sit sacramentum, quod ab alio ministratum fuerit, vel nullum atque invalidum id quod minister a Christo institutus, etiam contra ipsius papæ præceptum ac voluntatem contulerit. Quo sit ut papa neque presbytero conficiendi hujus sacramenti jus dare posset, si ejus a Christo minister est institutus episcopus, neque presbyterum, quominus id conficiat, prohibere, si conficiendi jus ei fuit a Christo datum. Illud certe merito mirum videri, Christum in aliis quidem sacramentis, quorum multo major est necessitas, ita instituisse, ut proprios singulorum ministros certo ipse præscripserit, nulla penitus hominibus relicta de istis secus statuendi libertate, in hoc vero uno, quod omnium facillime potest in aliud commodius tempus differri, peregrinam quamdam ac plane singularem rationem tenuisse, cujus in sex illis quæ ante Gregorium fluxerant seculis, nulla quantumvis tenuis aut obscura mentio facta fuerit: mirum & illud visum iri si de pauculis & ex alia occasione scriptis a Gregorio verbis, fidei articulus institueretur. Certe si, quod facile fieri potuit, illa Gregoriana epistola intercedisset, nemini unquam in mentem venturam fuisse eam, quam nunc afferunt, distinctionem, plane in toto hoc argumento insolitam & inusitatam, ac denique hujusmodi, quæ si Gregorianum unum hunc locum tollas, nullum usquam alibi usum vel habuerit unquam, vel omnino habere possit. Sed cum essent quibus neque horum neque illorum sententia satis placeret, suggererunt aliqui

,, ut

„ ut nuda Florentinæ synodi verba hoc loco adhiberentur , neque ul-
 „ tra de his satageretur . Alii auctores erant ut is tantum damnare-
 „ tur qui dixerit presbyterum , non solum autem episcopum , esse
 „ hujus sacramenti ministrum ordinarium ; hæc enim sic dicta utrof-
 „ que in rem suam interpretaturos , quod ex iis liceat , & illud con-
 „ cludere , *Esse ergo hujus sacramenti , præter episcopum , extraordinarium*
 „ *alium ministrum ;* & hoc etiam colligere , *Ergo nullum Confirmationis*
 „ *alium esse , præter episcopum ministrum , cum sacramentorum , nisi ordina-*
 „ *rius , nullus sit minister.* Atque hæc quidem ille hætenus, inquit Dal-
 „ læus, jam horum posteriorum consilia secutos Tridentinos fatetur ab
 „ iis plane ex illorum mente editus canon 3. de Confirmatione sess.
 „ septima , *Si quis dixerit Confirmationis ordinarium ministrum non*
 „ *esse solum episcopum , sed quemvis simplicem sacerdotem , anathe-*
 „ *ma sit.*

Palavicinus vero 1. Suavem arguit , quod Scotum laudet pro ea
 opinione , quæ negat presbyterum committi posse ut consignet ; quan-
 doquidem Scotus Confirmationis definitionem explicans sic habeat :
 “ Minister est episcopus , vel alius cui committi poterit : “ ideo in
 definitione dicitur in generali *a ministro idoneo* . Verum Scotus , ut in-
 genue fatetur , dubius est . In definitionis expositione favet sententiæ
 affirmanti ; neganti vero in solutionibus ad Gregorii factum ; nunquam
 enim respondet ex dispensatione fieri posse , ut presbyter confirmet .
 2. Suavem redarguit , quod scripserit in eadem opinione omnes esse
 Franciscanos , in qua tamen Aureolus non fuerit , neque Richardus
 de Mediavilla , neque aliquot alii . 3. Quod Suavis innuerit eandem
 opinionem fuisse Romani pontificis Hadriani VI. qui tamen ad onus
 ecclesiæ Romanæ , cum scriberet super sententias , nondum assumptus
 fuerat . Verum ille pontificiam dignitatem adeptus a primæva senten-
 tia sua non recedit ; cuius rei fidem facit editio ejusdem operis Ro-
 mæ facta sub ejus pontificatu . 4. Ait legi Hadrianum VI. Nicolaum
 IV. Joannem XXII. Urbanum V. & Leonem X. concessisse ejusmodi
 privilegium quibusdam presbyteris : qua de re inferius . 5. Providen-
 tiæ singulari Dei depurandum esse ; quod epistola Gregorii non perie-
 rit . 6. Longe ante Gregorium , adeoque , & ante schisma Photiano-
 rum simplices sacerdotes in oriente confirmasse : qua in re a Palavici-
 no dissentit Aurelius in *antirrabetico* , pag. 442. ubi negat ullum dari
 Græcum auctorem catholicum , qui presbyteris jus chrismandi ante
 Photium tribuerit . 7. Illam orientalium presbyterorum Confirmatio-
 nem in Florentino concilio approbatam fuisse . 8. Credibile non videri
 quod Gregorius disputavisset in gratiam presbyterorum Calaritanor-
 um , si traditio sibi minime favisset . 9. Probabile esse , si solius
 Christi institutionis ratio habeatur , quod episcopi privilegium idem in
 sua quique diœcesi presbyteris conferre possint , quamvis spectato præ-
 senti rerum statu , id minime possint , quemadmodum dispensare non
 pos-

possunt in quibusdam votis & peccatis, Romanæ sedis hodie reservatis. 10. Refert in synodo Tridentina nonnullos sensisse, sive presbyter committi possit, sive non, in canone absolute, & simpliciter definiendum esse, quod solus episcopus minister esset Confirmationis; quia revera solus episcopus est minister virtute propria, adeoque solius episcopi simpliciter, & sine ullo additamento mentio facienda esset, cum delegatus, non sua, sed aliena virtute agat. Eam tamen sententiam prævaluisse, quæ post Eugenii decretum censebat adhibendam esse vocem *ordinarius*: ut pote qua staret condemnatio dogmatis hæretici, & illæsa remaneret opinio quæ dispensandi potestatem defendit; cui alioqui præjudicium aliquod factum iri videbatur, si prætermissa hac particula, canon hisce verbis conceptus esset: *Si quis dixerit ministrum Confirmationis non esse solum episcopum, sed &c.* Mens igitur Concilii ea fuit, ut suo canone neutri parti faveret.

OBJICIUNT etiam nonnulli Concilium Senonense in decretis morum, cap. 38. ubi confirmandi facultatem presbyteris concedi posse non negat, sed privilegium, quo hujusmodi facultas detur, ostendi exhiberi que præcipit.

Verum nec illa synodus quidquam ibi definit, nec illa œcumenica est, sed particularis, nec a Romanis pontificibus approbata, nec ejus auctoritas urget, inquit Contentsonus ubi de ministro Confirmationis.

S E C T I O II.

Utrum presbyter ad neophytos confirmandos committi possit.

Quæstio in scholis, ut dixi, in utramque partem agitur: utriusque partis momenta referam.

§. 1. *Momenta, quibus affirmans opinio innititur.*

PLura sunt argumenta, quæ sere omnia *supra* relata, & præter unum aut alterum soluta sunt.

Primum petitur ex Dionysio, de quo *supra*, pag. 449. Secundum ex constitutionibus apostolicis, de quibus *supra*, *ibidem*. Tertium ex Ambrosiastro, de quo *supra*, pag. 445. Quartum ex autore quæstionum veteris ac novi testamenti, de quo *supra*, pag. 448. Quintum ex Chrysostomo, de quo *supra*, pag. 449. Sextum ex Hieronymo, de quo *ibidem*, Septimum ex Canone 20. Concilii I. Toletani, de quo *supra*, pagin. 433. Octavum ex canone 2. Concilii I. Arausiacani, de quo pag. 434. Nonum ex canone 1. ejusdem Concilii, & canone 17. Concilii Epaonensis, de quibus pag. 435. Decimum ex facto Gregorii Magni, de quo pag. 436. Undecimum ex canone 2.

Con-

Concilio Barcinonenſis de quo pag. 439. Duodecimum ex Græcorum uſu de quo pag. 451. 454. *ibid.* & 455. Decimumtertium ex Concilio Florentino in Eugenii decreto, de quo pag. 459. Decimumquartum ex Concilio Tridentino, pag. 461. Decimumquintum ex ſynodo Senonenſi, ſeu Pariſienſi, de quo pag. 464. Decimumſextum ex facultate a quibuſdam pontificibus conceſſa, de qua pag. 463. Decimumſeptimum ex chorepiſcopis, qui olim confirmarent.

Ex his decem & ſeptem argumentis plura ſunt, quæ iterum expendamus oportet, ſextum videlicet nonum, decimum, undecimum, duodecimum, & decimumſeptimum.

Sextum igitur argumentum petitur ex Hieronymo in *epiſt.* 85. *ad Evagrium*: " Quid facit excepta ordinatione, epiſcopus, quod preſbyter non faciat? " Preſbyter igitur, ſeu ex officio, ſeu ex delegata ſibi poteſtate, faciebat excepta ordinatione, quidquid facit epiſcopus; adeoque confirmabat. Hic locus ſolum difficilis eſt.

RESPONDENT nonnulli Pariſienſes theologi, ſenſum non eſſe, nihil omnino facere epiſcopum, excepta ordinatione, quod non faciat preſbyter; ſed ſenſum eſſe quod epiſcopus nihil fieri facit, excepta ordinatione, quod preſbyter non faciat. Verum hæc gloſſa violenta eſt (& verbum enim (*facit*) ſenſu eodem utrobique accipitur) & ad explicandum Hieronymi ſenſum parum acommoda; inde enim ſequeretur, quod ordinatio eorum eſſet, quæ epiſcopus fieri facit, quamvis illa a preſbyteris fieri nequeat. Adde, quod hæc reſponſio difficultatem non declinet, ſed eodem recidat. Enimvero ſi epiſcopus nihil fieri facit, excepta ordinatione, quod preſbyter non faciat; preſbyter igitur, omnia facit, excepta ordinatione, quæ epiſcopus fieri facit; atque ita preſbyter confirmat.

Marianus Viſtorius ſcholiis in hæc ipſam epiſtolam ad eadem verba citata ſic ait: " Quod hic omittit Hieronymus, in dialogo contra „ Luciferianos, poſuit: ſcilicet, quod baptizatos etiam confirmet epiſcopus, ait enim ibi ex orthodoxi perſona: Non quidem abnuo „ hanc eſſe eccleſiarum conſuetudinem, ut ad eos, qui longe in minoribus urbibus per preſbyteros & diaconos baptizati ſunt, epiſcopus ad invocationem ſancti Spiritus manum impoſiturus excurrat. „ Et *infra*: Quod ſi hoc loco quæris, quare in eccleſia baptizatus, niſi „ per manus epiſcopi, non accipiat Spiritum ſanctum: diſce hanc obſervationem ex ea auctoritate deſcendere, quod poſt aſcenſum Domini „ Spiritus ſanctus ad apoſtolos deſcendit.

Gloſſa capituli *Legimus, diſt.* 93. verbo *ordinatione*, reſpondet, *ordinationis* nomine intelligi ea omnia quæ epiſcopis conveniunt, v. g. confirmare, conſecrare preſbyteros, velare virgines.

Hugo, ait *ibidem* Joannes a Turrecremata, ita reſpondet: " Ego „ autem dico, quod Hieronymus ſufficienter excepit; non enim nomine *ordinationis* intelligitur ordinatio clericorum, ſed potius or-

Witſſe de Confirmatione.

G g

„ do

do Episcopalis, per quem inrelliguntur omnia, quæ ex illo ordine proveniunt. Excepta ergo ordinatione Episcopali, id est, exceptis his, quæ competunt Episcopis ratione ordinis Episcopalis.

Utrumque se res habeat, sive illi, sive alii, qui forte poterunt excogitari, sensus veri sint, Hieronymi verba exponi indigent: chrismatis enim consecrationem, ipso etiam concedente episcopo, presbyteris Hieronymi ætate interdictam fuisse constat ex canone 36. concilii III. Carthaginensis: manuum quoque impositionem, qua neophyti Spiritum sanctum consequantur, a solis episcopis adhibitam fuisse apparet ex ipsis Hieronymi verbis a Victorio citatis, & ex ipsa ecclesiarum consuetudine ab Hieronymo relata.

Nonum Argumentum ex hæreticorum in ecclesiam venientium admissione petitur, quæ per unctionem confirmatoriam fieri solebat. Atqui hæc receptio & chrismatio presbyteris permittitur, canone 2. concilii I. Arausiaci, & canone 17. concilii Epaonenfis.

Vulgo respondetur hanc unctionem non fuisse confirmatoriam, sed mere cæremonialem. " Erras admodum, inquit Aurelius in *anæretico* adversus Sirmundum pag. 446. & hallucinaris, nesciens quænam esset illa chrismatio, benedictio, manus impositio, quam patres & cænes hæreticis ad ecclesiam venientibus toties fieri præcipiunt. Quare quia non est hic dicendi locus, satis erit breviter docuisse eam non fuisse sacramentum Confirmationis, nec chrismationem aut manus impositionem illam eandem, quæ neophytis in ecclesia tribui solet. Hoc autem ex eo declaratur, quia patres eam dari iusserunt omnibus promiscue ab hæresi redeuntibus, nihil inter eos discernentes. qui episcopalem manus impositionem & verum sacramentum Confirmationis ab hæreticis acceperant, & eos qui non essent illo imbuti: omnes enim sine discrimine hæreticos ita chrismandos dixerunt, ut patet ex canonum verbis. Hac ergo ratione planum fecerunt chrismationem ejusmodi non fuisse illam sacramento Confirmationis solemnem, sed cæremoniam meram, quæ tamen presbyteris eodem modo interdiceretur, quo reconciliatio poenitentium, quia sicut a poenitentia ad ecclesiam redeunt, non nisi ab episcopo admitti poterant, sic neque ad eandem ab hæresi redeunt. Sicut autem poenitentes a presbytero in discrimine vitæ reconciliari ecclesiæ poterant, per manus impositionem, ut sæpe concilia edicunt; ita & redeunt ab hæresi in eodem periculo per manus similiter impositionem & chrismationem in ecclesiam ab eodem admittebantur. Cur autem hi speciatim chrismate inungerentur & Spiritum sanctum dicerentur accipere commodius alibi exponetur. " Hæc Aurelius, qui suis tamen promissis non stetit. De hac difficultate iterum *infra*, ubi de Confirmatione ab hæreticis collata.

Decimum argumentum petitur ex facto Gregorii magni, qui cum an-

no 593. Sardonum presbyteris prohibuisset, " Ne baptizatos infantes
 „ signare in fronte chrismate præsumerent, sed eos tangerent in pecto-
 „ re, ut episcopi postmodum tangerent in fronte : " & anno proximo
 sequenti accepisset, " Quosdam scandalizatos fuisse, quod presbyteros
 „ chrismate tangere in fronte eos, qui baptizati sunt, prohibuisset : "
 respondet : " Et nos quidem secundum usum veterem ecclesiæ nostræ
 „ fecimus : sed si omnino hac de re aliqui contristantur, ubi episco-
 „ pi desunt, ut presbyteri etiam in frontibus baptizatos chrismate tan-
 „ gere debeant concedimus. " Ita ille, *lib. 3. epist. 9. & 26.*

Verum ex illis, qui dispensandi hac in re jus papæ denegant;

Respondent aliqui frontis unctionem Confirmationi accidentalem esse ; quare ea licet presbyteris concessa, non sequitur confirmandi jus illis concessum fuisse. Ita nonnulli ex auctoribus qui Confirmationis essentiam in sola manuum impositione constituunt.

Respondent alii, unctionem, quam Gregorius concedit, baptismo priorem esse, adeoque illam non esse confirmatoriam. In pluribus enim codicibus & editionibus, qualis est Parisiensis anno 1533. legitur *baptizandi, & baptizandos*, non autem *baptizati, & baptizatos*. Ita Estius in 4. *dist. 7. §. 22.* Sed hunc locum, cum epistola 9. conferenti, manifeste apparebit corruptio ; siquidem in epistola 26. ait se id permittere, quod in epistola 9. prohibuerat : prohibuerat autem, ne presbyteri ungere in fronte baptizatos. Unde etiam Gratianus, Alexander Alenus & S. Thomas, hunc locum ita citant, ut esse debet.

Concedunt alii frontis unctionem, de qua Gregorius, baptismo quidem posteriorem esse, illam tamen confirmatoriam non esse, sed meram cæremoniam, quam in ecclesia Romana presbyteri in pectore adhibere solebant, & Gregorius presbyteris Sardinienfibus in fronte adhiberi permisit vitandæ offensionis causa : posterioremque a priori solo membro diversam fuisse. Ita Estius in 4. *dist. 7. §. 22.* & Aurelius in *anæretico & orthodoxo*, quorum opinio his argumentis firmari potest. 1. Quia Gregorius usurpatas hætenus a presbyteris Calaritanis unctiones irritas non declaravit. 2. Quia fideles ejusmodi unctione signatos non monuit ut Confirmationem susciperent. 3. Quia solum usum veterem ecclesiæ Romanæ, non autem Christi institutionem, nec fidem omnium ecclesiarum attulit, pro ratione suæ prohibitionis factæ *epist. 9.* 4. Quia presbyteris Calaritanis facile concessit indulgentiam ad baptizatos in fronte ungendos. Credibile quippe non est, si de sacramento sermo fuisset, quod Gregorius usurpatas ab illis presbyteris unctiones episcopales non declarasset irritas ; nec fideles baptizatos monuisset suscipere legitimam Confirmationem, quam sic uncti non susceperant : nec aliam suæ primitivæ factæ prohibitionis rationem attulisset, quam usum ecclesiæ Romanæ, nec presbyteris illis confirmandi jus ita facile concessisset.

Daltus *lib. 3. cap. 6.* hanc solutionem contemnit, quasi " Estii in-

ventum, quod tacito licet ejus nomine, avide arripuit Aurelius, subijcitque hujus commenti vanitatem, vel hoc in primis prodire, quod cum a quadringentis annis plurimum in scholis agitatum sit factum illud Gregorii, nemo repertus est, (si duos istos heri natos exceperis) cui hæc de eo cogitatio in mentem venerit: Thomas, Durandus, Aurcolus, Scotus, Gabriel, Major, Soto, Bellarminus, Valentianus, Conink, omnes denique veteres recentioresque, quotquot videre potui, licet in aliis plurimum inter se diversi, & in hoc negotio etiam aduersi, in eo tamen consentiunt, quod suæ Confirmationis sacramentum vere fuisse statuunt, id de quo Sardis concessit sive dispensavit Gregorius. "Ita Dallæus, qui hisce verbis parum se in legendis theologis versatum ostendit. Ex antiquis enim nonnulli, quorum meminerunt S. Thomas in 4. dist. 7. quest. 3. art. 1. *questiunc.* 3. in esp. & S. Bonaventura in 4. dist. 7. in *expositione textus Magistris*, hanc ipsam solutionem afferebant. "Quidam dicunt, inquit S. Thomas, quod presbyter simplex non possit ex mandato papæ confirmare; & quod dicitur de Gregorio ad Jannarium scribente lib. 3. *epist.* 26. exponunt, quod illi presbyteri ex mandato papæ non conferrebant sacramentum Confirmationis, sed aliquod sacramentale simile illi sacramento: sicut alicui porrigitur panis benedictus loco eucharistiæ. "Eamdem inter alias amplexus est Hadrianus IV. in 4. dist. 7. *arr.* 3. sub finem: "Dico 2. quod non constat Gregorium ibi commisisse Confirmationem, quæ est sacramentum; sed solum consignationem frontis cum chrismate; quomodo Sylvester instituisse dicitur, quod sacerdos baptizandum in vertice chrismate deliniret, ne omnino vacui suffragio Confirmationis ab hac luce decederent; quod eis quodam modo imperfecto in alio munere per sacerdotem tribuitur: nec est plus hic tunc fictio sacramenti, quam in consignatione verticis; sed applicatio quædam specialis meriti ecclesiæ ad sic consignatos. "Ex recentioribus vero omnium instar eruditissimus Petrus de Marca, in *dissertatione ad canonem 28. concilii Clavomontani 1095.* habiti. Licet enim Confirmationis ministerium presbyteris ex gravi causa committi posse existimet, negat tamen ex eo loco (id est "exemplo Gregorii I. erga presbyteros Sardinie, id confici posse.

INSTAT Dallæus hoc Gregorii factum in *Eugenii decreto* indicari, ut pontifex ex eo probet Confirmationis administrationem presbyteris ex dispensatione concedi posse. "Legitur tamen, inquit, aliquando per apostolicæ sedis dispensationem, ex rationabili & urgente admodum causa simplicem sacerdotem chrismate per episcopum confecto hoc administrasse Confirmationis sacramentum.

RESPONDET Estius, "Concilium non affirmare id aliquando factum esse, (nam revera factum esse probari non potest,) sed id legi vel in decreto Gratiani, vel apud scholasticos doctores, qui factum Gregorii juxta suam opinionem sunt interpretati: camque ob causam
,, se

„ se addidisse ordinarium, quod ita opinantibus præjudicare nollet.

RESPONDERI posset, ne dicatur Eugenius ad hoc Gregorii factum respexisse, obitare Innocentium III. qui de consuetudine, cap. quanto, asserit „ ab apostolorum tempore fuisse solis pontificibus reservatum „ sacramentum Confirmationis : „ ob stare, vel ipsa decreti verba, ex rationabili & urgente admodum causa : nec enim urgens admodum causa dispensandi censi potest, quorundam presbyterorum querela de prohibitione ipsis canonica facta, ex qua aliud oriri non potest scandalum, quam acceptum & minime datum. Denique si Eugenius ad factum illud respexit, non tam ex suo sensu locutus est, quam ex eorum scholasticorum, qui Gregorii factum juxta opinionem suam interpretantur. Cæterum Eugenius dabat instructionem Armenis, non definiebat : quare inde sequitur duntaxat Eugenium proposuisse opinionem affirmantem, quasi communioem & probabilem.

Urget Dallæus Gregorium concessisse frontis chrismationem : & per frontis chrismationem in canonibus ubique designari unctionem confirmatoriam.

Verum Aurelius duo refert exempla, quibus certum videtur, quamlibet frontis unctionem, licet episcopalem, minime confirmatoriam fuisse. Gregorius enim Turonensis, lib. 7. cap. 44. narrat, Agericum Viroduneniensem episcopum, puellæ energumenæ frontem oleo sancto perunxisse : & Innocentius I. in epist. 1. ad Decentium cap. 6. concedit, ut manus impositio & consignatio super energumenum baptizatum fiat a presbytero, vel a cæteris clericis, modo episcopus id imperet & auctoritatem dederit id efficiendi. Præterea nihil impedit, quominus Gregorius concesserit, ut unctio meræ cæremonialis, quæ Romæ & alibi fieri solebat in pectore, apud Sardinienfes fieret in fronte; neque confirmatoria esset, quia nec ab idoneo ministro, nec cum debita forma conferebatur.

Qui vero admittunt Gregorium in præfatis duabus epistolis agere de Confirmationis unctione, quatuor solutiones afferunt.

Prima est Sardinienfis ecclesiæ perversam hanc fuisse consuetudinem, quam Gregorius primum improbavit atque prohibuit : postmodum tamen tolerare coactus est propter Sardinienfium presbyterorum querimonias, permittendo ut veterem suam consuetudinem retinerent, eam tamen non approbando, sed prohibitionem suam revocando : ita veteres Magistri & Gratiani commentatores ; ita Gabriel & Hadrianus VI. „ Beatus Gregorius (inquit Gabriel) concessit, non potestatem tradendo, sed factum tolerando propter majorem turbationem & scandalum vitandum, sicut ad duritiam cordis Judæorum, ad cavendum parvitiū, concessit Moyses libellum repudiū, non approbando, sed tolerando. „ Vel quemadmodum ipsemet Gregorius, inquit Hadrianus VI. de Judæis Paschasio scribens, hortatur, ut liberam eis licentiam faciat, observandi celebrandique festivitates suas. Indulgentissimum fuisse

Wisse de Confirmatione.

Gg 3

Gre-

Gregorium, ut animas Christo lucraretur, apparet, ex ejus responso ad Augustinum circa *nesanda Anglorum conjugia*, de quo *supra pag. 80. & seq.* Quod sane responsum, si legisset Scotus, nulquam dixisset, "Peccatum iri moraliter Gregorium, si propter scandalum vitandum, concessisset ad tempus, vel magis permisisset, ut presbyteri Sardinien-
ses confirmarent.

Secunda est Scoti respondentis, "Quod si a principio non licuit sacerdoti simplici; Papa tamen potuit quemlibet sacerdotem illius regionis facere episcopum, quantum ad istum actum, non tamen conferendo sibi simpliciter gradum episcopalem, nec quantum ad alios actus: & tunc quilibet eorum vere confirmavit tanquam episcopus quantum ad istum actum: & ratio conferendi istum gradum cuilibet sacerdoti quantum ad istum actum, poterat esse scandalum vitandum. "Quasi vero episcopatus (inquit Gabriel) possit dividi, & una pars sine alia conferri.

Tertia est Gregorium dispensavisse cum Sardinienfibus presbyteris, sed ita dispensando errasse. Ita Durandus in 4. d. 7. *quest. 4. m. 20.* "Si solus episcopus est minister, nescio cur non possit dici, quod Gregorius, cum fuerit homo & non Deus, potuerit errare, "Durandus consentit Major in 4. d. 7. "Apostolorum processum & determinationes Pontificum debemus in materiaincipiti fidei imitari, factis Pontificum interdum in contrarium non ponderatis. Ergo factum Gregorii non est curandum, dummodo habeantur apostolorum ritus & Pontificum scripta. Sic est in proposito. "Tum adducit Petri & Joannis exemplum *actuum 8.* relatum, & declarationes summorum Pontificum Innocentii III. pseudo-Eusebii & pseudo-Melchiadis: statimque subjicit: "Mirandum est, si nulla expositio sufficiat beatum Gregorium excusare, quare non sit concedendum, quod in illo facto deliquit, cum tamen passim doctores teneant, Petrum peccasse in illo facto *ad Galatas 2.* cum esset confirmatus virtute ex alto: qui tamen in judicio particulari fidei, & vitæ sanctimonia, omnium judicio longe beato Gregorio anteire dignoscitur. "Et *infra*: "Sola illa via est tenenda, quod præcise ab episcopo Confirmatio est danda. Hoc enim ex apostolorum factis & Pontificum determinationibus sufficienter concludimus. Scintillam apparentiæ non video in oppositum. Beatus Gregorius poterat errori opposito assentire, quod simplices sacerdotes poterant confirmare, sicut beatus Cyprianus & plerique sancti erraverunt, vel pro tempore dissimulare, sive cum peccato, sive sine peccato non refert. "Majori concinit Hadrianus VI. in 4. d. 7. *articul. 3.* sub finem: "Ad secundum principale &c. *fol. 18. col. 4.*

Præter allatas expositiones quarta superest, quæ omnium probabilissima est, Gregorium dispensavisse cum Calaritanis presbyteris, nec errasse: ita Alexander Alenfis, S. Thomas, S. Bonaventura &c.

De-

Decimofecundum argumentum petitur ex Græcorum usu, quorum præfules raro, presbyteri frequenter baptizant & confirmant, *ipso tempore presente antistite*, inquit Arcudius *lib. 2. cap. 10.* Græcorum autem Confirmationem in Concilio Florentino approbatam fuisse, certum omnino videtur.

Verum auctores sententiæ negantis, respondent hanc approbationem absoluto concilio factam fuisse. Qua de re *infra*, ubi de validitate aut nullitate Confirmationis ecclesiæ orientalis.

Decimumsextum petitur ex confirmandi facultatibus, quas nonnulli Pontifices presbyteris concesserunt. Sic Nicolaus IV. Joannes XXII. Urbanus V. & Leo X. si Palavicino, hæc in historia referenti, credamus, jus illud simplicibus minorum observantiæ sacerdotibus in India commiserunt. Sic referente Arcudio *lib. 2. cap. 15.* Hispali in monasterio S. Francisci diploma Pontificium asservatur, quo Hadrianus VI. anno 1521. die 25. Aprilis, petentibus fratre Galapione & Francisco de Angelis, concedit pro Indiis & regionibus, ubi non sunt episcopi, ut sacerdos regularis ex minoribus posset cum chrismate ab episcopo consecrato confirmare. Sic eodem Arcudio *ibidem* referente, Ludovicus Fonseca Societatis presbyter, cum ex Brasilia Romam "ad generalem", conventum anno 1593. venisset, munere procuratoris illius provincie functurus, affirmabat se solitum esse in illis partibus hoc sacramentum administrare, ibique hujus auctoritatis concessæ asservari diploma Pontificis.

Verum qui negantem opinionem defendunt, respondent hæc facta non videri certa satis, ut rem controversam dirimere possint. Deinde de facultate a Nicolao IV. Joanne XXII. Urbano V. & aliis Pontificibus concessa mentionem duntaxat fieri in Hispalensi diplomate, quod suspectæ fidei esse videtur : 1. Quia Hadrianus VI. anno 1522. die 9. Januarii electus est : 2. Quia illud Pitigionis Leoni X. & Arcudius Hadriano VI. tribuunt : 3. Quia Pitigionis hoc diploma adducit ut inde probet chrismatis consecrationem presbyteris committi posse; Arcudius contra ait in eo præcipi, ut presbyteri chrismate ab Episcopo consecrato utantur. Denique responderi posset Pontifices id permisisse, quia in sacramentorum administratione, cum necessitas urget, qualis certe in neophytis Indicis ad martyrium expositis urgebat, uti licet opinione probabili; tunc enim satius est dubium, quam nullum conferre sacramentum.

Decimumseptimum petitur ex Chorepiscopis, qui licet presbyteri, valide confirmarunt, nisi ex officio, saltem ex delegata sibi potestate : qua de re *infra*, ubi de Chorepiscoporum Confirmatione.

Verum, qui negantem opinionem tuentur, Chorepiscoporum, qui ordinati non essent episcopi, Confirmationes irritas semper habitas fuisse contendunt.

Sunt & alia quædam argumenta e variis paritatibus & ratiociniis petita. Unus enim est ordo sacerdotii & episcopatus : si ergo ratione ordinis episcopo convenit Confirmationis administratio, conveniet etiam sacerdoti.

Verum non levis est difficultas, utrum episcopus ordine differat a presbytero. Deinde hæc ratio nimium probat; ex ea enim sequeretur quod presbyter majores ordines conferre posset. Episcopus igitur, licet ordine a presbytero non differat, ordinis tamen excellentia & amplitudine quadam differt, quam ei tribuit diversa a sacerdotali consecratio, ratione cujus excellentiæ & amplitudinis ei convenit ordinandi & confirmandi potestas. Ita Hadrianus VI. & ex illo Estius.

Est & aliud ratiocinium quod sumitur ex minorum ordinum & subdiaconatus collatione, quam summus Pontifex simplici sacerdoti committere potest : quidni & Confirmationis administrationem?

Verum & antecedens negatur a pluribus theologis; & eo concessio nihil concluditur : subdiaconatus enim, uti & minores ordines, juris sunt ecclesiastici ex sententia plurium theologorum; sed ex unanimi theologorum consensu Confirmatio juris est divini.

Ultimum petitur ex plenitudine potestatis, quam in ecclesia summus Pontifex habet.

Verum Durandus respondet plenitudinem potestatis eo non extendi, ut proprium sacramentorum ministerium mutare possit, ut nec propriam sacramentorum substantiam. Subjicit potestatem aliam jurisdictionis esse, aliam consecrationis : priorem, non posteriorem, committi posse : ad posteriorem, non ad priorem, pertinere Confirmationis administrationem.

§. 2. Momenta quibus negativa opinio innuitur.

Plures, pro negativa opinione, rationes a Durando, Gabriele, Hadriano VI. Estio, & aliis referuntur, quas fere omnes, qua fieri poterit, brevitate proponam.

Prima petitur ex Innocentio I. Chrysostomo, Hieronymo, Isidoro Hispalensi, Beda, Jesse Ambianensi, suppositi Eusebii, Melchiadis, Damiani, & Joannis III. epistolis, Ratramno, Oecumenio, Petro Damiani, Goffrido Vindocinensi, & aliis *tota questione 1. & appendice citatis*, qui confirmandi munus solis episcopis attribuant.

Verum ex illis Chrysostomus & Hieronymus aperte satis innuunt presbyteros ætate sua aliquando confirmasse. " Inter episcopum, inquit, Chrysostomus *homil. 11. in 1. Timoth.* & presbyterum interest ferme, nihil : sola quippe ordinatione, episcopi superiores sunt presbyteris. " Quid facit, inquit Hieronymus *in epist. 85. ad Evagrium*, excepta

" or-

ordinatione, episcopus, quod presbyter non faciat; " Innocentius vero, Isidorus, Beda, & alii utuntur verbo, *debetur*, vel aliqua alia simili particula, qua significatur munus illud solis episcopis convenire duntaxat ex officio.

Secunda petitur ex Innocentio III. Gregorio IX. & Innocentio IV. qui factas a presbyteris Græcis Confirmationes irritas declarant. *Qua de re infra*, ubi de Græcorum Confirmatione. Cæterum ex tribus illis Pontificibus urget potissimum auctoritas Innocentii III. qui *cap. 4. de consuetudine*, decernit, ut fideles potius careant sacramento Confirmationis, quam ut a presbyteris illud accipiant. Nullus autem est rationabilior dispensandi locus, quam mortis imminantis articulus, in quo etiam omnes reservationes cessant. Ergo si posset summus Pontifex presbyteris confirmandi potestatem facere, eam tum maxime impertire deberet, cum ob imminentem mortem, fidelis non potest ab episcopo absente confirmari. Et tamen Innocentius satius ait esse, sine Confirmationis sacramento mortem oppetere, quam illud a simplici sacerdote, etiam in ultimo vitæ discrimine, accipere. Existimabat igitur Innocentius, confirmandi facultatem episcopis ita propriam esse, ut nullo casu presbyteris communicari possit.

Tertia est, quia " apostoli, præcipiente Domino, illisque denuntiante, ut illi & successores eorum (apostoli) tantummodo per manus impositionem traderent Spiritum sanctum, nulli unquam ex septuaginta (quorum formam in ecclesia gerunt presbyteri) tradere Spiritum sanctum per manus impositionem permiserunt, eis scientes illicitum fore, dantes successoribus eorum exemplum, ne unquam talia præsumerent. " Ita supposita Joannis III. epistola *cap. 1.*

Quarta, quia " nec apostoli, licet pauci essent, aliquem ex septuaginta (ad Samaritanos confirmandos direxerunt) sed Petrum & Joannem apostolos per manus impositionem tradere Spiritum sanctum miserunt, quorum vicem episcopi in ecclesia gerunt, & non Chorepiscopi. " Ita pseudo-Joannes *ibidem*.

Quinta, quia, " nec videtur apostolos, viros humillimos, hac potestate inferiores privasse, & sibi solis eam arrogasse, si ea inferioribus a Christo fuisset data. " Ita Gabriel.

Verum trium illarum objectionum solutio ex epistola ipsa repeti debet, nempe Christum apostolis præcepisse, ut illi soli confirmarent, & nulli ex septuaginta discipulis confirmare permitterent, ne forte presbyteri discipulorum successores, deinde *talita præsumerent*, & jus illud sibi arrogarent. Præterea *cap. 2.* ejusdem epistolæ Petrus quidem apostolorum princeps dicitur.

Sexta est. Si veteres sibi persuassent simplicem sacerdotem ex speciali summi Pontificis commissione administrare posse Confirmationem, primis ecclesiæ seculis hæc potestas ad praxim reducta fuisset, ne parvuli in pagis & oppidis per presbyteros baptizati, ex hac vita mi-

gra-

grarent absque hoc sacramento, quod tamen factum fuisse nullibi legimus.

Verum huic rationi opponi possunt facta Gregorii Magni, qui presbyteris Calaritanis concessit, ut baptizatos in fronte consignarent; Alexandrinorum, quorum presbyteri confirmabant, ex Ambrosiastro; & Chorepiscoporum, qui licet presbyteri, hoc sacramentum administrabant.

Septima. "De integritate cujuslibet sacramenti, sunt materia, forma, & minister: sed Papa nihil potest mutare circa materiam & formam: ergo nec circa ministrum. Igitur aut simplex sacerdos ex divina institutione est minister Confirmationis, & tunc absque commissione Papæ potest eam conferre; aut non est minister, sed solus episcopus, & tunc ex quacumque commissione nihil potest." Ita Durandus.

Si quis respondeat discrimen esse, quia *materia & forma sunt intra sacramentum*, "minister autem se habet extrinsece ad ipsum, quare variari potest absque præjudicio sacramenti, quemadmodum apparatus in sacramento pœnitentiæ, in quo fit variatio circa ministrum," cum Pontifex sacerdoti confert certam potestatem absolvendi.

Durandus contra urget, "Istud (exemplum) non valere, quia Papa circa sacramentum pœnitentiæ non mutat ministrum; ejus enim minister est omnis sacerdos; cum omni sacerdoti dicatur in sua ordinatione: *Accipite Spiritum sanctum, quorum remisistis &c.* sed subtrahit, vel dat ipsi materiam: ex quo enim sacramentum pœnitentiæ est judiciale, materia ejus est peccator subditus. Potest autem Papa facere, quod subditus alicui sacerdoti, ei amplius non subdatur: & sic subtrahit ei materiam absolvendi, qua subtracta non potest solvere, vel ligare: sicut si sacerdoti subtraheretur panis & vinum, non posset conficere. Præterea sicut minister se habet extrinsece ad sacramentum, ita & suscipiens ipsum. Sed ubi suscipiens est determinatus, sicut in extrema unctione infirmus, vel in ordine masculus, per Papam non potest mutari; & si fiat, nullum est sacramentum, ut si sanus ungatur, vel mulier ordinetur. Ergo nec ubi minister determinatus est, nihil omnino mutari potest absque evacuatione sacramenti, quamvis extrinsece se habeat ad sacramentum.

Verum hæc ratio falsum supponit, videlicet determinatum a Christo Confirmationis ministrum solum esse episcopum; in utroque enim Confirmationis & pœnitentiæ sacramento determinatus a Christo minister est, vel episcopus ex officio agens, vel sacerdos ex delegata sibi potestate, sacramentum administrans. Quare aliter sufficit: videlicet Dominicum Soto, *d. 7. art. 11. ad 1.* ubi docet "Christum neque omnes sacerdotes simpliciter ministros hujus sacramenti instituisse, sicut eucharistiæ & pœnitentiæ: neque vero solos episcopos, sed medio quodam modo: quod Paludanus *in 4. d. 7. quest. 4.* prope tetigit.

"Ali-

„ Aliquid enim tanquam necessarium determinavit, & aliquid iudicio ecclesiæ reliquit. Determinavit, ut soli sacerdotes sive ex officio si-
 „ ve ex commissione possent confirmare. Quod autem episcopi essent
 „ ministri huic sacramento necessarii, arbitratui ecclesiæ commisit; “
 nec tamen quæ confirmandi dispensationem presbyteris negans, vel
 concedens, episcopos hujus sacramenti ministros necessarios, vel non
 necessarios efficit. Quamvis igitur episcopi jure divino ministri sint
 Confirmationis ordinarii, “ Non tamen necessarii sunt de jure divino,
 „ sicut materia & forma sacramentorum, sed de jure ecclesiastico, su-
 „ per quo ideo Papa dispensare potest. “ Ita Sorus.

Octava. Sicut in baptismo confertur passiva potestas suscipiendi cæ-
 tera omnia sacramenta; ita & in episcopi consecratione traditur acti-
 va potestas conferendi eadem sacramenta. Atqui Pontifex dispensare
 non potest, ut ille, qui minime baptizatus est, suscipiat cætera sacra-
 menta. Ergo nec dispensare, ut ille, qui non est ordinatus, ea conse-
 rat. Ita Durandus *ibidem* num. 16.

RESPONDEO 1. hanc rationem nimis probare. Inde enim se-
 queretur nullum sacramentum, nisi ab Episcopo, valide confer-
 ri posse.

RESPONDEO 2. Hæc ratio falsum supponit, scilicet quod in
 Episcopi consecratione tradatur activa potestas conferendi cætera sa-
 cramenta; potestas enim consecrandi eucharistiam, offerendi sacri-
 ficiū, administrandi corpus Christi, absolvendi a peccatis, conse-
 rendi matrimonium, & ungendi infirmos, presbyteris in ordinatione
 conceditur.

Nona. Sicut presbyter jure divino est minister eucharistiæ & pœni-
 tentiæ, quia hæc potestas ei conceditur in ordinatione; ita Episcopus
 jure divino est minister Confirmationis, quia hæc ei potestas tribuitur
 in ejus consecratione. Sicut igitur summus Pontifex dispensare non po-
 test ut diaconus, quia non est presbyter, consecrare possit; ita nec face-
 re, ut presbyter, quia non est episcopus, possit confirmare.

Verum, tradaturne in episcopi consecratione, vel non tradatur con-
 firmandi potestas, qua de re *infra*, respondetur discrimen esse, quod
 presbyter jure divino non solum minister est eucharistiæ, sed etiam mi-
 nister necessarius. At episcopus divino quidem jure minister est Con-
 firmationis; sed minister est necessarius jure duntaxat ecclesiastico.

Decima. Confirmandi potestas episcopis convenit, aut ratione juris-
 dictionis, aut ratione ordinis. Si conveniat ratione jurisdictionis, inde
 multa sequerentur absurda. 1. quod Papa electus, vel episcopus electus,
 & a Papa confirmatus, nondum tamen consecratus, valide confirmare
 poterit; quia uterque jurisdictionis potestatem ante consecrationem ob-
 tinet. Deinde, quod nulla erit Confirmatio, quia episcopus quempiam
 sibi minime subditum confirmaverit. 3. Sequitur non modo presbyte-
 rum, sed & diaconum, imo & simplicem clericum ex commissione

con-

confirmare posse, sicut & excommunicare. 4. Hoc ipsum posse presbyterum, non tantum ex commissione summi Pontificis, sed etiam proprii episcopi, nisi forte peculiaris obstiterit reservatio, quæ tamen nusquam extat, & si extaret, tantum esset juris humani. Sin autem episcopo convenit ratione ordinis; vel ratione sacerdotalis consecrationis, vel ratione episcopalis. Prius dici non potest; alioqui omnibus sacerdotibus communis esset hæc potestas, sicut potestas consecrandi corpus & sanguinem Domini; adeoque necessaria non esset commissio, nisi forte ad vitandam inobedientiæ culpam; sed verum esset Confirmationis sacramentum, a quocumque presbytero, etiam citra commissionem, collatum; sicut vera est eucharistiæ consecratio a quocumque sacerdote, etiam suspenso & degradato facta. Hoc autem summorum Pontificum & conciliorum decretis repugnat, quæ Chorepiscoporum Confirmationes irritas declarant; de quibus *infra*. Deinde videri posset ad injuriam sacerdotalis ordinis pertinere, si potestatem ei a Christo annexam perpetua lege sibi episcopi reservarent; qua de re Joannes Wiclef episcopis ecclesiæ calumniam ingessit. Imo potestas illa frustra data videri queat, cum vix unquam permissum fuerit presbyteris ea uti. Adde quod illius potestatis nulla mentio fiat in presbyterorum ordinatione. Posterius etiam dici non debet; alioqui hæc potestas committi non posset presbytero, quia licet episcopus committere valeat, quæ jurisdictionis existunt, quæ ordinis tamen episcopalis sunt, non potest inferioris gradus clericis demandare. Ex Gregorio IX. in *responsio ad Astoricensem episcopum*, & refertur in *decretalibus lib. 3. tit. 4. cap. aqua*, seu *cap. 9*. Deinde simplex sacerdos, ut qui episcopali consecratione careat, nulla superioris commissione valide confirmare posset: quomodo nec diaconus, ut qui sacerdotalem consecrationem non habeat, potest ex commissione consecrare corpus Domini, nec a peccatis absolvere. Denique sicut Pontifex efficere non potest ut irritum sit & inane, quod episcopus agit ordinando & confirmando, quia ordinem semel datum evellere non potest; ita nec ratum facere posset, quod simplex sacerdos in confirmando & ordinando, licet ex commissione, tentaret; quia simplici commissione ordinem, cujus ordinatio & Confirmatio forent actus, dare nequit. Ita sere Durandus *num. 13. 14. c. 16. & Estius §. 21.*

Mirum est profecto, quantum hæc argumentatio theologorum ingenia vexaverit. Præcipuas duntaxat solutiones hic referam, quæ ad quatuor revocari possunt. Alii enim respondent confirmandi potestatem episcopo convenire ratione jurisdictionis, alii ratione ordinis, alii ratione utriusque, alii ratione neutrius.

Prima igitur solutio est Alexandri Halensis 4. *par. quest. 5. membro 5. art. 1. §. 3.* episcopos id posse, non ratione ordinis, neque ratione jurisdictionis, sed ratione institutionis, nempe quia Christus ita instituit ut solus episcopus ex officio, & solus sacerdos ex commissione

con-

confirmaret. Sacramentum autem, inquit Hugo Victorinus, quod contra institutionem celebratur, irritum est. Hac solutione objectis, & circumstantiis omnibus occurritur.

Secunda est Faventini in 4. *dist. 7. disput. 27. num. 32. & 33.* & aliorum quorundam Scotistarum, qui docent potestatem quidem conferendi chrisma esse potestatem ordinis; "Potestatem (autem) conferendi Confirmationem (aiunt) non esse potestatem ordinis, sed jurisdictionis, & esse ordinariam in episcopo, delegatam in sacerdotibus: non posse tamen extendi ad diaconum, & alios inferiores, quia ex institutione divina est ordinata, ne transferatur ad alios inferiores, & ratio congrua est, quia sicut solus sacerdos habet directam potestatem in corpus Christi verum, ita habet directam potestatem super corpus Christi mysticum ad remittendum peccata, & ministranda alia sacramenta. Ergo ad illum solum potuit, & debuit extendi. Quod autem hæc potestas in sacerdote conferendi Confirmationem sit jurisdictionis & non ordinis, ex eo probatur, quia potestas ordinis non potest tolli, nec impedire, ne effectus fiat, si attenter quis habens talem auctoritatem; & a sacerdote potest ita auferri hæc potestas conferendi chrisma, quod si attenter, nihil faciat, imo sine commissione si attenter, nihil facit: deinde quia hæc potestas intrinsece non fluit ab ordine sacerdotali, sed ipsum solummodo constat. "Ex hac igitur doctrina concedi debet validam fore Confirmationem, quam electus papa, vel electus & a papa confirmatus, nondum tamen consecratus, episcopus conferret: invalidam autem, si quis Episcopus quempiam sibi non subditum confirmaret, vel si quis diaconus hoc sacramentum etiam ex commissione tentaret. Quæ vero quantave hodie sit, & olim fuerit episcoporum auctoritas circa hujus sacramenti dispensationem explicabitur *infra*.

Tertia solutio eorum est, qui docent Confirmationis administrationem esse actum ordinis, non autem jurisdictionis: quam quidem doctrinam ut explicent, tres vias ineunt. Quidam enim ut Bellarminus *de Confirm. cap. 11.* sive character episcopalis idem sit vel alius a sacerdotali, hoc discrimen inter utrumque statuunt, quod Episcopalis est potestas absoluta, & perfecta, & independens conferendi sacramenta Confirmationis & ordinis, "quo fit ut episcopus, prohibente licet pontifice, hæc duo sacramenta valide conferat; presbyteralis autem character est quidem "potestas absoluta perfecta, & independens quoad baptismum & eucharistiam: inchoata vero, imperfecta, & dependens a voluntate superioris quoad Confirmationem: quocirca nisi perficiatur per dispensationem superioris hæc potestas, presbyter confirmando nihil ageret, &c. "apud Bellarminum *pag. 47.* "Unum characterem (scilicet in episcopo) esse signum pacti absolute, alium autem (scilicet in presbytero) esse signum pacti condi-

„tio-

„ tionati . “ Ita Bellarminus , & ex ipso Arcudius *de Confirmat. cap. 16.* ubi presbyteralem ordinis , & characteris facultatem in ordine ad utrumque Confirmationis & pœnitentiæ sacramentum in eo distinguit, quod illa in ordine ad pœnitentiam a superioris voluntate pendeat , velut ab auctoritate , a qua jurisdictionis potestatem accipit ; in ordine vero ad Confirmationem pendeat a superioris voluntate velut a conditione sine qua non , eo fere modo quo calefactio pendet ab approximatione ; alii vero qui unum eundemque aiunt esse characterem episcopi & Presbyteri , non aliud discrimen agnoscunt, nisi quod character episcopalis est expedita confirmandi potestas ; presbyteralis autem est potestas impedita , & ligata per divinam ordinationem , quæ voluit , ut solus episcopus esset minister ordinarius , neque sacerdos sine ejus consensu confirmare posset . Quare ligamen illud solvi non potest , nisi per dispensationem . Et illi rursus in duo genera dividuntur : alii enim sentiunt hanc presbyteralem confirmandi potestatem ita ligatam esse per divinam illam ordinationem , ut si confirmare tentet sine dispensatione , nihil efficiat : alii contra Confirmationem illicitam quidem aiunt , validam tamen esse ; nec enim divina prohibitio rem factam semper irritat . Sic ex mente Cypriani , & plurium theologorum a Christo institutum est , ne presbyter sine aqua vino permixta conferret . Sic etiam ex communi theologorum sententia , laicis divino præcepto prohibitum est , ne baptizent solemniter , & absque necessitate , quæ tamen sacramenta secus administrata non irritant . Si quis autem objiciat Confirmationes chorepiscoporum irritas olim habitas fuisse ; Respondent , pro illa Confirmatione asserenda vel neganda , in utramque partem referri facta , & exempla , de quibus *infra* .

Præ cæteris , mihi arridet modus ille , quo Aureolus *in 4. dist. 24. art. 2.* sententiam suam exponit , qua quidem ille docet , presbyterum committi posse , ut alios presbyteros ordinet . Nimirum ille tres gradus superiores in hierarchia distinguit ; unum , qui ordine seu characterē ab inferioribus differt , ut presbyteratus a diaconatu , diaconatus a subdiaconatu ; alterum , qui non characterē , sed characteris ampliatione , & extensione ab inferioribus discernitur , ut episcopatus a presbyteratu ; tertium , qui nec characterē , nec characteris extensione , sed jurisdictione ab inferioribus distinguitur , ut archiepiscopatus ab episcopatu , primatus ab archiepiscopatu , & papatus a primatu . “ Episcopatus (igitur) non est ordo distinctus a sacerdotio , sed ampliatio ejusdem potestatis & ordinis , non quidem per intensiorem , sicut diaconatus respectu subdiaconatus ; sed per extensionem ad plures actus , qui tamen non arguunt novam potestatem . “ Hæc autem sacerdotalis characteris extensio ad ordinationem in episcopo fit per novam consecrationem , & in presbytero per commissionem ; eaque extensione adhibita vel sublata , ordinatio rata est vel irrita . Licet enim

enim presbyteralis character ordinandi virtutem in se contineat, eam tamen nisi extensus exercere non potest; sicut in rebus naturalibus albedo in modica quantitate in se virtutem habet movendi visum, quem non movebit, nisi in pariete extendatur per additionem videlicet novi corporis albi; ita de ordinatione fere differit Aureolus: ita de Confirmatione differi potest.

Quarta solutio est S. Thomæ, in posteriori super Magistrum commentario, in 4. dist. 7. art. 3. ad 2. asserentis Confirmationis actum episcopo convenire "ratione neutrius divisim, sed ratione utriusque," conjunctim, "id est, non ratione ordinis, nec ratione jurisdictionis, sed ratione utriusque simul." Quædam enim est, potestas ordinis, inquit Aureolus in 4. distinct. 7. quest. 2. sicut consecrare sacramentum corporis Christi: quædam jurisdictionis, sicut excommunicare, care: quædam ex his duabus potestatibus mixta, cujusmodi sunt, audire confessiones, conferre ordines, ministrare Confirmationem. "De qua doctrina sequitur 1. papam electum, vel episcopum electum, & a papa confirmatum, valide confirmare posse, quia uterque, licet nondum consecratus, & characterem & jurisdictionem habet: 2. Episcopum valide confirmare non posse neophytum sibi minime subditum, quia jurisdictione caret: 3. Diaconum committi non posse ut confirmet, quia caret ordine sacerdotali. 4. Irritam esse Confirmationem, si quis sacerdos citra commissionem confirmare attemptet, quia nullam tunc jurisdictionem habet.

INSTABIS. Illius potestatis nulla mentio fit in presbyterorum ordinatione. Hæc igitur confirmandi potestas ad characterem sacerdotalem nullo modo pertinet.

Verum hæc Estii ratiocinatio nihil concludit: 1. Quia in eadem presbyterorum ordinatione nulla mentio fit potestatis ungendi infirmos, & fideles matrimonio conjungendi: quæ tamen duæ potestates ad presbyteralem characterem pertinent. 2. Non est necesse ut potestatis baptizandi, confirmandi, nubendi, & infirmos ungendi mentio fiat in presbyterorum ordinatione, quia presbyterium est ordo, qui manuum impositione confertur ad conficienda, & dispensanda sacramenta, ut recte definit Petrus de Marca, lib. 2. de concord. c. 13. num. 3. 3. Quia pari modo adversus Estium concludi posset confirmandi potestatem non pertinere ad episcopum; ejus enim nulla mentio fit in episcoporum consecratione. Neque dicas episcopum antequam consecratur, moneri ut Confirmationem administret; monetur enim non solum ut confirmet, sed etiam ut baptizet, consecret, offerat, & scripturas interpretetur. "Episcopum oportet judicare, interpretari, consecrare, ordinare, offerre, baptizare, & confirmare." "Nemo tamen inde colligat episcopum vi consecrationis accipere potestatem baptizandi, & offerendi: & utramque potestatem ad characterem sacerdotalem minime pertinere.

Ur.

Urgebis . " Licet episcopus committere valeat , quæ jurisdictionis , existunt , quæ ordinis tamen episcopalis sunt , non potest inferioris , gradus clericis demandare : " ex Gregorio IX. relato *lib. 3. decretalium* , tit. 40. *cap. Aqua* , seu *cap. 9.* Atqui confirmare pertinet ad dignitatem episcopalem , ex Innocentio I. in *epist. 1. ad Decentium* , ex concilio II. Hispalensi *cap. 7.* & ex Isidoro Hispalensi , Beda &c. qui negant presbyteros chrismare posse neophytos in fronte , quia pontificatus apicem non habent .

RESPONDEO 1. verum hujus axiomatis sensum ex ipsa decretali epistola repetendum esse ; qua Gregorius IX. Astoricensem episcopum monet , " Simples sacerdotes ab episcopo committi non posse , ut , aqua per episcopum benedicta ecclesiam reconcilient , per sacerdotes , simplices hoc fieri de cætero prohibens : non obstante consuetudine , provinciæ Bracarensis (quæ dicenda potius corruptela) quia licet , episcopus committere valeat , quæ jurisdictionis existunt ; quæ ordinis tamen episcopalis sunt , non potest inferioris gradus clericis demandare . " Ecclesias tamen non vult iterum reconciliari , sed factas huc usque reconciliationes *miseri corditer tolerat* , id est ex irritis ratas efficit , inquit canonistæ . Gregorius igitur nihil aliud intendit , quam prohibere , ne episcopi presbyteros , qui ecclesias reconcilient , de cætero committant , quia licet episcopus committere valeat quæ jurisdictionis existunt ; quæ ordinis tamen episcopalis sunt , solus papa , non autem episcopus , potest inferioris gradus clericis demandare . 2. Licet pontifices , concilia , & patres asserant presbyteros confirmare non posse , quia pontificatus apicem non habent ; hæc tamen non impediunt , quominus confirmatio presbyteris committi possit . Eodem enim *cap. 7. concilii II. Hispalensis* , presbyteris prohibentur " virginum consecrationes , altarium constitutio , benedictio , vel unctio , chrismate baptizatorum frontem signare , publice in missa quemquam poenitentium reconciliare , & formatas cuilibet epistolæ mittere . Hæc omnia illicita esse presbyteris declaratur , quia pontificatus apicem non habent : " quæ tamen , nonnulla saltem , presbyteris committi possunt : virginum enim consecratio , & publica poenitentium in missa reconciliatio , quæ canone 3. Concilii II. Carthaginensis anno 390. presbyteris absolute interdictæ fuerant , eisdem non prohibetur , nisi *inconsulto episcopo* , can. 32. & 36. concilii III. Carthaginensis , anno 397. 3. Hæc omnia pertinere dicuntur *ad pontificatus apicem* , non quod specialem in episcopo characterem & ordinem requirant , sed quia sacerdotalis characteris extensio , vel jurisdictio , quæ ad hæc munia obeunda necessaria est , per episcopi consecrationem obtinetur .

Urget Æstius . " Quod habetur (ut ipse quidem existimat) extra , de consecratione ecclesiæ , vel altaris , *cap. penultimo* : quæ consecrationis sunt (videlicet episcopalis) ea non consecrato committi non

,, pos-

„ posse . Atqui hac ratione ex consecratione petita potissimum niti
 „ videntur in supradictis decretis , pontifices , quo doceant presbyteris
 „ illicitum esse munus confirmandi . Quod & Leo non obscure indicavit
 „ in epistola 88. cum ait : hæc omnia illicita sunt chorepiscopis vel pres-
 „ byteris , quia quanquam consecrationem (sacerdotalem) habeant , pon-
 „ tificatus tamen apicem non habent .

RESPONDEO 1. hæc verba , quæ , a Durando , Hadriano VI. &
 ab Estio, velut axioma canonicum producuntur, in nullis (quod sciam)
 decretis canonicis haberi . 2. Sicubi reperiantur ; eodem sensu exponi
 debent quo verba Gregorii IX. *superius* citata , nimirum , quæ conse-
 crationis sunt (videlicet episcopalis) ea non consecrato (scilicet pres-
 bytero) committi non posse ab episcopo ; posse tamen a summo pon-
 tifice . 3. Distingui potest ; si hæc respiciant corpus Domini verum ;
 ut ordinare presbyteros , quorum præcipuus actus est eucharistiam con-
 secrare ; conceditur : si hæc respiciant corpus Domini mysticum , ut
 confirmare neophytos ; negatur . “ Cum enim , inquit S. Thomas in
 „ 4. *dist.* 7. *quest.* 3. *art.* 1. in corp. episcopatus non addat aliquid su-
 „ pra sacerdotium per relationem ad corpus Domini verum , sed so-
 „ lum per relationem ad corpus mysticum , papa per hoc quod est epi-
 „ scoporum summus , non dicitur habere plenitudinem potestatis per
 „ relationem ad corpus Domini verum , sed per relationem ad corpus
 „ mysticum . Et ideo dicendum , quod promovere ad illas perfectio-
 „ nes , quæ non respiciunt corpus Domini verum , sed solum corpus
 „ mysticum , potest a papa , qui habet plenitudinem pontificalis po-
 „ testatis , committi sacerdoti , qui habet actum summum super cor-
 „ pus Domini verum : non autem potest simplici sacerdoti committe-
 „ re , promovere ad perfectionem , quæ respicit aliquo modo corpus
 „ Domini verum . Quare simplex sacerdos ex mandato papæ non po-
 „ test conferre ordinem sacerdotii , quia ordines sacri habent actum
 „ supra corpus Domini verum , vel supra materiam ejus . Potest au-
 „ tem concedere simplici sacerdoti , quod conferat minores ordines ,
 „ quia isti nullum actum habent supra corpus Domini verum , vel
 „ supra materiam ejus Et similiter potest concedere alicui sa-
 „ cerdoti , quod confirmet , quia Confirmatio perficit in actu corpo-
 „ ris mystici , non autem habet aliquam relationem ad corpus Domi-
 „ ni verum . “ 4. Non defunt theologi , & canonistæ , qui doceant
 presbyterum a summo pontifice committi posse , ut sacerdotes ordinet,
 adeoque allatum axioma absolute rejiciant . Ita Hugo antiquissimus , &
 celeberrimus canonista , quem sæpe numero allegant , & magni faciunt
 Innocentius IV. Raimundus , Henricus , Ostiensis cardinalis , glossa ,
 & ex theologis Alexander Alenus : ita , inquam , Hugo , referente
 Joanne de Bacone in 4. *dist.* 7. *qu.* 1. *art.* 4. in fine , “ Possentne papa
 „ concedere simplicibus presbyteris , ut conferant omnes ordines ? cre-
 „ dit Hugo , quod sic , præter episcopalem . “ Eadem erat sententia

Witasse de Confirmatione

H h

Hu-

Hugolini seu Hugulini, alterius antiquissimi canonistæ, sæpe a Raimundo, cardinale Ostiensi, & Joanne de Friburgo citati, in 66. *dist. cap. Porro*, eodem Joanne de Friburgo ita referente in summa confessorum *lib. 3. tit. 22. quest. 27.* item Bernardi, primi decretalium commentatoris, referente summa *lib. 6. tit. 3. art. 1.* Sylvestri, antiqui canonistæ, referente Innocentio IV. in *cap. quanto, de consuetudine*; Innocentii IV. *ibidem*, & Nicolai Tudeschi primum abbatis, deinde archiepiscopi Panormitani, in *cap. quanto, de consuetudine, num. 9.* e theologis vero antiquis & recentioribus, hanc opinionem, alii ut probabilem existimant, ut Joannes de Bacone in 4. *dist. 7. quest. 1. art. 4.* Gabriel Biel in 4. *dist. 24. quest. 1.* Nicolaus de Orbellis in 4. *dist. 7. quest. 1.* & Gabriel Vasquez in 3. *part. disput. 243. cap. 3. & 4.* Alii ut probabiliorē defendunt, ut Petrus Aureolus cardinalis in 4. *distinct. 24. & 25.* Angelus de Clavasio, in summa, vocabulo, *ordo numer. 2.* Præpositus de sacramento ordinis, *qu. 1. nu. 124.* & Ludovicus Meratius de ordine, *disp. 8. sect. 2.*

Urgebis iterum. Diaconus committi non potest ad ea munia obeunda, quæ ad characterem sacerdotalem pertinent, qualia sunt consecrare corpus Christi, & absolvere a peccatis. Ergo nec sacerdos ad ea exercenda munia, quæ ad characterem episcopalem attingunt, cujusmodi sunt confirmare, & ordinare.

RESPONDEO ex Aureolo, discrimen esse, quia presbyteratus est gradus superior, qui a diaconatu differt ordine, & characterē ex quo fluit utraque potestas consecrandi, & absolvendi. Sed episcopatus a presbytero non differt ordine, & characterē, sed characteris duntaxat extensione. Quæ quidem extensio fieri potest, vel per novam episcopi consecrationem, vel per commissionem pontificis. Hactenus de ratione decima, alias, quæ supersunt, modo prosequamur.

Undecima igitur ratio hæc est: si summus pontifex sacerdotem, qui confirmet, committere potest, poterit & diaconum, & subdiaconum, & alios inferiores clericos, imo & laicos, ad idem munus committere: quia si episcopalis character ad id muneris non requiritur, causæ nihil est, cur sacerdotalis censeatur necessarius.

RESPONDET Sanctus Thomas, in 4. *dist. 7. quest. 3. art. 1. quest. 3. in corp.* discrimen est, quia "cum gratia sacramentalis descendat in corpus mysticum a capite, ideo omnis operatio in corpus mysticum sacramentalis, per quam gratia datur, dependet ab operatione sacramentali super corpus Domini verum Sacerdos (autem) habet actum summum super corpus Domini verum, non autem diaconus." Quare sacerdos non autem diaconus committi potest ad sacramenta, si forte ordinationem excipias, conferenda, quæ corpus mysticum respiciunt. Neque dicas diaconos, & alios inferiores clericos, imo & laicos posse committi ut baptizent; hæc enim specialis prærogativa oritur ex summa baptismi necessitate.

Tho.

Thomistæ, quibus non placet hæc S. Thomæ ratioeinatio, respondent sacerdotibus jure divino reservatum esse, ut committi possint ad Confirmationem administrandam. Si quis vero ab illis petat, unde illud ipsis constet? Respondent "id ex perpetua ecclesiæ traditione, optimo divinæ institutionis interprete, prærogativam illam (sacerdotibus) afferente depromi. " Nunquam enim talem facultatem aliis a simplicibus sacerdotibus commissam fuisse legimus. Ita Vincen- tius Contensonus. Verum ubinam vestigia perpetuæ illius traditionis, quæ confirmandi prærogativam presbyteris asserat? 2. Vix de una dispensatione concessa constat. 3. Et si de concessa constaret, non ideo de valide concessa. 4. Et licet nonnullæ forte dispensationes valide concessæ forent, non illæ tamen tantæ quæ numerosam, & perpetuam in ecclesia traditionem statuere possint. 5. Antequam illæ concessæ fuerint, qualescumque tandem illæ sint, verum erat ex doctrina opinionis affirmantis presbyterum committi posse ad confirman- dum; nec aliquis ex eo, quod nulla tunc fuisset dispensatio, recte collegisset presbyterum ad id muneris committi non posse. Itaque pari modo, quamvis nulla huc usque dispensatio cum diacono, clerico, & laico facta fuerit, inde non sequitur munus ad eos pertinere non posse, si pertinere possit ad presbyterum.

RESPONDENT alii, non deesse theologos & canonistas, qui doceant diaconos, subdiaconos, aliosque inferioris ordinis clericos, imo & lai- cos, modo confirmati fuerint, committi posse ad confirmandum. Ita ex theologis Angelus de Clavasio in *summa*, quæ *Angelica*, Baptista Trovamala in *summa*, quæ *Rosella* dicitur, vocabulo *Confirmatio*, & ante ipsos theologi, quorum meminit S. Thomas in 4. d. 7. 3. art. 1. qu. 3. in cap. " Alii dicunt, quod auctoritas Papæ tanta est, quod ejus mandato quilibet potest conferre, quod habet, ut confirmatus con- firmare, sacerdos sacerdotium conferre, diaconus diaconatum; non autem mandato ipsius potest aliquis conferre quod non habet, ut diaconus ordinem sacerdotalem. " Ex canonistis vero Hugo, refe- rente Alexandro Alensi, 4. par. quæst. 9. membro 5. art. 1. §. 3. " Quidam dicunt, quod ex demandatione domini Papæ ordinatus potest confer- re ordinem quem habet, & confirmatus Confirmationem, & quili- bet quod habet. " Hoc dicit Hugo. Bernardus, referente summa A- lensi, lib. 6. tit. 3. art. 1. " Quidam dixerunt, quod Papa potest com- mittere cuilibet clerico, quod conferat ordinem quem habet: non autem ordinem quem non habet: puta diacono, quod conferat dia- conatum, non autem presbyteratum. Et hujus sententiæ videtur fuis- se Bernardus, " extra, de consuetudine, cap. Quanto. Sylvester, refe- rente Innocentio IV. in cap. Quanto, de consuetudine, " Dixit, quod ex delegatione domini Papæ, & adminiculo sacramenti habiti, qui- libet clericus potest, quicquid habet, ipse conferre: quod vero non habet, minime: " quam sententiam Innocentius IV. & abbas Pa-

normitanus, *ibidem* sequuntur, & argumentis confirmant. Glossæ denique, quæ in recentioribus decreti commentariis extant, eandem opinionem amplectuntur; glossa in caput *pervenit*, *dist. 95.* "Presbyter, chrismando, si sua auctoritate hoc facit, nihil agit, nec pueri alii quid recipiunt, extra *de consuetudine*, *quanto*. Sed nunquid Papa ei demandare hoc potest? quidam dicunt, quod sic, ex quo omnia sacramenta, quæ recipit presbyter, ex delegatione Papæ, conferre potest. Unde diaconus potest conferre diaconatum, & confirmare in fronte &c. hoc dicit Hugo. "Glossa in caput, *manus*, *de consuetudine dist. 5.* "Tamen ex demandatione Papæ, quilibet conferre potest quod habet. Unde ordinatus ordinem, quem habet, conferre posset, & confirmatus Confirmationem. "Et annotatio litteralis hujus glossæ, "Ordinatus ordinem, quem habet, confert, Papa delegante. "Innituntur opiniones illæ huic principio, "Quilibet quidquid habet conferre potest, delegante summo Pontifice. "Quod canonistarum axioma falsum quidem omnino mihi videtur. Nec enim minister sacramentum aliquod confert ratione similis sacramenti suscepti; sed ratione potestatis, ad illud ministerium concessæ per sacramentum ordinis, quod per episcopalem consecrationem ampliatur, extenditur & perficitur, quatenus ad plures functiones ex officio deputatur.

Duodecima ratio ita se habet. Si summus Pontifex in ecclesia presbyterum, qui confirmet, committere potest, poterit & quilibet episcopus in sua diocesi. Falsum consequens: ergo & antecedens. Sequela majoris ita probatur. Summus Pontifex id posset potestate ordinis, vel jurisdictionis: si potestate ordinis; hæc alia non est a potestate ordinis episcoporum: si potestate jurisdictionis; quidquid potest summus Pontifex in universa ecclesia, idipsum potest episcopus in sua diocesi, nisi per aliquod decretum, aut per aliquid decreto æquipollens, potestas illius restricta sit, qualis restrictio nulla facta legitur. Ita fere Durandus, *num. 15.*

RESPONDET S. Thomas *ibidem in corp.* discrimen esse, quia dispensatio cum presbytero circa sacramentum Confirmationis "oritur ex plenitudine potestatis per relationem ad corpus Christi mysticum. "Quæ quidem plenitudo soli Papæ, ut qui sit episcoporum summus, convenit.

RESPONDET Vincentius Contensonus, utriusque discrimen ex jure divino repetendum esse. "Ratio, inquit, cur episcopi presbyteris confirmandi potestatem, aut Romanus Pontifex diaconis committere non possint: sique Romano Pontifici id sacerdotibus concedere, jure divino reservatum, ex perpetua ecclesiæ traditione, optimo divinæ institutionis interprete, prærogativam illam summo Pontifici asserente depromitur, nunquam enim talem facultatem concessisse, vel concedere potuisse alios a Romano antistites legimus (facta ra-

men quædam extant de quibus *infra*. “) Et sane conveniens est, ut
 „ ea quæ totius ecclesiæ regimen concernunt, qualia maxime sunt, quæ
 „ ad ritus sacramentorum spectant, universali ecclesiæ præsidii, vel œ-
 „ cumenicis conciliis speciali jure attribuantur, ut ea determinent,
 „ quæ Christus singulatim non præscripsit, sed ecclesiæ judicio permi-
 „ sit. Et quamvis quidquid Pontifex summus in universo orbe potest,
 „ id etiam episcopo in sua diœcesi concessum sit, quia episcopus est
 „ diœceseos pastor ordinarius, sicut Papa totius orbis christiani. Idta-
 „ men intelligendum est de his quæ pertinent, tum ad potestatem or-
 „ dinis, cum ad regimen spirituale ovium: non vero de iis quæ ad
 „ universam Christi familiam pertinent, qualia sunt designatio materię
 „ & ministri sacramentorum, concilii œcumenici congregatio, majo-
 „ rum causarum judicium, controversiarum fidei definiendarum prima-
 „ ria potestas, in quibus omnibus plura potest ecclesiæ universæ caput,
 „ quam singularem diœceseon episcopi.

Respondent canonistæ, discrimen repetendum esse *ex lib. 3. decretal.*
tit. 40. cap. aqua, seu *cap. 9.* ubi Gregorius IX. declarat episcopum in
 sua diœcesi posse quidem “ inferioris gradus clericis ea committere,
 „ quæ jurisdictionis existunt (puta, inquit glossa ex Bernardo; judica-
 „ re, cognoscere de causis, instituere beneficia, ea conferre, & omnia
 „ alia quæ assecutus est episcopus in Confirmatione) quæ ordinis ta-
 „ men episcopalis sunt, non posse inferioris gradus clericis demand-
 „ re (puta, inquit glossa ex eodem Bernardo, clericos ordinare, vir-
 „ gines consecrare, chrisma conficere, & consimilia, quæ ministerium
 „ consecrationis desiderant.) Summus vero Pontifex, inquit glossa in
 caput *quanto, de consuetudine*, hoc delegare potest simplici sacerdoti,
 „ quia Papa non subjicitur legibus. Unde potest committere simplici
 „ sacerdoti, ut in dicto capite *pervenit*, ubi Gregorius I. presbyteris Ca-
 „ laritans permittit ut in fronte consignent.

RESPONDET Palavicinus in historia Concilii Tridentini, non esse
 improbabile, si ratio habeatur solius institutionis, episcopos posse hoc
 privilegium conferre simplici sacerdoti, quamvis attento rerum statu
 præsentis, istud minime possint, uti nec possunt de quibusdam votis dis-
 pensare, nec a peccatis quibusdam absolvere.

RESPONDET Ledesma *1. par. 4. quest. 13. art. 3.* quemlibet episcopum
 in sua diœcesi facultatem habere committendi presbyteros, qui confir-
 ment. Et quidem si jus divinum & naturale attendamus, axioma est
 plurium theologorum & canonistarum: Quidquid potest Pontifex in
 universo orbe, si ea excipias quæ ad universum ecclesiæ statum perti-
 nent, ut res fidei definire, idipsum potest episcopus in sua diœcesi,
 nisi specialiter Pontifex aliquid sibi reservet. Ita ex theologis docent,
 Alphonsus Toftatus in *cap. 19. Matth. 87.* littera E; Nicaolus de Cusa
 Cardinalis *lib. 2. de concord. catholica, cap. 3.* Franciscus Victoria in *rele-*
ctione de matrimonio par. 1. num. 7. Dominicus Soto in *4. d. 32, quest. 1.*

Wasse de Confirmatione.

Hh 3

art.

art. 3. in fine, & dist. 27. quest. 1. art. 4. & lib. 6. de justitia, quest. 1. ar. 3. ad 2. Henriquez lib. 6. de pœnitentia cap. 14. num. 7. in comment. littera K, & lib. 10. de sacramento ordinis cap. 35. num. 2. & lib. 12. de matrimonio cap. 5. num. 2. in comment. littera N; Arragonius 2. 2. quest. 88. art. 12. ex canonistis vero, Hugo, teste Majolo, lib. 5. de irregularitate cap. 51. num. 4. Majolus ibidem; Perez lib. 3. de ordinat. tit. 15. lege 5. & tit. 18. lege 2. ex canonistis denique Thomas Sanchez lib. 12. disput. 61. num. 3. & lib. 7. de impedim. matrimonii, disputat. 1. num. 9. Ratio est quia Episcopus est pastor ordinarius in sua diœcesi, sicut Pontifex in toto orbe. In iis igitur, in quibus Pontifex ejus jurisdictionem non coercet, ordinariam habet potestatem.

RESPONDET Arcudius de Confirmat. cap. 15. presbyteros ad conferendum Confirmationis sacramentum committi posse ab episcopis, non singulis quidem, sed in concilio quodam particulari congregatis. Concilia sane quædam particularia confirmandi jus concessere Chorepiscopis.

Ex his patet dubium esse utrum episcopi in sua diœcesi, presbyteros, qui confirment, delegare possint. S. Thomas & Thomistæ illud eis prohibitum esse jure divino existimant. Palavicinus & canonistæ jure duntaxat ecclesiastico, Ledesma neutro. Thomistarum opinio vera mihi non videtur ob facta, quibus mihi quidem certum est, Armenarium Chorepiscopum, licet presbyterum, ab episcopis confirmandi facultatem accepisse, ex Concilio Regiensi, seculo V. presbyteros a patribus Arausicanis, qui hæreticos ad ecclesiam redeuntes, urgente mortis periculo, confirmarent, commissos fuisse, ex Concilio I. Arausicano, eodem seculo V. & simplices Græcorum presbyteros, solo suorum antistitum consensu etiam confirmare solitos. Utrum vero capituli *Aqua* auctoritas hodie integra vigeat, merito dubitatur. Præfules enim Gallicani virginum velamen, & alia plura, quæ episcoporum dignitati & ordini canonibus Ecclesiasticis reservantur, presbyteris frequens committunt.

Decimatertia ratio petitur ex Chorepiscopis, quibus in Concilio Meldensi, *canon. 44.* Confirmatio, ecclesiarum consecratio, & presbyterorum ac diaconorum ordinatio, etiam jubente episcopo, interdicitur.

RESPONDERE posset 1. virginum velamen, & pœnitentium reconciliationem, Concilio II. Carthaginensi *canone* 1. presbyteris absolute prohiberi: deinde Concilio III. sequenti *can. 32. & 36.* permitti, consentiente episcopo. Quidni potuit Confirmatio legibus ecclesiasticis aliquando permitti, jubente episcopo, aliquando absolute prohiberi? 2. Chrismatis confectio utroque Concilio Carthaginensi, presbyteris, etiam consentiente episcopo, interdicitur: quam tamen ipsis permitti posse plures theologi contendunt. 3. Ecclesiarum consecrationem, quæ in *objecto canone 44.* Chorepiscopis interdicitur, presbyteris a summo Pontifice committi posse, docent canonistæ.

IN-

INSTABIS. Plura & Pontificum & conciliorum decreta, factas a Chorepiscopis, etiam cum episcopi diœcesani consensu, Confirmationes irritas declarant.

RESPONDEO hac de re facta & decreta in utramque partem referri, de quibus *infra*. Opinioni præfatas Confirmationes ratas habenti aperte favent Concilium Regiense, & Nicolaus I. in *epistola ad Rodolphum Bituricensem*.

Decimaquarta. Ex summis Pontificibus, qui factas a presbyteris Græcis, etiam cum episcoporum consensu, Confirmationes nullas habuerunt, de quibus modo agendum est.

S E C T I O III.

Utrum factæ a Græcis presbyteris Confirmationes validæ sint.

HODIERNI Græcorum episcopi raro, presbyteri frequens neophytos confirmant. Illas vero Confirmationes alii ratas, irritas alii habent. Arcudius & Goarius eas toto conatu defendunt. Præcipuum utriusque argumentum ex Concilio Florentino desumitur, in quo ea, quibus Græci & Latini ab invicem dissidebant, agitata sunt; revocata ad hæc quinque capita, de processione Spiritus sancti ex Patre & Filio, de azymis & fermentatis, de Purgatorio, de visione Dei, qua sancti ante futurum iudicium fruuntur, de primatu & auctoritate summi Pontificis: ac tandem in unionis decreto comprehensa & definita sunt: quo quidem decreto ab episcopis utriusque partis approbato, Latini & Græci, "Sacris vestibus induti, sese mutuis amplexibus, con-
salutarunt, " & Concilio subscripserunt. Orientales igitur & occidentales sua sacramenta suosque ritus susceperunt. Absoluta vero synodo Eugenius IV. Græcis proposuit quindecim quæstiunculas, quarum sexta hæc erat; "Quare episcopi non inungunt sacro chrismate, sed
sacerdotes, cum hoc Pontificibus sit datum? quæ a Latinis objecta
(inquiunt acta synodica) Dorotheus, Mitylenensis episcopus, cano-
nice omnia legitimeque dissolvit, præterquam duo, de quibus Papa
significavit imperatori, cur scilicet matrimonia dirimantur, & Pa-
triarcha Constantinopolitanus in ipso concilio non eligatur. " Græco-
rum igitur Confirmationes, licet a presbyteris factas, Eugenius IV. cæterique occidentales approbarunt. Idipsum Gregorius protolygcellus, qui Patriarchæ Alexandrini vicem in eo Concilio tenuit, eoque nomine subscripsit, testatur in *apologia adversus encyclicam Marci Ephesini epistolam*, in qua Marco Latinos a Græcis iterum consignatos fuisse objicienti, ita responderet. "Verum Latini etiam nostros consignabant
& chrismatos appellabant. Quod vero non secundum rectam ratio-
nem hæc fierent, manifestum est. Etenim cum iniremus concor-
diam, nihil habuerunt, quod nobis objicerent, sed cum essemus or-

„thodoxi, ab orthodoxis orthodoxi iudicati sumus. “ Quæ verba indicant, 1. Græcorum Confirmationem a Latinis, & Latinorum a Græcis ante celebratum Concilium Florentinum improbatam fuisse. 3. Præsentem quæstionem in eodem concilio inter Græcos & Latinos agitam fuisse. 3. Latinos nihil habuisse, quod Græcis objicerent, Græcos vero recte sentire hac de re iudicatos fuisse. Græci denique a presbyteris baptizati, cum ex variis insulis & Græciæ partibus accersiti, Romam accedunt, ut in collegio Gregoriano sacris doctrinis piisque moribus imbuantur, non confirmantur iterum, sed ita confirmati plerumque ad sacros ordines promoventur, vidente & tacente summo Pontifice; qui proinde eorum Confirmationem approbare censetur.

Plura tamen, eaque gravia & antiqua adversus hanc opinionem præjudicia referri possunt.

Nicolaus enim primus in *epistola* 70. ad *Hincmarum*, & alios antistites Gallicanos, Confirmationes a Photianis presbyteris collatas irritas declaravit, easque scriptis resutarunt Hincmarus Rhemenfis, Aneas Parisiensis, Odo Bellocacensis, & Ratramnus, monachus Corbejenfis.

Vernum glossa quæ in Gregorii protosyncelli apologiam inserta est, ubi de ratione, qua “ Latini Græcos aliquando sub conditione consueverant, “ duas solutiones affert. 1. Et, quod ministri hujus sacramenti excommunicati fuerant, & pro laicis habiti, quales erant in Bulgaria sacerdotes Photii; adeoque committi non potuerint. 2. Est quod Photiani sacerdotes agerent, ut ordinarii ministri: qua de re *supra*, ubi de Photii errore *pag.* 411. & *seq.* 3. Posset addi, quod illi sacerdotes a Photio excommunicati commissi fuissent. 4. Quod illi a Photio commissi fuissent in Bulgaria, atque ita in aliena diocesi, & deficiente omni jurisdictione: licet enim episcopus, etiam depositus, & in sua, & aliena diocesi (qua de re dubitatur) valide confirmet; certum tamen mihi videtur, 1. Episcopum depositum, ut qui omni jurisdictione activa careat, non posse presbyterum committere, ut confirmet: 2. Episcopum, ut qui nullam extra suæ dioceseos limites jurisdictionem habeat, non posse presbyterum in aliena diocesi committere. 3. Episcopum, quamcumque jurisdictionem habeat, non posse presbyterum majori excommunicatione percussum committere, ut qui cuiuscumque jurisdictionis passivæ sit incapax.

Secundum præjudicium sumitur ex Innocentio III. relato *lib.* 1. *decretal.* tit. 4. *de consuetudine*, cap. 4. seu cap. *quanto*, qui Lucio Vicario suo apud Constantinopolim constituto, hæc scripsit. “ Pervenit ad „ audientiam nostram quod quidam simplices sacerdotes apud Constantinopolim ea sacramenta præsumunt fidelibus exhibere, quæ ab apostolorum tempore fuerunt solis pontificibus reservata (ut est sacramentum Confirmationis, quod christmando renatos soli debent episcopi per manus impositionem conferre) ad excusandas excusationes

„ in peccatis, solam consuetudinem prætendentes . . . Mandamus quatenus
 „ tenus omnibus presbyteris districte prohibeas, ne talia de cætero sua
 „ temeritate præsumant : quæ licet non sint a fidelibus contemnenda,
 „ tutius tamen est ea sine periculo ex necessitate (quæ legem non habet)
 „ omittere, quam ut ab his, quibus ea conferre non licet, ex
 „ temeritate (quæ lege damnatur) non sine gravi periculo inaniter
 „ conferantur : cum umbra quædam ostendatur in opere, veritas autem
 „ tem non subeat in effectu. “ Quo ex capite apparet sacerdotes illos
 „ Constantinopolitanos munivisse se consuetudine, quæ cum vim habeat
 „ legis, multo magis vim habet consensus taciti, vel dispensationis
 „ apostolicæ. Factum tamen illud presbyterorum Græcorum, quamvis
 „ firmatum consuetudine, improbat ab Innocentio III. Deinde ex eodem
 „ textu apparet Confirmationis administrationem “ ab apostolorum tem-
 „ pore fuisse solis pontificibus reservatam. “ Quæ verba excludere
 „ videntur presbyteros a ministerio ipsius etiam extraordinario. Præterea
 „ ritum hunc, quem orientales presbyteri usurpaverunt, esse umbram sa-
 „ cramenti, non sacramentum. Denique tutius esse Confirmationem, ur-
 „ gente licet mortis periculo, dimittere, quam illam a presbytero susci-
 „ pere. Respondet Arcudius *lib. 2. cap. 15.* pontificem id prohibuisse
 „ Latinis non Græcis, “ Quandoquidem illo tempore Latini dominabantur
 „ Constantinopoli, ut tradunt historici : quod ipsemet pontifex clarif-
 „ sime in suis litteris exprimit, cum ad quemdam Lucium suum vica-
 „ rium ita scribit : Mandamus quatenus omnibus Latinis presbyteris
 „ apud Constantinopolim constitutis, districte prohibeas, ne talia de
 „ cætero sua temeritate præsumant. “ Verum in hisce verbis : quate-
 „ nus omnibus Latinis presbyteris : vox *Latinis* deest in antiquis editio-
 „ nibus.

RESPONDET Panormitanus, inde sequi tantum, quod “ consuetudo
 „ non potest operari, ut clericus non episcopus possit exercere ea,
 „ quæ sunt reservata ordini episcopali.

RESPONDET glossa post Bernardum, inde concludi duntaxat, quod
 „ si papa prohiberet sacerdotem chrismare, post ipsius prohibitionem ni-
 „ hil conferret, si postea chrismaret.

RESPONDENT alii inde solum inferri, quod Romani pontificis con-
 „ sensus & dispensatio ad Confirmationis validitatem requiratur.

Tertium præjudicium sumitur ex Gregorio IX. *in epist. ad Barcinonensem episcopum.* “ Chrisinati vero, ut verbis tuis utamur, a simplici
 „ sacerdote Confirmationis munus minime receperunt ; quia de solis
 „ apostolis legitur, quorum sunt episcopi successores, quod per manus
 „ impositionem Spiritum sanctum dabant : & ideo tam illi, quam
 „ confirmandi, de cætero a solis episcopis consignentur. “ Græcorum
 „ sacerdotum confirmare solitorum consuetudo ibi reprobat.

Huic testimonio, eandem quam priori solutionem Arcudius adhi-
 „ bet.

Quar-

Quartum præjudicium desumitur ex epistola 10. Innocentii IV. qui ab Othone cardinale, tunc ejus in Cypro agente, consultus, de controversiis inter archiepiscopum Nicesiensem Latinum, & Græcos antistites Cyprios circa plures ritus, sacramentis, seu essentielles seu accidentales exortis, de ministro Confirmationis ita respondet cap. 4. "Soli autem episcopi consignent chrismate in frontibus baptizatos, quia hujus unctio non debet, nisi per episcopos exhiberi, quoniam soli apostoli, quorum vices gerunt episcopi, per manus impositionem, quam Confirmatio vel frontis chrismatio repræsentat, Spiritum sanctum tribuisse leguntur: " *tom. 11. conc. pag. 613.*

RESPONDEO Innocentium hisce verbis prohibere quidem, ut Confirmatio a Græcis presbyteris administraretur, eam tamen ab illis factam non declarare irritam. Utrum vero decretum illud a Græcis receptum fuerit, incertum est. "Cum non solum in regno Cypri, inquit Arcudius *lib. 2. cap. 15.* sed in toto ferme oriente ille mos esset. "Fortassis legatus pontificis agnita postea difficultate, decretum pontificis hac de re publicare prætermisit, neque executioni mandavit, quod commode fieri haud posset. Quemadmodum etiam Gregorius magnus jusserat, ne presbyteri consignarent, sed postea longa consuetudine intellecta, concessit ut in absentia episcoporum confirmarent. Ob eandem difficultatem tempore Clementis VIII. perbrevis instructio super aliquibus ritibus Græcorum, inter quos recensetur administratio hujus sacramenti, facta est. Sed ea dirigitur ad episcopos Latinos, in quorum diocæsis Græci vel Albanenses Græco ritu viventes degunt, quod optime scirent in Græcia valde difficile fore ut hæc constitutio acceptaretur. "Arcudius *ibidem* duo quædam alia generatim responderet: primum est, summos pontifices improbare hanc Græcorum consuetudinem, quod illi existimarent auctoritate propria presbyteros illud munus usurpasse, quia in hujusmodi decretis, sæpe invenitur hoc verbum (*ne presumant*;) præsumptio autem nullam facultatem concessam supponit, quam tamen illi obtinuerant & longissimo usu stabilierant. Alterum est: "Quidquid sit de revocatione aliorum pontificum, profecto cum in concilio Florentino post omnes pontifices qui revocarunt, Græci de hac re interrogati, omnem difficultatem, ut ibi asseritur, legitime & canonicè diluerent, ipse etiam pontifex Eugenius IV. reddita ab iis rationi acquieverit: hoc vel unum ad omnem controversiam de hac re sedandam sufficere posse videtur. Recesserit sane ab usitata consuetudine aliorum voluntis pontificum; attamen clarissime apparet denuo accessisse consensum Eugenii pontificis, dum Græcorum responsum sine ulla contradictione admittit.

Quintum præjudicium petitur ex Eugenii IV. decreto, "Legitur aliquando per apostolicæ sedis dispensationem, ex rationabili & urgente admodum causa, simplicem sacerdotem administrasse Confirma-

tionis sacramentum. "Urgens igitur admodum causa requiritur. Atqui Græci presbyteri nulla urgente admodum causa hoc sacramentum administrant. Nullum igitur sacramentum conferunt. RESPONDEO 1. Aliud est, urgente admodum causa simplicem sacerdotem administrasse hoc sacramentum; aliud urgentem admodum causam requiri: prius, non posterius, in hoc decreto asseritur. 2. Dubium est apud theologos, quæ causa requiratur ad illud sacramentum presbytero committendum. A Bonaventura causa necessaria desideratur; Alensi causa utilis vel necessaria sufficit. 3. Causam esse necessariam, cur Græci presbyteri confirmant, docet Gabriel, Philadelphienſis antiſtes, in tractatu de sacramentis, capite de Confirmatione, "Ne quis, videlicet, baptizatorum ejusmodi Confirmationis gratia privetur, si cum contingat, ut sunt humanæ res, repentina atque immatura morte ex hac vita migrare." 4. Dato, non concessio, causam nullam esse necessariam, defectus ille Confirmationem illicitam, non invalidam efficeret.

Sextum præjudicium fumitur ex brevi instructione ad Græcorum usum jussu Clementis VIII. facta, qua pontifex Græcos ab episcopis non a presbyteris, confirmari voluit.

Verum huic argumento Arcudius jam pridem respondit, quod hæc instructio "dirigitur ad episcopos Latinos, in quorum diocesis Græci vel Albanenses Græco ritu viventes degunt (non ad alios,) quod pontifex optime sciret in Græcia valde difficile fore, ut hæc constitutio acceptaretur.

Septimum præjudicium sic habet: Græci presbyteri hanc confirmandi potestatem sibi commissam habent, vel a concilio œcumenico, vel a summo pontifice, vel ab ecclesia orientali, vel a concilio quodam particulari, vel a singulis episcopis.

RESPONDET Goarius, a concilio Florentino. Respondet Arcudius ab Eugenio IV. Respondet Gabriel Philadelphienſis ab ecclesia orientali. "Ecclesia orientalis, inquit, non tantum pontificibus, sed etiam per ipsos presbyteris, post sacram baptismatis cæremoniam benigne annuit atque concedit citra ullam culpam unctionem chrismatis: idque propterea, ne quis baptizatorum ejusmodi Confirmationis gratia privetur &c.

QUÆRES quando usus ille apud Græcos incœperit?

Arcudius in *aneretico* adversus Sirmondum ait: Nullum dari Græcum scriptorem ante Photium, qui doceat chrismationem episcopalem & sacramentum Confirmationis a presbyteris conferri posse: sed hoc esse germen degeheris, & in schisma nutantis Græciæ. "Arcudius contra *lib. 2. de Confirm. cap. 13.* ait "istum Græcorum morem esse antiquissimum, neque cœpto schismate cœpisse. "Denique Sirmondus in *antirrbetico* 1. ait "apud Græcos perpetuum hunc morem fuisse. "Cujus opinionis aſtruendæ causa referri possunt,

Am-

Ambrosiafter, qui in *cap. 4 ad Ephes.* narrat Egyptios presbyteros consignasse, ablente episcopo : videlicet *supra*, pag. 449. & *seq.* Hieronymus in *epist. 86. ad Evagrium*, " Quid facit, excepta ordinatione, episcopus, quod presbyter non faciat ? " Chrysostomus *homil. 11. in 1. Timoth.* " Inter episcopum & presbyterum interest ferme nihil . . . " Sola quippe ordinatione superiores illis sunt (hoc est episcopi presbyteris) atque hoc tantum plusquam presbyteris habere videntur : " videlicet *pag. 448.* Dionysius *de ecclesiast. hierarch. cap. 5.* " Nunquam sacerdos divinam illam regenerationem, sine divino unguento consecrabit. " Chrisma vero apud Græcos inservit frontis, non verticis unctioni : videlicet *pag. 450. & 451.* Denique chorepiscopi, quorum institutio seculum IV. in oriente præcessit, confirmabant, de qua Confirmatione nunc agendum est.

S E C T I O . IV.

Utrum Confirmationes a chorepiscopis factæ valide sint.

QUI chorepiscopos episcopali ordinatione consecratos fuisse putant, Confirmationes ab ipsis factas, approbant : qui vero eos in presbyterorum ordinem redigunt, alii ratas, irritas alii habent : & illi quidem in duo genera distinguuntur : quidam enim ordinario jure chorepiscopis eas competitivisse docent, ut Petrus de Marca *lib. 2. de concord. cap. 14. num. 4.* in quam opinionem Morinus inclinatur, in tractatu *de sacris ordinat. parte 3. exerc. 4.* Communior tamen sententia eas jure duntaxat extraordinario illis adscribit. Quæstio hæc, & difficilis & implicata, ob varia munia, quæ ipsis tribuuntur, vel negantur, & quorum attributio, vel negatio ex eorum ordinationibus, dignitate, ac variis, sibi que reipsa vel in speciem repugnantibus summorum pontificum & conciliorum circa eorum munia, decretis omnino dependet. (De his erudite scripserunt Franciscus Hallerius, in tractatu *de sacris unctionibus parte 2. sect. 5. cap. 1. art. 2. §. 1. & cap. 2. art. 2. §. 1. 2. 3. 4. & 5.* Petrus de Marca *lib. 2. de concord. cap. 13. & 14.* Joannes Morinus in tractatu *de sacris ordinationibus parte 3. exercit. 4.* Ludovicus Thomassinus in *disciplina tomo 1. parte 1. lib. 1. cap. 18. & tom. 2. par. 3. lib. 1. cap. 8. & 10. & lib. 2. cap. 47. num. 9.* viri sane rerum antiquarum peritissimi, qui de chorepiscopis, eorumque dignitate ac muneribus accurate disseruerunt.) Quare ne difficultas hæc implicetur magis quam explicetur, de chorepiscopis plura, quam institutum nostrum pari videtur, dicamus necesse est.

§. 1. *Nomen, institutio, progressus, & finis chorepiscoporum in oriente & occidente.*

CHOREPISCOPI dicuntur " vicarii episcoporum a Ferrando diacono in *breviario canonum* : " Vicarii episcoporum super pagos , " monasteria , & pagorum sacerdotes , " in *canone 62. Nicæno-Arabico* : " Filii episcoporum , " in *canone 63. Arab.* " Villani episcopi , " a synodo Ratisponensi , in *capitularibus lib. 7. cap. 187.* & " Villarum ac " regionum episcopi , " a Sigeberto in *chronica* : quæ duæ postremæ appellationes ex ipsa nominis etymologia desumptæ sunt *χωρεπίσκοπος* enim idem est ac villanus episcopus , *ἀπὸ τῆς χωρᾶς, ἢ ἐπισκοπῆς.*

Chorepiscopi instituti sunt in oriente , & seculo III. cœpisse videntur. Nihil enim de iis habent S. Ignatius , Clementis constitutiones , & canones apostolorum , qui cæteros ordines ecclesiasticos , etiam minimos , commemorant ; nihil Patres Illiberitani , qui non modo maioribus ordinibus , sed etiam subdiaconis , aliisque clericis leges præscribunt ; nihil Cornelius pontifex , & Cyprianus , qui cæteros ordines , ille quidem Romæ , iste vero Carthagini recensent. Si gradus hic ipsis cognitus fuisset , cum ex omnium sententia superior esset presbyteratu , & ad dignitatem episcopalem proxime accederet , eum illi procul dubio non præterissent . Præcedit tamen hæc chorepiscoporum institutio concilia Ancyranum & Neocæsariense , quæ ante Constantini I. imperium in universum orbem , cum sæviret postrema persecutio celebrata sunt . Nam in iis non agitur de chorepiscopis creandis , sed de eorum potestate coercenda , & episcoporum auctoritati submittenda , a quibus jam se eximere tentabant : quapropter cum concilia hæc fuerint orientalia , & in Asia minore celebrata , duo ex dictis consequi videntur : prius in Galatia & Ponto vicinisque regionibus ordinem illum cœpisse , & inde in plerasque ulterioris ordinis regiones disseminatum : posterius , ad finem tertii seculi a quibusdam synodis provincialibus institutum fuisse .

Morinus quidem in tractatu *de sacris ordinat. exercit. 4. cap. 1. num. 3.* chorepiscoporum institutionem præcessisse Novatianam hæresim inde colligit , quod in *actione 1.* concilii Chalcedonensis constat Novatianos habuisse chorepiscopos . Institutionem enim ab ecclesia post eorum hæresim decretam improbaturi potius videntur , quam amplexuri . Verum hæc hæresis , Cornelii & Cypriani temporibus exorta est , qui cum ecclesiasticos gradus enumerant , nullam chorepiscoporum mentionem faciunt . Accedit quod simili ratiocinio concludi posset chorepiscoporum ordinem præcessisse , non modo Novatianorum originem , sed & Quartodecimanorum , quos habuisse chorepiscopos apparet , ex eadem *actione 1.* in qua Eurychius Quarto-decimanorum princeps , & Zeno Quarto-decimanus , ambo chorepiscopi ejurata hæresi sua , fidem catholicam amplectuntur .

Chorepiscopi igitur post exortam Novatianorum hæresim instituti sunt : quo anno, & a quibus conciliis, incertum est. Brevi autem in oriente propagati sunt. Eorum enim auctoritas coercetur *canone* 13. concilii Ancyranus : subscribere duo concilio Neocæsariensi ; quindecim vero concilio Nicæno, videlicet Cappadociæ provincię quinque, Isauriæ quinque, Syriæ duo, Bithiniæ duo, Ciliciæ unus. Concilium Antiochenum, quæ sunt eorum munia statuis *can.* 8. & 10. Athanasius in *apologia* 2. negat in Maræotide regione, unquam fuisse episcopum vel chorepiscopum, sed singulos regionis istius vicos habere solitos sacerdotes Alexandrino patriarchæ subjectos. Basilius in *epist.* 181. quam ille ad chorepiscopos suæ dioceseos rescribit, conqueritur quod illi officium ab antiquis canonibus sibi commissum negligerent exequerentur. Concilii Ephesini *actione prima* Cæsarius Arcensis, seu Sartenfis chorepiscopus sedet initio sessionis inter episcopos, & in fine ejusdem actionis inter eosdem condemnationi Nestorii decernens subscribit nomine proprio (id est velut episcopus subscripsit *actioni* 6.) Concilium Chalcedonense *canone* 2. eos inter majores ordines post episcopos recenset. Actionibus ejusdem concilii quatuor aut quinque subscripserunt alieno nomine. Concilium Nicænum II. *canonem* 2. Chalcedonensem repetit *canone* 5. & antiquum chorepiscoporum privilegium de ordinandis lectoribus renovat *can.* 14. Theodorus Balsamon, patriarcha Antiochenus, qui desinente seculo XII. floruit, in *canonem* 13. *Ancyranum* testatur chorepiscoporum gradum ætate sua omnino exolevisse : " Chorepiscoporum gradus omnino exolevit. " Et in *canonem* 57. Laodicenum ait *periodeutis*, seu chorepiscopis successisse " Exarchas, qui ab episcopis promoventur, pagos circumcursant, delicta animarum observant, & fideles perficiunt. " Quæ de patriarchatu Constantinopolitano & Antiocheno intelligi debent : res enim contrario eventu contigit in patriarchatu Alexandrino, in quo si vera sint, quæ Petrus de Marca ex Cyrillo refert *lib.* 2. *de concord.* *cap.* 14. *num.* 9. " Deletis episcopis soli archiepiscopi curam patriarchæ in administratione ecclesiarum le- vant : quod ducentis ab hinc annis inductum fuisse testatur Cyrillus Alexandriæ patriarcha iis litteris, quas in Valachia scripsit anno 1612. " Hic est Cyrillus Lucar seu Lucaris, qui paucis post annis Hollandica pecunia tentatus, ad Calvinismum defecit ; & ejusdem pecuniæ ministerio, corruptis aulæ turcicæ primoribus, in sedem Constantinopolitanam proventus, meritis pœnas dedit, quod a veteri ecclesiæ illius traditione desciscens, & ab Hieremiæ patriarchæ censura, qua confessionem Augustanam olim notaverat, aliquot articulis professionis Hollandicæ subscripsisset.

Hactenus de oriente, nunc de occidente, in quo chorepiscoporum gradus multo serius invaluit. Illius enim prima mentio facta est in concilio Regiensi, anno 439. celebrati, in quo Armentarius in episcopum Ebrodunensem perperam ordinatus chorepiscopatus officio su-
gi per-

gi permittitur : nulla tamen synodus alia occidentalis septem primis Ecclesiæ seculis chorepiscoporum meminit ; nullus enim auctor , quod sciam (si forte Gennadium excipias) ex septem primis ecclesiæ seculis testatur eos in occidente viguisse . Gennadium excepi , qui *lib. de viris illustribus* , de Salviano loquens , hæc ait : “ Scripsit expositio-
nes extremæ partis Ecclesiasticæ ad Claudianum Episcopum Vien-
nensem . “ Rescribendum enim chorepiscopum existimat Petrus de Marca *lib. 2. de concord. cap. 14. num. 3.* nunquam enim Claudianus Episcopatum Viennensem obtinuit, cum illi Mamercus ejus frater super-
stes fuerit.

Inde patet chorepiscopos , septem primis ecclesiæ seculis , in occi-
dus partibus raros admodum fuisse . Nulli certe temporibus illis in
Italia & Africa extitisse mihi videntur . Nihil enim moror *epistolam*
5. Damasi ad Prosperum & cæteros antistites Africanos , *epistolam* 88.
(alias 86.) Leonis I. ad episcopos Germaniæ & Galliæ , & *epistolam*
Joannis III. ad eosdem Germaniæ & Galliæ episcopos : quas quidem
epistolas supposititias eruditissimis omnibus hodie persuasum est . Ferrandus
vero diaconus chorepiscopos quidem commemorat , sed compendii sui,
non consuetudinis patriæ , necessitate ductus ; faciens enim Græcorum
canonum compendium , cum ad Ancyranos , & Neocæsarienses cano-
nes pervenit , tum necessario chorepiscoporum illi memoria facienda
fuit .

De presbyteris autem vel chorepiscopis non loquitur canon 7. His-
palensis concilii , sicut habet Suriana editio , sed de solis presbyteris ,
quemadmodum antiqua exemplaria , e quibus Garcias edidit istos cano-
nes , repræsentant . Patres enim decretum ferunt adversus Agapium
Cordubensem episcopum , qui canonum ignarus , frequenter presbyte-
ros delegabat ad ea agenda , quæ ex conciliorum decretis ad solos
episcopos spectabant , illiusque prævaricationis occasione renovant an-
tiqua canonum statuta , qui presbyteris severe prohibent , ne ordina-
tiones , Confirmationem , ecclesiarum consecrationem , & multa ejus-
modi conferant . Probabilius quidem ex Isidoro Hispalensi *lib. 2. de
officiis eccles.* cap. 6. non tamen necessario probatur chorepiscopos in
Hispania usitatos fuisse . Cum enim ille eorum munera explicando ,
tres illos canones , Ancyranum , Neocæsariensem , & Antiochenum ,
nullo sigillatim numerato conjunxerit : inde sane non colligitur neces-
sario eos in Hispania usurpatos , sed Isidoro , quid de iis antiqui cano-
nes Græci decreverant , cognitum fuisse . Nolim tamen negare se-
ptimo seculo , atque etiam antea in Hispania institutos fuisse chore-
piscopos , licet hoc monumenta ecclesiastica , quæ nobis supersunt ,
non referant : cum enim Ancyrani , Neocæsarienses , & Antiocheni
canones Martino Braccarensi , Isidoro Hispalensi , aliisque Hispanis
cogniti , & œcumenica concilia Nicænum , Ephesinum , & Chalce-
donense , ipsis quoque cognita , chorepiscopos probaverint , facile
fieri

fieri potuit ut chorepiscopus constituendi occasio nobis incognita sese dederit.

Utumque sit, illos certe in Gallia, & Germania seculo octavo jam frequentes fuisse apparet ex dissidiis circa eorum ministeria eorumque conservationem, vel extinctionem, seculis octavo & nono exortis, quæ ad sedem apostolicam relata, & in conciliis Germanicis, & Gallicanis tractata sunt. De illorum enim ministerio, Pipinus Majordomus Francorum, anno 744. ut Baronio placet, vel anno 747. ut Petro de Marca videtur, per Ardobanum presbyterum retulit ad Zachariam pontificem, qui canonem 10. concilii Antiocheni servandum esse respondit, in *epistola 7. ad Pipinum, cap. 1.* Eo responso plene satisfactum non est iis dubitationibus, quæ ancipites tenebant Gallicanos episcopos, quibus comperta erat definitio synodi Antiochenæ; sed de verborum genuino sensu erat quæstio. Chorepiscopis igitur a muniurum episcopalium usurpatione non desistentibus, necessaria fuit altera relatio, quæ temporibus Caroli magni missa est ad Leonem III. qui ab eodem imperatore per Arnorem archiepiscopum consultus, factas a chorepiscopis presbyterorum, diaconorum, & subdiaconorum ordinationes, neophytorum Confirmationes, dedicationes ecclesiarum, & virginum consecrationes irritas declaravit: "Prædictos autem chorepiscopos omnes præcepit damnare, & in exilio detrudi. "Ista vero, subjicit Carolus *lib. 7. capitul. cap. 187.* "Omnes, maxime regni nobis a Deo commissi episcopi, cum eodem Arnone, permitte præfato apostolico, mitius tractantes in synodo Reginibrun (id est Ratisponæ) jam dictos villanos episcopos inter presbyteros statuerunt, ita ut amplius nihil de episcopali ministerio præsumerent, nec ipsi deinceps a quoquam fierent (episcopo) qui gradus sui periculum vitare vellet. "Idem quod Ratisponense concilium, decrevit imperator *lib. 6. capitul. cap. 119.* "Placuit, ne chorepiscopi a quibusvis deinceps fiant, quoniam hætenus a nescientibus sanctorum Patrum & maxime apostolorum decreta, (alludit ad suppositis Damasi, Leonis I. & Joannis III. epistolas) suisque quietibus & delectationibus inhzrentibus facti sunt, idcirco & olim persæpe (tribus nimirum illis pontificibus) & nostro a sancta apostolica sede tempore (Leone videlicet III.) sunt prohibiti, & ne deinceps a quoquam tam ordinante, quam ordinari cupiente talis præsumptio assumatur, a cunctis nostri regni episcopis in synodo (Ratisponensi) canonicè prohibitum est.

Licet autem chorepiscoporum ministerium damnatum fuerit a Leone & a synodo totius regni, vetitumque ne ipsi deinceps a quoquam fierent episcopo, qui gradus sui periculum vitare vellet, attamen eruperunt iterum, egeruntque altas radices in Galliis. In synodo Novionensi anno 814. chorepiscopi duo sedent post episcopos, sed abbates & presbyteros præcedunt. Ludovicus Pius anno 828. missis dominicis

niciis dedit in mandatis, primum quidem ut inquirerent, quales essent „episcopi, “ Deinde quales essent adjutores ministerii eorum, id est „chorepiscopi, archipresbyteri, archidiaconi, & vice domini, & „presbyteri per parochias eorum. “ Imperante igitur Ludovico pio „floruerunt iterum in Galliis chorepiscopi, regebant ecclesias, confirmabant, & alia quædam jura episcopalia usurpabant. Eorumque „Confirmationes, modo consenserint legitimi episcopi, Rabanus anno 817. approbavit, *lib. 1. de institutione Clericorum, cap. 5.* sed repressa est eorum audacia a concilio Parisiensi anno 829. *lib. 1. cap. 27.* quod factas ab ipsis Confirmationes irritas declarat, episcopos vero monet, “ Ne aliud eis agendum permittant, nisi quod ad eorum officium „proprie pertinet, & in sacris canonibus præfixum habetur. “ Chorepiscoporum tamen ordinationem non prohibet, sed illam juxta canones faciendam esse decernit.

“ Mirabitur forte aliquis, ait Marca *cap. 14. num. 7.* nec immerito „quis redivivis excitaverit chorepiscopos: & unde tanta illorum pervicacia proficeretur, ut rebus tam gravi auctoritate definitis, stare „nollent. Sed omnem admirationem deponet, si quis consideraverit imperfectam esse legem, quæ vetat, sed quod contra factum sit, non irritum decernit, cujus generis erat hæc interdictio, ne chorepiscopi „ordinentur. Quare ab arbitrato episcoporum pendebat hæc institutio. “ Hactenus ille: sed pace tanti viri dixerim, chorepiscoporum ordinationes tandem irritæ & nullæ declarantur *lib. 7. capitul. cap. 318.* Huic tamen decreto episcopis minime parentibus, chorepiscopi eadem ratione qua fovebantur olim a quamplurimis episcopis, ab iisdem vel retenti vel restituti sunt. Causa vero, quæ gratiosos episcopis reddebat chorepiscopos, ea est, quod in se fulciperent omnem curam, & laborem episcopalis ministerii, & desideria episcoporum suis quietibus & delectationibus inhaerentium patrocina rentur, ut elicitur e capitularibus *lib. 6. cap. 119.* & e synodo Meldenſi anno 845. celebrata, quæ *canone 41.* prohibet, 1. “ Ne chorepiscopus sanctum Spiritum tradere tentet, nec ecclesias consecret, neque ecclesiasticos, qui per impositionem manus tribuuntur, id est, non nisi usque ad subdiaconatum, & hoc jubente episcopo, & in locis quibus canones designant, agere præsumant. “ 2. Ne ulla munia episcopalia obeant, licet “ episcopus civitatis, sive propter desidiam, sive propter secularem pervagationem, sive propter infirmitatem consenserit. 3. Si civitatis episcopus obierit, nihil ex episcopali ministerio specialiter episcopis debito attentet; quia ex hoc magnum scandalum & divisionem rerum ecclesiasticarum, atque dilationem in canonicè ordinandis episcopis, Dei ecclesiis accidisse conspeximus, “ Cum videlicet prætextu ministerii, quod vacantibus ecclesiis cathedralibus a chorepiscopis impendebatur, principes ab electionibus concedendis cessarent, ecclesiasticis proventibus ad suam suorumque utilitatem revocassent.

Witasse de Confirmatione.

Ii

catis.

catis . Qua de re Hincmarus Rhemenfis ad Leonem IV. fcripfit, apud
 ipfum conqueftus , “ Quod terrena potestas epifcopo quolibet defun-
 „ ſto , per chorepifcopum folis Pontificibus debitum miniſterium per-
 „ ageret , & res ac facultates eccleſiæ ſecularium uſibus expendenterentur:
 „ & ab illo requirens de his , quos temeritas chorepifcopalis ordina-
 „ re , vel quibus Spiritum ſanctum conſignando tradere præſumebat .“
 Ita Flodoardus *lib. 3. hiſtoriæ Rhemenſis* , *cap. 10.* Perijt enim Hinc-
 mari epiſtola , ſicut & Leonis reſcriptum , quod nihil aut parum vir-
 tutis habuit . Variis enim exortis epifcoporum contentionibus, quæſtio
 iterum revocata eſt in dubium , & ad Nicolaum I. relata , qui anno
 864. conſultus a Rodolpho archiepifcopo Bituricenſi de preſbyterorum &
 diaconorum ordinationibus a chorepifcopis in Gallia collatis , reſpondit
 validas quidem eſſe ordinationes illas : “ Ad formam enim ſeptuaginta ,
 „ inquit , chorepifcopi facti ſunt , quos quis dubitat epifcoporum habuiſ-
 „ ſe officia ? “ ſed vetuit ſimilia a chorepifcopis præter regulas tenta-
 „ ri . Non obtinuit tamen apud Belgicos epifcopos hæc reſponſio , ut
 colligere licet ex ſynodo Metenſi , quæ anno 838. coacta , ſtatuit *ca-*
none 8. “ Ut baſilicæ a chorepifcopis conſecratæ , ab epifcopis conſecren-
 „ tur : quia juxta decreta Damafi Papæ , Innocentii , & Leonis , vacuum
 „ eſt & inane , quidquid in ſummi ſacerdotii chorepifcopi egerunt mini-
 „ ſterio ; quod ipſi iidem ſunt , qui & preſbyteri . “ Nullam etiam il-
 lius decreti Nicolai I. rationem habuit Leo VII. in epiſtola ad Gallos &
 Germanos . Interrogatus enim ad annum 937. a Gerardo archiepifcopo
 Luriacenſi , “ Si a chorepifcopo eccleſiæ debeant conſecrari , aut preſby-
 „ teri ordinari , vel conſignatio chriſmatis , & manus impositio fieri . “
 Reſpondet . “ Hæc omnia a chorepifcopis , ne fiant , interdicimus juxta
 „ canonum decreta . “ Nullum (quod ſciam) poſt hæc veſtigium ex-
 tat chorepifcoporum . Quare illos ſeculo X. in occidente penitus deſiſſe
 neceſſe eſt .

Illis in oriente ſucceſſerunt exarchi ex Baſamone in *can. 57. Laodice-*
num , & ex Harmenopulo in *epitome canonum* , *ſect. 1. tit. 9.*

In occidente vero ſucceſſerunt archipreſbyteri , & archidiaconi , non
 quod illi poſt extinctum chorepifcoporum ordinem tum primum inſtituti
 fuerint ; de chorepifcopis enim ſimul ac archipreſbyteris & archidiaconis
 anno 836. meminit ſynodus Aquigranenſis II. *can. 4.* ſed quia munera
 chorepifcopis tribui ſolita , deinde archipreſbyteris , & archidiaconis ex
 parte ſaltem conceſſa ſunt . Hinc Sigebertus in *chronico* chorepifcopos &
 „ archidiaconos conſudit : “ Damafus (inquit) Papa decrevit , ne quid
 „ contra epifcopos præſumant archidiaconi , qui dicuntur chorepifcopi ,
 „ id eſt , villarum & regionum epifcopi .

§. 2. *Causa institutionis, electio, ordinatio & dignitas
chorepiscoporum.*

CHorepiscoporum originem Rabanus in opusculo de chorepiscopis, quod extat ad calcem tom. 8. conciliorum Labbei, acceptam refert a 70. discipulis, & præsertim a Lino, & Cleto, qui a Petro solo consecrati episcopi, ex ejusdem præcepto diaconos & presbyteros in Romana diœcesi ordinarunt, cæteraque munia episcopalia peregerunt: quæ quidem ex Pontificali pseudo-Damasi excerpta sunt.

Occasionem instituendi Chorepiscoporum ordinis, ex dilatione evangelicæ prædicationis per oppida, pagos & vicos, mihi sumpsisse videntur episcopi. Antiquissimus enim ecclesiæ mos fuit, ut nullus nisi in civitatibus episcopus ordinaretur. Hoc nos docent non modo veteres canones, sed & apostolorum traditio. Videmus enim eos in celeberrimis quibusque urbibus evangelium prædicasse, & ecclesiis in eis constitutis, exinde in oppida & pagos disseminasse. Lapsu igitur temporis, diffusa per universum territorium urbis fidelium multitudine, difficile fuit episcopo urbis per tot loca exercere munia episcopalia, præsertim ubi diœceses circa urbem longe lateque diffundebantur. Erant equidem in singulis pagis presbyteri, aut diaconi, qui populum in ecclesiastica disciplina continerent, & moribundis baptisma conferrent; sed plura erant alia munia, quæ soli episcopi gerebant; episcopum vero semper accersere, aut ipsum adire, & episcopo & diœcesanis longe distantibus molestum erat. Deinde erant aliqui presbyteris & aliis clericis ruranis præficiendi, ne officii sui negligentes essent. His igitur & similibus de causis visum est conciliis provincialibus in oppidis quibusdam a prima sede remotis minores episcopos creare, subditos quidem majori episcopo: sed propter diœcesis commodum, nonnullis episcopalibus prærogativis donatos. Quæ autem fuerint illæ prærogativæ inquiremus *infra*, ubi de Chorepiscoporum muniis. Hæc fuit prima Chorepiscoporum institutionis occasio: eorum enim multiplicatio tribuitur & episcoporum desidæ, qui Chorepiscopos ordinabant, ut eorum ministerio, sollicitudine pascendi gregis levarentur; & principum cupiditati, qui vacantibus ecclesiis cathedralibus Chorepiscopos præficebant, ut redditus ecclesiasticos, ad suam suorumque utilitatem revocarent. Videtis capitularia *lib. 6. cap. 119.* synodum Meldensem anno 845. *cap. 44.* & suppositas Damasi, Leonis & Joannis III. epistolæ.

Fiebat Chorepiscopus ab episcopo civitatis, cui subiciebatur *ex canone 10. Antiochæno*; modus autem quo fieri solebat, refertur *canone 58. Nicæno-Arabetico*: nimirum, "Eligebat episcopus virum, vel ex ipsiis presbyteris, vel ex probis doctisque monachis deserta incolenti-

bus : & stans tunc diaconus alta voce exclamabat : Jam eligimus
 „ N. ut sit Chorepiscopus in tota nostra jurisdictione , ut sciant om-
 „ nes eum in illa dignitate constitutum esse . . . Deinde consueta , &
 „ ad id præstituta fundebat super illum orationes , & benedicebat : tum
 „ vero tradebat illi nomina omnium ecclesiarum & monasteriorum ,
 „ quæ in sua erant jurisdictione , & ipse Chorepiscopus eligebat ali-
 „ quos ex illis , qui erant in eis ecclesiis & monasteriis , quæ erant in
 „ ejus potestate , idoneos & sermone quoque potentes , quorum non-
 „ nullos præciebat ad visitandas ecclesias , & nonnullos ad visitanda
 „ monasteria , ita tamen ut neque ecclesiasticos monasteriis , neque mo-
 „ nachos ecclesiis præficeret . “ Hæc ordinatio solennis erat , eamque
 „ presbyterorum consecrationi præponit œcumenica synodus Chalcedo-
 „ nensis , *can. 12.* cum sacros ordines enumerat , “ Si quis ordinaverit ,
 „ per pecunias , episcopum , aut Chorepiscopum , aut presbyterum , aut
 „ diaconum (en majores ordines) vel quemlibet ex iis , qui connume-
 „ rantur in clero , (en minores ordines) aut promoverit , per pecu-
 „ nias , œconomum , vel defensorem , vel mansionarium , vel quemli-
 „ bet , qui est subiectus regulæ &c. “ (en officia ecclesiastica .) Syno-
 „ dus , ut apparet , sacros ordines , & a minoribus , & ab officiis distin-
 „ guit . Chorepiscopatum inter ordines sacros recenset , eumque subicit
 „ episcopatu , presbyteratu vero præficit . Unde conjicere liceret Chorep-
 „iscopatum fuisse ordinem sacrum a Deo institutum , medium vero in-
 „ ter episcopatum & presbyteratum , nisi ex utriusque , orientalis & oc-
 „ cidentalis , ecclesiæ patribus certo constaret , hierarchiam sacram ex so-
 „ lis episcopis , præbyteris , & diaconis olim compositam fuisse . In eo
 „ igitur canone Chorepiscopi ab officialibus secernuntur , quod eorum ju-
 „ risdictio , & functio mere spiritalis esset ; medii vero recensentur inter
 „ episcopos & sacerdotes , quod illis subessent , istis præessent ; eorumque
 „ dignitas , licet ecclesiastico jure investa , inter utrosque media foret .
 „ Quemadmodum autem episcoporum & sacerdotum , ita & Chorepisco-
 „ porum ordinatio , per orationes & manus impositionem fieri solebat . O-
 „ rationis meminit canon Arabicus ; manuum impositionis canon Chalce-
 „ donensis ; “ Si quis ordinaverit &c. *χρεποπνίστην* , episcopum , Chorepif-
 „ copum &c. “ Utriusque rituale Maronitarum ordinationum , quod
 „ nobis speciale formulam exhibet ordinationis Chorepiscopalis , in qua ,
 „ cum consecratur episcopus , manus impositio , orationi conjungitur . Ri-
 „ tualis ille liber , de Maronitarum ordinationibus , integer extat apud
 „ Morinum , tractatu de sacris ordinationibus *parte 2. pag. 379. 380. &c.*
 „ Et in eo integra Chorepiscoporum ordinatio speciali capite ad id de-
 „ deputato enarratur .

Utrum etiam in occidente , sicut & in oriente Chorepiscopi specia-
 lem ordinationem haberent , negat Morinus in eodem tractatu , *parte*
3. exerc. 4. cap. 2. num. 17. “ Eo quod fero admodum apud Latinos ad-
 mis-

„ missus fuit novus iste Chorepiscoporum ordo , & vix tribus seculis
 „ viguit. Deinde non modo recentiores rituales Latini , verum etiam
 „ antiquissimi , nullos ritus consecrationis dignitatum ecclesiasticarum ,
 „ si episcopalem excipias , nobis representant. “ Verum synodus VI. Pa-
 risiensis , anno 829. celebrata *lib. 2. cap. 27.* licet factas ab ipsis Confir-
 mationes & ordinationes irritet , eosque ad exemplum & formam sep-
 tuaginta discipulorum esse definiat , statuit tamen ut eorum ordinatio
 fiat , pro ut jura canonum decernunt. Particularem igitur in eis ordi-
 nationem requirit.

Qualis vero & quanta esset eorum dignitas apparet *ex canone 13.*
 Ancyrano , ubi *episcoporum vicarii* dicuntur ; *ex canone 14.* Neocæsariensi ,
 ubi *sacra faciunt* , præsentem episcopo , *oblationem distribuunt* , & *hono-*
rantur ut episcoporum comministri ; *ex canone 8.* Antiocheno , quo illis
 committitur , ut *canonicas* dent litteras , *pacificas* , seu communicatorias
 & formatas ; quod solis episcopis licebat *ex Concilio II. Hispalensi*
cap. 7. item *ex eorum arrogantia* : ut enim episcopi sese æquarent , am-
 biebant ordinari a Patriarchis , vel a metropolitibus ; quam superbiam re-
 presserunt patres Antiocheni , *can. 10.* statuentes , ut illi a civitatis epis-
 copo promoverentur. Præterea *ex synodo Regiensi* , anno 439. *can. 3.*
 unde aperte sequitur , juniores episcopos , *pro ætatis reverentia* , plerum-
 que cedere solitos Chorepiscopis. Ibi enim Chorepiscopatus Armenta-
 rio deposito *ex misericordia* conceditur , non amplius quidem & diffu-
 sus , sed ambexus , certisque legibus restrictus , quas inter , hæc est ,
 „ Ne ulli episcoporum in rudimentis suis huic , in aliquo , quasi pro
 „ ætatis reverentia , cedere liceat. “ Postremo Chorepiscoporum digni-
 tas apparet *ex citato Maronitarum rituali* , quod clericorum ordina-
 tiones suo quaslibet gradu & ordine referens , Chorepiscopos solis epis-
 copis immediate subjecit , cæteris præponit ; primum enim exhibet *or-*
dinationem psalterii , mox *lectoris* , deinde *subdiaconi* , tum *diaconi* , archi-
 diaconi , presbyteri , & archipresbyteri , postea Chorepiscopi , episcopi
 & Patriarchæ. Capite vero de ordinatione episcopi , disertis terminis
 asserit consecrandum episcopum sumi *ex ordine Chorepiscopi* , qui ex-
 cellior est , & dignior archipresbytero. Quid igitur sibi volunt Nicæni
 canones Arabici , qui archidiaconos Chorepiscopis æquales , vel etiam
 loco superiores faciunt ? ambo enim dicuntur dux manus & dux alæ ,
 quibus volat episcopus , *ex canone 58.* ambo præeunt funeri episcopi ci-
 vitatis , “ quemadmodum filii præeunt funeri patris sui , “ *ex canone*
 „ 65. utriusque funeri præit episcopus , “ Quemadmodum pater præit
 „ funeri filii sui , “ *ibidem* ; ambo “ pastores & patres cuncti gregis
 „ dicuntur , *ibidem* ; utriusque funeri cunctus grex interest , quia pasto-
 „ res & patres illis omnibus erant , *ibidem* ; ambo sedent hinc & inde
 „ in sedilibus ecclesiæ , *ex canone 70.* “ Cum deambulat episcopus , sive
 „ in ecclesia , sive alibi , archidiaconus stat ad dexteram , Chorepisco-
 „ pus ad sinistram , ipse vero in medio eorum tanquam pater inter fi-
 lios ,

Witasse de Confirmatione.

li 3

„ lios ,

„lios, *ibidem* : cum stat episcopus in oratione in fronte templi ad
 „medium altaris, ut pastor & gubernator, post illum ad latus dex-
 „trum stat archidiaconus, ut ejus vicarius, & omnibus elemosynis,
 „& ecclesiæ rebus, & negotiis præfectus; Chorepiscopus vero stat
 „post archidiaconum ad latus sinistrum episcopi, quia ipse quoque vi-
 „carius est episcopi super pagos monasteria, & pagorum sacerdotes. “
 Hæc sane non conveniunt cum ambitu Chorepiscoporum, qui eo tan-
 dem devenerunt, ut jura episcopalia usurpare, & sese episcopis exæ-
 quare præsumerent : quo fit ut nonnulli eos veros episcopos existima-
 verint. Qua de re §. 3. vel §. 4. *sequenti*.

§. 3. Munia Chorepiscoporum.

MUNIA Chorepiscoporum, alia jurisdictionis, alia ordinis po-
 testatem respiciebant. Amplissima eorum in oriente potestas fuisse
 videtur.

1. Offerebat, præsentem episcopo, & oblationem distribuebat. Ex ca-
 none 8. Antiocheno.

2. Offerebat, præsentem episcopo, & oblationem distribuebat. Ex ca-
 none 14. Neocæsariensi.

3. Regebat omnes ecclesias pagorum & cuncta monasteria. Ex ca-
 none 58. Nicæno-Arabico: Quid autem in illis regendis præstaret ex-
 ponit Ebbo, archiepiscopus Remensis, qui floruit ab anno 820. ad an-
 num 855. in appendice ad Flodoardum in *historia ecclesiæ Rheimensis*, “
 „Chorepiscopi ministerium est omnem sacerdotalem totius regionis si-
 „bi commissæ conversationem corrigere atque dirigere, id est in con-
 „ficiendis divinis sacramentis & baptisterio omnium intellectum exci-
 „tare, populum regionis prædicare, confessiones exigere, pœnitentiam
 „cum discretionem caute imponere, hospitalitatem sectari, infirmos vi-
 „sitando obsequia benignitatis & benedictionis & sanctæ unctionis in-
 „ferre, communioni sanctæ dignos fieri populos assidua communione
 „exercere, mortuos cum commendationibus animæ & orationibus, di-
 „gnis obsequiis sepulturæ venerabiliter tradere, pro vivis etiam ac de-
 „functis totius ecclesiæ filiis rationabili assiduitate exorare, insuper
 „vero omnia quæcumque intra ecclesiam, & extra ecclesiam in clau-
 „stro & in omnibus habitationibus a maximo usque ad minimum,
 „quemcumque viderit negligere, secundum ecclesiasticum correptionis
 „modum semper corripit, & omnem veram religionem prior ipse
 „faciendo omnes facere doceat.

4. “ Omnes pagorum sacerdotes bis quot annis congregabat ad sa-
 „lutandum episcopum, videlicet principio hyemis, & in solemnitate
 „resurrectionis Domini. Monachos vero semel in anno, si ita placeret
 „Chorepiscopo. “ Ex canone 60. Nicæno-Arabico.

5. Neophytos in agris & villis consistentes confirmabant. “ Chore-
 „pif

„ pifcopi, inquit, Ifidorus *lib. 2. de officiis ecclef. cap. 6.* instituti funt „ propter follicitudinem pagorum. “ Quæ vero eſſet hæc follicitudo „ exponit Rabanus *lib. 1. de inſtitut. clericor. cap. 3.* in fine, “ Ordinati „ funt autem Chorepiſcopi propter pauperum curam, qui in agris & „ villis conſiſtunt, ne eis ſolacium Confirmationis deeſſet. “ Canon „ 59. Nicæn. Arabic. præſcribit duntaxat, ut filiis & filiabus ad clerum „ & monaſteria ſegregatis, manus imponant, & Confirmationis ſignacu- „ lum adhibeant.

6. Non modo confirmabant, ſed etiam eccleſias & virgines con- ſecrabant. Nuſquam enim legitur aliquo orientali canone illis pro- hibitum, ſacramentum Confirmationis miniſtrare, eccleſias & virgi- nes conſecrare.

7. Lectores & ſubdiaconos, atque exorcifas conſtituebant, etiam præ- ter conſcientiam epifcopi civitatis, *ex canone 10. Antiocheno.* Concilium tamen Nicænum II. anno 787. habitum *can. 14.* ubi meminit de lecto- rum ordinatione a Chorepiſcopis fieri ſolita, epifcopi permiſſum requirit ex antiqua conſuetudine.

8. Ea olim erat conſuetudo, “ Ut qui eccleſiæ miniſtrabant, non „ niſi diligentiffime & accuratiſſime probati admitterentur. Omnis eo- „ rum vitæ agendæ ratio curioſe inquirebatur, an non eſſent maledi- „ ci, an non ebrioſi, an non prompti ad pugnas, an ſuam juven- „ tem erudirent ac caſtigarent, ut poſſent ſanctificationem recte gere- „ re, ſine qua nemo Dominum accipiet. Et hæc quidem examinabant „ preſbyteri & diaconi, qui cum eis verſabantur. Referebant autem „ ad Chorepiſcopos, qui teſtificantibus ſuſceptis ſuffragiis, & eorum „ admonitis epifcopis, ita miniſtrum in ſacerdotalem numerum coop- „ tabant. “ Ita Baſilius magnus *in epiſt. 88.* qui conqueritur de ſuis Chorepiſcopis, quod illi, ut omnes in ſe transferrent auctoritatem, de miniſtris in ſacerdotalem numerum cooprandis nihil ad epifcopum refer- rent. “ Nunc autem nobis primum excluſis, nec ad nos referre in ani- „ mum inducentes, omnem in ſe auctoritatem transferunt.

9. Non defunt viri eruditi, qui ex hoc Baſilii textu, & ex orien- talibus canonibus inferant, Chorepiſcopos in oriente diaconos & pre- byteros, annuente tamen civitatis epifcopo, ordinari, qua de re ſ. ſequenti.

Omnia fere hæc Chorepiſcoporum munia paucis complexus eſt Iſi- dorus, *lib. 2. de officiis eccleſiaſt. cap. 6.* Chorepiſcopi, id eſt vicarii E- piſcoporum, juxta quod canones ipſi teſtantur, (Ancyranus 13. Neo- cæſarienſis 14. & Antiochenus 10.) ordinantur : *tomo 10. bibliot. pa- trum, & apud Morinum exercit. 4. pag. 54. num. 10.* Ampliſſima eſt (ut apparet) ea poteſtas, quam illis tribuit ſecundum canones Græcos Iſido- rus, eaque, nemine conquerente, in oriente utebantur.

Eadem poteſtate illos in occidente uſos eſſe ſeculo V. certum vide- tur ex Concilio Regienſi anno 439. quo Armentario Chorepiſcopatus

conceditur, insignitus quidem " jure consecrandi virgines in ecclesia
 „ in qua ordinatus fuerit : neophytos confirmandi in castellis ac vicis :
 „ offerendi ante presbyteros (eosque loco præcedendi :) plebi, quam ac-
 „ ceperit, ex constitutionibus hujus (synodi) permisso, benedicendi : (de-
 „ curtatus vero potestate) in civitatibus, vel sub episcoporum absentia
 „ offerendi & ordinandi, vel ultimum clericum, nec in ea quidem ec-
 „ clesia, quæ illi fuerit attributa.

Sed multi occidentis episcopi seculis retro sequentibus ægre admo-
 dum tulerunt ista Chorepiscopos audere, & qua potuerunt auctoritate
 ab his cœptis eos prohibuerunt. Hoc severissime illis interdicunt secu-
 lo VIII. suppositæ Pontificum epistolæ, Damasi *epist. 4.* Leonis *epistol.*
 88. Felicis IV. *epist. 1.* Joannis III. *epistol. unica*, Concilium Parisien-
 se VI. *lib. 1. cap. 27.* Meldense *cap. 4.* Metense *cap. 8.* & capitularia
lib. 5. cap. 168. lib. 7. cap. 187. & 324. Cum enim lapsu temporis in om-
 nes fere episcoporum prærogativas involarent, omnia quoque episcopa-
 lium munitiorum privilegia illis Galliz & Germaniz episcopi rescide-
 runt, ut videre est locis jam citatis, quibus factæ ab ipsis neophyto-
 rum Confirmationes, virginum & ecclesiarum consecrationes, diacono-
 rum & presbyterorum ordinationes, irritæ declarantur. De quibus mo-
 do agendum est.

§. 4. *De variis opinionibus circa episcopatum & ordinationes ac
 Confirmationes Chorepiscoporum.*

QUÆRITUR utrum Chorepiscopi essent veri episcopi ; diaconos
 & presbyteros rite ordinarent ; & neophytos valide confirmarent .
 Quatuor sunt sententiæ : Prima docet eos vere episcopos fuisse, licet
 eandem, quam episcopi, dignitatem non haberent, nec pari honore
 ac reverentia colerentur. Ita Franciscus Hallerius *de sacris electionibus*,
 2 parte, *sect. 5. cap. 2. art. 2. §. 2. num. 7. 8. 9. pag. 585.* Secunda existimat
 Chorepiscopos vere episcopos non fuisse, sed presbyteros auctoritate in
 collegas donatos ; eos tamen, non ex officio quidem, sed ex consen-
 su episcoporum, valide confirmasse, neophytos & diaconos ac presby-
 teros rite ordinasse. Ita Morinus *de sacris ordinat. 3. part. exercitat. 4.*
 Tertia putat Chorepiscopos nec episcopos fuisse, nec diaconos aut pres-
 byteros valide ordinasse, valide tamen neophytos confirmasse. Ita Pe-
 trus de Marca *lib. 2. de concord. cap. 13. & 14.* Quarta sentit Chorepi-
 scopos nec episcopos fuisse, nec factas ab ipsis ordinationes & Confirma-
 tiones ratas fuisse. Ita Petrus Aurelius in *orthodoxo parte 2. quæ opinio*
 communior est. De singulis opinionibus seorsim agendum est.

§. 5. *Utrum Chorepiscopi essent veri episcopi.*

QUÆRITUR itaque utrum Chorepiscopi fuerint vere episcopi, an vero tantum presbyteri aliqua dignitate aucti, non secus ac archidiaconi nihil aliud sunt, quam diaconi, sed auctoritate in collegas donati. Affirmant ex antiquis Rabanus in opusculo *de Chorepiscopis*, & ex recentioribus Franciscus Hallerius in opere *de sacris electionibus*. Negant plures antiqui & recentiores.

Affirmans opinio hisce argumentis statui potest.

Primo, quia Chorepiscopi inter episcopos sedent, definiunt & subscribunt Conciliis, Neocæsariensi, Nicæno, Ephesino, & Chalcedonensi, de quibus *supra*. Nec enim presbyteri inter episcopos sedent. Ita Rabanus.

Secundo, quia Cæsarius, Arcensis seu Sartenis Chorepiscopus, qui Concilii Ephesini *actione 1.* sedet initio sessionis inter episcopos, eique velut Chorepiscopus subscribit, idem velut episcopus subscripsit *actione 6.*

Tertio, quia synodus Ancyrana *can. 13.* permittit Chorepiscopis, ut presbyteros civitatis ordinare possint cum licentia ejusdem civitatis Episcopi litteris mandata. Ita Rabanus & Hallerius.

Quarto, quia *Canone 14.* Neocæsariensi vocantur *συλλειτουργοί*, quo nomine Episcoporum collegæ sæpe intelliguntur. Ita Hallerius.

Quinto, quia *Canone 57.* Laodicæno præscribitur, "Quod non oportet in vicis & pagis episcopos constitui, sed periodeutas (hoc est, circumcursatores, seu visitatores) eos autem, qui prius constituti fuerunt, nihil agere sine mente episcopi, qui est in civitate, seu, ut Isidorus habet, præter conscientiam episcopi civitatis; similiter autem & presbyteros nihil agere sine mente episcopi." Videtur hoc canone vetari, ne deinceps episcopi in vicis constituerentur, sed solum presbyteri visitorum officio functuri: quod tamen observatum non est. Ubi vero episcopi in vicis constituti fuerint, præcipi, ut sine conscientia civitatis episcopi, nihil moliantur, ne pax atque unitas ecclesiæ turbaretur. Unde colligitur fuisse isto tempore constitutos in pagis episcopos, ἐν τοῖς χωρίοις ἐπισκόπους, qui non modo a presbyteris, sed etiam a periodeutis distincti, & ipsis superiores essent. Quid autem ἐν τοῖς χωρίοις ἐπίσκοποι, nisi archiepiscopi?

Sexto, quia Concilium Antiochenum *canone 8.* permittit solis Chorepiscopis, ut dent litteras communicatorias, quod solis episcopis licebat, ex Concilio II. Hispalensi *can. 7.*

Septimo, quia idem Concilium Antiochenum, *can. 10.* Chorepiscopos episcopis accenset, & episcopalem consecrationem suscepisse refert, ut patet tum ex iis verbis; "Etiam si episcoporum ordinationem, ma-

„ num-

„numve impositionem acceperint;“ vel sicut habet Dionysii versio: „Qui in vicis vel possessionibus Chorepiscopi nominantur,“ quamvis manus impositionem episcoporum perceperint, & ut episcopi „consecrati sint &c.“ Tum ex canonis ipsius sententia, qui nempe presbyteros & diaconos, ex consensu episcopi dioceseos, ordinare Chorepiscopis permittit.

Octavo, quia episcopi recens ordinati pro ætatis reverentia Chorepiscopis loco plerumque cedebant.

Nono, quia Leo I. *epistola* 86. alias 88. ait Chorepiscopos quamquam consecrationem habeant, Pontificatus tamen apicem non habere, id est, licet ordinem Episcoporum habeant, dignitatem tamen & locum episcopi non habere.

Decimo, quia in lege græca Justiniani ad Marcianum præfectum cap. *de episcopis & clericis*, Chorepiscopi periodeutis, & periodeutæ aliis sacerdotibus præponuntur.

Decimoprimo, quia Justus, qui sub Hillidio Arvernorum episcopo, Chorepiscopatus munere fungebatur, episcopus dicitur in tabula marmorea, cui hoc epitaphium appositum est. *Ibi requiescit sanctus Justus Arvernorum episcopus.*

Decimosecundo, quia Claudianus quoque Mamerci Viennensis frater a Gennadio *lib. de viris illustribus*, ubi de Salviano, episcopus nominatur. Scripsit Salvianus expositiones extremæ partis ecclesiasticis ad Claudianum episcopum Viennensem. Claudianus vero, quem Sidonius Apollinaris, *lib. 4. epist.* 11. ante fratris obitum decessisse testatur, non alia sub eodem quam Chorepiscopatus munia obibat: illum enim Sidonius *ibidem* fratris consiliarium in judiciis, vicarium in ecclesiis, & procuratorem in negotiis fuisse observat, & antistitem ordine in secundo esse scriptit.

*Amistes fuit ordine in secundo,
Fratrem fasce levans episcopali.
Nam de Pontificis tenore summi
Ille insignia sumpsit, hic laborem.*

Nemo est, qui non videat merum Chorepiscopum ibi describi, qui vices episcopi gerit.

Decimotertio, quia Nicolaus I. in *epistola* 39. quæ responsio est ad Rodolphum, archiepiscopum Bituricentem, officia episcopalia Chorepiscopis diserte asserit, presbyterorum ac diaconorum ordinatione ab ipsis factas tanquam validas approbat, & in ordine ipsos episcopos, quamvis certis conditionibus eorum limitanda potestas dicatur, constitutos refert. Ita Hallerius, qui postremum illud argumentum ait *esse efficax pro ea sententia testimonium*. Verba sunt Nicolai: „Ad formam 70. Chorepiscopi facti sunt, quos quis dubitet episcoporum habuisse officia? sed quia sacri canones vetant, ne omnes omnia sibi vindicent,

„ ac per hoc dignitas Episcoporum ad Chorepiscopos suos videatur
 „ transferri, fiatque vilior honor Episcopi, decernimus in hoc nihil
 „ præter regulas effici.

Decimoquarto, quia *libro 7. capitularium cap. 318.* Chorepiscopi, antequam eorum ordinatio prohiberetur, veri asseruntur episcopi.

Ad hæc argumenta responderi potest, nempe.

Ad primum respondeo 1. contigisse aliquando, ut ex chorepiscopis nonnulli fuerint episcopi, sicut dictum est. 2. Conciliorum subscriptiones plerumque variatas & mutatas fuisse, adeo ut nullum fere argumentum ex illis certo colligi possit. Hinc Cæsarius initio primæ actionis Ephesinæ dicitur simpliciter chorepiscopus, *Cæsario chorepiscopo*, & in eadem actione apud synodum Chalcedonensem relata; dicitur chorepiscopus Arcefenæ, *Cæsario chorepiscopo Arcefenæ*. In subscriptionibus vero ejusdem primæ actionis Ephesinæ vocatur civitatis Aleæ chorepiscopus, *Cæsarius civitatis Aleæ chorepiscopus subscripsit &c.* Et in subscriptionibus actionis 6. Ephesinæ, nuncupatur episcopus civitatis Sartzæ; *Cæsarius episcopus civitatis Sartzæ subscripsit*. 3. Ex illis chorepiscopis plures aliorum vice subscripsisse, quales ii omnes, qui subscripserunt actionibus concilii Chalcedonensis, unde conicere licet idem in aliis synodis factitatum fuisse, sed in nominibus subscriptis plures contigisse temporum serie mutationes.

Ad secundum respondeo Cæsarium in concilio Ephesino vocari modo *chorepiscopum Arcefenæ*, modo *civitatis Aleæ chorepiscopum*, modo *episcopum civitatis Sartzæ*; adeoque vel Cæsarium, qui dicitur episcopus civitatis Sartzæ, alium esse a Cæsario, qui nominatur *civitatis Aleæ*, vel *Arcefenæ chorepiscopus*, vel mendum irrepisse in subscriptionibus, & pro *episcopo* legendum esse *chorepiscopum*. Ita enim vero si pro civitate *Sartzæ* substitui potuit civitas *Aleæ* & *Arcefenæ*: quanto magis *episcopus* pro *chorepiscopo*. Ex eo vero, quod Cæsarius inter episcopos sederit, vel subscripserit, nihil sequitur. Eusebius enim, licet presbyter, & Phœtinus, licet archidiaconus, inter episcopos sedent & subscribunt *actione* 8. & 15. Chalcedonensi; quod episcoporum vices agant.

Ad tertium respondeo 1. canonem illum Ancyranum vitiatum fuisse, qua de re §. *sequenti*. 2. Non deesse theologos & canonistas, qui doceant simplices sacerdotes committi posse, ut presbyteros ordinent. Qua de re *supra*, pag. 485.

Ad quartum respondeo συλλειτουργός idem significare ac *comministros*, quæ quidem vox episcoporum collegas minime designat. Clericos enim inferioris ordinis Augustinus *comministros* vocat, quos tamen ejus in episcopatu collegas nemo dixerit. Præterea *canone* 35. concilii IV. Carthaginensis, episcopus dicitur *collega presbyterorum*. “ Episcopus collegæ, gam se presbyterorum cognoscat. “ Si episcopus dicitur collega presbyterorum, igitur & presbyteri dici possunt episcoporum collegæ. Denique nulla ratio subest, ut collegæ nomen ad æqualitatem officii signi-

gnificandam transferatur, cum collegæ dici possint, qui sunt ejusdem collegii, quamvis unus alteri præsit, collegiique caput sit, alii vero minime, ut ex eo patet, quod Cyprianus passim Cornelium & Stephanum summos pontifices, collegas vocet, (videbis Cyprianum *epist.* 4. ad clerum Romæ, *epist.* 41. ad Cornelium, *epist.* 52. ad Antonianum, *epist.* 67. ad Stephanum, *epist.* 68. & 71. ad Quintum, *epist.* 73. ad Jubajanum :) quod Lucius papa Cyprianum collegam appellet (Lucii epistola inter Cyprianæas 79.) quod in concilio Africano *can.* 21. 22. & 31. episcopi omnes Africani collegæ dicantur, cum tamen episcopi Carthaginensis inter ipsos ea fuerit prærogativa, ut illo inconsulto, nihil cæteris facere licuerit. Videbis Pamelii notas in *epist.* 4. Cypriani.

Nec dicas, episcopum & presbyteros diversi esse collegii.

Enimvero, si ex concilio IV. Carthaginensi, episcopus est collega presbyterorum, ejusdem cum ipsis collegii sit necesse est. Deinde "quid est episcopus, inquit apud Augustinum auctor *questionum veteris ac novi testamenti, quest.* 101. nili primus presbyter, hoc est summus sacerdos? quid episcopatus, nisi summum sacerdotium? "Accedit doctrina S. Thomæ, qui negat episcopatum a presbyteratu ordine distingui. Dato vero, quod uterque ordine & charactere differat, nihilominus "sacerdotium, inquit Hallerius in opere *de sacris electionibus, pag.* 377. tanquam unicus ordo constituitur, qui postea in episcopatum & presbyteratum, non tanquam in membra adæquate distincta, sed tanquam in membra inadæquate diversa, quorum unum alterum includit, distribuitur: eoque sensu diversi ordines aliquando negantur, quod episcopatus sit tantum presbyteratus perfectio, & presbyteratus sit episcopatus imperfectus; unde sacerdotium non tam ordinis duos, quam *ordinem bipartitum*, dixit Anacletus, *epist.* 3.

Ad quintum respondeo canonem Laodicenum loqui de episcopis, non autem de chorepiscopis; eoque canone idipsum statui quod canone 6. Sardicensi; nempe "licentiam dandam non esse ordinandi episcopum, aut in vico aliquo, aut in civitate modica, cui sufficit unus presbyter; quia non est necesse ibi episcopum fieri, ne vilescat nomen episcopi & auctoritas: qua de re videbis Gratianum *distinct.* 80.

Ad sextum respondeo 1. canones in iis quæ ad disciplinam attinent, plerumque diversos esse: sic *canone* 7. concilii II. Hispalensis formatarum quarumlibet epistolarum concessio presbyteris interdicitur: canone contra 8. Antiocheno vicinis etiam presbyteris permittitur, ut communicatorias dent litteras ad viciniore, non autem ad remotiores episcopos. "Presbyteri, qui sunt in agris, canonicas epistolas dare non possunt; ad solos tantum vicinos episcopos litteras destinabunt. Chorepiscopi autem, qui sunt irreprehensibiles, dare possunt pacificas, id est, generales epistolas. "Ita Dionysius Exiguus: paulo aliter Ildorus Mercator, "Neque presbyter ad regiones longinquas forma-

„tas (id est canonica) epistolas dare : & nisi ad finitimos episcopos ,
 „simplices epistolas mittere præsumat . Vicariis vero episcopi , qui a
 „græcis chorepiscopi vocantur , formatas facere liceat . “ Græca vero
 editio sic habet Μηδὲ πρεσβυτέρως τὰς ἐν ταῖς χάραις κανονικὰς ἐπι-
 στολάς δίδοναι , ἢ πρὸς μόνους τὰς γείτονας ἐπισκοπὰς ἐπιστολάς ἐκ-
 πέμπειν . τὰς δὲ ἀνεπιληπτὰς χωρεπισκοπὰς δίδοναι ἱερωικὰς . Quæ
 quidem verba ita reddi possunt : “ Neque presbyteri , qui sunt in pa-
 „gis , dent canonicas epistolas : sed ad solos vicinos episcopos emit-
 „tant epistolas . Chorepiscopi autem qui sunt irreprehensibiles dent pa-
 „cificas . “ Non recte igitur vertit Gentianus Hervetus : *vel ad so-
 los vicinos* &c. Particula enim ἢ apud Homerum plerumque usurpatur
 pro *ἀλλὰ* : eamque in hoc canone ita usurpandam esse apparet , cum ex
 ipso textu qui particulam adverbativam requirit , cum ex ipso sensu , qui alias
 ineptus esset . Vox sane , *μόνους* , id est *solos* , illud aperte indicat , illa enim
 vel ibi superflua est , vel particulam ibi adverbativam præsupponit . 2. Canon
 Hispalensis loquitur de simplicibus presbyteris , Antiochenus vero de chore-
 piscopis , sive (ut vertit Isidorus) *vicariis episcoporum* . Mirum autem
 esse non debet , si chorepiscopi , episcoporum vice agentes , distinguantur
 a simplicibus presbyteris , & canone Antiocheno facultatem obtineant ,
 quæ canone Hispalensi denegatur simplicibus presbyteris , & episcopis
 propria declaratur . 3. Canon Antiochenus loquitur duntaxat de pa-
 cificis litteris , quas a chorepiscopis dari permittit : Hispalensis vero
 de formatis quibuscumque epistolis , quas simplicibus sacerdotibus con-
 cedi prohibet . Ecclesiasticæ litteræ quarum commercio unius ecclesiæ
 catholicæ servari , ac proinde probari solebat unitas , *formatæ* diceban-
 tur , eoque nomine appellabantur , quod certa quadam forma conciperentur .
 Videtis *appendicem tomi 8. conciliorum Labbei pag. 1892.* ubi
 nonnulla earum extant exempla . Erant autem varia formatarum gene-
 ra , communicatoriæ , canonicæ , pacificæ , commendatitiæ , dimissoriæ ,
 & confessoriar , quibus addunt nonnulli , tractorias , tractatorias , syno-
 dicas , encyclicas , seu catholicas & clericas . De quibus videtis Balsamonem ,
 Zonaram , Baronium *in epitome ad annum 142. num. 6. 7. 8. & 9.* Binium *in notis ad vitam Sixti I. & ad canonem 25. Illiberitanum* ,
 Garfiam , Loaysiam *in notis ad canonem 7. Hispalensem* , Sirmundum *in
 notis posthumis ad canonem 9. Arelatensem* , Albaspinæum *in notis ad ca-
 nonem 25. Illiberitanum* , ad canonem 7. *Arelatensem* , & ad canonem 11.
Chalcedonensem , & Cabassutium *in notitia ecclesiastica* . Communicato-
 riæ , canonicæ , & pacificæ , laicis concedebantur : dimissoriæ clericis :
 commendatitiæ clericis & laicis honoratis : confessoriar peregrinis : cle-
 ricæ sede vacante a clero scribi solebant : confessoriar a confessoribus :
 canonicæ vero & pacificæ , aliæ generales erant , quæ ad omnes episco-
 pos , aliæ simplices , inquit Isidorus Mercator , qui ad viciniore episco-
 pos dirigebantur : priores ex concilio Antiocheno a solis episcopis , eo-
 rum-

rumque vicariis; posteriores ab ipsis etiam vicariis presbyteris concedi poterant. De his alibi fusius.

Ad septimum respondeo 1. priora hujusce canonis verba, si græcus sermo attendatur, dubium sensum habere: *ἐν τῇ χειροποισίᾳ εἰς ἐπισκοπῶν εἰληφότες*, id est "quamvis manuum impositionem episcoporum," acceperint: "quæ verba sic possunt accipi, "quamvis manus impositionem ab episcopis acceperint, "vel "quamvis eandem, quam," episcopi, manuum impositionem acceperint. "Ex priori sensu nihil sequitur: simplices enim presbyteri per manus impositionem ab episcopis suis ordinantur: posteriorem sensum in sua versione amplexi sunt Dionysius Exiguus, & Isidorus Mercator, sed priorem probabilem existimant viri eruditi, quos inter Thomassinus *parte 1. lib. 1. cap. 18. num. 6. 2.* Hæc verba posteriori sensu accepta nihil officiant opinioni, quæ chorepiscoporum ordinationem civitatis episcopo tribuit, eosque in presbyterorum numero recenset: sed exceptionem adhibent, ut sensus sit: "Ii qui sunt in vicis vel pagis, quique dicuntur chorepiscopi, quamvis manus impositionem episcoporum perceperint, & ut episcopi consecrati sint, tamen sanctæ synodo placuit, ut modum suum recognoscant: "id est quamvis accidere possit ut eorum nonnulli, ut episcopi, consecrati fuerint, ut cum præter regulam chorepiscopatus ab episcopo aliquo exercetur, sui tamen ministerii modum excedere non debent.

Ad octavum respondeo solutionem ex eodem canone petendam, ubi juniores episcopi chorepiscopis locum plerumque cedere dicuntur, *pro ætatis*, non autem pro dignitatis, *reverentia*.

Ad nonum respondeo 1. epistolam suppositam esse. 2. In ea doceri & probari, quod *chorepiscopi* non sint episcopi, sed *juxta canones Neocaesarienses*, sive secundum aliorum decreta patrum iidem sunt, qui & presbyteri. De presbyteris proinde ac de chorepiscopis asseri, quod quamquam consecrationem habeant, pontificatus tamen apicem non habent.

Ad decimum respondeo, inde quidem colligi chorepiscopos a perindeutis distinctos, eisque superiores fuisse, contra quam Marca sentit *libro 2. de concord. cap. 13. num. 6.* non autem illos fuisse episcopos. Presbyteris enim præstant archipresbyteri, & istis vicarii generales, quos nullus ideo episcopos dixerit.

Ad undecimum respondeo 1. non legi, quod Justus sub Hillidio chorepiscopatus munere fungeretur. 2. Mendum aliquod in hanc tabulam marmoream irrepsisse; Hillidius enim ex Gregorio Turonensi *libro 1. hystor. cap. 40.* Justum habuit archidiaconum.

Ad duodecimum respondeo Gennadii locum emendandum esse, & rescribendum esse, *ad Claudianum chorepiscopum Viennensem*: nunquam enim episcopatum Viennensem obtinuit, cum illi Mamercus superstes

fuerit. Joannes quidem Savaro in *notis ad Sidonium*, putabat Claudianum archidiaconi munus exercuisse in ecclesia Viennenli, unde adeptus esset *antistitis* nomen *ordine in secundo*. Verum hæc explicatio aliena est a modo loquendi veterum, qui presbyteros in secundo ordine, diaconos in tertio, & subdiaconos in quarto ordine constituunt: hinc Hieronymus in *epistola ad Fabiolam*, presbyteros vocat *secundi ordinis preceptores*: hinc synodus IV. Romana, sub Symmacho, *cap. 6.* presbyterum appellat *hominem secundi in ecclesia ordinis*: hinc Montanus episcopus Toletanus in *epist. ad fratres territorii Palentini*, presbyteros curatos in *secundo dignitatis gradu* a Deo statutos definivit: hinc ipse Sidonius *lib. 4. epistola 25.* Joannem Cabilonensem electum episcopum, nuncupavit *secundi ordinis sacerdotem*: hinc Theodolphus Aurelianensis in *communitio ad parochos*, presbyteri gradum ab episcopi gradu *secundum* esse monuit: hinc Optatus *lib. 3. contra Parmenianum*, ait diaconos in *tertio*, presbyteros in *secundo sacerdotio*, constitutos, episcopos vero omnium principes & sacerdotes: hinc Leo magnus *epist. 84. cap. 4.* constituit subdiaconos in hoc ordine, qui quartus a capite est: leviticum ministerium in tertio: presbyteralem honorem in *secundo*; & episcopalem excellentiam in *primo ordine*. Itaque archidiaconus erat primicerius tertii ordinis diaconorum; sed chorepiscopus erat *antistes ordine in secundo*.

Ad decimumtertium respondet Aurelius in *orthodoxo, parte 1. cap. 6.* hanc epistolam, quam Sirmondus ipsi objecerat, Nicolai nomine suppositam fuisse. Nicolaus enim, inquit, "Rodulpho rescribere dicitur, hoc modo: Ad formam enim septuaginta chorepiscopi facti sunt, quos quis dubitet episcoporum habuisse officia? ac deinceps presbyterorum & diaconorum ordinationes ab iis factas ratas habet, & repeti vetat, ab iisque ordinatos tuetur, quo quid stolidius, & a perpetuo ecclesie Romanæ, & Gallicanæ sensu discrepantius fingi potuit? nam ut omittam nemini unquam in mentem venisse 70. discipulos episcoporum officia, idque sine ulla dubitatione, habuisse; ut omittam synodos, Parisiensem (*lib. 1. cap. 27.*) Meldensem (*can. 44.*) Metensem (*can. 5.*) aliasque paulo ante habitas, quarum decretis, citatum illius epistolæ caput comminuitur; claræ sunt voces Leonis III. Papæ, qui non ita multo ante Carolo magno, missis Romam legatis, consultus respondit, quidquid episcopalis officii chorepiscopi attigissent, id velut inane & irritum, ab episcopis resciri oportere; atque hoc a majoribus suis, & episcoporum synodis sæpius decretum, nec in controversiam revocandum: . . . quæ omnia relata sunt in capitularia Caroli magni *lib. 7. cap. 189.* & publica lege sancita, ac deinceps pluribus synodis, & capitularibus firmata. Ex quibus perspicitur, incredibile esse dictu, vel Rodulphum Bituricensem archiepiscopum de his, velut ignotis ac
,, du-

„dubiis, Nicolaum Papam consuluisse; vel Nicolaum ea respondisse,
 „quæ tam aperte majorum suorum decretis, & Galliarum non synodis
 „tantum, sed legibus publicis refellerentur. Præterea eodem illo Ni-
 „colai ævo celeberrimi Galliarum antistites ea de chorepiscopis docuere,
 „quæ adumbrata isti Nicolai doctrinæ velut e regione adverlantur,
 „ut videre est in eorum capitularibus a te ipso editis (*capitul. Isaaci*
 „*Lingonen. episcopi cap. 30. & 31.*) Denique nihil loci est fictitio il-
 „lius epistolæ capiti, cujus etiam nemo meminit, ne ii quidem, qui
 „alia memorant a Nicolao Papa ad Rodolphum scripta. “ Urget
 „Sirmondus: “ At manuscriptus codex illud exhibet. Respondet Au-
 „relius: “ Non fuit igitur prudentis critici, ex ambigui ignotique
 „testis fide de re tanta sententiam ferre, spretis tot & tam illustri-
 „bus summorum virorum testimoniis. Decuit potius eorum modera-
 „tionem imitari, qui hanc epistolam cum eodem capite, pluribus
 „ante te annis (etli dissimules) ita ediderunt, ut nullum iudicium
 „interposuerint; sed lectori integrum reliquerint: “ Joannem Cordesium
 „intelligit, qui primus omnium hanc aliasque nonnullas Nicolai epistolas
 „edidit in primo *Hincmari opusculo*.

Idem cum Aurelio sentit Ludovicus Thomassinus, *tomo 2. discipline*
par. 3. lib. 1. cap. 10. numer. 5. 6. & 7. “ Qui enim, inquit, fieri
 „potuit, ut Nicolaus Papa Rodolpho Bituricensi, adeoque Gallicano
 „archiepiscopo rescribens, asseruerit neminem esse, qui dubitet 70.
 „discipulos fuisse episcopos, indeque collegerit chorepiscopos, qui il-
 „lis successerunt, episcopalibus officiis fungi potuisse? cum hæc do-
 „ctrina decretis summorum pontificum & Gallicanorum antistitem e
 „diametro opponeretur. Quomodo Pontifex eruditus sane, rigidusque
 „traditionis observator, doctrinam illam Gallicano episcopo præscri-
 „bere potuisset? Deinde synodus Metensis, quibusdam post annis (an-
 „no videlicet 888.) congregata, hanc certe epistolam minime no-
 „tam habebat, cum iussit, *ut basilica a chorepiscopis consecrata, ab*
 „*episcopis consecrentur, quia juxta decreta Damasi papæ, Innocentii,*
 „*& Leonis vacuum est atque inane, quidquid in summi sacerdotii chore-*
 „*piscopi egerunt ministerio: & quod ipsi iidem sint, qui & presbyteri,*
 „*sufficienter invenitur.* “ Præterea Hincmarus *tomo 2. pag. 260.* Ni-
 „colao, & Rodolpho coætaneus, qui chorepiscoporum sæpe meminit,
 „ordinationem Gottescalci, qui, vacante, post Ebbonis archiepiscopi
 „depositionem, sede Remensi a Rigboldo Remorum chorepiscopo ad
 „annum 844. presbyter ordinatus fuerat, contra regulas factam fuisse
 „diserte asserit: quique, inquit, a Remorum chorepiscopo, qui tunc
 „erat, contra regulas presbyter ordinatus est. Postremo qua fronte
 „Hincmarus *ibidem pag. 736.* cum in illos inveheretur episcopos, qui
 „pro sua quiete, & voluptatibus ordinabant chorepiscopos, & eis,
 „quæ summis pontificibus conveniunt, agere permittebant, sola Ro-
 „ma-

„manorum pontificum decreta eis opposuisset? quos, inquit, apostolica sedes sæpius reprobavit, & apostolica mucrone rescidit, sicut in „decretalibus eorum, qui voluerit recensere, inveniet.

Petrus de Marca, qui hanc epistolam, uti germanam recipit, respondet, *lib. 2. de concord. cap. 14. numer. 9.* hanc Nicolai responsionem, a canonibus omnino alienam esse: Nicolaum tamen excusat, „quod diversis occupatus negotiis, cursim respondere coactus fuerit. „Hoc solum quidem pro Nicolai defensione proferri potest, quod *cursim* responderit, „Ecclesiasticis occupatus negotiis, & innumeris im- „peditus necessitatibus, „urgente reditum suum misso Rodulpho, adeo ut hæc, inter tanta ecclesiasticorum negotia positus, vix saltem summatim mittenda decerpserit. Ita Nicolaus ipse excusatum se habet apud Rodulphum *in eadem epistola.*

Ad decimumquartum respondeo vitium aliquod in illud capitulare irrepisse, cujus emendationem repetes ex capitularibus, seu canonibus Isaaci Lingonenſis, *tit. 11. cap. 30.* ubi objectum capitulare describitur. „Si quis, non ab episcopo, sed a chorepiscopo, qui non est „episcopus, sed vicarius episcopi, priusquam prohibiti essent, fuerit „confirmatus, reiterari aliis benedictionibus debet. Nam chorepiscopi, ante apostolicam atque synodalem prohibitionem, non ex numero „apostolorum; sed ex 70. discipulorum, ut sacri eanones testantur, ordine erant, quos nunquam Spiritum paracletum tradidisse novimus. Sed „quia olim, ut dictum est, jam dicti chorepiscopi prohibiti sunt, ideo „modo nihil sunt, nec Spiritum paracletum ullo unquam tempore tradere potuerunt, nec modo possunt.

Opinio vero negans chorepiscopos vere fuisse episcopos, his momentis innititur.

Primo quia chorepiscopos ad formam 70. discipulorum institutos fuisse, docent Concilium Neocæsariense, *can. 13.* Isidorus Hispalensis *lib. 2. de officiis, cap. 6.* suppositæ Damasi, Leonis & Joannis III. epistolæ, capitularia *lib. 7. cap. 310. 318. & 329.* synodus VI. Parisiensis, *lib. 1. cap. 27.* Isaac Lingoneasis *tit. 11. cap. 30.* Sed ex omnibus illis fere auctoribus, apostolis episcopi, & 70. discipulis presbyteri successerunt.

Secundo quia chorepiscopos fuisse veros episcopos disertis terminis negarunt, Leo III. synodus Ratisponensis, capitularia *lib. 7. cap. 284. & lib. 7. cap. 187. 310. 318. 328. & 329.* synodus VI. Parisiensis *lib. 1. c. 27.* Isaac Lingonenſis *tit. 11. cap. 30.* synodus Meldenſis *cap. 44.* & Metenſis, *cap. 8.*

Tertio quia canone 14. Neocæsariensi, statuitur, ut chorepiscopi, „ut comministri propter studium in pauperes offerant, honorati. „Honorantur ut comministri: & propter quid? propter studium in pauperes. Quis hoc tribuat episcopis, ut propter studium in pauperes potissimum honorentur? hoc argumento Patres Concilii VI. Parisien-

Witasse de Confirmatione.

K k

lis

sis utuntur *lib. 1. cap. 27.* Duo quædam honoris privilegia chorepiscopis tribuit Concilium Neocæsariense ; comministri censentur , & sacrificium offerunt coram episcopo , & presbyteris civitatis . Quod ut intelligatur , repetendus est canon 13. quo decernitur " vicanum presbyterum in ecclesia præsentibus episcopo vel presbyteris civitatis , offerre non posse , nec dare panem sanctificatum , nec calicem porrigere . Sin autem abint , & ille ad precationem vocatus fuerit , ea posse . " Patres vero , postquam hunc honorem denegarunt vicani presbyteris , eundem canone sequenti chorepiscopis concedunt , quia constituti sunt *ad exemplum 70. discipulorum* ; sunt *comministri* , seu *confacerdotes* , & *pauperes curant* . Si veri episcopi ab illis patribus habitui fuissent , numquid dubitatum fuisset , an liceret eis cum presbyteris urbicis sacrificare ? an hoc episcopis tantum concessum dici potest propter studium , quod in pauperes exhibent , & quia 70. discipulorum vice fungerentur ? Urget hoc Morinus , cui sorte responderi possit ex Rabano *lib. 1. de institut. clericor. cap. 2.* studium illud erga pauperes non fuisse inferius quoddam , sed episcopale officium , videlicet Confirmationis administrationem . " Ordinati enim fuerunt chorepiscopi propter pauperum curam , qui in agris & villis consistunt , ne eis solatium Confirmationis deesset .

Quarto quia canon 10 Antiochenus episcoporum , & chorepiscoporum ordinationes distinguit , illos enim inquit a pluribus Episcopis , istos vult a solo civitatis episcopo ordinari . Confirmatur ex ipso canonis sensu qui nec obscurus est , nec impeditus . Notant Patres Antiocheni , ut chorepiscopi , quicumque illi sint , jus habeant , & diaconos & presbyteros ordinandi , inconsulto civitatis Episcopo . Occurrunt autem Patres difficultati , quæ moveri poterat , an scilicet eorum decretum ad eos etiam extenderetur episcopos , quos aliquando contingit chorepiscoporum officio fungi . Docebimus enim *infra* , veros episcopos certis de causis aliquando , rarissime tamen , chorepiscopatus officio fungi . Cui difficultati Patres respondent se ejusmodi chorepiscopos ab aliorum classe non eximere , sed velle eos iis regulis & statutis contineri : ac proinde , licet episcopi sint , posse tantum , sicut ceteri , minores ordines & subdiaconatum pro arbitrio conferre , majores vero cum Episcopi proprii scientia & consensu . Faver huic canonis expositioni Zonaras in eundem canonem . " Chorepiscopos ca- non ultra potestatis suæ limites progredi vetat . Sed ecclesiarum , (inquit) sibi subjectarum administratione contenti , lectores , subdiaconos , exorcistasque constituent . A diaconis sacerdotibusque creandis absque urbani Episcopi facultate , etiam si Episcopali ordine aliquando (non igitur semper) insigniti fuissent , abstin-
neant .

Quinto quia chorepiscopus a solo civitatis Episcopo consecrabatur ex *can. 10. Antioch. & ex Ilidoro lib. 2. de officiis* , & ex Rabano ,
lib. 1.

lib. 1. de institut. clericor. "Quod si a duobus episcopis episcopus non potest consecrari, quomodo ille episcopus erit, qui ab uno fuerit ordinatus? ita ratiocinantur capitularia *lib. 7. cap. 310.* quorum ratiocinatio confirmari potest auctoritate concilii Regienlis anno 439. celebrati, quod *can. 1.* Armentarii in Ebrodunensem episcopum "ordinationem irritam definivit, & vacuandam esse censuit, quod prætermissa esset trium episcoporum præsentia: a duobus enim tantum episcopis consecratus fuerat.

RESPONDET Hallerius validam esse episcoporum ordinationem, licet ab uno solo antistite factam, quia constitutiones apostolicæ *lib. 8. cap. 27.* ajunt ab uno episcopum ordinari posse, quando propter persecutiones, aut alia de causa plures haberi non possunt, dummodo plurimum asseratur decretum. Deinde referente Beda, *lib. 1. hystor. Anglic. cap. 27.* Gregorius magnus Augustino respondit, quia solus in Anglia esset episcopus, & a regionibus nimium longinquis accersendi essent episcopi, cum posse alios episcopos ordinare, cæterorum ordinationi postea cooperaturos. Denique Pelagius I. Pontifex, a duobus episcopis & uno presbytero, videlicet a Joanne de Perusio, & Bono de Ferentino, episcopis, & Andrea presbytero de Ostia, in episcopum ordinatus est, ex libro *Pontificali*, quem Baronius & Ciaconius sequuntur.

Plura his objectis responderi possunt, textui præsertim Gregorii magni, quem Hallerius ipse, *pag. 587. nu. 10.* ut qui sit obcurus, in utramque partem agitat.

Verum hoc genus oppositionis, nihil ad rem, de qua agimus, pertinet. Ex dictis enim & exemplis allatis, hoc tantum sequitur, episcopum in magna necessitate ab uno episcopo posse ordinari. At Chorepiscoporum, de quibus verba facimus, ordinationes ab uno episcopo factæ, sunt ordinariæ, legitimæ & canonicæ. Nulla est in iis necessitatis causa, nullus prætextus, nec ullum igitur cum istis exemplis commercium. Præterea Chorepiscopalis ordinatio, sicut, & presbyteralis, natura sua unum exposcit episcopum: episcopalis vero tres episcopos requirit. Chorepiscopalis igitur convenit cum presbyterali, nullo modo cum episcopali. Antiqui etiam patres, qui tanto consensu prohibent, ne ordinationes episcopales alio modo, quam a tribus episcopis fiant, cæteris per rescriptum consentientibus, iidem volunt Chorepiscoporum ordinationem ab uno episcopo fieri. Diversæ igitur sunt ordinationes. Denique quid magis ludicrum & nugatorium quam severissima illa canonum prohibitio, ne episcopus ab episcopis minus quam tribus ordinetur, si citra omnem necessitatem, publice, & jubente canone, episcopalis ordinatio, licet ab uno episcopo facta, Chorepiscopis rite & legitime traditur?

Nulla igitur episcopalis olim erat Chorepiscoporum ordinatio. Cui quidem conclusioni non repugnat, quod aliquando contingeret quem-

dam ex istis Chorepiscopis verum esse episcopum. Id enim rarissimum erat & plane fortuitum. Duobus vero modis secundum canones id contingere poterat. 1. Cum duo erant in urbe episcopi, catholicus unus, alter hæreticus: si enim hæreticus ad catholicam fidem converteretur, tunc catholicus pacis causa poterat illi permittere, ut in aliqua parte diœcesis Chorepiscopum ageret; licet de Novatianis id tantum decernant Nicœni Patres, *can. 8.* Cum episcopus ob crimina deponeretur. Patres enim misericordia tunc commoti, poterant ei indulgere, ut extra diœcesim, in qua peccaverat, Chorepiscopatus ministerio, permitte-
 tente diœcesano antistite, fungeretur. Hæc canonum praxis, licet admodum rara, colligitur ex factis Concilii Regiensis, quod Armentario, quamvis a duobus solum episcopis, adeoque & illicite & irritè ordinato (quanto magis si valide ordinatus fuisset) permisit, ut quædam Chorepiscopatus munia extra diœcesim Ebrodunensem exerceret. Sed quid est his extraordinariis actionibus, quæ vix uno aut altero seculo, semel aut bis contingebant, commune cum ordinario, legitimo & diuturno Chorepiscoporum statu a canonibus stabilito & definito?

§. 6. *Utrum Chorepiscopi, licet veri non essent episcopi, diaconos & presbyteros valide ordinarent, proprio consentiente episcopo.*

NEGANT Petrus de Marca *lib. 2. de concord. cap. 14.* Thomassinus *tom. 1. discipline parte 1. lib. 1. cap. 18. num. 6. & 11.* Cabassutius *in notitia eccles.* ubi de canone 10. Antiocheno, & alibi. Affirmat Joannes Morinus.

Pro affirmante opinione hæc afferri possunt.

1. Synodus Ancyrana, *can. 13.* "Chorepiscopis non licere presbyteros vel diaconos ordinare, sed neque urbis presbyteros, nisi cum litteris ab episcopo permissum fuerit, in aliena parœcia: "seu ut Rabanus habet, *in unaquaque parœcia*, ita enim canonem illum exhibet opusculo de *Chorepiscopis*, eumque refert, ut inde probet Chorepiscopos habuisse facultatem ordinandi presbyteros & diaconos, jubente tamen proprio Episcopo. "Attende, inquit, quod non dicit Chorepiscopis non licere. penitus diaconos aut presbyteros ordinare, sed non aliter licere, nisi ex præcepto episcopi sui, vel litteris in unaquaque parœcia.

At ille canon mendosus est, & emendatus nihil concludit. Mendosus quidem est; alioqui sensus esset, Chorepiscopis prohiberi presbyteros & diaconos ordinare, imo etiam presbyteros urbicos, sine litteris episcopi, in aliena parœcia. Quo quid absurdius dici possit, non video. Anne cui vetita est presbyteri vicani ordinatio, non etiam potiori jure vetita est urbici? ut de hac re iterum arguenda non sit inter-

terdictio; quasi de re minoris momenti ageretur, quæque superiori prohibitione non esset comprehensa. Deinde quid est illud, in *aliena paræcia*? quasi vero Chorepiscopis libera esset ordinatio presbyteri in sua paræcia sine litteris, vel ab iis tentari posset ordinatio presbyterorum cum episcopi consensione ac litteris in aliena paræcia. Laborat Morinus in hujusce canonis emendatione *cap. 4. num. 9. O. 10.* cumque ita emendandum contendit: "Chorepiscopis non licere presbyteros vel
 „ diaconos ordinare, nisi ab episcopo illis permissum fuerit, sed nullo
 „ modo urbis episcopos." Petavius, *notis in Epiphanium, animadv. in hæresim 63.* quæ Arianorum est, putat expungenda esse ista verba: *sed neque presbyteros civitatis*, quibus sublatis, planum & perspicuum eorum sensum pollicetur. Verum nec si verba ista expuaxeris, planus adhuc sensus erit: redundabunt enim adhuc verba ista, in *aliena paræcia*. Canon emendari debet ex capitulari Aquisgranensi Caroli magni, *cap. 9.* ubi ita refertur. "Vicariis episcoporum, quos Græci Chorepiscopos
 „ dicunt, non licere presbyteros, vel diaconos ordinare; sed nec pres-
 „ byteris civitatis, sine episcopi præcepto, amplius aliquid jube-
 „ re, vel sine auctoritate litterarum ejus in unaquaque paræcia
 „ aliquid agere." Sic autem emendatus pro affirmativa opinione nihil concludit.

Secundo synodus Antiochena, *can. 10.* quem ex Græco textu, integrum referamus oportet, "Ii qui sunt in vicis vel pagis, qui dicun-
 „ tur Chorepiscopi, quamvis episcoporum manus impositionem acce-
 „ perint, visum est sanctæ synodo, ut suum modum noverint, & sub-
 „ jectas sibi ecclesias administrent, earumque cura & sollicitudine ge-
 „ renda contenti sint: ordinent autem lectores, subdiaconos, & exor-
 „ cistas: & eorum promotionem sibi sufficere existiment: nec pres-
 „ byterum, nec diaconum ordinare audeant, sine urbis episcopo, cui
 „ subjicitur ipse & pagus. Si quis autem ea, quæ definita sunt, trans-
 „ gredi audeat, ipse quoque deponatur ab eo honore quem habet. Fiat
 „ autem Chorepiscopus ab episcopo civitatis, cui subjicitur: "Chorepiscopi duplicis generis ibi distinguuntur aut præsupponuntur ex Petro de Marca, Morino, Cabassutio, Thomassino, aliisque viris erudit-
 „ tis; alii enim erant insigniti charactere episcopali, alii eo carebant. Utrisque munus suum præscribitur: utrique permittitur, ut lectores, exorcistas, & subdiaconos ordinent sine consensu episcopi; disponent vero & presbyteros, non nisi episcopo consentiente. Huic expositioni favet utraque Dionysii Exigui, & Isidori Mercatoris versio: Favet & Zonaras in *hunc canonem*: "Chorepiscopos canon ultra potestatis suæ
 „ limites progredi vetat; sed ecclesiarum (inquit) sibi subjectarum ad-
 „ ministratione contenti, lectores, subdiaconos, exorcistasque consti-
 „ tuant. A diaconis sacerdotibusque creandis absque urbani episcopi
 „ facultate, etiamsi episcopali ordine aliquando insigniti fuissent, ab-
 „ stineant &c.

Witasse de Confirmatione.

Kk 3

Huic

Huic argumento tres solutiones afferuntur.

Prima est Ballamonis, & ex eo Petri de Marca & Thomassini, hæc verba (*sine urbis episcopo*) interpretantium, non pro eo quod est, *sine ejus mandato*; sed pro eo quod est, *sine illius consecratione*, seu *ordinatione*; ita ut sensus sit, chorepiscopi, nec presbyterum, nec diaconum ordinare audeant, nisi jungatur illis urbis episcopus, qui cum ipsis ordinet. " Illud autem, inquit Balfamon *ad hunc canonem*, *sine episcopo* qui est in urbe, non accipitur pro eo quod est, *sine ejus mandato*, sed pro eo quod est, *sine illius consecratione*. Et si enim fuerit chorepiscopo mandatum, ut presbyterum ordinet, & hoc fecerit; irrita erit ordinatio, quod non sit ei a canonibus data presbyterum ordinandi potestas. " Quam expositionem velut *absurdam*, & *Balfamonis meram dormitantis oscitantiam* rejicit Morinus, *de sacris ordinationibus* parte 3. exercit. 4. cap. 4. num. 8. & merito: nam si Chorepiscopus ex sacris canonibus nihil potest in presbyterorum ordinatione, quid opus erat patribus illis præcipere, ne ordinet, nisi jungatur illi urbis episcopus? deinde licet presbyteri una cum episcopo ordinatorum capitibus manus imponant; ea tamen est communis theologorum opinio, illos a solo episcopo ordinari. Atqui canone Antiocheno Chorepiscopi presbyteros & diaconos ordinare dicuntur. Ad eorum igitur ordinationem alio modo concurrunt, quam presbyteri una cum episcopo manum imponentes. Præterea interpretationis istius absurditas apud Græcos evidentior est, quam apud Latinos. Episcopus enim Græcus, cum presbyteros ordinat, solus iis manus imponit: nulla, ut apud Latinos, assistentium presbyterorum manus impositio insequitur. Denique hæc verba canonis, *δίχα τῷ ἐν τῇ πόλει ἐπισκόπῳ*, *sine urbis episcopo*, eodem sensu accipi debent ac illa canonis 9. *ἐίχα τῷ τῆς μητροπόλεως ἐπισκόπῳ*, *sine metropolis episcopo*. Atqui hæc posteriora significant *sine consensu & mandato episcopi metropoleos*. Igitur & priora *sine consensu & mandato episcopi urbis*.

Secunda est Cabassutii afferentis diaconorum & presbyterorum ordinationem solis Chorepiscopis, qui veri essent episcopi, cum urbanici episcopi consensu, hoc canone permitti. At vero mirum sane est, quod hæc interpretatio in nullius antiquorum mentem venerit, nullusque ante Cabassutium inde collegerit diaconorum & presbyterorum ordinationem solis Chorepiscopis, qui veri essent episcopi, hoc canone permitti. 2. Sensus canonis nec obscurus est, nec impeditus. Nolunt patres ut Chorepiscopi, quicumque illi sint, jus habeant diaconos & presbyteros ordinandi inconsulto proprio diæceseos episcopo. Occurrentes autem difficultati, quæ moveri poterat, an scilicet hoc decretum extendendum esset ad eos etiam Chorepiscopos, qui veri erant episcopi. (supra enim diximus episcopos certis de causis aliquando rarissime tamen, Chorepiscopatus officio fungi,) respondent se ejusmodi Chorepiscopos ab aliorum classe non eximere, sed velle eos iis regulis

gulis & statutis contineri, quibus cæteri : ac proinde licet veri episcopi sint, posse tantum, sicut cæteri, minores ordines pro prudentia & arbitrio conferre, majores vero cum episcopi sui scientia & consensu. Verba textus aliam interpretationem pati non possunt: "Etiam, si episcoporum manus impositionem acceperint. " Conjunctio illa, „ *etiamsi*, idem necessario enuntiat de sequenti, quod de antecedenti : & docet prioris adjunctum posteriori assumpto etiam convenire. 3. Ambobus membris hujusce periodi : " Ordinent autem leutores, subdiaconos, „ & exorcistas : & eorum promotionem sibi sufficere existiment : nec presbyterum, nec diaconum ordinare audeant sine urbis episcopo, cui subjiciuntur : " de iisdem personis, ut legenti apparebit, evidenter asfirmantur. Utrisque igitur Chorepiscopis ambæ partes conveniunt. 4. Si periodum divides, & dicas priorem partem convenire Chorepiscopis simpliciter presbyteris, posteriorem Chorepiscopis charactere episcopali fulgentibus; orationis tenor plane repugnabit, in qua omnia sunt perfectissime conjuncta, & in qua nulla umbra diversitatis, aut ad varias personas relationis. 5. Si dicas totam periodum ad solos Chorepiscopos referri, qui veri sunt episcopi : omnes habebis adversarios, qui ultro fatentur Chorepiscopos quoslibet habuisse facultatem conferendi minores ordines : idque certe colligitur ex canone 14. Concilii Nicæni II. ex canone 44. Concilii Meldenensis, anno 845. & ex Isidoro Hispalensi, *lib. 2. de divinis officiis cap. 6.* Deinde contra mentem canonis, nihil in eo ageretur de Chorepiscopis, id est de Chorepiscopis simpliciter presbyteris, sed de iis tantum episcopis, qui per accidens, fortuito, & præter suæ ordinationis formam & scopum, Chorepiscopatus munere fungebantur; quod est contra mentem canonis, resutaturque postrema canonis pericope : " Fiat autem Chorepiscopus ab „ episcopo civitatis, cui subjicitur. " Canon ergo loquitur de iis potissimum Chorepiscopis, qui fiunt ab episcopo civitatis, cui subjiciuntur. Isti autem sunt presbyteri, non episcopi, cum ab uno, non tribus episcopis ordinentur. Mens igitur canonis est potissimum Chorepiscopis presbyteris hoc privilegium indulgere, ut omnes ordinationes Episcopatu, & Chorepiscopatu inferiores conferre possint, minores quidem pro prudentia, majores cum episcopi sui conscientia. Denique Isidorus Hispalensis *lib. 2. de divinis officiis, cap. 6.* canonem illum de Chorepiscopis simpliciter presbyteris interpretatur, eisque ordinationes hoc canone præscriptas attribuit. Textum *infra* referemus.

Tertia solutio est Baronii *ad annum* 341. respondentis canones Antiochenos, ut qui ab episcopis Arianis sanciti fuerint, a posterioribus orthodoxis patribus rejectos fuisse, licet ab aliquibus fuerint admissi collectoribus : integrum enim concilium Antiochenum ex Arianis constituisse putat illustrissimus annalium conditor. Certum tamen est patres, qui Antiochiæ convenerant, majori ex parte orthodoxos fuisse; cum e numero 97. aut 99. episcoporum, ex quo conventus ille con-

stabat, triginta tantum Eusebianas partes sequerentur, & clanculum hæresi Arianæ sarent, etsi aperte a communione catholica non discessissent. De auctoritate vero canonum Antiochenorum disseruerunt Baronius *ad annum* 341. & *alibi*, Perronius *in replica*, Antonius Augustinus . . . Petrus de Marca *lib. 3. de concord. cap. 3.* Joannes Cabassutius *in notitia ecclesiastica*, sed præ cæteris Emmanuel Schelestrates *in sua antiquitate illustrata, parte 2. dissert. 2. cap. 5.* Eam elevare conantur Baronius & Perronius, & canonem Antiochenum a summis pontificibus Julio in causa Athanasii & Innocentio in causa Chrysostomi rejectum; sed illam egregie defendit Schelestrates. Hac de re, Deo dante, alibi agemus. Interim, quod ad illum, quem versamus, canonem attinet, laudatur ille & admittitur a Zacharia pontifice *in epistola 7. ad Pipinum, cap. 1. ad annum* 745. in capitulari Aquisgranensi Caroli magni, *cap. 9. anno* 789. & a Leone VII. *in epist. 3. ad Gallos & Germanos ad annum* 937.

Tertio pro affirmante opinione adducitur Basilii magnus *in epistola* 88. Textum retulimus *supra, pag. 503.*

Quarto Joannes Scholasticus, Antiochiæ presbyter & apocrysiarius, & postmodum, Eutychio patriarcha Constantinopolitano in exilium pulso, in ejus locum a Justiniano imperatore susceptus, qui *in collatione canonum, titulo* 21. canonem 13. Ancyranum ita exhibet: "Chorepiscopis non licere presbyteros vel diaconos ordinare, sed neque
"urbis presbyteros, nisi cum litteris ab episcopo permissum fuerit, in
"unaquaque parochia. " Et canonem 10. Antiochenum: "Constituant autem lectores, subdiaconos, & exorcistas, & eorum promotionem sufficere existiment; nec presbyterum, nec diaconum ordinare
"audeant, absque urbis episcopo.

Quinto Isidorus Hispalensis, *lib. 2. de divinis offic. cap. 6.* "Chorepiscopi, id est, vicarii episcoporum, juxta quod canones ipsi testantur, instituti sunt ad exemplum 70. seniorum, tanquam sacerdotes propter sollicitudinem pauperum. Hi in vicis & villis instituti, gubernant sibi commissas ecclesias, habentes licentiam constituere lectores, subdiaconos, exorcistas: presbyteros autem & diaconos ordinare non audeant præter conscientiam episcopi, in cujus regione præesse noscuntur. Hi autem a solo episcopo civitatis, cui adjacent, ordinantur. " Canonem ille Antiochenum eodem, quo nos, sensu interpretatur.

Sexto Capitulare Aquisgranense Caroli magni, anno 789. *cap. 6.* "Constituere autem his permittitur lectores, & subdiaconos, & exorcistas; quibus sufficiat istorum tantum graduum licentiam accepisse: Non autem presbyterum, non diaconum audeant ordinare præter conscientiam episcopi civitatis &c.

Septimo Alexius Aristenas, diaconus ecclesiæ Constantinopolitanæ, *in epitome canonum*, quam jussu Joannis Comneni imperatoris anno

1130. edidisse Allatius, *lib. de collatione ordinum*, observavit, ubi canonem Ancyranum 13. ita abbreviat: "Chorepiscopus non ordinat (presbyterum nempe & diaconum) sine licentia episcopi.

Oſtavo Harmenopolus in *epitome canonum*, *ſect. 1. tit. 9.* canonem 10. Antiochenum, & 13. Ancyranum ſic abbreviat, "Chorepiscopus, „abſque permiſſu episcopi, presbyterum vel diaconum non ordinato. „Lectores autem, ſubdiaconos, & exorcistas, hoc eſt, catechetas ordinato. Qui aliter fecerit, gradu excidat. "Nec deſiderari, nec ſingi poteſt quid ad hoc probandum evidentius. Confirmatur ſcholio ſequenti: "Canon vero 14. ſynodi VII. ne quidem lectores ut ordinet, concedit niſi permiſſu episcopi. "Quibus verbis obſervat, ſynodum VII. longe eſſe in chorepiscopos ſeveriorem. Nam concedit Antiochena, ut lectores, exorcistas, & ſubdiaconos pro arbitrio ordinent, diaconos vero & presbyteros tantum cum episcopi ſui licentia. At ſynodus VII. ne quidem illis concedit lectorum ordinationem, ſine conſenſu ejuſdem episcopi. Quando autem Harmenopolus vixerit, incertum eſt. Vulgo habetur multo antiquior, quam revera ſit, poſt Baſamonem.

Pro ſententia vero negante adduci poſſunt.

Primo Synodus Ancyrana, *can. 13.* "Chorepiscopis non licere presbyteros vel diaconos ordinare. "2. Presbyterorum, diaconorum, & ſubdiaconorum ordinationes, dedicationes eccleſiarum, virginum conſecrationes, neophytorumque Confirmationes a chorepiscopis factas Leo III. a Gallicanis episcopis conſultus, nullas & irritas declaravit, ut videre eſt in capitularibus *lib. 7. cap. 187.* 3. Idem, quod Leo, ſtatuerunt Gallicani episcopi in ſynodo Reginisbruk habita, quemadmodum reſertur *ibidem*. 4. Idipſum iterum confirmarunt Galliarum antiſtites *lib. 6. capitul. cap. 284. lib. 7. cap. 310. 318. 328. & 329.* 5. Concilium Meldenſe anno 845. *can. 44.* Confirmationes, eccleſiarum dedicationes, virginum conſecrationes, & omnes clericorum ordinationes, "quæ per impositionem manus tribuuntur, "chorepiscopis, diœceſano licet episcopo conſentiente, interdicit; cæteras vero, quæ manuum impositionem minime requirunt, ut ſubdiaconorum, lectorum, & exorcistarum, illis permittit, jubente episcopo. 6. Idipſum illis prohibet Leo VII. *ad ann. 937. in epiſt. ad Gallos & Germanos.*

Quæ quidem omnia, ut diluas, quatuor aut quinque velim obſerves. 1. Fidelium Confirmationes, eccleſiarum dedicationes, conſecrationes virginum, & presbyterorum & diaconorum ordinationes, a chorepiscopis factas, repugnante, vel inconſulto civitatis episcopo, nullas ſacris canonibus declarari. 2. Illas, jubente, vel conſentiente episcopo, factas, ratas ſacris canonibus habitas fuiſſe, donec ſuppoſita Damafi epiſtola emerſerit, quæ illas irritas declaravit. 3. Chorepiscopis sæpè VIII. & IX. ſeculis interdictum fuiſſe, ne præſata munia obirent, etiam conſentiente civitatis episcopo. 4. In dubium revocari poſſe, utrum

trum hæc munia a chorepiscopis peracta, contentiente quidem proprio civitatis episcopo, sed repugnante sede apostolica, vel nationali, vel provinciali concilio, valida forent. Nullus est, quantum memini, canon, qui hæc irrita & nulla definiat. 5. Canones variasse circa subdiaconorum ordinationes factas præter conscientiam episcopi civitatis. Illas enim validas declarant synodus Antiochena, Ildorus Hispalensis, Zacharias pontifex *epist. 7. cap. 1.* capitulare seu concilium Aquisgranense, & Leo VII. *in epist. 3.* invalidas autem Leo III. relatus *lib. 7. capitul. cap. 187.* synodus Reginisbruk celebrata, de qua *ibidem*, & capitularia *lib. 6. cap. 284.* & *lib. 7. cap. 328. & 329.*

Supereft difficilis objectio. Nam si chorepiscopi, licet veri non essent episcopi, diaconos & presbyteros ex consensu episcopi civitatis ordinare potuerunt; sequi videtur inde presbyteros potestate delegata, non modo diaconos, sed & presbyteros ordinare posse.

Verum responderi potest, 1. non deesse theologos & canonistas, qui existiment presbyteros ab ecclesia committi posse, ut diaconos & presbyteros ordinent: qua de re *supra*, pag. 481. 2. In ejusmodi rebus extraordinariis nihil ultra ea, quæ nobis a patribus tradita sunt, pronuntiandum esse, juxta illud Basilii *in epist. 60. ad ecclesiam Antiochenam*: "Mentis nostræ partus non audemus tradere, ne verba pietatis, censeantur humana; sed quæ a sanctis patribus edocti sumus, ea nos, interrogantibus annuntiamus." Videmus autem sacros canones & patres privilegium illud chorepiscopis asseruisse, nec illud in cæteros presbyteros diffudisse. Illud igitur ulterius prorogare nobis religio esse debet. Nescimus, inquit Morinus *cap. 4. num. 3.* an quid esset peculiare in chorepiscoporum ordinatione, ratione cujus ista prærogativa illis tribueretur, licet nullo modo essent episcopi. In ejusmodi factis extraordinariis, quæ a traditione derivant, parum urget argumentum a paritate aut similitudine. Nam sæpe tota ratio institutionis est voluntas instituentis, quæ licet fuerit rationabilis, nos tamen sæpissime latet. In his tenenda est 28. regula juris canonici, "Quæ jure communi exoritant, nequaquam ad consequentiam sunt trahenda."

Possent etiam objici Chrysostomus *bemil. 11. in 1. Timoth.* "Sola, inquit, ordinatione episcopi superiores sunt presbyteris." Chrysostomi igitur ætate, episcopi non autem presbyteri, adeoque nec chorepiscopi, ordinabant.

Morinus respondet r. raros tunc fuisse per dioceses chorepiscopos, ideoque Chrysostomum ad illos non attendisse. 2. Chorepiscopos sub episcoporum nomine comprehendendi. Dicebantur enim vicarij & rurales episcopi. 3. Chrysostomum de officiis ordinariis episcoporum & presbyterorum esse locutum, non de iis quæ extraordinarie, & per delegationem presbyteris committi possunt.

RESPONDEO 1. non deesse interpretes, qui Chrysostomum intelligant de passiva ordinatione, qua episcopi consecrabantur, qua de re *supra*,

pra, pag. 449. & *seqq.* Dato vero non concessio, quod ille loquatur de activa ordinatione, qua episcopi alios ordinant,

RESPONDEO 2. ordinationem tunc ex mente Chrysostomi restringendam esse. Ille enim, ut qui presbyter esset Anriochenus, ignorare non poterat canonem 10. Antiochenum, quo saltem ex omnium consensu, chorepiscopis conceditur facultas ordinandi lectores, exorcistas, & subdiaconos. Illam vero ad ordinationem, non diaconalem aut presbyteralem, sed episcopalem, quæ a solis re & nomine episcopis fieri potest, contrahendam esse colligitur ex eodem canone, qui chorepiscopis permittit, ut diaconos & presbyteros cum episcopi civitatis permisso ordinent; nec non ex Basilio, qui testatur hunc fuisse morem orientalis ecclesiæ, ut chorepiscopi diaconos, "Admonitis eorum", episcopis, in sacerdotalem numerum cooptarent. "Dato vero, quod ibi sermo sit de quacumque ordinatione activa,

RESPONDEO 3. negando consequentiam. Ex ipsis quidem verbis Chrysostomi sequi videtur, episcopos non autem presbyteros, ordinasse; verum inde non sequitur, chorepiscopos minime contulisse ordines. Nec enim canones sacri chorepiscopos sub presbyterorum nomine comprehendunt, sed illos ubique a simplicibus presbyteris, quin & ab ipsis presbyteris civitatis, archidiaconis, archipresbyteris, & perioideutis distinguunt, ut videre est in Conciliis Ancyrano, *can. 13. Neocæsariensi can. 13. & 14. Antiocheno can. 8. Regiensi can. 3. 4. & 5. Chalcedonenſi can. 12.* & in lege Græca Justiniani ad Marcianum præfectum, *cap. de Episcopis, & Clericis*. Illis enim omnibus erant superiores, licet episcopi inferiores essent, *ex can. 5. Regiensi*. Postremo sacri canones sæpe chorepiscopis, nusquam simplicibus presbyteris, ordinandi facultatem concedunt.

OBJICI denique posset illud sancti Hieronymi in *epistola 85. ad Evagrium*. "Quid facit, excepta ordinatione, Episcopus, quod, Presbyter non faciat? Nulli igitur presbyteri, adeoque nec chorepiscopi ordinabant.

RESPONDEO hunc esse sancti Hieronymi sensum, nihil excepta ordinatione episcopus facit, quod in aliqua ecclesiæ parte Presbyter non faciat, vel ex officio, vel ex potestate sibi delegata. At vero Patres & Canones chorepiscopos sub simplici nomine Presbyteri comprehendere non solent.

§. 7. *Utrum chorepiscopi, licet veri non essent Episcopi, valide confirmarent, consentiente vel iubente civitatis Episcopo.*

Affirmant Joannes Morinus, & Petrus de Marca. Negat Aurelius.

Certum mihi videtur chorepiscopos valide confirmasse in Oriente.

1. Quia Confirmatio longe minor est sacris ordinationibus, quas a chorepiscopis in Oriente factas fuisse constare videtur, ex Canone 10. Antiocheno, Basilio Magno, & Harmenopulo.
2. Quia ex Nicæno Canone Arabico 59. Chorepiscopi "ex Pueris, & Puellis vicinis ali-
" quos sequebantur, quos primum signabant cum Oratione, & Preci-
" bus, eisque manus imponebant, deinde constituiebant ex eis ministros
" secundum singulorum vocationem, & distribuiebant illos per omnes
" Ecclesias, & monasteria, ut erudirentur, & boni redderentur cle-
" rici." Pueros igitur antequam ad clerum adsciscerentur; & Puellas antequam ingrederentur Monasteria, confirmabant. Ita Canones Nicæno-Arabici ex nova Versione Abrahami Echellenfis, quos quidem Canones seculo septimo editos putat Launojus, in Tractatu de *Extrema Unctione*.
3. Quia nullo Orientali Canone legitur Chorepiscopis prohibitum esse, sacramentum Confirmationis administrare.

Certum quoque mihi videtur septem primis ecclesiæ seculis, chorepiscopos in occidente valide confirmasse. Synodus enim Regiensis, quæ anno 439. Armentarii ordinationem ad episcopatum Ebrodunensem, licet a duobus episcopis peractam, "Irritam & vacuandam esse censuit," clementer ei tamen concessit, ut chorepiscopatus munere fungi posset in aliqua parœcia, si quis episcopus eam illi conferre voluerit; sed certis legibus, quæ chorepiscopatum illum in angustias redigunt. Vetatur enim, "ne unquam duarum ecclesiarum gubernatio-
" nem obtineat; ne quis ei locus decernatur, quem Curie & Civita-
" tis species, aut ordo nobilitat: ne vel ultimum Clericum ordinet in
" ea etiam ecclesia, quæ illi cujuscumque misericordia fuerit attribu-
" ta: ne unquam in Civitatibus, vel sub Episcoporum absentia offer-
" re præsumat." Hoc unum chorepiscopatus vestigium ei relinquitur, ut "in ecclesia, quam cujusquam misericordia fuerit adeptus,
" neophytos confirmare in castellis ac vicis, & ante presbyteros of-
" ferre possit, & consecrandi virginem, sicut confirmandi neophytum
" jus habeat." Recisæ illæ, vel relictæ facultates satis evincunt ordinario jure chorepiscopis eas in occidente concessas fuisse, etsi aliis probationibus destitueremur. Altera tamen probatio superest ex Rabano Mauro petita, qui lib. 1. de *institut. clericorum*, cap. 5. testatur ordi-

ordinarium chorepiscoporum munus esse Confirmationis administrationem in pagis & vicis. "Ordinati sunt, inquit, chorepiscopi propter pauperum curam, qui in agris & villis consistunt, ne eis solatium Confirmationis deesset.

In eos tamen ita irascuntur Pontifices & occidentis Concilia seculis octavo, nono, & decimo celebrata, ut ne hoc quidem munus illis permittant, ob quod illos præcipue institutos fuisse Rabanus asserit; cuius quidem rei originem, & causam in suppositas octavo seculo Damasi, Leonis I. & Joannis III. epistolas refundendam existimo. Desinente igitur seculo octavo, vel ineunte seculo nono, querela in Galliis & Germania excitata est de Confirmatione a chorepiscopis concessa, plurimis laicis suos liberos ab iis confirmari nolentibus, "Nemagis vulnus, quam benedictionem acciperent. "Cum hæc quaestio variis, & nutantibus sententiis agigaretur, ejus decisio per Arnonem Archiepiscopum relata est ad Leonem III. qui Confirmationes, ecclesiarum dedicationes, consecrationes virginum, & subdiaconorum, diaconorum, & presbyterorum ordinationes factas a chorepiscopis, irritas & nullas esse definivit. Leonis definitionem amplexi sunt Germani & Gallicani episcopi in synodo Reginisbruk, eamque sequuntur Capitularia lib. 6. cap. 284. & lib. 7. cap. 187. 310. 318. 328. & 329. & Concilium Parisiense anno 829. lib. 1. cap. 27. ei tamen non adhaeserunt omnes episcopi, ac in primis Rabanus, qui lib. 1. de institut. clericorum, quem anno 819. edidit cap. 5. de chorepiscopis ita disserit: "Episcopi apostolorum vicem in ecclesia tenent: & chorepiscopi, qui vicarii sunt episcoporum, ad exemplum 70. seniorum constituti sunt: nec aliquid eis magis licet in ecclesia ordinare, aut constituere, nisi quantum eis conceditur a legitimis episcopis, qui sedem & regimen integrum in ecclesiis obtinent. Ordinati sunt autem chorepiscopi propter pauperum curam, qui in agris & villis consistunt, ne eis solatium Confirmationis deesset. Dicti sunt autem chorepiscopi, quia "de choro sunt sacerdotum (falsa quidem hæc est Rabani etymologia, sed ejus mentem declarat. (Hi autem a solo episcopo civitatis, cui adjacent, ordinantur, sicut presbyteri. "Hinc ille paulo post edidit opusculum de chorepiscopis (extat illud opusculum ad finem tomi VII. Conciliorum Labbæi) in quo expendit, "Si liceat chorepiscopis presbyteros, & diaconos ordinare; & manus baptizatis imponere, cum consensu episcopi sui. "Aliis enim affirmantibus, aliis vero negantibus, inde "excitabantur sectæ, invidiæ, iræ, rixæ, emulationes, dissensiones, & contentiones: per quas multi de populo videntes magistrorum dissensionem; non mediocriter scandalizabantur. "Affirmativam vero partem ille sequitur, & probat primum quidem Lini, & Cleti exemplis, "Qui, referente Damaso Papa in Codice de Episcopis Romanæ ecclesiæ (librum de

,, vitis

„ vitis Pontificum intelligit Damasus perperam adscriptum ,) ex præ-
 „ cepto beati Petri ordinationes Presbyterorum fecerunt ; licet illi *Pe-*
tro non successerint, sed *Clemens* : deinde *can. 13. Ancyrano*, præterea
canone 10. Antiocheno ; ipsa denique chorepiscoporum ordinatione ,
 qui licet ab uno episcopo ordinentur, *consecrationem episcopalem habent*,
 & *canone 10. Antiocheno*, „ Manus impositionem episcoporum perci-
 „ pere , & sicut episcopi consecrati dicuntur . “ Unde ille colligit
 Chorepiscopos in Episcoporum ordine haberi ; idque hoc ratiocinio
 probat : “ Si enim , inquit , in Episcoporum ordine Chorepiscopos
 „ non licet habere , nullatenus inter trecentos decem & octo Patres ,
 „ qui in Concilio Nicæno assuerunt , annumerentur , in quorum Ca-
 „ talogo amplius quam duodecim Chorepiscopi inserti sunt , ubi nul-
 „ lus Presbyterorum , vel Diaconorum in numero præfinito Patrum ,
 „ solummodo metropolitani , & Episcopi , atque Chorepiscopi , no-
 „ minatim recensiti inveniuntur . “ Rabanus igitur factas a Chorep-
 scopis cum urbis Episcopi consensu ordinationes , & Confirmationes ea
 potissimum ratione defendebat , quod illi , licet ad exemplum 70. se-
 niorum instituti , & ab uno Civitatis Episcopo ordinati , veri tamen
 essent Episcopi . Alii contra negabant illos esse Episcopos , ideoque
 factas ab illis ordinationes & Confirmationes improbabant , ut videre est
 in citatis Capitularibus . Quare cardo difficultatis in eo potissimum ver-
 sabatur seculis octavo , & nono utrum chorepiscopi episcopali caractere
 insigniti essent .

Querela igitur post Leonis III. obitum minime sopita , Hincmarus
 Remensis consuluit Leonem IV. cujus responsum perit , & quibusdam
 post annis Rodolphus Bituricensis Nicolaum I. consuluit , qui Rabani
 doctrinæ responsum conforme dedit , asserens 70. discipulos , quibus
 chorepiscopi successerunt , obuisse munera episcopalia . Isaacus Lingo-
 nensis , in suis canonibus , tit. 11. cap. 30. & 31. Hincmarus Re-
 menlis , & alii quamplurimi , adhæserunt Leoni III. pauci Nico-
 lao I. Renovata iterum est in Germania , & Galliis quæstio , se-
 dente Leone VII. qui a Gerardo Archiepiscopo Lauriacensi interroga-
 tus , idem , quod Leo III. respondit . Hæc fusius *supra* , pag. 449.
 & seq.

S E C T I O V.

Utrum diaconi , subdiaconi alique inferiores clerici , imo & laici confir-
mati , possint a summo pontifice committi ad sacramentum
Confirmationis administrandum .

AUctores , qui partem affirmativam sequuntur , recensui *supra* ,
 pag. 522. Eam quidem opinionem pluribus argumentis refelle-
 re in

re in mentem mihi venerat ; sed re attentius perspecta , a proposito destitit : illa enim nullo veterum testimonio aut exemplo stabiliri potest.

ARTICULUS VI.

De variis theologorum placitis circa ministerium Confirmationis ordinarium.

Quæritur Primo utrum valeant Confirmationes ab hæreticis, & in hæresi factæ : Secundo utrum factæ ab episcopis schismaticis, & excommunicatis excommunicatione majori : Tertio utrum ab Episcopis orthodoxis in aliena diœcesi factæ, inconsulto proprio diœcesis Episcopo : Quarto utrum ab Episcopo factæ, prohibente summo Pontifice.

S E C T I O I.

Utrum Confirmationes ab hæreticis & in hæresi factæ valeant.

Affirmans theologorum opinio adeo communis est, ut oppositam Alphonsus a Castro hæreticam existimet *lib. 2. de justa hæreticorum punitione, cap. 22.* Neganti tamen sententiæ adhærent Innocentius IV. Nicolaus Tudescus, Abbas Panormitanus, Antonius Augustinus, Archiepiscopus Tarraconensis, Joannes Maldonatus, Jacobus Sirmondus, & Joannes Morinus. Hujusce quæstionis, quæ mihi quidem difficillima semper visa est, solutio pendet ex quibusdam aliis difficultatibus, quas sequentibus paragraphis proponam. Enimvero si chrismatio, vel manuum impositio, per quam hæretici in Ecclesiam Catholicam admittebantur, confirmatoria fuerit, concessam ipsis in hæresi Confirmationem nulla fuisse oportuit.

Hæretici ad ecclesiam redeuntes, alii a religione Catholica deficientes, in ea prius baptizati fuerant ; alii vero baptisma susceperant in ipsa hæresi. Ex istis, alii valido, ut Ariani ; alii invalido, ut Paulianistæ, baptismo initiati fuerant. Ex illis denique, qui in ipsa hæresi valide baptizati fuerant, alii suscipiebant Confirmationem, ut Donatistæ ; alii eam aspernabantur, ut Novatiani. Quo fit, ut in ea, quam versamus, materia hæreticos quadruplicis generis distinguamus oportet. De singulis ordine agendum est.

§. 1. *Quomodo hæretici extra hæresim baptizati , in ecclesiam olim admitterentur .*

A S S E R T I O I.

Hæretici in ecclesia catholica baptizati , qui cum defecissent a fide , postea ad ipsam redibant , admittebantur per *manus impositionem*.

PROBATUR ex Cypriano, *epist.* 71. & 74. ex Crescente a Cirta, & ex Cassio a Macomatibus in Concilio Carthagenensi sub Cypriano , ex Stephano I. ad Cyprianum *epist.* 74. Leone magno, *epist.* 79. cap.6. Virgilio Papa, *epist.* 2. ad Eleutherium.

A S S E R T I O II.

Hæc autem manus impositio erat in *pœnitentiam*, non autem in *Spiritum sanctum*.

PROBATUR 1. ex Cypriano *epist.* 71. " Quos constat hic (in Ecclesia Catholica) baptizatos esse , & a nobis ad hæreticos transisse , si postmodum peccato suo cognito , & errore digesto ad veritatem , & matricem redeant , satis est in pœnitentiam manum imponere. " Et ex *epistola* 74. " Qui baptizati in ecclesia prius fuerant , & sic ad hæreticos transierant hos oportet cum redeunt , acta pœnitentia per manus impositionem solam recipi.

2. Ex Crescente a Cirta , qui Concilio Carthagenensi cum Cypriano aderat : " Hæretici sive schismatici , inquit , qui ad Catholicam ecclesiam venire voluerint , & qui in Ecclesia Catholica fuerint ante baptizati per manus impositionem in pœnitentiam Ecclesie reconcilientur . " Neque apud Cyprianum alicubi , vel apud Episcopos Cypriano consentientes aut ab eo dissentientes invenies hujusmodi hæreticos per impositionem manus in Spiritum sanctum admissos fuisse.

3. Ex Stephano apud Cyprianum *epist.* 74. " Si quis ergo a quacumque hæresi venerit ad nos , nihil innovetur , nisi quod traditum est , ut manus illi imponatur in pœnitentiam .

4. Ex Siricio Papa , *epist.* 1. cap. 1. " Baptizatos ab impiis Arianis , nos cum Novatianis , aliisque hæreticis , sicut est in synodo constitutum , per invocationem septiformis Spiritus , episcopalis manus impositione , catholicorum conventui sociamus . " Et *epist.* 4. cap.

8. " Venientes a Novatianis vel Montensibus per manus impositionem (illam scilicet , quam in *epist.* 1. dixit esse invocationem septiformis Spiritus) suscipiantur , præter eos quos rebaptizant , " id est præter apostatas , quos a fide catholica deficientes , & ad Novatiano-

rum

rum hæresim transeuntes rebaptizant. Negat igitur Siricius apostatas, qui Novatianorum hæresim transeunt, in Ecclesiam Catholicam admittendos esse per manuum impositionem in Spiritum sanctum.

5. Ex Leone magno *epist.* 129. *alias* 79. qui a Niceta, Episcopo Aquileiensi, interrogatus, respondit, *cap.* 6. illos qui a fide ad hæresim transeuntes "Ad iterandum baptismum, vel metu coacti, vel errore traducti fuerant, . . . in societatem nostram non nisi per penitentiae remedium, & per impositionem episcopalis manus recipi. Alios autem hæreticos *cap. sequenti* docet in ecclesiam admitti, "Sola invocatione Spiritus sancti per impositionem manuum.

6. Ex Vigilio *epist.* 2. qui de eadem questione ab Eutherio consultus, postquam examinavit, "Quid per singulos ordines, vel artes antecessorum suorum decreta consueverunt, "idem, quod Leo, respondit. "Eorum, inquit, *cap.* 3. (loquitur de Arianis iterum baptizatis) reconciliatio non per illam impositionem manus, quæ per invocationem sancti Spiritus fit, operatio, sed per illam, qua penitentiae fructus acquiritur, & sanctæ communionis restitutio perficitur.

Neque dicas ex Hieronymo in *dialogo adversus Lucifer.* *cap.* 2. manuum impositionem, qua publici peccatores olim reconciliabantur, dici manuum impositionem in Spiritum sanctum. "Sacerdos, inquit, pro laico offert oblationem suam, imponit manum subiecto, reditum sancti Spiritus invocatur, atque ita cum altari reconciliatur.

Primum enim hæc dicuntur a Luciferiano, non autem a catholico. Deinde aliud est sacerdotem offerendo oblationem, & imponendo manus, invocare reditum Spiritus sancti; aliud sacerdotem conferre manuum impositionem in Spiritum sanctum: prior manuum impositio est cæremonialis; posterior videtur sacramentalis & confirmatoria: prior agit ex opere operantis; posterior ex opere operato: prior, quæcumque illa sit, sive cæremonialis, sive penitentialis advocat Spiritum sanctum indirecte, & tanquam causa per accidens, seu tanquam causa removens prohibens; posterior advocat directe, & tanquam causa per se. Producti sane patres utramque manuum impositionem inter se opponunt; una igitur ab alia secerni debet.

A S S E R T I O III.

Hæc igitur manuum impositio, qua præfati hæretici admittebantur, penitentialis, mereque reconciliatoria erat, non autem confirmatoria.

Assertio hæc ex duabus aliis propositionibus sequitur: eaque isto ratiocinio firmari potest. Illi enim hæretici, de quibus in hoc §. agimus, in ecclesia catholica baptizati, adeoque confirmati fuerant. Ec-

Witasse de Confirmatione.

L1

cle-

clesia vero nec suum baptismum, nec suam Confirmationem unquam iteravit.

A S S E R T I O IV.

Denique pœnitentia hæc, in quam præfatis illis hæreticis manus imponebatur, levior erat, modo illi nec in hæresi rebaptizati, nec rei capitalis criminis essent; tunc enim pœnitentiæ publicæ subijciebantur. Excipi ab hac regula debent Manichæi, quos ecclesia difficilior, & severius admittebat ob ipsorum in hæresi pertinaciam & simulatam conversionem: qua de re alibi.

Hæc propositio constat quatuor partibus, quæ pluribus exemplis, & testimonio probari possent. Ex multis quatuor aut quinque seligemus.

Joannes Climacus, in *scala*, gradu 15. refert, quod licet "in hæresim labi gravius sit, quam fornicari, nihilominus ecclesia catholica hæreticos, cum hæresim priorem toto animo repudiaverint, atque anathematizaverint, suscipit ad sanctorum mysteriorum communionem, & ut idoneos admittit; eum vero, qui in fornicationem lapsus fuerit, . . . per annos aliquot a venerandis immaculatisque mysteriis ex traditione apostolica separat." Inde manifestum est hæreticos post fidei professionem nulla aut levi pœna imposita admissos fuisse. Rigida forte videbitur pœnitentia, quam Illiberitanum Concilium eis imponit *can. 22.* "ut decem annis agant pœnitentiam, & post decem annos præstetur eis communio." Sed remissam illam esse pœnitentiam facile concedet, qui severitate aliorum hujusce Concilii canonum attenderit. Indulgentius agunt cætera Concilia, si forte canonem 60. Concilii Agathensis excipias, quem integrum renovat Concilium Toletanum XVII. *cap. 13.* quo quidem canone asseritur, "grandem redeundi difficultatem sanxisse antiquos patres" iis qui in catholica fide baptizati in hæresim prolabantur. Verum canon ille non debet intelligi de quibuscumque hæreticis, sed de hæreticorum antesignanis, vel de iis qui rebaptizati fuerant, vel qui grave aliquod crimen hæresi conjunxerant. Synodus enim IV. Aurelianensis post Agathensem 39. annis celebrata, nullam gravem pœnam hæreticis propter ipsam hæresim decernit, *can. 8.* sed omnia Episcopi arbitrio permittit.

Innocentius I. *epist. 2. cap. 8.* "ut venientes a Novatianis vel Montensibus per manus impositionem suscipiantur; quia quamvis ab hæreticis, tamen in Christi nomine sunt baptizati, præter eos, si qui forte a nobis ad illos transeuntes, rebaptizati sunt. Hi si resipiscentes, & ruinam suam cogitantes, redire voluerint, sub longa pœnitentia satisfactione admittendi sunt. Quanta vero, & quam
lou.

longa esset hæc pœnitentia , explicat Felix III. *epist.* 7. ad universos episcopos data anno 488. ubi vult primo episcopos , presbyteros , vel diaconos in hæresim lapsos , qui “ seu optantes , seu coacti rebaptizati fuerint , usque ad exitus sui diem in pœnitentia , si resipiscunt , jacere ; nec orationi non modo fidelium , sed ne catechumenorum , omnimodis interesse : eisque communionem laicam tantum in morte reddendam esse . 2. Clericos , monachos , puellas Dei , aut seculares , qui nulla necessitate , nullius rei timore , aut periculo , se , ut rebaptizentur , hæreticis impie dederunt : si tamen eos ex corde pœniteat , tribus annis inter audientes esse , septem annis subiacere inter pœnites manibus sacerdotum ; duobus autem annis non offerre . 3. Illis , “ seu clericis , sive monachis , seu laicis , utriusque sexus personis , quos violentiæ periculis coactos iterationem baptismatis subisse constiterit , pœnitentiam per triennium durare . 4. Catechumenos , qui a fide christiana recedentes , ab hæreticis baptizati fuerint , “ tribus annis inter audientes esse , & postea cum catechumenis per manus impositionem communionis catholicæ gratiam percepturos .

Tharastius , patriarcha Constantinopolitanus , *actione* 1. & 3. synodi VII. œcumenici , loquens de hæreticorum antesignanis . “ Plurimi , jam canonici , sanctorumque synodorum & patrum libri lecti sunt , qui docent nos , reversos ab hæresi recipere debere , modo non subit improba aliqua causa . “ Si qua igitur subesset improba causa , jam illi non admittebantur statim , sed duriori pœnitentiæ subiciebantur .

Denique Sanctus Augustinus , in *communitorio* de susceptione Manichæorum , quod habetur in fine romi 10. & emendatum legitur Tomo IV. Conciliorum Labbæi , pag. 1662. Monet , “ ne Manichæi facile admittantur ad baptismum , si catechumeni sint : “ nec ad reconciliationem , si pœnitentiæ locum acceperint , nisi periculo mortis urgente .

A S S E R T I O V.

Præfati illi hæretici , neque in occidente , neque in oriente admissi videntur per chrismatis unctionem .

Nullus enim , quod sciam , in Ecclesia Occidentali canon aut textus extat , quo constet illos inunctos fuisse ; nullus etiam in Ecclesia Orientali ad Methodium usque Patriarcham Constantinopolitanum , cujus decretum , mutilatum quidem & interpolatum refertur *tomo* 6. *biblioth. Patrum* , & exinde a Baronio *ad ann.* 842. *num.* 20. integrum vero a Goario in *euchologio* pag. 876. 877. &c. in eo autem fideles apostatæ facti , deinde vero ad Ecclesiam redeuntes triplicis generis distinguuntur . Qui enim a fide recedunt , vel pueri sunt , vel adulti : si adul-

ti, vel *propter tormenta*, vel *sua sponte* fidem negarunt. Primi & secundi generis vult chrismate inungi, ut solent inungi, qui baptizantur: postremos vero ad *sentium ordinem omni vita sua tempore* amandari. Decretum illud tribuit Arcudius Methodio schismatico, qui sedem Constantinopolitanam obtinuit ad annum 1240. Goarius illud vindicat Sancto Methodio confessori, qui obiit anno 847. illud genuinum contendit Goarius, adulterinum Arcudius, adulteratum saltem Joannes Morinus. Quovis modo sese res habeat de antiquitate & auctoritate hujus decreti, de quo uberius *infra*, ubi de iteratione Confirmationis, Georgius Cedrenus, qui scribebat anno Christi 1065. enarrat, Zilicam hæresim extinctam simul ac natam, S. Methodii laboribus, & industria, moxque ejus sectatores cum principe suo Zilice, qui a secretis erat imperatori, ad veram religionem conversos fuisse, divinoque unguento unctos & perfectos.

OBJICIET forte aliquis adversus ea, quæ de occidentali ecclesia asseruimus, exemplum Lanthildis sororis Clodovæi regis, quæ in hæresim Arianorum lapsa, post fidei professionem chrismata est, ex Gregorio Turon. *lib. 2. cap. 31.*

Verum hæc in Arianorum hæresim lapsa dicitur, non quod a fide catholica secesserit ad hæresim, sed quod a paganismo ad Arianismum transierit.

§. 2. *Quomodo heretici in ipsa heresi invalide baptizati, in ecclesiam admitterentur.*

Hæreticos extra ecclesiam catholicam baptizatos triplicis generis *supra* distinximus, de quibus modo agendum est.

Paulianistæ, Photiniani, Montanistæ, Eunomiani, Sabelliani, alique hæretici, quorum baptisma invalidum erat, in ecclesiam admitterebantur per iterationem baptismi, ut videre est de Paulianistis in Concilio Nicæno, *cap. 19.* de Photinianis in Concilio II. Arelatenſi *can. 6.* de Montanistis, Eunomianis, & Sabellianis in Concilio Laodicæno, *canone 8.* & in Concilio Constantinopolitano, *canone 7.*

Neque dicas, Photinianorum, & Montanistarum baptismum probari, eosque per solam unctionem, vel manuum impositionem admitti: Photinianos quidem, *can. 7. Laodicæno*, "Eos qui ex hæresibus, hoc est, Novatianis, sive Photinianis, vel Tessaradecatis convertuntur, & qui apud illos dicuntur fideles, (id est, baptizati sunt, ut vertit Dionysius) fidei symbola discantes, & sancto chrismate inunctos, sic sancto mysterio communicare: " Montanistas vero *cap. 8. epistola 4.* Siricii ad Africanas Ecclesias: " Venientes a Novatianis, vel Montenſibus per manus impositionem suscipiantur.

Vocem enim *Photiniani* in canonem Laodicænum indeque in verlionem Dionysianam irrepisse Baronius contendit : & merito quidem ; deest enim in versione Isidori Mercatoris , deest in plerisque scriptis codicibus , ex Baronio ; deest in græca synopsi canonum Aristenii , quam ille anno 1130. edidit , jussu Joannis Comneni imperatoris ; deest in græca epitome canonum Simeonis Magistri Logothetæ , Aristeno posterioris. Deinde Photiniani iidem erant , qui Paulianistæ . Sed Paulianistarum baptisma canone 19. Nicæno reprobatur . Hinc Rufinus canonem illum Nicænum abbrevians , *lib. 1. histor. eccles. cap. 6.* ubi illum facit 21. ut Paulianistæ , qui sunt Photiniani , rebaptizentur . Præterea Photinianorum baptismus rejicitur *can. 6. concilii II. Arelatenfis.* Accedit quod II. synodus œcumenica , quæ *canone 1.* omnem hæresim vult anathematizari , & specialiter Eunomianorum , Semi-Arianorum , Pneumatomachorum (sive , ut Dionysius vertit) Macedonianorum , Sabellianorum , Marcellianorum , Photinianorum , & Apollinaristarum ; deinde referens *can. 7.* qui sint hæretici , quorum baptisma ratum vel irritum est , inter hæreticos , quorum validus est baptismus , recenset duntaxat Arianos , Macedonios , Sabellianos , Novatianos , & Apollinaristas , nulla Photinianorum , vel Marcellianorum , quos tamen animo præsentis habebat , mentione facta ; inter illos vero , quorum invalidus est baptismus , enumerat *Eunomianos & Montanistas , & alias hæreses* , a quorum recensione abstinet , *quoniam in eo capite multi sunt hæretici* . Photinianos igitur , sicut & Marcellianos , ad postremum genus revocat . Denique Theodoretus , *lib. 2. hæretic. fab.* affirmat Photinianos eadem sensisse cum Paulianistis , quos concilium Nicænum venientes ad ecclesiam rebaptizari voluit . Donatistas vero , non Montanistas , per *Montenses* intelligi , probabimus *infra , paragrapho 8.*

Nec etiam objicias Hieronymum in *dialogo advers. Luciferian. cap. 9.* asserentem , “ Synodus Nicæna omnes hæreticos suscepit , exceptis Pauli Samosatani discipulis ; ” quibus ille verbis innuit a Nicæna synodo quorumlibet hæreticorum ipsa priorum , exceptis Paulianistis , baptismum susceptum fuisse .

Hæc enim verba Hieronymi sobrie intelligi debent , cum Iræneus *lib. 1. advers. hæreses , cap. 18.* verba portentosa referat , quibus impius Marcus , celeberrimus Valentini discipulus , ejusque affectu , formulam baptismi adulterabant ; & cum ipsa synodus œcumenica II. *can. 7.* Sabellianorum & Cataphrygum baptismum nullum aperte declaret . Eadem ratione sobrie intelligi debet Innocentius I. in *epist. 22. cap. 5.* ubi ait de ipsis tantum (Paulianistis ad ecclesiam redeuntibus) esse præceptum , ut baptizarentur .

Cæterum præter illos quinque hæreticos enumeratos , recensentur alii a Gennadio , *lib. de eccles. dogmatibus cap. 32.* nimirum Irocliani , Barboritæ , Siphori seu Tonosiani , Manichæi , Cerdoniani , Marcionitæ , Sethiani , Valentiniani , Cerinthiani , Ebionzi , Artomoniani . Alii etiam

am enumerantur a Timotheo presbytero, qui postea patriarcha fuit Constantinopolitanus, numero 47. ut videre est ex Nicephori chronici, circa annum Christi 500. sub Anastasio imperatore, videlicet, Marcionitæ, Talscodrugitæ, Saccophori, Apotactitæ, Valentini, qui etiam Basilidii, & Hermæi appellantur: Nicolitæ, Pepuzeni, Manichæi, Cerinthiani, Menandriani, Ebionæi, Simoniani a Simone Maggo, Carpocratini a Carpocrate, Saturniani, & qui ab impio Marco, vel ab Apelle, vel a Theodoro Coriario initium duxere: Helcesæi, Pelagiani, & Melchisedechitæ. Ita Timotheus in fragmento quod extat tom. 6. *biblioth. Patrum*, pag. 407. & 408. & ex eo Theodorus Studita, vel potius Timotheus ex Theodoro Studita, celeberrimo sacrarum imaginum defensore, qui claruit anno 820. in *epist. ad Naucratium*, quæ refertur *somo 2. bibl. Patrum*, pag. 739.

Verum ex illis hæreticis Manichæi, Nicolaitæ, Pelagiani, & alii quidam excipi debent, qui licet illicite, valide tamen baptizabant. De Nicolaitis constat ex Hieronymo *advers. Lucifer. c. 8.* de Pelagianis ex Leone magno, *epist. 86.* & de Manichæis ex Augustino in *commonitorio* de susceptione Manichæorum.

Modum vero, quo illi hæretici per baptismum in ecclesiam recipiebantur, exhibent in eodem canone 7. patres Constantinopolitani. "Qui, cumque ex his rectæ fidei ascribi volunt, ut gentiles admittimus; & primo quidem die ipsos christianos facimus: "quod per orationes speciales fieri solebat, ut videre est in rituali Petaviano: "secundo catechumenos; deinde tertio exorcizamus, sive adjuramus ipsos, ter simul in faciem eorum & aures insufflando: & sic eos catechizamus sive iniciamus, & curamus ut longo tempore verseatur in ecclesia, & audiant scripturas; & tunc eos baptizamus. Baptismum autem proxime sequebatur Confirmatio.

§. 3. *Quomodo hæretici, valide quidem baptizati, sed nondum confirmati admitterentur.*

A S S E R T I O.

HÆRETICI in ipsa hæresi baptizati, nondum tamen confirmati, quod in ea essent hæresi, quæ sacramentum Confirmationis reprobaret aut contemneret, in ecclesiam per ritum confirmatorium, admitterentur, ea tamen lege ut criminis capitalis rei non essent; tunc enim ad penitentiae labores & stationes remittebantur.

Hinc Novatiani in oriente suscipiebantur per confirmatoriam christianis unctionem, cum hac verborum formula; "Signaculum donationis Spiritus sancti, "ex canone 7. concilii I. Constantinopolitani; in occidente vero per confirmatoriam manus impositionem, ex Siricio *epist. 4. ad Africanas ecclesias, cap. 8.* & ex Innocentio I. *epist. 2. cap. 8.* quia

8. quia suos neophytos minime confirmabant, ex Theodoro, *lib. 3. heretic. fabul. cap.* de Novato, seu potius Novatiano. "Novatiani, inquit, iis, qui ab ipsis tinguntur sacrum chrisma non præbent; quocirca eos etiam, qui ex hac hæresi corpori ecclesiæ conjuguntur, benedicti patres ungi iusserunt." Idem ante Theodoretum Patricianus docuerat *epist. 3. ad Sympronianum*: "Vestæ plebi unde Spiritus, quam non consignat unctus sacerdos? Illos tamen Cypriani tempore, hoc est initio hæresis suæ, confirmare solitos, constare videtur ex epistola 76. ejusdem Cypriani, qui a Magno interrogatus, utrum Novatianorum baptisma valeret, probat illorum, cæterorumque hæreticorum, sive schismaticorum baptisma nullum esse; quia si dare Spiritum sanctum non possunt per manus impositionem; ergo nec baptizare. Sic enim ille de catholicis, qui Novatianorum, aliorumque schismaticorum baptisma defendebant, "Qui Novatiano, sive cæteris ejusmodi schismaticis patrocinantur, frustra contendunt baptizari & sanctificari illic aliquem saluari baptismo posse &c. Dolendum christianos antichristis assistere; qui quoniam pertinaces alias & indociles vel hoc tamen consentunt: quod universi, sive hæretici, sive schismatici, non habent Spiritum sanctum, & ideo baptizare quidem possunt, dare autem Spiritum sanctum non possunt: in hoc ipso a nobis tenentur, ut ostendamus nec baptizare omnino eos posse, qui non habeant Spiritum sanctum. Nam cum in baptismo unicuique peccata sua remittantur: & per eos solos peccata possint dimitti, qui habeant Spiritum sanctum, (quod ille probat exemplo apostolorum, quibus Christus ait; *Accipite Spiritum sanctum* &c. & Joannis Baptiste, "qui Christum Dominum baptizaturus, accepit Spiritum sanctum, cum adhuc esset in utero matris,) manifestum est, baptizare non posse nisi eos qui habeant Spiritum sanctum. Itaque qui hæreticis sive schismaticis patrocinantur, respondeant nobis, habeantne Spiritum sanctum, an non habeant: si habent, cur illic baptizatis, quando ad nos veniunt, manus imponitur ad accipiendum Spiritum sanctum, cum jam utique illic acceptus sit, ubi, si fuit, dari potuit? si autem foris cuncti hæretici & schismatici non habent Spiritum sanctum, & ideo apud nos manus imponitur, ut hic accipiatur, quod illic nec est, nec dari potest; manifestum est nec remissionem peccatorum dari per eos posse, quos constat Spiritum sanctum non habere.

Utrum præter Novatianos alii fuerint hæretici, qui suos neophytos minime confirmarent, in controversiam adduci potest. Petrus de Marca in *dissertatione ad concilium Claremontanum*, ubi de canone 27. negat Confirmationem ab Arianis, Sabbatianis, Quartodecimanis, Macedonianis, & Apollinaristis administratam fuisse.

Verum hæc gratis asseruntur; nullus enim in antiquis patribus & conciliiis textus vel canon extat, quo negetur Arianos, aliosque a No-

vaticanis hæreticos hoc sacramentum administrasse. Is sane ritus erat apud antiquos communis, & æque apud hæreticos, si Novatianos excipias, ac apud catholicos receptus, ut baptismum Confirmationem sequeretur; maxime eum hæretici gloriarentur habere se Spiritum sanctum, qui per Confirmationem conceditur. Hinc Donatistæ non modo suos baptizabant simul & ungebant, sed & nostros, si qui ad ipsos accederent, rebaptizabant, iterumque ungebant.

§. 4. *Quomodo hæretici foris valide baptizati & confirmati, in ecclesiam occidentalem admitterentur.*

HÆRETICI foris quidem & extra ecclesiam, valide tamen baptizati & confirmati, "Cum ad ecclesiam veniunt, inquit Hugo, Victorinus, *tract. 5. summe sentent. cap. 8.* instruuntur de fide, & per manus impositionem accipiunt Spiritum sanctum. Manus impositio aliquando unctione chrismatis fit, aliquando sine chrismatione, oratione dicta super hominem. Queritur ergo quomodo in ecclesiam admissi fuerint, an per manuum impositionem, an per chrismatis unctionem, an per utramque. De occidente agemus in hoc §. de oriente in sequenti.

A S S E R T I O I.

Occidentalis ecclesia primis quatuor seculis hæreticos illos per manuum impositionem admisit, nulla facta mentione chrismationis.

Idem certum videtur 1. ex dissidio Cypriani, & Africanorum antistitum; quorum Cyprianus & antistites ejus parti adherentes, baptizandos esse hæreticos asseriebant, postea confirmandos per manus impositionem, sicque in ecclesiam admittendos; alii vero, approbato eorum baptismo, per solam manus impositionem in Spiritum sanctum recipiendos esse contendebant. Hinc Cyprianus *epist. 72.* scribit, "Eis qui sunt foris extra ecclesiam tincti, quando ad nos venerint, parum est, se eis manum imponere ad accipiendum Spiritum sanctum, nisi accipiant & ecclesie baptismum, tunc enim demum plene sanctificari, & esse filii Dei possunt, si sacramento utroque nascantur." Hinc apud eundem Cyprianum *epist. 73.* episcopi ab ipso dissentientes probant hæreticos non rebaptizandos, sed per solam manus impositionem in Spiritum sanctum admittendos esse, quia "super eos, qui in Samaria baptizati fuerant, advenientibus apostolis Petro & Joanne, tantum manus imposita est, ut acciperent Spiritum sanctum, rebaptizati tamen non sunt." Hinc in synodo Carthaginensi sub eodem Cypriano habita, Nemesianus episcopus a Thubunis antistitum sibi oppositorum sententiam ita refert, & refellit. "Male ergo sibi quidam interpretantur, ut dicant (quod hæretici ad ecclesiam redeuntes) per
,, ma-

„ manus impositionem Spiritum sanctum accipiant , & sic recipiantur ;
 „ cum manifestum sit utroque sacramento debere eos renasci in eccle-
 „ sia catholica .

2. Ex auctore anonymo , qui Cypriano æqualis aut suppar fuit , in tractatu *de baptismo* adversus eundem Cyprianum . Ubi quæstionem controversam ita proponit , “ Utrum vetustissima consuetudine ac traditio-
 „ ne ecclesiastica post illum , quem foris quidem , sed in nomine Jesu
 „ Christi dominicum acceperunt baptismum , tantummodo imponi eis
 „ manus ab episcopo ad accipiendum Spiritum sanctum sufficeret : an
 „ vero etiam iteratum baptisma his necessarium esset , perinde ac si
 „ nunquam baptizati in nomine Jesu Christi forent . “ Vetustissima igitur hæc erat consuetudo , ac traditio ecclesiastica , ut hæreticis extra ecclesiam valide baptizatis tantummodo manus ab episcopo imponeretur ad accipiendum Spiritum sanctum .

3. Ex concilio Arelatenſi I. quod canone 8. statuit Donatistas , qui in nomine Trinitatis baptizati fuerint , admitti per manus impositionem . “ Manus ei tantum imponatur , & accipiat Spiritum sanctum .

4. Ex aliis auctoribus , qui quatuor primis seculis in occidentali ecclesia floruerunt , quorum nullus est , qui chrismationis , per quam hæretici admitterentur , meminerit .

A S S E R T I O II.

Hinc usum , quo hæretici per solam manuum impositionem admitterentur , ecclesia Romana constanter retinuit .

Constat illud ex Romanis pontificibus .

1. Ex Siricio , *epist. 1. cap. 1.* qui ab Himerio , Tarraconensi episcopo , consultus , utrum Arianis ad catholicam ecclesiam redeuntes essent baptizandi , ita respondit : “ Baptizatos ab impiis Arianis , nos
 „ cum Novatianis , aliisque hæreticis , sicut est in synodo constitutum , per
 „ invocationem solam septiformis Spiritus , episcopalis manus imposi-
 „ tione , catholicorum conventui sociamus . Quod etiam totus oriens ,
 „ occidentisque custodit . “ Et *epist. 4. cap. 8.* “ Venientes a Novatianis
 „ vel Montensibus per manus impositionem (illam scilicet , quam in
 „ *epist. 1.* dixit esse invocationem septiformis Spiritus) suscipiantur , præ-
 „ ter eos quos rebaptizant .

2. Ex Innocentio *epist. 2. cap. 8.* “ Venientes a Novatianis vel
 „ Montensibus per manus tantum impositionem suscipiantur &c. “ Et
 „ *epist. 22. cap. 4.* “ Nostræ lex est ecclesiæ , venientibus ab hæreticis ,
 „ qui tamen illic baptizati sunt , per manus impositionem , laicam tan-
 „ tum tribuere communionem , nec ex his aliquem in clericatus hono-
 „ rem vel exiguum subrogare . “ Observa , quæ tunc lex esset ecclesiæ Romanæ .

3. Ex Leone magno , *epist. 37. ad Leonem Ravenatensem , cap. 2.* “ Si
 „ ab

„ ab hæreticis baptizatum fuisse quempiam confiterit , erga hunc nul-
 „ latus sacramentum regenerationis iteretur ; sed hoc tantum , quod
 „ ibi defuit , conferatur , ut per episcopalem manus impositionem vir-
 „ tutem sancti Spiritus consequatur . “ Loquitur generatim de quibus-
 „ cumque hæreticis . *Epistola* vero 79. *ad Nicetam cap. 6. & 7.* hoc discrimen
 „ statuit inter hæreticos , qui in catholica fide baptizati ad hæresim
 „ transierunt , & eos qui in ipsa fide baptizati sunt , quod illi per man-
 „ us impositionem in pœnitentiam , isti per manuum impositionem in
 „ Spiritum sanctum admitti debeant . “ Nam hi , inquit , qui baptismum
 „ ab hæreticis acceperunt , cum baptizati antea non fuissent , sola in-
 „ vocatione Spiritus sancti , per impositionem manuum confirmandi
 „ sunt . “ Loquitur *ibidem* de quibuslibet hæreticis . Denique *epistol. 92.*
inquisit. 18. a Rustico , Narbonensi episcopo , interrogatus , “ De his
 „ qui in Africa vel Mauritania venerunt , & nesciunt in qua secta
 „ sint baptizati , quid circa eos debeat observari ? “ ita respondet : “
 „ Non se isti baptizatos nesciunt , sed cuius fidei fuerint , qui eos bap-
 „ tizaverunt , se nescire profitentur . Unde quolibet modo formam bap-
 „ tismatis acceperint , baptizandi non sunt ; sed per manus impositi-
 „ onem , invocata virtute Spiritus sancti , quam ab hæreticis accipere
 „ non potuerunt , catholicis copulandi sunt . “ Hæreticos igitur rite ,
 „ cujuslibet sectæ fuerint , ecclesia Romana , per manus impositionem in
 „ Spiritum sanctum admittebat .

4. Ex Vigilio , *epistol. 2.* qui ab Eutherio consultus , quomodo ii sus-
 „ cipiendi essent ; “ Qui baptismatis gratia salutari accepta , apud Aria-
 „ nos iterum baptizati fuerant : postquam variis authenticis seu de-
 „ cretis , e Romano scrinio petitis , examinavit , quid per singulos or-
 „ dines , vel ætates antecessorum suorum decreta censuerunt , “ respon-
 „ det “ eorum reconciliationem faciendam , non per illam impositi-
 „ onem , quæ per invocationem sancti Spiritus fit , sed per illam qua
 „ pœnitentiæ fructus acquiritur , & sanctæ communionis restitutio per-
 „ ficitur . “ Duas ille , ut apparet , manuum impositiones distinguit ;
 „ alteram , qua invocatur sanctus Spiritus ; alteram , qua pœnitentiæ fru-
 „ ctus acquiritur , & sanctæ communionis restitutio perficitur . “ Per
 „ primam vult admitti Arianos extra ecclesiam baptizatos ; per secundam
 „ Arianos , qui a fide catholica deficientes , ab Arianis iterum baptizati
 „ fuerant .

5. Ex Gregorio magno *lib. 9. epistol. 71.* Quirinus aliique Hiberniæ
 „ episcopi , Gregorium consuluerunt , utrum Nestoriani , “ Cum ad ca-
 „ tholicam ecclesiam revertuntur , debeant baptizari , an certe solius
 „ veræ fidei confessione , ejusdem matris ecclesiæ visceribus adjungi . “
 „ Inde vero maximus ille Pontifex occasionem sumens enarrandi omnes
 „ recipiendorum in ecclesia hæreticorum modos , & antiquos & suo tem-
 „ pore usurpatos , ita respondet : “ Et quidem ab antiqua patrum insti-
 „ tutione didicimus , ut qui apud hæresim , in Trinitatis nomine bap-
 „ ti-
 „ ti-
 „ ti-

„tizantur, cum ad sanctam ecclesiam redeunt, aut unctiōe chrismatis, aut impositione manus, aut sola professione fidei ad sinum matris ecclesiæ revocentur. Unde Arianos per impositionem manus occidens, per unctiōem vero sancti chrismatis ad ingressum sanctæ ecclesiæ catholicæ oriens reformat: Monophysitas vero & alios ex sola vera confessione recipit: quia sanctum baptisma, quod sunt apud hæreticos consecuti, tunc in eis vires emundationis recipit, cum vel illi per impositionem manus Spiritum sanctum acceperint, vel isti propter professionem veræ fidei sanctæ & universalis ecclesiæ visceribus fuerint uniti. “ Quibus verbis Gregorius quatuor præstat, primum quidem observat differentiam in hac causa orientis ab occidente circa hæreticos in ipsa hæresi valide baptizatos. 2. Illos ait tribus modis admitti solitos, per manus impositionem, per unctiōem, & per solam fidei professionem. 3. Notat eandem esse uniuscujusque modi virtutem. 4. Tres illos modos *ab antiqua patrum institutione* derivasse, & Gregorii ætate jam antiquos esse. De manuum impositione id constat ex dictis; constabit ex dicendis de chrismatis unctiōe, quam in Galliis seculo V. & in oriente seculo IV. institutam videbimus. Denique susceptionem quorundam hæreticorum ante Gregorium jam dudum factam fuisse per solam fidei professionem, constat ex Nestorianis, Pelagianis, Eutychianis, Severianis, Monothelitis, Iconoclastis, aliisque similibus hæreticis post tertiam synodum œcumenicam exortis, qui per solam hæreseos abjuratiōem in ecclesiam admissi sunt. Quin etiam Leo magnus *epistol. 36.* Nicetam Aquilejensem episcopum redarguit, quod Pelagianos & Cœlestianos absque erroris ejuratione & fidei professione susceperet. Indulgentiores erant ecclesiæ in illis hæreticis ad suam communionem admittendis. Nunc vero ad secundam propositionem nostram redeamus. Hæc igitur

6. Probatur ex Zacharia *in epist. 6. ad Bonifacium*: “Tua bene compertum habet sancta fraternitas, quod quicumque baptizatus fuerit ab hæreticis in nomine Patris & Filii & Spiritus sancti, nullo modo baptizari debet, sed per solam manus impositionem purgari.

7. Ex pseudo-Damascō *in vita Eusebii*: “Hic hæreticos invenit in urbe Roma, quos sola manuum impositione reconciliavit.

8. Ex pseudo-Eusebio *initio epistolæ 1.* “Scitote nos eos, qui in sanctæ Trinitatis fide baptizati sunt, per impositionem manus suscipere. “Et in fine *epistolæ 3.* “Hæreticos omnes, quicumque Dei gratia convertuntur & in sanctæ Trinitatis nomine credentes baptizati sunt, Romanæ ecclesiæ regulam tenentes, per manus impositionem reconciliari præcipimus. Manus quoque impositionis sacramentum magna veneratione tenendum est, quod ab aliis perfici non potest, quam a summis sacerdotibus: ne tempore apostolorum ab aliis, quam ab ipsis apostolis legitur aut scitur peractum esse: neque ab aliis, quam ab illis, qui eorum locum tenent, unquam perfici possit,

„test, aut fieri debet : nam si aliter præsumptum fuerit, irritum ha-
 „beatur & vacuum, nec inter ecclesiastica unquam reputabitur sa-
 „cramenta . “ Observa quanam esset Romanæ ecclesiæ regula secu-
 „lo VIII.

9. Ex codice Siculo, qui ex Cassinensi bibliotheca Romam ad emi-
 „nentissimum Cardinalem Franciscum Barberinum anno 1641. allatus
 „est, quique ante sexcentos & amplius annos scriptus est caractere
 „Longobardico, ex Luca Holstenio, Barberinæ bibliothecæ præfecto, in
 „litteris ad Joannem Morinum, datis eodem anno 1641. iv. Kalendas
 „Martii. In hoc manuscripto duæ extant orationes, ubi de reconcilia-
 „tione hæreticorum, quarum alteri præfixus est hic titulus ; “ Reconc-
 „liatio cum impositione manuum redeunti ab Arianis : “ alteri vero
 „iste, “ Benedictio cum impositione manuum super eos qui de divers-
 „lis hæresibus veniunt.

Ex iis omnibus evidenter colligitur canonem illum B. Sylvestro non
 „recte adscriptum fuisse in secundæ synodi Romanæ epilogo, “ Sylve-
 „ster constituit ut presbyterum Arianum nemo susceperet, nisi epis-
 „copus ejusdem loci eum reconciliaret & sacrosancto chrismate per
 „episcopalis manus impositionem sancti Spiritus gratia, quæ ab hære-
 „ticis dari non potest, confirmaret. “ Hic ritus Galliæ aut alicujus
 „peculiaris provinciæ Italicæ proprius est, non ecclesiæ Romanæ. De
 „suppositione illius synodi ejusque epilogi differuimus *supra*, pag. 426.
 „*Et sequentibus*.

A S S E R T I O III.

Ecclesiæ Romanæ consuetudinem aliquandiu imitata est Gallicana ec-
 „clesia.

Hinc synodus Arelatenus prima, de qua *supra*, *can. 1.* decernit Do-
 „natistas valide baptizatos admitti per solam manus impositionem. Hinc
 „Eutherius ultima quæstione in acta apostolorum : “ Ab hæreticis ve-
 „nientes non baptizantur a nobis, si baptizatos constet in nomine
 „Trinitatis, nisi impositio tantum manus ad fidem rectam conversis
 „„adhibetur, ut per hanc Spiritus suscipiatur infusio.

A S S E R T I O IV.

. In Galliis tamen seculo V. manuum impositioni addi cæpit chris-
 „matis unctio.

„Istud videre est in Concilio Arausicano I. *can. 1.* “ Hæreticos in
 „morsis discrimine positos, si catholici esse desiderant, si desit episco-
 „pus, a presbyteris cum chrismate & benedictione consignari placuit.
 „2. In Concilio Arelateni II. *can. 17.* Bonosiacos ex eodem (Photi-
 „nianorum seu Paulianistarum) errore venientes, quos sicut Arianos
 „„bap-

„ baptizari in Trinitate manifestum est, si interrogati fidem nostram
 „ ex toto corde confessi fuerint, cum chrismate & manus impositione
 „ in ecclesia recipi sufficit. “ 3. Apud Faustum episcopum Regiensensem
 „ *lib. 1. de libero arbitrio cap. 15.* “ Hæretico in nomine Trinitatis re-
 „ generato, tantum per se virtus ipsa mysterii confert, ut si postmo-
 „ dum ad fidem Christi transeat, baptismatis iteratione non egeat; sed
 „ ita operante gratia ablutus judicetur, ut benedictione tantum chris-
 „ matis induatur. “ 4. Apud Gennadium presbyterum Massiliensem *de*
eccles. dogmatibus cap. 52. “ Si qui apud illos hæreticos baptizati sunt,
 „ qui in sanctæ Trinitatis confessione baptizant, & veniunt ad nos,
 „ recipiantur quidem ut baptizati, ne sanctæ Trinitatis invocatio vel
 „ confessio annulletur: sed doceantur ante & instruantur, quo sensu
 „ sanctæ Trinitatis mysterium in ecclesia teneatur: & si consentiunt
 „ credere, vel aequiescunt confiteri, purgati jam fidei integritate, con-
 „ firmentur manus impositione. Si vero parvuli sunt vel hebetes qui
 „ doctrinam non capiant, respondeant pro illis, qui eos offerunt juxta
 „ morem baptizandi: & sic manus impositione communiti, eucharis-
 „ tiæ mysteriis admittantur. “ Illos autem, qui non in sanctæ Trinita-
 „ tis invocatione apud hæreticos baptizati sunt, & veniunt ad nos,
 „ baptizari debere pronunciamus. “ Hæreticos ille dividit in duo ge-
 „ nera, quorum alii valide, alii invalide baptizati sunt: & sub priori
 „ genere comprehendit quoslibet hæreticos valide baptizatos. 5. In Con-
 „ cilio Epaonensi *can. 16.* “ Presbyteros propter salutem animarum, quam
 „ in cunctis optamus, desperatis & decumbentibus hæreticis, si con-
 „ versionem subitam petunt, chrismate permittimus subvenire: quod
 „ omnes converfuri, si sani sunt, ab episcopo noverint expetendum. 6.
 „ Apud Gregorium Turonensem, qui plura & illustria Arianorum ad fi-
 „ dem converforum exempla refert *in historia sua*: Lanthildis, Clodovzi
 „ regis soror, quæ in hæresim Arianorum dilapsa fuerat, confessa æqua-
 „ lem filium Patri & Spiritum sanctum, chrismata est: “ *ex libro 2. cap.*
 „ 31. Gundobaldus Burgundiorum rex, “ Cum cognovisset assertiones
 „ hæreticorum nihil esse a S. Avito episcopo Viennensi, Christum Fi-
 „ lium Dei & Spiritum sanctum æqualem confessus, clam, ut chrisma-
 „ retur, expetiit: “ *ex libro 2. cap. 34.* Brunehildis Athanagildi His-
 „ panix regis filia nupta Siegberto, “ Per prædicationem sacerdotum, at-
 „ que ipsius regis communionem (forte *communitionem*) conversa, bea-
 „ tam in unitate confessa Trinitatem credidit, atque chrismata est: “
ex libro 4. cap. 26. Glassuintha Brunehildis soror primogenita, ante-
 „ quam Chilperico regi, fratri Siegberti nuberet, “ Jam in lege catholi-
 „ ca conversa fuerat & chrismata: “ *ex libro 4. cap. 27.*
 „ Denique Walafridus Strabo *lib. de rebus eccles. cap. 26.* sic habet: “
 „ Quicumque vel ab hæreticis in Trinitate baptizantibus, vel ab alio
 „ quolibet homine, sub appellatione legitima ejusdem sanctæ Trinita-
 „ tis fuerit baptizatus, rebaptizari non debet; sed chrismate & manus
 „ im-

„ impositione, quod imperfectum erat, perfici debet. “ Hoc in canonicis & decretis patrum frequens habetur. Omnes prorsus hæreticos valide baptizatos Gallicana ecclesia per manus impositionem, & chrismatis unctionem suscepisse mihi videtur; qua in re ab ecclesia Romana semel & iterum differebat, quæ Gregorii magni ætate ex illis hæreticis alios per manus impositionem sive chrismationem admittebat, alios per solam fidei professionem.

A S S E R T I O V.

E Galliis mos ille transiisse videtur ad Hispanias.

Hinc Isidorus *lib. 2. de divinis officiis cap. 24.* “ Hæretici, si tamen in „ Patris, Filii, & Spiritus sancti attestatione docentur baptismata suscepisse, non iterum baptizandi, sed solo chrismate & manus impositione purgandi. “ Cujus moris illustria sunt exempla, quæ Isidori seculo contigerunt, ut Herminichildi regis Gothorum in Hispania filii, qui, ut refert Gregorius Turonensis *lib. 3. cap. 38.* Ingundis, Sigeberti regis filia, conjugis suæ, prædicatione “ conversus est ad legem „ catholicam & dum chrismaretur, Joannes est vocatus. “ Recharedi regis, qui (ut Gregorius idem narrat *lib. 9. cap. 15.*) cum Arianus esset, “ Se catholicæ legi subdidit, & accepto signaculo beatæ cruois, „ cum chrismatis unctione credidit Jesum Christum filium Dei æquallem. “ Catharici regis Suevorum in Gallecia, de quo idem Gregorius *de miraculis S. Martini, lib. 1. cap. 6.* “ Rex unitatem Patris, & Filii, & Spiritus sancti confessus, cum omni domo sua chrismatus „ est. “ Gentium denique Gothicarum, quæ (inquit Recharedus in longa oratione, quam ad Concilium Toletanum III. habuit) “ deter- „ so antiquo errore per unctionem sacrosancti chrismatis, vel manus „ impositionem paracletum intra Dei ecclesiam acceperunt Spiritum, „ ejusque dono in sinu ecclesiæ catholicæ collocatæ sunt. “ Ubi particula *vel* non est eo loco disjunctiva, qua de re *supra*, parte 1. pagina 281.

Concilium quidem Hispalense II. cui præfuit Isidorus, nullam *capite 2.* mentionem unctionis expressam facit; “ Nec licet presbyteris, „ inquit, per impositionem manus fidelibus baptizatis, vel conversis ex „ hæresi Spiritum paracletum tradere.

Verum hæc synodus interpretanda est per Isidorum illius præsidem, & Gregorium Turonensem, qui testantur seculo VII. hæreticos in Hispania per unctionem & manus impositionem admissos. Manus igitur impositio, de qua concilium, non excludit unctionem, sed illam conexam habebat.

§. 3. *Quomodo hæretici foris valide baptizati & confirmati admitterentur in oriente.*

A S S E R T I O I.

Quatuor primis ecclesiæ seculis orientalis ecclesia ad Laodiceam usque synodum hæreticos illos admisisse videtur per solam manuum impositionem.

Firmilianus Cæsareæ in Cappadocia episcopus, in *epistola ad Cyprianum*, sæpe commemorat manuum impositionem in Spiritum sanctum, docetque hæreticos post baptismum repetitum imponendas esse manus, sed unctionis non meminit. Hinc Dionysius Alexandrinus episcopus apud Eusebium *lib. 7. cap. 2.* referens controversiam inter Cyprianum & Stephanum Papam, nullius unctionis mentionem facit. Sed solius baptismi & manus impositionis. "Quæstione haud modica, inquit, tum tem-
poris mota, an debeant qui ex quavis hæresi convertuntur, baptis-
mate repurgari, cum priscus mos esset, sola oratione erga illos cum
impositione manuum uti." Hinc synodus Nicæna I. *can. 8.* decernit Catharos seu Novatianos in ecclesiam admitti *impositis eis manibus*. Licet autem de solis Novatianis loquatur, idem tamen innuit de cæteris hæreticis valide baptizatis; Ariani enim & alii eodem ritu, quo Novatiani, admitterebantur, ex Siricio & Innocentio I. locis *supra* citatis, *pag. 537. & seq.*

. A S S E R T I O II.

Synodus Laodicensa omnium prima, meminit unctionis *cap. 7.* quo jubet Novatianos & Thessaradecatitas hæresis suæ abjuratone, "Fidei
symbola discantes, & sancto chrismate inunctos, sanctis mysteriis
communicare."

Quo tempore celebrata fuerit hæc synodus, dubitatur. Baronius & Spondanus *ad annum 314.* & Binius *ad hunc canonem*, Neocæsariensi quidem posteriorem, Nicæna vero anteriorem faciunt. 1. Quia ex Hieronymo *præfatione in librum Judith*, hunc librum synodus Nicæna in numero sanctarum Scripturarum legitur computare; qui tamen in serie scripturæ a patribus Laodicensis *can. 6.* omissus est: quod minime contigisset, si eum Nicæni ante approbassent. 2. "Cum reperiantur quin-
que canones Laodicensi Concilii (videlicet 3. 5. 7. 12. & 20.) eadem
omnino continere quæ in Nicæno statuta sunt (*can. 2. 7. 8. 14. & 18.*
nec in eis ulla habeatur mentio Nicæni eadem statuentis, argumen-
tum est ea prius Laodicæ decreta fuisse: si quidem vel non oportuerat ea paulo post iterum sanciri a provinciali concilio, quæ nu-
per decreta fuerant in œcumenico; vel saltem ad majorem suis le-
gi-

„gibus auctoritatem conciliandam, debuerant Patres meminisse Nicæ-
 „norum canonum; sicut in aliis conciliis factum esse reperitur, & in
 „hoc ipso Laodicensi servatum, dum *can. 1.* decretum est, bigamos de-
 „bere ad breve tempus pœnitere idque secundum ecclesiasticum cano-
 „nem, nempe canonem 3. Concilii Neocæsariensis, unde manifestum
 „est, Concilium Laodicenum celebratum fuisse post Neocæsariense. “
 Haëtenus Spondanus *ad an. 314. num. 13.* Verum hæ duæ rationes illu-
 strissimi annalium conditoris parum efficaces mihi videntur.

Prior quidem nihil concludit; quia vox illa, *legitur*, qua ibi utitur Hieronymus, de aliquo intelligitur scriptore, cui fortasse nullam, vel levem fidem ille adhibebat; ipse enim librum Judith excludit a cano-
 ne divinarum scripturarum, ut videre est in *prologo Galeato*, ubi ait, librum Judith apocryphum esse, perinde ac librum, quem commemora-
 rat, *pastoris*, & in *caput 1. Aggæi*, ubi librum Judith expungit a serie divinorum librorum; hoc idem repetit *epist. 11. ad Furiam*, & in *epist. 115.* hanc mentem universæ attribuit ecclesiæ. “ Judith & Tobix, &
 „Machabæorum libros legit quidem ecclesia, sed eos inter canonicas
 „scripturas non recipit. “ Similiter Athanasius in *synopsi*, quam post plures a Concilio Nicæno annos edidit, libros Judith, Tobix, Sapien-
 tiæ, & Ecclesiastici declarat minime divinos seu canonicos esse, subji-
 citque eam ob rem non legi a fidelibus. Gregorius quoque Nazianze-
 nus in *suo de sacris scripturis carmine* non recenset in illarum serie Ju-
 dith, Tobiam, Sapientiam, Ecclesiasticum, Machabæos & Apocalyp-
 sim: suoque catalogo ita subiungit: “ Si quis profertur alius liber ab
 „his recensitis, non est germanus. “ Rufinus pariter Nicæna synodo
 longe posterior in symbolum apostolorum sacris libris non recenset li-
 brum Judith & alios quosdam, quia illis ab ecclesia non fuerunt ad-
 scripti. Non igitur Nicænum, sed posteriora ecclesiæ concilia libro Ju-
 dith divinam adjudicarunt auctoritatem.

Posterior autem ratio levior est, ejusque levitas deprehenditur non modo ex pluribus conciliis posterioribus, quæ priorum sanctiones, nul-
 la eorum facta mentione, innovant; sed etiam ex ipso Concilio Lao-
 diceno, quod *canone 3.* ita decernit: “ Non oportet neophytum pro-
 „moveri ad ordinem sacerdotalem: “ neque canonis hujus confirman-
 „di gratia, Pauli ipsius statuentis auctoritatem, canonibus certe Ni-
 cænis majorem, adducit.

Laodicenum igitur Concilium Nicæno posterius esse mihi constat,
 1. ex antiquissimo codice canonum, quo Romana utebatur ecclesia,
 priusquam Dionysius Exiguus suam compilasset collectionem; sive ex-
 istimes illum codicem, eum esse quem Justellus, sive eum ipsum, quem
 postea Quesnellus in lucem edidit. 2. Ex synodo Quinisexta, in qua
 textitur ille conciliorum ordo. “ Confirmamus & cæteros sanctorum
 „canones & synodos, id est, Nicænam, Ancyranam, Neocæsarien-
 „sem, Gangrensem, Antiochenam, Laodicensem, Constantinopolita-
 „nam

„ nam

„nam Ephesinam primam &c. “ 3. Ex Leone IV. qui in *epistola ad episcopos Britanniae*, Laodiceenam synodum mediam inserit inter Antiochenam & Constantinopolitanam. 4. Ex Alexio Aristeno & Simeone Logotheta, qui in *synopsi canonum* Laodiceenam synodum post Antiochenam & ante Constantinopolitanam abbreviant. 5. Ex accuratiore Dionysii editione, nec non ex Ifidoriana & aliis omnibus posterioribus.

Mitto rationem ex canone 7. Laodiceo petitam, ubi mentio fit Photinianæ hæreseos, non nisi post Nicænum concilium exortæ. Illam enim in hunc canonem irrepsisse ostendimus *supra*, pag. 533.

Quo vero anno hæc synodus habita fuerit, facile non judicabis; Gratianus *dist. 16. cap. 11.* eam revocat ad tempora Theodosii episcopi Laodicensis, qui Nicænæ synodo subscripsit. Verum ille fuit episcopus Laodiceæ Syriæ; synodus vero de qua nunc agimus, coacta est Laodiceæ Phrygiæ Pacatianæ. Labbæus refert in annum 357. sub Liberio; alii ad annum 364. sub eodem Liberio; alii ad annum 367. sub Damaso. Petrus de Marca *lib. 3. de concord. cap. 3. nu. 1.* putat in annum 365. conjici posse: illo etenim anno synodus habebatur ab episcopis Asiæ diœceseos, ad quos litteras suas & synodicam Illiriciani Concilii Valentinus imperator transmisit, cum hac epigraphæ apud Theodoretum *lib. 4. cap. 8.* “Episcopis diœcesis Asiæ, Phrygiæ, Cataphrygiæ Pacatianæ.” Synodus vero Laodicea “Ex diversis Asiæ provinciis congregata est Laodiceæ quæ est urbs metropolis Phrygiæ Pacatianæ;” ut testatur inscriptio synodi.

A S S E R T I O III.

A synodo igitur Laodicea orientis ecclesia in illis hæreticis admittendis unctionem adhibuit.

Auctor *quæstionum & responsionum ad orthodoxos*, inter opera Justini martyris *quæst. 14.* interrogatus, cur hæreticus ad orthodoxiam rediens, non rebaptizetur: respondet. “Hæretici ad orthodoxiam transeuntis, lapsus corrigitur, pravæ quidem opinionis, mutatione sententiæ; baptismi autem, unguenti sancti unctione.”

Basilii in *epistola canonica ad Amphilochoium*, *can. 1.* interrogatus de modo suscipiendi eos, qui ab ecclesia separati sunt: respondet illos ab antiquis ad tria genera revocari, *hæreses, schismata, & parasynagogas.* “Hæreses quidem ait esse eos, qui omnino abrupti sunt, & secundum ipsam fidem abalienati: schismata autem, eos qui propter aliquas ecclesiasticas causas & medicabiles quæstiones inter se dissident: parasynagogas vero, congregationes quæ fiunt a rebellibus presbyteris, vel episcopis, & inducta plebe.” Primi generis exemplum proponit, Manichæos, Valentinus, Marcionitas, & Pepuzenos: “secundi vero, Catharos, Encratitas, Hydroparastatas, & Apotactitas.”

Witasse de Confirmatione.

Mm

„Ter.

„Tertii generis, “veluti cum quis criminis convictus, ideoque sacro ministerio prohibitus, canonibus non se subicit, sed sibi præsulatum, & ministerium vindicat, & quidam una cum eo secedunt, relicta ecclesia catholica. “Primi generis ait rebaptizandos, quia “in forma nobis tradita minime baptizati sunt. “De secundo genere, ait ab antiquis dubitatum, utrum illi per baptismatis innovationem pariter essent suscipiendi. Ipse vero licet Cypriani & Firmiliani sententiæ adhæreat, permittit, “Unumquemque regionis suæ morem sequi, & propter multorum œconomiam & dispensationem, eorum hæreticorum *baptisma suscipi*, ea tamen lege, “ut qui ex illorum baptismo accedunt, ungantur a fidelibus, & sic mysteriis participant. “Denique tertium genus vult “convenienti pœnitentia suscipi.

Secunda synodus œcumenica, *can. 7.* hæreticos foris baptizatos in duas classes dividit: alii enim validum, alii invalidum baptisma susceperunt; in prima classe ponit Arianos, Macedonianos, Sabbatianos, Novatianos, Quartodecimanos, & Apollinaristas: in secunda “Eunomianos, Montanistas, Sabellianos, & alias hæreses. “Primæ classis ex subiecta consuetudine recipiebantur, primum quidem *dantes libellos*, & omnem hæresim *anathematizantes*; deinde *sigillo* eos episcopus signabat, “Idem ungebat sancto unguento, & frontem & oculos, & nares, & os, & aures; eosque consignans dicebat, Signaculum doni Spiritus sancti. “Secundæ vero classis per iterationem baptismi.

Canon ille septimus describitur integer, & admittitur in Trullana synodo, *can. 95.*

Ritus eodem illo canone septimo comprehensus præscribitur *libro 4. Juris orientalis*, pag. 290. ubi legitur epistola anonymi cujusdam patriarchæ Constantinopolitani, ad Martyrium, episcopum Antiochenum, in qua explicatur, “quo pacto sint recipiendi hæretici ad sanctam universalem ecclesiam redeuntes: “alii enim catechumeni fiunt, exorcismis purgantur, & baptizantur; alii dant libellos; hæresim suam & omnem aliam anathematizant; unguento sacro unguntur, frons, nares, pectus, & omnes sensus; atque inter ungendum dicitur, *Signaculum donationis Spiritus sancti*.

Extat *lib. 5. ejusdem juris orientalis*, Balsamonis responsio ad interrogationem 29. Marci patriarchæ Alexandrini, querentis, qua ratione Nestoriani, Jacobitæ & alii hæretici recipi debeant. Balsamon vero nihil aliud illi quam Trullanum canonem 95. proponit, ex quo hæc infert. “Itaque juxta canonis hujus tenorem, alii quidem hæretici, lacrimis vacro sanctificantur; alii autem sacro dumtaxat unguento consecrantur: “Alexius Aristenus qui florebat anno 1130. imperante Alexio Comneno *canonem*, ad 8. *Niceni concilii*, triplicem hæreticorum reconciliationem distinguit; alii baptizantur, alii chrismate unguntur, alii solum anathematizant hæresim; Novatianos vero, de quibus Nicænus canon, ad secundam classem revocat.

Idem

Idem ante Aristenum docuerat Theodorus Studita, celeberrimus ille Christi confessor & sacrarum imaginum defensor, qui obiit, Michaele Balbo imperante, anno 826. Interrogatus ille a Naucratio, qua ratione hæretici in ecclesiam admitterentur, tres modos refert; alii enim baptizantur, alii unguuntur, alii nec baptizantur, nec unguuntur; "Baptizantur Marcionitæ, Tascodrugitæ, Manichæi, & quæ sunt ejusdem ordinis, usque ad Melchisedechitas viginti quinque hæreses: inunguntur autem sacro chrismate, Tetraditæ, Novatiani, Ariani, Macedoniani, Apollinaristæ, simul quinque; qui vero nec baptizantur, nec unguuntur, sed solum propriam, & omnem aliam hæresim anathematizant; Meletiani, Nestoriani, Eutychnianistæ, & Acephali." li. "Ita Theodorus in epistola 4. ad Naucratium; cujus fragmentum extat tomo 2. *bibliothecæ Patrum*, pag. 739. & tomo 3. pag. 161. Hos ipsos tres recipiendorum hæreticorum modos, ante Theodorum tradiderant tria euchologia, Barberinum sancti Marci, Cryptoferratense, & regium, de quibus *supra*, parte 1. pag. 277. "Eunomianos unica immersione baptizatos, & Montanistas, & Manichæos & Sabellianos, cumque tales hæreticos, velut gentiles recipimus illosque baptizamus . . . Arianos, & Macedonianos, & Tessaradecatitas, & Apollinaristas, cum dederint libellos, & suscipimus, & unguimus chrismate, &c. . . Nestorianos vero & Eutychnianistas oportet libellos proferre, & propriam hæresim anathematizare, & Nestorium, & Eutychem, & Dioscorum, & qui eadem, quæ illi, sentiunt, & omnes supradictas hæreses: & sic fieri sanctæ communionis participes." Quæ quidem postremæ phrasæ, cum eadem sint, quibus canon 95. in Trullo definit, aperte innuunt in hoc canone mentionem fieri, non solum de duobus, ut vult Balsamon, sed etiam de tribus hæreticorum generibus, quorum alii baptizantur, ut "Paulianistæ, Sabelliani, & Montanistæ: alii duntaxat inunguntur sacro chrismate, ut "Ariani, Macedoniani, Novatiani, Quartodecimani, & Apollinaristæ: alii hæresim suam anathematizant, & Nestorium, & Dioscorum, & Severum, & qui eadem, quæ illi, sentiunt, & omnes prædictas hæreses; & sic fiunt sanctæ communionis participes, "ut Manichæi & Acephali.

Denique tres illos suscipiendi modos ante synodum Trullanam recessit Timotheus presbyter, qui deinde ad sedem Constantinopolitanam evehctus est ad annum 500. si tamen ejus sit opusculum, seu fragmentum, quod refertur tomo 6. *bibliothecæ Patrum*, pag. 407. In illo hæretici in tres ordines dividuntur, "Primus quidem eorum est, qui sancto baptismo indigent, ut Tascodrugitæ, Marcionitæ, &c. de quibus *supra*, pag. 533. Secundus eorum qui non baptizantur, sed sancto chrismate inunguntur, ut Tetraditæ, Novatiani, seu Sabbatiani, Ariani, Macedoniani, Apollinaristæ, Tertius eorum, qui neque unguuntur, neque baptizantur, sed solum

lum suam & omnem aliam hæresim anathematizant, ut Meletiani, Nestoriani, Eutychianistæ, & eorum socius Dioscorus, Severus, Jacobus, & reliqui Acephali: Marcianitæ qui a Marciano Trapezita; Messaliani, qui etiam Euchitæ, & Enthusiastæ & Choreutæ, Lampertian, Adelphiani, & Eustachiani, Apofchitæ, qui & Doxarii: & Antroposceptræ.

Fragmentum illud Timotheo patriarchæ Constantinopolitano tribuunt Antonius Possevinus, in *apparatu*, verbo *Timotheus*, qui omnium primus illud edidit: Franciscus Turrianus, qui opus integrum nactus, illud fecit Latinum: Jacobus Goarius in *euchologio*, pag. 889. qui illud scriptum existimat circa annum 480. Morinus contra, *lib. 9. de penitent. cap. 12 num. 8.* illud vult exaratum post absolutam synodum in Trullo, & ante exortam Iconoclastarum hæresim, quia hujus hæreseos non meminit; quare illud ex mente Morini intra annos 680. & 730. concipiendum esset.

Verum illud fragmentum non solum ipsa synodo Trullana, quod Morino placuit, sed & ipsa Theodori Studitæ epistola ad Naucratiū posterius mihi videtur. Enim vero utrobique hæretici dividuntur in tres ordines; hæretici vero qui debent iterum baptizari iidem sunt prorsus in fragmento, qui in epistola Theodori; neque pauci, sed viginti quinque numero referuntur. Eos igitur Theodorus ex Timotheo, vel ex Theodoro Timotheus descripsit. Atqui Theodorus testatur se illos ex variis capitibus Epiphaniî decerpisse. Præterea utrobique iidem hæretici numero quinque recensentur, qui debent tantum inungi; 3. Hæretici, qui per solam hæreseos ejurationem admitti debent, iidem utrobique, iisdemque terminis enumerantur; " Qui vero, inquit Theodorus, nec baptizantur, nec unguntur, sed solum propriam & omnem aliam hæresim anathematizant, Meletiani, Nestoriani; Eutychianistæ, & Acephali, qui neque unguntur (inquit auctor fragmenti,) neque baptizantur, sed solum propriam, & omnem aliam hæresim anathematizant, ut Meletiani, Nestoriani, Eutychianistæ & eorum socius Dioscorus, Severus, Jacobus, & reliqui Acephali: Marcianitæ, &c." Fragmenti igitur auctor epistolam Theodori, vel Theodorus fragmentum illud legerat. Præterea quæcunque in Theodori epistola referuntur, leguntur in fragmento: contra plura sunt hæreticorum nomina, in fragmento, quam in epistola: fragmentum igitur, epistola posterius sit oportet: 4. Theodorus in sua epistola refert, ætate sua Meletianos, Nestorianos, Eutychianistas, & Acephalos non ungi, sed per solam erroris ejurationem fuscipi: auctor vero fragmenti refert illos ætate sua inungi, & priorem consuetudinem nuper immutatam fuisse. " Jam vero videmus in magnis & universalibus ecclesiis, seu patriarchalibus, & metropolitānis, & reliquis, quod & Armenios, & Jacobitas, & Nestorianos, & reliquos Acephalos, & quicumque eis similes ad fidem ortho-

„ xam convertuntur , inungunt & non baptizant ; eorum solum du-
 „ ces auctoresque anathematizantes , & hoc propter iustas causas nu-
 „ per necessario constitutum est . “ Scripsit igitur auctor ille post
 Theodorum . Neque urget Morini ratio , alioquin simili argumento
 probaretur , Theodorum Studitam , ante nam Iconoclastarum hære-
 sim scripsisse ad Naucraticum ; cum nullam eorum mentionem in hac epi-
 stola fecerit.

A S S E R T I O IV.

Triplicem igitur hanc hæreticorum reconciliationem sequenti modo &
 ordine investam existimo .

Primum quidem synodus II. œcumenica , *canone* 7. decrevit hæreti-
 cos omnes suscipi per baptismatis innovationem , vel unctionem chris-
 matis ; eaque consuetudo vixit ad tertiam usque synodum œcumeni-
 cam . Exortos deinde hæreticos ecclesia , ut erga illos indulgentiorem
 se præberet , suscipi permisit per solam erroris ejurationem , fideique
 professionem , clericis eorum ad fidem redeuntibus , concessio gradu &
 ordine , quem hæretici priores admittebant . Hinc Nestoriani , Pela-
 giani , Eutychiani , Severiani , Jacobitz , & reliqui Acephali, Mono-
 thelitæ , Iconoclastæ , alique hæretici post synodum III. œcumenicam
 exorti , per solam fidei professionem in ecclesiam admissi sunt . Mo-
 rem illum Trullana synodus *canone* 95. confirmavit , statuens ex hæ-
 reticis alios per baptismatis innovationem , alios per unctionem chris-
 matis , alios per hæreseos detestationem suscipi . Hanc disciplinam
 græci tribus illis euchologiis , de quibus *supra* , inferuerunt . Eamdem
 præscripsit Theodorus Studita in *epistola ad Naucraticum* . Mutata est de-
 inde hæc consuetudo . *Nuper* defierat ætate auctoris fragmenti Timo-
 theo adscripti . Restituta videtur tempore Aristeni qui floruit an-
 no 1130. Contempta vel neglecta saltem videtur , ætate Balsamonis
 qui vixit Gregorio Xiphilino Patriarcha Constantinopolitano , cui
 dedicavit suum opus . Xiphilinus autem sedere cœpit anno 1191. ex
 Baronio .

A S S E R T I O V.

Unctio illa per quam hæretici in ecclesia orientali , admittebantur non
 excludebat manus impositionem .

Hinc synodi Laodicensa *canone* 7. & Constantinopolitana I. *can.* 7.
 aiunt Novatianos per chrisomatis unctionem admittendos quos tamen
 Nicæna *can.* 8. per manus impositionem suscipiendos decernit . Hinc
 eadem synodus Constantinopolitana *eodem can.* 7. Arianos aliosque hæ-
 reticos valide baptizatos vult admitti per chrisimationem , quos tamen
in toto Oriente per manus impositionem suscipi testatur Syricius eidem

Witasse de Confirmatione.

Mm 3

syno-

synodo æqualis in *epistola 1. ad Himerium*, cap. 1. Hinc tria antiqua Græcorum euchologia, regium, Barberinum sancti Marci, & Cryptoferratense, utrumque ritum hæreticis valide baptizatis, cum ad ecclesiam redeunt, unctionem scilicet, & manuum impositionem adhiberi præscribunt. Ut videre est §. seq.

§. 6. De ritibus, & orationibus quibus hæc unctio, vel manus impositio, in oriente & occidente fieret.

RITUM & orationum, quibus hæc unctio vel manus impositio, in occidente fieret super hæreticos, nullum vestigium extat in sacramentario Gregorii, aliisque ritualibus, in *bibliotheca Patrum* editis. Duo sunt antiqui codices, qui de iis mentionem aliquam fecerunt, Petavianus, quem Thomafius Romæ nuper edidit; & Siculus qui in Francisci Barberini Bibliotheca ineditus asservatur. In priori codice *lib. 1. capite seu num. 85. & 86.* duæ referuntur orationes; altera pro Arianis *cap. 85.* altera pro aliis hæreticis, *cap. 86.* utramque cum suis titulis hic describam. “ Benedictio super eos qui de Ariana ad catholicam redeunt unitatem. Domine Deus omnipotens, Pater Domini nostri Jesu Christi, qui dignatus es famulos, & famulas tuas ab errore, & mendacio hæreseos Arianae erueri; & ad ecclesiam tuam catholicam eos perducere: tu, Domine, mitte in eos Spiritum paracletum sanctum sapientiæ, & intellectus, Spiritum consilii, & fortitudinis, Spiritum scientiæ, & pietatis, & adimple eos, Domine, Spiritu Dei, in nomine Jesu Christi Dei Salvatoris nostri, per quem, & cum quo est tibi honor & gloria in secula seculorum, Amen. “ Et *cap. 86.* “ Item pro eis qui de diversis hæresibus veniunt. Sancte Pater, omnipotens Deus, qui famulum tuum ab errore hæreseos dignatus es erueri, & ad sanctam ecclesiam catholicam revocare, quæsumus te, Domine, immitte in eum paracletum Spiritum tuum septiformem, Spiritum sapientiæ & intellectus, consilii & fortitudinis, scientiæ, & pietatis: adimple famulum tuum Spiritu timoris Dei: per Dominum nostrum Jesum Christum. “ Quæ quidem orationes illi omnino similes videntur quæ in eodem codice refertur ad Confirmationem administrandam: extant & duæ orationes cum his duobus titulis in Siculo codice, “ Reconciliatio cum impositione manuum redeunti ab Arianis. Domine Deus Pater omnipotens, Pater Domini nostri Jesu Christi, qui dignatus es famulum tuum ab errore & mendacio hæreseos Arianae erueri, & ad ecclesiam tuam catholicam eum perducere: tu, Domine, mitte in eum, Spiritum paracletum sanctum sapientiæ, & intellectus, Spiritum consilii, & fortitudinis, Spiritum scientiæ, & pietatis, & adimple eum Domine Spiritu timoris Dei, ut in nomine Domini nostri Jesu Christi, & signo crucis signatus, pervenire mereatur ad vitam sine fine mansuram: per eundem Dominum nostrum. Item
,, bc-

„ benedictio cum impositione manuum super eos qui de diversis hæ-
 „ resibus veniunt. Sancte Pater omnipotens Deus, &c. “ ut in Codice
 Petaviano.

Quod vero attinet ad orientalem ecclesiam, ritus & orationes quibus
 hæc unctio & manus impositio in oriente adhiberetur accurate nobis ex-
 hibent antiqua Euchologia, regium, Cryptoferratense, & Barberinum;
 quorum verba referunt, regii quidem Petrus de Marca *notis ad can.* 28.
Claromontanum, Cryptoferratenlis vero Jacobus Goarius in *Euchologio*,
pag. 883. & Barberini Joannes Morinus *lib. 9. de pœnit. cap. 9. num.* 13.

Cum similia sint in hoc capite, satis erit unius ex illis verba describere.

“ Arianos quidem, & Macedonianos, & Sabbatianos, & Novatianos,
 „ & Tetraditas sive Quartodecimanos, & Apollinaristas recipimus, dan-
 „ tes libellos, & anathematizantes suam & omnem aliam hæresim, &c.
 „ qui postea signantur, sive unguuntur sacro unguento. Antea tamen
 „ quam ad rectam fidem adducuntur, cum tempus professionis instat,
 „ jejunare eos oportet dies decem aut quindecim, & mane, & vespere
 „ orationibus incumbere catechumenorum instar, & tunc hac orthodoxa
 „ fide digni censentur, & imbuuntur. Collocat autem unumquemque
 „ eorum sacerdos coram divino baptisterio, ipsique hæc dicit: Dic ana-
 „ thema huic N. & dogmatibus ejus, & iis qui consentiunt ei, velidem
 „ cum eo sapiunt. Abrenuntio enim illi, & omni hæretico dogmati, &
 „ credo in sanctam & consubstantialiæm Trinitatem, secundum exposi-
 „ tionem sanctorum Patrum qui verbum veritatis explicaverunt. Et ad
 „ singula respondet ille qui revertitur. Cætera persequitur sacerdos,
 „ & ter dicit. Credis in sanctam, & consubstantialiæm Trinitatem? Et
 „ respondet qui revertitur: Credo. Si loqui nescit, ipsius susceptor res-
 „ pondet.

“ Postea eo, qui revertitur, caput inclinante, sacerdos illius capiti
 „ manum imponens, hanc facit orationem. Deus servator noster, qui
 „ vis homines salvos fieri, & ad agnitionem veritatis venire, suscipe
 „ hunc servum tuum ex errore resipiscentem, & ad agnitionem verita-
 „ tis accedere concupiscentem: tu enim dixisti, Domine, Alias quoque
 „ oves habeo, quæ non sunt ex hoc ovili, & illas oportet me reducere,
 „ & vocem meam audient, & fient unum ovile, & unus pastor. Pasce
 „ illum sensu veræ tuæ cognitionis, juxta sanctorum tuorum, & glorio-
 „ rum Apostolorum expositionem: Et dignare illum signaculo divini
 „ unguenti, &c. & adventu Spiritus sancti, & participatione venerandi
 „ corporis, & sanguinis Christi & ipsum redde perfectum servum tuum,
 „ ut & ipse ovili tuo connumeretur in gloriam, & laudem magnitudinis
 „ tuæ. “ (Quæ sequuntur *exclamando* proferebantur, ex codice Crypto-
 ferrateni: unde sequitur hanc orationem alta voce proferri solitam)
 “ quia tuum est regnum, & virtus, & gloria, Patris, & Filii, & Spi-
 „ ritus sancti, nunc & semper, & in secula seculorum.

“ Et ungit cum unguento , sicut & recens illuminatos (id est neophytos) , eamdem super ipsum formulam proferens , (videlicet Signaculum doni Spiritus sancti) : atque iterum deprecatur sacerdos ,
 „ dicens : Dominum deprecemur . Domine Deus noster , qui dignatus es perfectum reddere servum tuum per orthodoxam in te fidem ,
 „ & signaculum sancti mysterii tui : tu , Domine omnium , conserva in eo veram in te fidem , adaugens in eo iustitiam , eumque donis omnibus , & gratis , quæ a te profluunt , exornans .

“ Post hæc communicat , & mandata recipit , septem illis diebus ,
 „ carnem non comedere , neque vultum lavare ; sed ut baptizati solent , ita omnino se gerere , & octava die abluitur , “ seu ablutus dimittitur . Ita Euchologium Barberinum sancti Marci : idem habetur in regio & Cryptoferratenſi . Post hæc subjicitur Nestorianos , & Eutychianistas per hæreseos detestationem : Eunomianos autem , Montanistas , Manichæos , & Sabellianos per invocationem baptismi suscipiendos esse . Unde apparet hanc formulam longe antiquiorem esse utroque Euchologio , Barberino & regio ; cum recentiores hæretici , quorum illa meminit , sint Eutychiani , qui in Concilio Chalconenſi damnati sunt ; nullorumque hæreticorum Eutychianis posteriorum mentionem faciat .

§. 7. *Utrum manuum impositio , seu chrismatis unctio per quam hæretici in ipsa heresi , valide baptizati , imo & confirmati , in Ecclesiam admitterentur , Confirmationis esset sacramentum .*

Quæstio hæc agitata fuit in Concilio Rothomagensi , anno 1582 . quemadmodum apparet ex sexta difficultate summo pontifici proposita . Cum enim quæsitum esset “ an , redeuntibus ad Ecclesiam Calvinistis omnes cæremoniæ (in baptismo) a Calvinistis omiſſæ ,
 „ essent adhibendæ & supplendæ . Negarunt plerique , quoniam legébant in antiquis redeuntibus ab hæreticis , recipiendos cum manuum
 „ impositione , quam existimabant esse Confirmationis sacramentum .
 „ Alii dicebant apud antiquos de baptizatis in hæresi cum debitis circumstantiis intelligi , quibus redeuntibus dabatur manuum impositio ,
 „ quæ non esset Confirmationis sacramentum , sed absolutionis , & reconciliationis cæremonia . Semper vero fuisse assuetum in antiqua ecclesia , ut supplerentur omiſſæ cæremoniæ baptismi &c. conclusum tandem , de hoc consulendam esse sedem apostolicam , ut sopirentur contentiones . Gregorius vero XIII. respondit , cæremonias baptismi supplendas esse præcedente in adultis abjuratone hæresis , & reconciliatione . “ Quæstionem autem , qua inquirebatur , utrum manus impositio , per quam admitterentur olim hæretici , esset confirmatio-

firmatoria, intactam reliquit, & merito quidem; quæstio enim est soluta difficillima, quæ sine fidei dispendio in utramque partem a viris eruditis agitur.

Certum mihi videtur 1. manuum impositionem, per quam hæretici, qui in ecclesia baptizati, a fide recesserant, deinde in ecclesiam admittebantur, non fuisse confirmatoriam: qua de re *supra*, §. 1.

Certum mihi videtur 2. hæreticos in ipsa hæresi invalide baptizatos, in ecclesiam admissos fuisse per baptismum & manuum impositionem: qua de re *supra*, §. 2.

Certum mihi videtur 3. manuum impositionem seu chrismationem, per quam hæretici foris valide baptizati, nondum tamen confirmati, in Ecclesiam admittebantur, veram fuisse Confirmationem; qua de re *supra*, §. 3.

Certum mihi videtur 4. hæreticos, qui foris valide baptizati, & confirmati, in ecclesiam per solam hæreseos ejurationem, & fidei professionem admittebantur, non fuisse admissos per sacramentum Confirmationis: qua de re §. 4.

Difficultas est de illis hæreticis qui foris valide baptizati, quique confirmati, per manus impositionem, vel per chrismationem admittebantur, utrum hæc manus impositio seu chrismatio esset confirmatoria: negat Bellarminus, *lib. 2. de Confirmatione*, negat Petrus de Marca, *notis in canonem 28. Clavomontanum*, asserens illam unctionem in hæreticis minime confirmatis sacramentalem & confirmatoriam esse; meram cæremoniam & reconciliationem in aliis, qui in ipsa hæresi confirmati fuerant: negat Jacobus Goarius in *Euchologio* pag. 889. & *seq. num. 5.* ubi sentit idem, quod Marca; id tamen addens, unctionem illam & manus impositionem hæreticis jam confirmatis adhiberi, ut hoc ritu Confirmatio prius suscepta, quæ nullum in hæresi effectum habuerat, vires suas exereret, & suum effectum sortiretur. "Quidni, inquit, antiqua unctio, ut non sit irrita, alia simili unctione, meræ poenitentiali, priorisque emendatrice, non poterit denuo propter ecclesiæ propositum & preces & lapsi poenitentiam exsuscitari, in priorem statum reduci?" negat Arcudius *de concord. lib. 2. de Confirmat. cap. 17.* ubi ait quæcumque in contrarium asserti possunt testimonia, "Ea satis commode explicari posse, vel de hæreticis non confirmatis; vel de hæreticis invalide confirmatis ex defectu ministri, quales sunt plerique hæreticorum nostri temporis, qui veri sacerdotes, tui sunt expertes, vel de hæreticis per manus impositionem catholicorum antistitum non quidem confirmatis, sed solum reconciliatis." Negat Petrus Aurelius in *anæretico*, pag. 446. ubi Sirmondum canonem 2. (aliis 1.) Arausicanum de frontis chrismatione hæreticis adhibita interpretantem ita refellit: "Erras admodum, & hallucinaris, nesciens, quænam esset illa chrismatio, benedictio, manus impositio, quam Pa-

„ tres

tres & canones hæreticis ad ecclesiam venientibus toties fieri præci-
piunt. Qua de re, quia non est hic dicendi locus satis erit breviter
docuisse, eam non fuisse sacramentum Confirmationis, nec chrismationem,
aut manus impositionem illam eandem, quæ neophytis in
ecclesia tribui solet. Hoc autem ex eo declaratur, quia Patres eam
dari iusserunt omnibus promiscue ab hæresi redeuntibus, nihil inter
eos discernentes, qui episcopalem manus impositionem & verum sacramentum
Confirmationis ab hæreticis acceperant, & eos qui non essent illo imbuti. Omnes enim sine discrimine hæreticos ita chrismandos
dixerunt, ut patet ex canonum verbis. Hac ergo ratione planum fecerunt,
chrismationem ejusmodi non fuisse illam sacramento Confirmationis solemnem,
sed cæremoniam meram, quæ tamen presbyteris eodem modo interdiceretur,
quo reconciliatio pœnitentium; quia sicut a pœnitentia ad ecclesiam redeuntes,
non nisi ab episcopo admitti poterant: sic neque ad eandem ab hæresi redeuntes.
Sicut autem pœnitentes a presbytero in discrimine vitæ reconciliari
ecclesiæ poterant per manus impositionem, ut sæpe concilia edicunt;
ita & redeuntes ab hæresi in eodem periculo per manus similiter
impositionem & chrismationem in ecclesiam ab eodem admittebantur.
Aurelio adhærere solent doctores Parisienses: eaque opinio communior est apud theologos.

Affirmant Antonius Augustinus, archiepiscopus Tarraconensis in epitome juris Pontificii, lib. 23. titulo 8. Joannes Maldonatus, tomo 1. de sacramentis quæst. 1. & 2. de Confirmat. Jacobus Sirmondus in antirrbetico 1. & 2. adversus Aurelium, in notis posthumis (extant ad calcem tomi 1. Conciliorum Labbæi) ad can. concilii 1. Arelatensis, & in notis posthumis (extant ad calcem tomi 3. conciliorum Labbæi) ad can. 1. concilii 1. Arausiacani, aliique viri eruditi, quos inter eminet Joannes Morinus lib. 9. de pœnit. cap. 11. 12. & 13. ubi hanc quæstionem sagaciter ventilavit, at sententiam deinde suam mutavit. Momenta, quibus utraque opinio firmari potest hic referam.

§. 8. Referuntur momenta, quibus affirmans opinio statui potest.

Primum quidem petitur ex dissidio Cypriani, Firmiliani, & Africanorum quorundam, Arianorumque antistitum cum Stephano cæterisque episcopis. Utriusque enim partis episcopi, licet inter se dissiderent de validitate aut de nullitate baptismi ab hæreticis collati, in eo tamen conveniebant, hæreticos, qui ad ecclesiam redeunt, per impositionem manuum suscipiendos esse; eam vero manuum impositionem ex consensu utriusque partis fuisse sacramentalem & confirmatoriam, non autem meram cæremoniam, qua hæretici admittebantur

tur ad pœnitentiam, ut deinde reconciliarentur, luculentis, ni fallor, rationibus ex Cypriano, Firmiliano &c. desumptis, *supra* demonstravimus.

Secundum sumitur ex auctore illo anonymo qui Cyprianum impugnavit eique fuit æqualis, aut suppar, cujus testimonia *supra* relata parte 1. pag. 85. & seq. evidenter ostendunt, illam manuum impositionem ex consensu utriusque partis fuisse confirmatoriam: neque vid eo quid illis duobus argumentis responderi possit.

Tertium petitur ex canone 8. concilii I. Arelatensis, quo decernitur “ ut si ad ecclesiam aliquis de Afrorum seu Donatistarum hæresi venerit, & in Patre & Filio & Spiritu sancto baptizatus est, manus ei tantum imponatur, ut accipiat Spiritum sanctum.

Bellarminus *lib. 2. de Confirm. c. 6.* concedit canonem illum de Confirmatione intelligendum esse, sed contendit in eo agi de “ hæreticis, qui baptismum dare solebant, sed non Confirmationem. “ Idem docet Arcudius *lib. 2. de Confirm. c. 7.*

Verum Donatistas Confirmationis sacramentum non modo suis, sed & nostris, si qui ad ipsos accederent, administrasse, apparet ex Optato *lib. 7.* “ Numquid nos exterminamus oleum vestrum &c. “ seduxistis homines, rebaptizastis, iterum unxistis &c. “ apparet etiam ex Petiliano Donatista apud Augustinum *lib. 2. contra litteras Petiliani cap. 104.* ubi unguentum Aaron, de quo *psalm. 132.* interpretatur de Confirmationis unguento, quo plebis *ungitur unitas*: quam interpretationem approbat Augustinus; “ Verum dicis, inquit, & pluribus interpositis: “ in hoc unguento sacramentum chrismatis vultis interpretari &c. “ & paulo post Petilianum sic urget: “ Nulline apud vos luxuriosi, nulli avari &c. nulline apud vos tales unguuntur?

Quartum petitur ex canone 7. concilii I. Constantinopolitani, quo statuitur, ut Ariani, Macedoniani, Sabbatiani, Novatiani, Quartodecimani, & Apollinaristæ in ecclesiam admittantur, primum quidem per hæreseos ejurationem, deinde per chrismalem frontis, oculorum, narium, oris, & aurium unctionem. Quam quidem unctionem confirmatoriam fuisse probavimus *supra, pag. 516. & seqq.* Arcudius *cap. 7.* & Petrus de Marca concedunt in hoc canone agi de sacramento Confirmationis, sed negant illos hæreticos administrasse illud sacramentum. De Novatianis quidem Theodoretus ita refert. Sed de aliis neque Theodoretus, neque Epiphanius, neque ullus veterum simile quiddam docet: inde apparet P. de Marca non recte concludere a pari, quasi de cæteris idem sentiendum sit, ac de Novatianis, quia eodem canone copulantur. Alioqui de Marca, pari modo concludere posset, idem sentiendum esse de Montensibus seu Donatistis, quod de Novatianis, quia Siricius & Innocentius I. illos eodem decreto copulant, & utrosque decernunt eodem modo recipi; cum tamen Donatistæ, non autem Novatiani, Confirmationis sacramentum adhiberent.

Quip-

Quintum Argumentum petitur ex Basilio magno, qui *can. 1. epistole canonice ad Amphiloebium*, cuique liberum relinquit arbitrium, ut pro more suæ ecclesiæ hæreticos secundi generis, sine iterato baptismo suscipiat, ea tamen lege, ut illos chrismate inungat, & post unctionem participes efficiat eucharistiæ. "Omni autem ratione statuatur, ut qui ex illorum baptismo ad nos accedunt, chrismetur a fidelibus, & sic mysteriis participant." Fatetur Arcudius *cap. 7. & 17.* hæreticos hæc "reconciliari per Confirmationem & eucharistiam," sed vult hanc "reconciliationem" fieri per sacramenta, quæ ab ipsis fuerant omiffa. "Quasi vero omnes hæretici secundæ classis, quos Basilius *schismaticos* appellat, Confirmationem & eucharistiam contemnerent aut rejicerent. Donatistæ liquidem ad *schismaticos* non autem ad *hereses*, ex Basilii mente revocari debent: qui tamen & suos & nostros ungebant. Præterea Basilius per hæreticos secundæ classis, non eos intelligit, quorum baptisma pro certo nullum erat, ut Valentinianorum & Pepuzenorum: sed quorum baptisma magno *Dionysio*, videlicet Alexandrino, & nonnullis *asiaticis* ratum: irritum autem *Cypriano & Firmiliano* videbatur, non defectu materiæ aut formæ, sed defectu fidei. Quis vero sibi persuaserit, omnes omnino hæreticos, qui ex more & instituto ecclesiæ baptizabant, Confirmationem rejecisse? recole superius dicta *parte 1. pag. 87.*

Sextum Argumentum petitur ex Siricio Papa, *epist. 1. cap. 1.* "Baptizatos ab impiis Arianis, nos cum Novatianis, aliisque hæreticis, sicut est in synodo constitutum per invocationem solam septiformis Spiritus episcopalis manus impositione, catholicorum conventui sociamus; quod etiam totus oriens occidentisque custodit." Agnoscit Petrus de Marca eo loci sermonem haberi de Confirmatione; resque per se ipsa loquitur: quid enim invocatio septiformis Spiritus, cum episcopalis manus impositione, nisi Confirmatio? quid etiam manus impositio seu chrismatio, per quam Novatiani admitterentur, nisi Confirmationis mysterium? totus igitur oriens & occidentis, *Arianos, aliosque hæreticos* per Confirmationem suscipiebat.

Reponet forte illustrissimus archiepiscopus Siricium exponendum esse de aliis hæreticis, qui Confirmationem non administrabant.

Verum qua auctoritate id asseret, vir doctissimus? cum nullus sit auctor vel canon antiquus, quo constet alios a Novatianis hæreticos contempsisse Confirmationis sacramentum. Præterea Siricius generatim & indefinite loquitur, adeoque de multis, non de paucis hæreticis. Denique Siricius Novatianis conjungit illos etiam hæreticos, qui suos confirmabant, videlicet Montenses seu Donatistas; quemadmodum ex sequenti argumento apparebit.

Septimum igitur argumentum petitur ex eodem Siricio *epist. 4. cap. 8.* "Venientes a Novatianis, vel Montensibus per manus impositionem, suscipiantur, præter eos quos rebaptizant." Et ex Innocentio I. *epistol. 2.*

fol. 2. cap. 8. " Venientes a Novatianis , vel Montenſibus per manus „ tantum impoſitionem ſuſcipiantur. " 1. Manus impoſitio , per quam admittebantur Novatiani , erat confirmatoria . 2. Novatiani & Montenſes per eandem manus impoſitionem ſuſcipiebantur . 3. Montenſes iidem erant qui Donatiſtæ , qui ab urbe Roma excluſi , in quadam montium vicinorum ſpelunca conventicula celebrabant : tradit Opratus inde eos nomenclaturam accepiſſe , ut dicerentur *Montenſes* , quo etiam nomine ab imperatore *lib. 43. cod. Theod. de hæretic.* & a S. Hieronymo *epiſtol. 133. & adverſus Luciferianos cap. ultimo* appellantur . 4. Donatiſtæ ſuis , & noſtris ad ipſos deficientibus , Confirmationem adhibebant . Quid igitur ſibi vult eruditiffimus Petrus de Marca , cum hæc duo Si- ricij & Innocentij I. teſtimonia producit , ut inde probet , " Conſigna- „ tionem chriſmatis dictam fuiſſe ab antiquis , manus impoſitionem , " confirmatoriam videlicet , de hac enim ibi loquitur . Et pluribus interjectis ait " Arianos , Macedonianos , Sabbatianos , Novatianos , Quartodecimanos , & Apollinaristas (ad eccleſiam redeuntes conſignari) ea ſcilicet ratione , quia apud ſuos poſt baptiſmum non erant conſignati .

Octavum Argumentum petitur ex eodem Innocentio *epiſt. 22. cap. 4. & 5.* " Noſtræ vero lex eſt eccleſiæ , venientibus ab hæreticis , qui ta- „ men illic baptizati ſunt , per manus impoſitionem , laicam tantum „ tribuere communionem , nec ex his aliquem in clericatus honorem „ vel exiguam ſubrogare . At vero hi , qui a catholica ad hæreſim „ tranſierunt , quos non aliter oportet , niſi , per pœnitentiam ſuſcipi , „ apud vos non ſolum pœnitentiam non agunt , verum etiam honore „ cumulantur. " Ex oppoſitione poſterioris partis evidenter colligitur manus impoſitionem in priori parte intelligendam eſſe in Spiritum ſan- ctum . Sed manus impoſitio in Spiritum ſanctum eſt confirmatoria . Manus etiam impoſitio , quæ manuum impoſitioni in pœnitentiam op- ponitur , eadem certe non eſt , quæ manus impoſitio in pœniten- tiam .

Nonum Argumentum petitur ex canone 1. Concilij I. Arauſicani , " „ Hæreticos in mortis discrimine poſitos , ſi catholicis eſſe deſiderant , „ ſi deſit episcopos , a preſbyteris cum chriſmate & benedictione con- „ ſignari placuit. " Hæreticis , qui ſub mortem convertuntur , indul- get ſynodus , ut a preſbyteris chriſmate & benedictione conſigna- ri , hoc eſt confirmari poſſint : quod alioqui , ſi ſani eſſent , per Episcopos præſtandum foret , ut declarat ſynodus Epaonenſis *Ca- none 16.*

Decimum ex canone 17. Concilij II. Arelatenſis . " Bonofiacos cum „ chriſmate & manus impoſitione in eccleſia recipi ſufficit .

Arcudius *cap. 7.* agnoſcit ibi ſacramentum Confirmationis , ſed Bo- noſiacos in hæreſi baptizatos quidem , non autem confirmatos fuiſſe contendit .

Verum quo fundamento Arcudius hæc asserit? Bonofus enim episcopus Macedo, qui anno 389. in synodo Capuensi damnatus est, non videtur errasse circa chrismatis unctionem. Imo ejus baptismata & ordinationes in eodem concilio approbata sunt. Neque Ambrosius, qui eidem synodo interfuit, in eo aliud redarguit *epist.* 5. ad Theophilum & Anylium episcopos, nisi quod negaret Virginem Mariam post Christi partum illibatam fuisse.

Undecimum petitur ex Leone magno *epistol.* 27. *cap.* 2. *epistol.* 79. *cap.* 6. & 7. & *epist.* 92. *inquisit.* 19. Tres illos textus descriptionis *supra* §. 4. *assert.* II. Primo & secundo textu loquitur generatim de hæreticis in ipsa hæresi valide baptizatis, & in tertio de hæreticis recte baptizatis cujuslibet *sectæ & fidei* fuerint, & *quolibet modo*, id est in quacunque hæresi *formam baptismatis acceperint*. Præterea his tribus locis disterte exprimit episcopalis manus impositionem in Spiritum sanctum. Quin etiam secundo loco hanc manus impositionem, vocat confirmatoriam; eamque opponit manuum impositioni in poenitentiam, per quam hæretici, in ipsa catholica ecclesia, antequam deficerent, baptizati, suscipiebantur.

Duodecimum petitur ex Vigilio, qui in *epistol.* 2. idem asserit quod Leo. Textum descripsimus *ibid.* *pag.* 537.

Decimumtertium ex Gennadio, qui *cap.* 52. *libri de eccles. dogmat.* refert, quoslibet hæreticos, non solum adultos, sed & *parvulos vel hebetes*, modo fuerint valide baptizati, admitti per fidei professionem factam quidem ab adultis per se ipsos, a parvulis autem vel heberibus "per illos, qui eos offerunt juxta morem baptizandorum: " deinde vero *confirmari manuum impositione*, Textum integrum descripsimus §. 4. *assert.* IV. *pag.* 540.

Decimumquartum ex Concilio II. Hispalensi *cap.* 7. "Nec licet eis (presbyteris) per impositionem manus fidelibus baptizatis vel conversis, ex hæresi paracletum Spiritum tradere. " Ubi episcopalis manus impositio fidelibus baptizatis, vel hæreticis concessa pro eadem habetur.

Decimumquintum ex Isidoro Hispalensi *lib.* 5. *de divinis officiis cap.* 24. "Hæretici, si tamen in Patris & Filii & Spiritus sancti attestatione docentur baptismata suscepisse, non iterum baptizandi, sed solo chrismate & manus impositione purgandi sunt. " Deinde *cap.* 25. exponit quid sit illud chrisma, videlicet unguentum, quo, " omnis ecclesia consecratur, " & quo " post lavacrum unguimur, ut Christi nomine censamur. " Capite vero 26. explicat, quid sit hæc manuum impositio, ea nempe, " qua post baptismum per episcopos datur Spiritus sanctus: " & cujus mentio fit *assertum* 8. & 19.

Decimumsextum ex tribus Euchologiis, Regio, Barberino, & Cryptoferrateni, qui formulam exhibent, ex qua apparet, unctionem & manus impositionem, per quam hæretici foris valide baptizati admit-

tuntur

tuntur, ipsissimum esse Confirmationis sacramentum, quod Græci neophytis conferunt: formulam descripsimus *supra*, §. 6.

Decimumseptimum ex codice Petaviano, qui eandem fere in Arianis & aliis quibuscumque hæreticis admittendis orationem exhibet, quæ in eodem codice refertur ad sacramentum Confirmationis administrandum. Vid. §. 9.

Decimumoctavum ex pseudo-Eusebio *epist.* 3. cujus textum descripsimus §. 4. assert. II. licet enim hæc epistola adulterina sit, morem tamen VIII. seculi, quo supposita fuit, nobis exhibet.

Decimumnonum ex Walafrido *de rebus eccles.* cap. 26. Textum retulimus §. 4. assert. IV. Uterque & pseudo-Eusebius & Walafridus loquuntur de quibuscumque hæreticis valide baptizantibus.

Vigesimalumpetitur ex hoc ratiocinio: hæretici Confirmationis sacramentum administrantes per eandem manus impositionem & chrismatis unctionem admittebantur quo Novatiani, qui illud negligebant. Id patet ex canone 7. Concilii I. Constantinopolitani, ubi Arian, Macedoniani, Sabbatiani, Quartodecimani, & Apollinaristæ, eodem quo Novatiani, modo suscipiuntur; & ex Siricio ac Innocentio I. *supra* citatis, apud quos Novatiani & Montenses seu Donatistæ per eandem manus impositionem admittuntur. Sed Novatiani suscipiebantur per confirmatoriam manus impositionem.

Vigesimaluprimum petitur ex præclaris & magnificis elogiis, quæ huic unctioni seu manuum impositioni tribuunt antiqui patres, quæque de nuda cæremonia vix affirmari possunt. Nihil enim videtur vero sacramento tribui posse, quod patres isti manuum impositioni & unctioni non tribuerint.

Maldonatus & Morinus pro eadem opinione citant Augustinum, quia *lib. 5. de baptismo cap. 26.* dixit: "Manus impositio, non sicut baptismus repeti non potest." Verum ille favet oppositæ sententiæ, de qua nunc differendum.

§. 9. *Referuntur momenta quibus opinio negans
status potest.*

Primum argumentum petitur ex responso Stephani Papæ ad Cyprianum. "Si quis ergo a quacumque hæresi venerit ad nos, nihil innovetur, nisi quod traditum est, ut manus illi imponatur ad poenitentiam." Hæc igitur manus impositio erat in poenitentiam non autem in Spiritum sanctum.

Hanc rationem quæ pluribus videtur efficax, & instantias, quibus confirmari potest, dissolvimus *supra*, parte 1. qu. 1. ubi de mente Cypriani adversus Dallæum, pag. 451. &c.

Secundum ex Oprato *lib. 7.* ubi Parmenianum Donatistam sic alloquitur, "Nunquid nos exterminamus oleum vestrum, ut merito nos
,, mul-

„ muscas morituras appelletis ? quod vestrum est apud vos est . Etsi
 „ a vobis ad nos aliquis transitum fecerit , sic a nobis servatur , quo-
 „ modo a vobis dimittitur . Quomodo dicitis ; quia nos sumus mus-
 „ cæ morituræ , suavitatem olei corrumpentes cum post vos nihil ta-
 „ le facimus ? “ Et postea , “ si nos exterminaremus a vobis conse-
 „ ctum oleum merito nos muscas morituras appellare possetis ; sed
 „ dum , quod a vobis unctum est , tale servamus , quale suscipi-
 „ mus , muscæ morituræ esse non possumus . “ Verba non egent ex-
 positione , aperta sunt . Optatus concessam a Donatistis chrismationem un-
 ctionem admittit .

Tertium ex Sancto Augustino *lib. 5. de baptismo, cap. 20. & homi-
 lia 8. inter Carthusianas* : quæ duo loca clara sunt : eaque descriptis-
 mus *parte prima* , ubi de mente Sancti Augustini *pag. 163. & 165.*
 Utrobique Augustinus confirmatoriam Donatistarum chrismationem ap-
 probat .

RESPONDEBIS forte ex Morino *lib. 9. de pœnit. cap. 11. num. 18.*
19. 20. 21. & 22. in Donatistarum Confirmatione duo distingui ;
 chrismationem & manus impositionem in Spiritum sanctum . Hoc ve-
 ro proprium fuisse Donatistarum , ut cum ab Ecclesiis Romana , Afri-
 cana , Gallicana , & Hispanica susciperentur , probaretur quidem eor-
 um chrismatio , sed manus impositio repeteretur . Hinc S. Augustinus
lib. 3. contra Donatistas, cap. 16. “ Manus autem impositio non sicut
 „ baptismus , repeti non potest . Quid est autem aliud , nisi oratio
 „ super hominem ? “ hinc Alcimus Avitus archiepiscopus Viennensis ,
 „ qui Epaonenſi Concilio præfuit anno 517: interrogatus a Stephano
 Episcopo Lugdunenſi , qua ratione esset admittendus Donatista , respon-
 dit , “ Manus impositionem personæ , de qua scribitur , adhibere :
 „ quam constat , si revera in supradicti chrismatis professione versata
 „ est , cum ministerio baptismatis etiam chrismate consignatam . “ Ita
 ille *epist. 24.*

Verum hæc solutio sustineri posse mihi non videtur . Concessam
 enim a Donatistis manuum impositionem , Optatus & Augustinus ra-
 tam vel irritam habuerunt . Si ratam , quorsum eam iterarunt ? nec
 enim illa sicut nec baptismus sine sacrilegio iterari potest : sin autem
 irritam ; qui fieri potest ut chrismatis unctionem ratam , & manus
 impositionem irritam habuerint , cum utraque ad idem Confirmationis
 sacramentum pertineat ? ingenuè fatendum est utrumque , & Optatum
 & Augustinum sententiæ neganti favere . Primum quidem Cypriano a
 pari argumentante , baptismum hæreticorum nullum esse , quia nulla
 erat eorum Confirmatio , Anonymus auctor , alique Africani Episco-
 pi Stephano adhærentes , negarunt unum ex alio concludi posse ; quo
 fit , ut hæreticos per manus impositionem in Spiritum sanctum admit-
 terent ; in eadem erant opinione tempore Concilii I. Arclatenſis , cu-
 jus *canone 8.* statuitur , ut Donatistæ ad ecclesiam redeunti , “ Manus

„ tan-

„ tantum imponatur ut accipiat Spiritum sanctum . “ Qui vero Afri-
cani postea exorti Donatistas impugnarunt , ut ab hac paritate sese
extricarent , administrata juxta Ecclesiae formam quaque haereticorum
sacramenta susceperunt ; quam sententiam Optatus , & Augustinus se-
cuti sunt .

Quantum argumentum petitur ex Hieronymo , qui *cap. 3.* Lucife-
rianum redarguit , quod Arianum per invocationem sancti Spiritus re-
cipiat : “ Tu vero qui ab Arianis recipis baptizatum , & ei tribuis
„ (hoc est , concedis illum habere) baptisma , quod perfectum est ,
„ quo pacto , quasi modicum quid ei defuerit , sanctum invocas Spi-
„ ritum ; cum baptisma Christi sine Spiritu sancto nullum sit ? “ item
cap. 4. eum redarguit , quod *leges ecclesiae* , quibus statuitur , neophy-
tis in ecclesia baptizatis ad invocationem sancti Spiritus manum ab
episcopo imponendam , *ad haeresim transferat* , quasi & ipsis Arianis ab
haeresi redeuntibus eadem manus imponi debeat : “ Quia Episcopus ,
„ si imponit manum , iis imponit , qui in recta fide baptizati sunt , “
non aliis : *cap. vero 8.* ait ; Nicolaitas , quorum baptismum approbat ,
non per manus impositionem in Spiritum sanctum , sed per poeniten-
tiam admittendos esse . “ Nunquid dixit (Angelus) rebaptizentur ,
„ qui in Nicolaitarum fide baptizati sunt ? vel imponatur eis manus ,
„ qui eo tempore apud Pergamenos crediderunt , qui disciplinam te-
„ nebant Balaam ? quin potius age , inquit , poenitentiam . “ De-
nique *cap. 9.* approbat , quod Hilarius diaconus in suis libellis con-
fessus fuerat , videlicet a *Julio , Malcho , Sylvestro , & ceteris veteri-*
bus Episcopis Urbis Roma , similiter in poenitentiam omnes haereticos sus-
ceptos .

RESPONDERI potest inde quidem colligi Hieronymum in ea fuisse
opinionem , confirmatoriam manuum impositionem non adhibendam ha-
reticis extra ecclesiam baptizatis , & ad eam sedeuntibus , qua de re
differuimus *supra , parte prima pag. 139.* inde vero minime sequi quod
ille concessam in ipsa haeresi Confirmationem , validam existimaverit :
imo aperte colligi illam ex ejus mente invalidam esse .

Quantum petitur ex Theodoro , *lib. 3. haeres. fabul. cap. de No-*
vatiano , ubi scribit Patres *can.* videlicet 7. Concilii Constantinopoli-
tani , statuisse Novatianos ad ecclesiam sese referentes unctione con-
firmandos , quia “ iis , qui ab ipsis baptizantur , sacrum chrisma non
„ tribuunt . “ Significat igitur Patres iussuros non fuisse Novatianis
eam unctionem impendi ; si ante a suis illam consecuti essent ; atque adeo
eos , qui chrismationem baptizatis ab ecclesia sacramento Confirmationis
tribui solitam , ab haereticis accepissent , eandem , cum ad ecclesiam re-
migrarent , rursus non accepisse . Ita Petrus Aurelius in *orthodoxo parte 1.*
cap. 5. sub finem .

Verum nullam esse Aurelii consequentiam testantur relata superius
Siricii , & Innocentii I. testimonia , quibus asseritur Novatianos , &

Witasse de Confirmatione .

N n

Mon-

Montenses seu Donatistas per eandem manus impositionem susceptos fuisse: suos enim & nostros Donatistæ unctione confirmabant ex Oprato, & sancto Augustino. Nimirum sacramentum alicui conferri potest, vel quia nullo modo concessum est, vel quia illi invalide concessum putatur: priori de causa Ecclesia paganos fidem poscentes baptizat; posteriori Paulianistas ad fidem reverentes: priori de causa Novatianis Confirmationem olim ministrabat, posteriori Donatistis.

Sextum ex sancto Alcimo Avito Episcopo Viennensi *epist.* 24. ad Stephanum Lugdunensem. "Manuum impositionem personarum, de qua scribitis adhibere: quam constat, si re vera in supradicti (Donatistarum) schismatis professione versata est, cum ministerio baptismatis, etiam chrismate consignatam." Confirmatoriam ille chrismationem a Donatistis factam approbat.

Septimum ex diversa ratione suscipiendi hæreticos secundum ecclesiæ formam baptizatos, & confirmatos; alii enim post factam fidei professionem & ejuratam hæresim sacro chrismate ungebantur vel manuum impositionem accipiebant, ut Ariani, Macedoniani, Sabbatiani, Novatiani &c. alii non ungebantur, sed solum suam & omnem aliam hæresim anathematizabant, ut Nestoriani, Eutychiani de quibus *supra* §. 4. *assert.* 2. ubi de Gregorio magno, & §. 5. *assert.* 3. & 4. Cur vero alii per unctionem seu manuum impositionem, alii vero sine illa susciperentur, nisi quia isti, non autem illi, una cum baptismo Confirmationem in hæresi acceperant & acceptam in hæresi Confirmationem ecclesia approbat.

Verum hanc rationem factam esse apparet ex diversa orientalis Ecclesiæ consuetudine, quæ eosdem hæreticos, videlicet Nestorianos, Eutychianos, &c. per solam hæreseos ejurationem adhuc recipiebat ætate Theodori Studitæ, postea vero per sacri chrismatis unctionem tempore auctoris fragmenti Timotheo presbytero adscripti. Vera ratio repeti debet ex §. 3. *assert.* 4. ubi diximus hanc fuisse consuetudinem ecclesiæ, ut hæreticos omnes in ipsa hæresi baptizatos ecclesia per chrismatis unctionem vel manuum impositionem in Spiritum sanctum admitteret: perseverasse morem illum ad tertiam usque synodum œcumenicam: deinde vero mutatum fuisse circa Nestorianos, aliosque hæreticos post illam synodum exortos, quos quidem ecclesia, ut erga illos sese indulgentiorem præberet, sine unctione seu manuum impositione suscepit, ne illos gradu suo deponeret. Hæc enim unctio seu manuum impositio, quamvis esset confirmatoria, & in Spiritum sanctum; nihilominus in hæreticis lugubris erat, quia non solum erat in Spiritum sanctum, sed & in pœnitentiam & *dolestationis erroris*, ex Hugone Victorino *tractatu* 5. *summæ sentent.* cap. 8. non modo significabat Spiritus sancti sanctificationem, sed & imaginem pœnitentiæ publicæ præferebat, ex Innocentio I. *epist.* 18. cap. 3. quo fit, ut hæretico-

ticorum clerici per illam admissi, gradum suum privarentur, & solam communionem laicam haberent, ex eodem Innocentio *ibid.* & *epistola* 22. cap. 4.

Octavum petitur ex concilio Tridentino *sess. 7. de sacramentis in genere can. 9.* " Si quis dixerit in tribus sacramentis baptismo scilicet, Confirmatione, & ordine non imprimi characterem in anima, &c. unde ea iterari non possunt, anathema sit.

Verum decreti verbis satisfacit qui hoc de Confirmatione ab Episcopis Catholicis datam intelligit, quam validam esse, characterem imprimere, iterari non posse certissimum est. Idem vero dicendum esse de ea, quam hæretici conferunt, ex hoc canone colligi non potest.

Si quis inquit, baptismus foris datus validus est: ergo & Confirmatio.

Nullam esse consequentiam probavimus *supra*, parte 1. Quo enim jure nititur hæc consequentia? baptismus a laico, a muliere, ab ethnico datus in forma ecclesiæ, validus est: ergo & Confirmatio: Baptismum foris datum valere certissimum est, non ex hoc canone, sed ex Patrum testimoniis. Quæ vero baptismum hæreticorum iterari prohibent, eadem Confirmationem ab iis dari non posse testantur. Quemadmodum apparebit locos præcedentibus paragraphis citatos expendenti.

Si quis urgeat, Facta ab hæreticis ordinatio valet: quidni Confirmatio?

RESPONDERI potest, 1. antecedens dubium esse, seu spectes antiquos Patres, seu veteres theologos. " Hanc enim questionem perplexam (inquit magister *lib. 4. sentent. dist. 25.*) ac pene insolubilem faciunt doctorum verba, qui plurimum dissentire videntur. " Ipse vero disputando longe perplexiorem reddit. Relatis enim antiquorum Patrum de hac difficultate diversis, & in specie contrariis sententiis, quatuor diversas doctorum sui temporis de earum conciliatione opiniones explicat, sed quæ vera, quæ falsa, quæ probabilior sit, non indicat. Licet vero affirmans opinio a pluribus annis trita sit apud scholasticos, hætenus tamen nullo ecclesiæ decreto questio hæc obscura decisa est. 2. Responderi potest, nullam esse consequentiam. Patres enim si forte Optatum, Sanctum Augustinum, & Avitum excipias, qui factas ab hæreticis ordinationes approbare videntur, collatas ab ipsis unctiones confirmatorias improbant, cum sinant eas iterari. " Hinc plenaria synodus Capuensis prohibet Bonosianorum baptismata & ordinationes, non autem eorum Confirmationes iterari, *ex Africana collectione*, cap. 15. nec immerito; illos enim cum chrismate & manus impositione in ecclesiâ recipi " constat *ex canone 17. Concilii II. Arclatenfis*. Mirum forte cuiuspiam videbitur, quæmobrem iidem Patres hæreticorum ordinationem validam, Con-

firmationem vero invalidam habuerint . Sed mirari desinet , qui attenderit , characteris Episcopalis virtutem in hæreticis ab Ecclesia suspendi posse , ut si velint agere nihil producant : quare de re alibi .

Nonum Argumentum . Sacramentum novæ legis est causa per se gratiæ sanctificantis : atqui manus impositio , per quam hæretici admittebantur , erat dumtaxat causa per accidens , seu causa removens prohibens , id est causa removens obicem , quo impediatur , ne baptismus in hæresi susceptus conferret gratiam sanctificantem , & peccata remitteret .

Verum potest responderi 1. retorquendo circa manuum impositionem , & unctionem per quam Novatiani admittebantur , illam enim fuisse confirmatoriam constat ex Theodoro . Eadem tamen erat ac illa , per quam Ariani , Macedoniani , Sabbatiani , Apollinaristæ , & Montenses seu Donatistæ suscipiebantur . 2. Præfata unctio seu manus impositio non erat causa removens obicem remissionis peccatorum , sed illum obicem remotum supponebat . Prius enim reduces convertebantur , quam ungerentur , *ex auctore quæstionum , & responsionum* apud Justinum , *quæst.* 14. Conversio vero obicem auferbat . Prius fidei professionem emittebant , *ex canone* 7. Concilii II. œcumenici . “ Sanctum vero baptisma , quod (reduces) sunt apud hæreticos consecuti , tunc in eis vires emundationis recipit , cum illi . . . propter professionem veræ fidei , sanctæ & universalis ecclesiæ visceribus fuerint uniti , ” *ex Gregorio magno lib. 4. epist. 61.* Prius hæresim suam & omnem aliam ejurabant , *ex eodem canone* ; “ Purgati vero jam fidei integritate , confirmabantur manus impositione , ” *ex Gennadio cap. 52. de ecclesiast. dogmat.* prius jejunabant dies decem aut quindecim , & mane ac vespere orationibus incumbabant , *ex tribus Euchologis , regio , Barberino , Marci , & Cryptoferratenſi* ; atque ita jejunio & orationibus pravos mentis & cordis affectus purgare conabantur . Eas omnes fere rationes paucis complexus est Anonymus Cypriano cœtaneus , qui baptismi virtutem & reviviscentiam invocationi nominis Jesu in baptismo tribuit . “ Quæ tamen , inquit , invocatio nominis Jesu correctione erroris , & agnitione fidei veritatis , & abscissa omni labe præteritæ conversationis , mysterio Dei , circa ejusmodi homines (hæreticos) rite perpetrato , locum , quem habitura non erat , obtinet , & ad integritatem signi præstandam non obest , supplemento ejus quod deerat accedente . ” 3. Nihil impedit quominus chrismatis unctio , & manus impositio , quibus ritibus tota consistit materia Confirmationis , dicatur in hæreticis causa removens prohibens seu causa per accidens remissionis peccatorum , & nihilominus sit verum sacramentum . Hæc enim manus impositio in illis , de quibus hic agitur , hæreticis , spectari potest , vel in ordine ad culpæ originalis , aliorumque peccatorum ei adhærentium remissionem .

sionem, quæ est effectus baptismi; vel in ordine ad uberiores Spiritus sancti effusionem, quæ est proprius Confirmationis effectus. Priori modo est causa removens prohibens, "Sanctum enim baptismum," inquit Gregorius, quod (reduces) sunt apud hæreticos consecuti, tunc in eis vires emundationis recipit, cum illi per impositionem manus Spiritum sanctum acceperint, vel propter professionem veræ fidei sanctæ, & universalis ecclesiæ visceribus fuerint uniti. "Posteriori modo est causa per se, causa vera, & influens eodem modo, quo legis novæ sacramenta dicuntur largiri gratiam sanctificantem.

Decimum Argumentum. Si hæc unctio seu manus impositio, per quam hæretici admittebantur, esset confirmatoria, sequeretur Confirmationis sacramentum conferre primam gratiam, remittere peccata, supplere vices baptismi, & homini nondum justificato conferri posse. Falsum consequens: ergo & antecedens.

Verum responderi potest, 1. retorquendo circa manuum impositionem, per quam Novatiani admittebantur, & quam adversarii fatentur confirmatoriam fuisse. Quod illi de Novatianis, id ipsum de cæteris hæreticis respondebitur. 2. Nihil repugnat, quominus dicatur Confirmationem aliquando conferre primam gratiam, & supplere vices baptismi. Apparet enim ex testimoniis citatis, Confirmationis sacramentum a patribus æquiparari sacramento poenitentiae, hoc est, idem præstare sacramentum Confirmationis erga hæreticos extraneos baptismi, & ad eam redeuntis, quod sacramentum poenitentiae erga hæreticos in Ecclesia baptizatos, qui redeunt per poenitentiam ex Ecclesiæ decreto recipiuntur. Deinde non desunt theologi, qui doceant Confirmationem producere primam gratiam sanctificantem in eo, "Qui ad illam non perfecte contritus accedit, dummodo non fictus accedat." Ita Sanctus Thomas 3. par. quest. 72. art. 7. ad 2. Quin etiam Cajetanus ad hunc locum, & Dominicus Soto in 4. dist. 7. art. 7. ubi disputat de præparatione ad Confirmationem necessariam, illud privilegium extendunt ad quæcunque sacramenta, modo suscipiens contritum se existimet. Non desunt quoque scholastici, quos inter Suares de sacramento extrema unctionis disp. 7. num. 5. Yzambertus, ubi de extrema unctione, & Navarrus in manuali cap. 22. num. 13. qui doceant extremam unctionem dari posse infirmo attrito, qui confiteri non potest, eamque "in tali casu supplere vices sacramenti poenitentiae, quia est aliquid ejus consummativum, & remittere mortalia prædicto infirmo attrito, &c." ita Suares. Quidni Confirmatio, ut quæ sit baptismi perfectio, ejus vices aliquando supplere poterit? 3. Nihil nos cogit asserere Confirmationem conferre primam gratiam; Patrum enim testimonia tantum probant per confirmatoriam manuum impositionem suscitari, & reviviscere gratiam baptismi, quam hæresis suspenderat, impediendo ne baptismi

Witasse de Confirmatione. Nn 3 mus

mus vires suas exeret : quare primæ gratiæ productio non Confirmationi tribuenda est , sed baptismo , cuius vires per hæresim ligatas Confirmatio solvit . 4. Ne cogitur quidem affirmare , ligatas baptismi vires per Confirmationem dissolvi . Confirmatio enim obicem illum non tam removet , quam remotum supponit , uti jam probatum est .

Undecimum Argumentum . Confirmatio in eis confessionem præsupponit , qui rei sunt peccati mortalis . Sed nullus canon nullumque testimonium extat , quo probetur hæreticos teneri peccata sua confiteri , antequam per manus impositionem per unctionem recipiantur . Hæc igitur unctio seu manus impositio non erat confirmatoria .

RESPONDERI potest , 1. retorquendo circa Novatianorum unctionem . Ubi enim legunt adversarii Novatianos teneri peccata sua confiteri antequam ungerentur ? hæc igitur unctio ideone confirmatoria non erit ? 2. Si hæretici foris baptizati , cum ad ecclesiam redirent , peccata non aperirent ; quorsum igitur qui occulti criminis capitalis rei essent ad poenitentiae publicæ labores amandabantur ? crimina enim capitalia , licet occulta , subiciebantur publicæ poenitentiae . 3. Confessionem ab adultis olim præmissam fuisse Confirmationi , docet S. Thomas ex Concilio Aurelianensi , quod accepit a Gratiano de consecrat. dist. 5. cap. 6. & ante Gratianum annis , & eo amplius , sexaginta , in decretum suum retulerat Ivo , parte 1. cap. 254. & ante Ivonem annis centum Burchardus lib. 4. cap. 60. 4. Confirmatio ordine & natura sua poenitentiae sacramentum præcedit ; si vero subsequatur aliquando , hoc fit per accidens , & contra sacramentorum ordinem vitioque nostro . Neque defunt concilia & theologi , qui negent confessionem huic sacramento ex necessitate præmittendam . 5. Dato , non concessio , quod jure divino confessio præmitti Confirmationi debeat in hæretico , qui in ecclesia catholica baptizatus , ab ea recedit , deinde vero ad illam accedit ; vel in adulto catholico , qui gratiam baptismalem amisit , inde non sequitur , quod illa præmitti debeat in hæretico , qui foris baptizatus , ad fidem catholicam revertitur . Ratio discriminis est , quod in duobus primis peccata remittuntur virtute sacramenti poenitentiae , quod confessionem complectitur ; in eo vero qui foris baptizatus est , virtute ipsius baptismi , qui vires suas ab hæresi retulit , suspensas & cohibitas tum primum exeret , & dona sua diffundit . Longe igitur alia ratio est hæretici in ecclesia , & hæretici extra ecclesiam baptizati . Prior ad ecclesiam revertens alio modo , quam per solam fidei professionem reconciliari debet , ut illius crimina deleantur . Virtus enim baptismi , quantumlibet efficax , bis non operatur . Semel autem in corde , de quo loquimur , operata est . Non potest igitur iterum per fidei professionem reviviscere : est enim per hæresim subsequentem extincta , per antecedentem vero fuerat tantum suspensa , ideo prior ille hæreticus per aliud
sa-

sacramentum, videlicet poenitentiam, reconciliandus est. Posterior vero, in quem propter hæresim, in qua baptizatus est, baptismus vires suas effundere non potuit, obice per fidei professionem aut manus impositionem ablato, gratiam baptismalem suscipit.

Hinc ratio colligi debet cur hæreticus in Ecclesia baptizatus, vel adultus catholicus & reus, si ad Confirmationem nondum confessus accesserit, post acceptam Confirmationem teneatur peccata confiteri, non autem hæreticus foris baptizatus, nempe quia in ultimo, non in duobus primis, peccata virtute baptismi remittuntur.

Dices. Adultus, qui ex conscientia fictus ad baptismum accedit, baptizatur, & antequam fictionem auferat, plura peccata committit, eadem peccata confiteri tenetur. Quidni idem sentiendum erit de hæretico foris baptizato, qui post susceptum baptismum, sæpius peccat, antequam fidem profiteatur, hæresim ejuret, & per unionem seu manuum impositionem admittatur?

Verum antecedens mihi falsum videtur. Recedente enim fictione, baptismus vires suas effundit, neque solum originis peccatum delet, sed & ea (saltem per accidentariam concomitantiam) quæ ante ipsum, vel post ipsum perpetrata sunt. Quare cum illa per baptismi gratiam remissa fuerint, non videntur confessionis sacramento subjienda.

Neque dicas, fictionis ablationem pertinere ad sacramentum poenitentiae. Alia enim est fictionis ablatio, quæ in adultis baptismum præcedit, alia quæ baptismum inefficacem subsequitur; alia quæ baptismi efficaciam consequitur, ut quis post amissam gratiam baptismalem dolet de peccatis post hæc commissis. Prima non pertinet ad sacramentum poenitentiae; tertia pertinet; de secunda dubitatur. Opinio negans mihi probatur ob illud Augustini *lib. 1. de bapt. cap. 12.* ubi loquens de adulto fidei, qui fictus ad baptismum accedit, baptizatur, "Et tamen cor ejus in malitia vel sacrilegio perseverat; & odium fratrum in ejus animo perseverat. Et deinceps reus est non solum prætorum, sed etiam consequentium peccatorum: deinde vero pia correctione & veraci confessione purgatur." Augustinus totam illam purgationem refundit in baptismum, qui tunc valere incipit ad salutem, cum illa fictio veraci confessione recedit. "Sicut enim in illo, qui fictus accesserat, fit ut non denuo baptizetur, sed ipsa pia correctione & veraci confessione purgetur, quod non posset sine baptismismo, ut quod ante datum est, tunc valere incipiat ad salutem, cum illa fictio veraci confessione recesserit: sic etiam iste, qui baptismisma Christi &c." comparat ille catechumenum, qui fictus ad baptismum accessit cum hæretico foris baptizato.

Nec etiam dicas, Concilium Tridentinum *sess. 14. cap. 5.* docuisse, "Integram peccatorum confessionem omnibus post baptismum lapsis

„ iure divino necessariam existere. “ Id enim theologus, qui a proposita Augustini doctrina recedere noluerit, explicabit de peccatis post acceptam gratiam baptismalem, non autem ante illam commissis : idque certo colligi videtur ex ipsa natura sacramenti pœnitentiæ, quod a patribus dicitur *secunda post naufragium tabula*. Non est igitur prima, sed secunda tabula, quæ passum naufragium post primam tabulam supponit.

Nolim tamen hodiernam praxim improbare, qua Calvinistæ in quibusdam diœcesibus Gallicanis, postquam in ecclesiæ gremium admissi sunt, quæcumque commiserunt peccata confitentur, antequam Confirmationis unctionem accipiant : qua in re prudenter se se gerunt Episcopi, communiori & receptæ jam pridem in scholis opinioni adhærentes.

§. 10. *Expenditur utraque sententia.*

Multa retulimus momenta, aliaque plura referri possent, quibus alterutra opinio confirmaretur vel infirmaretur. Momenta, quibus affirmans opinio stabilitur, graviora sunt : leviora vero, quibus negans opinio statuitur, si petitis ex Augustino rationes exceperis, ejus, inquit, *Auxilius lib. 1. de ordinationibus a Formoso Pontifice factis cap. 13. AUCTORITAS AD INSTAR SOLIS IN TOTA FULGET ECCLESIA* : quo fit, ut utraque opinio sua se probabilitate tue-ri possit.

S E C T I O II.

Utrum Confirmationes factæ ab Episcopis schismaticis, depositis, & excommunicatis excommunicatione majori valeant.

Pro asserenda vel neganda validitate Confirmationis ab episcopis schismaticis & depositis administratæ, nonnulla suppetunt exempla, quorum duo in utramque partem referemus.

Primum erit pseudo-Papæ Constantini, qui Romanam sedem invasit anno 767. statimque ex laico clericus, subdiaconus, diaconus, presbyter, & episcopus a Gregorio Prænestino ordinatus est. Presbyteros autem octo, diaconos quatuor, & episcopos octo ordinavit anno 768. ac tandem in Romana synodo depositus est anno 769. Atqui synodus ordinationes, “ Et quæcumque idem Constantinus in ecclesiasticis sacramentis ac divino cultu egit, iterari iussit, præter sacramentum baptismi, atque sanctum chrisma. “ Ita refertur in *vita Stephani III. Papæ*. „ Hæc igitur synodus, improbatas Constantini ordinationibus, facta ab eo baptisinata, factasque Confirmationes approbavit.

Ne-

Neque dicas esse duas lectiones, quarum altera refert, a synodo statutum fuisse, ut Stephanus episcopus eos, presbyteros, aut diaconos consecraret, altera vero conciliaret.

Auxilius enim, qui floruit desinente seculo IX. exemplum illud sibi objiciens, *lib. 2. de ordinationibus a Formoso factis cap. 4.* fatetur in ea synodo sancitum fuisse, ut illi iterum a Papa Stephano consecrarentur.

Alterum erit Photii, cujus Confirmationem (græce *unguentum*, *ῥῆμα*) legati Pontificis Romani (Nicolai I.) in Bulgariam missi reprobaverunt, omnesque Bulgariæ principes & subiectos chrismate iterum inunxerunt. Ita synodus VIII. generalis in *epistola græca ad Hadrianum II.* desunt enim hæc verba in latina versione Anastasii. Neque, Photius in suis litteris encyclicis ad orientis Patriarchas, quibus gratia viter apud eos conquestus est de injuria sibi illata, quod sui in Bulgaria a latinis iterum chrismate delibuti fuissent, privatim ille queritur, de repetitione unctionis a se, vel a presbyteris a se ordinatis collatæ, sed generatim de repetitione unctionis a presbyteris concessæ, quasi unctionis illius conferendæ impotes essent presbyteri, pertineretque ad solos episcopos hæc prærogativa. Græca tamen synodi epistola nulla interpretationis suspicione laborat. Photii vero licet schismatici, & sedis Constantinopolitanae invaloris ordinationem ratam agnovit Joannes VIII. in *epist. 199.* ad Basilium Constantinum, & Alexandrum Imperatores, quia illum absque ulla ordinationis iteratione, "In vera dilectione fratrem in Pontificali officio comministrum, & in pastoralis magisterio confacerdotem, pro ecclesiæ Dei pace & utilitate, a modo, Christo favente, recipit & habet, (ea tamen lege) ut misericordiam coram synodo secundum consuetudinem postulet. "En facta quæ, ut vides, in utramque partem referri possunt, & quæ tamen non ita se cum invicem pugnant, ut nulla ratione possint conciliari; nec etiam, si conciliari non possent, inde sequeretur ordinationes & Confirmationes ab Episcopis excommunicatis factas, "irritas prorsus esse & invalidas. Sed ea de re alibi, nempe ubi de sacramentis in genere agitur, & de qualitatibus in ministris sacramentorum prærequisitis, vel etiam ubi de ministro ordinationis in tractatu de sacramento ordinis.

QUÆSTIO TERTIA.

De causa exemplari sacramenti Confirmationis.

CAusa exemplaris Confirmationis (quo nomine, ubi de sacramentis agitur, figuras intelligo veteris testamenti) nulla est ex S. Thoma. "Confirmatio enim, inquit ille 3. *part. quæst. 72. art. 2. ad 2.* quia est sacramentum plenitudinis gratiæ, non potuit habere aliquid respiciens in veteri testamento; quia nihil ad perfectum adduxit lex, ut dicitur ad Hebr. 7.

Aliud tamen sentiunt Tertullianus, Optatus, Augustinus, Job monachus, & Isidorus Hispalensis, quorum testimonia descripsimus ubi de traditione. Tertullianus enim *lib. de bapt.* ait Confirmationis unctionem descendere "de pristina disciplina, qua ungi oleo de cornu in facerdotium solebant, ex quo Aaron a Moyle unctus est." Augustinus ait illam significatam fuisse per unguentum quod e capite in barbam Aaron defluebat: Optatus vero & Isidorus per unctionem, qua sacerdotes & reges consecrabantur: catechumenus enim, dum baptizatur, fit rex & sacerdos; quocirca ejus caro mox ungebatur, ut anima consecraretur. Utriusque unctionis, Judaicæ, & christianæ, relationem paucis quidem, sed accuratis, verbis explicuit Job monachus, dum ait catechumenos, cum in ecclesiam admittuntur, tribus sacramentis initiari, baptismo, Confirmatione & eucharistia: eamque consecrationem in Mosaica consecratione adumbratam fuisse. "Primo, inquit, nunc baptizamur, deinde unguento ungimur, inde pretioso sanguine dignamur. Sic prorsus & Moyses hæc adumbrans, abluit primo aqua eos qui consecrabantur, mox induit & cingit, deinde confert olei unctionem, & tum sanguine aspergit atque ad panis sumptionem adducit." Alludit Job ad Mosaicam sacerdotum consecrationem *Exodi 30. & Levit. 8.* descriptam. Primum enim futurum sacerdotem abluebant, eumque statim induebant subucula linea & tunica hyacinthina; mox caput ejus tiara coronabant; deinde caput ungebant: immolabant sacrificia: carni panibusque oblatis participabat sacerdos: quibus absolutis ritibus manebat septem diebus in tabernaculo: die ac nocte observans custodias Domini; atque ita complebatur ejus consecratio. Eodem ritus, eodemque ordine in antiquis catechumenis observare licet. Primum quidem abluebantur; mox induebant tunicam albam; deinde coronabantur, ungebantur in fronte, eucharistiæ sacrificium offerebatur pro illis, participabant corpori & sanguini Christi, septem diebus in ecclesia mane & sero incumbabant orationi, ejus consecrationis solemnitas

tas

ras octava die, seu dominica in albis desinebat : is erat antiquus ordo : coronatio quidem aliquibus in locis eucharistiæ participationem sequebatur : hinc Severus Patriarcha Antiochenus, *lib. de baptismo* ; “ E-
 „ levant baptizatos ad altare, eisque dant mysteria & lertis coronat
 „ eos sacerdos. “ Alibi vero post induam vestem albam fieri solebat.
 Hinc ordo baptismi secundum usum Æthyopum : “ Tum induunt,
 „ qui baptizati sunt vestem albam & coronam super capita sua ex
 „ myrtho & palma. “ Hinc Honorius Augustodunensis *lib. de gemmis
 animæ, cap. 112.* “ Deinde mitra capiti ejus imponitur, veste alba in-
 „ duitur, quia in regnum & sacerdotium assumitur. Per mitram co-
 „ rona regni, per albam sacerdotis dignitas exprimitur, quia videlicet
 „ Christi regis & sacerdotis membrum efficitur. “ Cæterum Mosaicam
 sacerdotis unctionem Hebræorum magistri tradunt sic factam fuisse, ut
 oleum ejus capiti primo effunderetur, inde illiniretur super oculos in
 formam græcæ literæ Chi, hoc modo X. Verba sunt Maymonidis
 apud Schikardum *lib. de jure regio Hebr. cap. 1.* “ Quomodo ungebant
 „ sacerdotem? effundebat oleum capiti ejus, & illiniebat inde super
 „ oculos ad speciem Chi græci, taliter X. “ Ex quibus liquet pene
 eandem fuisse illam veterem Mosaici sacerdotis unctionem cum ea
 quam postea in fronte fecerunt christiani. Utraque enim in crucis for-
 mam ducebatur, hoc tantum discrimine, quod Judaica decussatam,
 christiana rectam crucem referat. Præterea unguentum, ex quo fiebat
 hæc unctio Judaica, sanctum erat. Laico non licebat illud tangere, vel
 odorari, ejusque sanctitas & compositio, quæ ex pluribus erat aroma-
 tibus, accurate describitur *Exodi 30.* Eadem est unguenti christiani
 ratio, cujus sanctitas apparet ex patribus citatis ubi de traditio-
 ne, præsertim ex Optato : & cujus compositio in oriente ex tri-
 ginta & amplius odoribus fieri solet, quamvis in occidente fiat ex oleo
 tantum & balsamo. De variis figuris Mosaicis per quas confirmatoria
 unctio adumbrabatur, videlicet auctorem *sermonis de unctione* apud Cy-
 prianum.

Manuum quoque impositionem in veteri testamento figuratam fuisse
 per impositionem manuum, qua Jacob suis nepotibus benedixit, asse-
 rit Tertullianus in eodem libro *de baptismo*. “ Dehinc, inquit, manus
 „ imponitur, per benedictionem advocans & invitans Spiritum san-
 „ ctum &c. sed est hoc quoque de veteri sacramento, quo nepotes
 „ suos ex Joseph, Ephraim, & Manassæ, Jacob capitibus impositis
 „ & intermutatis manibus benedixit &c. “ Judæi actiones religiosas
 facturi manus solebant iis imponere, quorum causa actiones illas insti-
 tuebant. Benedicturi manus imponebant; ita Jacob Ephraimo & Ma-
 nassæ manum imposuit, *Geneseos 48.* Dona quædam spiritualia imperti-
 ruri manus imponebant. Sic *Josue repletus est Spiritu sapientiæ*, quia
Moyse posuit super eum manus suas; *Deut. 34.* Sacrificaturi manus super
 ho-

hostiam imponebant ; sic Aaroni & filiis ejus præcipitur ut vitulum coram testimonii tabernaculo mactaturi , *manum applicent super caput illius* : Exodi 29. Ducem aliquem constituturi manus ei imponebant : sic Moyles posuit *manum super Josue* , ut audiret cum omnis *synagoga filiorum Israel* : Numerorum 27. Similiter in novo testamento Dominus noster Jesus Christus, ipsiusque apostoli manuum impositionem in variis actionibus usurparunt. Eos quoque imitata est ecclesia christiana : tribus vero potissimum sacramentis antiquitas nomen *impositionis manuum* indidit, Confirmationi, poenitentiae & ordini : sacramentum Confirmationis vocat *manus impositionem in Spiritum sanctum* ; sacramentum poenitentiae, *manus impositionem in poenitentiam* ; ordinis vero sacramentum, *manus impositionem simpliciter*.

Denique proprium Confirmationis effectum in veteri testamento adumbratum fuisse asserit Tertullianus *lib. de baptismo cap. 8.* " Tum ille
 „ sanctissimus Spiritus super emundata & benedicta corpora libens a
 „ patre descendit &c. ne hoc quidem sine argumento præcedentis figuræ. Quemadmodum enim post aquas diluvii, quibus iniquitas antiqua purgata est, post baptismum (ut ita dixerim) mundi , pacem
 „ cælestis iræ , præco columba terris annuntiavit demissa ex arca,
 „ & cum olea reversa : quod signum etiam apud nationes paci præ-
 „ tenditur : eadem dispositione spiritalis effectus, terræ , id est, carni
 „ nostræ, emergenti de lavacro post vetera delicta, columba sancti Spiritus
 „ ritus advolat, pacem Dei afferens, emissa de cælis, ubi ecclesia est,
 „ arca figurata.

QUÆSTIO QUARTA.

De suscipiente seu causa subjectiva Confirmationis.

DE ætate ad Confirmationem requisita , & dispositionibus ad illam necessariis hic agemus.

ARTICULUS I.

*De connexionione utriusque sacramenti baptismi & Confirmationis ,
& de etate in suscipiendis requisita.*

Utrumque baptismi & Confirmationis sacramentum primis ecclesie seculis semper connexum fuisse, adeo ut baptismum Confirmatio statim sequeretur, cum adesset episcopus, trita hæc est eruditiorum doctrina. Ista tamen duo sacramenta in Corinthiis ad quos Paulus scripsit, separata fuisse Irenæus aperte innuit *lib.4. adversus hæreses cap. 75. & in fragmentis*. “ Paulus, inquit, Corinthiis ait : *Lac vobis potum dedi, non escam ; nondum enim poteratis portare* : hoc est humanam Christi præsentiam didicistis : sed Spiritus patris, ob vestram infirmitatem, necdum super vos requiescit. *Cum enim sit inter vos, zelus & contentio, nonne carnales estis, & secundum hominem ambulatis?* id est, necdum patris Spiritus cum illis erat, propter imperfectionem eorum, & infirmitatem conversationis. Quemadmodum igitur apostolus poterat quidem dare escam (quibuscumque enim manus imponebant apostoli, recipiebant Spiritum sanctum, qui est esca vitæ) illi autem non poterant illam recipere, propterea quod sensus mentis adhuc imbecillia, & inexercitata ad res divinas haberent. Sic & ab initio poterat quidem Deus homini conferre perfectionem. Sed hic nuper productus non poterat, aut illam accipere, aut acceptam capere, aut captam continere. “ Igitur ex mente Irenæi Paulus Corinthiis jam pridem baptizatis non dederat escam, id est, Spiritum sanctum, qui est esca vitæ ; & quem fideles per manus impositionem ab apostolis accipiebant. Paulus tamen *ad Hebr. cap. 6.* confirmatoriam manus impositionem cum baptismo conjungit : *Rursum jacentes*, inquit, *fundamentum penitentiae ab operibus mortuis, & fidei ad Deum, baptismatum doctrinæ, impositionis quoque manuum* ; eaque praxis ac consuetudo conjungendi utriusque sacramenti in ecclesia sædi perseveravit. Hinc Tertullianus, Cyprianus, patres Illiberitani, patres Laodicenses, Optatus, Pacianus, Cyrillus Hierosolymitanus, Ambrosius, aliique baptismum & Confirmationem conjungunt. Baptismum enim Confirmatio proxime sequebatur, cum adesset episcopus ; cum vero abesset, prima data occasione : unde Hieronymus *dialogo adversus Luciferianos* testatur, hanc fuisse tempore suo ecclesiarum consuetudinem ut ad eos qui longe in minoribus urbibus per presbyteros & diaconos baptizati erant, episcopus ad invocationem sancti Spiritus manum impositurus excurreret.

Omnis igitur ætas, sive infantilis, sive adulta, erat idonea Confirmationi, quia omnis ætas idonea erat baptismo, cui Confirmatio adha-

re-

rebat : hinc S. Thomas 3. *parte quæst.* 72. *art.* 8. probat hoc sacramentum omnibus exhibendum esse ; quia " per illud promovetur homo spiritaliter in ætatem perfectam. Hoc autem est de intentione naturæ, multo magis de intentione Dei ex cujus imitatione hoc naturæ participat omnia ad perfectionem producere. Anima autem, ad quam pertinet & spiritualis nativitas & spiritualis ætatis perfectio, potest, sicut tempore senectutis spirituales nativitates consequi ; ita tempore juventutis vel pueritiæ consequi perfectam ætatem. " Hinc ad 2. ait de hac ætate perfecta, quam pueri confirmati consequuntur, dictum esse, Sap. 4. *Senectus venerabilis est non diuturna, neque numero annorum computata.* Hinc ibidem asserit, " Quod multi in puerili ætate propter robur Spiritus sancti perceptum, usque ad sanguinem fortiter certaverunt pro Christo.

Ulus vero confirmandi pueros in ecclesia diu multumque permansit. Meminit Innocentius I. in *epistola ad Decentium cap. 3. de consignandis parvulis* : meminit Augustinus *tractatu* 6. in 1. *Joannis epistolam*. Meminit Gennadius cap. 52. libri *de eccles. dogmat.* meminerunt ordo Romanus, alique libri rituales seculorum VIII. IX. X. XI. rituum, quibus parvuli consignari debent. Odo episcopus Parisiensis, qui Maarithio successit anno 1196. vel 1197. in synodicalibus constitutionibus statuit, " 1. Ut sacerdotes frequenter moneant populum ad Confirmationem puerorum. 2. Quod post baptismum debet suscipi sacramentum Confirmationis. 3. Ut sæpe dicatur laicis, ne expectent diu ad confirmandum pueros, adventum episcopi, sed ducant eos ad eum, nisi adesse audierint prope. " Richardus Poore, episcopus Sarumensis in *Anglia in suis constitutionibus cap. 24.* quatuor edicit, " 1. Cum sacramentum Confirmationis ad robur detur parvulis, frequenter sacerdotes moneant populum ad Confirmationem puerorum : post baptismum enim suscipi debet sacramentum Confirmationis. 2. Si ultra quinque annos ad plus puer fuerit per negligentiam & injuriam parentum non confirmatus, tam pater, quam mater ab ingressu ecclesiæ tamdiu suspendantur, quo usque puer confirmetur. 3. Similiter pater subiacebit sacerdos, qui circa hoc negligens extiterit. 4. Si adultus in quadragesima, vel alio tempore ad communionem venerit, nondum confirmatus (quod diligenter inquirendum est) mittatur ad episcopum confirmandus. " Constitutiones illæ vulgo referuntur ad annum 1217. verum illæ anno 1222. posteriores sunt, cum in earum capite ultimo mentio fiat Oxoniensis concilii anno 1222. celebrati. S. Edmundus archiepiscopus Cantuariensis in *suis constitutionibus, cap. 39.* ad annum 1236. " Sacerdotes frequenter moneant populum ad Confirmationem puerorum ; post baptismum enim suscipi debet sacramentum Confirmationis. " Synodus Oxoniensis in Anglia anno 1287. *cap. 3.* " Quoniam in baptismo regeneramur ad vitam, post baptismum

„ con-

„ confirmamur ad pugnam, eo quod nobis est magna & gravis collu-
 „ statio adversus principem tenebrarum, qua propter (observa ratio-
 „ nem quæ præcessit) sacerdotibus parochialibus, districte præcipimus,
 „ ut parochianos suos sæpius moneant, quatenus parvulos suos, quos
 „ prius baptizatos esse constiterit, procurent quam citius poterint,
 „ confirmari. Et ne ob parentum negligentiam ipsos contingat absque
 „ Confirmatione diutius remanere, statimus ut parvuli, infra trien-
 „ nium a tempore ortus sui, Confirmationis recipiant sacramentum :
 „ dum tamen proprii vel alieni episcopi copia habeatur : alioquin pa-
 „ rentes ex tunc qualibet sexta feria in pane & aqua jejunent, donec
 „ pueri confirmentur. “ Rigidos se canonum ad Confirmationem per-
 „ tinentium observatores exhibuerunt Angli.

Aliter se res habuit in Germania, Galliis, & Italia. Synodus Colo-
 „ nienfis anno 1280. *cap. 5.* id unum edicit. “ Presbyteri moneant pa-
 „ rentes, ut pueros nondum confirmatos ad episcopum, qui solus po-
 „ test confirmare, ducant septennos, vel majoris ætatis. “ Idem fere
 „ habet synodus Lingonensis anno 1404. Synodus Colonienfis anno 1536.
 „ *parte 7. cap. 9.* ait “ se non definire, an expediat imitari consuetudi-
 „ nem, qua observatur, ut nedom adultis, sed & infantibus detur Con-
 „ firmatio; convenientius tamen & utilius esse, si infans supra septi-
 „ mum ætatis annum progressus fuerit, ut ea, quæ aguntur, intelli-
 „ gat. “ Concilium Mediolanense I. anno 1345. *par. 2. cap. 3.* “ Mi-
 „ nori septennio Confirmationis sacramentum nemini præbeatur. “
 „ Concilium V. Mediolanense anno 1579. *parte 1. cap. 8.* postquam epif-
 „ copum monuit ut ægrotantes nondum confirmatos “ caritate paterna
 „ inviset & rite confirmet, subjicit : “ Alio decreto, quod in conci-
 „ lio provinciali primo sancivimus, cautum est, ne Confirmationis sa-
 „ cramentum iis præberetur, qui annis septem minores natu sint : si
 „ tamen episcopus ob aliquam causam justam, atque adeo necessariam,
 „ parvulo & infanti, qui non modo eam ætatem expleat, sed ne at-
 „ tingat quidem, ministrandum aliquando censuerit, ne sit vetitum. “
 „ Synodus Turonensis, anno 1583. *cap. 7.* “ Ut Confirmationis sacra-
 „ mentum decentius conferatur, statuit ne ad illud facile minores sep-
 „ tennio admittantur. “ Synodus Bituricensis anno 1584. *titulo 30. ca-
 „ none 4.* “ Non offerantur ad sacramentum Confirmationis, nisi qui
 „ septimum annum attigerint, ut symbolum fidei profiteri per se pos-
 „ sint. “ Synodus Aquisensis anno 1585. *cap. de Confirmationis sacra-
 „ mento :* “ Ne episcopi hoc sacramentum minoribus natu annis septem
 „ ministrent, nisi illis justa aliqua causa aliter videatur. “ Synodus
 „ Tolosana anno 1590. *parte 2. cap. 3. num. 4.* “ Ni summa quædam im-
 „ pellat necessitas, septennio minores pueri nequaquam veniant ad
 „ Confirmationem admittendi. “ Synodus Narbonensis anno 1609. *cap.*
 „ 15. “ Pueri non admittantur ad hoc sacramentum nisi sint perfectæ

„ ætatis, vel ad minus qui annum septimum attigerint : “ sic paulatim antiqua disciplina defecit. Synodus Colonienſis anno 1280. liberum reliquit, ut pueri ante vel poſt ſeptem annos confirmarentur : idem ſentit Lingonenſis anno 1404. Colonienſis anno 1536. dicit convenientius & utilius eſſe, ut poſt ſeptem annos ſuſciperent illud ſacramentum. Mediolanenſis I. anno 1565. decrevit ſeptennium requiri : quod generali & receptæ duodecim & eo amplius ſeculis in eccleſia praxi contrarium animadvertens, Mediolanenſis V. decretum illud emollivit, permittens ut parvuli ante ſeptennium *ob aliquam cauſam juſtam* confirmari poſſent. Turonenſis anno 1583. prohibuit ne id facile fieret : Aquenſis anno 1585. ne id fieret, *niſi juſta de cauſa* : Tolofana anno 1590. *niſi ſumma eſſet neceſſitas* : Narbonenſis anno 1609. abſolute prohibuit : quin etiam eo inclinatur, ut pueri non modo ſeptimum annum, *ſed & perfectam ætatem* attigerint, antequam confirmentur. Veterem tamen uſum retinendum innuit Pontificale Romanum juſſu Clementis VIII. editum, Pontifex infantes, pueros, vel alios ſacri baptiſmatis unda perſuſos confirmare volens &c. Cæterum qui adultos ægrotos vel parvulos, eos etiam, qui antequam ad rationis uſum pervenerint, moriuntur, confirmare vel confirmari negligunt, attendant, quaſo, ad hæc verba S. Thomæ 3. *parte quaſt. 72. artic. 8. ad 4.* “
 „ Etiam moriturus hoc ſacramentum dandum eſt, ut in reſurrexio-
 „ ne perfecti appareant, ſecundum illud ad Ephē 4. *Donec occurramus omnes in virum perfectum, in menſuram ætatis plenitudinis Chriſti* : Et ideo Hugo de ſancto Viſtore dicit, omnino periculoſum eſſe, ſi ab hac vita ſine Confirmatione migrare contingeret ; non quia damnaretur, niſi forte propter contemptum ; ſed
 „ quia detrimentum perfectionis pateretur : unde etiam pueri confirmati decedentes, majorem gloriam conſequentur, ſicut & hic majorem obtinent gratiam. “ Divo Thomæ conſentit Matthæus Galenus *catecheſi 119. pagina 367.* “ Debet, inquit, hoc ſacramentum
 „ etiam pueris infantibusque conferri ; de quibus peſſime merentur,
 „ qui in ſeptimum, vel decimum annum differunt : cum enim ea
 „ vis, quam diximus, exerat ſeſe in eos omnes, qui non obturant rivos fluentis gratiæ ; proſecto iis omnibus chariſmatibus infantibus ſpoliat, tantumque celeſtis gloriæ detrahit, quibus hinc prope-
 „ rata morte præreptis noluit hoc dari ſacramentum, quantum beneficiorum Chriſti per hoc labrum eis communicari vetuit.
 De amentibus idem quod de pueris, ſentiendum mihi videtur ex
 „ Gennadio *cap. 52. libri de dogmat. eccleſ.* “ Si parvuli ſunt, vel he-
 „ betes, qui doctrinam non capiant, respondeant pro illis, qui
 „ eos offerunt juxta morem baptizandi, & ſic manus impoſitione,
 „ & chriſmate communiti, eucharistiæ myſteriis admixtantur. Sicut
 „ enim

„enim infantilis ætas non patitur fictionem, qua sacramenti effectus „impediatur,“ ex S. Thoma, in 4 d. 7. qn. 3. art. 2. ita nec rationis privatio in amente.

ARTICULUS II.

De dispositionibus ad illud sacramentum requisitis.

Eædem olim erant dispositiones ad Confirmationem, quæ ad baptismum; utrumque enim simul conferebatur. Quin etiam Paulus ex mente Irenæi plura in Corinthiis requisivit ad Confirmationem, quam ad baptismum, ex capite superiori. Verum quantæ ad illud sacramentum dispositiones olim necessariæ judicarentur, nemo ex antiquis luculentius innuit, quam Tertullianus, libro de baptismo, cum docet baptismum non conferre Spiritum sanctum, sed delictorum ablutione vias præparare superventuro per Confirmationem Spiritui sancto, sicut Joannes Christo venturo vias præparabat. Textum descripsimus ubi de mente illius auctoris parte 1. pagina 44.

Si quis vero synodos posteriores consulat, tres aut quatuor dispositiones ab illis requiri observabit, doctrinam, sanctificationem, orationem & jejunium.

Doctrinam olim in oriente in quibusdam saltem ecclesiis præcessisse Confirmationem, apparet ex Chrysostomo, Eulogio Alexandrino, & Maximo martyre, locis supra citatis pag. 607. Chrysostomus enim homilia 9. in caput 6. ad Hebræos, ad hæc verba: *baptismatum, doctrine, impositionis quoque manuum* (virgula inter vocabula *baptismatum & doctrine* interposita) tria distinguit, baptismum, doctrinam & manuum impositionem: quocirca ex illius mente uberior ad Confirmationem, quam ad baptismum doctrina requirebatur. Verum doctrina de qua Chrysostomus, longe alia erat, ab ea, quam synodi recentiores postulant. Illa enim de qua Chrysostomus, doctrina erat qua neophyti, antequam manuum impositionem acciperent, docebantur, quid agere deberent, & quid non deberent, ista vero, de qua synodi recentiores, ipsissima est doctrina christiana quam vulgus scire tenetur. Hinc synodus Narbonensis anno 1609. cap. 15. non solum ab adultis, sed etiam a pueris exigit, „Ut orationem domini, cam, salutationem angelicam, symbolum apostolorum, & decem præcepta decalogi norint.

Sanctificationem vero necessariam esse, concedunt omnes theologi; Confirmatio enim vivorum dicitur, non mortuorum sacramentum.

Orationem denique & jejunium, non modo privata, sed publica,
Witasse de Confirmatione. Oo & to-

& totius ecclesie praequisita fuisse apparet ex synodo Bituricensi anno 1584. quae titulo 20. can. 7. innuit, eam aetate sua fuisse praxim ut episcopi Confirmationem post Jejunium quatuor temporum celebrarent. "Curent episcopi hoc sacramentum post jejunium quatuor temporum de more celebraturi, ut dominica praecedente per singularum parochiarum rectores, & praedicatores moneatur populus de ejus necessitate, virtute, eique debita reverentia. "Apparet etiam ex synodo Briocensi, anno 1300. quae cap. 5. decernit, ut fideles, duobus licet vel tribus ab hinc leucis distantes, ducente eos pastore, comitantibus sacerdotibus, & cruce praecedente, accedant ad episcopum visitationis munere fungentem, sermonem audituri, & Confirmationem ab eo accepturi, etiam jejuni, si fieri potest.

Is enim mos erat antiquus, ut pontifices, & fideles hoc sacramentum jejuni ministrarent, & acciperent. Constat ex ordine Romano, & ex libro de divinis officiis, qui Alcuino tribuitur, vel ipsos infantes, etiam lactentes, ad serotinum usque tempus jejunasse, ut sabbato sancto baptizati, vespere Spiritum sanctum per manus impositionem susciperent. Concilium Aurelianense cap. 3. "Ut jejuni ad Confirmationem veniant perfectae aetatis. "Ita refert Gratianus de consecr. dist. 5. cap. ut jejuni: quae tamen verba, quod sciam, in Aurelianensi concilio non leguntur, sed habentur in capitulis Herardi Archiepiscopi Turonensis, anno 858. editis, cap. 75. Synodus Meldensis cap. 6. ut episcopi non nisi jejuni per impositionem manuum Spiritum sanctum tradant, exceptis infirmis, & morte periclitantibus. Ita Gratianus ibidem cap. ut episcopi. Verum nec illa verba in aliquo Meldensi concilio leguntur, sed in Parisiensi anno 829. coacto, lib. 1. cap. 33. quo patres prohibent, "Ne episcopi post perceptionem cibi, & potus, per impositionem manuum tradant Spiritum sanctum. "1. Quia id tam excellenti ministerio prorsus non convenit. 2. Quia sicut apostoli unanimes existentes, deumque collaudantes, & benedictes; ita nimirum jejunantes accipere meruerunt paracletum Spiritum sanctum. 3. Quia apostolos non nisi jeunos, sicut eorum acta docent, aliis Spiritum sanctum tradidisse manifestum est. 4. Sicut baptismus excepta infirmorum causa, non nisi a jejunis celebratur, sacerdotibus, ita etiam traditio Spiritus sancti, excepta praemissa causa infirmorum, non nisi a jejunis celebranda est pontificibus. "Dignum quippe est, ut pontifices Christi primum jejunando, & orando in cordibus suis domum praepararent Spiritui sancto, & sic per impositionem manuum ceteris fidelibus eum tradant orando. "Concilium Rothomagense anno 1072. cap. 7. "Donum sancti Spiritus non detur nisi jejunis, & a jejunis. "Synodus Bajocensis anno 1300. c. 5. vult ut fideles, duobus licet, vel tribus ab hinc leucis distent, accedant ad pontificem, accepturi ab eo Confirmationem,

» je-

„ jejuni etiam , si fieri potest . “ Synodus Colonienſis anno 1536. *parte 7. cap. 9.* “ jejuni ad Confirmationem veniant . “ Synodus Mediolanenſis IV. anno 1576. *parte 2. cap. 3.* “ admoneant , ut jejuni illud ſuſcipiant , cum mane miniſtratur . “ Synodus Tolofana anno 1590. *parte 2. cap. 3.* “ parochus ad illud (ſacramentum) debite ſuſcipiendum adultos jejunos accedere hortetur . “ Synodus Narbonenſis anno 1609. c. 15. adultos jejunos accedere hortetur , ſi hora matutina hoc ſacramentum conferatur . “ Liberum igitur reliquit , ut illud ſacramentum poſt comeſtionem horis pomeridianis adminiſtretur . Sic etiam quoad illud caput antiqua diſciplina paulatim deſecit . Primum quidem ſynodi præceperunt , ut Confirmationem ſuſcepturi jejuni accederent : deinde hortatæ ſunt : denique liberum fecerunt . Antiquam tamen praxim retineri vult pontificale Romanum juſſu Clementis VIII. editum , ut “ confirmandi deberent eſſe jejuni .

Veniamus modo ad confeſſionem , quam Confirmationi prærequiri ; affirmant alii , alii negant .

Affirmanti opinioni favent Concilium Aurelianenſe , *can. 3. de quo Gratianus , de consecr. diſt. 5. cap. 6. ut jejuni* . Et ante Gratianum Ivo *parte 1. cap. 254.* & ante Ivonem Burchardus *lib. 4. cap. 60.* “ moneantur confeſſionem facere prius , ut mundi donum ſancti Spiritus valeant accipere . Herardus episcopus Turonenſis *in ſuis capitularibus* anno 858. *cap. 75.* “ Moneantur confeſſiones dare prius , ut mundi donum ſancti Spiritus valeant accipere . “ Odo Episcopus Pariſienſis , qui floruit deſinite ſeculo duodecimo *cap. 4.* “ Si confirmandus adultus fuerit , confiteatur prius , & poſtea confirmetur . “ Sanctus Edmundus Episcopus Cantuarienſis *in conſtitutionibus* anno 1236. *cap. 39.* “ Si confirmandus adultus fuerit , monendus eſt per ſacerdotem loci , ut prius confiteatur , & poſtea confirmetur . “ Synodus Colonienſis anno 1280. *cap. 5.* “ Conſirmandi ſi fuerint decem annorum vel ultra , prius ſuis ſacerdotibus confeſſionem , quam confirmetur . “ Synodus diœceſana Bajocenſis anno 1300. *cap. 5.* “ Adultus qui debent confiteri , & qui confirmandi fuerint , prius confeſſionem , ſi tempus habent confitendi . “ Synodus diœceſana Liſgonenſis anno 1404. “ Priuſquam quis confirmetur aut chriſmatur , confiteatur peccata ſua , & ſit jejunos , ſi fieri potest . “ Synodus diœceſana Trecenſis anno “ Si confirmandus eſt adultus , antequam confirmetur inſtruatur ut confiteatur peccata ſua . “ ſynodus diœceſana Senonenſis anno 1524. “ Illud ſacramentum pœnitentes & confeſſi , ſi fieri potest , jejuni recipiant . “ Synodus diœceſana Carnutenſis (reſertur apud Bocheſſum *lib. 2. decret. eccleſ. Gallic. cap. 58.*) anno 1526. “ Suſcepturos hoc ſacramentum , ut ſint jejuni , ſi commode fieri poſſet , & ſi adulti fuerint , ſint contriti & confeſſi . “ Synodus Provincialis Colonienſis anno 1536. *cap. 9.* “ Moneantur confeſſionem ſacramenta-

lem facere, priusquam accesserint &c. "Synodus diœcesana Parisiensis (apud Bochellum *ibidem* cap. 66.) anno 1557. "A cibo abstinens, si commode potest, & sacramentali confessione purgatus, Confirmatio- nis sacramentum religiose suscipiat. "Synodus provincialis IV. Mediolanensis anno 1576. cap. 3. "Qui adulta ætate confirmandi sunt, primo de peccatis confiteantur. "Synodus Provincialis Rothomagen- sis anno 1581. cap. de Confirmat. "Adultis non nisi confessis, & profi- tentibus symbolum apostolicum, tradant hoc sacramentum. "Syno- dus Provincialis Remensis anno 1583. cap. de Confirmat. "Conferant il- lud sacramentum iis qui aliquem usum rationis habent, confessis, & si commode fieri potest, jejunis. "Synodus Provincialis Remensis an- no 1584. cap. 7. Adulti non nisi prævia peccatorum confessione admit- tantur. "Synodus Provincialis Bituricensis anno 1584. tit. 20. can. 8. "Moneantur omnes confirmandi, ut ante hujus sacramenti suscepcionem peccata sua confiteantur. "Synodus Provincialis Aquisiensis, anno 1585. cap. de Confirmatione, "Qui adulta ætate confirmandi sunt, pri- mo de peccatis confiteantur. "Synodus Provincialis Tolosana, anno 1590. parte 2. cap. 3. "Adultos peccata confiteri hortetur. "Synodus Provincialis Mechliniensis, anno 1607. titulo 4. cap. 2. "Moneant con- fessionem præmittendam a confirmandis. Synodus provincialis Narbo- nensis anno 1609. cap. 15. "Adultos peccata confiteri hortentur. "Catechismus Tridentinus, "Ut qui adulta jam ætate confirmandi sunt, si quidem hujus sacramenti gratiam, & donâ consequi cupiant, eos non solum fidem & pietatem asserre, sed graviora etiam peccata, quæ admiserunt, ex animo dolere oporteat. Qua in re laborandum est, ut peccata etiam prius confiteantur, & pastorum cohortatione ad jejunia, & alia pietatis opera suscipienda incitentur, admoneanturque laudabilem illam antiquæ ecclesiæ consuetudinem renovandam esse, ut non nisi jejuni hoc sacramentum susciperent.

Pro eadem affirmante sententia laudari possunt, synodus Provincialis Cameracensis II. & diœcesanæ Atrebatensis sub Francisco Richardoto, Audomarenensis sub Joanne Six, & Yprensis sub Martino Rythovio, ex Sylvio, 3. par. qu. 72. ar. 7.

Pro negante vero opinione stant conventus Melodunensis anno 1579. "Adulti inconfessi accedere haud præsumant; aut saltem sine maxi- mo peccatorum dolore commissorum, & proposito confitendi. "Synodus Provincialis Burdigalensis, anno 1583. cap. 10. "Monean- tur etiam, qui adulti sunt, ut ad tantum sacramentum non acce- dant, nisi præmissa peccatorum confessione, aut saltem maximo peccatorum dolore, & mature confitendi proposito. "Synodus diœ- cesana Burdigalensis, anno 1624. "Curent ut adulti, vel antea de peccatis confiteantur, vel compuncto animo sacramentum recipien- tes, quam primum ad pœnitentiam accedant, ne quid scilicet præ-

„ postere , inordinate , & sine fructu fiat . “ Pontificale Romanum jussu Clementis VIII. editum , “ Adulti debent prius peccata confiteri , ” & postea confirmari ; vel saltem peccata , quæ admiserunt , doleant . “ Trita hæc est theologorum sententia , quorum tamen rationes , & momenta levia mihi videntur .

Cæterum difficultas , quam *supra* proposuimus , de libertate vel necessitate confessionis in hæreticis , qui foris baptizati , ad Ecclesiam redeunt , & statim confirmantur , nihil habet affine cum ea , quam modo versamus quæstione . Hic enim agitur de Catholicis , qui post susceptam gratiam baptismalem peccaverunt , antequam confirmentur , atque adeo quorum peccata virtute solius pœnitentiæ remitti possunt .

FINIS SECUNDÆ PARTIS.

PARS TERTIA.

DE EFFECTU CONFIRMATIONIS.

CONFIRMATIO est sacramentum, quod gratiam sanctificantem adauget, Christianum perfectum efficit, & characterem imprimit.

QUÆSTIO PRIMA.

De primo Confirmationis effectu, seu gratia sanctificante.

TRia hic inquiremus, quid hæretici senserint, quid fides catholica doceat, quid controvertatur apud orthodoxos.

ARTICULUS PRIMUS.

De erroribus circa primum Confirmationis effectum.

POTISSIMUS Confirmationis effectus, est gratia sanctificans, quæ dicitur gratia perfectionis, roboris, & virtutis, seu "gratia quæ datur ad augmentum, & firmitatem justitiæ, ex Sancto Thoma 3. parte quæst. 72. ar. 7. ad 1. quia regeneratis, qui sunt quasi modo geniti infantes, robur & vires confert ad superandas tentationes, & fidem coram tyrannis confitendam. Hæc est catholicorum doctrina, quam recentiores hæretici totis viribus impugnant.

Lutherus lib. de captivitate virtutem confirmandi tribuit Eucharistiæ. Ea enim martyres ad pugnam olim roborabantur. Kemnitius in examine Concilii Tridentini ait "pontificiam doctrinam de Confirmatione cum iniuriæ signi injuria, & contumelia baptismi conjunctam esse: pontificios dicere, in baptismo non dari Spiritum sanctum ad pugnam contra diabolum," bo-

holum ; & tamen in actione baptismi multis verbis , & exigi , & fieri abrenuntiationem Satanæ . Dicere pontificios in baptismo non dari Spiritum tuentem , & defendentem , & tamen Baptistam in ipsa actione baptismi orare : Qui te regeneravit ex aqua , &c. custodiat te in vitam æternam . “ Confirmationis igitur virtutem baptismo tribuit .

Kemnitium Lutherani sequuntur .

Calvinus vero cæteris audacior , adversus præfatam doctrinam ita insurgit , *lib. 4. instit. cap. 19. num. 8.* “ Verum propius adhuc inspiciamus , quot monstra foveat , atque hæc pinguedo . Dicunt isti unctores , Spiritum sanctum in baptismo ad innocentiam dari , in Confirmatione ad gratiæ augmentum . In baptismo nos regenerari ad vitam , in Confirmatione nos ad pugnam instrui . Et ideo nihil eos pudet , ut negent baptismum rite sine Confirmatione perfici posse . Onequitiam ! “ Et post alia . “ Videte malitiam , & fonticam Satanæ fraudem , qui ex Deo estis . Quod vere in baptismo dabatur , in sua Confirmatione dari mentitur , ut furtim incautos a baptismo abducat . Quis jam dubitet , hanc Satanæ esse doctrinam , quæ promissiones baptismi proprias , a baptismo abscissas alio derivat , & transfert . “ Ut autem illos effectus baptismi proprios esse probet , tria refert testimonia , primum ad Rom. 6. v. 4. ubi asseritur , *Quod vetus homo noster in baptismo confixus est , quo nos in novitate vitæ ambulemus .* “ Quid est instrui ad pugnam , nisi hoc est ? “ Secundum ex concilio Milevitano , “ Qui dicit baptismum in remissionem peccatorum dari tantum , & non adjutorium futuræ gratiæ , anathema sit . “ Tertium ad Gal. cap. 3. vers. 27. ubi omnes , qui in Christo baptizati sunt , dicuntur Christum induisse cum suis donis .

In antidoto vero Concilii Trident. ad canonem 2. de Confirmat. sess. 7. “ Crepent licet , nihil proficient , negando se in Spiritum Dei esse contumeliosos , ejus virtutem dum ad putidum oleum referunt . “ Ex his apparet Calvinum baptismum tribuere virtutem Confirmationis .

Utriusque hæresiarchæ , Lutheri , & Calvini doctrinam amplectitur Dallæus Calvinista *lib. 1. de Confirmat. cap. 2.* Causantur spirituali robore ad mystica adversus persecutores certamina opus fuisse : quasi vero Spiritus ille , quem in genitrali Christi unda hausimus , in eis sit vel ignavus ; vel cor non confirmet panis ille , quem in Domini mensa invadimus . “ Quod ut probet , adducit illud 2. ad Timoth. cap. 1. *Non dedit nobis Spiritum timoris , sed virtutis , & dilectionis , & sobrietatis . Noli itaque erubescere testimonium Domini .* “ Vel ergo nega istum nos Spiritum & in baptismo , & in Eucharistia accipere : vel certe confitere , quod res est , post donata cælestia illa præsidia , nullam nobis suscipiendæ unctiois illius tux necessitatem . “ Adducit & illud Cy-

priani in *epist.* 56 ad Thibaritanos: " Milites Christi considerent idcirco
 „ se quotidie calicem sanguinis Christi bibere, ut possint & ipsi propter
 „ Christum sanguinem fundere. " Adducit & aliud ex *epist.* 54 ad Cor-
 „ nelium: " Non morientibus, sed viventibus communicatis, &c. " quo
 „ loco Cyprianus duo docet. Prius, eucharistia nos ad praelia Christiana
 „ aritari, muniri, protegi; eam contra adversarium protectionem, tutelam, ac
 „ munimentum esse: alterum idoneum esse non posse ad martyrium, cui
 „ eucharistia denegatur. " Quomodo docemus, aut provocamus eos in
 „ confessione nominis Christi sanguinem suum fundere, si eis militatu-
 „ ris Christi sanguinem denegamus? aut quomodo ad martyrii poculum
 „ idoneos facimus, si non eos prius ad bibendum in ecclesia poculum
 „ Domini jure communicationis admittimus: " Et post alia: " Idoneus
 „ esse non potest ad martyrium, qui ab ecclesia non armatur ad praelium:
 „ & mens deficit, quam non recepta eucharistia erigit & accendit. " De-
 „ nique profert ipsum S. Thomæ ratiocinium 3. *par. qu.* 72. *ar.* 1. in corp.
 „ In vita corporali specialis quædam perfectio est, quod homo ad per-
 „ fectam ætatem perveniat, & perfectas hominis actiones agere possit.
 „ Et inde est etiam, quod præter motum generationis, quo aliquis acci-
 „ pit vitam corporalem, est motus augmenti, quo aliquis ducitur ad per-
 „ fectam ætatem. Sic igitur & vitam spiritualem homo accipit per ba-
 „ ptismum, qui est spiritualis regeneratio. In Confirmatione autem ho-
 „ mo accipit quasi quamdam perfectam ætatem spiritualis vitæ. Quibus
 „ Dallæus: " Imo, o Thoma, non in tua Confirmatione, sed in Do-
 „ mini eucharistia perfecta illa ætas accipitur. Certe tua ratiocinatio id
 „ conficit. Nam in natura, unde tu argumentaris, notum est nos, qui-
 „ bus nutrimur, iisdem augeri, & crescere, & ita ad ætatem perfectam
 „ perducere. Cum ergo in spiritualibus nos per eucharistiam nutrir, &
 „ clarum sit, & confessum, simile illud tuum (si valet) efficit, ut per
 „ eucharistiam quoque spirituale incrementum habeamus, atque ita ad
 „ ætatem perfectam deducamur. Quin imo, si res ad tuum simile exigat-
 „ ur, apparebit Confirmationem male ad eum, quem urges, augmen-
 „ ti motum esse comparatam: eucharistiam optime. Nam ut in natu-
 „ ra non simul ac semel, sed sensim, paulatimque crescimus, & ad æta-
 „ tis perfectionem pervenimus, non semel, sed sæpius, iterum atque ite-
 „ rum cibus utentes: ita & in gratia ex eadem a te constituta analogia,
 „ decet nos id, per quod crescimus, sacramentum sæpius sumere; quod,
 „ ut omnes vident, eucharistiæ quidem convenit, a Confirmatione vero,
 „ quam vos iterari vetatis, alienum est.

Quam igitur Confirmationi virtutem tribuunt orthodoxi, eam Luthe-
 rus adscribit eucharistiæ; Kemnitius, Lutherani, & Calvinus baptismo;
 Dallæus utrique sacramento.

ARTICULUS II.

De doctrina Catholicorum.

Catholicorum, ut dixi, doctrina hæc est, Confirmationem producere gratiam sanctificantem, quæ datur ad perfectionem, robur, virtutem, augmentum, & firmitatem, iustitiæ per baptismum acquisitæ, seu per poenitentiam reparatæ.

Quod illa gratiam sanctificantem conferat, tota fere *parte prima* demonstratum est.

Gratia vero perfectionis dicitur a patribus Illiberitans, *can. 38.* Si baptizatus "supervixerit, ad episcopum eum perducatur, ut per manus impositionem perfici possit," Et *can. 77.* "Episcopus eos per benedictionem perficere debet." Ab Ambrosio, *lib. 3. de sacramentis, cap. 2.* "Post fontem superest, ut perfectio fiat, quando ad invocationem sacerdotis Spiritus sanctus infunditur." A Photio *in epist. ad patriarchales sedes orientis*, "Baptizat sacerdos baptizatum perficiens &c." ab Ivone Carnutenſi sermone *de sacramentis neophytorum*; "Hoc sacramento, post aquam perfectio fit." A Gosfrido Vindocinensi, *opusculo 8.* "Confirmatio fieri jubetur ab episcopis ad totius perfectionis similitudinem: quæ idcirco fieri jubetur in fronte, quia perfectorum est. Apostoli antequam hac unctione ungerentur, & Spiritu sancto confirmarentur, nondum perfecti erant, adhuc timebant &c." *Gratia roboris & virtutis*, appellatur a Tertulliano, *de resurrectione carnis, cap. 8.* "Caro ungitur, ut anima consecratur; caro signatur, ut & anima muniatur." Et *lib. de præscript. cap. 36.* loquens de Romana ecclesia, "Fideles aqua signat, sancto Spiritu vestit, eucharistia pascit &c." Quibus verbis, *sancto Spiritu vestit*, non modo sancti Spiritus descensum super baptizatos indicat, sed & alludit ad verba Christi apostolis Spiritum sanctum promittentis Lucæ cap. 24. *Sedere in civitate, quoadusque induamini virtute ex alto.* A Clemente Alexandrino dicitur *perfecta baptismi custodia.* A Cyrillo Hierosolymitano, *catechesi 3. mystagogica*, "Post chrisma mysticum induti armis Spiritus sancti, adversus vobis oppositam potestatem consistatis." Ab Eucherio Lugdunensi, *homilia de pentecoste*, "Forte cogitat sibi aliquis: Quid mihi prodest post mysterium baptismatis, mysterium Confirmationis? attendat charitas vestra; sic enim exigit militaris ordo, ut cum imperator quemcumque in militum receperit numerum, non solum signet receptum, sed etiam armis competentibus instruat pugnaturum: ita in baptizato benedictio illa munitio est." Et postea: "Paracletus regeneratis in Christo custos, & consolator & tutor est &c." Et *paucis inter-*

serjctis ; “ Ergo spiritus sanctus , qui super aquas baptismi salutifero
 “ descendit illapsu , in fonte plenitudinem tribuit ad innocentiam , in
 “ Confirmatione augmentum præstat ad gratiam . Et quia in hoc mundo
 “ tota ætate victuris inter visibiles hostes , & pericula gradiendum est ,
 “ in baptismo regeneramur ad vitam , post baptismum confirmamur ad
 “ pugnam : in baptismo abluimur , post baptismum roboramur : ac si
 “ continuo transitis sufficiunt regenerationis beneficia , victuris autem
 “ necessaria sunt Confirmationis auxilia . “ Plura possent referri ex Avito
 “ Viennensi , Petro Damiani , Ivone Carnutensi , Gofrido Vindocinensi
 “ aliisque auctoribus *parte prima* citatis .

Gratia quoque *augmenti* vocatur ab Eucherio in textu mox cita-
 “ to : “ In Confirmatione augmentum præstat ad gratiam . “ A Pri-
 “ masio *in caput 6. epistolæ ad Hebræos* , “ Per quam (impositionem
 “ manuum) plenissime creditur accipi donum Spiritus sancti . “ Ab Ili-
 “ doro Hispalensi , *lib. 6. originum , cap. ultimo* , Sicut in baptismo pecca-
 “ torum remissio datur ; ita per unctionem sanctificatio Spiritus adhibe-
 “ tur : “ A Gofrido Vindocinensi , *opusculo 9.* “ Non iteratur sacra-
 “ mentum , sed tribuitur ad virtutis augmentum . “ Gratia denique
 “ consummationis dicitur a Dionisio , *de hierarch. Ecclesiast. cap. 4. parte 3-*
 “ *num. 11.* “ Consummans illa unguenti unctio divini Spiritus illapsum
 “ elargitur . “ A Cypriano , *epist. 73.* “ Ut per nostram orationem ac
 “ manus impositionem , Spiritum sanctum consequantur ; & signacu-
 “ lo Domino consummentur . “ Ab anonymo , qui Cypriano æqua-
 “ lis aut suppar fuit , “ Ut hæc manus impositio signum fidei consum-
 “ matum eis præstaret . “ A Cyrillo Alexandrino *in Joel* , Quod “ per
 “ sacrum baptismum in Christo justificatis confert ad consummatio-
 “ nem . “ A Lanfranco *in caput 6. ad Hebræos* . “ Quicumque do-
 “ ctor infideles ad fidem convertit , hic imprimis fundamentum
 “ mentibus injicit , dicens oportere eos peccatorum suorum pœni-
 “ tere , in Deum credere ; in remissionem peccatorum baptizari ,
 “ pro accipiendis sancti Spiritus donis , in impositione manuum episcopi
 “ consummari .

Ex his apparet , ridiculum se præbere Calvinum , dum Catholicis
 quasi monstrum objicit , quod dicant , “ Spiritum sanctum in ba-
 “ ptismo ad innocentiam dari , in Confirmatione ad gratiæ augmen-
 “ tum : in baptismo nos regenerari ad vitam , in Confirmatione
 “ nos ad pugnam instrui . “ Mendacem vero , dum subjicit : “ Et
 “ ideo nihil eos pudet , ut negent baptismum rite sine Confirmatione
 “ perfici posse . “ Prius enim iisdem terminis asserit Eucherius ;
 “ posterius autem , nemo catholicorum nequidem per somnium cogi-
 “ tavit . Aliud enim est baptismi gratiam augeri , & perfici per
 “ Confirmationem ; aliud , baptismum rite perfici non posse , seu
 “ nihil valere sine Confirmatione : Baptismi gratiam per Eucharistiam
 “ augere .

augeri, & perfici agnoscunt Lutherani & Calvinistæ, qui tamen farentur, baptismum valide sine eucharistia perfici posse. Idem dicant de Confirmatione.

OBJICIENT forte pseudo-Melchiadem apud Gratianum *de consecr. dist. 5. cap. 3. de his*, ubi traditur, "Ita conjuncta esse hæc duo sacramenta, ut ab invicem nullatenus possint segregari: & unum sine altero rite perfici non possit.

Verum particula, *rite*, ibi non idem significat quod *valide*, sed quod, *decenter*, *convenienter*, & secundum ritum ab ecclesia observari solitum.

Ut ea vero quæ Calvinus, & Dallæus argumenta nobis obijciunt, dissolvas, tria velim observes: 1. Nullum esse catholicum, qui dixerit Spiritum, quem in baptismo consequimur, inertem & ignavum esse; baptismi siquidem effectus est Spiritus renovationis; quia vero Spiritus ille est Spiritus Dei, qui quidem Spiritus Dei est Spiritus virtutis; ideo Spiritus renovationis non est Spiritus iners, sed efficax, tantæque efficaciz, ut Dominicus Soto *in 4. d. 7. artic. 7.* "asserat" "Virtutes in baptismo insulas sufficere ad confessionem fidei, etiam usque ad oppetendam mortem pro Christo." "Nihil etiam impedit, quominus ille Spiritus dicatur Spiritus perfectionis, quatenus est Spiritus adoptionis, quo filii Dei nominamur, & sumus. 2. Alium tamen esse Confirmationis, alium baptismi effectum; Baptismi siquidem gratia est perfectio essentialis, Confirmationis vero est perfectio integrans. Illa est infantia christianismi; regenerati enim habentur *sicut modo geniti infantes*: illa est quasi virilis ætas, juxta illud 1. Joannis cap. 2. *Scribo vobis, juvenes, quoniam fortes estis, & verbum Dei manet in vobis, & vicissis malignum.* Hæc est doctrina B. Thomæ 3. *parte quest. 72. artic. 5. in corp.* "Sicut baptismus, est quædam spiritualis regeneratio in vitam christianam, ita etiam Confirmatio est quoddam spirituale augmentum promovens hominem in spirituales ætatem perfectam. Manifestum est autem ex similitudine corporalis vitæ, quod alia est actio hominis statim nati, & alia actio quæ competit ei, cum ad perfectam ætatem pervenerit. Et ideo per sacramentum Confirmationis datur homini potestas spiritualis ad quasdam alias actiones sacras, præter illas ad quas datur ei potestas in baptismo. Nam in baptismo accipit homo potestatem ad ea agenda quæ ad propriam pertinent salutem, pro ut scilicet secundum seipsum vivit: sed in Confirmatione accipit homo potestatem ad agenda ea quæ pertinent ad pugnam spirituales contra hostes fidei; sicut patet ex exemplo apostolorum, qui antequam plenitudinem Spiritus sancti acciperent, erant in cœnaculo perseverantes in oratione, postmodum vero egressi, non verebantur publice fidem fateri, etiam coram inimicis fidei christianæ." *Et ad 1.* "Pugna spiritualis contra hostes

in-

invisibiles omnibus competit: sed contra hostes visibiles, id est contra persecutores fidei pugnare, nomen Christi publice confitendo, est confirmatorium, qui jam sunt perducti spiritualiter ad virilem ætatem, secundum quod dicitur 1. Joan. 2. *Scribo vobis juvenes, quoniam fortes estis, & verbum Dei in vobis manet, & vicistis malignum.* Et ideo character Confirmationis est signum distinctivum, non infidelium a fidelibus, sed spiritualiter provektorum ab his quibus dicitur, *sicut modo geniti infantes.* "Observari debet alium esse Confirmationis, alium eucharistiæ effectum, licet utrumque sacramentum christianos corroboret. "Sacramenta ecclesiæ, inquit S. Thomas 3. *parte quest. 73. artic. 1. in corp.* ordinantur ad subveniendum homini in vita spirituali: vita autem spiritualis vitæ corporali conformatur, eo quod corporalia spiritualium similitudinem gerunt. Manifestum est autem quod sicut ad vitam corporalem requiritur generatio per quam homo vitam accipit, & augmentum quo homo perducitur ad perfectionem vitæ; ita etiam requiritur alimentum, quo homo conservatur in vita. Et ideo sicut ad vitam spiritualem oportuit esse baptismum, qui est spiritualis generatio, & Confirmationem, quæ est spirituale augmentum; ita oportuit esse sacramentum eucharistiæ quod est spirituale alimentum. "Et ad 1. "Duplex est perfectio: una quæ est in ipso homine ad quam perducitur per augmentum, & talis perfectio competit Confirmationi: alia autem est perfectio quam homo consequitur ex adjunctione alicujus extrinseci hominem conservantis, puta ex adjunctione cibi, vel indumenti, vel alicujus hujusmodi, & talis perfectio competit eucharistiæ, quæ est spiritualis resectio. "Et quest. 79. artic. 1. ad 1. "Restat igitur ut cum ipsum (eucharistiæ) sacramentum realiter sumitur, quod gratia augeatur, & vita spiritualis perficiatur; aliter tamen quam per sacramentum Confirmationis, in quo augetur & perficitur gratia ad persistendum contra exteriores impugnaciones inimicorum Christi: per hoc autem sacramentum augetur gratia & perficitur spiritualis vita, ad hoc quod homo in se ipso perfectus existat per conjunctionem ad Deum.

Gratia igitur baptismi est gratia infantie, & nihilominus virtutis; infantili tamen ætati proportionatæ: gratia Confirmationis est gratia *spiritualis augmenti* ad virilem ætatem, & roboris ad pugnam spiritalem adversus visibiles hostes fidei: gratia eucharistiæ, sive gratia *spiritualis alimenti*, quo fideles jam ad virilem ætatem provekti nutriuntur, conservantur, augentur, (nullus enim in vita spirituali terminus est) perficiuntur, roborantur adversus passiones & invisibiles hostes, & in seipsis magis ac magis perfecti fiunt *per conjunctionem ad Deum.* Veteris ecclesiæ ordo hæc indicare videtur, quo sanis catechumenis (alio enim ordine administrabantur infirmis hæc sacramenta) primum quidem

dem baptismum conferebatur, ut renascerentur: deinde Confirmatio, ut proveherentur ad virilem ætatem: & denique eucharistia; ut jam grandes facti nutrentur. Hinc Augustinus *lib. 7. confr. cap. 10.* "Cibus sum grandium, cresce, & manducabis me, nec tu me mutabis, in te, sicut cibum carnis tuæ; sed tu mutaberis in me." Hinc synodus Moguntina anno 1547. coacta *cap. 17.* "Per baptismum spiritaliter renascimur, per Confirmationem augemur in gratia & roboramur in fide; renati autem & roborati nutrimur divina eucharistia alimonia." Inde patet nullam esse instantiam Dallæi, qua ex B. Thomæ ratiocinio inferre conatur, virilem & perfectam ætatem, quam S. Thomas Confirmationi tribuit, potius eucharistiæ, quam Confirmationis effectum esse, eo quod iis, quibus nutrimur, alimentis ad perfectam ætatem perducamur. Id enim verum est duntaxat de alimentis, quibus in puerili ætate vivimus, & ab infantia provehimur ad adolescentiam. Eucharistia vero non est cibum infantium, sed grandium. Quamobrem dari oportet aliud sacramentum, per quod ad virilem christianismi ætatem perveniamus, ut tales effecti, corpore & sanguine Christi saginemur. Neque refert, sacramentum illud non iterari, sicut iteratur alimentum, quo ab infantia provehimur ad adolescentiam. Imprimis enim omnis (ut veteri proverbio dicitur) comparatio claudicat. Præterea id discriminis est inter vitæ corporeæ & vitæ spiritualis adolescentiam, quod illa non nisi sensim & paulatim; illa in instanti, simul ac semel comparari possit. Hinc pueri, recens licet regenerati, viri fiunt in vita spiritali, ut primum confirmati sunt.

Hæc est B. Thomæ & communis theologorum doctrina, quæ tamen certa mihi non videtur, quatenus Confirmationis gratiam virili ætati comparat, & virilem ætatem spirituales in instanti per Confirmationem simul & semel acquiri docet. Petrus enim *epistol. 1. cap. 1. vers. 23. & cap. 2. vers. 2.* *De renatis ex incorruptibili semine verbi Dei* ita loquitur: *Sicut modo geniti infantes, rationabile sine dolo lac concupiscite, ut in eo crescatis in salutem, videlicet in virum perfectum, si tamen gustastis, quoniam suavis est Dominus.* S. Petrus loqui videtur de fidelibus, qui & renati erant ex semine verbi Dei, & confirmati fuerant.

1. Quia mos erat ab ipsis ecclesiæ incunabulis observari solitus, ut renati statim confirmarentur. Hinc apostoli statim atque acceperunt Samaritanos a Philippo baptizatos fuisse, miserunt ad illos Petrum & Joannem, qui eos confirmarent. Hinc Paulus *cap. 6. ad Hebr.* baptismum, manuum impositionem & eucharistiam simul conjungit: *Impossibile est eos, qui semel sunt illuminati, gustaverunt etiam donum celeste, & participes facti sunt Spiritus sancti &c.* 2. Quia missa, qua olim ecclesia utebatur dominica in albis, quaque etiamnum utitur, iisdem ver-

verbis incipit : *Quasi modo geniti infantes* &c. Hæc igitur verba vetus ecclesia neophytis sabbato sancto renatis & confirmatis, qui dominica in albis vestem albam exuebant, adaptare solebat. 3 Quia verba, quæ sequuntur, *si tamen gustastis*, (sive ut alii legunt, *si quidem gustastis*) quoniam *dulcis est Dominus*, eucharistiæ participationem significant : eodem enim sensu intelligi debent, quo ista Pauli ad Hebr. cap. 6. *gustaverunt donum celeste* (videfis Estium in *cap. 6. ad Hebr.*) Atqui neophyti confirmari solebant, antequam eucharistiam acciperent. Loquitur ergo Petrus de neophytis renatis & confirmatis, quos, licet confirmatos, *modo genitis infantibus* comparat, hortans ut lac spirituale evangelicæ doctrinæ, quam semel acceperant, quotidie adhuc more infantium appeterent ac sugerent, ut per illud adolescerent & crescerent in salutem in virum perfectum.

Supereffest difficultas petita ex *epistola 54. Cypriani ad Cornelium*, qua asseritur idoneum esse non posse ad martyrium, cui eucharistia denegatur. Hic igitur effectus frustra tribuitur Confirmationi.

Verum eodem argumento adversus ipsum Dallzum concludi posset, hunc effectum ab ipso cæterisque Calvinistis perperam tribul baptismo. Cyprianus igitur hisce verbis nec baptismi, nec Confirmationis virtutem ad martyrium ferendum excludit, sed loquitur de lapsis, qui cum baptismi & Confirmationis gratiam amisissent, sola eis supererant poenitentia & eucharistia per quæ sacramenta idonei ad martyrium fieri possent.

A R T I C U L U S . III.

De variis theologorum placitis circa primum Confirmationis effectum.

Circa gratiam sanctificantem in Confirmatione collatam controversatur, 1. utrum illa ejusdem vel diversæ speciei sit a baptismali : 2. utrum gratiam baptismalem perficiat : 3. utrum uberior sit.

Circa 1. triplex olim erat opinio : " Quidam inquit Bonaventura in 4. d. 7. articulo 2. quæst. 2. dicunt, quod differunt essentialiter, sicut virtutes & dona; quia in baptismo datur gratia, quæ influens in potentias, facit virtutes : in Confirmatione vero datur gratia, quæ influens in potentias facit dona : in ordine, quæ facit beatitudines. Quæ quidem positio, etsi pulchra videatur, tamen veritatem non habet, quia in virtutibus, & donis ponit gratiam essentialiter differre. Rursus, connexionem illorum dissolvit : in sacramentis enim non est connexio, ut in virtutibus, & donis. Alia positio est, quod gratia hæc & baptismalis, etsi sint gratum facientes, differunt tamen in essentia, sicut morbi contra quos ordinantur : & di-

n fin.

„ flinguuntur in ſubjecto, quia in diverſis partibus animæ potentialibus recipiuntur; ut ſicut (diverſæ) partes animæ (diverſas) partes corporis: ſic partes gratiæ (diverſas) partes animæ, ſive potentias perficiant. Unde dicunt, quod diſtinctæ manent in anima, nec una auget aliam, nec confirmat, niſi per accedens, ſcilicet quia confirmat hominem. “ Ita docuit Alexander Alenſis 4. parte queſt. 9. membro 3. articulo. 2. §. 1. ubi ſuam ille opinionem hiſce argumentis probat.

1. Quia ex Rabano, “ In unctiōe baptiſmi Spiritus ſanctus deſcendit ad habitationem Deo conſecrandam: in hac vero ejusdem ſeptiformis gratia cum omni plenitudine ſanctitatis & virtutis deſcendit in hominem. “ Sed alia eſt gratia, qua efficiatur plenitudo ſanctitatis & virtutis; & alia, qua conſecratur Deo. Ergo &c.

Verum ad illud ſufficit diſtinctio graduum ſecundum magis & minus, neque ſpeciei diverſitas requiritur.

2. Quia baptiſmus & Confirmatio diverſos effectus producant: igitur & diverſas gratias, per quas illi effectus producuntur.

Verum reſponderi poſſet cum S. Bonaventura, inde ſequi tantum, quod una eademque gratia ſanctificans per diverſa ſacramenta determinaretur ad diverſos effectus producendos: vel cum S. Thoma, inde ſequi tantum a diverſis ſacramentis diverſas produci gratias actuales, quæ gratiam ſacramentalem ad diverſos effectus determinant.

3. Quia ſigna proportionantur ſignificatis. Sed aliud eſt ſignum in baptiſmo, aliud in Confirmatione: igitur & alia gratia.

Verum cum eodem Bonaventura reſponderi poteſt, diverſa ſigna in diverſis ſacramentis connotare quidem diverſos effectus, non autem diverſam gratiam ſanctificantem, ſed eandem gratiam ſanctificantem in ordine ad diverſos effectus.

4. Character Confirmationis alius eſt a baptiſmali. Igitur & gratia ſanctificans.

Verum antecedens in dubium revocatur. Qua de re *infra*, ubi de caractere. Præterea alia eſt ratio characteris, alia gratiæ ſanctificantis. Character eſt ſignum interius: ſicut autem in utroque ſacramento diverſa ſunt ſigna exteriora, ita & interiora. Character eſt quædam ſpiritualis poteſtas ad aliquas ſacras actiones ordinata: utriusque vero ſacramenti alia & alia eſt poteſtas; baptiſmi enim paſſiva eſt, Confirmationis activa.

5. Diverſis morbis diverſa debet adhiberi medicina: Sed alius eſt morbus, cui medetur baptiſmus, nempe culpa originalis; alius, cui medetur Confirmatio, nimirum pœna peccati, ſeu puſillanimitas.

Responderi potest, 1. plerumque contingere, ut eadem medicina diversis morbis medeatur: 2. satis esse si a diversis sacramentis diversa conferantur auxilia ad diversos morbos sanandos: 3. supponi falsum; baptismus enim, sicut & Confirmatio medetur pusillanimitati; cum eo discrimine, quod baptismus primario medeatur culpæ originali, secundario pusillanimitati, cæterisque pœnalitatibus ex originali culpa profectis; Confirmatio contra pusillanimitati primario medeatur.

Tertia opinio est confirmatoriam gratiam sanctificantem non differre a baptismali, nisi secundum magis & minus, quatenus confirmatoria baptismalem auget ac intendit. Ita Sanctus Thomas 3. *partie quest. 72. articul. 7. ad 3.* S. Bonaventura in 4. d. 7. *articul. 2. quest. 2.* alique plures theologi. Videtis præ cæteris Marsilium in 4. *quest. 5. articul. 5.* ubi prolixam disputationem instituit de utriusque gratiæ discrimine, ac tandem in B. Thomæ sententiam descendit. Tria distinguit S. Thomas in effectibus sacramentorum, "gratiam sanctificantem, virtutes, & dona, & gratiam sacramentalem, seu quoddam divinum auxilium, ad finem sacramenti consequendum: quolibet enim ordinantur sacramenta ad quosdam speciales effectus necessarios in vita christiana; sicut baptismus ordinatur ad quamdam spiritualem regenerationem, qua homo moritur vitiis, & fit membrum Christi: & eadem ratio est de aliis sacramentis." Gratia sanctificans constituit esse divinum, sicut anima constituit esse humanum. "Sicut autem ab essentia animæ fluunt ejus potentia: ita a gratia fiunt quedam perfectiones, quæ dicuntur virtutes & dona, ad potentias animæ perficiendas in ordine ad suos actus." Sic fides intellectum perficit ad credendum, charitas voluntatem ad amandum. Gratia igitur sanctificans perficit essentiam animæ: virtutes & dona perficiunt potentias: gratia sacramentalis perficit actus potentialium; nec enim virtutes infusæ, sive theologicæ, sive morales, suos actus elicere possunt absque auxilio supernaturali: quemadmodum nec potentia naturales agere possunt absque concursu naturali. Gratiam sanctificantem virtutes infusæ determinant ad actus cuilibet facultati proprios: gratia vero sacramentalis virtutes infusæ, adeoque & animæ facultates, determinat ad effectus cuilibet sacramento proprios. Gratia igitur sanctificans, virtutes infusæ, & dona Spiritus sancti, sunt effectus communes omnibus sacramentis: sed gratiæ sacramentales sunt effectus proprii: quo fit ut gratiæ sanctificantes, virtutes infusæ, dona Spiritus sancti, quatenus a diversis sacramentis producuntur, differant secundum magis & minus. Gratia vero sacramentalis specie distinguuntur, quia sunt motus ad effectus specie diversos ordinati. Hæc est doctrina B. Thomæ, quæ tamen Aureolo, aliisque nonnullis antiquis displicet; nec enim illi volunt gratiam sanctificantem esse qualitatem, ex qua infusæ virtutes pro-

profluunt; contra gratiam illam ex virtutibus infusus emanare censent: illam enim nihil aliud esse putant, "Quam ipsasmet virtutes, sive integritatem virtutum, sive formam, ut alii loquuntur, & pulchritudinem, quæ ex infusarum virtutum integritate proficiscitur. Infusæ vero virtutes, licet a diversis sacramentis productæ, non differunt, nisi secundum magis & minus. Igitur nec gratia sanctificans. Ita ratiocinatur Aureolus.

Inde patet, quid secundæ difficultati propositæ responderi debeat. Auctores primæ & secundæ opinionis docent baptizatum, non autem sanctificantem baptismi gratiam, perfici per gratiam confirmatoriam: auctores tertiæ opinionis utrumque concedunt. De tertiâ vero difficultate, qua quaeritur, utrum gratia sanctificans in Confirmatione uberior sit, quam in baptismo, dubitatum est apud antiquos. S. Thomas, S. Bonaventura, Scotus, & Aureolus distinguunt. Sanctificans enim Confirmationis gratia spectari potest, vel quatenus baptismalem præsupponit, auget, complet, includit, & cum ipsa *cadit in unum*; vel secundum se, divisim, & seorsim a gratia baptismali. Priori modo "omni," no major est, inquit Bonaventura, gratia Confirmationis, quam baptismatis: sicut bene & perfecte vivere, melius est, quam vivere: "quia hoc addit ad illud, & complet. Posteriori modo non est tantæ efficaciz, ut patet, quia vivificare mortuum, major est gratia & potentia, quam jam vivificatum sanare vel fortificare." At vero antiquorum Patrum, auctoritates, de quibus *infra*, ubi de dignitate hujus sacramenti, videntur aliquid amplius innuere.

QUÆSTIO SECUNDA.

De secundo Confirmationis effectu.

Secundus Confirmationis effectus est, efficere baptizatum perfectum christianum: qua de re controversia nobis erit, primum quidem cum hæreticis negantibus christianum fieri perfectum virtute Confirmationis, eamque prærogativam soli baptismi adscribentibus; deinde cum recentioribus quibusdam catholicis, affirmantibus christianum fieri & dici perfectum, non solum per Confirmationem, sed etiam per baptismum simul & veritatis unctionem ei connexam.

ARTICULUS I.

De controversia cum hereticis.

Calvinus *lib. 4. institut. cap. 19. numer. 9.* "Addunt (Pontificii) inquit, fideles omnes Spiritum sanctum per manuum impositionem accipere debere post baptismum, ut pleni christiani inveniuntur: quia nunquam erit christianus, nisi qui Confirmatione Episcopali fuerit chrismatus. Hæc illi ad verbum, (videlicet *de consecrat. distinct. 5. cap. 6. ut jejuni.*) Atqui putabam, quæcumque ad christianismum pertinent, omnia scripturis præscripta & comprehensa esse. Nunc, ut video, aliunde, quam ex scripturis, vera religionis forma petenda, discendaque est. Dei ergo sapientia, celestis veritas, tota Christi doctrina, christianos duntaxat inchoat, oleum perficit: hac sententia damnantur omnes apostoli, & tot martyres, quos nunquam fuisse chrismatos, certo certius est: quando nondum erat factum oleum, quo perfusi, omnes christianismi numeros implerent, vel potius christiani fierent, qui nondum erant. Verum ut taceam, abunde se ipsi refellunt. Quotam enim populi sui partem post baptismum perungunt? cur igitur patiuntur in suo grege tales semi-christianos, quorum imperfectioni mederi facile erat? cur tam supina negligentia omittere eos sinunt, quod omitti sine gravi periculo non licebat? cur non severius exigunt rem adeo necessariam, sine qua salus obtineri non potest? nisi forte subita morte præpeditus fuerit. Scilicet, dum ita licenter contemni patiuntur, tacite fatentur non tanti esse, quanti venditant. "Calvinus igitur docuit, fideles, eo ipso, quo baptismum susceperunt, absque ullo Confirmationis sacramento, plenos & perfectos christianos effici. Idem sentiunt Lutherani, Calvinistæ, alique hæretici, qui Confirmationis sacramentum non admittunt. Calvino, aliisque hæreticis opponi possunt

1. Dionysius areopagita, *lib. de ecclesiastica hierarch. cap. 2.* in fine, ubi de unctione post baptismum adhiberi solita sic loquitur: "Denique unguenti illa consummans unctio eum, qui initiatus est, odoris suavitatis perfundit. Sacra enim divinæ regenerationis perfectio, ea quæ initiata sunt, *ἁγίασμα* Spiritui conjungit, id est Spiritui divinitatis principio, quo nimirum divinæ, secundum apostolum, efficimur confortes naturæ. Tum subjicit, conjunctionem illam, quam ait fieri per *illapsum* divini Spiritus in animam, *ineffabilem esse*. Atqui unctio, de qua Dionysius, est confirmatoria. Unctio enim, quæ baptismum olim sublequebatur, non nisi duplex erat, in fronte, &

ver-

vertice. Verticalis autem nondum erat instituta tempore Dionysii. Præterea verticalis unctio, ut apparet ex antiquis auctoribus, candidæ vestis indutum semper præcessit: illa vero de qua Dionysius, subsequitur, ex eodem Dionysio *ibidem*. Unctio igitur confirmatoria est unctio consummans eum, qui initiatus est: est sacra divina generationis perfectio: est perfectio ea, quæ initiata sunt, *ἁπαρχῶν* Spiritui conjungens. Quid vero est consummare eum, qui initiatus est, nisi baptizatum, id est christianum consummare? quid est divinam generationem perficere, nisi baptismi, seu christianismi gratiam perficere? quid est ea, quæ initiata sunt, *ἁπαρχῶν* Spiritui conjungere, nisi dona in baptismo collata conjungere ineffabili illapsui divini Spiritus in animam baptizati? sed unctio, quæ christianum consummat, quæ christianismi gratiam perficit, quæque dona in baptismo collata conjungit ineffabili illapsui divini Spiritus in animam christiani, christianum perficit, seu perfectum efficit.

2. Idem Dionysius in eodem libro *de eccl. hierarch. cap. 4. parte 3. §. 3.* "Est igitur sacrosanctum hoc mysterium, videlicet, unguentum, ejus ordinis, atque virtutis, ut hierarchicas consummet functiones, quocirca divini quoque præceptores nostri, tanquam ejusdem ordinis & operationis cum sacrosancto synaxeos sacramento, iisdem imaginibus, ut plurimum, iisdemque distinctionibus ac sacris verbis descripserunt. Quorum quidem verborum sensum ut capias, notes velim omnem hierarchiam a B. Dionysio in functiones, initiandos, ac sacros mystas dividit. Initiandos vero, alios purgandos, alios illuminandos, alios perficiendos statuit. Mystas quoque sacros in purgantes, illustrantes, & perficientes distribuit. Denique actionum sacrarum triplex genus assignat, puta purgationem, illustrationem, & perfectionem. Exorcismos & catechismum purgativas nuncupat actiones: baptismum autem vocat illustrationem seu *ῥατισμῶν*, quo nomine etiam usus est Gregorius Nazianzenus *oratione in sanctum lavacrum*, & ante Gregorium Paulus apostolus *cap. 6. ad Hebræos*, ubi per *ῥατισμῶν* baptizatos intelligit. Sacramenta vero Confirmationis & eucharistiæ perfectiva nuncupavit, eaque *ejusdem ordinis & operationis* (nimirum perfectivæ) esse dixit. Sicut igitur eucharistia, ita & unguenti sacri unctio hierarchicas functiones, id est exorcismos, catechismum & baptismum, aliaque id genus ad baptismum seu christianissimum pertinentia, perficit & consummat.

3. Idem Dionysius *ibidem* §. 10. 11. & 12. ubi divinum unguentum a Christo in omni fere consecratione adhiberi probat, & in eam rem adducit tria exempla. Hoc enim unguento Christus aquam baptismalem consecrat, eo consecrat jam baptizatos, eo divinum altare, id est seipsum consecrat. "Jesum enim est altare nostrum divinisimum, quo sanctificati, & mysteria in morem holocausti concre-

„mati, accessum obtinemus ad patrem . . . Sanctificat enim semetipsum pro nobis sanctissimus ille Jesus, nosque replet omni sanctitate, dum ea, quæ in eo geruntur per dispensationem ad nos, veluti a Deo genitos, demanant. Unde, ut opinor, juxta sensum hierarchicum, qui a Deo traditus est, divini isti sacri ordinis duces sanctum hoc unguenti mysterium *μυστήριον*, id est perfectionem seu consecrationem vocant. “ Quomodo vero Christus neophytos hoc unguento consecret, ita ille explicat §. 11. “ Quin etiam ei qui sanctissimo divinæ regenerationis sacro initiatus est, illa unguenti consecratio summans unctio divini Spiritus illapsum elargitur. “ Hæc igitur unctio regeneratum, seu christianum consummat, ei largiendo divini Spiritus illapsum.

4. Dionysius Alexandrinus *initio epistolæ contra Paulum Samosatenum*, ubi ait Christum non indignuisse unctione externa, ut sit res, quam nomen ejus præ se fert, id est unctus; quia per se unctus est, & sibi ipsi ipse est unctio. Alludit, ut apparet, ad externam frontis (verticalis enim nondum erat in usu) unctionem, quam neophyti dicebantur uncti, seu Christi & christiani. Nec enim, ut aliqui perfecte sint christiani, perfecteque Christi, id est uncti, sufficit ut per aquam interiori gratia baptismali ungantur, sed requiritur exterior unctio, & ea, quæ interioris unctionis causa sit; sicut unctio, qua unctæ sunt humanitas Christi, per unionem hypostaticam cum Verbo, interiori humanitatem sanctificavit, & gratia cumulatissima respergit; præsertim cum non bene gratia baptismalis animam ungere dicatur, sed a peccatis lavare, eorumque sordes eluere. Qua de re *infra*, *num.* 12.

5. Cyprianus *epistol.* 73. anonymus Cypriano æqualis aut suppar, in *tractatu de baptismo*, & Cyrillus Alexandrinus *commentariis in Joel*, qui discretis terminis asserunt, baptismi gratiam per Confirmationem consummari. Textus *supra* descripsimus *pag.* 586. Sed baptismi gratia est gratia christianismi. Confirmatio igitur christianismi, gratiam consummat, adeoque perfectam efficit.

6. Concilium Illiberitanum, Ambrosius, alique *supra* citati *pagina* 385. & *seq.* qui conceptis verbis ajunt gratiam Confirmationis esse perfectionem gratiæ baptismi. Gratia igitur Confirmationis baptismalem perfectam efficit.

7. Tertullianus, Cyrillus Hierosolymitanus alique patres citati, qui discrete docent Confirmationis effectum esse gratiam virtutis, quam neophyti ad pugnam roborantur. Hinc Nicolaus Cabasilas, *oratione de vita in Christo*, hæc Pauli verba, (*in ipso vivimus, movemur, & sumus*) tribus sacramentis accommodans, hæc habet: “ Baptisma est nativitas, unguentum vero est nobis actionis instar & motus: porro vitæ panis & poculum eucharistiæ, verus est ci-

„bus

bus & potus. " Baptismus igitur dat vitam christiano, Confirmatio vero actionem, motum & robur Spiritus, eo fere modo quo adolescentia corporis virtutem tribuit, & perfectum hominem efficit.

8. Pacianus *epistol.* 1. *ad Sympron.* " Lavacro peccata purgantur, chrismate Spiritus sanctus superfunditur. " Primasius *in caput 6. epistol.* *ad Hebræos*, " Per quam (impositionem manuum) plenissime creditur accipi donum Spiritus sancti. " Quid enim christianum efficit, nisi Spiritus sanctus qui velut ejus anima a patribus habetur? Sed in Confirmatione Spiritus sanctus plenissime effunditur super baptizatum. Illum igitur plenum ac perfectum christianum efficit.

9. Antiquus auctor *questionum orthodoxarum ad Justinum quest.* 137. " Ungimur in baptismo, ut Christi, & uncti dicamur. " Cyprianus *epistola 70. ad Januarium*, " Ungi quoque necesse est eum, qui baptizatus sit, ut accepto chrismate, id est unctione, esse unctus Dei, & habere in se gratiam Christi possit. " Cyrillus Hierosolymitanus *catechesi* 3. quæ tota est de Confirmatione, " Hujus chrismatis dono accepto merito appellamini christiani, veram efficientes appellationem in ipsa regeneratione. Ante enim quam hæc vobis gratia donata esset, non eratis proprie digni hoc nomine, sed pergentes eo usque progressi estis, ut efficeremini christiani. " Nihil expressius dici potuit.

10. Concilium Aurelianense a Gratiano relatum *dist.* 5. *cap.* 6. & ante Gratianum ab Ivone *parte 1. cap.* 254. & ante Ivonem a Burcardo *lib.* 4. *cap.* 60. " Nunquam erit christianus (nimirum perfectus) nisi Confirmatione episcopi fuerit chrismatus.

11. Northæ primorum pontificum epistolæ, quæ, licet suppositæ fuerint medio seculo octavo, illius tamen seculi doctrinam nobis aperiant. Pseudo-Clemens *epist.* 4. *ad Julium, & Julianum*; " Cum regeneratus fuerit per aquam, postmodum septiformi Spiritus gratia ab episcopo confirmetur, quia aliter perfectus christianus esse nequaquam poterit, nec sedem habere inter perfectos.

12. Opponitur ratio. Christus enim, & christianus idem est qui unctus. Uti igitur aliquis dicatur perfecte christus, perfecte christianus, perfecte unctus, utraque unctio exterior, & interior desideratur; sicut ut quis perfecte baptizatus sit, utraque interior, & exterior ablutio requiritur.

Neque dicas interiorem unctionem in baptismo comparari.

Gratia enim baptismatis non bene animam ungere dicitur, sed a peccatis lavare eorumque sordes abluere. Si quidem in sacramentis effectus, & res significatæ, causis signisque ac symbolis respondere debent. Sed aquæ, per quam animabus gratia baptismatis infunditur,

Witsse de Confirmatione.

Pp 3 non

non convenit ungere, sed lavare. Ergo nec per gratiam baptismalem ungi recte dicimur, sed ablui. Hinc Cyprianus *epist. 70. ad Januarium*, "Ungi quoque necesse est eum qui baptizatus sit, ut accepto christmate, id est unctione, esse unctus Dei, & habere in se gratiam Christi possit." Præterea gratia baptismalis datur per se ad sordes peccati originalis eluendas, non datur per se ad robur spirituale conferendum. Hinc Eucherius in *homilia de Pentecoste*, "In baptismo abluimur, post baptismum roboramur." Hoc tamen olei proprium est ut eo ad robur homines ungi soleant. Itaque proprie per gratiam baptismalem interius non ungimur, sed per eam tantum, quæ ad robur spirituale confertur, gratiam scilicet istam, quæ nobis in sacramento Confirmationis tribuitur. Modo veniamus ad objectiones Calvinii.

OBJICIT ille 1. Quæcumque ad christianismum pertinent, omnia scripturis præscripta, & comprehensa sunt. Atqui scripturis nulli præscribitur quod gratia Confirmationis ad Christianismum pertineat. Hæc igitur neophytum non efficit perfectum Christianum.

RESPONDEO 1. plura in scripturis desiderari, quæ in divina traditione nobis manifestantur: qua de re ubi de traditionibus. 2. Baptizatum ex Dionysio Areopagita perfectum christianum effici per baptismum, Confirmationem & eucharistiam. Ubi vero Calvinus reperiet in scripturis eucharistiæ gratiam ad christianismum pertinere? 3. Gratiam Confirmationis ad christianismum, perfectum scilicet, pertinere certum videtur ex actis *cap. 8*. Cur enim apostoli cum audissent Samaritanos baptizatos fuisse, ad illos misissent Petrum & Joannem qui eos confirmarent, si Confirmationis gratiam ad christianismum nihil pertinere existimassent? 4. Illam Confirmationis gratiam in Samaritanis ad perfectum christianismum desuisse, innuit his verbis Cyprianus in *epistola 73. ad Iubaianum*: "Samaritani a Philippo diacono, quem iidem apostoli miserant, baptizati erant, & ideo quia legitimum & ecclesiasticum baptismum consecuti fuerant, baptizari eos ultra non oportebat, sed tantummodo quod deerat, id a Joanne & Petro factum est."

OBJICIT 2. ex nostra doctrina sequi, quod baptismus christianos duntaxat inchoat, oleum vero perficit.

Verum baptismus christianos inchoare dicitur, non quod vitam eis imperfectam tribuat, ipsis enim gratiam uberrimam largitur; sed quia christianos regenerat, primordia, & infantiam christianismi tribuit. Hinc Petrus *epist. 1. cap. 2*. eos infantibus modo genitis comparat, *Sicut modo geniti infantes, rationabile sine dolo lac concupiscite*. Baptismi vero, adeoque christianismi, gratiam perfici per Confirmationem disertis terminis asserunt patres illi, qui docuerunt gratiam Confirmationis esse

esse gratiam perfectionis, virtutis, roboris, augmenti & consummationis respectu baptismi.

OBJICIT 3. ex nostra doctrina sequi damnatum iri omnes apostolos, & tot martyres; quos numquam fuisse chrismatos certo certius est, quando nondum factum erat oleum, quo perfecti Christiani fierent.

Verum sequelam illam omnino falsam esse, hæc suadent. Hæc enim argumentatio falso supponit, 1. chrismationem esse necessariam necessitate medii, quasi baptismus sine Confirmatione non sufficiat ad salutem. 2. Apostolos non fuisse chrismatos, quos tamen die pentecostes Confirmationis effectum consecutos fuisse tradunt sanctissimi patres. 3. Martyres minime confirmatos fuisse, cum tamen vel ipsis primis ecclesiæ seculis, Confirmatio baptismum solemnem proxime sequeretur; ex Tertulliano libro *de baptismo*, "Egressi de lavacro perungimur benedicta unctione &c." Ex Cypriano *epist. 70. ad Januarium*. "Ungi quoque necesse est eum qui baptizatus sit &c." Qua igitur audacia Calvinus affirmat sacrum chrisma sævientibus persecutionibus nondum inventum fuisse?

OBJICIT 4. quorundam episcoporum oscitantiam, qui cum diocesanos suos raro confirment, adeoque "patiantur in suo grege tales semi-christianos, quorum imperfectioni mederi facile erat, tacite fatentur non tanti esse illud sacramentum, quanti venditant."

RESPONDEO. Utrumque res se habeat, oscitantes necne fuerint aliqui episcopi, nullus est (quod sciam) pater, nullus auctor aliqujus nominis, qui dixerit baptizatos, antequam confirmentur, non nisi semi-christianos esse. Verus est christianus qui renatus est, licet nondum perfectus sit christianus; sicut verus est homo infans qui natus est, licet nondum perfectus sit homo.

OBJICIT posset 5. Gratia baptismalis christianum efficit. Atqui fideles plene sanctificantur in baptismo. "Tunc demum, inquit Cyprianus *epist. 72. ad Stephanum*, plene sanctificari, & esse filii Dei possunt, si sacramento utroque nascantur." Igitur fideles in baptismo perfecti fiunt christiani.

Bellarminus, Morinus, & Petrus Aurelius per hæc postrema verba (*Si sacramento utroque nascantur*) baptismum, & Confirmationem intelligunt. Verum ubi de mente Cypriani, ostendimus aquam & Spiritum significari, juxta illud, *nisi quis renatus fuerit ex aqua, & Spiritu sancto*.

RESPONDEO igitur duplicem esse plenitudinem. "Distinguitur enim, inquit Guillelmus Altissiodorensis *lib. 4. tractatu 4. cap. 1.* duplex plenitudo: plenitudo sufficientiæ, & hæc datur in baptismo; & plenitudo copię, & hæc datur in Confirmatione." Et Sanctus Thomas in *4. dist. 7. qu. 1. art. 1. quest. 2. ad 1.* "Est plenitudo

„ gratiæ christianæ sufficiens ad salutem , & hæc datur in baptismo; &
 „ plenitudo gratiæ ad fortiter resistendum , & hæc datur in Confirmatione.
 „ ne. “ Gratiæ vero baptismi, quantumvis plena & sufficiens ad salutem,
 perficitur & consummatur per Confirmationem ex eodem Cypriano *episc.*
73. ad Jubaianum.

A R T I C U L U S II.

*De controversia ad annum 1630. inter catholicos exorta circa
 duos priores effectus Confirmationis.*

ORigo & series hujus controversiæ accurate describitur in argumento Petri Aurelii operibus præfixo auctoritate cleri Gallicani Parisiis anno 1646. congregati. Hinc paucis exscribemus quæ ad præsens institutum attinent.

Cum Anglicana Ecclesia, mortuo illustrissimo antistite Guillelmo Bishopio, doctore Sorbonico, in eam a Gregorio XV. delegato, pastore per annos 30. orbata fuisset, tandem Urbanus VIII. Richardum Smithæum Episcopum Chalcedonensem, instructum ordinarii potestate delegavit anno 1625. Smithæo vero regulares qui confessiones audirent subjecit. Hinc rumores, hinc rixæ, hinc ratiunculæ, quibus eorum plerique laicis persuadere conarentur, nihil urgente persecutione opus esse episcopo. Hæc cum animadverteret doctor Kellifonus, Duacensis Anglorum collegii rector, scripsit Anglice tractatum *de hierarchia ecclesiastica*, qui libellus, ubi primum in lucem editus est, confestim Eduardus Knottus Jesuitarum Angliæ viceprovincialis, ei respondit altero libello sub nomine Nicolai Smithæi Anglice conscripto, cui titulus erat, *Modesta, & brevis discussio assertionum doctoris Kellifani &c.* Hunc librum suffragio approbarunt Reverendus Augustinianus, & De. vaux Carmelita, ambo doctores Parisienses: qua de re clerus Anglicanus facultatem Parisiensem monuit. Cum vero sacra facultas jam per aliquot dies congregata de hoc negotio deliberaret, editus est eodem tempore libellus alter Anglice itidem scriptus cum eo titulo: *Apologia pro modo procedendi sanctæ sedis Apostolicæ*, &c. auctore quidem supposito *Daniele a Jesu*, vero autem Joanne Floyd (Anglice Joanne Fluide, unde Anglicum anagramma, *Daniel of Jesu*) Jesuita Anglo, professore Audomari in Belgio. Cum igitur hi duo libelli latinitate donati, longo tempore discussi fuissent, tandem uterque cum nonnullis propositionibus quas regulares quidam Hiberniæ prædicarant atque docuerant, censura notatus est, primum quidem a Joanne Francisco de Gondi Archiepiscopo Parisiensi anno 1631. die 30. Januarii, qui toto negotio cum aliquot e suis provincialibus episcopis aliisque viris pietate, & doctrina clarissimis, mature communicato,

to, primus juridicam damnationem emisit; deinde ab illustrissimis Galliarum antistitibus, qui tum Parisiis agentes, & ad quatuor supra triginta convenientes, in epistola sua encyclica Lutetiæ data die 10. Februarii ejusdem anni, aiunt in his duobus libris, "Innumeras legi propositiones falsas, præsumptuosas, temerarias, antiquissimo parochorum instituto contrarias, christianæ plebis ac simpliciorum hominum salutis perniciosas; non paucas autem erroneas, schismaticas, blasphemias, in sacrum episcoporum ordinem, & in sacramentum Confirmationis contumeliosas: nonnullas etiam aperte hæreticas." Denique a facultate Parisiensi quæ eodem anno, die 15. Februarii, propositiones numero trigintaquatuor ex Danielis apologia exscriptas censoriis stigmatis inussit, quarum septem quæ sequuntur.

Prima est, "Catholicos chrismate unctos in baptismo, licet ab Episcopo non confirmatos, perfectos esse christianos in sensu Patrum."

Secunda est, "Infero Anglos catholicos qui baptizantur ritu catholico, vel qui recipiunt cæremonias catholicas baptismi, licet non confirmati fuerint ab episcopo, fuisse & esse perfecte christianos omni modo. Utraque propositio damnata est uti "falsa, temeraria, contra sensum communem Patrum, in contemptum sacramenti Confirmationis, & in errorem inducens."

Tertia est, "Chrismatio in baptismo per sacerdotem instituta fuit ab Ecclesia, ad supplendum non solum significationem episcopalis chrismatis, sed etiam effectum, nempe ad conservandos, & confirmandos homines in baptismali gratia." Hoc docetur a D. Thoma, &c. (citatur D. Thomam 3. par. quæst. 71. ar. 3. ad 4.) Et paulo post, "Hæc cæremonia facit hominem fortem ad resistendum peccato, ad profitendam fidem in persecutione, succedens in locum Confirmationis in hoc respectu &c." Qua propositionis parte, ex Rabano lib. 1. de instit. cleric. cap. 28. probata, subiungit: Quæ motiones fortitudinis, & animi dantur per chrismationem baptismalem ex opere operato, ut multi theologi docent (citatur in margine Scotum in 4. distinct. 7. quæst. 8. & Cajetanum in 3. pars. quæst. 71. art. 3.) saltem per preces ecclesiæ, & applicationem hujus cæremoniæ in eum finem, quæ est doctrina multi solatii pro catholicis commodè habere non valentibus Confirmationem; & ostendit quod post institutionem chrismationis sacerdotum in baptismo, chrismatio per Episcopum non sit tam necessaria ac ante fuit, quæ propositio hac censura notatur. "Propositio integra falsa est, temeraria, imponit S. Thomæ, & hæresim sapit."

Quarta est, "Forte vereri poterant (summi Pontifices) ne confirmatio hujus sacramenti causans remissionem in usu aliorum, illis

lis (videlicet catholicis Anglicanis) noceret . “ Quæ propositio declaratur “ summis pontificibus injuriola , & piarum aurium offensiva .

Quinta “ Patet , quod confidentia in Confirmationis virtute im-
portare possit magnum periculum animabus . “ Quæ propositio absolute prolata rejicitur uti “ falsa , piarum aurium offensiva , blasphema , sacramento , & providentiæ Christi maxime contumeliosa .

Sexta “ Cum D. doctor dicit quod Confirmatio sit ordinarium medium institutum ad dandum robur , ad profitendam fidem ante persecutorem : si intelligat quod sit unum ordinarium medium , verum dicit ; si intelligat esse ordinarium medium , id est solum , & unum ordinarium medium ad faciendos christianos perfectos , & fortes ; dictum ejus non est consonum veritati , cum alia media instituta sint a Christo ad faciendos nos fortes . “ Quæ propositio “ quatenus videtur negare Confirmationem , esse unicum , & solum medium ordinarium , specialiter institutum a Christo ad faciendos christianos perfectos , & fortes , utique ad profitendam fidem ante persecutorem , declaratur falsa , temeraria , sacramenti Confirmationis imminutiva & erronea .

Septima “ Omnes theologi dicunt Confirmationem non præcipi , nisi cum commode haberi potest , vel uti alii dicunt , quando commo-
dissime , quando sine ullo vel minimo prorsus incommodo . “ Quæ propositio ita proscribitur : “ Ista propositio est scandalosa , in maximum sacramenti Confirmationis contemptum , maligno animo , proposita , & in errorem potest inducere .

Verum cum Jesuitas male haberet , duos illos libellos Anglicos ab illustrissimis antistitibus , & a Parisiensi facultate proscriptos fuisse , duobus libellis additis , altero in illustrissimos antistites , altero in celeberrimam facultatem , & addita appendice circa censuram Archiepiscopi Parisiensis , magno conatu inveci sunt , sub fictitio Hermannii Leomelii nomine . Prior liber inscribitur ; *Ecclesiæ Anglicanæ querimonia* , &c. posterior *Hermannii Leomelii Antuerpiensis sacre theologiæ licentiati , & canonici lectoralis ecclesiæ cathedralis Audomavenfis sponsia* , &c. Libellos istos statim sublecutus est alter eodem genio compositus cui titulus erat , *Vindiciæ pro Nicolao Smithæo contra censuram nomine facultatis Parisiensis editam* , &c. duos priores libros a Joanne Floyd , tertium ab Eduardo Knotto , scriptos fuisse testatur Philippus Alembicus in *bibliotheca scriptorum societatis Jesu* . Sed quoniam Archiepiscopus Parisiensis , & cum eo doctores Parisienses damnaverant nonnullas propositiones Hibernicas , sub idem fere tempus adversus censuras illas editus est liber inscriptus : *Examen juridicum censura facultatis Theologiæ Parisiensis , & ejusdem Civitatis Archiepiscopi lata* .

circa

circa quasdam propositiones regularibus Regni Hiberniæ falso impostas, &c. Auctore Edmundo Urfulano Hiberno. Is est Edmundus Mac Mahone, id est, si latine reddas, filius urfi, qui cum ad Franciscanam religionem se contulit, mutato nomine Franciscus Matthæus appellari voluit.

Adversus spongiam scripserunt Franciscus Hallier, doctor Sorbonicus anno 1632. Paucis post mensibus Petrus Aurelius eodem anno: tum etiam Nicolaus le Maitre socius Sorbonicus, & licentiatus theologus anno 1633. Adversus autem librum Urfulani Paulus Harisius presbyter, anno 1632.

S E C T I O I.

Regularium quorundam Anglorum doctrina cum suis fundamentis proponitur.

Regularium illorum doctrina repeti debet tum ex Danielis apologia *cap. 2. §. 3. num. 19. & 21.* tum ex propositionibus ex eadem apologia descriptis, & a facultate Parisiensi rejectis: tum ex spongia qua damnatæ propositiones defenduntur. Duos illi in sacramento Confirmationis effectus distinguunt, quorum altero fideles baptizati robur assequantur, altero fiant perfecte christiani, & utrosque suppleri docent in verticali seu baptismali chrismatione: primum quidem per interiorem gratiæ virtutem, quam huic verticis unctioni tribuunt: secundum vero per externam corporis unctionem qua caput ungitur. Putant enim homini jam baptizato nihil deesse ut plene perfecteque christianus efficiatur, nisi externam corporeamque unctionem, quia christianus nihil aliud est quam unctus. Baptizatus autem plene unctus est per gratiam baptismalem, nec superest nisi ungi etiam corpore extrinsecus ut plene unctus; atque ita plene perfecteque christianus fiat: unde non est mirum si baptismalis unctio suppleat Confirmationis effectum, qui est perfectio christiani nominis, cum hæc perfectio sita sit in externa unctione, & Confirmatio perfectum christianum eatenus efficiat, quatenus corpus exterius inungit; nec enim christiani nominis perfectionem in gratia seu interiori effectum Confirmationis constituunt, sed in corporea duntaxat unctione, quæ potest æque fieri per chrisma baptismale ac per sacramentum Confirmationis. Non negant tamen Confirmationi interiorem etiam effectum, neque chrismationi baptismali: utrique robur concedunt, quo anima roboratur ad pugnam: sed neutri istorum effectum interiorem tribuunt, ut per eos fidelis baptizatus fiat perfectus christianus; quia sine illis jam plene unctus erat intrinseca plenitudine gratiæ baptismalis, nec aliud ad nominis Christi perfectionem desideraba-

rabatur nisi externa corporis unctione. Hæc est regularium quorundam Anglorum doctrina, tribus primis oppositionibus *supra* relatis comprehensa, quam Parisiensis academia proscripsit, & fictitius Loemelius tuendam suscepit.

Ut autem ille probet primum Confirmationis effectum, virtutem scilicet, per quam anima roboratur ad pugnam & in gratia baptismali permanet, suppleri verticis unctione: simulque tertiam propositionem damnatam, in qua continetur hæc doctrina propugnet; duo præstat: primum quidem affirmat nihil in hac propositione dici "quod non sit catholicum, quod non a doctoribus theol. logis, & a patribus nullo dissentiente asseratur." Deinde septem assertiones statuit: prima est, "Chrismatio presbyteralis in baptismo supplet effectum episcopalis quoad significationem nominis christiani, seu uncti; ita ut a presbytero chrismatus dici possit & debeat christianus, non secus, ac qui est ab episcopo confirmatus." Quod ille probat Gersonis testimonio, in *compend. theol. de 7. sacrament. titulo de Confirmat. II.* "Chrismatio in baptismo præstat effectum Confirmationis, qui est conservatio gratiæ baptismalis." Quod ille probat auctoritate Sanctæ Thomæ 3. *parte quest. 71. articul. 3. ad 4. III.* est, "Hæc cæremonia cum baptismo conjuncta facit hominem fortem ad resistendum peccato & profitendam in persecutionibus fidem." IV. est, "Hæc motiones fortitudinis & vigoris dantur a chrismate (baptismali) ex opere operato secundum mentem multorum theologorum, videlicet Dominici Soto in 4. d. 15. *quest. 2. articul. 3.* Gregorii de Valentia 3. *parte disputat. 7. quest. 5. puncto 1.* Cajetani in 3. *parte quest. 71. articul. 3. ad 4.* & Innocentii III. *extra de sacra unctione §. quia vero.* V. Est, "Cæremonia chrismatis in baptismo fuit instituta ut suppleret defectum Confirmationis." Hoc Bellarminus *lib. 1. de baptismo cap. 27.* & ex antiquis Rabanus *lib. 1. de institut. cleric. cap. 28.* Hugo Victorinus *de sacrament. lib. 2. parte 3. cap. 7.* Amalarius *lib. de offic. eccles. cap. 27.* Rupertus *lib. 5. de divinis officiis cap. 16.* alique Patres directe tradunt. VI. "Confirmatio episcopalis post institutam presbyteralem chrismationem baptismi non est tam necessaria quam fuit antea." Hoc tradunt Patres Arausici *can. 1. ut habetur cap. nullus, de consecrat. dist. 4.* "ubi conceptis verbis dicunt, necessariam quidem esse chrismationem, tamen satis esse semel in baptismate chrismari; si vero in baptismate chrismatus quis non fuerit, admoneatur (inquiunt) episcopus: nam sufficit una benedictio." VII. "Hanc veritatem de efficacia hujus cæremoniæ, catholicis magni solatii esse debere, præsertim iis quibus habendi Confirmationem facultas non suppetit.

Ut vero probet secundum Confirmationis effectum, qui est perfectio

Etio christianismi eadem verticis unctione suppleri; simulque duas priores damnatas propositiones, quibus hæc doctrina comprehenditur veras esse defendat, duo profert argumenta; alterum quidem petitum ex Cyrillo Hierosolymitano *catech.* 3. Justino Martyre *quæst.* 137. Cypriano *epistol.* 70. Gersono loco citato, Rabano & Ivone, quibus subijcere poterat Bedam *comment. in psalm.* 27. & Hugonem Victorinum *lib.* 1. *de sacram. cap.* 19. alterum ex S. Thoma in 4. d. 7. *quæst.* 1. *articul.* 1. *quæst.* 2. ad 1.

S E C T I O II.

Utrum prior Confirmationis effectus, de quo præfati regulares, per baptismalem unctionem suppleri possit.

A Uctores qui seculis octavo, nono, & retro sequentibus floruerunt, magni fecerunt verticis unctionem & de ea magnifice locuti sunt. Hinc ex Beda in *psalm.* 126. referri potest *salus* de qua David in eodem psalmo: *Dominus illuminatio mea & salus mea.* "Potest" (inquit) si cui libuerit, illuminatio ad primam tantum unctionem, in qua simpliciter abrenunciamus, satanæ, referri: salus vero ad secundam (verticalem intelligit) in qua magis firmamur, quia & nomen Christi in ea profitemur, & ab eo nomen accipimus, scilicet, ut christiani dicamur. "Hinc ex ordine Romano & ex libro de divinis officiis dicitur *chrisma salutis in vitam eternam.* Hinc ex Rabano *lib.* 1. *de institut. cleric. cap.* 28. & 30. baptizatus per eam Spiritus sancti participationem accipit; per eam significatur Spiritus sancti super ipsum descensio ad habitationem Deo consecrandam; per eam Spiritus sanctus post mundata & benedicta corpora atque animas, libens a patre descendit, ut vas suum sua visitatione sanctificet; per eam baptizatus chrismate ad accipiendum Spiritum sanctum ungitur; per eam neophytis datur idem Spiritus, qui apostolis a Christo datus octava die resurrectionis. Hæc denique baptizato necessaria est propter occasionem transitus mortis, ut per eam accipiat Spiritum, & alienus a Christo non existat. Hinc ex Amalario *lib.* 1. *de eccles. officiis cap.* 27. sacerdos qui ungit neophytum verbis suæ orationis solutionem vinculorum, & alligationem vulnerum in baptismo comparatam "monstrat, & confert salvationem quamdam quæ pertinet ad salutem usque in vitam æternam." Hinc ex Honorio Augustodunensi *lib.* 3. *de gemma animæ cap.* 14. "Per presbyteri unctionem animæ Christo desponsantur, & bis baptizati chrismate liniuntur, semel a presbytero &c. quia bis Spiritus sanctus datur ecclesiæ, semel in terra,

na, secundo in cœlo. " Hinc ex Hugone Victorino *libi. de sacramen-*
tis cap. 19. " Per illam Spiritus sanctus infunditur, imo infusus
 " ostenditur. " Hinc ex Innocentio III. *extra, de sacra. unctioe, §.*
quia vero, " In vertice baptizatus inungitur, ut sit paratus animo
 petenti de fide rationem reddere. " Hinc ex S. Thoma 3. *parte. quest.*
71. articul. 3. ad 4. " Inunctio quæ fit in vertice operatur conser-

vationem gratiæ baptismalis. " Hinc ex Dominico Soto *in 4. d.*
15. quest. 2. articul. 3. hæc unctio peccata venialia remittit. " per
 motum reverentiæ in Deum & ad res divinas, " quam illa præ-
 stat ex opere operato: nullus tamen (quod sciam) auctor est qui
 baptismalem unctionem episcopali, ratione effectus æquiparaverit.
 Quare sit

A S S E R T I O

Primus Confirmationis effectus per baptismalem unctionem perfectè
 omnino & adæquate suppleri non potest.

Prima probatio petitur ex Dionysio qui *libi. de eccles. hierar. cap.*
4. parte 3. §. 3. docet " sacrosanctum Confirmationis mysterium ejus
 " ordinis atque virtutis esse ut hierarchicas consummet functiones. "
 Dividit ille omnem hierarchiam in functiones, initiandos, & sacros
 mystas. Initiandos vero alios purgandos, alios illuminandos, alios
 perficiendos statuit. Mystas quoque sacros in purgantes, illuminan-
 tes, & perficientes distribuit. Denique sacrarum functionum tri-
 plex genus assignat, videlicet, purgationem, illuminationem, &
 perfectionem. Exorcismos & catechismum purgativas nuncupat fun-
 ctiones; baptismum autem vocat illustrationem seu *φωτισµα*; sacra-
 menta vero Confirmationis & eucharistiæ perfectiva, quia functio-
 nes hierarchicas, id est exorcismos, catechismum, & baptismum,
 aliæque id genus ad baptismum, seu christianismum attinentia per-
 ficiunt atque consummant. Igitur ex Dionysio per exorcismos &
 catechismum purgantur catechumeni, per baptismum illustrantur fide-
 les, & per utraque Confirmationis & eucharistiæ sacramenta perfi-
 ciuntur & consummantur christiani. Atque ita sicut catechumenus
 sine catechismo & exorcismo quantumcunque aliunde divina religio-
 ne imbuatur, & purgetur, quamdiu tamen catechumenus est, im-
 mundus semper censetur & in purgandorum ordinem a Dionysio aliis-
 que patribus refertur: sicut etiam catechumeni jam edocti & pur-
 gati, nisi baptismo donati fuerint, nondum illuminati appellantur,
 quantumlibet aliunde illustrati fuerint, quia nimirum hæc gratia eo-
 rum statui non convenit, qui necdum ad vitam spiritualem rege-
 nerati sunt; ita quoque fideles baptizati qui nondum Confirmationis
 & eucharistiæ gratiam susceperunt perfecti christiani minime cen-
 sen-

sentur, etsi gratiam baptismalem bonis operibus auxerint, quia per accidens, & non ex statum christianæ vitæ dispositione, tale augmentum susceperunt.

Secunda ratio petitur ex Ambrosio *lib. 3. de sacrament. cap. 2.* "Post fontem superest ut perfectio fiat quando ad invocationem sacerdotis Spiritus sanctus infunditur &c. Ambrosii ætate observabatur verticalis unctio: ejus enim meminit Innocentius I. Ambrosio æqualis, eam ipse describit Ambrosius *lib. 2. de sacrament. cap. 7.* qua de re *infra*, in *appendice*; postquam vero de baptismo & unctione baptismali differuit, Confirmationem describit *lib. 3. cap. 2.* "Sequitur, inquit, spirituale signaculum, quia post fontem superest ut perfectio fiat. "Confirmatoria igitur unctionem etiam post baptismalem susceptam, necessariam esse agnoscit Ambrosius; fontis, id est, baptismi perfectionem confirmatoriz non baptismali unctioni tribuit; diversum denique & uberiolem confirmatoriz quam baptismali unctioni effectum assignat.

Tertia petitur ex Innocentio I. in *epistola ad Decentium cap. 3.* ubi baptismalem unctionem a confirmatoria distinguit, illam presbyteris permittit, istam episcopis reservat; quia soli episcopi tradere possunt Spiritum sanctum. Istius igitur, & non illius, unctionis effectus est traditio Spiritus sancti.

Quarta petitur ex patribus qui docuerunt oportere Confirmationem suscipi ad robur, ad augmentum, ad perfectionem assequendam. Cum enim illi Sylvestro, a quo verticis unctio instituta creditur, posteriores fuerint, manifeste supposuerunt fideles, antequam confirmarentur, per illam verticis unctionem minime consecutos fuisse ejusmodi perfectionem.

Quinta probatio petitur ex ipsis auctoribus qui ab adversariis obijciuntur, videlicet Rabano, Amalario, Ivone, Ruperto, Hugone, Innocentio III. Gersone & B. Thoma, qui omnes utriusque unctionis effectum determinant & uberiolem ac nobiliorem confirmatoriz tribuunt. Rabanus *lib. 1. de institut. cleric. cap. 30.* ait "baptizatum signari chrismate in capitis summitate, ut significetur Spiritus sancti super ipsum descensio ad habitationem Deo consecrandam: in fronte vero, ut ejusdem Spiritus sancti septiformis gratia cum omni plenitudine sanctitatis & scientiæ & veritatis venire in hominem declaretur. "Verticalis igitur unctionis effectus ex Rabano non supplet Confirmationis effectum, sed ad ipsum disponit. Amalarius *lib. 1. de eccles. officiis cap. 27.* ait verticis unctionem conferre "salvationem quamdam quæ pertinet ad salutem usque in vitam æternam. "Frontis vero unctionem, ut quæ *disior* sit & præstantior, *disiorem* & præstantiorem effectum producere, puta *septiformem Spiritum sanctum*. Rupertus *lib. 5. de divi-*

nis officii cap. 16. cum Innocentii verba referat, idipsum inter utramque unctionem discrimen, quod Innocentius statuit. Hugo Victorinus *lib. 2. de sacram. parte 7. cap. 3.* ait " sacerdotis esse baptizatum " in vertice linire : solius vero pontificis frontem consignare, quia " solus pontifex potest Spiritum sanctum tradere. " Honorius Augustodunensis *lib. 3. de gemma, cap. 114.* " Bis baptizati chrismate linuntur, semel a presbytero in baptismo, & capite, secundo ab " Episcopo in Confirmatione, & in fronte. Hoc ideo quia bis Spiritus sanctus datur ecclesie, semel in terra, secundo in celo, " die nimirum pentecostes. " Per presbyteri unctionem anime Christo desponsantur, per Episcopi Confirmationem regno Christi dotantur. " Innocentius III. *extravag. de sacra unctione, §. per fontis*, cæremonialem quoque unctionem, ab ea quæ sacramentum est, distinguit, quia per eam quæ sacramentum est " Spiritus sanctus ad augmentum datur, & ad robur : " unde concludit, " Cum cæteras unctiones (inter quas recenset verticalem) simplex sacerdos valeat exhibere, hunc non nisi summum pontificem, id est Episcopum debere conferre, quia de solis Apostolis legitur (quorum vicarii sunt episcopi) quod per manus impositionem Spiritum sanctum dabant. " S. Thomas *3. par. quest. 71. art. 3. ad 4.* semel ac tenuiter loquitur de verticali, magnifice vero de confirmatoria unctione *tota quest. 72.*

Sexta petitur ex doctrina Sancti Thomæ *ibidem 3. parte quest. 71. artic. 3.* ubi duo cæremoniarum baptismalium genera distinguit. Aliæ enim significant quidem, sed nihil efficiunt, ut vestis candida, quæ vitæ novitatem designat; aliæ significant, & efficiunt, ut exorcismi in baptismo, qui valent ad culpam removendam; & verticis unctio, " Quæ operatur conservationem gratiæ baptismalis. " Igitur Sanctus Thomas ita tribuit verticis unctioni conservationem gratiæ baptismalis, sicut exorcismis remotionem culpæ. At vero ex eodem sancto doctore *ibidem* exorcismus non valet ad remotionem culpæ, ut per eum culpa deleatur, sed solum ut per eum impedimenta auferantur, quibus culpæ remissio prohibetur; pari quoque ratione verticis unctio non valet ad gratiæ baptismalis conservationem, quasi directe, & immediate gratiam illam conservet vires præbendo efficacissimas, sed solum ut per illam auferantur nocumenta quibus gratia baptismalis auferri posset.

Adde quod incertum est apud Theologos utrum verticis unctio inter cæremonias mere significantes referri debeat, ut existimant Guillelmus Antissiodorensis, & alii, an vero inter illas quæ non modo significant, sed & aliquid efficiunt, ut vult Sanctus Thomas. Ut ut sit, eorum qui Sancti Thomæ opinioni adherent nemo hæcenus sensit quod verticis unctio conferat gratiam sanctificantem, quæ ejus-

eiusdem sit rationis cum confirmatoria, sed quod producat ad summum pias quasdam motiones, & auxilia actualia ad gratiam baptismalem conservandum.

Septima probatio petitur ex eodem Sancto Thoma 3. *part. quest. 72. artic. 1. in corp.* "Sacramenta novæ legis ordinantur ad speciales effectus gratiæ." Hic vero specialis videtur esse alicujus sacramenti effectus, qui ejus nomine, materia, forma & cæremoniis maxime indicatur. At vero nomen Confirmationis, materia, forma, cæremoniæ indicant Confirmationis effectum esse constantiam, & robur ad fidem profitendam. Hoc igitur robur ita speciale est Confirmationi, ut ab ipso baptismo aliisve sacramentis suppleri non possit: quanto minus a baptismi cæremonia, cujus effectus longe inferior est.

Octava probatio. Si baptismalis unctio instituta esset ad supplendam Confirmationis unctionem, quomodo simul cum ea stare posset? frustra enim res suppletur, cum præsens adest. Et tamen ab episcopis baptismum conferentibus videmus non omitti verticalem, etiam si Confirmationem continuo administraturi sint.

Nona probatio. Dedecore sacramenta novæ legis afficit, qui eorum vicem per meras cæremonias impleri posse existimat, quarum operatio, quæcunque sit, & longe inferior est, aliisque generis, & brevior, & incertior, & fallibilior, quam ut omisso Confirmationis sacramento, quo totus Spiritus sanctus cum suis donis effunditur, fideles in ea victoria, quam de acerrimis quibusque persecutionibus debent reportare, spem desigant.

Decima. Si positum sit in ecclesiæ potestate instituere quosdam ritus, quibus suppleatur Confirmationis effectus, in ejus erit arbitrio elevare, & inane reddere Confirmationis sacramentum. Idem dici potest de cæteris sacramentis.

Undecima. Qui volunt eundem effectum esse utriusque unctionis verticalis, quæ juris est positivi, ac confirmatoris, quæ juris est divini, non leve suppeditant argumentum hæreticis, quo probent Confirmationem ecclesiasticæ institutionis esse.

Duodecima. Nullum in scripturis vel in sacra traditione fundamentum est, quo hæc auctoritas Ecclesiæ asseratur, ut meram cæremoniam ad integrum cujusdam sacramenti effectum supplendum eligere possit.

Solvuntur Objectiones.

OBJICIES 1. Hic ritus sacramenti effectum perfecte supplet, qui illum effectum significat, & præstat. Atqui baptismalis unctio supplet effectum Episcopalis quoad significationem nominis christiani seu uncti, ita ut a presbytero christum dici possit, & debeat præstare effectum Confirmationis qui est conservatio gratiæ baptismalis. Traditur a Sancto Thoma conceptis verbis. Eorum, inquit, quæ aguntur post baptismum, aliquid est quod non solum significat, sed etiam efficit, puta inunctio, quæ fit in vertice, quæ operatur conservationem gratiæ baptismalis.

RESPONDEO concessa majore, utrumque minoris membrum falsum esse. 1. Alia est unctio in vertice, alia unctio in fronte significatio. Prior ex Amalario *lib. 1. cap. 27.* (quod etiam apparet ex ipsa formula per quam adhibetur,) "Obtentam in baptismo solutionem vinculorum, & alligationem vulnerum monstrat: (posterior) emissionem septiformis Spiritus sancti." Prior ex Rabano *lib. 1. cap. 29.* "Significat Spiritus sancti super baptizatum descensionem ad habitationem Deo consecrandam: (posterior) ejusdem Spiritus sancti septiformis gratiam cum omni plenitudine sanctitatis, & scientiæ, & veritatis venire in hominem declarat." Prior ex Honorio Augustodunensi *lib. 3. cap. 114.* "Spiritus sanctum Ecclesiæ datum in terra, posterior Spiritum sanctum Ecclesiæ datum in cælo die pentecostes demonstrat. Prior ex Innocentio III. *de sacra unctio*, §. *quia vero*, designat, ut baptizatus sit paratus animo petenti de fide reddere rationem; quia per caput intelligitur mens, cujus superior pars est ratio, &c. (posterior) ut baptizatus libere confiteatur quod credit, quia corde creditur ad justitiam, ore autem fit confessio ad salutem; memor ejus quod Dominus ait, *Qui me confessus fuerit coram hominibus, &c.* "nullus est auctor, ex iis etiam quos adversarii objicere solent, qui utrique unctio eandem omnino significationem adhibeat. 2. Verticalis unctio extremam Confirmationis unctionem forte significat: videtur enim in eum finem instituta ut Confirmationem adumbret. Verum illa nec per se ipsa præstat ut quis perfectus christianus dicatur; nec illam interiorem unctionem confert, per quam quis perfectus christianus efficitur: adde quod nec eandem, etiam quoad significationem nominis christiani seu uncti, quam Confirmatio, significationem habet. 3. Nullus est ex patribus, nullus etiam ex iis auctoribus quos adversarii citare solent, qui dixerit per verticis unctionem conferri gratiam consummantem seu septiformem Spiritum sanctum cum omnibus suis donis, & plenitudine sanctitatis, qui

quī effectus Confirmationi proprius est . 4. Aliud est , unctionem quæ fit in vertice , operari *conservationem gratiæ baptismalis* ; aliud illa unctione suppleri effectum ullum sacramenti Confirmationis : prius ait Sanctus Thomas 3. *parte quæst. 71. art. 3. ad 4.* posterius *tradi a Sancto Thoma* dici non potest , siquidem Sanctus Thomas nullibi ait , unctionem , quæ fit in vertice eam gratiæ baptismalis conservationem operari , quæ effectus sit Confirmationis , aut quæ Confirmationis effectum supplere possit . Non enim etiam si Confirmatio gratiæ baptismalis conservationem operetur , ideo quælibet baptismalis gratiæ conservatio effectus est Confirmationis , aut illius effectum supplet : alioquin sacramentalia omnia hunc etiam effectum præstabunt , quia gratiam fidelium confirmant , & muniunt , & in eum finem instituta sunt . In primis aqua benedicta Confirmationis effectum supplere poterit , quia ipsa Ecclesiæ consecratione destinatur , etiam expressius quam unctio baptismalis , ad protegendum hominem , eumque adversus dæmonis tentationes roborandum . 5. Hæc verticis unctio a Sancto Thoma inter sacramentalia recensetur , tradit vero sanctus doctor *ibidem ad 2.* sacramentalia „ non possunt se perficere principalem effectum sacramentorum qui est gratia remittens culpam , vel supplens aliquem hominis defectum . “ Atqui Confirmatio perficit , & consummat præcipuum baptismi effectum , qui est gratia sanctificans , & regenerans . Verticis igitur unctio ex Sancto Thoma supplere non potest præcipuum Confirmationis effectum . 6. Integrum articulum legenti , & singulas ejus partes inter se comparanti apparebit cæremonias ibi dividi in eas , quæ quidem significant , sed nihil efficiunt , ut vestis candida , & in eas quæ significant , & aliquid efficiunt , ut exorcismi , & verticalis unctio . Quæ significant , & aliquid efficiunt , sacramentalia dicuntur : sacramentalia vero *ibidem ad 2.* non conferunt directe , & immediate gratiam sanctificantem , *sed solum impedimenta tollunt* . Igitur ex Sancto Thoma nec verticis unctio , nec alia sacramentalia præcipuum ullius sacramenti effectum , qui est gratia sanctificans , supplere possunt . 7. Nullus in rebus theologicis tam peregrinus , & hospes est , qui non sciat sacramentalium operationes nihil esse , nisi pios animi motus actuales , qui vi precum ecclesiæ impetrantur . Per eas igitur suppleri non possunt sacramentorum effectus qui diuturni , & stabiles sunt . 8. Pii illi motus quos sacramentalia efficiunt sine illis haberi possunt per pias quaslibet affectiones animi , quas probi homines crebras quotidie concipiunt : illas vero affectiones certum est valere ad conservandam augendamque gratiam baptismalem . Qua igitur ratione per verticis unctionem aliaque sacramentalia ; eadem per bonum quodlibet propositum , & per unumquodque bonum opus suppleri posset Confirmationis effectus : quo quid esse potest alienius a theologia?

OBJECIES 2. Hæc cæremonia cum baptismo conjuncta facit hominem

Qq 2

nem

nem fortem ad resistendum peccato, & profitendam in persecutionibus fidem. Hoc tam certum est, ut qui catholici esse volunt, id negare non debeant, teste illustrissimo Bellarmino. Nam Calvinus calumnianti "vocem unctorum esse, promissionem in baptismo se percipisse nullam, qua in agonibus instruantur; Respondet: Atqui hoc nullus catholicorum docet: catholica enim doctrina est, nos in baptismo robur accipere, in Confirmatione autem roboris augmentum." In eandem sententiam Rabanus *lib. 1. de instit. cap. 28*. "Spiritus sanctus per unctionem chrismatis in baptismo confert vigorem celestis gratiæ." Vigor celestis gratiæ, an non sortitudo, ut resistatur peccato? Et *cap. 27*. "A sacerdote baptizatus inungitur, ut sacrum baptismum cum fide accepta custodiat." Quod Gerson dicit. "Chrismatione baptismali mentem reddi imputribilem Deo, quid aliud est quam dari robur ut a se constanter rejiciat omnem putredinem, corruptionemque peccati? Hactenus Loemelius.

RESPONDEO 1. hic agi de verticis unctione seorsim a baptismo; non autem de illa, ut baptismo conjuncta; quemadmodum apparet ex tertia propositione damnata. 2. Non deesse catholicos qui cum Guillelmo Altiissiodorensi, verticis unctionem recenseant inter baptismi cæremonias, quæ quidem significant, sed nihil efficiunt. 3. Bellarminus, quantum quantum est, minor tamen est, quam ut faciendæ catholicæ veritati sit satis; nequidem si huic Rabanum, vel eis Gersonem adjunxeris. 4. Citata a Loemelio verba adversus ipsum concludunt, aiunt enim "nos in in baptismo robur accipere, in Confirmatione autem roboris augmentum: adeoque supponunt Confirmationis effectum per baptismalem unctionem minime suppleri. 5. Bellarminus, & Calvinus cujus ipse Bellarminus verba refert, de ipso baptismo loquuntur, non autem de verticis unctione. Verba sunt Calvinus orthodoxos calumniantis *lib. 4. instit. cap. 49. n. 8*. "Dei verbum est, omnes qui in Christo baptizati sunt, Christum induisse cum suis donis, verbum unctorum, nullam promissionem in baptismo percipisse qua in agonibus instruantur." 6. Non ita Bellarminus habet, ut Loemelius refert: verba sunt Bellarmini: Atqui hoc nullus catholicorum docet. Nam quod citat Calvinus ex epistola Sancti Melchiadis; "In baptismo regeneramur ad vitam, in Confirmatione armamur ad pugnam, referendum est ad proprios effectus illorum sacramentorum." 7. Rabanus ipse *lib. 1. cap. 30*. verticis & frontis unctionem distinguit, quod "priori unctione significetur Spiritus sancti super baptismatum descensio ad habitationem Deo consecrandam: (posteriori) ejusdem Spiritus sancti septiformis gratia cum omni plenitudine sanctitatis, & scientiæ, & virtutis venire in hominem declaratur. (Priori) enim ipse Spiritus sanctus descendit, ut vas suum sua visitatione sanctificaret, & illustraret; (posteriori) in hominem

nem ad hoc venit , ut signaculum fidei quod in fronte suscepit ,
 „ faciat eum donis celestibus repletum , & lua gratia confortatum ,
 „ intrepide & audacter , coram regibus & potestatibus hujus seculi por-
 „ tare , ac nomen Christi libera voce predicare . “ Rabanus igitur
 frontis quidem unctioni fortitudinem ad nomen Christi profuturum
 concedit , sed eam verticis unctioni denegat . 8. Rabanus non habet
 citata ex capite 27. verba , nec ibi loquitur de verticis unctione quæ
 baptismum sequitur , sed de benedictione sacerdotali quæ baptismum
 antecedit , “ Deinde (inquit , id est post aurium apertionem) bene-
 „ dictione sacerdotali munitur (catechumenus) ut ad sacrum baptis-
 „ mum cum fide suscepta custodiatur . “ 9. Nec Rabanus ait , unctionem
 baptismalem conferre vigorem , sed virorem celestis gratiæ ut in
 editione Rabani *tomo 10. bibloth. Patrum* , anno 1644. Parisiis facta ,
 legere est : eaque lectio textui consona est . “ Columba , inquit , in
 „ diluvio ad arcam reportavit ramum olivæ virentibus foliis , signifi-
 „ cans utique quod Spiritus sanctus per chrismatis unctionem in ba-
 „ ptismo confert fidelibus virorem celestis gratiæ . “ 9. Quia particula
 designatur splendor , decus atque ornamentum quod nobis per gratiam
 baptismalem accedit . 10. Esto vigor gratiæ Rabanum per baptismalem
 unctionem a Spiritu sancto conferri dicatur : an ideo sequitur
 dari ab ipsa robor ad profuturam fidem coram regibus , & potestati-
 bus ? an non potius sequitur tantum vegetam reddi ab ipsa baptis-
 malem gratiam , in quantum per orationes pias precibus ecclesiæ im-
 petratas excitatur ac fovetur ? 11. Gerſo non dixit *chrismatione baptis-
 mali mentem reddi impetibilem Deo* . Quia verticis unctio vulnera in
 baptismo sanata fuisse significat , ex Amalario ; *lib. 1. de Ecclesiasticis
 officiis* ; *cap. 27.* qui illud colligit ex formula in ordine Romano re-
 lata , quæ in verticis unctione proferri solet . 12. Verum , esto ,
 Gerſo , Rabanus , & Bellarminus dixerint , verticis unctione conferri
 vigorem , fortitudinem , & virtutem qua baptismalis gratia conserve-
 tur , quid hoc ad Loemelii opinionem ? an ideo docent illa unctio-
 ne suppleri præcipuum Confirmationis effectum ? effectus enim hujus
 sacramenti non est quæcumque virtus , & quodcumque robor , sed
 plenitudo Spiritus sancti ad spirituale robor , sicut apostolis datus est
 die pentecostes . Traditur hæc doctrina ab Eugenio IV. in *decreto pro
 Armenis* , “ Effectus hujus sacramenti est , quia in eo Spiritus san-
 „ ctus datur ad robor , sicut datus est apostolis in die pentecostes ,
 „ ut videlicet christianus audacter Christi confiteatur nomen . “ Tra-
 ditur a Magistro in *4. distinct.* 7. “ Virtus hujus sacramenti est donatio
 „ Spiritus sancti ad robor , qui in baptismo datur ad remissionem . “
 Et *infra* ait in hoc “ sacramento Spiritus sancti septiformem gratiam
 „ cum omni plenitudine sanctitatis , & virtutis venire in hominem . “
 Traditur a Sancto Thoma 3. *parte quæst.* 72. *art.* 1. *ad 2.* “ Confirmatio
Wasse de Confirmatione.

est sacramentum plenitudinis gratiæ . “ Et *art. 2. in corp.* “ In hoc sacramento datur plenitudo Spiritus sancti ad robur spirituale . “ Et *ad 1.* postquam differuit de plenitudine Spiritus sancti super apostolos die pentecostes , “ Similiter etiam , inquit , ad impositionem manus apostolorum descendebat plenitudo Spiritus sancti super fideles . “ Et *ad 3.* “ Hoc sacramentum datur ad plenitudinem consequendam Spiritus sancti , cuius est multiformis operatio . “ Atqui nullus est pater , nullus auctor , nullus theologus , qui docuerit per verticis unctionem conferri plenitudinem Spiritus sancti ad robur spirituale , sicut Apostolis datus est die Pentecostes . Nullus igitur est , qui dixerit proprium Confirmationis effectum per verticis unctionem suppleri posse .

OBJICIES 3. Cæremonia chrismationis , in baptismo fuit instituta , ut suppleret defectum Confirmationis . Hoc Bellarminus & ex antiquis Rabanus , Hugo Victorinus , Amalarius , Rupertus alique patres directe tradunt . Ita Loemelius . Singulorum verba referam . Rabanus *lib. 1. de institut. cler. cap. 28.* “ Legimus in gestis patrum quod Sylvester Papa in ecclesia Romana constituerit ut presbyter eodem chrismate liniat baptizatum levatum ex aqua propter occasionem transitus mortis . “ Amalarius *lib. 1. de eccles. officiis cap. 27.* “ Sylvester constituit ut baptizatum liniat presbyter chrismate levatum ex aqua propter occasionem transitus mortis . “ Et post alia : “ Si quis sine isto baptismo (hoc est Confirmatione , quam vocat *baptismum ignis*) migraverit de seculo , periculum iter arripuit . Hoc prævicens Sylvester Papa quantum potuit , subvenit , & propter absentiam episcoporum , necessitate , addidit , ut a presbytero ungeretur . “ Rupertus *lib. 5. de divinis officiis cap. 16.* “ Legitur in actis Pontificalibus quod Sylvester Papa constituit , ut baptizatum liniat presbyter chrismate levatum de aqua propter occasionem transitus mortis , ne propter absentiam episcopi & difficultatem eum consequendi , sine manus impositione baptizati migrent . “ Idem iisdemque terminis refert Hugo Victorinus *lib. 2. de sacrament. parte 7. cap. 3.* Bellarminus *lib. de baptismo cap. 27.* “ Unctio chrismatis in vertice introducta videtur , quia non semper adest episcopus qui possit continuo dare post baptismum sacramentum Confirmationis : ideo enim interim ungitur a presbytero baptizatus .

RESPONDEO 1. Nullus ex his auctoribus inter patres recensetur . 2. Auctores illi non alia nituntur auctoritate quam Pontificalis Damaso adscripti , cuius auctoritas exigua est , ut catholici scriptores consentiunt , nominatim Cardinalis Baronius , a quo passim in *annalibus* vapulat , & gravis *discrepantiæ* convincitur . 3. Nullus est ex illis auctoribus qui *directe tradat* , hanc unctionem institutam fuisse .

fuisse, ut omnino suppleret defectum Confirmationis, qua tamen de re hic agitur. 4. Ad summum ex illis testimoniis sequitur duntaxat, per verticis unctionem utcumque & pro humano modulo suppleri defectum Confirmationis: quod apparet tum ex ipsis Amalarii verbis: *hoc prævídens Sylvester, quantum potuit, subvenit*: tum ex verbis, quæ idem Amalarius proxime subjicit: agnoscit enim eum, qui unctus quidem in capite, sed minime confirmatus moritur, confirmato gratia & gloria inferiorem esse: "Liniendum est, ne illa differentia sit inter illum qui sine impositione manuum (confirmatoria) moritur & inter illum qui eam accipit, quæ est inter stellarum claritudinem, hoc est quamvis non excludantur a regno Dei propter cætera bona opera, tamen non habeant illum locum, quem haberent si illam acciperent." Tum ex Rabano, Amalario, Ruperto & Hugone, qui post verba citata, alium verticis, alium frontis unctioni effectum assignant, qua de re *supra*, ubi de IV. probatione: tum ex iisdem & Bellarmino, qui baptizatum, licet unctum in vertice, confirmandum esse unanimi consensu tradunt. 5. Auctores illi, si Rabanum excipias, ajunt hanc unctionem a Sylvestro institutam esse *propter absentiam episcopi & difficultatem eum consequendi*, Amalarius quidem, Hugo, & Rupertus affirmative, Bellarminus autem inconstanter & timide sibi ita videri scribens, non asserens: ac jure quidem. Ambrosius enim, Innocentius, Hieronymus, alique auctores seculi IX. priores, qui verticalis unctionis mentionem fecere, rationem istam nullibi attulerunt. Rupertus quidem & Hugo citant Pontificale pseudo-Damasi. Verum Pontificale illud præter quam quod incerti auctoris est ac fidei, neque citatum reperitur ante octavum seculum, hanc rationem minime refert, nulla enim alia nobis exhibet quam hæc verba: "Hic (Sylvester) constituit, ut baptizatum liniat presbyter chrismate levatum de aqua propter occasionem transitus mortis." Cætera Rupertus assuit, & ex eo Hugo Victorinus. 6. Innocentius I. in *epistol. ad Decentium cap. 3.* ait "presbyteris seu extra episcopum, seu præsentem episcopo baptizant, chrismate baptizatos ungere licet &c." His autem verbis tam Bellarmini conjectura, quam aliorum affirmatio revincitur: nam si baptizandi chrismate liniendi sunt a presbytero, seu absente, seu præsentem episcopo, ut docet Innocentius, patet unctionem hanc non ideo institutam esse, ut episcopo absente Confirmationem suppleat, cum illo præsentem & Confirmationem conferente peragatur. 7. Aliam Rabano, Amalario, Hugoni & Ruperto interpretationem asserunt theologi Parisienses. Contendunt enim ab iis stabiliri duntaxat necessitatem Confirmationis recipiendæ in re vel in voto, in re quidem cum potest recipi, in voto per susceptionem chrismationis verticalis cum recipi non po-

test : hanc expositionem ex Hugonis verbis colligere se existimant . “
 ” In gestis Pontificalibus , inquit , legitur quod Sylvester Papa con-
 ” stituit ut baptizatum presbyter in vertice chrismate liniat propter
 ” occasionem quidem mortis , ne forte per absentiam episcopi & dif-
 ” ficultatem eum consequendi , sine manus impositione baptizatum ab
 ” hac vita migrare contingeret : quod quidem omnino periculosum
 ” esset , quia sicut in baptismo remissio peccatorum accipitur ; ita per
 ” manus impositionem Spiritus paracletus datur : illic gratia tribuitur
 ” ad remissionem peccatorum ; hic gratia tribuitur ad Confirmatio-
 ” nem . Quid autem prodest si a lapsu erigeris , nisi etiam ad stan-
 ” dum confirmeris ? propterea timendum est iis , qui per negligen-
 ” tiam amittunt episcopi praesentiam & non suscipiunt manus im-
 ” positionem , ne forte propterea damnentur , quia festinare debue-
 ” runt dum potuerunt . Propter eos enim , qui articulo temporis
 ” praeveniuntur , instituta est illa , qua sacerdos baptizatum statim in
 ” vertice liniat , sacri chrismatis unctio , ut in hoc ipso ostendatur
 ” quantum sacramentum istud necessarium sit ad salutem , cum tam
 ” sollicitè universis cavetur ne forte sine ipso ab hac vita subtrahan-
 ” tur . “ Primum quidem observant haece verbis , (*ne forte sine ma-
 nus impositione baptizatum ab hac vita migrare contingeret*) agi de
 confirmatoria manus impositione ; tum quia verbis sequentibus illam
 opponit & æquiparat baptismo , ait per illam dari Spiritum paracle-
 tum , & gratiam dari ad Confirmationem ; tum quia dum baptizatus
 ungitur in vertice , manus ei non imponitur . Senlus igitur est Syl-
 vestrum statuisse unctionem verticalem fieri in baptismo , tanquam
 votum aliquod & desiderium consequendæ Confirmationis , ut illius
 videlicet participatione baptizatus protefteretur se habere votum susci-
 piendæ manuum impositionis confirmatoriae . 2. Observant has voces
 (*quod quidem omnino periculosum esset* .) Inde enim sequitur occur-
 ri periculo , in quo nondum confirmatus versaretur si non adhibea-
 tur verticalis unctio . At quomodo potest occurrì periculo isti per
 unctionem verticalem , nisi quatenus hæc includit Confirmationis vo-
 tum ? 3. Observant verba quæ sequuntur (*propterea timendum est iis*
ne forte propterea damnentur , quia festinare debuerunt dum potuerunt :)
 quibus adhuc exprimitur necessitas voti Confirmationis , cum istius
 suscipiendæ occasio desideretur . 4. Observant & ista verba (*propter*
eos qui articulo temporis praeveniuntur , instituta est illa . . . in verti-
ce . . . unctio , ut in hoc ipso ostendatur , quantum sacramentum istud
necessarium sit ad salutem .) Verticalis igitur unctio instituta est ad
 ostendendum Confirmationem ad salutem necessariam esse . Atqui non
 est instituta ad ostendendam necessitatem sacramenti Confirmationis ,
 si possit ejus effectum supplere . Eo enim ipso , quo illius effectum
 supplet , illam minime necessariam efficit . Non est etiam institu-

ta, ut sit sacramentum Confirmationis proprie dictum; nec enim Hugoni aut alteri theologorum unquam istud in mentem venit. Superest igitur ut instituta fuerit ad ostendendam necessitatem Confirmationis in re vel in voto; in re, ubi suscipi poterit; in voto, ubi suscipi non poterit.

OBJICIENS 4. Confirmatio episcopalis post institutam presbyteralem chrismationem baptismi non tam necessaria est, quam fuit antea. Hoc tradunt patres Arausici *canone* 1. ut habetur cap. *nullus, de consecrat. dist. 4.* &c. ut *supra*. Confirmationis igitur effectus suppletur per verticis unctionem.

RESPONDEO 1. Inde sequitur tantum Confirmationis effectum, utrumque suppleri per verticis unctionem. Etenim si perfecte & omnino suppleretur, verticalis unctio Confirmationem minime necessariam redderet. 2. Ex Hugonis sententia tantum abest ut verticis unctio necessitatem Confirmationis imminuat, ut ad eam expressius declarandam & testificandam instituta fuerit. 3. Canon concilii I. Arausici corruptus citatur a Leomelio: aliter enim legitur tum in ipsa synodo Arausica, tum apud Gratianum *loco laudato*. 4. Ex variis sensibus *supra* relatis qui a Bellarmino, Sirmondo, Aurelio, Petro de Marca, Cabassuto, glossa, & aliis adscribuntur huic canoni, nullus est qui Leomelio faveat.

OBJICIENS 5. Ritus qui agit ex opere operato, effectum sacramenti supplere potest. Atqui verticis unctio motiones fortitudinis & vigoris confert ex opere operato. Supplere igitur potest effectum sacramenti Confirmationis. Minorem tumentur Dominicus Soto in 4. d. 15. *quest. 2. artic. 3.* Valentia 3. *parte disputat. 7. quest. 5. puncto 1.* & Cajetanus in 3. *parte quest. 71. artic. 3. ad 4.* " Unctio, inquit, Cajetanus, chrismatis in vertice operatur quoddam actuale auxilium, faciens ex parte baptizati, ad conservationem gratiæ baptismalis. " Imo Innocentius III. *decretali epistola*, cum dicit " visibilem unctio- nem chrismatis operari invisibilem effectum, qui per eam significatur; (unctionem vero chrismatis in vertice) significare gratiam quam, quis redditur paratus omni petenti fidei reddere rationem; " certe significat unctionem verticis conferre actuale auxilium seu robur ad conservandam gratiam, ad reddendam fidei rationem ex opere operato. Hactenus Loemelius.

RESPONDEO 1. Doctrina quæ sentit, sacramentalia effectus, ad quos ab ecclesia instituta sunt, operari ex opere operato, est opinio quam pauci aliqui scholastici nuper excogitarunt, non solum præter scripturarum, sanctorum patrum & ecclesiæ auctoritatem, sed etiam contra sensum tum eorum omnium, tum omnis propemodum ipsius scholæ theologorum, 2. Major absolute falsa est: lustralis enim aqua, exorcismus, & alia id genus sacramentalia ex Soti sententia agunt ex

opte-

opere operato : quæ tamen nullius sacramenti effectum supplere possunt. 3. Opinio quæ putat verticis unctionem agere ex opere operato, nuper inventa est, nullo fundamento theologico nixa, omnis auctoritatis ac testimonii experta, sine quo tamen res facti ac voluntatis divinæ, qualis ista est, affirmari non debuit. 4. Dominicus Soto asserit quidem verticis unctionem peccata venialia remittere *per motum reverentie in Deum & ad res divinas*, quem illa præstat ex opere operato, sed non ait unctionem illam conferre motiones fortitudinis & vigoris; multo minus supplere præcipuum Confirmationis effectum. 5. Cajetanus quidem ait unctionem illam *operari quoddam auxilium actuale*, sed nusquam tradit illam agere ex opere operato, nec operis operati mentionem unquam facit, ubi de sacramentalium operatione disputat. 6. Eadem levitate objicitur Innocentius III. nam ex eo quod doceat visibilem chrismatis unctionem operari invisibilem effectum, *qui per eam significatur*, quis, quæso, inde colligat, dici ab eo verticis unctionem operari effectum illum ex opere operato? 7. Innocentii textus sincere non refertur. Verba sunt Innocentii, "Unctio invisibilis & interior non solum est signum, sed etiam sacramentum, quia si digne sumitur, vel agit, vel auget absque dubio quod designat. *Et post multa* : "In vertice baptizatus inungitur, ut sit paratus omni peccati tenti de fide reddere rationem." 8. Innocentius priori loco, ut apparet, loquitur de *invisibili & interiori unctione* : adversarii de *visibili & exteriori*. 9. Innocentius priori loco loquitur de unctione, quæ licet invisibilis & interior, nihilominus *signum & sacramentum* est, scilicet modo, quo S. Thomas, & omnes cum eo scholastici signum vocant characterem sacramentalem, licet internum & spiritalem, eumque rem simul & sacramentum appellant : adversarii vero loquuntur de verticis unctione, quæ neque sacramentum neque invisibilis est. 10. Innocentius priori loco loquitur de unctione utriusque sacramenti ordinis & extremæ unctionis : adversarii de unctione baptismi. 11. Adversarii duo loca, quæ dividit Innocentius, adunant; & adunando diversum ab Innocentio sensum efficiunt. Plures unctiones Innocentius distinguit; alia enim fit in ordine, alia in extrema-unctione, alia baptismum præcedit & fit in pectore, & alia quoque baptismum præcedit & fit inter scapulas, alia baptismum subsequitur & fit in vertice, alia pertinet ad Confirmationem & fit in fronte, alia denique pertinet ad altaris consecrationem, de quibus septem unctionibus agit Innocentius eodem ordine : de duabus primis ita loquitur : "Scire te volumus duas esse species unctionis (sic ille respondet Bracarensi episcopo qui sine chrismatis unctione consecratus fuerat) *exteriorem &c.* & *interiorem &c.* unctio visibilis & exterior, signum est interioris & invisibilis unctionis. Unctio vero invisibilis & interior, non solum est signum, sed etiam sacramentum : quia si digne su-

,, mi-

„ritur, vel agit vel augeat absque dubio quod designat. “ Postea cæremónias in episcoporum unctione adhiberi solitas, pluribus explicat. De tertia vero, quarta, & quinta unctione paucis ita differt. “ In pectore baptizandus inungitur ut per Spiritus sancti donum abiciat errorem & ignorantiam, & suscipiat fidem rectam, qua iustus ex fide vivit: inter scapulas ut per Spiritus sancti gratiam excutiat negligentiam & torporem, & bonam operationem exerceat. In vertice vero baptizatus inungitur, ut sit paratus omni petenti de fide reddere rationem, quia per caput intelligitur mens. “ Quod igitur de unctionis efficacitate Innocentius scripserat priori capite, cum de unctionibus ordinis & extremæ unctionis differeret, hoc adversarii copulant cum iis quæ posteriori capite scripta sunt de verticis unctione. 12. Nullum ab Innocentio verticis unctioni tribuitur *robur*, quo fides in baptismo suscepta defendatur: sed lux qua fides illa explicetur. 13. Innocentius maiorem unctioni inter scapulas fieri solitæ, quam verticali tribuit, quam tamen nemo dixerit operari ex opere operato.

S E C T I O III.

Utrum posterior Confirmationis effectus, de quo præfati regulares, per verticis unctionem suppleri possit.

UT circa propositam difficultatem aperiamus patrum ac theologorum mentem, traditamque ab adversariis doctrinam simul refutemus, plures propositiones instituemus, quarum prior erit

A S S E R T I O I.

Secundus Confirmationis effectus, qui est perfectio christianismi, non solum consistit in extrema corporis, sed & in interna animæ unctione.

PROBATUR hæc assertio primum quidem ex Cypriano *epistol.* 70. “ Uñgi necesse est eum qui baptizatus sit, ut accepto christomate, id est unctione, esse unctus Dei & habere in se Christi gratiam possit. “ Hæc enim ad solam exteriorem unctionem non pertinent, sed & ad interiorem, quæ fit per gratiam ab exteriori significatam. 2. Ex Cyrillo Hierosolymitano *catechesi* 3. “ Unquento quidem visibili corpus inungitur, sancto vero ac vivifico, Spiritu anima sanctificatur. “ 3. Ex pseudo-Urbano *epistola unica, cap. 7.* “ Omnes fideles per manus impositionem episcoporum Spiritum

„ritum sanctum post baptismum accipere debent, ut plene christiani inveniuntur. “ 4. Ex auctore sermonis de *unctione christiatis*, apud Cyprianum. “ Non solum in regibus & sacerdotibus unctionis honor permansit, sed in omnem populum christianum effusa est ejus gratiæ plenitudo, ut, sicut Christus a chrismate dictus est, eo quod singularis excellentiæ oleo unxit eum Deus: ita & participes ejus, quotquot sunt, consortes sint tam unctionis quam nominis, & dicerentur a Christo christiani, ut sint sui Christo duce rectores, & duces, & offerant Deo quotidianum sacrificium, ordinati a Deo sanctimonia sacerdotes. “ Hæc, opinor, ad unctionem interiorē spectant. Nec enim Christus externa quadam unctione, sed interna & spiritali unctus est psalm. 44. *Unxit te Deus, Deus tuus, oleo lætitiæ præ consortibus tuis.* Isaiz 61. & Lucæ 4. *Spiritus Domini super me, propter quod unxit me.* Danielis 9. *Ungetur sanctus sanctorum.* Act. 4. & 10. *Unxit eum Spiritus sancto & virtute.* Sicut igitur salvator Christus seu unctus dicitur ab unctione interiori; ita fideles ut perfecte sint christiani, perfecteque dicantur uncti, interior desideratur unctio.

A S S E R T I O II.

Hæc interior unctio per quam neophytus fit perfecte christianus, non est gratia baptismalis, sed gratia Confirmationis.

Hæc assertio ex priori sequitur. Textus enim citati loquuntur de unctione & gratia interiori, quæ baptismum præsupponit.

Confirmatur. Communis est theologorum doctrina, communem omnium sacramentorum effectum esse gratiam justificantem, quæ licet in singulis forte secundum unitatem & specificè non differat, distinguitur tamen appellatione, eaque non inani & vacua, sed quæ varios in re supponat effectus, quos illa in rite digneque suscipientibus operetur: ver. gr. in baptismo gratia rationem habet regenerantis; in eucharistia cibantis & potantis; in poenitentia medicinalis & resuscitantis; in Confirmatione perficientis & consummantis. Proprius igitur effectus Confirmationis est gratia pro ut baptismalem perficiens & consummans fidelemque confirmans. Quare sicut aliquis, quantumcumque perficiatur aliunde, ver. gr. per baptismum aut poenitentiam, aut alia quæcumque pietatis opera, si tamen ab eucharistiæ sumptione absteineat, nunquam habebit gratiam per modum cibantis; ita qui necdum fuerit confirmatus, non habebit gratiam illam perfectricem & confirmatricem, a qua perfecte christianus appellatur, nisi Confirmationem in voto forte habuerit: alias enim Confirmatio in voto ardentissime expetita potest, Deo ita supplente, (ut qui suam virtutem sacramentis non alligavit) opor-

rari gratiam perfectricem & conlummatricem, sicut spiritalis communio, ubi sacramentalis actio haberi non potest, dummodo sit in voto, dicitur prodesse animæ per modum cibi ac potus.

A S S E R T I O III.

Fidelis licet chrismate unctus in baptismo, nondum tamen ab Episcopo confirmatus, perfectus christianus dici non potest in sensu patrum.

PROBATUR I. Quia conceptis terminis ita docent Cyrillus Hierosolymitanus, Concilium Aurelianense, pseudo-Clemens, & pseudo-Urbanus, de quibus *supra*. 2. Quia hæc interior unctio, per quam fidelis fit perfecte christianus, suppleri non potest per baptismum, ex articulo *precedenti*; quanto minus per baptismi cæremoniam, qualis est verticalis unctio. 3. Nemo unquam docuit nos unctione verticali christianos effici; quanto minus perfectos fieri christianos. 4. Absque religionis contemptu dici non potest, christiani nominis perfectionem & plenitudinem in sola unctione corporea, & externa denominatione consistere, ita ut homini baptizato nihil desit ad perfectionem & plenitudinem christiani nominis, nisi externa unctio & quidem cæremonialis. 5. A religionis sanctitate videtur alienum, asserere sanctos patres docuisse, nos per Confirmationem eatenus solum perfectos christianos reddi, quatenus ab ea exteriorem quemdam effectum percipimus, hoc est externam unctionem, qua denominamur exterius uncti. 6. Hæc opinio prope admodum ad Calvini aliorumque hæreticorum errorem accedit, qui revera sacramentorum operationes penitus externas faciunt, nec aliud esse putant, nisi notas & tesseras exteriores, & plane sacramenta Judaica. 7. Mutantur in meras cæremonias mysteria christianæ religionis, si nihil in homine baptizato ad christiani nominis perfectionem desideretur, nisi externa & corporea unctio, & hæc præcise unctione sacramentum Confirmationis eum perfectum christianum efficiat.

OBJICIES 1. cenferi plene perfecteque christianum, & jure meritoque appellari christianum, apud Patres, rem eandem significant. Sic Cyrillus *catechesi* 3. "Hoc accepto chrismatis dono merito appellamini christiani." "Justinus martyr *quest.* 137. "Ungimur in baptismo, ut Christi & uncti dicamur." "Cyprianus *epist.* 70. "Necessum est ungi baptizatum, ut recepto chrismate esse unctus Dei, & habere in se Christi gratiam possit." "Sed qui chrismatur in baptismo presbyterali unctione in vertice, merito appellatur christianus. Hujus rei testis est Gerson *tomo 2. operum, col.* 75. "Post baptismum, fit unctio chrismatis in vertice, ut appareat mens imputribilis Deo," & ut

„ & ut Spiritui sancto participando , merito appellaretur christianus , hæres jam regni effectus . “ Quod ipsum etiam affirmant duo episcopi Rabanus Moguntinus , & Ivo Carnutenſis ; totidem pene verbis , a quibus Gerson ſua ſumpſit . Igitur baptizatus & unctus in vertice merito appellatur christianus , atque adeo in ſenſu patrum eſt plene perfectæque christianus . Haſtenus Loemelius .

RESPONDEO 1. Juſtinus martyr non eſt auctor *quaſtionum* , & *reſponſionum orthodoxarum* . 2. Cyprianus accurate non citatur . Sic enim habetur , “ Ungi quoque necelle eſt eum qui baptizatus ſit , ut accepto chriſmate , id eſt unctiōe , eſſe unctus Dei , &c. “ 3. Adverſarii hæc duo perperam confundunt , *eſſe plene perfectæque chriſtianum* , & *jure meritoque appellari chriſtianum* . Nemo eſt qui non jure meritoque homo dici debeat , licet non omnes perfecti homines dicantur , ſed multi imperfecti quibus , vel pars hominis integritati neceſſaria , vel perfectio naturalis homini debita deſuerit . Infantes certe in maternis uteris , in cunis , & in puerilibus annis jure meritoque dicuntur homines , quos tamen perfectos homines nemo dixerit . Itaque licet adverſarii probarent ſine Confirmationis ſacramento quempiam jure meritoque appellari chriſtianum , non idcirco illum perfectum chriſtianum eſſe oſtenderent . 4. Verum non eſt hæc duo a patribus pro eodem haberi . S. Auguſtinus enim *de paſtor. cap. 13.* catechumenos vocat chriſtianos , quos tamen nemo perfectos chriſtianos vocaverit : imo ſecunda ſynodus œcumenica *can. 7.* gentiles ad eccleſiam accedentes ait *prima die fieri chriſtianos* , ſecunda catechumenos , tertia exorcizari &c. 5. Cyprianus , Cyrillus & auctor *quaſtionum* loquuntur de frontis ſeu Confirmationis unctiōe , a qua fidelem ajunt appellari chriſtianum , non autem de unctiōe baptiſmi ſeu verticis . 6. Argumentum peccat in forma . Ut enim recte concludat , ſubjici debet in minore : Sed apud eoſdem patres qui chriſmatus , &c. quæ propoſitio tunc erit falſa , nec enim Cyprianus , nec Cyrillus , nec auctor *quaſtionum* alicubi docuerunt , fidelem jure meritoque chriſtianum appellari ab unctiōe verticis . 7. Nedum Cyprianus , Cyrillus aut ille auctor , ſed nec ullus , quod ſciam , patrum hanc denominationem a verticis unctiōe repetiit . 8. Ridiculum eſt probare eos qui chriſmate uncti fuerint , chriſtianos eſſe ſenſu patrum , quia eos Gerſo , Rabanus , & Ivo chriſtianos vocant , quaſi vero omnia quæ in ſcriptis Gerſonis , Rabani , & Ivonis ſunt , ſint in ſcriptis patrum , & illi de ſuo ſenſu nihil protulerint , quod ante non ſcripſerint patres . 9. Rabanus *lib. 1. de inſtit. cleric. cap. 20.* Ivo *ſerm. de ſacramentis neophytorum* , quibus addes Bedam in *psal. 26.* Hugonem *lib. 2. de ſacramentis parte 7. cap. 1.* & Innocentium III. *de ſacra unctiōe , titulo 15. cap. unico* , non dicunt fidelem merito appellari chriſtianum ab unctiōe verticis , ſed a Chriſto , & a Chriſti conſortio , Chriſt-

Christum vero a chrismate seu unctione interiori, qua unctus est a Spiritu sancto. 10. Non desunt qui Gersonem ita explicant, quasi per verticis unctionem significari & declarari voluerit mentem in baptismo sanata fuisse, & nos merito appellari posse christianos, quia in baptismo Spiritui Christi participavimus, seu Spiritu Christi uncti fuimus. Ita Petrus Aurelius, cujus expositio falsa, & violenta mihi videtur. Falsa quidem: nec enim gratia baptismali proprie dicimur ungi, sed ablui; violenta vero, sic enim habet Gerson 2. parte in compendio theol. de septem sacramentis, cap. de baptism. ubi de caeremoniis: "Post baptismum fit unctio in vertice, ut Spiritui sancto participando merito appellaretur christianus hæres jam regni effectus in baptismo. Christiani igitur denominationem ab unctione verticali repetit. Verum aliud est quempiam ab unctione verticis christianum appellari, aliud ab eadem vocari perfectum christianum: prius asserit Gerso, posterius ei adversarii imponunt. 11. Ut ut sit, Gerso, quantus quantus est, minor tamen est quam ut patribus aliisque citatis auctoribus opponi possit, quorum nullus ait fidelem ab unctione verticis appellari christianum, quanto minus christianum perfectum.

OBJECIES 2. Qui est plene & undequaque unctus, debet christianus pleno ore, & merito appellari, & censi. Sed baptizati, & chrismati in vertice sunt plene uncti anima, corpore, interior, exterius. Quod corporaliter & exterius caeremonia unctionis sint consecrati, patet ad oculum: quod autem etiam interior sint uncti plenitudine, & perfectione gratiæ sufficientis ad salutem tradit expresse Sanctus Thomas. "Est, inquit in 4. distinct. 7. quæst. 1. artic. 1. quæst. 2. ad 1. plenitudo gratiæ christianæ sufficiens ad salutem, & hæc datur in baptismo: & est plenitudo gratiæ ad fortiter resistendum, & hæc datur in Confirmatione, & sine hac potest esse salus. "Igitur cum baptizati, & chrismati in baptismo sint plene perfecteque undequaque uncti, pleni & perfecti christiani, seu uncti dici debent, secundum illud S. Augustini lib. 17. de civit. Dei, cap. 4. "Omnes chrismate unctos recte Christos dicere possumus. "Ita adversarii.

RESPONDEO 1. gratia baptismali fidelem proprie non ungi, sed ablui: qua de re supra. 2. Gratiam baptismalem esse duntaxat plenitudinem gratiæ sufficientis ad salutem. Gratiam vero qua quis perfecte christianus dicitur, esse plenitudinem gratiæ ad robur, quæ in solo Confirmationis sacramento conceditur, ex S. Thoma. 3. Unctio exterior, qua perfecti christiani dicimur, ea esse debet, quæ sit causa, & signum unctionis interioris, ut de ea dici possit quod de unctione, quæ in Confirmatione adhibetur, dixit Tertullianus, *ca. 10 ungitur ut anima consecratur*. Atqui verticalis unctio nec est causa

fa interioris unctionis ; neque enim hæc cæremonia vim habet per se animam sanctificandi ; alioquin verum esset sacramentum nec unctionis interioris symbolum est , quia gratia baptismali proprie non unguimur , sed abluimur . 4. Mutilatus est S. Augustini textus : sic enim habet : “ Omnes quippe unctos ejus (id est Christi) chrisma-
 „ te , recte Christos dicere possumus . “ Christi autem chrisma illud
 est quo Christus unctus est a patre , juxta illud psalm. 44. *Unxit te
 Deus oleo lætitiæ* , quod oleum est spirituale . Quare locus iste non
 facit ad propositum . Sed etiamsi sermo foret de chrismate corpo-
 reo , locus pro nobis faceret , quia chrisma confirmatorium est chris-
 ma Christi . Chrisma vero baptismale est chrisma ecclesiæ , non chrisma
 Christi .

OBJICIES 3. Qui plenum & perfectum christianismi sacramentum ac-
 cepit , plene perfecteque christianus censetur . Atqui baptizatus , & a sa-
 cerdote in vertice unctus sacramentum christianismi perfectum suscepit .
 Igitur &c.

RESPONDET Simeon Thessalonicensis archiepiscopus , in libro quem
de septem sacramentis composuit , fidelem qui baptizatus quidem est ,
 minime vero confirmatus , non esse perfecte baptizatum , quia Con-
 firmatio est baptismi perfectio . “ Igitur , inquit , necessario indigemus
 „ nos quoque hujus spiritualis unguenti , ac magis in ipso baptisma-
 „ te : neque erit quispiam perfecte baptizatus , qui unguentum non sus-
 „ cepit , &c. quia pignora gratiæ , & signaculum Spiritus nondum
 „ habet .

RESPONDEO cum Arcudio *lib. 1. de baptismo , cap. 14.* “ Aliud
 „ esse perfecte christianum , & aliud perfecte baptizatum . Est enim
 „ quispiam perfecte baptizatus solummodo propter merum baptismum ,
 „ neque enim per aliud sacramentum potest baptizari ; neque baptis-
 „ mus in se admittit magis , & minus . “ Ut vero perfecte christia-
 nus quispiam sit , non tantum requiritur ut perfecte sit baptizatus , sed
 etiam ut sit confirmatus . Hæc exponi possunt exemplo parvuli recens
 nati , qui ex utero materno feliciter exivit . Perfectam ille habuit nati-
 vitatem , nondum tamen est perfectus homo , quia nondum perfecte
 adolescit .

QUÆSTIO TERTIA.

De tertio Confirmationis effectu.

Tertius Confirmationis effectus est character, de quo inquiritur;
1. quidem quid fides doceat; deinde quid apud Theologos controvertatur.

A R T I C U L U S I

Quid doceat fides.

DE Confirmationis characterē ita definit sacra synodus Tridentina *sess. 7. canone 9.* adversus Lutheranos, & Calvinistas: " Si quis dixerit in tribus sacramentis, baptismo scilicet, Confirmatione, & ordine non imprimi characterem in anima, hoc est signum, quoddam spiritale, & indelebile, unde ea iterari non possunt, anathema sit. " Veritas igitur fidei est, Confirmatione characterem imprimi.

PROBATUR 1. ex loquendi modo, quo patres asserunt nos in Confirmatione signari tanquam milites Christi. Quemadmodum enim signaculum militiæ corporeæ quodammodo indelebile est, quatenus a deserto non amittitur; ita signaculum militiæ christianæ, qui character est. Patres vero qui hanc loquendi formulam usurparunt, hi sunt: Tertullianus *libro de præscriptionibus*, ubi docens, quomodo diabolus in misteriis idolorum æmulatur mysteria nostra, ait: " Signat & ille in fronte milites suos. " Cornelius Papa *in epistola* de Novatiano, " Neque Domini sigillo ab episcopo obsignatus fuit. " Cyprianus *epistola 73.* " Sigillo dominico consummantur. " Aurelius Prudentius, " Post inscripta oleo fronti signacula. " Innocentius I. *in epistola ad Decentium*; " Ut consignent. " Theodoretus *lib. 4. in Cantica*, " Velut sigillum quoddam regium suscipiunt. " Leo magnus *serm. 4. de Nativitate*. " Signaculum vitæ æternæ. " Quod autem signaculum militiæ christianæ sit nota quædam indelebilis, docet Sanctus Augustinus *lib. 2. contra Epistolam Parmeniani, cap. 13.* " An forte minus hærent sacramenta christiana, quam corporalis hæc nota, cum videamus nec apostatas carere baptismo, quibus utique per pœnitentiam non restituitur, & ideo amitti non posse judicatur.

PROBATUR etiam ex Augustino *sermone de catasismo, cap. 1.* " Baptizatus es, signatus es regio characterē, cœpisti consequi annonam
Wisse de Confirmatione. Rr „ de

„ de mensa regis tui. “ His vero verbis *signatus es regio charactere* indicatur sacramentum Confirmationis, sicut & consequenti capite hisce verbis, *unctus oleo*, Confirmatio significatur: „Baptizatus es,“ inquit, mundatus es, unctus es oleo &c.

PROBATUR 3. ex libro 2. contra litteras *Petiliani*, cap. 104. ubi Petiliano baptismum apud hæreticos esse irritum arguente ex invaliditate sacramenti Confirmationis eorundem, & ad id probandum abutente verbis istis psalmi: *oleum peccatoris non impinguet caput meum*: Augustinus aperte asserit, Confirmationem perinde ac baptismum, valere apud hæreticos. Unde sic colligo: S. Augustinus in baptismo characterem agnoscit, quia in bonis, & malis, catholicis, & hæreticis reperitur, nec in ipsis amittitur, sicut regis character in desertore non deletur. Atqui ex eodem S. Augustino hac in re eadem est ratio Confirmationis, quæ baptismi. Character igitur effectus est utriusque sacramenti.

PROBATUR 4. ex Gregorio Nazianz. aliisque patribus Græcis, quos refert Arcudius de *Confirm.* cap. 23.

PROBATUR 5. Confirmatio iterari non potest ex dicendis *infra*. Est igitur perpetua, & indelebilis. Atqui non est indelebilis quoad actum; ejus enim administratio transit: nec quoad effectum qui est gratia sanctificans: hæc enim in peccatore deperditur. Superest igitur ut sit indelebilis quoad effectum qui est character. Accedunt rationes variz convenientes, quæ legi possunt apud Guillelmum Arvernum, Alexandrum Alensem, Sanctum Thomam, Sanctum Bonaventuram, Aureolum &c.

A R T I C U L U S II.

De variis theologorum placitis circa characterem Confirmationis.

DE Confirmationis charactere tria dubitantur: 1. quid ille sit character; 2. utrum ille specificè differat a charactere baptismi: 3. utrum ille baptismi characterem præsupponat.

Quod ad primam quæstionem attinet, plures definitiones afferuntur. Hæc omnium optima mihi videtur. Character est potestas spiritualis, supernaturalis, instrumentalis & indelebilis, per quam christianus, quasi miles Christi, deputatur ad fidem propugnandam adversus hostes ipsius visibiles.

Quod ad secundam, triplex est veterum theologorum opinio. Alii affirmant utrumque baptismi, & Confirmationis characterem entitative, specialiter & specificè distingui. Ita S. Thomas, & S. Bonaventura, Alexander Alensis, &c. eaque doctrina quæ hodiernis scholasticis certa est,

est, non nisi probabilis visa est Aureolo. Alii docent utrumque characterem differre quidem secundum magis & minus, non tamen specificè. "Dicunt quidam, inquit Aureolus, quod utrobique character est idem, specificè, differens tamen penes intensum & remissum, quoniam in gradu intensiori in Confirmatione infunditur, quam in baptismo, & in gradu intensiori in ordine, quam in baptismo, & Confirmatione: "quemadmodum gratia sanctificans in illis tribus sacramentis eadem est specificè, diversa tamen ratione gradus; uberior enim in Confirmatione & uberior adhuc in ordine confertur. Accedit quod per baptismum fidelis generatur, & per Confirmationem adolescit in virum perfectum: sicut autem parvulus cum adolevit, a seipso non differt nisi mole quantitatis; ita fidelis, qui in christianum perfectum adolevit, non differt nisi mole virtutis. Alii denique ne differre quidem volunt intensive, sed duntaxat extensive, quatenus character baptismalis per Confirmationem extenditur, eoque deputatur, ut fidelem efficiat perfectum christianum, perfectumque militem; eo fere modo, quo in Paludani sententia, episcopatus est mera characteris sacerdotalis extensio.

Tertiam difficultatem accurate tractavit S. Thomas 3. par. qu. 72. art. 6. quem ibi consulens, ne acta iterum agamus: hanc doctrinam theologi communiter recipiunt: ab ea tamen recedit Petrus de Alliaco in 4. quest. 4. ad 4. "Potest dici, inquit, quod baptismum flaminis præcedere non requiritur simpliciter, sed vel ipsum, aut aliquid æquivalens.

FINIS TERTIÆ PARTIS.

PARS QUARTA.

De proprietatibus Confirmationis.

TRES sunt Confirmationis proprietates , de singulis agendum .

ARTICULUS PRIMUS.

De dignitate Confirmationis.

ADversus ejus dignitatem plura Calvinus effudit , quæ falsa , inepta , temeraria , & calumniosa sunt . Illa referens , & refelles .

Nobilior est baptismo ex auctore anonymo apud Cyprianum edit. Rigaltii, ex Paciano *epist. 1. ad Sympronianum*, "Lavacro peccata purgantur, chrismate Spiritus sanctus superfunditur." Videfis & Dionysium *lib. de hierarch. eccles. cap. 4. initio*, & *cap. 5. par. 1. §. 5. & 3. par. num. seu §. 3.* Idem Dionysius illam eucharistiae coordinatam ait *de celesti hierarchia cap. 4. initio*. Accedunt patres *supra citati*, quibus probatum est baptismalem gratiam per Confirmationem perfici, & fidelem per illam perfectum christianum effici.

Illam baptismo inferiorem esse innuit Hieronymus *in dialogo advers. Luciferianos*, *cap. 3.* sub finem, ubi eam vocat *quid modicum* (respectu baptismi) "Tu vero qui ab Arianis recipis baptismum, & ei tribuis baptismum; quo pacto, quasi modicum quid ei defuerit, sanctum advocas Spiritum, cum baptismum Christi sine Spiritu sancto nullum sit?" Illam baptismo inferiorem dicit S. Hieronimus Patriarcha *respons. 1. ad Wittemb. cap. 7.* "Cæteris sacramentis potiora sunt baptismum & divina communio.

Utramque opinionem aliqui componunt, asserentes Confirmationem baptismum superiorem esse secundum quid, inferiorem simpliciter.

ARTICULUS II.

De necessitate Confirmationis.

Quæri potest, 1. utrum Confirmatio necessaria sit necessitate mediæ: 2. utrum necessaria sit necessitate præcepti: 3. utrum necessaria sit ad ordines suscipiendos: 4. utrum necessaria sit ad Eucharistiam suscipiendam.

S E C T I O I.

Utrum Confirmatio necessaria sit necessitate mediæ.

A Nonymus qui extat ad calcem Cypriani non agnoscit ejus necessitatem *supra*, parte 1. pag. 182. Idem, ni fallor, Cyprianus in una e suis epistolis: videbis Hallerium in *defensione eccles. hierarchia*, lib. 2. cap. 4. pag. 99. 100. &c. Videbis auctores seculi noni, decimi, undecimi, & duodecimi a nobis parte 1. citatos, ac præsertim Rabanum, Amalarium, & Hugonem Victorinum, item auctorem 50. *boniliarum*, Ambrosium de *iniciandis*, cap. 6. initio, & lib. 2. de *sacramentis* cap. 7. in fine, Gregorium magnum, lib. 12. *epist.* 31 qui præcipit "Confirmationem iterari, quæ facta probari non potest, ne" talis dubitatio ruina fidelibus fiat.

Sylvester in ejus subsidium instituit unctionem verticalem; pseudo-Melchiodas apud S. Thomam 3. par. qu. 72. art. 8. *object.* 4. victuris, non autem continuo morituris, necessariam existimat. Idem Hilarius Arelatenensis *homilia de pentecoste*, seu quisquis ejus auctor est.

Utrum sit unicum & solum ordinarium medium specialiter institutum a Christo ad faciendos christianos perfectos, &c. videbis Petrum Aurelium *tomo 2. seu in vindiciis a pag. 54. ad pag. 61. Hallerium loco citato.*

Errores quorundam theologorum circa necessitatem apud Aurelium *tomo 2. seu in vindiciis pag. 43. & alibi item Hallerium ibid.* Videbis S. Thomam 3. par. qu. 72. ar. 8. præsertim ad 1. & 4.

A S S E R T I O I.

Confirmatio non est necessaria necessitate mediæ ad salutem.

PROBATUR. Quia sine illa potest homo salvari, ut patet ex concilio Illiberitano, cap. 77. "Si quis diaconus regens plebem sine episcopo vel presbytero aliquos baptizaverit, episcopus eos per benedictionem perficere debet: quod si ante de seculo recesserit, sub fide, qua quis crediderit, poterit esse justus." Ex Hieronymo in *Epistola de Confirmatione.*

R r 3

dia-

dialogo adversus Luciferianos, " Multis in locis idem facilitatum repositum, ad honorem potius sacerdotii, quam ad legis necessitatem: " alioqui si ad episcopi tantum deprecationem Spiritus sanctus defluit, " lugendi sunt qui in viculis, aut in castellis, aut in remotioribus " locis per presbyteros & diaconos baptizati ante dormierunt, quam " ab episcopis inviserentur. " Ex auctore 50. *homiliarum, homil. de penitentie*, " Continuo transitis sufficiunt regenerationis beneficia, videtur, " Etur autem necessaria sunt Confirmationis auxilia. " Et ex praxi ecclesie quæ tanta sollicitudine non curat fideles confirmari, quanta sagaciter singulos baptizari.

A S S E R T I O II.

Necessaria videtur Confirmatio necessitate medii ut aliquis sit perfectus christianus.

PROBATUR. Quia sicut nullus baptismi effectum consequitur, nisi illum in re vel in voto suscipiat; ita nec Confirmationis effectum sine Confirmatione in re vel in voto suscepta: ex S. Thoma 3. *par. qu. 72. ar. 6. ad 1.* Atqui effectus Confirmationis est christianum perfectum efficere. Ergo.

S E C T I O II.

Utrum Confirmatio necessaria sit necessitate præcepti.

Videbis Hallerium in *defensione eccles. hierarchia lib. 2. cap. 5. pag. 113.* Petrum Aurelium *tomo 2. seu in vindiciis a pag. 61. ad 74. auctores seculi noni a nobis parte 1. citatos, præsertim Amalarium, tommum 11. Concil. Labbæi, pag. 1980. in fine. Anonymus apud Cyprianum nullam, ut dixi sectione præcedenti, agnoscere videtur ejus necessitatem.*

A S S E R T I O I.

Susceptio Confirmationis in re vel in voto adultis necessaria est necessitate præcepti ecclesiastici.

PROBATUR ex concilio Illiberitano *can. 38.* ubi de fidei per laicum in necessitate baptizato, " Si supervixerit, ad episcopum eum perducatur, ut per manus impositionem perfici possit. " Laodiceno *can. 48.* " Quod oportet eos, qui illuminantur, post baptismum inungi supercoelesti chrismate. " Hieronymo in *dialogo* " Non quidem abnuo hanc esse ecclesiarum consuetudinem, ut ad eos qui longe in minoribus urbibus per presbyteros & diaconos baptizati sunt, episcopus ad invocationem sancti Spiritus manum impositurus excurrat. " Gregorio magno *lib. 12. epist. 31.* præcipiente Confirmationem iterari,

,, quæ

quæ facta probari non potest, " Ne talis dubitatio ruina fidelibus fiat: " (supposita est hæc epistola) . Concilio Parisiensi VI. *cap. 33. lib. 1.* " Infirmis, & morte periclitantibus sicut baptismatis gratia succurrendum; ita incunctanter donum Spiritus sancti est tradendum. " Jona Aurelianiensi *lib. 1. cap. 7.* " Nequaquam a fidelibus tanti doni perceptio negligenter differenda, sed potius remoto torpore negligentia cum magna animi aviditate & devotione petenda & percipienda, ne sine ipsius doni munere quis rebus humanis eximatur. " Petro Damiani *serm. 1. in dedicat. eccles.* " Decretales paginae & SS. Patrum instituta decernunt non esse differendam post baptismum sacramenti hujus virtutem, ne nos inermes inveniat fraudulentus ille contortor, &c. " Hugone a S. Victore *lib. 1. de sacram. cap. 22. & lib. 2. par. 7.* Constitutionibus Odonis Parisiensis: " Post baptismum, inquit, debet suscipi sacramentum Confirmationis. " Videtis synodum Senonensem anno 1524. Mediolanensem IV. sub S. Carolo, Melodunensem 1579. Remensem 1583. Bituricensem 1584. *can. 7. de Confirmat.* Aquisensem 1585. Tolosanam 1590. Burdigalensem 1624. Quibus addes *can. 15.* sub Edgardo Anglorum rege, ut nullus ab episcopo confirmari diu nimium detestaretur: item *epist. 4.* quæ Clementi adscribitur, & *epist. pseudo-Urbani & pseudo-Melchiadis.*

A S S E R T I O II.

Susceptio Confirmationis in re vel in voto adultis necessaria est necessitate præcepti divini.

PROBATUR ex S. Thoma 3. *par. qu. 72. ar. 8. in corp.* " Per hoc sacramentum promovetur homo spiritualiter in ætatem perfectam. Hoc autem est de intentione naturæ, ut omnis qui corporaliter nascitur, ad perfectam ætatem perveniat. " Præterea ratio quæ unicuique præcipit ut suæ salutis consulat, requirit ut ille viribus instruat a Christo institutis ad evadenda pericula & tentationes superandas. Atqui per Confirmationem habemus a Christo vires ad conservandam fidem adversus ejus hostes. Hinc Cornelius Papa in *epist. ad Fabium Antiochenum*, observat Novatianum a fide defecisse, quia Spiritum sanctum minime suscepit in Confirmatione. 3. Rationes, quibus theologi docent eucharistiam necessariam esse necessitate præcepti divini etiam extra periculum mortis, quod per modum alimenti & roboris animæ instituta sit, æque concludunt pro divino præcepto suscipiendæ Confirmationis.

A S S E R T I O III.

Præceptum illud divinum obligat tempore persecutionis fidei, in gravioribus contra fidem tentationibus & in periculis mortis.

Rr 4

PRO-

PROBATUR prima pars. Quia Confirmatio instituta est ad vires nobis conferendas, quibus firmi simus in fide tempore persecutionum. Si quando autem præceptum divinum obliget de recipiendo sacramento, quo nobis vires præbentur ad profitendam fidem, eamque fortiter tenendam, maxime cum indigemus huiusmodi viribus.

PROBATUR secunda pars. Alioquin baptizatus exponeret se periculo excundi e seculo in infantia christiana, nondum affecutus plenitudinem christianismi, quod esset contra legem Dei præcipientis omnibus christianis ejusmodi plenitudinem. Recta enim ratio vult, ut omnis qui spiritualiter nascitur, ad perfectam ætatem pervenire contendat.

Ex his sequitur, adultum quemlibet non confirmatum teneri convenire (si possit) episcopum suum, vel alium pontificem, qui potestatem habeat, tempore persecutionis & gravioris contra fidem tentationis, etiamsi conveniri non possit sine magno incommodo: vel si conveniri non possit, teneri ad habendum illius votum.

A S S E R T I O IV.

Præceptum illud ecclesiasticum obligat, cum episcopus adest; paratus dare Confirmationem, nec baptizatus legitimam rationem habet ad differendum.

Id enim colligi videtur ex canonibus & statutis ecclesiæ *supra* relatis.

QUÆRES utrum parentes vi præcepti ecclesiastici, infantes qui sufficientem ætatem habent, adducere teneantur ad episcopum præsentem, & dare paratum Confirmationem.

RESPONDEO affirmative. Parentes enim tenebantur infantes ad episcopum adducere statim a percepto baptismo, quando Confirmatio statim post baptismum administrabatur: quanto magis nunc tenentur illos episcopos confirmandos offerre, cum ad idoneam ætatem pervenerunt?

S E C T I O III.

Utrum Confirmatio præmitti debeat ad virginum velamen, vel susceptionem ordinum.

PRæmitti debet ad virginum velamen ex Alcimo Avito *lib. de laude castitatis ad sororem* c. 19. *tomo 8. biblioth. Patrum*. Videfis Hallerium *de sacris electionibus* pag. 132. n. 26. Præmitti debet tonsuræ, & ordinibus ex Hallerio *ibid.* pag. 132. n. 26. & pag. 523. 524. & 525. item *tomo 2. concil. Labbæi*, pag. 1111. cap. 5. *tomo 14. pag. 866.* in fine; Godeau *in histor. eccles.* [Cornelius apud Eusebium, Novatianum, quod non esset confirmatus, a presbyterio submovendum esse docet.

S E C T I O IV.

Utrum Confirmatio præmissi debeat eucharistia.

VIdelicet tomo 2. concil. Labbei, pag. 254. cap. 24. & pag. 1160. cap. 4. & tomo 15. pag. 1088. can. 7. affirmat Joannes Nathanael apud Arcudium *de Confirmatione* cap. 12. pag. 86. col. 1. & 2. eamque Græcorum esse consuetudinem affirmare videtur.

Non nisi confirmatus olim admittebatur ad eucharistiam ex Albaspinæo in notis ad can. 78. Illiberitanum pag. 223. & 224. Gennadii Mafiliensis tempore id usu receptum fuisse videtur ut nemo ad eucharistiam, nisi qui chrismate & manus impositione communitus esset, admitteretur. Præmittebatur seculis VIII. & IX. nisi urgeret periculum mortis, ex Alcuino, Amalario & libro *de divinis officiis*. An tertio seculo idem mos fuerit, affirmat Albaspinæus; dubitat Dallæus lib. 1. *de Confirmat.* cap. 9. quia Cornelius qui in epistola sæpe citata “Novatianum, quod non esset consignatus, a presbyterio quidem summovendum fuisse docet, de eucharistia (quod, si quid hujusmodi fuisset, tali loco non videtur fuisse omittendus) nihil dicit. Quid enim ad eam causam gravius, atque atrocius asferri poterat, quam jus conficiendæ & fidelibus impertiendæ eucharistiæ ei homini datum, quam ne a ministris quidem consecratam accipere vel contingere fas erat? “Verum ex Cypriano, qui Cornelio æqualis, & ex Tertulliano qui superior fuit, apparet secundo & tertio seculo Confirmationem statim baptismum subsecutam fuisse, adeoque præmissam eucharistiæ.

A R T I C U L U S III.

De iteratione Confirmationis.

DE Confirmationis iteratione duæ sententiæ a Dallæo referuntur, altera Græcorum, altera Sirmundi: utrique enim chrismatis unctionem iterari vel iteratam fuisse concedunt: neutri tamen, si eorum mens accurate perpendatur, Confirmationem absolute & simpliciter iterabilem esse docuerunt. Sirmundus enim chrismationem existimat Confirmationi accidentalem esse: Græci vero illam quidem fatentur essentialem esse; sed uno duntaxat casu eam iterant, quia illam uno duntaxat casu deleri putant & extinguï.

Nimirum Sirmundus in Confirmatione distinguit manuum impositionem, & chrismatis unctionem: illam ait essentialem, istam accidentalem esse: illam negat aliquando iteratam, istam olim iteratam, modoque

que iterari posse concedit in *antirhetico* pag. 435. ejusque iterationem non fore noxiam seu præjudicantem. Nulquam vero Sirmundus asseruit Confirmationis sacramentum iterari posse. Græci autem illud iterant uno duntaxat casu, cum videlicet catholicus aliquis factus apostata, ad fidem revertitur. Quia illud per solam fidei negationem deleri putant & extinguui. Job quidem monachus in *tractatu de sacramentis* morem suorum Græcorum referens, ait "divini unguenti signaculum in duobus aliis casibus iterari, (nempe) cum inaugurantur reges, & cum Pontifices consecrantur." Verum illam unctionem nemo confirmatoriam dixerit. Cæterum mos ille Græcorum antiquior est. Illius meminit Nicolaus Cabasilas, qui floruit circa medium seculum XIV. in 2. oratione de vita in Christo, ubi quærit cur lex sacra statuatur, ut qui a fide catholica defecerunt, redeuntes divino unguento obsignentur, non autem rebaptizentur. Meminit & Georgius Cedrenus, qui scribebat anno 1065. Narrat enim Zilicam hæresim extinctam simul ac natam S. Methodii laboribus, moxque ejus sectatores cum principe suo Zilico, qui a secretis erat imperatori ad veram religionem conversos fuisse divinoque unguento unctos & perfectos. Methodius autem ille, de quo Cedrenus, ad sedem Constantinopolitanam ævæclius anno 843. obiit anno 847. Unde Goarius colligit morem illum apud Græcos jam observatum fuisse seculo nono.

A S S E R T I O I.

Confirmationis sacramentum nullo modo iterari potest.

Assertio hæc definita est in Concilio Tridentino sess. 7. can. 9. & ante synodum Tridentinam ab Eugenio IV. in decreto pro Armenis & ante Eugenium IV. can. 27. concilii Cabillonensis II. anno 813. item c. 6. Concilii Tarraconensis apud Gratianum de consecr. dist. 5. cap. 8. ubi discernitur, ut bis confirmati "non seculo, sed soli Deo sub habitu regulari vel clericali religiosissime famulentur:" & ante duas illas synodos a Gregorio II. epist. 2. ad Bonifacium anno 726. "De homine, qui a Pontifice confirmatus fuerat, denuo illi talis reiteratio prohibenda est." & ante Gregorium II. a Gregorio Nazianzeno in exhortatione ad sacrum lavacrum, ubi signaculum quod imprimitur chrismate, & quod vocat *ἡ ἀγιωτάτη βαπτισμα*, clarissime docet manere post mortem, atque ita deleri non posse. "Hoc, inquit, viventi tibi maximum est testamentum (ovis enim quæ sigillo insignita est, non facile patet insidiis. Quæ vero insignata non est, facile a furibus capitur:) & vita functo res est accommodata, quæ sepulturam comitur." Variæ rationes referuntur ab Arcudio lib. 2. de Confirmat. cap. 23.

A S S E R T I O II.

Confirmatoria manuum impositio iterari non potest.

PROBATUR ex epistola ad Hebræos cap. 6. "*Non rursum jaciemes fundamentum penitentiae ab operibus mortuis & fidei ad Deum, baptismatum doctrinæ, impositionis quoque manuum.*" Quo loco Paulus, ut apparet, loquitur de confirmatoria manus impositione: & ita interpretati sunt Chrysostomus, Theophylactus, Oecumenius &c. videlicet Arcudium *lib. 2. de Confirmation. cap. 23.* ac præsertim Augustinum *expof. in epistola ad Romanos.* Atqui manuum impositio, de qua ibi Paulus, iterari non potest, e Paulo *ibidem*, & ex Augullino *ibidem*.

OBJICITUR Augustinus dicens, quod "manus impositio sicut & oratio repeti potest," *lib. 3. de baptismo cap. 16. in fine.*

RESPONDEO manus impositionem, quam ibi repeti posse ait Augustinus, vel esse manus impositionem reconciliatoriam, ut contendit Bellarminus de *Confirmat. cap. 7.* vel esse manus impositionem generice & secundum se consideratam, non autem spectatam specificè, relative ac determinate ad neophytos ungendos, quæ quidem impositio super neophytos facta, super eosdem penitentes repetebatur: qua in re differebat a baptismo qui ex se suæque natura repeti non potest: vel si sit manus impositio considerata specificè, relative ac determinate ad neophytos confirmandos, loquitur Augustinus de manus impositione inter hæreticos collata, quam plures theologi nullam, atque ideo repetendam existimant in iis qui ab hæresi recedunt.

A S S E R T I O III.

Confirmatoria chrismatis unctio repeti non potest.

PROBATUR ex Paciano, Optato, Augustino *supra* citatis, Concilio Toletano VIII. anno 655. *can. 7.* "Sanctum chrisma collatum & altaris honor avelli nequeunt."

OBJICIT Sirmundus canonem 1. vel 2. Arausicanum, ubi chrismatio repetita dicitur.

Verum de textu & sensu hujus canonis *supra, parte 1. pagina 315. & seq.*

OBJICIUNT Græci canonem 9. concilii II. œcumenici, ubi Macedoniani & Apollinaristæ inter hæreticos recensentur, quos necesse est per chrismationem recipi. At Macedoniani & Apollinaristæ paucissimis ante illud concilium annis ab ecclesia defecerant, primumque ab eo concilio inter hæreticos recensiti sunt. Hæretici ergo ii omnes aut fere omnes cum in ecclesia nati & baptizati essent, confirmati fuerant;

rant; baptismus enim, Confirmatio & eucharistia simul, actione non interrupta, etiam infantibus, tunc temporis tradebantur. Cum igitur indistincte aliis hæreticis antiquioribus per unctionem recipiendis eos annumerant patres, decernunt consequenter Confirmationem catholicorum eo in casu repetendam.

Nego consequentiam. Concilii enim decretum eos non respicit, qui in ecclesia nati, baptizati & confirmati Macedonianorum & Apollinaristarum hæresim amplexi fuerant, sed eos tantum qui ab illis hæreticis baptizati fuerant. Nec opus fuit illud expresse distinguere, cum de jure communi certum esset unctionem catholicam nunquam esse repetendam. Sic intellexit decretum hoc Siricius *epistol. i. ad Himerium cap. 1.* Simili ratione tribus aut quatuor annis post exortam Novatianorum hæresim Cyprianus a Magno interrogatus quomodo Novatiani ad ecclesiam redeuntess essent recipiendi, multis contendit eos esse rebaptizandos, non distinguens an de Novatianis in ecclesia aut extra ecclesiam baptizatis intelligenda sit quæstio, supponens scilicet ut per se notum & concessum, baptizatos in ecclesia, per pœnitentiam, non per baptismum, esse recipiendos. Idem dicas de Macedonianorum & Apollinaristarum Confirmatione. Hoc igitur canone nisi non possunt recentiores Græci ut Confirmationem iterari posse demonstrant.

OBJICIUNT etiam Methodii Patriarchæ Constantinopolitani decretum, quo statuitur, ut christiani, qui ignorantia vel tormentorum vi fidem negarunt, redeuntess ad Ecclesiam, recipiantur per confirmatoriam chrismatis unctionem: de hoc decreto paulo fusius agendum est.

Methodii Patriarchæ Constantinopolitani nomine decretum refertur, mutilatum quidem & interpolatum *tomo 6. bibliot. Patrum*, & exinde apud Baronium *in annalibus ad annum 842. num. 20.* integrum vero a Goario *in eucologio pag. 876. &c.* in eo autem fideles, qui postquam fidem abnegarunt, ad ecclesiam redeunt, triplicis generis distinguuntur. Qui enim a fide recedunt, vel pueri sunt, vel adulti. Si adulti, vel propter tormenta, vel sua sponte fidem rejecerunt. Primi & secundi generis decernit "chrismate inungi, ut solent inungi", qui baptizantur: (postremos) ad sistentium ordinem omni vitæ suæ, tempore amandari juxta 73. canonem Basilii. "Decretum illud subsequuntur sex orationes, quarum duæ postremæ rubricis quibusdam interdistinguuntur. Prima & secunda oratione rogatur Deus, ut lapsi ad ecclesiam redeunt veniam indulgeat; tertia vero hæc verba continentur: "Servum tuum istum populi tui congregationi restitui permittite: "virtute & operatione sancti tui Spiritus mentem ejus irradiat, ut salutaris baptismatis scintilla in ejus anima insidens & relicta, aura gratiæ ventilata, spiritaliter rursus accendatur, & impressum ei sit

„gil-

„gillum in ejus corde & cogitationibus per crucis Christi tui signationem, per spem in te, & veritatis agnitionem evidentius appareat &c.“ Quarta & quinta oratio mere propitiatoria est. Quinque orationem proxime sequuntur hę rubricę. “ Et oratione (quinta scilicet) completa, sacro unguento accepto, secundum baptizatorum consuetudinem illum inungit, crucis signo expresso in fronte, & oculis, & naribus, & ore, & duabus auribus, & manibus, & pectore, & capulis, & genibus, dicens *Signaculum domini Spiritus sancti*. Et unctione perfecta sequentem orationem super caput ejus recitat “ (nempe sextam qua Deus oratur ut) “ per hujus unguenti unctionem servum suum ab erroris via revocatum in sua sanctitate & in recta fide custodiat. “ Hęc est illius decreti earumque orationum & rubricarum summa, quam referri oportuit, ut controversia circa illud opusculum rituale inter viros eruditos nuper exorta expendatur. Goarius enim illud vindicat Methodio Patriarchę Constantinopolitano, viro sanctissimo, Christi confessori, sacrarumque imaginum propugnatori, qui obiit anno 847. Arcudius vero tribuit Methodio, qui anno 1240. tribus duntaxat mensibus sedem Constantinopolitanam obrinuit. Genuinum illud Goarius contendit; adulterinum Arcudius; adulterinum aut saltem adulteratum Morinus. Goarius Armenopoli testimonio innititur, qui in scholio *ad canonem 1. titul. 4. sect. 5.* ubi de Christi negatore agitur, refert Methodii Patriarchę constitutionem: “ Sanctio, ” inquit, Methodii Patriarchę lapsos & conversos pueros, in captivitatem obductos, & metu vel ignorantia subactos, venia dignatur, sacro duntaxat eos oleo inungens.

Verum Armenopulus vulgo habetur multo antiquior quam revera sit. Illum enim post Balsamonem scripsisse demonstratur *ex scholio in can. 1. titul. 1. sect. 5.* ubi ait Agarenorum liberos, qui ab orthodoxis inviti baptizantur, eo quod baptismo utantur velut medicina & incantatione, esse rebaptizandos. “ Hoc enim, inquit, ita pronuntiatum est in synodo, quemadmodum Balsamon tradit. “ Cedreni quoque testimonio innititur, qui refert, Zilicum qui a fide catholica defecerat, ejusque affectas ad ecclesiam reversiones, divino unguento a B. Methodio unctos & perfectos fuisse. Hunc igitur morem apud Gręcos Methodius invenit, ut apostataz, qui fidem abnegassent, cum ad ecclesiam redirent, iterum confirmarentur. Verum aliud est illos apostatas divino chrismate unctos fuisse; aliud in eis confirmatoriam unctionem iteratam fuisse; nec enim quęlibet chrismatis unctio dicitur confirmatoria. Rituale autem opusculum, quale nunc extat, de Confirmationis unctione manifeste loquitur *numero 16.* ait enim, “ Non ” abs re dici posse Cedrenum de his obiter & paucis mentionem fecisse, se, admissionisque istius ritum, non ut a Methodio factus est, sed ” ut fieri videbat, retulisse.

Arcudius vero *lib. 2. de Confirmat. cap. 18. & 23.* & Morinus *ibidem*, plura referunt, ut probent illud opus adulterinum esse, sanctoque Methodio perperam adscriptum. Primum enim verisimile non videtur Methodium virum sanctissimum non observasse locum Pauli *ad Hebræos cap. 6.* "Simulque illius loci Græcos expositores, Chrysostomum, Theodoretum, Theophylactum, Oecumenium (quasi vero Methodius, qui obiit anno 847. Theophylactum & Oecumenium ætate sibi inferior res observare potuerit) & alios clarissime affirmantes talia fundamenta, baptismum & manuum impositionem, hoc est Confirmationem, nem, non nisi semel jaci posse." 2. Quia quotquot fideles apostolice facti, ad ecclesiam reversi sunt, nunquam alio modo ad ecclesiam admissi sunt, quam per pœnitentiam. Eos vero per manus impositionem in Spiritum sanctum & chrismationem, aut per alterutrum tantum admissos, plane est in universa Dei ecclesia inusitatum & inauditum, licet antiqua monumenta millies & millies de ejusmodi lapsis mentionem faciant, innumeraque variis temporibus statuta de iis sancita sint. 3. Quia Photius schismaticus qui Ignatium Methodii successorem e sede Constantinopolitana dejecit, in sua epistola encyclica, quamvis concessam a presbyteris Confirmationem mordicus defendat, nihilominus Latinos redarguens, qui confirmatos a suis presbyteris iterum confirmaverant, ait inauditam esse vesaniam, ut quis confirmationem chrismatis unctionem aliquando iteraverit. "Talem quis insaniam, unquam audit, quam isti mente capti audere non dubitaverunt, ut illos, qui semel chrismate uncti sunt, iterum chrismarent, excelsa divinaque christianorum mysteria in nugas & derisum convertentes?" Et *infra*: "Iterata chrismatio illorum qui baptizati sunt & chrismate uncti canonum auctoritate non indiget, ut opinor, ut damnetur; cum vel ipsa sola rei narratio superet omnem impietatis excessum."

Denique illud opusculum pluribus in locis adulteratum & interpolatum fuisse apparet ex variis lectionibus ab ipso Goario recensitis. Excusum enim a Goario euchologium fideles, qui sua sponte fidem abnegarunt, *ad fletum ordinem omni vitæ suæ tempore* amandat: Codices Regius, Barberinus, & Cryptoferratenlis non nisi *duobus annis*: excusum euchologium 73. Basilii canonem integrum describit, cujus ne mentionem quidem faciunt illi codices. Excusum euchologium refert sex orationes, & rubricas inter quintam & sextam interjectas: quinta & sexta oratio, & rubricæ inter illas interjectæ, sequuntur, neque in præfatis codicibus, neque in aliis vix reperiuntur. Quin etiam codex Allatianus neque Methodii canonem exhibet, neque aliam orationem, præter quartam & ultimam. Quæ cum ita sint, quis Goario opusculum illud quasi genuinum Methodii sæctum asserenti consentiat? præsertim cum ex citatis codicibus Cryptoferratenlis annum 1150, ex-

cedat, & Barberinus antiquissimus sit, litterisque majoribus & uncialibus scriptus, ex Morino *lib. 9. de penitentia cap. 9. nu. 16.*

Utrumque sit, apparet ex tertia oratione chrismatis unctionem lapsis ad ecclesiam redeuntibus adhiberi, non ut Confirmationis sacramentum in ipsis iteretur; sed ut ipsius animis inclusus baptismatis igniculus aura gratiæ in flammam spirituales excitatus accendatur, & sigillum, quod per Confirmationem impressum superstes est, evidentius appareat. Non invitus igitur concesserim, aliquam chrismatis unctionem a Methodio institutam & præscriptam, ut inclusum in ejusmodi lapsis ad ecclesiam redeuntibus igniculum baptismatis accendat; & impressum ac superstes in eis signaculum exciter. Nec aliud Cedreni verba postulant. Sed absit ut viro de fide catholica bene merito tribuam rituale illud opusculum, quale nunc extat. Opus est Methodio inferius, immutatum sæpius a Græcis & interpolatum.

Quæres utrum sicut iteratio baptismi, ita Confirmationis iteratio administrantem & susipientem irregulares efficiat.

RESPONDEO negative cum Scoto, Petro de Alliaco, Paludano & Soto. Quia omnis irregularitas in jure debet exprimi. Atqui jus canonicum nullibi decernit irregularitatem incurri per iteratam Confirmationis administrationem vel susceptionem.

FINIS QUARTÆ PARTIS.

PARS QUINTA.

De cæremoniis Confirmationis.

CÆREMONIÆ aliæ chrisma, aliæ unctionem respiciunt.

A R T I C U L U S I.

De cæremoniis chrisma respicientibus.

PRÆPARATIO & consecratio materiæ chrismatis apud Maronitas; *tomo 14. concil. Labbei pag. 348. in fine, & 349. apud Græcos ex variis euchologiis apud Goarium pagin. 637. 638. 639. sed præsertim ex Constantinopolitano; item tomo 11. concil. Labbei, parte 1. pagina 613. cap. 5.*

Consecratio chrismatis apud Maronitas *tomo 14. concil. Labbei, ibidem: apud Græcos, in euchologio Goarii pagina 639. 640. &c. videtis Bellarminum ubi de cæremoniis Confirmat. & Josephum Vicecomitem in opere de cæremon. Confirmat. qui & nonnulla refert in opere de cæremoniis baptismi. Videtis Honorium Augustodunensem lib. 3. de gemma animæ cap. 83. ubi ritum solemnem describit, quo ampulla deferrebat ad altare, illumque mystice interpretatur. Videtis ordinem Romanum, librum de divinis officiis, Amalarium, Walafridum, Pontificale Romanum, sacramentarium Gregorii Magni &c.*

Consecratio chrismatis accurate describitur a Ruperto *lib. 3. de div. officiis cap. 18.*

Hæc consecratio quolibet tempore fieri poterat, ex concilio Martini Bracarenensis *de consecrat. dist. 4. cap. 124. & ex concilio Toletano I. cap. 10. anno 400. & ex S. Thoma 3. parte quest. 72. articul. 12. ad 3. restricta ad diem cœnæ. Præclara apud Rupertum lib. 3. de divinis officiis cap. 18.*

Licuisse aliquando episcopis omni die chrisma conficere apparet ex canone 5. veterum canonum ecclesiæ orientalis, collectionis Martini Bracarenensis "Omni tempore liceat episcopis chrisma conficere." Sed ecclesiæ postea diem unicam huic consecrationi assignasse, feriam scilicet quintam in cœna Domini, patet ex concilio Meldensi *cap. 46. & epistola pseudo-Fabiani, & Zacharia Romano Pontifice epistola 3.*

ad Bonifacium. Jubebantur tamen presbyteri circa festivitatem paschæ petere chrisma ab episcopo, *ex locis relatis*, & ex concilio Liptinensi *cap. 3.* ac Valsensi *cap. 5.* quia necesse erat illos habere chrisma pro solemni baptismo paschali. Hinc mihi facile persuadeo, moris fuisse ut in sancta hebdomada consecraretur. Concilium Meldense, Zacharias Pontifex, *locis citatis*; & Bonifacius *epist. 12.* observant diem intra illam hebdomadam præscriptum suo tempore, fuisse feriam quintam in cœna Domini: cujus diei designationis multiplex ratio affertur. 1. Est Isidori Hispalensis, & auctoris libri *de divinis officiis*, "Quia ante biduum paschæ, Maria caput & pedes Domini unguento perfudisse" perhibetur. 2. Ejusdem auctoris, "Quia quinta ætate mundi Christus, itus ad nos pervenisse perhibetur." 3. Ruperti, quia agnus ea die immolabatur, & ejus sanguine postes obsignabantur. 4. S. Thomæ 3. p. *qu. 72. art. 12. ad 3.* quia illa die institutum est eucharistiæ sacramentum, ad quod cætera referuntur.

Illud chrisma quotannis renovandum est, & vetus comburendum, *ex epistola pseudo-Fabiani.*

Presbyteri parochiarum debent illud ab episcopo proprio petere, non a viciniore, ex concilio Valsensi *cap. 5.* Antissiodorensi *cap. 6.* Liptinensi *cap. 3.* Eadem est ratio monasteriorum.

Cautum est in concilio Cabillonensi II. *can. 26.* ne episcopi a presbyteris pro balsamo emendo ad chrismatis consecrationem aliquid accipiant: & in Aquisgranensi II. *cap. 5.* Meldensi *cap. 45.* ne aliquid exigant pro acceptione sacri chrismatis, seu episcopi, seu cæteri ecclesiæ ministri. Eadem lex sancita fuit in concilio Barcinonensi *cap. 2.* ut cum chrisma presbyteris diocesanis pro neophytis confirmandis datur, nihil pro liquoris pretio accipiatur, & ante in concilio Toletano XI. *c. 8.*

Chrisma quod presbyteri ab episcopis acceperunt, custodiri debet sub sigillo & serra: neq. licet illud alicui donare pro ulla necessitate, neque sub prætextu medicinæ, vel maleficii, neque ad subvertendum judicium. Videtur Heraldum Turonensem *cap. 22.* concilium Moguntinum *cap. 27.* librum 3. capitularium Caroli Magni *cap. 55.* concilium Turonense II. *cap. 20.*

Benedictio chrismatis apud Latinos.

Ritus quo chrisma benedicatur apud Latinos, quatuor complectitur.

1. Preces funduntur juxta apostolum 1. Timoth. *cap. 4.* scribentem, *Omnia sanctificari per verbum Dei & orationem.*

2. Fit signum crucis super oleum & balsamum; nihil quippe sine eo consecrari posse docent Joannes Chrysostomus *homil. 55. in Matth.* Augustinus *serm. 181. de tempore*, & *tractatu 118. in Joann.* "Quod signum crucis nisi adhibeatur, sive frontibus credentium, sive ipsi aquæ ex

Witasse de Confirmatione.

Ss

, quo

„quo regenerantur, sive oleo, quo chrismate inunguntur, sive sacri-
 „ficio quo aluntur, nihil horum rite perficitur.

3. Episcopus aliquoties halat super ampullam chrismatis, quam cæ-
 remoniam esse quid ridiculum, magicum, superstitiosum & blasphemum
 audent asserere Lutherani & Calvinistæ: antiqua tamen est, eaque ex-
 tat in Amalario, ordine Romano, sacramentario Gregorii Magni, &
 sumpta est ab exemplo Christi, qui in apostolos insufflavit *Joan. 20.* ut
 ostenderet Spiritum sanctum in eos illabi. Amalarius *lib. 1. cap. 12.* “
 „Halitus ab interioribus & secretis procedit in publicum & vocatur
 „spiritus, in naribus ejus est. Pontifex per spiritum suum substantiam
 „Spiritus sancti nuntiat in corpore assumpto a divinitate inhabitare,
 „cujus adventu renovata sunt omnia.

4. Chrisma jam confectum salutatur ab episcopo & presbyteris in
 hunc modum, *ave sanctum chrisma*: quam cæremoniam pariter nova-
 tores isti redarguunt, tanquam idololatriam & ridiculam, quia saluta-
 tur res inanimata. Verum & illa antiqua est, & apud Amalarium, ac
 in ordine Romano extat. Usitatissimum vero est in signum gaudii, ex-
 ultationis & gratulationis, etiam res inanimas salutare, ac si viverent:
 sic B. Andreas videns crucem ait, *Salve crux pretiosa* &c. sic Fortunatus
 Christi crucem alloquitur, *sola digna tu fuisti ferre seculi pretium*
 &c. sic idem salutatur idem festum resurrectionis, *Salve festa dies toto*
venerabilis ævo. Sic Paula salutavit Bethleem, cum eam primum vidit,
 apud Hieronymum *in epistola de ejus obitu*. Sic Gregorius Nazianze-
 nus *oratione ad clerum*, quando abdicavit se episcopatu Constantinopoli-
 tano, valedixit cathedræ, templo &c. nihil quoque frequentius apud
 auctores profanos. Adde non salutari chrisma physice, substantialiter
 & absolute, sed relative & moraliter, prout est Christi symbolum.
 Rupertus *lib. 5. de divinis officiis cap. 18.* “ Ampulla vero postquam be-
 „nedicta fuerit & ab altari redit, a Pontifice & ministris altaris vi-
 „sibiliter & nuda salutatur. Hoc significat quod Christus, postquam
 „ab altari crucis transivit, præsentiam suam corporalem eis tribuit,
 „quos testes suæ resurrectionis esse voluit. Quod cæteris invisibilis &
 „operta ad salutandum desertur, significat, quod Christus rediens in
 „cælum, invisibilis hominibus factus est. “ Amalarius *supra* “ Ampul-
 „la cum chrismate quodammodo corpus Domini ex virgine Maria
 „assumptum significat; quod antequam transiret ad altare crucis, ali-
 „quo tempore coopertum erat, & aliquo nudum. At postquam tran-
 „sivit ad altare crucis, id est ad immolationem quasi ad consecratio-
 „nem episcopi, aliqua parte corporis nudum corpus suum demonst-
 „ravit: quæ pars ad memoriam reducit per ampullæ nuditatem,
 „quam episcopus & diaconi salutant. At postquam salutata est a Pon-
 „tifice & ministris altaris ampulla, coopertur, ut a nemine nuda vi-
 „deatur: cooperta tamen salutatur ampulla: Christus namque post
 „quam

quam presentiam suam eis secundum suam dispositionem exhibuit,
 quos voluit esse testes suæ resurrectionis, ascendit in cælum & in-
 visibilis hominibus factus est.

ARTICULUS II.

De ceremoniis ad unctionem pertinentibus.

Videfis Bellarminum ubi de *ceremoniis*, Josephum Vicecomitem in opere de *ceremoniis Confirmationis*, qui etiam nonnulla refert in opere de *ceremoniis baptismi*, ordinem Romanum, librum de *divinis officiis*, Amalarium, Walafridum, Rupertum &c. adde antiqua concilia a nobis citata, & auctores seculorum, VI. VII. VIII. IX. X. XI. & XII. a nobis citatos, sacramentarium Gregorii Magni &c.

De *ceremoniis* tomo 9. conciliorum Labbæi pag. 1226. & 1227. tomo 10. pag. 585. cap. 8. pag. 1088. pag. 1128. pag. 1587. cap. 15. Nomina & nominum mutatio, tomo 10. conciliorum Labbæi pag. 1802. tomo 15. pag. 586. 1128. & 1393.

Patrini &c. cognatio spiritualis &c. tomo 5. concil. Labbæi pag. 585. cap. 8. & pag. 586. tomo 11. pag. 254. cap. 24. pag. 513. pag. 1267. cap. 3. tomo 14. pag. 878. initio, tomo 15. pag. 827. 954. 1088. cap. 5. 1128. 1546. cap. 2. 1587. cap. 15. De patrinis Honorius Augustodunensis tomo 10. biblioth. Patrum pag. 1286. cap. 115. De cognatione spiritali Ivo tomo 10. biblioth. Patrum pag. 772. in fine.

Vestis albæ indutus seu vestitus præcedebat unctionem; eam tamen subsequitur in rituali Severi Patriarchæ, forte quia secundum ritus ibi præscriptos sacerdos non solum *frontem, nares, manus, & pedes* neophytorum ungebat, sed & *omnia eorum membra*, quod fieri non potuisset, si neophytus prius vestem albam induisset quam esset confirmatus.

De tempore, die & hora administrationis Confirmationis videfis tommum 10. concil. Labbæi pag. 1802. tomum 11. pag. 513. tomum 15. pag. 1088. cap. 7. & 9. pag. 1128. Conferebatur statim temporibus vel indeterminatis, ut cum episcopus parochiam visitabat, ex Hieronymo in *dialogo adversus Luciferianos*, ubi ait ætate sua "hanc esse ecclesiarum consuetudinem, ut ad eos qui longe in minoribus urbibus per presbyteros & diaconos baptizati sunt, episcopus ad invocationem sancti Spiritus manum impositurus excurrat." Fixa tempora primum quidem eadem erant, quæ baptismi, videlicet sabbatum paschatis & pentecostes, quandiu post solemnem baptismum Confirmatio immediate administrata fuit. Cum vero baptismi solemnitas administrari desit utroque paschatis & pentecostes sabbato, varium quoque fuit tempus administrationis Confirmationis. Synodus Bituricensis anno 1584. titulo 20. can. 7. aperte innuit illam ætate sua fieri solitam post qua-

APPENDIX

*De existentia sacramenti Confirmationis, in qua referuntur
testimonia auctorum, de quibus viri eruditi
inter se dissident.*

§. 1. CLEMENS ROMANUS.

CLEMENTIS Romani pontificis nomine quædam epistolæ circumferuntur, quarum quarta est ad Solium & Julianum, sub cuius finem sic habetur: "Omnes, natus ergo festinandum est, sine mora renasci Deo, & demum consignari ab episcopo, id est septiformem gratiam Spiritus sancti percipere, quia incertus est unuscuiusque exitus vitæ &c." Hic sane locus apertus in gratiam sacramenti Confirmationis, sed epistolam supposititiam esse in confesso est apud viros eruditos. Eam quidem antiquam esse Bellarminus asserit; sed pro hac antiquitate asserenda nullum affert argumentum.

Ejusdem Clementis nomine citantur constitutiones apostolicæ, quæ lib. 3. cap. 10. 16. & 17. & lib. 7. cap. 23. 44. 45. & 46. sacramenti Confirmationis mentionem faciunt. Triplicem illarum in baptizatis unctionem distinguunt: unam quæ baptismum præcedit, & a diacono fit in fronte, ex lib. 3. cap. 15. alteram quæ baptismum præcedit, & ab episcopo fit in capite, ex lib. 3. cap. 15. & 16. tertiam quæ baptismum seu ab episcopo seu a presbytero collatum subsequetur, & a solo episcopo fieri potest, ex lib. 3. cap. 16. Hanc vero postremam unctionem confirmatoriam esse indicant eædem constitutiones lib. 3. cap. 16. & 17. & lib. 7. cap. 22. 44. & 45. Quin etiam cap. 45. refertur oratio, quæ pronuntiari solebat, quando chrismâ baptizato adhibebatur.

Opponunt sive Dallæus lib. 1. cap. 11. sive alii hæretici, 1. quod auctor constitutionum, quicumque ille fuerit, de simplici oleo loquatur, non autem de mixture ex oleo & balsamo.

Respondeo 1. id gratis asseri, præsertim cum ille auctor non solum olei, sed & *chrismatis* nomen usurpet lib. 3. cap. 16. & 17. Quin etiam lib. 7. cap. 44. & 45. asserit hanc unctionem fieri ex unguento *chrismatis*: quibus verbis nemo dixerit oleum simplex significati.

Respondeo 2. hic agi de natura, non autem de materia Confirmationis necessariam.

Respondeo 3. apud theologos controversi, utrum balsamum necessaria sit hujus sacramenti materia.

Opponunt 2. vel ipsam tertiam unctionem, cujus auctor ille meminit, esse baptismi cæremoniam: idque probati cum ex ipsis titulis capitulum 16. & 17. libro 3. & capitula 23. libri 7. inscribuntur enim de baptismo: tum ex capite 45. ubi refertur oratio, quæ proferri debet, dum baptizatus unguento *chrismatis* ungitur: eaque asseritur tantæ necessitatis esse, ut ea omissa baptismus sit inefficax.

Respondeo 1. præfata capita inscribi de baptismo, quia in illis præcipue de baptismate, obiter vero de Confirmatione disseritur. 2. Si præfata capita inscribuntur de baptismo, non autem de *chrismate*, alia patiter sunt, quæ de *chrismate*, non autem de baptismo inscribuntur, ut caput 45. libri 7. 3. Si hæc tertia unctio ejusque oratio tantæ necessitatis est, ut ex ea baptismi virtus dependeat, ea igitur baptismo essentialis est, non autem mera ejus cæremonia. 4. Caput illud 45. a quodam nebulone interpolatum fuisse videtur: quis enim unquam somnia

Missæ de Confirmatione.

T 1

vii;

vit, baptismum fore inefficacem, nisi proluxa satis, quæ *ibidem* refertur, oratio super baptismum proferatur? qui fieri potest, ut efficacia baptismi jam collariab oratione futura deperdat?

Opponunt 3. præfatas constitutiones ab anonymo quodam suppositas fuisse, qui, ut huic operi auctoritatem accresceret, eas nomine Clementis apostolorum discipuli composuit: quare sit

De antiquitate & auctoritate constitutionum apostolicarum.

DE auctore & auctoritate constitutionum, quæ libris octo distinguuntur, inter se disceptant vel ipsi catholici. Carolus Bovius, episcopus Ostunensis in *proæmio* latinæ suæ earumdem constitutionum versionis præfixo; Franciscus Turtianus, in *præfatione* ad suam earumdem constitutionum latinam interpretationem; Cæsar Baronius *ad ann.* 102. num. 9. Robertus Bellarminus in *lib. de scripturis*, Petrus Halloxius Jesuita, in *not. ad vitam Polycarpi cap. 6. in nota ad vitam Ignatii cap. 2. & in apologia pro scriptis ejusdem Ignatii cap. 3.* Gabriel Albalpinus *lib. 1. observ. cap. 13.* Petrus de Marca, *lib. 3. de concordia cap. 2. num. 2.* Dionysius Petavius, *de doctrina temporum lib. 2. cap. 57. pag. 206. & in annot. in Epiphanium pag. 295. 349. 356. & 360.* Joannes Morinus *de sacræ ordinationibus, parte 2. pag. 20. & 21.* Joannes Fronio in *prænotatis ad Kalendarium Romanum §. 5.* Joannes Bona *lib. 1. rerum liturg. cap. 3. num. 4.* In finem esset singulorum opiniones referre, easque expendere: præcipuas enarrabo.

Proponitur sententia Bovii.

Bovius, qui omnium primus hodiernas constitutiones defendit, eas asserit Clementi, earumque antiquitatem & auctoritatem probat testimoniis Nicolai Methonensis, Oecumenii & aliorum, quos refero & expendo.

Nicolaus, Methonensis episcopus, quem Bovius sanctum appellat, græcus & schismaticus est, ecclesiæ Romanæ perduellis, qui seculo XII. vixit, adeoque ejus auctoritas nulla est.

Oecumenius, *comment. in cap. 4. epist. 1. ad Timoth.* ad hæc Pauli verba: *testimonium temporibus suis*: subjicit: "Hoc est, quando recte se habebant homines ad fidem. Ita Clemens in *lib. 7. veterum*: "Floruit ille seculo X. quamobrem inferioris ætatis est, quam ut his constitutionibus fidem aliquam asstruere possit.

Maximus, monachus Constantinopolitanus, qui floruit sedente Honorio I. ad annum 630. & martyrium passus est anno 657. *lib. apostolicarum constitutionum* laudat *prologo in opera S. Dionysii*, earumque auctoritatem adducit, ut inde probet Dionysium a Paulo Atheniensium antistitem constitutum fuisse. Textum etiam ex *apostolicis constitutionibus* profert in *sine scholorum ad cap. 2. libri de eccles. hierarchia*.

Proclus, qui patriarcha Constantinopolitanus electus anno 434. obiit anno 446. in *libello de traditione divina liturgiæ*, meminit liturgiæ Clementinæ, asserens B. Clementem apostolis distantibus eam edidisse. Hæc autem liturgia describitur *lib. 3. constitutionum*, a capite 5. ad caput 16. Verum hæc tria græci olim distinguebant, liturgiam Clementis, canones apostolicos, & apostolorum constitutiones. Trullana synodus canones apostolicos recipit, quæ tamen constitutiones rejicit. Græci nonnulli liturgiam Clementinam admittunt, qui tamen constitutiones adulteratas esse agnoscunt.

Hieronymus, qui floruit ab anno 380. ad annum 420. *peroratione in Origenis explanationem epist. ad Romanos* ab ipso (ut putatur) latine redditam, sic habet: "Post hoc sane vocat nos opus, quod olim quidem injunctum est, sed

„ nunc a B. Gaudenzio episcopo vehementius perurgetur; Clementis scilicet Ro-
 „ mani episcopi, apostolorum comitis, quorum ut successoribus darem cogniti-
 „ nem, libri a nobis in latinum vertuntur. Satisfaciam sane in eo amicis meis,
 „ dabo titulo nomen meum, auctoris nihilominus vocabulo permanente. Nam
 „ Hieronymi ne putetur, Clemens scribetur. “ Haecenus Hieronymus. “ Libros
 „ autem Clementis ab Hieronymo conversos, inquit Bovius, judico has ipsas es-
 „ se apostolorum constitutiones. Quid enim ille in vertendis apocryphis (alios
 „ enim libros, qui sub Clementis nomine circumferuntur, apocryphos esse con-
 „ stat) tantopere insudaret, praesertim si sciret palmam sibi a Rufino praetipam &
 „ doctrina vero apostolorum, qua latinae ecclesiae haecenus caruissent, digna pro-
 „ secto erat, in cuius interpretatione tantus vis laboraret. “ Verum Hieronymus
 „ in *catalogo*, Clementis opera recensens, non meminit ejusmodi constitutionum;
 „ praeterea de nullis omnino Clementis libris, a se vel conversis, vel convertendis,
 „ Hieronymus in suis genuinis operibus unquam locutus est. Accedit, quod ille
 „ nullibi, ne in *catalogo* quidem, in cuius fine recenset Origenis opera a se latine
 „ reddita, dixerit se Origenis explanationem epistolae ad Romanos de graeco in lati-
 „ num vertisse. *Hieronymi* igitur pro *Rufini* nomen substitutum fuisse suspicatur E-
 „ rasmus. Nam “ cum Rubinus gravissima suspicione premeretur, quod esset Orige-
 „ nista, libratii submoventes quae prima statim fronte deterrent lectorem, pro
 „ invidioso nomine *Rufini*, supposuerunt gratius nomen *Hieronymi*. “ Apo-
 „ cryphos enim recognitionum libros, latine a Rufino fuisse conversos, & ex Ge-
 „ nadio constat in *catalogo scriptorum ecclesiasticorum*. & ex ipso opere, quod adhuc supe-
 „ rest simul cum ipsius Rufini praefatione praemissa ad Gaudentium.

Chrysostomus, qui floruit desinente seculo IV. & obijt ineunte seculo V. *homo-*
55. in Matth. constitutiones illas citat sub nomine canonum apostolorum. “ Quo-
 „ modo quidam sacerdotes, inquit, ex hominibus ordinantur, manifeste lib. 8.
 „ canonum apostolorum dicitur. *Qui autem ex hominibus ordinatus est, quantum*
 „ *ad Deum, non est diaconus aut sacerdos.* “ Quibus subjicit Bovius: “ Hanc
 „ sententiam in ipso libro, quem Chrysostomus nominat tantidem verbis scriptam
 „ invenies. “ Verum haec homilia in opere imperfecto habetur, cuius auctor non
 „ est Chrysostomus, sed anonymus, quem sub Arcadio & Honorio Theodosii filio
 „ vixisse conjicitur ex *comment. in cap. 24.* neque eadem verba, sed quaedam eis af-
 „ finia in hodiernarum constitutionum lib. 3. cap. 2. leguntur: “ Neque episcopus
 „ ignorantia aut malis animo oppletus, episcopus est; sed falso gaudet nomine,
 „ non a Deo, sed ab hominibus promotus.

Epiphanius, qui floruit ab anno 375. quo ancoratus composuit, ad annum cir-
 „ citer 405. quo obiit, de his constitutionibus ita iudicat in *haeresi* 70. adversus Au-
 „ dianos, ubi sic habet: “ Ad hoc iidem Audiani perperam accommodant aposto-
 „ lorum constitutionem: qui liber, tametsi dubie apud nonnullos fidei sit, non
 „ est tamen improbandus. Nam in eo quae ad ecclesiae disciplinam attinent, om-
 „ nia comprehenduntur; neque quidquam aut in fide ac catholica professione de-
 „ pravatum, aut ecclesiae administrationi ac decretis contrarium continet. “ Eas
 „ tamen constitutiones ut dubias ipse non habuit, sed eas laudavit, earumque au-
 „ thoritate usus est *haeresi* 45. contra Severianos, *haeresi* 75. adversus Aetium, *haeresi*
 „ 80. contra Messalianos, & in compendiarie doctrinae ad finem *panarii* ab eodem
 „ adjecta. Quin etiam earum auctoritatem divinam esse affirmare videtur *haeresi* 80.
 „ De barba quidem in constitutionibus apostolorum dicitur divinus sermo ac doctri-
 „ na: non corruptendas, hoc est non secandas esse pilas barbae, neque meretri-
 „ cio more ornari debere &c. “ Nullibi tamen, quod sciam, has constitutiones
 „ Clementi tribuit.

Cyrillus Hierosolymitanus, qui suas catecheses ad annum 355. junior edidit, *ca-*
techesi 18. ut probaret martires reviviscere, usus est renascentis phoenicis similitu-
 „ dine, quam ex Clemente Romano repetit: “ Quae sunt Graeci resurrectionem e-

mortuis manifestam magis : . . . & querunt aliquod animal, quod manifeste corruptum reviviscat. Novit Deus eorum incredulitatem, atque avem ad hoc condidit phœnicem, quæ ut scribit Clemens (& multi narrat) eum sit soligena, post quingentorum annorum circuitum ad Ægyptiorum regionem avolans resurrectionem demonstrat, eamque non in desertis locis, ne mysterium esset occultum, sed in clara urbe (Alexandria) ut res incredibilis manibus tractaretur. Extructo enim sibi tumulo ex thure, myrrha, atque aromatibus, post absolutum annorum cursum eo accedens, evidenter moritur, atque corrumpitur. Postea ex illius mortua corrupta carne, vermibus quidam gignitur, qui in avem formatur &c. " Hanc vero phœnicis similitudinem, tum in *epist. ad Corinth.* quam Patricius Junius in lucem emisit ; tum in *libro 5. consiliorum. cap. 6.* ex versione Turtiani, vel *cap. 8.* ex versione Bovii, Clemens, diversimode tamen, refert. Priori si quidem loco, de narrationis fide non addubitat, quod tamen in posteriori facere videtur ; priori loco, hanc avem, antequam lectulum suum in Ægyptum afferat, mortuam & renatam affert ; posteriori contra, hanc avem ais prius in Ægyptum advolare, eoque lectulum ex Arabia afferre ; deinde in eo mori & renasci ; priori loco, hæc avis e thure, myrrha & reliquis aromatibus loculum sibi struit ; posteriori, ex cinnamomo, calia, & xylobalamo : priori loco, ex putrescente ; posteriori, ex cremata parentis carne renascitur.

Dubium igitur est, ex quo loco Cyrillus hanc narrationem sumpserit. Bovius ex constitutionibus apostolorum, alii ex epistola ad Corinthios desumptam fuisse contendunt : quæ postrema sententia longe probabilior est. Phœnix enim, de quo Cyrillus, loculum sibi struit e thure, myrrha & reliquis aromatibus, & ex corrupta carne renascitur ; quæ Cyrillus iisdem fere verbis exprimit, quibus Clemens in eadem epistola. *Ἐκείνῃ ἐκείνῃ τινὶ ἐν λιβάνῳ, καὶ σμύρνῃ, ὅτι τὸν δόξαν ἀρωματίζει, ὡς ἐν τῇ ἐκκλησίᾳ τὸ χρίσμα ἐκείνηται ὅτι τὸ λιβάνον :* " E thure inquit, myrrha, & reliquis aromatibus loculum sibi struit ; quem completo annorum spatii ingreditur & moritur. " Ita Clemens. Cyrillus vero : *Συκοὶ ἐκείνῃ τοῦ θύρου ἐν λιβάνῳ, ὅτι σμύρνη, ὅτι δόξαν ἀρωματίζει, ἐν τῇ ἐκκλησίᾳ ὡς τὸν αἶμα ἐκ τῆς ἐκκλησίας, τὸ λιβάνον :* " Extructo sibi loculo e thure, myrrha & reliquis aromatibus, post absolutum annorum spatium, in eum ingrediens, moritur. " Denique Cyrillus hanc narrationem uti certam describit. Rem tamen ille narrat, quæ in *constitutionibus*, non autem in *epistola* refertur, oempe quod phœnix ex Arabia in Ægyptum prius advolet, quam in loculo moriatur & renascatur. Unde conjicere licet meodum aliud quod, vel quamdam interpolationem in Clementis epistolam irrepisse.

Athanasius qui super cathedram Alexandrinam sedet ab anno 326. ad annum 371. doctrinæ, quæ dicitur apostolorum meminisse, tum in *synopsi cap. antepenultime* : " Doctrina, inquit, Apostolorum Clementina : " tum in *epistola contra Novatianos*, quæ *tom. V.* sefertur : " Doctrina, inquit, quæ dicitur apostolorum. " Priori loco opus illud recenset inter libros " perverse scriptos, nothos & reprobos, quorum nullus approbatus aut utilis est ; sed digni qui abscondantur magis, quam qui legantur. " Posteriori loco illud refert inter libros, " Quos legi a patribus decretum est, iis, qui ovoc accedunt, & volunt in pietatis, verique cultus ratione catechizari. " Recensitis enim libris canonicis sic habet : " Sunt alii quoque libri, non in canonem quidem redacti, sed quos legi a patribus decretum est, iis qui nunc accedunt & volunt in pietatis, verique cultus ratione initiari. Sapientia Salomonis, Sapientia Sirach, & Esther, & Judith, & Tobias, & doctrina quæ dicitur apostolorum, & pastor, qui tamen non sunt aspernandi. " Liber igitur, cui titulus, *doctrina quæ dicitur apostolorum*, duplex erat ; alter apocryphus & inutilis, alter genuinus & utilis. Postremum opus nonnulli *apostolicarum constitutionum* libros fuisse opinantur : quæ etiam Bovii, Turtiani & Baronii sunt sententia : a qua ut discedam, me permovet ipse Athanasii auctoritas, qui in eodem loco doctrinam hanc totos eos libros numerat, qui cate-

catechumenis & nuper ad fidem accedentibus legendi essent. Cum isti constitutionum libri episcopis dicati sint, eaque tractent quæ ad regimen ecclesiæ spectant, & alia quædam mystica, quæ ideo canonis apostolorum octuagesimi quinti auctor in vulgus efferenda esse vetuit.

Eusebius, qui floruit ab anno 300. ad annum 340. *lib. 1. hist. eccles. cap. 22. doctrinas, quæ dicuntur apostolorum*, recenset inter "Scripta notha; hoc est, quæ legitima novi Testamenti scripta non sunt, sed contradictionem patiuntur, & tamen leguntur a multis ecclesiasticis." sed ex verbis Eusebii, τῶν Ἀποστόλων διδασκαλίας διδάσκει, id est doctrina, quæ dicuntur apostolorum, apparet eandem fuisse, de quibus Athanasius in epistola corinthica ad Ammonium, Ἀδελφοὶ καὶ μαθηταὶ τῶν Ἀποστόλων, id est doctrina quæ dicitur apostolorum: quod opus a constitutionum libris diversum esse probavimus.

Dionysius, Alexandrinus episcopus, qui anno 248. Hieraclæ successit, in 3. epistola ad Philemonem Romanum de baptismo, telata apud Eusebium *lib. 7. hist. cap. 6.* sic habet: "Acceptavi visionem hanc, ranquam apostolicæ voci consonam, mem, sic ad potentiores dicenti: estote probi trapezitæ: " γίνεσθε δίκαιοι τραπεζίται. Ubinam vero apostoli potentioribus hæc dixerunt, nisi *lib. 2. constit. cap. 36.* ubi sacerdotibus ab apostolis dicitur: *Estote probi trapezitæ: γίνεσθε δίκαιοι τραπεζίται.* Seldenus quidem, & post ipsum Usserius, contendunt has constitutiones Dionysio ignotas fuisse, quia circa annum 250. cum vespere sabbati paschalem diem præcedentis, jejunium quidam solverent, alii vero usque ad galli cantum producerent: a Basilide interrogatus est Dionysius, "Qua hora jejunium, paschatis diem antecedens, esset terminandum? cui respondit ille, præcisam horam hic statuere, & difficilem rem esse & lubricam: (extat hæc Dionysii epistola ad Basilidem, inter canones cum Balsamonis commentariis editos. pag. 879. editionis græco-latine; eamque Labbeus *tom. 1. conciliorum* inseruit pag. 331.) quod nunquam ille dixisset, si apostolicæ istæ constitutiones, quæ hoc sabbato usque ad vespertinum galli cantum jejunandum esse definiunt, vel extritissent ea tempestate, vel auctoritatem aliquam obtinuissent: sed cum hæc galli cantus determinatio desideretur in textu, quem ex his constitutionibus Epiphanius in hæresi 75. adversus Aetium laudavit, inde sequitur tantum eas in hoc capite post Epiphanii tempora interpolatas fuisse.

Clement, presbyter Alexandrinus, sub finem *libri 1. Stromatum*, quæ post obitum imperatoris Commodi, qui anno 192. occisus est, statim composuit, "Memoro ergo scriptura quoque tales non esse volens dialecticos, sic hortatur: *Estote autem probi trapezitæ: γίνεσθε δὲ δίκαιοι τραπεζίται.* Nullibi vero id scriptum erat tempore Clementis, præterquam in apostolicis constitutionibus *lib. 2. cap. 36.* ubi id ab apostolis citatur, veluti scripturæ dictum. Sed ex integro Clementis textu apparet hæc verba aliunde, quam ex constitutionibus excerpta fuisse: "Memoro, inquit, scriptura nos sic hortatur: Estote autem probi trapezitæ, alia quidem reprobanter, quod autem bonum est tenentes. " Quæ postrema verba in constitutionibus desiderantur. Hæc quidem sententia, quam Origenes *hom. 19. in Joan.* & Hieronymus in epistola ad Minorium & Alexandrum, sub finem *tom. 3.* Christo tribuunt & ab his Pauli verbis, omnia probantes, quod bonum est tenere, distinguunt, forsan extabat in Hebræorum evangelio.

Tertullianus, qui II. & III. seculo floruit, in libro de resurrectione *carnis cap. 13.* phœnicis exemplo futuram resurrectionem confirmat. Tertullianum vero eum iidem constitutionibus *libro 5. cap. 6.* hanc de phœnice narrationem eruisse Bovius & Pamelius asserunt. Turrianus ita probat. "Quod Clement ait, præbere phœnicem τῷ αἰῶνι ἐκείνῳ resurrectionis, Tertullianus dixit copiosam probationem resurrectionis (τῷ αἰῶνι enim divitem sive copiosum significat:) & quam Clement vocat μονογενὲς ὄψος, id est unigenam volucrem, Tertullianus appellat volucrem singularem. " Verum, improprie copiosus vocabulum, in quo Tur-

rianus vim facit, non reperitur in Tertulliano qui hae tantum hoc in loco utitur præfatiuncula : " Accipe plenissimum atque firmissimum hujus spei specimem. " 2. *ἀποστολῶν* appellatio non solum inventus in *constitutionibus*, sed & in *epistola* Clementis ad Corinthios, ex qua narrationem illam excerptam fuisse asserunt Patricius Junius in *notis ad hanc epistolam*, & ex ipso Usserius hae fretus conjectura; quia Tertullianus prius ostenderat, " Diem mori in noctem & tenebris usquequaque sepeliri; deinde eandem & integram & totam universo orbi reviviscere; terramque exhibere eadem quæ absumpta sunt semina, nec prius exhibere quam absumpta. " Quæ ipsa argumenta ad resurrectionem confirmandam in *epistola ad Corinthios*, non autem in *constitutionibus*, ante hanc de phœnice narrationem, Clemens etiam usurpavit.

Tertullianus, mea quidem sententia, neutri parti faver, sed utrique loco contradicit. Tertullianus enim hanc historiam quasi certam narrat: Clemens contra de ea in constitutionibus addubitat. Clemens in *epistola*, de putrescente phœnice carne, non de cremata, phœnicem renasci tradit: Tertullianus contra de cremata, non de putrescente phœnicis carne phœnicem reviviscere docet. Hæc indicio sunt Tertullianum in enarranda phœnicis historia secutum esse quæ fuerant varie a variis tradita: sumptisse autem ab illis, quæ tractationi suæ facere plurimum videntur.

Ignatius apostolorum discipulus, " In duodecim epistolis, quas cum Romam ad supplicium duceretur, in itinere ad ecclesias misit, institutiones Clementis, inquit Bovius, ita est imitatus, ut non solum earum dogmata atque præcepta expresserit, sed etiam ex iis sæpe sententias totidem verbis excerptas transulerit &c. " Verum ex illis duodecim epistolis, quinque suppositæ sunt, videlicet ad Mariam Cassaobolitam, ad Tarsenses, ad Antiochenos, ad Hieronem diaconum ecclesiæ Antiochenæ, & ad Philippenses; earum enim Eusebius, & Hieronymus nullam mentionem fecere. Testimonia vero ex aliis septem a Bovio in præfatione & in *scholiis* relata, desiderantur in genuinis & minime interpolatis epistolis, quas Usserius & Vossius ediderunt. Vim quidem Bovius facit in his verbis epistolæ ad Trallianos: " Reveremini episcopum vestrum sicut Christum: quemadmodum beati vobis præceperunt apostoli. " Quibus verbis Ignatius alludere videtur ad caput 34. *libri a. constitutionum*, ubi episcopum ut Dominum honorare jubetur. Verum de veneratione episcopi sicut Christi, ex apostolorum præscripto, altum est silentium in epistolis Ignatii ab Usserio vel Vossio editis.

Itaque ex citatis auctoribus, quatuor duntaxat favent antiquitati constitutionum apostolicarum, scilicet Maximus martyr, auctor operis imperfecti in Matthæum, Epiphanius, & Dionysius Alexandrinus.

Proponitur sententia Turriani.

Turrianus audet aliquid magis, quam Bovius. Ille siquidem affirmare non veretur, " Tales habere nostram ætatem apostolorum constitutiones, sanas scilicet, & incorruptas, quales Epiphanius ætas habuit. In temporibus nunquam errore lapsus Clementem: omnia, quæ his libris complexus est, a sanctis apostolis didicisse, accepisse, audivisse. (Et in iis, quas habemus, Ignatii epistolis) ita esse apostolicarum constitutionum non solum impressa vestigia, sed ferme iisdem verbis expressa, ut nullius prope ingenii vel certe tardissimi habendus sit, qui, si has constitutiones & illius epistolas, mediocri diligentia & observatione legat & inter se conferat, non continuo judicet beatum Ignatium illas legisse, & probasse, & usum eis esse. "

Turriano Jesuitæ opponimus alios tres Jesuitas non obscuros in societate nominis, Bellarminum, Peravium, & Halloixium, quorum primus ait " haberi in iisdem constitutionibus non pauca, quæ aberrare videntur a veritate: " nec immeriti-

merito. Illæ siquidem *lib. 2. cap. 12.* ajunt episcopum loco Dei "omnibus hominibus præsidere sacerdotibus, regibus, magistratibus." Clementis autem ætate reges fidem catholicam nondum amplexi fuerant. *lib. 2. cap. 57.* Matthæus & Joannes cum aliis apostolis congregati ita loquuntur: "Diaconus aut presbyter evangelia legat, quæ ego Matthæus & Joannes tradidimus vobis." Quæ certe sibi non coherent. Matthæus enim anno 40. evangelium suum scripsit, Joannes vero, cum solus ex apostolis superesset, ad annum 97. ut citati a Baronio veteres doceant. *lib. 2. cap. 55. & lib. 8. cap. 4. & 46.* Jacobus frater Domini extra duodecim apostolos numeratur. *lib. 2. cap. 26.* nugatur interpolator, & inæqualitatem inter Patrem, Filium & Spiritum sanctum inducit, asserens episcopum Dei Patris iostar esse, qui dignitate Dei cohonestatus, toti populo præest: diaconum Christi instar esse, qui "assistat episcopo, ut Christus patri;" diaconissam instar esse Spiritus sancti, quæ "nihil agat aut loquatur absque diacono: sicut neque Spiritus sanctus quicquam agit aut loquitur sine Christo." *Libro 3. cap. 2.* quartas nuptias appellat manifestam fornicationem. *Libro 3. cap. 6.* Mariam Magdalenam a Maria sorore Lazari distinguit. *Libro 4. cap. 7.* ait, quod "præstat fame perire, quam ab inimicis Dei quicquam accipere:" dona intelligit ab excommunicatis oblatam in sacrificio missæ. *Libro 5. cap. 6.* "Christus (a patre) iustus est facere cælum, terram &c." quod blasphemum; Filius enim, antequam incarnaretur, iussa non capellebat. *Libro 5. cap. 7.* Jacobus Hierosolymitanus episcopus mortuus dicitur; qui tamen superstes obtuditur *lib. 6. sequenti cap. 14.* *Libro 5. cap. 14.* jejunium quartæ & sextæ feriæ a Christo præceptum dicitur. *Libri 3. caput 16.* in quo traditur servandi paschæ ratio, "Prius delendum est, se, ut oothum & novum," ultro concedit vel ipse Bovius in *scholiis*, quæ de se *infra*. *Libro 5. cap. 19.* "Verbum dicitur minister patris in condenda rerum, universitate." *Libro 6. cap. 3.* Nobis inquit apostoli, in unum congregatis de nobis aiebat Christus: *Rogavi pro vobis, ne deficiat fides vestra;* cum tamen uni Petro Christus dixerit *Lucæ 22. Rogavi pro te, ut non deficiat fides tua.* *Lib. 6. cap. 6.* apostoli simul congregati mentionem faciunt Ebionæorum, "Qui nostris, inquit, temporibus orti sunt. Cum post Hierosolymæ excidium, quod anno 74. contigit, emerissee Ebionem, ex Epiphanio in *heresi* 30. *nn. 2.* docerat Baronius ad annum 74. *num. 6.* quo tempore Petrus & Paulus, alique plures apostoli e vivis excesserant. *Libro 6. cap. 7.* apostoli Philippum, qui Samaritanos baptizavit, *coepiscopum suum* appellant, quo eodem titulo Pauli apostolorum indicant *lib. 8. cap. 4.* quem tamen fuisse unum ex septem diaconis, docetur auctorum 21. *Libro 6. cap. 8.* Cerinthus, Marcus, Menander, Basilides, & Saturoinus, hæretici a Petro memorantur. An vero hi omnes ante necem S. Petri emerferint, quæri merito potest. Aliud certe suadent veteres, Irenæus, Clemens, Eusebius, & Epiphanius. Marcum sane hæreticum anno circiter 148. prodidisse Eusebius asserit *lib. 4. histor. in eodem capite 8. libri 6.* Petrus Clementem nominat *Romanum episcopum.* *Libro 6. cap. 15.* baptismus hæreticorum irritus declaratur, quia, "illi non sunt sacerdotes." *Libro 7. cap. 23.* asseritur defectum chrismatis, quo baptizari unguuntur, aqua suppleri posse, "Quæ satis est tum ad unctionem, tum ad sigillum." *Lib. 7. cap. 24.* præcipitur servari diem sabbati & Dominicæ. "Ibidem prohibetur, ne quis die sabbati jejune." Quod receptæ Romanorum praxi repugnat, qui ex apostolica traditione jejunabant sabbato, ex Innocentio 1. in *epist. ad Decentium*, & ex Augustino in *epistola 19. ad Hieronymum*, & 86. ad *Casulanum*. *Libro 7. cap. 45.* baptismi efficacia pendere dicitur ab oratione quadam baptismum jam collatum subsequente. *Libro 7. cap. 47.* apostoli catalogum instruant de episcopis a se ordinatis, inter quos recensent Judam qui, Simeoni in sede Hierosolymitana, & Teophilum, qui Cornelio in sede Cæsariensi Palestinæ successit. Atqui Petrus & Clemens obierunt ante Simeonem Cleophæ, & ante Cornelium Cæsariæ Palestinæ episcopum. Quare nec Petrus Simeonis & Cornelii

success.

successores recensere, nec Clemens de illis scribere potuit. *lib. 8. cap. 12.* Filius dicitur ministrasse Patri in varia creatione rerum. *lib. 8. cap. 32.* amica, cuiuspiam infidelis mancipium, quæ cum eo tantum rem habuerit, admittitur ad baptismum; sin vero cum aliis quoque impudica fuerit, rejicitur. *lib. 8. cap. 33. & 35.* Jacobus frater Domini a Jacobo Alphæi distinguitur. *libro 8. cap. 35.* Petrus & Paulus festa apostolorum servati jubent, cum adhuc in vivis essent ipsi apostoli.

Sententia Petavii.

Dionysius vero Petavius, quid ipse de his constitutionibus senserit, nobis aperit in eruditis suis *scholiis* ad relatum *supra* Epiphanii textum. "De apostolicis, inquit, constitutionibus dubitatum a nonnullis præfatur Epiphanius. Quo eodem nomine circumferuntur hodie in octo libros distinctæ; quæ a prioribus illis, ac nihilominus dubiis, quarum meminit Epiphanius, diversæ videntur. Etenim quinque ex illis sententiæ hoc & sequenti numero citantur, quæ in vulgatis nusquam reperiuntur; imo vero contraria quedam in iis leguntur. Nam *lib. 5. cap. 16.* de paschatis celebritate catholicum dogma propalam edicitur: uti post æquinoctium instaureretur; tum ne cum Judæis agatur. Οὐδεμία γὰρ κοινὴν ἔστιν τοῦ τοῦ αὐτοῦ. Παράκλητος γὰρ, & αὐτὸς τὸν ψῆφον, ὃς κοινίζουσιν ἐκτελεσθῆναι; (hoc est, Nulla enim nobis nunc cum eis communicatio est. Falluntur namque in ipso calculo, quem existimant se absolovere.) Et alia quedam: quæ aut a superiori sanctione discrepant, aut si in antiquis illis constitutionibus legebantur, mirum est hoc tam præsentī ac diserto testimonio usum non esse contra Audianos Epiphanium, qui Judæorum more celebrandum pascha iisdem ex constitutionibus affirmabant. Apparet igitur aliud fuisse constitutionum genus, quam quibus hodie Clementis nomen inscribitur.

Eadem diversitas apparebit conferenti loca de synaxium & jejuniorum temporibus, ex constitutionibus apostolicis in *heresi 75.* adversus Aerium, & in *compendiaria doctrina*, ad finem Panarii ab eodem adjecta. "Si vero, inquit, oportet constitutionem apostolorum proferre, quomodo illic quarta & profabbato jejunandum esse desinierunt omni tempore, pentecoste excepta; & de sex diebus paschæ, quomodo præcipiunt nihil omnino sumere aliud quam panem & saltem & aquam, qualemque diem agere, & quomodo dimittere in illucescentem dominicam, manifestum est. "Et in *compendiaria doctrina*, "Conventus fieri ordinatum est ab apostolis, quarta & profabbato & dominica. Quarta vero & profabbato jejuniū statutum est usque ad horam nonam, quoniam illucescente quarta comprehensus est Dominus, & profabbato crucifixus: & tradiderunt apostoli, ut in his diebus jejunia fierent. "Et *postea*: "Sex dies ipsius paschæ populi in siccorum usu transigunt: pane, inquam, & sale, & aqua tunc utentes, ad vespertam. "1. Ex antiquis Epiphanii constitutionibus, synaxes & conventus fiebant feria quarta, feria sexta, & Dominica: de feriis autem quarta & sexta huius usus destinatis, altum est in hodiernis constitutionibus silentium. 2. Ex antiquis constitutionibus, conventus fiebant tribus præfatis diebus, non autem sabbato: in hodiernis sabbata synaxibus dicata invenimus *lib. 3. cap. ultimo, & lib. 8. cap. 33.* Propter Domini comprehensionem. 3. Ex antiquis constitutionibus feria quarta jejunabatur: ex hodiernis *lib. 15. cap. 14.* "Propter proditorem, & *lib. 7. cap. 24.* quoniam in quarta iudicium contra Dominum prodit, eum suadæ proditorem pecunia promiserat. 4. Ex antiquis constitutionibus, feriis quarta & sexta jejunandum est omni tempore, sola pentecoste excepta: in hodiernis excipitur non solum pentecoste, sed etiam hebdomada pentecostem proxime subsequens, *lib. 5. cap. ultimo.* 5. In hodiernis constitutionibus *ibidem* præcipitur, ut secunda post pentecostem hebdomada integra jejunemus; cuius præcepti nulla

men-

velut in baptismo cognatio spiritualis contrahitur, ex locis *supra* citatis. Idem potest esse susceptor in Confirmatione qui fuit in baptismo. Contraria tamen olim fuit ecclesiæ Romanæ consuetudo ex cap. in *catechismo*. Unus sit patrinus vel una matrina ex capite *Non licet*. In nonnullis ecclesiis statutum fuit, ut compater sit pro maribus, & commater pro sæminis. Concilium Mediolanense V. " Ut ne sæminis, mares, nec contra maribus sæminæ, neque senioribus adolescentes, cum minime hoc per ætatem conveniat, compatres in Confirmationis sacramento adhibeantur, nisi id aliquando necessitas postulet. " Ritus antiquus est, " Ut compater dextera suscipiat & teneat eum quem offert episcopo confirmandum. " Si vero qui offertur, adultæ ætatis est, pedem suum super dextrum pedem compatris, qui ipsum offert ponit: quod non sine mysterii significatione fit. Quam ob causam ejus qui confirmatur patrinus tunc coram episcopo confirmanste flet, inquit concilium Mediolanense V. sub S. Carolo. De isto ritu veteri videlicet ordinent Romanum & sacramentarium Gregorii Magni.

In Confirmatione nomen confirmandi, si turpe sit aut ridiculum aut homini christiano minime conveniens, mutari debet. Ita concilium Mediolanense V. " Curet etiam episcopus ac parochus, ut qui turpe, & diculume nomen habet, neque plane conveniens homini christiano, illud mutet, sumatque in Confirmationis sacramento nomen alicujus, qui veræ pietatis sanctæque religionis laude floruit, ut qui hætenus non ad normam Christi vitam instituit, jam abjecto ejusdem nomine, depositoque veteri homine, & antiqua fœcordia rursusque novo ac sancto suscepto nomine, virilem in sancte agendo constantiam perpetuo deinceps præstet. " Idem statuit concilium Aquisense anno 1585. & Tolosanum 1590. Potest etiam (etsi non sit necesse) immutari vel addi nomen aliud nomini sancto, & convenienti ex constitutionibus Odonis Parisiensis. " Possint nomina mutari pueris, si velint, in Confirmatione, aut si visum fuerit expedire. " Item ex constitutionibus synodalibus ecclesiæ Remensis, " Nomina ipsorum, si velint, mutabimus confirmando. " Ex synodo Trecenti anno 1400. & Senonensi anno 1524. " In cujus receptione licita est nominis mutatio. " Ex Carnotensi anno 1526. " Et quod, si voluerint, possunt nomina sua mutare, dum tamen fraus & dolus absint.

Confirmandi mundare seu abluere frontem tenentur, antequam se sistant episcopo, ex synodo Rothomagensi anno 1581. Aquisensi 1585. & Mediolanensi V. sub S. Carolo, " Pridie illius diei; inquit S. Carolus, quo suscipiant, caput lavent, aliove modo mundent, capillosque sibi tonderi curent.

Quando Confirmatio immediate post baptisma conferebatur, confirmandi vestibus albis induebantur, antequam offerrentur episcopo. Sacramentarium Gregorii Magni. " Pontifex vero redit in sacrarium, expectans, ut, cum velti fuerint infantes, confirmet eos. " Ordo

do Romanus , “ Episcopus ergo egreditur a fonte in sacrarium habens , ibi compositam sedem , ut in ecclesia ubi voluerit , & sedeat in ea , & cum vestiti fuerint infantes , confirmet eos . “ Idem habet auctor libri *de divinis officiis*. Hæc vestis alba erat , ex *ipsis locis* , & ex Cyrillo Hierosolymitano *catech.* 4. S. Ambrosio *de iis qui initiantur* , cap. 7. Chrysostomo in *psal.* 128. Paulino *epist.* 12. Gregorio Turonensi *lib.* 2. *hist.* cap. 29. Theodulpho Aurelianensi , Jesse Ambianensi , & aliis . Vestis igitur albæ indutus seu vestitus Confirmationem præcedebat , eam tamen subsequitur in rituali Severi patriarchæ , forte quia secundum ritus ibi præscriptos sacerdos *frontem , nares , manus , & pedes* neophytorum ungebat ; quod fieri non potuisset si neophytus prius vestem albam induisset , quam esset confirmatus . Ex quo vero Confirmationis susceptio ad tempus aliud a tempore baptismatis dilata fuit , non alia vestium ratio habita est , nisi ut mundæ essent ac modestæ .

S E C T I O II.

De Cæremoniis unctionem seu Confirmationem concomitantibus .

TEmpus Confirmationis olim idem erat quod baptismi , illud enim Confirmatio proxime sequebatur . Baptismi vero sollemnis quolibet tempus initio nascentis ecclesiæ , etiam extra periculum & casum necessitatis , idoneum censebatur . Dehinc duo dies solemnibus baptismis consecrati sunt , utrumque videlicet paschatis & pentecostes sabbatum , quibus in nonnullis provinciis adjecti sunt dies epiphaniæ aut dies natalis Domini , quæ debent intelligi extra casum necessitatis , tunc enim qualibet die & hora conferebatur . Postquam vero hæc duo sacramenta separatim administrata sunt , concessa est Confirmatio pro opportunitate episcopi , frequentius tamen seriis pentecostes , & quatuor temporum , & quando potest id commode fieri , hora tertia (hoc est nona matutina) : hac enim hora Spiritus sanctus illapsus est in apostolos . Concilium Mediolanense V. sub S. Carolo , “ Hoc sacramentum episcopus administrare studebit hora tertia potissimum , quæ antiquo , ritu statâ hujus sacramenti hora est . “ Idem habet concilium Aquisgranense anni 1585 .

Locus idem erat qui baptismi ; baptismi vero locus ordinarius erat ecclesia cathedralis , a qua baptisterium non longe erat . Cum autem utrumque sacramentum separatim conferretur , administrabatur Confirmatio in ecclesiis pagorum & villarum ex Hieronymo in *dialogo* , *supra* . In casu necessitatis in ipso ægroti cubiculo administrari potest ex auctore libri *de divinis officiis* .

Ordo & situs : “ Primum , inquit concilium Mediolanense V. mater in ecclesia a parte sua , sceminæ ab altera sint : sicque separatim distincti , genibus flexis , manibus ante pectus junctis , suo quisque

” Or-

ordine pie & religiose orent, imprimisque ab omni strepitu, vociferatione, & inani confabulatione caveant, sed silentio sancto utantur, & quod veteris ritus est, primum mares, deinde foeminae confirmantur, nisi aliquando aliter fieri episcopus censuerit. "Concinit Aquisense anni 1585. & quemadmodum ex ordine Romano mares primum ac postea foeminae baptizabantur; ita mares ante foeminas confirmabantur.

Confirmatus manu in maxilla leviter caditur ab episcopo. Quo tempore institutus ille ritus fuerit, ignoro. Illum non legi apud veteres. Qua intentione; varii varia. Synodus Senonensis anni 1524. & Carnotensis hanc reddunt rationem, "In ea percussione infantes memoriam habeant se fuisse confirmatos, ne iterum confirmentur. "Catechismus Romanus, "Ut meminerit confirmatus, se tanquam fortem athletam paratum esse oportere ad omnia adversa invicto animo pro Christi nomine ferenda.

Confirmato pax datur ab episcopo ex ordine Romano, auctore libri *de divinis officiis cap. de sabbato sancto*, Amalario *lib. 1. cap. 27.* Verba quibus datur, "Hæc sunt, inquit, verba salutationis ad novum hominem. Ut intelligat, inquit Romanus catechismus, se gratiae caelestis plenitudinem, & pacem, quæ exuperat omnem sensum consecutum esse. "Dehinc pontifex fundit orationem pro confirmatis. Vide ordinem Romanum.

S E C T I O III.

De Ceremoniis Confirmationem subsequentibus.

Vittæ lineæ applicatio. Frons confirmati vitta lineâ circumligatur, qua de re synodus Trecentis anni 1400. "Confirmandi bandello longos & latos secum habeant, quos post Confirmationem triduo die ac nocte deferant, ne chrisma possit ab aliis tangi. "Synodus Lingonensis anni 1404. vult illos bandellos deferri per duos aut tres dies. Synodus Carnotensis anni 1526. ad minus per viginti quatuor horas. Bituricensis 1584. per triduum.

Vittæ lineæ depositio & chrismatis absterfusio. Deponebatur olim post septimum diem, quo die frons sacro chrismate illita abstergebatur. Ordo Romanus titulo *de observanda unctione chrismatis*, "Quanto autem tempore generaliter ab ecclesia celebratur adventus Spiritus sancti super apostolos, tanto tempore debet servari unctio chrismatis." Idem habet auctor *de divinis officiis cap. de sabbato in albis*. Hugo a S. Victore *lib. 2. de sacramentis par. 7. cap. 7.* "Solent quidam querere, quanto tempore debeant unctionem chrismatis observare in capite, ut scilicet capita non lavent, qui accipiunt manus impositionem, absque tempore baptisterii: quibus responderi potest conveniens esse,

ut

„ ut tanto tempore adventus Spiritus sancti apud unumquemque qui
 „ eum accepit celebretur , quanto tempore generaliter ab ecclesia cele-
 „ bratur adventus Spiritus sancti super apostolos , hoc est septem die-
 „ bus : & merito , quia septem sunt dona Spiritus sancti , & in se-
 „ ptem comitibus ad hospitem suum Spiritus sanctus venit , & dignum
 „ est ut habeat unusquisque diem suum , & unicuique in die suo con-
 „ vium præparetur . “ De modo pio ac sancto quo septem illi dies
 transigebantur , videlicet rituales auctores , & libros qui referuntur *tomio*
10. biblioth. Patrum . Hæc igitur vitta linea per septem dies adhuc de-
 ferebatur seculo duodecimo , seculo decimoquarto tribus duntaxat die-
 bus ex citata synodo Trecenti ; seculo decimoquinto duobus aut tribus
 diebus ex citata synodo Lingonensi : seculo decimosexto saltem per
 24. horas ex citata synodo Carnotensi : hodierno seculo sere ubique
 frons statim abstergitur . Elapso igitur tempore constituto confirmatus
 ad ecclesiam veniebat , vitta linea ipsi auferebatur a sacerdote , mox
 ejus frons *sale* , & *aqua* lavabatur , lotio fundebatur in piscina , &
 vitta comburebatur ex synodis Trecenti anni 1400. Lingonensi 1404.
 Carnotensi 1526. & vittæ cineres in primum diem quadragesimæ ser-
 vabantur , ex synodis Mediolanensi V. sub S. Carolo , Bituricensi an-
 ni 1584. & Aquensi anni 3585.

Hæc tenus de Confirmationis sacramento , in quo , præsertimque in
 duabus postremis partibus , ut quæ præcipiti animo fuerint compositæ,
 si quid nobis incautis minus rectum exciderit , pro non dicto , & re-
 vocato haberi volumus. Benedictus Deus in secula . Amen.

F I N I S.



APPENDIX

De existentia sacramenti Confirmationis, in qua referuntur testimonia auctorum, de quibus viri eruditi inter se dissident.

§. 1. CLEMENS ROMANUS.

CLEMENTIS Romani pontificis nomine quædam epistolæ circumferuntur, quarum quarta est ad Julium & Julianum, sub cuius hæc sic habetur, "Omnes ergo festinandum est, sine mora renasci Deo, & demum consignari ab episcopo, id est septiformem gratiam Spiritus sancti percipere, quia incertus est uniuscujusque exitus vitæ &c." Hic sane locus apertus in gratiam sacramenti Confirmationis, sed epistolam suppositiciam esse in confesso est apud viros eruditos. Eam quidem antiquam esse Bellarminus asserit; sed pro hac antiquitate asserenda nullum affert argumentum.

Ejusdem Clementis nomine citantur constitutiones apostolicæ, quæ lib. 3. cap. 10. 16. & 17. & lib. 7. cap. 23. 44. 45. & 46. sacramenti Confirmationis mentionem faciunt. Triplicem illæ in baptizatis unctionem distinguunt; unam quæ baptismum præcedit, & a diacono fit in fronte, ex lib. 3. cap. 15. alteram quæ baptismum præcedit, & ab episcopo fit in capite, ex lib. 3. cap. 15. & 16. tertiam quæ baptismum seu ab episcopo seu a presbytero collatum subsequitur, & a solo episcopo fieri potest, ex lib. 3. cap. 16. Hanc vero postremam unctionem confirmatoriam esse indicant eadem constitutiones lib. 3. cap. 16. & 17. & lib. 7. cap. 22. 44. & 45. Quin etiam cap. 45. refertur oratio, quæ pronuntiari solebat, quando chrisma baptizato adhibebatur.

Opponunt sive Dallæus lib. 1. cap. 11. sive alii hæretici, 1. quod auctor constitutionum, quicumque ille fuerit, de simplici oleo loquatur, non autem de mixture oleo & balsamo.

Respondeo 1. id gratis asseri, præsertim tum ille auctor non solum olei, sed & *chrisma* nomen usurpet lib. 3. cap. 16. & 17. Quin etiam lib. 7. cap. 44. & 45. asserit hanc unctionem fieri ex unguento *chrisma*; quibus verbis nemo dixerit oleum simplex significari.

Respondeo 2. hic agi de natura, non autem de materia Confirmationis necessariam.

Respondeo 3. apud theologos controversum, utrum balsamum necessaria sit hujus sacramenti materia.

Opponunt 1. vel ipsam tertiam unctionem, cujus auctor ille meminit, esse baptismi æremoniam, idque probari tum ex ipsis titulis *capitulum* 16. & 17. libro 3. & *capitulum* 23. libri 7. inscribuntur enim de *baptismo*; tum ex *capite* 45. ubi refertur oratio, quæ proferri debet, dum baptizatus unguento *chrisma* ungitur; eaque asserit tantæ necessitatis esse, ut ea omiſsa baptismus sit inefficax.

Respondeo 1. præfata capita inscribi de *baptismo*, quia in illis præcipue de baptismo, non autem de *chrisma*, alia pariter sunt, quæ de *chrisma*, non autem de baptismis inscribuntur, ut caput 45. libri 7. 3. Si hæc tertia unctio ejusque oratio tantæ necessitatis est, ut ex ea baptismi virtus dependeat, ea igitur baptismis essentialis est, non autem meta ejus æremonia. 4. Caput illud 45. a quodam nebulone interpolatum fuisse videtur; quis enim unquam somnia *visasse* de Confirmatione.

T

vit;

vit, baptismum fore inefficacem, nisi proluxa satis, quæ *ibidem* refertur, oratio super baptizatum proferatur qui fieri potest, ut efficacia baptismi jam collati ab oratione futura dependeat.

Opponunt 3. præfatas constitutiones ab anonymo quodam suppositas fuisse, qui, ut huic operi auctoritatem accrederet, eas nomine Clementis apostolorum discipuli composuit: quare sit

De antiquitate & auctoritate constitutionum apostolicarum.

DE auctore & auctoritate constitutionum, quæ libris octo distinguuntur, inter se disceptant vel ipsi catholici. Carolus Bovius, episcopus Ostunensis in *proemio* latinæ suæ eadem constitutionum versionis præfixo; Franciscus Turrrianus, in *præfatione* ad suam eadem constitutionum latinam interpretationem; Cæsar Baronius ad ann. 102. num. 9. Robertus Bellarminus in *lib. de scriptoribus*, Petrus Halloixius Jesuita, in *not. ad vitam Polycarpi cap. 6. in nota ad vitam Ignatii cap. 2. & in apologia pro scriptis ejusdem Ignatii cap. 3. Gabriel Albatrinus lib. 1. observ. cap. 23. Petrus de Marca, lib. 3. de concordia cap. 2. num. 2. Dionysius Petavius, de doctrina temporum lib. 2. cap. 57. pag. 206. & in annot. in Epiphanius pag. 295. 349. 356. & 360. Joannes Morinus de sacris ordinationibus, parte 2. pag. 20. & 21. Joannes Fronton in prænotatis ad *Kalendarium Romanum* §. 5. Joannes Bona lib. 1. rerum liturg. cap. 8. num. 4. Infinitum esset singulorum opiniones referre, easque expendere: præcipuas enarrabo.*

Proponitur sententia Bovii.

Bovius, qui omnium primus hodiernas constitutiones defendit, eas asserit Clementis, earumque antiquitatem & auctoritatem probat testimoniis Nicolai Methonensis, Oecumenii & aliorum, quos refero & expendo.

Nicolaus, Methonensis episcopus, quem Bovius sanctum appellat, græcus & schismaticus est, ecclesiæ Romanæ perducit, qui seculo XII. vixit, adeoque ejus auctoritas nulla est.

Oecumenius, comment. in cap. 4. *epist. 1. ad Timoth.* ad hæc Pauli verba, *testimonium temporibus suis* subjicit: "Hoc est, quando recte se habebant homines ad fidem. Ita Clemens in lib. 7. *Jeronymus*. "Floruit ille seculo X. quamobrem inferioris ætatis est, quam ut his constitutionibus fidem aliquam adstruere possit.

Maximus, monachus Constantinopolitanus, qui floruit sedente Honorio 1. ad annum 630. & martyrium passus est anno 657. *lib. apostolicarum constitutionum* laudat *prologo in opera S. Dionysii*, earumque auctoritatem adducit, ut inde probet Dionysium a Paulo Atheniensium antistitem constitutum fuisse. Textum etiam ex *apostolicis constitutionibus* proferit in *fine scholiorum ad cap. 2. libri de eccles. hierarchia*.

Proclus, qui patriarcha Constantinopolitanus electus anno 434. obiit anno 446. in libello de *traditione divina liturgie*, meminit liturgiæ Clementinæ, asserens B. Clementem apostolis distansibus eam edidisse. Hæc autem liturgia describitur *lib. 3. constitutionum*, a capite 3. ad caput 16. Verum hæc etiam græci olim distinguebant, liturgiæ Clementis, canones apostolicos, & apostolorum constitutiones. Trullana synodus canones apostolicos recipit, quæ tamen constitutiones rejicit. Græci nonnulli liturgiæ Clementinæ admittunt, qui tamen constitutiones adulteratas esse agnoscunt.

Hieronymus, qui floruit ab anno 380. ad annum 420. *peroratione in Origenis explanationem epist. ad Romanos* ab ipso (ut putatur) latine redditam, sic habet: "Post hoc sane vocat nos opus, quod olim quidem injunctum est, sed

nunc

„ nunc a B. Gaudentio episcopo vehementius perurgeretur, Clementis scilicet Re-
 „ mani episcopi, apostolorum comitis, quorum ut successoribus darem cognatio-
 „ nem, libri a nobis in latinum verruntur. Satisfaciam sane in eo amicis meis,
 „ dabo riisulo nomen meum, auctoris nihilominus vocabulo permanente. Nam
 „ Hieronymi ne puretur, Clemens scribetur. “ Haecenus Hieronymus. “ Libros
 „ autem Clementis ab Hieronymo conversos, inquit Bovius, judico has ipsas es-
 „ se apostolorum constitutiones. Quid enim ille in vertendis apocryphis (alios
 „ enim libros, qui sub Clementis nomine circumferuntur, apocryphos esse con-
 „ stat) tantopere insudaret, praeterim si sciret palmam sibi a Rufino praecipiam?
 „ doctrina vero apostolorum, qua latinae ecclesiae haecenus caruissent, digna pro-
 „ festo erat, in cuius interpretatione tantus vir laboraret. “ Verum Hieronymus
 „ in catalogo, Clementis opera recensens, non meminit ejusmodi constitutionum;
 „ praeterea de nullis omnino Clementis libris, a se vel conversis, vel convertendis,
 „ Hieronymus in suis genuinis operibus unquam locutus est. Accedit, quod ille
 „ nullibi, ne in catalogo quidem, in cuius fine recenset Origenis opera a se latine
 „ reddita, dixerit se Origenis explanationem epistolae ad Romanos de graeco in lati-
 „ num vertisse. Hieronymi igitur pro Rufini nomen substitutum fuisse suspicatur E-
 „ rasmus. Nam “ cum Ruhnus gravissima suspitione premeretur, quod esset Orige-
 „ nista, librarii submoventes quae prima statim fronte detretent lectorem, pro
 „ invidioso nomine Rufini, supposuerunt gratiosum nomen Hieronymi. “ Apo-
 „ cryphos enim recognitionum libros, latine a Rufino fuisse conversos, & ex Ge-
 „ nadio constare in catalogo scriptorum ecclesiasticorum, & ex ipso opere, quod adhuc supe-
 „ rest simul cum ipsius Rufini praefatione praemissa ad Gaudentium.

Chrysostomus, qui floruit desinente seculo IV. & obiit ineunte seculo V. hom-
 „ 53. in *Marth.* constitutiones illas citat sub nomine canonum apostolorum. “ Quo-
 „ modo quidam sacerdotes, inquit, ex hominibus ordinantur, manifeste lib. 8.
 „ canonum apostolorum dicitur. Qui autem ex hominibus ordinatus est, quantum
 „ ad Deum, non est diaconus aut sacerdos. “ Quibus subjicit Bovius: “ Hanc
 „ sententiam in ipso libro, quem Chrysostomus nominat, totidem verbis scriptam
 „ invenies. “ Verum haec homilia in opere imperfecto habetur, cuius auctor non
 „ est Chrysostomus, sed anonymus, quem sub Arcadio & Honorio Theodosii filio
 „ vixisse coniecit ex *commentis* in cap. 24. neque eadem verba, sed quaedam eis af-
 „ finia in hodiernarum constitutionum lib. 8. cap. 2. leguntur: “ Neque episcopus
 „ ignorantia aut malo animo oppletus, episcopus est; sed falso gaudet nomine,
 „ non a Deo, sed ab hominibus promotus.

Epiphanius, qui floruit ab anno 375. quo ancoratum composuit, ad annum cir-
 „ citer 403. quo obiit, de his constitutionibus ita judicat in *haeresi* 70. adversus Au-
 „ dianos, ubi sic habet: “ Ad hoc iidem, Audiani perpetram accommodant aposto-
 „ lorum constitutionem: qui liber, tamen dubiae apud nonnullos fidei sit, non
 „ est tamen improbandus. Nam in eo quae ad ecclesiae disciplinam attinent, om-
 „ nia comprehenduntur; neque quidquam aut in fide ac catholica professione de-
 „ pravatum, aut ecclesiae administrationi ac decretis contrarium continet. “ Eas-
 „ tamen constitutiones ut dubias ipse non habuit, sed eas laudavit, earumque au-
 „ thoritate usus est *haeresi* 45. contra Severianos, *haeresi* 73. adversus Aerium, *haeresi*
 „ 80. contra Messalianos, & in compendiaris doctrina ad finem *panarii* ab eodem
 „ adjecta. “ Quin etiam earum auctoritatem divinam esse affirmare videtur *haeresi* 80.
 „ De barba quidem in constitutionibus apostolorum dicit divinus sermo ac doctri-
 „ na: non corumpendor, hoc est non secandos esse pilos barbae, neque metritri-
 „ cio more ornari debere &c. “ Nullibi tamen, quod sciam, has constitutiones
 „ Clementis tribuit.

Cyrillus Hierosolymitanus, qui suas catecheses ad annum 353. junio edidit, ca-
 „ theses 18. ut probatur monachos reviviscere, usus est renascentis phoenicis similitu-
 „ dine, quam ex Clemente Romano repetit: “ Quasi ut Graeci resurrectionem e

1 mortuis manifestam magis : . . . & quaerunt aliquid animal, quod manifeste
 2 corruptum reviviscat. Novit Deus eorum incredulitatem, atque avem ad hoc
 3 condidit phœnicem, quæ ut scribit Clemens (& multi narrant) eum sit soli-
 4 gena, post quingentorum annorum circuitum ad Ægyptiorum regionem advo-
 5 lans resurrectionem demonstrat, eamque non in desertis locis, ne mysterium elu-
 6 scer occultum, sed in clara urbe (Alexandriæ) ut res incredibilis manibus tra-
 7 daretur. Extructo enim sibi tumulo ex thure, myrrha, atque aromatibus, post
 8 absolutum annorum cursum eo accedens, evidenter moritur, atque corrupti-
 9 tur. Postea ex illius mortua corrupta carne, vetem quidam gignitur, qui in
 10 avem formatur &c. " Hanc vero phœnicis similitudinem, tum in *epist. ad Corinth.*
 11 quam Patricius Junius in lucem emisit; tum in *libro 5. consiliorum. cap. 6.* ex ver-
 12 sione Turriani, vel *cap. 8.* ex versione Bovii, Clemens, diversimode tamen, re-
 13 fert. Priori si quidem loco, de narrationis fide non addubitat, quod tamen in
 14 posteriori facere videtur; priori loco, hanc avem, antequam lectulum suum in Æ-
 15 gyptum afferat, mortuam & renatam asserit; posteriori contra; hanc avem ait
 16 prius in Ægyptum advolare, eoque lectulum ex Arabia afferre; deinde in eo mori
 17 & renasci; priori loco, hæc avis e thure, myrrha & reliquis aromatibus locu-
 18 lum sibi struit; posteriori, ex cinnamomo, casia, & xylobalsamo; priori loco,
 19 ex putrescente; posteriori, ex cremata parentis carne renascitur.

Dubium igitur est, ex quo loco Cyrillus hanc narrationem sumpserit. Bovius
 ex constitutionibus apostolorum, alii ex epistola ad Corinthios desumptam fuisse
 contendunt; quæ postrema sententia longe probabilior est. Phœnix enim, de quo
 Cyrillus, loculum sibi struit e thure, myrrha & reliquis aromatibus, & ex cor-
 2 rupta carne renascitur; quæ Cyrillus iisdem fere verbis exprimit, quibus Clemens
 in eadem epistola. *Ἡμεῖς ἐν τῷ τοῦ ἐν τῷ θύρῳ, καὶ ἐν τῷ θύρῳ, ὅτι τὸ τοῦ θύρῳ ἐστὶν
 3 ἐν τῷ θύρῳ τῷ χύρῳ ἐστὶν ἐν τῷ θύρῳ* : " E thure inquit, myrrha, & re-
 4 liquis aromatibus loculum sibi struit; quem completo annorum spatii ingredi-
 5 tur & moritur. " Ita Clemens. Cyrillus vero : *Ἡμεῖς ἐν τῷ τοῦ ἐν τῷ θύρῳ, καὶ ἐν τῷ θύρῳ
 6 ἐν τῷ θύρῳ, καὶ ἐν τῷ θύρῳ ἐν τῷ θύρῳ, καὶ ἐν τῷ θύρῳ ἐν τῷ θύρῳ*
 7 Extructo sibi loculo e thure, myrrha & reliquis aromatibus, post absolutum
 8 annorum spatium, in eum ingrediens, moritur. " Denique Cyrillus hanc nat-
 9 rationem uti certam describit. Rem tamen ille narrat, quæ in *constitutionibus*,
 10 non autem in *epistola* refertur, nempe quod phœnix ex Arabia in Ægyptum prius
 11 advolet, quam in loculo moriatur & renascatur. Unde conjicere licet mendum ali-
 12 quod, vel quamdam interpolationem in Clementis epistolam irrepsisse.

Athanasius qui super cathedram Alexandrinam sedit ab anno 326. ad annum
 371. doctrinæ, quæ dicitur apostolorum meminisse, tam in *synopsi cap. antepenul-
 13 timo* : " Doctrina, inquit, Apostolorum Clementina : " tum in *epistola ad Corinthios*,
 14 quæ *romo V.* refertur : " Doctrina, inquit, quæ dicitur apostolorum. " Priori lo-
 15 co opus illud recenset inter libros " perverse scriptos, nothos & reprobos, quo-
 16 rum nullus approbatus aut utilis est; sed digni qui abscondantur magis, quam
 17 2 qui legantur. " Posteriori loco illud refert inter libros; " Quos legi a patri-
 18 bus decretam est, iis, qui nunc accedunt, & volunt in pietatis, verique cultus
 19 ratione catechizari. " Recensitis enim libris canonicis legi habet : " Sunt alii
 20 quoque libri, non in canonem quidem redacti, sed quos legi a patribus decre-
 21 tum est, iis qui nunc accedunt & volunt in pietatis, verique cultus ratione
 22 initiari. Sapientia Salomonis, Sapientia Sirach, & Esther, & Judith, & To-
 23 bias, & doctrina quæ dicitur apostolorum, & pastor; qui tamen non sunt al-
 24 4 pernandi. " Liber igitur, cui titulus, *doctrina quæ dicitur apostolorum*, duplex
 erat; alter apocryphus & inutilis, alter genuinus & utilis. Postremum opus non-
 nulli *apostolicarum constitutionum* libros fuisse opinantur; quæ etiam Bovii, Tur-
 riani & Baronii sunt sententia; a qua ut discedam, me permover ipsius Athana-
 si auctoritas, qui in eodem loco doctrinam hanc inter eos libros numerat, qui

cate-

catechumenis & nuper ad fidem accedentibus legendi essent. Cum isti constitutionum libri episcopis dicati sint, eaque tractent quæ ad regimen ecclesiæ spectant, & alia quædam mystica, quæ idcirco canonis apostolorum octuagesimi quinti auctor in vulgus efferranda esse vetuit.

Eusebius, qui floruit ab anno 300. ad annum 340. *lib. 1. hist. ecclæs. cap. 22. doctrinas, quæ dicuntur apostolorum*, recenset inter "Scripta notha; hoc est, quæ legitima novi Testamenti scripta non sunt, sed contradictionem patiuntur, & tamen leguntur a multis ecclesiasticis." sed ex verbis Eusebii, τὸ Ἀποστόλων λαγύριον διδάσκει, id est doctrina, quæ dicuntur apostolorum, apparet eandem fuisse, de quibus Athanasius in epistola *versificata ad Ammonium*, Διδάσκει τὸν λαγύριον τῶν Ἀποστόλων, id est doctrina quæ dicitur apostolorum; quod opus a constitutionum libris diversum esse probavimus.

Dionysius, Alexandrinus episcopus, qui anno 248. Ileracæ successit, in 3. epistola ad Philemonem Romanum de baptismo, relata apud Eusebium *lib. 7. hist. cap. 6. sic* habet: "Acceptavi visionem hanc, tanquam apostolicæ voci confortem, sic, sic ad potentiores dicenti: estote probi trapezitæ: γίνεσθε δίκαιοι τραπεζίται. Ubini vero apostoli potentioribus hæc dixerunt, nisi *lib. 2. confisio. cap. 36.* ubi facientibus ab apostolis dicitur: *Estote probi trapezitæ: γίνεσθε τραπεζίται δίκαιοι.* Seldenus quidem, & post ipsum Usserius, contendunt hæc constitutiones Dionysio ignotas fuisse, quia circa annum 250. cum vespera sabbati paschalem diem præcedentis, jejunium quidam solverent, alii vero usque ad galli cantum producerent: a Basilide interrogatus est Dionysius, "Qua hora jejunium, paschæ diem antecedens, esset terminandum? cui respondit ille, præcisam horam hic statuere, & difficilem rem esse & lubricam: (extat hæc Dionysii epistola ad Basilidem, inter canones cum Balsamonis commentariis editos. pag. 879. editionis græco-latine, eamque Labbæus *tom. 1. conciliorum* inseruit pag. 871.) quod nunquam ille dixisset, si apostolicæ istæ constitutiones, quæ hoc sabbato usque ad nocturnum galli cantum jejunandum esse definiunt, vel existissent ea tempestate, vel auctoritatem aliquam obtinuisset: sed cum hæc galli cantus determinatio desideretur in textu, quem ex his constitutionibus Epiphanius in *heresi 75.* adversus Aetium laudavit, inde sequitur tantum eas in hoc capite post Epiphaniî tempora interpolatas fuisse.

Clemens, presbyter Alexandrinus, sub finem *libri 1. Stromatum*, quæ post obitum imperatoris Commodi, qui anno 192. occisus est, statim composuit, "Memento ergo scriptura quoque tales non esse volens dialecticos, sic hortatur: *Estote autem probi trapezitæ: γίνεσθε δὲ δίκαιοι τραπεζίται.* Nullibi vero id scriptum erat tempore Clementis, præterquam in apostolicis constitutionibus *lib. 2. cap. 36.* ubi id ab apostolis citatur, veluti scripturæ dictum. Sed ex integro Clementis textu apparet hæc verba aliunde, quam ex constitutionibus excerpta fuisse: "Memento, inquit, scriptura nos sic hortatur: Estote autem probi trapezitæ, alia quidem reprobanter, quod autem bonum est tenentes." Quæ postrema verba in constitutionibus desiderantur. Hæc quidem sententia, quam Origenes *hom. 19. in Joan.* & Hieronymus in epistola ad Minorium & Alexandrum, sub finem *tom. 1.* Christo tribuunt & ab his Pauli verbis, omnia probantes, quod bonum est tenete, distinguunt, forsitan exibat in Hebræorum evangelio.

Tertullianus, qui II. & III. seculo floruit, in libro de resurrectione carnis *cap. 13.* phœnicis exemplo futuram resurrectionem confirmat. Tertullianum vero ex iisdem constitutionibus *libro 5. cap. 6.* hæc de phœnice narrationem eruisse Bovius & Pamelius asserunt. Turrianus ita probat. "Quod Clemens ait, præbere phœnicem *πυρίνα κνίβη* resurrectionis, Tertullianus dixit copiosam probationem resurrectionis (πλούσιον enim divitem sive copiosum significat:) & quam Clemens vocat *μυρογυῖς ὀρνέας*, id est unigenam volucrem, Tertullianus appellat volucrem singularem." Verum, impudens copiosus vocabulum, in quo Tur-

nianus

rianus vim facit, non reperitur in Tertulliano qui hac tantum hoc in loco utitur præfatiuncula: " Accipe plenissimum atque firmissimum hujus spei specimen. " 2. *perpetuis* appellatio non solum invenitur in *constitutionibus*, sed & in *epistola* Clementis ad Corinthios, ex qua narrationem illam excerptam fuisse asserunt Patricius Junius in *notis ad hanc epistolam*, & ex ipso Usserio hac *tertius conjectura*; quia Tertullianus prius ostenderat, " Diem mori in noctem & tenebris usquequaque sepeliri; deinde eandem & integram & totam universo orbi reviviscere; terramque exhibere eadem quæ absumpta sunt semina, nec prius exhibere quæ absumpta. " Quæ ipsa argumenta ad resurrectionem confirmandam in *epistola ad Corinthios*, non autem in *constitutionibus*, ante hæc de phœnice narrationem, Clemens etiam usurpavit.

Tertullianus, mea quidem sententia, neutri parti faver, sed utrique loco contradicit. Tertullianus enim hanc historiam quasi certam narrat: Clemens contra de ea in constitutionibus addubitat. Clemens in *epistola*, de putrescente phœnicis carne, non de cremata, phœnicem renasci tradit: Tertullianus contra de cremata, non de putrescente phœnicis carne phœnicem reviviscere docet. Hæc indicio sunt Tertullianum in enarranda phœnicis historia secutum esse quæ fuerant variè a variis tradita: sumptisse autem ab illis, quæ tractationi suæ facere plurimum vidit.

Ignarius apostolorum discipulus, " In duodecim epistolis, quas cum Romam ad supplicium ducebat, in itinere ad ecclesias misit, institutiones Clementis, inquit Bovius, ita est imitatus, ut non solum eorum dogmata atque præcepta expresserit, sed etiam ex iis sæpe sententias totidem verbis exscripias transulerit &c. " Verum ex illis duodecim epistolis, quinque suppositæ sunt, videlicet ad Mariam Cassabolutam, ad Tarsecenses, ad Antiochenos, ad Heronem diaconum ecclesiæ Antiochenæ, & ad Philippenses; earum enim Eusebius, & Hieronymus nullam mentionem fecere. Testimonia vero ex aliis septem a Bovio in præfatione & in *scholiis* relata, desiderantur in genuinis & minime interpolatis epistolis, quas Usserius & Vossius ediderunt. Vim quidem Bovius facit in his verbis epistolæ ad Trallianos: " Reveremini episcopum vestrum sicut Christum: quemadmodum beati vobis præceperunt apostoli. " Quibus verbis Ignatius alludere videtur ad caput 34. libri 2. *constitutionum*, ubi episcopum ut Dominum honorare jubemur. Verum de veneratione episcopi sicut Christi, ex apostolorum præscripto, alium est silentium in epistolis Ignatii ab Usserio vel Vossio editis.

Itaque ex citatis auctoribus, quatuor duntaxat favent antiquitati constitutionum apostolicarum, scilicet Maximus martyr, auctor operis imperfecti in Mattheum, Epiphanius, & Dionysius Alexandrinus.

Proponitur sententia Turriani.

Turrianus audet aliquid magis, quam Bovius. Ille siquidem affirmat non veteres, " Tales habere nostram ætatem apostolorum constitutiones, sanas scilicet, & incorruptas, quales Epiphanius ætas habuit. In temporibus nunquam error lapsus Clementem: . . omnia, quæ his libris complexus est, a sanctis apostolis, his didicisse, accepisse, audivisse. (Et in iis, quas habemus, Ignatii epistolis) ita esse apostolicarum constitutionum non solum impressa vestigia, sed ferme iisdem verbis expressa; ut nullius prope ingenii vel certe tardissimi habendus sit, qui, si has constitutiones & illius epistolæ, mediocri diligentia & observatione legat & inter se conferat, non continuo judicet beatum Ignatium illas legisse & præbasse, & usum eis esse.

Turriano Jesuitæ opponimus alios tres Jesuitas non obscuros in societate nominis, Bellarminum, Petavium, & Halloixium, quorum primus ait " haberi in iisdem constitutionibus non pauca, quæ aberrant videntur a veritate: " nec immeriti-

merito. Illam siquidem *lib. 2. cap. 11.* ajunt episcopum loco Dei "omnibus hominibus præsidere sacerdotibus, regibus, magistratibus." Clementia autem atque reges fidem catholicam nondum amplexi fuerant. *lib. 2. cap. 57.* Matthæus & Joannes cum aliis apostolis congregati ita loquuntur: "Diaconus aut presbyter evangelia legat, quæ ego Matthæus & Joannes tradidimus vobis." Quæ certe sibi non coherent. Matthæus enim anno 40. evangelium suum scripsit, Joannes vero, cum solus ex apostolis superesset, ad annum 97. ut citat a Baronio veteres docent. *lib. 2. cap. 53. & lib. 3. cap. 4. & 46.* Jacobus frater Domini extra duodecim apostolos numeratur. *lib. 2. cap. 26.* nugatur interpolator, & inæqualitatem inter Patrem, Filium & Spiritum sanctum inducit, asserens episcopum Dei Patris instar esse, qui dignitate Dei cohonestatus, toti populo præest; diaconum Christi instar esse, qui assistat episcopo, ut Christus patri; diaconissam instar esse Spiritus sancti, quæ "nihil agat aut loquatur absque diacono: sicut neque Spiritus sanctus quicquam agit aut loquitur sine Christo." *Libro 3. cap. 2.* quattuor nuptias appellat manifestam fornicationem. *Libro 3. cap. 6.* Mariam Magdalenam a Maria sorore Lazari distinguit. *Libro 4. cap. 7.* ait, quod "præstat famem perire, quam ab inimicis Dei quicquam accipere;" dona intelligit ab excommunicatis oblata in sacrificio missæ. *Libro 5. cap. 6.* "Christus (a patre) justus est facere cælum, terram &c." quod blasphemum; Filius enim, antequam incarnaretur, jussa non capessabat. *Libro 5. cap. 7.* Jacobus Jerosolymitanus episcopus mortuus dicitur; qui tamen superstes obtunditur *lib. 6. sequenti cap. 14.* *Libro 5. cap. 14.* jejunium quartæ & sextæ sextæ a Christo præceptum dicitur. *Libri 5. caput 16.* in quo traditur servandi paschæ ratio, "Protinus delendum est, se, ut nothum & novum," ultro concedit vel ipse Bovius in scholiis, qua de se infra. *Libro 5. cap. 19.* "Verbum dicitur ministris patris in condenda ætærum, universalitate." *Libro 6. cap. 3.* Nobis inquit apostoli, in unum congregatis de nobis ajebat Christus: *Rogavi pro vobis, ne deficiat fides vestra;* cum tamen uni Petro Christus dixerit *Lucæ 22. Rogavi pro te, ut non deficiat fides tua.* *Lib. 6. cap. 6.* apostoli simul congregati mentionem faciunt Ebionæorum, "Qui nostris, inquit, temporibus orti sunt. Cum post Jerosolymæ excidium, quod anno 74. contigit, emerisset Ebionem, ex Epiphanio in hæresi 30. num. 2. doceat Baronius ad annum 74. num. 6. quo tempore Petrus & Paulus, alique plures apostoli & vivis excesserant. *Libro 6. cap. 7.* apostoli Philippum, qui Samaritanos baptizavit, *coepistolam suam* appellant, quo eodem titulo Pauli apostolorum indicantur *lib. 8. cap. 4.* quem tamen fuisse unum ex septem diaconis, docetur *actuum 21.* *Libro 6. cap. 8.* Cetinthus, Marcus, Menander, Bahlides, & Saturninus, hæretici a Petto memotantur. An vero hi omnes ante necem S. Petri emerferint, quæri merito potest. Aliud certe suadent veteres, Irenæus, Clemens, Eusebius, & Epiphanius. Marcum sane hæreticum anno circiter 148. prodisse Eusebius asserit *lib. 4. histor. in eodem capite 8. libri 6.* Petrus Clementem nominat *Romanum episcopum.* *Libro 6. cap. 15.* baptismus hæreticorum irritus declaratur, quia, "illi non sunt sacerdotes." *Libro 7. cap. 23.* asseritur defectum chrismatis, quo baptizati unguuntur, aqua suppleri posse, "Quæ satis est tum ad unctionem, tum ad sigillum." *Lib. 7. cap. 24.* præcipitur servari diem sabbati & Dominicæ. "Ibidem prohibetur, ne quis die sabbati jejunet. Quod receptæ Romanorum praxi repugnat, qui ex apostolica traditione jejunabant sabbato, ex Innocentio I. in *epist. ad Decentium*, & ex Augustino in *epistola 19. ad Hieronymum*, & 16. ad Casulanum." *Libro 7. cap. 45.* baptismi efficacia pendere dicitur ab oratione quædam baptismum jam collatum subsequente. *Libro 7. cap. 47.* apostoli catalogum instituunt de episcopis a se ordinatis, inter quos recentest Judam qui, Simeoni in sede Jerosolymitana; & Teophilum, qui Cornelio in sede Casariensi Palestine succellit. Atque Petrus & Clemens obierunt ante Simeonem Cleopha, & ante Cornelium Casariæ Palestinæ episcopum. Quare nec Petrus Simeonis & Cornelii

succes-

successores recensere, nec Clemens de illis scribere potuit. *Lib. 8. cap. 15.* Filius dicitur ministrasse Patri in varia creatione rerum. *Lib. 8. cap. 32.* amica, cuiuspiam infidelis mancipium, quæ cum eo tantum rem habuerit, admittitur ad baptisum; sin vero cum aliis quoque impudica fuerit, rejicitur. *Lib. 8. cap. 31. & 35.* Jacobus frater Domini a Jacobo Alphæi distinguitur. *Libro 8. cap. 35.* Petrus & Paulus festâ apostolorum servari jubent, cum adhuc in vivis essent ipsi apostoli.

Sententia Petavii.

Dionysius vero Petavius, quid ipse de his constitutionibus senserit, nobis aperit in eruditis suis *scholiis* ad relatum *supra* Epiphaniî textum. "De apostolicis, inquit, constitutionibus dubitatum a nonnullis præstat Epiphanius. Quo eodem nomine circumferuntur hodie in octo libros distinctæ: quæ a prioribus illis, ac nihilominus dubiis, quarum meminit Epiphanius, diversæ videntur. Etenim quinque ex illis sententiæ hoc & sequenti numero citantur; quæ in vulgatis nusquam reperiuntur: imo vero contraria quædam in iis leguntur. Nam *lib. 5. cap. 16.* de paschatis celebritate catholicum dogma propalam editur: uti post æquinoctium instauratur; tum ne cum Judæis agatur. Οὐδὲν γὰρ κοινὸν ἔστιν αὐτοῖς. Ἐπειδὴ τὰς ψυχὰς, ἃς κοινῶς ἀποκαταίρει (hoc est, Nulla enim nobis nunc cum eis communicatio est. Falluntur namque in ipso calculo, quem existimant se absolvere.) Et alia quædam: quæ aut a superiori sanctione discrepant, aut si in antiquis illis constitutionibus legebantur, mirum est hoc tam præsentî ac diserto testimonio usum non esse contra Audianos Epiphanius, qui Judæorum more celebrandum præcha iisdem ex constitutionibus affirmabant. Apparet igitur aliud fuisse constitutionum genus, quam quibus hodie Clementis nomen inscribitur.

Eadem diversitas apparebit conferenti loca de synaxium & jejuniorum temporibus, ex constitutionibus apostolicis in *heresi 75.* adversus Aerium, & in *compendiaria doctrina*, ad finem Panarii ab eodem adjecta. "Si vero, inquit, oportet constitutionem apostolorum proferre; quomodo illic quarta & profabbato jejunandum esse definitur omni tempore, pentecoste excepta: & de sex diebus paschatis, quomodo præcipiunt nihil omnino sumere aliud quam panem & salem & aquam, qualemque diem agere; & quomodo dimittere in illucescentem domitiam, manifestum est. "Et in *compendiaria doctrina*: "Conventus fieri ordinatum est ab apostolis, quarta & profabbato & dominica. Quarta vero & profabbato jejunium statutum est usque ad horam nonam, quoniam illucescente quarta comprehensus est Dominus, & profabbato crucifixus: & tradiderunt apostoli, ut in his diebus jejunia fierent. "Et postea: "Sex dies ipsius paschæ potuli in seccorum usu transiguntur: panem, inquam, & salem, & aqua tunc utentes, ad vespertam. "1. Ex antiquis Epiphaniî constitutionibus, synaxes & conventus fiebant feria quarta, feria sexta, & Dominica: de feriis autem quarta & sexta huic usui destinatis, altum est in hodiernis constitutionibus silentium. 2. Ex antiquis constitutionibus, conventus fiebant tribus prælatis diebus, non autem sabbato: in hodiernis sabbata synaxibus dicata invenimus. *lib. 3. cap. ultimo, & lib. 8. cap. 33.* Propter Domini comprehensionem. 3. Ex antiquis constitutionibus feria quarta jejunabatur; ex hodiernis *lib. 15. cap. 14.* "Propter proditorem, & *lib. 7. cap. 24.* quoniam in quarta iudicium contra Dominum prodit, cum Judas proditorem pecunia promiserat. 4. Ex antiquis constitutionibus, feriis quarta & sexta jejunandum est omni tempore, sola pentecoste excepta: in hodiernis excipitur non solum pentecoste, sed etiam hebdomada pentecostem proxime subsequens, *lib. 5. cap. ultimo.* 5. In hodiernis constitutionibus *ibi*dem præcipitur, ut secunda post pentecostem hebdomada integrâ jejunemus; cujus præcepti nulli

mentio extrat in antiquis. 6. In antiquis constitutionibus jejunium ferix quartæ & sextæ solvitur hora nona; quod in hodiernis non invenitur. 7. In antiquis constitutionibus nobis præcipitur sex diebus majoris hebdomadæ, "Nihil omnino sumere aliud, quam panem, salem & aquam;" in hodiernis adduntur olera. 8. In antiquis constitutionibus jejunium sex dierum majoris hebdomadæ ad vespertam, non ultra protrahitur; in hodiernis excipitur sabbati jejunium, quod "usque ad nocturnum galli cantum" producitur lib. 5. cap. 14. 18. & 19.

Sententia Halloixii, Albaspinae, Petri de Marca &c.

Turriano denique Petrum Halloivium opponimus, qui in notationibus ad vitam Polycarpi, cap. 6. eas "haberi in apocryphis;" in notationibus ad vitam Ignatii, cap. 2. "Post Ignatii tempora conscriptas esse, minime vero (ut nonnulli etiam dunt) a Clemente pontifice, defendit. Credibile etiam esse addens, in apologia pro scriptis Ignatii, cap. 3. illas non ab uno homine, nec uno tempore, sed a diversis hominibus, & variis temporibus fuisse conscriptas.

Halloixio suffragantur Gabriel Albaspinae, Petrus de Marca alique nonnulli, qui eam auctorem seculo III. vixisse, eumque Cypriano posteriorem fuisse ex multis colligunt. Libro siquidem 5. cap. 16. Judæi dicuntur pascha celebrare ex calculo, & ratiociniis. Id vero contingere non potuit, nisi post Judæos tota Judæa expulsos: quandiu enim illis licuit in Judæa habitare, pascha non ex cyclo-rum calculo sed ex visione lunæ celebrabant. Imo axioma est apud eos vulgatum, in terra promissionis pascha non esse aliter quam ex visione lunæ celebrandum. Animum igitur ad computi paschalis ratiocinia, post expulsiōem a patria quæ ab Adriano imperatore decreta est, tantum appulerunt. Tres vero serunt Judæi computi sui auctores Rabinos, Samuelem scilicet, Addam, & Hilelem, quorum primus panto post annum Christi ducentessimum floruit. Videtur quæ de computo Judaico & his computis Joannes Morinus, vir eruditissimus, scripsit exercit. Samarii. prima, cap. 3. 2. In eodem lib. 5. cap. 16. apostoli simul congregati prohibent pascha celebrari luna 14. ne fideles simul cum Judæis festum agant: quo quidem decreto, si extitisset, jam definita fuisset celeberrima de die paschali controversia, quæ desinente seculo II. inter Victorem papam & Polycarpum Smyrnæ episcopum agitata, tot in ecclesia tumultus excitavit. 3. In eodem capite asseritur æquinoctium vernali in diem 22. martii incidere. Perspicuum autem est Christi tempore æquinoctium fuisse 25. martii: tempore vero Anatolii episcopi I adice-ni, qui ex Eusebii chronico vixit Probo imperante, anno Domini 280. æquinoctii tempus retrocesserat tribus diebus, sole arietem ingrediente, secundum Romanos undecimo kalendas Aprilis, & secundum Macedonios 21. mensis dytiæ, hoc est 22. Martii. Quod narrat Eusebius in historia sub finem libri 7. ubi Anatolii de paschate canonem refert. 4. Id colligitur ex iis, quæ cap. 14 & 15. libri 2. dicuntur adversus eos, qui penitentibus veniam negandam esse bishopemabant. Hæc enim adversus Novatianos aut saltem Montanistas, quorum hæresim in hoc capite Novatiani amplexi sunt, decreta videntur. 5. Ex hæreticorum baptismo, qui nullus declaratur lib. 6. cap. 15. quam sane apostolicam doctrinam, Cyprianus & Firmilianus non prætermisissent in suæ causæ defensione adversus Stephanum. Denique postrema verba, quibus cavetur, ne octo libri constitutionum apostolicarum publicentur, aperte indicant eas primis seculis factas non esse, cum primi seculi christiani lubentes mysteria, ut vel ex Justino constat, enuntiarent.

Vera sententia proponitur.

Ex his sex argumentis, quæ valida primo intuitu appatent, vix ullum est; quod propositionem concludat. Primum quidem falsum existimo. Judæos enim ex

Witsasse de Confirmatione.

V u

cyclo-

eyclorum calculo & ratiociniis, " Etiam ante Christi adventum, pascha celebrasse, asserit & probat apud Eusebium Anatolius ex illis, quæ a Philone, Josepho, ac Musæo, & non ab illis modo, sed & ab antiquioribus, dicuntur, Agathobulo scilicet, & discipulo ejus Aristobulo, qui unus ex illis septuaginta senioribus est, qui missi fuerunt ad regem Ptolomæum.

Duo vero, quæ proxime sequuntur argumenta, supponunt caput 16. libri 6. germanum esse: quod tamen nothum ac spurium esse apparebit illud cum Epiphaniæ rextu conferenti. Testimonium enim de paschalis festivitatis calculo in *heresi* 70. adversus Audianos ex his constitutionibus ab Epiphania productum, hisce conceptum est verbis. " Vos temporum rationes ne subducite: sed eo tempore celebra-
te, quo fratres vestri, qui ex circumcisione prodierunt. Cum iis itaque pascha petagite: & quamvis aberrant ipsi, nihil id vos commoveat. " At in nostris constitutionibus nihil extat hujusmodi, sed in *libri* 5. cap. 16. plane contrarium invenitur.

Quantum vero & quintum ratiocinia evincunt tantum hodiernas constitutiones interpolatas fuisse. Denique sextum mihi videtur falsum supponere. Quod enim primis ecclesiæ seculis christiani sua lubentes mysteria pagani non vulgarent, speraret ex Dionysio *lib. de ecclesiast. hierarch. cap. 7.* " Invocationes, inquit, (id est, verba quibus sacramenta perficiuntur) nefas est scripto interpretari, & sanctum earum sensum virtutisque quas Deus in iis operatur, e secreto in publicum efferre; sed ut nostra sacrosancta traditio docet, ess secretioribus instructionibus hauries. " Ex Tertulliano *lib. 2. ad uxorem cap. 5.* ubi ait. t. " Hoc esse delictum, quod gentiles nostra noverint. " 2. Nefas esse gentilibus mysteria revelare, quia Christus dixit: *Nolite margaritas vestras porcis jactare.* 3. Non licere uxori nubere sponso gentili, quia nec celare vitum mulier potest mysteria, nec debet revelare. Et ex Ambrosio *lib. de Initiandis cap. 1.* ubi ait, illum qui " ipsam sacramentorum rationem edit, eamque nondum mysteria ini-
stis insinuat, prodere potius quam edere mysteria. " Unde & illud apud Augustinum frequens de eucharistia: *Novum fideles*, quo verbo significatum voluit secretum esse, ac ne carechumeois quidem propalandum mysterium, de quo loquebatur. Neque Justinus in *sua apologia* pagani quæcumque mysteria revelavit, sed ea duntaxat quæ ad baptismum & eucharistiam attinent; quæ etiam ille strictim refert. Hæc vero Justinus coactus non lubens evulgavit, ut paganorum calumniam retunderet, qui christianos accusabant, quasi illi in suis cætibz res & magicas & sacrilegas agerent. Nihil igitur impedit, quominus illas constitutiones Clementi Romano asseramus cum Trullana synodo *can. 2.* & cum Photio in *bibliotheca codice* 113.

Quo tempore interpolata fuerint.

Quo vero tempore interpolatæ vel depravatæ fuerint, determinatum difficile est. Auctæ & interpolatæ videntur ante Epiphaniæ tempora; in his enim sanctiones & cæremoniæ referuntur, quæ ad III. & IV. seculum pertinent: quod etiam mihi apparet ex Dionysio Alexandrino, cui hæ constitutiones notæ fuerunt, *epistola ad Basilidem*: & ex textu quodam ab Epiphania ex his constitutionibus in *heresi* 75. & in *compendiaria doctrina* relato, *supraque* a nobis descripto, quo jejunium sex dierum majores hebdomadæ ad vespæram, non ultra producit. Scilicet circa annum Christi 210 cum vespæra sabbati paschalem diem præcedentis, jejunium quidam, ut Alexandrini, solverent; alii vero, ut Romani, usque ad galli cantum producerent, a Basilide Pentapolitano episcopo, interrogatus est Dionysius archiepiscopus Alexandrinus, " Qua hora die paschæ sit solvendum jejunium? " Cui respondit ille: " Horam exactam & valde demensam hic statueret, difficile ac lubricum esse. " Quod profecto ille nunquam dixisset, si con-

sistit.

stitutiones apostolicæ, quibus ipse utebatur, vespere tempus hic determinasset. Quis enim existimet in dubium fuisse revocanda, quæ ab apostolis decreta sancitæque fuissent? hæc igitur determinatio post Dionysii tempus & constitutiones invalida est: mutata vero post Epiphaniæ ætatem, galli cantu pro vespere substituto.

Licet autem interpolatæ & auctæ fuerint, nihil tamen Epiphaniæ tempore, "Aut in fide ac catholica professione depravatam, aut ecclesiæ administrationi ac decretis contrarium continebant. Tamen si dubiæ apud nonnullos fidei essent. "Quin etiam Augustino & Socrati ignotæ fuisse videntur, quorum ille in *epistola* 86. ad *Casulanum*: "Quibus diebus non oporteat jejunare, & quibus oporteat, præcepto Domini vel apostolorum non invenio definitum. "Iste vero *lib. 5. cap. 22.* "Quoniam nemo de eo præceptum litterarum monumentis proditum potest ostendere: perspicuum est, apostolos liberam potestatem in eodem cuiusque mentis & arbitrio permisisse; ut quisque, nec metu nec necessitate inductus, quod bonum sit, ageret. "Quæ illi certe ita non scripsissent, si apostolicas ejusmodi constitutiones cognovissent. Præsertim cum *libro 5. consilii. cap. ultimo*, non solum apostoli aliis hac de re præcepta dent, sed ipsi etiam de eadem a Christo Domino accepisse mandatum, *capite 14.* ita profiteantur. "Præcepit nobis jejuna- re his sex diebus, . . . quarta vero feria & sexta iussit nobis jejunare."

Gelasius pontifex, qui desinente seculo V. floruit, canones quidem apostolicos inter opera apocrypha recenset, non autem constitutiones apostolicas; unde con- jicere licet, eas nondum ab hæreticis depravatas fuisse; quod forte contigit secu- lo sequenti, vel sub initium seculi VII. Trullana enim synodus, anno 692. ea- rum lectionem *can. 2.* prohibet, quod "iis jam olim ab hæreticis, non sine ecclesiæ perniciæ adulterina quedam & a pietate aliena inserta sunt, quæ divi- norum nobis dogmatum elegantem ac decoram speciem obscurarunt."

Photius qui floruit ad annum 860. in *bibliotheca codice 113.* tria in istis con- stitutionibus reprehendit, sed quæ facile dilui posse existimat. Constitutiones, in- quit, tribus capitibus duntaxat reprehensioni videntur obnoxie. Ex mala nimi- rum fideione, quam de pellere non est admodum difficile: deinde quod contra Deuteronomium criminationes quasdam adducant, quæ & ipsæ dilui facile possunt: denique ex Atianismo, quem item . . . paulo instando refellere queas.

Antiquitas hodiernarum constitutionum.

Modiernæ plures habent ævos, qui tamen non impediunt, quominus Gabriel Albaspinus, Petrus de Marca & Joannes Morinus, viri rerum antiquarum periti- ssimi, eorum auctoritatem recipiant. "De constitutionibus istis (inquit Alba- spinus) nemini dubium esse debet, quin probus juxta & antiquus liber sit, cet- toque affirmare possum trecentis primis annis eo ecclesiam Græcam, tanquam titulari, & pontificali usam esse: quique eas attentius legerit, eadem de illis quæ de canonibus judicabit, additas videlicet decursu temporum primis novas, quemadmodum & novæ leges, ac constitutiones in regimine ecclesiæ, novis occasionibus enatis, factæ sunt,

"Omnium, inquit de Marca, antiquissima est collectio illa quæ canonum apo- stolicorum nomine circumfertur: cujus vetustas eadem origine censi debet, qua liber constitutionum apostolicarum sub nomine Clementis Romani editus, cum eos canones ultimo capite integros liber constitutionum complectatur. . . Sane ut Clementis Romani fortum non esse, ita erudito scriptori, qui illi sal- tem seculo floruerit, vindicandum, omnibus hodie persuasum esse video; cum in illo commentario antiquæ disciplinæ satis expressa vestigia supersint. Cujus auctoritas quanta fuerit apud veteres christianos, inde colligitur, quod hæreti- ci corrupto stylo aliquot locis eum violant; ut conquiritur Epiphanius, qui eo libro contineri *τὰς ἀποστολικὰς τήν* testatur.

„ Constitutiones illas (inquit Morinus) quæ vulgo Clementis nomine feruntur, cenſeo diſciplinam eſſe eccleſiaſticam, qua orientalis eccleſia ante Conſtantinum primum ſub ethnicis imperatoribus regebatur. Primus eas in ordinem ex ore & mandatis apoſtolorum exceptas redegit & edidit Clemens. Deinde ſucceſſu temporis a ſynodis orientis audæ, primi authoris nomen conſtanter retinuerunt. Hoc non inſciabitur, opinor, qui diſciplinæ orientalis peritus conſtitutiones illas legerit. Opponi multa ſcio, ſed eorum magnam partem jam conſtat veritatem eſſe patentiſſimam, nedum errorem, aut crimen, de reliquo facile ſtipulari poſſem. Conſtitutiones igitur illas, non præſe ut ab apoſtoliſ editas, ſed ut ante 1400. annos in oriente uſurpatas exſcribimus, & ob lectorum oculis exponimus. “ Ita vir eruditus in *comment. de factis ordinat.* quem edidit anno 1655. *par. 2. pag. 21. num. 3.*

Eatam igitur conſtitutionum auctoritas in iis titibus aſſerendis valet (quales ſunt, de quibus agimus) quos ſeculo III. & IV. obſervatos fuiſſe conſtat.

§. 2. DIONYSIUS AREOPAGITA.

Tria ex Dionyſio Areopagita teſtimonia referri poſſunt. Primum & ſecundum habentur *lib. de ecclſ. hiſtarch. cap. 2.* quod caput Dionyſius in tres partes dividit.

Prima parte oſtendit, quo ordine perveniatur ad vitæ ſanctitatem, & quomodo baptiſmus ſit quedam nativitas ſpiritalis, atque principium operum ſupernaturalium. Secunda parte deſcribit ſolemne ritum baptizandi, qui ſic habet. 1. Pontifex omnibus prædicit ex veris evangelis, quomodo Deus ad nos pro humanitate ſumma deſcenderit, ut nos Dei filios eſſiceret. 2. Baptiſmi candidatus ſuſceptorem quaerit, a quo inſtructus ad epiſcopum adducitur. 3. Pontifex utrumque benigne excipit, Deum adorat, eique gratias agit. 4. Clerum, cum ut hominis ſaluti cooperentur atque congaudeant, cum ut divinæ bonitati gratias agant, convocat, & hymnum aliquem e ſcripturis una cum univerſo eccleſiæ choro decantat, quo finito, ubi ſacrum altare deoſculatus eſt, ad candidatum accedit, & quid peticum venerit ſeſcicitur. 5. “ Ipſum priſtinam infidelitatem, veri boni ignorationem, nec non vitæ ſpiritualis privationem deſtinentem, aique Dei divinarumque compotem fieri poſſulantem, præmonet, integre illi ad Deum accedendum eſſe: propoſitaque divine vivendi forma, nec non interrogato num ex ea victurus ſit, aſſentienti manum capiti imponit: & ſacerdotibus mandat, ut candidatum & ſuſceptorem deſcribant in ſactis tabulis. 6. Facta ſuper ipſo oratione, baptizandus exiit (unica nimitum, & non omni veſte) & converſus ad occidentem, ter Satanam inſuſat, ter abrenunciat, terque confeſſatur. Deinde ad orientem convertitur, in cælum intuetur, manus attolit, Chriſto, eunſque eloquiis a Deo traditis aſſentitur, proteſtatur & hic triplici profeſſione ſidem. 7. Candidatum tertio profeſſum pontifex recipit, eique manum imponit. 8. Miniſtri penitus ipſum exuunt, ut ſacro oleo inungatur. 9. Pontifex trino ſignaculo inchoans unctionem, ſacerdotibus hominem tradit toto corpore inungendum. 10. Dum ſacerdotes eam inungunt, pontifex ad fontem accedit, aquam ſactis invocationibus ſanctificat, unguentum in crucis formam ei ter immiſcet, & pſalmum 28. decantat: *Vox Domini ſuper aquas.* 11. Candidatus adducitur, proclamatur ejus & ſuſceptoris nomen a ſacerdote, & ſacerdotum manibus in aquam ducitur ad manum pontificis, qui ſuperne aſtans, eum ter immergit & emergit, & tres Dei perſonas invocat. Tunc excipientes eum ceteri ſacerdotes, tradunt ſuſceptoris, & una cum eo initiatum veſte alba induunt. 12. “ Rurſus illum ad manum pontificem ducunt, qui divinitus ſactato oleo virum conſignat. “ Ea Confirmationis ſacramentum. 13. Pontifex ipſum euchaſtiæ participem efficit.

Tertija parte ſubjungit contemplationem, in qua 1. Oſtendit hunc ritum eſſe ſacrum.

crum. 2. Cæremonias istas significare gratiam spiritalem. 3. Deum gratiam suam omnibus communicare. 4. Exponit quo ordine perveniatur ad perfectionem. 5. Quid sibi velit adductio & inscriptio baptizandi, quid item abrenuntiatio. 6. Quid ad orientem conversio. 7. Quid unctio. 8. Quid in aquam immersio & emerlio. 9. Quid candidum vestimentum. 10. Quid unctio finalis. 11. Quid communio. Undationem vero finalem sic explicat: "Denique ungenti illa consummans unctio cum, qui initiatus est, odoris suavitate perfundit. Sacra enim divinæ generationis perfectio, ea quæ initiata sunt, divino Spiritui conjungit."

Tertium testamentum habetur libro de *ecclesiæ hierarc. cap. 4.* quod Dionysius in tres partes dividit. Prima parte dicit, unguenti mysterium asine esse venerabili eucharistiæ. Secunda parte describit ritum consecrandi sacrum unguentum. Tertia parte subjungit contemplationem, in qua mystice explanat, t. quid sibi velit unguenti obvelatio. 2. Aut unguentum, licet profanis rectum sit, sanctis tamen patere. 3. Sacrum unguentum habere vim consummandi. 4. Exponit quid unguenti compositio significet. 5. Ostendit, quod quanto quis Deo propinquior est, tanto etiam suavius ab ipso afficiatur. 6. Quid significant ministri, qui pontifici in confectioe unguenti assistunt. 7. Quid Seraphinorum multiplices facies, & quid alæ designent. 8. Cur facies & pedes obtegant. 9. Quid sibi velit clamor alterius ad alterum. 10. Quomodo unguentum designet Christum in se invariatur nos sanctificare. 11. Cur unguentum in omni fete consecratione adhibeatur. 12. Cur unguentum post baptismum adhibeatur. "Ei, inquit, qui sanctissimo divinæ regenerationis sacro initiatus est, consummans illa unctio divini Spiritus illapsus, elargitur, sacra (uti reor) symbolorum fitione hoc sub oculis ponente, quomodo ab ipso, qui propter nos humano more Spiritu Dei principali sanctificatus, essentiali divinitatis suæ statu invariato, divinissimus ille Spiritus donec, tur." 13. Ostendit, cur unguentum illud *τακται*: hoc est perfectio & consummatio nuncupetur.

Habes in his tribus locis cæremoniam & ejus effectum, ac proinde sacramenti propriè dicti rationem. Vides etiam quanti fecerint veteres hoc sacrum unguentum, quod hodierni hæretici tantopere despiciunt.

Verum quia Calvinistæ operum Dionysii antiquitatem & auctoritatem elevare conantur, brevem, quantum fieri poterit, ea de se dissertationem instituamus necesse est.

De antiquitate & auctoritate operum Dionysii Areopagitæ.

Ut hæc opera Dionysio Areopagitæ vindicent, nonnulli citant,

1. Dionysium Corinthiorum episcopum, qui referente Maximo martyre in *præfatione* ad sua in Dionysium scholia, meminit Dionysii Areopagitæ. Verum, aliud est meminisse Areopagitæ, aliud scriptorum ejus. Refert vero Eusebius *lib. 3. histor. cap. 4.* in fine, Dionysium Corinthiorum episcopum memorare Dionysium Areopagitam fuisse primum *ecclesiæ Atheniensis episcopum*.

2. Clementem Alexandrinum, qui *lib. 1. Stromat. sub finem*, ut ostendat Deum nostris ad ipsum contemplationibus non trahi ad nos, sed nos potius ad illum trahi, eadem utitur similitudine, qua Dionysius *lib. de divinis nominibus cap. 3.* scilicet navi ad saxum funibus alligata. Et *lib. 3. Stromat. sub medium*, explicat, quomodo ad Dei cognitionem per viam negotiationis perveniri possit. Qua in re Dionysium imitatur libro *de divinis nominibus cap. & lib. de celesti hierarchia cap. 2.* Verum, præterquam quod Clemens Dionysium nullibi laudat, incertum est, utrum Clemens ab auctore ejusmodi operum, an hic auctor a Clemente hanc doctrinam acceperit, vel uterque eam suo Marte invenerit.

3. Origenem *bom. 2. in diversos*, quæ quidem est in *caput 1. Joannis*, ubi sic habet: "Et ut ait magnus Dionysius Areopagita: esse omnium est supersessentia," & di-

» & divinitas. " Verum, in hac homilia mentio fit Manichæorum & Arianorum, qui post Origenem exorti sunt.

4. Dionysium episcopum Alexandrinum, qui floruit ad annum 270. & referente Maximo martyre in scholiis ad caput 5. libri de celesti hierarchia, commentarios edidit in Dionysium Areopagitam. Sed regei potest, in textu Maximi martyris haberi quidem, in beatus Dionysium sibi cognominum, non autem in beatus Dionysium Areopagitam. Duo vero præter Areopagitam Dionysii celebres fuerunt, ambo insignes scriptores, qui Alexandrini tempora præcesserunt, Dionysius Romanus pontifex, & Dionysius Corinthiorum episcopus, cujus epistolæ heretici depravarunt ex Eusebio lib. 4. hist. cap. 22. & quas Alexandrinus scholiis forte illustravit. Præterea, si Maximus Dionysium Areopagitam intellexisset, dicere de buisset, in hunc ipsum beatum Dionysium, non autem in beatum Dionysium sibi cognominem; agebat enim tum de Dionysio Areopagita. 3. Cur ipse Maximus ætate sua librorum ejusmodi antiquitatem elevare conantibus, eo quod nec Origenes, nec Eusebius, nec alius antiquus scriptor eorum meminisset, non opposuit Dionysii Alexandrini auctoritatem, si quos ille in Areopagitam commentarios scripsisset; fatendum nihilominus quod Maximi verba primo intuitu innuere videantur, Alexandrinum in Areopagitam notas fecisse. " Cur, inquit, cum ecclesia omnes sanctos Angelos dicat unius esse essentia (seu substantia) divinus Dionysius Areopagita multas nominat virtutes seu subsistentias? magnus Dionysius Alexander episcopus, orator ille in scholiis quæ fecit in beatum Dionysium sibi cognominem ita dicit, solitam esse profanam sapientiam essentias appellare subsistentias; atque ex hoc dicit, has voces ex more profanorum scriptorum a 3. Dionysio abusive usurpatas esse, " utique Areopagita; quæritur enim ibi cur Dionysius dixerit celestes essentias seu substantias, cum ecclesia doceat omnes angelos ejusdem esse essentia; ille vero ex Dionysio Alexandrino respondet, essentiam seu substantiam a Dionysio Areopagita hic ex more profanorum scriptorum abusive usurpari pro subsistentia.

5. Citant Athanasium in oratione de naturali communione similis essentia inter Patrem, Filium & Spiritum sanctum cap. antepen. tomo 3. ubi eandem de angelis doctrinam tradit, quam Dionysius lib. de celesti hierarchia cap. 7. ait enim quod angeli sibi subordinentur: " Quod Throni, Cherubim & Seraphim nullo medio illuminentur a Deo, tanquam omnium summi, & Deo vicini; hi vero doceant inferiores ordines, atque ita deinceps superiores doctrinam inferioribus, communicent. " Verum Athanasius Dionysii vel alius auctoris nullam ibi mentionem facit, neque innuit se aliunde accepisse hanc doctrinam; imo " Angelorum ordinem distinguit in ordinem docentium, permittentium, punientium, & eorum qui animabus gratificantur, vel qui apud homines permanent. " Quam certe distributionem Areopagita non novit.

6. Citant eundem Athanasium quæst. 8. ad Antioch. ubi Dionysii textum refert. Sed fatetur omnes, librum illum non esse Athanasii, in eo enim laudantur Gregorius Nazianzenus, Gregorius Nyssenus; in eo etiam quæst. 29. & 40. refutatur Iconoclastarum hæresis. Unde liquet opus illud recentius esse.

7. Citant Gregorium Nazianzenum, apud quem " nonnulla sunt loca, quæ Dionysii Areopagitæ verbis usque adeo similia sunt, ut ea ille ab ipso mutuatus esse non immerito cuiuspiam videri possit. " Ita Jacobus Billius lib. 1. factarum observat. cap. 23. ubi ejusmodi loca refert. Verum qui contrariis sunt sententia, reponunt Dionysium ea potius a Gregorio accepisse. Adde, quod hæc verborum affinitas non tanta sit, quantum Billius venditat.

8. Citant eundem Gregorium in oratione de te ierusalem, ubi sic habetur: " Sic nimirum sancta sanctorum, quæ a seraphinis conteguntur, & glorificantur, tribus sanctificationibus in unam dominationem & deitatem coeuntibus. Quod & alius quidam eorum, qui ante nos fuerunt (alii vertunt, alii quidam e memoribus)

3. *seribus* : græce habetur, *ἐκδοτὶς τῆς τοῦ κυρίου* } pulcherrime & sublimissime philosophatus est. " Ubi per hæc verba, quod & alius quidam &c. existimant iudicari, Dionysium Areopagitam *cap. 7. de celestis hierarch.* sub finem ita de Seraphinis scribentem : " Hi autem celebratissimam illam & augustissimam Dei laudem magna voce clamant : sanctus, sanctus, sanctus, Dominus sabaoth : plenus est omnis terra gloria ejus. " Verum præfata Gregorii verba Nicetas intellegit de Athanasio, qui in oratione super ista verba Matth. 21. *Omnia mihi tradita sunt*, ex hoc hymno celestis Trinitatem & personarum æqualitatem probat : non autem de Dionysio, qui ex hoc hymno nihil omnino philosophatus est.

9. Citant Chrysostomum in *homilia* de pseudopropheta & falsis doctoribus a Gerardo Vossio edita, in qua hæc verba leguntur : *Ubi Dionysius Areopagita, volueris celi* ? quibus alludit ad sublimem Dionysii doctrinam. Sed plerique viri docti hunc sermonem pseudepigraphum putant, & vel ipse Fronto Duceus ob styli differentiam inter eos illum rejicit, quos constat non esse Chrysostomi. Plura tamen reponi possunt. 1. Non tanta est styli differentia, quantam Fronto Duceus facit. 2. Alius est stylus senis, alius juvenis; alius dolentis & anxii & pro grege suo derelinquendo solliciti atque ab eo discessuti, & alius tranquilli & episcopali sede animo quieto ac securo residentis. Hanc enim homiliam non longe ante Chrysostomum excessum scriptam esse, exordium indicat. 4. Anastasius bibliothecarius eam sub Chrysostomi nomine laudat in *epistola ad Carolum Calvum*. 4. In ea mentio fit Evodii & Ignatii, antistitis & patronum Antiochiæ, unde Chrysostomus ortus erat : " Ubi Evodius ille, bonus odor ecclesiæ, & sanctorum apostolorum successor ? ubi Ignatius Dei domicillium ? ubi Dionysius Areopagita, volucris celi ? 5. In hæc homilia eorum duntaxat patrum mentio fit qui Chrysostomum præcesserunt : " Ubi Evodius &c. ubi Ignatius &c. ubi Dionysius &c. ubi Hippolytus ? ubi Basilus magnus &c. ubi Athanasius &c., ubi Gregorius theologus, & alter illi cognominis ? ubi Ephrem &c. " 6. In hac homilia mentio fit Athanasii, Basilii, utriusque Gregorii Nazianzeni & Nyseni. Mentio igitur facta quoque fuisset Chrysostomi, si hæc oratio alterius esset ipso posterioris. Illis enim suppar erat, nec doctrina, eloquentia, & fama inferior. 7. Sicut in hac homilia nullius catholici auctoris mentio fit, qui non objerit ante Chrysostomum : ita nec ullius hæresiarchæ, qui post ipsum vixerit. 8. Ubi Simon magus &c. ? ubi Montanus ? ubi Marcion ? ubi Valentinus ? ubi Manes ? ubi Basilides ? ubi Arius ? ubi Eunomius, & reliqui hæresiarchæ ? " mirum forte cupiam videbitur, quod Chrysostomus Basilium *magnum* appellavit. Verum eodem titulo Basilium cohonestavit Theodoretus *lib. 4. celest. histor. cap. 19.* & ante Chrysostomum Gregorius Nazianzenus in oratione funebri ejusdem Basilii, longe post medium.

10. Citant Cyrillum Alexandrinum, qui in *libris adversus Diodorum & Theodorum* laudat ita " testimonio Felicis, Dionysii Areopagitæ, & Gregorii Taumaturgi, " referente Liberato, archidiacono Carthaginensi *cap. 10. breviar. ii*, quod ille scripsit anno 546. Verum ex eodem Liberato, " Catholici veritatis defensores Acephalis responderunt, illos libros non esse Cyrilli. " Deinde ex ipso textu incertum est, utrum Dionysius ille, cujus mentio fit, Areopagita sit, vel Corinthius : sic enim habetur : " Dionysii Areopagitæ Corinthiorum episcopi. " Alterutrum enim, aut *Areopagita*, aut *Corinthiarum*, vocabulum redundat.

Quæ certa sunt, præponimus.

His igitur omisiss tanquam inceptis, ea duntaxat referam, quæ certa sunt a primam scilicet mentionem operum Dionysii Areopagitæ factam fuisse in collatione ne habita Constantinopoli in palatio Justiniani imperatoris, anno 532. inter catholi-

tholicos & Severianos seu Acephalos, nimirum in collatione secundæ diei : liquidem in eo congressu ab hæreticis citata, & ab orthodoxis repudiata fuerunt tanquam spuria : sed cum orthodoxi deinde matuta consideratione agnovissent eorum librorum in fide soliditatem, admirabilemque doctrinam, eos amplexi sunt : & tributum Areopagitæ nomen auctori permansit.

Qui Dionysium ejusque opera cum laude citarunt, e græcis primi fuerunt Leontius & Anastasius Sinaita, qui ambo Justiniano imperante florebant : e latinis vero primus fuit Gregorius magnus, quem plures deinde secuti sunt. Lis autem de auctore runc nulla erat; postea a criticis septimi & octavi seculi excitata fuit, quibusdam Dionysio Corinthiorum episcopo, aliis Dionysio Alexandrino, aliis juniori Apollinari, qui anno 373. a Damaso hæreicos damnatus est, hæc opuscula assignantibus; ex Maximo martyre in *scholiis ad caput 7. de ecclæs. hierarch.* ad hæc verba; *Et brevissimam.* Eorum argumentis responderunt, idem Maximus martyr, qui ab anno 630. ad annum 657. floruit, in *prologo ad sua in Dionysium scholia*; & Theodorus presbyter relatus a Photio in *bibliotheca*, *cod. 1.* ubi criticonum quidem objectiones proponuntur, Theodori vero prætermittuntur responsiones. Petit injuria temporum ille liber : atque utinam ille extaret, aut epitomen responsionum ejus Photius excerptisset; forsitan enim solidas Dionysii vindicias haberemus.

Prævaluit igitur opinio, quæ ejusmodi libros Areopagitæ vindicat. Auctores, qui seculis retro sequentibus scripserunt, eos sub Areopagitæ nomine laudant. Sopitæ vero litem postremo seculo renovare Theodorus Gaza, & Laurentius Valla, ambo grammatici, Desiderius Erasmus, Thomas Cajetanus cardinalis, Magdeburgenses, & alii. Hinc plures in utramque partem diatribæ.

Referuntur opiniones diversæ.

De hac enim controversia postremo & præfenti seculo scripserunt; ex hæreticis Laurentius Humfredus *tom. 3. doctrine Jesuiticæ*; Vvilletmus Vvitakerus *de scriptura sacra* contra Bellarminum; Abrahamus Scultetus in *medulla theologiæ*; Rivetus in *critica sacra*; Scaliger, & alii, qui ejusmodi operum antiquitatem & auctoritatem elevare conantur : scaliger enim eorum auctorem vixisse putat temporibus Justiniani II. ad annum circiter 690. qua in re aperte fallitur. E catholicis vero cardinalis Cajetanus, *comment. in lib. 3. Regum, & in alia apoc.* Desiderius Erasmus, in *cap. 17. alt.* Joannes Morinus in *libro de sacris ordinat. cap. 27.* Joannes Launoyus, alique nonnulli, qui hæc opera Dionysio quidem Areopagitæ abjudicant, eorum tamen auctoritatem recipiunt, eaque inferius, quam ad IV. aut V. seculum rejici non posse existimant; in eandem sententiam inclinat Joannes Bona cardinalis, *lib. 1. rerum liturg. cap. 8. nu. 5.* Baronius contra ad *ann. 109. nu. 51. 52. &c.* Bellarminus in *libro de scriptoribus*, & alii; hæc opera uti genuini Dionysii sætus defendunt. Rationes & momenta utriusque partis referam.

Momenta partis affirmantis.

Primum petitur ab antiquis auctoribus, Dionysio Alexandrino, & Joanne Chrysostomo, locis *supra* citatis. Sed argumentum illud non satis firmum esse ex *supra* dictis apparet.

Secundum petitur a gravissimis auctoribus, qui hæc opera sub Areopagitæ nomine laudant, videlicet Leontius, monachus Bizantinus, qui floruit ad annum 540. *lib. de falsis hæretic. actione 3. & lib. 2. contra Nestorium & Eutychetum*; Anastasius Sinaita, episcopus Antiochenus, qui eod. m. tempore floruit, *libro 7. Imagog. contempl. in hexameron*; Gregorius magnus, qui electus anno 590. obijt anno 604. *hom. 34. in evangelia*, Sophronius, episcopus Hierosolymitanus, qui floruit ad annum 630. in *epistola ad Sergium patriarcham Constantinop.* quæ referuntur &

tur & probatur in actione 1. concilii VI. œcumenici; Maximus, monachus Constantinopolitanus, qui florebat anno 630. sedente Honorio I. & martyr occubuit anno 697. in *prologo* ad sua in Dionysium scholia, ubi hæc opera Dionysio vindicat; & contrariis argumentis satisfacit; Martinus quoque primus hujus nominis pontifex, qui pontificatum inijt anno 649. librum *de divinis nominibus & epistolam ad Cajum* sæpe laudat in actione 3. concilii Lateranensis adversus Monothelitas eodem anno congregati; Agatho pontifex in *epistola* ad imperatores Constantinum, Heraclium & Tiberium scripta adversus eosdem hæreticos anno 680. & relata in actione 4. concilii VI. œcumenici, eundem citat Dionysium in libro *de divinis nominibus*; ipsum etiam Macharius, Antiochenus patriarcha ad causæ Monothelitarum defensionem adducit in actione 1. ejusdem concilii; actione vero 8. ab utraque parte & catholica & hæretica objicitur. Aliquot annis post hoc concilium Joannes Damascenus tria ex eodem auctore testimonia protulit lib. 1. *de fide orthodoxa cap. 12. & lib. 2. cap. 18. & in libro de his qui in fide obierunt*. Ejus etiam auctoritate usi sunt Hadrianus I. in *epistola* (habetur num. 14. romæ 6. concil. Labbæi) quam ad Carolum magnum scripsit pro VII. synodo: & Nicolaus I. in *epistola* ad Michaelen imperatorem, ubi citat Dionysii *epistolam ad Demophilum*. Operosum esset hic recensere innumeros auctores, qui seculis VII. VIII. IX. & sequentibus hæc opuscula Dionysio tribuerunt. Prætermitti tamen non debet Photius, licet schismaticus, de cujus singulari emendatione atque exacto in censendis libris judicio catholici æque & hæretici consentiunt; ille siquidem expensis utriusque opinionis rationibus ac momentis, quæ in Theodori vindictis legerat, tandem istos libros, de quibus hic agitur, Areopagitæ adjudicat in *bibliotheca, codice 231.* ubi in variorum recensione auctorum, quoscunque Sophronius, ita de Dionysio loquitur: "Er Dionysius ille, sermone quidem magnus, sed major contemplatione, Pauli discipulus, & Christi martyr, & Atheniensium episcopus. Ita ille, quæ certe non diceret nisi opera, quæ Areopagitæ nomine inscripta sunt, Areopagitæ adjudicaret. Nam unde sciret illum sermone magnum, si nihil ejus operum vidisset? unde nosset illum majorem contemplatione quam sermone si nullam ejus contemplationem legisset?"

Tertium argumentum petitur a conciliis mox relatis, quibus addes synodum Nicenam II. *can. 2.*

Quartum petitur a summis Pontificibus ibidem relatis.

Quintum petitur ex miraculis, quibus Dionysii libros qui supersunt, Deus optimus maximus decoravit anno 824. Cum enim Michael balbus orientis imperator, legatos ad Ludovicum pium misisset, eo ipso die, quo libri S. Dionysii per Theodorum diaconum, ecclesiæ Constantinopolitanæ œconomum, qui unus erat e legatis, ad cœnobium san-Dionysianum allati sunt, (erat vigilia S. Dionysii) novemdecim insignes variorum morborum curationes meritis tantæ matris factæ sunt. Consule Baronium *ad ann. 109. num. 43.*

Sextum petitur ex librorum materia, quæ sane digna est, quæ a Pauli discipulo pertrahatur. Materies enim sive argumentum est Deus, Trinitas, Angeli, ecclesiæ, sacramenta, pontifices, & graduum seu officiorum ecclesiasticorum distinctio. At materies scripti (inquit Scultetus *ratione 5.*) oppositum demonstrat. Nam in hierarchia cœlesti cœli supellectilem, & angelorum subcella non modo vane, sed etiam falso enumeravit, & pæne inventarium confecit. Apostolus 2. *ad Corinth. cap. 12. v. 4.* ista & hujusmodi reliqua omnino *ijina* esse dicit. Irenæus lib. 2. *cap. 35.* istos hierarchiarum scriptores delirare scribit. Augustinus in *enchiridio ad Laurentium cap. 38.* affirmat se nescire ordines angelorum & eorum differentias. Nec sequuntur Dionysium in Angelorum distinctione Gregorius magnus, Bernardus, & alii. Ita vanus ille auctor vane, ne dicam improbe, dissertit. Paulus 2. *ad Corinth. 12. v. 4. Audivit arcana verba, quæ non licet homini loqui.* Quid ibi quæso, contra Dionysium? Irenæus arguit Marcionem duoslingentem

Itasse de Confirmatione.

X x

tem

cum Deos, Valentinum triginta constituentem æonas &c. eosque delirare dicit. Quid ibi, amabo, contra Dionysii hierarchiam? Augustinus vero non omnia novit: quod ipsum laruit, novit Dionysius, novit Athanasius. Gregorius autem homilia 34. in evang. & Bernardus sermone 19. in cantica, probant quidem ex scripturis, novem esse Angelorum ordines, sed eos in choros & hierarchias non distinguunt.

Septimum petitur ex stylo, qui propositæ materiæ respondet, & ita in sublime assurgit, ita in voces novas ac singulares ac rerum cæteroquin inexplicabilium significationem ebullit, ita sursum cogitationibus & sensibus in immensum attollitur, ut Hugo Victorinus angeli potius verba esse putet, quam hominis. At "stylus horum librorum (inquit Scultetus *ratione* 1.) non est simplex & sincerus, sed argutus nimis, inflatus, & affectatus, & parum apostolicus. "Sed Sculteto Photium opponimus, qui Dionysii stylum, non inflatum, sed rebus ipsius inferiorem agnovit, cum illum dixit "sermone quidem magnum, sed contemptum, platione majorem. "Opponimus & Maximum martyrem, qui in *prologo* ad sua in Dionysium scholia observat illum *sine ulla affectatione* scripsisse. Quamvis enim stylus materiæ utcumque respondeat & sublimis sit in re sublimi, simplex tamen & sincerus est, non simplicitate quidem sermonis humi repentis, sed ea, qua res magnæ verbis magnis & propriis, non autem longis ambagibus & translationibus vocibus explicantur.

Octavum argumentum (quod etiam a Maximo adducitur in *prologo*) petitur ex *certainissima doctrina*, quæ in his libris traditur: quæque tanta est, ut in iis, quæ ad fidem, mores, & religionem attinent, ne vel minimum novum reperias: quod solis apostolis, & evangelistis, virisque apostolicis convenit. At "auctor horum librorum (inquit Scultetus *ratione* 10.) errat manifeste, quod docet, o, leo defunctos perfundendos & ungendos: monachatum omnium initiandorum, ordines atque etiam ipso ministerio esse excellentiorem: unguentum baptismo, *ἱεράριον* esse invenum scilicet hominis sacramento Christi. "Ex his tribus, quæ Scultetus objicit, primum quidem docet Dionysius, sed hujus usus rationem asserit libro de *eccles. hierarch. cap. 7. parte 3. §. 8.* secundum vero Dionysius nullibi docet: contra monachos ad laicorum ordinem redigit *Ibidem cap. 6. par. 1. §. 3. & cap. 7. parte 2.* Tertium etiam nullibi asserit, etsi vero asseruisset, nihil in eo differret ab aliis patribus, qui baptismum Confirmatione perfici asserunt.

Neque dicas in iis saltem operibus, nimirum de *eccles. hierarch. cap. 4. parte 1.* doceri, quod "unguenti consecratio sit *ἱεράριον*, "id est *ordinata sacra synaxis*. Siquidem hisce verbis non significatur, quod unguentum illud eucharistiæ dignitatem adæquet, sed quod unguenti consecratio coordinata sit consecrationi synaxeos; sive quia hæc unguenti consecratio ita ordinata erat, ut cum eucharistiæ consecratione fieret intra eadem missarum solemnia: sive quia ab eodem pontifice fieret, a quo eucharistiæ consecratio; sive quia unguenti consecrationi adhiberentur cæremoniæ suppres fere eucharistiæ consecrationi, ex libro de *eccles. hierarch. cap. 4. parte 2.* Unde Cyrillus Hierosolymitanus *catechesi* 3. *mysag.* hanc unguenti consecrationem ita exaggerat, ut eam cum eucharistiæ consecratione conferre videatur. Verum hæc comparatio accipienda est per quamdam similitudinem vel proportionem, non æqualitatem. Quoad aliquid tamen hæc unguenti consecratio dignior est, quatenus ad eam ministerium episcopale necessarium est.

Nonum & ultimum argumentum, quod etiam Maximus in *prologo*, & Baronius ad *ann. 109. num. 58.* tractant, petitur ex probitate auctoris. Etenim si opera illa non sint Dionysii Areopagitæ, sed alterius Dionysii, sive Corinthii, sive Alexandrini, sive alterius cujuscumque posterioris, sateri necesse est illorum auctorem, mendacem, simulatorem, fallacem, & desperatæ salutis exitisse. Ait enim, quod apostolis convixerit, quod ipsis scripserit, quod fuerit Pauli discipulus; quod

Helio-

Heliopoli cum Apollophane agens, de solari eclipsi, quæ passionis tempore contigit, philosphatus fuerit : asserit etiam, quod adfuerit B. Virginis funeri, quod hymnos in ejus honorem audierit ; & quod Timotheo eodem memoranti aures dederit : scribit se Joanni apostolo in exilio versanti vaticinatum esse, quod in Asiam reverteretur ; epistolas & verba tanquam ab apostolorum discipulis pronuntiata refert ; pleraque alia in iis operibus asserit, quæ, si fida essent, prodigiosa mentendi & decipiendi audaciam continerent. Arqui hoc minime dici potest ; nam scripta illa meram sapiunt & spirant pietatem, modestiam, gravitatem, & sanctimoniam : neque ullum prorsus vel minimum aut levitatis aut vanitatis (quæ abesse a fallacibus non possunt) sursum redolent. Huic argumento, quod validum est, nihil hæcenus responsum est ab adversariis.

Momenta parsi negantis.

Hæc momenta plura sunt. Singula referam ; & quid singulis responderi posse mihi videatur, asseram.

1. Hic auctor nullibi se Areopagitam aut episcopum nominat, cum tamen non desuerint illi occasiones hos sibi titulos tribuendi. Imo presbyterum se solummodo nuncupat, quemadmodum apparet ex inscriptionibus, quibus opera suo Timotheo dedicat : *Compresbytero Timotheo Dionysius presbyter*. Verum & ipse Joannes Evangelista, scribens ad Eletham, tacito episcopi & evangelistæ nomine, presbyterum se appellat. Præterea Dionysius Timotheum vocat compresbyterum ; ejusdem igitur dignitatis erat ac Timotheus. Sed Timotheus ille erat episcopus, ex libro *de celesti hierarch.* cap. 9. §. 4. & *de ecclesiæ hierarch.* cap. 7. par. 3. §. 11.

2. Eusebius & Hieronymus diligentissimi librorum inquisitores, nullam horum operum mentionem fecerunt : neque Origenes, neque Athanasius, nec alius admodum antiquus auctor ; quibus tamen potuissent Ariti, Eunomii, Nestorii, Eutycheris errores facile confutare. Verum, Hieronymus (inquit Batonius *ad ann. 109. num. 60.*) " In præfatione ad Dextrum, eos se colligere proficetur antiquos scriptores ecclesiasticos, quos invenisset ab Eusebio recensitos : quod & præstitisse certum est, illis tantum superadditis, qui post Eusebii obitum usque ad suæ tempora in ecclesia floruerunt ; reliquos vero Sophronium addidisse, omnes intellegunt. Nec fuit ejus ratio institui, si quæ ab Eusebio fuissent prætermissa, perquirere, ipsumque propterea vel oscitantem vel doli mali arguere. " Eusebius vero (inquit Maximus *in prologo*) non omnia collegit ; quamplurimam omisit, quæ ad ejus manus non pervenerunt . . . imo fatetur libros, qui ad ipsum non deveniunt, esse numero superiores. Et sane multos recensere possem (subjicit Maximus) quos ille non habuit, & hos quidem suæ regionis, ut Hymeni & Narcissi, qui sacerdotes Hierosolymis fuerunt. " Eusebius etiam non meminisse Theognosti, quem uti *virum discretum, priscum & admirandum* Athanasius laudat *in epistola* de decretis Nicænæ synodi contra Eusebium, tom. 2. & *in homilia* de peccato in Spiritum sanctum, tom. 4. quod dolo malo factum Baronius existimat *ibidem num. 59.* quia scilicet Theognostus *consubstantialis* nomen asserit. Unde ille conjicit, eadem quoque ratione fieri potuisse, ut Eusebius Dionisi scripta silentio prætermiserit, quod in illis trinitas personarum & unitas substantiæ diserte doceatur. Levior est in hac parte Origenis auctoritas, qui vix *quatuor auctorum meminisse* inquit Maximus ; sed gravior est Athanasii, qui pro asserenda consubstantialitate Theognostum, Origenem, utrumque Dionysium Alexandrinum & Romanum laudat *in epistola* de decretis Nicænæ synodi : Dionysium vero Areopagitam prætermittit, qui tamen " unitatem in tribus personis subsistentem " docet *in libro de celesti hierarch.* cap. 7. in fine. Sed præsertim toto capite 2. libri *de divinis nominibus*, ubi Trinitatem & Christi divinitatem luculenter explicat.

3. Quia Acephali, hæretici Eutycheis affectæ, omnium primi libros istos protulerunt, iisque adversus catholicos usi sunt in collatione habita Constantinopoli anno 532. in collatione diei : quod eorum fidem suspectam reddidit. Maximus quidem dem in prologo refert "diaconum quemdam Romanum, nomine Petrum, sibi narrasse, omnia divini Dionysii opera Romæ in sacrorum scriptorum bibliothecæ reposita servari : " unde aliqui conjiciunt ea in Græciam translata fuisse. Verum hæc nimis incerta sunt. Respondetur ergo : si hæretici libros ejusmodi catholicis objecerunt, catholici deinde iisdem pariter usi sunt adversus hæreticos.

4. Quia Acephalis quædam ex his operibus testimonia proferentibus catholici in eadem collatione responderunt, hæc non esse Dionysii Areopagitæ. " Si enim ejus erant (inquit episcopus catholicorum nomine respondens) non potuissent latere beatum Cyrillum. Quid autem de beato Cyrillo dico ? cum & beatus Athanasius, si pro certo scivisset ejus fuisse, ante omnia in Nicæno concilio de substantiantiall Trinitate eadem testimonia protulisset adversus Arian diversæ substantiæ blasphemias. Si autem nullus ea recordatus est, unde nunc potestis ostendere, quia illius sint, nescio. " Quin etiam illis operibus adeo instanti erant catholici, ut non modo ea supposititia prædicarent, sed etiam libros quosdam Cyrillo Alexandrino adscriptos hinc potissimum suppositionis arguerent, quod in eis quædam Dionysii testimonia citarentur, ex Liberato in breviario cap. 10. Verum, quos libros nondum examinatos catholici repudiaverunt, eos postea amplexi sunt, cognita eorum admirabili doctrina.

5. Quia hic auctor lib. de celesti hierarch. cap. 7. & lib. de divinis nominibus cap. 1. Deum *trypostatos* vocat, suntque illi tres personæ tres hypostasæ, eaque voce utitur tanquam suo tempore usitata, cum tamen constet hoc nomine grecos primum usos post concilium Alexandrinum anno 362. celebratum, repugnantibus latinis, ut ex Hieronymo apparet epistola 57. Prius enim essentiam & substantiam, non autem personam seu substantentiam significabat. Hoc argumentum pro more suo suse ac erudite prosequitur Joannes Morinus cap. 6. num. 1. 2. 3. 4. 5. 6. & 7. Sed vocem illam, quatenus personam & substantentiam significat, ante coactum illud concilium, a nonnullis auctoribus usurpatam fuisse, certum mihi videtur : ex Hilario Pictaviensi, qui in libro de synodis, quem edidit anno 358. admittit dici posse tres in una deitate substantias, ubi substantiam pro hypostasi, non autem *dein* recipit : ex Athanasio, qui tomo 1. in oratione, unum esse Christum : & tomo 2. in opusculo de incarnatione Verbi contra Paulum Samosatenum, & alibi, singulis Dei personis distinctas tribuit hypostasæ, unicam vero Christo, quamvis duas in eo naturas agnoscat : ex Basilio magno, qui in epistola 37. ad Gregorium Nyssenum, *versarius* ab *dei* distinguit : illudque disctimen negat esse recens ; neque Paulum, cum ad Hebræos cap. 1. dixit Verbum esse *characterem* *versarius* paternæ, sibi adversari contendit : ex Dionysio Alexandrino, qui referente Basilio in epistola 35. ad Maximum philosophum, in ea, quam ipse contra Sabellii hæresim scripsit, epistola ad Ammonium & Euphranorem, " non solum diversitatem *versarius* hoc est personarum, sed & *trēs deas*, hoc est essentia differētiā constituit. " Extat ejusdem Dionysii epistola contra Paulum Samosatenum, cujus meminit Hieronymus in catalogo, in qua cum redarguit, quod *duos* in Christo *versarius* admittat. Denique Paulus ipse Samosatenus dicebat, " Duas hypostasæ esse & duas personas unius & solius Christi, & duos Christos ac duos filios, " ex Dionysio *ibidem*. Videtis & decem quæstiones, quas Paulus Samosatenus Dionysio Alexandrino proposuit, & responsiones ejusdem Dionysii quæst. 3. 4. & 7. referuntur tomo 1. concil. Iabbei. Vox igitur *versarius* ab antiquis patribus diversimode usurpata fuit, aliis substantiam, aliis personam intelligentibus. Hæc æquivocatione abutentes hæretici dicebant, Sabelliani quidem in Deo unicam esse hypostasam, id est personam ; Ariani vero tres esse hypostasæ, id est tres substantias ; ipsi quoque catholici, alii unicam in Deo hypostasam

hoc

hoc est substantiam; alii tres hypostascs, hoc est tres personas admittebant. Priores a posterioribus quasi Sabelliani, & posteriores a prioribus quasi Ariani traducebantur. Quæstione in concilio Alexandrino proposita, patres liberam cuilibet ex catholicis potestatem fecerant, eo, quo vellet, uti sensu, ut unicam vel tres hypostascs in Deo esse diceret, modo Nicænam fidem, id est Trinitatem personarum in unitate substantiæ profiteretur. In eam tamen sententiam magis inclinant, ut tres in Deo hypostascs dicantur, quod latinis pluribus displicuit.

6. Auctor ille *lib. de eccles. hierar. cap. 6. & in epistola ad Demophilum*, monachorum meminit: de illis loquitur ut certum ac publicum in ecclesia statum habentibus; eos a clero & populo distinguit: specialem eis locum in synaxibus adscribit: ritus & cæremonias eorum consecrationis describit: novum & speciale indumentum eis tribuit: asserit eos multo antiquiores fuisse. "Hinc divini, inquit, præceptores nostri sacris eos nominibus appellari voluerunt, alii quidem Therapeutas, alii vero monachos ab individua & singulari vita denominantes." De his tamen apud auctores primi & secundi seculi nulla distincta mentio reperitur. Ignatius, Tertullianus & Cyprianus virgines & viduas Deo sacratas commemorant. Cornelius papa in *epistola ad Fabium Antiochenum*, apud Eusebium *lib. 5. hist. cap. 42.* omnes ecclesiæ ordines recenset ad viduas usque, pauperes, & afflictos. Clemens in *constitutionibus*, singulos ecclesiæ gradus refert, diaconissas, virgines, & viduas enarrat. At de monachis ne verbum quidem. Denique Athanasius & Hieronymus priorum eremitarum vitas descripserunt. Quamvis autem monachi primis ecclesiæ temporibus vixissent, credibile non videtur, primi & secundi seculi persecutionibus, aliisque circumstantiis attentis, eos tot cæremoniis fuisse ab episcopo dicatos. Si seculo V. aut VI. vel etiam hoc tempore auctor ille de monachis scriberet, nihil sane de iis expressius dicere & prædicare posset. Ita fere Morinus *cap. 5. num. 13.*

Baronius *ad annum 109. num. 32.* opponit ea, quæ Philo de Therapeutis scribit, quos Eusebius *lib. 2. hist. cap. 17.* Epiphanius *heresi 29.* Hieronymus in *catalogo*, vocabulis, Marcus, & Philo, & Sozomenus *lib. 5. cap. 12.* christianos fuisse contendunt. "Eorum enim, inquit Sozomenus, domicilia, victus ratio, nem, & institutionem vitæ, ralem Philo perhibet, qualem nos etiam hoc tempore a monachis in Ægypto observatam videmus." Reponit Morinus *ibidem num. 14.* hæc nihil pertinere ad monachos, de quibus Dionysius, quos a clero & a plebe distinguit, cum Eusebius contra, Epiphanius, Hieronymus, Sozomenus, & vel ipse Baronius *ad annum 64.* quæ Philo scripsit de Therapeutis, intelligant de ecclesia christiana, quæ sub Marco Evangelista in Ægypto, aliisque locis, disciplinam *actorum cap. 4.* descriptam, rigide observabat. Sed Morino reponi potest, quod neque Eusebius, neque Sozomenus hæc de universa Alexandrinorum ecclesia exponant. Philo etiam de Therapeutis plurima refert, quæ christianæ ecclesiæ Alexandrinæ, singulisque fidelibus convenire non possunt: nimirum quod exilibus essent; quod "commercium cum hominibus aut consuetudinem nullam haberent; quod vitam degerent extra muros urbium in hortis & agris solitariis, quod ante solis occasum nullus cibum gustaret; quod Deum hymnis & psalmis assidue colerent; quod ædes sacræ illis essent, quæ vocantur monasteria, in quibus ab aliis separati, & sanctæ & severæ vitæ mysteria obirent; quod sua bona cognatis concederent, cum in hoc sanctum & severum vitam genus primum ingrederentur." Ita ex Philone Sozomenus. Addit Eusebius, quod in unum congregari, separatim viri ac separatim mulieres converterentur. "Quod autem Therapeutæ novum & speciale indumentum haberent, testis est Tertullianus, qui solitariam & arctiorem vitam professurus, togam dimisit, ut pallium indueret. Videtur Baronius *ad annum 107. nu. 12. 13. & 14.* Cum igitur Paulus monachorum princeps dicitur, de vita eremitica seu anachoretica, non cenobitica id intelligi debet.

7. Auctor ille monachorum frequens meminit, quorum tamen nullus veterum mentionem fecit: contra diaconissatum, virginum, & viduarum non meminit, quorum tamen mentionem fecere Clemens Alexandrinus, Ignatius, Tertullianus, Cyprianus, & Cornelius superiori argumento citati. Sane, inquit Morinus *ibidem* num. 13. videri potest Dionysius ille sub alio cœlo natus, *solumque suum sua fœdera nasse*, quæ patres alii Europæi, Asiatici, & Africani non noverunt. Vetum jam responsum est Therapeutas, quorum Philo meminit, vitam cœnobicam egisse. Quam vero ob rem Dionysius nullam diaconissatum, virginum & viduarum mentionem fecerit, incertum est. Certum tamen est, quod potuisset earum meminisse, si ejus institutum eo conduxisset; quia earum ordo & primis & retro sequentibus ecclesiæ seculis floruit.

8. Auctor ille *lib. de eccles. hierarc. cap. 7. parte 3. §. 11.* de baptismo infantium, ejusque cœtemoniis agens, se id scribere ait, "Quod divini, inquit, præcepti, tores (alii veniunt pontifices) nostri, ab antiqua traditione edocti, ad nos usque produxerunt." Qui sunt autem hi pontifices, quæ antiqua traditio, si hic auctor fuerit Areopagita Pauli discipulus? ita Morinus *cap. 6. num. 8.* Respondent aliqui pontifices illos esse apostolos, qui a Christo edocti sunt. Respondent alii Hierotheum esse, Iustum, Antipam, & similes, quorum Dionysius meminit, qui ab apostolis instituti fuerunt. Respondere omnes possunt græce haberi *Παῖς τῆς ἀρχιεπισκοπῆς*: *ἀρχιεπίσκοπος* autem non modo *vetus & antiquum*, sed etiam *primum*, sicut *αὐγὴ* principium significat. Sensus igitur hic esse potest: "Quod divini pontifices nostri (id est apostoli) a prima (Christi) traditione edocti, ad nos usque produxerunt:" vel iste: "Quod divini pontifices nostri (hoc est Hierotheus & alii) a prima (apostolorum) traditione edocti, ad nos usque produxerunt."

9. Auctor ille *lib. de celesti hierarc. cap. 2.* in fine, & *lib. de eccles. hierarc.* initio capitis primi, & in fine capitis 7. Timotheum, cui hæc opera scribit, filium vocat. Atqui eundem nuncupat pontificem in eodem capite 7. *parte 3. §. 11.* "Non oportet, inquit, tuam pontificiam sapientiam, *ἐπισκοπικὴν σοφίαν* &c." Quis vero unquam legit, episcopum alteri episcopo publice scribentem, filium vocasse. Potest equidem episcopus juvenis alterius aliquando discipulus, se illius filium, humilitatis & gratitudinis causa dicere. At Dionysius Timotheum filium nunquam appellare debuit. Ita Morinus *cap. 3. num. 4.* Cui responderi potest, quod Dionysius archiepiscopus Alexandrinus, Basilidi episcopo Pentapolitano rescribens, eum filium appellat. "Dionysius Basilidi, dilecto mihi filio & fratri, &c. misisti ad me, sapientissime fili mi &c. Et in fine, fili mi sapientissime &c., dilecte fili mi &c." Extat hæc epistola *tom. 11. biblioth. Patrum*, editionis Patiensis, anni 44. & *tom. 1. concil. Labbei, pag. 931.* Montanus quoque archiepiscopus Toleranus, qui synodo Toletanæ præfuit anno 531. scribens Theoribio, eum nominat filium, *Domino eximio &c. & filio Theoribio Montanus episcopus*; hæc ipsum & in eadem, & in priori altera epistola ad fratres regitroni Palentini, eodem tempore scripta, episcopum agnoscat. Extat utraque epistola, *tom. 11. concilii pag. 1736.* &c. Responderi etiam potest, græce haberi, non *vis*, sed *vis*: quæ vox non modo filium, sed etiam puerum significat, & quidem prima & principali significatione, sicut *vis* principaliter filium designat. Dionysius ergo, (inquit Maximus martyr *ad caput 2. de celesti hierarchia*) Timotheum, "Filium" vocat, tanquam imitando Dominum (apostolis) dicentem: *pueri numquid pulcherrimum habetis?* Joann. 21. v. 5. vel quoniam eos, qui simplicitatem, quæ secundum Deum est, exerceant (primi christiani) pueros appellabant, sicut & Papias declarat *lib. 1. dominicarum expositionum*, & Clemens Alexandrinus in *pedagogo*, nimirum *lib. 1. cap. 6.* Quin etiam initio capitis 7. *de pueros & infantes vocati* "omnes, qui Christum secuti sunt: solum autem esse perfectum patrem universorum. Aliam solutionem Maximus ibi refert, puta quod Dionysius Ti-

fius Timotheum ætate longe superaret. Verum Timotheus, cum hæc Dionysius scriberet, jam senio confectus erat : qua de re in ratione proxime sequenti.

10. Auctor ille *lib. de divinis nominibus cap. 4. §. 12.* laudat Ignatii testimonium : " Meus amor crucifixus est : " quod in *epistola ejus ad Romanos* reperitur. Ignatius vero hanc epistolam, cum ad martyrium duceretur, sub Trajano scriptis anno Christi 109. unde diversis diversimode ratiocinantur.

Qui Dionysium sub Domitiano mortuum esse contendunt, inde colligunt fieri non posse, ut ille epistolam sub Trajano scriptam laudaret. Verum Maximus martyr, qui seculo VII. floruit, in *scholiis ad cap. 4. de divinis nominibus*, ad hæc verba, *divinus Ignatius*, respondet *fissionem esse*, quod Dionysius Ignatium morte prævenit. Præterea vetus martyrologium Romanum, quod Ado Viennensis, qui floruit seculo IX. præ manibus habuit, ait tertio Octobris, Dionysium Areopagitam *Athenis sub Hadriano passum esse*. Idipsum asserunt Beda & Ado in martyrologiis, die 3. Octobris.

Qui vero Dionysium Ignatio supervivisse fatentur, aliter edisserunt. Refert, inquit, Dionysius testimonium ex epistola Ignatii ad Romanos, cum ad martyrium duceretur, scribens. At librum *de divinis nominibus* dedicat ille Timotheo Ephesiorum episcopo. Vivebat igitur Timotheus post epistolam ab Ignatio ad Romanos missam. Verum ex eodem Ignatio ad Philadelphios scribente, constat Timotheum, cum Ignatius ad Romanos scriberet, defunctum fuisse. Constat etiam ex epistola ejusdem Ignatii ad Ephesios, Onesimum Timotheo successisse. Itaque Dionysius Timotheo scribit longo tempore post Timothei mortem. Ita Morinus hodie *cap. 5. num. 1.* olim vero auctores illi, qui a Dionysio hæc opera seculo VII. abjudicabant.

Maximus martyr in *scholiis ad cap. 4. de divinis nominibus*, ad hæc verba, *amor meus*, duo respondet : unum est, testimonium illud non fuisse a Dionysio allegatum, sed a margine in textum irreplisse : " Quod in multis, inquit, sæpe accidisse novimus. Siquidem etiam sine hac parte corpus orationis integrum constituitur. Alterum est, familiare forte Ignatio fuisse hoc effatum, sicut seipsum dicebat & scribebat *Discipulus*, *Deiserum* ; neque enim habetur in Dionysii textu : " Scribit vero quibusdam hoc est Romanis, divinus Ignatius : " sed simpliciter habetur : " Scribit vero divinus Ignatius.

Reclamat Morinus, & ad fidem provocat " omnium exemplarium ab invento & publicato illo auctore ad hoc usque tempus.

Hoc tamen testimonium cum aliis quibusdam verbis, in textum irreplisse, multa mihi persuadent : quæ ut intelligas, textum integrum afferamus, & ea, quæ in dubium revocantur, verba, intra duos uncinos () claudamus necesse est. Cum enim Dionysius *quædam* seu *amoris* nomine in rebus divinis sequens oratur ; illud vero nonnulli putarent esse *contra scripturam sacra auctoritatem*, quasi illa nomen illud in malam partem semper accipiat : Dionysius contra probat, nomen illud etiam in scripturis sacris in bonam partem usurpari. " Audiant divina scripta, " qui nomen *amoris* criminantur. *Ama illam*, inquit proverb. 4. & custodias te ; *sepi illam*, & exolvet te : honora eam, & completetur te : & quæcumque alia in amatoris de Deo sermonibus (hoc est in canticis) celebrantur. (Atque visum est quibusdam nostris sacrarum scripturarum tractatoribus, nomen *amoris* divinius esse, quam nomen *dilectionis*. Scribit enim divinus Ignatius : *meus amor crucifixus est*) & in iis quæ additum ad scripturam præparat (id est in libris Ecclesiæ & Sapientiæ) quemdam invenies de divina sapientia ajentem : *amator scellus sum forma illius*. Sapientiz 8. v. 2. Quare ne propter hoc metuanus nomen *amoris* ; nec ullus de hoc nomine sermo nos moveat aut terreat. Mihi enim videntur theologi existimasse quidem commune nomen esse *de amoris & dilectionis* &c.

Verba vero hæc intra duos uncinos conclusa (Atqui visum est &c.) primum quidem

quidem ab aliquo ad marginem adnotata, deinde a margine in textum irrepſiſſe mihi probatur. 5. Quia ſine illis verbis ſenſus integer, & corpus orationis inte- grum conſtituitur. 2. Quia ſine illis verbis multo melius cohæret Dionyſii oratio, quam cum illis. Si enim hæc ſuſtuleris, videbis uniformiter & conjunctim crite- re teſtimonia ex libris Salomonis petita, eoſque libros ordine citati, primum quidem proverbialia, deinde cantica, poſt hæc eccleſiaſticæ & ſapientiam, cum e contris hic teſtimoniorum & librorum ordo per verba hæc interpoſita perturbetur. 3. Quia Dionyſius eo loci id unum intendit, ut probeſt *amoris* nomen in ſcripturis ſacris in bonam partem accipi. Cui igitur bono, ad illud probandum, verba ex Ignatio petita? num ejus epiſtolæ pro ſacris ſcripturis habentur? 4. Dionyſius Ignatii auctoritatem in medio teſtimoniorum e ſcriptura peritorum non poſuiſſet, nec illam præpoſuiſſet apoſtolorum auctoritati, quos per theologos intelligit, tum ibi, tum cap. 3. §. 2. ſub ſinem. 5. Inſtitutum Dionyſii non poſtulat, ut ille probeſt *amoris* nomen diviniuſſe nomine *dilectionis*. 6. Id minime ſequitur ex Ignatii textu ad id probandum adducto. 7. Dionyſius nondum mentionem ſecit nominis *dilectionis*, neque cum eo *amoris* nomen comparavit, ſed poſtea id tantum præſtat. Quorum igitur probat nomen *amoris* diviniuſſe nomine *dilectionis*? commodiori ſane loco id aſſeruiſſet & probaſſet, poſtquam eorum reſcripſit theologorum ſententiam, qui exiſtimabant commune nomen eſſe *amoris* & *dilectionis*: “ & magis appoſite tunc ſubjecit: “ Atqui etiam viſum eſt quibuſdam ſacrarum ſcripturarum traſcatoribus &c. “ 8. Hæc Ignatii ſententia tantum abeſt, ut Dionyſius inſtituto inſerviat, imo ei obeſt. Dionyſius enim intendit offendere, nomen *amoris* a ſacris ſcripturis in bonam partem accipi. Sed in epiſtola Ignatii nequaquam ſic accipitur, ſed pro concupiſcentia & amore retracti, quem dicit in ſe crucifixum, hoc eſt, mortuum eſſe: nec ſe amare jam aliud quam Deum, extincto penitus igne concupiſcentiæ, & rerum terrenarum deſiderio: quod apparet, tum ex ſimili ſententia Pauli ad Galatas 6. v. 14. ad quam Ignatius alludit: *Mihi mundus crucifixus eſt*. Nullum enim aliud diſcrimen eſt, niſi quod Ignatius pro *crucifixus* poſuit *amoris*: tum ex veteri vulgata editione, quæ ſic habet: “ Vivus enim vobis ſcribo, deſiderans mori pro Chriſto, meus enim amor crucifixus eſt, & non eſt in me ignis culpam amans: aqua autem alia viva manet in me, intrinſecus mihi dicens, veni ad patrem: “ tum ex veteri Latina verſione, quam ex duobus manuſcriptis in Anglia repertiſſis Uſſerius in lucem edidit: “ Vivens enim ſcribo vobis, deſiderans mori. Meum deſiderium crucifixum eſt, & non eſt in me ignis amans aliquam aquam, ſed vivens & loquens eſt in me, intus me dicit: veni ad patrem. “ Quæ quidem varia verſio ex variis interpunctionibus græcis oritur. Voſſii editionem, quæ omnium caſtigatiſſima eſt, non habeo ad manum. 9. Si Dionyſius epiſtolæ Ignatii ad Romanos teſtimonium laudare voluiſſet, integrum certe locum laudaſſet, non vero eam omiſiſſet partem, quæ pro ipſo maxime faciebat, & ubi verbum *amoris* ſine controverſa in bonam partem accipitur. *ὅτι τὸν ἰσχυρὸν ὕμνον, ὅτι τὸ διὰ χάριτος ἀποκρίνεται, ἵνα εὐαγγέλιον ἐκδηλώται* &c. “ Vivus enim ſcribo vobis, amans mori propter Chriſtum. “ Meus amor crucifixus eſt &c. “ Quantum ergo conjicere mihi licet præſata verba inſita parentheſim comprehenſa, primum quidem a quodam ſcholiaſte proſecta ſunt, qui cum in Dionyſii textu legeret, theologos eſſe, qui exiſtimarent *commune nomen eſſe amoris & dilectionis*: ipſe ſupra hanc opinionem ſuperaddens, per *ἐκ τῆς* ad marginem poſuit: “ Atqui viſum eſt quibuſdam noſtris ſacrarum ſcripturarum traſcatoribus, nomen *amoris* diviniuſſe, quam nomen *dilectionis*. “ Quod ut ille probaret, brevem Ignatii ſententiam adduxit, *amoris* nomen in ea putans in bonam partem accipi. Deinde vero imperitia cujuſdam exſcriptoris utrumque & ſcholium & teſtimonium a margine in textum irrepſit.

Baronius aliter reſpondet ad annum 109. num. 36. Negat enim Timotheum, cui Dionyſius opera ſua nuncupat, illum eſſe Ephęſorum epiſcopum, ad quem Paulus duas

duas epistolas conscripfit. 1. Quia Dionysius hunc Timotheum *comprobyterum* denotat. nominat. Verum hæc ratio nulla est: hunc enim episcopum fuisse, ex ipso Dionysio probavimus argumento 9. 2. Quia Dionysius hunc Timotheum vocat *filium*, adeoque illum fuisse juniorem designat, Timotheus vero Ephesiorum episcopus, cum Dionysius librum *de divinis nominibus* scriberet (quod ante annum 100. contingere non potuit, cum Dionysius in eo laudet testimonia ex Jo. annis Evangelio, quod scriptum est anno 99. aut 100.) annos & eo amplius nonaginta natus erat, si modo ille tunc in vivis esset; dubitatur enim utrum ille occubuerit sub Domitiano, an sub Nerva, vel sub Trajano. 3. Quia Dionysius *filium* non vocasset Timotheum, Pauli discipulum, qui illo, si non major, certe par fuit pierate, auctoritate, & doctrina. 4. Quia Timotheus, ad quem ille scribit, librum, quem Hierotheus scripserat de elementis theologicis, intelligere non potuit, & ideo librum ad Dionysium remisit, ut illum explanaret, *ex cap. 3. libri de divinis nominibus*. Quæ quis credat de primario Pauli discipulo? non desunt tamen viri eruditi, qui hunc Timotheum fuisse Pauli discipulum existimant; sive quod una cum apostolis intersuerit exequiis virginis Mariæ, *ex cap. 4. libri de divinis nominibus*; sive quod cum Tito Pauli comite conjungatur in epistola Dionysii ad Titum. "Sanctus quidem Timotheus, o bone Tite &c." Verum hæc levia sunt.

Quis igitur fuerit ille Timotheus, incertum est. Batonius *ibidem* suspicatur fuisse Timotheum Pudentis Romani senatoris filium, eundemque Petri & Pauli discipulum. Lucius Dexter, cui Hieronymus librum *de scriptoribus* dicavit, in *suo chronico*, quod Franciscus Bivarius cum suis in illud commentarii hoc seculo in lucem emisit, ad annum Christi 100. asserit fuisse Eugenium Matcellum, cognomento Timotheum. "Dionysius, inquit, Areopagita dicat Eugenio Matcello, „dicto propter ingenii excellentiam Timotheo, libros *de divinis nominibus*." Sed illud chronicum seculis retro sequentibus sub nomine Dexteri suppositum fuisse & mendis refertum esse, legenti apparebit. In eo asseritur, Petrum apostolum Hispanias adiisse, Dionysium profectum fuisse in Gallias, Marcellum a Dionysio in Hispanias missum &c. Auctor ille ne græcam quidem linguam novetat; nec enim Timotheus *ingenii excellentiam* sonat, sed *honorem Dei*; est enim *ipsi honor*, non autem *ingenium*; alias, quæ supersunt, rationes modo prosequamur.

11. Auctor ille *lib. de divinis nominibus cap. 5. §. 9.* laudat *Clementem philosophum*, cui tribuit illam opinionem, quæ asserit, ea esse in generatione rerum sensibilibus "exemplaria, quæ sunt in rebus principaliora, "v. g. in generatione ignis sublunaris ignem cælestem, in productione aquarum terrestrium aquas supercælestes, quo quidem nomine indicat Clementem Alexandrinum, qui philosophiam Alexandriæ professus est, & *lib. 8. Strom.* hanc opinionem sequitur. Atqui Clemens *Stromata* scripsit imperante Severo. Non potui igitur ab Areopagita laudari. Verum omnes non concedunt hunc Clementem fuisse Clementem presbyterum Alexandrinum. Maximus martyr in *scholiis ad cap. 5. de divinis nominibus* putat fuisse Clementem Romanum, Pauli discipulum, & Petri successorem. Baronius contra *ad annum 109. num. 53.* negat hunc Clementem fuisse Romanum, aut Alexandrinum, aut alium quempiam catholicum; quia Dionysius nullo honoris titulo ipsum cohonestat; cum e contrario, dum Bartholomæum, Hierotheum, Ignatium, & alios citat, sic habet: *divinus Bartholomæus, eximius Hierotheus, divinus Ignatius*. Existimat igitur hunc Clementem fuisse gentilem philosophum; suspicatur vero illum Aſium Clementem esse, Platonicum philosophum celeberrimum, ad quem extat Plinii junioris epistola. Baronii conjectura probabilis est, falsa tamen ratio, qua utitur. *Iustum* enim cognomento Barſabam, seu Barſabam cognomento *Iustum*, unum e Christi discipulis, de quo Papias apud Eusebium *lib. 3. cap. 36.* Dionysius absque aliquo honoris titulo laudat *libro de divinis nominibus cap. 11. §. 1.*

Wiffasse de Confirmatione.

Y y

Ut ut

Ut ut sit, hujusce præfatæ opinionis, quam Dionysius Clementi philosopho tribuit, nec in *lib. 8. Stromatum*, qui totus philosophicus est, nec alibi, Clemens Alexandrinus meminit.

12. Auctor ille *lib. de ecclæs. hierarch. cap. 7. §. 2.* Millenariorum errorem confutat, qui auctore Papiæ, episcopo Hierapolitano, circa annum Christi 118. exortus est, ex Batonio ad eundem annum 118. Ita Morinus *cap. 5. num. 11. & 12.* Verum quid impedit quominus Dionysius, qui ex antiquis martyrologiis, Romano, Bedæ, & Adonis, sub Hadriano passus est, errorem sub Trajano exortum refutaverit? Acedit quod tempus, quo Papias scripsit, incertum est. Id unum constat, Papiam post editam a Joanne apocalypsim (quod sub Domitiano contigit ad annum 97.) scripsisse. Papias vero, qui ex Irenæo *lib. 5. adversus hæreses, cap. 33.* & ex Eusebio *In chronico* ad annum Christi 103. Joannis Evangelistæ discipulus fuit, condiscipulus vero Ignatii & Polycarpi, scribere potuit ante annum Christi 118. Denique Papias non fuit auctor hujus erroris, sed ipsemet apud Eusebium *lib. 3. hist. cap. ultimo*, testatur se hanc doctrinam ex *viva traditione* ab aliis accepisse. Nihil igitur repugnat, quominus hunc errorem Dionysius, non in Papiæ, ejusque discipulis, sed in iis, a quibus ille ad Papiam pervenerat, redarguerit.

13. Auctor ille *lib. de ecclæs. hierarch. cap. 5. parte 3. §. 5.* refert de divina sorte, quæ super Matthiam cecidit, alios ab aliis diversæ sententiæ. Difficile vero creditur est, tam multos primo ecclæs. seculo de hac sorte fuisse diversæ opinatos. Si de hoc aliqui dubitabant, nonne apostolos, cum quibus familiariter versabantur, consulere poterant? itaque auctor ille personæ, quam iudicaret, oblitus supponit quæstioni suæ ea, quæ tantum seculo III. aut IV. fieri poterant. Ita Morinus *cap. 6. num. 9.* Verum responderi potest 1. fideles semper obvios non habuisse apostolos, quos consulenter. 2. E vivis excefferant apostoli, ne Joanne quidem excepto, cum hæc Dionysius scriberet. In hoc enim opere *cap. 2. & 3.* citat testimonia ex Joannis Evangelio, quod anno circiter 100. editum est: Joannes autem obiit anno 101. 3. Plerique, etiam Asiatici, ipso etiam Joanne adhuc vivente, annos mille, quorum ille meminit in apocalypsi, diversimode interpretati sunt. Quidni de divina Matthiæ sorte, viventibus adhuc apostolis, idem fieri potuit? 4. Vel ipsi primis ecclæs. temporibus diversi diversa senserunt de tempore passionis Christi. Ignatius putat eum aæno ætatis suæ 34. passum esse, unde sequitur eum mortuum fuisse anno Tiberii 18. Tertullianus, Julius Africanus, & Clemens Alexandrinus, anno ætatis suæ quasi trigésimo, Tiberii vero 15. Irenæus ætatis suæ 50. subjicitque *lib. 2. cap. 39.* se id accepisse ab Asiæ senioribus, qui non solum viderant Joannem, sed & alios apostolos, a quibus id audierant &c. Quidni diversa sententiæ potuerunt de sorte, quæ super Matthiam cecidit?

14. Auctor ille citat apocalypsim, ut librum canonicum; quem tamen S. Hieronymus in *epistola 129. ad Dardanum*, testatur Græcos inter scripturas canonicas non admittere. Ita Morinus *cap. 5. num. 9.* Verum non modo e latinis Tertullianus, vir apostolicorum temporum, sed etiam ex Græcis apocalypsim ut librum canonicum receperunt, Iustinus martyr *In dialogo cum Triphone*, Theophilus Antiochenus ex Eusebio *lib. 4. hist. cap. 23.* Melito Sardensis, ex Eusebio *ibid. cap. 25.* Irenæus *lib. 4. cap. 37. & 50. lib. 5. cap. 28. & 34.* Clemens Alexandrinus in *padagogo*, Hippolytus martyr *lib. de consummatione mundi*, Origenes *homil. 7. in Jesu &c.*

15. Auctor ille frequens laudat Hierotheum, tanquam apostolorum discipulum, suumque præceptorem, ac vitum doctrinæ & pietatē insignem, qui admirabiles theologice libros composuit, quos S. Timotheus non capiebat, & ipse Dionysius vix caperet; de quo tamen & ejus libris apud auctores ecclesiasticos nulla mentio, nulla umbra, nulla suspicio. Præterea stylus magistri similissimus est stylo discipuli, ut ex pauculis, quæ Dionysius refert, colligitur. Ovum ovo, lac lacti vix si-

milis;

milius; ita ut ambo videantur in eodem ludo institui. Ita Maximus cap. 6. num. 10. Verum & Hierotheum apostolorum discipulum & alios innumerabiles primis scriptoribus ignotos, sicut & Hierothei scripta isdem ignorata esse mirum non est. Certe paucos apostolorum discipulos memorant scriptores, eos scilicet qui vel ecclesiis præfati sunt, vel scriptis, aut martyrio, aut aliis præclaris facinoribus commendabiles præ cæteris fuerunt; nec quicumque sibi in animum iuducat non alios fuisse apostolorum discipulos quam qui a scriptoribus memorantur. 3. Ceterum est a primis scriptoribus quædam tantum scripta, aliaque ab aliis memorari, quorumdam tantum memoriam viguisse, aliorum lacinias quasdam apud ipsa extitisse. Nil ergo mirum si Hierothei scripta, fortasse satis obscura, ignorata fuerint. 4. Scripta quidem illa magnificat Dionysius, viz mysticis immerisus, atque ea a Timotheo & a se vix intellecta; quod cur verum esse non possit oon intelligo. Denique stylus Hierotheo & Dionysio communis discipulum in magistro imitando fidelem arguit.

16. Auctor ille in *epistola 7. ad Polycarpum*, refert solis eclipsim, quæ tempore passionis Christi evenit, contigisse ex occurso & interpositione lunæ; quod in plenilunio fieri oon potuit. Accedit quod Tertullianus & Origenes io ea fuerunt sententia, ut tenebræ tantum fuerint miraculo quodam Ægyptiarum tenebrarum simili per terram obductæ. Sed Maximus in *scholiis ad præfatam epistolam* respondet hanc eclipsim per lunæ occursum factam fuisse; idque probat Phlegontis auctoritate, "Dicentis, eam more solito accidisse, quamvis modum ejus non expresserit." Quomodo vero hæc eclipsim, quæ mirabilis & prodigiosa fuit, quamvis in plenilunio, per lunæ tamen occursum contigerit, luna scilicet a parte solis orientalis ad occidentalem currente, & ab occidentali ad orientalem recurrente, explicat ipse Dionysius, tum in *epistola citata*, tum in *epistola ad Apolloniam*; exponit Maximus loco citato: & proposito systemate Halluxius ad oculum demonstrat in *visa Dionysii*.

17. Auctor ille lib. de *eccl. hierarc. cap. 1.* sub initium, prohibet Timotheo, uti non omnibus revelet sua scripta: & sub finem capituli 2. cavet, ne baptismi extremæ profanis manifestentur. Hæc igitur scripta primis seculis composita non sunt; "Cum primi seculi christiani sua lubentes mysteria, ut vel ex Iuliano constat, stat, enuntiarent." Verba sunt Albaspinzi lib. 2. *observ.* 23. post medium, eodem ratiocinio concludentis, constitutiones apostolicas primis seculis factas non esse. Verum 1. Dionysius loquitur de mysteriis, seu (ut ipse ait) de *sanctis sacramentis*; non autem de suis scriptis. 2. Loquitur de *profanis*, non autem de christianis; "Nec enim, inquit Maximus in *scholiis ad caput 1.* oportet sancta profanis explicare, margaritas suisbus projicere." Quod autem mysteria oon modo profanis, sed & catechumenis ipsis revelati oon debeant, ita sensit ab omni ævo ecclesia. Ambrosius lib. de *his qui inveniuntur*, cap. 1. "Sacramentorum rationem, ante baptismum si putassemus insinuandam nondum initiatis, prædidisse potius, quam edidisse æstimaremur." Cyrillus Hierosolymitanus in *proæmio*, "Catecheses istas eorum qui illuminiuntur (hoc est baptizantur) nullo modo communitis cum catechumenois, ooque cum ullis aliis oondum christianis. Nam alioquin rationem Domino reddes." Basilii lib. de *Spiritu sancto cap. 27.* baptismi caeremonias, "Ut abrenunciare satanæ & angelis ejus, & alias id genus, solis christianis evulgandas asserit: mysteria vero prioribus, non autem omnibus explicanda esse, probat exemplo Moysis, qui "prima atria purioribus permisit: apostolorum, & patrum, "Qui certos ecclesiarum ritus ab initio præscripterunt, ut occultatione & silentio suam mysteriis dignitatem servarent; neque enim omnino mysterium est id, quod in populi & vulgi aures effertur: & ipse Dei, qui scripturæ sacræ obscuritatem indidit, ut "sententiam dogmatum, intellectu difficilem redderet." Origenes homilia 1. in *Ezechielem*, ait "de Deo etiam vera dicere, periculum esse, cum ea, quæ vera sunt, non oportet

„tunc proferuntur. “ Quod ille explicat exemplo margaritæ, quæ conculcatur. Clemens Alexandrinus *lib. 1. Stromatum*, ait se obscure scribere, ut semina veræ philosophiæ, hoc est christiænæ doctrinæ, artificiose celer. Denique vel ipsi septuaginta interpretes in vertendis ex Hebræo prophetis obscuritatem affectant, „Nolueruntque, inquit Hieronymus *in epist. 117.* fidei lux sacramenta perspicere „ ethnicis prodere, ne sanctum canibus & margaritas porcis darent.

Sunt & aliæ quædam objectiones, ut quod hæc scripta hominis videantur, qui in otio & pace senexerit, quod nullum in illis vestigium appareat persecutionum, quibus ecclesia primo seculo vexabatur; quod sacrorum rituum pompa & apparatus, templorumque majestas & magnificentia, sicut ab eo describuntur, nascenti ecclesiæ & sacerdotibus tyrannorum metum clam celebrantibus non conveniant; quod auctor ille nec Barnabæ, nec Clementis laudet epistolæ, quæ ramen ab antiquis sæpe citantur; & alia ejusdem generis, quæ in criticis passim occurrunt. Verum hæc facile dilui possunt. 1. Si auctor ille larvaram personam induit, ut hæc scripta sub Dionysii Areopagitæ nomine supponeret, eamque ob rem opuscula & epistolæ finxerit ad Timotheum, Titum, Polycarpum &c. quid impediatur, quominus ille persecutionum meminisset? an erat ita stupidus, ut nesciret ecclesiam primis sæculis persecutionibus vexatam fuisse? 2. Institutum ejus eo minime conducebat, ut de persecutionibus ageret. 3. Sua ille opuscula (Joannis enim apocalypsim & evangelium frequenter laudat) probabiliter scriptis sub initium imperii Trajani, ineunte seculo II. quo tempore ecclesia pace fruebatur. Excitata enim sub Domitiano persecutio desinit imperante Nerva, cui Trajanus successit. Eusebius veto non nisi anno 10. Trajani renovatam in christianos persecutionem affirmat. 4. Ecclesiam hæcæ temporibus floruisse ostendit Baronius *ad annum 100. num. 2.* 5. Nulla (quantum memini) in his opusculis templorum majestas & magnificentia describitur. 6. Christiani, furentes licet persecutione, ecclesias habebant, in quibus religionem profiterentur. Videbis Baronium *ad annum 57. num. 91. 99. 100. 101. 102. 103. 104. 105. 123. & ad annum 211. num. 5. 6. 7. 7.* Baptismi cæremoniæ, quæ a Dionysio describuntur, eadem seu a Tertulliano seu ab aliis ejusdem ævi patribus referuntur, eorumque ætate observabantur, quamvis ecclesia persecutionibus tunc agitata. 8. Plures sunt epistolæ, pluresque libri scripturæ sacræ, quorum Dionysius in suis scriptis non meminit: quanto minus eum meminisse oportuit epistolarum Barnabæ vel Clementis: nec enim ille in suis scriptis quæcumque opuscula citare potuit aut debuit.

Haftenus de scriptis Dionysii. Per me cuicumque licebit, cui maluerit parti adhaerere. Qui enim auctorem istum apostolico seculo vixisse contendunt, propositio nostræ magis favent: qui posterioris ævi fuisse volunt, fateri ramen debent, eum circa initium seculi V. vixisse; quod ad conciliandam Dionysii scriptis venerationem & auctoritatem sufficit. Nemo enim diffiteri potest ann. 500. aut pauculis post annis, Dionysii opera e tenebris in lucem emissâ fuisse. Deinde certum est ea tum primum composita non fuisse, sed tempus adnotatum aliquot annis præcedisse. Præterea cum propter sententias quasdam ambiguis Eurychiani ea catholicis opposuerint, certum quoque videtur, ante Eurychetis condemnationem, quæ in synodo Chalcedonenſi anno 451. contigit, eorum auctorem vixisse. Doctissimi enim liberius & minus caute ante natam hæresim aliquam scribere solent.

§. 111. Liber questionum & responſionum ab orthodoxis.

Erat hic liber inter Infiniti opera, eique a nonnullis perpetam tribuitur, quæ de te differimus *part. 1. pag. 32.* Floruit auctor hujus operis seculo IV. æseverat enim paganismum ætate sua omnino aut fere extinctum esse. Ille vero *quæst. 137.* sic habet. “ Primum oleo unguimus, ac deinde in sacro lavacro sym- „ bolis quæ dicta sunt peradis, post illa unguento consignamus.

§. 17. *Libri sex de sacramentis, qui exstant
inter Ambrosii opera.*

PRO afferenda catholicorum doctrina tres loci habentur in libris sex de sacramentis, videlicet *libro 2. cap. 7. in fine*. "Ergo metisti, venisti, ad sacerdotem: quid tibi dixit? Deus, inquit, patet omnipotens, qui te regeneravit ex aqua & Spiritu sancto, concessitque tibi peccata tua, ipse te ungit in vitam æternam. Vide ubi unctus es: in vitam, inquit, æternam. Noli hanc vitam illi vitæ anteferre: verbi gratia, si exurgat inimicus aliquis, si velit tibi si dem tuam auferre, si minatur mortem ut prævaricetur quisquam, vide quid eligas: noli eligere illud, in quo non es unctus: sed elige in quo unctus es, ut vitam æternam vitæ præstas temporali." Loquitur ille de unctione verticis. Postquam vero dixit de baptismo & unctione, quæ in eo fit, "Sequitur, inquit *lib. 3. cap. 2.* spiritale signaculum, quod audisti hodie legi, quia post fontem superest ut perfectio fiat, quando ad invocationem sacerdotis Spiritus sanctus infunditur, Spiritus sapientiæ & intellectus, Spiritus consilii atque virutis, Spiritus cognitionis atque pietatis, Spiritus sancti timoris. Istæ sunt septem virtutes, quibus consignatis." Deinde allegato S. Pauli dicto *1. Cor. 12.* multiformem esse Dei sapientiam ad communionem ex more illius temporis, quo continuata actione baptismus, Confirmatio & eucharistia baptizandis tradebantur, *lib. 4. cap. 1.* Vos autem genus electum, regale sacerdotium, gens sancta, ut ait apostolus, Petrus. Unusquisque nungitur in sacerdotium, ungitur in regnum. Sed spiritale regnum est, & sacerdotium spiritale.

Antonius de Dominis *lib. 5. cap. 5. num. 19.* respondet Ambrosium loqui de Confirmatione, tanquam de ultima cæremonia, ejusque perfectione ac consummatione; tum quia *lib. 3. cap. 2.* eam vocat baptismi perfectionem: "Superest, inquit, ut perfectio fiat: tum quia post eam *lib. 3. cap. 2.* initio explicatam pergit ipsum baptismum considerare *lib. 4. cap. 1. & 2.* Refellitur; Ambrosius enim de Confirmatione loquitur, tanquam de sacramento a baptismate distincto: camque eodem modo distinguit, quo eucharistiam. Siquidem post baptismum expositum subjicit *lib. 3. cap. 2.* "Sequitur spiritale signaculum &c." Si- cut post expositam Confirmationem in eodem capite subjicit: "Post hæc quid scis, quid? venire habes ad altare &c." Quemadmodum igitur inde sequitur eucharistiam ab utroque baptismi & Confirmationis sacramento, ita & Confirmationem a baptismo diversam esse.

Dices. Ambrosius Confirmationem vocat perfectionem baptismi. Ea igitur ad baptismum pertinet.

Respondetur. 1. Eucharistia est perfectio cæterorum sacramentorum: ideoque ad cætera sacramenta pertinet? 2. Finis est perfectio mediolorum: ideoque pertinet ad media? 3. Confirmatio eodem modo dicitur baptismi perfectio, quo ætas adulta dicitur perfectio infantis; ætas vero adulta ad infantiam non pertinet.

Dices iterum. Ambrosius post expositam Confirmationem pergit ipsum baptismum considerare. Igitur Confirmatio ad baptismum pertinet.

Respondetur. 1. Ambrosius post ipsam Confirmationem *libro 3. cap. 2.* expositam, pergit, *ibidem* ad eucharistiam: ideoque eucharistia ad Confirmationem pertinet? 2. Ambrosius post eucharistiam *lib. 3. cap. 2.* expositam, considerat iterum baptismum *lib. 4. cap. 1. & 2.* ideoque eucharistia ad baptismum attinet? 3. Ambrosius in his sex libris tractaturum de baptismo, Confirmatione & eucharistia sæpe refumit. Illi Siquidem libri nihil aliud sunt quam sex orationes, quas Ambrosius sex diebus distinctis habuit. *Libro 1.* agit tantum de baptismo. *Lib. 2. cap. 1. 2. 3. 4. 5. 6. 7.* agit iterum de baptismo, & sub finem capituli 7. differit de Confirmatione. *Libro 3. cap. 1.* rursus agit de baptismo; postea de Confirmatione *cap.*

2. ac tandem in eodem capite 2. de eucharistia. Libro 4. cap. 1. iterum agit de baptismo, deinde de Confirmatione sub finem ejusdem capituli primi. Denique de eucharistia capite 2. 3. 4. 5. & 6. Libro 5. capite 1. 2. & 3. agit de eucharistia, & cap. 4. de oratione dominica. Libro 6. agit capite 1. de transubstantiatione: ostendit capite 2. quod Trinitas sit in omnibus sacramentis, quæ neophyti perciperunt, tum quia baptismus confertur in nomine Patris & Filii & Spiritus sancti; tum quia Deus pater apparet in vocatione, per quam neophytum vocavit ad baptismum; Christus apparet in ipso baptismo, per quem Christo crucifixus est; & Spiritus sanctus in unctione, per quam accepit spiritale signaculum. Denique capite 3. 4. & 5. agit de oratione, loco & modo orandi. Ex his apparet, quod Ambrosius in his libris permisceat tractatum de baptismo, Confirmatione & eucharistia, cumque sæpe resumatur.

Dallæus ad aliam solutionem confugit. Contendit enim hos sex libros adulterinos esse.

Utrum libri sex de sacramentis sint Ambrosii.

Negant Blondellus, Falcarius, Rivetus, Albertinus, Dallæus, alique Calvinistæ, paucis exceptis, quos inter Gerardus Joannes Vossius. Affirmaat Baronius, Bellarminus, alique catholici, paucis exceptis, quos inter Joannes Bona cardinalis lib. 1. verum liturgicæ. cap. 7. num. 4. ubi sic habet: "Hæc Ambrosius, si tamen ipse horum librorum, qui de sacramentis inscribuntur, auctor est . . . De his fecit 1. ut dubitarem styli diversitas; cum enim opera Ambrosii ante aliquor annos haud persunftorie percurrerem, cum ad hoc perveni, visus sum mihi alterius linguæ hominem ab Ambrosio prorsus diversum loquentem audire. Tum animadverti loca scripturæ in his citata non esse ejus versionis, quam in aliis libris Ambrosius uti consuevit. Quædam etiam in his reperi, quæ seculo Ambrosii minus convenire visa sunt. Nihilominus a scriptoribus octavi & noni sæculi laudantur sæpius tanquam Ambrosii legitimus fœtus. "Hæc eminentissimus cardinalis, cui Bellarminum opponimus lib. 2. de eucharistia cap. 14. "Libros, inquit, de sacramentis ejusdem auctoris esse, cujus est liber de mysteriis initiandis, res ipsa per se clamat, tanta est styli & sententiarum similitudo. "Momenta igitur, quibus innititur Bona, expendamus.

Utrum stylus, ordo &c. librorum sex de sacramentis ab Ambrosiano differat.

Auctorem librorum sex de sacramentis, eorumque stylum, ordinem, materiam, sententias, cogitationes &c. eadem esse, quæ libri de iis qui initiantur, mihi apparuit utrumque opus inter se conferenti.

Utrumque opus Ambrosius pronuntiavit eorum neophytis, & eandem utrobique rationem affert, cur sibi non licuerit hæc nendum initiatis explicare: de initiandis cap. 1. & lib. 1. sacram. cap. 1.

Phasæ utrobique similes. "Bonum odorem vitæ æternæ inhalatum carpire: "de init. cap. 1. "Bonum odorem accipe pietatis æternæ &c. "lib. 1. cap. 1. "Apertionis celebrantes mysterium: "de init. cap. 1. "Mysteria celebrata sunt apertionis: "lib. 1. cap. 1. Surdus & mutus, de quo Marcus, capite 7. utrobique proponitur: de init. cap. 1. & lib. 1. cap. 1. Utrobique quæritur, cur Christus tetigerit os & aures: cur vero in baptismo sacerdos rangat aures & nates, non aurem os; & eadem utrobique ratio affertur.

Item caput 2. libri de initiandis respondet capiti 2. libri 1. de sacramentis: "ingressus es regenerationis sacramentum: repete quid interrogatus sis; recognoscere quid responderis: "de init. cap. 2. "Venimus ad fontem, ingressus es, considera

„ sidera quos videris, quod locutus sis considera, repere diligenter : ” *libro 1. cap. 2.* Deinde abrenunciatioes utrobique proponit : utrobique meminit promissionis Deo *saæ*, & phrasæ fere simili utitur. “ Teneatur vox tua non in tumulo, mortuorum, sed in libro viventium : . . . præsentibus angelis locutus es. “ Moque affectit angelos illos esse sacerdotes, qui & dicuntur angeli Malach. 2. *Labia sacerdotis* &c. & revera sunt, siquidem “ angelus est, qui regnum Christi & vitam æternam annuntiat : *de inis. cap. 2.* “ Chirographum teneatur non in terra, sed in cælo . . . hic & angeli constituti sunt. “ Statimque ait angelos illos esse sacerdotes : qui & reipsa sunt angeli, “ Quia & homines angeli quicumque annuntiant Christum, & in angelorum adsciti videntur locum : “ & angeli dicuntur apud Malachiam capite 2. *Labia sacerdotis* &c. *lib. 1. cap. 2.* Utrobique catechumenus quasi athleta describitur. “ Ingressus es regenerationis sacramentum : . . . vidisti illic levitam, vidisti sacerdotes, vidisti summum sacerdotem : “ *de inis. cap. 2.* “ Venisti ad fontem, descendisti in eum, ascendisti summum sacerdotem, levitas & presbyterum vidisti, “ *lib. 2. cap. 6.* “ Quid vidisti? aquas utique, sed non solas : levitas ministrantes, summum sacerdotem interrogantem & consecrantem “ Statimque neophytum monet, Non ea contemplantur, quæ videntur, sed quæ non videntur : quoniam quæ videntur, temporalia sunt : quæ autem non videntur, æterna : “ *de inis. cap. 3.* “ Vidisti fontem, vidisti & sacerdotem supra fontem, ingressus es, vidisti aquam, vidisti sacerdotem, vidisti levitam : . . . vidisti quæ videre potuisti oculis tui corporis, & humanis conspectibus : non vidisti illa quæ operantur, quia non videntur. Illa multo majora sunt quæ non videntur, quam quæ videntur : quoniam quæ videntur, temporalia sunt : quæ non videntur, æterna : “ *lib. 1. cap. 3.*

Baptismi figuræ, quæ *lib. de inis. cap. 3. & 4.* recensentur, videlicet Spiritus Domini qui super aquas ferebatur, diluvium, transitus maris rubri, nubes sub qua fuerunt Egyptii, fons Marath, Naaman, piscina : eodem referuntur *lib. de sacram. cap. 3. 4. 5. & 6. lib. 2. cap. 2. 3. & 4.* Figuram diluvii accurate explicat *de inis. cap. 3.* perstringit vero, ut qui orationem finiret, *lib. 1. cap. 6.* De transitu maris rubri, & de nube sic habet *lib. de inis. cap. 3.* “ Tertium quod testimonium est, sicut te apostolus docuit, quoniam patres nostri omnes sub nube fuerunt, & omnes mare transierunt, & omnes in Moyse baptizati sunt in nube & in mari. “ Et *lib. 1. cap. 6.* “ In mari autem rubro figuram istius baptismi extitisse ait apostolus, dicens : quia patres nostri omnes baptizati sunt in nube & in mari. “ Fontis Marath meminit, *de inis. cap. 3. & lib. 2. cap. 4.* Utrobique ait, quod aqua baptismalis, quæ prius amara erat, Cum salutatis fuerit crucis mysterio consecrata, . . . sit dulcis ad gratiam : “ *de inis. cap. 3.* seu, “ Ubi crucem Christi accepit, incipit esse dulcis & suavis : “ *lib. 2. cap. 4.* De sanatione lepræ Naaman disserit *de inis. cap. 3. & lib. 1. cap. 3. & 5. & lib. 2. cap. 3.* Utrobique vero hanc figuram eodem modo narrat, utrobique comparisonem eodem sensu instituit, utrobique puellam captivam, quæ Naaman suavit, ut Elizeum adiret, ait figuram fuisse ecclesiæ Christi, quæ sub captivitate peccati depressa erat, quæque comparare ad synagogam junior est ex gentibus congregatio. Disserit etiam de piscina *de inis. cap. 4. & lib. 2. cap. 2.*

Eodem fere phrasæ : idem loquendi modus : “ Ascendisti ad sacerdotem, contempera quid secutum sit : “ *de inis. cap. 6.* “ Ascendisti de fonte, quid secutum est? “ *lib. 3. cap. 1.*

Lotionis pedum, quæ baptismum subsequēbatur, utrobique meminit, eamque eodem fere modo describit. “ Ascendisti de fonte, memento evangelicæ lectionis. Etenim Dominus noster Jesus lavit pedes discipulis suis &c. “ *de inis. cap. 6.* “ Ascendisti de fonte, audisti lectionem, . . . audisti quia Dominus cum

5, lavisset discipulis suis pedes &c. " *lib. 3. cap. 1.* item utrobique ait pedes lavari ob hereditariam culpam.

Signaculi spiritalis, infusionis Spiritus sancti, ejusdem lectionis Paulinæ, & ejusdem textus Isaïæ, eodem fere modo, iisdemque fere verbis utrobique meminit. " *Accepisti signaculum spiritale, Spiritum sapientiæ & intellectus, Spiritum consilii atque virtutis, Spiritum cognitionis atque pietatis, Spiritum sancti timoris; sicut apostolica lectione didicisti, " de init. cap. 7. in fine. " Sequitur spiritale signaculum, quod audistis hodie legi, quia post fontem superest ut perceptio fiat, quando ad invocationem sacerdotis Spiritus sanctus infunditur, Spiritus sapientiæ & intellectus, Spiritus consilii atque virtutis, Spiritus cognitionis atque pietatis, Spiritus sancti timoris: " *lib. 3. cap. 2. initio. Cap. 7. de init. filios Hierusalem sic inducit admittentes pulchritudinem animæ in lavacro purgatæ: " Quæ est hæc, quæ ascendit dealbata? " Et lib. 4. cap. 2. angelos eandem pulchritudinem admittentes sic inducit: " Quæ est hæc, quæ ascendit dealbata? " modum, quo neophyti ad altare accedebant, eucharistiam accepturi, ita describit *cap. 8. de init. initio. " His abluta plebs dives insignibus (scilicet donis Spiritus sancti in Confirmatione) ad Christi contendit altaria, dicens: Introibo ad altare Dei, ad Deum qui lætificat juventutem meam. Deposuisti enim in veritate erroris exuviis, renovata in aquilæ juventutem, cælesti illud festinat adire convivium. " Et lib. 4. cap. 2. " Veniebās desiderans ad altare, quo acciperes sacramentum, dicente anima tua: Introibo ad altare Dei mei, ad Deum qui lætificat juventutem meam. Deposuisti peccatorum senectutem, sumpisti gratiæ juventutem. Denique iterum audi dicentem David: Renovabitur sicut aquilæ juvenis tua.***

Descripto modo, quo neophyti ad altare accedunt, occurrit dubitationi & objectioni, quæ a neophytis fieri poterat. Cum enim eucharistiæ communicantes, non nisi signa panis & vini sensibilia perciperent, ea poterant, vel despiciatui habere, vel existimare sacramenta Mosaica nostris majora fuisse. " Nunc illud, inquit, consideremus, ne quis visibilia videns (quoniam quæ sunt invisibilia, non videntur, nec possunt humanis oculis comprehendere) dicat forte. Judæis Deus manna pluit, pluit coturnices: ecclesiæ autem illi dilectæ hæc sunt quæ præparavit? huic, inquam, objectioni occurrit, ostendens sacramenta novæ legis præstare Mosaicis, " Quod & antiquiora sunt sacramenta ecclesiæ, quam synagogæ, & præstantiora quam manna est. " Ita ille disserit *cap. 8. de init. eodem modo ratiocinatur lib. 4. de sacram. describit ille cap. 2. præfatum modum, quo neophyti ad altare accedebant: deinde cap. 3. proponit præfatum dubitationem seu objectionem, quæ a neophytis fieri poterat. " Venisti ad altare, vidisti sacramenta posita super altare &c. forte aliquis dixerit: Judæis Deus tantam gratiam præstitit, manna illis pluit e cælo. Quid plus dedit fidelibus tuis? quid plus tribuit iis, quibus plus promisit? " cui objectioni satisfacit, probans anteriora esse mysteria christianorum quam Judæorum, & diviniora esse sacramenta christianorum quam Judæorum.*

Cæterum sacramenta novæ legis (quo nomine intelligit mysteria corporis & sanguinis Christi) anteriora & præstantiora esse, probat iisdem argumentis in utroque tractatu.

Anteriora quidem esse ostendit, *de init. cap. 8. & lib. 4. cap. 3.* quia significata fuisse per sacrificium Melchisedechis, qui Moysen, adeoque sacramenta Mosaica tempore præcessit. Deinde subiecit dignitatem Melchisedechis super Abraham, " Qui protulit ea, quæ Abraham veneratus accepit: " & expendit, quis, & qualis fuerit Melchisedech, qui Christum representabat. Melchisedech enim induitur sine patre & sine matre; neque initium dierum, neque finem habens: & in interpretatione latina dicitur rex iustitiæ, & rex pacis: quæ quidem omnia Christo potius quam Melchisedechi convenire asserit.

Præstantiora vero esse sacramenta novæ legis probat, quia continent ipsum Christi corpus & sanguinem, quæ diviniora sunt quam mæna. Quod autem per consecrationem panis & vinum in corpus & sanguinem Christi mutata fuerint, explicat ille & ostendit exemplo virgæ Moysis, quæ in serpentem primum, deinde ex serpente in virgam reversa, his naturam mutavit: divisionis aquarum maris rubri, quæ contra naturam divisæ, in mutorum speciem congelatæ sunt; fontis Marath, cujus amaritudo in dulcedinem conversa est; fetri quod Elizæi jussu præter naturam super aquas enativæ: creationis, qua creaturæ ex nihilo factæ sunt: & incarnationis Christi, quem præter naturæ ordinem virgo generavit. Ita ille dissertit *cap. 9. de inis. idem præstat lib. 4. de sacram. cap. 4.* cum eo solum discrimine, quod loco posteriori ordinem invertat: incipit enim exemplo a mundi creatione potius; deinde affert exempla incarnationis, divisionis maris rubri, fontis Marath, & fetri super aquas natantis.

Argumentum vero a mundi creatione potitum ita proponit *lib. de inis. & repetit lib. 4. de sacram.* ut inde appareat eandem esse mentem, quæ utrumque concepit. "De totius mundi operibus legisti; quia ipse dixit, & facta sunt: ipse mandavit & creata sunt. Sermo ergo Christi, qui potuit ex nihilo facere quod non erat, non potest ea quæ sunt, in id mutare quod non erant? non enim minus est novæ rebus dare, quam mutare naturas." *De inis. cap. 9.* "Jussit Dominus, & factum est cælum; jussit Dominus, & facta est terra &c. Vides ergo quam operatorius sit sermo Christi. Si ergo tanta vis est in sermone Domini Jesu, ut inciperent esse quæ non erant; quanto magis operatorius est, ut quæ erant, in aliud commutentur? cælum non erat, mare non erat, terra non erat. Sed audi dicentem; ipse dixit, & facta sunt; ipse mandavit, & creata sunt. Ergo tibi ut respondeam, non erat corpus Christi ante consecrationem, sed post consecrationem dico tibi quod jam corpus est Christi. Ipse dixit, & factum est; ipse mandavit & creatum est."

Cap. 1. de inis. integrum refert psalmum 22. quem de eucharistia interpretatur. Idem præstat *lib. 5. de sacram. cap. 3.* & eadem utrobique versione utitur, quæ tamen a vulgata nostra differt.

Cap. 9. de inis. "Ante benedictionem verborum cælestium species (Algerus *lib. 1. de sacram. cap. 9.* legit *alia species*) nominatur, post consecrationem corpus Christi significatur; . . . & tu dicis, amen, hoc est, verum est. Quod os loquitur, mens interna fateatur; quod sermo sonat, affectus sentiat. "Eadem omnino mens, eademque fere verba, *lib. 4. de sacram. cap. 5.* "Antequam consecraretur, panis est: ubi autem verba Christi accesserint, corpus est Christi. . . . & tu dicis, amen, hoc est, verum. Quod conficitur lingua, teneat affectus."

Ex his apparet, libro de *inistandis* conformes esse priores quatuor libros de sacramentis: eadem esse materia in his duobus tractatibus, idem fere ordo, eadem fere argumenta, eadem fere cogitationes, eadem vulgata editio, idem (ni fallor) stylus, & plures phrasæ fere similes. Utrumque igitur opus ab eodem calamo fluxerit necesse est.

Utrum editio, quæ in sex libris de sacramentis citatur, alia fueris ab ea, quæ utitur Ambrosius in aliis operibus.

Affirmant Rivetus, Falcæus, Blondellus, alique Calvinistæ; quin etiam cardinalis Bonn & nonnulli catholici, qui inde concludunt, opus illud non esse Ambrosianum. Ego contra eandem editionem conjicio ex plurimis textibus, quos idcirco inter se & cum vulgata nostra conferam.

2. Ad Cor. 2. v. 15. *Christi bonus odor sumus Deo*; *lib. 1. de sacram. cap. 1.* *Witasse de Confirmatione.*

Z z

Chri.

Christi bonne odor sumus Deo : lib. 1. de Spiritu sancto cap. 1. *Christi bonus odor sumus Deo* : vulgata nostra.

Lucæ 17. v. 37. *Ubi corpus, ibi & aquila* : lib. 1. cap. 2. *Ubi corpus, illi aquila* : lib. de fide resurrect. Ubicumque fueris corpus, illuc congregabuntur & aquila : vulgata nostra.

Matth. 11. v. 10. *Ecce misso angelum meum ante faciem tuam, & parabis viam tuam ante te* : lib. 1. cap. 2. Idem habetur sermone 2. de Joanne Baptista. *Ecce ego misso angelum meum ante faciem tuam, qui præparabis viam tuam ante te* : vulgata nostra.

Malach. 2. v. 7. *Labia sacerdotis custodiunt scientiam, & legem exquirunt ex ore ipsius; angelus est enim Domini omnipotentis* : lib. 1. cap. 2. Idem lib. de init. cap. 2. *Labia sacerdotis custodiunt scientiam, & legem requirunt ex ore ejus; quia angelus Domini exercituum est* : vulgata nostra.

Matth. 3. v. 15. *Ego a te debeo baptizari, & tu venis ad me?* respondit illi *Christus* : sine modo; sic enim decet nos implere omnem justitiam : lib. 2. cap. 5. *Ego a te debeo baptizari, & tu venis ad me?* sine, inquit, modo, hoc est, dum ecclesia edificetur, decet nos implere omnem justitiam : lib. 2. in Lucam. *Sine modo*, sic enim decet nos implere omnem justitiam : Dominica sexta post pentecostem, & in concione de obitu Theodosii. Idem vulgata nostra. Hunc tamen textum Ambrosius (quod & in aliis textibus frequens ipsi contingit) ita contrahit commentariis in psalmum 118. *sine nos implere omnem justitiam*.

1. Ad Cor. 10. v. 11. *Hæc autem omnia in figura facta sunt illis* : lib. 3. cap. 6. Idem apologia prima Davidis cap. 3. *Hæc autem omnia in figura consungebant illis* : vulgata nostra.

Isaïæ 19. v. 20. *Et misit Dominus hominem, qui salvos faciat eos* : lib. 1. cap. 2. *Et misit Dominus hominem, qui salvabis eos* : in psalmum 48. *Et misit salvatorem & propugnatorem, qui liberet eos* : vulgata nostra.

Act. 2. v. 2. *Subito factus est magnus sonus; quasi vi magna Spiritus ferretur* : lib. 2. cap. 5. *Factus est subito sonus de celo, tanquam vi magna ferretur Spiritus* : lib. 1. in Lucam cap. 1. *Factus est subito de celo sonus, tanquam vi magna Spiritus ferretur* : lib. 3. de Spiritu sancto cap. 2. *Factus est repente de celo sonus tanquam adveniens Spiritus vehemens* : vulgata nostra.

Genes. 3. v. 19. *Terra es, & in terram ibis* : lib. 2. cap. 6. & in libro de instit. virg. cap. 4. idem bis habetur commentariis in psalmum 118. *Pulvis es, & in pulverem reverteris* : vulgata nostra.

Act. 13. *Filius meus es tu, ego hodie genui te* : lib. 3. cap. 1. Idem lib. 5. de fide cap. 1. Idem vulgata nostra.

Joannis 13. v. 3. *Nisi laveris tibi pedes, non habebis mecum partem* : lib. 3. cap. 1. Idem in psalmum 48. *Si non laveris te, non habebis partem mecum* : vulgata nostra.

Isaïæ 11. v. 2. *Spiritus sapientia & intellectus, Spiritus consilii atque virtutis, Spiritus cognitionis atque pietatis, Spiritus sancti timoris* : lib. 3. cap. 1. Idem lib. de init. cap. 7. & in psalmum 118. *Spiritus sapientia & intellectus, Spiritus consilii & fortitudinis, Spiritus scientia & pietatis, Spiritus timoris Domini* : vulgata nostra.

Canticorum 8. v. 5. *Quæ est hæc, quæ ascendis dealbata?* lib. 4. cap. 2. *Quæ est hæc, quæ ascendis dealbata?* de init. cap. 7. in psal. 41. & in psalm. 118. oct. 16. & 19. *Quæ est hæc, quæ ascendit candida?* in psalmum 118. octon. 14. & lib. de Isaac cap. 8. *Quæ est ista, quæ ascendit de deserto, delitiis affluens?* vulgata nostra.

Psalmo 50. vers. 1. *Asperges me hyssopo, & mundabor; lavabis me, & super nivem dealbabor* : libro 4. caput 2. Idem de init. cap. 7. Idem vulgata nostra.

Psalm. 42. v. 4. *Iniroibo ad altare Dei, ad Deum qui iustificat iuventutem meam* : lib. 4. cap. 2. Idem in psalmum 42. Idem vulgata nostra.

Psalm. 102. v. 5. *Renovabitur sicut aquila iuventus tua* : lib. 4. cap. 2. Idem lib. 6. hexameton cap. 9. lib. de Isaac cap. 4. lib. 2. de poenit. cap. 2. *Renovabitur me aquila iuventus tua* : vulgata nostra.

Joannis 14. v. 27. *Pacem meam do vobis, pacem meam relinquo vobis* : lib. 4. cap. 3. Idem in psalmum 118. octon. 17. *Pacem meam relinquo vobis, pacem meam do vobis* : lib. 2. de Jacobo cap. 6. & lib. de Joseph cap. 13. *Pacem relinquo vobis, pacem meam do vobis* : vulgata nostra.

Ad Hebraeos 7. v. 3. *Sine patre, sine matre, sine generationis ordine* : libro 4. cap. 5. *Sine patre, sine matre, sine generationis enumeratione* : lib. 3. epistolatum, epist. ad Vercellensem ecclesiam. *Sine patre, sine matre, sine genealogia* : vulgata nostra.

Psalm. 124. v. 3. *Ipse dixit, & facta sunt; ipse mandavit, & creata sunt* : lib. 4. cap. 4. Idem de init. cap. 9. & lib. 1. hexameton cap. 3. Idem vulgata nostra.

1. Ad Cor. 10. v. 4. *Bibebant autem de consequenti petra; petra autem erat Christus* : lib. 5. cap. 1. *Bibebant autem de consequenti eos petra; petra autem erat Christus* : de init. cap. 9. & in proemio libri 1. de Spiritu sancto. *Bibebant autem de spiritali, consequente eos petra; petra autem erat Christus* : vulgata nostra.

Cant. 1. v. 1. *Oscentur me ab oculis oris sui; quia meliora sunt ubera tua super vinum* : lib. 5. cap. 2. *Oscentur me ab oculis oris sui* : lib. de Isaac cap. 5. *Oscentur me ab oculis oris sui, quoniam optima ubera tua super vinum* : in psalmum 118. octon. 1. *Oscentur me ab oculis oris sui; quia bona ubera tua super vinum* : lib. 2. de virginibus in fine. *Oscentur me osculo oris sui; quia meliora sunt ubera tua vino* : vulgata nostra.

Cant. 1. v. 2. *Unguentum exinanitum est nomen suum; propterea adolescentula dilexerunt se* : lib. 5. cap. 2. Idem de init. cap. 6. lib. de Elia cap. 10. lib. 6. in caput 7. Lucæ, in fine, lib. 1. de Spiritu sancto cap. 7. & de institutione virginis cap. 13. *Unguentum exinanitum est nomen eorum; ideo adolescentula dilexerunt se* : lib. 2. de virginibus in fine, *Oleum effusum nomen eorum; ideo adolescentula dilexerunt se* : vulgata nostra.

Cant. 1. v. 3. *Introduxit me rex in cubiculum suum* : lib. 5. cap. 2. Idem lib. de Isaac cap. 3. & in psalmum 118. octon. 1. & 2. *Induxit me rex in cubiculum suum* : lib. 2. de virginibus, in fine. *Introduxit me rex in cellaria sua* : vulgata nostra.

Cant. 5. v. 1. *Descendat frater meus in hortum suum, & capiat fructum pomiferarum suarum* : lib. 5. cap. 3. Idem lib. de bono mortis cap. 5. *Descendat frater meus in hortum suum, & edat fructum pomiferarum suarum* : lib. de init. cap. 9. & lib. de fide resurrect. sub finem. *Descendat frater meus in hortum suum, & manducet fructum pomiferarum suarum* : lib. 3. de virginibus post medium. *Veniat dilectus meus in hortum suum, & comedat fructum pomorum suorum* : vulgata nostra.

Cant. 5. v. 1. *Descendi in hortum meum, vindemiaui myrrham cum unguentis meis, manducaui panem meum cum melle meo, & bibi vinum meum cum lacte meo, edite fraves mei, & inebriamini* : lib. 5. cap. 3. *Ingressus sum in hortum meum, soror mea sponsa; vindemiaui myrrham cum unguentis meis; manducaui panem meum cum melle meo; bibi vinum meum cum lacte meo. Edite proximi mei, & bibite, & inebriamini fraves mei* : lib. de init. cap. 9. & lib. de bono mortis cap. 5. *Iniroi in hortum meum, soror mea sponsa; vindemiaui myrrham meam* : lib. 3. in caput 17. Lucæ. *Vindemiaui myrrham meam cum aromatibus meis; manducaui panem meum cum melle meo* : lib. 3. de virginibus, inter medium & finem. *Iniroi in hortum meum, soror mea sponsa; vindemiaui myrrham cum aromatibus*

meis : manducaui panem meum cum melle meo : & bibi vinum cum lacte meo ; Manducate ; & bibite ; & inebriamini , fratres mei : lib. 1. de Abel cap. 5. Veni in hortum meum , soror mea sponsa : messui myrrham meam cum aromatibus meis : comedi favum cum melle meo : bibi vinum cum lacte meo. Comeditis amici , & bibite , & inebriamini charissimi : vulgata nostra.

Psalmo 79. v. 9. Vineam ex Aegypto transfulisti : lib. 5. cap. 3. Idem libro 3. hexameron cap. 12. Vineam de Aegypto transfulisti : vulgata nostra.

Psalmo 22. v. 1. Dominus pascis me , & nihil mihi deerit : in loco pascue ibi me collocabis . Idem lib. de init. cap. 8. & lib. 2. in caput 2. Lucæ . Domine pascis me , & nihil mihi deerit : in loco viridi ibi me collocabis : enarrat. in psal. 36. Dominus regis me & nihil mihi deerit , in loco pascue ibi me collocabis : vulgata nostra.

Psalmo 22. v. 2. Super aquam refectiois educavis me : animam meam converte : lib. 5. cap. 3. Idem de init. cap. 8. & in psal. 36. Idem vulgata nostra.

Psalmo 22. v. 4. Nam esis ambulem in medio umbra mortis , non simbo mala , quoniam tu mecum es : lib. 5. cap. 3. idem de init. cap. 8. Nam esis ambulaveris in medio &c. vulgata nostra.

Psalmo 22. v. 5. Virga tua & baculus tuus , ipsa me consolata sunt : libro 5. cap. 3. Idem de init. cap. 8. Idem vulgata nostra.

Psalmo 22. v. 6. Paraſti in conſpectu meo menſam adverſus eos , qui ſpuliſunt me : lib. 5. cap. 3. Idem lib. de init. cap. 8. lib. de Elia cap. 10. & in psal. 35. Idem vulgata nostra.

Psalmo 22. v. 7. Impinguasti in oleo caput meum , & poculum meum inebrians quam præclarum est ! lib. 5. cap. 3. Es poculum meum inebrians quam præclarum est ! in psal. 118. octon. 21. in psal. 36. & lib. de Noe cap. 29. Impinguasti in oleo caput meum , & poculum meum inebrians quam præclarum est ! de init. cap. 3. Impinguasti in oleo caput meum , & calix meus inebrians quam præclarum est ! vulgata nostra.

1. Ad Cor. 12. v. 4. Divisiones gratiarum sunt , idem autem Spiritus : divisiones ministeriorum sunt , idem autem Dominus : divisiones operationum sunt , idem autem Deus , qui operatur omnia in omnibus : lib. 6. cap. 2. Divisiones gratiarum sunt , idem tamen Spiritus : & divisiones ministeriorum sunt , idem tamen Dominus : & divisiones operationum sunt , idem tamen Deus , qui operatur omnia in omnibus : lib. 2. de Spiritu sancto cap. 12. Divisiones gratiarum sunt , unus autem Spiritus : & divisiones ministeriorum sunt , unus autem Dominus : & divisiones operationum sunt , unus autem Deus , qui operatur omnia in omnibus : in symbolum apostolorum cap. 9. Divisiones gratiarum sunt , idem autem Spiritus : & divisiones ministeriorum sunt , idem autem Dominus &c. vulgata nostra.

Matth. 6. v. 6. Tu autem cum oras , intra in cubiculum tuum , & clauso ostio ora patrem tuum : lib. 6. cap. 3. Cum oras , intra in cubiculum tuum : in psalm. 118. octon. 2. & lib. de init. virginis cap. 1. Tu autem cum oras , intra in cubiculum tuum , & clauso ostio ora patrem tuum , qui est in abscondito : in psalm. 40. in fine. Tu autem cum orabis , intra in cubiculum tuum , & clauso ostio patrem tuum ora in abscondito : lib. 1. de Abel cap. 9. Tu autem cum oraveris , intra in cubiculum tuum , & clauso ostio ora patrem tuum in abscondito : vulgata nostra.

Isaïe 26. v. 20. Ambula popule meus , intra in recessus tuos &c. lib. 6. cap. 3. Ambula populus meus , & intra in recessus tuos &c. lib. de fide resurrect. Vado populus meus , intra in cubicula tua &c. vulgata nostra.

Psalmo 8. v. 6. Minorasti eum paulo minus ab angelis : lib. 6. cap. 5. Idem lib. 2. de fide cap. 4. Minorasti eum paulo minus ab angelis : vulgata nostra.

Soluntur objectiones & diversitate textuum perita.

Præquam objectiones diluantur, præmitto solemne Ambrosio fuisse, 1. citare scripturam sacram, non ad litteram, sed ad sensum : 2. in ea citanda variare verborum transpositione vel immutatione, eodem tamen sensu retento : 3. scripturam diverso modo citare, diversoque sensu, etiam in eodem opere : 4. scripturæ textum contrahere, vel amplificare pro libito. Hæc apparent ex pluribus textibus jam citatis, magisque apparebunt expendenti innumeros textus ab Ambrosio citatos in iis operibus, quæ ejus esse certissimum est. Infinitum esset, quæcumque asserti possent exempla, hic describere. Nonnulla proferemus ex tribus primis capitulis Geneseos, ut lector inde conjiciat, quid sentire debeat de cæteris.

Genes. 1. v. 2. *Spiritus superferebatur super aquam* : lib. 2. de Spiritu sancto cap. 5. *Spiritus Dei superferebatur super aquas* : lib. 1. hexaemeron in vulgata capiti primo præfixa. *Spiritus Dei fovebat aquas* : lib. 1. hexaemeron cap. 8. *Spiritus Dei ferebatur super aquas* : vulgata nostra.

Genes. 1. v. 11. *Germinet terra herbam fani, seminans seminem secundum genus suum* : lib. 3. hexaemeron cap. 6. *Germinet terra herbam fani, spirans semen secundum genus* : ibidem cap. 9. *Germinet terra herbam virentem, & facientem semen, & lignum pomiferum &c.* vulgata nostra.

Genes. 1. v. 26. *Scriptum est, & faciamus hominem ad imaginem, & ad similitudinem nostram : & dominabitur, inquit, vel principatum habebit. Et fecit Deus hominem ad imaginem Dei* : in psal. 118. octon. 10. *Faciamus hominem ad imaginem & similitudinem nostram : & præstet piscibus maris, & volatilibus celi &c.* *Et creavit Deus hominem ad imaginem & similitudinem suam ; ad imaginem Dei creavit illum* : vulgata nostra.

Genes. 2. v. 7. *Fixavit Deus hominem, pulverem accipiens de terra, & insufflavit in faciem ejus spiritum vitæ* : lib. 6. hexaemeron in vulgata capiti 8. præfixa. *Nec oriose posuit Moyses : fixavit Deus hominem de limo terræ, & insufflavit in faciem ejus statum vitæ* : lib. 2. in caput 3. Lucæ *Scriptum est : Accipit Deus pulverem de terra, & plasmavit hominem* : in psal. 118. octon. 10. *Formavit Dominus Deus hominem de limo terræ, & inspiravit in faciem ejus spiraculum vitæ* : vulgata nostra.

Genes. 2. v. 17. *Ex omni ligno quod est in Paradiso ad escam, edes : de ligno autem quod est scientia boni & mali, non edes ex eo* : lib. de paradiso in vulgata capiti 4. præfixa. *Ex omni ligno quod est in paradiso ad escam, edes : de illa vero arbore, quæ est in medio paradisi non manducabis* : lib. de arbore interdicta cap. 1. *Ex omni ligno paradisi comedes : de ligno autem scientia boni & mali ne comedas* : vulgata nostra.

Genes. 2. v. 17. *Morte moriemini* : lib. de paradiso in vulgata capiti 4. præfixa : & cap. 9. *Nec forte moriamini* : lib. de arbore interdicta cap. 1. *Mors morietur* : vulgata nostra.

Genes. 2. v. 18. *Faciamus ei adiutorem similem sibi* : lib. de parad. in vulgata capiti 10. præfixa. *Faciamus ei adiutorium simile sibi* : lib. 1. de officiis cap. 23. *Faciamus ei adiutorium secundum se* : lib. de instit. virginis cap. 3. *Faciamus ei adiutorium simile sibi* : vulgata nostra.

Genes. 2. v. 25. *Et erunt duo in carne una : & erant ambo nudi* : lib. de paradiso in vulgata capiti 10. præfixa. *Duo erunt in carne una* : lib. 2. in caput 3. Lucæ. *Dixit Deus : erunt ambo in una carne & in uno Spiritu* : lib. 1. de officiis cap. 32. quæ postrema verba defunt in omnibus vulgatis, in ea etiam ipsa, quam Ambrosius refert & exponit lib. de paradiso. *Et erunt duo in carne una. Erat autem uterque nudus* : vulgata nostra.

Genes. 3. v. 13. *Serpens decipit me, & manducaui* : libro de parad. in vulgata

ta ca-

ra capiti 14. præfixa. *Serpens traduxit me ; & manducaui : lib. de inſtit. virginis cap. 4. Serpens doceps me, & comedi : vulgata noſtra.*

Genef. 3. v. 14. *Supra peſtus tuum & in utero tuo ambulabis : lib. de parad. cap. 15. & in vulgata eidem capiti præfixa. Super peſtus tuum & ventrem ambulabis : lib. de fuga ſeculi cap. 7. Supra peſtus tuum gradieris : vulgata noſtra.*

Genef. 3. v. 17. *Quia auდიſſi vocem mulieris tuæ, & manducaſſi de ligno paradifi, a quo præceperam tibi ab eo ſolo non manducare, malediſſa terra in operibus tuis. In triſtitia manducabis eam omnes dies vite tuæ : Spinæ & tribulus germinabis tibi, & manducabis ſannum agri : in ſudore vultus tui manducabis panem tuum, donec revertaris in terram, ex qua ſumpſiſti es : lib. de parad. in vulgata capiti 15. præfixa. Queniam auდიſſi vocem uxoris tuæ, & manducaſſi de ligno, de quo præceperam tibi ab eo ſolo ne manducares : malediſſa terra in operibus tuis : in triſtitia manducabis fructum ejus omnibus diebus vite tuæ. Spinæ & tribulus germinabis tibi, & edes pabulum agri : cum ſudore vultus tui manducabis panem tuum, donec revertaris in terram, de qua aſſumptus es : lib. de fide reſur. longe poſt initium. Quia auდიſſi vocem uxoris tuæ, & comediſſi de ligno ex quo præceperam tibi ne comederes, malediſſa terra in opere tuo : in laboribus comedes ex ea cunctis diebus vite tuæ : ſpinæ & tribulus germinabis tibi, & comedes herbas terra : in ſudore vultus tui veſceris pane tuo, donec revertaris in terram, de qua ſumpſiſti es : vulgata noſtra.*

Genef. 3. v. 19. *Terra es, & in terram redibis : lib. de parad. in vulgata capiti 15. præfixa. Terra es, & in terram ibis : in pſal. 118. oſion. 4. & 6. Pulvis es & in pulverem reverteris : vulgata noſtra.*

Genef. 3. v. 22. *Ecce Adam factus eſt quaſi unus ex nobis, ut ſcias bonum & malum : lib. de parad. in vulgata capiti 15. præfixa. Ecco Adam factus eſt tanquam unus noſtrum ad ſciendum bonum & malum : ibidem cap. 6. Ecce Adam factus eſt tanquam unus ex nobis, ut ſcias bonum & malum : ibidem cap. 11. Ecce Adam quaſi unus ex nobis factus eſt, ſciens bonum & malum : vulgata noſtra.*

Hæc pauca ſufficiunt, ut intelligatur, quanta fuerit Ambroſii varietas in citandis ſcripturis ſacris. Sed prætermitti non debet quinta obſervatio, videlicet quod Ambroſius uſus aliquando fuerit verſione Hebraica, Syriaca, & Græca, ut videtur eſt lib. 1. hexam. cap. 8. in pſal. 11 in pſal. 136. ad hæc verba, *Homines & juventa : lib. 5. de ſacr. cap. 2. & 4. & alibi.*

His prænotatis videamus quid in contrarium obijci poſſit ex nonnullis textibus ab Ambroſio citatis in libris ſex de ſacramentis.

Primus textus habetur lib. 1. cap. 5. ubi reſertur ſanatio Naamani.

Verum pulſus ibi textus ad litteram citatur, ſed ad ſenſum : quemadmodum apparebit textus ibi citatos conferenti cum capite 5. libri 4. regum, ubi hiſtoria deferibitur. Hos ſiquidem textus Ambroſius alibi non citat.

Secundus habetur lib. 2. cap. 2. *Angelus ſecundum tempus deſcendebat in piſcinam : & quoſieſcumque deſcendiſſet Angelus, movebatur aqua : & qui prior deſcendiſſet, ſanabatur ab omni languore quocumque tenebatur. Qui textus alibi aliter citatur. Angelus ſecundum tempus deſcendebat in naſatoriam, & movebatur aqua : & qui prior deſcendiſſet in naſatoriam, ſannus fiebat : lib. 1. de Spiritu ſancto cap. 7. Angelus Domini deſcendebat ſecundum tempus in naſatoriam, & movebatur aqua : & qui prior deſcendiſſet in naſatoriam poſt commotionem aqua, ſannus fiebat a languore quocumque tenebatur : lib. de inſtit. cap. 4.*

Reſpondeo 1. ex his tribus textibus primum eſſe paraphraſticum ; ſecundum vero contraſtum. 2. Leve diſcrimen eſſe. Etenim ſi hæc verba (*quoſieſcumque deſcendiſſet Angelus*) demas, & excipias verbum, *ſanabatur*, cujus loco in aliis textibus habetur, *ſannus fiebat* : videbis nullum eſſe diſcrimen. Nam quoad vocabula (*piſcinam & naſatoriam*) Ambroſius utrumque uſurpat lib. de inſtitutiō cap. 4.

Tertius habetur lib. 3. cap. 1. *Producat terra ex se fructum germinantem. Producat aqua animalia : & nata sunt animalia.* Qui locus aliter alibi legitur.

Respondeo textum illum ex pluribus contractum esse : neque ad litteram, sed ad sensum citatum esse ex Geneseos cap. 1. v. 11. & 12. 20. & 21.

Quartus habetur lib. 3. cap. 1. *Qui lavis, non necesse habet iterum lavare, nisi ut solus pedes lavet.* Aliter lib. de init. cap. 6. *Qui lotus est, non indiget, nisi ut pedes lavet.*

Respondetur primum textum neque ad sensum, neque ad litteram citari, sed manifeste corruptum esse.

Quintus habetur lib. 5. cap. 4. *Et ne nos patiaris induci in tentationem.* Aliter lib. 7. in Lucam : *Et ne nos inducas in tentationem.*

Respondetur quod Ambrosii ætate in codicibus pluribus legebatur, *Es ne patiaris nos induci in tentationem* : eaque verba plures inter orandum usurpabant ex Augustino, lib. de dono persever. cap. 6.

Sextus habetur lib. 6. cap. 1. *Nisi quis manducaverit carnem meam, & biberit sanguinem meum, non manebit in me, nec habebit vitam æternam.* Quæ quidem verba ita specialis est, ut alibi non reperiatur apud Ambrosium.

Respondeo textum esse contractum, & ex tribus versiculis compositum. Ambrosius enim inter citandum sæpe non attendit ad litteram, sed ad sensum, multaque paucis contrahit, quemadmodum apparet ex ipso textu citato, cujus priora verba habentur Joannis 6. v. 54. sequentia vero, v. 57. postrema denique v. 55.

Septimus habetur lib. 6. cap. 1. *Petrus dixit, verba vite æterna habes, & ego a te quo recedam ? Aliter in psalmum 43. Domine ad quem ibimus ? verba vite æterna habes.*

Respondeo textum priori loco citari ad sensum, non autem ad litteram. Citatur ille tribus in locis, lib. 6. de sacram. cap. 1. in psal. 43. & in psalm. 118. octon. 9. in fine : & ubique modo diverso. Bene ergo (inquit postremo loco) & hoc convenit Petri dicenti : *verba vite æterna habes, & nos reliquemus te ?* Ex his tribus citationibus secunda est ad litteram, prima vero & ultima sunt duntaxat ad sensum ; alias inde sequeretur enarrationem in psalmum 118. non esse opus Ambrosii ; quod tamen Ambrosianum esse certo certius constat.

Octavus habetur lib. 6. cap. 2. *Pone me ut signaculum in corde tuo, sicut signaculum in brachiis tuis.* Qui textus alibi aliter citatur ab Ambrosio.

Respondeo 1. locum hunc in diversis editionibus diversimode legi, quod aperte indicat mendum aliquod irrepsisse. 2. Textus ille diversimode citatur ab Ambrosio in operibus, quæ ipsius esse certissimum est. *Pone me ut signaculum in cor tuum, ut sigillum in brachium tuum* : lib. de Isaac cap. 8. & in psalm. 118. octon. 15. *Pone me ut signaculum super cor tuum, ut sigillum super brachium tuum* : in psalm. 118. octon. 19. & 23. *Pone me ut signaculum in corde tuo : ut signaculum super brachium tuum, de init. cap. 7. Pone me ut sigillum in cor tuum, & velut signaculum super brachium tuum* : lib. 1. de virginibus. Quin etiam in eodem opere textum illum diversimode refert, quemadmodum apparet ex citata enarratione in psalmum 118.

Utrum in his sex libris sacramentorum quædam reperiantur, quæ Ambrosii sæculo seu ætati minime conveniant.

Affirmat Joannes Bona cardinalis. Rem gratam nobis fecisset vir eruditissimus indicare, quænam in his sex libris cæremoniæ referantur, quæ Ambrosii sæculo minime conveniant. Quod cum ille non præstiterit, eam ob rem ritus omnes in hoc opere descriptos percurramus necesse est, eosque vel ab ipso Ambrosio, vel ab aliis patribus Ambrosio prioribus, aut æqualibus, aut æqualibus relatis ostendamus.

Libra-

Libro 1. cap. 1. sacerdos initiandis tangebatur aures : idem refert Ambrosius *lib. de init. cap. 1.* Aures tangendo, dicebat, *Ephpheta, quod est adaptare* : idem refert Ambrosius *de init. cap. 1.* Hæc cæremonia dicebatur *mysterium aperitionis*. Idem habetur *de init. cap. 1.* Inter hæc solemnia legebatur evangelium, quo Christus, cum ei oblatu esset mutus & surdus, aures ejus & os ejus tetigit : idem habetur *de init. cap. 1.* Sacerdos initiandis non solum aures, sed & nares tangebatur : idem refertur *de init. cap. 1.* Sacerdos aures quidem & nares feminæ, non autem os tangebatur, quia tactus oris feminæ nec feminam nec sacerdotem decebat : idem refertur *de init. cap. 1.* Initiatis, non autem initiandis explicabantur mysteria : idem refertur *de init. cap. 1.*

Libro 1. cap. 2. ungebatur initiandus, quasi *athleta Christi* : idem refertur patres Ambrosius priores, æquales, & suppres. Initiandus abrenuntiabat diabolo, & seculo : idem refert Ambrosius *lib. de init. cap. 2. lib. 9. in cap. 19. Lucæ.*

Libro 1. cap. 3. sacerdos catechumenum baptizaturus, stabat supra fontem : idem apud Dionysium *de ecclæs. hierarc. cap. 2.* cujus auctor (quisquis ille fuerit) scripsit ante medium seculum quintum.

Libro 1. cap. 5. mentio fit exorcismi & consecrationis fontis : meminerunt & alii patres priores, æquales & suppres Ambrosio.

Libro 2. cap. 2. inter baptismatis solemnia legebatur evangelium, quo angelus in piscinam descendebat, *Joan. 5.* ejusdem lectionis meminit Ambrosius *de init. cap. 4.*

Libro 2. cap. 2. catechumeni lavacrum ingressi, continentur se credere in Patrem, & Filium, & Spiritum sanctum : ejusdem confessionis meminit Ambrosius *de init. cap. 5. & lib. 8. in cap. 18. Lucæ.* Ibidem mentio fit trinæ interrogationis : trinæ quoque interrogationis meminit Ambrosius *lib. de Spiritu sancto cap. 11.* Mentio etiam ibi fit trinæ immersionis : ejusdem confirmationis res repetitur meminerunt Dionysius Areopagita *lib. de ecclæs. hierarc. cap. 2.* Tertullianus adversus Praxeam *cap. 26. & lib. de corona militis cap. 3.* Hieronymus in *dialogo adversus Lucif. cap. 4.* Ibidem mentio fit unctionis confirmationis post baptismum collatæ : meminit & Ambrosius *de init. cap. 6. & 7.* Ibidem mentio fit formulæ verborum deprecatoriarum, quæ inter ungendum adhibebatur : formulam verò Confirmationis deprecatoriam fuisse ætate Ambrosii, ostendimus *infra* auctoritate Hieronymi & Augustini.

Libro 3. cap. 1. dicitur quod fontis baptismatis species esset veluti quidam sepulcri forma : quæ quidem verba, sive mystice, sive ad litteram intelligantur, vera sunt : baptismus enim a nonnullis patribus *sepulchrum* dicitur : Christo per baptismum consopelimus : & antiqua baptisterii figura sepulcri formam referebat. Ecce, inquit Cæsarius Arelatenis *homilia 5.* descenditur in fontem, tanquam in sepulchrum : ejus enim fundum, navis more concavum erat, majori longitudine, quam latitudine : quæ de te videtur Josephum Vicecomitem *lib. 1. de cæremoniis baptismi cap. 11.* Cæterum Ambrosii verba intelligenda mihi videntur mystice & figurative, quasi externa fontis baptismalis cæremonia, quæ per fontis ingressum, immersionem & emersionem fieri solebat, exhiberet formam sepulcri, ex quo Christus corpus, postquam in eo delituit, tertia die resurrexit. Hunc sensum verba, quæ sequuntur, præ se ferunt.

Ibidem mentio fit unctionis in capite, quæ baptismum subsequabatur : ejusdem meminit Ambrosius *de init. cap. 6.* Summus sacerdos linteo succinctus baptizati, postquam de fonte ascenderat, pedes lavabat & abstergebat : ejusdem lotionis neophytorum, postquam de fonte egressi sunt, meminit Ambrosius *de init. cap. 6.* eamque in Mediolanensi ecclesia seculis retro sequentibus observatam fuisse apparet ex antiquo cæremionali Ambrosiano Beroldi, quod Josephus Vicecomes sæpe laudat. Asseritur *ibidem*, quod, cum pedes lavarentur, legebatur evangelium, quo Christus discipulorum pedes lavit, *Joan. 13.* Ejusdem lectionis meminit Ambrosius

brofius

Drosius *de inis. cap. 6.* *Ibidem* dicitur, quod ecclesia Romana hanc consuetudinem non haberet: antiqui auctores (quantum memini) hanc consuetudinem ecclesie Romanæ nullibi tribuunt. *Ibidem* asseritur, quod nonnullæ tamen ecclesie hanc consuetudinem haberent: viguit olim hæc consuetudo in pluribus ecclesiis: vigebat in ecclesiis Hispanicis. Eam in Hispania patres Illiberitani abrogarunt *canone 48.* Prævaluit tamen in aliis quibusdam extra Hispaniam ecclesiis, in quibus observari solebat. Serapion monachus, cum duos histiones ad fidem converterisset, „Lavit pedes eorum, & ambo baptizati recesserunt: ex Palladio *in hist. Laus. fest. 73.* Augustinus *in fine epistolæ 118. ad Januarium*, fidem facit, quod in ecclesiis Africanis corpora baptizandorum die cœnæ lavarentur: & *in epistola 119. ad eundem Januarium cap. 18.* ait, quod, „Ne (hæc pedum lotio) ad ipsum „sacramentum baptismi videretur pertinere, multi hoc in consuetudinem recipere holuerunt: nonnulli etiam de consuetudine auferte non dubitarunt. Aliqui „autem ut hoc sacratiore tempore commendarent, & a baptismi sacramento distinguerent, vel diem tertium octavatum, . . . vel etiam ipsum octavum, ut „hoc facerent elegerunt. “ Unde apparet hanc caeremoniam pro varietate locorum variatam fuisse. Hic rejecta est, illic sublata: ibi baptismum præcessit, istic subsequuta est: alibi die cœnæ observata, alibi die tertia octavarum, alibi ipsa die octava.

Denique auctor librorum de sacramentis *ibidem* testatur se velle quidem in omnibus sequi ecclesiam Romanam: sed in iis, quæ ad ritum attinent, unumquemque abundare suo sensu: testatur Ambrosius *lib. 1. epist. 9. ad Theophilum*, se propensum esse ad sequendam in omnibus ecclesie Romanæ sententiam.

Libro 3. cap. 2. post lotionem pedum sequebatur Confirmatio, quam vocat signum spiritale: idem asserit, eodemque nomine Confirmationem appellat Ambrosius, *de inis. cap. 7.* Confirmatus veniebat ad altare, ut eucharistiam acciperet: idem asserit Ambrosius *de inis. cap. 8.* Innuit auctor, quod initianus legitur evangelium, quo Christus cæco nato visum restituit *Joan. 9.* eamque visus restitutionem de baptismo explicat: idem innuit, eodemque modo exponit Ambrosius *lib. 3. epist. 45. ad Bellicium*. Testatur auctor, quod ille, qui veniret ad baptismum, peccata speciatim non confiteretur: consuetudinis præmittendi adultorum baptismum confessionem peccatorum omnium secundum distinctas species, meminerunt Tertullianus *lib. de baptismo cap. ultimo*, Cyrillus Jerosolymitanus *catechesi 1.* Gregorius Nazianzenus *orat. 40. in lavacrum*. Hæc tamen consuetudo non observabatur in omnibus ecclesiis: neque hujus alicubi meminit Ambrosius.

Libro 4. cap. 4. §. 6. neophytis aperit & explicat mysterium eucharistie. Idem præstat Augustinus *sermon. 83. de diversis. Ex sermone vero 82. in fine*, apparet hanc ecclesie consuetudinem fuisse. Eucharistie mysterium explicando, identidem explicat nonnullas missæ caeremonias. Idem efficit Augustinus *loco citato*.

Libro 4. cap. 5. hæc verba de Christo referuntur: qui pridie quam pateretur & in sanctis manibus suis accepit panem, respexit in celum, ad se, sancte pater omnipotens, æternæ Dens, gratias agens, benedixit, fregit, fassumque apostolis suis tradidit, dicens: accipite & edite ex hoc omnes. Quæ verba quoad sensum eadem habentur in utraque Basilii & Chrysostomi liturgia, quam laudat Proclus Chrysostomi discipulus & successor: sed præsertim in Jacobi liturgia, quam ab hæreticorum oppositionibus vindicat, & prolatis antiquorum testimoniis genuinum Jacobi sacrum esse demonstrat Leo Allatius in eruditissima ad Beroldum Nihum epistola, in ejus symmiæ edita pag. 176. *Ibidem* asseritur, quod Christus respexit in Celum, antequam panem consecraret: idem affirmatur in liturgia Jacobi. *Ibidem* hæc verba consecrationis referuntur, Hoc est enim corpus meum, quod pro vobis datur: hæc eadem verba referuntur *Lucæ 22. v. 19.* liturgia vero Jacobi habet, hoc est corpus meum, quod pro vobis frangitur & datur in remissionem peccatorum. *Ibidem* de Christo dicitur. Similiter etiam calicem, postquam

Wassé de Confirmatione.

Aaa

cana-

*canonum est, hoc est, pridie quam pateretur, accepit, respectu in cælum, ad te, sancto pater omnipotens, æternæ Deus, gratias agens: benedixit, apostolis suis tradidit, dicens: accipite & bibite ex eo omnes. Eadem ecclestiæ, contractus quidem in utraque Basilii & Chrysostomi, diffusius vero in Jacobi liturgia. Ibidem asseritur, quod Christus respectu in cælum, atquequæ vinum in suum sanguinem converteret: idem affirmatur in liturgia Jacobi. Ibidem hæc verba consecrationis calicis recurrunt: Hic est enim sanguis meus: eadem verba referuntur *Matthæi* 26. v. 26. & *Marci* 14. v. 24. & in teibus liturgiis Jacobi, Basilii & Chrysostomi. Ibidem asseritur, quod fidelis, qui Christi corpus accepturus est, sacerdoti eucharistiam porrigenti, & dicenti: Corpus Christi: respondet, Amen: idem asseritur de init. cap. 9. & in fine epistola Corneli ad Fabium, relatæ apud Eusebium.*

Lib. 4. cap. 6. facta consecratione sacerdos dicit: *Quotiescumque hoc feceritis, sotes commemorationem mei facietis, donec iterum adveniam: idem habetur in liturgia Jacobi*, ejusque præcepti dominici B. Gaudensius, qui Brixienfis episcopus anno 386. creatus est, meminit *tractatu 2. de paschase*. Deinde sacerdos mentionem facit passionis, resurrectionis & ascensionis Christi: eorumdem trium mysteriorum meminerunt in suis liturgiis Jacobus, Basilii & Chrysostomus, & Cyrillus Alexandrinus in concilio Ephesino. 3. Deum rogat, " Ut hanc oblationem suscipiat in suum, blimi altari suo: " de hoc altari Irenæus ait *lib. 4. cap. 34.* " Est altare in cælis: illuc preces nostræ & oblationes diriguntur. " Jacobus in liturgia Deum orat, ut oblata accipiat " in sanctum & supercæleste, mentale & spiritalit altare, " te suum. " Basilii & Chrysostomus, ut ea suscipiat " in sanctum, supercæleste, & intellectuale altare suum. Beatus quoque Augustinus (inquit Alcuinus *lib. de divinis officiis, cap. de celebratione missæ*: Florus magister in *expositione missæ*: & Remigius Alstodorensis in *expositione de celebratione missæ*) de eodem sublimi altari in conspectu divinæ majestatis sic ait: est quoddam altare Dei, invisibile, ad quod non accedit injustus &c. " 4. Deum precatur, " Ut hanc oblationem suscipiat in sublimi altari suo per manus angelorum suorum, " Angelorum ministerio fidelium orationes in cælum deferri, testatur scriptura *sacra Tobia 12. & apocal. 8.* unde Tertullianus *lib. de orat. cap. 12.* eorum irreverentiam acriter reprehendit, qui sedendo orant, " Sub conspectu, inquit, Dei vivi, angelo adhuc orationis altante. " 5. Memoriam facit sacrificii Melchisedech, quem summum sacerdotem appellat: Melchisedechem vero Ambrosii ætate summum sacerdotem in ipso missæ canone vocatum fuisse: apparet ex auctore *questionum veteris & novi testamenti* apud Augustinum *tom. 4.* qui *sub finem questionis 109.* concedit Melchisedech fuisse sacerdotem, sed illum in oblatione summum sacerdotem nuncupari ægro patitur. Hic vero auctor scripsit ad annum 340. Testatur enim in *fine questionis 44.* scribere se *recentis circiter annis* post excidium Hierosolymitanum, quod anno salutis 40. contigit.

Ex his liquet missæ canonem antiquissimum esse.

Hujus enim meminerunt Gregorius magnus *lib. 6. epist. 64.* ad Joannem episcopum Syracusanum, & *lib. 11. epist. 59.* ad Vitalem defensorem, Vigilius papa, qui floruit ad annum 550. in *epist. ad Euthereum*, & in *epistola ad Justinianum imperatorem*, Ambrosius *lib. 4. de sacram. cap. 5. & 6.* ubi majorem canonis partem refert. Ad eum Opiatus: qui floruit ab anno 360. ad 380. alludit *lib. 2.* paulo ante medium: " Offerre vos Deo dicitis pro ecclesia, quæ una est, & in toto, tetraur orbe diffusa. Quid offers pro tota, qui non es in tota? " Ejus denique meminit auctor *questionum veteris & novi testamenti*, qui scribebat ad annum 340.

Canonem illum, qui incipit ab oratione, *Te igitur &c.* usque ad orationem dominicam, quæ, absoluto canone, alta voce recitatur, Augustinus in sermone 83. de diversis, vocat *sanctificationem sacrificii*: Gregorius magnus modo canonem, mo-

do precem simpliciter appellat : Vigilius quoque *canonicam precem* : auctor vero *questionum veteris & nova testamenti* nominat *oblationem* : alii tamen *almonem* nuncupant, quia in eo, ut ait Vvalafrius Strabo, dominica sacra peraguntur.

Auctor hujus canonis incertus est. Anselmus Cantuariensis episcopus, *lib. de laudibus virginis cap. 23.* a Gregorio magno editum existimat; quidam a Gelasio papa, qui creatus est anno 492. alii a Musco, presbytero Massiliensi; alii a Viconio, episcopo Castellaniensi in Mauritania; qui duo postremi auctores seculo V. floruerunt, & teste Gennadio in *casalego*, libros de sacramentis administrandis composuerunt. Verum ex dictis apparet missæ canonem iis auctoribus antiquiorem esse. Vigilius, qui hunc canonem ad Euthetium misit, ait illum *ex apostolica traditione* descendisse; Gregorius magnus *lib. 7. epist. 64.* ait a *scholastico*, id est a viro quodam erudito *compositum* esse; sed quo tempore id factum fuerit, non indicat. Concilium Tridentinum *sess. 22. cap. 4.* constare canonem docet ex ipsis Domini verbis, ex apostolorum traditionibus, ac sanctorum pontificum institutionibus. Pontifices enim aliquid identidem addiderunt; nullus tamen ex eis, quod sciam, post Gregorium magnum quidpiam addidit aut immutavit. Hactenus de missæ canonis, cujus maximam partem Ambrosius refert *lib. 4. de sacram. cap. 4. & 5.* Ad alias modo caeremonias ab ipso indicatas properemus.

Lib. 5. cap. 1. meminit mixtionis aquæ cum vino in calice. Meminerunt Cyprianus in *epistola ad Cæciliam*; Augustinus *lib. 4. de doctrina christiana cap. 21.* concilium III. Carthaginense *can. 24.* & tres liturgiæ citatæ.

Libro 5. cap. 4. dominicam orationem neophytis exponit. Hanc olim orationem recitare solis initiatis licitum erat. "Qui enim nondum initiatus est, inquit Chrysostomus *hom. 21. in Mattheum*, non potest patrem appellare Deum: ideo solis competentibus, ut eam memoriter discerent, tradi consueverat feria quarta post dominicam IV. quadragesimæ, ex ordine Romano: in Africa vero feria secunda majoris hebdomadæ, ex Augustino *homil. 42. inter 50.* Eam neophytis exponit Ambrosius: de illa meminit Augustinus in *serm. 83. de diversis*, qui est ad neophytos.

Libro 5. cap. 4. refert græcos plures sumere solitos eucharistiam semel in anno. "Orientales plurimi, inquit Vvalafrius *lib. de rebus ecclesiasticis, cap. 20.*, ut ex collationibus patrum discimus semel in anno communicandum censebant, ut videlicet diurna præparatione corpus & animam purificantes tandem ad communionem mensæ celestis digne peringerent. "Latet quoque nonnulli eucharistiam semel in anno sumebant; cujus prævæ consuetudinis meminit Chrysostomus & in eam invehitur *hom. 67. ad populum*, & *homil. 5. in 1. ad Timotheum*. Videsis Spondanum ad *ann. 57. num. 45.*

Libro 6. cap. 4. meminit orationis, quæ per manuum elevationem & expansionem ab antiquis fieri solebat, ut Christi cruci affixi figuram exhiberent: ejusdem in orando ritus meminerunt, eumque ætate sua observari testantur Tertullianus *lib. de oratione cap. 11. & 12.* & auctor *sermonis de cana Domini*, qui extat inter opera Cypriani.

Lib. 6. cap. 5. inuit & supponit orationem dominicam in missæ celebratione a sacerdote solo recitari: observat Gregorius magnus *lib. 7. epist. 64.* "Dominicam orationem apud græcos ab omni populo dici, apud nos vero a solo sacerdote: quæ quidem consuetudo etiamnum in utraque ecclesia, græca & latina perseverat. Hæc tamen Gregorii verba de Italia tantum intelligi debent. Cæsarius enim Arelatenfis, qui floruit ab anno 504. ad 542. testatur in *hom. 12.* hanc orationem a plebe *proferri ex ore*. Post recitatam orationem dominicam sacerdos hæc verba subiciebat: "Per Dominum nostrum Jesum Christum, in quo tibi est, cum quo tibi est honor, laus, gloria, magnificentia, potestas cum Spiritu sancto a seculis, & nunc, & semper, & in omnia secula seculorum. "Quæ verba totidem fere terminis habentur in *hæc epistolæ beati Judæ*. Verba

quoque nonnulla iis affinia sacerdos post dominicam orationem a choro recitatem subiicit in utraque Basilii & Chrysostomi liturgia : " Quia tibi convenit regnum, & virtus, & gloria Patri & Filio, & sancto Spiritui, nunc & semper, & in secula seculorum.

Solvuntur duae objectiones e caeremoniis petita.

E caeremoniis ab Ambrosio relatis duae objectiones repeti possunt.

Prima est ex particula enim, quae verbis consecrationis inseritur lib. 4. cap. 9. *Hoc est enim corpus meum* &c. Atqui haec particula Ambrosii seculo deerat in verbis consecrationis, sicut apparet ex tribus liturgiis, Jacobi, Basilii, & Chrysostomi. Desuisse quoque seculis retro sequentibus, certum videtur ex synodicis constitutionibus Odanis episcopi Parisiensis, qui floruit desinente seculo XII. cap. *communibus praeceptis synodalibus*, num. 28.

Respondeo 1. praefatis liturgiis opponi utramque Petri & Marci liturgiam. 2. Ecclesiarum usus in oriente & occidente diversus fuit. Ex orientalibus enim Germanus, qui patriarcha Constantinopolitanus erat sedente Gregorio II. & imperante Leone Iſaunico, hanc particulam a Christo in consecratione prolatam fuisse refert in *theoria verna ecclesiasticarum*. Ex occidentalibus vero Casarius Arelatensis, qui synodo Agathensi praesuit anno 506. *homil. 7. de paschate*, verba consecrationis referens, ejusdem particulae meminit. Hae quidem, fateor, in hodierna homilia deest ; sed textus, quem ex ea sub Eusebii Emiliensi nomine Paschasius in *epistola ad Frudegardum*, Guilmundus lib. 3. *de corporis & sanguinis Christi veritate*, & Algerus lib. 1. *de sacramento corporis*, cap. 10. descripserunt, particulam illam complectitur. Praeterea initio sacramentarii Gregoriani verba consecrationis cum particula enim referuntur ; cum eadem particula referantur in libro *de corpore & sanguine Christi* cap. 18. quem Paschasius edidit anno 818. Florus quoque magister, qui claruit seculo IX. circa medium, tempore Caroli Calvi, in *expositione missae* sic habet : " Ecclesia ex traditione his verbis consecrans mysterium sacri corporis & sanguinis Domini, designanter dicit Dominum dixisse apostolis : *Accipite & manducate ex hoc omnes : Hoc est enim corpus meum.* Simili modo postquam canatum est &c. " Hildebertus etiam, archiepiscopus Tironensis, qui ineunte seculo XII. floruit, in carmine *de officio missae*. Canonem referens, haec habet : *Qui pridie quam pateretur* &c. usque ad haec verba, *Hoc est enim corpus meum*. Neque mihi dubium est, quia Remigius Altrissiodorensis, qui floruit seculo IX. Odo Cameracensis, qui floruit initio seculi XII. aliquae sacri missae canonis expositores eodem modo legerint : verba siquidem canonis, quem ipsi referunt & interpretantur, a nostro canone nihil prorsus differunt. Praefatae tamen particulae non meminerunt, quia verba canonis sic abbreviare solent : *Qui pridie quam pateretur* &c. usque ad *corpus meum* ; vel usque ad, in *memoriam commemorationem saeculis*. 2. Guilmundus lib. 3. *de veritate eucharistiae*, paulo post medium : & Lanfrancus lib. *de sacram. eucharistiae*, longe post medium : Algerus quoque (si fallor) in *libris de sacramento* : qui libros de sacramentis Ambrosii nomine citantur, rectum, de quo nunc agitur, ex eo referentes, praefatae particulae mentionem faciunt. 4. Haec particula forte in Ambrosii textum inserta est. Textus enim, de quo controversia est, in eodem capite semel & iterum describitur ; primum quidem cum particula : *Accipite & edite ex hoc omnes : hoc est enim corpus meum* ; deinde vero sine particula : *Accipite & edite ex eo omnes : hoc est corpus meum*. Neque moram facere debens Guilmundi, Lanfranci & Algeri citationes ; inde enim sequitur tantum, hanc interpolationem ante seculum undecimum factam fuisse.

Secunda obiectio est. Auctor librorum *de sacramento* lib. 6. cap. 9. innuit & supponit orationem dominicam inter missatum solemniter recitari. Atqui Gregorius

magus

magnus omnium primus statuit, ut in latina ecclesia hæc oratio inter missarum solemniam recitaretur, quemadmodum apparet *ex libro 7. epist. 64.* ubi Gregorius ita loquitur: " Veniens quidam de Sicilia mihi dixit, quod amici ejus de meis dispositionibus murmurarent, dicentes: quomodo ecclesiam Constantinopolitanam disponit comprimere, qui ejus consuetudines per omnia sequitur? cui cum dicerem: quas consuetudines sequimur? respondit: quia orationem dominicam mox post canonem dici statuistis. Cui ego respondi: orationem dominicam idcirco mox post precem dicimus; quia mos apostolorum fuit, ut ad ipsam solemnem orationem oblationis hostiam consecraret. Et valde mihi inconveniens visum est, ut precem, quam scholasticus composuerat, super oblationem diceremus; & ipsam traditionem, quam redemptor noster composuit, super ejus corpus & sanguinem taceremus.

Verum dominicam orationem, antequam Gregorius magnus ad pontificatum eveheretur, inter missarum solemniam celebrari solitam esse, evincitur auctoritate Cæsarii Arelatensis in *homilia 12.* " Qui vult missas ad integrum celebrare, (sic ille plebem alloquitur, quæ ante missam completam aliquando exhibi) usquequo oratio dominica dicatur, & benedictio populo detur, humiliato corpore & compuncto corde se debet in ecclesia continere: " Augustini *homil. 42. inter 50.* " In ecclesia ad altare Dei quotidie dicitur oratio dominica: " eundem consule *epistola 59.* ad Paulinum, & *serm. 83. de diversis*; ubi ait hanc orationem recitari post *peractam sanctificationem*, & ante mysteriorum consummationem: Cyrilli Hierosolymitani *catech. mystag. 5.* " Post hæc (puta post communionem) orationem fidelium defunctorum) dicimus orationem illam, quam salvator discipulis suis tradidit: " Optati Milevitani *lib. 2.* longe ultra medium; " Inter vicina momenta dum manus imponitis, & delicta donatis, mox ad altare conversi dominicam orationem præmittere non potestis, & utique dicitis: *Pater noster &c.*

Quid igitur sibi volunt verba Gregorii? " Forte (inquit cardinalis Bona *lib. 2. rerum liturg. cap. 15. num. 1.*) oratio dominica in quotidiano missis omnibus recitabatur, ipse autem pristinum morem restituit. " Sane hunc abusum in ecclesiis Hispaniarum invaluisse eodem seculo, quo Gregorius decessit, fidem facit concilium IV. Toletanum *cap. 9.* " Nonnulli sacerdosum in Hispaniis repetuntur, qui dominicam orationem, quam salvator noster docuit & præcepit, non quotidie, sed tantum die dominica dicunt: " quod patres Toletani deinceps heri prohibent, & singulis diebus hanc orationem dici constituunt.

Verum Gregoriani textus expositionem suggerunt citata Cæsarii verba, quibus apparet hanc orationem in occidentali ecclesia seculo VI. sub missæ finem recitari solitam: in eos enim invehitur, qui ante missam completam discedebant. Verat, ne quis ante finem missæ discedat, sed in ecclesia sese contineat, " Usquequo oratio dominica dicatur, & benedictio populo detur. " Dominica igitur oratio, quam benedictio sacerdotalis proxime & continenter excipiebat, Cæsarii ætate sub missæ finem recitabatur vel in omnibus vel in quibusdam ecclesiis occidentalibus. Quæ quidem consuetudo diversa erat, tum ab usu ecclesiarum orientalium, quæ hanc orationem immediate post canonem, antequam mysteria consummarentur, semper recitabant, quemadmodum apparet ex citato Cyrilli textu, & ex grecis liturgiis: tum a praxi apostolorum, qui eandem orationem super panem & vinum consecratum proferebant. Gregorius vero, non ut grecos quidem imitaretur, sed ut apostolicam consuetudinem, quæ in omnibus vel in quibusdam ecclesiis occidentalibus mutata fuerat, restitueret, statuit, ut oratio dominica mox post canonem super corpus & sanguinem Christi proficeretur. Favet huic expositioni Joannes diaconus in *vita Gregorii lib. 2. cap. 20.* " Orationem, inquit, dominicam (Gregorius) mox post canonem super hostiam censui recitari. " Favet ipse Gregorii textus; neque enim in eo statuitur, ut oratio dominica simpliciter

& ab-

& absolute reciretur inter missarum solemnias; sed tantum, ut *mox post canonem dicatur*. Favet & ipsa statuti ratio quam Gregorius affert; videlicet a se statutum fuisse hanc orationem mox post canonem recitari, ut ea *super oblationem* disiceretur.

Quid scriptores antiqui senserint de his sex libris.

Præfatis argumentis accedet veterum auctoritas, qui hos sex libros Ambrosii tribuerunt. Eos enim sub Ambrosii nomine citarunt,

Petrus Lombardus, qui ab anno 1150. ad 1164. floruit, *lib. 4. sentent. dist. 2. 10. & 12.*

Gratianus *in decreto*, quod ille perfecit anno 1151. *de consecr. dist. 2. & 4.*

Auctor Pannormix seu Pannomix, quæ extat inter opera Yvonis, & post Innocentii II. obitum, qui anno 1143. contigit, scripta est, *lib. 7. cap. 49. & 51.*

Algerus, qui ab anno 1115. ad 1130. claruit, *lib. 1. de sacrament. corporis &c. cap. 7. 9. 12. & 16. lib. 4. cap. 3.*

Petrus venerabilis, abbas Cluniacensis, qui floruit initio seculi XII. in opusculo, quod inscribitur, *nucleus de sacrificio missæ, cap. 14.*

Yvo, qui episcopus Carnutensis anno 1092. ordinatus est, *in sermone de sacramentis neophytorum, & in decreto, parte 1. cap. 99. 105. 111. 141. 142. & parte 2. cap. 7. 9. & 28.*

Durandus, abbas Troarnensis, qui floruit ab anno 1070. ad 1088. in tractatu *de corpore & sanguine Christi*.

Guitmundus, archiepiscopus Aversanus, qui ex Tithemio claruit sub Henrico imperatore III. anno 1060. & obiit ad annum 1080. *lib. 1. & 3. de veritate corporis & sanguinis Christi*.

Lanfrancus, qui anno 1059. electus archiepiscopus Cantuariensis, obiit anno 1089. in libro *de eucharistia sacramento*, ubi hos libros sub Ambrosii nomine semel & iterum laudat: & Berengario dicenti, "Per consecrationem altaris fiunt panis & vinum sacramentum religionis, non ut desinant esse quæ erant, sed ut sint quæ erant, & in aliud commutentur, quod dicit beatus Ambrosius in libro de sacramentis (cirabat Berengarius librum sextum.) Responder. 1. hæc non haberi apud Ambrosium. "Si de sacramentis seu cæteris de quibus Ambrosius scripsit, omnes revolvam libros, quos ecclesia in usu nunc habet, tale quid ab Ambrosio dictum, taliterque expositum nusquam reperire valebis. "Is igitur æclesiæ usus erat, ut libros de sacramentis pro Ambrosianis haberet. 2. Haberi quidem, non in libro sexto quem Berengarius mendaciter producebat, sed in libro 4. cap. 4. "Si igitur tanta vis est in sermone Domini Jesu, ut inciperent esse quæ non erant: quanto magis operatorius est, ut sint quæ erant, & in aliud commutentur? "Verum hæc verba, quæ tolerabiliter dici possunt, a verbis a Berengario citatis longe differre. 3. "In quibusdam codicibus præfata sententiam verbis aliis inveniri, hoc modo: "Si igitur tanta vis est in sermone Domini Jesu, ut inciperent esse quæ non erant: quanto magis operatorius est, ut quæ erant, & in aliud commutentur? quæ litteratura plurimum in sententia concordat cum ea, quæ in libro de mysteriis sive initiandis (cap. 9.) edito: in hæc verba reperitur: sermo ergo Christi qui potuit ex nihilo facere quod non erat: non potest, ea quæ sunt, in id mutare quod non erant?

Eosdem libros Ambrosii nomine referunt, Theodinus Leodiensis, qui ejusdem civitatis episcopus sacratuſ est anno 1048. in epistola ad Henricum I. Francorum regem, quæ vulgo, sed non recte, tribuitur Durando Leodiensi episcopo, quippe qui obiit anno 1025. annis omnino sex antequam Henricus regnaret.

Hugo, Lingonensis episcopus, qui floruit ab anno 1030. ad 1050. in tractatu *de corpore & sanguine Christi* contra Berengarium.

Bertramnus, seu Ratramnus in libris contra Græcorum opposita, quos ille scripsit anno 867.

Hincmarus, qui Remensis archiepiscopus electus est anno 843.

Paschasius Ratbertus, in libro de sacramento corporis & sanguinis Domini, quem anno 818. composuit.

Amalarius denique in præfatione altera libris de ecclesiasticis officiis præfixa, ubi citat Ambrosium, & post ipsam ex prima Pauli epistola ad Timotheum cap. 2. colligit quatuor genera precum, orationes, obsecrationes, postulationes, & gratiarum actiones. De quibus videlicet caput 3. Libri 6. de sacramentis.

Testatur quidem Augustinus, scripsisse Ambrosium libros de sacramentis, sive de philosophia adversus Platonem, quorum ipse meminit lib. 2. retract. cap. 4. & lib. 2. de doctrina christiana cap. 28. eosque petiit sibi mitti a S. Paulino epistola 34. Sed illi vel perierunt, vel alicubi latent, longæque diversæ sunt ab iis quæ nunc extant, ut patet ex sententiis, quas ex illis citat idem Augustinus lib. 2. adversus Julianum cap. 3. 4. 5. & 6.

S. v. Commentarii in epistolas Pauli, qui extant
inter Ambrosii opera.

U Num ex his commentariis textum proferemus, brevem quidem, sed luculentum, qui materiam, effectum, ministerium, & distinctionem Confirmationis a baptismo aperte designet. Habetur in caput 6. epist. ad Hebr. ad hæc verba versus 2. impositionis quoque manuum: quæ hujus operis auctor sic interpretatur: 3. Impositionis manuum, per quam Spiritus sanctus accipi posse creditur: quod post baptismum ad Confirmationem unitatis in ecclesia Christi a pontificibus fieri solet, "En sacramentum Confirmationis, cujus materia est manuum impositio, effectus est infusio Spiritus sancti ad Confirmationem unitatis in ecclesia Christi, minister est pontifex, & cujus diversitas a baptismo aperte asseritur.

Dubitatur, quo tempore vixit auctor hujus operis, qui ille fuerit, & cujus sit auctoritatis.

Quo tempore vixit auctor hujus operis.

Baronius ad ann. 397. num. 39. illum facit posteriorem Cassiodoro, qui floruit seculo V. desinente & incunte seculo VI. sunt & qui longa inferius, nempe ad seculum IX. reperiuntur. Sed Augustinus lib. 4. contra duas epist. Pelagian. cap. 4. citat textum ex his commentariis. Et ipsemet auctor hujus operis in caput 3. epist. 1. ad Timoth. ad hæc verba: Hæc tibi scribo; testatur scribere se sub Damaso pontifice. "Cujus, inquit, ecclesiæ hodie rector est Damasus. "Damasus vero super cathedram Petri sedit ab anno 367. ad 384. Accedit quod auctor horum commentariorum videatur idem esse, qui & questionum veteris & novi testamenti, quæ extant inter libros Augustini. Ea saltem opinio est censorum Lovanensium in notis ad Augustinum, & Bellarmini in lib. de scriptoribus. Doctrina enim utriusque operis simillima est, stylus videtur esse idem, & ætas mirifice consentit. Auctor enim questionum, quæst. 44. scribit, ab excidio Hierosolymitano usque ad sua tempora fluxisse annos trecentos: quibus si addas annos a nativitate Christi usque ad excidium Hierosolymorum, erunt omnes anni 373. vel 374. quo tempore sedebat Damasus.

Quis fuerit auctor hujus operis.

Ambrosio illud aliqui asserunt ob Cassiodori auctoritatem: alii Pelagio, ut Janseus Yprensis, ob nonnulla Pelagianorum dogmata, quæ in eo legi continentur.

dit: alii Hilario Pictaviensi, vel Arelatenſi, ob quamdam Auguſtini citationem: alii denique Hilario diacono, qui Luciferiano ſchiſmati adhaerit.

Caſſiodorus quidem *lib. 1. divin. inſtit. cap. 3. & 5.* reſert Ambroſium ſcripſiſe ſuaſſimam expoſitionem in omnes Pauli epiſtolas. Verum hæc expoſitio, quæ Caſſiodori tempore deſiderari cœperat, quæ tamen a Leone III. citatur in *epiſt. 9. ad Carolum magnum*, (nec enim quæ Leo ibi reſert, in hodiernis commentariis habentur) vel omnino deperdita eſt, vel aliubi later; eaque diverſa erat a commentariis, de quibus-ſumus, quos non eſſe Ambroſianos apparet, tum ex ſtylo, qui purior & nitidior eſt Ambroſiano; tum ex modo citandi ſcripturam ſacram, cujus frequens ſenſum, ræo litteram reſert; Ambroſius e contrario ſcripturam frequens laudar ad litteram; tum ex ipſa vulgata, quam ab ea, qua uſus eſt Ambroſius, diverſam fuiſſe apparebitextus Paulinos ab Ambroſio citatos conferenti cum vulgata, quæ in his commentariis explicatur; tum ex diverſitate ſententiarum; auctorem enim commentatorum multa exponere contra ſententiam Ambroſii plane perſpicit, qui hujus textus expoſitionem ad Philip. 2. cum in forma Dei eſſet &c. conferre voluerit cum explicatione Ambroſiana *lib. 2. de fide cap. 4. lib. de filii divinitate cap. 8. lib. 1. epiſtolarum, epiſt. 8. ad Sabinum*, & in concilio Aquilejenſi, quod inter opera Ambroſii reſcitur. Id etiam conſtat expendenti commentatorum in illud 1. ad Timoth. cap. 1. *Regi ſeculorum immortalis* eamque comparanti cum Ambroſii doctrina *lib. 2. de fide cap. 1. & lib. 3. cap. 2.* Auctor enim commentatorum ait hæc Pauli verba, "Ad Dei patris perſonam pertinere, quem immortalis ideo ſolum appellat, quia omnis immortalitas ab ipſo eſt, ut ipſi ſoli, magis competat in veritate." Ambroſius contra *lib. 3. de fide cap. 2.* aſſerit immortalitatem in ſcripturis æqualiter dici de Patre & Filio; negat hæc Pauli verba 1. ad Timoth. cap. 6. *Qui ſolus habet immortalitatem*, pertinere ad ſolum patrem; & quaſi Arianos irraducit, qui textum illum de ſolo Patre intelligunt. Auctor quoque commentatorum ſcribit hunc Chriſti locum: *Nemo bonus, niſi unus Deus*: de ſolo Patre dictum fuiſſe; Ambroſius contra *lib. 2. de fide cap. 1.* probat, id de Patre & Filio æqualiter dictum eſſe, indeque filii divinitatem concludit: cum enim ſcriba dixiſſet, *magiſter bone*: reſpondit Chriſtus, *Quid me dicis bonum? nemo bonus, niſi unus Deus*: id eſt, quid me dicis bonum, quem Deum non credis? nemo enim bonus, niſi unus Deus: aut igitur conſitere me Deum eſſe, aut deſine vocare me bonum. Ita diſſecit Ambroſius. Denique accedit auctoritas Auguſtini, qui locum ex his commentariis petitum citat ſub nomine Hilarii. Eos igitur non exiſtimavit Ambroſianos eſſe.

Inde pater eos Pelagii non eſſe; ſive quod Auguſtinus eos Hilarii nomine laudet; ſive quod ex iis locum & auctoritatem deſumat ad revincendos Pelagianos. Probat enim *lib. 4. contra duas epiſt. Pelagianorum cap. 4.* hæc Pauli verba: *in quo omnes peccaverunt*: intelligenda eſſe de Adami perſona, Adamiſque peccato, quod in poſteros tranſuſum eſt. "Nam, inquit, & ſic S. Hilarius intellexit, quod ſcriptum eſt, *in quo omnes peccaverunt*; ait enim, *in quo*, id eſt, in Adam omnes peccaverunt. Deinde addidit, maniſeſtum eſt in Adam omnes peccasse quaſi in maſſa. Ipſe enim per peccatum corruptus, omnes, quos genuit, nati ſunt ſub peccato." Quæ ſententia totidem verbis habetur in illis commentariis, de quibus nunc agitur, in *cap. 5. epiſt. ad Rom. ad præſata Pauli verba.*

Ex hæc Auguſtini citatione quidam inferunt, hos commentarios eſſe B. Hilarii Pictavienſis. Verum huic opinioni repugnant, & ſtyli diverſitas; & vulgata diſſimilis, qua Hilarius uſus eſt, & Hieronymi catalogus, qui hujus operis non meminit ſo recensendis Hilarii libris; & ætas, qua commentatorum auctor ſcripſit. Teſtatur enim ſcribere ſe ſub Damaso papa, qui menſe Septembris anni 367. electus eſt, Hilarius autem obiit anno 2. Valentiniani & Valentis ex Severo Sulpitio, vel eodem imperatorum anno 4. ex Gregorio Turonenſi, id eſt anno Chriſti 365. vel 367.

Felicius non ratiocinantur, qui ex hac Augustini auctoritate colligunt, hos commentarios esse B. Hilarii Arelatensis, ille si quidem Damasi tempore, aut non erat natus, aut adolescens erat.

Verisimilior est Lovaniensium & Bellarmini conjectura, qui ex his Augustini verbis conjiunt, opus illud esse Hilarii ecclesie Romanæ diaconi, qui sub Liberio & Damaso floruit, quique gloria confessionis elatus, spernens eos qui ceciderant, Luciferi partibus adhaesit.

Duo tamen non nihil negotii faciunt. Augustinus enim hunc Hilarium appellat *sanctum*, ejusque auctoritatem adversus Pelagianos adducit. Quis vero sibi persuaserit, quod Augustinus *sanctum* appellaverit schismaticum & hæreticum, ejusque auctoritatem adduxerit adversus Pelagianos? Augustinus enim Luciferum ejusque discipulos inter hæreticos enumerat in libro de *hæresibus*, & in libro de *agone christiano* cap. 30.

Respondet Bellarminus mirum non esse hunc Hilarium ab Augustino *sanctum* vocari, cum hæc nomenclatio tunc satis communis fuerit Christianis, præsertim ecclesiasticis. Sane concilium Arelatense III. in causa Fausti abbatis Lerinensis congregatum, illum vocat *sanctum presbyterum*, quamvis factum ejus, quo Theodori Forojulienis episcopi auctoritatem declinare volebat, uti scandalum condemnet. Augustinus forte attendit ad præclaram fidei confessionem Hilarii, qui olim cum Lucifero ad Constantium imperatorem a Liberio Papa missus, verbera passus & vincula, eadem qua Lucifer sententia in exilium pulsus fuerat. Fortassis etiam Augustinus eodem modo Hilarium *sanctum* dixit, quo Hieronymus Luciferum *beatum* appellavit in *dialogo adversus Luciferianos* cap. 7. Hilarius Pictaviensis de Lucifero in libro ad *Constantinum Augustum*, honorifice meminit; & Hadrianus I. in *epistola pro synodo VII. œcumenica*, cap. 59. Gennadium, licet Semipelagianum, *sanctum* nuncupavit. Forte quoque, inquit Lovanienses in scholiis citatis, ambiguitas nominis Hilarii, quem auctorem, Augustini tempore, hi commentarii prætulisse videntur, Augustinum fecellit. Postremo, quid, si Hilarium schismatici favisse, quod nos scimus, nescivit Augustinus? quid si Hilarium fortasse, quod nos nescimus, respicuisse scivit Augustinus? certe utrumvis facile fieri potuit.

Quo tempore opus illud laudari ceperit sub Ambrosii nomine.

Cœpisse videtur initio seculi IX. Amalarius enim *capite 1. libri 1. de ecclesiasticis officiis*, quæ ille scripsit ad annum 830. citat illud opus sub Ambrosii nomine, & ex eo textum refert. "Dicit Ambrosius: ab his omnibus, quæ vitanda eadem tradit disciplina, cum sciant unum coronandum, quanto magis observandum nobis est, quia omnibus promissa est salus." Qui locus totidem verbis habetur *comment. in 1. ad Corinth. cap. 9.* sub finem. Eundem textum quasi ex Ambrosio refert auctor libri de *divinis officiis*, qui sub Aleuini nomine citumfertur *capite de septuagesima*. Ex iisdem etiam commentariis sub Ambrosii nomine textus referuntur anno 824. a conventu Parisiensi de imaginibus, & anno 859. ab Hincmaro Remensi, de *prædestinatio*. cap. 33. & anno 862. a synodo Aquigranensi.

Cujus auctoritatis sit illud opus.

Opus illud nullius auctoritatis esse Janfenius in libris de *hæresi Pelagiana* contendit, quod in eo plura legantur Pelagianorum & Semipelagianorum dogmata. Illud tamen Augustinus semel laudavit ad peccatum originis adversus Pelagianos stabilendum. Ex hoc etiam opere, videlicet ex commentariis in *1. Corinth. cap. 5.* ad hæc verba: *Et vos inflati estis* &c. sententia de Jnda Iseariote, tacito licet auctoris nomine, refertur in *epistola 7.* Damasi ad episcopos Italiæ, quam Ilderus Mercator cum aliis pontificis epistolis supposuit circa medium seculi octavi. Quin etiam opus illud sub Ambrosii nomine citantur seculo IX. conventus Parisiensis de imaginibus, Amalarius, auctor libri de *divinis officiis*, Hincmarus Remensis, & concilium III. Aquigranense, ut dictum est,

Wiasse de Confirmatione.

Bbb

seccu-

seculo XI. Ivo Carnutensis in decreto, parte 2. cap. 6. parte 8. cap. 84. 92. 157. & alibi & seculo XII. Gratianus, de consecrat. dist. 1. 2. 4. & alibi, Magister lib. 1. sentent. dist. 3. lib. 2. dist. 31. lib. 3. dist. 18. lib. 4. dist. 4. 11. 12. 13. 35. 42. & 43. seculo XIII. Alexander Aletius, S. Thomas, S. Bonaventura &c. quapropter, operis ejus auctoritas saltem valet ad fidem faciendam de caeremoniis aliisque usibus ecclesiae ætate sua observari solitis.

§. 6. *Auctor quinquaginta homiliarum, quæ exstant inter opera Eusebii Emisleni.*

Eusebii, Emisleni seu Emezeni episcopi, nomine circumferuntur homiliae in evangelia totius anni, nec non homiliae 50. variorum argumentorum disertissima. In ea vero, quæ est de pentecoste, sic habetur: "Quod nunc in confirmandis neophytis (1) manus impositio tribuit singulis, hoc tunc Spiritus sancti descensus in credentium populos donavit universis. Sed quia diximus, quod manus impositio & Confirmatio (2) ei, qui jam renatus, (3) qui jam regeneratus in Christo est, conferre aliquid possit; forte cogitat sibi aliquis: quid mihi prodest post (4) mysterium baptismi, mysterium Confirmationis? nam, quantum video, non rotum (5) de fonte suscepimus, si post fontem adjectione novi generis indigemus. Non ira est, dilectissimi! attendat charitas vestra; sic enim exigit (6) militaris ordo, ut cum imperator quemcumque in militum receperit numerum, non solum signet receptum, sed etiam armis competentibus instruat pugnaturum: ita in baptizato (7) benedictio illa munitio est." Et postea: "Paracletus (8) regeneratis in Christo cultos & consolator & tutor est &c. Er paucis interjectis. "Ergo Spiritus sanctus (9) qui super aquas baptismi salutifero descendit illapsus, in fonte plenitudinem tribuit ad innocentiam, in Confirmatione (10) augmentum præstat ad gratiam. Et quia in hoc mundo tota ætare visibus, inter invisibiles hostes & pericula gradiendum est, in baptismo (11) regeneramur ad vitam, post baptismum confirmamur ad pugnam: in baptismo (12) aëbluimur, post baptismum roboramur; ac sic continuo (13) transistimus sufficientem regenerationis beneficia, visituris autem necessitia sunt Confirmationis (14) auxilia. "Hactenus auctor ille, cujus verba (ejus tamen nomine prætermisso) patrum excerpit Rupertus lib. 5. de divinis officiis cap. 16.

Ex his homiliis una est de paschate, quæ incipit, *magnitudo caelestium* &c. quæque inter homiliae Casarii est num. 7. quam Algerus lib. 1. de sacramentis corporis & sanguinis Domini, cap. 7. & 10. Guilmundus, lib. 3. de veritate corporis & sanguinis Christi in eucharistia, Ivo Carnutensis in epistola de corpore Domini, quam ille nondum episcopus scripsit ad Haimericum, abbatem Aquitanensem, & Paschasius Ratbertus in epistola ad Frudegandum de corpore & sanguine Domini, Eusebii Emisleni nomine citaverunt, ut eucharistiam realitatem & transubstantiationem ejus auctoritate probarent. Has 50. tamen homiliae non esse Eusebii Emisleni apparet, 1. quia Eusebius ille, qui & ipse Arianus erat, vixit sub Constantio imperatore, ex Hieronymo in *catalago ad annum* 340. quo tempore monasterium Lerinense nondum constructum erat; cujus tamen mentio fit in hisce homiliis. 2. Quia ejusmodi homiliae latine scriptæ sunt; Eusebius vero græcus erat. 3. Stylus ejusmodi homiliarum omnino diversus est ab homiliis in evangelia. 4. Quia auctor ille fuit monachus Lerinensis. Nam homilia 5. ad monachos indicat se fuisse abbatem monasterii in insula constituti: hanc autem insulam Lerinensem vocat in homilia de S. Maximo. Videtur etiam ex abbate Lerinensi factus episcopus, ut ipse subindicat in homilia de S. Blandina. 5. Auctor ille disputat contra Pelagianos in homilia de feria 5. in cena Domini. 6. In recens obortas hæreses Nestorii & Euticheus sapienter invehitur. 7. In illis laudat martyres Lugdunenses. Unde manifestum est auctorem illum non esse Eusebium Emislenum. Quid enim cum auctore græco homiliae, quæ latine noscuntur esse conscriptæ? quid cum homine Arianoconeione, quæ omni ex parte pietatem redolent? quid auctor Gallicanus cum Syro, & Lugdunenses martyres cum Emezenis?

Has igitur homilias nonnulli tribuunt Eucherio episcopo Lugdunensi; alii Hilario Arelatensi, qui concilio Arausicano subscripsit anno 442. alii Casario Arelatensi, qui synodo Agathensi præsuit anno 506. & obiit anno 542. Bellarminus *in casalego* testatur se vidisse unam ex his homiliis prenotatam nomine Fauſti, qui ex abbate Lerinensi fuit Regionis episcopus; unde coniecit non esse improbabile, omnes esse ejusdem Fauſti. Baronius *ad ann. 441.* primam opinionem amplectitur: & Lugdunensis enim ecclesie concionatore plurimas illarum esse dictas, martyres Lugdunenses, de quibus agit auctor ille, & alia plura plane demonstrant. Eucherii vero esse, qui ex senatore monachus Lerinensis, inde Lugdunensis episcopus factus est, manifestat eorum stylus; cum ipsum Eucherium in persuadendo efficacem fuisse, testetur Sidonius Apollinaris *in epistola ad Claudianum Blavernum*, qua singulorum ferme Patrum in scribendo proprietates notat. Adde & tempora, quibus auctor vixit, qui in seculis obortas Nestorii & Eutichetis hæreses invehitur.

Ut ut sit, hæc quinquaginta homilie antiqui sunt scriptoris, cujus testimoniis *supra* citatis Dallæus respondere conatur *lib. 3. cap. 4.* "Auctor ille, inquit de chrismatione, verbum nullum facit. De manus impositione omnis est ejus sermo. Atqui ea nulla, nunc est apud Latinos.

Refellitur. Hic enim auctor verbum facit de *Confirmatione*, quo quidem nomine censeatur complexus esse quæcumque ad naturam Confirmationis pertinent. Verbum etiam facit de manus impositione, quod sufficit apud eos, quibus manus impositio est unica Confirmationis materia. Apud eos vero quibus chrismatio Confirmationi essentialis est, vel chrisma successit manus impositioni ex potestate a Christo Domino ecclesie concessa; vel ei semper annexum fuit. Si prius; quod olim de manus impositione dictum est, illud dictum puta de chrismate: si posterius; sufficienter chrisma commemoratum est, quando & Confirmatio & manus impositio nominata sunt.

Subiicit Dallæus. "Quid enim hinc ad id probandum afferent? an quod hic noster scriptor Spiritus in manu impositione deum, cum ejusdem in apostolos & credentes olim descensione comparat? at illa verus Spiritus sancti descensio nullum fuit propriè dictum sacramentum. An quod per manus impositionem Spiritum sanctum singulis tribui dicit? at & per chrisma Spiritum sanctum dari non parcius dicunt; neque tamen chrisma canonice veteres verum ac propriè dictum sacramentum apud illos fuisse conetebant. An quod tam, *Confirmationem* dicit? atqui non tam id dicit, quam ea Confirmationem significati innuit. Calice eucharistie confirmari communicantes, dixerat interdum Patres; nemo inde colligit, integrum ac propriè dictum & ab eucharistia distinctum calicis esse sacramentum. An quod per benedictionem illam, quæ fit per manus impositionem, *mansionem* nostram esse ait? atqui & oratio munitio quoque nostra est: neque tamen sacramentum ullum est. An quod ait *in baptismo nos regenerari ad vitam, post baptismum confirmari ad pugnam: in baptismo ablui, post baptismum roborari*? atqui & confirmari & roborari ab eodem illo paracleto intelligit, a quo & regeneramur & ab uim: quod omnes verissimum esse coniecit. An denique quod post baptismum *in Confirmatione augmentum nobis ad gratiam præstari* scribit? atqui id ipsum a Spiritu quoque præstari ait, eodem scilicet gratiæ & donatore & conservatore, & quidem in Confirmatione, id est dum nos baptizatos confirmat. Cæterum illius, quæ a Spiritu est, Confirmationis symbolum ac signum olim fuisse manus impositionem, & hinc & aliunde constare constet: verum ac propriè dictum sacramentum fuisse negamus. Itaque quod *ei, qui jam renatus est, aliquid conferri, Spiritum sanctum ei tribui* dicitur, id figurè dicitur, ex ea veterum loquendi ratione, quæ caeremonialibus ritibus ea tribuunt, quæ sacramentorum propriæ sunt, ad quæ ritus illi pertinent. Quamquam & in manus impositione hoc peculiare sit, quod ea nihil aliud esset, quam oratio. Ea ergo dicitur efficere, dummodo ea efficere intelligatur, non ut sacramentum propriè dictum, sed ut oratio. Denique omnem hanc manus impositionis rationem ad baptismum referendam esse, satis eo docet, quod *post sentem adjunctione novi generis indigere* nos

negat, & adjicit baptismi Spiritum esse qui in Confirmatione accipitur. "Hæcenus Dallæus.

Respondeo textum integrum in doctrinæ catholicæ probationem a nobis adduci. In eo enim manus impositio, quæ sit super baptizatos, confert illis gratiam sanctificationem ei similem, quam apostoli, cæterique fideles ipsa die pentecostes acceperunt *ex num. 1.* Præstat eis augmentum gratiæ, *ex num. 10.* Eos armis instruit, munit, & confirmat ad pugnam, *ex num. 6. 7. 11. & 12.* Efficit, ut Spiritus sanctus eorum sit custos, consolator, & tutor, *ex num. 3.* Necessaria victuris auxilia præbet ad superandos demonis impetus, *ex num. 14.* Eadem quoque manus impositio dicitur *benedictio*, *num. 7. & Confirmatio*, *num. 2.* Vocatur *Confirmatio* eodem modo, quo baptismus *regeneratio*, *num. 13. & 14.* Appellatur etiam *mysterium Confirmationis* eodem modo, quo sacramentalis ablutio nuncupatur *mysterium baptismatis*, *num. 4.* Distinguitur a baptismo, *num. 3. 4. 5. 9. 10. 11. 12. & 13.* distinguitur, inquam, & ratione mysterii & ratione effectus. *Mysterium* enim est a *mysterio baptismatis* diversum *num. 4.* & effectum a baptismali diversum habet, *num. 3. 4. 5. 6. 7. 8. 9. 10. 11. 12. & 13.*

Ad singula vero Dallæi objecta respondetur.

Ad primum respondeo : confirmatoriam manuum impositionem esse sacramentum ; optime colligitur ex eo, quod eundem illa effectum habeat cum Spiritus sancti in apostolos & credentes descensione ; quam vis descensus ille non fuerit sacramentum : quis, hoc effectui supposito, manus impositio cæteras habet conditiones sacramenti necessarias, quæ tamen in illo descensu desiderantur.

Ad secundum respondeo, quando patres ajunt, Spiritum sanctum per chrisma conferri, nomine *chrismatis* intelligunt sacramentum Confirmationis, usurpata nominis appellatione a chrismate sive quasi a materia, sive quasi a ritu & extremonia. Antiqui contra canonistæ, dum negant chrisma esse sacramentum, *chrismatis* nomen alio sensu usurpant, nimirum pro ritu Confirmationis (ut ipsi videbatur) accidentali.

Ad tertium respondeo Confirmationem esse sacramentum, non arguitur ex sola voce *Confirmationis*, sed & ex aliis huic voci in textu præfato annexis.

Ad quartum respondeo manuum impositionem esse sacramentum, optime colligitur, ex eo quod illa baptizatos ex opere operato muniat, eaque munitio sit gratia sanctificans seu permanens, in augmento gratiæ baptismalis constituta. Quæ quidem orationi minime conveniunt.

Ad quintum respondeo. Recte quoque id colligitur ex eo quod Confirmatio gratiæ baptismali superaddit gratiam confirmantem & roborantem ad pugnam. Neque obstat, quod effectus baptismi & Confirmationis ab eodem Spiritu nobis conferantur. Dux enim diversæ gratiæ sacramentales, a quibus sacramenta omnino diversa specificantur, ab eodem Spiritu sancto præbentur, quemadmodum apparet exemplo baptismi & eucharistiæ.

Ad sextum respondeo. Auctor ille aperte docet, quod Confirmatio non pertineat ad baptismum, sed effectum a baptismali diversum habeat.

Ad septimum respondeo. 1. Dubitatur, utrum manus impositio, de qua loquitur Augustinus *lib. 3. de baptismo cap. 16.* cum ait, eam repeti posse, confirmatoria sit, an reconciliatoria. Confirmatoria enim repeti non posse docet Augustinus *expositione inchoata in epist. ad Rom. videlicet pag. 335. 2.* Licet Augustinus de confirmatoria manus impositione loqueretur, hæc tamen diceretur oratio ratione suæ formæ. Formulæ enim sacramentorum vocantur ab Augustino orationes seu deprecationes, ut patet ex *libro 5. de baptismo, cap. 20. & alibi.* Atqui formæ sacramentorum quamvis deprecatoriz, suis tamen conjunctæ materiis, agunt ex opere operato. Formulæ si quidem deprecatoriz, quæ secundum se & quatenus orationes præcise spectantur, agerent tantum ex opere operantis, tamen considerantur, quatenus a Christo institutæ sunt, ut sacramentum aliquod efficiant, agunt ex opere operato.

Ad octavum respondeo. Qui post fontem continuo moriuntur, adjectione novi generis gratiæ sanctificantis non indigent ; sed qui victuri sunt, ea indigent ad pugnam.

Quam

Quamvis enim " continuo transiurus sufficiant regenerationis beneficia, victuris tamen
 " necessaria sunt Confirmationis auxilia, " ex nu. 13. & 14.

Ad nonum respondeo. Spiritus baptismi idem est, qui Spiritus Confirmationis, & persona Spiritus sancti attendatur, diversus vero si attendatur effectus, diversum enim in utroque sacramento effectum præstat.

S. 7. Vita Basilii magni.

IN vita Basilii magni hæc verbis baptismus ejus & Eubull. describitur: " Baptizavit
 " Maximinus episcopus Basilium & Eubulum, & vestivit albis, atque ungens eos
 " sancto chrismate, tradidit eis vivificam communionem. " Tribuitur illud opus
 Amphilochio Iconii episcopo. Sed indignum est, quod viro eruditissimo adscribatur,
 quem Basilio & Gregorio Nazianzeno parem doctrina facit Hieronymus in epistola ad
 Magnum. Videbis Baronium in annalibus.

S. 8. Liber de ecclesiasticis dogmatibus.

INter Augustini opera tomo 3. extat liber de ecclesiasticis dogmatibus, cujus capite 32.
 de Confirmatione ita disserit. " Si qui apud illos hæreticos baptizati sunt, qui
 " in sanctæ Trinitatis confessione baptizant, & veniunt ad nos, recipiantur quidem
 " ut baptizati, ne sanctæ Trinitatis invocatio, vel confessio annulletur; sed doceantur
 " ante & instruantur, quo sensu sanctæ Trinitatis mysterium in ecclesia teneatur:
 " & si consentiant credere vel acquiescunt confiteri, purgati jam fidei integritate, confir-
 " mentur manus impositione. Si vero parvuli sunt, vel hebetes, qui doctrinam non
 " capiant, respondeant pro illis, qui eos offerunt, juxta morem baptizandi: & sic
 " manus impositione & chrismate communiti, eucharistiæ mysteriis admittantur. Il-
 " los autem, qui non in sanctæ Trinitatis invocatione apud hæreticos baptizati sunt,
 " & veniunt ad nos, baptizari debere pronuntiamus, neque enim credendum est eos
 " fuisse baptizatos, qui non in nomine Patris & Filii & Spiritus sancti juxta regulam a
 " Domino positam tincti sunt: ut sunt Paulini (seu Paulianistæ) Procliani, Borbori-
 " tæ, Siphori, qui nunc vocantur Bonosiani, Phoriniani, Montani (seu Montani-
 " stæ) & Manichæi. " Et cap. 74. " Baptizandus confiterur fidem suam coram sa-
 " cerdote: hoc & martyr coram persecutore facit. Ille post confessionem aspergitur
 " aqua: hic aspergitur sanguine. Ille manus impositione Pontificis accipit Spiritum
 " sanctum: hic habitaculum efficitur Spiritus sancti &c. Ille communicat eucharistiæ
 " in commemorationem mortis Domini: hic ipsi Christo commoritur. Ille confiterur
 " se mundi actibus renuntiaturum: hic ipsi renuntiat vitæ. Illi peccata omnia dimit-
 " tuntur: in isto extinguuntur. " In hoc textu & renuntiatio, quæ baptismi cære-
 " monia est, & peccatorum remissio, quæ per baptismum comparatur, non modo post
 Confirmationem referuntur sed & post eucharistiæ. Ideo concludere licebit eucha-
 ristiam ad baptismum pertinere?

Citatur illud opus sub Augustini nomine ab auctoribus seculi XII. videlicet ab Alge-
 ro, lib. 1. de sacramento corporis & sanguinis Domini, cap. 12. a Gratiano, de confe-
 crat. dist. 2. cap. Quotidie, & a Magistro, lib. 2. sentent. dist. 8. & 35. Verum illud es-
 se Gennadii, presbyteri Massiliensis, qui floruit ad annum 490. Docet S. Thomas quod-
 lib. 12. art. 11. & in causa ad cap. 1. Matthæi; nec immerito: illud enim sub Genna-
 dii nomine citant Vvalafidus Strabo, capite 20. libri de rebus eccles. quem ille scripsit
 anno 819. " Gennadius, inquit, Massiliensis presbyter, in dogmate ecclesiastico &c. " Et
 Hadrianus 1. in epistola pro VII. concilio œcumenico, missa ad Carolum magnum
 anno 787. cap. 59. " In sacris prædictis conciliis decessorum meorum, hæc oblata sunt
 " testimonia, videlicet sancti Gennadii, Massiliensis episcopi, qualiter veneranda
 " sint corpora vel reliquie sanctorum; capitulo 40. Sanctorum corpora, & præcipue
 " beatorum reliquias, ac si Christi membra sincerissime honoranda, & basilicæ eorum no-

„*nunc appellatas, velut loca divino cultui mancipata, affectu piissimo & devotione summe*
 „*delissima adendas credimus. Si quis contra hanc sententiam venit, non christianus*
 „*credatur, sed Eunomianus.*“ Ad quæ verba observari debet, 1. Gennadium ab Hadriano vocati episcopum, quem tamen presbyterum fuisse constat. 2. Non Hadrianum modo, sed & ejus prædecessores citasse hunc textum sub Gennadii nomine in synodis adversus Iconoclastas congregatis, nempe Gregorium II. in concilio Romano anni 726. Gregorium III. in concilio Romano anni 732. Stephanum IV. in concilio Romano anni 769. quæ quidem concilia petierunt, aut alicubi latent, sed eorum meminisse Hadrianum in eadem epistola cap. 5. & 12. 3. Textum hunc ab Hadriano citatum haberi in libro *de eccles. dogmatibus*. 4. Textum ab eo citari ex capite 40. in hodiernis tamen editionibus haberi cap. 73. quia ab Hadriani tempore, huius operi triginta & tria capita ex sententiis Augustini, Innocentii, Zozimi, Celestini, & concilii Arausiaci conficta, ab erudito quodam & recentiore scriptore inserta sunt, velut antidota adversus latentes errores a Gennadio, qui Semipelagianis favebat, præcedentibus capitibus traditis.

Hodiernus enim liber capitibus 28. distinguitur. Quæcumque vero a fine capitis 28. ad initium capitis 32. referuntur, interjecta sunt: quæcumque item capitibus 60. 61. & 62. habentur, addita fuerunt, & desunt in antiquis manuscriptis.

§. 9. *Rituale Severi patriarchæ.*

EXtat in Tomo VI. biblioth. Patrum ritualis liber, de ritibus baptismi ex Syriaco in latinum conversus, & Severo patriarchæ Alexandrino adscriptus, in quo ritum sacramentorum, quæ neophytis sunt & semel conferebantur, baptismi videlicet, Confirmationis & eucharistiæ ritus, iique a græcis & latinis in omnibus fere dissimiles, accurate describuntur. „*Sacerdos, inquit, continuo ducit eos in baptisterium, respiciens ad orientem, & imponit manum suam dexteram super caput ejus, qui baptizatur, & sinistra sua ter tollit ex aquis, a fronte, a tergo & altero laterum ejus.*“ (Manuscriptum Syriacum, quod Joannes Morinus citat lib. 8. de panis. cap. 19. num. 9. aliter habet: „*Continuo ducit eos ad baptisterium, & imponit manum suam dexteram super caput ejus, qui baptizatur, & effundit aquam cum sinistra super illius caput tribus vicibus*) & dicit *baptizetur salis N. in nomine Patris, amen; & Filii, amen; & Spiritus sancti, in vitam seculi seculorum, amen.* Et tunc educit eum ex medio aquarum (idem habet manuscriptum Syriacum) & dat eum susceptori suo, atque hanc vocem profert. *Duo sunt mundi &c.* Tum qui adest, ter hæc responsa dicunt: „*Beati illi quorum remissa sunt iniquitates, & quorum remissa sunt peccata: tunc erectus sacerdos precatur. Hanc autem obsecrationem in sancto nomine tuo recipiamus ipsi servi tui &c.* Signans omnia eorum membra, eorumque frontem tribus vicibus, ait, „*Christus sanctus, suavitatis odoris Christi Dei, sigillo veræ fidei complectens pignoris Spiritus sancti obsecrans salis N. in nomine Patris, amen; & Filii, amen; & Spiritus sancti, in vitam seculi seculorum, amen.* Et ungit omnia eorum membra, & manus, & pedes, & nates eorum. Tum demum induuntur suis vestimentis: & ipse dicit hæc precationem inclinatus: *Benedixisti eis, Domine &c.*“ Uti usque sacramenti, ut apparet, diversi sunt ritus, diversæ materiæ, diversæ formæ, & diversi effectus. „*Deus, inquit rituale, omnipotens &c. qui voluisti holere servos tuos denuo generare per aquas in remissionem priorum peccatorum &c. immitte super eos illius Spiritus tui vivificantis gratiam, & eos imple ipsius sanctitate, serva eos &c. confirma eos &c. tobora eos &c.*

Quis autem ille fuerit Severus, & quo tempore floruerit, non satis constat. Hunc Severum præfuisse ecclesiæ Alexandrinæ episcopum sub Mahumetica ytaunide ad annum salutis 646. existimat Genebraodus in *osmographia*, atque hoc opus idiomate Syriaco christianis Ægyptiis mox post Maumeticam tempestatem in captivorum solatium tradidisse. Verum huic opinioni multa repugnant. Cuius enim episcopus Alexandrinus, sub quo Ægyptus in potestatem a Saracenis redacta, obiit anno Christi 640. cui

Succes-

fuerit Petrum testatur Nicephorus in suo *chronico*. Unde anno Domini 646. Petrus, non Severus, videtur Alexandriae praefuisse antistes. Praeterea nullus unquam fuit, quod sciam, istius nominis Alexandrinus patriarcha. Deinde, quid Alexandrinis, & Aegyptiis tam lingua Syra? Graece & Aegyptiace, sive Coprice cum iis erat aegodum. Severus igitur ille videtur esse patriarcha Antiochenus, qui factus monachus Eutychianus, in sedem Antiochenam intrusus est anno 513 & ab eadem expulsum est anno 519. Testatur enim Joannes Morinus *lib. 2. de panit. cap. 39. num. 9.* se reperisse antiquum manuscriptum Syriacum cui praefixus erat hic titulus: "In virtute sanctae Trinitatis incipimus scribere ordinem baptisimi, diligenter correctum secundum correctionem domini Severi patriarchae Antiocheni." Severus autem, licet Eutychianus fuerit, nihilominus & doctrinam & caeremonias Antiochenae hiereseos in hoc situati descriptit.

S. 10. Auctor operum cardinalium.

Inter opera Cypriani extant sermones 12. de operibus cardinalibus Christi, quorum octavus est de unctione chrismatis, cui tribuit virtutem sanctificandi, facultatem conferendi gratias actuales & rationem sacramenti. "Hodie, inquit, io ecclesia ad populum acquisitionis sanctificandum in participationem dignitatis & nominis sacrum chrisma conficitur: in quo mixtum oleo balsamum, regis & sacerdotalis gloriae exprimit unitatem, quibus dignitaribus initiandis divinitus est unctio instituta &c. Hodie unguentum ad sanctificationem paratur, cuius fragrantia adolescentulae & ocellae animae accedentes ad fidem illicite delectantur & exornationis ejus suavitate delibant, diligunt & sequuntur aromatum largitorem, & usque ad regis accubitus spiramine illo trahuntur, & post odorem illum ubique desiderio sancto perurgente sibiundae discunt. Nihil hoc oleum commune habet cum liquoribus &c. Non haec medecina corporibus est unctio instituta: quia sanctificatis elementis, jam non propria natura praebet effectum, sed virtus divina potentius operatur, sed adest veritas signo, & Spiritus sacramento, ut & ipsis rerum efficientiis gratiae dignitas pateat: & interiori homini quanta ex his detur auctoritas, Deiformi conversatione & coelestibus moribus innoteat &c. Ex hujus unctionis beneficio & sapientia nobis & intellectus divinitus datur, consilium & fortitudo coelitus illabitur, scientia & pietas & timor inspirationibus supernis infunditur. Hoc oleo uncti cum spiritualibus acquirit colluctamur &c.

Sermones illos non esse Cypriani, haec probant. 1. Stylus humilior est quam S. Cypriani. 2. Auctor ille in praefatione Cornelium Pontificem, cui dicat haec opera, patrem appellat; sequi velut ejus filium considerat: Cyprianus vero Cornelium vocat fratrem & collegam. 3. Auctor ille Cornelio se doctior & eloquentia inferior agnoscit: Cyprianus vero non ignorabat se non minus doctum & disertum, quam Cornelium esse. 4. Auctor ille ait, *se vix intelligere, quae a profanis auctoribus dissimulantur*. Fatetur se sensu & eloquentia omnino eis imparem esse: quae certe de Cypriano nemo dixerit. Plura ex eadem praefatione colligi possunt, quibus appareat haec opera non esse Cypriani. Denique auctor ille in sermone 5. de tentatione & jejuniis, docet diabolum ex caelo cecidisse, antequam homo crearetur: quod repugnat Cypriano in tractatu de *relo & li-vore*, sub initium.

Catholici tamen ad finem usque postremi saeculi, sermones illos Cypriano adscripserunt: & ipse Calvinus, ac Petrus Martyr sermone 6. de *cana Domini*, Cypriani esse existimant. Scultetus vero Calvinista, quamvis haec opuscula Cypriano abjudicet, "Pietatis tamen religiosae ea plena esse agnoscit, & mire conducere concionatoribus: sunt enim, inquit, declamationes populares, quae spirant affectus a Dei Spiritu excitatos." Ea quoque Gerardus Joannes Vossius laudat in tractatu de *baptismo disputat. 4.*

Viri eruditi eos hodie attribuant Arnoldo Carnuteni, monacho Benedictino, & abbatii Bonnavallis in diocesi Carnutenensi, ad quem D. Bernardus, mortui jam proximus, epi-

epistolam 310. scripsit. Ita sentiunt e catholicis cardinalis Bona lib. 2. *rerum liturg.* cap. 14. in fine, & auctor gallicanus *traditionis ecclesie* circa eucharistiam, in indice hystorico & chronologico, nu. 5. & 96. ex hæreticis vero Jacobus Usserius, archiepiscopus Armacanus, in dissertatione de *Ignatii epistolis*, cap. 12. ante medium, & Gerardus Joannes Vossius, tractatu de *baptismo*, dissut. 4. thesi 3. in margine. Momenta quibus hæc opinio fuleiri potest, hæc sunt. 1. Extant in bibliotheca collegii Oxoniensis manuscripta, in quibus hæc opuscula Arnoldo Bovillacensi seu Bonavillacensi abbati tribuuntur: & quibus hic ritulus præfixus est: *de operibus cardinalibus Christi ad Hadrianum Papam* (quartum scilicet hujus nominis Pontificem, anno 1154. electum,) non autem ad *Cornelium Papam*, ut vulgatus titulus præ se fert. 2. Horum sermonum stylus idem est, qui tractatus de septem verbis Domini in cruce prolatis, qui extat in bibliotheca Patrum 10m. t. pag. 379. & quem Arnoldi fuisse constat.

Duo tamen faciunt, ut ab hac opinione discedam. Unum est, quod auctor operum cardinalium sub fine præfationis agnoscat, se reticuisse nomen suum. Alterum est, quod Paschasius Rabertus, qui floruit imperante Ludovico Pio, sermonem 6. de *consecratione Domini*, sub Cypriani nomine laudet in *epistola ad Frudegardum*. "Ita, inquit, & beatus Cyprianus confirmat in eo opere ad populum, ubi de sacramento corporis Christi & sanguinis loquitur." Quibus verbis sermonem de *cena Domini* indicat, præter quem nullus inter opera Cypriani extat, ubi de sacramento corporis & sanguinis Christi ad populum disseratur. Horum igitur sermonum auctor jam putabatur Cyprianus ineunte seculo IX. Floruit enim Paschasius ab anno 826. ad 851. Quare sermones illi seculum nonum præcesserint, necesse est.

§. II. *Epistola Urbani, Fabiani &c.*

EPISTOLÆ, quæ Urbani, Fabiani, Eusebii, Melchiadis, Damasi, & Joannis III. nomine circumferuntur, quamvis suppositæ sint, seculi tamen VII. vel VIII. quo ab Ildoro quodam confictæ creduntur, fidem & praxim nobis apertiuunt.

Urbanus igitur, primus hujus nominis pontifex, in *epist. unica*, quæ ipsi tribuitur, cap. 7. "Omnes fideles per manus impositionem episcoporum Spiritum sanctum post baptismum accipere debent, ut plene christiani inveniantur."

Fabianus in *epist. 2. cap. 1.* "Ipsa lavatio pedum nostrum significat baptismum, quatenus do sancti christi unitione perficitur atque confirmatur."

Eusebius in *epistola 3. ad episcopos Campaniæ & Tusciæ*, sub finem: "Manus quoque impositionis sacramentum, magna veneratione tenendum est, quod ab aliis perfici non potest, nisi a summis sacerdotibus, nec tempore apostolorum ab aliis, quam ab ipsis apostolis legitur aut scitur petactum esse: neque ab aliis (sicut jam dictum est) quam ab illis, qui eorum locum tenent, unquam perfici potest, aut fieri debet. Nam si aliter præsumptum fuerit, irritum habeatur & vacuum, nec inter ecclesiastica unquam reputabitur sacramenta."

Melchias in *epist. sua unica ad omnes Hispaniæ episcopos* cap. 2. "De his vero, super quibus rogitalis vos informari, id est, utrum majus esset sacramentum, manus impositionis episcoporum aut baptismus, scitote, utrumque magnum esse sacramentum. Et sicut unum a majoribus sit, id est, a summis pontificibus, quod a minoribus perfici non potest: ita & majori veneratione venerandum & tenendum est. Sed ita conjuncta sunt hæc duo sacramenta, ut ab invicem nisi morte præveniente nulli, laetens possint segregari, & unum sine altero rite perfici non potest." "Pauca vero interjectis, excitebit quæcumque supra descripsimus ex homilia de pentecoste, quæ una est ex homiliis Eusebio Emiseno attributis."

Damasus I. in *epist. 5.* "Quod solis episcopis, eorumque successoribus proprii sit officii, tradere Spiritum sanctum, liber actuum apostolorum docet: præsertim cum nullus ex septuaginta discipulis, quorum isti (chorepiscopi) in ecclesia spectemur"

„ runt

tunt, legatur donum Sancti Spiritus per manus impositionem tradidisse. " Idem habet Joannes III. in *epistola ad episcopos Germaniæ & Galliæ cap. 1.*

Has vero & alias epistolas, quæ pontificum Siciliæ tempora præcedentium nomine circumferuntur, suspectas esse, agnoscit Baronius *ad annum 863. nu. 8.* falsas vero & suppositas esse consentiunt Joannes Bona *lib. 1. verum liturg. cap. 3. num. 1.* Petrus de Marca *lib. 3. de concordia cap. 5. & lib. 7. cap. 20.* alique viri eruditi: 1. ob verborum sordes a seculi II. quo pleræque scriptæ dicuntur, nitore & elegantia alienas: 2. ob styli similitudinem, qui in omnibus epistolis occurrit, ita ut ab uno eodemque calamo scriptæ videantur: 3. ob usum frequentissimum vulgaræ scripturæ versionis; unde eas post Hieronymi ætatem suppositas fuisse necesse est: 4. ob silentium Eusebii, qui pontificum epistolas suo loco & ordine recenseret: 5. ob silentium Hieronymi, qui scriptorum ecclesiasticorum catalogum texuit: 6. ob silentium Innocentii, Leonis, Gelasii, aliorumque pontificum, qui frequenter laudant epistolas prædecessorum suorum, nullam tamen præfatarum mentionem faciunt: 7. ob testimonium Dionysii Exigui, qui cum *prætoriarum apostolicæ sedis præsulum consuetudine, quæ valuit cura & diligentia ævo Justiniani collegisset*, (verba sunt ejusdem Dionysii in *ejus epistola ad Julianum ecclesiæ Romanæ presbyterum*,) a Siricio Pontifice initium suæ compilationis fecit: 8. ob Antonii archiepiscopi Tarraconensis observationem, qui omnium primus, in *notis ad capitula Hadriani* observavit, ipsa legum imperatoriarum verba, & quæ sub Aniani nomine exiant ad codicem Theodosianum scholia, in illis epistolis usurpata fuisse, quamvis Pontifices, quibus epistolæ tribuuntur, duobus vel tribus seculis codicis Theodosiani editionem præcesserint. Denique Blondellus, eruditus Calvinista, in *Pseudo-Isidoro*, edito anno 1628. accuratissime demonstravit, a quibus autoribus petita sint verba & sententiæ, ex quibus ejusmodi epistolæ contextæ sunt: cui tamen in eo suffragari non possum, quod atrocioribus verbis epistolas dilacerat, quas e verbis & sententiis legum, canonum antiquorum, & sanctorum Patrum, qui IV. V. & VI. seculis floruerunt, (si pauca demas) cinnatas esse constat.

Sane post Riculphi, archiepiscopi Moguntini tempora, qui eas ex Hispania in Gallias deferente seculo VIII. attulit, sententiæ aliquot selectæ ex illis in sua ritualia a rectorum ecclesiasticorum prælatoribus, & in canones suos a Gallicanis episcopis translatae sunt. Quæ ab ordine Romano *cap. de sepsagesima*, a Carolo magno in *epistola de ratione sepsagesime* ad Alcuinum, & ab Amalario *lib. 2. de ecclesiasticis cap. 1.* ex Telephoro constituta referuntur de continuitate jejunii quadragesimalis per septem hebdomadas pascha præcedentes, excerpta sunt ex supposita Telephori epistola. Quæ de unione olei infirmorum, seu chrismate quotannis consecrando in cæna Domini, in concilio Aquigranensi anno 836. *par. 2. c. 8.* decernuntur *juxta statuta decretalium*, & secunda epistola Fabiani hausta sunt. In tribus ultimis capitularium libris, quos & scriptis ecclesiæ Moguntinæ Benedictus Levita jussu Autgarii ejusdem ecclesiæ episcopi in unum corpus tedeget circa annum 850. passim & Clementis, Anacleti, Evaristi, Pii, Fabiani, & aliorum pontificum apocryphis epistolis, quamvis suppresso eorum nomine, auctoritas petitur.

Quis vero earum auctor fuerit, incertum est. Hincmarus in *epistola 7. cap. 12.* auctorem facit Isidorum Hispalensem. Verum ex mente Baronii *ad ann. 863. nu. 5.* sordes verborum, quæ aliquoties in illa pontificiarum epistolarum collectione occurrunt, in Isidorum Hispalensem, laudatissimum & eruditissimum virum, non sunt rejiciendæ. Nitidior est Isidori stylus, quam tota hæc apocrypharum epistolarum farrago: neque viri pietate insignis probitas paritur, ut e mentis & suppositiæ epistolæ illi tribuantur. Præterea hæc collectio synodi Toletanæ XI. anno 675. & synodi œcumenicæ VI. anno 682. coactæ meminit, quadraginta & amplius annis, post Isidori obitum, qui anno 646. contigit. Mentionem etiam facit epistolarum Gregorii II., Gregorii III. & Zachariæ pontificum, quorum ultimus obiit anno 751. Verum hæc serie temporum ab aliquo addita, & in ea, quæ Hincmarus collectione usus est, desiderata fuisse; apparet ex eodem Hincmaro. " Isidorus Hispalensis episcopus, inquit loco citato, collegit cum

Witasse de Confirmatione.

Ccc

„ epi-

11. epistolis Romanæ sedis pontificum a sancto Clemente usque ad beatum Gregorium &c.

Nonnulli codices manuscripti hanc collectionem Isidoro peccatori, alii Isidoro Mercatori assignant. Posteriori sententiam eruditi fere omnes hodie sequuntur. Blondellus existimat Isidorum hunc Mercatorem fuisse statrem Eulogii Cordubensis, qui in Germaniam confugerat vitanda Saracenorum immanitatis causa. Chronicon Juliani Tolletani, quod a Laurentio Ramirezio Parisiis editum est, refert illum fuisse Setubiensem in Hispania Tarraconensis episcopum (quæ civitas nunc Xativa dicitur,) & ope monachi ejusdem Benedictini operam dedisse huic compilationi, atque obiisse anno 805, cum annum ætatis ageret centesimum. Verum chronicon illud falsâ suspitione laborat apud eruditos. Blondelli vero conjecturæ repugnat ratio temporum. Isidorus enim ille vivebat anno 830, cum diu ante hæc compilatio conscripta fuisset. Quisquis igitur hujus compilationis auctor fuit, certum mihi videtur eam circa medium sæculi VIII. in Hispaniis factam fuisse. Riculphus enim, qui Moguntiacam ecclesiam tenuit ab anno 787, ad 814, eam ex Hispania in Gallias desinente sæculo VIII. attulit; ejus etiam epistolæ citat (ut dictum est) ordo Romanus: quare ejusdemque illa sit, morem & doctrinam sui temporis de Confirmatione nobis exhibet.

S. 12. *Epistola Damasci primi, Leonis I. & Joannis III.*

Damasus primus, in *epist.* 5. ad Prosperum, & alios antistes Africanos: "Quod vero eis (chorepiscopis) non liceat sacerdotes consecrare, nec chrismata conferre, nec chrismate baptizatorum frontes signare... tam ex superioribus, quam ex aliis patrum constitutis, aut factis canonibus edocti estis." Et paucis interjicit. "Quod autem solis apostolis, eorumque successoribus proprii sit officii tradere Spiritum sanctum, liber actuum apostolorum docet; præsertim cum nullus ex septuaginta discipulis, quorum isti (chorepiscopi) in ecclesia speciem gerunt, legatur doctum sancti Spiritus per manus impositionem (ut prædictum est) tradidisse." Idem habent Leo I. in *epistola* 88. (alias 86.) ad episcopos Germaniæ & Galliæ, & Joannes III. in *epistola* ad eosdem Germaniæ & Galliæ episcopos, cap. 1.

Verum hæc tres epistolæ, quas Autelius in *anacrisis* laudavit, Sirmondo supposititiz jure merito visæ sunt. Prima quidem suspecta est. 1. Stylus ejus barbarus indignus est, qui & pontifici & poetæ eloquentissimo tribuatur. 2. Puerilia quædam ratiocinia, quæ ibi referuntur, quale est argumentum a numero singulari & plurali petitum, non sapiunt pontificiam majestatem. 3. Damasus respondet episcopis Africae velut ab iis de chorepiscopis consultos, & utrique supponunt in regionibus suis fuisse frequentissimos. Atqui in tot Africanis conciliis ne semel quidem chorepiscoporum sit mentio, neque eorum meminit ulla synodus occidentalis ante Regiensensem, anno 439. habitam. 4. Damasus ait, se nihil adeorum quæstiones respondere posse, quam quod olim fuit prædecessores. Atqui in prædecessorum ipsius epistolis & decretis, sive veris sive suspectis, de chorepiscopis ne verbum quidem, imo multa quæ eos hunc ordinem ignorasse in animum inducere possint. 5. Dicit eos nunc, ut in primitiva ecclesia, necessarios non esse. Atqui in primitiva ecclesia sive orientali, sive occidentali, nulla eorum memoria. 6. Eos asserit non tantum ab apostolica sede, sed & "ab omnibus totius orbis episcopis, a pontificalibus fuisse remotos officiiis." Ubi, quæso, hæc synodus œcumenica ante Damasum? 7. Asserit eorum ordinem "a prædecessoribus suis; ac reliquis totius orbis episcopis jam extinctum fuisse." Ubinam concilium generale, quod hunc ordinem extinxerit? 8. Citat canonem 13. concilii Neocaesariensis, & canonem 10. concilii Antiocheni, ex versione Dionysii Exigui, qui floruit initio sæculi VI. 9. Hæc epistola conscripta est ex variis phrasibus Innocentii I. Zozimi, Celestini, Leonis I. & Martini I. nec non ex capite 7. fere integro concilii Hispalensis II. anno 619. celebrati.

Secunda vero epistola, nihil aliud est quam canon 7. ejusdem concilii Hispalensis,

mi-

misere deformatus cui additum est exordium puerile & inconditum. Petrus quidem de Marca *lib. 2. de concordia*, c. 13. nn. 2. contra contendit, "Ejus epistolæ verbaa synodo Hispalensi post ducentos annos transcripta fuisse; quia ultima clausula canonis ex auctoritate apostolica se illa definitivè synodus testatur, Leonis rescritum significando. Quæ omnia (inquit synodus, sub finem canonis 7) eis a sede apostolica prohibita esse noscuntur." Verum antiqua exemplaria, quibus Garcias istius synodi canones edidit, hæc verba non præstant; quo fit ut Labbæus in sua editione hanc clausulam resciverit.

Hæc duæ tamen epistolæ sanctis Damaso & Leoni tributæ, Francorum episcopis seculo IX. imposuerunt, ut videre est in concilio Parisiensi VI. c. 27. Meldensi, c. 44. & in capitularibus Caroli & Ludovici imperatorum, *lib. 3. c. 168. lib. 6. c. 119. & 284. lib. 7. c. 187. 328. & 329.* & apud Isaacum Lingonensem, *titulo 11. c. 30. & 31.* & in responso Leonis III. ad episcopos Galliarum, relato in capitularibus, *lib. 7. cap. 187.* & in concilio Metensi, *can. 7.* Unde liquet illas ante seculum IX. confictas fuisse. Ex eodem calamo fluxisse videntur, quo cæteræ pontificum epistolæ, quas Isidorus Mercator supposuisse creditur.

Tertia denique epistola pluribus argumentis, quam duæ præcedentes, spuria probatur; neque Binius præeunte Baronio, dissentit. Videtis Batonium *ad ann. 572. num. 3.* & Binium in hanc epistolam.

Cæterum cum illæ tres epistolæ suppositæ fuerint, non velim ex iis argumentati tanquam ex auctoritate Damasi, Leonis I. & Joannis III. sed tanquam ex auctoritate Leonis III. eorum successoris, & episcoporum Galliarum & Germaniarum, qui epistolas istas, undecumque sint, probaverunt; Damasi & Leonis esse crediderunt; & illis similia statuerunt, verbis pletumque inde deoptis. Statutum enim a principe revivum, probatum, & promulgatum, a promulgatione principis jussu facta vim legis habet, quantumlibet antea de eo fuerit dubitatum, atque etiam si principis antecessori falso fuerit attributum. Idem dicendum de aliis pluribus epistolis, quæ pontificibus antiquis falso tribuuntur. Vim enim & legis auctoritatem accipiunt, non ab iis pontificibus, quibus vulgo tribuuntur; sed ab iis pontificibus & conciliis, quæ eas probaverunt, & eorum juri insequerunt. Valent itaque ut jura a posterioribus condita, non secus ac profana testimonia ab apostolis citata canonicantur; quo fit, ut hæc suppositio non vim, sed antiquitatem argumento detrahat.

§. 13. Epistola Gregorii magni ad Felicem Siciliæ episcopum.

IN collectione Isidori Mercatoris, quam Jacobus Merlinus anno 1524. Pativis in folio edidit, extat *pag. 244.* Felicis Messanæ in Sicilia episcopi ad Gregorium magnum epistola cum rescritto Gregorii ad eundem Felicem, quo ad ejus consulta respondet. Rescriptum illud in hodiernis Gregorii editionibus epistola est omnium postrema, ex qua luculentus textus pro catholica de Confirmatione doctrina colligi potest. "Hoc vosrite tenete debetis, quod nos ab antecessoribus nostris traditum accepimus, id est, ut quoties tam de baptismo aliquotum vel Confirmatione, quam de ecclesiarum consecratione dubitatio habetur: & nec scriptis, nec testibus ratio certa habetur, utrum baptizati vel confirmati, sive ecclesiæ consecratæ sint: ut baptizentur tales, ac confirmentur, atque ecclesiæ canonicè dedicentur; ne talis dubitatio ruina fidelibus fiat; quoniam non monstratur iteratum, quod non certis iudiciis ostenditur rite peractum." Hæc igitur sunt Gregorii; ejusque antecessorum doctrinæ; 1. Confirmationem a baptismo diversam esse: 2. illam, sicut & baptismum, ex se suaque natura iterari non posse: 3. eam tamen sicut & baptismum, in dubio iterandam esse, ne talis dubitatio ruina fidelibus fiat. Hic textus sane luculentus est.

Verum illam epistolam, ex qua excerptus est, suppositam esse, multa suadent.

1. In ea mentio fit rescripti Gregorii ad consulta Augustini Anglorum apostoli, quod extat *lib. 12. epist. n. 31.* Atqui Gregorius rescripsit anno 605. ex Baronio, vel anno 603.

ex aliis. Felix autem e vivis excessit anno 395. Sedente enim Gregorio ecclesia Messanensis plures episcopos habuit, nempe Felicem, ad quem Gregorius quatuor epistolas scripsit, unam indictione 9. anno suæ ordinationis primo, Christi vero 390. quæ extat *lib. 1. num. 38.* alteram eodem anno, quæ extat *lib. 2. num. 64.* tertiam indictione 53. anno suæ ordinationis quinto, Christi vero 395. quæ extat *lib. 5. num. 2.* quartam de construenda basilica a Januario subdiacono fundata, quæ refertur *lib. 1. num. 10.* sed extra locum: in hoc enim libro ex tantum epistolæ referri debent, quas Gregorius sub finem vitæ scripsit. Felici suecessit Donus, ad quem Gregorius scripsit quatuor item epistolas, unam, qua pallii usum ei concessit indictione 14. anno suæ ordinationis sexto, Christi vero 396. quæ extat *lib. 5. num. 8.* alteram eodem anno, quæ extat *lib. 5. num. 39.* tertiam indictione prima, anno suæ ordinationis octavo, Christi vero 398. quæ extat *lib. 7. num. 48.* quartam indictione 4. anno ordinationis suæ undecimo, Christi vero 601. quæ extat *lib. 1. num. 46.*

2. In hac epistola referuntur verba quædam petita ex capite 5. concilii Toletani XI. quod anno 675. celebratum est: "Nullis vita præsumum perturbari debet excessibus: quia valde indignum est, ut hi, qui throni Dei vocantur, aliqua motione turbentur."

3. In eadem decretum; quo matrimonium usque ad septimam generationem prohibetur, iisdem omnino verbis refertur, quibus a Gregorio III. sancitum est in *epistola 1. ad Bonifacium Germaniæ apostolum, cap. 5.*

4. Uterque Gregorius II. & III. ab eodem Bonifacio consultus, in quorū generatione matrimonium Germanis recens conversis permittendum esset; neuter in sua responsione adducit auctoritatem Gregorii magni, qui tamen in simili causa ab Augustino Angliæ apostolo consultus, "Usque ad quotam generationem fideles debeant cum propinquis sibi coniugio copulari: "Anglis recens conversis, eo quod" firma radice in fide nondum solidati essent, "permisit, ut in tertia vel quarta generatione matrimonium inirent. Refertur autem hoc responsum in asserta Gregorii epistola ad Felicem: quam si uterque Gregorius putavit esse Gregorii magni, euz neuter in simili causa ejus auctoritatem adduxit?

5. Integra fere epistola ex ipsissimis vel Gregorii in aliis epistolis & in pastoralibus, vel aliorum auctorum verbis contexta est. Hæc enim verba, *opus nostrum* &c. ad hæc usque, *mentis non faciemus*, quibus hæc epistola inchoatur, excerpta sunt ex libro 7. par. 2. *epist. 111.* initio. Hæc etiam verba, quæ proxime sequuntur, *Exercis dilectio tua* &c. usque ad *latus perquiratur*; eadem habentur initio epistolæ 2. quæ Cornelio Papæ tribuitur: item hæc verba, quæ nonnullis interjectis sequuntur, *nihil per consensionem agentes*, usque ad *parcamus*, referuntur in epistola 88. Leonis magni cap. 2. Item hæc verba, quæ proxime sequuntur, *O quam bona est charitas* &c. usque ad *jam nequeamus*; extant *lib. 5. epist. 30.* initio. Item hæc verba, quæ paulo post sequuntur: *Si igitur in rebus secularibus* &c. usque ad *aquisatib; tribuitur*; habentur *lib. 7. par. 2. epist. 110.* initio. Item hæc verba, quæ proxime sequuntur, *multum cor nostrum* &c. usque ad *acquirant*; deprompta sunt ex libro 7. par. 2. *epist. 94.* initio. Item hæc verba, quæ proxime sequuntur; *nullis vita præsumum* &c. usque ad *turbentur*; excerpta sunt ex Concilio Toletano XI. *cap. 5.* initio. Item hæc verba, quæ paucis interjectis sequuntur: *ne præpositorum suorum* &c. usque ad *recusens*; referuntur in pastoralibus par. 3. *admon. 5.* circa medium. Item hæc verba, quæ proxime sequuntur: *quoniam facta suorum* &c. usque ad *videntur*; extant in eodem pastoralibus, *ibidem*, sub finem. Item hæc verba, quæ proxime sequuntur; *quia cum in præpositos delinquimus* &c. usque ad *contra Deum*; habentur in eodem pastoralibus, *ibidem*, in fine. Item hæc verba, quæ paucis interjectis sequuntur: *unde redemptoris misericordiam* &c. usque ad *angetur*; deprompta sunt ex libro 7. par. 2. *epist. 94.* post initium. Item hæc verba, quæ proxime sequuntur: *progeniem verosam* &c. usque ad *generationem*; recenentur in *epistola 2.* Gregorii III. ad Bonifacium cap. 5. Item hæc verba, quæ proxime sequuntur: *Quamdiu se affinis agnoscent propinquos*, ad hujus copulæ non accedere societatem præsumant; excerpta sunt in *epistola 13.* Gregorii II. ad Bonifacium cap. 1. Item hæc verba, quæ paucis interjectis

sequuntur : *paterma vos dilectione* &c. usque ad *complectas* : eadem habentur *lib. 7. parte 2. quæst. 94.* in medio. Item hæc verba quæ post nonnulla sequuntur : *sunt enim mali segregandi a bonis* &c. referuntur apud Hincmarum *libro de divorzio Lotharii & Tembergæ*. Item hæc verba, quæ sequuntur : *manifesta quæque peccata* &c. sententia est S. Ildori *lib. 3. sentent. cap. 46.* Item hæc verba, quæ post pauca sequuntur : *unde volumus omnes* &c. usque ad *excludimur* : extant *lib. 7. par. 2. epist. 111.* sub finem. Item hæc verba, quæ paucis interiectis sequuntur : *circa subjectionum altius* &c. usque ad *videamur* : reconfertur *lib. 7. par. 2. epist. 113.* in fine. Postrema denique verba, quæ prioribus proxime subiunguntur : *omnipotens Deus* &c. usque ad *amen* : eadem sunt quibus concluditur *epist. 90. libri 4.*

Ex his apparet hanc epistolam consarcinatam fuisse post concilium Toletanum XI. quod anno 675. coactum est, post Gregorium II. qui electus anno 714. obiit anno 731. & post Gregorium III. qui creatus Pontifex anno 731. e vivis excessit anno 741. Suppositam vero fuisse post Hincmarum tempora qui ex monacho creatus Remensis archiepiscopus anno 845. fato functus est anno 882. non facile crediderim. Ille siquidem sententias ex adulteriis, quæ in collectione Ildori Mercatoris extant, pontificiis epistolis (supposito pontificum nomine) refert in eodem libro *de divorzio Lotharii* : quas tamen epistolas, priusquam Hincmarus scriberet, fistas fuisse constat. Cum hæc igitur, de qua nunc agimus, epistola in eadem Ildori collectione repesiatur, & inde in opera Gregorii magni translata fuerit, nihil repugnat quominus ab eodem auctore, eodemque tempore supposita existimeretur, quo ceteræ pontificum epistolæ, nempe circa medium seculi VIII.

S. 14. *Liber de divinis officiis, Alcuino adscriptus.*

Auctor hujus libri cap. *de sabbato sancti Pasche*, ritus describit, quibus olim Confirmatio neophytis administraretur. "Postquam pontifex baptizaverit, vel quibus jussit ipse (patrini) levant ipsos infantes in manibus, & offerunt eos uni de presbyteris. Ipse vero (presbyter) facit crucem de chrismate cum pollice in vertice eorum dicens : Deus omnipotens &c. Postquam vero vestiti fuerint, deportantur ante pontificem ad confirmandum, quibus dat singulis stolam candidam, chrismalem, & decem siliquas, & sic vestiuntur. Et postquam induti fuerint, dicit pontifex super eos orationem, imposita scilicet manu super capita eorum, cum invocatione septiformis gratiæ Spiritus sancti. Omnipotens sempiterne Deus &c. Hæc finita, facit crucem de chrismate cum pollice in singulorum frontibus, ita dicendo : in nomine Patris & Filii & Spiritus sancti, pax tibi. Respondeant omnes : & cum spiritu tuo. Hæc verba sunt salutationis ad novum hominem, qui regeneratur. Sane illud præcavendum est, ut hoc non negligatur : quia in hoc omne baptismum legitimum christianitatis nomine confirmatur. Sed & hoc prævidendum est, ut nullum cibum accipiant, neque laetentur, antequam communicent (tunc enim infantes jejuni confirmabantur & eucharistiam suscipiebant.) Omni autem die, usque in octavas, ad missam veniant, & communicent : parentes vero oblationes pro ipsis faciant. Similiter & in pentecoste omnia fiant. De hac vero Confirmatione sanctus Innocentius Papa non ab alio, quam ab episcopo fieri licere asserit. "Mox integrum refert Innocentii decretum ad Decentium, statimque modum proponit, quo infirmus baptizati, communicari & confirmari debet, monens illum prius communicandum, quam confirmandum esse. "Communicas, inquit, & confirmas eum : post ministratam Confirmationem, "Septem, quintanæ & ternæ litanie pro renascentibus recitantur : pontifex & ministri e sacratio exeunt ad missam celebrandam. Cantor excelsa voce clamat, *accendite*. Illuminantur cerei omnes, quos neophyti præ manibus habent. Inchoatur missa, & quicquid in ea recitatur usque ad evangelium, voce ministrorum ad neophytos dirigitur.

Ar, inquit Antiochus de Dominis *lib. 5. cap. 5. num. 24.* Alcuinus in textu citato monet, "Præcavendum esse, ut hoc non negligatur, quia in hoc omne baptismum legum, tumum christianitatis nomine confirmatur." Hæc igitur unctio non est sacramentum Confirmationis, sed est confirmatio sacramenti baptismi, ideoque ad baptismum pertinet.

Respondeo 1. ex Rabano *lib. 1. de inst. cleric. cap. 29.* "Corpore & sanguine domini, eo omne præcedens sacramentum (baptismus, ejusque ceremonias intelligit) in eo, (neophyto) confirmatur. "Ideone ex mente Rabani eucharistia pertinet ad baptismum? 2. Ex textu relato apparet unctionem & manus impositionem, non modo confirmationem esse baptismi, sed etiam sacramentum proprie dictum & a baptismo diversum. Eis enim assignat diversum ministerium, diversum effectum, diversumque tempus, quin etiam in infirmis recens baptizatis Confirmationi eucharistiam præponit. Sed eucharistia non pertinet ad baptismum; quanto minus Confirmatio, quæ in infirmis eucharistia postponitur. 3. Unctio & manuum impositio baptismum confirmare dicuntur, quia gratiam baptismalem perficiunt & præstant ut neophyti sine perfecte christiani, eoque nomine digni sint: sicut ex Rabano eucharistia baptismum confirmat seu perficit, licet ab eo proorsu differat.

Quis fueris hujus operis auctor.

Cæterum opus de divinis officiis, sæculo IX. scriptum fuisse concedunt omnes eruditi, sed de ejus auctore ab invicem discedunt. Baronius & Bellarminus pro certo habent, illud esse genuinum Alcuini factum. Sed ut ab hac sententia recedam, multa faciunt. 1. Alcuinus natione Anglus erat; auctor vero hujus operis se Gallum esse, *cap. de singulis vestibus* testatur. "Hujusmodi vestis, inquit, non habetur in Romanâ ecclesia vel in nostris regionibus; non enim moris est, ut pileati divina mysteria, celebrant. Apud Græcos autem hoc dicitur, quibus pileos, id est, cuphias gestant in capite, dum assistunt altaribus." Et paucis interjectis: "Hujusmodi habitus (loquitur de femoralibus, quæ sacerdos sacrificaturus induerat) ita notus est in nostris regionibus, ut ex eo Gallia Braccata cognominata sit." 2. Hinc apparet, auctorem hujus operis e Gallia Braccata seu Narbonensi ortum, & in ea versatum esse. Sed Alcuinus, ut qui abbas esset S. Martini Turoensis, versabatur in Gallia Celtrica: ipsum Amalarius, cum puer esset, audiebat, eumque rorarius suæ regionis magistrum vocat in *antiphonario cap. 58.* 3. Ex Alcuino in *epistola* ad Oduinum presbyterum, neophyti omnes eucharistiam prius accipiebant, quam confirmarentur: ex libro de divinis officiis e contratio neophyti, qui sani sunt, prius confirmantur, quam eucharistiam accipiant. 4. Neque Trithemius, neque Sixtus Senensis, neque alii, qui scriptorum ecclesiasticorum catalogum texuerunt ante sæculum XVII. opus illud Alcuino tribuunt. 5. Amalarius Alcuini discipulus; qui ipsum lubens & frequens citat, ea ipsa referens, quæ puer ab eo dederat, (videbis ejus *antiphonarium cap. 58. & 67.*) neque in quatuor libris de *ecclesiasticis officiis*, neque in *antiphonario*, laudat Alcuinum in libro de *divinis officiis*; quamvis eandem materiam, idemque argumentum ibi tractet, quod in libro de *divinis officiis* pertractatur. 6. Amalarius caeremoniarum ecclesiasticarum rationes afferens, Bedam sæpius citat: quanto magis ille cisasset Alcuinum in libro de *divinis officiis*, ubi caeremoniarum egregiæ rationes passim afferuntur. 7. Amalarius se Alcuini discipulum gloriatur, ejusque doctrinam sequi se proficitur. At qui Amalarius lib. de *ecclesiasticis officiis cap. 26.* approbat caeremoniam, quæ, clamante sacerdote, ut Spiritus sancti virtus in aquam descenderet, neophyti suos cerceos in aquam immittebant; quem tamen ritum velut ab imperiis observatum improbat auctor libri de *officiis divinis, cap. de sabbato sancti pasche.* 8. Auctor ille *cap. de festivitate omnium sanctorum*, refert decretum, quo "constitutum est, ut plebs universa per totum orbem in calendis Novembris, sicut in die natalis Domini, ad ecclesiam in honore omnium sanctorum ad missarum solemniam convenire studeat." Atqui Alcuini tempore festivitas om-

nium sanctorum nec in Gallia nec in Germania celebrabatur, quemadmodum apparet ex canone 36. concilii Moguntini jussu Caroli magni anno 813. coacti, ubi recensentur festivitates omnes, quæ per annum a fidelibus in Gallia & Germania observari debent. Id etiam constat ex Sigeberto, qui refert Gregorium IV. monuisse Ludovicum Pium anno 835. ut in Gallia & Germania festivitas omnium sanctorum calendis Novembris celebraretur, quam Romani ex Bonifacii I. instituto celebrare consueverant: quod cum ab ipso imperatore, tum ab omnibus Galliarum atque Germaniarum episcopis mira consensione & gratulatione acceptum fuit. Ea est ratio, cur in Galliarum & Germaniarum synodis ante hæc tempora coactis nulla fiat mentio hujusce festivitat: in synodis vero postea mentio fiat, ut in capitulis Heraldi Turonensis in synodo Tuzomeni anno 818. promulgatis, cap. 61.

Libet igitur de divinis officiis post annum 835. scriptus est. Quo autem anno, determinatu difficile est. Plura in eo referuntur, quæ totidem verbis habentur in libris de ecclesiasticis officiis, quos Amalarius ad annum 830. composuit, quemadmodum apparebit conferenti librum de divinis officiis, cap. de purificatione S. Mariæ: cum Amalario lib. 3. cap. 43. item librum de divinis officiis, cap. de septuagesima: cum Amalario lib. 1. cap. 1. item librum de divinis officiis, cap. de S. Joanne Baptista: cum Amalario lib. 3. cap. 38. item librum de divinis officiis, cap. officium: vir erat in terra Huius cum Amalario lib. 3. cap. 39.

S. 15. Commentarii in epistolas Paulinas, qui extant inter
opera Anselmi Cantuariensis.

Auctor hujus operis in cap. 6. epistola ad Hebræos, ad hæc Pauli verba, non rursum *facientes fundamentum* &c. meminit Confirmationis neophytorum, & asserit eam iterari non posse, in ea includi impositionem manuum episcoporum, per eam dari Spiritum sanctum ad remissionem & corroborationem, eamque veritatem firmiter credendam esse. *“Nec iterum, inquit, facientes fundamentum impositionis manuum episcoporum in Confirmatione neophytorum, sed firmiter illud retineatis, qui enim non credit, quod per manuum impositionem datur Spiritus sanctus ad remissionem & corroborationem, non est fundatus. Talis est quicumque putat carnales observantias invare ad acceptionem Spiritus sancti, qui per manus impositionem accipitur.”*

Neque adversarii nobis objiciant, in eo textu doceri remissionem peccatorum unum esse ex Confirmationis effectibus, atque adeo ejus effectum a baptismali non distingui. 1. Quia ex sententia Lutheranorum & Calvinistarum, omnia sacramenta instituta sunt ad remissionem peccatorum, licet ab invicem differant. 2. Quamvis eucharistia a baptismo, & poenitentia distinguatur, in omnibus tamen liturgiis habentur peccata, quibus oratur Deus, ut faciat hoc sacramentum nobis esse in remissionem peccatorum. 3. Confirmatio dici potest conferri ad remissionem peccatorum: sive quia prodest ad declinanda peccata mortalia, quorum conscientiam non habemus: sive quia prodest ad declinanda peccata venialia, charitatem enim baptismalem adauget, adcoque creaturarum affectum imminuit: sive quia ex propria ratione sacramenti convenit ei peccata venialia tollere. Hæc enim peccata debilitant quodammodo Spiritum, & quemdam animi languorem inducunt. Confirmatio autem id proprium habet, ut christianum corroboret, & ad pugnam armis instruat.

Quis hujus operis auctor fuerit, an Anselmus, Cantuariensis archiepiscopus, & Lanfranci discipulus, qui in ejus locum anno 1093. successit, obiit anno 1099. an Hervæus Natalis, Brito, ordinis prædicatorum magister generalis, qui floruit ab anno 1300. ad 1325. incertum est. Bellatminus in libro de scriptoribus, Hervæum illud describit. 1. Quia hoc opus tam prolixum & magnum non enumeratur ab Edmundo, qui Anselmo familiaris fuit, & omnia ejus opera, eo ordine, quo ab ipso scripta fuerunt, minute recenset. 2. Quia Hervæi nomen habet vetus inscriptio. 3. Quia hæc sententia

Pati-

Parisiensi anni 1544. Hervæo tribuuntur. 4. Quia hæc commentaria contexta sunt ex aliorum explanationibus, & sæpe leviora sunt, quam esse soleant scripta S. Anselmi. Theologi tamen illud opus Anselmo communiter tribuunt; nec enim Edinerus ea omnia opera enumeravit, quæ ab Anselmo scripta sunt, quemadmodum apparet ex tractatibus *de processione Spiritus sancti, de azymo & fermentato, & de diversitate sacramentorum*; quæ tria, licet ab Edinero prætermissa, tamen ut germana S. Anselmi opera Bellarminus agnoscit. Scribit enim Edinerus lib. 2. *vita Anselmi*, quæ apud Surium extat die 21. Aprilis, cum jussu Urbani II. in concilio Barensi disputasse cum Græcis, eosque convicisse: credibile vero est eas disputationes ab eodem Anselmo litteris fuisse mandatas. Adde, quod opusculum *de azymo*, & alterum *de diversitate sacramentorum*. Anselmi stylum redoleant, & præfixam habeant epistolam ejusdem Anselmi ad Valramum episcopum: & in priore libro fiat mentio libri *de processione Spiritus sancti* ab eodem Anselmo conscripti. Denique Sixtus Senensis eidem Anselmo tribuit *explicationem in Genesim, Exodum, Leviticum, Numeros, Deuteronomium, Josue, & Judges*: quorum tamen commentariorum Edinerus non meminit.

F I N I S. -





